

SC. 21. Pl. 7.



MAG 1255

THEOLOGIA
REFORMATA
AB INNOCENTIO
UNDECIMO.

1577 Augustini meiphen de lue

THEOLOGY

ATAMROEE

ORTHODOXIA

OMIDCNU

THEOLOGIA
REFORMATA,
QUA PLURES ENODANTUR
MORALES DIFFICULTATES
EX MENTE SS. D.N.
INNOCENTII
PAPÆ XI.

AUCTORE

R. P. DIDACO
DE LA FUENTE HURTADO,
Societatis JESU Theologo.



A.

HISPALI, MDCCI.
EX TYPOGRAPHIA,
J. Thomæ Lopez de Haro .

AT A PUBLIC SALE
OF THE
LANDS
OF THE
COUNTY OF
DUBLIN
BY
JAMES
W. G. G. G.

AND
BY
JAMES
W. G. G. G.

AND
BY
JAMES
W. G. G. G.



DECRETUM SS. D.N. INNOCENTII XI.

FERIA V. DIE 2. MARTII 1679.

IN GENERALI CONGREGATIONE SANCÆ
Romana, & Universalis Inquisitionis habita in Palatio Apostolico Vati-
cicano coram Sanctissimo D. N. D. Innocentio Divina Providentia Pape XI.
ac Eminentissimis, & Reverendissimis Dominis S. R. E. Cardinalibus in
tota Republica Christiana contra Hæreticam pravitatem Generalibus In-
quisitoribus à Sancta Sede Apostolica specialiter deputatis.



Antiquissimus D. N. Inno-
centius Papa XI. prædi-
ctus ovium sibi à Deo
creditarum salutis sedulo
incumbens, & salubre
opus in segregandis noxiis
doctrinarum pascuis ab

innocuiis à fel. record. Alexandro VII. Præ-
decessore suo inchoatum prosequi volens :
plurimas propositiones partim ex diversis
vel libris, vel thesibus, seu scriptis excer-
ptas, & partim noviter adinventas; Theolo-
gorum plurium examini, & deinde Emi-
nentissimis, & Reverendissimis Dominis
Cardinalibus contra hæreticam pravitatem
Generalibus Inquisitoribus subjecit. Qui-
bus propositionibus sedulo, & accuratè sa-
pius discussis, eorumdem Eminentissimo-
rum Cardinalium, & Theologorum votis
per Sanctitatem suam auditis : Idem San-
ctissimus D. N. re postea maturè considera-
ta, statuit, & decrevit : pro nunc sequentes
propositiones, & unamquamque ipsarum, si-
cut jacet, ut minimum tanquam scandalosas,
& in praxi perniciosas, esse damandas, & prohibendas,
sicut eas damnat, & prohibet.
Non intendens tamen Sanctitas sua per hoc

Tholog. Reform.

Decretum alias propositiones in ipso non
expressas, & Sanctitati suæ quomodolibet,
& ex quacunque parte exhibitas, vel
exhibendas ullatenus approbare.

1 Non est illicitum in Sacramentis con-
ferendis sequi opinionem probabilem de va-
lore Sacramenti, relicta tutiore, nisi id ve-
ter lex, conventio, aut periculum gravis
damni incurrendi. Hinc sententia probabili
tantum utendum non est in collatione Ba-
ptismi, Ordinis Sacerdotalis, aut Episco-
palis.

2 Probabiliter existimo, Judicem posse
judicare juxta opinionem etiam minus pro-
babilem.

3 Generatim dum probabilitate, siue in-
trinseca, siue extrinseca, quantumvis tenui,
modò à probabilitatis finibus non exeat,
confissi aliquid agimus, semper prudenter
agimus.

4 Ab infidelitate excusabitur Infidelis
non credens ductus opinione minus proba-
bili.

5 An peccet mortaliter, qui actum dile-
ctionis Dei semel tantum in vita eliceret,
condemnare non audemus.

6 Probabile est, ne singulis quidem ri-
gorose

A

gorosè quinquennis per se obligare præceptum charitatis erga Deum.

7 Tunc solum obligat, quando tenemur justificari, & non habemus aliam viam, qua justificari possumus.

8 Comedere, & bibere usque ad saturationem solum voluptatem, non est peccatum, modò non obstat valetudini: quia licitè potest appetitus naturalis suis actibus frui.

9 Opus conjugii ob solum voluptatem exercitum omni penitus caret culpa, ac defectu veniali.

10 Non tenemur proximum diligere actu interno, & formali.

11 Præcepto proximum diligendi satisfacere possumus per solos actus externos.

12 Vix in secularibus invenies, etiam in Regibus, superfluum statui. Et ita vix aliquis tenetur ad eleemosynam, quando tenetur tantum ex superfluo statui.

13 Si cum debita moderatione facias, potes absque peccato mortali de vita aliquis tristari, & de illius morte naturali gaudere, illam inefficaci affectu petere, & desiderare, non quidem ex displicentia personæ, sed ob aliquod temporale emolumentum.

14 Licitum est absoluto desiderio cupere mortem Patris, non quidem, ut malum patris, sed ut bonum cupientis, quia nimirum ei obvenitura est pinguis hereditas.

15 Licitum est filio gaudere de parricidio Parentis à se in ebrietate perpetrato propter ingentes divitias inde ex hereditate consecutas.

16 Fides non censetur cadere sub præcepto speciale, & secundum se.

17 Satis est, actum fidei semel in vita elicere.

18 Si à potestate publica quis interrogetur, fidem ingenuè confiteri, ut Deo, & fidei gloriosum consulo; tacere, ut peccaminosum per se non damno.

19 Voluntas non potest efficere, ut assensus fidei in se ipso sit magis firmus, quam mereatur pondus rationum ad assensum impellentium.

20 Hinc potest quis prudenter repudiare assensum, quem habebat supernaturalem.

21 Assensus fidei supernaturalis, & utilis ad salutem stat cum noticia solum pro-

babili revelationis; immò cum formidine, qua quis formidet, ne non sit locutus Deus.

22 Non nisi fides unius Dei necessaria videtur necessitate medijs non autem explicita Remuneratoris.

23 Fides latè dicta ex testimonio creaturarum, similivè motivo, ad justificationem sufficit.

24 Vocare Deum in Testem mendacii levis non est tanta irreverentia, propter quam velit, aut possit damnare hominem.

25 Cum causa licitum est jurare sine animo jurandi, si res sit levis, si gravis.

26 Si quis, vel solus, vel coram aliis, si interrogatus, si propria spontè, si recreationis causa, si quocumque alio fine juret, se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, revera non mentitur, nec est perjurus.

27 Causa justa utendi his amphibologiis est, quoties id necessarium, aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio censeatur tunc expediens, & studiosa.

28 Qui mediane commendatione, vel munere ad Magistratum, vel Officium publicum promotus est, poterit cum restrictione mentali præstare juramentum, quod de mandato Regis à similibus solet exigi, non habito respectu ad intentionem exigentis, quia non tenetur fateri crimen occultum.

29 Urgens metus gravis est causa justa Sacramentorum administrationem simulandi.

30 Fas est viro honorato occidere in vasorem, qui nititur calumniam inferre, si aliter hæc ignominia vitari nequit; idem quoque dicendum, si quis impingat alapam, vel fuste percutiat, & post impactam alapam, vel ictum fustis fugiat.

31 Regulariter occidere possum furem pro conservatione unius auri.

32 Non solum licitum est defendere defensione occisiva, quæ actu possidemus, sed etiam ad quæ jus inchoatum habemus,

mus, & quæ nos possessuros speramus.

33 Licitum est tam hæredi, quam legatario contra injustè impediementem, ne vel hæreditas adeatur, vel legata solvantur, se taliter defendere, sicut & jus habenti in Cathedrali, vel Præbendam contra eorum possessionem injustè impediementem.

34 Licet procurare abortum antè animationem foetus, ne puella deprehensa gravida occidatur, aut infametur.

35 Videtur probabile, omnem foetum, quandiu in utero est, carere anima rationali, & tunc primum incipere eandem habere, cum paritur: ac consequenter dicendum erit, in nullo abortu homicidium committi.

36 Permissum est furari, non solum in extrema necessitate, sed etiam in gravi.

37 Famuli, & famulae domesticæ possunt occultè heris suis subripere ad compensandam operam suam, quam majorem iudicant salario, quod recipiunt.

38 Non tenetur quis sub poena peccati mortalis restituere, quod ablatum est per parva furti, quantumcumque sit magna summa totalis.

39 Qui alium movet, aut inducit ad inferendum grave damnum tertio, non tenetur ad restitutionem istius damni illati.

40 Contractus Mohatra licitus est, etiam respectu ejusdem personæ, & cum contractu retrovenditionis præviæ inito, cum intentione lucri.

41 Cum numerata pecunia pretiosior sit numeranda, & nullus sit, qui non majoris faciat pecuniam præsentem, quam futuram, potest creditor aliquid ultrà sortem à mutuatario exigere, & eo titulo ab usura excusari.

42 Usura non est, dum ultrà sortem aliquid exigitur tanquam ex benevolentia, & gratitudine debitum, sed solum si exigitur tanquam ex justitia debitum.

43 Quidni, non nisi veniale sit, detrahentis auctoritatem magnam sibi noxiam falso crimine elidere?

44 Probabile est, non peccare mortaliter, qui imponit falsum crimen alicui, ut suam justitiam, & honorem defendat. Et si hoc non sit probabile, vix ulla erit opinio probabilis in Theologia.

45 Dare temporale pro spirituali non est simonia, quando temporale non datur tanquam pretium, sed dumtaxat tanquam mo-

tivum conferendi, vel efficiendi spirituale: vel etiam quando temporale sit solum gratuita compensatio pro spirituali, aut è contra.

46 Et id quoque locum habet, etiam si temporale sit principale motivum dandi spirituale; immò etiam si sit finis ipsius rei spiritualis, sic ut illud pluri aestimetur, quam res spiritualis.

47 Cum dixit Concilium Tridentinum, eos alienis peccatis communicantes mortaliter peccare, qui, nisi quos digniores, & Ecclesiæ magis utiles ipsi judicaverint, ad Ecclesiæ promovent; Concilium vel primò videtur per hoc digniores non aliud significare velle, nisi dignitatem eligendorum, sumpto comparativo pro positivo; vel secundò locutione minus propria ponit digniores, ut excludat indignos, non verò dignos; vel tandem loquitur tertio, quando sit concursus.

48 Tam clarum videtur, fornicationem secundum se nullam involvere malitiam, & solum esse malam, quia interdicta, ut contrarium omnino rationi dissonum videatur.

49 Mollities jure naturæ prohibita non est. Unde si Deus eam non interdixisset, sæpè esset bona, & aliquando obligatoria sub mortali.

50 Copula cum conjugata, consentiente marito, non est adulterium; adeoque sufficit in confessione dicere, se esse fornicatum.

51 Famulus, qui submissis humeris scienter adjuvat herum suum ascendere per fenestras ad stuprandum virginem, & multoties eidem subservit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta, ne à Domino malè tractetur, ne torvis oculis aspiciatur, ne domo expellatur.

52 Præceptum servandi festa non obligat sub mortali, seposito scandalo, si absit contemptus.

53 Satisfacit præcepto Ecclesiæ de audiendo Sacro, qui duas ejus partes, immò quatuor simul à diversis Celebrantibus audit.

54 Qui non potest recitare Matutinum, & Laudes, potest autem reliquas Horas, ad nihil tenetur, quia major pars trahit ad se minorem.

55 Præcepto Communionis annuæ satisficit per sacrilegam Domini manducationem.

56 Frequens Confessio, & Communio, etiam in his, qui geniliter vivunt, est nota prædestinationis.

57 Probabile est, sufficere attritionem naturalem, modò honestam.

58 Non tenemur Confessario interroganti fateri peccati alicujus consuetudinem.

59 Licet sacramentaliter absolvere dimittat tantum confessos ratione magni concursus Pœnitentium, qualis v.g. potest contingere in die magnæ alicujus festivitatis, aut Indulgentiæ.

60 Pœnitenti habenti consuetudinem peccandi contra legem Dei, Naturæ, aut Ecclesiæ, etsi emendationis nulla spes appareat, nec est neganda, nec differenda absolutio; dummodo ore proferat, se dolere, & proponere emendationem.

61 Potest aliquando absolvi, qui in proxima occasione peccandi versatur, quam potest, & non vult omittere, quinimmò directè, & ex proposito querit, aut ei se ingerit.

62 Proxima occasio peccandi non est fugienda, quando causa aliqua utilis, aut honesta non fugiendi occurrit.

63 Licitum est querere directè occasionem proximam peccandi pro bono spirituali, vel temporali nostro, vel proximi.

64 Absolutionis capax est homo, quantumvis laboret ignorantia Mysteriorum Fidei, & etiam si per negligentiam, etiam culpabilem nesciat Mysterium Sanctissimæ Trinitatis, & Incarnationis Domini nostri Jesu Christi.

65 Sufficit illa Mysteria semel credidisse.

Quicumque autem cujusvis conditionis, status, & dignitatis illas, vel illarum aliquam conjunctum, vel divisim defenderit, vel ediderit, vel de eis disputativè, publicè, aut privatim tractaverit, vel prædica verit, nisi forsitan impugnando, ipso facto incidat in excom-

municationem latæ sententiæ, à qua non possit (præterquam in articulo mortis) ab alio quacumque etiam dignitate fulgente, nisi pro tempore existente Romano Pontifice, absolvi.

Insuper districtè in virtute Sanctæ Obedientiæ, & sub interminatione Divini judicii prohibet omnibus Christifidelibus cujuscumque conditionis, dignitatis, & status, etiam speciali, & specialissima nota dignis, ne prædictas opiniones, aut aliquam ipsarum ad praxim deducant.

Tandem, ut ab injuriosis contentionibus Doctores, seu Scholastici, aut alii quicumque in posterum se abstineant, & ut paci, & charitati consulatur, idem Sanctissimus in virtute Sanctæ Obedientiæ eis præcipit, ut tam in libris imprimendis, ac manuscriptis, quam in The-sibus, Disputationibus, ac Prædicationibus caveant ab omni censura, & nota, nec non à quibuscumque conviciis contra eas propositiones, quæ adhuc inter Catholicos hinc inde controvertuntur, donec à S. Sede recognita super eisdem propositionibus judicium proferatur.

Franciscus Riccardus Sanctæ Romanæ, & Universalis Inquisitionis Notarius.

Locus ✠ Sigilli.

Anno à nativitate D. N. Jesu Christi millesimo sexcentesimo septuagehmo nono, Indictione secunda, die vero 4. mensis Martii, Pontificatus autem Sanctiss. in Christo Patris, & D. N. D. Innocentii Divina Providentia Papæ XI. anno tertio, supradictum Decretum assensum, & publicatum fuit ad valvas Basilicæ Principis Apostolorum, Cancellaria Apostolica, ac in acie Campi Floræ, ac in aliis locis solitis, & consuetis Urbis per me Franciscum Petrinum, ejusdem Sanctiss. D. N. Papæ, & Sanctissima Inquisitionis Cursorem.

DECRETUM ALEXANDRI VII.

5

die 24. Septembris 1665.

Sanctissimus D.N. audivit non sine magno animi sui moerore complures opiniones Christianæ Disciplinæ relaxativas, & animarum perniciem inferentes, partim antiquatas iterum suscitari, partim noviter prodire: & summam illam luxuriantium ingeniorum licentiam in dies magis exolescere, per quam in rebus ad conscientiam pertinentibus modus opinandi irrepsit alienus omnino ab Evangelica simplicitate, Sanctorumque Patrum doctrina; & quem si pro recta regula fideles in praxi sequerentur, ingens eruptura esset Christianæ vitæ corruptela. Quare ne ullo unquam tempore viam salutis, quam suprema veritas Deus, cujus verba in æternum permanent, arctam esse definivit, in animarum perniciem dilatari, seu verius perverti contingeret, idem Sanctissimus D. N. ut oves sibi creditas ab ejusmodi spatiosa, lataque, per quam itur ad perditionem, via pro pastoralis sollicitudine in rectam semitam evocaret, earumdem opinionum examen pluribus in Sacra Theologia Magistris, & deinde Eminentissimis, & Reverendissimis DD. Cardinalibus contra hæreticam pravitatem Generalibus Inquisitoribus seriò commisit. Qui tantum negotium strenuè aggressi, eique sedulò incumbentes, & maturè discussis usque ad hanc diem infrascriptis propositionibus, super unaquaque ipsarum sua suffragia Sanctitati suæ singillatim exposuerunt.

Hoc est Decreti præmium necessarium ad sequentia. Omittitur autem series thesium damnatarum, donec Deo dante explicentur.



PRO O E M I A L E S
 QUÆSTIONES
 CIRCA DECRETA MORALIA
 ALEXANDRI VII.
 E T
 INNOCENTII XI.
 QUÆSTIO PRIMA.

Dividens decreta in suas partes ,

IN decreto Alexandri 24. Septembris 1665. quatuor partes continentur . Prima est clamorosa insinuatio, quæ vim delationis, seu accusationis obtinuit, adversus quasdam opiniones de rebus ad conscientiam spectantibus partim ab antiquo sanctitatis, partim noviter inventas, ubi plura contra illas dicuntur, quæ ex eo præcisè, quod inibi dicantur, nullam fidem faciunt, sicut neque aliæ delationes, aut accusationes; sed solum sunt, fueruntque huic Pontifici occasio examinandi, ac inquirendi. Incipit hæc pars ab illis verbis *Sanctissimus D. N. auditus non sine magno animi sui dolore*, & in illis inclusivè terminatur: *Quem si pro rella regula fideles in praxi sequerentur, ingens eruptura esset Christianæ vitæ corruptela.*

2 Secunda pars incipit ab illis: *Quare*

ne ullo unquam tempore, & terminatur in illis, super unaquaque ipsarum sua suffragia Sanctitati suæ singillatim exposuerunt: ubi Pontifex proponit sufficienter opus, quod aggrediebatur, illudque clarioribus verbis exprimitur juxta ejus mentem in decreto Innocentii XI. 2. Martii 1679 ibi: *Salubre opus in segregandis noxiis doctrinarum passus ab innoxiiis à felicis recordationis Alexandro VII. Prædecessore suo inchoatum prosequi volens*, &c. Uterque autem exprimit quantam diligentiam adhibuerit ad ejusmodi discretionem faciendam, & quàm accuratè examinaverit unamquamque ex propositionibus sibi delatis, committendo earum examen pluribus in Theologia Magistris, & deinde Cardinalibus Inquisitoribus hæreticæ pravitatis, audiendo singillatim eorum suffragia circa unamquamque ipsarum. Additque Alexander, se id fecisse, ut oves sibi creditas ab ejusmodi spatiosa, lataque, per quam itur ad perditionem, via pro pastorali sollicitudine in rectam semitam evocaret.

De

De Innocentio verò initio sui decreti idem dicitur, ibi: *Sanctissimus D. N. Innocentius Papa XI. ovium sibi à Deo hereditarium saluti sedulo incumbens, & salubre opus in segregandis noxiis doctrinarum pascuis ab innoxiiis, &c.*

3 Tertia pars, relatis propositionibus, earum condemnationem continet. Alexander priori suo decreto 28. recensuit. Postea addidit alias 17. decreto edito die 28. Martii 1666. ut tota earum summa 45. contineat. Innocentius verò in præcitato decreto alias 65. adjecit idem institutum prosequens, ut tota ab ipsis damnatarum summa 110. nulla minis complectatur. Porro forma condemnationis sic se habet in illius decreto. *Idem Sanctissimus D. N. re postea maturè considerata, statuit, & decrevit: pro nunc sequentes propositiones, & unamquamque ipsarum, sicut jacent, ut minimum tanquam scandalosas, & in praxi perniciosas esse damandas, & prohibendas, sicuti eas damnat, & prohibet.* Similiter condemnationes suas Alexander proposuit. Nisi quod in secundo decreto tria illa verba omisit *Pro nunc. Ut jacent. Et in praxi perniciosas.* In priori verò etiam duo postrema, & vocem autem illam *Pro nunc* utcumque supplevit, cum ibi dixit, eas esse damnatas *Interea dum similium propositionum examini cura, & studio impenditur. Quo studio impenso, adjectisque de novo aliis propositionibus decem, & septem iis, quæ prius condemnatz fuerant, non fuit, cur deinceps adiceret, se interea id determinare.*

4 Cæterum vox illa *ut jacent*, etiam non expressa, sufficienter intelligitur, quia non aliter, nec alio modo hæreticæ propositiones, aut aliæ noxiæ doctrinæ condemnantur. Censura etiam illa propositionis *Perniciosa in praxi* solum videtur major explicatio causæ, seu motivi, cujus gratia tales propositiones scandalosæ dicuntur, nimirum, quia deducunt ad viam latam, per quam iter ad perditionem, ut Alexander in priori decreto expressit verbis allatis num. 2. quibus ista immediate præcesserant: *Quare ne ullo unquam tempore viam salutis, quam supremæ veritas Deus, cujus verba in æternumstant, arctam esse definiat, in animarum perniciem dilatarî, seu verius perverti contingeret, idem Sanctissimus D. N. &c.* Satis-

que ostendit, illas esse in praxi perniciosas, dum ea de causa prohibuit earum praxim.

5 Quarta pars est præceptiva, & duas diversas involvit. Alteram, qua ubilibet iisdem verbis Alexander, & Innocentius districte in virtute sanctæ obedientiæ, & sub interminatione Divini judicii prohibent omnibus Christi fidelibus cujuscunque conditionis, dignitatis, ac status, etiam specialis, & specialissima nota dignis, ne prædictas opiniones, aut aliquam ipsarum ad praxim deducant. Alteram verò, qua fulminant excommunicationem latæ sententiæ ipso facto incurrendam, sibi que reservatam adversus quemcumque, qui illas, vel aliquam illarum conjunctim, vel de eis disputativè publicè, aut privatim tractaverit, vel prædicaverit, nisi forsan impugnando. Ita Innocentius. Alexander verò in suis decretis adjecit verbum *docuerit*, & omisit verbum *prædicaverit*. Quas autem actiones istiusmodi prohibitio comprehendit, legi potest apud P. Salas *disp. 21. de legib. sect. 11.* circa expositionem illius vocis *Ediderit*, quæ pariter est adhibita in prohibitione interpretandi Concilium Tridentinum.

QUÆSTIO II.

Quid significetur, cum propositiones istæ, ut scandalosæ, damnantur?

6 IN genere, ut propositio scandalosa dicatur, non oportet, ut hæretica sit, temeraria, vel in fide erronea; sed sufficit, quòd suismet verbis scandalizet, hoc est, occasionem ruinæ spiritualis præbeat proximis in quavis materia; immò ut gradum propositionis damnabilis condistinctum ab illis gravioribus constituat, oportet, ut nullus ipsorum ei conveniat, sed hoc præcisè titulo, qui de se sufficiens est, condemnetur, quòd aliis in via salutis offendiculum, ruendique occasionem ponat. Quò spectat definitio illius apud Cordubam in *quest. lib. 1. qu. 17. §. 20.* ibi: *Propositio scandalosa est, quæ etiam si vera sit, scandalum, sive occasionem ruinæ præstat auditoribus, & maxime simplicibus, & infirmis.* Alii notam hanc in proposito coarctant ad peculiarem aliquam materiam, ut Baldellus tom. 2. lib. 1. *disp. 34.*

num. 11. & Puente Hurtado disp. 81. de fide. sect. 8. qui cum Suario disp. 19. de fide. sect. 2. num. 19. in fin. eam propositionem specialiter scandalosam definit: *Quæ in materia doctrinæ ad fidem pertinentis occasione errandi, vel malè sentiendi præbet fidelibus.*

7 Alii cum Saura de examine doctrin. cap. 6. fol. mibi 16. aliquanto amplius hoc extendunt, ibi: *Propositio scandalosa est illa, quæ sive vera, sive falsa sit, pusillis præsertim piis præbet occasionem ruendi in aliquem errorem, vel peccatum spectans ad iudicium Inquisitionis.* Sed longè melius, & exactius ipse ibidem, præudio 6. hisce verbis rem exponit: *Scandalosa propositio Theologicè est, quæ sive verè, sive probabiliter, sive improbabiler dicta, præbet occasionem ruinæ in materia morali, & ducit, aut movet ad executionem peccati, per modum dictaminis, & securæ doctrinæ.* Atque in hoc sensu condemnari puto à præfatis Pontificibus prædictas propositiones tanquam scandalosas. Tradebantur enim tanquam tutæ, atque securæ in praxi, & absque ullo incommodo animarum, aut Reipublicæ Christianæ exequibiles; è contrario autem Pontifices eas laxas, noxiæque putarunt, earumque praxim prohibuerunt tanquam Christianæ vitæ corruptelam, illasque indignas censuerunt, ut pro recta morum regula assumantur.

8 Ut res exactè explicetur, eum ex ratione terminorum supponatur, nullam propositionem esse scandalosam, nisi præbeat occasionem ruinæ spiritualis, diligenter inspicendum est, de qua ruina sermo sit, & quomodo illam præbeant ejusmodi opiniones, ut earum confixio iusta censetur. Ruina quidem spiritualis tunc contingit, cum inde aliqui occasionem sumunt errandi, malève sentiendi, aut opinandi in rebus fidei, aut morum, seu ad vitam æternam conducentibus, ad pietatemve, seu mores Christianæ religionis spectantibus, vel etiam pravè agendi, aut desistendi ab officiis, & exercitiis virtutum: & quidquid ejusmodi est, jure optimo scandalosum vocatur. Modus autem præbendi hanc occasionem, aut est per modum exempli, quia videlicet ex ejusmodi doctrinis publicè traditis propter auctoritatem docentium sumebant alii occasionem similiter opinandi, acquiescen-

dique ejusmodi opinionibus, vel de novo inveniendi, aut suscitandi alias antiquas eisdem similes in laxitate, defectuque securitatis, & periculo inducendi in ruinam aliquo modo ex suprâ enumeratis: vel præscindendo ab exemplo similiter opinandi in eisdem, aliisve materiis ad Christianam fidem, moreve spectantibus, scandalosæ esse possunt, apertiendo ostium viz latæ, ac parum tutæ, nam cum multi sint, qui intrent per eam, etiam in rebus distinctè prohibitis, meritò timendum est, longè plures intraturos, sublata prohibitionis clave, per hujusmodi opiniones ostendentes viam latam, ac promittentes ambulantibus per illam conscientia securitatem.

9 Et hoc interdum contingit, quia propositio ipsa, ut jacet, atque in suo proprio, & verò sensu intellecta, ejusmodi est; interdum verò quia diversos sensus admittit, servata proprietate verborum, & ratione suæ ambiguitatis, confusionis, aut obscuritatis, si publicè, ut jacet, tradatur, potest audientes implantare, ac decipere, ut eam intelligant in sensu absurdo, illaque licere putent, quæ illicita certò sunt, & perniciosa in praxi. Nam ejusmodi doctrinæ, dum clarius non exponuntur, & iusta æquivocatio imminens ab ipsis removetur, magnam mali speciem habent, atque id sufficit, ut tanquam scandalosæ improbentur. Unde opiniones, quæ isto modo scandalosæ sunt, dicuntur scandalosæ ostensivæ, seu per modum regulæ, securique dictaminis, cum verè tales non sint, sed parum tutæ, & nullatenus securæ in praxi: neque enim hic habet locum scandalum per modum suasionis, positivæquè inductionis, cum ex opiniones non suadeant sui praxim, aut usum, sed solum eam faciliorem hominibus ad ea, quæ favent proprio commodo, de se nimis propensis, & metum auferant amittendi æternam vitam, asserendo id esse tutum, quod in praxi securitatem non habet.

10 Porro hic modus scandalici aliqua doctrina imminens ex eo oriri primò potest, quod mala sit ejus praxis, & jure Divino, naturali, aut positivo prohibita, præscindendo ab aliis circumstantiis; & tunc opinio ipsa falsa erit, & alieni

alicui ex dictis iuribus positivè contraria. Vel secundo, ex eo quòd, licèt secundum se mala non sit, ob circumstantias tamen, quæ in exequutione illam ordinariè comitantur, sine peccato exerceri non solet, ut de parvitate materiæ in re venerca, aliisque quamplurimis doctrinis nonnulli philosophantur, quas proinde practicè improbabiles, falsas, atque perniciosas solent appellare, quamvis speculativè probabiles, & fortassè veræ videantur. Vel tertio, ex eo quòd, licèt praxis ipsa, atque exequutio in se mala non sit, neque ob circumstantias directè pertinentes ad ipsum operantem, speciem tamen mali, atque saporem habent, ratione cuius proximis præsertim ignorantes, ac infirmos possunt implanare, & in peccati ruinam trahere solent: & sicut hoc sufficit, ut actio ipsa scandalosa, nociva, aliisque perniciose censeatur, sic satis est, ut opinio, quæ omnibus inspectis eam licere tradit, per modum regulæ practicæ scandalosa dicatur, nisi periculum scandalì præcavendum esse doceat, & re ipsa sit in potestate agentis illud præcavere, & separare à sua actioe. Vel quarto, ex eo quòd, licèt actio neque mala sit, neque mali speciem habeat, nihilominus sumpta occasione ab eo quod liceat, est ipsi operanti, aut aliis prætextus, ratioque palliandi vera alia peccata, v. gr. simonias, aut usuras, quarum detectio, aut punitio Reipublicæ Christianæ magni refert.

11 Vel quinto, ex eo quòd inde plures occasionem fumant committendi alia peccata, tumultusque, aut contentiones, rixæ, ebrietates, relaxatio disciplinæ, aliaque id genus eveniant, aut prudenter eventura credantur. Nam licèt potius spectent ad scandalum passivum, cum opinio, aut actio ex natura sua id non ferunt, facile ad activum reducuntur, si antecedenter prænoscantur, & ratione huiusce prævisionis à multis operibus alioqui licitis abstinere coguntur ipsæ privatæ personæ; aut si id dubium sit, & sub opinione positum ratione consuetudinis, devotionis, aut alterius causæ, quæ reddit talem omissionem notabiliter incommo- dam, & jus conferre videtur ad contrarias actiones exercendas, non obstantia illi prævisione, nihilominus Reipublicæ

moderatores, ac præsertim Ecclesiastici, ad quos spectat cura evitandi peccata, & sanandi mores populi, iure optimo ratione scandalì ejusmodi actiones prohibent, quia hic, & nunc prudenter judicant esse medium necessarium ad præcavenda peccata, quæ à suis ovis maximè pusillis, & infirmis frequenter committuntur, sumpto exinde prætextu, & occasione. Huiusmodi opinionis, & actiones dicuntur scandalosæ ab eventu, vel per experientiam cognitio, vel præsumpto, si lex in præsumptione fundetur, vel prudenter credito ratione periculi, quod ex agentium, ac videntium circumstantiis omnibus inspectis imminet, etsi sola actio in se spectata licita alioqui esset, ac studiosa. Quomodo prohiberi solent conventus nocturni virorum, ac sceminarum, etiam instituti causa devotionis, ex. g. ad reliquias martyrum; visitatio Ecclesiarum in die Jovis Sancti post decimam horam noctis; ornatus aliqui sceminis consueti juxta patrium morem, quos experientia monstravit fuisse multis occasionem ruinæ.

12 Vel demum quia licèt doctrina, & ejus praxis ad peccatum proprium, vel alienum non provocet, soleatque absque illo exerceri, nihilominus advocat ab exercitio virtutum, inducitque negligentiam, ac teporem disciplinæ Ecclesiasticæ, aut regulari contrarium, ut si avertat à suscipiendo statu religionis, aut prætextu incertæ concessionis, vel revalidationis quarundam indulgentiarum tollar curam adimplendi pœnitentias injunctas in confessione, aut advocet à frequentia ipsius confessionis, etiam non præceptæ, aut Communionis statui proportionatæ. Nam huiusmodi defectus inter ruinas spirituales computantur, & communiter absque peccatis venialibus non exercentur, nec contingunt absque magna displicentia, metu, ac pudore bonorum, tam vulgarium, quam doctrina, ac virtute illustrum, disponuntque communiter ad gravio- rem ruinam, & ideo quæ ad id inducunt, aut incitant, verè sunt scandalosa, nociva, deducuntque ad viam latam, & ut talia meritò damnari possunt.

13 Nam arcta illa via, quæ ducit ad vitam, quamque ipse Christus nos docuit, tam præcepta, quam consilia complectitur, & ejus latitudo, ac relaxatio modò

his,

his, modò illis opponitur, servata tamen uniuscujusque mensura, & gradu dilationis. Ad modum quo, licet via, quæ ducit ad peccata venialia, non ducat immediatè ad infernum, nec sit formaliter illa via lata, quæ ducit ad perditionem; adhuc tamen sufficiens est materia scandalì, & tam opinio, quam actio inducens ad peccatum veniale spirituales ruinam inducere dicitur, juxta illud *septies in die cadit iustus*, & malitiam scandalì in se habet, quamvis levem juxta levitatem suæ prohibitionis. Cadere autem casu opposito consiliis ex objecto suo nullam malitiam habet, sed solum defectum moralis imperfectionis. De quo Suarez *disp. 10. de charit. sect. 1. num. 4. notat. 2.* ubi ait, hoc non esse propriè scandalum, sed in eo posse intervenire levem aliquam malitiam contra charitatem, quæ ex damno, fraude, aut dolo posset esse gravis.

14 Ex dictis igitur patet, quot modis aliqua opinio esse possit scandalosa adversus præcepta, & consilia, quo casu non erit peccatum sed imperfectio moralis intra genus scandalì, sicut actio, ad quam inducit; nisi fortè etiam inducat ad malè sentiendum de consiliis ipsis, aut ad contemptum ipsorum. Patet etiam, quo sensu dicatur ejus praxis perniciofa, nam licet perniciosum vulgari acceptatione grave aliquod, & exitiale malum soleat denotare, apud Theologos miniori sensu accipitur, & idèò quodvis mendacium nocens proximo, etiam leviter, & nocumento insufficienti ad peccatum mortale, dicitur mendacium perniciosum. Paret demum, omnes opiniones ab his Pontificibus damnatas in eo convenire, quòd directivè, & per modum regulæ securæ, ac tute in genere moris ad ruinam disponant, lapsumque oppositum consiliis, ac præceptis levibus, aut gravibus vitæ Christianæ juxta definitionem datam *sup. num. 6.* Quanta autem, & qualis sit ruina in unaquaque, & cui regulæ, virtutis opponatur, ex ejus materia, & circumstantiis est dijudicandum: neque enim omnium est una specificatio, neque idem modus, aut sensus.

QUÆSTIO III.

Quidnam propriè sit, hæc doctrina perniciosas esse in praxi?

15 Perinde utique fuit dicere illas esse in praxi perniciosas, ac asserere perniciosam esse illarum praxim, hoc est, damnosam, ac nocivam tum animabus, tum etiam Ecclesiæ, cujus severa disciplina, & mores iis doctrinis laxabantur. Unde (ut jam dicere cœperam) sicut mendacium tunc vocatur perniciosum, cum est alteri nocivum, sive leviter, sive graviter, sic doctrina moralis, & spectans ad directionem conscientie tunc censenda est perniciofa, cum ejus usus nocumentum afferat. Atque hoc patet Honorius III. in *cap. Perniciosus. 13. de celebrat. Missarum*, *perniciosum valdè abusum* vocat usum, qui alicubi irrepserat miscendi plus aquæ, quam vini, in consecratione Calicis. Quia esto probabile sit, in hujusmodi mixtionibus consecrationem esse validam, si aliqua pars vini adhuc conservetur; modus tamen ille consecrandi dissentaneus erat usui Ecclesiæ, & quandoque expositus consecrationi dubiæ, vel invalidæ.

16 Declarant autem Pontifices satis apertè cur sint perniciosæ, dñm eas damnant, quia *noviæ sunt*, & ovibus sibi concreditis præbent pabulum nocivum: item cum ajunt id fieri, ne via salutis, quam Deus dixit esse arctam, in perniciem animarum dilatari, seu verius perverti contingat; ac demum cum huic negotio eo fine se applicant, ut oves sibi concreditas *à via lata*, & spatiosa, quam præfata opiniones demonstrant, in rectam semitam salutis revocent. Quare haud immeritò quispiam dixerit, juxta Alexandrī, atque Innocentii mentem idèò has opiniones in praxi perniciosas censi, quia deducunt ad viam latam, quæ non est via, aut semita recta, sed obliqua, per quam ad perditionem, & interitum devenitur: ad modum quo Pius IV. Bulla 77. §. 2. dixit, nonnullos *libros, scriptaque* prohiberi in Indice Concilii Tridentini, *ut pietati, ac morum bonitati inutilia*.

17 Quòd si non utcumque inutilia sint, sed

sed positiuè nociva; relaxatiuæque vitæ, ac disciplinæ Christianæ, meritò earum laxitas damnatur, ac prohibetur: & hoc significatur, cum dicitur, illas esse perniciosas, quia à recta, & æcta semita Christianæ vitæ abducunt fideles, & deducunt in viam laram. De qua censura Saura de examine doctrin. cap. 10. initio, licet Cordubam, Simancas, atque Navarrum parum fideliter ibidem asserat. Porro sicuti ob scandalum, & animarum perniciem hi Pontifices præfatas opiniones condemnarunt, ac prohibuerunt, sic jam olim Alexander IV. Bulla 7. §. 5. has easdem causas inter alias adduxit, quibus inductus est ad condemnandum librum de periculis novissimorum temporum tunc publica luce donatum, ibi: Quodque etiam idem libellus magni scandali seminarium, & multæ turbationis materia existeret; & inducebat etiam dispendium animarum, cum retraheret à devotione solita, & consuetâ elemosinarum largitate, ac à conversatione, & religionis ingressu fideles.

QUÆSTIO IV.

Utrum Pontifex declaret, has propositiones esse propriè scandalosas, vel potiùs illas reprobet, ac si essent tales?

18 **R**atio dubitandi est, quia non affirmat expressè illas esse scandalosas, neque formalibus id verbis in earum condemnatione declarat; etsi autem id declarasse sufficeret verbis certò æquipollentibus, tamen minimè constat verba, quibus eas condemnat, esse certò æquipollentia prædictæ affirmationi, seu declarationi. Solum enim dicit statuisse, ac decrevisse eas, & unamquamque ipsarum, ut minimùm tanquam scandalosas esse damandas, & prohibendas, sicut eas damnat, ac prohibet. Nonsunt autem certò, & absque dubio æquipollentia, damnare aliquam doctrinam affirmando expressè illam esse scandalosam, ac damnare illam tanquam scandalosam. Neque enim otiosè, & absque fructu adjecta censeri debet vox illa tanquam in re adeò examinata, ac discussa, matureque considerata, ut in simili ratiocinatione Innocentius III. in cap. Solite. 6. de major. & obediens. ad illa verba, 1.

Petr. 2. 13. Sive Regi tanquam præcellenti, ut Imperatori Constantinopolitano demonstraret, non esse tantam ejus præcellentiam, quantam iis verbis innixus sibi arrogabat, ibi: Licet non simpliciter dictum fuerit: Subditi esote, sed additum fuerit, propter Deum: nec purè sit subscriptum Regi præcellenti, sed interpositum forsàn fuit non sine causa: tanquam. Quo loci notat glossa lit. I. vocem tanquam idè jure optimo ponderatam fuisse ab Innocentio, quia quandoque similitudinem potiùs, quàm veritatem denotat, & inde consequenter elicit, nullam vocem mysterio vacare in rescripcis, ne frustra occupet membranas.

19 Addit Barbosa tr. de diction. usufreq. dict. 403. tale adverbium regulariter, & de sui natura denotare improprietatem, & fictionem, in eademque sententiam quamplurimos ex Jurisperitis adducit. Nec dubium, quin sæpè in jure ita accipitur. L. Pecuniam. 36. ff. si certum petatur. L. jubemus. 13. §. Sanc. C. de Sacros. Ecclæs. & sæpè alibi. Quæ si vera sunt, dictio illa in sua regulari, & magis naturali significatione in his decretis accipi deberet, & non significaret eas propositiones condemnari, atque prohiberi, quia Pontifex declarat illas esse scandalosas, sed quia ipsas, ac si scandalosæ essent, eo quòd laxæ sint, ac nimis tutæ, prohibet, ac damnat: ad modum quo in 2. Philippica Cicero scribebat: Ut istum, ac si Consul esset, saluarent. Cæterùm quia negari nequit, eam dictionem sæpè sæpiùs veritatem denotare, atque ad eam significandam adhiberi, haud secus quam particula sicut, particula ut, & aliæ comparatiuæ, idè huic expolitioni non acquiesco; sed solum indico, incertum videri posse, quisnam ex his duobus sensibus præferri debeat, inspecto verborum cortice, ne forsitan ob hanc causam interpositum sit adverbium tanquam, ut arguebat Pontifex ex illo in capite præcitato.

20 Hoc autem sufficit, ut non sit expressè, aut sub verbis certò æquipollentibus declaratum illas esse scandalosas, cum satis sit ad finem, & justificationem reliquorum, quæ adjunguntur, illas ob sui laxitatem fuisse in modo prohibitionis, ac condemnationis iis, quæ verè, ac certò

certò scandalosæ sunt, æquiparatas. Et cum scandalum duplex sit, aliud datum, aliud acceptum, aliud activum, aliud passivum, illudque propriè sit tale, hoc verò minime, incertum sit propter eam vocem, quo sensu doctrinæ istæ scandalosæ vocentur, quia ad prohibendas illas satis erat, quòd multi exinde fumerent occasionem ruendi, vivendique licenter, quamvis doctrina ipsa illam non daret, cum sui praxim, aut executionem non suaderet. Eo vel maxime quia adverbium *tanquam* non incongruè constitui, atque conjungi potest cum verbo *damnat*, ac *prohibet*, ut sensus sit illas damnari, ac prohiberi, sicut scandalosæ damnantur, ac prohibentur. Quo pacto Pontifex nihil positivè decerneret de earum scandalo, ac perniciè, sicut nil declarat, aut decernit de earum veritate, aut falsitate, sed solum de modo condemnandi, atque prohibendi ipsas; & tota vis comparativa, quam importat dictio *tanquam*, ad modum condemnandi, atque prohibendi referenda esset, ut solum denotaret, illas damnandas, ac prohibendas esse ad instar, seu ad eum modum, quo scandalosæ damnantur. Sed hæc judicio potius summi Præfulis, quam tenui meo, decidenda erunt: ac interim satius erit vulgari terminorum apprehensionem stare, ac censere, ut ego censeo, omnibus decreti circumstantiis inspectis, vocem *tanquam* non esse in præsentī notam ullius impropriæ, sed theses damnatas esse verè, ac propriè scandalosas, & hac ratione prohibitas.

Q U Æ S T I O V.

Utrum decretum hoc sit decisivum, vel interlocutorium, & pro nunc duntaxat?

21 **D**ecisivum esse denotant verba illa *statuit*, ac *decrevit*, quia hoc verbum *statuo* rem perfectam significat, & cum effectu non verbo tenus accipitur, ex Cælestino III. *cap. in His 15. de verborum significat.* Aliunde verò negotium facessit vocula, *Pro nunc*, condemnationi adjecta, cui in decreto Alexandri æquivalet vox illa *Interdè*, perinde namque est dicere *Pro nunc*, ac *Interim*, ut sumitur ex l. *Quidam. 96. §. Si scriptus. ff. de leg.*

1. & utraque idem significat, quod *Alia non apparente*, vel quod *Rebus sic stantibus*, ut notat Cancreri p. 3. *cap. 17. num. 570.* & Larrea tom. 2. *decis. Granat. decis. 77. num. 2. & 13.* cum Cevallos, Scacia, & aliis.

22 Quo fit, ut lex, aut sententia *pro nunc* data non habeat perpetuitatem de se, sed mutationi subjaceat, si rerum status notabiliter mutetur, aut aliud quidpiam appareat ab eo, quod tunc apparebat, ut idem dictum sit *pro nunc statuimus*, ac dicere *hoc statuimus interim dum aliud non appareat*. Unde temporalem causam habet, & in ea tacitè includi denegationem silentii perpetui contendit Larrea *suprà n. 7. & num. 14.* Ac propere quando in decretis causatum, quæ per viam violentiæ deferuntur à Judice Ecclesiastico ad Regia tribunalia, dicitur: *Que por aora no baze fuerça*: tuetur ex professo Salgado de Regia *protest. p. 1. cap. 8. & num. 7.* possè iterum eandem causam, novis documentis apparentibus, ad idemmet tribunal revocari. Adeoque istiusmodi dispositiones non esse definitivas, sed merè interlocutorias, tradit inter alios Purpuratus *consil. 151.* & faciunt alia plura, quæ pro hac parte congerunt Larrea *sup. num. 4.* & Covarrubias *lib. 1. variat. cap. 1. num. 8.* Larrea autem *eo num. 13.* cum Cavalcano, Trentacino, Farinacio, & aliis definitivas esse putat, præsertim cum ita proferruntur, re discussa, & ejus momentis librata, non verò propter ineptitudinem libelli, aut defectum mandati, vel aliam causam similem, ratione cujus interdum reus pro nunc absolvitur ab instantia, seu observatione judicii.

23 Mihi utique pro causis forensibus maxime placet distinctio Antonini Thesauri *decis. Pedemont. 81.* ubi ait *num. 1. Sententiam, per quam absolvitur reus, alio non edocto, vel stantibus actis, prout stant, vel alio non apparente, esse definitivam, & transire in rem judicatam. Et licet*, inquit, *videatur habere vim interlocutoriam, quia ex novis jurisbus potest revideri, & reparari, etiam ab eodem judice, tamen in hoc sapit naturam definitive, quia nisi aliud de novo producat, non poterit revocari.* Citat Alciatum, Aretinum, & alios. Quanto autem tempore duret illa suspensio, non constat apud omnes. Alciatus

ciatus in 1. Si calumniatur. ff. de V. S. ait, prædictam clausulam, lapsò biennio, evanescere. Thesaurus autem *suprà* sic ait: Quod ego non audeam firmare, & crederem requiri saltem decennium, cum illud tempus videatur tacite à iudice datum, ut interdò quis perquirere possit alia sua jura, in qua se longum tempus concedendum est, quod est decem annorum inter præsentis, & viginti inter absentes. Hæc ille satis cordatè juxta exigentiam materiz, de qua ibi loquebatur.

24. Cæterùm in nostro casu puto sententiam Pontificis non fuisse interlocutoriam, aut quasi suspensam pro ullo tempore, sed statim habuisse suum effectum, transivisseque in rem judicatam, certò statutam, & sine mora observandam; verbum autem *Pro nunc* non respexit, nisi ad mutationes quasdam, quæ decursu temporis possunt accidere, unde scandalosæ, ac perniciosæ esse desinant aliquæ ex illis doctrinis, quæ his censuris notabuntur. Sed difficultas est, quo pacto possit tunc accidere mutatio in his censuris, etiam *pro nunc* latis, cum sint infallibiles, & à Summo Præfule prolataz, Spiritu Sancto assistente? Respondet, licet illæ, prout à Pontifice emanarunt, non fuerint, neque futuræ sint errori expositæ, adhuc tamen in his omnibus, quæ ad jus positivum spectant, decursu temporis mutationem aliquam supervenire posse, quæ illarum scandalum tollat, nam & jus ipsum potest immutari etiam post tempus decem, aut viginti annorum. Ex gr. posset aliquis Pontifex revalidare indulgentias Regularium, quas Paulus V. revocavit, & alii ejus prædecessores concesserant. Et tunc non esset scandalosa propositio affirmans, eas esse revalidatas, licet scandalosa sit, quæ id hodie affirmat, & semper sit talis futura, si ly *hodie* referatur ad tempus, quo Alexander VII. illam damnavit *propositione* 37. Idemque dixerim de aliis non paucis, quæ in decreto ipsius inveniuntur: ut si quis Pontifex de novo concederet mendicantibus privilegium absolvendi à casibus Episcopo reservatis. Ea mutatio superveniens respectu sequentis temporis tolleretur omninò scandalum, quod omninò certum erat in illa propositione, rebus sic stantibus, sicuti erant, cum Alexan-

der illam condemnavit.

25 De his autem, quæ immediatè spectant ad jus naturale, vel divinum, alia longè est ratio, quam acutè observat P. Suarez. lib. 4. de legib. cap. 14. num. 7. quia in his iuribus nequit supervenire mutatio, nisi ratione materiz. Possent tamen, auditis auctoribus, & re examinata plenius, novæ rationes occurrere, & speciales circumstantiæ offerri, quæ scandalum amoverent. Nam propositio, quæ uno tempore scandalosa est, alio tempore esse poterit non scandalosa, ut de propositionibus malè sonantibus, & *pro nunc* tali censura affectis tradit Corduba in suo *questi. lib. 1. qu. 7. §. 14. antè finem*, & nos dicemus postea de propositionibus, quas Pontifices ut probabiliores approbant: nam passim evenit, ut ea, quæ antea fuit minis probabilis, reddatur probabilior cursu temporis. Interim tamen, ac Pontifex id expressè non declarat, standum est omninò ejus sententiæ, sicut in decreto jacet, neque in dubio aliter licebit agere.

QUESTIO VI.

An istæ propositiones condemnatæ sint ut falsæ?

26 **E**Xterminis genericis diversa sunt, aliquam propositionem esse scandalosam, & esse falsam: sæpè enim accidit, ut assertio sit scandalosa, & nihilominus vera, ut notat Card. de Lugo *disp. 20. de fide. num. 134.* & alii, quos infra consignabo. Unde Corduba *ea qu. 17. §. 20.* in illius definitione hoc ipsum sumit, dicens: *Propositio scandalosa est, quæ etiam si vera sit, scandalum, five occasionem ruinæ præstat auditoribus, & maxime simplicibus, & infirmis.* Quibus consonant aliæ duæ definitiones, quas produximus ex Saura *sup. num. 7.* & ex his, quæ tota illa quæstione secunda sunt proposita, desumi possunt pro hac doctrina non pauca, nec invalida argumenta.

27 Nunc autem ea specialis ratio satis efficax videtur, quæ sicut opus non debet esse in se malum, ut sit in se scandalosum, sed sufficit, quod habeat mali speciem, ita propositio, ut scandalosa sit, non semper debet esse falsa, seu obiecto

objecto suo difformis, sed satis est, quòd habeat falsitatis speciem. Quinimò sicut opera aliàs bona, & forsan jure humano præcepta, quandoque dimittenda sunt propter scandalum, quod ex ipsis futurum prævidetur, sic propositioni alioqui veræ, & in se innocuæ posset contingere, & tunc optima ratione velut scandalosa prohiberetur. Non ergo se opponeret judicio horum Pontificum, qui diceret, talem propositionem esse veram, quia non proinde cogeretur negare, illam esse scandalosam, aut perniciosam audientibus. Puniretur quidem tanquam scandalosus, si illam exterius defenderet, quia re vera scandalosus esset, & hoc ipsum debet ipse reputare, cum decreto Pontificis assentiatur, & quia violaret præceptum, quo Pontifex jubet, ne ullus talem propositionem doceat, aut tractet, nisi forte ad impugnandum; sed minime puniri posset tanquam male sentiens, aut dissentiens à censura Pontificia, quod gravius peccatum esset.

28 Et augetur difficultas. Nam, qui assensu merè interno judicaret esse veram aliquam propositionem ex damnatis, etsi aliunde forsitan peccare posset, id temerè credendo, aut opinando, sicut peccare potuerunt, qui eas veras censabant prius quam Pontifices illas damnarent, non propterea scandalosus esset, neque adversus Pontificiam prohibitionem, aut censuram quidquam videretur agere. Et ratio aperta est, quia propositio merè interna non est materia prohibitionis, punitionisve Ecclesiasticæ. Censura autem, quam adjungit Pontifex, in solas assertiones exteriores cadit: nam propositio merè interna neque proximo ponit offendiculum, cum sit ipsi ignota penitus, nec ei præbet occasionem ruinæ, & quod hinc sequitur, neque potest esse scandalosa, nec hac censura notari. Etenim quædam censuræ communes sunt propositionibus internis, & externis, ut esse hæreticam, erroneam, temerariam, falsam, aut errori proximam; aliæ verò in solas externas cadunt, ut esse malè sonantem, plarum autium offensivam, seditiosam, aut denigrativam famæ alienæ, atque ad harum classem pertinet opinio scandalosa, ut ratio facta convincit, & notat Arraiga disp. 20. de fide. num. 29. Moya in se-

læst. part. 1. tr. 3. disp. 6. §. 5. præsertim ver-
sùs finem.

29 Et hæc quidem vera sunt, si de propositione falsa, & scandalosa generaliter loquamur; in præsentem autem materiam, & terminis decreti Pontificii, quod tractamus, non potest faciliè intelligi, quomodo scandalosa sit assertio aliqua, vel perniciofa in praxi, nisi etiam simul sit falsa. Ratio autem est, quia istiusmodi assertiones non sunt scandalosæ utcumque, ut ostendi supra, sed per modum regulæ dirigentis mores nostros recte, & sine ullo periculo aberrandi in viam salutis, aut declinandi in contrariam. Porro regula vera, & conformis rectæ rationi esse nequit scandalosa, & obliqua, vel perniciofa animabus. Confirmatur. Quia negari nequit, hujusmodi propositiones esse practicè improbabilis, adeque ex illarum condemnatione deduci per consequentiam planè necessariam: immò in nonnullis id expressè habetur, ut in 2. 6. ex damnatis ab Innocentio, aliisque multis, ubi asserta probabilitas nominatim refutatur. Atqui improbabilitas practica practicam etiam falsitatem secum invehit, neque capi potest, doctrinam, quæ est practicè vera, esse practicè improbabilem.

30 Arguo secundò: nam omnes prædictæ propositiones condemnantur tanquam *perniciose in praxi*. At praxis opinionis re ipsa verè nunquam potest esse perniciofa ei, qui secundum ipsam operatur; nec Christianæ vitæ corruptelam timeri potest ex eo, quòd fideles veris opinionibus, ac doctrinis se conforment in agendo, neque ex eo, quòd veritatem pro recta regula suarum operationum assumant. Ergo damnando illarum praxim tanquam perniciosam, eo ipso supponunt illas esse falsas. Immo plures illarum non alio titulo scandalosæ esse videntur, quam ob occasionem, quam præbent, deducendi illas ad praxim, & committendi opera re vera illicita, quæ falsò tanquam licita approbantur.

31 Arguo tertio: quia Pontifices severissime vetant, ne aliquis has propositiones doceat, aut defendat, aut edat in lucem, vel de eis disputet, nisi forte ad impugnandum. Magna autem esset absurditas prohibere cum tanta restrictio-

ne, &

ne, & quidem adjecta excommunicatione lae sententiae, defensionem, ac propalationem veritatis, tam publicam, quam privatam, quin liceat ipsi vel disputativè favere, aut se accommodare in praxi, sed duntaxat contradicere, & pugnare pro falsitate contraria. Magna etiam deceptio in tota Ecclesia sequeretur, si fideles, ut par est, acquiescendo præceptis Pontificum, occasionem inde lumerent deferendi ejusmodi opiniones, immò impugnandi ipsas tanquam falsas, tuendique contrarias, quod solum est ipsis permissum. Nam inde fieret, ut occasione data ab ipso Capite Ecclesiae, & magistro veritatis ipsa veritas desereretur, & in abditis paucorum mentium penetralibus conclusa, sola falsitas in omnium libris, concionibus, disputationibus, ac vocibus insonaret, & loco veritatis traderetur, ac defenderetur, novisque sophismatibus confirmaretur, quin liceret veritatem defendere, sed solummodo impugnare.

32 Arguo quartò ex iis, quæ auctores tradunt in ea questione, utrum Pontifex interdum possit favere doctrinis re ipsa falsis, non quidem declarando, eas esse veras, sed solum proponendo illas toti Ecclesiae tanquam probabiliores? Ut in *Clement. 1. de summa Trinit.* declaravit probabiliores esse illam sententiam, quæ tradebat, habitus virtutum infundit infantibus simul cum gratia in Baptismo. Nam propter maximam auctoritatem, quam prædicta declaratio conciliat tali sententiae, & occasionem, quam præbet sequendi illam tanquam veram, censent plerique Pontificem non posse declarare, aut amplecti tanquam probabiliores, seu veriores ullam doctrinam, quæ sit à parte rei falsa, & nominatim Turrianus 2. 2. disp. 3. dub. 3. Salazar disp. 43. de Conceptione D. 4. vers. Ergo ex præmissa, Diana p. 11. tr. de infallib. Romani Pontificis, resol. 10. antè finem. Ergo à fortiori errare nequibit tradendo opinionem re ipsa veram esse conscientiae regulam obliquam, exitialem, atque perniciosam, improbandoque tam proxim ejus, quam defensionem, ac evagationem, relicta solum facultate demonstrandi falsitatem, ac perniciem ejus per publicam, privatamque impugnationem.

33 Arguo quintò: quia esto demus oppositum contingere posse, cum multa falsa sint probabiliora veris, & nulla exhiberi valeat Divina promissio, unde efficaciter suaderi possit, Pontificem ita esse ab Spiritu Sancto gubernandum, ut abstinere à declaratione majoris probabilitatis, quam re ipsa, & de facto habet aliqua doctrina falsa. Esto, inquam, id demus, quod rectè tradit, & observat Card. de Lugo ea disp. 20. de fide. num. 123. adhuc tamen ea doctrina adaptari nequit casui nostro: tum quia ipse Lugo concedit, piè credendum esse, id nunquam eventurum: tum præsertim quia Pontifex asserendo aliquam opinionem esse scandalosam, perniciosam, & indignam, ut pro recta regula assumatur intra genus moris, & permitiendo duntaxat impugnationem ejus, nullum præbet fundamentum formidandi de ejus veritate, aut falsitate, sicut id præbet, cum dicit, eam manere intra limites probabilitatis, & terminos opinionis. Neque item ex censura illius colligi potest, contradictoriam talis doctrinae esse probabilem, & quod huic sequitur, fortasse veram, sicut potest inferri ex eo, quòd dicat, doctrinam aliquam non esse adhuc certam, sed solum probabiliores. Quinimò potius proponit optimum fundamentum colligendi, eam esse falsam, tam ex præceptis, quæ adjungit, quam ex censura eidem inusta: neque enim istis satisfieri potest asserendo propositiones, quas afficiunt, esse minus probabiles, ut potest satisfieri decreto asseveranti, opinionem aliquam esse probabiliores.

34 Sed obiicies. Quando Pontifex declarat, aliquam propositionem esse erroneam, aut temerariam temeritate theologica, non idèò declarat, illam esse falsam, ut ex professo contendit Card. de Lugo ubi supr. à num. 113. Ergo longè minus id declaratum censetur, dum solum dicitur esse scandalosam, atque perniciosam, quia censura istæ longè minorem cognationem habent cum principiis fidei, quam censura temerariæ, vel erroneæ. Respondeo primò, nobis satis esse, quòd per bonam consequentiam inferatur, esse falsas eas doctrinas, quas cœdemnat in præsentì Pontifex tanquam scan-

scandalosus, atque perniciosus, quin at-
tentis circumstantiis locum habeat, quod
interdum dicitur posse contingere, ut
propositio non sit falsa, quamvis sit scan-
dalosa. Porro in hoc sensu non negat
Cardin. de Lugo, reputandas esse falsas
eas doctrinas, quas Pontifex declarat ef-
se erroneas; immò id cæpessè affirmat,
solumque contendit earum falsitatem non
declarari expressè, & immediatè, sed
solum implicitè, ac mediatè, ut ea ra-
tione concludat, non esse formaliter hæ-
reticos, sed præsumptivè duntaxat eos,
qui affirmant tanquam veras illarum con-
tradictorias, neque enim directè, ac for-
maliter se se opponunt definitioni Pon-
tificis, sed solum mediatè, quatenus as-
serunt, id esse verum, quod sequitur
esse falsum ex eadem definitione.

35 Pariter discurrit hic auctor de re-
liquis censuris minoribus num. 114. atque
in eo duntaxat sensu virtuali, seu me-
diato existimo in his decretis importari
falsitatem propositionum, quas prohi-
bent. Sed doctrina Cardinalis, qua par-
te ad propositiones spectat, quæ damnantur
ut erroneæ, mihi nequaquam probatur
existimanti ex adverso, Pontificem,
eo ipso quòd definit aliquam propositionem
esse in fide erroneam, declarare
immediatè, ac formaliter eam esse fal-
sam, non verò mediatè duntaxat, & per
consequentias remotas. Quippe error,
& falsitas, si termini debita cum pro-
portione sumantur, solum differunt ut
species, & genus, quatenus error non
est quævis falsitas, sed magna, & val-
dè notabilis, ut accuratè explicat Cor-
duba lib. 1. quæst. 17. §. 9. vers. *Pro quo
nota*, & aliis relatis, Saura de examine
doctrinarum prælad. 5. Porro qui definit,
rem aliquam esse formaliter in certa spe-
cie, eo ipso definit formaliter illi com-
petere genus, ex quo ipsa species com-
ponitur: ita enim formaliter, & imme-
diatè definitur Christus esse animal de-
finiendo illum esse hominem: & qui af-
firmat, aliquam propositionem esse omni-
nò certam, eo ipso affirmat esse veram
veritate aliqua insigniore. Neque aliud
quid apprehendimus, aut significamus,
cum dicimus aliquam propositionem ef-
se in fide erroneam, quam esse adeò fal-
sam, ut immediatè opponatur alicui ve-

ritati certæ theologicæ; hoc est; con-
clusioni legitimè deductæ ex una præmis-
sâ de fide, & ex altera per naturalem
evidentiam cognita.

36 Confirmatur. Nam ex Augustino
in *Enchiridio cap. 17. & lib. contra Aca-*
demicos cap. 4. errare in genere, nihil est
aliud, quàm approbare falsa pro veris,
aut vera pro falsis. Ergo errare in hac
materia, nempe fidei, erit in eadem
materia approbare falsa pro veris, aut
vera pro falsis. Et casu quo approben-
tur falsa pro veris veritate certa certi-
tudine theologica, suis propriis notis,
ac conceptibus designatus erit gradus il-
le deceptionis, quem errorem in fide
specialiter vocamus. Atqui in eo ipso,
aut alio quovis formaliter inveniri debet
approbatio falsitatis, ut error esse, vel
vocari possit. Igitur in conceptu ipso
formalissimo, erroris formaliter includi-
tur falsitas, ad summumque penes ex-
plicitum, & implicitum differe possunt,
sicut definitio, & definitum, vel sicut
differt homo ab animali.

QUÆSTIO VII.

*Conferuntur inter se harum thesium dam-
natio, atque prohibitio.*

37 CUM decreta ista Pontificum res-
pectui opinionum, quas recen-
sent, condemnatoria sint; respectu ve-
rò hominum præceptiva, seu prohibitive
plurium actionum, nunc de damnatione
ipsa propositionum inquirimus, quænam
sit, & quonam modo sit falsa? Videri
namque potest, eam esse sententiam quam-
dam merè declaratoriam noxiæ qualitatís,
seu criminis, non quidem commissi ab ip-
sis propositionibus (quæ illius capaces non
sunt) neque ab illarum auctoribus, quo-
rum in decretis nulla mentio fit, nedum
damnatio: sed criminis, ac peccati, seu
malitiæ in eis repertæ contra jus divinum,
naturale, aut positivum: nam ex eis quæ-
dam juri divino oppositæ videntur, &
præbentes occasionem delinquendi adver-
sus illud: aliæ juri naturali: aliæ soli ju-
ri positivo Ecclesiastico. Damnantur er-
go scandali, ac perniciosi declarando il-
las esse scandalosas, ac perniciosas in
praxi, noxiasque, & contrarias bonis
mori-

moribus Ecclesiæ, disciplinæque Ecclesiasticæ.

38 Unde juxta hunc modum dicendi decretum Pontificis, quatenus condemnativum est talis doctrinæ, nihil horum efficacia sua primitus facit, aut præstat; sed præcisè declarat noxiam qualitatem, quæ prædictis opinionibus antecederet inerat, & postea per novas prohibitiones, ac præcepta suam declarationem corroborat præcipiendo, ne quis illas doceat, aut in proximam deducat, &c. ut à via lata, quæ ducit ad perditionem, revocet dominici gregis oves, & eas in rectam, ac arctam semitam, quæ ducit ad vitam, ea severitate revocet, ac per illam ambulare faciat. Ad modum, quo in rebus fidei condemnatio propositiones declarando eas esse hæreticas, seu oppositas doctrinæ revelatæ per Sacram Scripturam, traditiones, aut Concilia legitime approbata, & postea anathemate percussit, aliisque præceptis, & condemnationibus coercet contrarium asserentes.

39 Hæc doctrina, modusque explicandi condemnationem prædictarum opinionum satis probabilis est, eumque tradit, ac defendit P. Cardenas in *select. 1. p. disp. 9. a. num. 343.* nec dubium, quin ita fieri potuerit. Sed si diligenter expendatur primum decretum Alexandri, cujus reliqua sunt veluti appendix, prosequutio, & continuatio, probabilius videri potest, longè aliter esse factam, ita scilicet, ut prohibitio, & condemnatio non sint duo diversi actus, alter per modum sententiæ, seu declarationis authenticæ, & alius per modum legis, ac præcepti, nec diversas materias, aut actiones comprehendant; sed unus, & idem, qui respectu ipsarum damnatio, ac prohibitio dicitur, easque non aliter damnatas, quàm prohibitas reddit, nec alios effectus habet, licet respectu fidelium, eorumque, ad quos spectat exequutio, solum dicatur prohibitio; non vero proscriptio, aut condemnatio.

40 Ratio autem est. Quia Alexander ipse manifestè declaravit, quo sensu, ac modo accipienda, atque exponenda esset, & quousque se extendat talium propositionum prohibitio, atque damnatio, eisdemque terminos utrique præscripsit. Nam postquam statuit, ac decrevit illas, ut minimùm tanquam scandalosas esse damnandas, *Theolog. Reform.*

das, ac prohibendas, sicut eas damnas, ac prohibet, statim modum damnationis, atque prohibitionis tradit, inquit: Ita ut quicumque illas aut conjunctim, aut divisim docuerit, &c. ipso facto incidat in excommunicationem, &c. & postea sine excommunicatione prohibet omnibus Christi fidelibus in virtute sanctæ obedientiæ, ne illas deducant ad proximam. Similis modus damnandi, est ex eo capite mitior, quia specialem notam non designat, legi potest in decreto edito à SS. Innocentio XI. auditis votis Emin. Card. die 26. Junii 1681. & in locis consuetis Romæ publicato, ubi non solum prohibet, sed etiam damnat libros vix B. Virginis scriptos à Sorore Maria de Jesu: Ita ut nemini cujuscvis conditionis, ac status illos legere, vel retinere liceat, vel imprimere, vel imprimi facere sub penis in Sac. Conc. Tridentino, & indice librorum prohibitorum contentis. Et tamen ista damnatio non fuit præviis actibus à prohibitione distinctus, quasi prius Pontifex prædictos libros absolute damnaverit, & quia damnati erant, eos prohibuerit; sed uno, eodemque actu eos prohibuit, ac damnavit, & prohibitioni, ac damnationi eundem terminum, ac modum præfixit.

41 Expendenda itaque utrobique est particula *ita ut* immediate adjecta prohibitioni; ac damnationi, nam illius vis est declarare præcedentia, regulareque dispositionem inibi contentam, retentis eisdem terminis, ac qualificatibus, ad tradita per Barbosam *suprà dict. 184.* æquivaleret enim dictioni *ita quod*, ejusdemque omnino significationis est, ut ibi traditur *num. 1.* utraque autem declarativa est, modumque exponit, quo antea expressè intelligenda sunt, ac observanda. Cum ergo Pontifex per eam particulam sensum, ac modum declaret, quo damnatas reddit, ac prohibitas ejusmodi propositiones, isque unus, ac idem sit, & sub uno, eodemque contextu verborum proponatur, frustra, & contra mentem ejus alio sensu, aut modo damnatas, quàm prohibitas, censurabimus; ut aliud quidquam sit condemnatio, quàm prohibitio in odium ipsarum facta. Et licet vox damnationis, aut condemnationis seorsim sumpta in alium sensum trahi posset, atque ampliari, particula *ita ut*, vel *ita quod* illam

illam restringit ; ac limitat , ne ulterius , quàm ad modum ibi expressum , extendatur . Limitativa namque est , ac restrictiva dispositionis præcedentis , & vim taxationis habet , raròque ad augendum , seu ampliandum adhibetur , cum frequenter ad minuendum , restringendumque adiiciatur .

42 Sed obiicies primò : aliud est damnare aliquam doctrinam , & aliud prohibere , & alterutrum ab alio separari valet . Damnare namque est qualificare , ac reprobare ipsam , & aliquam ei notam inungere , hæresis ex. g. temeritatis , aut scandalosi , quod totum absque nova lege prohibente aliis , ut eam doceant , aut defendant , fieri potest : sicut vice versa prohiberi potest quoad nonnullos exteriores actus , quin damnetur etiam peccati mortalis , ut opinioni minus pie circa immaculatam Conceptionem accidit . Non ergo idem egit Pontifex damnando has opiniones , quod prohibendo ; nec prohibendo , quod damnando ; sed damnationi suus modus , suusque effectus peculiaris assignari debet , & alius diversus prohibitioni . Nam alioqui satis fuisset , has opiniones tanquam scandalosas prohibere , superfluum etque in decreto vox illa *damnare* .

43 Respondeo , ex terminis genericis non esse idem damnare , ac prohibere aliquam doctrinam ; sed neque esse ita distincta , ut in unum convenire nequeant , ita ut aliqua condemnatio nihil aliud sit , quàm certa quædam , & specialis prohibitio , ac vice versa . Ad modum , quo sensicivum , & intellectivum ex genere suo separabilia sunt , & de facto distincta , & separata reperiuntur in equo , & Angelo ; sed quia iidem conceptus sic sumpti sibi mutuo non repugnant , & præscindunt ab exigentia distinctionis , aut identitatis , ideo in uno homine conveniunt sentiendi , intelligendique capace , & perinde est , sive de co dicas , esse animal intellectivum , sive intellectivum animale . Ita igitur in præsentî contingit , postquam Pontifex ipse declaravit , se condemnare prohibendo , & prohibere condemnando , eundemque modum , ac terminum utrique voci præfixit , excludendo alios modos condemnandi , atque prohibendi ab invicem separabiles . Idemque ergo est damnare opinionem aliquam tanquam

scandalosam , ita ut nembiliceat eam defendere , aut in praxim deducere , &c. ac prohibere ipsam eodem modo , & è converso eam prohibere eodem prorsus modo nihil aliud est , quàm eam pariformiter damnare . Neque inde sequitur , alteram ex his vocibus esse superfluum , quia se mutuo fovent , ac explicant , deserviuntque ad maiorem claritatem , pleniorisque intelligentiam mentis , atque voluntatis Pontificis eas prohibentis , ac damnantis .

44 Obiicies secundò , hæc non convenire decreto Innocentii XI. quia in illo desideratur vox *ita ut* , unde assertio nostra utcumque colligebatur ; immò cum initio subilicendis opiniones tanquam scandalosas prohibuerit , ac damnaverit , postquam eas omnes recensuit , prohibitiones suas adiungit verbis omnino absolutis , & de illarum damnatione tacet . Respondeo primò , hoc decretum eodem modo esse exponendum , quo decreta Alexandri : quia , ut Innocentius ipse initio proficitur , nihil aliud est , quàm quædam continuatio , aut prosecutio operis ab Alexandro inchoati . Respondeo secundò , sicut prohibitio talium opinionum initio decreti absolute posita , per clausulam longè distantem exponitur , & recensitis ad longum in medio decreti propositionibus prohibitis , prohibitio ipsa ad certas actiones restringitur , quæ ibidem enumerantur , & propositio ipsa eatenus prohibita censetur , quatenus ex actiones hominibus prohibentur , & non alio modo , aut aliter : sic damnatio pariter cum prohibitionem in eodem initio scripta , per eandem clausulam , etsi distantem , exponi , ac limitari debet , ut præcisè ad modum ibi expressum , atque ad easdem actiones extendatur .

45 Obiicies terriò , hunc modum damnationis imitari potius damnationem ad poenam , quàm damnationem , qua aliquis reus culpæ declaratur : aliud namque est damnare aliquem furti , aut homicidii , quod propriè denotat hæc crimina ab illo fuisse commissâ ; aliud verò condemnare illum ad poenam furum , vel homicidarum : & ideo sæpè accidit , ut aliquis damnetur alicujus criminis à Iudice ordinario , v. g. declarando , eum manus violentas in Clericum diabolo suadente

dente iniecisse, quin ad pœnam talis criminis ab eodem iudice damnetur. Nam pœna propria talis criminis est excommunicatio reservata Pontifici, quæ non imponitur ab homine, sed à Canone: ac vice versa cùm sententia talis excommunicationis non ab homine, sed à jure proveniat; nihilominus ab homine talis percussor criminis, ac culpæ condemnatur. Ita igitur in præsentì contingeret juxta modum supra traditum, quia propositiones damnatæ à Pontifice non essent damnatæ scandalì, perniciosæ, aut alterius noxæ; sed solùm ad pœnam, aut quasi pœnam exiliis à libris, tractatibus, disputationibus, aut assertionibus omnium fidelium, privarenturque jure defensionis, sola relicta facultate eas impugnandi, necnon jure associationis cum doctrinis aliis salutaribus.

46 Porro condemnatio ad pœnam, ut justa sit, necessariò præsupponit condemnationem declarativam culpæ, & nunquam legitime indicitur, nisi reus culpæ deprehendatur. Et quidem sicut vox condemnationis ad doctrinæ, & alias res instantias per quamdam accommodatorem transfertur, ita etiam vox anathematis, & excommunicationis ad ipsas transferri solet, adeoque in Conciliis antiquis, & aliis occasionibus hæreses, & alia verba, aut scripta anathematizantur, ut rectè Suarez observat *disp. 5. de censuris, sect. 1. num. 2.* Sicut ergo ille anathematizatus, qui excommunicationem propriè non significat, sed actum detestandi, reprobandi, & separandi à nobis eam doctrinam satiquam pravam, nocivam, & execrabilem, necessariò præsupponit eam esse damnatam hæresis, aut erroris, & in se ipsa condemnata talium criminum, sic prohibitio, ac separatio harum opinionum à doctrinis, quarum licet defensio, & assertio, necessariò præsupponit inventas esse à Summis Pontificibus reas alicujus culpæ, & in se ipsis detestabiles, ac pœna dignas.

47 Hæc obiectio rectè probat, aliquid mali præinventum fuisse à Pontificibus in istis propositionibus, ratione cujus dignæ erant prohibitione, seu damnatione prohibitive, & quasi punitiva: neque enim ideo præcisè scandalosæ sunt, ac perniciosæ in praxi, quia sunt damnatæ, aut prohibita; sed potius sunt prohibita, &

damnata, atque indefensabiles, ac imprædicabiles redditæ, quia in se ipsis noxiæ erant, scandalosæ, ac nocivæ, saltem scandalo, nocumentoque imminenti ex praxi, seu usus ipsarum. Et hoc est, quod post examen Theologicum, & consultationem adeo seriam cum Magistris, & Sanctis Ecclesiæ Cardinalibus, & post maturam considerationem Pontificem liquidò apparuit, adeoque compertum, ut inspecta sola auctoritate merè humanæ hujus gravissimi cœtus, & summa cura, ac puritate affectuum, quæ huic negotio invigilavit, moraliter certum fieret, cum non aberrassè à recta moram doctrina; sed dignam protulissè sententiam, reddidissèque improbabilem quamcumque aliter docentem. Crevit autem certitudo, & ad longè altiorem ordinem ascendit, cùm Pontifex, non jam ut privatus, neque ut unus ex eo cœtu, sed Pontificia auctoritate approbavit hoc judicium, & suo decreto necessarium reddidit omnibus Christi fidelibus cavere in praxi, & doctrina ab unaquaque ex his thesibus, ut scandalosis, ac perniciosis in praxi, easque ut tales reprobavit, ac prohibuit, sola relicta facultate impugnandi ipsas, si liberet. Cœterum inde non sequitur, damnationem, & prohibitionem illarum, sicut fuit facta in præsentì, diversum habuissè effectum, aut obligationis modum; sed idem fuisse prohibere ipsas, non utcumque, sed determinatè tanquam scandalosas ut minimùm, & perniciosas in praxi, ac eas damnare, seu reprobare eodem modo, ac vice versa.

48 Scio, rationes, quibus Pontifex movetur ad aliquid statuendum, non habere vim condemnationis, aut sententiæ, neque eadem auctoritate gaudere, qua condemnatio, atque sententia ipsa, ut videre est apud Suarium *disp. 44. de Incarn. sect. 1. §. Atque hinc tandem.* Theophilum Raynaudum in *discipl. morali, dist. 4. num. 289.* Joannem Antonium Saura de *examine proposit. cap. 2. ante finem, & cap. 4. §. Similiter*, Baldellum *tom. 1. lib. 4. disp. 8. num. 13.* Granadum *contro. 1. de fide, tr. 7. disp. 2. num. 3.* Basilium *p. 1. variar. qu. 3. expositiva*, et si sibi contrarius appareat *lib. 7. de matrim. cap. 7. num. 2. in fin. & num. 12. & 13.* Diana *p. 11. tr. ult. resol. 9.* Cano de *locis lib. 5. cap. ult. & lib. 6. cap. 8. §. Hæc quidem.*

49 Sed hæc doctrina in præsentì locum

habere non valet, quia propositiones censuratas esse scandalosas, & perniciosas in praxi non fuit ratio merè extrinseca; sed materia proxima decisionis principalis, & operis potissimè intenti, quod fuit segregare noxia ab innoxiiis doctrinarum pascuis, & ovile Christi ab eis arcere, unde periclitabatur salus ejus.

QUÆSTIO VIII.

Qua potestate, seu auctoritate utantur Summi Præsules in his decretis?

50 **C**ertum planè est, eos usus fuisse auctoritate Apostolica; non verò sua peculiari, atque privata. Præcipiunt enim toti Ecclesiæ, quæ agenda sunt, & docenda, & sua decreta promulgant ad valvas Sancti Petri, & aliis locis consuevis, ubi publicari solent constitutiones, & cœtera, quorum obligatio est generalis. Constat insuper, istiusmodi decreta ab illis emanasse, ut à supremis pastoribus gregis dominici, ut iidem ipsi expresserunt. Nam pastoris est non solum regere, atque gubernare oves sibi conceditas; sed etiam pabulum congruum eis subministrare, tollendo eis herbas nocivas, & disponendo pascua salutaria: & utrumque hoc munus in Scripturis Sacris significari solet per verbum *pascendi*, cum ad Dei ministros applicatur, & utrumque pertinere dicitur ad sollicitudinem, & curam pastorem. Unde uno verbo dici potest, ista decreta emanasse à Pontifice tanquam à iudice legitimo controversiarum spectantium ad turpitudinem, aut honestatem morum Catholice Ecclesiæ sibi à Christo commendatæ. Nam sicut relinquere oportuit in terris regulam aliquam visibilem rerum credendarum, à qua ne latum unguem discrepare licet, ita etiam oportuit relinquere similem regulam rerum agendarum, ne in via salutis aberrare contingat exercendo prava opera pro bonis, aut relinquendo bona tanquam prava, & ad omnia ista se se extendit providentia pastoralis.

51 Quocirca nullus titulus aptior est ad explicandum, quamam potestate usi fuerint in hoc negotio Pontifices, quam titulus, & munus pascendi per doctrinam morum salutarium. Tum quia id ipsi disertissimè expresserunt, & Alexandro to-

statur, se talium propositionum examen instituisse: *Ut Oves sibi creditas ab ejusmodi spatiosa, lataque via, per quamitur ad perditionem, PRO PASTORALI SOLICITUDE in rectam semitam evocaret.* Innocentius verò *OVITUM* sibi à Deo creditarum salutis sedulo incumbens, *quod salubre opus in segregandis noxiis doctrinarum pascuis ab innoxiiis ab Alexandro inchoatum proseguere voluit.* Tum præterea, quia pastoris est rectum iter suo gregi præscribere, & curare, ne aliquæ oves in viam perditionis abeant, cum rationem uniuscujusque ex eis reddere debeat: est etiam munus illius, salubre pabulum illis ministrare, & exitiale, ac noxium eis auferre: debet utrumque dignoscere, ac vigilare, ut officium suum rectè exequatur, & non aliud per injuriam, aut errorem, præterquam salutare, illis concedat. Cum igitur grex Dominicus recta doctrina tanquam pabulo sibi salutari utatur, & non aliam viam tenere possit, nisi arctam illam, quæ ducit ad vitam, absque gravi perditionis suæ periculo, ac metu, aperte constet, Pontifices Pastorem potestatem, ac munera propriè exercuisse, & se gessisse ut Pastores universalis Ecclesiæ.

QUÆSTIO IX.

Utrum decreta ista orta fuerint ex sola legislativa potestate?


52 **A**ffirmativè respondendum videtur, quia hujus potestatis usus est, statuere, decernere, prohibere, præcipere, damnare, aut absolvere, & reliqua munia, quæ Pontifex in his decretis exercet. Atque inde optimè colligitur, eum non loqui tanquam personam privatam; sed tanquam publicam supremi Principis, aut Capituli auctoritate fulgentem. Nam capituli est, præesse omnibus membris, eaque gubernare, ac regere, sicut Pontifex hic facit respectu totius Ecclesiæ, cui loquitur absque discretionem ulla personarum; Principis verò, leges condere, ac præscribere, & suos subditos per eas dirigere, ut ad suum finem perveniant. Atque in prædictis prærogativis fundatur potestas ferendi leges, ut optimè exponit post Suarium, Bellarminum, aliosq.

alioſque complures P. Theophilus Raynaudus tom. 10. in Corona aurea verit. 8. per totam.

53 Aliunde autem hic occurrit difficultas, neque levis, neque parva. Nam licet officium legis sit præcipere, prohibere, poenas comminari, & alia hujusmodi; damnare tamen doctrinas, innoxiasque à noxiis fecernere, non est officium legis, aut legislatoris; sed judicis controversiarum, five ad fidem, five ad mores attinentium: neque enim id fit formaliter præcipiendo, vel prohibendo; sed docendo, declarando, aut definiendo, quidnam boni, aut mali in unaquaque doctrina reperiatur. Et aliqui dum Pontifex condemnat aliquam doctrinam tanquam hæresim, procederet ut legislator, & non ut iudex, ac regula, mensuræque visibilis veritatis revelatæ, quod nemo prudens concedet. Unde licet leges ferens procedat etiam ut Pastor, quia altera pars curæ pastoralis est cura ferendi leges etiam circa doctrinas, sicut circa pabulum, prohibendo noxias, & præcipiendo, ut omnes teneant eas, quæ ad salutem necessariæ, aut conducentes putantur; è contrario verò, qui procedit ut Pastor declarando, aut definiendo, quæ sit recta fides, aut recta doctrina morum, non ideo ut legislator procedat, quia munus Pastoris laicius patet, aliaque distincta officia præter legislationem exquirunt. Eademque est, servata proportione, ratio de dignitate Principis, aut Capituli, si cum munere legislatoris comparetur.

54 Respondeo admittendo, condemnationem absolutam merè declaratoriam aliqujus malitiæ, pravitatis, aut noxiæ qualitatibus in actu aliquo, vel doctrina antedecenter repertæ non pertinere ad officium legislatoris, quia ut sic non est dispositiva, nec practica, nec novam legem constituit; sed rerum merita insinuat: & hoc modo se se habet, dum aliquam doctrinam condemnat ut Sacre Scripturæ, traditioni, aut divinæ revelationi contrariam, licet postea exinde subsequatur obligatio illam credendi. At verò condemnationis limitata ad certum modum obligandi, ac præcipiendi, prohibendi que certos actus, exequutionesque externas per legem directæ sit, & à legislatore ut tali formaliter proficiatur, ut est evidens ex terminis.

Theolog. Reform.



Ostendimus autem supra, condemnationem prædictarum opinionum isto modo factam esse. Neque enim fuit prior prohibitio, aut ab ea omnino independens; neque omnino absoluta, sed modalis, sicut ipsamet prohibitio; nec merè declaratoria, sed dispositiva: & in summa non fuit à prohibitione reprobativa distincta, sed ejusdem qualitatis, & energię. Porro modus iste condemnandi non excedit legislatoris officium, sed per legem propriè talem potest fieri: quia non est extra rationem legis esse legem doctrinalem, aut directivam conscientię, neq; declarare naturam, & proprietates materiæ, circa quam versatur. Quare Pontifices ipsi expressè in præsentii affirmant, se statuendo, ac decernendo procedere, quin damnationem à prohibitione fecernant, aut insinuent, diversâ potestate factas esse.

55 Respondeo secundo, condemnationem istam, quamvis foret merè declarativa, adhuc esse posse exercitium legislativæ potestatis, & usum, atque actum ejus. Agitur enim de doctrinis moralibus, quæ eatenus ut scandalosæ, aut perniciosæ in praxi merè declarativè damnantur, quatenus declarat Pontifex, ipsas, & illarum praxim perniciosas esse, & oppositas juri Divino, aut naturali, aut positivo, seu discipline Ecclesiasticæ. Esse namque aliquam doctrinam scandalosam, est, esse contrariam legi charitatis: & præbere occasionem ruinæ spiritualis, est præbere occasionem delinquendi, seu, quod idem est, peccandi, & agendi contra legem aliquam. Nullaque ex propositionibus nunc damnatis invenietur, cujus tota mali labe in eo non consistat, quod ipsa, seu praxis ejus alicui ex dictis legibus opponatur. Neque enim singulæ juri Divino opponuntur, & juri merè naturali, & merè Pontificio; sed aliæ uni opponuntur, aliæ alteri, ut ex lectione ipsarum manifestè deprehenditur. Jam verò si solum opponantur juri merè Pontificio, ut 3.4.8. 9. 20. 32. 36. 37. Alexandri, & 47. 52. & 53. Innocentii, certum est, per aliam legem merè declaratoriam condemnari potuisse, quia ejus est interpretari legem, cujus fuit eam condere: & sæpe lex una positiva per aliam legem non constitutam novi juris, sed merè declarativam, à legislatore ipso authenticam interpretationem

tionem accipit : neque aliam ob causam plures ex prædictis opinionibus moralibus condemnantur, nisi quia illarum auctores sinistrè, laxèque interpretabantur leges antiquas per Concilium, aut Pontificem statutas, & ideo per aliam legem verus earum sensus declaratur, & contrarius, quem opiniones illæ præferebant, tanquam noxius, & exitialis reprobat. Quomodo Urbanus VIII. declaravit, non solum fore, sed etiam fuisse invalidas absolutiones religiosas concessas, cum Prælati illorum sunt invitati, virtute Bullæ Cruciatæ.

56 Si verò juri Divino, aut juri naturali opponantur, quales sunt illæ, quæ spectant ad Sacramenta, Simoniam, restitutionem, aliove contractus, etiam Pontifici tanquam Vicario Dei, & Christi, qui est utriusque legis auctor, Pontifici, inquam, ut mensuræ, ac regulæ visibili, non solum credendorum, sed etiam agendorum, competit talium legum declaratio. Sic declaravit Leo X. montes pietatis non esse usurarios. Sic converso Sixtus V. alia pleraque circa Simoniam, & usuram. Et sic demum inter leges juris communis Canonici plures Decretales inveniuntur nihil aliud continentes, quàm Pontificum responsa ad casus particulares, ubi non consultebatur circa novas leges imponendas; sed de iis, quæ debebant fieri spectato jure antiquo.

57 Nec solum de rebus faciendis, sed de præteritis, atque jam factis interrogabatur, an licuerit illa facere? ipsæque ejus responsiones præterita, ac futura ex æquo compledebantur, decernentes fuisse illicita, ac peccaminosa. Quod utique ratione illius responsi, esto vim legis habere crederetur, non fiebat; sed respectu habito ad antecedentia jura divina, naturalia, aut positiva juxta exigentiam materiæ, de qua erat consultatio. Et tunc ea responsio comparatione factorum præcedentium mera declaratio erat oppositionis, aut conformitatis ipsorum cum prædictis juribus, licet vim legis haberet, quatenus obligationem inducebat ad illam interpretationem tenendam, & ad jus antiquum juxta ipsam observandum, ut optime Suarius exponit lib. 4. de legib. cap. 14. num. 6. & 7.

58 Igitur hoc modo rectè potest à Pontifice per legem declaratoriam juris naturalis, aut Divini, nedum positivi, aliqua doctrina, & praxis ejus condemnari, & induci obligatio accipiendi talia jura in eo sensu, quem lex declarat immò declarari, eum sensum jam antea sufficienter constituisse, & malè, ac sine fundamento sufficienti fuisse per eam novam doctrinam, aut negatum, aut in dubium vocatum. Nam si quis animadvertat ad ejusmodi condemnationes, non est necessarium declarare jus ipsum naturale, vel Divinum; sed supposito legitimo ejus sensu aliàs sufficienter noto, & Ecclesiæ ipsi, ejusque Magistris, ac Doctoribus communiter probato, decernere ejusmodi opiniones nequaquam ei esse conformes, sed potius dissonas, & exorbitantes. Lex namque naturalis, ac divina nil est aliud, quàm mensura quædam nostrarum operationum, aut opinionum moralium. Is autem, qui aliquid damnat, ut defectuosum, ac mensuræ suæ disconveniens, optimè potest id facere, quin de mensura ipsa examen novum instituat, aut circa illam aliquid dubium declaret; sed solum circa defectum, & disconvenientiam cum illa se tenentem ex parte rei mensuratæ.

59 Quæ autem diximus de jure Divino, naturali, aut Pontificio, pariter intelligenda sunt de jure Apostolico. Nam præcepta Apostolorum, si nomine Christi promulgata sunt ab ipsis eo modo, quo agebat Paulus : *Præcipio autem non ego, sed Christus* : cum omni rigore sunt præcepta juris Divini per Apostolos tanquam per præcones intimata; neque circa ista aliam potestatem habet Pontifex, nisi illam declarativam, quam ei concessimus circa præcepta Sacramentorum, ac fidei immediate à Christo data. Si autem sunt ab ipsis tanquam à legislatoribus constituta, tunc ejusdem omnino rationis censentur, ac alia præcepta, & leges juris merè Pontificii, & ideo non solum declarari possunt; sed ubi materia fert, etiam tolli, & abrogari. De quo plenè Azorius plerisque exemplis adductis 1. p. lib. 5. cap. 15. qu. 4. & adhuc plenius 2. p. lib. 4. cap. 18. & qu. 2. ubi de declaratione juris Divini obfcuri licita Pontificibus pertractat satis exactè.

QUÆSTIO X.

An istiusmodi decreta ut merè declarativa possint esse leges propriè tales?

60 **E**X hucusque dictis patet, circa huiusmodi decreta Alexandri, & Innocentii duas diversas quæstiones controversi posse. Prima est, utrum illa, quatenus prædictas opiniones tanquam scandalosas damnant, sint verè declaratoria perniciæ, ac scandali in ipsis, atque in eorum praxi antè ipsam condemnationem reperti, ita scilicet, ut per condemnationem declaratur, illas jam antè fuisse peccaminosas, & illicitas, infectasque malitia perniciæ, ac scandali commissi adversus leges alias, quamvis forè earum auctores, & in praxi sectatores (quorum nulla sit damnatio) ratione ignorantia inculpata à formali Dei offensa, ac peccato excusarentur, quia leges illas, circa quas peccabant, licet verè jam existerent, aliter intelligebant etiam viri docti, perique eorum malorum, easque in alio sensu declarabant, opposito ei sensui, ac praxi, quem condemnatio declaratur fuisse præferendum. Secunda quæstio est, an casu quo condemnatio reperta in istis decretis sit merè declarativa malitiæ, quæ inveniebatur in prædictis opinionibus antequàm condemnarentur, id factum sit per legem propriè talem; an verò per alium actum, & cuius potestatis fuerit exercitium? Nam si talia decreta, quatenus declarativa sunt, & actus præteritos damnant, non sunt verè, ac propriè leges, frustra dicitur, talem declarationem esse actum legislativæ potestatis, & à Pontificibus tanquam à legislatoribus proficisci.

61 Proposui prius hanc quæstionem, quia facilior est, & quia ex dictis à num. 51. parvè imperdicio potest enodari. Ibi namque contendebar, eiusmodi condemnationem, quamvis merè declarativa putetur, quatenus distincta est à prohibitionibus, præceptisque denuò adjunctis, adhuc esse verè, ac propriè legem, & proinde usum, exercitiumque actuale potestatis legislativæ. Non quia ut sic novum jus affrat, quia id potius spectat ad poenas, & prohibitiones adjunctas; nec quia

nullius juris constitutiva sit, quia sine dubio, si vera lex est, secum importat aliquam obligationem, & ratione sui formaliter illam ponit, ac constituit; sed quia declarando tales opiniones esse scandalosas, & perniciosas earum praxim, priores leges, quibus antè opponiebantur, illarumque obligationem corroborat, renovat, atque confirmat, verum sensum ipsarum aperiendo, & declarando expressius oppositionem cum ipsis, quam habebant tales opiniones, ac doctrinæ. Quo facto, etsi nullam aliam prohibitionem, præceptumve adjungeret, eo ipso obligabat ad iudicandum, operandumque deinceps secundum sensum, quem ipsa præscribebat, atque ad censendum de pravitate, ac malitia earumdem doctrinarum, & actionum, sicut ipsa censet, ac constituit. Hoc autem plusquam satis est ad veram rationem legis, quia lex non semper constituit novum jus antè non datum; sed sæpè antiquum declarat, aut innovat, aut confirmat.

62 Sed adversus ista opponi potest, leges declarativas absolute, propriè loquendo, ut præterita respiciunt, non esse leges; sed solum doctrinas-quasdam merè speculativas, ut sic loquar, insinuativæque illarum qualitatem, quæ in rebus, aut opinionibus secundum se inspectis reperiuntur. Quippe illarum obligatio non imponitur ad aliquid agendum, aut sentiendum in tempore præterito, cum id jam sit impossibile; sed præcisè respicit actus futuros, qui duntaxat nostræ potestati subsunt. Et quando consideratur, ut lex, aut præceptum obligans ad tenendum, atque recipiendum ejus declarationem ut authenticam, haudquaquam obligat, aut mandat, ne aliquid fuerit factum, aut opinatum; sed ne deinceps fiat, & ad summum obligare potest ad sciendum iudicium de præteritis actibus sibi conforme, & juxta sensum, quem declarat esse verum, ac proprium talium legum. Porro hoc iudicium, quamvis sit de re præterita, præteritum in se non est; sed futurum. Ita discurrit de efficacia, improprietateque legum declaratoriarum P. Suarez lib. 3. de legib. cap. 14. num. 4. & Palaeus tom. 1. tr. 3. disp. 5. punct. 3. §. 5. num. 1.

63 Et sanè de re ipsa constat, nullam esse

esse propriè legem, quæ non habeat effectum obligandi; constat etiam, nullam legem obligare ad aliquid agendum, aut non agendum in tempore præterito: constat præterea, neque his decretis, neque aliis legibus declaratoriis deesse vim obligandi ad aliquid in tempore futuro, quamvis id, quod est agendum, aut sentiendum, respiciat etiam præterita. Unde non mirum, si propriè, & in rigore leges dicantur, nam sicut sententia, quatenus declaratoria criminis, vera sententia est, sic lex generalis, quatenus declaratoria peccati, lex vera, ac propria debet reputari: nam lex, & sententia eo solum differunt, quod sententia sit quædam lex, aut jus privatum; lex verò quædam generalis sententia. Unde jure optimo dicitur, hujusmodi decreta à Pontifice tanquam à legislatore emanasse, nisi fortè hæcamus verbis, de quibus contentiosè non oportet disputare: tunc enim commodius erit dicere, emanasse ab illo tanquam à iudice controversiarum moralium pertinentium ad Ecclesiam, ut quæstione præcedenti declaravimus, quidquid sit, an istud spectet ad legislativam potestatem, vel aliquando sit extra ejus terminos.

QUESTIO XI.

An, & quomodo condemnatio istarum thesaurorum ad præterita extendatur?

64 **R**Evoco ad hos terminos sensum quæstionis latius propositum *sup. num. 60.* ejusque solutio sumi potest ex dictis tum *quæstione 5.* unde constare videtur, prædictam condemnationem non fuisse datam pro semper, sed solum *pronunc.* seu, quod idem est, rebus sic stantibus. Tum ex dictis à *num. 40.* unde depromitur, ejusdem fuisse extensionis damnationem, acque prohibitionem harum thesaurorum; prohibitio autem ad præterita propriè referri non valet. Tum præterea, quia magna expressione est opus, ut aliqua constitutio ad præterita extendatur; in præsentem autem nullum verbum denotat expressè, & immediatè hanc extensionem, quasi eadem certitudine tenendum sit vi illius decreti, illas semper fuisse scandalosas, sicut tenendum est ratione ipsius, illas nunc esse propriè, & in rigore ta-

les. Videri ergo potest, damnationem potius esse directivam, prohibitivam, discontinuativam, & quasi præservativam à malis, quæ disciplinæ, vitæque Christianæ imminerebant, si continuaretur publicatio, atque defensio ipsarum, & apud fideles invalesceret earum praxis. Neque ob id contendo, nullam ex eis fuisse antecessenter scandalosam activè, & propriè; sed duntaxat *ajò*, id non fuisse authenticè, & expressè, ac immediatè declaratum à Summis Pontificibus in his decretis, quæ omnes, & singulas ex æquo respiciunt, nec de his potius, quàm de aliis, aliquid gravius decernunt. Ad modum, quo plures ex ipsis optimo jure potuissent reprobare, ac condemnari, declarando eas esse, ac fuisse falsas, temerarias, vel errori proximas; & tamen nihil horum ibi declaratur, licet prohibitio adjuncta, & ejus modus sit planè similis ei, quo solent interdici doctrinæ hisce censuris subjectæ.

65 Simile valdè exemplum sumi potest ex constitutione *detestabilis 45.* edita à Sixto V. die prima Novembris 1586. ubi *damnavit, ac reprobavit*, nec solum prohibuit tanquam usurarium contractum societatis cum certis pactionibus iniri solitum in quibusdam Provinciis. Et quamvis clamorosa insinuatio, quæ vim delationis habuit, cum contractum ut usurarium, & valdè perniciosum proposuerit, idque Pontifex (ut evenit in nostro casu) cum magno dolore audiverit, mensque, ac finis illius fuerit *pro pastoralis sollicitudine gregem Dominicum suæ fidei creditum ab omni offensione, & aeternæ vitæ discrimine tutum in viam salutis dirigere*; adhuc tamen condemnationem, ac reprobationem ejusmodi contractuum, ac pactionum omnino absolutam non fecit, neque declaravit, eos fuisse usurarios, antequam condemnarentur; sed satis ei fuit interdicerè, ac discontinuare illorum praxim, ac doctrinam, & *de Apostolica potestatis plenitudine damnare, ac prohibere omnes contractus cum prædictis pactionibus POSTHÆC in eundem, & hujusmodi morbi contagionem tollere, antequam in COMMUNEM FIDELIUM PERNICIEM LATIUS SERPERET.* Verba sunt ipsius, etsi paulo aliter brevitatibus, ac claritatis gratia collocentur. Unde

Unde neque obligavit sua condemnatione, ac reprobatione ad iudicandum, seu censendum ejusmodi contractus, quos morbosos, contagiosos, ac perniciosos, sapienterque usurariam pravitatem appellat, atque ea propter illos damnat, prohibetque in posterum, fuisse tales secundum se, & antecedenter; sed solum statuit, illos usurarios, & illicitos POST-HAC CENSERI debere, ac in posterum non licere, &c. Ac ne de cetero societates ineantur cum ejusmodi pactis, ac conditionibus, quæ usurariam pravitatem sapiunt, districte interdicit, ac prohibet, decernitque nullam oriri actionem, naturalem, aut civilem, ex eis tanquam damnis, ac reprobatis, &c.

66 Non disputo modò, quis contractus societatis cum pacto affecurationis, tum ipsius capitalis, tum minoris lucri certi pro majori incerto, quod ex societate merito speratur, à Sixto in presenti condemnatur, reprobetur, atque prohibeatur, de quo videri possunt Azor. 3. part. lib. 9. cap. 4. qu. 5. & præsertim difficult. 4. Lessius lib. 2. cap. 25. dub. 3. Gibalinus lib. 6. de usur. cap. 5. art. 3. à num. 5. Sed solum contendendo, contractum illum, qui cum suis pactionibus, quæcumque illæ sint, damnatus, & reprobatus fuerit ab illo tanquam illicitus, & usurarius, & nuper districte prohibitus, immò invalidus, eisdem de causis, ac motivis, immò eisdem ferè verbis, quibus præfatæ doctrinæ, & earum praxis, adhuc non obstante tali expressa condemnatione, atque reprobatione, non censi ita damnatum, ut declaretur fœneratitius, ac illicitus ex se, vel antè condemnationem oppositus juri naturali, ac Divino usuras improbandi, Pontifice ipso exprimente condemnationis, ac reprobationis effectum ab ipsa sua constitutione condemnativa inchoari, exprimentemque similiter, ex tunc esse censendum illicitum, quin condemnationi, aut reprobatio se extendat ad condemnandum, tanquam ex se pravam, illicitam, atque perniciosam opinionem illam, quæ plurimorum Doctorum erat, & attento jure naturali, vel Divino, præscissaque nova constitutione Pontificis, quæ non erat edita, cum illi scribebant, talem modum contrahendi planè licitum esse iudicabat, & ita similem omnino rui-

næ, ac scandali occasionem præbebat, quam præbebant modò opiniones damnatæ. Ergo à fortiori idem dicendum est in nostro casu.

67 Tum propter omnimodam similitudinem motivorum, ac verborum, quibus Pontifices utrobique utuntur: tum quia utrobique etiam dici potest, Pontifices illas, earumque praxim abstinuisse, non quia singulæ antè suam condemnationem scandalosæ, ac perniciosæ fuisse declarantur, & juri alicui Divino, naturali, aut positivo legitime intellecto, & antecedenti oppositæ; sed quia laxæ erant, periculosæ, ac minus tutæ, atque ideò voluerunt earum defensionem, doctrinam, praximque intercideri; ne in communem fidelium perniciem latius serperent, atque, ut ea ratione gregem Dominicum ab omni offensione (offensio hic idem est, ac scandalum; & Theologicè pro eodem sumuntur ponere offensiculum, ac dare scandalum) & æternæ vitæ discrimine tutum in viam salutis dirigerent, seu revocarent: tum quia, licet Alexander, & Innocentius usi non fuerint voce illa posthac, sive ad statutuendum, quomodo de illo contractu opinandum, ac censendum esset, sive ad illum condemnandum, sufficienter illum expressisse videntur, dum per vocem ita ut modum condemnationis, ac prohibitionis à se laxæ exposuerunt, & condemnationi non diversum modum, aut tempus; sed illud ipsum, quod prohibitioni, assignarunt: tum demum, quia, ut lex aliqua, constitutio, seu decretum ad præterita trahatur, magna expressione opus est, qua deficiente, de futuris solummodo loqui censetur, ut notant Suarez, & Palauz relati sup. num. 62. estque doctrina communis omnium, valdeque legalis.

68 Loquamur de hac sola propositione, quæ est 42. Innocentii, & ad usuram ejus praxis, ac doctrina pertinet, sicut illa Sixtiana: *Usura non est, dum ultra sortem aliquid exigitur tanquam ex benevolentia, & gratitudine debitum; sed solum si exigitur tanquam ex iustitia debitum*. Et de ejus condemnatione eadem omnino questionem moveri possunt, quas de condemnatione Sixtiana movent auctores, videndæ apud Azorium difficult. 4. An scilicet condemnet illam tanquam regu-

regulam contrariam de se juri naturali prohibenti usuras, vel solum tanquam adinventam in fraudem antiquorum Canonum, quibus eadem usura proscriptibuntur, vel solum tanquam approbantem, præbentemque occasionem agendi id, quod habet speciem, ac saporem usurariae pravitatis? Nam quovis ex his modis condemnatio facta fuerit, sufficit, ut tanquam scandalosa, & in praxi perniciose reiciatur. Cæterum illi inter se valde distant. Nam juxta primum condemnatio erit declarativa juris naturalis, aut oppositionis, quam habet cum ipso prædicta propositio, & ejus praxis, nec jam disputare licebit, an illa sit licita, solum jure naturali attento, & præcisso quovis jure Pontificio reiciendi, atque prohibendi utramque, sicut disputatur in utramque partem de contractu illo Sixtiano, & videre est apud Azorium in *diffa qu. 5. difficult. 1.* Juxta secundum verò condemnationis declarativa etiam erit, comprehensivaque præteritorum; sed illi non contradiceret, qui affirmaret, talem modum paciscendi per se loquendo esse licitum, & nullatenus oppositum juri naturali. Juxta tertium verò decreta Pontificia non erunt declaratoria peccati, aut oppositionis præteritæ cum lege aliqua naturali, aut positiva, etiam quatenus condemnatoria sunt; sed constitutiva novi juris, quo deinceps propositio illa, & ejus praxis pro scandalosa, ac perniciose haberi debet, atque ut talis censeri, ac reputari.

69 Putari igitur potest, condemnationem hoc modo factam esse. Tum quia condemnatio ut à prohibitione condistincta non plus exigit; sed satis est ei, si *post hoc*, aut *deinceps* suum habeat effectum, ut Sixtus ipse declarabat. Tum quia modus ipse condemnandi per decretum, & statutum potius pertinet ad legem, & constitutionem juris, quam ad declarationem doctrinalem comprehendentem omnia tempora: *statuere* quippe, atque *decernere* est officium voluntatis; declarare verò, atque docere, munus proprium intellectus proferentis suum judicium, præcisso quovis imperio. Reprobare autem, aut damnare, tam intellectui, quam voluntati tribuitur. Nam is actus, quo voluntas unum reicit, &

aliud præponit, sicut dicitur hujus electio, & approbatio, sic est alterius reprobatio, & rejectio, ut ex Isaia sumi potest *cap. 7. 15.* ibi: *Ut sciat reprobare malum, & eligere bonum.* Parique ratione, sicut dicimur approbare aliquam rem, aut doctrinam per eam actum, quo de veritate, dignitate, aut bonitate illius rectè judicamus, sic censemus illam reprobare, improbare, seu reicere, cum oppositum judicium ferimus: quomodo Psalmo 32. 10. de Deo scribitur: *Reprobat cogitationes populorum, & reprobat consilia Principum.*

70 Tum præterea, quia condemnatio ipsa Innocentii, cum solum sit *pronuntia* facta, tempus præteritum satis excludit; ea verò, quæ ab Alexandro primum lata est contra viginti octo propositiones, voce æquipollenti utitur: ait enim: *Quoniam similitudinem propositionum examini cura, & studium impenditur, INTEREA idem Sanctissimus, re maturè considerata, statuit, & decrevit, &c.* Quæ autem prolata est deinceps, licet prædictis adverbis non utatur, ea implicite subintelligit, sicut etiam implicite roborat, innovatque priorem condemnationem, ne alioqui dicamus, illam jam cessasse præteritæ cum studio, ac cura examinandi alias similes propositiones, cum non sit verbis definitivis, & ultimam sententiam indicantibus prolata; sed *interea*, & dum aliarum similitum propositionum examini, seu ab ipso Alexandro, seu ab aliis ejus successoribus incumbitur, eademque cura, & studium continuatur, ut confirmatum est ab Innocentio discretis verbis attestante, seopus ab Alexandro inchoatum prosequi voluisse. Tum demum ob alia, quæ in hanc rem expendi *num. 63. & alibi.*

QUESTIO XII.

Quid tandem sit istiusmodi condemnatio, & quomodo comparatur ad eam, qua Clemens VIII. Confessionem in absentia factam reprobavit?

71 **C**ondemnatio itaque ista nihil aliud esse videtur, quam reprobatio, ac rejectio ejusmodi doctrinarum propter occasionem ruinæ spiritualis, quam jam antea

antèa dederant, aut daturæ putabantur, si impunè continuaretur ipsarum defensio, aut divulgatio, indeque fideles animas sumerent deducendi illas ad praxim. Unde iudicium, quod determinatè præcessit voluntatem condemnandi ipsas tanquam scandalosas, ac perniciosas in praxi, non debuit esse iudicium de oppositione, quam jam antèa habebant cum lege naturali, aut Divina prohibente scandalum; sed satis ei fuit iudicium, quo sibi persuaderet, illas aut jam antèa fuisse scandalosas, suscitatasque, aut denuò adinventas contra legem charitatis, vel certè scandalo futuras, si in posterum continuaretur earum traditio, defensio, aut evulgatio. Nam scandalum, ac perniciem, quod ex eiusmodi continuatione prudenter timebatur, sufficiens motivum fuit damnandi ipsas, ac iubendi, ut in posterum scandalosæ judicentur, aut pro scandalosis habeantur, atque ut tales evitentur tam earum defensione, ac traditio, quam ipsarum usus, atque praxis. Et sane, cum reprobatio sit approbationi opposita, & oppositorum eadem sit ratio, ex iudiciis, quæ in Pontifice similem approbationem præcedunt, faciliè dignosci potest, quæ illius contraria iudicia in hac reprobatione includantur. Et exemplum sumi potest ex iudiciis, quæ interveniunt, cum approbatur aliqua religio, seu modus vivendi, quorum recensio potest videri apud Suarez tom. 3. de Relig. lib. 2. cap. 17. à num. 18. necnon ex iis, quæ traduntur circa approbationem libri exercitiorum sancti patris Ignatii.

72 Jam verò quæ hic possint urgeri ex litteris Clementis VIII. condemnantibus hanc propositionem: *Licere per litteras, aut internum Confessario absenti peccata Sacramentaliter confiteri, & ab eodem absente absolutionem obtinere*: quæ, inquam, inde urgeri possent, nullo negotio elevantur. Primò namque evidens est, hoc decretum esse declaratorium, & condemnationem in eo latam etiam extendi ad præterita, cum talem propositionem condemnet, non solum ut scandalosam, sed ut falsam, atque temerariam. Nam temeritas cum ipsa damnatione non potuit incipere, siquidem in eo consistit, quòd SS. PP. aut Theologorum probæ, sanæque doctrinæ oppo-

sita inveniantur. Falsitas etiam de præterito illi conveniebat per comparisonem ad institutionem Sacramenti, & ejus naturam, ac leges in Ecclesia receptas, & à Christo traditas, nec quidquam de novo occurrit, quod ipsam falsificare possit, nisi antecedenter falsa fuisset, neque ex continuatione, ac propagatione ipsius falsitas timeri possit, quæ jam antèa non esset contracta. Et hoc est diligenter inspiciendum, ut leges declarativæ, comprehensivæque præteritorum à merè constitutivis secernantur, an scilicet rationem reddant antiquam, vel annotatione materiæ referantur ad præteritum, ut necessariò hic referuntur temeritas, atque falsitas. Videndus Suarez lib. 3. de legib. cap. 14. num. 4.

73 Sunt præterea inter utrumque decretum alia quamplura discrimina præ oculis habenda, quia nonnulli de uno, ac altero promiscuè loquuntur, quasi pares vires habeant. Sit ergo secunda disparitas ex eo desumpta, quia Clementina damnatio, ut ex dictis constat, fuit sententia declaratoria falsitatis, ac temeritatis repectæ in propositione damnata, & propterea reprobatio in ea contenta non potest referri ad voluntatem; sed in se, ac formaliter ad intellectum spectat, cujus est officium declarare, & verà à falsis secernere, ac de temeritate opinionum judicare, conferendo illas cum Sanctorum, aut Doctorum mentes, ad eum modum, quo de hæresibus judicatur. Sit tertia, quia Clemens non exposuit suæ condemnationis modum per vocem *ita ut*, aut aliam æquipollentem, & suapte natura restrictivam; sed damnavit, prohibuit, ac præcepit, quin unum cum alio conjungeret, aut certè quin unum pariter cum alio explicaret, cujus oppositum egere hi Pontifices ex dictis sup. num. 41. & num. 54. Sit quarta, quia condemnatio Clementis fuit penitus immutabilis, perpetuumque silentium imposuit contradictoriis, cum non utatur ea voce *pronunc*, quæ in istis decretis posita involvit denegationem silentii perpetui, locumque relinquit ex dictis *quæst.* 5. audientis, & majori examini, maxime quia Clemens etiam præcipit, ne ea propositio unquam defendatur ut probabilis.

74 Sit quinta, quia Clementis reprobatio

batio per verbum *Possit*, aut aliud simile limitari nequit, ut solum condemnetur illa propositio, quatenus deinceps proferenda, falsitatis, temeritatis, aut scandali. Nam semper falsa fuit, aut deinceps falsa non erit, & nisi antè condemnationem temeraria fuisset, ex vi illius minimè inciperet esse temeraria. Falsitas enim, aut temeritas ex tunc incipere nequit; sed solum incipit nova obligatio assentiendi quoad specificationem declarationi Pontificis, hoc est, non dissentiendi, aut repugnandi; tolliturque excusatio, aut prætextus, qui desumi posset ex auctoritate aliter sentientium, priusquam Pontifex eorum opinionem condemnaret. At verò quanto fundamento possit vox illa *Possit* suppleri in istis condemnationibus, ex dictis à num. 65. potest liquidò constare.

75 Sit sexta, & valdè notanda, quia decretis Innocentii, & Alexandri non imponitur directè obligatio cohibendi assensum internum damnatæ propositionis, neque censura scandalosi in illum cadit, ut præmonui *sup. num. 28* at verò qui interiori iudicio affirmaret, *licere per litteras confessionem, & absolutionem absens*, eo ipso se directè opponeret definitioni Pontificis. Nam qui aliquam propositionem affirmat, dicit illam esse veram, & hoc est in qualibet affirmatione necessariò inclusum, cum *ly est* sit nota veritatis. Pontifex autem è contrario dicit, illam esse falsam. Ergo, &c. Quocirca si quis sciens, & advertens ad decretum Clementis, eam propositionem interius conciperet, necessariò convinceretur credere, ac putare, Pontificem in sua censura errasse: negat enim, saltem implicite, & in actu exercitò, esse falsum, quod Pontifex falsum asseruit. Neque hoc ullo discursu, aut novo examine indiget, quia per se notum est cui libet, duas contradictorias non posse simul esse falsas, aut veras. Unde qui putaret, declarationem Pontificis esse veram, non posset in eodem instanti affirmare, licitam esse confessionem, & absolutionem in absentia, quia putando declarationem Pontificis esse veram, formaliter iudicaret, esse falsam propositionem, quæ affirmat, licitam esse confessionem, & absolutionem in absentia; ne-

mo autem potest sibi persuaderè, aut affirmare in uno instanti, quod in eodem instanti falsum esse credit.

76 Evidensque apparet ex terminis unicuique per se notis, non minùs, immò magis inter se pugnare respectu ejusdem intellectus duas propositiones, quarum altera affirmat, Petrum currere, & altera ait, hoc ipsum esse falsum in actu signato, quàm duas, unam affirmativam, aliam negativam ejusdem dicti, v.g. *Petrus currit: Petrus non currit*: quarum singulæ in actu exercitò duntaxat negant veritatem alterius. Quocirca *dissert. 18. Metaphysica à num. 18.* dubium mihi fuit, an istiusmodi actus in eodem intellectu divinitus coexistere possint, quia neuter, neque ambo simul, reflexionem facit in actu signato supra repugnantiam suæ verificationis simultaneæ, aut supra falsitatem alterius; sed ad id necessarius est alius tertius actus, etsi per se notus, quo iudicet, simultaneam verificationem utriusque esse evidenter impossibilem. At verò cum unus ex ipsis in actu signato affirmet, alium esse falsum, eo ipso reddit metaphysicè impossibilem assensum illius, quia falso existimato tali nequit assentiri intellectus, nisi affirmatio (quod est prorsus impossibile) extra suum proprium objectum feratur.

QUÆSTIO XIII.

Utrum Pontifex errare possit in his censuris ferendis, approbando tanquam licitum aliquid juri Divino, vel naturali contrarium?

77 Certissimum mihi est, Pontificem non posse errare in istiusmodi censuris ferendis, nisi fortè sua solummodò privata auctoritate utatur, vel sola auctoritate merè humana Ecclesiæ, qua utitur in condemnationibus judicialibus, quæ ad peculiaria facta, vel personas spectant. Sed difficultatem ingerit M. Soto *lib. 6. de just. & jur. art. 6. quest. 1. vers. Institutum hoc*, ubi opinatur adversus quoddam decretum Leonis X. in Concilio Lateranensi prolatum, improbaturque ut usurarios Montes pietatis, quos ibidem Pontifex tanquam licitos, ac meritorios approbaverat. Verba illius hæc sunt: *Papa, & Concilium in quibus*
auo.

auctoritas refidet summa condendi tum fidei articulos, tum morum leges, non cuvant falcem suam mittere ad definiendas tanquam de fide Philosophiæ disputationes, quæ non ex Sacra Scriptura, sed ex nuda Philosophia elicuntur, qualis illa est, quæ instituitur ad examinandum, quisnam contractus sit usurarius, quis verò ab hoc discrimine liber. Hoc enim non ex Sacra Scriptura colligitur, unde suas veritates Sancta Sedes elicit; sed ex media, meraque natura verum. Hastenus ibi. Attamen si Sotus velit, Pontificem non posse definire tanquam de fide, an aliquis contractus sit licitus, vel illicitus, toleranda non est ejus doctrina. Quia esto id frequenter dependeat ex morali Philosophia, & convincatur ex principiis ejus; adhuc potest sub Divina revelatione comprehendi, & ad objectum Divinæ Fidei spectare. Unde usuras, adulteria, atque mendacia esse illicita, procul dubio est revelatum, & Fide Divina creditur, licet ex morali Philosophia etiam possit probari convincenter. Quare hanc evasionem periculosam vocat, ne amplius, inquit, dicam, Dicastillo tom. 2. de just. & jur. lib. 2. tr. 10. disput. 2. num. 384. Palautem tom. 7. disp. 4. de just. commutativa. §. 24. ait: Temerè negari Pontifici auctoritatem definiendi hanc disputationem, cum ad mores fidelium, rectamque Ecclesiæ gubernationem pertineat; atque similia invenientur apud Azor. 3. part. cap. 8. vers. Quarto, & Torres de just. & jur. disp. 61. dub. 12. num. 6.

78 Si autem Sotus solum velit, Leonem non declarasse de facto eum contractum esse licitum innitendo Divinæ revelationi, sed principiis Philosophiæ moralis, atque ideò propositionem illam non esse de fide, rem utique possibilem dixit; sed non ideò potuit, aut debuit Pontificiæ doctrinæ contradicere, & montes illos tanquam usurarios damnare, non obstante Pontificio, & Conciliari decreto. Quia esto demus, rem inibi traditam non esse de fide, cujus oppositum videret Lessio lib. 2. de just. cap. 20. num. 199. adhuc tamen ejus veritas adeo certa debet reputari, ut oppositum asserere valde gravem censuram mereatur. Quare Sotum hæc de causa severe reprehendunt Salon de just. & jur. qu. 78. art. 2. contrav. 27. ubi sententiam illius temerariam, ac periculosam ap-

pellat, estque videndum omnino colum. 1030. & deinceps, nam rem istam nimis accurate versat Filiolus tom. 2. tr. 34. p. 2. num. 168. dicens, id non esse tutum, & num. 169. ait, Sotum, & Cajetanum, qui ei præverat, communiter notari tanquam nimis audaces in interpretanda mente Concilii, ac Pontificis. Utriusque censuram refert, & in suæ sententiæ comprobationem affert Cardin. de Lugo disp. 25. de just. num. 188. cum sequent. in fin. Torres item ubi supra num. 7. tradit, nulli integrum esse defendere sententiam Soti contra apertam definitionem Concilii, & qui ex eo transcripsit Dicastillo sup. num. 386. pariaque lector inveniet apud Azor. eo cap. 8. vers. Deinde Giballinus præterea tom. 2. de usur. lib. 4. cap. 7. art. 2. num. 3. eandem doctrinam temerariam, & erroneam censet. Molina de just. & jur. tr. 2. disp. 325. num. 5. pronunciat, Sotum, atque Cajetanum parum reverenter, nimisque audacter circa Summi Pontificis, ac Generalis Concilii definitionem loqui, & plus justo potestatem, quæ in Ecclesia est ad definiendum, & declarandum, quæ ad fidem, & mores spectant, coarctare, nec esse tutam eorum opinionem, quamvis aliàs sint doctissimi, & de Theologia, ac Christiana religione benemeriti. Multus esset, si omnia persequi vellem, quæ apud Scriptores inveniuntur contra prædictam doctrinam; legi autem possunt Malderus tr. 5. de just. cap. 3. dub. 17. in assertione. Rebellus de obligationib. just. 2. part. lib. 8. qu. 13. num. 3. Diana tr. de infallib. Summi Pontificis. part. 11. resol. 26. per totam.

79 Duo itaque contra Sotum sunt firmissimè statuenda. Primum est, Summum Pontificem jure optimo definire posse in questionibus liciti, aut illiciti aliquid tanquam Divina Fide credendum, ex gr. moralem aliquam doctrinam esse scandalosam, aut improbabilem, licet id pendeat ex aliquibus veritatibus Philosophicis, & lumine naturali cognoscibilibus. Alterum verò, quamvis ista non proponat tanquam credenda per fidem, neque ut revelata à Deo, atque, ut sic loquar, ex cathedra rerum credendarum, adhuc possit illa proponere tanquam infallibiliter certa, loquendo scilicet ex cathedra rerum agendarum, quatenus ad doctrinam Christianam non solum spectat credenda

munda per fidem tradere ; sed etiam , quæ sunt agenda . Unde Pontificem in rebus fuoraliibus ad Ecclesiæ sanctitatem pertinentibus suam habere certitudinem , à qua non licet recedere , aperte constat ex dictis , & Doctoribus relatis , quibus addi possunt plures de hac ipsa infallibilitate generalius tractantes , quos refert copiose Miñano in *Basi Pontificiæ jurisdict. tr. 2. fundam. 2. qd. 10. num. 156.*

80 Ratio prioris dicti est , quia fieri potest , ut eadem ipsæ veritates Philosophicæ , unde sumitur honestas , aut turpitudinum agendarum , revelatæ sint , aut proximè revelatis connexæ , vel sub eis contentæ tanquam particulares sub universali , & tunc nil potest ob stare , quominus explicitè Pontifex declaret , illas pertinere ad fidem , ut sæpius declarat aliàs etiam ad factum spectantes , cum in antea revelatis implicitè continentur . Maximè , quia esto id deficiat , infallibilitas ejus ad has etiam veritates indirectè extenditur , quando illarum cognitio utilis est ad averte ndos fideles à peccatis impediendibus , aut retardandibus consequentem vitæ æternæ , & ad præservandos illos ab erroribus , præsertim practicis , unde eorum salus periclitari posset . Nam sicut Pontifex dicitur habere potestatem directam circa res spirituales ; indirectam verò circa temporales , quatenus scilicet ad finem spirituales deserviunt , eisdemque subordinantur , sic circa doctrinas existimari debet , ut directè possit Pontifex circa revelatas , aut cum eis connexas decernere ; circa aliàs verò non revelatas , indirectè , & quatenus necessarium est , aut utile ad præservandam Ecclesiam ab erroribus , aut doctrinis deducentibus in viam laram , perniciosos in praxi , & corruptentibus Christianos mores .

81 Malè enim provisum esset Ecclesiæ , si infallibilitas doctrinæ ipsius ad hæc etiam non se extenderet , sed coarctaretur ad ea solum , quæ absque subsidio luminis naturalis , & veritatum per ipsum cognoscibilium definiti possunt . Inde enim fieret , ut fideles non possent esse omnino certi de securitate doctrinæ traditæ ab ipso Pontifice , etiam si vellet eos omnino securos reddere . Et sicut talibus definitionibus majorem certitudinem auctoritate sua præstat , quàm haberent ex præmis-

sa naturalis Philosophiæ , unde earum veritas pendet , sic posset eis tribuere fidei certitudinem , casu quo proponeret , ut Divina Fide credendum , aliquam doctrinam esse scandalosam , perniciosamque ejus praxim . Ad modum quo , juxta plures , reddit de fide esse in cœlis Sanctos canonizatos , et si pendeat ex historiis , & factis cognitis per attestationes humanas , quibus secundum se sumptis , atque separatim ab Spiritus Sancti suggestionē , absolute posset falsitas immisceri . Et sicut in approbatione religionum , quamvis honestas constitutionum , & regularum , quas approbat , sæpè ex naturalium principis dependeat , de fide videtur errare non posse quoad judicium de illarum honestate , si Suarii credimus id cum aliis asserent *tom. 3. de Relig. lib. 2. cap. 17. num. 19.* ne alioqui mala pro bonis confirmet , & auctoritate sua universam Ecclesiam inducat in errorem bonis moribus contrarium .

82 Quod si dicas , neque approbationem religionum , neque beatitudinem illorum , quos canonizatione solemnī Ecclesia inserit Sanctorum factis , esse de fide , non ideò tutum erit asserere liberè , ac licitè detrectari posse , aut beatitudinem istorum , aut illarum probitatem : neque enim id jam manet in ambiguo , sicuti manebat antea ; sed certum omnino sit , licet minori certitudine , quàm sit certitudo fidei , neminique deinceps est integrum adversus illa opinari . Ita igitur doctrinis evenit , cum non declarantur hæreticæ , sed auctoritate Pontificis mitiori aliqua censura damnantur , ut erroris , temeritatis , aut scandali . Nam alioqui ex istiusmodi decretis non constaret certò hisce notis ea subiaci ; sed probabiles manerent , sicut antea , neque auctoritati Ecclesiæ opponeretur , qui eas defenderet ; sed impune foret unicuique licitum eas amplecti , ac propagare . Quo pacto se gessit Sorus , & antè ipsum Cajetanus , cum Montes pietatis ut usurarios rejecit , non obstantē decreto Conciliari , quod illos declaravit innocuos , et si ab aliis fuerint improbat . Unde hæc de causa optimo jure reprehenditur ab auctoribus *num. 78.* appellatis , nosque alia plurima adiciemus infra ad hoc ipsum institutum generaliter spectantia .

QUÆSTIO XIV.

Quanta certitudine tenendum sit, Pontificem non errare in his censuris, neque in prohibitionibus, præceptisque adjunctis?

83. **R**espondeo, eadem certitudine tenendum esse, qua tenemus, Spiritum Sanctum, qui est spiritus veritatis, in illis ferendis Summo Pontifici assistere, ne suis erroribus Ecclesiam implanet, obligando illam ad malum exequendum, tanquam si esset bonum, aut abstinendum à bono, tanquam per se malo. Unde multi putant, id esse de fide, ut Lessius lib. 2. de iust. & iur. cap. 20. num. 191. in fin. Vericelli 1. part. tr. 8. qu. 24. num. 9. cum Navarro in comment. de usur. num. 59. M. Sancto Thomas 2.2. qu. 1. disp. 9. fol. mibi. 779. Et colligitur ex generali doctrina Dianæ p. 11. tr. de infallibilit. Summi Pontificis, resol. 13. & aliorum, quos refert, affirmantium, de fide esse, nil posse proponi à Pontifice toti Ecclesie Catholice observandum, quod iuri naturali, vel Divino contrarium sit, consentiente Palao tom. 1. tr. 4. disput. 1. punct. 5. §. 3. num. 4. Coninc, disp. 18. de Fide à num. 134. Trullenc. lib. 1. in Decalog. cap. 2. dub. 4. num. 18.

84. Nihilominus Malderus de iust. & iur. tr. 5. dub. 17. vers. *Quæres*, putat, ejusmodi definitiones propriè non esse de fide; sed hætenus ad fidem proximè accedere, quòd certitudinem, ac testimonium accipiant à certitudine Supernaturalis assistentiæ Spiritus Sancti, quam etiam in naturalibus veritatibus ad legem Divinam, seu naturale pertinentibus Pontifex habet. Unde non video, qua consequentia iste auctor 2.2. qu. 11. de fide, art. 2. memb. 5. circa fin. dixerit, eum, qui sustineret pertinaciter, Ecclesiam errare in censura alicujus propositionis, fore hæreticum, quia à Deo revelatum est, Ecclesiam non posse errare in definitionibus circa doctrinam. Etenim cum ipse asserat, definitionem Leonis, de qua supra, & alias ejusmodi pendentes ex veritatibus Philosophicis nondum revelatis non esse propriè de fide, consequenter debuit affirmare, qui id negaret, ad hæresim proximè accedere; sed non esse hæreticum propriè, & in rigore talem.

85. Alii mitius sentientes affirmant, il-

lum, qui diceret, Pontificem in his censuris errasse, vel, quod eodem recidit, eum, qui negaret cum scientia, & advertentia decreti esse scandalosam, aut in praxi perniciosam aliquam ex propositionibus ea nota inuistis, non fore hæreticum; sed ejus propositionem fore erroneam, aut errori proximam. Ita Bañez 2.2. qu. 11. art. 2. in fin. Card. de Lugo disp. 20. de fide à num. 109. Torres in select. 1. p. disp. 30. dub. 3. Alii, ut Saura in exam. doctrin. cap. 19. princip. 10. putant fore hæreticum, vel de hæresi vehementer suspectum. Alii cum Layman in summa lib. 2. tr. 1. cap. 7. num. 2. tenent, qui ejusmodi decretis se opposeret, aut ea falsitatis argueret, fore quidem de hæresi, aut schismate suspectum; sed non esse adeò certum, Pontificem extra Concilium in his errare non posse, ut oppositum sit hæreticum, aut erroneum. Alias censuras ex variis Doctoribus contra Socum specialiter agentibus produxi sup. num. 78. Et demum alios adicio, qui rem distinctione componunt. Ajunt enim, cum, qui pertinaciter assereret, Ecclesiam posse errare in his censuris hæresi minoribus, ea de causa fore hæreticum formaliter; qui verò propositiones ipsas tali censura inuistas assereret, solum esse hæresi proximum. Ita Malderus 2.2. qu. 11. art. 2. memb. 5. Coninc. disp. 8. de fide, num. 134. & 135. cui videtur accedere Oviedo contr. 4. de fide. punct. 9. num. 124. & eorum verbareferens Diana p. 11. tr. de infallib. Summi Pontificis. resol. 10.

86. Mihi autè omnia supponendum videtur, ut omninò certum, Pontifici Spiritum Sanctum assistere in his legibus, decretisque morum, ac doctrinæ pro tota Ecclesia condendis, ne erret quoad substantiam precipiendo, aut approbando alioqui illicita, vel prohibendo, aut condemnando tanquam alioqui iniqua, quæ sunt honesta, & innocua. Quod professio apud Auctores proximè relatos constat quoad doctrinæ censuras infra hæresim, & quoad cetera decreta morum ex iis, quæ adversus Socum expendimus quæstione præcedenti, & nominatim traditur à P. Suarez disp. 5. de fide. sect. 8. num. 7. Bellarmino lib. 4. de Romano Pontifice. cap. 5. Molina de iust. & iur. tr. 2. disp. 325. Valentia 2.2. disp. 1. qu. 1. punct. 7. toto §. 41. Maldonado qu. 1. de fide. art. 10. disp. 6. proposit. 2. & 5. Rebel-

Rebello de obligationib. iust. 2. p. lib. 8. qu. 13. num. 3. vers. Multo minus. Azor. 3. p. lib. 5. cap. 8. de usur. vers. Quarto obicitur. Torres ea disp. 61. de iust. dub. 12. num. 6. ex quo pleraque Dicastrillus transcribit, & quæ ad propositum spectant, tom. 2. de iust. lib. 2. tr. 10. disp. 2. num. 384. Baldello tom. 1. Theologiæ moral. lib. 5. disp. 5. num. 2. Arriaga disp. 6. de fide num. 26. Moya in select. p. 1. tr. 3. disp. 6. a num. 44. & disp. 8. a num. 22. Diana (sup. resol. 13. Palao tom. 1. tr. 4. disp. 1. punct. 5. §. 3. qui num. 5. id extendit cum Diana ad particulares leges, quæ pro una Provincia, seu Diœcesis feruntur. Miñano in Basil Pontificiæ iurisdictionis. tr. 2. fundam. 2. qu. 10. num. 156. & locupletissimè Cardenas in select. 1. part. disp. 9. præsertim. cap. 6.

87 Unde etiam oritur, ut huiusmodi decreta doctrinalia circa institutionem morum, aut præsertim à peccatis ex hominum acceptatione non pendeant; sed vi sua obligare incipiant, quamvis alia externam politicam concernentia, immò & eadem ipsa, quatenus Ecclesiasticas censuras, aut alias poenas imponunt, tam acceptatione, quam debita promulgatione indigeant, & per contrariam consuetudinem, aut non usum possint abrogari. Nōtant hoc discernim Auctores agentes de decreto illo Leonis definiente, ac declarante, Montes pietatis institutos cum conditionibus, quas ibi recenset, non esse malos, nec habere speciem mali; sed potius licitos esse, atque laudabiles. Et severè Sotum reprehendunt, quem postea sequutus est Arragon. de iust. & iur. qu. 78. art. 4. fol. mibi 714. ad 2. eo quod opinari ausus fuerit contra decretum Leonis prætextu non acceptationis ejus. Ita Torres sup. num. 6. Dicastrillo num. 383. addens, oppositum in viro docto vix esse tolerabile. Banez de iust. non longè à fine totius libri, Giballinus sup. nu. 3. Molina, & Palaus, Azorius, & Rebellen locis citatis. Salon ubi sup. colum. 1032. Malderus dicto dub. 17. vers. Quod denique. Card. de Lugo ea disp. 25. num. 189. probans, definitionem Leonis non pendere ab acceptatione, & usu. Cum illa, inquit, non sit lex: sed declaratio doctrinalis pertinet ad mores totius Ecclesiæ, quæ quidem ad sui valorem, & infallibilitatem non pendet ab acceptatione, sed obligat omnes fideles, etiam Summos Pontifices successores.

88 Scio, Tabicnam, & Bartholomæum

de Medina docere, quod sine hæresi, & sine peccato teneri possit contra determinationem Ecclesiæ, antequam sit ab illa declaratum, aliquam doctrinam esse hæreticam, idipsumque ex Cajetano, Soto, & Aragon. deducitur, dum agunt de Montepietatis. Sed eos acriter perstringunt Auctores suprà laudati, & latè, ac optimè Corduba in quæstionario lib. 4. qu. 3. ante fin. nec in hoc puncto, juxta dicta, ambigendum est de certitudine; sed duntaxat de illius gradu. In qua quæstione mihi non videtur adeò certum, infallibilem assistentiam Spiritus Sancti summis Ecclesiæ Pastoribus in Petro promissam ad has censuras extendi, ut hæreticus censeri debeat, qui id negaverit; satis tamen certum puto, eam extendi ad omnia, quæ ex præcepto universalis Pontificis tanquam per se bona sunt tenenda, aut cavenda tanquam per se mala, atque idèò illum, qui talem assistentiam negaret, erroneam, aut errori proximam doctrinam censuram tradere, immò consilium, & adhortatio sufficiunt, qualis est in Exercitiis sancti Ignatii.

89 Prior pars assertionis sumitur ex Doctoribus allatis num. 85. & num. 78. & inde constar, quia nullibi ea assistentia expressè promissa apparet, nisi ad definiendum aliquid esse de fide, aut ad condemnandum assertionem contrariam tanquam hæresim; hic autem Pontifex mitiori censura utitur, cum solum dicat, eas propositiones esse scandalosas, & perniciosas in praxi. Quod si dicas, propositiones ipsas, ut jacent, solum damnari ut scandalosas; at verò propositionem, quæ affirmat, illas esse scandalosas, aut perniciosas, declarari tanquam ex fide tenendam, & oppositam damnari, ut hæreticam, quia ut Pontifex id faciat, non est necessarium, ut expressè, & in actu signato dicat, id esse credendum ex fide, & contrarium habendum tanquam hæresim, ut constet ex praxi Tridentini, & aliorum Conciliorum: nec dubium, quin sæpè Pontifices per decreta, aut per epistolas plura tradiderint, quæ certa fide creduntur, licet inibi expressè non dicatur.

90 Si, inquam, id dicas, contra est primò. Quia dum Pontifex determinat, aliquam propositionem esse de fide, eo ipso proponit eam tanquam Divina Fide credendam, atque idèò, ut à Deo revelatam,

quia objectum formale Fidei Divinæ est Divina revelatio. Si ergo Alexander, & Innocentius proponerent censuras istas tanquam Divina Fide credendas, proponerent, ut à Deo revelatum, tales propositiones esse scandalosas, atque ideò credendo ipsas, non tam Pontifici crederemus, quàm Deo loquenti per ipsum, sicut vice versa dissentiendo illis, Dei vocibus, & assertis dissentiremus, eidemque nollemus credere, & non solum Pontifici eas prohibenti, atque dampnanti. Atqui Pontifex eas censuras non proponit tanquam sibi revelatas denuò, neque ut contentas in antiquis revelationibus Ecclesiæ factis, neque in hisce decretis ullum verbum est id indicans, aut ita sentire cogens, neque ipsarum accusatio id continebat, quinimò pleræque ipsarum nituntur factis particularibus, & ad juris positivi interpretationem spectant, ad aliasve materias à Divinis revelationibus longissimè distitas. Non ergo eas proponit Pontifex ut à Deo revelatas. Et quis dicat, revelatum esse à Deo, scandalosam esse hanc propositionem, quæ est 37. Alexandri: *Indulgentiæ concessæ Regularibus, & revocate à Paulo V. bodie sunt revalidatæ*: cum luce meridiana clariùs videatur, id præcisè dictum esse propter evidentiam facti, qua Pontifici constabat, non esse revalidatas? Idem dixerim de illa 45. *Libri prohibiti, donec expurgentur, possunt retineri, usque dum adhibitâ diligentia corrigantur*: & de aliis plerisque faciliè observandis.

91 Jam verò altera pars nostræ assertionis ex eo deprehenditur, quia in his, quæ ad mores pertinent, Pontifex universam Ecclesiam decipere nequit in rebus tanti momenti, unde necessariò pender ejus bonitas, ac sanctitas, cum illi tanquam Pastori commissum sit subministrare fidelibus utilis doctrinæ pabulum. Neque sufficienter Christus Ecclesiæ suæ providisset, quam sine ruga, & macula esse voluit, si Vicarii sui doctrinam ad ea sola, quæ sunt fidei, coarctasset, ut quæstione præcedenti tetigimus, & præfert communis persuasio Theologorum, indicantque sine dubio generales promissiones, quæ ei sunt factæ. Unde sicut fideles omnino cavere debent à factis, quæ Pontifex velut illicita damnat, v. g. à contractibus, quos usurarios, aut Simoniacos esse declarat; ita

Theolog. Reform.

etiam cavere debent à doctrinis, quas reprobat tanquam noxias, & contrarias fidei, seu pietati, ac bonis moribus, nec aliter posset esse verus fidelium Pastor, Magisterque universalis Ecclesiæ, quæ columna est, & firmamentum veritatis, nisi pabulum doctrinæ, secernendo noxias ab innoxiiis, eis posset communicare, Spiritu Sancto assistente. Atqui censuræ illæ doctrinales sunt, ac morales, quia Pontifex doctrinas illas scandalii condemnans, & in praxi perniciosas declarans, eo ipso declarat, ac judicat, esse peccatum scandalii eas tradere, & absque magna perniciæ animarum, & corruptela vitæ Christianæ tradi non posse. Ergo si Ecclesiam sic condemnando, atque prohibendo deciperet, re vera circa mores Ecclesiæ, eorumque doctrinam erraret.

92 Certissimum itaque esse debet, & de fide esse videtur, Pontifici esse promissam infallibilem Spiritus Sancti assistentiam, ne erret, cum in re utrumque agitata, utrum pertineat ad fidem, ipse suam sententiam ultimam, ac definitivam profert, declarando explicitè, aut implicitè ejusmodi doctrinam Divina Fide esse credendam, & condemnando ut hæreticos eos, qui dixerint, illicitum esse, & naturali, vel Divino juri repugnare, quod ipse tanquam licitum præcipit, aut vice versa. Cæterum, cum id non declarat explicitè, vel implicitè, sed solum aliquam propositionem damnat mitiori censura, & prohibet ejus defensionem, evulgationem, ac praxim tanquam scandalosam, perniciosam, aut illicitam, quamvis certissimum sit, in hujusmodi decretis non errare, sed Spiritum Sanctum illi assistere, & eo assistente, ac dirigente præcipere; adhuc tamen non est adeo certum, Spiritus Sancti assistentiam esse illi quoad hunc effectum promissam, ut hæreticos censeri debeat, qui hoc negaverit, aut censuræ ipsius dicto modo latæ contradixerit.

93 Erraret tamen, essetque hæresi, aut Theologico errori valdè proximus, quicumque scienter, ac protervè id faceret, seu (quod eodem recidit) quisquis cum scientia, & advertentia censuræ Pontificiæ contumaciter negaret, esse scandalosam, aut perniciosam in praxi aliquam ex propositionibus ea nota inuistis Pontificiæ auctoritate. Nec quidquam est,

C

quod

quod ad gravioſiorem nos cenſuram compellat: vi iſtarum condemnationum, quæ morales ſunt, ac doctrinales, & immediatè ſeruntur ad licitum, ſeu illicitum, & circa agenda præcipuè, non verò circa credenda verſantur. Cuius rei optimum exemplum præbet, ut ſuprà dicere cœperam, Cœlitum canonizatio, quæ juxta pleroſque ad fidem non ſpectat, ſed mediam quamdam infallibilitatem ſortitur ratione factorum, atteſtationumque humanarum de heroica virtute, miraculis, finalique perſeverantia eorum, qui Sanctorum numero aſſociantur. De quo Theophilus Raynaudus miſiſſimè loquitur *tom. 10. in Coron. aurea. verſ. 8. verſ. Quæ verò, & plenius tom. 15. in Heterocliis Cœleſtium. ſect. 3. punct. 1. verſ. Certitudinem omnimodam. ſol. mihi. 251.* ubi plures refert, nec non Granado *in diſta controu. 1. de fide. tr. 7. diſp. 4. præfertim verò num. 24. Diana p. 11. tr. ultimo. reſol. 15. & 16.* ubi ab hæreſi eos excuſant, qui dicerent, Pontificem in iis erraſſe. Atque de approbatione religionum pariter diſcurrunt M. S. Thoma *2. 2. diſp. 9. art. 2. reſol. 776.* Granado ibi *diſp. 5. Diana ibidem reſol. 23. cum ſequent.* & Suarez omnium accuratiſſimè *tom. 3. de Relig. lib. 2. cap. 17. à num. 17. & diſp. 5. de fide. ſect. 8. num. 9.*

94 Sed obijcies ex Layman *lib. 2. tr. 1. cap. 2. num. 4.* Omnis ſermo ex infallibili aſſiſtentia Spiritus Sancti procedens eſt verbum Dei revelatum, atque ideò obiectum materiale Fidei Divinæ. Sed huiusmodi cenſura, ſicut & alia quævis definitio Eccleſiæ ad fidem, aut mores ſpectans, ut nos ſatemur, ex Spiritus Sancti aſſiſtentia docente, ac dirigente procedit. Ergo, &c. Reſpondeo negando maiorem. Qualitè aliud eſt, Spiritum Sanctum immediatè loqui, revelareque aliquam veritatem, quod neceſſarium eſt, ut illa ſit obiectum fidei; aliud verò, loqui ipſum Pontificem, non quidem proponendo aliquid ut immediatè à Deo revelatum, ſed præcipiendo, aut obligando Eccleſiam univerſalem cum regimine, & aſſiſtentia merè extrinſeca ſpiritus veritatis: tunc enim Spiritus Sanctus non loquitur; ſed ſolùm Pontifex: & ideò Pontifici credimus; non verò Deo voce ipſius ſuam loquutionem Eccleſiæ maniſeſtanti. Propterea Auctores, ac diſerte P. Vaſquez *diſp. 154. de legib. nu.*

17. hoc diſcrimen inter leges, & doctrinam fidei conſtituunt, quòd Pontifex, ut caput, Princeps Eccleſiæ leges ferre poteſt, quæ neque ſint traditæ à Deo, neque ex lege naturali, vel Divina neceſſariò colligantur. At verò ut Divina Fide credendum, neque in Concilio, nec extra, aliquid tradere poteſt, quod non contineatur in principiis, & articulis revelationis, aut ex ipſis certiffimè colligatur: quod itidem circa doctrinam fidei ex profeſſo tuetur P. Theophilus *ea veritate 8. P. Coninc. diſp. 12. de fide. dub. 6. præcipuè num. 68.* Lorca, Malderus & alii, quos dabit Miſiano *diſta qu. 10. num. 137.*

95 Obijcies ſecundo: quamvis certum ſit, Pontificem errare non poſſe, ſive in præcipiendo, ſive in prohibendo, ſive in docendo Eccleſiam univerſalem, cum error eſſet illi pernicioſus, aut juri naturali, vel Divino contrarius; at verò, cum error talis non eſt, nil cogitaſcere, tantam eſſe infallibilitatem ipſius, quantam ſuprà diximus, nec adeò certam in his, quæ ſunt cuſumodi, aſſiſtentiam Spiritus Sancti cum à tali errore præſervantis. Nam ſicut in huiusmodi legibus creditur errare poſſe quoad aliquas circumſtantias, imprudentiæ, nimisve ſeveritatis, aut nimitatis, &c. ut Auctores communiter obſervant, extenduntque ad approbationem religionum, quæ interdum extinguuntur, cum prius fuerint approbatæ, ſic pariter dici poteſt de aliis erroribus nimirè pernicioſis; ſed potiùs juvantibus ad diſciplinam, moresque Eccleſiaſticos in ſua ſeveritate, ac diſtinctione conſervandos. Jam verò decreta iſta, quatenus præceptiva ſunt, aut prohibitiva, nullum practicum errorem continent: præcipiunt enim, ne tales opiniones deducantur in praxim, quod honeſtiſſimum eſt, & valdè conſerens ad animarum ſalutem, & nulli Divinæ legi, aut naturali repugnat: idque pariter cenſeri debet de prohibitionibus docendi, defendendive eaſdem doctrinas; nam cum laxæ ſint, ac minùs tutæ, & in praxi, atque uſu ipſarum non levis errari poſſit, utique non docere eas, nec defendere opus eſt valdè laudabile, ac conducens toti Chriſtianæ Reipublicæ, cujus ſanæ doctrinæ, ac ſanctitati optimè providetur occcludendo viam illam latam, minùs tutam, atque periculoſam, & revocando

Cando illam ad arctam, quæ ducit securè ad vitam. Quatenus verò condemnativa sunt earumdem doctrinarum, et si supponant iudicium, quo Pontifex censuit, esse scandalosas, ac perniciosas in praxi, cum nil inde contra bonos mores damni, aut periculi sequatur, parum referre videbitur, quòd in eo quasi speculativè erraverit, severius fortè de illis iudicando, quàm par erat: quia cum certum sit, eas esse laxas, minus tutas, in praxi periculosas, avocativasque ab exercitio virtutum, sufficiens motivum eas prohibendi remanet, & parum refert, quamvis aliud non subsistat.

96 Cæterum his minimè acquiesco, & potius iudico, verissimum fuisse iudicium, quo Pontifex ductus est ad illas reprobandas: iudicavit enim, esse laxas, ac minus tutas, &c quod verissimum est, & sufficit, ut verè scandalosæ, ac perniciosæ dicantur, saltem scandalo imminente, nisi tempestivè occurratur, declaraturque periculum, ac gratia præcavendi illud earum defensio, & praxis prohibeatur. Vel certè sufficit, ut tanquam scandalosæ damnentur, servata rigorosa proprietate ad verbi *Tanquam*, quod similia, & æquiparata comprehendit, ut fusè ostensum est *quest. 4.*

QUÆSTIO XV.

Utrum prædicta decreta ab aliis saltem Pontificibus retractari valeant?

97 **L**Eges suas, suorumve prædecessorum sæpè retractant Pontifices, etiam si sint editæ de consilio Cardinalium, quia experientia ostendit, eas esse minus utiles, aut fortè noxias: & quamvis eas proferant ut personæ publicæ, & non privata, sed Apostolica auctoritate; adhuc contingit, ut aliter, ac aliter sentiant, & unus iudicet, alium errasse. Qua in re illustre exemplum profertur ab *Extravaganti Inter cunctas de privilegiis, lib. 5. inter comm. ubi Benedictus XI. revocat Extravagantem aliam Bonifacii VIII. etiam editam de consilio Cardinalium ad componenda dissidia inter Episcopos, & Regulares, quæ incipit: Super cathedram: & habetur inibi titulo de Sepulchris, lib. 3. & de illa sic profatur. Sed pro ea, quam intendebat, quiete, turbatio nata est, pro con-*

cordia sunt suborta dissidia, & pullulata inquietudines pro tranquillitate nascuntur: sicque dum ansam solvisses credidit, nodum ligasse videtur, & septem, uno hydra amputato capite, suscitasse. Nec mirum, quia plerumque parvæ novitates discordiam, præsertim dum ab eo, quòd diu æquum visum est, per novam constitutionem receditur: nec quare recedatur, utilitas evidens, vel alia causa subest. Ideoque cupientes, ut ipsi hæc cura nostra ad plenior impendatur, quò amplior in agro Domini operariorum numerus operetur, super egenum intendentes, & pauperem, ac novitatem removens per eandem constitutionem inducimus statuimus, &c. Hucusque Bonifacius, cui postea vicem reposuit, sacro instante, & approbante Concilio, Clemens V. in Clement. Dudum, de Sepulchris ubi Bonifacii constitutionem, revocata Benedictina, restituit, & de illa sic inibi censuit: Illa (ut probavit effectus) nedum pacis ab auctore ipsius sperata fructum non attulit; quinimò discordiæ, pro qua sedanda processerat, sumentum non modicum ministravit. Hæc ibi, quibus assensu comperies, & forsan graviora Clement. unic. de immunit. Ecclesiar.

98 Negari itaque non potest sæpius in istis decretis, etiam auctoritate Conciliari promulgatis, effectum non respondere sanæ intentioni Pontificum, qui illa constituerunt ad Ecclesiæ damna propulsanda; quinimò effectum contrarium resultare, atque ea de causa illa esse retractabilia, & retractari quàm sæpius. Quæri ergo potest, num decreta ista Alexandri, & Innocentii simili retractationi subiaceant, si experientia deprehendatur, ea præbere occasionem magnis scrupulis, atque laqueis conscientiarum, & plus incommodi, quàm commodi, asserre? Eo vel maxime, quia (ut non pauci conqueruntur) valde obstrusus est illorum sensus, & in plerisque valde difficulter deprehendatur, quis sit ambitus illius præcepti, quo toti Ecclesiæ præcipitur, ne quis ad praxim deducat ullam ex propositionibus damnatione comprehensis. Nec mihi dubium, quin Pontifex possit revocare, si velit, tam præcepta, quàm censuras Ecclesiasticas inibi impostas, earumve reservationem, & relevare fideles ab eo onere, sicut plerumque relevat ab aliis similibus, quæ imposita sunt

pro tempore, & relevavit de facto ab illis, quæ injectæ erant in Extravagantibus antea memoratis. Sed præcipua quaestio est de condemnatione ipsa, quæ cum pertineat ad totius Ecclesiæ sanctitatem, moralesque innoxios fidelium, non videtur subiecta deceptioni; sed certa potius, prorsusque infallibilis, & à Pontifice facta, Spiritu Sancto gubernante, & assistente.

99 Ratio autem dubitandi in contrarium ea est, quia in istiusmodi decretis non semper utitur Pontifex tota plenitudine suæ potestatis, nec dogmaticè procedit; sed merè judicialiter: nec utitur suprema sua auctoritate; sed auctoritate merè humana Ecclesiæ. Se enim potest gerere, si placet, sicut se gerunt Episcopi, aut Synodi, vel Sanctæ Inquisitionis Tribunalia, dum nonnullas propositiones condemnant. Neque enim illorum est definire fidei dogmata, aut reprobare doctrinas Spiritu Sancto assistente; sed rem suis momentis librare, & discursu merè humano, prudentissimo tamen, atque nimis accurato, in rebus istis procedere. Quod verò Pontifex valeat utrovīs modo damnare doctrinas sibi propositas, ostendit quidem, si velit, congruenti præmissi examine, illas reprobare posse; sed non convincit de facto se scire gerere semper. Nam pro suo libito potest uti modò hac potestate, modò alia, sicut non semper definit, aliquid esse de fide, quamvis materia sit capax; sed mitiori censurâ condemnat, & consultò abstinere ab alijs gravioribus. Quare & in istis decretis ab ipsis consultò abstinuit, & solum dixit, *ut minimum scandalosas, & in praxi perniciosas esse doctrinas*, prout ibi jacent, licet forte aliquæ ex ipsis hæreticæ sint, aut erroneæ, & his notis censigendæ sint decursu temporis.

100 Proposuit hanc distinctionem damnationum merè judicialium à dogmaticis. *Sutra de examine propositionum cap. 23. fol. mibi. 76.* illamque necessariam iudicavit ad conciliandum legitimè nonnullas contradictiones, quæ in decretis Pontificiis circa mores publicos Ecclesiæ, seu circa ea, quæ licent, aut non licent, reperiri videntur. Nonnulla exempla ibi subiicit, quorum vim postea expendemus. Sed sicubi ea doctrina locum habet, maxime in decretis istis videtur locum habere.

Nam ad discernendum, quæ Pontifex auctoritate uti malit, cum non exprimit uti plenitudine suæ potestatis verbis formalibus, vel clarè equipollentibus, signis, & conjecturis agere oportet, sicut signis, & conjecturis deprehenditur, dum id clarè non proponitur, num leges in conscientia obligent, & quam graviter, vel an sint merè pœnales, esto à potestate Pontificia, aut Regia proficiantur, quæ utrovīs ex his modis potest subditos urgere.

101 Quòd si conjecturis, ac signis in nostro casu est agendum, profectò non levità apparent, quæ persuadere videntur, Pontificem processisse merè judicialiter, atque auctoritate merè humana; non verò de plenitudine potestatis, nec dogmaticè, aut authenticè. Primò, quia usus est adverbio illo *Pro nunc*, quod ex conceptu suo importat denegationem perpetui silentii, ut propositum fuit *quæst. 5.* & dispositionem ostendit non esse immutabilem; sed præcisè duraturam, rebus sic stantibus, seu alio non apparente. Secundò, quia condemnatio non est facta universaliter; sed sub modo limitante vires ejus, ut planè indicat illa particula *ita ut*, quæ Pontifex utitur, & quam nos expendebamus *sup. num. 41. & 54.* Tertiò, quia condemnatio, & prohibitio simul conjunguntur, & modificatio adjuncta utramque afficit ex æquo, ne sit major extensio unius, quàm alterius, atque adeò sicut prohibitio revocabilis est, si aliud appareat, ita & damnatio revocabilis videtur, vel certè non ab alia potestate; sed ab una, eademque profecta.

102 Quartò, quia Pontifex non est usus alio examine; sed neque alio modo procedendi, nisi illo, qui in Sancta Inquisitione fieri consuevit: ibi enim tota consultatio est facta, & ibi Pontifex promulgavit suum decretum. Quare potius id videtur effecisse, tanquam Præfex illius Sancti Tribunalis, & confirmando censuram, ac iudicium merè humanum ejus, quàm elevando illud ad altiorum gradum certitudinis, diversæque prorsus rationis ab ea, quæ ex se haberet. Neque huic conjecturæ obstat paritas sumpta ex decreto Clementis VIII. circa absolutionem absentis, quod ab illo est constitutum in Tribunali Sanctæ Inquisitionis; & nihilominus Pontifex in eo non se gessit præ-

cisè ut Inquisitor Generalis , neque at-
temperavit suam cenfuram , ac suffragium
auctoritatè merè humanæ illius . Quia id
sic contigisse , aliis indicis manifestis depre-
henditur , ut *tota quæst. 12.* ostendebatur .

103 Quintò , quia licèt certissimum sit ,
Pontificem errare non posse , sive docen-
do , sive præcipiendo toti Ecclesiæ contra
jus naturale , vel Divinum , præcipiendo
scilicet , ut fiat aliquid istis juribus con-
trarium , aut declarando ex vi ipsorum
aliquid licere , quod eis attentis non li-
cet , & hoc in decretis istis , de quibus nunc
loquimur , absque ulla dubitatione pro-
cedat ; id tamen non obstat , quominus il-
la revocari valeant , ut sumi potest ex dictis
num. 95. & exemplo religionum , quæ ex-
tinguuntur , quamvis antè fuerint appro-
batæ , liquido comprobatur . Neque enim
ideò extinguuntur , quia Pontifices erra-
verint contra jus naturale , vel Divinum
in approbatione illarum ; sed quia rela-
taxæ sunt absque probabili spe futuræ emen-
dationis , vel quia pro statu præsentis mi-
nus utiles , aut forsitan noxiæ apparent .
Ita igitur contingere poterit propositioni-
bus modò damnatis : fieri enim potest , ut
successu temporis de scandalosis , atque per-
niciosis in non scandalosas , neque perni-
ciosas transcant , sicut vice versa interdum
evenit , ut quæ antè non erant scandalo-
sæ , neque perniciosæ , in scandalosas , ac
perniciosas vertantur .

104 Notavi *sup. num. 25.* hoc ipsum ac-
cidere propositionibus malè sonantibus , &
frequentissimè evenit circa probabiles , aut
improbabiles . Nam quæ modò improbabiles
videntur , affluente nova luce Docto-
ribus succedentibus , reddi solent maxi-
mè probabiles , & quæ minùs probabiles
antè apparebant , decursu temporis lon-
gè probabiliiores oppositis interdum eva-
dunt : & vice versa , quæ uno tempore pro-
babiles erant , improbabiles redduntur , de-
recta plenius postea veritate , sæpèque ex pro-
babilioribus in minis probabiles mutantur .
Atque in præsentis materia id ipsum con-
tingisse comperiet , qui animadverterit ,
Leonem X. in Bulla , quæ incipit : *Dum*
intra mentis : quæ non jam in Tribunali
Sanctæ Inquisitionis fuit concepta ; sed sa-
cro approbante Concilio Romæ in publi-
ca sessione promulgata die 19. Decembris
1516. inter alia edixisse , consententes Re-
Theolog. Respon.

gularibus præsentatis , & admisis ab Epi-
scopo , *veletiam indebitè recusatis , Consi-*
tutioni , quæ incipit : Omnis utriusque se-
exus , satisfacere . Et cum eo tempore præ-
dicta sanctio non potuerit scandalosa , aut
perniciosa censeri , etiam quoad illos , qui
indebitè recusantur ; hoc ipsum nostris tem-
poribus inter perniciosas , & scandalosas
propositiones recensetur in suo priori de-
creto ab Alexandro VII. ita enim habet
proposit. 13. Satisfacit præcepto annuæ Con-
fessionis , qui confitetur Regulari Episcopo
præsentato ; sed ab eo injustè reprobat .
Quo autem pacto hæc componantur , tra-
detur *num. 117.*

105 In illis etiam , quæ spectant ad jus
naturale , vel Divinum , quamvis ipsis ju-
ribus in se , ac secundum se consideratis
nulla penitus mutatio accidere possit , ut
num. 25. prænotabam cum Suario , sæpè ad
mutationem materiæ , aut circumstantia-
rum ejus mutatio supervenit , ut illa li-
ceant , quæ antè erant prorsus illicita . Ex g.
accedere ad hanc mulierem antè matrimo-
nium , lethale peccatum erat , quia tunc erat
accedere ad non suam . At verò post ma-
trimonium , potius est actus honestus , non
quia jus naturale in se mutetur , sed quia
mulier de non sua in suam transit . Quo
pactò etiam evenire poterit , ut illo in se
invariato , quoad nos , atque in intelle-
ctu nostro magnam subeat varietatem : nam
sæpè aliter , & aliter judicare contingit de
his , quæ licent , aut non licent secundum
jus naturale (eadem est ratio de Divino)
atque inde oritur tanta opinionum varie-
tas , etiam apud Auctores sanctissimos ,
& doctissimos . Nec solum varietas , sed
mutatio etiam de probabilibus in impro-
babiles , ac vice versa , ut notabam . Sed
de his dubitanti rationibus nostrum judi-
cium postea proferetur , præsertim *quæst.*
19. ubi ostendemus , quàm magna infalli-
bilitate à Pontificibus ista decreta emana-
verint .

QUÆSTIO XVI.

Utrum Pontifices circa decreta morum ali-
quando dissenserint , vel aliorum respon-
sa revocaverint ?

106 Siquando hic dissensus contigit ,
Sà posteriori colligitur , decreta non
fuisse

fuisse definitiva, & dogmatica; sed judicialia, & concepta per auctoritatem Ecclesiæ merè humanam, atque in hoc sensu Saura ubi *suprà* contendit, sic contigisse de facto. Putatque, se se gessisse hoc modo. Benedictum II. cum Sancto Juliano iussit quatuor propositiones retractare, quas ille postea defendit, & Pontifex, ejus defensione audita, jussionem suam revocavit. Quod probat ex Concilio Toletano 15. & ex Roderico Ximeno. Sed certè ex Concilio ipso planè constat, jussionem Pontificis non litteris, sed per internuntium ad S. Julianum Archiepiscopum Toletanum pervenisse, & Pontificem non tam retractionem, quam majorem explicationem à Juliano postulasse, ut probat ex proſpecto Baronius tom. 7. *annal. ad annum 685. ex num. 4. & ad annum 688. ex num. 3.* laudato in eadem rem P. Mariana tanquam viro valdè docto, & digno nostræ Societatis filio.

107 Aliud adhibet exemplum, tum ibi, tum *cap. 20. fol. 66. ex Mariana ad finem lib. 21. cap. 18.* referente, Eugenium IV. edito diplomate, condemnasse quasdam propositiones Abulensis, quarum condemnationem, viso defensorio ipsius, postea retractavit; nimirum, quia merè judicialis erat; non verò definitiva, & ex cathedra. Jam monui, vocem illam *ex cathedra* esse obscuram, & non contraponi sententiæ judiciali, quia etiam potestas judicativa ad cathedram spectat, & cathedram judicariam multis probat Raynaudus *quæst. 18.* appellandus. Et quidquid de hoc sit; diploma illud, atque verba ipsius non liquent, uti necessarium erat ad exempli firmitatem. Neque Abulensis ipse in suo defensorio talis diplomatis, aut condemnationis meminit, sive cum *in fine 1. partis* loquitur ad Eugenium, & doctrinæ suæ rationem reddit, sive cum *cap. 7. in fine* tradit, eam rem examinatam fuisse, seque ad tempus tres judices habuisse adversarios.

108 Melius in hanc rem adduci potest textus in *cap. licet. 3. de sponsa duorum*, ubi Alexander III. tradit, non licere mulieri post matrimonium ratum, & nondum consummatum alii nubere, &, si nupsset, quamvis carnalis copula intercesserit, ab eo separandam esse, & compellendam, ut ad primum redeat. *Quamvis*, inquit,

aliter à quibusdam prædecessoribus nostris fit aliquando judicatum. Quoloci, ut vides, judicia Pontificum declarativa juris Divini circa licitum, aut illicitum, se mutuò collidunt, & quod aliqui licere censuerunt, Alexander illicitum declaravit. Cæterum minimè constat, quis fuerint illi Pontifices, & quomodo aliter judicasse dicantur, opinativè scilicet, & ut privati Doctores; an verò ut judices per sententiam in causa aliqua particulari, vel potius dispensando in matrimonio rato, ut alterum, non solum ratum, sed etiam consummatum, sustinerent. Nam quovis modo ex illis id contigerit, sufficere potest, ut verificetur, eos aliter, quam Alexandrum, judicasse, & nihil obstat iis, quæ modò intendimus, dummodò id non judicaverint declarando jus Divinum definitivè, & authenticè, proponendoque universæ Ecclesiæ tanquam licitum insalubriter, quod ipsa postmodum non licere declaravit. De quo Suarius optime *lib. 4. de leg. cap. 14. num. 10. & 11. Sanchez lib. 2. de matrim. disp. 14. num. 4. Barbosa in collect. ad distum cap. Licet. num. 5.*

109 Quinimmo factis probabile est, quod tradit Valentia 2. 2. *disp. 1. qu. 1. punct. 7. §. 41. vers. Item cum Alexander*, Pontificem ibi per exaggerationem loquutum, non quia aliqui sui prædecessores id licere judicaverint; sed quia non licere tradit tanquam adeò certum, ut quamvis alii Pontifices oppositum dixisse putarentur, illis credendum non esset: ad modum, quo dixit Apostolus Paulus *ad Galat. 1. 8. Etsi Angelus de cælo evangelizet vobis præterquam quod evangelizavimus, anathema sit.* Cujus doctrinæ argumento est, quod Innocentius in *cap. ultimo ejusdem tituli* ad Episcopum Mutinensem rescripsit hoc ipsum, quod Alexander disposuit, non obstante contraria consuetudine, ab Ecclesiâ Mutinensi esse servandum, quia id *debebat tenere humiliter, & servare, quod B. Petri Sedem, & suam Metropolim sequi viderit, & docere.* Quamquam huic expositioni non parum obstat, quòd Pontifex potius videatur in sua epistola *quid ipse sentiat* privatim aperire, quam novam juris Divini declarationem inducere, ut constat ex ipsa epistola, quæ habetur in Concilio Lateranensi sub Alexandro III. *p. 6. cap. 8.* ut notavit Suarez *conum. 11.*

sonum. 11. qui proinde putatur, non ab initio certam fidem fecisse hanc epistolam; sed postquam juri Canonico est inserta, & pro generali lege universæ Ecclesiæ tradita.

110 Adduci etiam posset *textus in cap. Quanto. 7. de divortiiis*, ubi tradit Innocentius III. matrimonium inter Catholicos ritè contractum non dissolvi per hæresim, vel apostasiam à fide alterius ex ipsis, licet, inquit, *quidam prædecessor noster sensisset aliter videretur*. Prædecessor, de quo loquitur, est Cœlestinus III. qui oppositum de hoc casu interrogatus respondit his verbis, quæ habentur apud Antonium Augustinum 2. p. antiquæ collect. Decretal. lib. 2. tit. 20. cap. 2. *Non enim videtur nobis, quod si prior maritus redeat ad unitatem Ecclesiasticam, eadem à secundo debeat recedere, & resignari priori, maxime cum ab eo visa fuerit Ecclesiæ judicio discessisse* (id dicit, quia mulier à primo marito per apostasiam relicta, eoque cum muliere pagana per novum matrimonium copulato, relicta ipsa, non propria austeritate, sed cum licentia sui Archidiaconi ad novas etiam nuptias convolverat) *& teste Gregorio contumelia creatoris solvatque matrimonii circa eum, qui relinquitur odio fidei Christianæ*. Respondetur tamen cum Suariorum sup. num. 12. utrumque Pontificem opinativè, & cum formidine esse loquutum: Innocentius enim dixit, *Non credimus*; Cœlestinus verò, *Non videtur nobis*, licet postea Innocentii sententia canonizata sit ab Ecclesiâ, & definita in Concilio Trid. sess. 24. can. 5. Eo tamen tempore res incomperta erat, & ideo Pontifices contrariè opinabantur. Nec solum Innocentius opinatus est adversus Cœlestinum; verum etiam Cœlestinus contra Alexandrum III. cujus mentionem facit in prædicto loco, quia jam antea Alexander prædocuerat, *non licere mulieri in dicto casu alteri nubere, quia licet separentur, semper tamen conjuges erunt*, & refertur in cap. 2. eodem tit. de divortiiis.

111 Atque ex his, quæ Pontificibus istis acciderunt respondendo per epistolam ad consultationes particulares, necnon Nicolaus I. dum in cap. *Aquodam Judeo de consecrat. dist. 4.* rescriptis validum esse Baptismum in nomine Christi collatum, quod juri, institutionique Divinæ con-

trarium reputatur, planè colligitur, jure optimo Card. Bellarminum *epist. 120.* ut Nicolaum defenderet, generaliter dixisse: *Pontifices in epistolis suis, quibus ad consultationes respondent, non semper continent decreta fidei condere; sed solum dicere, quid ipsi sentiant, ac præsertim cum testimonium alicujus Doctoris allegant.* Eisdemque exemplis Baldellus tom. 1. Theolog. moral. lib. 4. disp. 8. num. 13. proficitur, sæpè accidere, ut quod incidenter dicitur à Pontifice respondendo ad aliquam quæstionem sibi propositam, solum ut à privato Doctore dicatur. Alii Nicolaum excusant, & cum eis Cardenas in *select. moralib. tr. 1. disp. 9. num. 333.* asserendo, illam doctrinam fuisse falsam; sed quia non spectabat ad decisionem principalem, ad infallibilitatem Cathedræ Apostolicæ non pertinuisse.

QUÆSTIO XVII.

Quibus signis colligatur, quæ decreta sint de fide, quæ autem minus certa, & quousque nonnulla falsitas in eis possit inveniri?

112 **S**tatui quæst. 13. in quæstionibus li-
re posse, & illiciti, Pontificem defini-
re posse, ac proponere tanquam de fide
credendum, & à Deo revelatum, quidnam li-
ceat, aut non liceat, & cum speciali censura
aliquam propositionem afficit, asserendo
illam esse scandalosam, perniciosam, aut
quid simile, posse obligare ad credendum
Divina fide theologica esse veram suam
censuram, ita ut hæretici sint, qui pertinaciter
illi contradixerint, aut de ejus veritate
dubitaverint. Offendi rursus, non
semper in his quæstionibus ejusmodi po-
testate uti de facto; sed alia minori, qua
etiam pollet, declarando quidpiam esse il-
licitum, scandalosum, aut temerarium, &c.
non tanquam à Deo revelatum, aut jam an-
teà contentum in Divinis Scripturis; sed
tanquam infallibile, ac certum, & creden-
dum, non Deo immediate, sed sibi, qui pro
tunc utitur supernaturali potestate sibi à
Deo concessa, ne suam Ecclesiam decipiat,
atque perniciosè errare faciat, amplectendo
illicita pro licitis, aut vice versa: & insuper
addebam, nil ob stare, quòd interdum pen-
deant ista ex factis particulatibus, quæ non
sunt

sunt revelata, aut ex aliis veritatibus Philosophiæ moralis naturali ratione deprehensis. Statui denique, in decretis istis nonnullas falsitates interdum immisceri incidenter, quæ perniciosæ non sunt, neque Ecclesiæ sanctitatem corrumpunt. Quocirca in quacumque lege, seu decreto Pontificio, vel epistola, qua uni respondet quod ab omnibus debeat observari, maxime discernere oportet, quid de fide esse definiat, quid tanquam omnino certum, & infallibile suæ Ecclesiæ proponat, vel quid demum ita tradat, ut aliter opinari, atque dissentire liceat?

113 Est autem in hoc negotio antè omnia supponenda, & exploranda capacitas materiæ, & aptitudo ipsius, præsertim juxta opinionem satis communem, quæ affirmat, Pontificem novas revelationes fide credendas non accipere ab Spiritu Sancto, neque id sibi esse promissum; sed solum posse declarare antiquas in sacris libris contentas: inde enim plurimi eliciunt, neque canonizationem Sanctorum, neque approbationem Religionum de facto spectare ad fidem, quamvis certissimæ sint, & illis refragari absque errore, & maxima temeritate non liceat. Posita autem capacitate materiæ in re dubia, & à Pontifice in decretis suis non declarata expressè, nec virtualiter, monui, agendum esse conjecturis, ac signis, sicut in obligatione legum haud infrequenter contingit: neque enim consequens est, utile ipse, qui potest obligare plus, & minus, semper plus obligasse censetur: & ideo passim contingit, ut Auctores inter se contendant circa modum obligationis ipsarum, ut an sint purè pœnales, vel ad culpam obligent, & in quo gradu, reputantibus nonnullis, obligare graviter; aliis verò leviter solummodo.

114 Signa autem nostro instituto peculiariter accommodata satis accuratè tradunt Joannes Antonius de Saura de *exam. proposition. cap. 23. vers. Dices. fol. mibi. 76. Canus de locis Theolog. lib. 5. cap. 5. qu. 4. §. Deinde igitur. Valentia 2.2. disp. 1. qu. 1. punct. 7. §. 40. Corduba in quaestionario lib. 4. qu. 3. dub. 2. 101. mibi. 270. P. Granado contrav. 1. de fide. tr. 7. disp. 2. sect. 2. quo loci valde dilucidè tractat de infallibilitate Pontificis in doctrina fidei, aut morum, & ex num. illius 10. observare oportet hanc laciniam. *Advertendum est, ait, posse**

à Pontifice aliquid definiri tanquam de fide; interdum verò tanquam conclusionem Theologicam, aut tanquam iura receptum, ut contrarium sit scandalosum, vel temerarium. Et quidem quando in definitione dicitur, illud dogma esse apertè in Divinis litteris, esse perpetuam Ecclesiæ traditionem Divinitus acceptam, oppositum sentientes hæretico falli spiritu, aut anathematiz notam illis inurit, sine dubio id definit, ut de fide. Quando verò excommunicaret oppositum sentientes, aut illos tanquam nimis audaces reprehenderet, non videretur id definire de fide, quamvis nec tunc errare possit Pontifex ullo modo.

115 Notant autem communiter Auctores, in his rebus præcipuè attendendam esse determinationem principalem, seu institutum Pontificis, nam quoad alia non putant extendi infallibilitatem illius. Id obiter attigi *sup. num. 111. appellatis nonnullis Doctoribus*, quibus modò adicio Diana cum relatis p. 11. *tr. ult. resol. 9. ubi contendit, non omnia, quæ continentur in decretis Pontificum, etiam loquentium ex cathedra, esse infallibilia*; sed solam determinationem principalem. Videndumque breviter, sed accuratè, rem tractans Layman in *summa lib. 2. tr. 1. cap. 2. fin. ibi: In decretis Ecclesiæ solam sententia absolutè definitiva alicujus dogmatis, tanquam ad fidem, vel mores generatim spectantis infallibilem veritatem habet. Non item disputationes, sive inquisitiones præmitti solite, neque rationes, quibus definitio probatur, nec verba singula, quibus definitio exprimitur, ad fidem spectant. Præterquam, si decretum de ipso verbo directè fiat, ut in Concilio Nicæno de voce HOMOTISION, & in Ephestino de voce THEOTOCOS. Suarium lege lib. 1. contra Regem Angliæ cap. 6. num. 15. & 16. & insuper relege, quæ scripsi antè num. 48. circa efficaciam rationum, quibus utuntur Pontifices.*

116 Quod verò tradunt nonnulli, Pontificem non posse errare in rebus necessariis ad salutem, verissimum est, nisi per eam limitationem tacite innuat, errare posse in reliquis aliis. Tunc enim vox illa indiget explicatione, quam adhibet opportunè Valentia *dicta disp. 1. qu. 1. punct. 7. §. 41. vers. Quanto posset. Nam si necessarium ad salutem vocent id, cujus expressa cogni-*

cognitio , actualive exequutio necessaria est per se loquendo ad vitam æternam consequendam , immerito ab hæc præcisè ejus auctoritatem coarctant : constat enim , pleraque in Conciliis definita fuisse , quæ illo modo necessaria non sunt . Ex. gr. quod per inhærentem gratiam justificemur ; immò , si hoc ita esset , nil jam posset Pontifex definire infallibiliter , cum omnia , quæ illo modo cunctis necessaria sunt , planissime jam olim fuerint tradita , ut rectè arguit Granadus *sup. num. 10.* Siverò necessaria ad salutem ea vocentur , quæ nemini negare licet absque salutis dispendio , cum ipsi fuerint propofita , tunc quæ univerfæ Ecclesiæ , ut ejus Pastor credenda , vel honestè agenda , aut omittenda proponit , ad ejus infallibilitatem pertinebunt , & eorum fides , aut firma credulitas , saltem quoad specificationem , licet non quoad exercitium , ad salutem necessaria reputabitur .

117 Brevius proindè , atque commodius dici potest generaliter , Pontificem in rebus moralibus examinatis , ac perpenfis quoad determinationem principalem errare non posse , sive docendo , sive præcipiendo universali Ecclesiæ errore pernicioso , atque contrario bonis moribus illius , ut exposui *num. 95.* Erit autem perniciosus , si erraverit in rebus necessariis ad salutem præcipiendo , ex. g. ut fiat aliquid illicitum , vel prohibendo , ne fiant illa , quæ ad salutem desiderantur , & universim docendo , vel præcipiendo , ut fiat aliquid juri Divino , vel naturali contrarium , aut prohibendo , ne fiat illud , quod jure naturali , vel Divino debetur . Nec quoad ista admitti potest error in illo invincibilis , quia ab Spiritu Sancto dirigitur , ne in istis , sive legibus , sive doctrinis , invincibiliter erret , ut plenè ostendit Suarius *lib. 1. contra Regem Angliæ. cap. 4. & disp. 5. de fide, scilicet 6.* In his autem , quæ directè spectant ad jus positivum , rectè notat idem Auctor *lib. 4. de legibus. cap. 14. nu. 7.* licet prout à Pontifice emanarunt , error in moribus contingere nequeat ; decursu tamen temporis contingere posse , ut , variato ipsomet jure , etiam ipsa varientur . Atque ita accidit doctrinæ illi de Regularibus indebitè recusatis , cujus memini *num. 104.* idè enim molò scandalosa dicitur , quia variatum est jus positivum , &

posteriori jure Concilii Tridentini approbatio re ipsa obtenta ab Episcopis desideratur , & indebita recusatio jam insufficiens censetur , & privilegium Leoninz jam amplius vigere nequit .

QUÆSTIO XVIII.

Utrum hæc decreta facta sint ex Cathedra ?

118 **N**egotium in hoc puncto facessit terminus ille loqui ex Cathedra , qui obscurus est , & apud Auctores certam definitionem non habet . Sunt enim , qui solum censent , Pontificem loqui ex cathedra , dum proponit aliquid tanquam fide credendum , ad idque obligat universam Ecclesiam , ac contrariam sententiam tanquam errorem , & hæresim damnat . Ita Giballinus *tom. 2. de scient. canon. lib. 5. cap. 3. num. 17.* referens Valentiam 2. 2. *disp. 1. quæst. 1. punct. 7. §. 10.* Sed Valentia eo loci id non tradit ; traditur autem ab antiquiori Auctore Petro Cunci *lib. de perpetua cathedra Petri firmitate* , ubi ex professo contendit , notionem hujus vocis restringendam esse ad solum actum definiendi infallibiliter , quæ ad fidem , & mores spectant . Ut scilicet vox illa cathedra ad actum docendi præcisè referatur , & ad functiones proprias Magistrî in sua Ecclesia constituti à Deo tanquam regula visibilis , quæ mediante ab eo dirigitur , ut neque in fide , neque in moribus , erret quoad doctrinam , vel approbationem ejus , aut reprobationem ; alios autem actus , licet à Pontifice , prout Pontifex est , proficiantur , ad cathedram pertinere non reputat . Sedes quippe Magistrorum , seu Doctorum cathedra vocari solet , & ea voce condistingui à Sede Concionatorum , Legislatorum , seu judicum , quæ cathedra non solet appellari ; sed aliis nominibus , ut Tribunal , aut Suggestum .

119 Quam sententiam latè , & eruditè refellit Theophilus Raynaudus *tom. 10. in Corona aur. Roman. Pontific. ex fol. 15.* contendens , nomine Cathedræ , sive Apostolicæ Sedis supremam Pontificis auctoritatem denotari , sive ad docendum , sive ad præcipiendum , sive ad judicandum de dubiis fidei , ac peccatis , sive denique ad plectendum : ut cathedra Pontificia sedem ipsam Pontificiam denotet , &

uni-

universam potestatem, & auctoritatem Pontificis, seu Episcopi Romani: sicut cathedra Episcopalis totam Episcopalem potestatem denotat, & sedere in cathedra alicujus Ecclesiæ, idem est, ac esse ejus Episcopum. Unde & Ecclesia ipsa materialis loci, ubi Episcopus præsidet, cate-nus Ecclesia Cathedralis dicitur, quatenus est Episcopalis Ecclesia. Atque ea propter verba illa Matthæi 23. 2. *Super cathedram Moysi sederunt Scribæ, & Pharisei*: non solum Magisterium Moysis significant; sed universam ejus potestatem, etiam legislativam, legesque ipsas, etiam cœremoniales, ideoque non solum jubet Christus, ne ab ejus doctrina; & magisterio per intellectum dissentiant; sed etiam, ut ea, quæ per illos dixerint lex ipsa, & Moyses, reliqui observent, & faciant: ut cathedra Moysis significet potestatem docendi, regendi, ac gubernandi Hebræos sibi commendatam. De auctoritate autem illius cathedræ Valentia in *Analyti lib. 8. cap. 6. vers. Quod autem attinet*. Becanus in *Analogia cap. 2.* ubi ait, Pontifices habuisse infallibilitatem in docendo ex ipsa. Theophilus ubi *suprà* vers. *Quare intolerabiliter*. Miñano in *Basi Pontif. jurisdict. rr. 2. fundament. 2 qu. 10. num. 150.* & ibi Joannes à S. Thoma, Cajetanus, & Bzovius.

110 Juxta hunc modum dicendi, loqui ex cathedra non restringitur præcisè ad ea, quæ proponit Pontifex tanquam revelata à Deo, & credenda à nobis per virtutem fidei Theologicæ (quod utique præstat, quoties aliquam doctrinam velut hæreticam damnat, sive illa speculativa sit, ut personarum quaternitas; sive moralis, ut assertio dictans, Simoniam, aut usuram esse licitam, sive etiam merè historica, spectansque ad factum, ut negare Tobiam habuisse canem) sed ulterius extenditur ad omnia, quæ Ecclesiæ proponit, seu tenenda, seu servanda, non tanquam homo privatus, & unus è multis, sed ut Pontifex, utendo scilicet auctoritate, quam habet tanquam Petri successor, & Vicarius Christi, Sedisque Apostolicæ Præfex, & Pastor Christiani ovilis. Nam cathedra Pontificia, Sedesque Apostolica, & Pontificalis idem penitus significant, ut nihil aliud sit loqui ex cathedra, quam loqui ex Sede Apostolica, seu auctoritate illius.

121 Quocirca cathedram Episcopalem nil aliud denotare, quam dignitatem Episcopi, apertè sumitur ex Sancto Leone Papa *epist. 84. ad Anastasium cap. 8.* & refertur in *cap. Siquis Episcopus. 31. 7. quæst. 1.* ibi: *Non solum à cathedra quidem pel-latur aliena; sed carebit & propria: nec non ex Concilio Carthaginensi 5. relato ibidem in cap. Placuit. 21.* & ex S. Paulino, cujus verba inibi habentur *cap. Non autem 12.* notantque Langluz, Pareja, & alii, quos refert, sequiturque Gonzalez in *cap. Ecclesiis. 9. num. 2. de censib.* Neque plus mysteriica vox importat: Græca enim est, & nihil aliud in eo idiomate, quam *Sedem*, significat, ut notat Dominicus Macrus in *Hierolexico* verbo *Cathedra*: atque ideo *Cathedraticum*, cujus frequens mentio fit in iure, solum denotat pensitationem illam, quæ Episcopo tribuitur ob honorem cathedræ, ex Gonzalez *dist. num. 2.* aut, quod idem est, in recognitionem ei debitam ob Episcopale munus, teste Macro verb. *Cathedraticum* cum aliis communiter. Ipsa itidem urbs Roma *nutrix Pontificiæ cathedræ* appellatur, & ultimo scdili contraponitur à S. Ennodio Ticinensi in *suo Apologetico*, quia Pontifex est ejus Episcopus, sicut propter eandem causam Ecclesia etiam Cathedralis dicitur, & fortasse *Cathedraticum* non Episcopo, sed ipsi Ecclesiæ, quia Ecclesiæ Episcopalis, sive Cathedralis erat, solvebatur, ut contendit cum aliis Gonzalez in *cap. Conquerente. 16. num. 2. de offic. judic. ordinari.*

122 Concinit isti doctrinæ, quod proponit ex communi Miñano loco citato *num. 159.* nimirum, tunc constitutionem, seu decretum Pontificium ex cathedra emanare esse censendum, cum Pontifex, quæ in illo continentur, jubet observari auctoritate Omnipotentis Dei sibi in Beato Petro concessa, aut Vicariatus Jesu Christi, aliisve clausulis æquipollentibus, quibus discernitur, cum non jubere ut privatum; sed ut Dei Vicarium, ac Ministrum publicum. Quæ, ut vides, nulla ratione coarctantur ad definitiones fidei, neque ad doctrinam eorum, quæ credenda sunt per fidem; sed ad alia omnia pertinere valent, ad quæ extenditur potestas Pontificia; refertque in hanc rem plures Auctores, nempe Corduba, Valentia, Bafiez, Ca-

no,

nō; Cajetano, Covarrubias, Simancas, Verricelli, & Enriquez.

123 Quocirca minimè est audiendus Combefis, aliàs scriptor non ignobilis ex Ordine S. Dominici, quatenus in suo tractatu *pro aldis sexta Synodi cap. 2. §. 3.* contendit, loqui ex cathedra Pontificem, esse loqui cum consilio fratrum, & ex communis Ecclesiæ sensu. Primò enim obstat, quod rectè observat Suarez *lib. 4. de legib. cap. 14. num. 7.* sæpè epistolæ Pontificum, quibus respondent ad particulares interrogationes sibi factas, vim legis habere, & ex Sede Sancti Petri proficisci. Interrogantur enim ut Magistri Ecclesiæ, ad illosque recurritur tanquam ad regulam, cui debent conformari tam mores nostri, quàm fides. Unde & ipsi in eodem sensu respondent dubiis propositis, atque ita censentur facere, quando ostendunt, se loqui ad docendum, instruendumque totam Ecclesiam proferendo illa, quæ in ea debent observari, etiam in quæstionibus de nullo excitatis, ubi non præcessit sensus Ecclesiæ communis. Secundò obstat, quia promissio directionis, ac assistentiæ specialis non est facta Collegio Apostolorum, ac Petro tanquam præcipuo in eo cœtu; sed soli Petro inter ipsos, ac longè minor est ratio, ut in his rebus dependeat à consilio Cardinalium, quàm à Synodali, Provinciali, aut Generali Concilio. Sed de his pluralitatē, & optimè Mihianno in *dist. qu. 10. §. 5. sect. 6. per totam.*

124 Aliud igitur est, Pontificem loqui ex cathedra; aliud verò, loqui ut iudicem controversiarum pertinentium ad Catholicam Fidem: illud enim generalius est, & latius patet; istud verò ad unum modum loquendi ex cathedra duntaxat restringitur. Et alioqui, cum plerique dubitent, utrum canonizatio Sanctorum, approbatio Religionum, censuræ minores hæresi, legesque spectantes ad doctrinam morum pertineant ad Fidem, necne? ita etiam deberet dubitari, utrum fiant ex cathedra, aut non fiant? Et, quod peius est, cum supponatur; Pontificem errare posse, dum non loquitur ex cathedra, impune licet dicere, Pontificem in prædictis posse errare, eadem scilicet impunitate, qua dicitur, illa non spectare ad fidem. Distinguendusque esset necessariò in Pontifice triplex modus agendi cum Ecclesia:

unus, ut persona privata: alius, ex cathedra: alter, ex Sede Apostolica, & non ex cathedra: ad quem spectarent illa, quæ prædiximus; immò & leges concernentes gubernationem Ecclesiæ externam, atque politicam. Nam hæc omnia neque ad fidem spectant, sicuti opus erat, juxta Auctores istos, ut & cathedra prolata censeantur, neque à quolibet privato proficisci possunt; sed ex conceptu suo postulant Sedem, & auctoritatem Pontificiam.

125 Confirmatur. Nam quæ Pontifex facit, statuit, aut indulget de Apostolicæ potestatis plenitudine, non sunt ab ipso tanquam persona privata; sed tanquam persona prædita ejusmodi potestate, eamque exercente, idcirco ex cathedra, Sedesque Apostolica proficiscuntur. Ridendus enim esset, quidiceret, se loqui de Apostolicæ potestatis plenitudine, qui cathedram Divi Petri, Episcopatumve Romanum nullatenus obrinuisset. Atqui plura sunt ab ipso de plenitudine hujus potestatis, quæ illius quidem fidem præsupponunt; sed ipsa per se ad Divinam Fidem non spectant, neque aliquid ut hæreticum damnant, aut explicitè credendum proponunt: eujusmodi sunt Religioforum exemptio à potestate Ordinarii, dispensationes, privilegia, jubilæi alicujus, seu indulgentiæ concessio, voti, aut juramenti relaxatio, commutatio ultimarum voluntatum, vel confirmatio alicujus decreti, seu statuti editi ab inferioribus Prælati, quam sæpius testatur se facere, ut ipsi *Apostolicæ firmitatis robur adiciat.*

126 Ex dictis aptè concluditur, in decretis, quorum vires nunc specialiter expendimus, Pontifices fuisse loquutos ex cathedra Divi Petri, & decreta illorum esse Sedis Apostolicæ, ac Pontificis, quatenus est Pontifex, & talis cathedræ moderator, ac Præses. Neque enim vel apparenter dici potest, eos loqui, quatenus sunt homines privati, cum doceant, jubent, & prohibeant auctoritate legitima, quæ ad totam Ecclesiam spectant. Attamen quia loqui ex Cathedra in hoc verissimo sensu multos actus comprehendit, & non omnes pertinent ad fidem, neque eundem gradum certitudinis sibi vindicant, ut ex præmissis exemplis compertum sit, idcirco oportet, quæ in generali sunt tradita, applicare peculiariter hisce

hiscæ decretis, & exponere, quousque, & quomodo pertineant ad functiones Sanctæ Cathedræ, seu Sedis,

QUÆSTIO XIX.

Quo titulo, quantaque infallibilitate emanaverint ex Cathedra Apostolica hæc decreta?

127 **C**onstat ex superius dictis, præsertim *quæst.* 8. decreta ista processisse ex Cathedra Theologiæ moralis, quia emanarunt ab Apostolica Sede, & ab illius moderatoribus tanquam à Judicibus rerum agendarum in Ecclesia, ut saluti ipsius, ac pietati consulatur. Constat insuper ex dictis *quæst.* 14. non emanasse ex Cathedra Fidei Theologiæ, quia doctrina ipsorum non proponitur tanquam credenda per Fidem Deo revelanti, neque à Summis Præfibus emanat tanquam à Judicibus eorum, quæ sunt Fidei, aut ex Cathedra eorum, quæ credenda sunt Deo revelanti ab universa Ecclesia. Constat insuper ex ipso contextu illorum, quæ inibi traduntur, non esse dicta incidenter, nec sine magno examine, nec sine consilio Eminentissimorum Cardinalium, neque injuncta uni particulari populo, aut provincie; sed generaliter universali Ecclesiæ, & omnibus, ac singulis membris illius, ut proinde non pateant effugia illa, unde suam certitudinem interdum amittunt (salva semper determinatione principali) quæ in decretis Pontificiis continentur, ut pertractavimus *quæst.* 17.

128 Quibus positis, adhuc oportet discernere majoris claritatis gratia in his decretis condemnationes ipsas doctrinarum, & censuras perniciosas, ac scandalis, quibus afficiuntur, à præceptis ibi adjunctis. Præcepta autem non sunt unius generis, sed duplicis. Aliam enim spectant ad defensionem, impræfessionem, aut evulgationem ejusmodi doctrinarum, eaque prohibent sub pena excommunicationis majoris reservatæ Summo Præfui. Aliud vero absque ulla Ecclesiastica censura imponitur per modum nudi præcepti, eoque omnibus, nullo prorsus dempto, injungitur sub interminatione Divini iudicii, ne quis in praxi doctrinis condemnatis utatur, vel eas ullo

modo exerceat. Et quidem præcepta ista à potestate legislativa emanasse, indubitatum videtur: sunt enim propriæ, atque in rigore leges Ecclesiæ universalem obligantes. De condemnatione major posset esse difficultas, de quo latè egimus *suprà quæst.* 9. & deinceps. Cæterum, quia magna ex parte ad quæstionem de nomine id revocari videbitur, aliis vocibus nunc utimur, quamquam proculdubio etiam præcepta moralia in his decretis contenta censeri debeant statuta, atque prolata ex Cathedra. Docent enim iis mediantibus Pontifices, quæ sint tenenda, aut cavenda, & quæ liceant, aut non liceant, quod Cathedræ officium est. Nec refert, quod legibus, aut præceptis propriæ talibus id præstent: nam regulæ, atque dictamina cujuscunque facultatis, ejus leges, seu præcepta dicuntur, & legibus, ac præceptis universa illius doctrina traditur.

129 Pergendo igitur ulterius, tenendum est proculdubio Pontifices in nullo istorum errasse; sed sanissimam, & sanctissimam doctrinam universæ Ecclesiæ proposuisse. Nam si præcepta ipsa spectes, in eis nihil prorsus continetur Fidei, aut pietati contrarium; sed omnia sunt utilissima ad viam salutis securè obtinendam, & ad viam perditionis declinandam, amovendamque ab Ecclesiæ relaxationem, quæ imminerebat, si progredi sineretur praxis, defensio, aut editio opinionum contrariarum. Si verò condemnationem inspicias, aut censuras, quibus eadem propositiones inuruntur, compertum profecto est, in iis neque per excessum, neque per defectum errari. Non per defectum, quia etsi plures graviores forte notam mercantur, Pontifices id non negant; sed sibi reservant in posterum hujus rei iudicium, ac examen, & de præsentis determinant illas, ut minimùm, esse scandalosas, & perniciosas in praxi. Quod verò nec per excessum in his censuris erraverint, toto decursu hujus operis ex professo convincitur, & monstrabitur, nihil ibi gestum fuisse contra communem sensum Ecclesiæ, ac Doctorum ejus, eas doctrinas tanquam tutas, & in praxi securas approbantium; sed solum fuisse proscriptas, quæ jam antea in Ecclesia malè audiebant, & propterea erant antiquatæ, vel alias noviter adinventas nimis laxas, & opposi-

oppositas Evangelicæ simplicitati, deducentesque ad viam latam.

130 Jam verò quòd neque in istis possit Pontifex errare, live contra Fidem, live contra bonos mores, ac pietatem, fusè ostensum est in superioribus *quæst.* 14. & ulterius confirmatur. Quia id planè spectat ad Officium Pastoris, ejus est gregem Dominicum pabulo sanæ doctrinæ reficere, & noxia quæque amputare, ducere per viam salutis, & avertere à periculosa illa, quæ ad perditionem deducit, & incursum luporum patet. Neque credendum est, ei solum fuisse commissam, promissamve auctoritatem docendi Ecclesiam ea, quæ sunt Fidei, & præservandi illam duntaxat à maximis erroribus, quales sunt hæreses speculative, aut practice; sed etiam ab aliis minoribus, quæ saluti ipsius possent obstat, & esse in causa, ne tandem perveniret ad optatum finem æternæ beatitudinis, ad quem dirigitur tota œconomia supernaturalis. Quare hoc etiam jure optimo comprehensum creditur in Divinis illis promissionibus, quæ factæ sunt Petro, & in Petro omnibus aliis verè successoribus ipsius in Pontificali dignitate, cujusmodi sunt illæ: *Pasce oves meas: Confirma fratres tuos: Porta inferi non prævalēbunt adversus eam: Quodcumque ligaveris super terram, erit ligatum & in Cælis, & quodcumque solveris super terram, erit solutum & in Cælis.* Ubi non solum auctoritas in alios committitur; sed etiam promittitur Divina assistentia, ne circa ista decipiatur, & deceptione sua Christi oves decipiat, avertatque à recto tramite.

131 Atque ex speciali ista directione, & assistentia oritur, ut universam Ecclesiam possit obligare ad assentiendum, vel certè ad non dissentiendum determinationi, seu definitioni illius. Nam cùm ipsa sit columna, & firmamentum veritatis, ea tota errare non potest contra Fidem, mores, aut pietatem, etiam errore invincibili, ut fusè ostendit Suarez *lib. 1. contra Regem Angliæ, cap. 4. & disp. 5. de Fide, sed. 6.* Errare autem posset, si deberet conformari, saltem quoad specificationem, judicio fallibili cujuscumque hominis privati, ut neque interiori assensu posset ab eo discrepare licitè; & idèò solum potest obligari ad credendum, atque recipien-

dum tanquam in se verum, ac rectum, vel ad cavendum tanquam falsum, aut iniquum id, quod superiori ista assistentia, atque directione præmunitur. Profectò obedientia cœca, quæ est obedientia judicii, licet in subditis laudetur quàm maximè; adhuc tamen non est adeò necessaria, ut eam possint sua propria auctoritate vel superiores præcipere, vel subditi ad illam obligari, quoties præceptum, aut censura alicujus propositionis emanat ab aliquo Tribunali, vel Superiore fallibili. Ergo ut istiusmodi obligatio locum habeat, necesse est, ut à Prælato infallibilis auctoritatis proficiatur, atque ut ea uti velit in censura ipsa.

132 Dices primò, Pontifices in his decretis non præcipere, ut censuris, ac judicio ipsorum acquiescamus; sed solum, ne deducamus ad praxim propositiones damnatas, & ne eas defendamus, &c. Ergo adhuc liberum nobis relinquit à judicio suo discrepare, ac putare, non esse scandalosas, neque perniciosas, quamvis eas defendere, docere, aut praticare non liceat. Confirmatur. Nam quoad nos tunc solum Pontifex in decretis Fidei, aut morum hac infallibili docendi auctoritate usus, aut loquutus reputatur, cùm in rebus dubiis, & utrimque controversis sic suam sententiam, judiciumque interponit, ut ad illud recipiendum, ac non dissentiendum sibi Ecclesiam universam vult obligare, ut accuratè explicant inter alios Valentia in *Analysi Fidei lib. 8. & q. ac disp. 1. de Fide, punct. 7. §. 40. & 41.* Granada *contr. 1. de Fide, tr. 7. disp. 2. sed. 1.* Giballinus *tom. 2. de scient. Canon. lib. 5. cap. 3. num. 17.* Theophilus Raynaudus in *Coron. aurea fol. mibi 148. colum. 2. vers. Itaque.* Igitur talis voluntas prorsus necessaria erat in his decretis, ut Pontifex obligaret ad assentiendum interius, vel certè ad non dissentiendum censuræ, ac judicio suo. Sed hujusce voluntatis, atque obligationis nulum signum in istis decretis extat. Ergo nulla est obligatio assentiendi, seu non dissentendi ab illis.

133 Respondeo, hujus difficultatis solutionem ex illis sumendam esse, quæ *num. 55. 57. & 61.* præmissimus. Atque ex ibi dictis constat, ad inducendam præcisam obligationem acquiescendi judicio Pontificis non esse necessarium ullum præ-

præceptum positivum ipsius; immò nec esse sufficiens, quia positiva præcepta Pontificis virtute sua ad actus merè internos nequeunt obligare, quales tunc assentiri, aut dissentiri. Unde obligatio, quæ hic datur, supposita censura Pontificis, non est juris humani, sed Divini, quod ad interiores etiam actus potest obligare, & intellectum constringere, ut discursus suos postponat, & in obsequium supremæ auctoritatis capiverit. Resultat autem necessariò hæc obligatio ex ipso facto Pontificis, quoribus Pontificia auctoritate notam aliquam inurit doctrinæ alicui morali, aut cum ejus praxim prohibet tanquam noxiam, & oppositam honestis moribus, vel disciplinæ Christianæ. Certò enim constat aliunde ex Divinis promissionibus, eum in his non posse errare contra Fidem, bonos mores, aut pietatem. Unde, qui putaret non esse scandalosas, aut perniciosas in praxi eas propositiones, quas fatetur fuisse ab illo prædictis notis inultas, apertè convinceretur sentire contra infallibilitatem illius, jureque Divino sese opponeret præcipienti, ut ipsum habeamus tanquam regulam visibilem Spiritus Sancti regimine præmunitam, ne in his possit Ecclesiam decipere, & deviare à recto veritatis tramite.

134 Ut autem planiora hæc fiant, diligenter oportet observare, censuras Pontificis illorum, quæ pertinent ad mores, & pietatem, alias esse approbativas, alias verò reprobativas, seu condemnativas doctrinarum. Approbativa erat Conciliaris illa Leonis X. docentis, montes pietatis non esse usurarios; sed meritorios, ac licitos, ut *quæst.* 13. expendebatur. Quanto autem impendio ei sese opposuerint Cajetanus, Sotus, & Aragon, & quam malè audierint apud reliquos ob hanc causam, eodem loco plenè demonstratur. Perinde autem est, ut constat, eisdemque prætextibus palliari potest asseritio contradicens reprobationi ab eadem. Quare ejusdem est Incommodi, sive Pontifici reprobanti dissentias, sive potius approbanti. Approbativa etiam est Cœlestium canonizatio, & præceptum colendi illos tanquam Sanctos, & quamvis non contra Fidem, Theologicè tamen erraret, & contra jus Divinum delinqueret, qui sese opponeret etiam inferius isti certæ

veritati, negando ex.g. esse in Cœlo Sanctum Franciscum, aut putando superstitione ei deferri cultum, & honorem Sancti. In approbatione Religionum pariformiter contingit, & propterea excessit valde Melchior Canus, cui insedit, Pontificem posse in his labi, ut refert Azor *tom. 1. institut. lib. 2. cap. 16. in fin.* et si in novis editionibus id fuerit merito ablatum.

135 Dices 2. Juxta dicta eandem vim habet in decretis doctrinalibus censura approbativa, atque reprobativa. Sed censuræ approbativæ doctrinarum non sunt usque adeò certæ, quin ab illis dissentiri liceat, quamvis à Pontifice emanaverint. Ergo id ipsum censuris reprobativis eveniet. Confirmatur primò. Quia tantumdem obligat censura Pontificis approbantis aliquam doctrinam ut sanam, ac reprobantis illam ut noxiam. Sed sæpe approbarunt Pontifices ut sanam, atque securam doctrinam quorundam Patrum, quin propterea obligent ad acquiescendum his censuris, vel ad non sentiendum aliter, quàm illæ doctrinæ ferunt, maxime cum sæpe sæpius contingat, ut inter se sint oppositæ, ut in doctrina Sancti Thomæ, Bonaventuræ, & aliorum, si inter se mutuò conferantur, experiri licet. Ergo idem eveniet illis, quæ reprobantur ut noxiæ à Pontifice, vel ab iis ipsis, quorum doctrina tanquam sana, & salubris approbatur, nam eo ipso approbatur, quod affirmant, nimirum quædam doctrinas esse nocivas, & perniciosas. Confirmatur secundò. Quia Pontifices in quæstionibus liciti, & illiciti quandoque inter se dissentiant, ut variis exemplis ostendimus *duum.* 108. & quod unus licite existimavit, alius illicitum reputat. Non ergo censuræ istæ sunt necessariò tenendæ.

136 Respondeo, de his latè, & ex professo disserere P. Valentia *disso lib. 8. Analysi Fidei. toto cap. 3.* ex quo plura huic instituto nimis opportuna depromuntur, estque inspicendus ante omnia modus ipse approbationis, ac verba, ne ultra terminos illius extendatur obligatio consentiendi. Nam quædam solum in generali approbantur, quædam in speciali, quædam ut probabilia, alia ut certa: nec circa hæc omnia est æqualis obligatio, aut par certitudo, quod itidem pariformiter in censuris reprobativis eveniet. Et in utrifque peculiar-

culiariter considerari debet principalis determinatio Pontificis, & secerni ab iis, quæ obiter dicuntur, aut prout ratione adhibentur, cum aliis, quæ à num. 114. observavimus ex communi Auctorum sensu. Ad primam confirmationem respondeo, approbationes illas generales nihil aliud præferre, nisi Patres illos pie, & utiliter de Religione scripsisse; sed nullatenus intendere approbare tanquam vera quæcumque ab ipsis dicuntur, sed solum tanquam dicta hominum fallibili auctoritate prædicatorum; tametsi magna, & mutationi in suis assertis obnoxia; si veritas inclarescat amplius successu futuri temporis: nam hoc modo, & sub ista persuasionem ab illis tradita fuerunt. Unde aliquando contingit, ut Pontifex duas contradictorias tanquam probabiles approbet, quod per specialem Bullam factum invenitur circa controversiam celebrem de adventu Christi, Adamo non peccante, & videri potest apud Sauræ de ex. mm. *proposit. cap. 12. fol. mibi 35.* ubi refert Bullam Sixti IV. dicentis, utramque opinionem esse pietati, fidei, auctoritatibus, & rationibus consonam. Neque omittendum est, in hoc genere maximi momenti esse approbationem libri exercitorum sancti patris Ignatii: facta namque est à Paulo III. auctoritate Apostolica, & ex certa scientia post accuratum examen, diuturnumque experimentum fructus, quem Ecclesiæ attulerant, & omnia, & singula in eis contenta approbantur, collaudantur, & Apostolico præsidio, ac defensione muniuntur, adhortante Pontifice plurimum in Domino omnes, & singulos Christianos ubilibet constitutos, ut tam piis documentis, & exercitiis uti, & illis instrui devotè velint. Ad secundam constat ex dictis quæst. 16. aliaque adducit Valentia in dicto cap. 3. ad ultim.

137 Dices 3. Istiusmodi decreta non esse dogmatica; sed merè judicialia, neque processisse ex Cathedra; sed ex Tribunali Sanctæ Inquisitionis, neque prodiiisse à Pontifice, ut Pontifex est; sed ab illo, ut Præside illius Sancti Tribunalis attemperante auctoritatem suam sensui, ac examini, quod in illo factum reperit. Distinctionem censurarum merè judicialium à dogmaticis plenè expositam invenies sup. num. 99. atque aliorum terminorum vim

jam antea ostendimus, & hanc eandem objectionem proposuimus num. 102. inter alia signa, quæ probare videbantur, decreta ista, atque censuras doctrinarum inibi contentas plus roboris non habere, quam decreta Sanctæ Inquisitionis Romanæ, aut Hispanæ edita, Inquisitore ipso generali suffragante, & assentiente.

138 Respondeo 1. Hæc decreta immediate facta fuisse, non ab ipso Tribunali Sanctæ Inquisitionis, sed à Summis Pontificibus Alexandro, & Innocentio, adeò clarum est, si contextus illorum inspicatur, ut in dubium revocari nequeat. Neque enim ab aliqua particulari Congregatione, aut Tribunali emanarunt, cui ipse decisionem commiserit: neque eo consulto prodierunt, aut falso verbo cum Sanctissimo, ut aliàs scribi solet in plerisque declarationibus, aut decretis Sacrarum Congregationum; sed Pontifex ipse est, qui loquitur ipse, qui examen instituit: ipse, qui suffragia Theologorum, & Cardinalium accepit: ipse statuit, ac decrevit, eas propositiones tanquam scandalosas, ac perniciosas in praxi damandas esse, ac prohibendas. Ipse denique eas prohibuit, & damnavit, & ipse ulterius præcepit toti Ecclesiæ, ne deinceps deducere aut praxim, & ne cederentur in lucem, aut descenderent publicè, aut privatim, & ne de illis tractaretur, etiam disputativè, nisi fortè ad impugnandum. Et quia hæc fieri non potuerunt ab eo immediate, ut est persona privata, planè constat, facta fuisse ab illo, quatenus est Pontifex, & Pastor Ecclesiæ, iudexque controversiarum moralium, quæ in ipsa quotidie emergunt, idque in decretis ipsis clarissimè exprimitur, ut quæst. 8. ostendebatur. Quocirca, sive dicatur facta ex Cathedra, sive ex Tribunali, sive è suggestu, aut pro concione, in aperto est, ea esse Sedis Apostolicæ sua propria auctoritate utentis, habereque proinde eam infallibilitatem, quæ ex peculiari assistentia, directioneque Spiritus Sancti ejusmodi legibus, ac censuris confertur.

139 Respondeo 2. Nil ob stare, quòd ejusmodi decreta primum tradita, atque promulgata fuerint inter privatos parietes Inquisitionis Romanæ, & in Congregatione ibi facta. Tum quia idem contigit decreto Clementis VIII. circa at-

folu-

solutionem, aut confessionem absentis, ut in eo videre licet; & tamen nemo est, qui dubitet, tam censuras, quibus ea doctrina inuritur, quam præcepta postea adjuncta, esse veritatis infallibilis, & Apostolicæ Sedis. Et quamvis in hoc decreto censuræ graviores sint, & valde diversæ ab illis, quæ in decretis Alexandri, & Innocentii continentur, ut fusè expendimus *quæst.* 12. modus tamen eas tradendi, nec non & locus, fuit omnino idem: nunc autem de ipsis censuris non agitur; sed de modo, ac loco illas tradendi. Tum præterea, quia istiusmodi decreta primum tradita, ac concepta fuisse in Tribunali Inquisitionis Romanæ, ad summum probat, ea non habuisse vim generalem obligandæ ex tunc; sed ab illo die, quo promulgata sunt per modum legis, ac decreti universalis in acie campi Floræ, & aliis locis consuetis, ubi postea publicata sunt decreta ista. Neque enim aliter, quam post huiusmodi solemnem promulgationem, è Sede Petri, seu ex Cathedra loqui censentur Pontifices, etiamsi decreta, aut leges suas antea imprimi faciant, & suam voluntatem aliis privatim communicent, ut notat Pater Vázquez *l. 2. disp. 155. n. 14. & 15.*

140 Tum ulterius, quia ad loquendum ex Sede Sancti Petri, & cum infallibilitate propria illius parum refert locus privatus, aut publicus, ubi Pontifex primum mentem suam manifestat: nam, sive sit Cathedra, sive Tribunal, sive suggestum, sive thronus, seu sellare, sive privatum cubiculum, cum legitime postea publicantur, idem sequitur effectus. Quamobrem plures epistolæ, responsaque privata Pontificum ad casus particulares vim legis universalis habent, postquam redacta sunt in corpus juris Canonici, vel (quamvis extra ipsum inveniantur) si communi usu, & acceptione sint tanquam reales receptæ. De quo Suarez *in dicto lib. 4. de legib. cap. 14.* Vázquez *l. 2. disp. 157. n. 37.* ex quorum doctrina, quæ vera est, ac recepta communissimè, valde efficax argumentum sumitur ad improbandam objectionem, cui modò respondemus. Atque pariter nobiscum sentiunt, qui interminis, ut ajunt, terminantibus differunt de istis decretis, & nominatim circa decretum Alexandri P. Moya *in select. 1. p. tr. 3. disp. 8. dub. 6. num. 23.* & P. Cardenas

1. p. Crisi Theologica, disp. 9. c. 20. d. n. 329. & circa decretum Innocentii idem Cardenas *3. p. disp. 77. cap. 2.*

141 Dices 4. Esto hæc ita sint, cum censuræ doctrinarum sunt perpetuæ, & immutabiles; contrarium esse dicendum, cum ex modo ipso statuendi, atque condemnandi constat, illas esse temporales, & mutationi subiectas. Huiusmodi autem esse censuras ab istis Pontificibus inultas, constat ex illa particula *pro nunc*, cuius vim expendimus *quæst.* 5. illa enim perpetuum silentium non imponit, & tantumdem valet, ac si diceretur, *rebus fiantibus*, vel, *alio non apparente*. Respondeo, decreta ista, quatenus à Pontifice emanarunt, & pro tempore, quo ab ipso emanarunt, semper esse immutabiliter vera, & irrefragabilia; quamvis ratione materiæ, circa quam censura Pontificia versatur, pro alio tempore contingere possit, ut aliud sentire oporteat, & fieri, non quidem errasse Pontificem; sed mutatis circumstantiis, & spectata prius illius iustione, censuram ipsam immutandam esse. Notabam hoc ipsum *suprà num. 25.* cum Suariorum *lib. 4. de legibus, cap. 14. num. 7.* qui id diserte tradit circa, quæ ex jure positivo dependent, & *num. 117.* expendebam, propter mutationem juris positivi contingisse, ut propositio quædam Pontificia, & Conciliaris circa regulares indebitè recusatos, de non scandalosa, & sana in scandalosam, & perniciosam transierit. Sunt autem inter propositiones condemnatas quamplurimæ, quarum censura dependet ex jure positivo, quod nunc viget, licet veritas non vigeret, & tam veritas, quam sanitas ipsarum rediret, si istud jus revocaretur.

142 Respondeo 2. ex dictis *num. 105.* etiamsi loquamur de his, quæ spectant ad jus naturale, vel Divinum, contingere posse, ut pro tempore censura Pontificia varietur. Non quia ista jura in se ipsis ulli mutationi subiaceant; sed quia intelligentia ipsorum decursu temporis variari potest, novis rationibus hinc inde affulgentibus. Exemplo sint quamplures propositiones, quas Pontifices condemnant, eo quod dicant, aliquid esse probabile: quia ex terminis non repugnat, ut propositio, quæ pro nunc est improbabilis, postea succedente tempore valde probabilis fiat,

fiat, ut suaderi potest mille exemplis : sicut vice versa ea, quæ antea erant probabiles, in improbabilitatem degenerant, & ita nunc degenerant plures vi decreti Pontificii, quas multi graves Auctores probabiles esse credebant. Sic probabiliore uno tempore, postea sunt minus probabiles; immò antiquatæ, & extra numerum opinionum certò probabiliū, ut sententiæ defendenti maculatam Conceptionem B. V. plurimi contigisse pronunciant, & aliis doctrinis evenit, quæ olim in Ecclesia ferebantur, & quorundam PP. auctoritate subsistebant, & sunt postea in Conciliis damnatæ. Neque Pontificiæ auctoritati apertè contrairer. qui assereret, illum approbasse tanquam probabiliorem aliquam opinionem speculativam, aut moralem, quæ postea probabilior esse desit, & fortasse falsa evasit. De quo videnda, quæ scripsimus à num. 32. Sic Religiones, quæ suæ fundationis, & approbationis tempore utiles Ecclesiæ censebantur, mutatis circumstantiis, extinguuntur, quia tunc temporis minus utiles apparent, ut attigi num. 103. Et sic demum propositio, quæ ut malè sonans damnatur, vel tanquam offensiva piarum aurium, deinde affectus auribus, & vero sensu illius intellecto, malè sonans esse desinit, ut notat Corduba in *questionar. lib. 1. qu. 7. §. 14. antè fin.* & breviter Joannes Gisbert. in *questionib. Theologicis juris, & facti. qu. 8. de Fide. art. 3. fol. mibi 288.*

143 Dices 5. Istiusmodi decreta non esse declaratoria malitiæ repertæ in doctrinis, quæ prohibentur; sed solum reprobativa, & prohibitiva defensionis, evagationisque illarum, & actionis deducendis eas ad praxim. Atqui leges, & præcepta Pontificia, etiam spectantia ad mores, infallibilia non sunt, atque ideo sæpè sæpius revocantur, ut num. 97. speciali exemplo monstrabatur, passimque evenit, ut reformationis decreta, etiam edita in Conciliis, re melius inspecta, postea revocentur. Et confirmatur, quia licet ratio prohibendi, ne propositæ doctrinæ ad praxim deducantur, & ne publicè, aut privatim tradantur, aut evulgentur, fuerint scandala, & damna, quæ inde timebantur, non ideo illæ ex se, & antecedenter ad decreta Pontificia scandalosæ, aut perniciosæ existimari debent. Nam rationes, quibus

utuntur Pontifices, solent non esse infallibiles, ut num. 48. constabat. Confirmatur 2. quia nunquam affirmant Pontifices, has doctrinas esse scandalosas, aut perniciosas; sed solum dicunt, *tanquam* tales damnandas esse, ac prohibendas. Ly autem *tanquam* solet esse nota improprietas ex dictis *quest. 4.* Confirmatur 3. quia non damnant illas absolutè; sed cum limitatione, & sub modo, qui indicatur per particulam *ita ut*, quæ nullam declarationem importat; sed ad præcepta, & prohibitiones postea subjunctas refertur.

144 Respondeo ex dictis *quest. 9.* & sequentibus, in his decretis re vera declarari, prædictas doctrinas esse scandalosas, ac perniciosas in praxi, & hanc esse determinationem principalem Pontificum, sive id dicatur spectare propriè ad legislativam potestatem, sive ad officium Pastoris, & iudicis controversiarum, quæ ad mores Ecclesiæ pertinent. Præcepta autem, & prohibitiones subjunctæ subsidariæ sunt ad roborandam declarationem adjunctæ. Neque enim propositiones damnatæ ideo scandalosæ sunt, & perniciosæ in praxi, quia prohibitz; sed potius prohibitz, quia scandalosæ, & perniciosæ erant, saltem scandalo, & perniciæque imminentibus, ni Pontifex tempestivè occurreret, eas condemnando, ac prohibendo praxim, ac defensionem illarum. Et plurimæ, quæ ad usuram, simoniam, & alia id genus spectant, ratione materiæ sic se habent, ut eodem titulo, quo scandalosæ, ac perniciosæ sunt deinceps futuræ, olim etiam scandalosæ, ac perniciosæ fuerint. Juri enim Divino, aut naturali ex se ipsis opponerentur, & prohibitio, ac condemnatio solum præstitit, ut certò id nobis constaret, licet antea minus certum esset. Quo pacto Pontifices sæpè declarant, propositionem aliquam esse de fide, & ejus contradictoriam hæreticam, quia ex Sacris Scripturis depromitur, & in eis continetur, licet antè definitionem Pontificis legentibus esset incertum.

145 Ad primam confirmationem respondeo, prædictas propositiones ideo prohiberi quoad defensionem, evagationem, aut praxim, quia scandalosæ sunt, ac perniciosæ, sed hoc ipsum etiam declaratum esse in his decretis, & ipsas propositiones reprobatas, & condemnatas

ut tales : ad modum , quo doctrinæ hæreticæ , earumque defensio , ac praxis prohibentur anathematismis , aliisque censuris Ecclesiasticis percelluntur , qui illas tradunt , aut defendunt , vel ad praxim revocant (si spectant ad mores) quin propterea liceat dicere , eas non mereri certissimè censuram illam , quæ postea fuit ratio Pontifici anathemata , præceptaque adiciendi . Ad secundam confirmationem respondeo , *ly tanquam* in nostro casu non significare improprietatem , ut in plerisque aliis evenit ; sed potius exponere sententiam , quæ intenditur . Et sanè , cùm Pontifex jubeat abstinere ab iis docendis , aut practicandis tanquam ab scandalosis , & perniciosis in praxi , Ecclesiam scandalose deciperet magnamque errandi occasionem circa doctrinam mortui cum præberet , nisi re vera scandalosæ , ac perniciosæ essent , ut in simili expendebam *ex n. 30. & 31.* Ad tertiam habeto ex iis , quæ modò diximus , sola præcepta imposita in his decretis sufficere , vel se solis ad excipiendum pro omnino certis , & infallibilibus censuras , quibus propositiones incurrunt . Quia Pontifex , juxta toties proposita , nequit decipi , aut decipere Ecclesiam jubendo , ut fideles caveant ab aliqua doctrina tanquam ab scandalosa , aut perniciosa , si verè talis non sit , sed proficua , & salutaris : ad modum , quo vice versa præcipere nequit , vel hortari , ut tanquam utilem , & salutarem sententur , quæ scandalosa est , aut perniciosa in praxi .

145 Denique quòd assertiones istæ non sint condemnatæ damnatione illimitata , & absoluta , sed limitata , ac modali , quamvis verum sit , nil obstat nostræ doctrinæ : ideo enim diximus antè omnia inspiciendum esse modum condemnationis , & censuræ in iustâ qualitate , ut infallibilitas ex æquo respondeat condemnationi , & modo illius ; non verò aliis , quæ à Pontifice nec sunt intentæ , nec tradita . Unde quia propositio purè interna , atque mentalis scandalosa esse nequit , aut præbere aliis occasionem ruinæ , ut *num. 28.* proposui cum Arriaga , Moya , & aliis , ideo Pontificia censura propositiones merè externas scandalosas declarat absolutè ; internas verò sub conditione duntaxat , quòd aliis exterius tradantur : sicut etiam illas perniciosas vocat sub conditione , quòd

deducantur ad praxim . Nec solum modus censuræ , & ejus qualitas attendi debet in decretis reprobatis doctrinarum ; verum etiam in approbativis : quia , ut notavi *suprà num. 136.* longè major efficacia inest approbationi speciali , quàm generali . Hæc enim , ut rectè observat Tostatus in *defensorio 2. part. cap. 89.* & ex eo Giffertus ubi *suprà quæst. 5. art. 1. fol. mibi 264.* ad quatuor præcipua capita extenditur , neque majorem vim habet . Primum est , conferre eo ipso facultatem legendi , habendique libros eo modo approbatos . Secundum , addere commendationem fructus , & utilitatis . Tertium , amovere ab auctore suspicionem hæresis , aut erroris voluntarii . Quartum , concedere auctori eum gradum auctoritatis , ut allegatus pro aliqua sententia , etiam seculæ ratione , probabilitatem faciat .

QUESTIO XX.

Quo genere peccati delinquat , qui tradit , aut docet propositiones ab his Pontificibus damnatas ?

147 **N**on jam loquor de eo , qui scienter se se opponit condemnationi ipsi , negando scienter , illas esse scandalosas , atque perniciosas in sensu à Pontificibus intento : nam de malitia , & gravitate hujus peccati satis , superque in superioribus egimus ; sed de eo loquor , qui propositiones ipsas docet , ut jacent , quem longè minus peccare , quàm illum , qui veritatem censurarum denegat , merito Malderus tradit cum Bañez *2. 2. qu. 11. art. 2. memb. 5. post medium* , P. Suarez *disp. 19. de Fide sect. 6. num. 3* supponit , quamvis hoc fiat scienter , atque pertinaciter , non involvere malitiam hæresis , & hoc certum vocat , eique infra referendi subscribunt , constatque planè ex *suprà dictis num. 90. & 94.* quia hæc materia vel non à Deo revelata , vel certè per hæc decreta non proponitur ut talis , neque id fuit examinatum , vocatumve in controversiam ; quinimò censura scandalum immediatè solum cadit supra propositionem externam , & ejus veritati non opponitur ex *dictis supra numer. 146.* Addit Suarez *numer. 5.* malitiam quasi intrinsecam , quæ ex objecto suo habet hoc peccatum , & per quam in

in sua specie constituitur, abstrahendo ab aliis circumstantiis, pertinere ad vitium curiositatis in materia supernaturali. Sed hoc non placet Card. de Lugo *disp. 20. de Fide. à num. 131. Arriaga disp. 20. de Fide num. 28. qui num. 25. ait, errare circa has propositiones ex ignorantia censuræ, live ea crassa sit, live affectata, non esse peccatum mortale. Moya in select. 1. part. 17. 3. disp.*

6. qu. 5. num. 48. à Suariorum non dissentit, indicatque, ejusmodi peccatum, ut est præcisè curiositas, terminos veniales non excedere. Mihi in hac causa videtur non aliud peccatum committi, quam scandalum adversus illam virtutem, in cujus materia unaqueque propositio præbet occasionem delinquendi. Nec plus postulat ejusmodi prohibitio, aut condemnatio.

DISSERTATIO I. CIRCA PRIMAM PROPOSITIONEM ab Innocentio damnatam.

Hæc sunt verba illius, ut in decreto Pontificio jacet :

Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, conventio, aut periculum gravis damni incurrendi. Hinc sententia probabilis tantum utendum non est in collatione Baptismi, ordinis Sacerdotalis, aut Episcopalis.

CAPUT PRIMUM.

Legitimus propositionis sensus.

Llla excerpta fuit, ut jacet, ex thesibus Antuerpiæ defensis anno 1673. ab Ignatio Maillot moralis Theologiæ Professore, indeque delata ad Sanctam Sedem: neque scio, an in aliquo alio auctore reperitur integrè, aut in illo sensu, qui ex ejus verbis depromitur. Tribuitur Escobariorum. Sed immeritò, quia ille expressissimè contrarium docet *tom. 1. Theol. moral. lib. 2. num. 18.* Melius adscribi potuisset, verborum cortice inspecto, Ludovico Scildere *tr. 2. de consc. cap. 9. num. 109.* Cæterum neque eam integram tradit; sed solum partem priorem: nec conferenti permittit agere juxta probabilem opinionem alienam de valore Sacramenti; sed duntaxat juxta propriam: neque admittit generalem illum sensum, quem verba præferunt, sicuti in decreto jacent, nempe à suo contextu avulsa; sed mentem suam deinceps exponit,

supplens, temperans, modificans plurima, quæ in illo asserto præcisè desiderantur, ut aliquantulum defendi possit: adeoque ex eisdem principiis jam antea præmiserat *num. 22. & 24.* in illis, unde pendet Sacramenti valor, frequentissimè procedendum esse via tutiore.

2. Thesis igitur duas partes continet, seu potius duas enuntiationes diversas. Alteram exceptivam, quæ per particulam *nisi* declaratur. Alteram exclusivam, seu taxativam per adverbium *santum* in ea inclusum: & utraque exponi debet in eo sensu, quem præscribunt receptæ ab omnibus Dialecticorum regulæ circa propositiones exponibiles, ut, quæ in se ipsis inspectæ, obscuræ apparent, per exponentes suas luce donentur. Exceptiva itaque his vocibus constat: *Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, conventio, aut periculum gravis damni incurrendi.* Exclusiva autem, quæ propter adverbium *hinc* etiam est illativa, seu causalis, his sequentibus: *Hinc sententia probabilis tantum utendum non est in collatione Baptismi,*

ptismi, ordinis Sacerdotalis, aut Episcopalis.

3 Exceptiva in tres diversas propositiones resolvitur, quarum prima generalem regulam proponit, quæ ex conceptu suo *plerumque*, & ut plurimum debet verificari: secunda exceptiones tradit: tertia regulam distinctius exponit. Prima sic se habet: *Regulariter non est illicitum in Sacramentis conferendis sequi opinionem probabilem de valore Sacramenti, relicta tutiore*. Secunda ait: *Hoc est illicitum, cum lex id vetat, conventio, aut periculum gravis damni incurrendi*. Tertia hoc modo: *Id ipsum licet, quoties nec lex obstat, nec conventio, nec gravis damni periculum*. Ubi (ut ex terminis patet) secunda assertio evidentissima est, & ne in dubium quidem revocari valet; & prima autem ex eo difficilis, quia opposita potius doctrina, tanquam generalior, & frequentior per modum regulæ tradenda videbatur: tertia in quodam sensu vera; sed stultæ, & extra rem tradita. Universum namque verum est, omnia esse licita, quæ nulla lege vetantur: sicut vice versa, quidquid est illicitum, aliqua lege prohibetur; aliàs non esset peccatum. Dicere ergo, collationem Sacramenti tunc esse licitam, cum nulla lex illam prohibet; illicitam verò, si lex aliqua illam vetet, verum quidem est; sed in proposito inutile, quia nil penitus conducit ad expendendum regulam jam antea traditam, sive ad discernendum, quando in praxi liceat, aut non liceat ministrare Sacramenta ex opinione probabilis.

4 Attamen contextus ipse propositionis demonstrat, longè alium esse ejus sensum, atque in ea exceptiones: *Nisi lex id vetet*: non esse sermonem de lege universim sumpta, prout comprehendit quamvis legem, sive æternam, sive positivam, sive naturalem; sed solum de lege positiva Ecclesiæ, quæ id vetat in multis casibus; eosque reddit certò illicitos, quamvis forsasse licerent, inspecta solum lege naturali. Subaudiri igitur debet ex contextu propositionis, ut jacet, vox illa *Ecclesiæ*, ac suppleri, quasi expressim diceret, non esse illicitum talem modum conferendi Sacramenta, nisi lex Ecclesiæ id vetet, vel conventio, vel periculum incurrendi gravis damnum. Ratio evidens est, quia in priori sensu nihil aliud ibi diceretur, nisi talem usum esse licitum, cum non est peccatum, quandoquidem idem omnino sunt non esse peccatum, & non esse contra legem, si-

cut idem est esse peccatum, & esse contra legem. Quis autem non videat, hanc non esse exceptionem regulæ generalis distantis talem usum esse licitum; sed affirmationem ejusdem prædicati convertibilis cum licito in hac materia, & in quacunque alia? Nam opus aliquod non esse peccatum, non esse illicitum, & non esse contra legem (ut ex Augustiniana illius definitione patet) termini sunt convertibiles, & reciprocè connexi.

5 Augeo difficultatem, quia illæ voces: *Nisi lex id vetet*: ponuntur tanquam exceptio distincta à duabus aliis, nimirum à conventionē, & periculo incurrendi grave damnum. Atqui, nisi lex sumatur pro lege positiva, ex omnes inter se confunderentur, & ineptissima quadam divisione propositio constaret. Nam agere contra conventionem idem est illicitum, quia lege justitiæ prohibetur; inducere in gravis damni periculum, quia vetatur lege charitatis. Ergo eo præcisè, quòd sub illa universalitate dicatur, usum probabilem illicitum esse, cum lege aliqua prohibetur; licitum verò, cum nulla, comprehensa erant sufficienter omnia, quæ per illas exceptiones importantur. Confirmatur. Quia ineptè diceretur, nil esse peccatum, nisi sit contra legem, conventionem, aut indemnitate alterius: nam sola prior exceptio est plus quam satis, & idem ea sola proponitur in definitione peccati, duabus aliis prætermisissis. Ergo nulli verosimile esse potest, in hoc sensu traditam fuisse eam doctrinam.

6 Urgeo insuper, quia nemo dubitat, in hac propositione plus iusto extendi facultatem licitam conferendi Sacramenta ex opinione probabilis circa valorem ipsorum: omnesque, ut certum supponunt, attento contextu illius, hac de causa esse rejectam, & à Sede Apostolica confirmatam. Atqui extensio ista nulla foret, nisi vox illa *Ecclesiæ* subaudiretur: nam alioqui, ut ex antea dictis constat, solum ibi exprimerentur duæ veritates clarissimæ, quibus nemo refragatur, sive negget, sive affirmet, licitum esse aliquando ministrare Sacramenta ex opinione probabilis, tutiore relicta ad libitum. Explicatur. Nam, qui docent, esse illicitum regulariter loquendo ministrare Sacramenta incerti valoris, non negant, id esse licitum, cum nulla lege vetatur, ut in casu necessitatis

cessitatis contingit : neque inficiantur, esse illicitum, cum prohibetur lege aliqua. Sed totum discrimen est, quia ipsi subsunt, incertum illum modum ministrandi Sacramenta ex opinione probabilis esse generaliter prohibitum lege naturali religionis consulentis summæ reverentiz, quæ rebus adeo sacris debetur ; propositio verò, ut jacet, talem legem non admittit ; immò supponit, non dari, ut contrariæ regulæ locum relinquat, adstruatque, neque semper, neque ut plurimum talem modum esse illicitum ; sed præcisè in casibus specialibus, quos peccaminosos reddit alia lex minus communis.

7 Arguo præterea. Quia exceptio non debet exponi ita, ut regula generalis destruat : neque enim eam tollit ; sed limitat. Sed hoc contingeret, si exceptio illa : *Nisi lex id vetet* : tam legem communem Sacramentis omnibus, quam specialem alicujus Sacramenti, aut opinionis comprehendat. Ergo ad solam hanc debet restringi. Suadet minor. Nam, qui dicit, modum illum ministrandi Sacramenta non esse illicitum, nisi lege generali, aut speciali prohibeatur, utrique prohibitioni locum præstat, utramque admittit, & cum sua doctrina quamlibet componi tradit. Sed cum generali lege naturaliter prohibente desertionem voluntariam sententiæ tutoris iis, qui Sacramenta consecrunt, non componitur universalis regulæ tradens, id non esse illicitum, nisi in quibusdam casibus peculiariter exceptis, qui, vel ex eo solum, quod excepti sunt, non possunt esse universales, quam suam regulam, nec contingere frequentius ; sed in paucis. Ergo, omnibus inspectis, ea exceptio non tam esset limitatio, quam suæ regulæ destructio.

8 Hisce positis circa priorem illam propositionis partem, quæ exceptiva est, superest altera, quæ est exclusiva, & per adverbium *hinc* cum exceptiva continuatur, ac continenti filo ex ea deducitur ; sed longè difficilius exponitur, quia incertum est, an *ly tantum* positum in medio illius referatur ad ea, quæ præcesserant, vel ad illa, quæ sequuntur. Præcesserant verba ista : *Hinc sententia probabilis*, quibus si *ly tantum* adjungatur, eaque afficiat, ac modifiet, sententia tantum probabilis circa valorem Sacramenti illa appel-

Theolog. Reform.

labitur, cujus executio incertum reddit valorem ipsius, & certitudinem ipsi contrariam dictio excludit. Unde hic erit ejus sensus : *Hinc sententia, quæ est probabilis circa valorem Sacramenti, non verò secura, & certa, uti non licet in collatione Baptismi, aut ordinis Sacerdotalis, vel Episcopalis.* Si verò particula exclusiva conjungatur cum verbis proximè sequentibus, nempe cum illis : *Utendum non est* : & aliis, quæ adiciuntur, longè alius erit sensus, quia inter licitum usum, & non usum opinionis probabilis circa valorem Sacramenti immediatè versabitur, determinabitque, cum exclusione positiva omnium aliorum, Sacramenta illa specialia, quæ ex opinione probabilis non sunt conferenda.

9 Quocirca expositio illius hæc erit : *Propterea probabilis sententia uti non licet in collatione Baptismi, & ordinis Sacerdotalis, aut Episcopalis ; secus verò in aliis Sacramentis* : nimirum, quia in aliis nec lex obstat, nec conventio, nec gravis damni periculum, sicut manifestè obstat cernitur in Sacerdotio, Episcopatu, aut Baptismo. Et hic sensus proculdubio est aptior, & longè conformior contextui totius propositionis : quia juxta primum *ly tantum* inutiliter adiceretur, nec serviret, nisi fortè ad obscurandum quod, eo ablato, clarum erat. Eo enim ipso, quod dicatur, doctrinam aliquam esse probabilem, nulla taxatione, aut ampliatione adjecta, dicitur, non esse certam ; sed salubili motivo innixam, & deceptioni, aut falsitati subiectam, idque per se notum est, ac valde clarum cuilibet intelligenti terminos. Ergo ad istud declarandum inutiliter adiceretur dictio exclusiva ; immò adjectio rem potius obscuraret : quia nemo prudens suspicari posset, eam dictionem duntaxat adhiberi ad exclusionem rei jam exclusæ patenter.

10 Confirmatur. Quia præcisè ad concludendum, non licere in illis tribus usum opinionis probabilis circa valorem, præscindendo à quovis alio, prorsus inutiliter erat regula generalis immediatè antea præmissa, & duz exceptiones sequentes. Nam ea sola, quæ desumitur ex periculo damni gravis imminens ex eo, quod Sacramentum fortè sit invalidum, evidentissimè ostendit per se loquendo, non conferri licet Baptismum, Sacerdotium, aut

D 3 Episco-

Episcopatum modo incerto, ac opinabili, cum certus potest haberi. Notum enim est, quot damna incurrat, qui caret Baptismo verò, & quam gravia detrimenta propria, & aliena sequantur ex eo, quod non Episcopus, aut non Sacerdos horum Ordinum officia exerceat. Ne ergo illatio manca relinquatur, & ne ineptè, & sine fructu ea omnia præmissa fuerint, necesse est, ut consequens ex inde deductum eis adæquatè respondeat, & sicut ex una antecedentis parte inferat, quid non liceat in hoc puncto, ex altera similiter colligat, quid putandum sit in eo licere, & nullam ex exceptionibus antea præmissis obstat.

CAPUT II.

Propositionem exhibitam jure optimo esse damnatam propter diminutam exceptionem, quæ in priori parte illius continetur.

11 **V**isum est in illa tradi tanquam generalem regulam contraria exceptione firmatam, licitum esse in Sacramentis conferendis sequi opinionem probabilem de valore Sacramenti, relicta tutiore, quoties id non verat lex, conventio, aut periculum gravis damni incurrendi: neque enim alii casus excipiuntur. Modò addimus, exceptionem fuisse valde diminutam, & alia pleraque fuisse excipienda certò, ac indubitanter illicita in hoc genere iis, qui Sacramenta conferunt, & licita esse traduntur regula illa universali. Unde fit, ut jure optimo tanquam scandalosa damnetur, & perniciofa animabus ejusmodi propositio: quia, si applicetur ad praxim, sæpè operantem decipiat, inducetque ad malè agendum, proponendo tanquam licitum, ac legi Divinæ consonum, quod ei dissonat quàm maxime.

12 Assumptum faciliè constat: quia, ut aliquis certissimè peccet conferendo Sacramentum Eucharistiæ, aut poenitentia ex opinione probabilis, relicta tutiore, ac certa, satis superque est, ut relinquendo istam, exponat suspicientem ignorantem, aut involvitur periculo amittendi fructum Sacramenti, aut periculo incurrendi leve damnum, vel quod agat contra morem, præmissamque receptam in Ecclesia, & inveterata

consuetudine, aut traditione firmatam, vel contra peculiare, ac temporale præceptum sibi à Superiore impositum, vel contra votum suum, aut juramentum, vel contra simplicem, ac merè liberalem promissionem ex sola veracitate, aut fidelitate obligantem. Atqui in his casibus nec lex positiva obstat, nec conventio, nec periculum incurrendi grave damnum. Ergo evidenter falsum est, ac planè absurdum, & perniciosum in praxi, approbare tanquam licitum conferenti Sacramenta voluntariam desertionem sententia tutioris, nisi obstat aliquid illorum trium, quæ in propositione recensentur nominatim. Hæc quasi in brevi tabella conglobata sunt. Singula persequor.

13 Atque in primis necessarium fuisse omnino, excipere casum illum, quo ignorant, vel invito quodvis Sacramentum conferatur incerti valoris, relicto ad libitum illo, quod securè, ac certò est validum, satis perspicuum videtur. Quia is casus non comprehenditur in prædictis exceptionibus; sed, seclusa lege Ecclesiæ, conventionē, vel periculo cujuscumque alterius damni, ex natura rei est planè illicitum decipere suspicientem in re tanti momenti, cumque repugnantem, aut ignarum defraudare lucro, ac bono Sacramenti, quod certò acquirere posset, & certò acquirere satagit. Quam esse communem omnium opinionum dicentium, ministrum tunc peccare saltem contra charitatem, meritò dixit P. Ludovicus Scildere tr. 2. de consecr. num. 112. atque omnes convenire in hoc puncto, jam antea tradiderat P. Salas tom. 1. in 1. 2. tr. 8. num. 93. Idque (nemine refragante, quem legerim) expressè habetur etiam apud illos, qui affirmant, ministrum adhuc in eo eventu non peccare contra reverentiam Sacramentis debitam ex virtute religionis: docent enim, nihilominus peccare contra misericordiam, aut proximam charitatem.

14 Ita P. Vasquez 1. 2. disp. 63. cap. 3. M. Antonius Perez in laurea Salmant. certam. 10. scholasti. num. 63. & 64. P. Sanchez in Decal. lib. 1. cap. 9. num. 34. P. Mascareñas tr. 1. de Sacram. disp. 2. num. 73. Angelus Maria Verricelli 1. part. questio. moral. & legal. tr. 2. qu. 26. num. 4. Basilus Pontius lib. 4. de matrimon. cap. 25. num. 9. Et is ipse, cui assertio condemnata imputabatur, P. Antonius de Escobar dicto lib. 2.

lib. 2. num. 17. Unde quamvis permittatur, eam doctrinam utcumque tolerari potuisse, si solum diceret, Sacramentum probabiliter invalidum licet ministrari consentienti, cum aliae exceptiones non obstant; intolerabile prorsus est, & temere affirmatur contra commune placitum Ecclesiae, ac Theologorum, id non esse illicitum ex genere, ac natura sua, cum ille positive dissentit, vel non consentit periculo amittendi lucrum certum gratiae actualis, & habitualis, aliotumque bonorum, quod aliqui posset reportare juxta institutionem Christi.

15 Et sane, cum ex Sacramentis quaedam sint necessaria ad salutem necessitate medii, alia necessitate praecepti, alia ad ipsam comparandam facilius longè, ac securius, ex terminis ipsis apparet valde contrarium paci, ac charitati Christianae supponere incerta pro certis à suscipiente quaesitis, & dubia remedia conferre postulant indubitata, quibus tantopere indiget. Et quis non videat, illicitum esse Sacerdoti habenti duas hostias ad manum, aliam certò consecratam, aliam solum probabiliter, nolle ministrare certam, sed suscipienti porrigere illam, de qua dubium est, an in ipsa lateat Christus, vel potius communis panis? Idemque videre licet in Episcopo, qui Sacramentum Confirmationis adeò utile, & irreiterabile laetenter conferret cum solo oleo sine balsamo, relinquendo Chrisma certum ex balsamo, & oleo confectum, quo uti posset aequè facile: nec non in Confessario, qui opinabili, & utrimque incerta forma absolutionis uteretur, etiam in sola confessione venialium, erga poenitentem, qui ex sua parte certam prorsus materiam ipsi exhibet, & virtute Sacramenti certam eorum remissionem intendit comparare, & augmentum gratiae, ac gloriae acquirere, quod, elapsa hac occasione, postea non recuperabitur, licet aliae confessiones, aut communioniones voluntariae repetantur: nam hujusmodi repetitione novos alios gratiae, ac gloriae gradus compararet diversos ab illis, quos amisit.

16 Et sane in istis eventibus mihi satis evidens apparet intervenire peccatum contra virtutem justitiae. Ratio autem est, quia Sacramenta sunt praecepta à Deo instituta in utilitatem omnium, non qua-

tenus omnes sunt, & simul sumpti unam Ecclesiam, aut communitatem faciunt; sed potius, quatenus singuli, & idèd unusquisque habet ex vi institutionis Christi jus proprium, ac peculiare exigendi à legitimis ministris, & dispensatoribus tanti thesauri totam eam utilitatem, ac securitatem, quam Christus intendit, voluitque conferri afferenti ex parte sua qualitates necessarias: nihilo scilicet, quàm illi, in quorum favorem instituuntur montes pietatis, caritas communia, aut alia opera misericordiae, ex.g. panis, aut pecuniae quotannis distribuendae inter pauperes, vel orphanos alicujus loci. Atqui in his casibus ministris, ac distributores, sive necessarii, sive voluntarii, verum panem, veramque pecuniam, si possunt, conferre debent, & contra justitiam delinquant, si loco securae, ac certae invitae conferant aliam, quam probabile est nihil valere. Idem ergo à sortiori dici debet de hac pietissima Sacramentorum fundatione facta à Christo, cujus summa charitas erga genus hominum non patitur, ut deteriori modo, minusque proficuo interpretemur voluntatem ejus, quàm interpretamur alias.

17 Confirmatur. Quia esto scienti, atque volenti non fiat injuria, & saepe homines possint juri suo, si quisque lucris renunciare, quin peccent, etiam contra propriam charitatem, id ipsumque locum habeat in bonis spiritualibus, ut si quis nolit fieri religiosus, aut audire Missam, nisi in diebus festis, aut confiteri, vel communicare frequenter; nihilominus, si invitatus impediatur ab his bonis prosequendis, & minis, fraudibus, aut mendacis fructu illorum defraudetur, ratione lucris spiritualis cessantis injuria ei fit, sicut injuria ei fieret, si pari arte impediretur contra voluntatem suam à consequendis lucris temporalibus. Nam licet ea ipse procurare non debeat, jus tamen habet procurandi illa, si velit, & huic justae voluntati per injuriam contradicit, qui eum impedit dolo, aut fraude.

18 Eadem autem ratio est de illo, qui hujusmodi technis ab eo tollit lucrum certum, & solum relinquit opinabile, ac fortasse nullum: siquidem iste luci certi procurandi, atque exigendi à ministris fundatoris jus habebat, illudque de facto

procurabat, estque valdè rationabiliter invitatus etiam quoad periculum lucri amittendi, cum ad rem indubitatè fructus, ac valoris juris illius extendatur ex institutione Christi. Utique in hoc genere non hiet amplius ministris Sacramentorum, sive voluntariis, sive necessariis, quam ceteris, qui non sunt ministri. At ceteri, qui malis his artibus essent in causa, ne Petrus ex. g. susciperet Sacramentum certi valoris, ac fructus, sed solùm incerti, ac dubii, sive immediatè decipiendùm Petrum ipsum, sive ministrum, à quo intendit certò validum Sacramentum recipere, injuriam ipsi proculdubio facerent, atque ad restitutionem tenerentur pro qualitate materiæ, multò potiori ratione, quam dolosè impediens alium ab ingressu religionis, vel à consequutione alterius boni, seu debiti, seu indebiti, sive necessarij, sive superabundantis, v. g. hæreditatis, quam ab alio, si non supplantaretur, justis de causis accipere sperabat. Ergo à fortiori idem dici debet de his, qui Sacramenta conferunt tanquam ministri, atque dispensatores bonorum, quæ intendit donare Christus. Nocent enim, læduntque quàm maximè circa hæreditatè gloriæ, & augmentum ejus, aliarumque gratiarum, & quamvis bona quæ sita non auferant, circa acquirenda perniciosè decipiunt.

19 Quæ autem diximus de suscipiente, qui positivè dissentit, & jus suum ad Sacramentum valoris indubitatè prosequitur, pariformiter procedunt circa ignorantem, amentem, infanctem, & alios, qui non consentiunt, nec renunciant juri suo. Nam & hi injuriæ patiuntur, & inviti reputantur, cum ipsis præjudicium inferatur circa bona, seu quæ sita, seu quærenda, maximè si ad illa comparanda (ut in Sacramentis evenit) habeant jura absolutum. Nam invitum accipere debemus non eum tantum, qui contradicit; verùm eum quoque, qui consensisse non probatur ex textu in l. Filius familias. 8. §. Invitus. ff. de procurat. l. Qui vas. 49. §. Vetare ff. de furtis, ibi: Vetare autem dominum accipimus etiam eum, qui ignorat, hoc est, eum, qui non consentit. Atque ea propter, ut præmonerat Consultus in l. Invitum. 5. ff. de servitut. urban. præd. Pomponius, & infanctem, & furiosum invitos rectè dici ait, non enim ad factum, sed ad jus servitutis hæc ver-

ba referuntur: immò ignorantem, aut amentem rectè invitum dici, quàm, qui dissentit, totidem verbis habetur l. In eo jure. 45. §. Deinde. ff. de ritu nuptiar.

20 Sit ergo regula fixa, præscindendo à quavis lege Ecclesiæ, conventionē, aut damno extrinseco, prorsus illicitum esse ministris Sacramentorum uti opinione probabilis de valore Sacramenti contra voluntatem suscipientis, relicta tutiore ad libitum. Immo, quamvis suscipiens consentiat, sæpè ministranti erit peccatum certis incertis præponere, & relicta via tutiore, non conferre nisi Sacramentum probabiliter invalidum. Nam, ut modò omittam, ita accidere, quoties spontè derelinquitur via trita, & usitata ab Ecclesiâ, cujus legi, aut consuetudini utporè respicienti principaliter bonum publicum, ac religionis, nequeunt suscipientes renuntiare, id ipsum evenit, quoties incertitudo Sacramenti præjudicat juri, ac bono aliorum, ut præjudicat incertitudo Sacerdotij, vel Episcopatus iis, qui sunt ab istis absolvendi, aut ordinandi. Atque dum suscipiens peccat contra propriam charitatem consentiendo, seu cedendo juri suo, esto demus, ei non fieri injuriam, quia ea non fit scienti, ac volenti; adhuc negari non potest, etiam ministrum peccare contra charitatem ejus, utendo tali cessione, & præbendo ex parte sua ultimum complementum ei peccato.

21 Cujus rei appositum exemplum suppeditant Sacramenta necessaria necessitate mediæ ad salutem, necnon & Sacramentum justificans in mortis articulo confectus peccati mortalis. Nam, sicut temerè agit, & æternam suam salutem prodigit, qui se spontè destituit mediis adeò necessariis, ita & ille temerarius est, & prodigus suæ salutis, qui in hoc negotio incertis certa postponit, & potius amat periculum, in quo forsitan peribit, quàm plenam securitatem. Propterea in his casibus nihil prodesse consensum suscipientis ad excusandum à peccato contra charitatem eum ministrum, qui conferret Sacramentum probabiliter invalidum, merito animadvertunt Mascarcias diffin. 73. concl. 3. Scildere eo tr. 2. num. 113. Verricelli i. par. tr. 2. qu. 27. præsertim nu. 5. qui id etiam jure optimò extendunt ad ordinem Sacerdotalem, & Episcopalem.

lem. Neque reiiciendus esset, qui diceret id genus peccati esse contra misericordiam, ut contra illam esset non exhibere cibum, aut remedium certum aliis perituro, quamvis voluntati ipsius satisfieri posset incertum subministrando.

22 Quando autem suscepturus Sacramentum absque peccato contra propriam, aut alienam charitatem iuri, ac lucro suo cedere potest, ex.g. quia ei licitum erat non confiteri hodie, aut non communicare, non putant hi Auctores illicitum, si iuri suo re ipsa cedat, & Sacramento probabiliter valido contentus sit, illud ipsi ministrare. Et hujus sententiae sunt, quotquot affirmant, attenta solum virtute religionis, & obligatione naturali ipsius, non esse peccatum uti opinione probabili in hac materia potius, quam in aliis, ubi id reputatur licitum. Quod utique inter classicos Auctores controvertitur, & quidquid de eo sit, in utraque opinione iustissima condemnatio propositionis subsistit, ut ex dictis jam cepit constare, & constabit plenius ex dicendis.

C A P U T III.

Proponuntur alii casus certi illiciti ob periculum, & nullatenus excepti in assertionem prohibita.

23 **A**ltera ratio prohibitionis, & satis iusta, esse potuit, quod in propositione solummodo excipiat periculum incurrendi damnum grave; non vero leve, etiam si sit gravi proximum. Porro id falsissimum est, ac planè scandalosum, & præjudiciale suscipienti. Quia exinde evidenter sequitur, periculum inferendi eidem ipsi leve damnum, quantumvis grave sit in suo genere, ratione sui nunquam reddere illicitam administrationem Sacramenti ex opinione probabili, relicta secuta, ac certa: cujus oppositum receptum est apud omnes; veniale saltem peccatum contra charitatem proximi ibi saepe sæpius agnoscens. Et merito, quia eadem prorsus est proportio periculi damni gravis ad peccatum grave, quæ damni levis ad peccatum leve: & sicut parvitas periculi verè probabilis non tollit; sed minuit peccatum in ordine ad damnum grave: ita parvitas damni, cum valde gra-

ve est, seu longè probabilius, periculum incurrendi ipsum, non potest peccatum tollere, sed duntaxat imminuere.

24 Explicatur. Nam ubi ratio peccati ex damno sumitur, aut ex periculo damni, non tollit rationem culpæ, quod damnum sit minus grave, ut constat ex furto, detractione, ac reliquis id genus operibus, quæ sunt illicita ratione nocumenti temporalis, aut spiritualis: & ideo audiendus non esset, qui diceret, in materia iustitiæ, furti v.g. aut contumeliæ, nihil esse illicitum, nisi proximus passurus sit damnum grave honoris, aut divitiarum: nec qui in materia temperantiæ asserere audeat, licitum esse edere cibos nocentes, nisi ab eis immineret periculum gravis infirmitatis, aut vitæ. Atque, ut proprius accedamus ad spiritualia damna, atque pericula, evidentissimum est, non solum peccata gravia, sed etiam levia, & exigua esse materiam charitatis, seu misericordiæ spiritualis, quæ per fraternam correptionem exhibetur, peccatorumque contra has virtutes, si reliquæ conditiones non desint, qui proximum non corriperet, eo solo prætextu, quod damna ejusmodi levia sint, vel qui cum graviter tentatum ad mendacia, juramenta, aut detractiones veniales non subtraheret ab eo periculo, cum id potest facile præstare ex parte sua.

25 Quod utique in peccato scandali, cujus malitia pensatur ex periculo cadendi, in quo proximus conicitur, adhuc evidentiùs cernitur. Nemo enim dubitat, scandalum activum etiam dari in ordine ad lapsus leves, esseque prorsus illicitum præbere occasionem aliis incidendi in ea delicta: sicut illicitum est ponere eisdem offendiculum impingendi in lapidem, quo leviter vulnerentur, etsi non sit grave damnum, quod ea propter sunt passuri. Unde sicut scandalosus esset, & in via morum perniciosè erraret, qui diceret, non esse illicitum præbere aliis occasionem ruinæ levis, sed gravis duntaxat, ita etiam scandalosus est, ac perniciosus, quisquis asserit, non esse illicitum conferre Sacramenta cum periculo damni levis incurrendi ad suscipiente, sed duntaxat damni gravis. Et, quod hinc sequitur, cum peccatum veniale damnum leve sit suapte natura, illicitum non foret ministranti Sacramentum Penitentiae v. g. negare absolutionem

non certò validam illis, qui hujusmodi peccata solum consueverunt, & conferendo ex parte sua probabiliter invalidam eos exponere absque causa periculo retinendi maculas illorum, & carenti tam gratia remittente jam commissa, quam præservante à committendis aliis. Et, si hoc licitum est, etiam licebit negare certam cum periculo manendi adhuc sub peccato gravi. Nam damni magni, ac parvi conspicua differentia est secundum magis, & minus; in ratione autem liciti, & illiciti non apparet, quomodo differre valeant.

26 Ad hæc. Vel periculum carenti augmento gratiæ, ac virtutum, & aliorum auxiliorum, quæ mediante Sacramento conferenda fuissent, computatur semper inter damna gravia, vel non computatur? Si computatur, inferendum erat, nunquam esse licitum ministris conferre Sacramentum probabiliter invalidum quærenti certum, quod ab eis potest præstari. Nam ejusmodi periculum necessariò annexum est periculo nullitatis: neque enim dona gratiæ conferuntur ex vi Sacramenti nullius, sed dumtaxat ex vi validi. Si verò non computatur, sed sermo est de damnis aliis superadditis, atque, ut sic loquar, extrinsecis, quæ ex nullitate Sacramenti solent resultare, v.g. ex nullitate Baptismi, aut ordinis Sacerdotalis, vel Episcopalis, ex alio capite cernitur, aliam exceptionem adhibendam fuisse, ut regula generalis, quæ in propositione continetur, sustineri posset sine scandalo. Excipiendum enim erat periculum amittendi magni lucri, cui suscipiens ignorans, aut invitus exponitur, si contingat, Sacramentum, quod confertur, re ipsa, & de facto esse invalidum.

27 Magnum enim lucrum est gratiæ, ac virtutum, peculiariumque auxiliorum, quæ per Sacramenta conferuntur: & sicut peccatum est illud auferre, negando sine causa absolutionem v.g. illi, qui rectè dispositus confessus est sua peccata, quæcumque illa sint, ita similiter peccatum erit negare absolutionem certam, & loco illius substituere periculosam, & fortasse invalidam. Mitto periculum deficiendi à Fide, vel patiendi gravestimationes, ac difficultates in conservatione illius, quæ ex Confirmationis nullitate resultarent, & periculum peccandi sæpius in usu

matrimonii deficientibus iis gratiæ subsidiis, quæ ratione illius darentur, nisi contigisset, esse invalidum, & alia id genus, quæ circa singula quæque Sacramenta, si fortè nulla sint, considerari possunt: & cum magni momenti bonum sit illis carere, nihili habendum à conferente proponitur, ut licita facultas utendi sententiis dubiis extra Baptismum, & duos illos ordines integra ipsi relinquatur.

28 In Sacramento etiam Eucharistiæ valde ponderandum erat periculum auferendi suscipientibus saluberrimum viaticum, pignus gloriæ, & nutrimentum vitæ spiritualis, quo prima gratia interdum comparari creditur, sed maxime omnium periculum materialis idololatriæ, quod incurritur conficiendo, aut conferendo Sacramentum invalidum probabiliter. Nam ejusmodi periculum, præscindendo à quovis damno, aut lucro suscipienti, vel aliorum, ex virtute religionis præcaveri debet, ne huic Sacramento supremus cultus auferatur, & puris creatoris detur honor non suus. Id autem conferenti tanquam danti causam meritò imputabitur, v.g. si loco hostiæ certò consecratæ aliam pro libito porrigat, cujus consecratio est dubia; conficienti verò, si ex pane amyli, aut fecalis Corpus Christi consecrare intendat, aut si in Calicis consecratione intentionem suam restringat ad ea sola verba: *Hic est enim Calix sanguinis mei*. Neque enim certum est, sed probabile dumtaxat, in his casibus verum Sacramentum confici: & si fortasse contingat, non confici, ac non subesse iis speciebus verum Corpus Christi, & verum Sanguinem, totus ille sacer cultus, ac religiosa adoratio latræ supremæ, quæ huic Sacramento defertur tanquam continenti Deum, non dabitur, nisi amylo, ac vino ibi latitantibus, & pura creatura tanquam Deus suscipietur, ac tradabitur, dante ex parte sua occasionem occulto facto ministri.

29 Nec refert, quòd fideles id facientes non peccent coram Deo imputabiliter, excusante ipsos periculo ignorantia, erroreque invincibili, quo existimant, Christum ibi certò adesse, & ministrum usum fuisse tam forma, quam materia omnino tutis. Non, inquam, refert, quia esto cultus absolutus, & supremus, quem in eo eventu fideles præbrent puris creaturis, sit

CAPUT IV.

De Ecclesiæ consuetudine, & aliis exceptionibus in propositione damnata immeritis prætermisiss.

sic comparatione illorum idololatria externa merè materialis, ac penitus inculcata; respectu tamen ministrî, qui eos exponit sciens, ac volens ei periculo, nequit non esse culpabilis, ut culpabile foret eisdem ipsis, si factum ministrî agnoscerent, & probabiliter de valore Sacramenti dubitarent, se se exponere simili periculo exhibendi absque ulla conditione vino, aut panis cultum supremæ latræ, ac dicendi illis: *Deus meus es tu*: vel orandi, & sperandi ab ipsis suam salutem. Nec bona fides aliorum ministrum excusare valet: nam bona fides in errore fundata etiam locum habet, quamvis ipsis detur, & ut verum Sacramentum adoranda proponatur Hostia, quam novit minister ne probabiliter quidem esse consecratam; & tamen nemo est, qui dubitet, in eo casu ipsum peccare gravissimè contra religionem. Passimque evenit, ut quod aliis non est culpa, ob attentionem v.g. ei ad culpam imputetur, qui inducit ipsos ad externos actus materialiter illicitos, ut ad fornicationem, occisionem, aut conculationem Eucharistiæ.

30 Denique expendi etiam debet irreverentiæ periculum, quod ex nullitate Sacramenti potest resultare. Nam si verè irreverentia est in rebus istis non minùs seriis, quàm sacris, exponere se periculo nihil agendi, aut nihil conferendi spectans ad salutem, absque dubio contra religionem peccat, qui, relicta via tutiore, se se exponit huic discrimini. Putant autem valde plures, & gravissimi scriptores, re vera esse irreverentiam, & propterea generaliter concludunt, illicitum esse quodvis Sacramentum conficere, aut ministrare, sponte relinquendo viam tutiorem, sub probabilis nullitatis periculo. Quæ doctrina valde probabilis est; sed non usque adeò certa, ut desint alii quamplurimi optimæ notæ Doctores, qui ei apertè contradicant, & optimis argumentis assertionem suam stabiliant. Quocirca haud immeritò censeri potest in hoc puncto hinc inde stare communem contra communem. Et, cum aliæ causæ longè evidentiore pro iusta confixione propositionis, quam exponimus, exhibeantur, necessariū non est ob eam causam uni ex istis opinionibus determinatè inhærere; sed utraque, sicut antea, examini Theologorum, ac discussioni relinquitur.

31 **E**Xcipiebat propositio leges speciales Ecclesiæ his verbis: *Nisi id lex veter; sed dicere debuisset: Nisi id veter lex, aut consuetudo*, quæ, cum lex deficit, pro lege habetur, & æquipollet ipsi quoad effectum reddendi collationem Sacramenti illicitam, cum praxis, usque Ecclesiæ à consilio deferitur, & alius inusitatus, ac fortasse invalidus prælegitur. Formæ, aut materiæ usitatæ, acque receptæ in Ecclesiâ per inveteratam consuetudinem tutissimæ sunt, & qui illas sequitur, absque ullo prorsus periculo nullitatis quodvis Sacramentum administrat; ille verò, qui probabilis opinioni circa valorem se accommodat, relinquendo viam tutiorem, plerumque relinquit tritam, ac firmatam praxi, & usu. Peccat ergo proculdubio quisquis contra Ecclesiæ morem, seu receptam consuetudinem administrat Sacramenta ex opinione probabilis circa valorem, relicta secuta, & trita. Sed tunc lex non obstat, immò deficit, & pro lege consuetudo subrogatur, quæ, seclusa conventionē, & quovis alio periculo, sua virtute, & efficacia actum illicitum reddit. Rectè ergo potest esse certò, ac manifestè illicita collatio Sacramenti ex opinione probabilis circa valorem, quamvis neque lex eam veter, nec conventio, nec gravis damni periculum.

32 Propterea meritò potuit tanquam scandalosa, & perniciofa damnari ejusmodi propositio. Scandalosa enim est per modum regulæ practicæ, qua attentâ Sacramentorum ministrî sibi licitum putarent, quod est patenter illicitum, scilicet deferre ritus substantiales, & omnino necessarios ad securitatem valoris, quos sola consuetudo præscripsit, & loco ipsorum subrogare alios inusitados, ac dubios. Perniciosa verò, quia ex eo solum, quod modus ille administrandi opponatur laudabili consuetudini jam diu in Ecclesiâ receptæ, usus ejus est perniciosus abusus. Cujus rei præclarum monumentum nobis exhibet Honorius III. in cap. *Perniciosus* 13. de celebrat. Missarum, in hæc scribens Uplensis

Iensi Archiepiscopo : *Perniciosus valde , sicut audivimus , in tuis partibus inolevit abusus , videlicet , quod in majori quantitate aqua ponatur in Sacrificio , quàm de vino : cùm secundum rationabilem consuetudinem Ecclesiæ generalis plus in ipso sit de vino , quàm de aqua , ponendum . Ideoque fraternitati tue mandamus , hoc ne de cætero facias , nec in Ecclesia tua fieri patiaris .*

33 Ubi adverte , Sacramentum sic confectum fore certissimè nullum , si excessus aquæ esset tantus , ut vinum corrumpetur prius quàm verba consecrationis essent prolata ; nullum verò probabiliter , si aliquid vini nihilominus conservaretur : quia esto probabile sit , in eo casu consecrationem esse validam , probabile etiam est , esse invalidam : & huic discrimini Sacramentum exponebant infundentes plus aquæ , quàm vini . Et propterea neque licet æqualem , aut ferè æqualem vini , & aquæ mensuram apponere ; sed aqua necessariò modica esse debet , habito respectu ad vini quantitatem , & sufficit modicissima . Sicut ergo perniciosè errabant ob contrariam consuetudinem , qui id faciebant prius quàm lege prohiberetur ; immò idè fuit lege prohibitum , quia abusus ille jam antea perniciosus erat ob contrariam consuetudinem : sic modò perniciosè erraret , qui in hoc Sacramento , aut quovis alio ab Ecclesiæ consuetudine circa essentialia recederet , & viam inusitatam cum periculo nullitatis iniret .

34 Nec solum in essentialibus est certa , ac passim recepta virtus ista consuetudinis independentè à lege ; verùm etiam in accidentalibus , ubi valor Sacramenti non periclitatur , ut sumitur apertè ex Tridentino *sess. 7. can. 13. de Sacramento in gener.* Et idèò ratum est apud omnes , neque in Ecclesia Latina licitum esse baptizare sub forma , qua utuntur Græci , neque in Græca sub iis verbis , quibus utuntur Latini ; sed unumquemque debere moribus Ecclesiæ suæ in istis ministeriis se se conformare . Idemque dicitur de modo consecrandi in pane azymo , vel fermentato , in quo etiam utriusque Ecclesiæ consuetudo differt . Unde & qui Auctores perlegerit in particulari tractantes de Sacramento , & illorum ritibus , nihil frequentius inveniet ad illorum mutationes pec-

cati damnandas , quàm recursum ad contrariam praxim confirmatam more , ac usu . Nam de usu , ac moribus patenter constat ; lex verò , quæ idem præcipiat , sæpe non datur , & sæpe usum ipsum , moremque supponit anteriorem lege ipsa , ut contingebat in casu , quem ex Honorio produximus . Ubi autem concurrunt pariter circa ejusdem ritus observantiam consuetudo , & lex , perinde habetur quoad effectum obligandi , ac si duæ leges distinctæ , v.g. positiva , & naturalis , aut duæ leges positivæ mutuo inter se separabiles eandem actionem præciperent .

35 Negari itaque non potest proposita doctrina sine scandalo , ac temeritate quadam (ne amplius dicam) certa namque est , ac communis , & ab omnibus supposita , ut Bressler inter alios annotavit *lib. 3. de consec. num. 106. & à nemine negari posse* , Giballinus *tom. 1. de scient. Canon. lib. 3. cap. 7. q. 5. consell. 4. num. 6. fol. mibi 329.* nilque frequentius legitur apud Auctores , quam receptæ consuetudini in hac materia deferre . Quos inter Joannes à S. Thoma *1. 2. disp. 12. art. 6. fol. mibi 771.* id latè , ac doctè prosequitur , dicens in præsentem semper pro tuto usu , & opinione quasi pro regula accipiendum esse usum Ecclesiæ , & ex eo metiendam præcticam probabilitatem , aut improbabilitatem cujuslibet opinionis , licet ipsa alioqui sit probabilissima speculative . Neque , ut opinor , auderet is , qui thesim condemnatam concinnavit , huic certissimæ doctrinæ palam refragari ; sed forsitan diceret , se excipiendo legem , consuetudinem quoque excipere voluisse , & uno legis nomine utramque significasse . Hæc autem evasio destruit ejusdem thesims doctrinam . Thesis enim contendebat , regulariter non esse illicitum incertum illum modum conferendi Sacramenta ; immò semper esse licitum , Baptismo , Sacerdotio , vel Episcopatu exceptis . Ex evasione autem sequitur , illum plerumque esse illicitum , quia recepta consuetudo , etiam deficiente lege , innumeras opiniones tanquam inusitatas excludit , praximque , & usum illarum apertè illicitam reddit .

36 Rursus , si nomine *legis* significabatur etiam consuetudo , oportuisset utique id exprimere , aut saltem denotare verbo aliquo , ne propositio nudè accepta ,

pta, ut jacet, legentes deciperet, & administrantes Sacramenta falleret, præberetque utrisque occasionem errandi in re maximi momenti. Unde enim possent colligere, ritus, ac usus in Ecclesia consuetos circa modum conferendi Sacramenti validè uno *legis* nomine significatos esse, dum constat, in hac materia, & multis aliis legem, atque consuetudinem tanquam duo membra distincta simul recenseri, & suis propriis notis designari? Certumque sit, quamvis demus jus consuetudinis propriè esse *legem*, hoc nomine communiter non significari nisi scriptam, ut constat ex usu, & tradit oportune Suarez *lib. 8. de legibus cap. 7. num. 10.* Quare potius credere deberent consuetudinis obblaculum idèò fuisse prætermisum, quia consuetudo in hoc puncto non credebatur ob stare; sed esse potius devotionis, quam obligationis, sicut acceptio cineris in initio Quadragesimæ, aut mos salutandi B. Virginem vesperti ad pulsus campanæ. Id autem sentire de consuetis ritibus ad valorem Sacramenti spectantibus, absurdissimum foret, & contra communem sensum Ecclesiæ, ac Doctorum ejus, qui unanimiter affirmant, illos frequentatos fuisse animo se se obligandi, & jus ex facto ortum esse propter bonum religionis, utilitatem fidei, uniformitatem operum, & materiz gravitatem.

37 Addiderim, sicut consuetudo propriè non est *constitutio*, nec *decretum*, nec *statutum*, neque iis vocibus solitariè acceptis communi usu denotatur, quamvis jus ex ea resultans constitutioni, decreto, aut statuto æquivalcat, ita nec videri propriè, & absolute legem, quamvis pro lege habeatur. Lex enim expressa Principis voluntate, ac jussione constituitur scripto, aut verbo declarata; consuetudo autem usu, ac moribus à populo frequentatis animo inducendi obligationem sine jussione speciali, solo tacito consensu, atque approbatione illius, qui legem condere valet. Quocirca jus consuetudinis tunc maxime locum habet, *quod pro lege habetur, cum lex deficit*, ut in ipsa illius definitione exprimitur passim recepta à Theologis, & ab Isidoro tradita *lib. 5. Originum. cap. 3.* præcunte Tertulliano de *Corona milit. cap. 4.* Tantum abest, ut sit lex propriè, aut absolute, si in rigore suo verba accipian-

tur. Nec pro lege haberi est esse legem; nam pro constitutione, aut decreto, vel pro statuto (si municipalis sit) etiam habetur, quin sit constitutio, statutum, aut decretum. Conventio itidem pro lege recipitur, & lex privata vocatur; immò & consuetudo ipsa appellatur *tacita civium conventio*, in l. *Sed & ea. 35. ff. de legib.* quin proinde asserere liceat, aut conventiones esse propriè leges, aut consuetudines in thesi, quam discutimus, conventionis nomine fuisse sufficienter declaratas.

38 Vel, quidquid de hoc sit, quod ad quæstionem de nomine spectare videbitur, saltem certum est, nomine *legis* jus consuetudinis non denotari, cum lex in sua tota latitudine non sumitur, neque comprehendit omnes leges propriè tales. Porro in thesi, quæ prohibetur, ita contingit, quia illa exceptio: *Nisi lex id vetet*: necessariò restringenda est ad leges positivas, & speciales, exclusa lege æterna, aut naturali, nec aliter congruum sensum, aut praxi conducens potest habere, ut ostendimus jam antea à *num. 4.* Si ergo inibi excludendæ sunt etiam ex leges, quæ sunt strictè, ac propriè tales, qua ratione divinari possent, consuetudines includi, quæ defectu obligationis, vel ex suo speciali modo inter non leges solent computari? Utique Bartolus, Baldus, Jafon, Rochus de Curte, Gratianus, & alii non pauci affirmant, consuetudinem vim suam amittere ex eo præcisè, quod per legem scriptam id, quod ipsa jubeat, constituitur, transireque in aliud genus juris non consuetudinarii, sed legalis. Juxta quam sententiam satis manifestè cernitur, consuetudinem, ac legem esse jura non diversa utrumque; sed incompossibilia, & quodammodo contraria secundum rationem suam. Estque valde simile, quod multi dicunt hoc tempore de vivæ vocis ærâculis, nempe talia esse definire, cum per Bullam postea confirmantur, & in aliud jus transire, quod revocatione oraculorum nullatenus revocatur.

39 Et, quamvis demus ea propter consuetudinem non destrui; sed in vigore suo perseverare simul cum lege (ut frequentius censent alii,) adhuc utriusque distinctio constabit ex alio effectu. Nam, si consuetudo sit specialis & lex superaddens jus commune, quamvis lex nominati-

tim derogetur aliquo privilegio, non ideo consuetudo derogabitur, nisi etiam ipsa cum lege nominatim exprimitur. Videntur P. Suarez *lib. 7. de legib. cap. 2. num. 3.* & 4. Qui subinde optimè inferit, quæstionem istam non esse de solo modo loquendi; sed de re, quæ maxime conferre potest ad effectus, casusque morales. Neque absumiliter in privilegiis contingit. Nam licet controversum sit inter Auctores, utrum jus consuetudine acquisitum contra, aut præter legem, sit propriè privilegium, vel solum juris fictione, aut præsumptione? Adhuc tamen inter omnes convenit, illud, revocatis absolutè privilegiis, nullatenus revocari, neque nomine privilegii comprehendi, ni fortè In favorabilibus, ubi omnia ampliantur, & interdum fit extensio ad casus fictos, & improprie tales. De quo ex professo idem Auctor *lib. 8. cap. 7.*

40 Ultimo prætermittendæ non sunt aliæ exceptiones, quas *num. 12.* præmonebam in ea thesi proponendas fuisse, ut subsistere possent sine scandalo: neque enim suppleri possunt ex contextu, aut mente auctoris aliàs cognita, ut in libris accidit; sed de doctrina illius censendum est, si cut ibidem jacet. Certum est autem, reddi illicitam defectionem voluntariam sententiæ tutoris de valore Sacramenti, si minister voto, aut juramento, vel præcepto personali, aut temporali, ac proinde deficiente à vera ratione legis, ad tutiora constringatur; & tamen nihil istorum in propositione excipitur. Neque valet dicere, ea fuisse omiſſa, quia specialia non sunt in hac materia; sed transcendunt omnes alias. Obstat enim, quia hac ratione neque exceptio conventionis fuisset declaranda: generale quippe est, ut in quacumque materia debeant observari patèta conventa, sicut vota, & juramenta servantur. Excepta autem conventionem nominatim, non apparet, cur alia debuerint supprimi, nisi ut generalis regula jam præmissa firmaretur in contrarium, & proclive erit deducere ex verbis propositionis, ut jacet, nec juramentum, nec votum satis esse, ut sit illicitus cor ferenti Sacramenta liber usus earum opinionum, unde ipsorum valor nutat. Idemque, servata proportionem, dixerim de promissione merè liberali, quæ solius veracitatis, aut fidei-

tatis obligationem importat, & neque ex iustitia obligat, neque contractus est, neque conventio, si inhaerendum est definitioni conventionis traditæ à Jurisconsulto *l. 1. ff. de pactis.*

C A P U T V.

De usu opinionis probabilis circa valorem Baptismi, Sacerdotii, vel Episcopatus.

41 **P**osterior pars theſis damnatæ ex exceptionibus in altera fui parte præmissis inferebat, sententia probabili utendum non esse in collatione horum trium, & jure optimo, nisi absolutè, & absque ulla prorsus exceptione proponeret negativam adeo universalem. Nam regulariter verissimum est, id esse illicitum in unoquoque ex istis Sacramentis ex lege, aut consuetudine, vel saltem ob periculum inferendi fuscipienti, aut alijs grave damnum, quod ex facto conferentis proculdubio parientur, si contingat, falsam esse eam opinionem, cui se accommodat in praxi. Attamen quòd isti regulæ nulla exceptio adhibeatur, sicut priori erant adhibitz suæ exceptiones, nullo pacto debuit tolerari: certum quippe est, illam non habere locum in casu necessitatis, nec minus certum, quàm quòd alteri, cum lex obstat, aut periculum, nullus locus relinquatur. Sicut ergo expressè limitari debuit, & limitata fuit ab hoc Auctore regulæ, qua dicebatur, non esse illicitum usum opinionis probabilis de valore Sacramenti, ne absurdissimè vera putaretur semper, & in omni casu, ita pariter absque sua limitatione tradenda non fuit illa, quæ dicitur, in Baptismo, & duobus alijs probabili opinione utendum non esse: nam alioqui in tota sua universalitate relinquatur, & perinde foret, ac si diceretur (quod est plusquàm scandalosum) id non esse licitum unquam, neque in ullo casu. Proprium namque est negativæ, & præcipue in doctrinalibus, nullo dempto, omnia destruere, atque ideo dicitur malignantis naturæ apud Dialecticos, & apud Jurisperitos inter axiomata habetur, negativam plus negare, quàm affirmativa affirmat, seu plus tollere, quàm illa ponit, ut videre est apud Barbosa *axiomate 158. num. 3.*

42 Ponendum ergo est tanquam omnino

mino certum (quamvis inconsideratè prætermisum ab Auctore propositionis damnatæ) licitum esse ministrare Sacramenta, etiam Baptismum, ex opinione probabili circa valorem in casu extremæ, vel gravis necessitatis. Casus obviū sunt apud Auctores passim docentes, infantem jam moriturum, deficiente aqua elementari, baptizandum esse cum lixivio, luto, aut jusculo non valde spissis, vel in digito, aut capillis, si alia ejus pars non compareat. Neque enim relinquendus est absque remedio profuturo probabiliter, licet probabile etiam sit non profuturum, quatenus Baptismus sic confectus est etiam probabiliter invalidus. Ratio evidens est. Quia nisi infans eo modo baptizetur, proculdubio æterna beatitudine privabitur, & cum peccato originali non remisso in Limbum detrudetur; si autem ipsi Baptismus ille incertus conferatur, quamvis metus sit, ne eadem contingant, quia probabile est, eum esse nullum; aliunde tamen, quia etiam est probabile, esse validum, prudenter sperari potest salus ejus: illam enim proculdubio adipiscetur, si fortè accider, ut ipsa esse veram opinionem, quæ valori favet.

43 Depiorata igitur erit beatitudo hujusce miselli infantis, si minister probabilis Baptismo utatur; si autem eo utatur, forsitan erit in se securo, & collocata in tuto, licet sit nobis incerta, & inter spem, ac metum collocata. Porro in re tantii momenti, qualis est æterna salus, tunc certissime amittenda, & omnino desperata, magni facienda est qualiscumque spes remedii, & longè optabilior status dubii, seu incertitudinis, quàm status desperationis, derelictionisque totalis. Quapropter prudentia erit, & debitum iustitiæ, aure charitatis non desistere; sed remedium applicare proximo sic indigenti, quod mulrum fortasse proderit, ac nunquam nocere valet. Et cum in Medicis corporalibus hæc cetera sint, à fortiori transferenda sunt ad spiritalia. Neque enim eis obstat lex, aut consuetudo Ecclesiæ, quæ contraria potius est in istis casibus. Nec gravis damni periculum, nam ex opposito instat non tam periculum, quàm certum, atque gravissimum damnum, à quo infans probabiliter eripitur, & quod potest resultare ex incertitudine Baptismi, si ille vivat, condi-

tionata Sacramenti repetitione curabitur. Nec demum tunc propriè relinquitur à consilio ministri opinio tutior, quia supponimus, deficere materiam certam, & usum ejus non esse in illius potestate.

44 Quocirca in tanto discrimine non solum licebit uti probabiliore opinione de valore Sacramenti, sed etiam minus probabili; immò & alia quavis certò tali, quamvis minima sit intra suum ordinem, si minima verè talis discerni potest ab illis, quæ proximè ad eam accedunt, sed non sunt verè probabiles. Nam quolibet probabilitas certò talis de valore Sacramenti fundat spem prudentem, ac probabilem de fructuoso, ac valido exercitio sui, majorem, vel minorem pro mensura probabilitatis, cui innititur. Ubi autem affulget spes remedii, quo subleto, omnimoda desperatio succedit, illud omitti non potest, nec præpediti eo prætexu, quòd parva sit spes fructus, & metus contrarii eventus longè major; sed tentandum adhuc est, & insistendum, ut passim fieri videmus in aliis magnis periculis vitæ, aut honoris, aut famæ. Et cum Sacramenta fuerint instituta non tam sui gratia, quàm in favorem fidelium, recta ratio exigere videtur, ut in conflictu opinionum illa potius in praxi seligatur, quæ favor suscipienti, etiam cum periculo nullitatis Sacramenti, quàm quæ suscipientem deserit, ne Sacramentum periculo nullitatis exponatur. Quæ est sententia communissima tradita à Sanchez, Suarez, Valenria, Henriquez, Montefinos, Lugo, Giballino, Filiucio, cum aliis, quos dabunt Verricelli *sup. q. 27. n. 3. & Diana p. 2. rr. 69. ref. 13. 69. p. 3. rr. 3. ref. 9.*

45 Addunt plures, etiam opiniones parum tutas, parumque probabiles, quibus citrà necessitatem non liceret uti, in hoc casu esse exercendas; ne quidquam intentatum relinquatur, dum agitur de vitando gravi malo, seu periculo, ac præsertim animæ. Hæc enim sæpe faciunt in moralibus, ut sola formido præponderet opinioni, atque ut fatius sit fecundum illam operari in favorem animarum, cum speciem aliquam probabilitatis retinent, quàm opinioni contrariæ deferre, licet sit mulrum probabilis. Ita Petrus de Soto *de legendo secreti. memb. 3. p. qu. 2. conc. 2.* Navarrus *in cap. Inter verba. corol. 53. num. 135. An.* Baldellus *tom. 1. Theolog. moral. lib. 4. disp. 11.*

disp. 11. n. 15. & disp. 12. nu. 4. Thomas Sanchez lib. 2. de matrim. disp. 36. num. 8. Lessius lib. 2. de iust. & iur. c. 17. n. 77. in fin. Joannes Præpositus in 3. p. q. 4. de confes. n. 88. Villalobos in summa tract. 1. difficul. 8. Diana p. 4. tr. 4. resol. 59. Castro Palao p. 1. tr. 1. disp. 2. p. 2. n. 5. Reginaldus in praxi lib. 13. num. 89. Pellizzarius tr. de monial. cap. 10. num. 184. Verricelli diss. tr. 2. q. 36. num. 5. Franciscus de Lugo tr. de Sacramentis cap. 1. n. 54. Saraf de conf. p. 2. tr. 5. n. 45.

46 Qui omnes sic discuntur in plerisque eventibus, ubi non aliter declinari potest periculum magni damni, nominatimque circa Baptismum in sola digiti extremitate exterius patente conferendum infanti latenti in utero, & forsan morituro, quin nascatur: nec non circa absolutionem moribundi sensibus destituti, qui præsentem Confessario neque ulla edidit doloris signa, neque poenitentiae Sacramentum postulavit: item circa revalidationem matrimonii nulliter contracti ob impedimentum occultum faciendam, quin aliter conjux conficius fiat nullitatis, cum ex ea notitia gravia incommoda timeretur honoris, vitæ, vel famæ. Esto enim speculativa opinio de valore Sacramenti parum periculis sit in his eventibus, & ratione periculi, aut necessitatis neque fiat probabilior, nec securior quoad effectum conficiendi Sacramentum validum; adhuc tamen satius creditur, cum angustie premunt undique, tenui isti probabilitati confidere, tenuemque remedium spem ex ejus usu concipere, quam diuici, & omnino desperare.

47 Quare tunc licitus erit usus cujusque opinionis de valore Sacramenti, siue sit certò probabilis, siue solum probabiliter; immò quamvis dubium conferenti sit, num opinio, cujus usu indiget, sit probabilis, aut improbabilis, ut specialiter notavit Verricelli *suprà*, & facile potest contingere in casibus repentinis, quibus sine mora est occurrendum, ne occasio præterlabatur. Et proinde Card. de Lugo disp. 8. de Sacram. num. 140. docebat, in extremo isto discrimine posse conferri Baptismum cum liquore aliquo, de quo dubium est, utrum sit materia apta, vel omnino inepta, cum neque ex visu, neque ex gustu, vel odore potest id discerni, & res non patitur moram, qua aliis modis

possit ejus aptitudo, vel ineptitudo examinari. Videndus Diana cum relatis p. 8. tr. 1. resol. 49. & Giballinus tom. 1. de scient. Canon. lib. 3. cap. 7. quest. 5. confes. 4. & 5. Tamburinus lib. 2. de Sacram. cap. 1. §. 1. & 2. qui plures casus singillatim examinant, & rectè advertunt in hoc dubio Sacramentum ministrandum, addita ista conditione: *Si materia est apta*, repetendum verò, si postea adsit opportunitas, sub hac: *Si non es baptizatus, ego te baptizo, &c.*

48 Quæ autem diximus de necessitate gravi spectante ad fuficientem, servata proportionem, extendi solent ad parem necessitatem se tenentem ex parte ministrantis. Nam ad ministrantes spectat, nempe ad ipsos contrahentes per signa externa consensus, & acceptationis mutue, casus ille matrimonii invalidi, quod Sanchez, Lessius, & alii ex nuper appellatis affirmabant revalidari posse per consensum mutuum, infcio prioris nullitatis altero ex conjugibus, obtema dispensatione impedimenti, quod ei manifestari non valet absque maximo periculo mortis, scandalii, aut infamie. Unde si mors intenteretur, vel alterum grave malum ex his, quorum justus metus ab obligatione aliorum præceptorum solet exculare, licitum erit ministro non aliter evasuro aliquid ex istis malis baptizare puerum in nomine Genitoris, Geniti, & Procedentis ab utroque, licet ea forma sit solum probabilis, ut notant cum aliis pluribus Bresserus lib. 3. de conf. num. 105. Giballinus eo confes. 4. num. 9. Salas tom. 1. in 1. 2. tr. 8. num. 96. Baldellus diss. disp. 12. num. 17. Verricelli *suprà* q. 27. num. 7.

49 Denique sub istis etiam moderationibus est accipiendum, quod de Sacerdotio dicitur, nisi quod rarissime occurrit talis, tantaque necessitas conferendi illud ex opinione probabilis circa valorem, ut merito præponderare censetur malis, quæ ex adverso imminet. Nam si fortasse contingat opinionem, quam sequutus est miniter in ordinatione illius, esse falsam, & proinde eum non esse verum Sacerdotem, neque sacrificium offeret, nec consecrabit, aut communicabit in Missa, neque fructum ejus adstantes reportabunt, aut animæ Purgatorii, vel alii, pro quibus ea offertur, nec Corpus Christi fuficient fumentes formulas ab ipso consecra-

CAPUT VI.

Quando liceat conferenti Sacramenta sequi opinionem probabilem circa valorem ipsorum, & tutiorem relinquere?

secratis, nec à peccatis suis erunt absoluti, qui cum illo Sacramentalem confessionem instituerunt. Quippe omnia ista, & alia pleraque nocumenta permaxima ex invaliditate Sacerdotii necessariò consequuntur, ut hæc necessariò sequitur ex Baptismi nullitate. Porro in collatione Sacerdotii probabiliter invalidi omnia hæc mala radicanter, & in suo quasi semine inveniuntur, & propterea satius est, immò debitum omnino, abstinere ab illa, quoties usus ejus non videtur necessarius ad evitanda probabiliter alia damna præponderantia his periculis. Necessitas autem ista vix unquam ad suscipientem spectabit; sed ad alios, quia Sacerdotium non est ipsi necessarium necessitate mediæ, sicut est Baptismus; immò neque necessitate præcepti, sed voluntariè suscipitur.

50 De Episcopali ordine eadem est ratio, atque eò major necessitas exigitur, quò longius, latiusque possunt diffundi spiritus alia nocumenta, quæ proveniunt ex incerta illius validitate. Nam qui verè Episcopus non est, quamvis id tentet, nulli fidelium Sacramentum Confirmationis impertiet, nulli Sacerdotium conferet, nullum verè Episcopum sacrabit. Unde neque consecrati ab isto alios Episcopos re ipsa consecrabunt, nec veros Sacerdotes constituent, qui possint validè sacrificium offerre, aut Eucharistiam conficere, vel à peccatis solvere, aut ligare. Nec mali labe finiatur cum vita prioris Episcopi; sed nati natorum, & qui nascentur ab illis (ut sic loquar) eadem tabe conficiuntur, & tamdiu durabit, quamdiu continuabitur illorum series, quorum vera Consecratio, & Ordinatio pendet ex eo, quòd fuerit re ipsa consecratus primus ille Episcopus, à quo originem traxerunt. Neque item uno in loco morabitur; sed ad omnes orbis plagas extendetur, quò sparsim pervenire contingerit putativos istos Sacerdotes, aut Episcopos. Putabunt enim, se esse verè tales, & ingerendo se officiis suorum Ordinum nihil efficiunt, si falsa fuit illa opinio de valore Sacramenti, juxta quam sunt ordinati; sed meras cæremonias exercebunt, apparenter quidem validas; sed fructu vacuas, ac rebus.

51 **A** Ssero 1. Ut hoc liceat conferenti, non est satis, quòd nec lex Ecclesiæ id vetet, nec conventio, nec periculum incurrendi grave damnum. Contradictoria istius satis apertè continetur in propositione damnata, quæ id toties licere affirmat, quoties fieri potest, nullo illorum trium refragante; sive fiat ad libitum conferentis, sive ex causa; sive contra, sive juxta voluntatem suscipientis; sive juxta, sive contra usum, ac praxim Ecclesiæ; sive nullitas Sacramenti timeatur ex defectu formæ, vel aliorum, quæ præstanda sunt à conferente, sive aliunde; sive incertitudo ex iis oriarur, quæ Ecclesia supplere potest, sive ex his, quæ sunt juris Divini, & nequeunt ab ea suppleri; sive Sacramentum, v.g. Confirmationis, contra suam naturam exponatur periculo reiterationis, sive non item; sive involuntaria amissio magni lucri spiritualis inde possit resultare, aut leve damnum distinctum à jactura gratiæ, sive nullum. Quot verò, & quàm magna absurda inde sequantur in praxi, & quantum dissonent communi sensui Ecclesiæ, antèa fuit abundè ostensum. Et propterea existimo, assertionè nostram, sicut iacet, ab omnibus esse amplectendam, neque oppositum doceri, aut defendi posse, vel in praxim revocari absque contraventione decreti damnantis propositionem, in cuius expositione versamur.

52 A ssero 2. Regulariter non licet conferenti Sacramenta sequi opinionem probabilem de valore ipsorum, derelinquendo tutiorem, & præsertim circa illa, quæ sunt ab ipso ministrante exhibenda. Est certa, & communis omnium, nec iam contradictoria, uti præcedens, sed contraria thesi prædamnatæ. Ratio convincens ex hucusque traditis sua sponte descendit. Quia id vetat conferenti sepius lex positiva, aut consuetudo Ecclesiæ, vel peculiaris conventio, aut promissio Deo, aut homini facta: sepe rationabilis voluntas suscipientis inviti circa periculum amittendi lucrum gratiæ, vel subeundi damnum aliud, sive grave, sive leve: sepe

E in:

indispensabilis necessitas recipiendi Sacramentum re ipsa, & cum effectu validum, ut in his accidit, quæ necessaria sunt necessitate mediæ: sæpe specialis religio, seu natura Sacramenti, v.g. irreiterabilis, ut Confirmatio, vel adorabilis suprema adoratione, ut Eucharistia: sæpe pericula imminentia aliis, si suus valor Sacramento defit, ut in Sacerdotio, vel Episcopatu.

53 Et in summa, comparatione eorum, quæ non licent, pauci casus inveniuntur percurrendo singula Sacramenta, & eorum proximi, ubi putari possit hoc licere. Sæpe enim aliquis obstat ex titulis præstigiis, quorum singuli per se sufficiunt, & interdum plures conjunguntur, & ex conjunctione ipsorum diversæ species malitiæ actum illicitum reddunt. Haud immerito proinde dici potest etiam ob hanc causam profligatam esse thesim propositam, si opus esse videatur non solum contradictorium illius (quod priori asserzione est factum) sed etiam contrariam defendere, quia in ea, ut jacet, nihil clarius invenitur, quam regula generalis contraria huic nostræ, nimirum ordinariæ, & ut plurimum non esse illicitum incertum illum modum ministrandi, & idem reliqua per exceptionem, ut minus frequentia, adiiciuntur, suppressis aliis non paucis, quæ certo excipienda essent. In rigore autem unicuique sufficit contradictorium propugnare: nam duæ contrariæ sæpe solent esse simul falsæ: & qui contradictorium alicujus enunciationis propugnat, enunciationem ipsam non defendit; sed impugnat, atque evertit.

54 Afferro tertio, id esse licitum in casu necessitatis, siue ea spectet ad ministrum, siue ad ipsum suscipientem. Quem casum omnes excipiendum censent, etiam severiores illi, qui putant semper injuriam Sacramentis irrogari, & tractari irreverenter, quoties suscipiens, consciens, aut consensus ob opinionem probabilem se se voluntariè exponit periculo nihil suscipiendi, nihil efficiendi, aut nihil dandi. Cedit enim quasi juri suo religio Sacramenti in dicto eventu, ut fideles beneficio illius utrumque perfruantur. Neque ullum Sacramentum excipitur, quamvis sit irreiterabile, ut Baptismus, & data opportunitate, iterum sub conditione debeat repeti. Ubi etiam thesis damnata aberravit

(ut capite præcedenti urgebam) siue quatenus hujus exceptionis non meminit in Baptismo, & duobus aliis, siue quatenus in ipsis non distinguitur casus, gradusque necessitatis, qui in eis etiam habent locum, licet sint valde inæquales.

55 Afferro quarto. Seclusa necessitate, aliquando idem licere, valde est probabilè. Scilicet, cum suscipiens consentit, quantum est ex se, & favori suo licitè, ac valdè renunciare valet, & aliunde nec lex obstat, neque consuetudo Ecclesiæ, neque præjudicia aliorum, neque peculiaris obligatio ministrantis, neque specialis religio alcujus Sacramenti. Terminos jam antea exposui, solentque adhiberi exempla ex confessionibus, quæ voluntariè instituuntur, & licitè omitterentur, atque ex iis, etiam præceptis, quæ sunt licitè cum attritione cognita Confessario, ac penitenti. Ratio autem est. Quia, cum nihil istorum obstat, solum potest superesse irreverentia ex natura rei imbibita in illo incerto modo ministrandi propter periculum nihil agendi, & naturalis obligatio, quæ virtus religionis eam vetat. Atqui ob hanc præcisè causam neque Sacramentum, aut auctorem ejus irreverenter tractari, neque virtutem religionis lædi, adeo probabilis opinio est, adeo communis, adeo solidis argumentis comprobata ab innumeris Auctoribus, qui illam festinant, ut nec possit reprobari, nec debeat, præsertim cum neque eam improbant, scilicet improbabilem hi, qui oppositam tuerentur.

56 Distingui etiam inter opiniones de valore illorum, quæ exequenda sunt à ministrante, ut prolatio formæ, vel ablutio infantis, & opiniones de valore eorum, quæ exhibenda sunt à suscipiente, v.g. dolor de peccatis, quem multi putant ante confessionem eliciendum esse, ut Sacramentum ritè perficiatur, & alii censent debere esse contritionem saltem existimatam, quin ad valorem sufficiat attritio cognita ut talis. Ratio autem distinctionis est, quia propositio damnata non loquitur nisi de cōfiterente Sacramentis, ut ex illis verbis patet in *Sacramentis conferendis*, & aliunde iste, cum se accommodat opinioni penitentis circa illa, quæ ad eam attinent, non tam eam sequitur, quam permittit penitenti, ut eam sequatur; neque ipse tunc pro-

proprie derelinquit tutiorem; sed supponit, derelictam esse ab alio, cum ipse omnia ritè, ac valide exequatur, quantum est ex parte sua.

57 Itaque de illis præcipue, imò unice propositio loquebatur, quæ se tenent ex parte conferentis, & spectant ad ejus praxim: nam ad illa, quæ se tenent ex parte suscipientis, verba ipsius ægerrimè accommodantur. Nec communis usus, modum loquendi istam extensionem patitur, ut jam olim præmonebat doctissimus Antistes Malderus 1.2.q.19. ar.5. disp.86. fol.mi. bi 159. hisce verbis, præter alia: *Quod dicitur ministris opinionem tutiorem in Sacramentorum materia, & forma esse sequendam, non debet extendi ad illam materiam, quæ natura sua suppeditatur non ex parte ministris; sed suscipientis.* Idem monet, traditque moneri à Doctoribus communiter P. Bresserus lib.3. de confc. num.109. P. Thomas Sanchez lib.1. in Decal. cap.9. num.34. Michael Salon. in 2.2.q.63. artic.4. contrav.2. ad 3. colum.1193. Basilius Pontius lib.4. de matrim. cap.25. num.8. Diana 1.p. trah.13. resol.2. Scildere trah.2. de confc. num.110. Angelus Bossius de confc. p.1. tit.1. à num.341. Bonacina tom.2. disput.2. de peccat. q.4. punct.9. num.19. Mascareñas tr.1. de Sacram. disp.2. num.73. Stephanus Bauni de Sacram. tr.1. q.17. num.2. Dicastillo disp.8. de Pœnitent. n.220. cum sequent Vaquez 1.2. disp.63. n.12. Joannes Sanchez in select. disp.44. num.13. Alexander Pefantius in 1.2. quaest.19. artic.6. disput.3. de confc. opinat. num.3.

58 In praxi etiam id sequuntur omnes fere Confessarii, dum extra mortis articulum pœnitentes absolvent in casu attritionis cognitæ, vel contritionis post peccati confessionem habite, quamvis probabile repurent, ad valorem pœnitentiæ eam materiam non sufficere. Quare lex, aut consuetudo in his casibus non obstant, sed potius favent eisdem. Justitia etiam non potest obflare, cum id fiat, sciente, ac volente eo, qui Sacramentum accipit: nec charitas, quia pœnitens ipse, cui charior debet esse sua salus, ordinariè non delinquit contra illam, dum sic se gerit. Nec dubium, quin longè plura obfent conferentibus, quàm suscipientibus, ne ex facto suo exponatur Sacramentum periculo nullitatis, quamvis etiam suscipientibus id sæpè sæpius non liceat.

59 Quo loci maximè oportet secernere inter opiniones pœnitentis illas, quarum usus reddit Sacramentum Pœnitentiæ probabiliter invalidum, ab aliis, unde valor Sacramenti minimè periclitatur: spectant enim ad alias obligationes controversas, quas ille probabiliter detestare potest, quin proinde desit quidquam Sacramento ipsi essentialia. Hujus generis est opinio negans cum Angelico Doctore præceptum confitendi circumstantias notabiliter aggravantes intra eamdem speciem, quia esto pœnitens illam sequatur, non ideo deerit confessio integra formaliter, omnium scilicet, quæ hic, & nunc debet confiteri pœnitens, esto forsitan desit materialis integritas, sine qua validè Sacramentum conficitur, quoties ad est legitima excusatio. Idem evenit circa propositum evitandi omnia peccata gravia, quod formaliter integrum certò esse potest practica certitudine, indubitanterque sufficiens ad Sacramenti valorem, quamvis vir ex.gr. nolit restituere, aut femina deponere ornatum ob opinionem practica certò probabilem, quæ id sibi licere affirmat, & exerceri deinceps posse absque peccato. Quamobrem de his non est questio in presenti, neque opinio de valore Sacramenti; sed de alia re, quæ non spectat ad ejus validitatem.

60 Quoties verò circa istam mediata, vel immediatè versatur opinio pœnitentis, & ex facto illius nullitas Sacramenti potest resultare; non verò ex facto ministris, tunc affirmant præcitati Auctores, longè aliam esse rationem, nec de hoc casu, juxta dicta, videtur loqui thesif condemnata. Quæ si vera sunt, & nunc licebit, cum licitum erat antea, absolvere pœnitentem, qui non præmisit confessioni dolorem Sacramento necessarium, aut qui non asserit formale propositum emendationis; sed solum virtuale inclusum in detestatione peccati, vel qui accedit cum sola attritione nota tam sibi, quàm Confessario, atque ita in aliis similibus, ubi tribuendo singula singulis; defectus, siquis est, non se tenet ex parte conferentis; sed ex parte illius, qui Sacramentum accipit. Et sanè, quod de attritione cognita profertur, si articulum mortis excipias, receptissimum est, ac nominatim traditum ferè ab omnibus Doctoribus. Non est autem faciliè creden-

credendum, communissimas, & receptissimas in praxi Ecclesiae doctrinas in praesentiarum damnari. Eo vel maxime, quia, ut facta omnino, testaque servetur Pontificia condemnatio, & propositio, ut jacet, absque dubio scandalosa sit, & perniciofa in praxi, satis superque sunt alia motiva antea adducta, quae id demonstrant, quin propterea oporteat condemnationem ad hos casus extendere, vel imputare, quae non dixit, Auctori propositionis damnatae.

61 In fine quaeris, an liceat in conscientis Sacramentis uti opinione probabilis de valore ipsorum, relicta tutiore? Est autem casus valde proprius Eucharistiae, ubi re ipsa separantur *conferre, conferre, & suscipere*: nam ea, quae in usu consistunt, conferuntur efficiendo, ac conferendo efficiuntur, & propterea sola rationis nostrae praescissione separari valent per ordinem ad officia separabilia ex suo genere, considerando eundem hominem, modo quatenus est conferens, modo quatenus est conscientis. Ratio dubitandi est, quia thesis damnata solum loquitur de his, quae licent, aut non licent Sacramenta conferentibus, & de suscipientibus, aut conscientibus omnino silet; condemnatio autem illius ultra terminos ejus non extenditur; sed ad ipsam, sicut jacet, restringitur. Neque juridicum est, ut constitutio poenalis, etiam lata in favorem animarum, ultra omne verborum proprietatem amplietur, quamvis eadem, aut fortior ratio militare videatur, praesertim non expressa in lege ipsa.

62 Quapropter censco, ut ex vi decreti hoc non esse condemnatum, nec subiectum poenis ejus, neque illicitum ex vi precepti, quo injungitur, ne quis propositiones damnatas unquam ad praxim deducat. Aliunde vero id proculdubio illicitum mihi apparet, cum conferenti non licet, & pariter condemnari, atque prohiberi potuisse. Sed aliud est gestum esse, & aliud geri potuisse: aliud damnabile esse, & aliud esse damnatum.

CAPUT VII.

Num, stante hoc decreto, liceat uti opinione probabilis circa jurisdictionem, & alia, quae ad valorem Sacramenti ex dispositione Ecclesiae requiruntur?

63 **V**idetur non licere; sed omnino ablatum esse usum cujusque opinionis merè probabilis, etiam in istis, nam se tenent ex parte ministrantis, & ex defectu illorum, opinio sit falsa, continget, ut Sacramentum invalidè conferatur, sicut evenit, quoties, deserta tutiore, eligitur opinio probabilis circa ea, quae ad valorem Sacramenti requisita sunt jure Divino. Quod verò possit Ecclesia ea supplere, & immutare, quae unice dependent ex institutione ipsius; secus verò illa, quae requisita sunt, & instituta à Christo, nihil referre videtur, quia nil confert, quod supplere possit, nisi illud de facto suppleat. Non est autem, unde certò constet, Ecclesiam supplere defectum jurisdictionis, aut approbationis iis, qui probabiliter existimant, se habere illas, & propterea id totum semper intra terminos merè probabilis relinquitur, & si hoc licent, Sacramentum ministrari poterit ex opinione probabilis, tutiore deserta ad libitum.

64 Nihilominus non desunt, qui affirmant ut omnino certum, in eo casu propter bonum publicum Ecclesiam conferre jurisdictionem Sacramenti absolventem poenitentem ex opinione quacumque circa suam jurisdictionem, quod sit re vera probabilis intermiscere, vel extrinsecè. Quos inter Angelus Maria Verricelli re exactissime discussa 1. part. quaest. morali. tr. 2. quaest. 25. num. 5. sic scribit: *Hoc dico esse moraliter certum, & oppositum esse improbabile, & falsum, quamvis summè displiceat improbabilem asserere opinionem, quam celeberrimi Scriptores defendunt; sed vi argumentorum opprimor.* Hac ille, cui latus subscribit Moya in select. 1. part. tr. 1. q. 6. num. 22. & Tamburinus lib. 5. de Sacram. cap. 5. §. 4. a num. 44. Ait insuper, rem esse certissimam, Castro Palao tom. 1. disp. 2. de conf. punct. 5. num. 9. omnino certam, Thomas Hurtado tom. 2. variar. tr. 12. nu. 2055. certam Dicastillo tom. 2. de Sacram. disputat. 10. de Panis. nu. 196. Machado 10. 12.

in *discur. pract. de probabili opinione* art. 5. num. 7. Franciscus de Lugo lib. 1. de *Sacram.* cap. 1. num. 50. *certam, aut fere certam*, Bossius de *consc.* p. 1. tit. 1. à num. 384. *prædictæ certam* Filiucius tom. 1. tr. 7. num. 227. Martinon *disp.* 71. de *Sacram.* num. 51. *sufficimam* extra articulum mortis Card. de Lugo *disp.* 19. de *Pœnit.* num. 30. nulli periculo irritationis *expositam* Diana p. 2. tr. 15. *resol.* 29. *l. p.* 8. tr. 1. *resol.* 93. *parvo, aut nulli.* Caspensis tom. 1. *curfus Theolog.* *disp.* 3. de *consc.* num. 28. Ut omittam alios, qui id ipsum tradunt tanquam absolute verum, necum ut probabile, vel probabilius, nempe Thomas Sanchez lib. 3. de *matrim.* *disp.* 22. *in fine.* Basilus lib. 5. cap. 19. num. 8. Lessius lib. 1. de *iust.* *l. p.* 30. cap. 29. num. 68. Layman *in summa* lib. 1. tr. 4. cap. 22. num. 9. *verf. dictum est.* Bonacina tom. 1. *disp.* 5. de *Sacram.* q. 7. *punct.* 5. §. 4. num. 4. Villalobos tr. 1. *diffic.* 13. num. 5. Serra tom. 2. in 1. 2. q. 19 *art.* 6. *dub.* 4.

65 Quæ si vera sunt, jam ea doctrina extra numerum opinionum probabilium reponetur, & ex rationabilione actuali Ecclesie certitudinem, & securitatem acquirit, quas ex se sola non habet. Unde & valor Sacramenti ex usu illius in tuto collocabitur, & qui illam in praxi sequitur, hisce principiis instructus, contra decretum Pontificis nihil profus operabitur: neque enim deferit sententiam tutiorem pro probabili, aut certam pro incerta; sed pro certa, certeque moraliter. Id ipsum extendunt Sanchez, Bossius, Lessius, Bonacina, Dicastillo, Machado, Franciscus de Lugo, Villalobos, & multi alii ex nuper laudatis ad alios plerosque casus Ecclesie dispositioni subjectos, ut in ipsis supplere censeatur, quod deest valori, cum probabili opinionum nititur, qui eos perficit, sicut id supplet, cum adest error communis, & titulus coloratus. Ut si probabile sit, aliquem valide assistere contra iuramentum, vel absolvi a censuris, aut peccatis, aut habere facultatem eligendi Confessorem, aut non esse revocatum privilegium, quo uti intendit, supplente scilicet Ecclesia defectum, si forte subsistat, ne tota acta irrita fiant cum maximo detrimento singulorum, ac utilitatis publicæ.

66 Probabilis visa fuit ista doctrina, sed non certa, uti opus erat, P. Suarez *disp.* 26. de *Pœnit.* *sess.* 6. nu. 7. & ideo num. 8. *Theolog. Reform.*

in Sacramento Pœnitentiæ ex alio capite securitatem promittit. Ait enim, illud certissime, & indubitanter perfici, quoties (ut plerumque accidit) proponuntur aliqua venialia, vel mortalia jam confessata cum mortalibus denuo commissis. Nam quoad illa omnino est certa jurisdictio directa cuiuscumque Sacerdotis, nisi sit specialiter prohibitus, licet quoad ista sit solum probabilis. Id autem sufficit, ut sit certus Sacramenti valor, atque certa gratiæ infusio, qua omnia gravia peccata deleantur, saltem indirecte, sicut omnia proculdubio deleantur, casu quo mortalia forent inculpate obliata, & ideo pœnitens sola venialia faceret apud Sacerdotem simplicem. Quippe certa jurisdictio absolvendi directe ab aliquibus peccatis in confessione propositis est etiam certa potestas absolvendi, saltem indirecte, à quibuscumque aliis, quæ cum ipsis bona fide proponuntur. Bonam autem fidem præstat pœnitenti probabilis ignorantia obligationis querendi alium Confessarium, sicut illam præbet inculcata obliatio. Neque tunc est ulla questio probabilis hinc, & inde de valore absolutionis; sed solum de modo illius. Nam, si vera sit opinio circa suam jurisditionem, quam Confessarius exequitur, pœnitens ab omnibus peccatis suis etiam mortalibus directe erit absolutus. Sin verò falsa, directe à venialibus, & indirecte ab aliis, ut in casu oblivionis contingebat, ubi major poterat videri difficultas. Quia ibi certum est deficere jurisditionem directam quoad mortalia, cum in nostro casu supponatur eam adesse probabiliter.

67 Suario concessit P. Thomas Sanchez *in summa* lib. 2. cap. 13. num. 15. *verf. At existimo.* sic scribens: *Omnes fatentur aliqua venialia simul cum mortalibus, ac proinde respectu venialium est omnino tuta, & certa absolutio simpliciter Sacerdotis, & mortalia, deficiente jurisditione ad illa, remittuntur indirecte.* Caspensis *sup.* num. 30. ubi dicit, in hoc casu neque pœnitenti injuriam irrogari, nec Sacramentum exponi irritationis periculo. Joannes Sanchez *ea disp.* 44. num. 24. Coninc. p. 2. de *Sacram.* *disp.* 8. num. 42. *in fin.* Neque hunc modum defendendi respuunt plerique ex Doctoribus, qui antea proposito insistent, sed utrumque simul approbant, ut videre

E 3 licet

licet apud P. Sanchez in *summa lib. 1. cap. 9. num. 35.* Martinon. *disp. 53. de Sacram. num. 14.* Dicaſtillo *num. 216.* Layman, Franciscum de Lugo, Filliucium, & Villalobos, & alios, locis superius adductis.

68 Nihilominus non desunt alii, quibus neuter ex his modis appareat certus, aut tutus; sed, utrovis posito, Sacramentum adhuc remanere probabiliter expositum periculo nullitatis; arque adeo tam esse illicitum in istis uti opinione probabilis, relicta tutiore, quam in aliis, quæ immediate pendunt ex institutione Christi. Ita Salas *tom. 1. in 1. 2. tr. 8. à n. 99. & à nu. 285.* Oviedo *1. 2. tr. 5. contrav. 3. pund. 4. nu. 33.* Bresserus *lib. 3. de cons. n. 114.* Marchantius in *Tribun. Sacramentor. tom. 1. tr. 2. tit. 3. q. 4.* quorum sententiam validis, ac nimis urgentibus sulcitur rationibus, & in praxi non esse deferendam docuit tandem Diana *p. 9. tr. 7. resol. 57. in fin.* Ratio capitalis est, quia illa extrinseca principia, unde valoris certitudo promittitur Sacramentis sic collatis, nec sunt certa, nec secuta; sed probabilia duntaxat, & fortasse falsa. Nam quod primo loco dicitur, nempe operantibus ex opinione probabilis certam jurisdictionem conferri, sicut confertur Parochis occultè excommunicatis, vel simoniacè adeptis beneficium, aliisque habentibus titulum Confessarii re ipsa invalidum, qui communi errore populi validus reputatur, ac sufficiens, certum non est, sed probabile, ut Suarius tradebat *suprà*.

69 Unde quamplurimi negant, Ecclesiam supplere in eo casu defectum jurisdictionis, & ex professo P. Bardi in *Bulam p. 2. tr. 5. cap. 1. à n. 185.* Joannes Sanchez in *sele. disp. 44. num. 10.* Scildere *tr. 2. de cons. num. 34.* & alii non paucoppositum descendunt duntaxat tanquam probabile, vel probabilius, adeo ut Tamburinus dixerit *lib. 4. de Sacram. cap. 4. §. 8. n. 3.* (licet minus consequenter) Verricelli, cujus verba ex scripsimus *num. 61.* nimis exaggerat esse loquutum. Jam verò alter modus defendendi certum Sacramentum valorem, quem ex Suario produximus, suos etiam contradictores habet, & nominatim Palao in *dis. num. 9.* & Verricelli *dis. quest. 25. n. 8.* Et proculdubio usus illius non potest esse adeo frequens, sicut esse dicitur, quia esto frequenter in con-

fessione mortalium exponantur aliqua venialia, sæpè accidit, ut de venialibus non adsit dolor sufficiens, nec propositum emendationis, & ideo ordinariè illi, qui venialia sola commiserunt, ad mortalia jam confessa, de quibus est certior dolor, in confessione recurrunt. In eo autem casu necessarius est omnino verus dolor, verumque propositum circa venialia, quia absque illo directè remitti nequeunt, & nisi ea directè remittantur, irremissa manebunt omnia alia, quæ ad remissionem ipsorum non nisi per accidens, & ex consequenti remittuntur.

C A P U T VIII.

Nostrium judicium.

70 I N tanta sententiarum varietate primum dico, hac objectione non aliud probari, nisi ad summum, quòd hi ipsi, qui opinantur ejusmodi principia esse incerta, & Sacramentum adhuc esse probabiliter invalidum, non possint licetè illud ministrare ex probabilis opinione circa suam jurisdictionem, cum adsunt alii, qui sine eo periculo illud ministrare valeant. Tales tamen interim non prohibent, quominus alii Doctores utrumque; aut alterum ex eis pro certo habeant, pruden-terque existiment, se juxta id in praxi agentes non sequi sententiam probabilem de valore Sacramenti, relicta tutiore; sed omnino certam, quamvis per alteram eadem valori aliquanto certius consulari: nam certitudo non consistit in indivisibilibus; sed major, aut minor esse potest, & maxime in re morali. Idemque judicium efformare possunt ducti auctoritate istorum tam poenitentis, quam alii, qui ex propriis principiis rem ipsam non penetrant, neque suis momentis rem librare valent. Quare utrique meritò censentur, se non acquiescere propositioni damnatæ, nec contrarie præcepto Pontificio, deducendo illam ad praxim.

71 Rursum, in his casibus minister certus est, se non deserere tutiorem sibi possibilem; sed ex parte sua quàm potest tutissimè Sacramentum ministrare, licet alii tutius ministrare possent, qui jurisdictionem ex se certam, & approbationem habent. Porro thesis condemnata

in his terminis non loquitur; sed de eo, qui tutiore modum conferendi Sacramentum sibi possibilet à consilio deserit, & prohibito substituit alium duntaxat probabilem. Proponitur enim ibi tanquam duo extrema electionis tutior opinio, & probabilis; electio autem non est impossibile, neque ullus nisi valde improprie dicitur relinquere viam, quam sequi non potuit; sed quam liberè noluit amplectari. Diximus supra, & est communis omnium, Sacramentum licite conferri posse ex opinione probabili, relicta tutiore, in casu necessitatis propriæ ipsius ministri, v. g. si illam deserat ex metu cadente in virum constantem, neque hic casus est inclusus in decreto Pontificis; sed relictus in statu, quo erat antea. Ergo pariter relictus iudicari debet casus impossibilitatis. Nam impossibilitas agendi juxta opinionem tutiorem penitus involuntariam reddit desertionem ejus, & quoad hunc effectum longè est potentior, quam metus, qui non extinguit omnino; sed diminuit voluntarium.

72 Negandum præterea est, non esse certum, quòd Ecclesia suppleat defectum jurisdictionis ministri in prædicto eventu. Tum quia tale supplementum maxime spectat ad utilitatem publicam, & commune bonum animarum, cui Ecclesia nunquam deest. Tum quia immemorialis consuetudo fert, ut Sacerdotes absolvant à peccatis, & censuris, cum probabiliter judicant, se habere jurisdictionem: &, si paucos scrupulosos excipias, vix est ullus, qui in hoc casu non se accomodat favori, aut opinioni poenitentis. Porro consuetudo antiqua, & maxime immemorialis, vel vi sua jurisdictionem confer subiecto alioquin capaci, vel irrefragabiliter probat, illam fuisse antea concessam. Et quidem de hac consuetudine securissime attestantur P. Suarez in *disa. sed. 6. nu. 7.* & Card. de Lugo *ea. disp. 19. nu. 31. & nu. 34.* consentaneum deinceps, ut alios prætermittam, Dicastillo, Palao, Verricelli, Tamburinus, Aversa. Neque ullus ejus initium, aut originem assignat, nam hominum memoriam transcendit, & proculdubio longè esset facilius protervire denegando consuetudinem, quam, illa admitta, assignare initium ejus. Neque id possenti, ut sine culpa operentur, investigare

debent, aut examinare justitiam causæ, unde consuetudo est orta, opportune id annotante circa impedimenta dirimentia matrimonium ex dispositione Ecclesiæ P. Sanchez *lib. 7. de matr. disp. 4. num. 14. ante finem*, cum Valente, Gabriele, & Cajetano, quamvis non obstatet, primum incepisse per confessiones invalidas defectu jurisdictionis ex Conino *disput. 8. de Poenit. num. 39.*

73 Sufficit autem constans attestatio tot Doctorum magnæ experientiæ, ac doctrinæ, & tam tempore, quam loco distantium, ut consuetudo, seu stylus hujus Sacri Tribunalis (in quo & ipsi fuerunt Judices) legitime probatus censeatur. Nam & alia facta solis duobus testibus, aut tribus omni exceptione majoribus plenè comprobati intelligantur; atque pro interiori foro, ubi sola facti veritas inspicitur, & ad apices juris posuivi non attenditur, vel unus interdum sufficit, præsertim cum de alterius præjudicio non agitur. Videndus Suarez *lib. 7. de legib. cap. 11. n. 8.* ubi inter alia ait, probabilem Doctorum opinionem pro his sufficere, qui per semetipsos nesciant consuetudinis modum trutinare, Sanchez *eo. lib. 7. disp. 17. num. 8.* Granado in 1. 2. *controver. 7. tr. 3. p. 2. disp. 16. num. 12.* Salas *disp. 19. de legib. fest. 18.* Scildere *tr. 3. de conse. num. ultimo.* Diana *p. 6. tr. 5. resol. 28.*

74 Neque post decretum Innocentii promulgatum, & sæpius visum, ac lectum intercessa fuit hæc consuetudo, aut reputatus contrarius ipsi usus illius, ut vel ex his, quæ in Civitate amplissima, ubi hæc scribo contigerunt, deprehendetur satis clarè. Sunt namque in illa ex omnibus penè religiosi Ordinibus numerosæ familiaræ confertæ viris sapientibus, & Theologiæ Magistris, ac studiis, & omnes ferè hisce annis, Confessarii Societatis nostræ exceptis, confessiones excipiebant absque approbatione Diocesani (quem experiebantur sibi parum æquum) hac probabili opinioni innixi, quòd Regularis semel approbatus ab aliquo Ordinario, ubicumque est eligibilis virtute Bullæ Cruciatæ. Quare poenitentes prius interrogabant, num Bullam haberent, & eos, qui carebant illa, remittebant ad alios Confessarios. Factum non probo; sed natio; nec consulerem, ut in exemplum

traheretur: nam ex alio capite facillè peccaminosum esse potuit in tanta publicitate, ac frequentia, & præsertim erga illos, qui nesciebant, qua de causa fieret illa interrogatio: esse enim poterant rationabiliter inviti, & nolle incedere, nisi via tutissima, etiam quoad jurisdictionem Confessarii. Certò tamen scio, in quadam familia magnæ doctrinæ, ac sanctitatis, ubi plus quam quadraginta huic sacro ministerio vacabant, ad adventum novi Episcopi solos quinque esse repertos ab Ordinario loci antea approbatos, & non nisi duos in alia satis numerosa, & fortè nullum in aliqua, quod ex licentiis, quas petierunt postea, patentissime constitit.

75 Viger itaque, & vigeat olim istiusmodi consuetudo introducta in favorem animarum cum scientia, & patientia Ecclesiæ, quæ illam ignorare nequit, cum sit adeò antiqua, & frequens, & tot libris pervulgata, nec cam extirpat, quamvis facillimè possit, quod est manifestum signum, ut multi de se nostra observant, approbationis, ac consensus taciti. Puto autem, illam deservire solum pro foro conscientie, ne tot Sacramenta irrita fiant in perniciem conscientiarum; nam pro foro externo necessaria non apparet talis concessio, & ne istæ perturbentur, sæpe usuvenit, ut facultas absolvendi ad ipsum non extendatur. Censeo insuper, eam non favere, nisi opinionibus certò probabilibus de jurisdictione Confessarii: nam illis, quarum probabilitas ambigua est, & hinc inde controversatur, utrum sint probabiles, vel improbabiles, neque Ecclesia vult favere, sed potius extirpare ipsarum usum, necessitate seclusa, neque eis unquam rationabiliter prudenter, ac timoratorum consuetudo favet. Exemplum autem sumi potest ex ea, quæ docet, posse Parochum committere simplici Sacerdoti facultatem audiendi confessiones suorum subditorum: esto enim de jure probabilior visa fuerit, & tuta in praxi Petro de Ledesma, & Ludovico de S. Juan. adhuc tamen plusquam falsa, & improbabilis ab aliis censetur, ut legi potest apud Joannem Sanchez *disq. 48. num. 51.*

76 In Sacramento etiam matrimonii similis contentio occurrit. Requiritur enim ad validitatem ejus ex dispositione Ecclesiæ assistentia proprii Parochi,

& circa illam sæpe sæpius variorum opiniones feruntur utrimque probabiles, ex. g. an sufficiat assistere in Parochia aliena Parochum utriusque contrahentis, vel in Parochia sponsæ sponsi Parochum? Quæstio- nis ergo est, utrum Ecclesiæ etiam suppleat in his casibus certitudinis defectum, certamque assistendi facultatem conferat, ne incertitudo opinionis in Sacramentum redundet, idque reddat probabiliter invalidum? Supplere affirmant Basilium, Martinon, Lessius, & alii ex relatis *num. 61. & 62.* licet non explicent, an id procedat in utroque foro, vel solum in foro animæ. Sed profectò consuetudine, quæ nobis præcipua fuit pro Sacramento Pœnitentiæ, pro matrimonio nequeunt adjuvari. Nam consuetudo non extenditur de Sacramento ad Sacramentum, vel de casu ad casum; sed intra suos terminos coerceri debet, ut privilegio illius valide utamur. Matrimonio autem consuetudo sua non assistit, nec de illa Auctores testantur; quinimodò sæpe videmus illud declarari clandestinum, & invalidum, permittique contrahentibus convolare ad alias nuptias, quamvis constet in judicio, Sacerdoti, qui illi interfuit, non defuisse suam opinionem probabilem.

77 Quamobrem prædicti Auctores aliis principiis utuntur ad suam affectionem confirmandam, & eo præcipue, quòd acta agentis ex opinione probabili ob utilitatem publicam firmari debeant, quamvis opinio sit falsa, sicut firmantur pro foro etiam externo, dum intervenit communis error cum titulo colorato, juxta vulgarem doctrinam sumptam *ex l. Barbarius Philippus. 3. ff. de officio Prætor.* Attamen doctrina ista, pro qua strenuè pugnat Verricelli in *disq. q. 25. nu. 9.* non usque adeò certa apparet, ut valorem Sacramenti ponat omnino extra aleam. Primo, quia sæpe contingit, ut duo judices in eadem causa se competentes declarent, & uterque probabiliter, quin propterea Princeps, aut Ecclesia utrique conferat jurisdictionem certam, aut valorem certum eorum actus: nam alioqui, cum ea sint inter se opposita, auctoritate sua redderet bellum certò justum ab utraque parte. Secundo, quia juxta plures id ipsum contingit Regi imponere tributa, aut Episcopo excommunicanti, & cuivis Superiori præ.

præcipienti ex opinione probabili circa suâ jurisdictionem, vel circa extensionem ejus: neque enim aliunde suppletur certitudo; quæ ipsi deerat; sed adhuc subditiis reluctari licet ob opinionem contrariam præsertim probabiliorem, esto ille sit in possessione officii, ut multis contendit Scildere *tractat. 2. de conse. à num. 54.* cum Vasquez, Palao, Lessio, & alii. Qui verò illis id licere negant, non ducuntur eo principio; sed alio longè diverso, scilicet quia jus Superioris dignius est, atque potentius, & ideo in eo eventu prævalere debet contra subditorum libertatem. Videndus P. Suarez *lib. 5. de legib. cap. 18. num. 20. & disp. 4. de censuris. sect. 6. num. 6. & 7.*

78 Tertiò, nam quoad hunc effectum est valde aperta disparitas inter errorem communem, & opinionem probabilem. Quippe error de alicujus potestate non favent leges, & jura, cum unus est, aut paucorum; neque item, cum est vincibilis, aut multis nota ejus falsitas; sed solum, cum est communis, ac præsertim circa factum, invincibilis, & adeò incognitus, seu larvatus specie veritatis, ut pro veritate certa absque prudenti formidine apud doctos, & indoctos habeatur. Talis profectò erat error circa Barbarii Præturam, de quo textus præallegatus, & talis esse non potest, quem fert opinio probabilis. Barbarius enim officium Prætoris, ac designationem, seu titulum Romæ est adeptus, apparenter quidem validum; sed invalidum re vera, quia erat servus fugitivus, & ideo ad Præturam inhabilis. Ceterum quia istiusmodi inhabilitas latebat populum, neque ullum suppetebat indicium de ea inquirendi, aut dubitandi, omnes pro comperto habebant, eum esse verum Prætorem, & de valore tituli, aut actorum ejus nil omnino formidabant. Nemo enim poterat, tametsi doctissimus (deficientibus judiciis) aut errorem suum corrigere, aut superare ignorantiam. Nam ea, quæ in facto consistunt, quoties est omnino occultum, peræquè doctos, ac indoctos fallunt.

79 De hoc ergo Ulpianus cum Pomponio in textu illo respondit, *humanius esse*, ut nihil eorum, quæ decrevit, aut edixit, reprobetur propter utilitatem eorum, qui apud eum egerunt, quamdiu ejus servitus latuit. Idque vim legis obtinuit,

postquam Ulpiani sententia inserta est juri Romano. At verò quod illum ipsum universim extendatur ad alia omnia, quæ geruntur ex opinione probabili, nec lege, nec jure constat, nec recepta consuetudine; sed intra terminos congruentiæ manet. Neque enim ex sola rei natura existimari potest debitum humanitati, aut utilitati publicæ, cum sibi imputare debeat, quisvis viam tutiorem sibi possibilem descenderit, quod periculosam elegerit, nec meretur, ut auctoritate Superiorum tuta ei fiat, cujus periculum amat. Quare neque id docet, docuissetve Consultus ob rationis paritatem, si apud populum tunc esset probabilis, ac prudens opinio de inhabilitate Barbarii, & alius Prætor occurreret, qui posset securè, ac certò justitiam administrare. De quo accuratè Scildere *eo tr. 2. num. 38.*

80 Nam probabilis opinio, si falsa est, solum est error eorum, qui illam constantur; non verò communis omnium: cum sæpè habeat plures, gravesque adversarios: sæpè singularis sit, aut paucorum: sæpè ad populi notitiam non perveniat: sæpè in facto non consistat; sed in jure, cujus error, adhibita congruenti diligentia, haud infrequenter superari valet. Neque illa causare potest eum errorem, qui apud populum communiter pro certa veritate habeatur, sicuti opus erat, ut prædictæ legis favor ipsi subsidium afferret. Nam sicut veritas, ita etiam falsitas cujuslibet opinionis incerta est, non solum apud illos, qui ipsam sequuntur ut veram, sed cum formidine, ne forte decipiantur; verum etiam apud alios, qui reputant esse falsam: nam & hi prudenter timent, ne forte sit vera, & apud omnestam veritas, quam falsitas est planè incerta. In casu autem illius legis error populi apud ipsum pro certa, & inconcussa veritate apud doctos, & indoctos communiter habebatur absque formidine oppositi, cuius nulla, vel levis probabilitas extabat, nec erat, qui illos dedocere posset, cum inhabilitas Barbarii occulta esset: unde & omnes in utroque foro ejus mandatis obedire tenebantur, & illius sententia stare, ac si essent Prætoris veri. Pro certa ergo veritate invincibiliter error iste tenebatur; probabilis autem opinionis falsitas invincibiliter nequit haberi pro certa, atque ideo ei non applicatur vel casus legis, vel textus.

81. Hinc non sine scœnore iterum ad Sacramentum Pœnitentiæ regredimur examinaturū modum illum peculiarem defendendi ejus valorem, qui *suprà num. 66.* ex Suario proponebatur. Difficultatis autem cardo in eo versatur, quia, subleata illius principii certitudine, quod ipse tanquam certum supponit, nempe Sacerdotes simplices nulla censura impeditos posse validè absolvere à venialibus, cœtera, quæ illi inædificat, sua sponte cadunt. Porro id esse certum inficiantur Salas, & alii appellati *num. 67.* & talem facultatem eis competere absolute negant Philippus Faber *disput. 25. de Pœnit. à num. 72.* Bordonus *tom. 1. variar. resolut. 36. quæst. 20.* Ludovicus à Cruce in *Bullam Cruciat. disput. 1. cap. 2. dub. 5. num. 13.* Bexa *p. 3. casu 37.* quorum sententiæ ex novioribus probabilem putat Thomas Hurtado *tom. 2. variar. tract. 12. num. 2076.* Accedit & ratio. Quia hujusmodi facultas non competit Sacerdotibus simplicibus (his scilicet, qui non sunt approbati ab Episcopo, neque à Superiore deputati) jure Divino, & ex vi suæ ordinationis, cum ab Ecclesiâ passim auferatur, & communiter defenditur contra Paludanum, Capreolum, Ledesma, Sotum, Vasquez, & nonnullos alios, quos strenuè oppugnat Diana *part. 8. tract. 1. resolut. 55.* Sed neque jure Ecclesiastico scripto: deest enim textus, qui id probeat, nec illum reperit diligentissimus Auctor Martinus Navarro, ut attestatur ipse in *cap. Placuit. de Pœnit. distinct. 6. num. 22.* Nec demum consuetudine, nam illam negat Bordonus in *disca. quæst. 20. nu. 57.* cum Fabro, & aliis proximè laudatis: & si qua olim fuit, jam revocata esset in Concilio Tridentino *sess. 23. de reformat. cap. 15.* ubi approbatio Ordinarii indistinctè, & universim requiritur ad secularium confessiones excipiendas, omnique contraria consuetudo, etiam immemorialis, revocatur.

82. Cœterum, his non obstantibus, principium illud, ab aliis longèp suribus antea laudatis, & communissimè apud omnes scriptores pro certa veritate habetur, & communi praxi, ac sensu Ecclesiæ solidari traditur. Quod si is error est, supinus certè, crassus, aut vincibilis esse non poterit, cum neque Ecclesiâ id osten-

dat, neque in toto populo inveniat, qui possit hos Auctores dedocere, aut eorum deceptionem propalare. Si qui enim essent, hi maximè, qui id non esse certum opinantur. Atqui opinionem illorum non esse certò probabilem, sed potius improbabilem, iisdem ipsis fundamentis ostenditur, quibus certitudo oppositæ à reliquis comprobatur. Unde sic pro valida ejus praxi argumentari licebit. Vel verum dicunt, vel errant hi, qui docent, Sacerdotem simplicem habere certam, ac securam potestatem absolvendi validè à venialibus, neque enim inter hæc duo extrema medium inveniri valet. Si verum dicunt, Sacramentum sic confectum erit proculdubio validum. Si falsum, etiam valebit propter errorem communem invincibilem, ac justum de illius certa veritate. Ergo valor Sacramenti certò, planèque subsistet, sive hoc, sive illud dicatur.

83. Nec deerit titulus, si datur error, cum, omnibus inspectis, non deest publica, & communis causa existimandi, id esse certum, sive ea sit consuetudo, sive Sacerdotium, sive utrumque. Nam causa, & titulus in jure idem denotare solent, ut multis exornat Oseæ *de cessione jurium tit. 1. q. 4. à num. 2.* Quocirca in casu legis præcitatæ designatio Barbarii in Prætores, quæ eierat pro titulo, non idèò reddebat valida gesta ipsius, quia in se valida esset: erat enim planè invalida propter inhabilitatem subiecti; sed quia populo præbebat justam causam errandi circa Præturam illius, & ad eum effectum necessaria erat: nam designatione deficientem, non daretur ei usus officii, neque pro Prætoresmitteretur, sicut non admittebantur alii. Idem autem juris esset, si iusto, ac communi errore ipse, aut alius quis crederetur certò designatus, quamvis nulla, aut ficta foret ejus designatio: nam publica necessitas, aut utilitas idem pari jure postulabat. Titulus autem coloratus vel non requiritur, cum absque illo datur iustus, ac communis error populi, vel in eo casu specialiter requirebatur, ut suppleret defectum possessionis, quia servus non est possidendi capax *extextu in l. Quod servus. 24. l. Possessio. 49. ff. de acquirend. possess.*

84. Est autem longè præstantior in hoc puncto causa Sacerdotum simplicium, quam

quàm erat causa Barbari. Illi enim suum defectum non agnoscunt; sed eadem bona fide errare possunt circa suam jurisdictionem, qua errant ceteri de populo, cum habeant eadem motiva reputandi illam pro certa veritate; Barbarius verò neque bona, neque mala fide erravit, cum certò sciret, se esse servum, & incapacem Præturæ tam in possessione, quàm in proprietate. Quapropter ille peccabat usurpatione iudicii, quoties se ingerebat causis; & administrationem iustitiæ contra Reipublicæ, aut Principis voluntatem usurpabat. Pariterque peccat modò, si ultro excipiat confessiones, qui habetur pro vero Parocho, cum verè talis non sit, idque ipse agnoscit, v. g. quia per simoniam occultam titulum beneficii comparavit. Neque ei prodest, quòd sua gesta, & absolutiones datæ populo ignorant defectum validæ sint, supplente iure Ecclesiastico in singulos actus jurisdictionem, quæ ei deest. Quia ad non conceditur in gratiam ejus, neque indulgetur, ut sit ipsi occasio usurpandi jurisdictionem, quæ caret habitualiter; sed in eorum gratiam, qui invincibiliter errant, & favore communis utilitatis. Ita Coninc *disp. 8. de Pœnit. num. 22.* Dicastillo *disp. 10. num. 187.* Scildere *dicto tr. 2. nu. 51.* Sumiturque exemplum valde simile ex his, quæ excommunicatis toleratis eveniunt: peccant enim, si ultro eæ se ingerant communicationi fidelium, quamvis fidelibus ipsis sit ab Ecclesia concessum cum illis communicare.

CAPUT IX.

Concluditur, non omnia, quæ in hoc genere putari possunt illicita, esse prohibita, aut damnata vi Pontificii decreti.

85 **I**N fine diligenter observandum moneo, quod ex hucusque dictis planè sequitur, ad satisfaciendum præcepto Pontificio non esse necessarium abstinere ab usu opinionis probabilis de valore Sacramenti, aut sequi tutiorem semper,

& in omni casu, in quo thesis condemnata licitum esse affirmabat sequi probabilem, atque tutiorem deferere. Nam alioqui, quia illa proculdubio comprehendebat inter licitos casum necessitatis, ac metus, dicendum foret, etiam in his casibus tutioris desertionem damnari, & tanquam perniciosam prohiberi. Et ratio à priori est, quia damnationi, ac præcepto non docendi, aut practicandi aliquam doctrinam, ut jacet, satis est eam improbare, & ejus contradictoriam tueri. Tuctur autem illam in præsentem, quisquis asserit esse aliquando certò illicitum, ac perniciosum, quod propositio damnata licitum semper, ac salutare tradebat. Ex. g. si id fiat, suscipiente rationabiliter invito, aut contra consuetudinem Ecclesiæ, nec juridicum est præcepta, vel censuras Ecclesiasticas, aut damnationes morales ultra suos terminos, ac proprietatem extendere.

86 Quocirca sicut soli confescentes, non verò qui dumtaxat conficiunt, aut suscipiunt Sacramenta, huic damnationi, ac ejus poenis, aut præceptis subjacent, licet alias malè iudicent, & illicitè operentur, ut tradebam *suprà num. 55. & 60.* ita pariter ex conscientibus ii soli eisdem obnoxii debent reputari, qui aliquid docent, aut agunt, cum quo componi non valet condemnationis Pontificiæ sancta veritas. Qui verò tradunt, aut sequuntur in praxi opinionem aliquam communem de valore Sacramenti, & non inuitatam in Ecclesia, sed sæpius deductam ad praxim, sive alio titulo peccent, sive non peccent (quod utique Theologorum discussioni relinquitur) contra decretum istud non delinquent, dum propositionis damnatæ contradictoriam defenderint: ut si quis simplex Sacerdos, præsentem proprio, poenitentem absolverit in mortis articulo, aut approbatus, sed non habens facultatem absolvendi à reservatis, coram eam habente, & ita in aliis, quorum usu facta, rectaque servatur Pontificiæ damnationis veritas. Videndus GIBALLINUS *dicto conf. 4. num. 8. & toto conf. 5. fol. mibi 330.*

76
DISSERTATIO II.
DE OPINIONE JUDICIS.

Verfatur hæc differtatio circa propositionem secundam, cujus formalia verba sic se habent : *Probabiliter existimo judicem posse judicare juxta opinionem etiam minus probabilem.*

CAPUT PRIMUM.

Status questionis ante decretum Innocentii.

Doctrina ista literaliter habetur apud Bonacina to. 2. *dispus. 2. de peccat. quæst. 4. punct. 9. num. 13.* intermixta in sui favorem allegatione Aragonii, Salonii, ac aliorum, quos putat ab ipsâ stare. Et quidem, si probabile esse vellent, semper licere judicibus eligere inter probabiles opinionem, quam maluerint, ac minus verosimilia in judicando sectari, jure optimo improbari debuit ea doctrina, tanquam nova, & nimis laxa. Saltem enim discernere oportebat quæstiones juris, & quæstiones facti, opiniones peculiare à communibus, favorabilia ab odiosis, civilia à criminalibus, reum ab auctore, possidentem ab eo, qui non possidet, & alia pleraque deinceps insinuanda, circa quæ proclivè esset periculosè offendere, atque perniciosè errare, dum pro generali regula indistinctè traditur, quod passim obvias, ac certas exceptiones apud omnes patitur, & neque semper, neque ut plurimum, servatis juris, ac justitiæ regulis, deduci potest ad praxim.

2 Atque in primis iidem ipsi Auctores, quos Martinus Bonacina appellat, dum judici concedere videntur licitam facultatem pronunciandi suam sententiam juxta opinionem minus probabilem, de illa præcisè loquuntur, quæ minus probabilis est ex parte juris, quia videlicet in controversiam vocatur sensus alicujus legis, vel an hunc, aut illum casum comprehendat, & oppositum expressè affirmant, quoties minor probabilis se tenet ex parte facti. Tunc enim certo certius apparet, illi tanquam digniori adjudicandam esse v. g. hereditatem,

qui per instrumenta, aut testes efficacius, aut validius probat, se habere qualitates requisitas ad illam obtinendam. *Nec est* (inquit Aragon 2.2. q. 63. artic. 4. vers. *Ad tertium.*) *aliqua opinio probabilis, quæ dicat, licitum esse contra hujusmodi hominem sententiam proferre.*

3 Quare nullatenus audiendi sunt Mag. Serra. 2.2. q. 67. art. 3. dub. 2. vers. *Dicendum est septimò,* & Leander à Murcia lib. 1. *disquis. moral. resol. 17. num. 8.* qui nulla nova ratione, vel auctoritate ducti receptissimam istam traditionem oppugnaverunt, cujus oppositam cum Aragon ubi sup. improbabilem ducit P. Tamburinus lib. 1. in *Decalog. cap. 3. §. 4. nu. 3. in fin.* P. Baldellus tom. 1. *Theol. mor. lib. 4. disp. 15. nu. 8.* Et meritò: tum quia in *1 Ob earum. §. fin. ff. de testibus*, judici injungitur, ut in facto controverso motum animi sui confirmet ex argumentis, & testimoniis, non quibuslibet, sed quæ rei aptiora, & vero proximiora esse compererit, sive ex illis, quibus potius lux veritatis affluit, ut traditur in *cap. In nostra. 32. de testibus*: tum quia acquiritur judex tanquam justitiæ administrator jus suum tribuere unicuique, nisi illi causam adjudicet, cui jus prælationis competit. Porro hoc jus, cæteris paribus, ei soli competit, quem merita causæ præferunt, & sua majori dignitate efficiunt favorabili sententia digniorem. Unde si competitori minus digno postponatur, jus suum illi non tribuitur, & leges justitiæ violantur iniqua distributione. Nam justitia distributiva non sustinet in concursu oppositorum, ut minus dignus digniori anteponatur; sed merita causæ examinat, illaque in balance appendit, ut illis, quæ præponderare viderit, judicium suum, suffragiumque accomodat. Et alioqui judex non se gereret tanquam merus distributor rei non suæ loco justitiæ; sed tanquam dominus liberè de alienis iuribus, ac rebus disponderet.

4 Quòd

4 Quòd si probabile non est, licere iudici in sola questione facti, unde jus pendet, sententiam probabilem deferere, & rem illi adjudicare pro libito, cui minus probabilis assistit, idem à fortiori erit dicendum; dom controversia est juris, ac facti; & uni ex colligantibus favet ex utroque capite major probabilitas; alteri verò utraque deficit. Quare in hoc casu certum absque dubio est, non licere iudici à probabiliore recedere, & pro minus probabili sententiam pronunciare, ut recte animadvertit Palao tom. 1. disputat. 2. punct. 12. num. 2. & ex mente omnium Doctorum relatis pluribus Angelus Bossius de conf. p. 1. tit. 1. num. 475. & Giballinus lib. 6. de negotiat. cap. 19. artic. 3. num. 8. Dicastillo lib. 2. de iust. tr. 2. disp. 5. num. 275.

5 Idipsumque in criminalibus adhuc evidentiùs cernitur. Quia improbabile est, licere iudici in questione facti, ex. g. furti commissi, aut non commissi, declarare reum fuisse furem, eumque ad poenam ordinariam furti condemnare ob indicia minus probabilia accusatoris, cum ille validioribus argumentis contrarias sibi criminationes elidit. Videatur textus expressus in l. Sciatis cuncti. 25. C. de probat. unde manifestè elicitur, longè deteriorem esse in hoc eventu causam affirmantis, quam negantis; immò etiam in eventu paris probabilitatis, aut etiam majoris, ut plerique docent. Nam ab affirmante clariores luce probationes exiguntur, ut reus negans absolutè criminofus declaretur, & ordinaria poena ei imponatur, licet trahiari, atque puniri possit, ut suspectus de eodem crimine. Quòd si, supposita furti veritate, adhuc in iure probabilius esset poenam mortis v. g. illi non correspondere; sed aliam miorem: qua, rogo, iustitia ad illam subeundam cogeretur, cum verosimilius est, & furtum non fuisse commissum, & casu quo esset commissum, non severiore illa poena, sed mitiore alia esse muldandum? Probabile utique non est, in casu aequalis probabilitatis, five ex parte juris, five ex parte criminis, licere iudici, quam maluerit, opinionem sequi, & benigniore relicta, rigidiorē affectari, ut meritò tradit tanquam sibi indubitatum contra Bonacina Bossius suprà num. 500. Ergo id longè minus poterit, quotiescunque major pro-

babilitas, & juris, & innocentia, causam accusati promovet.

6 Indidem apertè patet, saltem fuisse restringendam præactæ propositionis doctrinam ad questiones solius juris, ne sine exceptione, ut jacet, offendiculum præberet iudicibus, & occasionem deducendi ipsam ad praxim, etiam in questione facti, aut juris, & facti simul. Agendo autem de his questionibus, quæ versantur immediate circa intelligentiam juris opinabilis, ac controversi, negari nequit, plures, magnosque Theologos ab ea stetisse. Quia ultra Bonacina, apud quem, ut jam notavi, literaliter habetur, eadem ipsa reperitur apud Illusterrimum Mag. Tapia Hispanensem Archiepiscopum, & Primum Complutensem in Catenamoral. t. 1. q. 8. art. 17. num. 7. Ibi: *Inter opiniones autem inaequales probabilis est, quòd iudex potest eligere minus probabilem*: id ipsumque semel, & iterum tradit Diana p. 2. tr. 13. resol. 3. & p. 1. tr. 2. resol. 60. vers. *Sed hic obiter*. Ex his etiam, qui contrariam tanquam probabiliorē sequuntur, in transcurfu dicunt hanc esse probabilem P. Sanchez in summa lib. 1. cap. 9. num. 47. Filliucius tr. 21. cap. 4. num. 146. & Angelus Bossius dist. 1. §. 27. num. 484. fin. Aragon verò ubi suprà, non jam utcumque probabilem, sed longè probabiliorē eam reputat. Diana autem satis probabilem p. 9. tr. 8. resol. 62. vers. *Sed quia*. Ledesma itidem in summa p. 2. tr. 8. cap. 22. diff. 2. post concl. 11. fol. mibi 729. ait, esse magis probabilem, quam plurimumque Doctorum, particulariter discipulorum D. Thomæ.

7 Quos inter eandem licentiam, facultatemque eligendi pro libito minus probabiles interpretationes legum tribuunt absolutè iudicibus Bartholomæus de Medina 1. 2. quæst. 19. artic. 6. concl. 2. Gregorius Martinez ibidem tom. 1. part. 2. dub. 6. concl. 2. Villar tract. post. de conf. 4. p. §. 8. fol. mibi 785. Texeda tom. 1. contr. lib. 1. tract. 2. contr. 7. n. 7. Serra 2. 2. q. 67. art. 3. dub. 2. Joannes à S. Thoma tom. 1. in 1. 2. disp. 12. art. 6. vers. *Secunda verò pars*. Joannes Martinez de Prado in 1. 2. tom. 1. quæst. 29. artic. 6. dub. 6. conc. 2. Barnabas Gallego tr. de conf. dub. 9. de conf. probab. Cornejo tom. 1. in 1. 2. tract. 8. num. 118. Mendo in statuta benign. opin. diff. 13. quæst. 15. à num. 213. Gaspar Hurtado disp. 4. de actibus bum.

bum. diffc. 21. Thomas Hurtado 1. p. *resolut. moral. 17. 3. cap. 6. n. 314.* Vetricelli 10. 1. *ing. opin. 17. 2. q. 15.* apud quem videri possunt plures alii, & apud Diamam, & Bossium, qui recognoscendi sunt, ut certa fide allegentur, quia ex eis non pauci in contextu varias limitationes admittunt, quibus doctrina ista mitigatur, ut de aliquibus expendam num. 11. cum sequentibus.

8 Contrariam regulam ut absolute veram, tenendamque in praxi multi tradunt, & alii ut probabiliorum; alii vero tanquam adeo certam, ut aliam improbabilem duxerint, etiam ante Innocentii prohibitionem. A primis stant post nobiles Thomistas Dominicus Soto, & Bañez, Suarez *disp. 13. de charit. sect. 6. num. 2.* ibi: *Ut verum existimo, in sententiis ferendis sequenda est semper probabilior pars.* Valenzuela 2. 2. *disput. 5. q. 7. punct. 4. dub. 3. conc. 2.* & 3. Granado 1. 2. *17. 12. disput. 4. num. 39.* Conine *tom. 2. de Sacram. disput. 34. a. n. 91.* Lugo *disput. 37. de iust. & jur. a. num. 116.* Giballinus loco cit. a. num. 11. Theophilus Raynaudus *tom. 14. tractat. de bono re iudicis, punct. 4. §. 2.* Tannerus 2. 2. *disput. 4. q. 4. num. 128.* Becanus p. 2. *17. 1. cap. 4. q. 9. num. 14.* Malderus 1. 2. *disp. 86. concl. 9.* Hyacinthus Donatus *in praxi regular. 10. 3. 17. 12. q. 36.* ut omittam alios plures. Ex iis vero, qui eandem regulam ut probabiliorum sectantur, paulo antea appellavi P. Sanchez, Filliucium, & Angelum Bossium, & modo adicio Baldellum *tom. 1. Theologia moral. lib. 4. disput. 15. num. 21.* ubi idipsum tanquam probabilissimum tradit.

9 Superfunt illi, qui improbabile censuerunt pro arbitrio licere iudici eligere opinionem, quam maluerit, in questione solius juris, quamvis sit minis probabilis. Hi autem, etiam ante decretum Innocentii, neque ignobiles erant, neque pauci: nempe P. Lessius *in praelect. post. bum. ad 1. 2. §. Thoma q. 19. dub. 7. num. 49.* Et senim, inquit, huius ius sit probabile; non est tamen probabilis opinio, iudicem posse illam adjudicare, quando ius alterius est probabilius. P. Henriquez *in claus. Pontificia, cap. 18. num. 4.* ubi id appellat perniciosum in praxi. Mag. Antonius Perez Beneditinus *in laurea Salmanti. certam. 10. feb. 1673. n. 73.* P. Antonius Perez valde strenuus *17. 1. de iust. & jure, cap. 4. n. 80.* P. Esparca *de usu licito opin. probab. p. 2. ar. 124. §.*

ne. P. Layman *in summa lib. 1. tra. 1. cap. 5. n. 16.* monens inluper cavendum esse ab opinione contraria. P. Bardi *de confc. discep. 4. cap. 17. num. 10.* P. Moya *in select. tom. 1. 17. 1. q. 7. num. 13.* Celladei *de vella doct. in. morum, p. 1. lib. 1. q. 15. §. 2.* P. Terillus *de confc. probab. q. 24. a. num. 38.* & de regula morum, p. 1. q. 20. n. 5. Caramuel *in Dialecti num. 160. ante fin.* Castilento etiam in *Poliambica Seraphica*, verb. *Confiarii*, diffc. 1. licet oppositam reputet speculative probabilem, valde dubitat, num in die extremi iudicii veluti practice tuta admittenda sit à Deo iudice integerrimo, & aliorum exemplari. Ac denique P. Thomas Tamburinus *in Decalog. lib. 1. cap. 3. §. 4. num. 9.* & P. Bresserus *lib. 3. de confc. num. 145. fin.* ad summum ei deferunt probabiliter extrinsecam ob auctoritatem Doctorum eam tuentium; non vero ob principia intrinseca, aut rationes ex naturis rerum, vel etiam iure desumptas.

10 Attamen, si hucusque dicta adinvicem conscrantur, evidentissimum fiet, illam etiam ab auctoritate extrinseca non fuisse certo probabilem: semper enim ejus veritas, ac probabilitas suos contradictores habuit, non parvi nominis, nec modice auctoritatis. Et cum illi plures rationes, novaeque argumenta adauxerint, praesertim P. Bresserus, P. Antonius Perez, & P. Terillus pro illius probabilitate statuenda, nullus hucusque tentavit eis occurrere, vel ipsam ab ejusmodi nota vindicare. Quocirca, cum nunquam fuerit indubitanter probabilis, sed probabilis ad summum probabiliter, & probabilis falsa, ac improbabilis, decursu temporis suam qualem qualem probabilitatem amiserat, & post Innocentii XI. prudentissimam sanctionem jam non potest ad eam regredi.

11 Et profecto ne esset planè, ac manifestè improbabilis, multiplici distinctione, atque limitatione indigebat: quia certissimum est, in multis casibus praxi illius locum non esse, v. g. ad iudicandum contra validitatem matrimonii jam contracti, vel contra aliam causam in favorem causae odiosae. Quapropter Bonacina, qui praedictam regulam generaliter tradidisse videbatur *in dicto num. 13.* postea *num. 14.* postulavit, ut coetera paria sint: & iure optimo, quia ejusmodi condimento plures absurditates declinantur, quae necesse.

cessario sequuntur ex eadem regula generalius accepta. Et quamvis illud solum in præsentis non sufficiat, saltem subaudi debuit: ita enim fit, quoties agitur de permittendo in praxi tanquam licitum usum alicujus speculativæ opinionis minus tutæ, minusque probabilis, ut sapienter admonebat, & optimis exemplis confirmabat P. Suarez lib. 5. de legibus cap. 18. num. 20. Alii quoque ex his Doctoribus, qui pro contraria sententia allegabantur, non docuere illam, ut jacet in decreto prohibitive Innocentii; sed variis modificationibus additis, quarum præmissio magnum offendiculum præbebat judicaturis, & non modicam offensam illis, quibus indistinctè imputabatur contra id, quod ipsi docuerant.

12 Atque in primis Aragon loco præcitato non concedit iudicibus licitam facultatem judicandi secundum minus probabilem contra probabiliorem usum, ac consuetudinem receptam: neque contra communem Thomas Hurtado num. 317. & Verricelli tota q. 16. neque contra certò probabiliorem, seu probabiliorem tam ipsi judicanti, quam reliquis, P. Salas sup. n. 120. P. Palao 1. p. tract. 1. disp. 2. punct. 10 num. 7. & 8. P. Escobar tom. 1. Theolog. moral. lib. 2. num. 80. & Verricelli in hæc scribens ea q. 16. num. 6. *Ut rectè docet Castro Palao, & Salas (præcitata loca appellat) si constaret, quæ opinio esset certò probabilior, utique pro ea esset judicandum: atque in idem recidit P. Dicastillo lib. 2. de just. & jure, tr. 2. disput. 5. num. 283. dum postulat ad ejus doctrinæ praxim, ut ea opinio, quæ minus probabilis videtur judicanti, alius doctis, ac fortè Doctoribus, & pluribus vera appareat. Quocirca cum his Auctoribus potius controversia est de licita facultate judicandi contra propriam opinionem juxta illam, quæ probabilior est judicio aliorum, quibus iudex meritò deferre possit, quàm de licita facultate defendendi opinionem certò probabiliorem, aut se se accommodandi illi, quæ tam proprio judicio, quàm alieno, minus verosimilis appareat.*

13 Denum Salon. 2. 2. q. 63. art. 4. colum. 1084. ac deinceps, subscribente Sayro, ac Nicolao Garcia cum Diana p. 9. tractat. 8. resolut. 42. vers. Sed contra, ut in questione juris liceat judicanti probabiliora deferre, postulat, ut ipse iudex existimet

minus probabilem non esse falsam, sed veram. Unde sola probabilis opinio credita vera privilegium istud apud ipsos obtinet, quod in rigore non est minus probabilem, ut sic præcisè, probabiliori antepone; sed probabiliori veritatem. Neque id est licitè posse judicari contra probabiliorem utcumque; sed solum contra illam probabiliorem, quæ ab ipso iudice falsa existimatur: æquipollentia enim sunt, illam falsam reputare, & judicare absolute ejus contradictoriam esse veram.

CAPUT II.

Status questionis post decretum Innocentii.

14 **A**fferendum est omnino præstatam propositionem, ut jacet, meritò protcriptam fuisset. Jacet enim sine ulla limitatione, aut distinctione questionum, atque causarum, & sub ea generalitate nunquam fuit probabile, semper licere iudicibus minus probabilia sectari, & judicare pro amico, maxime in questione solius facti, aut juris, & facti simul. Unde, quia potissime contentio vertebatur in questione solius juris, assentientibus non paucis jam antè recensitis probabile, vel etiam probabilis, aut verum absolute, quod iudicibus liceret ferre sententiam secundum opinionem juris minus probabilem, propterea adiicio, id ut minimum ita fuisse temperandum, si defendendum erat probabiliter, casu quo minus probabilis non esset contra probabiliorem forensi usu, ac consuetudine in praxi receptam, neque contra communem Doctorum aliter interpretantium, atque in judicando, & consulendo intelligentium legem illam, de cuius verò sensu dubitatur.

15 Atque inter alios ita exponunt mentem suam Aragon, Thomas Hurtado, & Angelus Maria Verricelli locis paulò antè appellatis, quorum ultimus sic loquitur ea q. 16. num. 2. *Ex Theologis, duobus, vel tribus exceptis (qui inadvertenter loquuntur confundentes probabiliorum cum communi) nullus est, qui doceat, non peccare iudicem non judicantem secundum communem.* Hæc ille, subscribente P. Moya in select. 1. part. tr. 1. q. 7. num. 13. suffragantibusque Jurisperitis omnibus,

cx-

excepto Zasio, qui sibi contrarius est, quorum plerisque refert ibi Verricelli, & multo plures Antonius Maria Coratius in *tr. de commun. opin. lib. 2. tit. 8. num. 16. dicens, non esse dubitandum, quin hæc sit receptissima, & verissima opinio*, addensque num. 17. in foro etiam conscientie esse servandam. Quod etiam animadvertit cum Sylvestro, Angelo, Tabiena, Farinacio, Valero, & aliis Angelus Bossius *suprà* num. 488. & Donatus *ea q. 36. num. 6. & 17. Acceduntque Bobadilla in Politica, lib. 2. cap. 7. à num. 7. Salgado de Regia protect. p. 1. cap. 2. §. 3. à num. 22. ubi cum Rolando adjungit, oppositum esse fatuum. Ofualdus in notis ad lib. 26. Donelli cap. 2. litt. A. vers. Quod si jus certum deficiat. Fragofo de regim. Reipub. Christi. 1. p. lib. 4. disp. 10. à num. 183.*

16 Eandem sententiam multistextibus Civilibus, & Canonici diligenter perpensis illustrat Coratius *loco citato à num. 20.* quos brevitatis causa prætermitto: & quamvis deessent jura scripta, saltem indubitatum apparet, iudices ad id teneri ex recepta consuetudine omnium tribunalium, & sub hoc onere administrationem justitiæ eis commendari. Nam alioqui nec delinquent, neque in syndicatu punirentur, neque parti læsæ quidquam restituere deberent, etiam si posthabita communi in judicando præferrent non communem, minusque probabilem. Porro hæc planè absurda sunt. Nam illos ista de causa tanquam delinquentes contra munus suum in syndicatu esse puniendos, ac facere litem suam, ita ut ad restitutionem teneantur, & praxi receptum est, & nemine contradicente ex Juristis traditum à Cyno, Bartolo, Baldo, Felino, Alciato, Ripa, Berojo, Rolando, Puteo, Nevizano, Vivio, Aviles, Valero, ac aliis, quorum loca Auctores præcitati designant, & fusè Coratius examinat *suprà* lib. 3. tit. 12. Quare valde immeritò post Joannem Sanchez, Diana *p. 2. tract. 13. resol. 3. circa fin.* ab hac receptissima, & communissima doctrina discessit, quæ extendenda potius foret cum Coratio in *præfat. num. 38.* ad eos, qui communione inter iudices, & classici Auctores relicta, minus probabilem, minusque communem præferunt in judicando.

17 Nec propterea contendo, semper,

& ubique communem esse in judiciis standam: scio enim, non paucas limitationes huic regulæ superaddi, quas Coratius singillatim evoluit *suprà* lib. 2. *tit. 10. tit. 9.* & Angelus Bossius *loco citato à n. 657.* sed loquor præcisè comparando illam cum opinione, quæ nec est communis, neque probabilior stando in terminis juris; sed solum minus probabilis. Huic autem, cæteris aliqui paribus (ne de personis, aut causis favorabilibus loquar) iudicem acquiescere non posse, & communem ei oppositam deferere, certo certius est. Nam communis legem aliquam declarans omnium optima est legum interpres, & melior, quam consuetudo: hanc enim vulgus absque magno examine sæpè sapius inducit; illam verò multi classici, sapientisque Doctores optima vitæ, ac doctrinæ, omnia argumenta expendentes, remque ex professo tractantes. Unde & legi, & consuetudini interpretativæ equivalet, ut Jurisperiti observant: & ne dum probabilior; sed vera, juriq; conformis præsumitur, cum opposita novo aliquo textu, recepta consuetudine, aut ratione efficacissima non comprobatur. Si quando autem id contingeret, jam ista minus probabilis esse desineret, evadereque probabilior, proindeque effemus extra nostrum casum.

18 Quinimò Auctores, ne iudex contra communem definiens puniatur in syndicatu, atque ad damni reparationem obligetur, postulare solent rationes adeo efficaces pro opinione non communi, ut communem convincant falsitatis, nec solum minus probabilem reddant; verum etiam improbabilem. Ita Verricelli *ea q. 16. num. 8. & 9.* & qui plures refert Bossius *suprà* à num. 544. Nobis autem modò est factis, quòd opinio non communis, omnibus inspectis, probabilior fiat, aut certe non minus probabilis, quia tunc iudex secundum eam judicans juxta minus probabilem agere non censeretur; immò videretur suo muneri deesse, si, deserta certò probabiliori, eligeret communem minus probabilem. Quæ autem opinio verè communis dicatur, & quare non ex majori numero Auctorum rem perfunctoriè tractantium, aut libera opinandi facultate non gaudentium, sed ex classica, & probata eorum doctrina, atque ex diligen-

et, & accurato examine, tam rationum, quam auctoritatum peculiariter ad eam materiam attinentium, tractant superius laudati, & omnium exactissime Coratius lib. 1. tit. 5. & 6. Angelus Bossius à num. 589.

19 Secernere etiam oportebat causas favorabiles à reliquis. Quia saltem contra causam favorabilem, v. g. contra matrimonium jam contractum, judicare haudquaquam licet ex opinione probabili persuadente, id esse nullum, cum opinio probabilior ejusdem valori faveat. Et sane quamplures docent, potius esse declarandum validum, atque subsistens, non solum contra probabiliorem, sed etiam contra communem, quoties probabiliter sustineri valet, persuadente id satis verosimiliter Concilio Lugdunensi sub Innocentio III. relato in cap. Licet. 47. de test. & attest. & ita affirmantibus P. Thoma Sanchez lib. 1. de matrim. disp. 18. num. 7. Verricelli dicto tr. 2. qu. 17. num. 3. & Angelo Bossio ubi supra num. 689. qui num. 680. innumeros Auctores assert. Ac quidquid de hoc sit (quod Palao, & nonnulli alii in dubium revocant) in aperto est, matrimonio esse favendum, quoties non constet, utra opinio sit verosimilior, aut communior, vel praxi, aut stylo probatur: id enim suo jure postulant ejus sanctitas, atque indissolubilitas, & ingentia, ac perniciofa incommoda, quæ ex separatione conjugum solent pullulare. Ergo à fortiori idem dicendum erit, cum matrimonii validitas non jam pari, sed majori probabilitate firmatur. Tolerabilius enim est, aliquos contra statuta hominum dimittere copulatos, quam conjunctos legitime contra statuta Domini separare, ut totidem verbis legitur in dicto capite.

20 Quæ autem de matrimonio statui-mus, extendenda sunt ad dotem, testamentum, libertatem, aliasque causas, aut personas, quibus leges in obscuris favendum esse declarant, ut possidentem contra illum, qui non possidet, & reo, qui est damnus passurus, contra actorem, qui lucrat. Probabile namque non videtur, sive à ratione, sive ab auctoritate, integrum esse judici in his casibus sequi opinionem, quam maluerit, & juxta minus probabilem proferre sententiam contra causam, aut personam juris favore protectam, & Theolog. Reform.

probabiliore opinione sibi favente vallatam. Neque de hoc puncto ulla legitur controversia inter Auctores, quamvis hinc inde inter ipsos acerrime disputetur, utrum judicandum sit pro causa favorabili contra communem, & non pauci, quos appellat, & sequitur Verricelli dicta quasi. 17. negativè respondeant, maximè si matrimonium excipitur. Paritetque, licet similis contentio vigeat, cum æqua probabilitas utrimque apparet, affirmantibus nonnullis sententiam in dicto eventu licitè proferri posse contra causam favorabilem, idque tueatur Verricelli post accuratum examen inibi qu. 18. adhuc tamen nullum reperi, qui eandem doctrinam extenderet ad casum, de quo tractamus, ubi scilicet sola minor probabilitas causæ non favorabili afflittit; major verò causæ favorabili.

21 Notant insuper Auctores, inter causas favorabiles quoad hunc effectum etiam esse annumerandas causas delinquentium, ut sicut ex parte facti non sufficit ad sententiam declaratoriam criminis opinio minus probabilis opinione, quæ faveat innocentiz, ita etiam, supposita delicti veritate, non sufficiat ad sententiam condemnatoriam ad poenam mortis v. g. minus verosimilis interpretatio legis præscriptis ipsam, cum altera verosimilior affirmat, vi legis non esse imponendam poenam mortis; sed mitiorem aliam. Nam quidquid sit de scholis, in judiciis interpretatione legum poenæ mollienda sunt, non asperanda ex textu in l. Penult. ff. de poenis. Semperque in dubiis benigniora præferenda sunt. ex reg. 56. Digest. Quare, si forte contingeret, ut vice versa interpretatio probabilior severiorem poenam postulare, & justius, & tutius esset benigniorem interpretationem sequi, tamen minus probabilem, ut colligitur ex reg. 192. ff. eodem, quæ de omnibus dubiis loquitur, & cum dubia pro obscuris, & incertis frequenter accipiantur, ad ea quoque, quæ in opinione sunt posita, ampliandus est ejus favor, tam in facto, quam in jure. Nisi forte lex aliud disponat, at sæpè facit in odium quorundam criminum, aut in favorem fidei, vel Reipublicæ, vel Principis, quorum salus suprema lex esse debet, & causa favorabilior. Videndus P. Martinus Delrio lib. 5. disquis. magic. append. 2. F qu. 1.

qu. 1. conc. 2. Utrum autem non solum minus iuste, sed etiam iniuste faciat, qui clementiorem interpretationem non sequitur, esto sit minus probabilis, num. 24. insinuabitur in simili.

22 Denique id est longe clarius in iis negotiis, ubi leges postulant specialiter, quod aliquid sit in iure expressum, ut in irregularitate contingit, vel certum, aut manifestum de iure: tunc enim evidens est, meliorem esse conditionem negantis, quam affirmantis, non tantum in casu paritatis, verum etiam in casu incertitudinis. Quare ad declarandum aliquem irregularem ex delicto, aut ex defectu, & inhabilem ad beneficia obtinenda, sufficere non potest sententia minus probabiliter affirmans, illam esse in iure expressam: nam contraria probabilior, omnibus collatis invicem, sicuti illam reddit dubiam, & obscuram, ita reddit inexpressam. Immo è contrario videtur, ad hunc effectum sufficere opinionem minus verosimilem negativam expressionis. Quia expressum propriè nihil dici valet, nisi quod est clarum, certum, & indubitatum, cuiusmodi haudquaquam sunt, quæ hinc inde probabiliter controvertuntur, & cum fore formidine, ac periculo errandi ab utraque parte sustinentur. Unde, cum sit exploratum certa fide esse credenda, quæcumque expressa sunt in Sacra pagina, nemo dicet, id esse extendendum, aut contra fidem errare eos, qui non acquiescunt illis, quæ probabilius duntaxat inibi expressa putantur. Videndus Suarez *disp. 40. de censur. sect. 5. num. 6.* his præter cætera: *Ut opinor, plus est esse aliquid in iure expressum, quam sub controversia utrumque probabiliter in iure contineri, quantumcumque probabilitas in partem affirmantem inclinet.*

C A P U T III.

An contra decretum Pontificium proposita argumenta retorqueri valeant?

23 **V**idetur retorqueri posse, quia indidem plane colligitur, multo citius licere iudici licem decidere juxta sententiam in iure minus probabilem. Patet consequentia. Primò, quia id modò statuiamus circa irregularitatem, & paulò antè circa matrimonium jam contra-

ctum ostendimus in favorem ejus esse judicandum, non solum contra probabiliorem; sed etiam contra communem: atque ad legitimitatem, tanquam causam valde favorabilem, & matrimonii appendicem, eundem favorem extendunt cum Rota, Merlino, & aliis Bossius *disso tit. 1. à num. 679.* & Bresser *lib. 4. de consc. num. 126.* Secundò, quia ad dirimendam licem in favorem Ecclesiæ, dotis, libertatis, testamenti, piarumque causarum, personarumve miserabilium, ut viduæ, pupilli, aut orphani, id ipsum jura concedunt, pronunciantque multi ex scriptoribus, quos Bossius congestit loco antè citato.

24 Tertiò, quia etiam in questione facti criminosis iudex debet ex iustitia, aut charitate, cum opinio minus verosimilis favet innocentem, secundum eam judicare, reumque absolvere saltem à pœna ordinaria, esto probabilius sit, crimen fuisse perpetratum. Ita Malderus *de iust. & jur. tr. 9. cap. 1. vers. Dico in civilibus.* Salas *eo tract. 8. num. 115.* Baldellus *1. part. Theolog. moral. lib. 4. disp. 15. num. 9. & 10.* Lessius *de iust. & jur. lib. 2. cap. 29. num. 169.* Villalobos *in summa 1. part. tr. 1. diff. 13. num. 3. & 4.* Diana *in addit. quæ habentur sub fin. part. 3. resol. 13.* ubi etiam refert Moure, Alfonso de Leone, Merolla, & Palao; sed istum prorsus immeritò, cum de iudice non disserat; sed de advocato. Posse etiam iudicem, & si non debeat, in eo casu judicare pro reo, maximè cum fieri potest absque gravi accusatoris detrimento, tenet Salon. *loco cit. colum. 1089.* Fagundez *lib. 8. in Decalog. cap. 26. num. 38.* Diana, aliis relatis, *ea resol. 13.* Thomas Hurtado *ubi supra à num. 323.* pro exclusione obligationis pugnans satis ex professo, & num. 351. concludens, id esse licitum, tamen si non debeat.

25 Respondeo 1. Nullum ex istis exemplis probat, quod adversarii contendunt, & quod Pontifex damnavit, nimirum libere, ac licite posse iudices licem decidere juxta sententiam minus probabilem, aut semper, aut in eo eventu, ubi cætera sunt paria legaliter. Quippe omnia illa desumuntur ex his causis, aut personis, quas leges impares faciunt, & in obscuris, dubiis, aut incertis præferendas esse jubent, nulla relicta ad oppositum electione, aut libertate. Sæpè enim iustis

fuistis de causis ad obtinendam victoriam meliores probationes juris, aut facti exiguntur ex uno litigante, quam ex altero colliganti ipsius. Et quoties certæ, aut evidentes in uno desiderantur, ex, quæ sunt minus probabiles, alii ad vincendum sufficiunt, quia minor probabilitas tollit certitudinem alterius partis, eamque ambiguum, & formidolosam reddit, & aliqui non jam minor, sed nulla esset probabilitas contra id, quod supponebatur. Quod si istiusmodi inæqualitas orta ex iure non sit in eo expressa, sed sub opinione posita, asserentibus quibusdam, aliisque negantibus (ut sæpius evenit) eam esse lege præscriptam, tunc iudex tenebitur probabiliorē inquirere, & secundum illam judicare.

26 Respondeo 2. Aliud est, quod fieri potest ex favore personali, vel privato affectu iudicis; aliud verò, quod favore, vel dispositione juris. Quod privato affectu iudicis liberum sit ipsi eligere inter probabiles opinionem, quam maluerit, & pronunciare pro amico, cui probabilius est leges ob stare, hoc profectò foret absurdissimum, ac decreto Pontificio oppositum, & nullo ex his exemplis comprobatur. At verò quod ex præscriptio, atque directione legum exigentium certitudinem in certis casibus, aut iuventium, ut clementia severitati præponatur, & æquitas rigor, ipse debeat judicare, atque proferre sententiam favorabilem ei parti, cui minus probabilis opinio assistit, nihil incommodi habet. Nam eo modo præcaventur damna, quæ ex inordinato affectu iudicum oriri poterant, & uniformes stabiliuntur, cujus adminiculo suppletur, augeturque iustitius, cujus causa minus iusta foret, si sibi relinqueretur, & altera lex reflexa ei auxilium non præstaret.

27 Respondeo 3. proinde, quod notavit optimè Baldellus *suprà num. 6.* agens de questione facti, nullam ex adductis esse propriè loquendo exceptionem veræ regulæ, ac tenendæ in praxi. Tum quia nulla ex eis permittit iudici sententiam proferre minus bonè, aut minus iustè, cum videtur melius, ac iustius posse litem terminare. Tum quia nulla ex eis ostendit, posse litem ei adjudicari, qui minus juris, seu iustitiæ habet, omnibus expensis; sed potius eum, qui ex uno, aut alio capite

minus juris habere videretur, ex privilegio possessionis, aut ex eo, quod sit reus criminofus, vel alio juris favore jam potentius jus habere, & longè meliorem causam. Tum quia propterea in his casibus non solum potest, sed debet, ac tenetur iudex ferre sententiam in favorem ejus, cui minus probabilis opinio assistere videbatur; nemo autem audebit dicere, iudicem obligari ad iudicandum minus iustè, ac minus probabiliter, cum potest aliter sententiam proferre, adeoque prædictæ instantiæ ab omnibus sunt solvendæ, maxime cum ex eis plurimæ spectent ad questiones facti.

28 Respondeo quarto, in his eventibus diligenti observatione opus esse, ne apparentis eludamur. Nam sæpè evenit, ut iudex judicare videatur juxta opinionem minus probabilem, cum re vera, omnibus inspectis, iudicet secundum probabiliorē; immò certam, atque ab illa in sententiis proferendis immediatè dirigatur. Quæ delusio haud infrequenter contingit ex eo, quod opiniones interdum considerentur secundum motiva directæ persuasientia illarum veritatem, attentis naturis rerum, & nulla facta reflexione supra statum, quem eadem ipsæ per accidens assequuntur ex eo, quod iudici certò non constet, adhuc facta sufficienti diligentia, veritas, aut falsitas illarum; interdum verò sub ista reflexione inspicuntur, nec tam attenditur, quid esset faciendum, si veritas certò constaret, quam quid factò opus sit, dum ea non constet, sed in utramvis partem ignoratur. Esse autem solet valde diversum iudicium sub una inspectione, quam sub altera, & sæpè contingit, ut opinio, quæ minus probabilis creditur per se, & ex propriis, longè probabilior fiat per accedens, & ex præsupposita invincibili ignorantia certæ veritatis. Res palmari exemplo declarabitur. Opinio dictans, aliquem de iure non esse irregularem, minus probabilis censeretur potest inspicendo præcisè verba textus, unde alii probabilius deducunt opinionem ei contrariam. Cæterum si veritate ista præsupposita, ex aliis principiis arguatur, eadem ipsa negativa propositio non iam minus probabilis; sed longè probabilior immò certa existimabitur. Ita enim argumentum efformari poterit iuxta prænotata

suprà num. 22. Certum est, irregularitatem non incurri, nisi sit in iure expressa. Sed irregularitas hinc inde prudenter, atque sapienter in controversiam vocata expressa non est, sed inexpressa, anceps, contentiosa, ac turbida. Ergo, omnibus inspectis, in eo statu non incurritur ejusmodi irregularitas. Vide in simili Coninc. disp. 18. de Fide. num. 109.

29 Qui modus differendi, servata proportionem, facile applicari potest censuris in iure impositis, aliisque pœnis ex dispositione legum expressionem postulantibus, claritatem, certitudinem, aut evidentiam moralem; immò & factis, cum eadem qualitates probationum exiguntur, ut in ipsis statuta legum locum habeant, ex. gr. cum requiritur ad incurrendam excommunicationem Canonis, ut crimen iniuriendi manus violentas in Clericum nulla possit tergiversatione celari, vel cum ad reservationem postulatur, quòd delictum sit manifestè mortale, vel quòd ex certa sententia committatur. Neque oportet modò altius disquirere veritatem singularum doctrinarum, quas adducit argumentum. Nam, si aliquæ falsæ sunt, nihil obstant præcipuè assertioni nostræ; si autem ut veræ admittantur, id utique non ex personali affectu iudicum, sed ex legum dispositione constabit.

C A P U T IV.

Esti cætera sint paria, & quæstio solius juris, adhuc probabile non est, iudices posse liberè, ac licitè lites decidere secundum opinionem minus probabilem.

30 **I**N hoc maxime sensu contrarium affirmabant Auctores appellati num. 6. & 7. Nam de quæstione facti aliter sentiunt: & cum cætera sunt alioqui imparia ex dispositione iuris exigentis v. g. plus claritatis ad sententiam condemnatoriam, quam absolutoriam, aut præscriptentis, ut in casu paritatis, vel obscuritatis, aut incertitudinis uni parti præ alia subveniatur, nemo dubitat, hisce legibus parendum esse, & iudicem malè agere, nisi iuxta ipsas pronunciet: neque hoc est ipsi relinquere libertatem eligendi opinionem, quam maluerit, tamen minus probabilem, minusque conformem legibus; sed

potius est tollere eiusmodi libertatem, ipsumque obligare ad illam prælegendam, quæ sibi à iure præscribitur. Quocirca si quando potuit probabilis videri præcitata opinio, erat in casu, quo controversia versatur circa intelligentiam legum, & alioqui causæ, seu personæ litigantium non habent inter se ius prælationis, nec sunt dispares iuridicè.

31 Cæterum neque in eo eventum competere probabiliter iudicibus eiusmodi libertatem mihi certum est, atque ita sentiunt locis num. 9. consignatis Lessius, Henriquez, Layman, uterque Antonius Perez, Esparca, Celladei, Terillus, Moya, Bardi, Castilento, Bresserus, & Tamburinus, ut omittam alios relatos num. 8. quibus prædicta iudicum libertas non placuit, licet contrariæ opinioni improbabilitatis notam non inuissent. In hoc etiam sensu existimo accipiendam esse præscriptionem Pontificiam, & hoc maxime intendisse Innocentium, cum prædictam propositionem damnavit. nimirum auferre iudicibus perniciosam libertatem iudicandi pro amico, proferendique sententiam minus rectam, minus justam, minusque legalem, deferendo probabiliorem opinionem, iuxta quam sententia lata, & iurisperitentiz conformior, & rectior foret, ac iustior. Id namque est, quod tot Auctores eis licere contendebant, saltem in quæstione juris. Id quod rationes ipsorum persuadebant ex generali conceptu probabilis opinionis acceptæ, & ex paritate Confessarii, aliisque similibus, qui conscientiz suæ satisfacere putantur, quamvis minus probabili opinioni sese accommodent, nec idèò peccant, quia interdum minus iustè, minus rectè, minusque prudenter agunt.

32 Est hoc tandem est, quod implicite, certò tamen, continetur in propositione, ut jacet: nam verba accipienda sunt, uti accipiuntur communiter in puncto, de quo tractatur, & juxta subjectam materiam suam legitimam expositionem habent. Porro verba illa hoc modo sumuntur in præsentì controversia, ut idem sit apud Auctores, iudicem posse iudicare secundum opinionem minus probabilem, ac posse licitè, ac liberè id facere saltem in quæstione juris, eligendo opinionem, quam maluerit, tamen minus justam, minus rectam,

rectam, & prudentiæ juris minus consentaneam. Ideoque adiciiebant plurimi, ut in remere arbitraria, si scandalum seponatur, integrumque esse variare, & pro sola varietate sui affectus sententias contradictorias proferre, & in una causa juxta minus probabilem, in alia verò juxta probabiliorē decidere.

33 Absit tamen, ut istorum quidquam admittatur post decretum Pontificium, cuius ratio satis solida, & convincens ea esse videtur. Quia judices non sunt instituti cum libera, & effreni facultate deferendi quod est justius, ac rationabilius; sed potius cum obligatione administrandi justitiam cum pondere, ac mensura ipsius, quæ non pendet ex affectu, sed eo semper inclinant, quod est juri, ac veritati conformius, seu, quod idem est, rectius, ac justius. Ab hac autem obligatione desisterent, si in casu, de quo loquimur, sententiam definitivam proferrent secundum eam opinionem, quæ in jure est minus probabilis, probabiliore relicta. Quippe, ut adversarii ipsi fatentur, & ex terminis est evidentissimum, qui sic se gerit, minus recte agit, minus iuste, minus bene, minus verosimiliter, minusque jurisprudenter; immò & minus recte: nam quò plus ejus sententia à veri similitudine elongatur, eò majus periculum incurritur violandi justitiæ leges, & auferendi jus suum ei, cui potius conferendum esset.

34 Quòd verò hac lege, & non aliter munus judicandi deferatur, latè, ac splendide prosequitur S. Ambrosius, judex & ipse in foro sæculari, & Ecclesiastico, qui obligationes sui officii apprime cognoscebat. Discursus longior est, duobusque in locis ab ipso reficitur. Ex comment. in Psalm. 118. serm. 20. vers. 4. observanda est sententia ista: *Discite, judices sæculi, quem in judicando tenere debeatis affectum, quam sobrietatem, quam sinceritatem. Sicut audio, inquit Christus, judico. Hoc est. Non ex mea potestate decerno, quod libitum; sed ex judicandi religione, quod est: & ided judicium meum verum, quia non voluntati meæ indulgeo; sed æquitati. Et paulò infra: Audite, quid verus judex loquatur: Non quero voluntatem meam; sed voluntatem ejus, qui misit me. Quasi homo loquitur, quasi judex docet. Quoniam qui judicat, non volun-*
Theolog. Reform.

tati suæ obtemperare debet; sed tenere, quod legem est.

35 Ex epistola etiam 20. similia de promi possunt: utrobique enim contendit, illud maxime spectare ad officium boni judicis, ut ex arbitrio suo nihil faciat, nec voluntati suæ indulgeat; sed Divinæ cognitionis formam imitetur, & rectissimam illius voluntatem sequatur, quæ, inquit, auctor legis, arbitraque judicis est. Accedit S. Chrysostomus t. 1. hom. in cap. 3. Isaia, ubi comminante Deo judicibus poenam mortis, ita inquit: *Qua igitur causa eos Deus à terra revellit? & sic respondet: Quod iis superflites adhuc, minus decore suo functi sunt officio: hoc enim coram Deo crimen erat, minus decore, sive minus rectè illo defungi. Ac denique S. Augustinus, vel potius S. Eligius (ut putant Labbe, & Sirmondus) tr. de restitud. Carol. conversat. tom. 9. ab eisdem postulat, ne injustè agant; sed quàm iustissime judicent memores sententiæ Christi Matth. 7. In quo judicio judicaveritis, judicabimini, & in qua mensura mensi fueritis, remetietur vobis.*

36 Idipsum ex juramentis colligitur, quæ exiguntur à judicibus antequam suum munus exercere incipiant, nam ex eis manifestatur, quæ sit Reipublicæ intentio in hoc negotio, & qua lege illis commendet administrationem justitiæ. Tradit autem Imperator Justinianus ut rem omnibus notissimam in l. Rem non novam. 12. C. de judiciis: antiquos judices non aliter judiciale calculum accepisse, nisi prius Sacramentum præstitissent omnimodo se cum veritate, & legum observatione judicium disposituros. Ipse autem Authentic. 16. quæ eidem legi inseri solet, clariorem juramenti formam proposuit, exposuitque, in quo consistat illa omnimoda cum veritate conformitas, in hæc scribens: *Hodie jurant se facturos secundum quod eis visum fuerit justius, ac melius. Quare judices in omni loco, ubi jus Cæsareum viget, & ratione officii, & ratione juramenti ad justiora, melioraque adstringuntur; immò ad verosimiliora nominantur, ut addemus paulò infra.*

37 Sed & de jure Hispano idipsum constat ex l. 6. tit. 5. lib. 2. novæ compilat. ubi similis forma jurisjurandi præscribitur Regiis Consiliariis, & Auditoribus Cancellariarum, aliisque Curiz judicibus,
F 3 qua

qua se Regi expressè obligant *ad lites expediendas*, quanto citius, meliusque poterint bene, ac fideliter secundum leges, & jura, quin amore, odio, metu, aut donis deviant à jure, vel à veritate. Atque in eodem sensu sumitur sacramentum, quod Prætores urbium, & alii minores judices præstant Deo, ac Regi bene, ac fideliter exercendi suum officium in administratione justitiæ. Nam fidelitas, quæ ex istis postulatur, eadem ipsa est, quæ exigitur in aliis, & par omnium obligatio absque ullo prorsus discrimine, ut iidem ipsi indubitanter intelligunt, & pro omnibus judicibus apertè traditur *l. 6. tit. 4. part. 3.*

38 Judices quoque Ecclesiastici, ubi deficit jus certum, non satisfaciunt suo muneri, nisi verosimiliora sequantur: id enim ipsis præscribitur *reg. 45. lib. 6. Decretal.* his verbis: *Inspicimus in obscuris id, quod est verosimilius, vel quod plerumque fieri consuevit.* Idem injungitur judicibus secularibus *l. In obscuris. 94. ff. de reg. juris.* ut ex utroque jure, tam Civili, quam Canonico, similis norma accipiat, & locus à verosimiliore in omni interpretatione, sive legum, seu contractuum, sive voluntatum ultimarum, seu quorumcumque factorum prævalere debeat in judiciis. Qui autem juramentum præstant observandi leges istas, vel, quod idem est, judicandi secundum leges, & jura, sicuti præferre debent interpretationes magis verosimiles, & praxi, ac usu frequentiores aliis, sic etiam magis probabiles minus probabilibus, nam verba sunt fere synonyma, & nil refert, an pro verosimili probabilem, credibilemve dicamus, ut Quintilianus *lib. 4. institut. cap. 2.* scribebat non minus doctè, quam Latine. Sermo est autem de illo verisimili, quod aliunde non constat esse certò falsum, seu oppositum alicui principio irrefragabili. Nam alioqui certò falsa, ac improbabilia possunt esse verosimiliora omnino veris, & vice versa omnino vera falsissimiora certò falsis.

39 Et huc spectant, quæ de loco à verisimili, & summa ejus dignitate concesserunt ex utroque jure, innumeris relatis, Tiraquellus in præfat. leg. si unquam. C. de revocan. donat. à num. 37. Castillo *lib. 5. quotidian. contrav. toto cap. 43.* Mantica de conject. ultim. volunt. tit. 19. Neque enim ea minus verosimili competunt,

sed verosimili, si cum inverisimili interpretatione comparatur, & verosimiliori, si concurrant cum minus verosimili, ut rectè explicat Castillo *ibidem à num. 34.* Menochius *lib. 2. de præsumpt. quæst. 59.* Mantica *lib. 19. tit. 17. à num. 6.* & reliqui quotquot agunt de contrariarum conjecturarum, atque rationum conflictu. Præcipuè notandum est, & verosimiliori adaptandum, quod ex Mantica, Oldrado, Craveta, Cephalo, Cachera, no, Casanate, & aliis tradit, probaturque Castillo *num. 11.* in obscuris verosimilitudinem pro veritate attendi, & pro lege, atque dispositione expressa, ita ut is, cui illa favet, dicatur pro se habere casum legis, & allegare textum ejus, quandoquidem lex jubet servari id, quod est verosimilius.

40 Arguo præterea ab inverisimili, quod est genus potentissimum arguendi, ut iidem Auctores notant, & in utroque jure frequenter usurpatum. Quia verosimile non est judicibus in lege nova datam esse facultatem judicandi cum minori decentia, & æquitate, quam judicibus, ac Sacerdotibus veteris testamenti. At illi probabiliora, & justiora debebant sequi in judiciis absque ulla personarum distantia, ut sumitur in *Deuteron. cap. 1. 16. & 17. & cap. 17. 8. & 9.* Idipsum in omni Republica bene ordinata conspicitur. Quia judices non constituuntur, ut de rebus litigiosis disponant tanquam domini prohibito; sed tanquam interpretes, & administri justitiæ, vel potius tanquam intellectus Reipublicæ, & justitia quædam animata, cujus est non respicere personam, neque affectionem privatam; sed rem in balance appendere, & utra pars præponderet dijudicare. Et nisi isto modo, & cum hoc onere facultas judicandi ei traderetur, in maximam ipsius Reipublicæ perniciem eorum ministerium redundaret, quia in toto jure controverso ditiores, ac potentiores prævalerent, & qui intercessionibus, aut aliis mediis gratiam, & favorem judicum sibi conciliare possent, reliquam populi partem opprimerent, quamvis justior esset ejus causa. Unde & advocati frustra de meliori jure sui clientis tantam contentione disputarent, cum unicuique satis sit ad victoriam bonum jus favere utrumque, & reliqua ex mente judicis

dicis non pendeant ; sed ex ejus affectu, ac voluntate.

41 Propterea merito potuit, ac debuit condemnari ista licentia tanquam pernicioſa in praxi, ſicut pernicioſa eſſet ſimilis facultas in quaſtione facti. Unde ratio, quam adduximus pro obligatione ſequendi, cum cætera paria ſunt, id quod eſt in facto probabilius, pariter probat in quaſtione juris, nec ego aſſequor inter utramque quaſtionem ullam ſolidam diſparitatem. Nam ſicut jus poteſt eſſe controverſum, ita & factum, & utrumque poſſunt eſſe conjecturæ magis, minusve probabiles. Ac rursus, ſicut ille majus habere dicitur, qui meliores facti probationes exhibet, cur non pariter eadem prælatio competet ei, qui meliores in jure, & efficaciore probationes habet ? An quia probationes facti ſunt media, quibus lites terminari debent ? Sed profeſſo idipſum competit probationibus ad jus ſpectantibus, & non ſeorſim ex ſingulis ; ſed ex utriſque ſimul ſumptis integratur jus utriuſque partis. An quia intelligentia juris ſe tenet ex parte iudicis, cui commiſſa eſt illius interpretatio ? Sed certe intelligentia etiam, & interpretatio factorum in incertiſ ad eum ſpectat, & ex illa etiam dirigitur ad proferendam ſententiam, quin propterea licet licet dirigi ex minus probabili. An quia major verofiſſimilitudo facti minorem perimit ? Sed ſi hoc eſt verum, idem dici debet de majoris juris verofiſſimilitudine, atque ita quaſtio ceſſabit.

42 An quia iudex judicare debet ſecundum merita cauſæ ? Sed merita, ſeu momenta apud iudicem jus, & factum comprehendunt ; & ipſe ſecundum leges, & jura etiam debet judicare. Unde hoc eſt opus, hic labor, quare judicare nequeat juxta merita facti minus probabiliter oſtenſa, ſi judicare poteſt juxta legem minus probabili interpretatione declaratam ? aut quare non debeat præſerre illum, qui eſt dignior ex jure, ſi præſerre debet illum, qui ob majorem verofiſſimilitudinem dicitur dignior ex facto ? Uterque enim pariformiter dignior eſt ſententia favorabili, & ideo juſtius utrique lis adjudicatur. An demum quia jure poſitivo ſtatutum eſt iſtud diſcrimen ? At nullo id jure probatur ; ſed potius abſque diſcrimine juris, aut facti in utroque jure habetur id ſequendum eſſe, quod eſt ve-

roſimilius, aut, ſi hoc deſiit, conſuetudine, & exemplis iudicum in ſimilibus cauſis juſ dicentium frequentius comprobatum. Nam licet exempla non poſſint contra claram deciſionem legis ex text. in l. Nemo. C. de ſent. & interlocut. quæ in hoc ſenſu eſt exponenda ; attamen ad interpretationem juris dubii magni momenti eſſe ſolent, ut rectè cum Gloſſa, & Menochio tradit Auguſtinus Barboſa in collect. ad cap. 19. de ſent. & re judic. num. 4.

CAPUT V.

Reſellendo contraria fundamenta, cenſura Pontificia comprobatur : ubi de opinionibus penitentis, & Confeſſarii.

43 **H**oc argumentum propono, quia valde promovet cenſuræ Pontificiæ firmam veritatem, quo adverſantium rationes & ſolidè reſutentur, & ſacillimè diluantur. Potiſſima namque ex eo accipitur, quòd opinioni probabili prudenter in praxi acquieſcimus, atque ideo licitè, ac benè, quando cætera ſunt paria, nam alioqui probabilis non eſſet ; ſed imprudens potiùs, ac inverſimilis. Attamen evidentiffimum eſt, probabiliter merè ſpeculativam, qualis ea eſt, de qua tractamus, ſæpè ſæpiùs non eſſe fundamentum probabiliteratiſ præctice, nec conſcientiæ permittentis praxim ejus tanquam licitam. Quare neque minus probabili opinione uti valent iudices licitè contra communem, etiam in quaſtione juris, neque ſecundum ipſam lites dirimere poſſunt, etiam in quaſtione facti ; & univerſim, quoties vel ratione officii, vel ratione juramenti, vel utriuſque ſimul, (ut iudicibus contingere oſtendimus,) aliquis ad meliora, tutiora, vel vero proximiora tenetur, minus verofiſſimilia nihil valent, ut de Medicis communiter traditur, aliſque officiis ſimilibus.

44 Afferuntur præterea nonnullæ paritates ex eo ductæ, quòd plerique liceat eligere opinionem minus probabilem, ac minus tutam, relicta probabiliore, ac tutiore. Sed adhuc oſtendendum ſupererat, quòd omnium ſit eadem ratio, quod profeſſo eſt valde difficile, cum id pendeat ex ſpecialibus oneribus, ac regulis annexis unicuique muneri, vel ſtatui.

Quòd si eadem esse utrobique ratio monstraretur, cum adeò perspicua sit, quæ circa iudices militat, utrobique pariformiter statuendum foret, quod est de illis pronunciatum. Confunditur præterea frequenter probabilitas speculativa cum practica, & quod circa illam adstruitur, ad alteram applicatur. Atres etiam in iudice longè aliter se habet. Nam si opiniones immediatè versentur circa id, quod iudici licet, vel non licet in conscientia, & utraque sit verè probabilis, perinde iudici, ac reliquis liberum, ac licitum erit secundum quam maluerit operari. Nec in hoc puncto est controversia in præfenti; sed de opinionibus merè speculativis ad jurisprudentiam spectantibus, quæ de licito, ac illicito nihil decernunt, nec immediatè versantur circa iudicis conscientiam, sed circa iustitiam partium. Et cum illæ sint in se probabiles, adhuc contendimus, improbabile esse penitus, quòd iudici liceat, relicta sibi, ac aliis probabiliore, ac iustiore, secundum aliam iudicare.

45 Melius posset urgeri difficultas, si circa materiam ipsam, de qua in præfenti differimus, in hunc modum proponatur. Si iudici non liceret circa ea, quæ spectant ad iustitiam partium, sequi opinionem juridicam minus iustam, minusque probabilem, utique neque esset licitum privatis in simili controversia, neque Confessariis, ut potè iudicibus in foro pœnitentiali. Atqui privati non peccant se se conformando in praxi minus probabili opinioni sibi faventi, quamvis sit in præjudicium alterius, cui opinio probabilior, ac iuri conformior favet: pariterque Confessarii opinioni illius acquiescere tenentur, quin possint absolutionem negare, quamvis pœnitens nolit restituere rem, quam probabilius putat esse alienam, vel non solvere debitum iustitiæ, cui probabilis scit non esse satisfactum. Ergo non est, cur iudicibus durior conditio imponatur.

46 Cœterum disparitas ab omnibus assignari debet, quia argumentum idem probat in questione juris, ac questione facti; immò facti sunt exempla, quæ in eo proponuntur, nimirum, an hæc res sit propria, vel aliena? An huic debito sit, vel non sit satisfactum? Kursus, non desunt, qui asserunt circa materiam ju-

stitit eandem obligationem incumbere privatis, ac Confessariis ipsorum, quæ iudicibus, & eorum Confessariis, & tunc solum esse locum electioni minus probabili speculativè, cum sine præjudicio alterius meliori iure gaudentis fieri valet: de quo P. Valencia 2. 2. *disp. 5. qu. 7. punct. 4. dub. 3. conc. 3. usque ad fin.* Præterea iudicibus ex ipsa institutione sui muneris, & ex legibus ad ipsum spectantibus incumbit obligatio iustitiæ sequendi ad amissum, & sectandi in suis sententiis, quæ iustiora, atque meliora apparent; privati autem nec ratione officii, cum iudices non sint, ad id tenentur, nec constat, ex qua alia lege naturali, aut positiva in hac materia potius, quam in reliquis, quæ ad alias virtutes spectant, ad meliora, & honestiora adstringantur.

47 Nec plus juvat, quod de Confessariis additur. Tum quia alioqui iudices in foro externo non deberent iudicare secundum conscientiam suam, sed secundum conscientiam litigantium, & cum uterque absque peccato litigat, utrumque simul deberent absolvere, & condemnare. Tum quia Confessarii solum debent acquiescere opinioni pœnitentium circa ea, quæ eisdem licent, aut non licent, & hoc absque ullo discrimine inter quæstiones juris, & quæstiones facti; Jurisperiti autem de his non iudicant, cum illa ad Theologos morales spectent; sed de speculativis opinionibus ad facti notitiam, vel jurisprudentiam spectantibus: his enim sententiam suam accommodare debent, quidquid sit de opinione litigantium, quæ ut impertinens non examinatur in iudiciis. Neque enim nocere potest soventi iustiorum causam, quòd ipse eam putet injustam: ut vice versa non prodest ei, qui deteriore habet, quòd eam reputet iustissimam. Et quamvis de suo iure nihil opinentur, sed dubii, ac penduli maneant, debet esse idem iudicium.

48 Tum quia Confessarius necessariò debet acquiescere opinioni pœnitentis, tametsi minus probabili, quoad effectum iudicandi de peccatis ejus: namquòd ille peccet, aut non peccet, non pendet ex conscientia Confessarii; sed ex propria illius: & casu, quo probabilis opinio eum excusaverit, dum operaretur, & excusare possit in futurum, iniquissimè damna-

bitur,

bitur, vel tanquam malè dispositus, & absolute indigne dimittitur. Porro necessitas ista in reliquis judices minimè cadit, neque id vult sententia opposita; sed præcisè libertatem eligendi sententiam minus probabilem, supponendo alteram non fore iniquam; immò fore magis justam.

49 Tum quia judices in foro externo, permittendo litigantibus suas opiniones, deceptionesve inculpatas, nihil agerent, quia ad ipsos spectat lites dirimere, & sententiam suam manifestare, ut ei parcant hi, qui litigant. At verò Confessariis factis est in dictis casibus permittere poenitentem, ut suæ opinioni se accomodet, & in ejus usu perseveret, quoties bona fides eum excusat. Neque enim debent opinionem suam deponere, aut opinari, sicut opinatur poenitens; sed sufficit, quòd eum ipsum, utpote inculpatè agentem, in sua credulitate relinquant. Quo pacto sæpius permittunt confidenti deceptiones invincibiles, v. g. circa matrimonii sui valore, non quia & ipsi decipiantur (pono enim, scire evidenter impedimentum occultum) sed quia nullitatem sibi cognitam non detegunt, eo quòd putent detectionem obfcuram. Et quia ad judicem externum spectat declarare mentem suam, id est, quòd opinionem oppositam reddit valde inverisimilem. Nam juxta illam sententiam prælativa unius, & postpositiva alterius, quatenus prælativa potius esset declaratio affectus in judice prævalentis, quàm judicii præferentis ut meliorem causam ejus, pro quo judicat. Mentiretur enim, si hoc judicium per sententiam denotare vellet, cum oppositum ei insit, quoties data opera cum condemnat, cujus intentio erat justior. Confessarius autem non mentitur, neque minus bene agit, cum declarat, poenitentem non peccasse, neque deinceps peccaturum persistendo in usu suæ opinionis; immò mentiretur, & injustè ageret, si oppositum declarare vellet, & negare ipsi absolute tanquam peccatori indisposito, impoenitenti, ac indigno.

50 Denique, cum finis judiciorum externorum sit dare unicuique jus suum; finis verò judicii sacramentalis reconciliare homines cum Deo, non est facile adaptare ipsis regulas communes. Unde neque generaliter est verum, Confessarium obli-

gari ad agendum contra propriam opinionem, ut se se accomodet illis, quæ poenitentibus placent. Neque enim ad id teneretur, cum opiniones sunt speculative, v. g. circa Sacramenti valorem, circa approbationem, vel jurisdictionem, aut reservationem casuum, vel circa ea, quæ ipsi Confessario licent, aut non licent: nam & hæc speculative sunt respectu confidentis. Et in summa, regula contraria (à qua universim discessit, appellato Sayro, Torreblanca lib. 15. juris spirit. cap. 7. n. 12. & 22.) vix per se loquendo locum habet, nisi in illis, quæ ex conscientia bona, aut mala poenitentis variantur, & ex ea judicari debent tanquam ex propria mensura.

CAPUT VI.

Varie quæstiones ad uberiores lucem decreti Pontificii.

51 **Q**Uærit primò, an liceat judici sententiam proferre juxta sententiam, quæ ab ipso, & communiter ab aliis minus probabilis creditur, omnibus consideratis? Respondeo, per se loquendo id non esse licitum, sicut nec licet in casu, quo sit moraliter certum, illam esse minus verisimilem, aut quo minor ejus probabilitas legitime præsumatur, aut communior judicium, Doctorumque assensu comprobetur, aut quo judici non constet, eandem ipsam opinionem probabiliorē reputari ab aliis. Ex hoc est, quòd decreto Innocentii potissimè continetur, & quòd ex nostris rationibus, & Auctoribus auctoritate satis perspicuè colligitur, subscribente etiam P. Salas, Palao, Escobar, Vericelli, Dicastillo, & aliis, qui ab opposita sententia stare videbantur. Neque enim de hoc casu loquuntur; immò illum expressè excipiunt ut num. 12. prænotavi.

52 Et hoc mihi verum est contra Lugo disp. 37. de just. num. 116. quamvis contraria opinio probabilior sit ratione parvi excessus, si ille sufficenter discernatur. Nam & ipse facit eum esse digniorem favorabili sententia præ alio, cui talis præ eminentia deficit, & ut justius sit hoc judicare. Neque in materia justitiæ parvum pro nihilo reputari debet, quandoquidem parvi, & magni eadem ratio est quoad

quoad effectum judicandi ex affectione, & præferendi jus minus probabile illi, quod est probabilius.

53 Quæris secundò, an possint judices etiam superiores sententiam proferre juxta opinionem communem omnium, vel plarium Doctorum, quam ipsi judicio proprio reputant minus probabilem? Respondet P. Salas, Palaus, Escobar, & alii eo num. 12. appellari, posse, *quia id est populo, & litigantibus convenientius, & magis placet Regi, ac Regno, à quibus possit judicandi accipitur.* Quod profectò mihi verissimum apparet, præcunte etiam Arriaga 1.1. in 1.2. disp. 24. num. 40. Nam magna esset stultitia committere decisionem causarum judicio singulari unius, vel paucorum hominum, qui in tanta judicantium multitudine neque omnes esse possunt valde docti, neque valde diligentes, neque omnes judicii classici, neque liberi à passionibus, unde intellectus solet obscurari, & velle, ut eorum potius opinione lites dirimantur, quam judicio communi peritorum, ac sapientium, quorum vitæ probitas, doctrinæ soliditas, soletia ad veritatem indagandam, & dexteritas, atque maturitas in deligendis opinionibus commendata est universis per acclamationem publicam. Quo spectant, quæ de opinione communi, & obligatione judicandi juxta ipsam contra propriam non communem à num. 15. prælibavimus. Necnon lex Angliæ, quæ olim etiam in Hispania vigit, dirimendi lites in civilibus secundum opiniones Bartoli, & in Canonis secundum Joannis Andreæ, quamvis displicentes judici. De quo Aviles cap. 1. de off. Prætorum. verb. Fiel. num. 15. ante fin.

54 Unde potius est dicendum, judicibus datam esse potestatem administrandi justitiam cum onere judicandi juxta sententiam communem contra propriam, quam probabiliorum reputant, quam vice versa. Nec dubium, quin isto modo plerumque rectius, ac justius sint proferendæ sententiæ, quam ex judicantium cerebro extravagante forsitan, aut sophistico. Quippe plures classici Doctores sibi consentientes mutuò, ut communem opinionem faciant, sunt judices integerrimi, & nullam exceptionem patiuntur; at vero privati judices, apud quos lites agitan-

tur, nondum sunt doctrinæ classicæ, neque examinatæ, & approbatæ communiter; neque semper omni exceptione majores, cum frequenter plurimæ eis opponi possint, tam ex parte intellectus, quam ex parte voluntatis. Ex parte intellectus, scilicet vel ingenio deficientes, vel suo genio paradoxo, vel confusi, & offuscati, vel potius arguti, quam solidi in detectu doctrinarum. Ex parte voluntatis, quia præoccupata esse solet, aut libidine innovandi, & ostentandi ingenium singularitate judicii, aut aliis passionibus erga personas litigantium, unde plurimum rationum pondera, ac rerum apparentiæ apud ipsos variantur, atque ut conspiciat quædam de albo viride, & de nigro rubrum, aut de recto inflexum apparere faciunt.

55 Quæris tertio, an liceat judicibus inferioribus judicare contra opinionem sibi probabiliorum sequendo praxim superiorum judicum, à quibus sciunt suam sententiam ut insipientem, & injustam fore revocandam? Affirmat P. Valquez 1. 2. disp. 64. num. 6. Sanchez lib. 1. in Decalog. cap. 9. num. 47. Card. de Lugo ubi supra num. 117. Bresserus lib. 3. de conf. num. 149. Giballinus lib. 6. de negotiat. cap. 1. art. 3. numer. 12. Baldellus lib. 3. Theolog. moral. disp. 15. num. 22. & alii plurimi, quibus ego assentior. Ratio autem est. Quia licet iste non judicet secundum id, quod sibi est verosimilius à ratione, adhuc judicat juxta id, quod est probabilius ab auctoritate tribunalis sibi superioris, & secundum id, quod semper, aut plerumque in eo fieri consuevit, & ideo legi satisfacit, necnon justitiæ, ac prudentiæ, dum jurisprudentiæ suæ peculiari minus fidit, quam jurisprudentiæ tot aliorum, quos sibi superiores agnoscit, quæ cam praxim ut justiorum communi assensu sæpius geminato induxit. Atque huc spectant, quæ de stylo Curiz, & de sententiis, quas Rota solet probare, communiter ab Auctoribus traduntur, necnon de Consilio Regio, aut aliis supremis Senatibus, quorum auctoritati tantum plures deferunt plena manu congesti à Barbosa in collect. ad cap. 19. de sent. & re judic. num. 3. ut certum jus faciat, vel saltem adeò vehementem assequatur veritatis præsumptionem inducat, ut ei prævalere nequeat inferioris judicis privata opinio.

56 Confirmatur efficaciter . Quia obligatio judicandi juxta peculiarem opinionem, si qua datur, nunquam urget cum tanto detrimento judicantis, maxime cum id sit certum; incertum verò eidem ipsi, utra sit melior, ac justior, quam ipse probat, vel quam probant alii, qui ut plurimum solent esse doctiores, & rem sæpius discusserunt? Profectò nec leges, nec pacta similibus officiorum, quamvis sint jurata, in casu tanti dispendii censentur obligare. Neque ullus infirmus vellet se committere ei Medico, quem certò sciret deserere communes sententias Protomedicatus, aut aliorum opinantium aliquid remedium esse minus tutum, eo prætextu, quòd ipse contrarium sentiat, & teneatur ad curandum prout sibi tutius videtur. Et circa ipsam rem, de qua tractamus, *nn. 18.* notavi, judicem legitime excusari ab obligatione judicandi juxta opinionem sibi probabiliores, cum in syndicato est puniendus, & tractandus tanquam temerarius, aut injustus, eo quòd, communi posthabita, prætulit opinionem suam. Et universum judici licet sententiam dicere juxta minus probabilem, cum ex opposita, tamen probabiliores, imminet scandala, vel alia graviora incommoda, quæ vitarentur sectando illam, quæ sibi est minus juridica. Valde communiter receptum est à Doctores, quos sequitur Giallinus, ac Lugo locis citatis, & hic plenius *disp. 36. à num. 34.* agens de procuratoribus, qui in Comitibus regni suffragantur ad imponenda tributa.

57 Quærit quartò, utrum quoad hæc sit aliquid immutatum per decretum Pontificium? Respondeo, nil esse immutatum, quia neque ex verbis, ut jacent, neque ex mente illius aliunde investigata potest colligi, voluisse obligare judices ad judicandum juxta opinionem minus probabilem judicio omnium Doctorum, eo quòd uni sibi probabilior videatur. Et qua, rogo, ratione dici posset scandalosum, aut perniciosum in praxi, quòd judicans in re incerta non præponat suum judicium singulare, vel paucorum, judicio communi aliorum majoris auctoritatis, & probatoris doctrinæ? Respublica profectò id non præponit; sed sibi nocivum reputat, quòd communes opiniones deserantur, quas meritò justiores, pro-

babilioresque præsumit iis, quæ singulariter à judicibus excogitantur, & propterea illos in syndicato castigat tanquam de temeritate, vel certè longè minori probabilitate in suis sententiis suspectos. Agit ergo proculdubio contra intentionem Reipublicæ judex, quociens sic se gerit: ac Theologorum judicio & peccat contra justitiam, & ad restitutionem tenetur, quantumvis contraria opinio minus probabilis sibi videatur. Est autem penitus inverisimile, intentionem damnationis Pontificiæ huic rectissimæ intentioni dissentaneam esse, aut plus deferre voluisse sapientiæ cujusque judicis obnoxii multis fallaciis, quam sapientiæ tot aliorum, qui, re maturè discussa, & sæpius examinata, ab ejus opinione dissentiant, & forsan judicant esse improbabile, eam esse probabiliores.

58 Explicatur. Quia Innocentius non determinavit, utra opinio sit sequenda, probabilior sibi, analis; nec quidquam horum exprimitur in decreto illius, ut jacet; sed Theologorum examini, ac discussioni relinquitur, quando nam liceat, & quomodo judicibus sibi appropriare quoad usum probabiliores alienam. Et quidem id non licere sæpe sæpius, sive absolute, sive juxta mentem Pontificis, indubitatum apparet, quia frequenter evenit, ut judicis opinio censentis sententiam aliquam esse probabiliores, & oppositam minus probabilem habeat pro se præsumptionem assequutæ veritatis v. gr. quia est communis; alia verò singularis, aut quia in tribunalibus secundum ipsam à sapientibus, & timoratis judicari consuevit, aut quia ex interpretibus illam sequuntur, omnibus hinc inde pensatis, plurimi, quorum sapientiæ, & auctoritati supares esse non possunt, qui seorsim ab ipsis sentiunt. Unde qui in his casibus, aliisque similibus prudenti judicio mensurandis, relicta propria opinione, juxta alienam judicaret, eo ipso judicare censeretur juxta illam, quæ certò est minus probabilis, vel debet haberi ut talis, interim ac novis documentis, eisdemque manifestissimis oppositum non ostenditur.

59 Jam verò quòd juxta mentem Pontificis judices non semper debeant judicare secundum eam opinionem, quæ sibi probabilior videtur, patet primò, quia inde fiet,

ret, eos teneri vi decreti Pontificii sæpe sæpius judicare juxta opinionem, quæ absolute est minus probabilis, aut talis esse præsumitur, & sententiis communissimis suas paradoxas præferre. Neque enim opinio statim probabilior evadit, aut opposita minus probabilis ex eo, quod à judicetalis putetur; nec absolutum judicium de majore vel minore probabilitate opinionum ex cuiusque judicis privata, ac nimis fallibili estimatione pensatur; sed ex æstimatione communi peritorum, ac prudentum, præsertimque ipsius Reipublicæ, à qua judex auctoritatem judicandi accepit. Illa enim sæpius præsumit, veriores esse, ac justiores alienas opiniones, quam proprias judicis, & ideo justissime præcipit, ut secundum illas potius, quam secundum istas, causæ decendantur, ut de opinionibus Bartoli olim præferendis in Hispania opinioni judicantis antea prænotabam, & de communi opinione nunc, & semper fuit receptum.

60 Secundò, quia Pontifex non imposuit judicibus obligationem administrandi justitiam contra leges sui officii, cum potius secundum leges, & jura judicare teneantur. Atqui absurdissimam illam obligationem imposuisset, si, attento decreto, nunquam eis licitum foret propriam opinionem de minore probabilitate unius partis quoad praxim judicandi deponere, & suum judicium submittere alienæ jurisprudentiæ. Quippe Respublica non solum præscripsit leges justitiæ directas, & communes toti populo, aut judicibus servandas in sententiis proferendis, cum aperte constat eorum sensus; sed insuper alias addidit proprias judicium, & quasi reflexas, quibus ipsi dirigantur in casu incertitudinis, ac controversiæ. Porro his legibus sæpe non poterit judex, uti debet, satisfacere, nisi sententiam proferat difformem propriæ opinioni; sed conformem opinioni aliæ. Ex. g. lex, aut consuetudo, quæ pro lege habetur, & in conscientia etiam obligat, præscribit judicibus, ut in jure controverso sententiam proferant juxta opinionem communem, & classicam, rejecta singulari, aut non communi. Quid ergo, si ista sit propria ipsius judicis? Nonne contra proprii officii legem judicabit, nisi sententiam dicat contra propriam juxta alienam?

61 Quid, si de majori ipsa, vel minore probabilitate opinionum reflexe controversia instituat, & communis opinio præferat, eam esse probabiliorem, quam judex minus probabilem reputat? Nonne juxta opinionem sibi minus probabilem tenebitur judicare, ne legem transgrediatur, qua communem sequi debet? Vel an potius in conscientiæ perplexitatem incidisse judicabitur, peccaturus contra debitum sui officii, si contra communem judicet, & pariter peccaturus contra damnationem Pontificiam, si sibi minus probabilem; sed verè communem præferat? Quid, si jubeat lex, ut in obscuris, incertis, aut inexpressis pro una parte sententia proferatur, & pralationis jus ipsi concedat, ut multoties evenire suprà demonstravimus? Nonne pro illa debet judicare, siue incertitudo, & inexpressio oriatur ex opinione propria, siue ex opinione aliena?

62 Profectò, si opinio illa, quam judex justiore, ac probabiliore reputat, Principi ipsi, vel Reipublicæ minus justa, minusque probabilis appareat, & quia oppositam probabiliorem, atque justiore præsumit, jubet, ut secundum ipsam lites dirimantur: nonne judex illi potius, quam sibi, debet deferre? Urique. Nam de aliis subditis generaliter id ipsum dici solet in controversiis similibus. Est autem hic valde specialis ratio. Quia judices non aliam habent potestatem administrandi justitiam, nisi quam Rex, aut Respublica illis concessit: substituuntur namque in ejus locum, nec tam judicant nomine proprio, quam nomine, & auctoritate illius. Ergo dum ipsis præscribitur modus hujus potestatis, præcipiturque, ut illius potius judicio, quam suo proprio, lites dirimant, licet nequibunt repugnare; sed quemadmodum juxta allegata, & probata debent judicare, etiam si evidenter sciant, ea esse falsa, & hoc meritò est dispositum, ut tutius, & convenientius ad rectam administrationem justitiæ, sic pariter secundum leges, & jura sibi præscribentia delectum opinionum judicare tenebuntur, quamvis interdum contingat, ut contra propriam judicare debeant.

CAPUT VII.

Quousque iudicibus liceat judicare ex opinione aliena, & quomodo in isto casu propriam deponere debeant?

63 **Q**Uæris quintò, quænam regulæ, seu juridicæ, seu prudentiales, observandæ sint ab ipsis in ejusmodi delectu? Huic dubio accuratissimè occurrit Azor 1. part. instit. moral. lib. 2. cap. 9. & sequent. necnon Bossius 1. p. de conscript. 1. §. 27. per totum, & res longum tractatum poscebat, si pro dignitate foret exponenda. Illud est certum, non esse concessam iudicibus simul cum munere liberam, licitamque facultatem eligendi pro suo libito opinionem, quam maluerint, inter illas, quarum una est probabilior suo iudicio, & alia alieno; sed inspiciendas esse alias circumstantias lege, consuetudine, aut praxi tribunalium designatas, vel etiam iudicio prudentum, unde una ex ipsis sit eligibilior quoad usum, & jus quoddam prælationis assequitur. Plures ex istis supra consignavimus, & pleraque ex iis, quæ diximus circa necessitatem judicandi interdum juxta opiniones minus probabiles, quas iustis de causis leges anteponi volunt contrariis probabilioribus, huc etiam possent transferri. Et quis non videat, longè aliam esse rationem deferendi propriam opinionem faventem alicui causæ valde odiosæ, ex. g. nullitati matrimonii jam contracti, quàm deferendi illam, quoties favet matrimonio, aut alii causæ, quam in casu incertitudinis, aut paritatis leges præferendam censent? Nam aliena opinio mihi nota meam mihi incertam reddit, & si communis sit contra commune, rem in æquilibrio constituit. Noluit autem lex, ut in eo casu semper sit libera electio iudicantis; sed quid factu opus sit, ipsa decernit.

64 Unde quod dicitur, rem committi decidendam iudicio proprio ipsius iudicis; non verò aliorum, verum est, si intelligatur de iudicio prudentiali, & ultimato distante secundum quam opinionem sit sententia proferenda, attentis sui officii obligationibus, ac reliquis circumstantiis; falsum verò, si exponatur de iudicio speculativo iudicis opinantis sic, vel aliter

pro arbitrio suo, & sæpe minus prudenter, aut etiam imprudenter, vel temerè exponentis legem illam, ex qua decisio causæ est sumenda. Porro iudicium illud prudentiale sæpe distabit, sententiam proferendam esse contra opinionem privatam iudicis: Vel quia proferenda est juxta allegata, & probata, à quibus sæpe discordat opinio; immò scientia ipsius: Vel quia pronunciari debet secundum leges, & jura specialiter spectantia ad delectum opinionum, quibus parere non potest, nisi alienæ potius, quàm suæ propriæ, se se accommodet in iudicando: ut si lex jubeat, benigniorem, communiorem, aut æquitati conformiorem præferre; ipsæ verò non jam istam, sed rigidiorē, singularem, aut juri stricto accommodatam sectetur. Vel demum, quia sicut prudentia sæpe apius distat, tutius, atque melius esse in aliis negotiis agere juxta consilium alienum contra proprium, sic prudentia iudicantis id ipsum ei distare poterit, cum videt, rem esse incertam, & periculum judicandi minus iustè (quod in eo casu utrimque imminet) à communiter contingentibus magis timeri posse ex eo, quòd suo iudicio plus deferat, quàm iudicio aliorum, quos sapientiores, ac diligentiores, & acutior ingenii debet æstimare.

65 QUæris sextò, quonam pacto fieri possit, ut iudex sententiæ alienæ se se accommodet? Nam vel retractat suam, & tunc contra propriam, quam habet de præfenti non agit; sed solum contra illam, quam habebat: Vel non retractat, & tunc duos contradictorios assensus habebit in intellectu: alium, quo iudicat, suam opinionem esse iustiorē, ac probabiliorē aliena: & alterum, quo censet, alienam esse iustiorē, ac probabiliorē suam. Explicatur. Nam sententia decisiva litis nil est aliud, quàm exterior manifestatio, ac declaratio sententiæ interioris latentis in ipso intellectu iudicis. Vel ergo sententiam suam deposuit, & ita non iudicat contra suam; sed juxta suam, & aliorum. Vel non deposuit, & tunc mentiri videtur, quia loquitur contra mentem, & cum aliud intus habeat, aliud exterius significat.

66 Respondeo primò, hic ferè plurima applicari posse ex iis, quæ dici solent de subdito obediente contra suam opinionem irretractatam mandatis suis Superioris.

perioris; sed præsertim illa, quæ propriè spectant ad iudices sententiam proferentes ex debito juxta allegata, & probata contra certam scientiam suam, quod saltem in causis civilibus circa bona temporalia veraciter, ac iuste fieri nemo dubitat. Respondeo secundò, propriam opinionem bisariam deponi posse, speculative, ac practicè, sicut contingit in dubiis. Speculative deponitur quoad speciem, dum retractatur; quoad exercitium verò, dum suspenditur assensus actualis erga ipsam; practicè autem, dum, irtractato, ac retento assensu ipsius speculativo, ac directo, per practica, & extrinseca principia reflexè concluditur, adhuc judicari posse, aut debere contra ipsam. Jam verò, si in nostro casu iudex deberet deponere speculative suam opinionem, nulla retractione opus esset, quia ad vitandam simulationem coexistentiam duorum iudiciorum adversantium sibi mutuò in eodem intellectu satis foret deponere quoad exercitium opinionem propriam, suspendendo ejus assensum, & tunc judicaret iudex contra suam habitualement opinionem; sed nihil profectò assereret adversus actualement, quæ non datur.

67 Attamen longè certius est, nullam in hoc casu iudiciorum contradictionem inveniri. Quia iudex censens, interpretationem aliquam esse à principiis intrinsicis minus probabilem, non idè negat, immò sæpe affirmat coactus evidentia facti, oppositam esse probabiliorem ab auctoritate extrinseca aliorum, quorum ingenio, diligentia, atque sapientia nequit sua comparari. Similiter, qui assentitur alicui opinioni rigidè, vel singulari, & hæc illius qualitates agnoscit, ex vitalis assensus minimè impeditur, quominus asserat, oppositam esse communem, aut esse benigniorem, aut ab ipsa stare præsumptionem assequitur veritatis, & pro veriore, atque iustiore haberi iudicio prudentum, & maximè iudicio Reipublicæ, à qua accepit judicandi potestatem. Negare etiam nequit, sibi incertum esse, utrum sua opinio sit juri conformior, & merito formidare, an in ejus electione sibi irriserit deceptio aliqua, temeritas, aut paralogismus defectu studii, aut ingenii, vel alia passione occulta, ut sapius irrepunt aliis. Et certò interdum cognoscet, fecisse minus prudenter, dum illam præ-

tulit alteri, videtque omnibus inspectis, tutius esse, atque securius à periculo judicandi minus iuste, iudicio suo minus fidere, quàm iudicio aliorum, quos longa experientia, ingenium optimum, magna integritas, studiumque diuturnius sibi superiores facit.

68 Porro affirmatione istæ, cum aliis regulis practicis ex jure, aut consuetudine acceptis, sæpe iudici sunt satis ad concludendum, se melius, iustiusque cum litigantibus acturum, si contra propriam opinionem juxta alienam litem terminaverit. Neque idè mentitur, quia per sententiam externam non significat, se ita sentire speculative, & in puncto juris, ut sic loquar, à principiis propriis, & intrinsicis duntaxat considerato; sed satis est, si significet, se ita sentire practicè, & propter præsumptionem prudentialem, aut juridicam suæ opinioni resistentem de opinione aliena plus sperare. Sic iudex subscribens sententiam à majori parte collegarum approbatam, non denotat, se id sentire, vel sensisse, cum deliberatio pendebat, quia forsitan est, ac fuit semper in opinione contraria; sed solum significat, illud fuisse plurimorum iudicium, quod leges iustius præsumunt, & idè jubent servari. Sic qui judicat juxta allegata, & probata, de peculiari sua notitia nihil dicit, & propterea, quamvis sententia ei aperte contrarietur, immunis est à mendacio.

69 Quæris tandem, an decretum Pontificium ad sententias etiam interlocutorias extendatur? Respondeo, proculdubio ad eas extendi, quæ habent vim definitivæ, qualis est illa, quæ iudex se incompetentem declarat, vel qua libellus repellitur, ut ingressus litis impediatur, vel qua reus absolvitur ab observatione iudicii, vel qua tormentis addicatur, aut alteri gravi incommodo, quod per definitivam nequit emendari. Et de his sententiis accipitur quod notat, relatis aliis, Aviles de officio Prætor. cap. 1. verb. Fiel. num. 11. iudicem, qui malè interloquitur, teneri parti ad interessè in quantum eam læsit; aliis vero actis judicialibus examinandi testes, abbreviandi, aut prorogandi terminos, ac reliquis id genus, quæ nec sunt propriè sententiæ, nec iudicia definitiva causarum, nec iudex, cum ea disponit, propriè judicare dicitur, & prudenti arbitrio ipsius communiter relin-

linquuntur propter varias, ac diversas circumstantias, quæ passim solent occurrere, satis ei esse videtur, si arbitrium verè prudens, ac probabile sequatur, neque in re adeò incerta, frequenti, & obnoxia scrupulis præsumendum est, Rempublicam ad optimum obligare, cum id sit summe difficile.

70 In fine adverto, Antonium Diana p. 11. tr. 2. resol. 60. post med. quamplurimas opiniones adducere in iure minus probabiles, secundum quas licet iudici proferre sententiam beneficio illius licentiæ, quam ei tribuebat condemnata opinio. In quo catalogo duo debent considerari. Primum est, utrum nam illæ verè sint minus probabiles legaliter, ac iuridicè? Secundum verò, an, eo supposito, iudici liceat, quod licere Diana contendebat consequenter ad doctrinam suam? De primo non est modò contendendum, neque spectat ad Theologos; sed ad Jurisperitos, quorum est illud iudicium. De secundo autem quod est proprium Theologiæ, ac nostri instituti, omnino affirmari debet, nullatenus esse licitum, sed scandalosum, ac perniciosum in praxi, cum id Pontifex generaliter tradiderit; damnata autem aliqua propositione universali, omnes particulares, quæ sub illa directè continentur, ex hoc ipso damnatæ intelliguntur.

CAPUT VIII.

Utrum in favorem matrimonii liceat iudici, relicta probabiliori opinione, judicare secundum minus probabilem?

71 **M**eliorẽ esse in his causis conditionem affirmantis, quàm negantis, matrimonium esse validum, sive sit actor, seu reus, traditur frequenti calculo à Theologis, & Juristis, adeò ut constanter existiment in iudicando sequendam opinionem illam, quæ valori favet; tametsi sit singularis, & quamvis contra se habeat communem pro nullitate sententiam, nisi sit innixa alicui textui claro. Quæ exceptio superflua videri posset, ac sibi ipsi contradicere, nisi forsitan adjecta putetur ad eorum mentem plenius declarandam. Nam sententia, quæ fundatur in aliqua ratione, aut textu claro,

sive sit singularis, seu communis, omnino certa est, & contradictoriam suam reddit prorsus improbabilem; ubi autem nulla probabilis opinio favet matrimonio, non relinquitur quæstioni locus, sed indubitatum est, illud reputandum esse nullum à iudicibus, & quibuscumque aliis. Quapropter exceptio illa ad hoc deservit duntaxat, ut intelligamus, hos Auctores favorem matrimonii adeò extendisse, ut quæcumque opinio minoris, aut etiam minimæ probabilitatis sit satis iudici, ut probabilior, communiorque deserta, pro ipsius valore pronunciare valeat.

72 Ita censet cum Hostiensis, Felino, Ancharano, Abbate, Joanne Andrea, Barbatio, Decio, Berojo, Menochio, Antonio Gabriele, & aliis, quos refert Sanchez lib. 1. de matrim. disp. 18. num. 7. Barbosa in collect. ad cap. ultim. de sentent. & re iudic. Fragofo p. 1. de regim. Reipub. Christ. lib. 4. disp. 10. numer. 186. Villalobos in summa 1. part. trañ. 1. difficult. 7. num. 3. Trullenc. lib. 7. de Sacram. cap. 6. dub. 1. num. 9. fin. Diana part. 10. trañ. 12. resol. 18. Leander à Sanctissimo Sacram. tom. 2. de Sacram. trañ. 9. disp. 7. qu. 20. dicens, unum tantum Doctorem cum aliqua probabilitate sufficere. Angelus Bossius p. 1. de cons. tit. 1. §. 27. num. 689. & trañ. de contrañ. matrim. cap. 3. num. 234. Angelus Maria Verricelli p. 1. trañ. 2. qu. 17. num. 7. contendens, hoc esse speciale in matrimonio, nullatenusque extendendum ad dotem, testamentum, libertatem, aut pias causas. Movetur. Quia matrimonium est in iure valde favorabile, & dissolutio ipsius nimis odiosa. Unde, cum jam est contractum, sustineri debet, non tantum in pari causa ex text. in cap. ult. de sentent. & re iudic. sed etiam in valde dispari, ex regula generali tradita in cap. Licet 47. de test. & attestat. his verbis: *Tolerabilis est aliquos contra statuta hominum dimittere copulatos, quàm conjunctos legitime contra statuta Dei separare.*

73 Altera sententiæ fert, in huiusmodi causis iudicandum esse juxta sententiam communem, sive ea faveat matrimonio, sive sit ipsi contraria. Ita ex professò Antonius Maria Coratius trañ. de opinio. commun. (qui habetur tom. 1. commun. opi-

opinion.) *lib.2. tit.9. casu 20.* dicens, esse *verissimam*, Joannes Coratius in *leg. Qui liberos.* à num.121. ff. de ritu nuptiar. ubi ait, *ita servari in praxi.* Quod mente omnino tenendum, ne facile discedatur ab hac sententia, monebat Coratius *suprà* verò. In *libertate.* Joannes Gutierrez de *matrim. cap.3. num.19.* tametsi sibi contrarius *cap.63. n.31.* Consentiuntque apud eisdem Alciatus, Lancelotus, Cotta, Cagnolus, Aviles, & alii: atque ex his, quos appellat Sanchez in favorem sui, Barbatius, Berroius, & Decius. Quibus se se adjungit Boslius, hoc censens valde probabile *dist. 9. 27. num.689.* Ratio ipsorum est. Quia favor matrimonii non debet extendi ultra terminos justitiæ distributivæ, cujus actus est sententia judicialis, neque ampliari in præjudicium tertii pro nullitate pugnantis, & pro sua libertate ab ejus vinculo. Extenderetur autem, & procederet ultra terminos justii, sectique judicii jus suum cuicumque tribuentis secundum merita causæ, si iudex pronunciatet ex singulari opinione matrimonium esse validum contra reum, aut auctorem pro ejus nullitate habentem opinionem communio-rem, aut communem, sive juris, sive facti. Hujusmodi namque opinio pro lege, aut consuetudine legali habetur, & in locum ipsarum subrogatur, quoties jura ista deficiunt. Clarum est verò, neminem absque injustitia judicare posse adversus legem, valori matrimonii contrariam.

74 Tertia sententia, cui adhæreo, tenet, judicem in istis causis sequi debere opinionem probabiliorē, sive sit singularis, seu communis, quin possit, illa postposita, ferre sententiam secundum minus probabilem. Sic sumitur ex Innocentii decreto, & condemnatione thesisi, quam in præsentem explicamus. Inde enim constat ut minimum judicem privata auctoritate, aut favore personali suo nullatenus judicare posse juxta sententiam probabilem, relicta probabiliorē. Judicare verò hoc modo, si pro valore matrimonii decerneret contra probabiliorē opinionem nullitati ipsius patrocinantem. Nullibi enim invenietur concessus in jure hic favor matrimonio, causisve similibus, & cum sit maximè exorbitans ab omnibus juris regulis, & in tertii præjudicium, manife-

stè debebat explicari. Ubi autem deest favor juris, solum relinquitur favor privatus ipsius judicis, qui contra probabiliorē opinionem, stante decreto Innocentii, nihil attentare valet. Quocirca nunc non auderem auctor esse ulli ex judicibus, ut illi primæ sententiæ, quæ tantum matrimonio deferrebat, se se in praxi accommodaret. Antea siquidem probabile videri poterat, licitum esse judicibus favores juris ampliare usque ad desertionem sententiæ probabilioris assistentis alteri ex colligantibus; modò autem declarat Pontifex, id probabile non esse, & insuper imponit præceptum graviter obligans, ne deinceps deducat ullus talem doctrinam ad praxim.

75 Sed & ante istud decretum, ultra plurimos, qui generaliter istiusmodi obligationem judicibus imponebant, expressè Castro Palao 1. p. *disp.2. de cons. puni. 10. num.3.* dixerat, pro matrimonio non esse judicandum, si opinio verior, & magis probata sit in contrarium. Idemque absque dubio fenserant plerique ex Jurisperitis, qui pro prioribus sententiis allegantur. Nam ex eis Mascardus, Abbas, Corsetus, Barbatius, & quidam alii apud Boslium *num.690.* & Coratium *num.116.* disertè affirmant, communem tunc solum esse sequendam pro causis favorabilibus, cum *melioribus fundamentis innititur, & est verior, ac probator.* Alii verò, qui absque hoc addito enunciant, juxta communem esse judicandum, non negant iudici adhærendum esse certò probabiliori, licet sit singularis, aut paucorum; sed id eo id proferunt, quia opinio communis, quamvis non innitatur textui claro, absque ullo favore adiuncto ex propriis meritis habet maiorem probabilitatem extrinsecam ab auctoritate, & numero Sapientum, qui illam docuerunt, re accurate examinata, & probabilior præsumitur, quàm opinio non communis ex suis rationibus, principisque intrinsicis, dum contrarium aperte non probatur. Adeoque, rebus sic stantibus, ad instar legis recipitur, veritatisque exploratæ, & quod plus est, in statutis expressim de lege agentibus appellatione legis comprehenditur, ut cum Tiberio Deciano, ac aliis tradunt Barbosa *trati. de appellativis verb. juris signific. appellativo 129. in fin.* & Escobar del

del Corro de paris. sanguis. p. 1. q. 10. §. 2. num. 12. in fin.

76 Ipsi quoque, qui favorem matrimonii anteponendum censentur cuius doctrinæ probabilis contraria valori illius, sibi non satis constabant; sed pluries praxim oppositam probabiliori faventem iudicibus consulebant in causis matrimonialibus, ut ex ipsorum lectione se deprehendisse testatur gravis, valdeque eruditus scriptor Georgius Gobat in *experiētiis Theologo-juridicis tract. 10. numer. 74*. In hac scribens: *Quantum ipse observavi, repugnant prædictæ sibi ipsi, & plerisque Doctoribus, illi ipsi, qui tantam quantam indicavimus auctoritatem tribuunt sententiæ uni pro valore matrimonii. Sane mediocriter versatus in legendis Consiliis matrimonialibus editis à variis Doctoribus reperiet faciliè triginta, aut quadraginta, in quibus suadetur iudici, ut ferat sententiā contra matrimonium, non attento, quod pro matrimonio stare sciant quatuor, sex, aut octo Doctores*. Hæc ibi. Quibus perpensis, unā cum aliis præmissis, planè constare videbitur sententiā, quam modò sequimur, & nova Summi Pontificis auctoritate firmamus, etiam ante illius decretum fuisse in se valde communem, & receptiorem in praxi.

17 Illud certius, non licere, nec unquam licuisse iudici sequi opiniones incertæ probabilis matrimonii favorabiles, & alias ipsi adversantes, quas novit certò probabiles, in iudicando relinquere. Nam si controversum sit inter Auctores, num opinio matrimonio favens sit probabilis, necne, quibusdam affirmantibus esse probabilem, aliis verò ex adverso contendentibus esse potius improbabilem, nemo dixerit, tantum esse favorem matrimonii, ut iudex fidere possit adeò tenui probabilitati, & pronuntiare id esse validum, relicta opinione adversa, cujus certa, ac secuta probabilitas in iis circumstantiis reddit evidenter iustiorē, ac veriorē matrimonii nullitatem. Utique iudicis est in incertis, seu obscuris verisimiliora sequi, ex *reg. Inspecimus. 45. de reg. jur. lib. 6*. Quis autem dubitet, esse planè verisimiliorē, ac certiorē nullitatem, quàm valorem, cum fiat pro nullitate opinio certò probabilis; pro valore verò opinio, quæ vix nomen opinionis meretur, *Theolog. Reform.*

& à multis reputatur sophistica, & improbabilis? Nec refert, quòd alii censeant probabiliter esse probabilem, quia ejusmodi probabilitas controversa, merèque opinabilis ex hoc capite nimis deicitur, ut sequenti dissertatione ostendetur, præsertim *cap. 5*. adeoque apud prudentes extenuatur, ut etiam extra iudicia, ac in rebus nemini præjudicantibus ei raro adherere liceat, nedum in iudiciis, ubi iudicis sententia non declarat, quidnam sit favorabilis uni parti; sed quæ ex ipsis melioribus fundamentis juris, aut facti innitatur.

78 Propterea mihi vehementer displicet doctrina Leandri in *disa. quæst. 20*. asserentis matrimonium contractum ab alienigenis coram Parocho illius loci, ubi alter ipsorum habitat brevi tempore recreationis causa, alteriusve negotii, absque animo ibi manendi multis diebus, sed revertendi quàm citiùs ad eum locum, ubi fixum domicilium habet, nihilominus esse sustinendum, & pro illius valore in iudicio pronuntiandum. Fundamentum ipsius est. Quia licet opinio communis stet in contrarium, eaque requiratur, ut Parochus valde assistat matrimonio eorum, qui habent alibi domicilium habitationis, quòd ex ipsis saltem alter quasi domicilium acquisierit in Parochia illius, & in ea habitare inciperit, cum animo ibi manendi pro majori, vel dimidia parte anni; adhuc non desunt, qui assentient probabiliter, id non esse necessarium ad valorem matrimonii, sed vel modicam habitationem quasi in transitu sufficere. Ita enim sentiunt expressè Sà in *Aphorismis correctis*. verb. *Parochus*, & verb. *Matrimonium*, utrobique *num. 2*. & Basiliius Legionensis *lib. 5. de matrim. cap. 13. §. 1*. quibus adiungo Raynaudum, qui eisdem obiter accessit *t. 16. in Heteroclit. terrest. sect. 1. punct. 14. n. 18. fol. mibi 180*. Et cum allunde hæc opinio valori matrimonii consensiat, illi potius, quàm oppositæ, statim debet in iudicio.

79 Advertere autem debuerat Leander, ne opinioni isti deferendum esse iudicaret, illam non solum habere communem sibi contrariam, ut faceret ipse ibidem; sed communiter non esse receptam, & reputari improbabilem. Nemo autem tantum favoris matrimonii deferendum

dum esse dixit, ut pro illius valore judicari debeat juxta sententiam communiter rejectam ut improbabilem, & explosam in judiciis. Quod verò hujusmodi sit opinio, cui nitebatur Leander, ex Palao sumi potest p. 5. disp. 2. punct. 12. §. 9. num. 2. vers. *Ceterum, asseveranti: Nullam speciem probabilitatis habere, quia est adversus communem sententiam, & praxim receptam gravissimisque incommodis subiecta*. Diana quoque doctior factus part. 11. tr. 3. resol. 34. vers. *Es taudem*, clarè dixit, illam esse nimis laxam, & communiter refelli tanquam improbabilem: addente Dicastillo, doceri absque idoneo fundamento. tom. 3. de Sacram. tr. 10. disp. 3. num. 48. Notat præterea Card. de Lugo lib. 1. respons. mor. dub. 37. num. 12. eam non admitti communiter. Et ab illa in judicando pluries discessisse Rotam, id confulentibus viris doctissimis tum extetnis, tum ex nostra Societate, planè constabit legenti Menochium consil. 398. volum. 4. ubi omnia affert per extensum.

80 Ratio accipitur ex textu in cap. *Is qui 3. de sepult. in 6.* quem in proposito expendit, appellatque irrefragabilem Navarro consil. 7. de clandest. despons. lib. 4. inde enim constat aperte eos, qui alibi suum habent domicilium, non effici Parochianos illius loci, ubi actu habitant brevi tempore, & veluti in transitu absque animo ibi manendi, & contrahendi quasi domicilium, sed statim revertendi ad domum propriam, vel vagandi per alia loca diversa. Porro matrimonium, ut sit validum, coram proprio Sacerdote debet celebrari, aut coram altero de ipsius licentia. Quapropter matrimonia sic contracta præcudubio judicanda esse invalida statuit Navarro in dicto consil. 7. Idque certum reputavit P. Sanchez lib. 3. de matrim. disp. 23. num. 9. Neque obstant duæ declarationes Cardinalium, quibus unice fident Basilus eo §. 1. num. 6. Nam, ut omittam, eas non esse authenticas, nec debito sigillo munitas, sicuti opus erat jure novo Urbani VIII. ut in judicio, vel extra, fidem facerent, stat ex adverso opposita declaratio, quam affert, & testatur apud se habere in forma authentica Nicolaus Garcia de Benefic. p. 5. cap. 7. num. 11. ubi interrogante inter alia Episcopo Abulensi: *An valeat matrimonium contractum coram*

Parocho illius loci, ubi contrahentes reperiuntur, NON ANIMO IBI DOMICILIUM CONSTITUENDI, sed recreandi causa? Sacra Congregatio respondit: *NON VALERE*.

81 Quocirca, si fides aliqua adhibenda est aliis declarationibus, intelligenda non sunt de illis habitatoribus, qui cum habeant alibi suum proprium Parochum, atque domicilium permanens, ad alia loca divertunt otii, vel negotii causa absque animo ibi manendi tempore necessario ad acquirendum domicilium, aut quasi; sed duntaxat de his, qui nullibi, aut utrobique domicilium habent. Prima enim, quatenus dicit: *Proprium Parochum eum esse, in cujus Parochia contrahentes habitant tempore, quo matrimonium contrahitur*: ne alii adductæ contradicatur, & contra mentem Concilii ingens ostium aperiaris fraudibus, aut exponenda est de habitatione inchoativa domicilii, vel quasi, aut potius intelligenda de vagis. Istis enim actualis habitatio loco domicilii succedit, quandoquidem nullum aliud habent, & ideo ordinarius Parochus illorum esse censetur ille, in cujus districtu degunt, & mutata habitatione, mutatur. Postrema verò, quæ expressè de his *alienigenis* agit, qui inter vagabundos non sunt comprehensi, eo ipso supponit eos alicubi habere domicilium. Igitur vel illud habent utrobique, & tunc sine dubio poterunt in qualibet ex ipsis contrahere. Vel non habent illud utrobique; sed solum in ea Parochia, extra quam transeunter commorantur: & tunc evidentiissimum est, Parochum illius Parochiæ, ubi hoc modo de præfenti habitant, non esse proprium illorum; sed omnino alienum, & maxime quoad sacramenta voluntaria, cujusmodi est matrimonium. Alibi enim habent proprium Parochum, & ibi eum nequeunt habere, ubi habitationem domiciliarum non habent, nec animum permanendi saltem pro majori, vel propè majori anni parte, unde quasi domicilium acquirunt, stabiliturque jus Parochiæ le. Porro habentes proprium Parochum, coram omnino alieno nuptias celebrare nequeunt, nisi de licentia proprii, ut in decreto Concilii expressè habetur, & alioqui in stat vagorum eas ubi vis celebrarent validè, & declaratio, quæ affertur, non

tam esset expositio Concilii, quam revocatio.

82 Ididem patet, quàm tenuem, si forte est ulla, probabilitatem habeat valor matrimonii ita contracti, cùm aliunde ejusdem nullitas non tantum evidenter probabilior; sed certa, aut ferè certa debeat reputari. Quis autem judex rectus, ac cordatus jus certum pro incerto dimiserit? aut quod est longè certius, ac securius postposuerit juri ad eò incerto, & ambiguo, ut merito judicaretur jus nullum, & improbabile? Sufficeret quidem judici, communem sententiam stare pro nullitate conjugii, ut secundùm eam decerneret, dum valde solidis argumenti non constat, contrariam opinionem singularem, aut paucorum, esse vel probabilior, vel saltem què probabilem, ut liquet ex antea dictis, & hoc solum probat ratio, qua relati suprà contendebant, semper esse cum communi decernendum, etiam contra causam favorabilem. Ceterùm quoties communis opinio ad eò prævalet contrariæ, ut vix ipsi probabilitatem relinquat, dubiumque, ac incertum reddat, utrum sit probabilis, aut improbabilis, cuivis iniquum videbitur communem velut injustam deferere, & palmam litis alii adjudicare. Unde quæ de opinione Leonardi dicta sunt, ad omnes alias applicari debent, quarum vera probabilitas in controversiam vocatur: solum enim est adducta exempli gratia, etsi adversus illam paulò fufidius egerimus, quia casus frequentissimè occurrit, & doctrina illa de favore matrimonii malè applicata probos judices forsan implanaret.

83 Præstat utique suis favor matrimonii jam contractis cum solemnitatibus de jure debitis, ut, cæteris alioqui paribus, pro eorum valore in judicio decernatur. Præstat etiam, ut indubio majoris, vel minoris probabilitatis illa opinio à judice præferatur, quæ valida esse constituit: nam & hoc commune est cuivis causæ favorabili. Attamen, quod ad eò imparibus, & ad eò compertis rebus, ut certò sit probabilior, ac veritati conformior illa esse nulla, quàm valida, nullo unquam jure præscribitur, nec restitudo justitiæ, officiumque proprium judicis tantam inæqualitatem patitur. Eademque ratio est, quoties præsumptio majoris conformitatis cum

veritate, ac justitia propria partium assistit illi opinioni, quæ pugnat pro nullitate, ut regulariter evenit, cùm ab hac parte est opinio communis, probabiliorque ab extrinseco, & pro valore non militat, nisi opinio singularis. Quandoque tamen evenit, ut emergat nova ratio, aut novus aliquis textus non prævisus, neque examinatus ab Auctoribus communis opinionis, quæ istam præsumptionem vincat, & tunc auctoritas ejus non prævalet; sed potius deprimitur, aut penitus evanescit. Quæ ratione plures opiniones, quæ satis probabiles communiter videbantur ante decreta Innocentii, & Alexandri, post illa suam probabilitatem amiserunt, æque inter alias, ni fallor, etiam illa, quæ docebat, integrum esse iudicibus, relicta probabilior, minus probabilem sequi in causis favorabilibus.

84 Neque obstat quod dixit Pontifex in dicto capit. *Licet. 47. de testibus* 19. attest. scilicet: *Tolerabilius esse, aliquos contra statuta hominum dimittere copulatos, quàm conjunctos legitime contra statuta Dei separare.* Quia non negamus, id esse tolerabilius, & favore concessò ab ipso jure sustinendum, quando cætera sunt paria, aut probabilioritas dubia; sed solum contendimus, id non esse tolerandum, aut statuendum à iudicibus, cùm jus negantis valorem est veritati conformius, ac certius jure affirmantis. Nam specialis iste favor neque in eo textu conceditur, neque ex ipso colligitur necessariò; sed tanquam casus omisus, secundum justitiæ regulas, & obligationes proprias judicum ab eis debet terminari. Et quamvis magnus sit favor matrimonii jam contracti propter reverentiam Sacramenti suæ dissolutioni obstantis, necnon & propter periculum, ne ad secunda vota transeant illi, qui à vinculo ipsius exsoluti declarantur, totque adulteria materialia committant (si illud fortasse erat validum) & ipsi, & eorum consortes, quot vicibus copulantur, ultra incommoda, quæ proli jam forsan nata ex priori matrimonio inde sequuntur, & lites, quæ ob restitutionem dotis sæpe solent resultare. Quamvis, inquam, ex hoc capite æquum sit favere matrimoniis, ac præsertim consummatis, contractisque in facie Ecclesiæ, non ideo contraria causa ad eò egena favoris reputari debet, ut adversus ipsam possit pronunciari, cùm

se meliori jure tueretur, & aperte constat judicii inaequalitas, ac praëminencia ipsius respectu alterius pro matrimonio certantis.

85 Nam in primis ea pericula, quæ ex matrimonii controversi dissolutione imminabant, eo leviora sunt, minisque timenda, licet secundum se graviora videantur, quo probabilis est, id esse nullum, & nequaquam eventura, et si declararetur tale. Et aliunde, si, cum forsitan esset nullum, declararetur fuisse validum, sic conjuncti gratia Sacramentali desituuntur, aliiq; subsidii valde necessariis ad rectum conjugii usum, & ad alia onera ipsius cum fructu supportanda. Committent præterea tot fornicationes materiales, quot actus conjugii habuerint, oscula, vel alia opera, quæ extra conjugium vetantur; atque hoc genus mali propinquius, & frequentius imminet in istis, qui falsò existimant se esse conjugatos, tenerique tum ad debitum reddendum, tum ad simul cohabitandum, quam in aliis, qui, cum verè conjugati sint, liberi per errorem dimittuntur, & si velint, possunt easse vivere, ac coelibem vitam agere. Ad hæc causa libertatis à vinculis, aut servitute perpetua non est parum favorabilis; hæc autem est causa illius, qui contendit pro sui matrimonii nullitate. Quippè matrimonii vinculum indissolubile est, & magnas secum molestias, ac onera valde gravia affert pro tempore vitæ, ac perpetuæ servituti idè rectè æquiparatur, quia traditionem involvit, ex vi cuius, qui erat suus, jam incipit esse alterius, ita ut, eo contracto, *mulier sui corporis potestatem non habeat; sed vir:* atque vice versa, juxta doctrinam Apostoli 1. *Corinthior.* 7. 4. quam ibi S. Chrysostomus *orat.* 19. hisce verbis commentatur: *Mulier viri est, & ancilla, & domina: & si defeceris ab ea, quæ convenit, servitute, Deum offendis...* Nam propterea hoc appellavit debitum, ut ostenderet, nullum esse sui dominum; SED ESSE INTER SE ALTERUM ALTERIUS SERVOS. Videatur præterea Emmanuel Thesaurus lib. 16. *Philos. mor. cap.* 12. folio lepore enucleans vires juris conjugalis.

86 Denique, siquid probaret aphorismus ille Pontificius, cui nituntur adversarii, pariter convinceret, sententiam esse ferendam pro valore matrimonii con-

tra certò probabiliorè; ac communem in questione facti, ex quo pender ejus veritas, ac in questione juris. Quippe Pontifex ibidem de questione solius facti loquebatur, de illa scilicet, utrum essent consanguinei intra quartum gradum, & propterea invalide copulati, qui alioqui validè matrimonio erant conjuncti? Porro in questione facti, & causis merè civilibus inter personas non privilegiatas illa prævalere debet secundum leges, & jura, quæ fortiores, ac vero proximiores probationes pro se adduct; neque oppositum audebant dicere etiam illi, qui ante Innocentii decretum censebant aliter circa questionem juris. Scaturit utique Pontifex in *disso. cap. Licet.* contra id, quod erat statutum à suis Prædecessoribus, ne ad probanda impedimenta Ecclesiastica dirimentia matrimonium jam contractum, puta consanguinitatem, fides haberetur testibus deponentibus de solo auditu, quia, inquit, *pluribus exemplis, & certis experimentis didicimus, in hoc multa pericula contra legitima conjugia provenire,* atque ut periculis istis frequenter dissolvendi vera matrimonia obviaret, reddidit difficiliorem probationem nullitatis, & certum modum præscripsit longè exactiorem, quo debet probari veritas impedimenti, ut in judicio prævaleat.

87 Cæterum non idè voluit, ista probatione extraneæ, deferendum esse dictis minus probabilibus unius, vel alterius testis contrarium asseverantis; neque evidentem, aut omninò certam impedimenti probationem exegit; nec de omnibus impedimentis egit; sed de irritantibus statuto humano. Istis autem opus erat Auctoribus præcatis, ut ex prædicto textu stabilirent adeò generaliter, in favorem matrimonii à Judice esse sequendam contra probabiliorè, & communem probabilem opinionem singularem. Neque Pontificem latuit, interdum posse contingere, ut defectu illius exactæ probationis, quam exegit, declararetur à Judice esse valida nonnulla matrimonia jure Ecclesiastico invalida. Sed hoc periculum non tanti fecit, quanti frequentia pericula dissolvendi in foro externo matrimonia re ipsa valida, & atque jure Divino insolubilia, & propterea satius duxit exactiores probationes impedimenti irritantis, ac

ac nullitatis exigere, quam leviores admittere in his causis. Nam sicut è duobus malis, quod minus est, rectè eligitur, ita & ex duobus periculis, quando utrumque nequit evitari, ut in cap. *Ubi.3. de election. lib.6.* eleganter explicatur.

88 Verumtamen ex hoc ipso nostra assertio robur accipit. Quippe si quæcumque probabilitas facti, aut juris matrimonio favens, sit sufficiens, ut contra probabilitatem pro valore illius decernatur, innumera matrimonia re ipsa invalida sustinebuntur, & valde pauca in iudicio declarabuntur invalida, cum ad obtinendum sufficiat producere in questione facti unum, vel alterum testem, qui probabiliter censeat impedimentum deficere, aut si questio sit juris solus, unum, vel alium Auctorem, qui opinetur matrimonium esse validum, frequentissimè continget, ut præsidia ista non desint etiam conjugis invalidis. Toleretur quidem periculum, servata in iudicio hac praxi, dissolvendi tanquam irrita matrimonia re ipsa valida, quia ut hoc fiat, opus erit, ne ratione nulla probabili, sive à testibus, sive ab Auctoribus, persuaderi possit eorum valor; sed convincenter monstretur nullitas esse innegabilis. Porro non tanti est faciendum, radicibus extirpare huiusce mali periculum in casibus controversiis, & non temerè deductis ad forensia tribunalia, ut totum favoridetur, & aditus iustitiæ præcludatur; sed potius ratio est habenda, tum periculorum insurgentium ex adverso, quæ magni momenti sunt, ut paulò antea ponderavimus, & valde præjudicialia parti, quæ veriori jure libertatem suam tueretur: tum ob reverentiam Sacramento debitam, cui non parum derogat, si ejus sanctitas, & indissolubilitas, ac cætera jura ipsius deserantur ei contra dicti, cui nullatenus conveniunt: tum etiam majoris certitudinis, atque frequentiae, qua eventura prævidentur incommoda inde imminentia: nam pericula, quæ aliqui essent minora, ex his capitibus valde aggravantur, & magis timenda fiunt, quam periculum alterius majoris mali, quod non nisi rariùs evenit, & probabilius creditur non eventurum in casu, de quo tractatur.

89 Tolerabilis ergo est, atque iustitiæ, & veritati conformius, periculum dissolvendi in foro externo aliqua matrimonia re
Theolog. Reform.

ipsa valida annexum obligationi sequendi probabiliora, licet valori matrimonii contradicant, quam periculum annexum obligationi sequendi etiam minus probabilia, quoties matrimonio favent. Nam in primis longè gravius est periculum errandi, ac falsam, & à parte rei injustam sententiam proferendi, frequentiusque error continget, si iudex, spreto illis, quæ vero proximiora esse cognoscit, sive ex jure, sive ex facto, ad minus vera desectat, eaque ut justiora amplectatur. Rursus, cum probabiliora sequitur, multò pauciora matrimonia re ipsa invalida pronuntiabit esse valida, quam pronuntiaret, si etiam sequeretur pro valore illorum minus probabilia, & singularia: saltem enim declarabit fuisse irrita omnia illa, quorum valor minus probabilis est juxta allegata, & probata. Aliunde verò, etsi fortasse contingat, ut contra matrimonium re ipsa validum judicialis sententia proferatur, quia omnibus rite perspectis, diligenterque exploratis, ejus nullitas apertius, verosimiliusque patet, id non est tam magni incommodi, quanti foret approbare tanquam Sacramenta valida, & omnino insolubilia tot tractatus, quot approbarentur in iudicio juxta sententiam oppositam, cum neque essent Sacramenta, nec contractus conjugales.

CAPUT IX.

De iudice circa valorem matrimonii odiosæ Ecclesiæ.

90 Quamvis causa matrimonii per se loquendo sit omnino favorabilis, atque ut talis decidenda sit à iudice, dum lis movetur circa valorem ipsius, non idè sequitur, omnia matrimonia attentata, aut etiam valida verè esse favorabilia, nam plurima ex circumstantiis per accidens odiosa fiunt. Nimirum, si celebrentur contra interdictum Ecclesiæ, si absque debitis solemnitatibus, si sint pessimi exempli, aut magni scandali, aut si quidpiam aliud interveniat, unde peccaminosa sint quoad exercitium. Et de his dubikari potest, cum de valore ipsorum controvertitur, utrum terminari debeant ab Ecclesiastico iudice secundum juris rigorem, ac si causa matrimonialis non
G 3 esset,

effet, vel potius juxta favorem, qui matrimonii conceditur incertò validis; sed certò licitis, contraſiſque in facie Eccleſiæ abſque ullo ſpeciali vicio?

91 Satis autem exploratum cenſeo, ſecundùm rigorem juris eſſe terminanda. Quia de ſe apparet abſurdum, ut cauſa, dum eſt odioſa, eiſdem privilegiis gaudeat, quibus gauderet, ſi non foret odio, ſed an ore digna. Neque unquam jura favent illis, quæ contra jus ſunt; ſed eis potius adverſantur, & adverſus ea præſumunt, ut plene conſtat ex reg. 64. lib. 6. ſic ſtatuente: *Qui contra jus ſunt, debent utique pro infectis haberi*, quod maximè verum eſt, cum dubitatur, utrùm ſint validè facta, vel potius infecta, & neutrum apparet liquidò. Conſtat itidem ex reg. 82. ibi: *Qui contra jura mercatur, bonam fidem præſumitur non habere*: ei autem, qui mala fide contractum matrimonii celebravit, & contra voluntatem Eccleſiæ, non debet prodeſſe is favor, qui bonæ fidei tribuitur, ſicut favor præſcriptionis ei non prodeſt, qui poſſidet mala fide. Fruſtra enim legis auxilium invocatur, qui committit in legem, ex textu in cap. Fruſtra. 14. de uſur. l. Auxilium. 37. ff. de minorib. ubi favor reſtitutionis in integrum conſeſſum minori ætati, ei minori denegatur, qui dum leges invocat, in eas committit. Atque eadem ratione expreſſa tollitur cap. ult. de immunit. Eccleſiar. immunitatis privilegium illis, qui in Eccleſiis ipsis, aut cœmeteriis ipſarum, alios occidunt, aut mutilant; eo namque ſe indignos reddunt, & Eccleſiæ deſenſione, ut Pontifex ibi adjungit, qui auxilium legis implorant, committendo in legem ipſam. Et quis non videat, quàm magna, & quàm pernicioſa occaſio celebrandi matrimonia illicita, ac vocis Eccleſiæ contraria daretur, ſi homines crederent, ſaltem poſt factum, ab ipſa Eccleſiæ deſendenda, ac ſuſtinenda, omiſſo juris rigore, auxilio, ac favore ſuo?

92 Neque inter Doctores reperi, qui huic doctrinæ contradixerint, vel quoad favorem judicalem exquanda ſenſerint in cauſa valoris dubii illegitima connubia legitimis, odioſa favorabilibus, & prohibita, licet eſſent valida, his, quæ ultra dubium valoris aliud vitium habent. Eſto namque plures dicant univerſim matrimonii jam contractis favendum eſſe in judi-

cio, quoties probabiliter ſuſtineti valent; nemo tamen negat, quædam ex eis eſſe odioſa, & ſub peccato prohibita ob adjunctas circumſtantias, neque affirmant, cauſam matrimonii odioſi, ſeu iniiti contra leges culpabiliter violatas, & cum præſumptione malæ fidei eſſe cauſam favorabilem. Nec Pontifex in diſto cap. Licet. antea toties præſcricato putavit tolerabilius, eos copulatos dimittere, qui illicitè, & cum Dei offenſa ſuum matrimonium iniverant, quàm illud judicialiter diſſolvere, atque ipſius nullitatem declarare; ſed expreſſim ſuit loquutus, ut favor hic locum habeat, de matrimoniis contractis legitimè ſecundùm ſtatuta Dei. Legitima autem non ſunt ſecundum ſtatuta Dei, eſto aliquando ſint valida, quæ odioſa ſunt ipſi Deo, & contra leges, & jura cum offenſa ipſius celebrantur.

93 Aliunde etiam, quoties ſermo incidit de his odioſis matrimoniis, & contra leges contractis, Auſtores potius decernunt in judicio de valore ipſorum quovis favore privanda. Et in hoc (inquit Monaldus conſ. 6. num. 14. part. 2.) multum oneratur conſcientia judicis, cum a quæ ſavor debeat ſic diſſolvere matrimonium contra legem Dei contractum, ſicut legitimum confirmare. Unde Card. de Lugo tom. 2. de juſt. & jur. diſp. 22. à num. 23. cum in facti contingentia controverteretur, utrùm quoddam matrimonium eſſet validum, graviffimis Jurisperitis aſſerentibus, ipſo verò cum aliis denegante, numer. 24. poſt med. ita concludit: *Addidi autem, etiam ſi verba relinquerent rem hanc dubiam* (quaſi tunc erat de ſufficientia verborum ad conſenſum contrahentium explicandum) *& ideo in dubiis, videretur eſſe interpretanda in favorem matrimonii, cujus cauſa favorabilis eſt; in hoc tamen caſu non debere habere locum favorem matrimonii. Quia licet cauſa matrimonii ſecundùm ſe favorabilis ſit; ſed tamen matrimonium clandestinum, quale erat illud, SINE DENUNCIATIONIBUS PRÆMISSIS, ET PAROCHO INVITO PRÆSENTE, NON EST FAVORABILE, SED ODIOSUM, NEC IN EO LOCUM HABENT, QUÆ IN FAVOREM MATRIMONII INDUCTA SUNT, ut ſentiant Doctores.* Haſtenus de Lugo, cui plene

plenè subscribit Thomas Tamburinus *lib. 8. de contrah. tr. 6. cap. 2. §. 3. num. 15.* cùm *num. 11.* ut certum præmississet, injuriam fieri non tantùm Parocho, sed etiam Ecclesiæ, cujus nomine, & auctoritate in eo actu fungitur, si violentia, dolo, aut metu ad assistendum adigatur.

94. Profecitque uterque ex Rebello *p. 2. de obligation. iust. lib. 2. de matrim. q. 14. num. 25.* censeo ob istos defectus filios posse exheredari, etiam in Regno Castellæ, si clam parentibus contrahant, licet matrimonium fuerit validum. Necnon & ex P. Sanchez, qui proculdubio est ab hac sententia *lib. 3. de matrim. disput. 45. num. 1.* ubi statuit *ex cap. 2. & 3. de matrim. contra dicto contra interdic. Eccles.* matrimonialia clandestina, & reliqua celebrata contra Ecclesiæ prohibitionem ut odiosa, ac poenis digna, non gaudere illis favoribus, quibus gaudent alia legitima; atque eo præsertim privari, quo in dubio propiis præsumitur, quia malæ fidei præsumptio resultat adversus illa, ut resultat contra emptionem, & alium quemvis contractum, dum contra jura conficitur, & propterea onus probandi in contrahentem refunditur. Bossius itidem, qui locis *cap. præced. consignatis* affirmaverat, pro valore matrimonii judicandum esse ex sententia singulari, quamvis sit minus probabilis, contra probabiliorem, & communem, expressè excipienda duxit clandestinæ adversus jura contracta *in dicto §. 27. num. 692. & latius cap. 1. de matrim. num. 55. & cap. 3. num. 231.* eadem ratione excepturus cætera, quæ ob prohibitionem Ecclesiæ à contrahentibus violatam in ipso actu contrahendi, odiosa, & punienda sunt.

95. Quocirca idem est dicendum de illis, quorum valor convertitur, si conslet aliunde fuisse inita cum aliquo ex impedimentis impediens, seu redditibus illicitam matrimonii executionem, ut dissolvendo de nuptiis solemniter celebratis tempore ab Ecclesia vetito, observavit Farinacius *decis. 245. num. 17. in censur.* his præter cætera: *Nec proclives esse debemus in favorem hujus contractus, alieno impulsu potius, quam propria inductione, & tempore quadragesimali contra Canonum prohibitionem celebrati.* Et hoc à fortiori militat, cùm impedimenta fuerunt juris na-

turalis, ut sponsalia prius validè contracta cum altero, aut votum absolutum castitatis merè simplex. De illis verò, quorum controversia oritur ratione metus illati, quia incertum est, utrùm fuerit sufficiens, aut insufficiens ad dirimendum connubium, meritò putat hic Auctor nullo favore gaudere, quamvis cætera sint paria, idem tradente Barbosa *in dicto cap. ult. num. 3. de sent. & re judic. post Purpuratum, atque Seraphinum, accedentque quotquot ajunt, matrimonia metu extorta, non solis statutis humanis irritari, sed naturalipso jure, ut cum S. Thoma, & multis aliis tenent P. Comitatus lib. 1. respons. moral. q. 123. Basilii lib. 4. de matrim. cap. 14. Molina tom. 2. de iust. & jure. tr. 2. disp. 326. num. 14. prope fin.*

96. Porro cùm totus is favor, qui fidelium matrimoniis tribuitur, ex Ecclesiæ benignitate dimanet, nihil apertius demonstrat, illum non extendi ad casus, ubi constat, debitas proclamationes, aut alias solemnitates de jure requisitas fuisse prætermittas, quam Concilium Tridentinum *sess. 24. de reformat. matrim. cap. 5.* Nam cùm ibi æquiparasset quoad effectum carenti spe dispensationis eos, qui intra gradus prohibitos scienter contrahere præsumunt, cum illis, qui ignorantèr id fecerunt, neglectis solemnitatibus requisitis in contrahendo matrimonio, rationem hujus rigoris his verbis tradit: *Non enim dignus est, qui Ecclesiæ benignitatem faciliè experiatur, cujus salubria præcepta temerè contempsit.* Atque eadem juris ratione *cap. ult. §. Si quis de clandest. despons.* prorsus illegitima censetur eorum soboles, qui monitionibus culpabiliter omisissis ignorantèr contraxerunt matrimonium re ipsa invalidum intra gradus dirimentes ipsum. Ecto namque jura potius in favorem sobolis, quam adversus ipsam inclinare soleant, & in *cap. Cùm inter. 2. cap. Ex tenore. 14. Qui filii sint legit.* legitima esse declaratur, si præviis denunciationibus, & citrà contradictionem Ecclesiæ, cum impedimenti ignorantia nuptiæ celebratæ fuissent; adhuc tamen, quoties illæ culpabiliter omisæ fuerunt, toto hoc favore privatur proles exinde suscepta, de parentum ignorantia (ut inibi scribit Pontifex) nullum habitura subsidium. Nam licet in neutro evenit proles habita quid-

quam peccaverit; nihilominus in odium culpæ, qua parentes ausi fuerunt debitas proclamationes omittere, quibus forsitan detectum esset impedimentum occultum, & ne reliqui similia audeant cum magno Ecclesiæ dispendio, beneficio legitimitatis privatur, quo aliqui plenè gauderet.

97 Atque hoc jure etiam nunc utimur, & judices uti debent, quin proles destinat esse illegitima, eo quod matrimonium re ipsa invalidum coram Parocho, & testibus fuerit celebratum, si præviz denunciations culpabiliter omisissæ fuerunt. Sic fert communis sententia, quam multo veriorē judicat Emmanuel Gonzalez in comment. ad dictum cap. ult. num. 6. & optimè defendit Thomas Sanchez lib. 3. de matrim. disp. 42. num. 6. contra P. Molina tom. 1. de justit. & jur. tr. 2. disp. 176 num. 17. Petrum de Ledesma, & alios paucos immeritò dissentientes. Quia ex dispositione præcitati capitis præsentia Parochi, & testium neque filiis illegitimitatem tollebat, neque ab aliis pœnis liberabat eos, qui debitas proclamationes omiserant; sed perinde illi habebantur, licet contraxissent ignoranter, ac si contraxissent scienter. Consultò namque abiecerunt medium illud inveniendi veritatem, & depellendi ignorantiam impedimenti irritantis, quod tanquam omnium aptissimum Ecclesiæ præmitti voluit, priusquam matrimonium contraheretur, & propterea ibi præsumitur, eos non contraxisse bona fide; sed cum scientia impedimenti, vel, quod eidem scientiæ æquivaleret, cum ignorantia affectata, sicut antea de illis tradebatur, qui contra jura mercantur, aut alios contraclus celebrant.

98 Porro jure novo nil istorum immutatum invenitur. Nam Concilium Tridentinum, cui adversarii nituntur, abstulit quidem valorem matrimoniis clandestinis defectu Parochi, aut testium; sed nullum favorem contulit illis, quæ in præsentia ipsorum celebrantur, non præmissis, nec remissis monitionibus de jure debitis; immò illarum usum, ac necessitatem valde commendavit ea sess. 24. cap. 1. profitendo se inhærere vestigiis Lateranensis Concilii, unde prædictum caput fuit excerptum. Propterea Auctores innumeri censent, matrimonia sic contracta esse vere clandestina, atque talia reputari

quoad pœnas de jure impositas clandestinè contrahentibus, nam clandestina appellantur in eo capite, & re vera clandestina dici possunt, quamvis alioqui sint valida, & publica populariter, quia ea publicitate carent, quam requirit juxta Ecclesiæ, ante quàm de facto celebrentur, ut legitimè facta censeantur in conspectu, ac facie ipsius. Vel, ne questio fiat de nomine, cum de re constet, præviz hanc publicitatem deficere matrimoniis propria auctoritate contractis priusquam in Ecclesiâ publicentur, & mediante hac publicatione adhibeatur ab Ecclesiâ ipsa diligentia necessaria ad detegendum tempestivè impedimenta occulta, dicimus, hæc ipsa fuisse matrimonia, quæ in eo textu, sive propriè, sive impropriè clandestina nominantur, & quibus pœnæ ibi impositæ correspondere debent ad amussim, ut legenti verba illius satis apertè constabit.

99 Confirmatur 1. Quia matrimonium celebratum coram testibus, & Parocho cum notitia impedimenti reddentis ipsum invalidum proculdubio subjaceret pœnis inibi statutis, & proles subinde accepta habenda esset pro illegitima. Ergo idem dicendum erit, quamvis celebretur coram illis, omisissis proclamationibus, cum ejusdem impedimenti ignorantia. Nam Pontifex in eo eventu ignorantes scientibus æquiparandos decernit, ac disertis verbis statuit, sobolem de parentum ignorantia nullum habituram subsidium: & ratio, quam ibi assignat, accepta ex affectatione ignorantie, & violenta presumptione notitiæ impedimenti, ac malæ fidei, quæ ex culpabili omissione Ecclesiasticarum præmonitionum resulat, istum etiam casum comprehendit, nec decisio illam excludit. Confirmatur iterum. Quia solum negari nequit, istiusmodi matrimonia, non obstant præsentia Parochi, ac testium, defectu proclamationum, dispensationisque illarum esse odiosa, ac interdicta; ut odiosa autem non debent gaudere favore Ecclesiæ in judicio; ut interdicta verò, eisdem pœnis subjacent, licet clandestina propriè non putentur, quibus subjacerent, si essent clandestina. Nam textus idem disponit de matrimoniis interdictis, quod de clandestinis, ut constat ex illis verbis: Si quis verò hujusmodi clandestina, vel interdicta conjugia ini-

te præ-

re presumpserit in gradu prohibito etiam ignoranter, soboles de tali conjunctione suscepta prorsus illegitima censetur.

100 Denique, cum certum videatur, secluso favore juris, filios natos ex matrimonio illegitimo, & invalido (quale est istud: de quo loquimur) esse re vera illegitimos, oportebat assignare textum aliquem, ubi is favor concedatur his, qui culpabiliter omissis denunciationibus, coram Parocho, & testibus suas nuptias inierunt. Nullibi autem invenietur, sive

jure novo, sive antiquo, id concessum esse proli nate ex hujusmodi nuptiis. Nam quod valide nunc sint, nil prorsus refert, cum etiam valide essent ante Concilium Tridentinum, nisi aliud impedimentum obstaret; & nihilominus, cum tale impedimentum eas invalidans re ipsa interveniebat, favor legitimitatis collebatur, relinquebaturque soboles rigori juris communis, satisque erat illas fuisse clandestinas defectu proclamationum, ut neque innocentis proli favor ullus tribueretur.

DISSERTATIO III.

DE TENUI PROBABILITATE.

AD PROPOSITIONEM TERTIAM

INNOCENTII.

Quæ sic se habet: Generatim, dum probabilitate, sive intrinseca, sive extrinseca, quantumvis tenui, modò à probabilitatis finibus non exeat, confisi aliquid agimus, semper prudenter agimus.

CAPUT PRIMUM.

Præcipuus propositionis sensus, & justa illius confixio demonstratur.

LAtè discutit propositionem istam ePP Capuccinis Cyrillus Rubens lib. de morientium elemosynis art. 1. §. 33. camque num. 2. putat esse velut radicem, ex qua pullularunt aliæ omnes ab Alexandro, & Innocentio damnatæ. Tribuitur Tamburino lib. 1. in Decalogum. cap. 3. §. 3. num. 3. Amico tom. 3. disp. 15. num. 49. & videtur esse Pasqualigi, & aliorum, quos appellat Lucius à S. Marco in germana doctrina Tamburini. cap. 2. Sed profectò adverbium illud *generatim*, quod vel se solo legitimam, ac planè evidentem causam proferribendi illam doctrinam subministrat, in nullo Auctore invenitur ex his, quos potui consulere, & vox ipsa tenui probabilitatis, ad quam ulterius extenditur, à paucis fuit usitata. Unde & illa valde nova Caramuell ysa suæ in *Dialectici de non certi-*

tudine, for. 344. q. 2. licet postea ab amico præmonitus invenit illam interdum ab scriptoribus usurpari.

2 Fortè ex thesibus, aut manuscriptis fuit excerpta illa doctrina, delataque ad Sanctam Sedem: & cujuscumque ea sit, non potuit non proscribi, præsertim propter illam vocem *generatim*, quæ omnia genera probabilitatum indistinctè complectitur, & addito adverbio *semper*, cuiuslibet limitationi omnino præcludit aditum, mentemque Auctorem pervertit, nedum obscurat, dum quod nonnulli de una specie probabilitatis dixerunt, generaliter accommodat ad omnes alias. Id autem vel ex eo solum probabile esse non potest; sed scandalosum potius, ac perniciosum in praxi, quod plures propositiones ex damnatis ab Alexandro, & Innocentio generaliter sub illa continentur tanquam particulares sub universali. Non potest autem esse generaliter, & in omni casu verum, quod in plerisque particularibus fallit.

3 Ex. g. si iudici non liceat judicare juxta opinionem etiam minus probabilem,

tem, à fortiori eidem judicare non licebit juxta opinionem levis, tenuisve probabilis. Atqui illud primum non licere judici, constat ex propositione secunda ab Innocentio damnata. Prima etiam illius propositio declarat, non semper licere conferenti sacramenta praxim opinionis probabilis, relicta tutiore, de valore ipsorum, quamvis neque obster positiva lex Ecclesiæ, nec conventio, nec periculum incurrendi gravis damni. At verò hoc minimè componitur cum assertione illa adeò generali, quam exhibet tertia propositio, ut jacer. Idem argumentum sumi potest ex propositione quarta meritis damnata, quia excusabat ab infidelitate infidelem, qui non credit ductus opinionem minus probabilis. Ac demum id ipsum conficitur, ut postmodum ostendemus ex 27. propositione Alexandri.

4 Sunt præterea eventus serè innumeri, in quibus ad aliquid licitè agendum moralis certitudo desideratur, & sola probabilitas etiam vera nullus est momenti, nedum tenuis. Quomodo ergo generatim, & omni casu verum esse potest, prudenter, atque adeò licitè, operari illum, qui confidit tenui probabilitati? Undecim ex istis casibus brevi compendio enumerat Tamburinus eos. 3. à num. 16. atque ex communi omnium sensu certissimum est, aliquando neque tenuem, neque minorem probabilitatem sufficere ad securitatem conscientie; sed pro qualitate materie probabiliora, vel tutiora esse sectanda. Nec dubium, quin alia sit ratio de probabilitate solius juris, aut probabilitate solius facti, & in probabilitate etiam juris de iudicibus, medicis, ministris Sacramentorum, aliisque personis, quæ pro varietate suorum munerum, & rerum, de quibus agitur, tutiora sequi tenentur, ut cum imminet aliquod malum, cujus periculum secundum rectam rationem, etiam cum timetur, debet præcaveri. Ex. gr. periculum occidendi, vel scandalizandi alios, & periculum relabendi in eadem peccata, quod suboritur ex occasione proxima voluntarie retenta.

5 Quocirca supradicta propositio, ut minimum ita limitari debuit, ut non à toto genere probabilis opinionis verificari putetur; sed solum intelligatur de opinionibus moralibus, quæ praxim con-

cernunt, & circa ea, quæ licent, aut non licent, immediatè, ac proximè versantur, seu, quod idem est, circa obligationem agendi, aut omitendi actionem aliquam, neque ab alicujus nominis Auctore generalius defensatur. Semper enim distinguntur tam dubia, quàm opiniones merè speculativas à practicis, ut hæc sint, quas nunc descripsimus; aliz verò, quæ versantur circa alia, ut circa facta, vel circa valorem alicujus actus, circa proprietatem alicujus rei, circa qualitatem materiz, vel ejus effectus, aut causas. Neque semper volunt, ut speculativa probabilitas, sive fortis, sive tenuis, cum practica connectatur; sed plures, easque frequentes limitationes adducunt, & casus, ubi non nisi imprudenter, ac illicitè in praxi confidimus tali probabilitati.

6 Quot recenscat singulatim Tamburinus, & proinde, quàm immeritò contrarium ipsi adscribatur, nuper visum est; atque jam antè generaliter præmiserat ibidem num. 12. & tanquam limitationem semper præ oculis habendam meritis commendaverat, inspiciendum esse, prius quàm probabilitati speculativæ etiam æquali duarum opinionum practica superstruatur, an aliunde aliquid obster, nam sæpe solent obstare lex, pactum, aut consuetudo, vel altera circumstantia, charitatis, religionis, justitiæ, aut periculose executionis, vel damnosæ sibi, aut aliis. Similia passim apud Auctores inveniantur, etiam illos, qui usui probabilium opinionum maxime favere putantur, idque non solum cum differant de specialibus officiis iudicis, medici, vel advocati; sed etiam universalibus. Unde S. Suarez lib. 5. de legib. cap. 18. num. 20. differtè scribit, opinionem probabilem speculativam non sufficere ad licitum usum eius in praxi, quando in ceteris non est æqualitas, ut quando in re ipsa semper subest periculum, quod imprudenter suscipitur, vel quando sit contra aliquod majus jus, quod variis exemplis confirmat, & subinde infert corollaria prudentissima circa obedientiam, gabelas, & nonnulla alia.

7 His etiam adjungi possent multi alii agnoscentes passim opiniones, quas appellant parum probabiles, aut parum tutas, quarum proinde usum non semper licere volunt; sed in casu necessa-

cis tantummodo, ut quod Baptismus sit validus, si præcisè abluatur extrema pars unius digiti, aut aqua rosacea totum corpus, vel quod Eucharistia validè in secali conficiatur. Sed ista propinquis spectant ad opiniones tenuis probabilitatis, de quibus statim; nunc autem illis minimè indigemus, quia etiam certa probabilitas, si generatim sumatur, frequenter est insuficiens ad operandum prudenter, & neque à ratione, neque ab auctoritate oppositum fuit unquam probabile à toto genere, ut constat ex ante dictis. Quocirca sapienter loquutus mihi videtur Antonius Celladei p. 1. de recta doctri. mor. lib. 1. q. 6. §. 1. dum scripsit, doctrinam illam sic generaliter propositam non esse doctrinam, nec gravium, nec multorum Auditorum; sed potius esse contra sensum, & doctrinam eorumdem. In eo tamen maxime defecisse videtur, quòd tantum olei, ac operæ perdidit, ut libro integro oppugnaret sententiam ex se satis profligatam, quæ valde paucorum est, nec gravium Auditorum, etiam consensiente ipso, & iterùm approbante ibidem q. 15. §. 1. vers. Ex his.

8 Fortasse, ut declinaret invidiam, præmiserat paulò antè graviores quosque Auctores limitasse, restrictisque illud dictum ad eas solùm materias, in quibus tantum est quæstio de licito, & non licito, neque ulterius imminet aliquod tertii præjudicium; sed alios, maxime verò recentiores, repulisse limitationes omnes, ac universalissimè docuisse probabile ubique esse regulam morum, nempe in judiciis, in bello, in curationibus, & aliis ejusmodi. Sed certè omnino oportebat, ut vel unicum scriptiorem appellaret, seu recentem, seu antiquum, qui, exclusis limitationibus, prædictam regulam generaliter tradiderit. At nullum profert, neque ego cum comperi, & propterea dixi, propositionem damnatam ex libris non fuisse acceptam; sed ex thesibus, aut foliis volantibus, vel aliquo ignoto manuscripto. Et nullus, ut opinor, exhiberi poterit liber Catholicus, atque noti Auctoris, qui generaliter, aut semper approbet usum opinionum probabilium, nisi ex subjecta materia, ex contextu, vel ex fine, ex præmio, aut ex modo discendi constet, eum loqui duntaxat de opinionibus moralibus, & practicè probabilibus.

9 Video, à multis exhiberi Tamburinum loco citato. Atqui cum non agere de opinionibus merè speculativis, quæ de rebus, aut juribus, aut factis, vel de alicujus formæ, aut materiæ idoneitate ad aliquem effectum sæpe habentur, & de licito, aut illicito usu suo nihil profertur, perspicuè demonstratum est jam antè ex ipso. Quòd verò determinatè loquatur, & duntaxat de opinionibus practicè probabilibus, idque summè necessarium, & aliud menti ingendum crediderit, evidentissimè constat ex numer. 4. immediatè subsequente locum illum, unde cavillatio sumitur, item ex numer. 12. & numer. 15. in fin. & §. 5. numer. 5. & sæpe aliàs. At proinde passim agnoscit opiniones aliquas remotè, seu speculativè probabiles, quæ improbabilis sunt practicè, & quoad usum licitum, ut disceris verbis ab eo traditur eo §. 3. numer. 23. tanquam manifestè comprobatum ex variis exemplis, quæ præmiserat, idipsumque reficit §. 5. numer. 19. In P. Amico eandem distinctionem, ac doctrinam clarè apprehendit, qui vel oscitanter legerit disputationem illam: idemque dixerit de Pasqualigo, & aliis pauculis, quibus generalis ea regula sine exceptione imputatur, non quia eam tradant; sed quia interdum minus cautè, minus exactè loquuntur, & id apparere faciunt verba, ut jacent, à suo contextu revulsa.

10 Similiter, cedo mihi unum Auctorem, qui generaliter asserat, probabile minus tutum esse rectam morum regulam, cum incumbit obligatio eligendi, quod est tutius. Vel alterum, qui in particulari affirmet, illum semper licitè, aut prudenter agere, qui propria auctoritate spoliatur legitime possidentem confisus opinionem tenuis, aut minoris probabilitatis, qua credit rem esse suam. Vel qui in eadem dubitatione circa mortem sui consortis licitam conjugatis facultatem concedat convolandì ad alias nuptias. Similia exempla passim obvia sunt apud Auctores, atque ex eis constat, universalem doctrinam de usu licito probabilium opinionum ex mente ipsorum non spectare ad merè speculativas, quæ à practicis, & objecto differunt, & ex diversis principiis comprobantur, & propterea sæpe usuvenit, ut sint practicè improbabilis, quæ probabiles sunt speculativè. Practica enim

enim probabilitas, aut improbabilitas illarum non mensuratur ex intrinseca, & directa probabilitate, quam ex propriis habent; sed per extrinsecam denominationem estribuitur ab aliis opinionibus practicis, quæ affirmant, usum ipsarum esse, vel non esse licitum, inspectis omnibus circumstantiis occurrentibus, quas vera prudentia discutit.

11 Jam verò si practica probabilitas, seu, quod idem est, licitus usus alicujus opinionis, non precipitanter, non temerè, non à vi aliqua credulitate, affirmatur; sed gravibus fundamentis innititur, qualia in negotiis magni momenti pro loco, ac tempore solent postulari, idque totum moraliquadam, ac civili certitudine post sufficientem diligentiam ab operante agnoscat, ut passim evenit, tunc absque ullo scrupulo affirmari poterit, seclusa exceptione quavis, eam esse regulam morum sufficientem in hoc statu ignorantie, atque caliginis ad evitandum peccatum per se, ac ratione sui displicens Deo, & coram ipso ad odium, & vindictam imputabile. Neque erit censura dignus, qui positivè affirmaverit: *Generatim, dum practica probabilitate, eaque certa, alicujus opinionis consili aliquid agimus, semper prudenter agimus*: nam practica probabilitas omnes circumstantias inspicit, & secum ipsa prudentiale iudicium importat, aut non erit certò talis. Unde nulla prorsus exceptio est opus, siue in Medicis, siue in Iudicibus, siue in Sacramentorum ministris, siue in Regibus bellum inferentibus, siue in quibuscumque aliis.

12 Et hæc est opinio, quam benignam vocant, suis propriis notis descripta, & ex mente Auditorum, qui eam descendunt, legitime explicata. Neque enim volunt, temerarias quasque, aut leves affirmationes licitæ ad non peccandum sufficere; sed solidas, ac bene examinatas. Porro illi neque pauci sunt, neque levioris armaturæ; sed innumeri, iidemque gravissimi, tam antiqui, quam moderni post valde diligens, & accuratum examen. Pro antiquioribus pugnavit strenuè Stephanus de Chams peculiari opusculo, cujus est inscriptio: *Quæstio facti*; pro omnibus verò Alphonsus Antonius de Sarasa *part. 2. de arte semper gauden. ex recta conscientia efformat. tract. 4. post num. 49.* ubi centum

octoginta novem Auctorum profert catalogum: omnium diligentissimè Antonius Terrillus de *conf. probab. q. 22. per totam*; nec sine fructu legetur Giballinus *tom. 1. de Scient. Canon. lib. 3. cap. 7. quæst. 4. à num. 17. pag. 317. & q. 5. corol. 15. à num. 5. pag. 354.*

13 Pro usu nominum in fine observo, præter opiniones probabiles, quas merè speculativas appello, quia nullatenus versantur circa illa, quæ operanti licent, aut non licent, dari alias, quas nonnulli vocant absolutè practicas, alii speculativas; alii verò speculativè, seu remotè practicas. Practicas quidem, quia circa licitum, aut illicitum eidem ipsi, qui illas habet, immediatè versantur, & quid sit ab eo fugiendum, vel agendum, distant; quod ab intellectu speculativo alienum esse, præmonebat Aristoteles *lib. 3. de Anima cap. 9.* ibi: *Intellectus speculativus nihil eorum, quæ sub actione cadunt, contemplantur; nec omnino si aliquid sit persequendum, aut fugiendum.* Speculativas verò, quia rem abstractè considerant, præcindendo à circumstantiis hic, & nunc intercurrentibus, & proinde à praxi maxime elongantur, & minus ipsi deserviunt: ad modum, quo *Medicina, quæ tota sub practica continetur, dividitur in theoreticam, & practicam, secundum quod ea, quæ in Medicina tractantur, sunt propinqua, vel remota ab operatione*, ut ex Avicenna habetur apud S. Thomam *opus. 70. q. 5. art. 1. ad 4.* Remotè denique, seu speculativè practicas, quia ex utroque extremo nonnihil participant, etsi ad practicas propinquius accedant.

14 Jam verò quia sæpius contingit, ut actiones, quas probabilis opinio affirmat licitas esse, aut illicitas, præcindendo à circumstantiis, de licitis in illicitas transeant, aut è contra, vi alicujus specialis circumstantiæ occurrentis de præsentibus, & quoad hoc eadem est ratio de merè speculativis, quæ de speculativè, seu remotè practicis, omnes promiscuè inter speculativas recensebo, & easantum prædictæ probabiles appellabo, sequens communem sensum, quæ probabiliter distant operanti, actionem aliquam hic, & nunc sibi licere. Nec quidquam refert, siue universales sint, siue particulares sub eis directè contentæ, aut subalternæ, ut Dia-

lectici

lectici loquuntur , quia *ad scientiam practicam pertinet universale iudicium de agendis*, ex Angelico Doctore *q. unic. de virtut. art. 6. ad 1.* & utraque movet ad opus, ut cum Aristotele affirmat *quæst. 17. de verit. art. 2. ad 7.* Quocirca si non obiecto, vel terminis, sed sola universalitate, & particularitate inter se differant, vel utraque, vel nulla erit practicè probabilis, ut Joannes Sanchez, Giballinus, & alii permulti observant, à quibus, re intellecta, nemo dissidere valet, nec dissidet in hoc sensu.

CAPUT II.

*An quisquis tenui aliqua probabilitate, si-
ve extrinseca, siue intrinseca, confusus
aliquid agit, semper prudenter agat?*

15 **H**OC etiam damnata opinio generatim asserbat, & ne umbram quidem probabilitatis habet (ut ex antea dictis constat) quatenus indistinctè comprehendit etiam tenuous probabilitatem eorum opinionum, quas appellant, aut me-
re speculativas, aut speculativè practicas. Quocirca Auctores communiter quasdam opiniones agnoscunt adeò tenuis probabilitatis, ut eis semper, & ubique uti non liceat; sed solum in casu urgentis necessitatis. Ita post Petrum de Soto, atque Navarrum, Lessius *lib. 2. de iust. & jur. cap. 17. numer. 77.* his præter cætera : *Nunquam tamen hac sententia utendum extra usum gravissimæ necessitatis ob tenuous illius probabilitatem.* Thomas Sanchez *lib. 2. de matrimon. disput. 36. numer. 8. & lib. 1. in Decalog. cap. 9. numer. 25.* Reginaldus in *praxi libr. 13. numer. 89.* Baldellus *tom. 1. Theolog. moral. disp. 15. numer. 15. & disp. 12. num. 3. & 4. & num. 8.* ubi idipsum ad opiniones, quas appellant parum tutas, parumve securas, accommodat. Et, qui sub expresse nomine tenuis probabilitatis peculiarem quæstionem ex professo instituerat, antequàm decretum Pontificium ederetur, P. Franciscus Bardi *disput. 4. de consuet. cap. 13. per totum.*

16 Quod si sermo restringatur ad practicas opiniones, aut, si ita loqui vis, practice practicas, quæ, inspectis omnibus occurrentibus, aliquid licere affirmant, sed sola tenui probabilitate, adhuc sub

his terminis puto iustissimè potuisse condemnari. Quippe tenuis probabilitas ex ipsa vocis notatione non est probabilitas certa gravi omnino fundamento innitens, sed debilis, infirma, & incerta, & hos ut minimùm defectus involvit additamentum illud tenuitatis. Nam cum opinionum probabilitas minor, aut major ex viribus illarum æstimari debeat, quæ sortes sunt viribus ad persuadendum licitum esse, quod dicant, & ad resistendum contrariis, meritò reputantur apud omnes verè, proprièque probabiles : & hæc sunt, quibus benigna opinio conscientie securitatem attribuit, dum in tali statu perseverant. Quæ verò tenuous sunt robore ex suis propriis fundamentis, leves, ac debiles viribus, tametsi nonnullas habeant, tanquam ruinoso fundamento innixæ, & vehementer de improbabilitate suspectæ prudentem securitatem per se loquendo non coterunt; sed temerariam quamdam confidentiam asserunt.

17 Et sanè contraria opinio iure optimo potuit scandalosa, ac perniciose censeri, vel ex eo solum, quia, ut jacer, magnam occasionem exhibet errandi in via rectæ morum, & declinandi ad viam latam. Laxat enim ultra modum terminos solidæ, ac veræ probabilitatis Theologicæ, dum quæcumque tenuous probabilitatem comprehendit intra fines probabilitatis, cui semper fidere securè valeamus. Nam vox illa *tenuis probabilitas* obscura est, & parum usitata apud originales Doctores, & dum traditur absque ulla certa explicatione, seu definitione sui significatus, magnam occasionem tribuit credendi, semper licitè applicari ad praxim, non solum opiniones certò, seu verè probabiles; sed etiam semiprobabiles, vel proximè ad probabilitatem accedentes, quamvis re vera consistant extra terminos certæ, aut veræ probabilitatis. Nam vox illa inexplorata omnes inter se confundit. Neque fines tenuis probabilitatis transgredi videtur, qui in operando sectatur probabilitatem adeò exiguam, ut communiter credatur, non esse parvam; sed nullam propriè, & in rigore talem. Et qui levi, aut tenui fundamento innixus rationis, vel auctoritatis suadentis aliquid hic, & nunc sibi licere, idipsum agit de facto, tenui utique probabilitati se

se confidere merito dicere poterit; sed nullatenus perveniet ad veram securitatem.

18 Necamen hæreamus vocibus, diligentius examinare juvabit, quæ sit tenuis probabilitas, & quo sensu accipiat. Videtur enim tenuis probabilitas nunquam esse probabilitas verè, & in rigore talis; sed imago, & apparentia illius, cum re vera sit minima, aut parva improbabilitas colore aliquo veræ probabilitatis larvata. Nam probabilitas illa Theologica, cui securè confidere valemus, & operationes nostras regulare, nisi debet auctoritati, vel rationi gravi, qualis in negotiis magni momenti postulari solet: & si hæc desint, eo ipso deerit probabilitas, tam certò, quam propriè talis. E contra verò tenuis probabilitas ea est, quæ nequaquam nititur auctoritate, vel ratione gravi; sed potiùs levi, & exili: ad modum, quo tenuis diligentia investigandi, utrum aliquid nobis liceat, aut non liceat, ubi alia major adhiberi potest, negligentia potiùs est, quam diligentia, cui prudenter confidere valeamus.

19 Unde, si quis rectè advertat, tenuis probabilitas, sicut & tenuis securitas, aut tenuis sortitudo, implicationem quandam involvere videtur, nisi terminiamplius explicentur, & alter ex ipsis à sua propria significatione distrahatur. Nam tenuis probabilitas tenuem quoque securitatem importat, tenues vires, leve pondus, & adeò exiguæ efficaciz, ut prudentem spem gignere nequeat se se defendendi, aut insinuandi sapientibus absque studio, & odio iudicantibus. Ex adverso autem probabilitas propriè, & in rigore talis graves, fortesque vires importat ex suis motivis acceptas, tantæque efficaciz, ut apud eodem sapientes se possint cum satisfatione defendere, & persuadere eisdem, quod suadent: ita scilicet, ut, quamvis non convincant, incerta victoria maneat, & lis adhuc sub iudice, quin certò constet in ipso disputationis offensivæ, aut defensivæ conflictu, utrum vincant, an vincantur? Explicatur. Quia unum, idemque motivum absolutè, & in se consideratum nequit esse leve, ac grave: tenue, ac forte: imbecille, ac robustum: parvi ponderis, ac magni. At motivis veræ probabilitatis gravitas, & alia affinia necessariò convenire debent; motivis verò

tenuis probabilitatis levitas, tenuitas, & alia id genus. Ergo mutuam repugnantiam habent.

20 Propterea Caramuel *disquisition. 2. in marg. litt. A. 19. in fine* existimat, omnes opiniones tenuis probabilitatis esse re vera improbables, & ideo nulli prudenti ad regimen conscientiz sufficere, esto earum improbabilitas non sit magna, sed parva, vel minima, quatenus proximè ad probabilitatem accedunt, vel ab ea non multum elongantur. Nec dubium, quin, sumptà in hoc sensu tenui probabilitate practicè practica, evidentissimum fiat, eos, qui ipsi confidunt, &, præcognita ejus tenuitate, eidem in praxi se accommodant, imprudentissime agere, & nedom *semper*, sed *nunquam* posse licitè secundum illam operari. Sensus etiam ipse satis genuinus videtur, & accommodatus conceptibus, quos, auditis illis vocibus, communiter efformamus. Sed necessariù non est ad defendendum, eos, qui tenui probabilitati cogniz ut tenui in operando se accommodant, nec semper agere licitè, nec semper prudenter agere. Satis namque est ad eum effectum, si tenuis probabilitas in sua tota latitudine accepta opinionibus re vera improbabilibus interdum conveniat, quamvis interdum probabilibus etiam applicari valeat. Nam quæ tanta est, ut practicam improbabilitatem non excludat, sed cum ea simul in eodem assensu existat, nunquam licitè, aut prudenter ad praxim reducit, quidquid sit de alia minore, quæ certè, aut verè probabilitati non repugnet, sed cum illa in eodem subjecto componatur.

21 Jam verò quòd probabilitas adeò decrescere possit ob adjunctam tenuitatem, ut in improbabilitatem degeneret, exatque sui conceptus veritatem, inde perspicuum est. Quia probabilitas tenuis non est probabilitas, nisi cum addito diminutione vires ejus, pondusque rationum, quibus comprobatur. Atqui diminutio ista semper major, ac major esse potest, quousque deveniat ad maximam reitatem, infra quam nulla alia deret verisimilitudo etiam minima. Ergo tunc non erit probabilitas simpliciter, & absolutè; sed solum secundum quid, & cum addito alienante ipsam. Vera quippe probabilitas certum gradum verisimilitudinis, sec-

cu-

curitatis ; ac virium sibi deposcit , infra quem decrefcere non valet , aut conſervare ſuos limites . Igitur ſi adeo extenuetur , ut ab eo gradu deiciatur , vera jam eſſe nequibit . Quid enim , ſi ullæ vix vires , aut ullum vix pondus præ nimia ſua levitate , aut imbecillitate ſuperſit ? An illa erit probabilitas ? An ſine ſcandalo affirmari poteſt , cum ſemper prudenter agere , qui non jam utcumque tenui fidit probabilitati ; ſed tenuiori , aut tenuiſſimæ ?

22 Obiicies cum Paſqualigo decif. 20. Tenuis calor veriffimè calor eſt : tenuis gratia habitualis , vera ſanctitas : atque , ut aptiora alia exempla adiciam , tenuis remorſus conſcientiæ , verus remorſus : tenuis imprudentia , vera imprudentia : tenuis improbabilitas , vera improbabilitas : tenue beneficium , verum beneficium . Igitur & probabilitas tenuis erit etiam vera probabilitas . Confirmatur 1. Nam minima probabilitas neceſſariò tenuis eſt ; immò tenuiſſima , ſicuti minimus calor , minima ſanctitas , & minima improbabilitas . At minima probabilitas non ideò deſinit eſſe verè , & in rigore probabilitas , ut eiſdem exemplis patet . Ergo neque probabilitas tenuis ideò deſinit eſſe vera probabilitas . Confirmatur 2. Quia probabilitas tenuis , & mediocriſ ſolum differunt ſecundum magis , & minus intra eandem ſpeciem , ſicut mediocriſ à magna , & major à minore . Sed quæ non differunt ſpecie , ſed duntaxat ſecundum magis , & minus , ejuſdem ſpecifici conceptus veritatem retinent . Omnes igitur tam verè , quàm propriè probabilitates erunt , ſive tenuis , ſeu mediocriſ , ſive magna , ſive minima .

23 Apparens certè argumentum ; ſed omnino tenue , niſi vocibus ludere velimus . Tum ad hominem . Quia ipſe Paſqualigus tom. 1. de Sacrific. Miſſæ. traſſ. 1. quæſt. 318. num. 3. expreſſè affirmat , probabilitatem levem , & non bene fundatam nullatenus eſſe curandam , vix impotentem vincere præſumptionem in contrarium . Tum abſolutè . Quia non tantum de tenui , ſed de tenuiſſima , & leviſſima probabilitate abſurdè commonſtrat ſufficere in omni eventu ad prudenter operandum , atque adeò ſine peccato formaliter imputabili coram Deo ad odium , & vindictam . Tum præterea , quia præmiſſa

ſa inductio ſæpe fallit , ac præcipuè in illis , quæ ex conceptu ſuo certum gradum magnitudinis ſibi determinant , infra quem nequeunt imminui . Sic tenuis ſecuritas vera ſecuritas , aut ſecuritas ſimpliciter , & abſolutè talis eſſe , aut dici haudquaquam poteſt , quandoquidem ideò tenuis eſt , quia plus longè habet periculi . Sic tenuis diligentia , ac minor debita , negligentia potiùs eſt , quàm diligentia , & qui eam adhibet , non diligens , ſed negligens dicitur . Sic tenuis craſſities vera craſſities non eſt , neque tenuis fortitudo abſolutè eſt ſemper fortitudo , neque tenuis opulentia verè , & abſolutè opulentia ; eademque ratio eſt de probabilitate , ac ſimilibus , quæ circa conſinia verſantur , nam ob nimiam tenuitatem à ſuiſ terminis facilè extrahuntur .

24 Certè tenuis probabilitas non eſt probabilitas fortis , neque levis gravis , & hoc ex terminis ipſis per ſe notum apparet . Atqui probabilitas , quæ non eſt fortis viribus ad perſuadendum , & defendendum quod aſſerit , non eſt vera probabilitas , ſicut neque eſt ſimpliciter , & abſolutè talis , quæ levis ponderis eſt , & non gravis pondere rationum , aut auctoritatum , quibus ſe tuetur . Ergo tenuis probabilitas , aut nunquam vera probabilitas eſt , ſecura ſcilicet , gravis , ac fortis , ut argumentabar ſuprà ; aut , ſi obſtinatè contendas etiam veras probabilitates abſque alio addito tennes appellari poſſe ex eo præciſè , quòd minores ſunt , vel remiſſæ intra ſuum ordinem , id utique explicari debet , ac determinari modus tenuitatis , ne conſcientiæ illaqueentur , & operaturi decipiantur , putantes quæcumque tenuem probabilitatem ſufficere ad prudenter operandum . Nam quòd tenuis probabilitas accepta in ſua tota latitudine amplius extendatur , & etiam opinionibus improbabilibus competere poſſit , ſi aliqualem veri ſpeciem habeant , ex dictis perſpicuè habetur . Et nemo inſiciari valet , tenuitatem eo eſſe veriorem , magiſque conſpicuam , quo plus creſcit , & creſcendo imminuit verifiſimilitudinem , cui ſuperadditur ; imminuta autem verifiſimilitudine eo uſque , ut ei prudenter aſſentiri non poſſimus , impoſſibile eſt , ut ipſi tanquam regulæ prudenter conſideremus .

25 Unde jam patet , quàm imbelles ſe argu-

argumentum Pasqualigi, quod *numer.* 22. proponebatur. Quia esto calor, & similes qualitates, quæ à parvo, magno, levi, ac gravi, imbelli, ac forti in suo conceptu formali præciseunt, in quovis minimo, ac remississimo gradu, si ille existat, retinere possint quidditatis suæ veritatem; oppositum tamen evenit illis, quæ in conceptu suo essentiali certum gradum magnitudinis sibi determinant, infra quem decrescere non valent, ut de securitate, fortitudo ine, diligentia, aliisque id generis paulò antè constabat. Jam verò quòd probabilitas practica, ea scilicet, cui pruden-ter assentimur, & securè confidimus, hujus indolis sit, antè est ostensum, atque ideo mirum non est, si decrescendo usque ad non gradum sibi essentialem perveniat, & à terminis intrinsicis suæ propriæ magnitudinis, ac conceptus extrahatur, nec jam differat secundum magis, & minus intra suam speciem; sed sicut non probabilitas, à vera, & rigorosa probabilitate.

26 Quòd si obiciat, omnem tenuem improbabilitatem veram improbabilitatem censerì, faciliè potest occurrì. Quia, ut omittat, illos terminos esse omnino inusitatos, & proinde valde specialis explanatione indigere, ne pro arbitrio uniuscujusque ampliètur, aut contrahantur; unum tamen certò constat, improbabilitatem negativè acceptam, nec suscipere magis, nec minus, nec esse tenuem, nec fortem, neque item levem, aut gravem. Ut sic enim in conceptu suo importat carentiam omnis veræ probabilitatis, nec potest augeri, ut plures excludat, quàm omnes, aut attenuari, ut vel unica supersit, quæ vi ipsius non excludatur. In indivisibili igitur necessariò consistit, ut de reliquis carentiis affirmatur: neque enim una cœcitas est major, quàm alia, nec minor negatio visus in lapide, quàm in talpa. Si verò non in se consideretur, sed in suo positivo fundamento, à quo inducitur, tunc major, aut minor ratione illius dici poterit; vel quia pluribus titulis alicui opinioni competit, & alii paucioribus; vel quia plus, aut minus inversimilitudinis habet.

27 Jam verò si tenuis diceretur, recentia utriusque vocis proprietate, implicatio esset in terminis; ampliati autem

vocibus, & re intellecta, ac legitime explicata, haud absurdè loqueretur, qui diceret, opiniones verissimè probabiles, aut etiam probabiliores tenuem aliquam inversimilitudinem interdum admittere, scilicet merè apparentem, levem, ac malè fundatam.

C A P U T III.

Quando, & quomodo inter tennes numerari debeant probabilitas minima, dubia, aut opinabilis?

28 Incipio ab ea opinione, quæ habet minimum probabilitatis gradum, de qua Pasqualigus asserit *disa. decis.* 20. tuta conscientia praticari posse, etiam concurrat cum opposita probabilissima, quia inquit, *ad huc in comparatione illius retinet suam tenuem probabilitatem, ratione cujus est secundum rectam rationem, atque adeo etiam operatio per ipsa mensurata.* Incauta sanè assertio, pejor ratio. Assertio quidem, quia restringi debuit ad opiniones practice practicas: nam, si de speculativis sermo sit, ex dictis planè constat, sæpe aliunde incumbere certam obligationem agendi secundum probabiliores, ut in iudice; vel secundum tutiores, ut in Medico, atque adeo probabilitatem minimam nihil eis prodesse ad proxim. Ratio verò, quia esto demus, sermonem esse huic Auctori, de opinionibus practice probabilibus permissivis alicujus operis, idque ex aliis ejus locis suppleamus, parum refert ad securitatem conscientie, quòd minimè in eo genere adhuc tenuem probabilitatem retineant, facta comparatione cum maximis. Nam tenuitas probabilitatis, præsertim in eo conflictu, tanta esse potest, ut in improbabilitatem degeneret, & non nisi valde debiles, parvique momenti vires serveat oppugnandi, aut resistendi validissimo contrario. Quòd si tanta sit, certum apparet, imprudentem esse ejus assensum, imprudentem illius proxim: atque ea propter Tamburinus, & alii, de quibus infra, sapienter exegerunt, ne vigenitatis opinio à sua vera probabilitate deiciatur.

29 Allegat utique pro se Pasqualigus Bresserum *lib. 3. de consc. numer. 77.* cui alij adjungunt Amicum *tom. 3. disp. 1. §. 48.*

num. 48. & 49. necnon Tamburinum lib. 1. in Decalog. cap. 3. §. 3. num. 3. Sed valde im- merito. Quia Amicus non exprimit tenuem probabilitatem, aut minimam; sed solum tenuem assensum, de eoque docet, neque semper, neque ut plurimum servire posse ad praxim licite agendi; immo nunquam deservire, nisi operans certò judicet, licitum sibi esse cum tali assensu operari. Bresserus præterea neque comparationem instituit inter probabilitatem minimam, & maximam sibi adversam, neque tenuem probabilitatem nominat; sed solum minimam, addita his ea cautione: *modò sit verè probabilis*: qua tenuitatem restringit, & ejus modum determinat, excludendo nominatim opiniones tam semiprobabiles, quàm proximè accedentes ad probabilitatem.

30 Majus negotium Tamburinus facessit: nam ex illo profecisse videtur, qui damnatam propositionem concinnavit. Sed nimis insulse, quia doctrinæ ipsius quædam addidit, & alia subtraxit, atque ita novam aliam assertionem cudit inauditam, & meritò expungendam. Verba Tamburini hæc sunt: *Dum probabilitate, sive intrinseca, sive extrinseca, quantumvis tenui, modò à probabilitatis finibus non exeat, ut explicabitur mox num. 11. fin. consili aliquid agimus, semper prudenter agimus.* Ubi, ut legis, planè deest vocula illa generatim, quæ neque in Pasqualigo, Bressero, aut Amico reperitur, quos Tamburinus appellat, non tam à se recognitos, quàm apud Bardi adinventos. Quanti autem fuerit incommodi adjectio ista, & quàm contraria menti hujus Auctoris, jam supra cap. 1. manifestè fuit ostensum. Detracta præterea sunt verba illa interposita: *Ut explicabitur mox num. 11. fin.* ut reliqua confusionem parerent, & quàm essent veri, ac proprii limites probabilitatis requisitæ ad prudentem operandum, penitus occultaretur. Illos autem, quavis prorsus improbabilitate seclusa, & sola vera probabilitate retenta, designavit Tamburinus eo in loco, ad quem se remittit, ubi leguntur hæc verba: *Atque hæc ratio allatam doctrinam probat, etiam si altera pars sit probabilior, modò major probabilitas non sit tanta, ut deiciat à probabilitate illam oppositam: quia tunc, expulsa jam probabilitate, non Theolog. Reform.*

est mirum, si inclinari ad assentiendum illi oppositæ nequeat prudenter intellectus. Videndus præsertim lib. 10. de censur. tr. 4. cap. 5. in fin. ubi & ad hunc locum se remittit, & tenuem probabilitatem plenius explicat, & tradit, illam in improbabilitatem pluries declinare, & à finibus veræ, ac solidæ probabilitatis exire, neque semper prudenter operari, qui ejus tenuitati confidunt.

31 Quocirca si ab his Auctoribus scisciteris: utrum generatim praticare liceat semper, atque in omni eventu opiniones tenuis probabilitatis? incunctanter negativè respondebunt, quia in speculativis saltem id non potest esse verum, ut ipsi sæpius affirmant, & etiam Pasqualigus defendit, maxime tom. 1. de Sacrific. Miss. quæst. 318. num. 7. Quod si rursus istes, & interrogas: an id liceat, quoties opiniones sunt practicè probabiles; sed sola tenui probabilitate, vel minima? adhuc dicent, minime licere, si tenuitas in sua tota latitudine sumatur; sed tunc solum, cum opinio verè probabilis est, inspectis omnibus circumstantiis occurrentibus, fortis viribus, & cujuscumque improbabilitatis experts. Jam verò si ulterius addas: an saltem sufficiat, quod à probabilitatis finibus non exeat? consequenter respondebunt adhuc nova explicatione opus esse, quam Tamburinus cum Bressero adjecit, & damnata propositio interponit. Opus, inquam, esse: nam alioqui magna æquivocatio inibi latet, cujus prætextu perniciosi errores possunt admitti in designatione eorum finium.

32 Aliud namque est non exire à finibus tenuis probabilitatis; aliud verò non exire à finibus veræ probabilitatis omnem prorsus improbabilitatem verè talem excludentis. Quia termini tenuis probabilitatis latius patent, ut jam vidimus, neque extra illos sunt opiniones improbabiles, cum aliqua argumenta pro se habent, unde non longè à vera probabilitate recedunt. His autem neque prudenter assentiri possumus, neque prudenter considerare, neque prudenter acquiescere in praxi; sed ad summum tenuis prudentiæ esse poterit eisdem assentiri, eisdem fidere, & in operando eisdem acquiescere: argue & tanquam parva, & minima pro nulla æstimari debet; cum opinio

à probabilitate delictur ex contrariis fundamentis. Oportet ergo, ne ratione tenuitatis exeat à limitibus verè probabilitatis, quia recedendo ab illis, pariter exiit à limitibus verè prudentiæ, & in absolutam imprudentiam declinat, re-
tentia sola apparenti, ac separata à terminis intellectualis virtutis, uti evenit etiam, cum exiit à limitibus probabilitatis certæ.

33 Sub istis limitationibus passim receptis, & à nemine, quem legerim, positive exclusis, procedit benigna sententia defendens licitum usum uniuscujusque opinionis practicæ probabilis, etsi minus probabilis sit, ac minus tuta: & sub eisdem abque novo incommodo potuit extendi ad illas, quæ intra idem probabilitatis genus minimum gradum participant. Nam sicut minimus mons, aut inter gigantes minimus satis est magnus in genere quantitatis, & valde altioris ordinis comparatione collium, aut hominum, qui gigantem staturam non participant: sic probabilitas, tametsi minima inter illas, quæ verè, & in rigore probabilitates sunt, satis magna est quoad quantitatem virium, & nobilioris ordinis, si comparatur cum aliis, quæ, in inspectis omnibus, tennes sunt viribus suisvis, ac defensivis, quales sunt, quæ subnituntur ratione non magni, sed alicujus momenti, aut auctoritate non gravius ponderis, ex. g. viri mediocriter docti, aut in moralibus minus versati.

34 Neque in hoc puncto ulla apparet specialis difficultas, quæ ab Auctoribus sententiæ rigidioris solvi non debeat, servata proportionem, in suis principiis. Pone enim, probabiles opiniones necessariò esse sectandas, & tunc minima probabilitas ad eum effectum sufficit: nec poterit assignari ratio, cur infima, & ultima excludatur, non verò penultima illi proxima, aut quare, hac etiam exclusa, idem argumentum circa antepenultimam non redeat, & sic gradatim ascendendo usque ad maximam probabilitatem, quasi in praxi nullam aliam sequi liceat. Idem inconveniens sequitur, si dicas, ad prudentem operandum tutiores opiniones seligendas esse: nam incipiendo ab infima ex tutoribus, si ea non sufficit, nunquam sistitur, donec, rejectis omnibus

tutoribus, tutissimæ solum usui relinquuntur. Atque in istis etiam inquireretur, utrum infima ex tutoribus, aut minima ex probabiliioribus dici proinde debeat tenuis, aut tenuissima, ut ex eo capite eam sequi non liceat: nam hic etiam eadem prorsus explicationes, ac cautiones adhibendæ erunt, quas Tamburinus, & Bresser nuper adhibebant, ne laborando in æquivoco regulæ spectantes ad conscientiæ directionem periculose reddantur.

35 In utraque etiam sententia pariformiter negari, vel admitti debent termini intrinseci magnitudinis, & parvitatibus: unde, si fortè infieris probabilitatem minimam intra suum ordinem, etiam probabilitas minima pari jure negabitur. Et quidem utrobique dari minimam, satis rationabile videtur: quia id passim contingit in iis, quæ suscipiunt magis, & minus, & à gravi ad leve, seu à magno ad parvum, à forti ad tenue gradatim descendunt, vel ascendunt via contraria, ut cerni potest in furto, diligentia, metu, & multis aliis. Vel, quidquid de hoc sit, ad rem præsentem sine fructu detestabitur, seu maximum quod sic, five minimum.

36 Finge enim, nullam dari probabilitatem minimam, & statim evidentissimum fiet, eam posse, ac debere in infinitum decreescere, quin ulla, quantumvis tenuis, assignari possit, infra quam aliz infinitæ sine termino minores, ac minores de facto non reperiantur. Si ergo totum istud decrementum verè probabilitati non obstat, quominus ei confidere possimus, ut, relicta via tutiore, secundum illam agamus: cur, rogo, verè probabilitati obstat poterit? Aut cur imprudentiæ erit, eam sequi, probabiliore relicta, si imprudentiæ non est, tutiore derelicta, exiguiissimam in infinitum probabilitatem consecrari? Utique in genere operationis prudentis omnes istæ secundum magis, & minus adinvicem comparantur. Nemo autem tenetur semper agere prudentissimè, aut prudentius; sed sufficit, si prudenter agat: ad modum, quo per se loquendo nemo debet sub peccato eligere honestiora, aut honestissima; sed satis est, si honesta complectatur.

37 Quod verò nonnulli obiiciunt, probabi-

babilem opinionem in concursu oppositæ probabilioris definire esse practicè probabilem , pari jure dici posset etiam de probabilissima concurrente cum tutiore , seu , quod idem in præfenti est , omnino libera à periculo transgrediendi materialiter legem Deire ipsa existentem . Atque id quidem semper , aut serè semper eveniet , si minima probabilitas concurrat cum maxima è regione sibi opposita : offuscatur enim lux veritatis , quæ ei inerat , sicut lux candelæ à luce Solis . Et propterea mihi valdè Pasqualigus displicebat , qui oppositum affirmavit , sicut & Tamburino , atque Bressero , qui semper exegerunt , ne opinio propter fundamenta alterius à sua vera probabilitate deiciatur , cujus complemen- tum erat defectus tanti contrarii noviter forsan inventi , aut ignorati antea invincibiliter . Velle tamen ex adverso , quod semper , & ubique minor probabilitas , si- ve speculativa , seu practica , extra numerum veræ probabilitatis consistat , eo quod minor sit , & alia major ipsi contradicat , neque consonum rationi apparet , nec communi hominum sensui . Nam sicut ex contradictoriis opinionibus possunt esse ambæ communes , & una communior altera , quin ista definat esse communis , ita pariter verè probabilitibus contingere potest consistendo intra suos fines .

38 Quinimò , si quis rectè advertat , quotiescumque sequens unam opinionem habet prudentem formidinem partis oppositæ , judicat & hanc esse probabilem : nam , si improbabilis esset , formido non foret prudens , nec probabilis , aut bene fundata ; sed scrupulus , aut indiscreta quædam crepiditas . Nec apparet , quo pacto intellectus rationabiliter timere possit , ne in suo judicio forsan decipiatur , nisi quia videt suum motivum , quamvis grave , non esse convincens ; sed solubile , atque forsan superabile ab oppositis motivis . Unde sæpius ille ipse , qui uni parti ut probabiliori adhæret , optimè novit , eam pati haud leves difficultates , quibus non clarè satisfacit , scitque ex adverso suis rationibus sufficienter satisfieri , quamvis non adeo expedire , sicut aliis . Et , cum istud sæpius accidat in quætionibus speculativis Theologiæ , aut alterius scientiæ , adeo ut utraque pars à ratione problematicè defendi soleat , non est , cur contingat aliter

in quætionibus liciti , aut illiciti ; sed quævis pars ab eodem intellectu simul poterit censi probabilis à principiis intrinsecis , qualia sunt , quæ ratio suggerit , aut ab extrinsecis ex aliena auctoritate acceptis , vel (quod proculdubio esset facilius) ab his una , & alia ab aliis .

CAPUT IV.

Continuatio , ubi de tenui assensu .

39 Quæ cum ita sint , non ideo censeo , opiniones quasque practicè probabiles probabilitate minima , quamvis verè tales sint , etiam relativè ad suum contrarium , eo ipso sufficere ad prudenter operandum : & quoad hoc , nisi melius explicetur , accedere non possum ad Bresserum , & alios , qui ipsum sequuntur . Sufficerent quidem , si essent verè tales in existimatione operantis , & certò cognosceretur , eas esse repositas in numero probabiliū , & à femi , aut penè probabilitibus segregatas : nam quod re vera ad hanc classem pertineant , parum refert ad agendum licitè , nisi id constet operanti . At minimè cum sint , & propinquissimè accedant ad alias , quæ non sunt verè probabiles ; sed duntaxat in confinio , difficillimum erit in facti contingentia illas discernere ; sed plerumque confundentur , quin intellectus discernat , num opinio , de qua constat non habere probabilitatem , nisi minimam , sit intra , vel extra numerum veræ probabilitatis . Accidit enim istis , quod vicini , qui de confinibus sæpè contendunt , cum ea suis propriis limitibus non sunt manifestè separata .

40 Porro limites veræ probabilitatis manifesti non sunt , sed valdè obscuri , & ideo frequentissimè vocatur in dubium , an aliqua opinio sit , necne verè probabilis , & tuta in ordine ad praxim ? Si quando autem id debet contingere , tunc maxime , quoties opinio ad summum potest attingere gradum minimum probabilitatis : nam quod cum re vera attingat , vel solum vicina maneat , & penè ad ipsum accedat , difficillimè discerni potest in re , quæ non palmis , aut ulnis , sed judicio prudentiali mensuratur . Idem minimè probabilioritati continget , si cum sibi proxima probabilitate comparetur : idem furto

minimo inter gravia : idem minimæ sollicitudine, aliisque id genus, quorum fixi termini quoad nos dubii esse solent, et si re vera illos habeant.

41 Utrum autem dubia probabilitas sufficienter deponatur tenui assensu erga unam partem? quæstio est haud tenuis momenti, & valde utilis ad praxim. Censeo in primis, strictum dubium circa probabilitatem, sive speculativam, seu practicam; immò circa quodvis aliud, quovis assensu unius partis, etiam tenuissimo, sufficienter deponi quoad effectum tollendi statum dubii strictè talis. Ratio est evidens, quia in statu dubii intellectus in utramvis partem nihil determinat; sed pendulus, ac suspensus manet nesciens, quo se vertat; sive id accidat ex defectu motivorum impellentium, ut cum dubitatur, num astra sint paria, aut imparia, seu potius ex conflictu rationum hinc inde pertrahentium, ut passim evenit his, qui deliberant de feligenda opinione, sive ad docendum, sive ad judicandum. At verò ille, qui assentitur uni parti, & aliam reiicit, quovis modo id faciat, facto ipso priorem indifferentiam perdit, nec suspensus jam est; sed uni extremo affixus. Ergo quoad effectum excludendi ab intellectu statum dubii, quicumque, vel tenuissimus, assensus satis erit, sicuti ad negationem excludendam sat est quæcumque affirmatio.

42 Attamen, quia parum refert ad securitatem conscientiae, quod dubium de veritate, aut de probabilitate opinionis distantis quidpiam licere, physicè, ac re ipsa deponatur, nisi id conficit operanti, inde aliud dubium emergit valde affine illi, quod nuper circa minimam probabilitatem enodavi. Nam quoties dubium deponitur tenui assensu erga unam partem, superesse solet valde magna, prudentisque formido partis oppositæ eisdem motivis inmixta, quibus dubium antea nitēbatur. Unde evenit, ut hic status ab statu dubii sæpè discerni non possit; sed tanquam valde propinquus cum eo sæpè confundatur. Dubio namque strictè minimæ repugnat major aliqua inclinatio in unam partem per modum suspicionis, & cum intellectus ad opposita inclinatum se se sentiat, hinc à tenui assensu, inde à formidine, in facti contingencia ægrè se

extricare potest, aut dijudicare securè in quoniam versetur statu.

43 Quippe minimus, aut tenuis assensus, sicut & tenuis remorsus, aut tenuis deliberatio valde tenuem, ac confusam speciem sui derelinquit, & nullibi frequentius nobis vel hæreret, vel errare contingit, quam circa interiores actus. Inde sæpè dubitamus, utrum deposito dubio, vel retento adhuc operati simus: inde, utrum deliberatio nostra fuerit plena, aut tantum semiplena, & insufficiens ad peccatum grave? Atque in voluntatis actibus, cum tenuis, & inconstans fuit noster consensus, passim ambigimus, utrum aliquando defuerit? sicut & cum tepidè resistimus gravi tentationi, nescimus, an resistentia continuo perseveraverit? Neque ista solum rudibus, aut scrupulosissis contingunt; sed doctis etiam, ac pacatis, ut quisque apud se experietur, & apud alios persape, qui eorum confessiones audiunt.

44 Propter hanc incertitudinem, seu indiscernibilitatem communis sententia mihi vera fert, tenuem assensum permissivum alicujus operis, sed valde formidolosum, non excusare à peccato, nec sufficere ad conscientiam dubiam deponendam, prout oportet ad licitè operandum. Ita Corduba lib. 3. de conse. qu. 5. P. Fillucius tr. 21. cap. 4. num. 156. P. Vasquez 1.2. disp. 67. cap. 2. num. 7. P. Sanchez lib. 1. in Decalog. cap. 10. num. 4. P. Baldellus tom. 1. lib. 4. disp. 10. num. 5. P. Giballinus tom. 1. de sciens. Canon. lib. 3. cap. 7. qu. 6. num. 1. fol. 356. P. Bresserus lib. 4. de conse. num. 14. et si dicat, id esse per accidens. P. Amicus tom. 3. disp. 15. num. 48. & 49. Angelus Bossius de conse. dubia. part. 2. tit. 1. §. 33. num. 1146. Alexander Pefancius 1. 2. quæst. 19. art. 6. disp. 6. de conse. dubia. Quod si in istis circumstantiis regulariter discerni nequit, an adde verus assensus erga partem minus tutam, quomodo discerni poterit, num re ipsa detur assensus verè probabilis? Id autem prorsus necessarium est, ut jam expono, ad operandum prudenter, atque ad deponendum dubium modo sufficiente ad praxim: neque enim prudentis est assentiri, cum nescit, num prudenter, vel potius imprudenter assentiantur: neque operatio prudens esse potest, cum ex assensu imprudenti, vel prudenti omnino dubia derivatur.

45 Quocirca cum grano salis excipendum est, quod tradit Vasquez, ac reliqui nuper citati, exceptis Filliucio, ac Corduba, nempe si quis bene perciperet tenuem assensum, quem habet, nil ob stare in dicto eventu, quominus cum illo licite operari possit, quamvis partem minus tutam amplectatur. Moveor. Quia is tenuis assensus, imprudens potest esse, ac improbabilis, & substantialiter debilis ad resistendum rationibus, quæ suo pondere intellectum prius dubium reddebant, & nunc cogunt tenuiter assentiri, ac vehementer formidare. Perinde autem est in ordine ad effectum operandi imprudenter, ac illicite, non deponere dubium, nisi improbabili ter, ac illud absolute non deponere; sed in eo perseverare. Unde ut prædictus assensus cognitus, ac bene perceptus ad licite operandum deserviat, non debet esse adeo tenuis, nec adeo magna formido, ut à vera probabilitate ipsum deiciat, neque puto aliud voluisse Vasquium, & assecras ejus.

46 Fortè tamen aliquis contendit cum Arriaga tom. 1. in 1. 2. diff. 27. à num. 7. hoc dubium deponi non posse, nisi per assensum probabilem, atque adeo istam præcautionem superfluum esse. Sed, ni fallor, longè facilius percipitur, posse physicè intellectum in iis circumstantiis elicere improbabilem aliquid assensum debilibus motivis innixum, & conceptum imprudenter, quam cordatum, ac probabilem. Nam quòd imprudentem tunc, ac improbabilem habere possit, satis manifestè ostendunt, cum judicia temeraria contra proximum probatæ vitæ voluntariè concepta, tum etiam hæreses, quibus assensus præstat contra evidentiam credibilitatis fidei, & obligationis ejus. Quòd verò intellectus possit prudenter assentiri alicui objecto, cum fortiores rationes in contrarium vehementer ipsum propellunt, non adeo bene percipitur. Decreviscit enim prudentia assentientis tanto magis, quanto magis tunc augentur rationes in oppositum trahentes, & cum minima est, aut valde parva, à multis imprudentia censetur, ut ab ea difficillimè discerni poterit. Sed de istis sic debet philosophari, sicut superiori capite de minori, auretiam minima, vera tamen, honestate, & probabilitate disserimus.

Theolog. Reform.

De opinione probabiliter probabili.

47 **G**Ravior difficultas est, & magis propria hujus loci, cum formido, aut dubium immediatè non versatur circa veritatem opinionis minus tutæ; sed circa probabilitatem ejus. Aliquando enim, juxta dicta, tam opinio affirmativa, quam negativa obligationis est verè, ac propriè probabilis, & digna assensu sapientium, quamvis hinc inde adsint rationes dubitandi, aut formidandi de veritate uniuscujusque: atque id certò potest affirmari considerando reflexè vires persuadendi, ac resistendi, quibus pollet unaquævis, & ita evenit, dum controversitur, vel quisque apud se recogitat, utra ex cis sit probabilior: nam de excessu non posset disputari, nisi utraque probabilis crederetur. Aliquando verò circa idipsum dubitare, aut formidare contingit: neque enim semper est certum, aut cognitum per media infallibilia; sed sæpè in opinione versatur, & aeriter controvertitur, utrum aliqua doctrina sit probabilis, vel potius improbabilis? Et ita contingebat non paucis opinionibus ex damnatis à Pontifice, antequam proscriberentur, & passim in libris haud temerè similes quæstiones agitantur. Quapropter nunquam satis admirari possum Celladeum in append. qu. 4. quatenus ex professo convellere tentat veritatem istam hucusque indubitatam. Sed quàm irritò conatu, aperte deprehendet, qui legerit antagonistam ejus Terillum de reg. mor. 1. part. qu. 32. per totam.

48 Quæstionis ergo sit utrum ad licite agendum requiratur practica probabilitas certa, vel satis sit probabilitas merè probabilis? Merè probabilem sufficere non affirmant, nisi pauculi, & valde pauculi, ut Terillum observat supra qu. 20. num. 3. Ego tres tantum invenio assertores exploratos, Pasqualium decis. 18. Arriaga supra num. 8. Tamburinum lib. 1. in Decal. cap. 3. §. 3. num. 9. sed nullum, qui ex professo rem discussit, & ejus difficultatem expenderit, sicuti opus erat, ut auctoritate sua certò probabilem redderent doctrinam istam, tot aliis ex adverso reclamantibus. Contraria itaque sententia valde communis est, & merito attribuitur

tur non solum Comitolo, Philaleto, Aravio, Goneto, & aliis, qui ad prudenter operandum majorem probabilitatem requirunt; sed etiam omnibus aliis, qui absolute probabilitatem practicam in opinione deposcunt. Quia probabilitas solum probabilis non est simpliciter, & absolute probabilitas; sed solum secundum quid, & cum addito: ad modum, quo opinio probabiliter falsa non est absolute falsa, neque vera probabiliter est simpliciter, & absolute vera, aut certa probabiliter, certa absolute.

49 Tribui etiam debet innumeris, qui in ultimo iudicio conscientiae, quo actus humani immediate regulantur, moralem certitudinem exigunt, ut actio, quam licere distat, re vera licita evadat. Nam moralis certitudo de usu licito opinionis probabiliter solum probabilis nullo pacto haberi potest: neque ulla principia practica certa moraliter exhiberi valent, unde talis conclusio deducatur. Illi etiam, qui probabilitatem dubiam partis minus tute reiciunt, si attentè legantur, dubiam accipiunt pro incerta, & tam strictè, quam opinative dubiam reicere intendunt. Unde Salas statim appellandus eandem ipsam, quam excluserat sub nomine opinionis probabiliter probabilis, sub nomine dubiae postea reiecit: & P. Sanchez, qui lib. 1. in *Deal. cap. 9. num. 18. sine* tradit, opiniones dubiae probabilitatis tuta conscientia non posse reduci ad praxim, id solum probat auctoritate P. Salas, & Medinae accepta ex iis ipsis locis, ubi non de probabilitate strictè dubia, sed de probabiliter probabili expressum differebant.

50 Ab eadem assertionem in propriis terminis fiat Medina 1. 2. qu. 19. art. 6. conc. 1. 1. Salas tom. 1. in 1. 2. tr. 8. num. 41. & 44. quos sequitur P. Sanchez eo num. 18. Balellus tom. 1. lib. 4. disp. 10. num. 4. ubi id eundem vocat. P. Honoratus Fabri in *Apologet. dial. 1. de opin. prob. fol. 12. & 13.* P. Bresserus lib. 3. de *consc. num. 64.* P. Bardi de *consc. disp. 4. cap. 10.* Cyrillus Rubeus de *meritorum elemosyn. art. 1. §. 33. num. 22.* P. Terillus de *consc. disp. 25. ubi num. 1.* illis adjungit Lugum, Merulam, Lao, Mastrium, ac Spinulam, quos consulere non potui. Et hac sententia, quam Angelico Doctore haud immerito adscribunt Medina, Salas, & Sanchez, mihi ve-

riffima apparet, & prorsus necessaria ad evitandum innumeras laxitates, quae prae-textu contrariae induci possent.

51 Atque in primis dum opinio negativa probabilitatis practicae certò probabilis est; affirmativa autem incertò, non apparet, qua ratione huic prudenter assentiri, aut confidere possimus; cum de hac ipsa prudentia prudenter formidemus, & adeò validis motivis credamus, imprudentiae potius esse, quam prudentiae, certò prudentem opinionem relinquere, & eam praepone, de qua meritò affirmamus fortassis esse imprudentem. Propterea in hoc casu Merolla tom. 1. *disp. 3. cap. 4. dub. 1. corol. 3.* putat, necessariò requiri, ut opinio affirmativa probabilitatis sit etiam certò probabilis. Sed profecto in aliis omnibus ferè equalis difficultas cernitur. Quid enim, si longè probabilius sit, affirmativam opinionem esse re vera improbabilem, indignamque assensu sapientium? Poterit ne tunc voluntas nostra aut assensum ejus prudenter imperare, aut intellectus judicare prudenter, eam esse probabilem, tutamque in praxi? Nullatenus. Quia probabilior formido de illius improbabilitate destruit dictamen prudentiae, nec potest certò constare, usum opinionis minus tute esse licitum, ac tutum à periculo agendi contra legem Dei imputabiliter, dum incertum est, utrum praesumptio de veritate ejusdem opinionis sit prudens, vel expers prudentiae.

52 Atque id universim accidit, quoties formido imprudentiae, atque improbabilitatis, quam contraria opinio ingenerat, non est scrupulosa, vel levis; sed gravis, ac bene fundata. Nam ejusmodi formido formidolosum etiam, ac incertum reddit dictamen de licito usu; imò & de licito, ac prudenti assensu talis opinionis. Prudentia autem, cum sit virtus intellectualis, & recta agibilibus regula, de cujus essentia est certitudo, dictamina opinabilia, ac formidolosa non habet; sed moraliter secunda, ac certa. Illa verò, quae istum gradum non attingunt, verè prudentiae non sunt; sed similitudinariae, & apparentis: siquidem unum è maximis, ac praecipuis ejus dictaminibus est, declinanda esse pericula irrationabiliter, aut temerè operandi in omnibus, sed potissimè in rebus ma-

gri momenti, qualis est à malo declinare, & non transgredi Divinam legem.

53 Nec video, quomodo dictam opinabile, atque adeò formidolosum, ac fallibile, possit esse actus elicitus ab habitu virtutis prudentiæ; aut quomodo vi sua formaliter possit securum reddere operantem de usu suo prudenti, ac licito. Nam si fallibile est, eo ipso contingere poterit, ut agens secundum ipsum fallatur, & existimandose rectè, ac prudenter agere, non agat, nisi oblique, & imprudenter; implicat autem, ut opus suæ rectæ, atque legitimæ mensuræ conforme, non sit etiam legitimum, ac rectum. Unde quamvis sæpe sapius inculpati errores juris, & facti inveniantur in quocumque homine prudenti, illi neque per modum præmissæ prudentiam juvare possunt ad suas conclusiones eliciendas, neque secundum se considerati sunt actus prudentiæ, aut imprudentiæ; sed meræ speculationes nihil prædicte dictantes de agendis.

54 V. g. cum *Genes.* 29. putavit Jacob, sibi non esse prohibitum lege temperantiæ, aut adulterii, accedere ad hanc mulierem, nempe ad Liam, quæ vera non erat ejus uxor, haudquaquam judicabat per prudentiam, illam esse suam uxorem: nec esset actus prudentiæ, si concluderet, talem accessum hic, & nunc sibi esse licitum ex eo, quod liceat accedere unicuique ad suam uxorem, & ea mulier sua uxor esset. Redderet enim non causam pro causa, & planè deciperetur, putando ob illam rationem se de facto agere honestè. Quare & consequens illatum, tametsi in se verissimum, ac infallibile, hoc ex suis præmissis non haberet; sed aliunde: nam ex falso ita potest sequi falsum, sicut verum. Syllogismus ergo practicus, ac prudentialis, unde prorsus infallibilis reddebatur illa veritas, ex duabus evidentiibus præmissis in hunc modum concludebat. *Servatis aliis servandis circa matrimonii usum, quilibet honestè accedit ad eam mulierem, quam inculpate putat esse suam absque ulla prorsus ratione dubitandi in contrarium. Sed ego hic, & nunc sic puto de hac muliere, quam præsentem habeo. Ergo, servatis aliis observandis, honestè ad illam accedo.*

55 Agnosco, prædicta esse non parum spinosa propter multas reflexiones, ac

probabilitatum probabilitates, quæ immiscuntur. Sed materia id fert de se nimis abstracta. Nec specialis difficultas est in opinione, quam benignam vocant. Nam & altera rigidior, quæ inter opiniones solam prædicte probabiliorem putat in praxi sequendam, eidem discrimini substat. Quippe in ipsa inquiri debet, & explanari, an sit satis probabilitas merè probabilis, vel sufficiat sola certa, & quem gradum, ac modum certitudinis habere debeat, ut periculum peccandi imputabiliter omnino declinetur. Quod si probabilis sufficit, adhuc perquirendum restat, utrum saltem requiratur, quod probabilitas sit probabilior, vel sufficiat æquæ, minusve probabilis, aut ea etiam opinio, de qua ambigitur, num probabile sit, vel potius improbabile, eam esse probabiliorrem? Et ita similes prorsus in ea sententia perplexitates recurrent, eo difficilius extricandæ, & applicandæ ad praxim, quo difficilius est certò discernere inter opiniones, quæ sit probabilior, & quanta verisimilitudine credatur probabilitas ejus.

56 Neque ab his molestiis sunt immunes, qui pronunciant non jam probabilia, vel probabiliora, sed tutiora esse amplectenda. Quia multis duobus præcepta incompatibilia menti occurrunt, & incertum est, quodnam ex ipsis præponderet in ejusmodi occurrence. Unde quamvis generatim pronuntiatur id, quod strictius obligat, anteponendum esse, de hac ipsa strictiori obligatione in particulari passim dubitare contingit: neque enim semper est certa, cum etiam apud Auctores in contrarias opiniones divisos frequenter reperitur controversia. Et tunc redibunt quæstiones, quibus isti Auctores alios aggravant, quasi ad se non pertinerent.

CAPUT VI.

Quali, & quanta certitudine opinionum probabilitas constare debeat, ut ei fidere possimus, & quomodo haberi valeat?

57 **C**onstat apud omnes, non requiri certitudinem physicam, aut metaphysicam; sed sufficere moralem. Sed quia hujus varii sunt gradus, & aliqua

ex. g. ea, quam habemus de existentia Romæ ex historiis, tantam connexionem habet cum veritate sui objecti, ut difficillimum sit, ac prorsus incredibile ei unquam subesse falsum; alia verò non tantam, sed minorem, minusque infallibilem, dicendum in presenti est, summam illam minimè desiderari; sed aliam minus exactam de probabilitate suæ opinionis sufficere ad prudenter operandum, & absque ullo prorsus periculo offendendi Deum, vel transgrediendi imputabiliter legem ipsius, aut agendi cum meritò vituperii, ac pœnæ ratione illius actionis immediatè.

§ 8 Ratio autem est, quia in plerisque aliis materiis, ubi moralis certitudo exigitur, minimè desideratur illa exactissima, quæ semper conjungitur cum veritate sui objecti, aut quæ ex vi sui moti convincat speculative intellectum, reddatque omninò securum de existentia illius; sed sufficit magna quædam probabilitas, quando hic, & nunc nulla occurrit specialis ratio dubitandi in contrarium. Sic homo inter Catholicos natus moraliter certus est de suo Baptismo. Sic Sacerdos de sua ordinatione. Sic fideles de existentia Christi in hostia, quæ elevatur. Sic iudex de veritate delicti, quod duobus, aut tribus testibus omni exceptione majoribus legitimè comprobatur. Sic filii de parentum suorum veritate. Quia esto in his casibus interdum contingat deceptio, & media, quibus probantur, non sint adeò infallibilia, quin falsa interdum reddantur; nihilominus civili, & humano modo pro veris, certisque habentur, & talia esse præsumuntur, dum contrarium non probatur gravi aliqua, specialique ratione, quæ prudenter intellectum titubare faciat.

§ 9 Unde quoties illa deficit, neque homini licet repetere subconditione Baptismum, aut ordinationem suam, ut licet in casu dubii, ac probabilitatis; neque fideibus negare adorationem etiam absolutam huic hostiæ, vel isti calici, qui ut consecratus proponitur, quamvis defectu intentionis, ordinationis, aut legitimæ materiæ nonnunquam accidat, ut non sit consecratus; neque iudicibus sententiam condemnatoriam omittere, licet frequenter contingat, quod testes sint falsi; nec demum filiis obsequium decretare

parentibus, quamvis merè putativi esse soleant, & non veri, ac naturales.

60 Cui exemplo S. Augustinus argutissimè insistit *lib. de utilis. creden. cap. 12.* expendens quot, quantisque fallentis sit exposita credulitas illa, cui tanquam indubitatæ deferimus, ut iis numero personis, ex quibus putamur geniti, filialia obsequia impendamus. *Non enim, inquit, ratione ullo pacto sciri potest; sed, interposita matris auctoritate, de patre creditur; de ipsa verò matre plerumque nec matri; sed obstetricibus, nutricibus, famulis. Nam cui furari filius potest, aliusque supponi, nonne potest decepta decipere? Credimus tamen, & sine ulla dubitatione credimus, quod scire non posse confitemur. Quis enim non videat pietatem, nisi ita sit, sanctissimum generis humani vinculum, superbissimo scelere violari? Nam quis vel insanus eum culpandum putes, qui eis officia debita impenderit, quos parentes esse crediderit, etiam si non essent? Quis contrà non exterminandum judicaverit, qui veros fortasse parentes minimè dilexerit, dum, ne falsos diligit, metuit?*

61 Sicut ergo in his eventibus certum moraliter, indubitatumque habetur, quod probabilibus argumentis verum ostenditur, quoties ejus oppositum non est probabile; sic pariter, cum reflexè de ipsius probabilitatis morali certitudine quaeritur in ordine ad licitè, vel illicitè operandum, illius opinionis probabilitas moraliter certa reputari debet, quæ probabilibus argumentis persuaderetur, cum probabile non est, eam esse improbabilem. Cum verò utrimque de alicujus opinionis practica probabilitate meritò controversetur, quibusdam affirmantibus, illam esse practicè probabilem; aliis verò negantibus, seu afferentibus esse practicè improbabilem, ejusmodi opinionis probabilitas certa moraliter reputari nequit, aut sufficiens ad licitè operandum, ut toto capite præcedenti contendebam; sed talis opinio inter periculosas recensenda erit, & expositas certò discrimini offendendæ Deum, & eliciendæ actionem, quæ inexcusabiliter operanti imputetur ad peccatum. Idque verum est, quamvis sententia affirmans talem opinionem esse practicè improbabilem, nimis probabilis sit; contraria verò longè probabilior: quia sola majore
pro-

probabilitas statum certitudinis conferre nequit, cum probabilis, ac prudens formido suæ falsitatis illam comitatur: unde neque ad occultam compensationem potest sufficere, neque ad reliquos effectus, ubi exigitur evidens, ac certa probatio.

62 Idipsum, servata proportionem, de majori probabilitate dici debet, si ad licet operandum requiritur, ut opinio negativa legis certo probabilior appareat. Neque enim tunc potest sufficere probabilioritas opinativæ dubia, atque adeo incerta; neque opus est magna illa certitudine, quæ ex vi sui proprii motivi oppositum reddat impossibile; sed satis, si superque erit status illi medius, quem descripsimus, ubi probabilitas uni ex extremis deficit; alteri autem certo adest. Adeoque Auctores communiter, cum de eo statu sermo incidit, certa moraliter putant jura, aut facta, quæ conscientie agentis ita proponuntur, & exinde certam prorsus voti v. g. aut legis obligationem colligunt, si probabile sit, illa existere; carere autem existentia, omni probabilitate destituatur. Quod si vice versa probabilitas faveat assensui negativo voti, aut legis, & affirmativo illius nulla probabilitas addit, ex eodem principio inferunt carentiam obligationis pro tunc esse omnino certam, & ita in plerisque aliis.

63 Videndi inter alios sunt necessitatibus hujus doctrinæ assertores explorati P. Suarez tom. 2. de Relig. lib. 4. de voto. cap. 5. numer. 5. ibi: *Illam probabilitatem facit certitudinem moralem, quando non est alia similis in contrarium: quia in rebus humanis non est major certitudo exigenda, cum vix aliquid per infallibilem evidenciam cognoscamus. Et statim: Si judicium est re vera probabile in favorem voti, illud sufficit, ut votum integrè servandum sit, etiam si sit minimum, seu cum quacunque formidine, si judicium in contrarium non est probabile.* Id ipsum repetit, & applicat subditis existimantibus, rem sibi præceptam esse illicitam tom. 4. de Relig. tract. 10. lib. 4. cap. 15. num. 21. & qui rem satis ex professo explicat, & variis materiis accommodat, Verricellip. 2. tr. 2. q. 13. Lessius lib. 2. de just. & jur. cap. 10. num. 39. & 40. Reginaldus in practib. lib. 18. nu. 276. Castro Palao tom. 1. disp. 3. de consc. punct. 9. num. 26. & 27.

fin. Averfa q. 10. de panis. sect. 3. vers. Deinde in statu dubii. Gaspar Hurtado disp. 10. de matrim. diff. 9. nu. 37. Martinon disp. 50. de panis. num. 93. Tamburinus lib. 10. de Sacram. tract. 1. cap. 3. §. 3. num. 2. & lib. 1. in Decalog. cap. 3. §. 7. verb. Etas nu. 6. Thomas Sanchez lib. 10. de matrimonio. disp. 12. a num. 39.

64 Eidem principio insistant alii permulti, quatenus affirmant, possessori nullum prorsus competere privilegium contra opinionem probabilem, quando non est illa probabilitas favens possessori; sed sola generalis formido, incertitudo, ac dubietas, quæ in tali opinione clauditur. Ita P. Thomas Sanchez in summa lib. 1. cap. 10. num. 9. Palaoubi sup. punct. 2. num. 11. Vasquez tom. 2. in 1. 2. disp. 66. num. 42. Lugo tom. 1. de just. & jur. disp. 17. sect. 4. in fin. & num. 88. Oviedo 1. 2. tract. 4. contr. 4. punct. 2. num. 10. Comitulus lib. 2. resp. moral. qu. 18. num. 2. & 6. ubi ait, esse doctrinam certam. Fagundes in 2. præcept. Decalog. lib. 2. cap. 10. numer. 4. Trullenc lib. 7. de Sacram. cap. 11. dub. 7. num. 14. Bossius de consc. part. 1. num. 966. Bonacina disp. 2. de resit. in genere qu. 2. punct. 2. num. 6. & de matrimon. q. 4. punct. 4. num. 13. Bassius verb. Debitum conjugale 1. num. 20. Castilento in Polianthea Seraphica. verb. Conjux. difficult. 27. Joannes Sanchez in select. disp. 43. num. 2. Sancrædi tom. 1. lib. 2. de essent. matrim. disp. 44. numer. 1. Bardi de consc. discept. 6. cap. 1. §. 3. Terillus de consc. qu. 23. num. 67. vers. Hic ego.

65 Quæ cum ita sint, jam inde apparet, haud difficile comparari posse certitudinem de probabilitate opinionum affirmantium, aut negantium aliquam actionem esse licitam. Sæpe namque constat operanti ex proprio studio, aut ex testimonio aliorum, quibus imprudenter denegaret fidem, à nemine revocari in dubium probabilitatem suæ opinionis, quamvis de ejus falsitate, aut veritate acris controversia vigeat. Sæpe videt, etiam illos, qui contrariam opinionem sectantur, adhærere illi ut incertæ, & alii expressè concedere probabilitatem suam, esseque eicæ probabilitatem concordem, qui circa majorem, aut minorem disputant. Sæpe scit, esse commune inter classicos Auctores, & positivè conformem plurimum.

rium hominum sapientium, atque prudentum iudicio. Sæpe novit, illam esse Sancti Thomæ, Bonaventuræ, aut alterius probatissimæ doctrinæ, cujus auctoritas magni ponderis habetur, & communiter in tribunalibus, scholis, & confessionariis recipitur. Sæpe agnoscit, eam à nemine de improbabilitate notari, aut, si ab aliquo notetur, cum ab aliis reprehendi, atque reputari audacem, & excessivè in censura.

66 Porro signa ista, & alia pleraque à Terillo congesta, & comprobata q. 5. & 6. de conse. in fine satis perspicuè discernunt certam probabilitatem à dubia, & illam saltem certitudinem generant, quæ in iudiciis, aut convictu humano pro tali habetur, sufficiensque putatur ad operandum prudenter, & fundandum obligationem, aut deobligationem in praxi certissimam. Et quamvis ei interdum misceatur aliqua formido, & anxietas; vel illa non habetur immediate de probabilitate opinionis; sed de veritate speculativa illius, aut aliorum iudiciorum, quæ præcurrunt; vel si de probabilitate ipsa habeatur, non erit formido prudens, probabilis, ac bene fundata; sed scrupulosa, & imprudens. Oritur enim ex eo, quod mortali certitudini falsitas subesse possit, & recipi aliquando subsit. Sed dum hic, & nunc nulla specialis ratio eam subesse persuadet, generalitas illa non sufficit, ut satis, superque ostendunt exempla, quæ antea præmisimus, & indisciplinati est ingenii, maxime in rebus moralibus, maiorem securitatem exigere. Videndus Cajetanus in summa, verb. *Opinionum* v. s. num. 2.

67 Major potest esse difficultas comparandi hanc certitudinem circa opiniones noviter inventas de rebus nondum antea examinatis, vel habentes contra se communem: tunc enim auctoritas deficit, unde certificari possumus, & aliunde insufficientis reputabitur sola naturalis ratio ad miniculis aliis destituta. Quia ut opinio aliqua credatur certo probabilis, ac certo prudens, certum nobis esse debet, eam gravi motivo inniti, tam absolute, quam comparative ad opinionem contrariam, ita scilicet, ut sortis sit viribus suavis, ac defensionis, ut exposui num. 19. & sæpe alias. Certo etiam debet constare, suf-

ficientem diligentiam esse adhibitam, tum ad veritatem explorandam, si forte sit assequibilis, tum ad inveniendum, an sit aliquid in contrarium convincens: sæpe enim ex negligentia id latebit, & ob ignorantiam culpabilem grave, ac forte reputabitur nostræ opinionis motivum. Certum denique esse oportet, voluntatem opinantis non esse præoccupatam fortialiqua passione, aut affectu: quia hæc frequenter rem, ut placet, non ut est in se, apparere faciunt, mentemque obcecant, ut pro veris falsis, pro certis incerta habeat, pro demonstrationibus paralogismos, & sophismata pro rebus claris.

68 Necessaria sunt hæc, fateor, ut opinio aliqua certo probabilis existimeretur, quia omnino necessaria sunt, ut sit verè probabilis; nemo autem est certus de aliqujus prædicari veritate, nisi sibi certo constet, convenire subiecto, quæ in conceptu essentiali, & quidditativo illius necessario importantur. Sed propterea non existimo ejusmodi certitudinem etiam à principiis intrinsecis adeò difficulter comparari, cum videamus, eam haberi satis frequenter de probabilitate opinionum, quæ spectant ad alias scientias, tam speculativas, quam practicas, & ad pleraque negotia; quæ maximi momenti reputantur, ut in præliis, in lucris mercatorum, aut incuratione alicujus periculose infirmitatis. Neque enim dux certus est de victoria dum hostem ad conflictum provocat, aut sibi propositum acceptat; nec mercator de lucro, dum Indicam navigationem aggreditur; neque infirmus, aut Medicus de felici successu remediorum, quæ applicat; & nihilominus certissime norunt; se prudentes, ac probabiliter agere, dum media ista exequuntur maturo examine, ac consultatione præmissis. Et quamvis non semper deveniant ad finem antea præoptatum; adhuc prudentes censentur, & spes illorum temeraria, aut stulta non putatur, neque eis culpæ, aut vitio vertitur, vel vituperio, aut poena digni fiunt propter eventum contrarium.

69 Ita igitur mukoties evenit opinionibus moralibus, etiam negativis obligationis, ac legis: nam practica ipsarum probabilitas certa esse solet, quamvis ipsæ incertæ sint, ac probabiliter falsæ, cisdemque argumentis certitudo ista com-

para-

parari potest, quibus acquiritur certitudo aliarum. Atque in primis etiam ille, qui eas excogitat, per propriam experientiam satis certò nosse potest, se indifferenter circa illas deliberasse, animo veritatis inveniendæ, & non ex aliquo affectu, aut passione exorbitante. Rursus, quod ad diligentiam spectat, etiam certò scire valet, se in ejusmodi opinione diligenda, nec præcipitanter, neque inconsideratè processisse; sed præmissò diligenti, atque accurato examine pro qualitate materiæ, & loci, ac temporis opportunitate. Quo pacto de sua diligentia certi sunt, qui latebras suæ conscientiæ ad confessionem examinant, qui in aliis scientiis, aut negotiis probabiliter, ac prudenter opinantur, qui Doctrinam Christianam, aut alias leges sui status, vel officii addiscunt, & qui in depositis, aliisque ejusmodi, ubi negligentia punitur, & peculiaris diligentia exigitur, sine reprehensione versantur.

70 Jam verò si de efficacia, & gravitate motivi, quo ducimur ad opinandum, sermo sit, illa etiam potest ut certò talis proponi in hoc genere opinionum, ut proponitur in aliis. Nam quòd argumentum non peccet in forma, sed rectè concludat, si præmissæ veræ sunt, evidentiissi-

mè constare solet. Rursus, quòd tam consequens illatum, quàm præmissæ nulli omnino principio certo opponantur, nec possint de falsitate convinci ab argumentis contrariis, ex diligentia præsupposita perspicuè cognoscitur, si ea fuit sufficiens, & à viro docto exhibita, & loco, ac temporis proportionata. Denique, quòd non sit levis momenti ad persuadendum vi sua, vel inde cognosci valet, quòd legitime desumptum sit ex causis, aut effectibus rei, de qua disseritur, aut ex absurdis, vel impossibilibus, ad quæ deducuntur, qui oppositum opinantur. Nam his homines sapientes, ac prudentes duci solent ad sua asserta comprobanda; argumenta autem à pari, vel à simili, vel à contrario sensu, nisi aliunde roborentur, rarò certam probabilitatem conciliant opinionibus moralibus, & communiter nullius roboris censentur ad extendenda odiosa, vel pœnalia. Sed de his suo loco plura, quæ interim remittimus iis, qui temperatè, ac sobriè de conscientia, & ejus officiis tractant, & tam doctis, quàm indoctis peculiare regulas, ac signa exhibent ad discernendam veram probabilitatem, & certam ab apparenti, merèque opinabili.



DISSERTATIO IV. CIRCA PROPOSITIONEM QUARTAM INNOCENTII.

Spektat ad peccatum infidelitatis, quod tunc propriè committitur, & ratione sui inimicitiam Divinam, pœnamque æternam meretur, cum aliquis fidei repugnat, vel etiam ipsam contemnit, ut sumitur ex D. Thoma 2. 2. q. 1. art. 1. corp. Contingit autem interdum, quosdam ab hoc vitio excusari, quia de Theologica fide, & Divinis loquutionibus nihil audire potuerunt, vel si qua rerum istarum notitia ad ipsos fortè pervenit; adeò imperfecta fuit, ut leves corde, citòque credentes possent reputari, si ob eam causam ab avita religione discederent. Questionis ergo est, an similem excusationem prabeat infidelibus opinio minus probabilis religioni Christiana contradicens, & positivè favens sectæ ipsorum, siue Iudei sint, siue Hæretici, siue Schismatici, siue Pagani, ut Athei, Turcæ, vel Gentiles? nam infidelitas omnibus his modis contingere potest.

CAPUT PRIMUM.

Exhibetur propositio damnata, & ejus Auctor, ac sensus, & ex Angelico Doctore profigatur.

Propositio sic se habet: *Ab infidelitate excusabitur infidelis non credens ductus opinione minus probabili.* Auctor illius fuit Joannes Sanchez in *select. disp.* 19. nu. 7. fin. & illa ante decretum plusquam falsam appellaverat, ac variis argumentis rejecerat Gonet *tom. 3. in dissert. Theolog. de probabili opin.* à nu. 239. quæ ut minus efficacia dissolvit Lumbier in *present. à nu.* 1754. nec re vera multum premunt, nisi melius proponantur.

1. Sensus propositionis valde captiosus est, quia non explicat, de qua probabilitate loquatur, vel quod sit ejus objectum, & vel ex hoc solo capite meritò configi potuit. Præbet enim infidelibus ea indistincta loquutione magnam occasionem persistendi in suis noxiis erroribus; immò & fidelibus transcundi ad ipsorum partes per relapsum, aut per apostasiam. Semper enim causabun-

tur sectam suam esse opinionem communem, & saltem minus probabilem ab auctoritate suorum Magistrorum, qui tot assclas meruerunt, & rem bene examinarunt, & eis nunquam sua argumentatio decrit. Quocirca cùm excusatio, seu tergiversatio ista verè sufficiens putetur, parum proderit, quòd fides nostra manifestè credibilior appareat, ut se obligatos existimant, vel ad illam amplectendam, vel ad ejus veritatem accuratius vestigandam. Seponenda igitur ante omnia fuisset probabilitas speculativa à practica, & certa ab incerta, quia sola practica, & certa excusare potest à peccato: atque inter personas, apostata, & relapsi ab aliis infidelibus, nam illorum nulla potest excusatio prætendi.

3. Debuitque insuper exponi, circa quid directè, & immediatè versetur minor illa probabilitas, quæ infidelitatem voluntariam à peccato immunem reddit. An negat nostræ fidei veritatem? An certitudinem? An necessitatem? An obligationem desistendi à suis erroribus, vel non accedendi ad illos, cùm veritas nostræ fidei per ministros Evangelicos sufficienter intimatur? An debitum non contemnendi, neque negligendi quod proponunt ipsis de certissima suæ sectæ falsitate

revelata à Deo, cum de veritate illius adeo prudenter formidant tanquam de minis probabilis? An omnia? Sed nil illorum negare potest opinio tuta, & practice probabilis, maxime apud cum, qui credere posset, si vellet, & non credit, quia non vult; sed potius discere mavult.

4 Cujus rei egregiam prorsus comprobationem suggessit S. Thomas *quodlib. 3. art. 10.* ubi hanc questionem examinat, inquirens: *Utrum discipuli sequentes diversas opiniones Magistrorum excusentur à peccato erroris?* Excusari enim videntur, si sequantur opiniones suorum Magistrorum, quia oportet addiscentem credere, ut pramonebat Philosophus; & proprii Magistri auctoritas ad persuadendum discipulis magni ponderis putatur, adeoque probabile argumentum præstat, ut iudex ille, qui sententiam protulit juxta sui præceptoris opinionem, tametsi falsam, & contra communem, in syndicatu excusetur ab expensis litis, & alia quacumque poena, cui obnoxii sunt injustè judicantes, ut tenent plurimi, quos dabit Bossius de *consc. 1. p. tit. 1. num. 554.*

5 Verumtamen in his, quæ ad fidem, vel ad mores pertinent iudicio Ecclesiæ Catholicæ, hæc apparens probabilitas valde insufficiens apparuit Angelico Præceptoris, atque ideo in corp. scribit, nullum propterea excusari, quòd alienus Magistri erroneam opinionem sequatur. Exigua namque, & levis est ejus auctoritas, si cum auctoritate Ecclesiæ comparetur, atque ab illa suffocatur, sicut à luce Solis lux candela, & alioquin, inquit, immunes à peccato fuissent, qui sequuti sunt opinionem Arii, Nestorii, & aliorum hæresiarcharum. Vocat autem erroneam opinionem illam, quæ Divinis literis manifestè contradicit, aut publico iudicio Ecclesiæ reprobat, & ideo tandem concludit his aureis verbis: *Qui ergo assensit opinioni alienus Magistri contra manifestum Scripturæ testimonium, vel contra id, quod publicè tenetur secundum Ecclesiæ auctoritatem, non potest ab erroris vitio excusari, nisi fortè simplex sit, atque hoc ipsum inculpate ignoret, ut ex eodem tradetur num. 67.*

6 Et ratio à priori est, quia in istis casibus ignorantia fidei veræ non potest esse invincibilis; sed necessariò est culpabilis, ut S. Doctor advertit. Atque in illo, de quo loquitur propositio condemnata, manifestum

est, quia nulla opinio excusari, aut excusare potest à peccato illum, qui potest, si velit, credere fide firma, & infallibili ob Divinum testimonium eandem opinionem esse falsam. Porro infidelis ille, qui excusari dicitur ob opinionem minus probabilem, qua putat ex. g. *Pontifice esse Antichristum*, fide firma, & infallibili noscere potest, ac credere ob Divinum testimonium illam esse omnino falsam, improbabilem, ac prorsus indignam quovis rationali assensu. Nam si id credere non potest modo dicto, atque negare quod in illa asseritur, utique non excusabitur à sua infidelitate ob opinionem probabilem, sed propter impossibilitatem credendi, quæ est evidens excusatio, & à probabilitate non pendet, sive sit major, sive minor. Ad modum, quo is, qui non restituit, quia non potest, legitimam excusationem habet, non probabilem, sed evidentem; qui autem solius opinionis minus probabilis ductu excusatur, cum opinione probabiliore accusetur, eo ipso convincitur sibi non jam potestatem, sed voluntatem deficere. Nam alioqui non jam probabilior, sed evidenter falsa esset opinio dictans, illum obligari hic, & nunc ad restitutum.

7 Quòd si dicas, S. Thomam eo loci de infidelibus non loqui; sed de his solum, qui alii quando crediderunt veræ fidei, parum obstat, sive res ipsa spectetur, sive mens illius inspicatur. Primò, quia eadem est ratio de his, qui credere potuerunt fide salutari, ac Theologica, quamvis re ipsa non crediderint: nam talis fides excludit omnem prudentem formidinem partis oppositæ, nec fieri potest, ut prudenter credat absque formidine, & ex toto corde, qui non putat omnia, quæ in contrarium trahunt, esse ponderis exigui. Secundò, quia thesis damnata pariter excusat illos, qui aliquando crediderunt, & postea infideles sunt. Nam credidisse non tollit probabilitatem contrariam, siqua erat; immò interdum accessu aliarum rationum accidere potest, ut crescat. Licebit ergo proinde ad illam regredi, & in praxi sese accommodare ductui, ac directioni illius, sicuti licebat antea, & modò credere, modò discredere, fidemque pro arbitrio suo in infidelitatem commutare: sicut propter eandem causam nunc licet esse Thomistam, postea Scotistam, & iterum ad Thomistas remeare.

Con-

Consequens autem evidenter falsum est, & à vera fide alienum, quia ex conceptu suo est irretractabilis secundum rectam rationem, & non dimittenda juxta Apostolum, licet Angelus contrarium evangelizet de Cælo. Quare in istis nullo casu (totali oblivione excepta) admittendam esse excusationem apostasiz, vel relapsus, merito docuit Suarez *disp. 15. de fide, in fin.*

CAPUT II

Propositionem damnatam, quoad suppositum scandalosam, esse, & perniciosam in praxi.

8 Supponit enim re vera reperiri apud Paganos, Hæreticos, aut Judæos probabiles opiniones contrarias fidei, quam tenet Catholica Ecclesia, & ab omnibus tenendam docet. Nam si ejusmodi opiniones non dantur, vana, & commentitia erit excusatio, quæ ab eis sumitur, neque illarum ductu fieri poterit, ut infidelibus liceat nolle credere, sed in secta sua perseverare. Quod verò re ipsa non dantur ejusmodi opiniones, inde patet, quia contra doctrinam & obligationem certam, evidentemque moraliter nulla verè probabilis opinio potest inveniri, aut prudenter reputari talis, cum sit evidens ex terminis, id, quod certè veritati, atque obligationi opponitur, quantalibet umbra veritatis decipiat, incredibile esse, & improbabile. Porro doctrinam, & obligationem fidei agnitam ut talem ab universali Ecclesia certam esse, immò certissimam, ex Divini testimonii auctoritate, cui niti-tur, perspicuum est, quia summa veritas nec falli potest, nec fallere. Esse præterea evidenter, atque prudenter credibilem absque ulla hæsitazione, aut formidine partis oppositæ, ex notis veræ fidei, ac religionis, quæ huic soli, & non alteri conveniunt, demonstrant Theologi, ac præcipuè Bellarminus, Lessius, Valentia, Suarez, Becanus, Bozcius; neque id negat Joannes Sanchez. Nam *Divina testimonia credibilia facta sunt nimis*, ut præmonuit Regius *Psalm. 92.*

9 Explicatur 1. Quia, ut opinio aliqua sit verè probabilis, non sufficit, quòd pro se habeat verosimilia in speciem argumenta ducta à ratione, vel auctoritate; sed

insuper requiritur, ut nihil ei obster, quo falsitas ipsius certò appareat; adeoque plures expressè in definitione ipsa probabilis opinionis hanc conditionem addi-ciunt, & nullus requiri negat, ut *dissertatione præcedenti* ex professo monstrabatur. Atqui omnes sectæ infidelium contra se habent evidentiam credibilitatis fidei nostræ, quæ inter alia docet eas esse incredibiles, Divinis eloquiis contrarias, & non nisi temerè, ac imprudenter eligibiles. Ergo nulla opinio reperitur, quæ sit revera probabilis, inter sectas infidelium. Nam sicut doctrinæ ipsorum à doctrina veritatis procul distant, ita toto, ut ajunt, Cælo à probabilitate elongantur: eisdemque argumentis, unde constat, omnia, & singula dogmata Catholicæ fidei ob testimonium Divinum prudentissimè credi firmo assensu, & super omnia, vincitur, quæcum ea pugnant non posse credi prudenter, atque adeò nec probabiliter. Nam probabilitas, quæ verè talis est, & à peccato excusatur, objectum suum reddere debet prudenter credibile, non obstante præminencia sui contrarii: sicut matrimonii honestas talis non esset, nisi id redderet prudenter eligibile, quamvis honestius, & eligibilius sit amplecti virginitatem.

10 Explicatur 2. Quia, ut ibidem dixi, & ex mente omnium Auctorum confirmavi, nulla opinio excusatur à peccato per se loquendo, & ex suis meritis, nisi sit certò probabilis; illæ verò, quarum probabilitas merito controversatur, & adhuc non constat, utrum sint probabiles, aut improbables, valde imprudenter sumuntur pro regula directiva nostrarum operationum, relicta ea, cujus solida, ac securus probabilitas apparet. At contra doctrinam fidei, quam tenet Catholica Ecclesia, nullæ dantur opiniones certæ, atque evidenter probabilitatis: id enim his solis contingit, quorum auctoritas non est infallibilis, neque reddit rem certam moraliter. Unde nullus Catholicus concedet Judæis, quo licitè in sua secta permaneant, esse evidenter probabile, nondum venisse Messiam, aut Gentilibus, ligna, vel lapides esse Deos veros; aut Hæreticis, *Papam esse Antichristum*, vel unumquemque promiscuè posse in sua secta salvari. Quasi ita liceat esse Turcam, Calvinistam,

nistam, aut Catholicum, ut licet esse Thomistam, Scotistam, vel alterius scholæ ex illis, quæ probabiliter hinc, & inde inter se disputant, salva semper veritate fidei, & Ecclesiæ auctoritate.

11 Explicatur 3. Quia hic defectus certæ probabilitatis in casu, de quo loquimur, latere nequit infidelem illum, qui prætextu suæ opinionis, quam putat minus probabilem, sese excusare contendit à vitio infidelitatis. Nam si doctrinam Ecclesiæ iudicat probabiliorē, eo ipso probabilius reputat doctrinam Calvinī, aut Mahometi esse prorsus improbabilem, Divinis eloquiis oppositam, reiiciendamque incunctanter: id est enim, quod Ecclesia docet, & quod ipse probabilius autumat. Ergo neque in se, nec sibi evidenter probabile ducere potest, quod Calvinus, aut Mahometus blatterant. Quod si probabilius iudicat religionem suam esse improbabilem, & insufficientem ad salutem, ineptissimam excusationem præten-det, si in ea securè persistat, hoc solo argumento ductus, quod non sit certò improbabile eam esse veram, ac tutam: nam nec Medicis, nec Consiliariis, nec Iudicibus, nec ullis aliis ea excusatio prodest, ubi certior, ac securior modus sibi occurrat, & cum negligunt.

12 Explicatur 4. Quia adversus articulos evidenter manifestos evidentia naturali, quales sunt Dei existentia, vel immortalitas animi, dari nequeunt opiniones verè, certòque probabiles, & proculdubio intolerabile esset, si quis diceret, opinionem Atheorum affirmantium, Deum esse Chimæram, esse evidenter probabilem, & propterea illos excusare intenderet à peccato consistendi in ea opinione, quin ulterius quærerent notitiam veræ Deitatis. Ergo pariter intolerabile erit, similes opiniones admittere negantes esse credendum, aut à Deo revelatum, quod firma fide credendum, ac revelatum affirmat tota Ecclesia universalis. Utrobique enim obstat certitudo deprimens contrariam opinionem, ut plumbum deprimit paleam; & quod certitudo fidei simul cum obscuritate in eodem actu cohareat, non facit esse minorem certitudine evidentie; sed illa potius est maior. Quocirca si fortè aliquis invincibiliter probabile existimaret, Deum non esse, ille quidem

à peccato erroris contra lumen naturale proculdubio excusaretur; non tamen ob opinionem probabilem; sed ob conscientiam erroneam, quæ certissimè à peccato excusat, cum involuntaria est, & inculpabilis.

13 Explicatur 5. Quia inter opiniones, quavis sint certò probabiles, non omnes à peccato excusant; sed eæ solum, quæ sunt practicè probabiles, & omnibus inspicendis, affirmant hic, & nunc quidquam licere, seu nulla lege vetari; speculativa autem probabiles, & abstracta ab usu licito, vel illicito, sæpe non tribuit conscientie securitatem, tametsi magna sit, nedum minor, & tunc præcipuè cum ex praxi illius imminet periculum, quod etiam dum timetur, debet evitari. Sed inter infidelium opiniones suæ sectæ faventes nulla certò probabilis practicè inveniri potest, nulla tuta ab ejusmodi periculis. Ergo nulla potest ab infidelitate excusare. Minor, quæ duntaxat probatione indiget, quoad primam partem ex dictis faciliè perluadetur. Nam omnia à fortiori evincunt moraliter certam esse obligationem amplectendi fidem, quam Romana Ecclesiæ tenet, & recedendi ab erroribus eidem oppositis. Quoad secundam verò ex inde constat, quia contra eandem fidem omnes opinionē sunt periculose in praxi, & expositæ discrimini manendi extra viam salutis, incedendique per viam perditionis, quod maximum est, & proculdubio etiam cum timetur, debet evitari.

14 Fides quippe esse proponitur, & est initium salutis, atque fundamentum ejus, janua vitæ, & medium cum effectu necessarium ad salutem obtinendam; & qui id negant, putantque unumquemque posse in sua secta salvari, ut nostri temporis hæretici jactare solent, si fortè decipiantur, proculdubio nec salutem consequentur, neque in via salutis ambulabunt, neque eam incipient; sed in via, quæ ad perditionem ducit, remanebunt. Neque enim finis unquam obinetur, si media præmittantur, quibus opus est ad ipsum; neque ædificium absque fundamento perficitur; neque via consummatur, nisi prius inchoetur; neque ingredi licet, ubi sponte deseritur unica janua. Atque in istis nulla omnino probabilitas prodesse poterit ad securitatem conscientie, sicut neque prodest

dest Medicis corporalibus, cum ea remedia non adhibent, quorum realis applicatio ad curationem infirmi erat prorsus necessaria. Nam evidētia periculi non tollitur sola probabilitate, vel spe contrarii eventus. Periculum autem manendi extra viam salutis, ac perendi animam suam proculdubio declinari debet ex præcepto, nec cum prævisione illius potest componi practica illa probabilitas, quæ hic, & nunc prudenter dicitur opus, quod aggregi intendimus, nullo præcepto vetari. Et quia non consistere extra viam salutis, sed credere, & illam inchoare purum medium non est, ut potio amara, sed bonum per se experibile, duplex ibi peccatum committeretur, alterum contra ipsam fidem, cujus honestas negligitur, aliud contra charitatem.

15 Denique negari nequit, scandalosam esse, ac perniciosam in praxi hanc propositionem: *Ab infidelitate excusabitur infidelis apostata, vel relapsus, si non credat ductus opinione minus probabilis*: quia, ut receptum est apud Theologos, & num. 7. prænotabam, nulla est probabilis, aut probabilior opinio, quæ illos excusare valeat, nec susceptæ fidei retractatio eis esset licita, quamvis Angelus de Cælo magna auctoritate sua doceret quidquam contrarium. Atqui in thesi condemnata, cum generaliter, & indistincte loquatur de infidelibus, etiam apostatis, & redeuntibus ad vomitum conceditur sua excusatio. Neque eis desunt probabiles opiniones, quales possunt esse in aliis, sed ideo ad excusationem neque his, neque illis suffiunt, quia tota earum probabilitas, qualemcumque esse mentiantur, non est probabilitas vera, sed falsò existimata, nec minor, sed nulla, sicut nulla est certitudo, quam se habere interdum possint.

16 Quare in his, si esset possibilis, non erat sumenda excusatio à minori probabilitate suæ opinionis; sed à conscientia erronea, qua doctrinas, sectasque improbabiles probabiles esse fingunt, immò probabiles, aut certas, ut earum ductu regantur. Porro conscientia erronea non excusat à peccato, nisi involuntaria sit, & invincibilis; atque in casu, de quo loquimur, neque involuntaria est, cum liberè eligatur, relicta fide Theologica; nec potest esse invincibilis, cum eadem fides

ita supponatur proposita, ut prudenter illi possent assentiri, & acquiescere absque formidine errandi.

CAPUT III.

Utrum infidelis, cui proponitur fides vera tanquam manifestè probabilior omnibus sectis contrariis, ab infidelitate excusetur, si statim non credat, sed in sua secta permaneat?

17 **N**on excusari, sed debere statim credere Theologica fide, ac salutariter, affirmat expressè Bañez 2. 2. q. 10. art. 1. dub. 3. conc. 3. & 4. Ledesma in summa tom. 2. traß. 1. cap. 5. concl. 5. & 6. mihi 35. & 36. Layman lib. 2. traß. 1. cap. 1. num. 2. verß. Quæres. P. Antonius de Escobar tom. 1. Theolog. moral. lib. 2. numer. 56. Villalobos in summa 2. part. traß. 1. diffi. 8. num. 4. Gonet loco præcit. Attamen illum non teneri statim credere, sed solum in mortis articulo, & interim orationibus, ac aliis mediis indagare veritatem, docuit adversus prædictos cum Maldero P. Thomas Sanchez in summa lib. 2. cap. 1. numer. 6. quem impugnatur nominatim Joannes Sanchez ubi sup. num. 8. affirmans, nunquam teneri, necnon Franciscus de Lugo 1. p. de consc. q. 5. num. 45. & plenius Castro Palao 1. p. tr. 8. disp. 1. punct. 12. à num. 13. Bossius verò 1. p. de consc. à num. 435. re hinc inde discussa, eam tandem relinquit lectori considerandam.

18 Porro ex ista controversia, quam Joannes Sanchez versabat, dum in propositionem condemnatam incidit, contra illius condemnationem gravis primo aspectu difficultas nascitur. Omnes enim præcitati Auctores supponunt, infidelem, cui dicto modo proponitur fide suæ doctrinæ falsitas, sive fidei nostræ veritas illi contradicens è diametro, posse credere, si velit, fide salutariter, ac Theologica, sectam suam esse falsam, aut, quod recidit eodem, contradictoriam ejus esse veram. Et cum ex eis nullus eam notitiam fidei nostræ reiciat, ut omnino insufficientem ad credendum, prout oportet; circa tempus, & obligationem credendi in diversas opiniones abeat.

19 Pone igitur, hæreticum probabilius judicare, se statim ad credendum

tene-

teneri in prædictis circumstantiis, sed non usque adeo certum, ut sua careat vera probabilitate, etsi minori, se nunquam, aut in articulo mortis duntaxat obligari, & tunc legitime excusatus videbitur, quamvis discredere nolit, & Catholicam fidem amplecti. Nam ad peccandum peccato infidelitatis non sufficit posse credere, nisi credendi obligatio ita urgeat, ut non possit hic, & nunc prudenter detrectari. At in hoc eventu ab infideli prudenter detrectari potest obligatio credendi statim, aut in toto tempore suæ vitæ, cum pro se habeat opinionem Catholicam, & practicè probabilem, quæ in prædictis circumstantiis ejusmodi obligationem detrectat. Igitur quamvis non crederet, sectam suam falsam esse, sed eam retineat, nihilominus ab infidelitate excusabitur. Maximè, quia esto ipse putet, opinionem negativam talis obligationis esse minùs probabilem, adhuc certò scire potest, illam judicari ab aliis sapientibus, & Catholicis absolute veram, aut saltem probabiliorē: unde eliciet incertam esse minorem probabilitatem opinionis affirmantis, se teneri, atque in praxi opinioni negativæ sese accomodare potest, ut probabilior multis, & apud omnes probabili.

20 Et sanè non minùs urget obligatio diligendi summum bonum, & ultimum finem suum, quàm credendi summæ veritati. Atqui eo ipso, quòd sub opinione versetur, utrum detur obligatio sese convertendi ad Deum tanquam ad ultimum finem statim, ac ad usum rationis pervenitur, licet potest in praxi utralibet opinio exerceri, & excusari peccatum per se imputabile, ac vindicta dignum. Ergo pariter continget, quoties, circumstantiis attentis, non proponitur ut certa obligatio discredendi aliquam doctrinam propter testimonium summæ veritatis. Neque apparet, unde competat præceptis fidei Theologicæ hoc privilegium speciale, ut opinio minus probabilis practicè ab illorum transgressionem non excuset, si potest excusare in aliis, atque in iis ipsis excusare potest (ut prædicti Auctores censent) saltem probabilior opinio, aut etiam æque probabilis.

21 Ut satisficiam, observo, totam hujus rei difficultatem non tam dependere ex eo, quod prædicti Auctores disputant, quàm ex eo, quod supponunt ut verum

Theolog. Reform.

consensu unanimi. Disputant enim de obligatione credendi in dicto casu, & de tempore, quo urget præceptum non dissentendi à vera fide; sed supponunt, infidelem illum statim credere posse, si velit, sectæ suæ falsitatem, & rectæ doctrinæ acquiescere. Porro suppositio ista à veritate est aliena, & adeo consona propositioni 21. condemnatæ hoc Pontificio decreto, ut solum per impossibile ejus veritas admitti valeat. Nam doctrina, quæ proponitur ut probabilis, aut probabilior duntaxat, non proponitur ut certa, neque ut credenda prudenter absque formidine partis oppositæ, firma fide, ac pleno assensu; sed tanquam fortasse falsa, & evidenter exposita periculo errandi majori, vel minori juxta gradum probabilitatis ejus. At fidei doctrina credi debet, proponique tanquam prudenter credibilis absque formidine partis oppositæ, stabiliter, ex toto corde, & super omnia, quæ ipsi opposita videntur. Et quæ, rogo, juxta auctoritatem quispian obligari potest ad credendum sine formidine, & ex toto corde id, de quo prudenter judicat, fortè esse falsum, & non nisi formidolosè amplectendum? Vel quomodo affectu honesto, & regulis prudentiæ consentaneo imperabit suo intellectui, ut absque formidine errandi, & super omnia assentiarum objecto, de quo non temerè, sed probabiliter timet devium esse veritatē?

22 Ex his, quæ sequenti capite plenior luce donantur, respondeo in primis infidelem illum, ex. g. Judæum, qui ex plácito suæ sectæ putabat, nondum venisse Messiam, & adhuc censet, id esse probabile, quamvis oppositum sibi manifestè probabilius appareat, rebus sic stantibus, non esse proximè ad credendum dispositum, nec credere posse, prout oportet; sed utrimque contra fidem errare. Nam quòd Messias nondum venerit, non est verum, nec probabile secundum regulam fidei. Quòd autem venerit, verum quidem est; sed improbabile, ac falsum, esse solum probabilius, & non credendum, nisi cum formidine probabilitatis contrariæ, quia infallibile est, ac prorsus certum ex Divina auctoritate. Unde qui sic est instructus, Catholicam fidem non habet sibi ad credendum propositam pro tunc; sed potius duas hæreses, quamvis inter se contrarias,

in hoc conformes, quòd censent neque Messiz advenum, neque negationem ejus esse certam; sed duntaxat opinabilem. Et utraque proinde alteri desert, quod prudenter credi possit tam sua veritas, quam falsitas: nam si hoc sibi non deferrent invicem, utraque non putaretur probabilis, aut dignè credibilis; sed una certa, alia improbabilis.

23 Ajo insuper, eundem infidelem plerumque non excusari à peccato contra fidem; excusari tamen aliquando defectu sibi inculpabili notitiæ prærequisitæ ad credendum; sed nunquam ob opinionem probabilem. Sumitur ex his, quæ cum Victoria docet adhuc generalius P. Suarez *disp. 17. de Fide sect. 1. num. 9.* Et quoad primam partem ex eo constat, quia illa falsa existimatio, quam prædictus infidelis habet de incertitudine adventus Messiz, & probabilis dubietas, qua formidat, ne forte decipiatur, est actus contrarius fidei, & sæpe eveniet, ut culpabiliter ab illo conceptus fuerit, temerè nolendo audire certitudinem, ac necessitatem ejus, vel nolendo auditam credere firmiter, actoto corde; sed ad meras probabilitates declinare. Nam utrovis modo auditui fidei repugnare contingit, ac negligere ejus veritatem, in quo propriè peccatum infidelitatis consistit, ut jam antè cum Angelico Doctore notabatur. Quocirca non solum peccat peccato infidelitatis contrariæ fidei is, qui sufficienter prævisa, vel neglecta credibilitate illius, negat venisse Messiam, aut fuisse ex Virgine natum; verum etiam, qui id formidolosè affirmat, & per particulam *Fortè*, quæ dubitativa est, & expressiva formidinis, adhzret sensui contrario. Pulcherrima sunt verba Augustini *lib. 8. de Trinit. cap. 5.* scribentis: *Salva fidelicet dicere: Fortè talem habebat faciem, fortè non talem. Fortè autem de Virgine natus est Christus, nemo salva fide Christiana dixerit.*

24 Rursus, licet talis error quoad initium fuerit inculpatus, & ex invincibili ignorantia profectus, saltem quoad continuationem difficillimè excusabitur, ut valde appositè expendit S. Clemens Papa hujus nominis primus *epist. 3.* Vix namque fieri potest, ut ille, qui còuque est prætergressus, ut Catholicæ Ecclesiæ doctrinam sectis aliis verosimiliorem cen-

seat, inculpate nil audiverit de illius certitudine, ita ut de illa saltem nequeat dubitare. Ubi autem occurrit dubium rationabile de certitudine opinionibus nostris contraria, necessariò confurgit obligatio eam investigandi, & inquirendi, nova diligentia adhibita, & eo majori, quò est majus negotium, quod præ manibus habemus. Quamobrem nisi illa adhibeatur, jam culpa reus erit quisquis adhuc sub meræ probabilitatibus umbra conquiescit, & neglectè veritatis pœnas luet, nec sub dubio, aut ignorantia invincibili operabitur; sed vincibil, & merito imputabili negligentis ipsius, ac incuriæ in rebus tanti momenti maxime vituperandæ.

25 Probabilis quippe opinio nunquam juvat, ubi ulterior veritatis ratio investigari potest, & majori studio, quod ultra vires non sit, certitudo illius explorari. Desperata esse enim debet inventio veritatis, ut sola verosimilitudo, aut probabilitas exposita falsitati loco illius prudenter subrogetur; immò nunquam erit vera probabilitas, nisi prius supponatur, certam veritatis cognitionem non deficere ex defectu congruè diligentis, & constitutæ in nostra potestate. Neque huic infideli magna diligentia est opus, ut incipiat formidare non tantum de veritate; sed etiam de probabilitate sue sectæ. Nam unde dicit, doctrinam fidei esse probabilior, potuit discere, illam reputari infallibilem, & ejus contradiçtoriam improbabilem: utrumque enim docet pariter sincera fides, & utrumque eisdem motivis credibile sit mentibus sanis. Qui autem probabilius esse judicat, doctrinam fidei esse certam, & improbabilem quamcumque contrariam, eo ipso probabilius esse judicat, sectam suam, quæ est una ex contrariis, esse improbabilem, nec jam ipsam reputare potest certò probabilem, uti erat opus; sed solum minus probabiliter probabilem, & cum maxima formidine probabilitati illius assensum accommodabit.

26 Quæ autem diximus de fidel certitudine, circa illius necessitatem à fortiori procedunt: vix enim accidet ei, qui jam deprehendit esse probabilior, ut sine culpa sua ignoret esse necessariam ad salutem. Nam veram religionem esse necessariam, nemo dubitat: & hanc esse veram;

veram ; alias autem falsas , ipse probabilis iudicat . Vel ergo dubitat strictè , vel opinatur , illam esse medium unice necessarium ad salutem . Quovis autem modo sese habeat , sibi evidens erit obligatio sequendi tutiorem partem , ne in necessariis deficiat . Tutior autem pars in hoc eventu esset credere , si fides esset sufficienter propofita ; sin minus , adhibere diligentiam ad explorandam necessitatem , ac veritatem illius . Quia quiescere , ac manere voluntariè in eo statu incertitudinis , est voluntariè se exponere periculo manifesto amittendi suam salutem , quod summi momenti est , & contraria probabilitate non tollitur , ut à num. 12. uberius diximus .

27 Nulla igitur probabilitate , aut inadvertentia diutina infidelis ille potest excusari ab obligatione fugiendi ab illo statu periculoso , & incerto sibi cognito , atque procurandi ad certum , & securum pervenire . At rebus sic stantibus sub opinione , ac formidine , credendo prout oportet , nempe firmiter , & super omnia , sese ab illo nequit præservare , quia deficit sufficiens propofitio ad fidem adeò firmam , & indubiam . Ergo saltem procurare debet adhibere novum studium , ac conari quantum est ex parte sua perfectionem illius noticiam assequi , ut de suæ religionis veritate certus tandem , ac securus vivat . Nec Divina opitulatio deerit . Nam cum Deus velit omnium hominum salutem , facienti quod in se est , nunquam subtrahit media necessaria ad illam . Si contingeret in negotio veræ religionis , quod sæpe in aliis contingit , ut certa veritas non inveniat , quantumvis seriò quæsit , tunc posset excusare probabilitas , saltem major , nam ea est tutior à periculo errandi ; sed longè aliter contingit his , qui certæ fidei cognitionem habent , atque veræ Ecclesiæ probabiliorem noticiam . Nam Divina vocatione stimulantur ad eam quærendam , & speciali conceptu veræ Ecclesiæ Christi , ut in hæreticis , vel sub abstractiore veræ religionis , ut in aliis , vix erit ullus , qui inculpate iudicet , aut nullam reperiri in universo , quæ certa sit , ac secuta , aut nullum esse hominum cœtum , apud quem illa inveniat , & ex quo nequeat sufficienter disci .

28 Est ergo illa propofitio fidei evidenter sufficiens ad obligandum quære-

re , & investigare certitudinem , ac necessitatem illius , quamvis eo , quòd sit formidolosa , non sufficiat ad credendum prudenter absque formidine , atque adeò facile potest id animadverti , ut parvo admodum tempore durare possit in homine infideli sic disposito inculpabilis inadvertentia illius . Jam ergo , vel ille otiari mavult , & sponte manere in eo periculo aberrandi à certa fide , vel non vult ; sed diligentiam sibi possibilem adhibet perveniendi ad sufficientem credibilitatem ipsius . Si primum accadat , absque dubio peccabit propriè , ac formaliter contra obligationem fidei sibi sufficienter cognitam , sicut peccaret Gentilis contra legem naturalem , & esset inexcusabilis juxta Apostoli doctrinam ad Roman. 1. 20. si probabilis existimans , dari Deum ultimum finem ; probabile verò , esse chimæram , vellet sistere in eo statu , & Deo incerto amorem summum impendere ; vel potius mallet secundum aliam opinionem vivere , & omnem cultum , omnemque amorem ipsi denegare tanquam chimære confictæ .

29 Si autem secundum contingat , & adhuc sufficientem fidei propofitionem non habeat , vel quia erat in extremis , & magister defuit , vel quia statim in amentiam incidit , aut alio impedimento sibi involuntario fuit detentus , quominus diligentiam necessariam adhiberet , tunc quidem ab infidelitate excusabitur , sicut hi , qui nil de fide audierunt ; sed non ob opinionem practicè probabilem permissentem ipsi , ut in sua secta permaneat ; sed ob impossibilitatem credendi fidei salutari , ac Theologica : quia credendi possibilitas proximè sufficiens non datur , dum quis prudenter formidat de veritate objecti revelati , aut de existentia revelationis , cui nititur . Etenim vel is peccaret coram Deo inexcusabiliter , quia non credidit , cum proximè posset ex vi notitiæ probabilis , quam habet de nostra fide ; vel quia majorem diligentiam non impendit . Non ex primo capite , quia assensus fidei non stat cum notitia probabili reddente revelationem , aut objectum ejus formidolosè credibile . Non ex secundo , quia ponitur , omissionem diligentie sibi involuntariam ; immò necessariam fuisse . Ergo ex nullo capite peccabit imputabiliter

contra præceptum Divinum credendi fide Theologica, neque ea de causa damnabitur; sed propter alia peccata, quæ invenitur commississe cum sufficienti adventitia, & quæ impedimento fuerunt Divinæ illuminationi requisitæ ad fidei gratiam. Verumtamen quia non sunt cognita sub ratione impediendi, neque ulla unquam cogitatio subiit obligationis evitandi ipsa ob hanc causam, ideo malitiam specialem infidelitatis non contrahunt, contractura utique illam, nisi improvisa foret, & involuntaria.

30 Ex his ad argumentum propositum ex num. 18. obvia est solutio, quia constat, infidelem, de quo loquimur, non teneri statim credere, nec posse, quoad usque, nova diligentia adhibita, evidentem credibilitatis cognitionem assequatur. Unde opinio, quæ ei imponit obligationem credendi priusquam videat, solam doctrinam Catholicam esse prudenter credibilem, non est practicè probabilis; sed ex quadam improbabili suppositione procedit, qua tacite assumitur, non implicare præceptum credendi sine formidine, & ex toto corde illud, de quo probabiliter, atque adeo prudenter creditur fortasse esse falsum, & minimè revelatum, ut de illis etiam credi potest, quæ probabiliora apparent, quandoquidem multa falsa sunt probabiliora veris. Porro chimericum est tale præceptum, & chimærica obligatio, utpote de re impossibili pro eo ipso tempore, quo urgere dicitur. Nec qui ab ejus implementatione se excusat, opus habet (sicut alias evenit) excusatione desumpta ex opinione aliaquâ minùs probabili, quæ solum negat præceptum esse actu impositum, & supponit tanquam certum, & illud esse possibile, & executionem ejus; sed evidentiore alia excusatione tutabitur ducta ex eo, quod tam præceptum, quàm ejus executioni repugnent rebus in eo statu permanentibus.

31. Disputat accuratè P. Moya in *select. 2. p. 116. disp. 5. q. 2. d. num. 17.* quid dicendum sit, si supponatur, non esse necessariam ad credendum evidentiam credibilitatis; sed judicium probabilius sufficere? Mihi autem ea controversia solidum videtur tractanda, sicut pertractantur aliæ ex hypothesis impossibili, quæ, ut sunt ex terminis contradictoriis composi-

contradictorios quoque consequentes inferunt. Supponere namque fidem esse sufficienter propositam, est supponere, eam solam representari tanquam prudenter credibilem; addicere verò, eandem propositionem non tollere probabilitatem partis oppositæ, est dicere, non solum fidem esse prudenter credibilem illi ipsi, de ejus obligatione dubitatur; sed etiam sectam contrariam. Quare, declaratis terminis, supponitur, solam fidem esse, & non esse credibilem huic ipsi, & notitiam, quam de ea habet, esse simul, & non esse sufficientem ad credendum prudenter sine formidine. Atque ex una parte hypothesis sequetur, dari in eo casu obligationem credendi; ex altera verò, non dari: & ex utraque simul sumpta utrumque simul sequetur, nimirum dari, & non dari.

C A P U T IV.

Notitiam revelationis Divinæ probabilem, ac formidolosam non sufficere ad credendum fide salutari, ac Theologica.

32 **S**Upposui hoc principium sæpius contra Bañez, Ledesma, Gonet, & alios, qui saltem probabiliorē sufficere supponebant, atque ex ejus inconcussa veritate inconcussè stabiliuntur cætera hucusque proposita. Cujus rei gratia præmitto, omnia, quæ fide Theologica, & salutari creduntur, credi certa fide, atque infallibili, quamvis obscura, ob Divinum testimonium: credi insuper, non utcumque; sed ex toto corde, & super omnia, absque formidine, & adeo firmiter, ut licet mille rationes in contrarium proponantur, nunquam sit retrocedendum ab assensu, & fide illorum.

33 Neque id fit ex pertinacia, aut animi obstinatione, ut hæreticis interdum contingit circa sectas suas, aut his, qui temerè judicant de actibus, & vita aliorum, & nonnullis, qui immobiliter adherent tanquam certis veritatibus propter duritiem iudicii præconcepitis opinionibus. Hi enim imprudenter agunt, & ultra meritum motivi, cui deferunt, & rationis, qua inducuntur ad voluntatem sentiendi, ac judicandi illo modo. Qui autem credit fide salutari, prudentissimè operatur, & juxta rectam rationem, dum

plo affectu voluntatis vult credere toto corde, firmiter, & absque formidine cuiuscumque deceptionis. Neque firma adhesio ipsius excedit capacitatem objecti, propter quod credit, quæ est suprema Dei auctoritas, neque exigentiam motivi, quo loquuto Dei sibi proponitur tanquam prudenter credibilis cum ea tota firmitate, & adhesionem; sed utrique commensurata esse debet, ut honesta, & salutaria esse possit.

34 Est autem proculdubio honestissimus pius ille affectus credendi, quem *fidei initium* appellat Concilium Arausicanum *Can. 4.* definiens insuper, absque auxilio gratiæ nequaquam haberi posse. Ab illo autem habet fides tanquam à causa imperante formaliter libertatem, honestatemque moralem, ut ceteri actus externi, qui ex se neque liberi sunt, nec voluntarii; sed ex motione, ac imperio voluntatis participant casrationes. Quo fit, ut in fidei objectis duæ diversæ credibilitates distinguui debeant, & soleant. Alia moralis desumpta ex eo, quod liberè, ac honestè credi possunt, seclusa quavis formidine, firmiter, ac toto corde. Alia Theologica accepta ab ipsa fide, quatenus præcisè est virtus intellectualis ex objecto, ac modo suo intrinsecè infallibilis, præscindendo ab aliis qualitatibus, quæ ad ejus amorem spectant, & ad modum, quo proponitur voluntati priusquam velit credere, sicut oportet. Nunc autem præcipuè attendimus ad credibilitatem moralem, & ad prudentiale iudicium, cui debet esse conformis pius affectus voluntatis, ut & ipse evadat rectus, & rectam fidem imperare valeat.

35 Dicimus autem cum communi Theologorum, ad hunc effectum minimè sufficere noticiam quantumcumque probabilem Divinæ revelationis, & longè minùs quòd illa *verisimilis videatur*, etsi hoc satis esse putet Gonet *disp. 1. de Fide num. 229.* sed adeò certam requiri, ut prudenter de ejus veritate dubitari nequeat. Moveor primò ex hoc ipso decreto Innocentii, ubi propositio 21. non alia de causa damnatur, nisi quia putabat, fidem supernaturalem, & utilem ad salutem stare posse cum notitia solum probabilis revelationis; immò cum formidine, ne non sit loquutus Deus. Unde sic arguere Theolog. Reform.

licet. Fides supernaturalis, & utilis ad salutem stare potest, ac debet cum notitia sufficiente, ac necessaria ad pium affectum credendi, ex vi cuius impetatur, & honesta, ac salutatis redditur. Sed stare nequit cum notitia solum probabili, ac formidolosa Divinæ revelationis. Ergo hujusmodi notitia ad pium affectum credendi neque necessaria est, neque sufficiens. Quinimmo ei obstat. Nam quòd obstat fidei, nequit non obstatre causis efficaciter moventibus ad exequutionem ipsius. At pia affectio voluntatis causa est ultimò determinans, moventique intellectum efficaciter ad fidei exequutionem. Ergo talis notitia potius obest, quam confert ad actum fidei. Deponenda namque est ad credendum, & loco illius alia subroganda, quæ cum vera fide componatur, ac eam reddat prudenter exequibilem.

36 Moveor 2. auctoritate Concilii Tridentini *sess. 6. cap. 9. fin.* quo loci adversus inanem hæreticorum fiduciam tanquam proterus repugnantia proponuntur, *posse quemlibet, dum se ipsum respicit, de sua gratia formidare, ac timere, & esse aliquem, qui scire valeat certitudine fidei, cui nequit subesse falsum, se gratiam Dei esse consequutum.* At si notitia probabilis, ac formidolosa revelationis sufficeret, duo ista asserta, juxta Concilium pugnantia, federari valerent quàm facillimè. Dici enim posset, cum ipsum, qui fide Divina crederet, se esse gratia consequutum, adhuc posse de eadem gratiam formidare, quia ei satis fuit ad credendum revelatio formidolosè proposita, aut cognita fallibiliter. Et sanè permulti agnoscunt magna probabilitate se esse ex illis, de quibus Deus revelavit gratiam esse consequutum, id enim generatim revelatum est de omnibus, qui Deum diligunt ex toto corde, vel rite, ac rectè sacramenta suscipiunt, atque eadem probabilitate, quam norunt se ista rite, ac rectè facere, sciunt se esse directè comprehensos, & significatos sub revelatione illa tanquam particulares sub universali sua. Et nihilominus Concilium asserit, nullum esse, qui scire valeat certitudine fidei, cui non potest subesse falsum, se gratiam Dei esse consequutum. Ergo ut aliquid hac fide credi valeat, non est satis maxima revelatio.

lationis probabilitatis. Nam si ea sufficeret, universalitas revelationis nil obstarer; atque ita dicendum esset juxta sententiam contrariam esse multos, qui Divina Fide scire possint, se esse in gratia, quod aperte est contra Concilium.

37 Quod verò universalitas revelationis nil obstarer, nisi obstarer probabilitas, inde patet, quia juxta communem, & hoc tempore receptam sententiam Theologorum de fide est, hunc singularem hominem Innocentium, qui nunc præsident pacifice in Ecclesia, esse verum, ac legitimum Pontificem; & tamen de illo in speciali nil est nobis revelatum; sed ideo creditur, quia certò constat ex facto ipso illi competere omnes condiciones necessarias, ut directè comprehensus censeatur sub revelatione generaliter loquente de omnibus, qui sunt veri Pontifices. Parisiformiter discurrunt alii de Sanctis particularibus, puta Ignatio, vel Dominico, postquam sunt legitime Canonizati. Neque ullus audebit dicere, has sententias, aut esse censura dignas, aut non esse maxime probabiles. Sed Conciliari censura dignum est asserere, posse aliquem de sua gratia formidare, & nihilominus credere Fide Divina, se esse gratiam consequutum. Ergo in hoc eventu mali labes ex revelationis universalitate non oritur; sed ex formidine partis oppositæ, & incertitudine annexa cuivis probabilitati.

38 Moveor 3. Nam revelatio, cujus existentia proponitur tanquam incerta, & fortè falsa, non proponitur modo sufficiente ad credendum sine levitate, & imprudentia infallibile esse, quòd ea existat, & quòd propterea certum sit ipsius obiectum. Ergo neque proponitur modo sufficiente ad credendum fide salutari, ac Theologica. Patet consequentia. Quia fidei Theologicæ non sufficit esse in se certam, certitudine latente eum, qui credit; sed eum ipsum certum, ac securum reddit de sui obiecti veritate, & absque levitate, aut imprudentia affirmat esse certum, protusque infallibile, eo quòd dictum sit à Deo juxta illud Pauli 2. ad Thimoth. 1. 12. *Scio cui credidi, & certus sum.* Tob. 3. 21. *Hoc pro certo habeat omnis, qui te colit Aër.* 2. 36. *Certissime sciat omnis domus Israël, quia & dominum eum, & Christum fecit Deus, hunc Jesum, quem vos crucifixi-*

sis. Jam verò antecedens ex suis terminis satis perspicuum apparet, quia tam dictum, quam auctoritas dicentis insimul debent concurrere, ut fiat credibile obiectum: & sicut incerta veracitas loquentis nequit sufficere ad credendum certa fide, quòd is loquitur, sic pariter incerta loquutio ad id satis esse nequit, quia fortè non est illius, aut forsan non dixit, quòd dixisse credimus. Idipsumque in promissionibus, servata proportionem, contingit: nam ubi incerta est promissio, certam fidem rei futuræ nequaquam gignere valet fidelitas, & potentia promittentis, sicut neque certam spem; sed eidem prorsus periculo deceptionis, ac falsitatis expositam, cui est exposita promissio solum probabilis, proinde fallibilis, & speranti, vel credenti incerta.

39 Suadetur præterea, tum ex his, quæ apud nos accidunt, quia ad habendum aliquid pro certo, eo quòd sit ab alio dictum, non sufficit, quòd ille sit omnino exceptione major, si incertum sit, an sit testis: & quòd prudenter putamus fortè non esse ab eo dictum, ex attestazione ipsius formidolose credibile; non verò securum redditur. Tum præterea, quia etsi auctoritas S. Augustini, aut S. Thomæ tantum momenti sit, cùm de mente ipsorum dubitari nequit; longe aliter accidit, cùm illa est sub opinione posita, & solum est probabilius, eos sensisse, quòd illis imputatur: tunc enim temerè, & contra rationem credimus, certum esse quòd id dixerint, vel quòd illorum auctoritas plenè assistat ei sententiæ. Tum demum, quia nec notitia Divinæ revelationis ex levis indicis concepta sufficit ad credendum probabiliter ipsam, aut ejus obiectum, nec minùs probabilis ad judicandum, eam esse probabiliorem. Ergo neque probabilior ad credendum, illam esse omnino certam. Qui autem id certò non judicat, saltem per ipsum assensum fidei, neque judicare poterit secundum rectam prudentiam, ex vi illius rem revelatam esse prorsus infallibilem, & extra periculum deceptionis constitutam. Excedit enim capacitatem motivi ille modus asserendi, & fides resoluta in sua principia hunc ineptum sensum redderet: *Credo mysterium Trinitatis esse infallibiliter verum, quia id Deus dixit; sed fortasse*

est falsum, id esse dictum à Deo.

40 Moveor 4. Nam ille, qui formidat, ne forte decipiat, & putet esse à Deo dictum, quod ipse non est loquutus, nequit prudenter adhaerere objecto credibili ex toto corde: videt enim manifestum periculum deceptionis, & in duas partes distrahitur propter probabilitates contrarias invicem sibi obstantes, ne ulli soli pleno corde, ac mente acquiescat. Ergo nullatenus credit fide salutari, ac Theologica. Nam quod ista fide creditur, vel ab uno Cathecista propositum, non utcumque, sed ex toto corde, & super omnia est credendum. Quocirca Eunuchus infideli postulanti Baptismum à Philippo, qui eum solus instruxerat, atque dicenti *Act. 8. 36. & 37. Ecce aqua, quid prohibet me baptizari?* Philippus respondit sapienter: *Sic credis ex toto corde, licet: nam aliter credendo neque Eunuchus esset per fidem ad Baptismum sufficienter dispositus, nec Philippus eum baptizare liceret.* Qui autem credere debet toto corde, etiam credere debet tota mente: ita enim interpretatur praeceptum diligendi Deum ex toto corde *Matthaeus Evangelista 22. 37.* Et ideo, sicut praeceptum diligendi Deum ex toto corde est praeceptum diligendi ipsum super omnia appetitativè, ita ut ex vi hujus affectus cetera omnia negligantur, quae amicitiae illius sunt adversa, sic pariter cum ex toto corde Deo creditur ad justitiam, & hujusmodi fides à nobis postulat, necessarium est, ut super omnia assentiamur dictis ejus, nihili prudenter habituri quidquid illis contradicere videretur. Unde S. Augustinus *lib. 7. Confessionum. cap. 10.* aiebat: *Faciliter dubitarem vivere, quam esse verum, quae audio.*

41 Moveor 5. Quia eadem fides esse debet adeo firma, adeoque stabilis, ut neque licite possit retrahari, nec repudiari prudenter, quantumvis valde apparentes rationes ipsi contrariae de novo occurrant credenti: omnibus enim praeponderat credibilitas illius, nec posset praeponderare, si non certa, sed formidolosa, & duntaxat probabilior esset. Assumptum in aperto est. Tum ex *proposit. 20.* nunc proscripta, cujus hic est tenor. *Potest quis prudenter repudiare assensum, quem habet supernaturallem.* Porro supernaturalis est quilibet assensus veræ fidei, ac

propterea secundum prudentiae regulas penitus irrefragabilis. Tum quia nec dilectio, nec cultus Dei super omnia licite unquam revocatur; eadem autem est ratio de fide: nam fides etiam credit Deo super omnia, & tam ipsa, quam dilectio, ac cultus, exhibenda sunt à nobis toto corde, ac toto animo. Quinimodò, si veri Dei certa fides semel habita prudenter retraheretur, consequens etiam esset retrahere cultum, & amorem ejus, saltem ut ultimi finis supernaturalis, nam à vera fide pendet iste cultus, & is amor. Tum demum ex dictis *suprà num. 7. & 15.* cum Apostolo scribente ad *Galatas, cap. 1.* eos non fuisse transfrendos ad fidem illi contrariam, quam jam antea ab eo didicerant, licet ipse, aut etiam Angelus id persuadere contenderet magna sua auctoritate.

CAPUT V.

Utrum liceat in materia fidei sequi quamcumque ex contrariis opinionibus certè probabilibus?

42 **E**X hucusque dictis constat 1. contra fidem publicè traditam, receptamque ut talem ab universali Ecclesia nullam dari probabilem opinionem. Nam contra certum, aut evidens publicum, & assequibile nequit dari vera probabilitas, aut spes sese defendendi; sed ad summum apparens, & falso exstimata per errorem, qui plerumque erit vincibilis, voluntarius, ac vituperabilis in illis, qui assequuti sunt fidei noticiam, & neque Doctorem quaerunt, nec abstinere à peccatis, nec adhibere alia media, ut de illius certitudine, ac necessitate instruantur. Atque ita de ejusmodi probabilitate sentiunt Auctores communiter, & diserte inter recentiores Gonet in *dicta dissert. de opinion. probab. num. 241.* Honoratus Fabri in *Apol. dialog. 5. de opinion. probab. fol. mibi 106. col. 2. & Dial. 10. fol. 218.* Lucius à S. Marco in *germana doctrin. Tambur. cap. 20.* & qui rem latius discussit Teritius de *regula morum. p. 1. q. 26. maxime num. 5. 6. & 22.* cui adde Card. de Lugo *disput. 10. de Fide num. 13.*

43 Constat rursus, nullam sectam videti posse probabilem ei, cui fides sit
 1 4 pro-

proponitur, ut statim possit, si velit, im-
petrare ejus assensum ex pio affectu vo-
luntatis. Nam qui probabilem putat v. g.
sectam Calvinianam, aut non intelligit
terminos, aut censet esse prudenter credi-
bilem, & omnibus inspectis, nil contra
se habere, quo falsitas illius certò convin-
catur. Qui verò doctrinam Catholicam si-
bi propositam habet modo sufficiente proxi-
mè ad assensum salutarem imperan-
dum, eo ipso judicat, eam solam esse
prudenter credibilem, & absque metu,
aut periculo. cuiuscumque deceptionis cre-
di posse tanquam certam, & omnino irre-
fragabilem. Porro hæc judicia contradi-
ctoria sunt, & in eodem intellectu simul
coherere non valent: judicaret enim, so-
lam Catholicam fidem esse, ac non esse
prudenter credibilem; sectam autem Cal-
vinianam habere, & non habere contra
se motivum infallibile, quo certè falsita-
ris convincatur, simulque diceret, se pos-
se, ac non posse prudenter de veritate fidei
formidare.

44 Hæc tamen non tollunt, quomi-
nus circa ipsam fidei materiam in rebus ab
Ecclesia nondum definitis probabiles opi-
niones inter se contrariæ reperiri valeant,
quos sui Auctores laudabiliter, & sine
pertinacia defendunt. Exemplo sit cele-
bris illa, quam Thomistæ, & Scotistæ
acriter versant circa præcipuum motivum
Incarnationis Dominicæ, & adventum
Christi in carne. Afferentibus illis, &
ex Sacra Scriptura nervosè colligentibus,
cum non venturum, deficiente Adz pec-
cato, & totam causam finalem, atque
rationem veniendi ei fuisse peccatores sal-
vos facere, ac redimere illos, qui perie-
rant. E contrà verò Scotistis repugnantibus,
& ex adverso censentibus, carnem no-
stram assumpturnum, etsi Adamus non pec-
caret, ob excellentiam mysterii, seu,
quod ego alibi docui, *propter nos homines,*
& *propter nostram salutem*, quæ non so-
lùm curatione infirmitatis, sed etiam præ-
servatione obtinetur. Ego, inquit, Joan-
nis 10. 10. *veni, ut vitam habeant, & abun-*
dantius habeant: qui finis morte, atque re-
surrectione non indiget; sed gratiæ nun-
quam amissæ, & vitæ æternæ donatione
compleri potuit in nobis, sicut in Angelis
fuit re ipsa completus.

45 En igitur contradictorias opinio-

nes, quas in materia fidei versari nullus
ambigere valet, cum illarum fundamen-
ta ex Sacris literis, & testimoniis Divi-
nis præcipuè desumantur. Dubium ta-
men esse posset, an liberè, ac licitè utram-
libet amplecti, ac defendere possimus, nisi
evidentissimum foret, duas sapientissimas,
ac florentissimas Scholas, & de fide,
ac religione optimè meritas, quales sunt
Thomistica, & Scotistica cum aliis inno-
meris Catholicis Doctoribus sic esse inter
se divisas circa controversiam istam, ut
post longævum, & accuratum examen
neutra quidquam adinvenerit, quo certè
falsitatis alia convincatur. Quocirca ne-
que illi ipsi, qui defendunt Christum fuisse
carnem nostram assumpturnum, etsi Adamus
non peccaret, contrariam sententiam
taxant, nec qui oppositum tuerentur, no-
ram ullam alteri doctrinæ inurunt; sed
uniformi conspiratione supponunt, singu-
las honestè, ac pie defendari à suis Aucto-
ribus, & quoad eum effectum certò proba-
biles esse practicè, ac speculative. Et,
quod plus est, Summus Pontifex Sixtus
IV. cum utramque proposuisset, *utramque*
pietati, fidei, auctoritatibus, & rationibus
subsistere declaravit. Litteras Apostolicas
ad longum exhibet P. Alphonsus Fernan-
dez in concertat. *Predicatoria contra hæ-*
ret. ad annum 1482. fol. mibi 228. earumque
meminit Franciscus Diagus lib. 1. de *Pro-*
vinc. Aragonie Ordinis Prædicat. cap. 33.
& Joannes Antonius Sauta de *exam. propo-*
si. cap. 12. fol. mibi 35.

46 Dixi, dubium esse posse de libero,
ac licito assensu, & propugnatione ista-
rum propositionum, aliarumque similium,
quia rationem dubitanti subministrant
hoc tempore nonnulli recentiores magna
animi adhæsiōne proficētes, in his, quæ
ad fidem, vel ad mores spectant, non jam
probabiliorem, aut probabilem, sed ru-
tiores opinionem ex præcepto esse se-
quendam, ubi de veritate non constat.
Nam, si vera est hæc doctrina, nec Tho-
mistis, nec Scotistis liceret defendere ab-
solutè tanquam veram suam opinionem:
utraq; enim est exposita probabili peri-
culo contradicendi Scripturis, quibus ab
alia impugnatur, & imponendi Spiritui
Sancto per eas loquenti illa, quæ non dixit,
aut detrectandi, quæ dixit de motivo In-
carnationis. Nam, ut alia omittam, si illis
verbis

verbis Matth. 9. 13. *Non veni vocare iustos, sed peccatores* : expressum est principale Incarnationis motivum cum aliorum exclusionem, sicut Thomistæ contendunt, Scotistæ proculdubio contradicunt Divinæ revelationi jam factæ, neque ab eo periculo sese preservare possunt suæ opinionis probabilitate, siquidem probabilitas non tollit periculum falsitatis; sed potius affert formidinem, metumque partis oppositæ. Si verò non est expressum, ut Scotistæ probabiliter existimant, eadem probabilitate colligitur. Thomistæ Scripturæ imponere ea, quæ non dixit, & contradicere alijs eius testimoniis, unde sumitur venisse Christum ob excellentiam mysterii, aut potius ut Salvatorem, & causam nostræ salutis, datoremque gloriæ, ac gratiæ, seu per peccatum deperditæ, seu nunquam peccato amissæ.

47 Utrimque igitur adest periculum, utrimque formido errandi, atque sentiendi re ipsa contra mentem Dei loquentis, & Spiritus revelantis. Unde, si semita rurius necessariò esset sequenda, & periculum istud evitandum, neque Scotistis affirmare liceret, neque Thomistis negare, Verbum hominem futurum, deficientem ad peccato, ex vi præsentis decreti; sed utrique suum iudicium suspendere deberent, & in utramvis partem nil determinare, donec veritas clariùs illucesceret. Id namque proculdubio est cautius, tutiusque ab omni periculo contradicendi Scripturis, & in rebus periculosis, & ambiguis frequenter usitatum à prudentibus. Vel, si aliquid foret enunciandum, id utique fieri non deberet per iudicium absolutum, sive affirmativum, sive negativum Incarnationis futuræ in prædicto eventu; sed per iudicium modale enunciativum probabilitatis, quo singuli quique dicent opinionem suam probabilem. Nam utriusque dicti probabilitas certissima est, quamvis incerta sit veritas unicuiusque. Atque adeò, qui de sola utriusque probabilitate iudicaret, non autem de veritate, aut falsitate ipsius adventus in circumstantiis prædictis, nulli periculo deceptionis exponeretur, nullique discrimini contradicendi Spiritui Sancto, quia & ipse iudicat utramlibet ex ipsis opinionibus nobis certò esse probabilem, licet su-

bi neutra probabilis sit; sed una vera, & alia falsa evidentissimè.

48 Unde proclive jam est ita argumentum colligere. In hoc puncto tam Thomistæ, quam Scotistæ, non solum sine peccato, sed honestè, ac valde pie assentiuntur suæ opinioni, eamque absolutè propugnant tanquam veram, quin debeant iudicium suspendere, aut iudicare dumtaxat de speculativa probabilitate illius, & qui oppositum asserere auderet, communissimæ Theologorum sanctioni temerè contradiceret, ac Pontifici affirmanti, utramque fidei, ac pietati, rationi, & auctoritatibus suis congruere. Sed neutra ex eis opinionibus immunis est à periculo errandi contra Scripturam, & asserendi quod re ipsa sit contra revelationem in ea contentam, & intentam ab Spiritu Sancto, neque fieri potest, ut utraque sit probabilior altera secundum se, & absolutè: id enim apertissimam contradictionem involvit. Ergo in materia concernente fidem nulla est obligatio sequendi opinionem tutiorem, aut probabiliorē; sed satis est sequi quamlibet è duabus inter se oppositis, certò tamen probabilibus, toleratisque ab Ecclesia.

49 Quæ doctrina jam olim communis erat inter antiquos Theologos, & perseverasse hucusque, ex ipsius facti evidentia demonstratur: sunt enim inter Theologos innumeræ controversiæ circa libertatem, gratiam, peccatum originale, & alia id genus, quarum fundamenta sumuntur ex Sacris literis, Conciliis, atque decretis Pontificum doctum ex cathedra universalem Ecclesiam, & quamvis valde probabiliter inducantur adversus opinionem contrariam, eique obijciatur illis contradicere, adhuc nullus est, qui ea propter iudicet, ex fidei præcepto, vel alio titulo se esse obligatum ab assensu, aut defensione illius abstinere, dum probabiliter illis satisfacit, ac gravi motivo innixus, nec se illi, nec eam sibi adversari contendit. Eademque fuit proculdubio recepta antiquorum praxis, S. Antonino scribente p. 1. tit. 3. cap. 10. §. 10. *Communitè apud Theologos, quod in materia fidei, dum Doctores sentiant contraria, licitum est ante determinationem Ecclesiæ tenere unam partem, vel alteram sine periculo peccati, vel fidei.* Præjuncta ab eo

eo allegatus Gerfon *part. 2. de contr. pro-*
pos. 13. & expressè contestantur Joannes
 Nider in *Consolatorio timor. conf. 3. part.*
cap. 29. Sylvester in *summa. verb. Opinio*
quest. 1. Joannes Major in *4. quest. 2. Pro-*
logi concl. 2. Cajetanus *1. part. quest. 32.*
artic. 4. Pelbartus de Themefuvar *1. part.*
Resarii Theologie, quam anno 1500. consum-
navit, verb. Opinio. §. 15.

50 Sed quod rem pressius confirmat,
 sunt littere præcitæ Sixti IV. quæ pro-
 dierunt occasione acris controversiæ mo-
 ræ in Regnis Aragoniæ ad annum 1482.
 contra proſam illam pervulgatam in Ec-
 clesia; quæ ad B. Virginis misericordiam
 flectendam allegatur tanquam titulus,
 non futuram Christi matrem, nisi pec-
 catores essent. *Peccatores, inquit, non*
abhorres, sine quibus nunquam fores tan-
to digna filio. Carpebant autem vehemen-
 ter modum istum exorandi, atque colen-
 di Deiparam nonnulli graves Theologi,
 reclamantibus aliis ex adverso juxta opi-
 nionem Scoticam, aut Thomisticam,
 quæ unusquisque imbutus erat, reque to-
 ta ad Sanctam Sedem delata, & jussu ip-
 sius accuratè discussa apud Cardinales de-
 putatos ad negotia concernentia fidem,
 tandem conclusum est anno sequenti 11.
 die Septembris, ejusmodi precationem,
 utpotè cuidam probabili opinioni, nempe
 Thomisticæ, innixam, temerè, ac præ-
 sumptuosè notari alicujus peccati, aut
 indecentiæ. Verba Pontificis hæc sunt:
Cumque priori opinioni versus illi inni-
santur, dicimus, quidquid contra dictos
versus attentatum fuit, temerarium, præ-
sumptuosum, & pena dignum præsum-
pisse, tanquam contra opinionem à
Doctoribus Catholicis positam. Hucusque
 Sixtus.

51 Ubi expendi debet accuratè, istius-
 modi controversiam ad materiam fidei,
 morumque spectasse. Fidei quidem, qua-
 tenus in dubium vocabatur, num esset ve-
 ra, vel falsa, consentanea, aut dissenta-
 nea Divinis revelationibus illa doctrina,
 quæ in prædicta proſa continetur. Mo-
 rum verò, duplici de causa. Prima, quia
 movebat scrupulum, an esset licita ejus-
 modi opinionis electio, relicta tutiore,
 vel probabiliore, vel potius illicita, con-
 trariaque honestati, atque pietati fidei ob
 periculum sentiendi, & opinandi re ipsa

contra mentem Sacræ Scripturæ, ac San-
 cti Spiritus in ea, & per eam loquentis. Se-
 cunda autem, quia usus ejus quoad effe-
 ctum deprecandi B. Virginem, & allegandi
 pro titulo, quod fortasse falsum erat, vide-
 batur cultus quidam superstitiosus, & in-
 decens, qui misericordiam ejus irritaret,
 & non flecteret. Neque enim potest gaudere
 Maria fidei honoribus, aut dubiis titu-
 lis ad benefaciendum peccatoribus, cum
 tot ei suppetant indubitati, & alieni à fal-
 sitatis periculo, & incertitudinis specie.
 Neque peccatores indigent titulo forsan i-
 nani, ut in se excitent fiduciam obtinendi
 auxilii Mariani, cum certò constet aliunde,
 esse illorum advocatam, & misericor-
 diæ matrem. Unde nec similis titulus huic
 homini Christo, aut humanitati illius pro-
 poni solet, quamvis de illa etiam dicatur
 non fore hypostatice uniendam, nec Chris-
 tum Deum, & hominem re ipsa futurum,
 dempta occasione peccati.

52 Quæ cum ita sint, adhuc Pontifex
 tam supradictam sententiam, quam contra-
 dictoriam ejus declaravit esse licitè eli-
 gibilem, & assensum, ac defensionem
 ipsius consentaneum honestati, ac pietati
 nostræ fidei. Nec necessarium puta-
 vit ex præcepto fidei, alteriusve virtu-
 tis, vel suspendere judicium, vel judi-
 care dumtaxat de probabilitate uniuscu-
 jusque ex illis, etsi id longè tutius foret, &
 liberius à periculo contradicendi Scriptu-
 ræ, & sacris auctoritatibus; sed satis esse
 supposuit utramvis esse probabilem, ut er-
 rores, qui in una ipsarum necessario repe-
 ritur, esset merè materialis. Ac rursus,
 sicut non dixit, quænam ex eis esset tutior, ita
 neque examinavit, quænam esset specula-
 tive probabiliter, aut Sacræ Scripturæ con-
 formior, neque eo fundamento ductus
 laudabilem esse duxit morem illum de-
 precandi B. Virginem, & contradictores
 ejus presumptuosos, atque temerarios
 censuit; sed præcisè quia uni ex illis opi-
 nionibus à Doctoribus Catholicis piè, ac
 probabiliter positæ, nempe à Thomistis,
 versus illi innitebantur. Et, si aliquid
 conjectandum est de mente ipsius, credi
 potest, eum duxisse, doctrinam ibi con-
 tentam non esse probabiliorem; sed poti-
 us minus probabilem: erat enim Mi-
 norita, quibus solemne est Scoto adhe-
 rere, & opiniones Thomisticas, maxime
 illam,

illam, de qua loquimur, viriliter oppugnare.

53 Constat igitur ex decisione Pontificis, in materia fidei, ac morum licitum esse, ac honestum sequi quamvis opinionem certò probabilem, neque opus esse vel adherere tutiori, vel probabiliorē amplecti, aut abstinere ab assensu, vel ab usu opinionis minùs tutæ, minùsque probabilis. Nam assensum, usumque opinionis minùs tutæ in hac materia, ut ex suprà dictis constat, Pontifex ipse approbavit tanquam pium, & honestum. Neque exigit, ut ea saltem esset certò probabilior: nullam enim, vel tenuissimam, mentionem hujus requisiti fecit; sed utramvis opinionem, verbis utrique communibus, pietatis, fidei, auctoritatis, ac rationi congruere pronuntiavit. Nec voluit propterea, illas esse æquè probabiles; sed Theologorum id disputationi reliquit, sola certa uniuscujusque probabilitate contentus, ut electio, ususque illius in nostris deprecationibus pius, ac honestus esset adeò certa pietate, & honestate, ut non nisi temerè, ac præsumptuosè vituperari possit, vel ut illicitus reici.

54 Quòd si inter opiniones fidei, ac morum sola tutior, aut sola probabilior posset eligi, aut deduci ad praxim, Pontificia declaratio, atque defensio proculdubio vacillaret, & infirma ratione nitetur. Nam de tutiore jam constitit, longè tutius, atque cautius esse in re periculosa, & ambigua expectare determinationem Ecclesiæ, & interim nil assertivè enunciare de veritate, aut falsitate illius eventus. De probabiliori verò exinde patet, quia Scotistæ, & alii permulti censent, Thomisticam opinionem, cui nituntur illi versus, non esse probabiliorē; sed æquè, aut minùs probabilem: unde nulli ex eis liceret tali precatione uti, neque ipsi Pontifici, qui, ut præmissimus, Scotista erat. Et, sicut non essent temerarii, aut pœna digni, qui assererent, Thomisticam opinionem verè esse minùs probabilem, & longè minùs, qui dicerent, non esse probabiliorē certò, ac indubitanter, cum illius probabilitas sit sub opinione posita, & de facto controversa, ita nec temeritatis notæ, neque alii pœnæ obnoxii viderentur, qui talem deprecationem in praxi reprobarent, si sola probabilior opinio licitè in praxi esse sequenda.

55 Ratio quoque à Sixto adducta exigi foret momenti. Nam quòd uni probabili opinioni versus illi subnitantur, non tolleretur, quòd illorum usus esset illicitus practicè, si probabilitas certa æqualis, aut minor non sufficit ad honestatem actionis, sed major determinatè requiritur in materia fidei, aut cultus, ut illa evadat honesta. Quare nec vi hujus rationis justè potuissent damnari presumptionis, & temeritatis, vel pœna digni censeri, qui ejusmodi precationem ut illicitam respuebant. Sponte namque faterentur, id esse contra opinionem à Catholicis Doctoribus positam, quòd solum Pontifex dixit, & adhuc reponerent, non esse probabiliorē, uti ad licitam precandì praxim opus erat. Arque ulterius adderent, se quoque probabili, & forsitan probabiliori opinione niti ad contradicendum, & negandum probabilitatem alterius, ac proinde eadem ratione excusari à pœna, & temeritate, qua Pontifex adversarios suos excusandos esse censuit.

CAPUT VI.

Obiectio pro obligatione sequendi hac in re tutiorem partem, & uberior prædictorum confirmatio.

56 **O**bjectio sic se habet. Qui se exponit periculo morali incidendi in hæresim, aut in opinionem aliquam erroneam, vel temerariam temeritate Theologica, proculdubio peccat contra fidem: id enim generale est, & de periculis committendi alia peccata respectivè traditum ab omnibus Theologis, acceptumque ex Ecclesiastico 3. 27. scribente: *Qui amat periculum, peribit in illo.* Sed qui, relicta tutiore, in materia fidei probabilem opinionem assertivè tradit, & absolute tanquam veram defendit, huic periculo se exponit: nam, si falsa sit sua opinio, eo ipso contraria erit Divinis revelationibus in Sacra Scriptura contentis, & difformis menti illius, qui ea: distavit. Ergo peccat contra fidem mediatè, vel immediatè.

57 Respondeo, assumptam doctrinam in illis locum habere, qui temerè, aut incautè se exponunt periculo deferendì fidem, seu contradicendì rebus ab Ecclesia

clesiam jam determinatis, vel ex Sacra Scriptura manifestis, ut plerumque indoctis accidit, qui cum hereticis disputant, aut communicant frequenter de rebus ad religionem spectantibus, aut illorum libros legunt, aut cum ipsis matrimonium in eunt; vel etiam doctis, cum nimis licenter opinantur circa ejusmodi materiam, doctrinasque hæresi proximas, aut temerarias excogitant; unde vi consequentiæ sensum pertrahantur ad sentiendum contra regulam veræ fidei, atque pietatis. Hi namque propriè periculum suæ perversionis amant, & contra fidem delinquant, dum sese sponte coniciunt in proximam occasionem recedendi à vera fide, vel per hæresim, si periculum pertinaciæ non desit, vel simplicem errorem, si non metuant pertinaciam. Quocirca ipsis rectè accommodatur, quod de periculis aliorum peccatorum dicitur, & de obligatione præcavendi voluntarias occasiones orta ex præcepto cavendi, seu vitandi ipsa peccata.

58 At verò longè alia est ratio de illis, qui in materia fidei aliquam ex contradictoriis opinionibus certò probabilem amplectuntur: hi namque sine peccato id faciunt; immò cum laude virtutis, ut Sixtus IV. decrevit, & præter S. Antoninum, Cajetanum, Gerson, Majorem, Sylvestrum num. 49. appellatos, docuit ex professo S. Thomas in 1. diff. 38. q. 1. toto art. 5. & 1. p. q. 32. art. 4. ubi interpres communiter, copiosè suffragante Terillo de regula mor. 1. p. q. 11. & prælucente Bernardo epist. 77. longè ante fin. his præter cetera: *Sane ibi unusquisque in suo sensu securus abundat, ubi aut certæ rationi, aut non contemnendæ auctoritati, quod sentitur, non obviat.* Et sane si quis percurrat diversas, pro fusque oppositas expositiones locorum Sacri instrumenti; quæ extant apud SS. Patres, & alios commentatores, planè compariet, hunc modum differendi fuisse usitatissimum, & non solum sine scrupulo, sed magno fidei profectu, summaque laude pietatis receptum in Ecclesia ab incunabulis. Theologi quoque Scholastici vix linguam movere possent, nisi ex principiis fidei ad suum intentum probabiliter applicitis opinionis suas confirmarent. Et cum sæpè obiciant adversarii, oppositas assertiones contradicere Con-

ciliis, aut Scripturis Canonicis, & deducendo ad absurdum id rectè sequi contendunt, neque ipsi detererent metu imponendi Spiritu Sancto, quæ non dixit; neque alios deterrent, quominus in sua opinione persistant, dum probabili solutione declinant absurdum, quod sibi opponitur.

59 Neutri ergo debent judicium opinativum suspendere metu errandi, aut dissentienti ab Scripturis Canonicis, quamvis necessarium sit, ut aliquis ipsorum circa verum earum sensum decipiatur: quia ex duabus contradictoriis una debet esse vera, & alia falsa, & hoc est evidentissimum; tamen sub opinionum ambiguitate versetur, quin possit discerni à nobis, cuinam veritas determinatè conveniat, & cuinam officiat falsitas. Quæ vividius urgent, si expendas, frequentissimè questionibus excitari, quibus inquiritur, an sit aliquid de fide, vel quo gradu certitudinis teneri debeat? Quia esto Auctores inter se dissentiant, & aliqui affirmet; alii verò negent, id esse de fide; dum utrique probabiliter discurrunt, & ipsi fidei, & prudentiæ sufficienter satisfaciunt, & nemini imputatur ad culpam, quòd uterque cum formidine opinionem suam protulerit, & alteruter erraverit. Immo interdum evenit, ut quod nonnulli judicant esse de fide, & in Sacris litteris sufficienter expressum, alii ex adverso censeant, neque certum esse; sed probabilius dumtaxat, atque falsitati expositum. Exempla apud Theologos obvia sunt. Unum dumtaxat propono ex illa questione, qua inquiritur: *Utrum virtutes cardinales per se infusæ simul cum Theologicis in justificatione conferantur?* Sunt enim non pauci ex Thomistis, qui id putant esse de fide, reclamantibus Scotistis, aliisque permultis, & statuentibus, non esse, nisi opinionem Theologicam. Videndus Suarez tom. 3. de gratia, lib. 6. cap. 9. à num. 11. qui, fundamentis omnium rectè ponderatis, huic partiendum accessit.

60 Est igitur contra praxim, sensumque Ecclesiæ universæ obligatio illa abstinendi circa materiam fidei ab opinionibus, quoties sunt certò probabiles, propter errandi periculum, quod est alterutri annexum. Est etiam adversus bonum commune; atque scientiam ipsam veri-

veritatis: neque enim veritas fidei exponi posset, addisci, defensori, investigari, stabiliri, aut doceri hestando, vel suspendendo iudicium; sed affirmando, aut negando: & in ordine ad hos fines, qui summi momenti sunt, longè est tutius, ac utilius opinari, quàm hēre, & nihil asseverare. Et alioqui neque certò probabilioribus doctrinis asseveranter assentiri liceret, nam & illæ sunt obnoxie falsitati. Nec solum illæ, sed ipsa probabilioritas frequenter est incertissima, & sub opinione positum, utra ex duabus opinionibus sit conformior rectæ fidei: unde hoc quoque iudicio supersedere oporteret, si circa fidei materiam nihil, nisi certum, licet affirmare. Et, quod est absurdus, Sancti Patres, apud quos passim leguntur opiniones, interpretationesque contrariæ locorum Sacræ Scripturæ, peccassent illustrando: potius enim suspendere debuissent suum iudicium, & remittere illud ad Ecclesiam, cum nemini ex eis certò constaret, quæ esset vera, vel quæ falsa, quæ probabilior, quæ minus, quæ æquè probabilis. Et cum factò suo, & exemplo modum istum differendi circa materiam fidei comprobassent, reliquis scandalo fuissent, tunc, & modò; immò mortui impenitentes, quia illum nunquam retractarunt, neque admonuerunt periculi posteritati imminentis, si vestigia ipsorum fuissent imitata.

61 Jam verò quòd in ejusmodi assensibus, tametsi formidolosis, non invenitur periculum peccati per se imputabilis, & præsertim contra fidem, inde ostensivè monstratur. Quia in primis omne abest periculum hæresis, aut infidelitatis, cum pertinacia delit, & voluntas in obsequium fidei subiciatur determinationi Ecclesiæ, corrigi parata ad ejus nutum. Abest iterum periculum errandi contra fidem propositam modo sufficiente ad credendum, prout oportet: quia, ut suprà visum est, ejusmodi propositio reddit solam unam partem prudenter credibilem; aliam verò inopinabilem. Abest insuper periculum contradicendi fidei, aut veritati contradictione manifesta, aut à consilio: quia ponimus, opiniones immediate versari circa materiam nondum ab Ecclesiâ decisam, & error, si quis contingit, contra voluntatem opinantis evenit, qui spiritu

contradictionis non ducitur; sed potius conformitatis. Abest præterea periculum asseverandi alicui dogmati, cujus oppositum ex principiis fidei clarè deducatur: supponimus enim, sufficienter solvi argumenta inde petita, nam alioqui opinio non foret certò probabilis; sed certò opposita, falsam mediata, alicui fidei principio. Abest denique periculum contradicendi rectæ fidei ex certa scientia, vel negligentia culpabili addiscendi ejus doctrinam: nam & certa scientia unius extremi necessariò deest, cum probabilitas utrimque adest, & culpabilis negligentia esse non potest, ubi post diligentem discussionem adhuc veritas non liquet.

62 Porro, cum hæc omnia desunt, omne periculum abest errandi inexcusabiliter in electione opinionum contra leges fidei, aut veritatis. Nam error, si quis contingit, non est affectatus, nec crassus, nec negligens; sed invincibilis, atque purè materialis, latensque sub tanta specie, & colore veritatis, ut verosimilitudo ipsius sapientes etiam, ac prudentes fallat, & meritò ab ipsis non jam error, sed veritas reputari valeat. Metus autem ita errandi non est metus tanti mali, quod etiam cum timetur, præcaveri debeat: forsan enim bonum est, & fidei, ac veritati conforme, & sub hac ratione intenditur, atque prudenter speratur. Vel rogo, quidnam culpetur in electione illius? An quòd homo positivè illum non vicerit, nec à veritate discreverit? Sed hoc fuit illi impossibile, etiam post congruam diligentiam factam. An quòd cum non evitaverit per suspensionem iudicii? Sed nulla lege tenetur propter metum ita errandi præcidere sibi spem assentiendi veritati: eradicaretur enim simul cum zizania triticum, & omnes veræ opiniones unà cum falsis de facto submoverentur, quantumvis summè probabiles. Non est ergo talis error ex illis, qui vinci possunt, aut qui debent evitari. Nec revera nocet, dum pro veritate habetur justis de causis; sed juvat ad inveniendam ipsam veritatem, quæ per contrarias, differentesque opiniones sæpius obtinetur, & iis sublati, neque rectè examinari posset, nec tandem discerni à falso. Langueret enim studium inquirendi verum metu errandi in ipsa inquisitione, & sublatà interim licita opi-

opinandi facultate, tota illa Theologia condemnanda esset, quæ in differendi subtilitate versatur, simul cum studio exponendi Sacras litteras, & defendendi scholasticæ doctrinam fidei: nam in his omnibus pauca sunt certa, si cum incertis, & obscuris conferantur.

63 Audiendus modò S. Thomas in *dist. 1. art. 5. corp.* ubi pleno assensu præjactæ doctrinæ favet. Si contradiçtio opinionum est de his, quæ ad fidem pertinent, hoc possit esse dupliciter. Vel quia est de illis, quæ expressè in articulis fidei continentur, quos scire omnes tenentur, & circa talia contradiçtio non est sine peccato in altero, vel erroris simplicis, vel heresi, si pertinacia adjungatur. Vel est de illis, ad quæ consequitur aliquid inconveniens, & contrarium fidei, licet in fide expressum non sit, nec determinatum; & tunc ante pertrastationem, per quam scitur, quoddam aliquid inconveniens fidei sequitur, potest utrumque sine peccato opinari, & maxime si pertinacia non adjungatur. Sed, pertrastata veritate, & viso, quod sequitur, idem judicium est de eis, & de illis, quæ determinata sunt in fide, quia ad unum sequitur alterum. Hic ultimus est noster casus, quia semper loquimur de rebus non determinatis ab Ecclesia, nec contra articulos fidei agnoscimus opiniones, quæ sint re vera probabiles. In hoc autem casu S. Thomas non postulat suspensionem judicii, nec præscribit, ut ei soli opinioni accommodetur assensus, quæ probabilior apparet; sed expressè affirmat, posse utrumque sine peccato opinari, donec opinantes sciunt, & videant, re diligenter tractata, ex sua opinione necessariò sequi aliquid fidei contrarium. Scire autem, ac videre nemo dicitur, quæ ambigua sibi sunt, & obscura, & sub incerto opinionum suæ menti representantur: & nisi certa scientia, aut evidentia inibi requireretur, non rectè dixisset S. Thomas, idem esse de eis judicium, ac de aliis, quæ sunt in fide expressè determinata.

64 Et hæc quidem adeò vera sunt, ut ex eis tanquam notioribus argumententur S. Antoninus, Nider, Sylvester, Gerson, & alii ex laudatis supra ad illa, quæ ad mores attinent. Et meritò. Quia non est minus malum, sed sæpè deterius, er-

rare culpabiliter circa doctrinam fidei imputando Deo, quæ non dixit, aut inficiando, quæ dixit, quàm errare confusimiliter circa Divina mandata, asserendo præcepisse, quæ non jussit, aut negando jussisse, quæ præcepit, ideòque per sufficientem diligentiam utrumque vitari debet, & interim nil temerè affirmari. Sed certa probabilitas opinionis, cui acquiescimus, quamvis fortè falsa sit, circa doctrinam fidei ab hoc malo, & ab illius periculo ejus electionem purgat, & licitam relinquit facultatem amplectendi, quod placuerit. Ergo id ipsum contingit à fortiori circa doctrinam moralem. Immodò, si quis rectè advertat, tota hæc doctrina, quatenus spectat ad licitam, aut illicitam electionem opinionum, moralis est: quia ipsæ opiniones, etiam speculativæ, in illa considerantur, ut objectum electionis, & tanquam actus humani, qui bonè, aut malè elici possunt, & turpiter, aut honestè imperari à voluntate. Nec quoad hoc differunt ab aliis actionibus externis, aut materialibus; sed externæ dici possunt, quia sunt extra voluntatem, etsi alio sensu vocari soleant internæ, quæ non sunt per se sensibiles, sed intra intellectum manent, ut hereses, judicia temeraria, imprudentiæ, inadvertentiæ, astutiæ, & alia id genus peccata.

65 Concludo verbis conspicuis Angelici Præceptoris loco nuper appellato. *Contrariè, inquit, opinari de aliquo, potest esse dupliciter. Vel quod pertineat ad religionem fidei, vel quod non pertineat. Et siquidem sit de non pertinentibus ad fidem, quibus positis, vel remotis, nihil inconveniens fidei sequatur, nullum peccatum est: nisi fortè per accidens, scilicet præsumptionis in eo, qui nimis offerit, quod dubium est, vel mendacii, vel inanis gloriæ, vel multorum aliorum, quia cause per accidens sunt infinitæ. Itaque per se loquendo, juxta Angelicum Doctorem, nullum omninò est peccatum in his, quæ ad fidem non pertinent, opinari sic, vel aliter, nec debet judicium suspendi ob periculum errandi, aut alligari intellectus ad probabiliora tantum. Quinimodò, licet daremus, non posse intellectum nostrum physicè assentiri ei parti, quæ sibi dumtaxat proponitur ut equè, aut minùs probabilis (quod falsum est) adhuc tamen asserendum foret,*
cum

eum non peccatum, si per possibile, vel impossibile id faceret. Recolenda antea dicta circa opiniones probabiles in materia concernente fidem, quia ita sunt propoſita, ut facillimè huic inſtituto poſſint applicari.

66 Nam ſicut ſæpè eſt incerta ſapientibus, ac prudentibus exiſtentia, aut verus ſenſus alicujus Divini teſtimonii, ſic ſapientibus evenit, ut ſit eiſdem incerta exiſtentia, aut verus ſenſus alicujus legis poſitivæ, aut naturalis, uti & exiſtentia facti, vel alterius circumſtantiæ, unde pendet ejus obligatio; immò certum illis eſt, rebus ſic ſtantibus, eam eſſe incertam, ut ſemper evenit, cum circa illam contradicторiæ opiniones affirmativæ, ac negativæ verſantur, quin poſſit abſque formidine pars alterutra enunciari. Quoties autem certum eſt, aliquam veritatem facti, aut juris eſſe adhuc incertam, nequit imputari ad culpam, quòd certa illius notitia deſtituamur, ſeu quòd ſtudio, ac diligentia non ſumus aſſequuti evidentiæ veritatis, quam ex. g. S. Thomas, Bonaventura, vel Scotus, & alii Doctores claſſici poſt tot curas, ac vigilas nondum aſſequi potuerunt. Quòd ſi carentia hujus ſcientiæ inculpabilis eſt, etiam erit extra culpam illa erronea exiſtimatio, qua putamus, eſſe veram opinionem, cui acquieſcimus, licèt ſit coram Deo falſa. Neque enim poſſumus ſcire, ut debemus affirmare, eam eſſe falſam præ oppoſita, dum ſolidis argumentis, ac fortè probabilioribus veritas illius perſuadetur, & altera eidem periculo expoſita demonſtratur; ſed caſu evenit, & contra ſpem, & opinionem noſtram, quòd re vera falſa ſit, aut quòd, ſuperveniente nova luce, vel decreto Pontificio, poſtea talis deprehendatur. Pro tunc enim talis error involuntarius eſt, proptereaquè inculpatus quoad circumſtantiam falſitatis incognitæ, atque à vero indiſcernibilis, licet voluntarius ſit voluntate ſci ſentiendi, & opinandi eſſe verum, ſcluſa omnino voluntate errandi.

67 Quæ à fortiore vera eſſe conſtabit, ſi animipendas, non ſolum poſſe contingere ignorantias invincibiles, & errores inculpabiles circa doctrinas incertas, & ſub probabili opinione poſitas, de quibus modo tractamus; verum etiam circa alias ſapientibus abſque dubio manifeſtas, & in Sacris litteris expreſſè determi-

natas, ſic ſentiente S. Thoma loco ſuperius citato hiſce decretoriis verbis: *Si aliquis ſimplex, & Scripturas ignorans crederet, Jacob patrem Iſaac fuiſſe, ad quòd ſequitur Scripturam eſſe falſam, quòd eſt expreſſè contra fidem, antequam ſequi oſtenderetur ſibi, poſſet ejus opinio ſine peccato eſſe. Sed, oſenſo, quòd ſequitur, Scripturam eſſe falſam, ſi adhuc in opinione pertinaciter perſiſſeret, hæreticus judicandus eſſet.* Notentur illa ſpecialiter: *Poſſet ejus opinio ſine peccato eſſe.*

68 Ratio autem eſt, quia etſi præceptum non contradicendi rectè fidei in Sacra Scriptura propoſitè, negativum cum ſit, ſemper & pro ſemper vetet contradiccionem voluntariam; nullatenus tamen vetat eam, quæ voluntaria non eſt; ſed penitus ignorata, tam in ſe, quàm in obligatione inquirendi, & adhibendi media ad cognoscendam illam ſub ratione talis. Facile autem fieri poſteſt, ut ſimplex ille, antequam ſibi oſtendatur oppoſitio ſui aſſenſus cum doctrina fidei, eam invincibiliter ignoret; vel quia nil omnino de illa cogitavit, nec de obligatione inquirendi, aut cognoscendi ipſam; vel quia Doctor ſibi deſiit, à quo eam diſceret; vel quia Parochus, aut alius aſſuit, cui meritò fidere poterat, ex quo ſuum errorem bona fide hauſit. Tunc autem voluntaria eſſe non potuit directè, vel indirectè ejusmodi contradiccionis, utpotè prorsus incognita: neque effectus negligentię voluntarię, quia negligentia etiam poſtulat tranſgreſſionem ſpontaneam præcepti obligantis actu ad diligentiam oppoſitam. Ergo ſine peccato continget. Nam ſicut voluntarium ſine cognitione eſſe nequit, ita peccatum abſque voluntario eſſe non valet.

69 Quouſque verò extendi poſſint ignorantie itte invincibiles, aut errores inculpabiles in materia fidei, aut morum, tractat optimè Terillus diſſa quaſt. 10. à nu. 8. & circa fidem Suarez diſpur. 15. de Fide. ſeſ. 1. à num. 10. & ſeſ. 2. à num. 4. præter ea, quæ circa mores accuratiſſimè tradit diſp. 4. de cenſur. ſeſ. 8. noſque pauca prælibavimus in ſuperioribus cap. 3. Certum tamen eſſe debet, ejus indolis errores, & inſcitias facti proprii, vel alie ii, & juris poſitivi, aut naturalis frequenter poſſe contingere, & neque eſſe in ſe peccata per ſe

se displicentia Deo, nec causam peccandi in ea specie, cujus malitia occultatur. Nam licet compertum sit, passimque expressum in Sacris litteris, & apud SS. Patres, dari peccata ignorantiz, vel erroris; immò & ignorantiam ipsam privativam scientiz debitæ sæpè esse peccatum, quia sæpè voluntaria est, ac vincibilis, seu effectus negligentiz culpabilis; nusquam tamen inveniuntur peccata ignorantiz, aut erroris penitus involuntarii quoad malitiam, aut invincibilis per diligentiam ex præcepto debitam. Eademque est ratio à fortiori de inconsideratione, inadvertentia, aut oblivione merè naturali.

70 Nec præceptum sciendi, aut adhibendi studium ad aliquam notitiam comparandam, seu artis, seu facti, seu juris, eos obligat, saltem proximè, qui ejusmodi præcepti nullam prorsus cognitionem habent, qua voluntaria sit ejus transgressio.

Præceptum enim non ligat, nisi per scientiam: atque id commune est præceptis omnibus faciendi, omittendi, aut sciendi, & procurandi cognitionem veritatis, quod nullus ligatur per præceptum aliquod, nisi mediante scientia illius præcepti. Quare ubi conscientia non obligat, neque præceptum potest obligare, quia eadem virtus est, qua præceptum ligat, & qua conscientia ligat, cum præceptum non liget, nisi per virtutem scientiæ, ut sparsim tradit, & fusè profecquitur S. Thomas q. 17. de verit. art. 3. corp. & art. 4. ad 2. & quæst. 23. art. 7. ad 1. ubi ex eo, quod voluntas Dei plenariè nobis nota esse non potest, rectè concludit, nullum posse, vel debere voluntatem suam cum Divina plenariè conformare, & hoc necessarium putat, ne Deus impossibilia præcipere censeatur. Sed, inquit, secundum quod cognoscimus, conformare possumus, & tenemur.



DISSERTATIO V.

DE PRÆCEPTO AFFIRMATIVO DILIGENDI DEUM.

Huc revocantur quinta, sexta, & septima ex propositionibus in præsentì condemnatis, quarum doctrina valde affinis est, adeoque illas sub eodem titulo completi placuit.

CAPUT PRIMUM.

An peccet mortaliter, qui actum dilectionis Dei semel tantum in vita eliceret?

Quinta propositio idcirco est damnata, quia peccati criminalis istum condemnare non audebat: ita enim habet. *An peccet mortaliter, qui actum dilectionis*

Dei semel tantum in vita eliceret, condemnare non audeamus. Sumpta est, ut jaceret, ex thesibus publicè propugnatis Antuerpiæ ab Antonio Marchant anno 1674. indeque delata ad S. Sedem tanquam una è doctrinis perniciosissimanantibus nunc per Belgium. Modestæ autem defensoris potius, quam approbationi, tribuit eam noluisse condemnare, & prævenire iudicium S. Inquisitionis, Seditæ Apostolicæ Vilhelmus Sandæus in *confutat. trium viror. ad propos. 5.* idque nonnullis conjecturis persuadet. Sed quidquid sit de mente Auctoris, qui inter Patres Minoritas & doctus erat, & pius, illa, ut jaceret, condemnari debuit. Trepidasse enim videtur, ubi nullus erat timor, & positivum favorem ei doctrinæ præstitisse, ejus damna potius erant indicanda, ut omnes ab ea caverent. Nec dubium, quin eo loquendi modo frequenter significetur alienatio mentis nostræ condemnandum rem ex meritis suis consideratam, & propensio ad absolvendum.

2 Quod verò non jam ausu, vel temeritate, sed maruro consilio, atque prudentia tunc potuerit gravis peccati damnari, & nunc ab omnibus condemnari debeat, qui segerit, sicut inibi proponitur, ex decreto Pontificio nobis constat, & exinde etiam suadet, quod sententia adstruens præceptum charitatis semel tantum obligare in vita ad exercitium sui actus nunquam bene audierit in Ecclesia, & si quosolim nominatos defensores habuit, jam hoc tempore antiquata erat. Unde *nimis laxam* plusquam centum ab hinc annis eam appellavit Navarrus in *Manual. cap. 11. nu. 7. ridiculam Theolog. Reform.*

Petrus de Ledesma in *summa. 2. p. tradi. 3. de Charit. cap. 5. concl. 6.* post Soto, qui ulterius addidit *lib. 2. de just. & jur. q. 3. art. 10. in med. eam longe aberrare à natura hujus præcepti; ineredibilem Villalobos 2. p. tr. 3. diff. 2. nu. 6. inverisimilem Azor. 1. p. lib. 9. cap. 4. q. 1. necnon Suarez. disp. 15. de Penit. sect. 6. num. 18. ex quo insuper discimus disp. 69. de Sacram. sect. 3. concl. 2. id rationabiliter dici non posse. Quare oppositam sententiam ut certam sequuntur Serra 2. 2. q. 44. fin. Bassus in *floribus Theologicis 1. p. verb. Caritas n. 9. Moya in select. 1. p. tr. 6. disp. 6. q. 2. nu. 11. Leander à Sanctissimo Sacramento in præcep. Decalog. 1. p. tr. 3. q. 11. ut innumeros recentiores prætermittam, qui illam sectati sunt communi assensu, ac nominatim Suarez, Molina, Valentia, Baldellus, Petrus Hurtado, Aversa, Layman, Palao, Arriaga, Thomas Sanchez, Torres, Bonacina, Amicus, Caspensis, Pontius, & alii, quos dabit Mendo in *statera differt. 1. n. 141.***

3 Exemplum valde simile suggerit præceptum Divinum suscipiendi Sacramentum Pœnitentiæ, quod ex se etiam est indefinitum, & nullum tempus determinat, quin proinde liceat, aut licuerit unquam. eo precise jure attento, id tantum semel in vita suscipere, vel ejus executionem ad mortem usque differre. Quod utique in Concilio Tridentino definitum esse, *sect. 14. c. 5. circa fin.* ex illius verbis rectè ponderatis sibi elicere videtur P. Vasquez *tom. 4. in 3. p. q. 90. art. 1. dub. 4. n. 26.* Alii enim Concilium ex vi legis Ecclesiasticæ, qua tempus annuum confessionis præscribitur, illam non fuisse præceptum absolutè, & quoad substantiam; sed hoc solum factum, ut *Divinum præceptum confessionis saltem semel in anno ab omnibus, & singulis, cum ad annos discretionis pervenissent, adimpleretur.* Atqui, si præceptum illud non pluries, sed semel tantum obligaret, per repetitas confessiones annuas non adimpleretur, sed prima vice illi foret adequate satisfactum, & omnes aliæ confessiones subsequen-

K tes

res vel licite prætermitti possent, vel non ex jure Divino obligarent; sed ex sola lege Ecclesiæ.

4 Ita igitur primum illud, magnumque præceptum juris naturalis, ac Divini, quo ex charitate tenemur diligere Deum super omnia, quamvis nullum tempus determinatè præscribat, non ideo ad unum actum restringitur, aut obligat tantum semel; sed juxta exigentiam materiz, & ipsius præcepti dignitatem ad hoc saltem debet obligare, ut in diuturna vita non sit serè abque exercitio, sed interdum renovetur. Idque Deus jure suo postulat, ut ultimus finis, primumque principium, ut pater, ut sponsus animarum, ut amicus, ut eximius benefactor, aliisque innumeris titulis, qui etiam urgent inter homines ad amorem amicabilem, & benevolendi officium. Expedit autem, non solum pluries diligere Deum, & exhibere eum affectum, qui sibi est omnium gratissimus; sed etiam oportuit, ut sub præcepto prohiberetur nimia, & ignava dilatio exercitii in se adeò nobilis, & nobis adeò proficua ad vitam erga Deum restitè instituendam. Et alioqui satis foret nullum agnoscere affirmativum præceptum proprium, ac speciale hujus virtutis: nam ratio, quæ certum reddit, illud dari extra collectionem omnium mandatorum, quæ ad alias virtutes spectant, pariter monstrat, illud non debere aritari duntaxat ad unam vicem.

5 Et quis non videat, præceptum diligendi Deum ex toto corde, tota anima, tota mente, totis viribus, ac tote fortitudine (ita enim proponitur in diversis locis Sacræ paginæ) saltem toties obligare ad exercitium cordis, viriumque nostrarum, quoties obligat præceptum concupiscendi Deum nobis, orandi, gratias agendi, honorandi Deum per sacrificia, & cætera ejusmodi, quæ ex virtute religionis, aut ex aliis inferioribus charitate debentur? Atqui affirmativum præceptum concupiscendi Deum nobis, aut orandi ex.g. quamvis sit indefinitum, quin certus numerus mensuræ, aut annorum præscribat jure naturali, vel Divino ad exequutionem ejus, nihilominus non semel obligat; sed interpretatione prudenti ejus tempora determinantur. Ergo a fortiori id ipsam dici debet de præcepto diligendi Deum

amicabiliter, quod tanquam primum, ac maximum in Scriptura Divina commendatur tot exaggeratis verbis. Nam et si agrè discernatur, vel quæ sit nimia dilatio, vel quæ frequentia sit debita, non ideo permittenda est quævis dilatio, vel tollenda omnis frequentia; sed in hoc præcepto, sicuti & in aliis, ubi eadem est difficultas, sua temporis mensura præscribenda. Videatur P. Suarez tom. 2. de Relig. lib. 1. cap. 30. num. 16. qui argumentum illud rectè premit.

6 Propterea audiendi non sunt Remigius Noydens in summa. tract. 2. cap. 1. §. 3. & Acacius de Velasco tom. 1. resolut. moral. verb. Amor. resolut. 53. num. 2. dum, relata, nec explosa, illa sententia de præcepto diligendi Deum semel tantum obligante, subdunt, eam liberare à multis scrupulis: æque enim ab scrupulis liberat opinio planè improbabilis: & is modus dicendi non minorem ejus approbationem involvit, quàm non audere eam damnare. Sed nec attendi jam debet Joannes Sanchez in select. disput. 1. num. 21. vers. Nec frangitur, dum scribit, verius videri, si ad speculationem tantum esset recurrendum, non nisi in mortis articulo hoc præceptum obligare. Quod non esse improbabile Jacobus Pontanus, alique Doctores Lovanienses defenderunt, id referente Sandoz ubi suprâ, vers. Fortasse. Atque eodem recidere videtur, quod olim docebat Canus in relect. de pœnit. 4. propos. 2. cum ait: Nec peccat mortaliter, qui non diligit Deum, nisi necessitatis articulus intercedat.

7 Ad stipulanti etiam putatur Vasquez tom. 4. in 3. p. quæst. 90. art. 1. dub. 4. à num. 37. Sed ibi plurima tradit dicta potius juxta principia illorum, quos sedarguit, quàm ex mente propria. Nec loquitur de præcepto charitatis in sua tota latitudine; sed de illo, quatenus obligat lapsos ad reconciliationem cum Deo per contritionem, aut per Sacramentum. Et sub hac ratione tradit, per se loquendo solum obligare in fine vite, nam per accidens in multis casibus obligare ad contritionem jam tradiderat quæst. 86. art. 6. dub. 6. num. 11. Parum autem refert, utrum hoc, vel illo modo obligare censetur, si re vera, in sententia hujus Auctoris, ipsummet præceptum Divinæ dilectionis est, quod pluries obligat, & quod reconciliationis omissione spe-

CAPUT II.

specialiter violatur, ut distinctius in sequentibus est à nobis explicandum.

8 Propterea denique admitti non debet, quod nonnulli alii affirmarunt, huic speciali praecepto satisfieri posse per actus aliarum virtutum, quin sit opus dilectione charitatis erga Deum. Nam licet charitas imperet omnibus aliis virtutibus, & perfectus ejus actus tanquam plenitudo legis virtute in se ipso contineat omnium mandatorum observantiam; ipsa tamen, prout est virtus specialis, suum habet proprium motivum, nempe Deum propter se amandum, & ex eo operari debent hi, qui exercent ejus opera specialia. Quare agnoscere hoc praeceptum, & aliunde denegare obligationem exercendi actus immediatè elicitos à virtute charitatis, & ex proprio ipsius motivo, duo asserta sunt prorsus opposita, & postremo admissio, eò tandem devenit, ut licitè possint homines nunquam in tota sua vita, nemum semel, Deum diligere speciali amore charitatis.

9 Non ergo satisfaciunt huic praecepto, qui digne Eucharistiam suscipiunt, etsi ita docuerit Sanchez, quia Eucharistia sine amore dignè accipitur, praevia attritione, & confessione peccati. Neque item illi, qui reliqua praecepta observant, ut voluit Henriquez Augustinianus, quia praeter illa adhuc superest istud maximi momenti, & aliis omnibus majus. Nec demum, ut nonnulli insinuant, per concupiscentiam amorem, quo Deum nobis diligimus, & ex affectu consequendi ultimum finem proponimus servare omnia mandata: nam huic actui deest proprium motivum amicitiae, ac charitatis, sicut aliis, qui ex motivo gratitudinis, obediendae, aut poenitentiae, vel generalis iustitiae proponunt legem servare. Quo autem pacto istud praeceptum per amorem naturalem Dei observaretur etiam in pura natura, & quomodo, supposita elevatione, per amorem supernaturalem charitatis Theologicæ servari debeat, tractant plurimi, quos dabit Leander *suprà quæst. 10.* neque omitteendus Palao 1. p. *trac. 6. disput. 1. punct. 3. num. 2.*

An praeceptum Divinae dilectionis per obliget, saltem quinto quoque anno?

10 Firmiter tenendum est, executionem ejus ultra hunc terminum non posse prorogari; sed saltem singulis quinquenniis esse implendum per se, ac ratione sua, quamvis nulla extrinseca necessitas, vel peculiaris circumstantia occurrat, quæ exercitium dilectionis postulat anticipatè. Ita enim sumitur ex nupero decreto Innocentii, ubi sextum lemma ex profligatis sic se habet: *Probabile est, ne singulis quidem rigorosè quinquenniis per se obligare praeceptum charitatis erga Deum.* Tribuitur P. Antonio de Escobar in *summa trac. 5. exam. 4. num. 8.* Sed immeritò, quia apud eum non invenitur, ut jacet in decreto; sed cum nonnullis additis, quibus declarat sufficienter, mentis suae non esse admittere ulteriorem extensionem praecepti; sed exponere, determinationem quinquenniis, denegationemque majoris moræ prudenti hominum arbitrio constare; non verò ex rigore juris, quod indefinitum est, & aliquoties obligat, vel quadriennium, aut quinquennium, vel alium terminum determinatè praescribat.

11 Praemiserrat eo loci cum Henriquez, hoc praeceptum obligare in initio, ac fine vitae, & tempore intermedio, saltem singulis quinquenniis, & immediatè subiungit: *Addo ex Fillucio, probabile esse, non quinquenniis singulis rigorosè obligare; sed sapientum arbitrio.* Ubi, ut vides, non negat, obligare saltem quinto quoque anno ex arbitrio sapientum, quos ipse fuerat sequutus; sed solum contendit, non obligare ex rigore independenti ab eo arbitrio. Praeceptum enim ex sua forma, & verbis suls vagum est, & plus temporis permitteret, si prudens iudicium id ferret, cui determinatio est commissæ; sed quia id non fert, ideo ulterior mora aufertur, & ad terminum quinquenniis executio ipsius restringitur. Neque aliud quid levissimè insinuat inveniatur in Fillucio, ut planè deprehenditur ex traditis ab illo *tom. 2. trac. 22. à num. 286.* ubi ex professo de hoc praecepto disputat.

Quare siquid dubii occurreret in verbis illis Escobarii, ex Filliucio, quem allegat, exponenda essent, trahendaque ad sensum illius. Quia ex vulgata juris regula semper relatum est in referente, & hoc maxime observatur in summis, ubi ex professo quaestiones non discutuntur; sed aliorum dicta stricim compilantur.

12 Utut sit, ipse Escobarus longo post tempore cautiore, additionem illam prætermisit, & mentem suam plenius declaravit, atque, eo appellato, Filliucium suæ indemnitati restituit, videlicet *tom. 6. Theolog. moral. r. p. lib. 49. num. 9.* In hæc scribens de præcepto charitatis: *Præceptum hoc affirmativum per se obligat, quando quis ad usum rationis pervenit: & quando gravia contra charitatem tentamina assurgunt: & semel in anno, aut saltem quinto quoque anno; non tamen est certum in articulo mortis obligare: & quando quis tenetur ad veram penitentiam extra Sacramentum. Filliucius tract. 22. num. 288.* cui ulterius adiciit Sanctium, Villalobos, Bonacina.

13 Non ergo facile inveniri poterit, qui thesim damnatam in propriis terminis scripserit; sed censura ipsius proculdubio comprehendit, qui censebant, hoc præceptum semel tantum obligare in vita, etiam longæva, aut illius observationem differri usque ad mortem licite, aut illos etiam, qui assererent, semel obligare in vita, & semel in morte, ac non amplius, etiamsi quinquennium intercurrat. Ratio autem designandi hunc terminum, quem transilire non liceat, & taxandi ut scandalosam doctrinam contrariam ea est, quia nimis extenuat vires hujusce præcepti, quod est maximum, ac primum, & basis totius Decalogi, impellitque ad perniciosam negligentiam frequentandi Dei amorem, dum tanto tempore otiantibus impunitatem promittit.

14 Præceptum utique petendi à Deo bona nobis salutaria, & honorandi ipsum religioso aliquo cultu, & sperandi ab eo auxilium, tantam desidiam non patitur; quinimò obligationem orandi intra unum, vel alium mensem urgere Lessius putavit *lib. 2. de just. & jure. cap. 37. num. 12.* subscribente M. S. Thoma *disput. 27. fol. mibi 346. col. 1.* Quo ergo pacto

ultra quinquennem dilationem nobis dabit præceptum amandi illum, quem pluris debemus facere, quam nos ipsos, & quam omnia bona, quæ licet per orationem consequi, vel sperare? Suarius utique de utroque præcepto pariter philosophatur *loco citato*, ubi scribit, orationi non esse permittebam nisi anni dilationem, neque unius mensis fortasse.

15 Visum est supra ob hanc causam aliquoties obligare istud præceptum per se, atque ratione sui, sicut obligat præceptum confessionis obnoxios peccatis gravibus, & præceptum orandi, atque alia id genus tam peccatores, quam justos; sed temporis determinationem cum primis esse relictam judicio authentico Ecclesiæ, & interim prudentum arbitrio. Atqui arbitrium istud, si Doctores consulamus, communissimè ultra quinquennium non protrahitur; immò sunt pauci, qui tanti temporis dilationem permittant; si verò prudentiales rationes ex ipsius præcepti dignitate, magnaque necessitate amoris Dei ad serviendum ipsi ex animo, & observandi cætera mandata illius, haud dubium, quin tanta dilatio, uti & dilatio orationis, ac similium, valde dissona rationi videatur, origo gravium malorum, & in re tanti momenti quam maximæ incurzæ signum. Jure igitur optimo Pontifex ab Spiritu Sancto edoctus, & hoc judicium sequutus, propositionem illam ut scandalosam rejecit, ac præceptum insuper adjunxit, nequis in praxi se illi accommodaret. Quo factum est, ut singulis quinquenniis ex mandato Ecclesiæ ad Dei amorem exercendum teneamur, eo modo, ac sensu, quo ad confessionem tenemur in annos singulos.

16 Utrum autem diligendo Deum quinto quoque anno sufficienter satisfiat præcepto naturali, ac Divino, vel brevius spatium assignare oporteat, non constat inter Auctores, nec apparet usque adhuc ab Ecclesia definitum. Pro sufficientia quinquennii solet allegari Henriquez *lib. 4. summ. cap. 3. num. 4.* sed ibi solum loquitur de præcepto Divino confessionis, & de contritione, aut dilectione non disserit. Filliucius est, qui istum terminum, quasi prius assertum ab Henriquez, suo suffragio confirmavit *loco citato, nu. 290.* Idem senserat Escobar *in summa*;

CAPUT III.

Quo primum tempore, vel circumstantiis
obliget præceptum istud?

ma; sed verbis modò allegatis sub disjunctione est loquutus, dicens obligare *semel in anno, aut saltem quinto quoque anno*. Et sic pariter discutit Trullenc. lib. 1. in *Dacalog. cap. 5. dub. 3. numer. 5*. Alii verò ista dilatio videtur nimiam prolaxa, atque ad tres, vel quatuor annos hanc obligationem contrahunt, ut Coninc *disp. 24. de charit. num. 53*. Alii ad res, quarto illo excluso, ut Palao *tom. 1. tract. 6. disput. 1. par. 5. num. 10*. Alii ad unicum duntaxat. Quæ est opinio omnium receptior, & mihi præ omnibus placet. Ita enim interpretata est Ecclesia Divinum præceptum communionis, & confessionis, dum ad utrumque adimplendum annuum tempus assignavit. Oportet autem, quod proportionale est, conspiciere, dum res, de qua controversatur, non habet certam mensuram.

17 Neque id nimis onerosum debuit videri Dianz *part. 5. tract. 14. resol. 105*. aut alii cuius rectè cogitanti, quàm sit necessarium nobis ad vitam, prout oportet, ordinandam, & quot titulis à Deo exigatur. Quinimò *satis remisè nobiscum agitur, annuo duntaxat amore à nobis petito*, ut sapienter scribebat Petrus Hurtado *disput. 174. de charit. num. 26*. Sed non propterea existimo, ad brevis spatium temporis esse restringendum cum Scoto, & aliis, qui singulis quibusque diebus festis obligare existimant. Nam id neque ex natura ipsius præcepti, neque ex ulla lege Ecclesiæ sufficienter persuaderi valet. Et quemadmodum dilatio unius anni non est contra præceptum Divinum sumendi Eucharistiam, vel confitendi peccata (cùm Ecclesia illam permittat, & non condemnet ut pravam, nec curet per suos ministros, ut extirpetur tanquam peccaminosa, & opposita mandatis tanti momenti) sic similiter de præcepto diligendi possumus philosophari. Nec plus postulant emphatica verba, quibus in Scriptura proponitur, licet primo aspectu longè amplius exigere videantur, ut accuratissime inter alios expendit P. Suarez *tom. 3. de Relig. lib. 1. cap. 9. à num. 5*. contra hæreticos exinde affirmantes, in desinentem amorem, summæque intensionis, & extensionis postulari à nobis, atque ideo Deum impossibilia præcipere, opera consilii auferre, & justos peccare graviter in quolibet actu suo.

18 V Aldè celebris opinio Capreoli, Soti, & plurimum Thomistarum fert, in primo instanti usus rationis Deum super omnia esse amandum ex debito hujus præcepti propter se, atque gratia sui. Sed eam benè impugnant Suarez 1.2. *disput. 2. de peccat. sect. 8*. Vasquez, Valentia, Coninc, Thomas Sanchez, Ariaga, Leander, & alii multi, quos refert Narbona in *annualibus anno. 7. quæst. 11. num. 8*. Ratio autem est, quia pro illo primo instanti impossibile videtur, seclusa illustratione speciali, comparare sufficientem cognitionem hujus debiti, & materiz, ac modi illius, cùm plures sapientes lateat, nedum pueros, qui tunc temporis de totius futuræ vitæ recta institutione non cogitant, nec de amicitiis perpetuis, aut de capeffendo statu, v. g. religionis, aut conjugii; sed de his, quæ sibi ante id tempus magis familiaria fuerunt, aut quæ primum sensui occurrunt. Quocirca, licet discursu paulatim procedente deliberent circa nonnullas actiones, quarum ferè per se nota est turpitudine, aut valdè conspicua honestas, adhuc capaces non sunt usus rationis quoad alia altioris indaginis, & intellectus difficilis, quæ diuturna potius instructio aliorum addiscendo assequi possunt, quàm proprio ingenio, ac discursu.

19 Siquando igitur huic opinioni deferendum esset, sermo non erat futurus utcumque de primo instanti, quo pueri ratione utuntur, & benè, aut malè agere possunt, v. g. circa honorem, aut inhonorationem parentum, ut alia particularia objecta sibi notiora; sed de eo primo instanti, quo jam pollent integro rationis usu. Sed neque in hoc sensu admittenda est prædicta opinio. Tum quia tale instans, sive physicè sumatur, sive moraliter pro brevi aliqua morula ei propinqua, nullum habet tempus fixum ætatis, puta septennium; sed juxta indolem, educationem, aut capacitatem naturalem, quibusdam advenit serius; aliis verò longè citius: unde neque ab ipsis pueris, aut ab aliis observatur, nisi postquam

est elapsum, & frequens experientia modi agendi ipsorum, monstrat illud antea præcessisse. Tum quia ad dilectionem supernaturalē charitatis, quæ in statu elevationis debetur, debet præsupponi fides, quæ in eo instanti non potest comparari; sed longa instructione indiget, ut exerceri possit in ea ætate, nec, prius ad credendum obligat; implicat autem obligari præcepto charitatis supernaturalis eum, qui adhuc non debet, aut potest credere per actum fidei. Tum quia materia hujus præcepti, scilicet dilectio ipsa, & specialitas, ac modus ejus cum suo objecto, atque motivo, brevi morula capi non valet, sive magisterio aliorum deprehendatur (ut regulariter in pueris necessarium apparet) sive proprii ingenii acumine, quod plus temporis deposcit, & difficile est, etiam adultis. Tum demum, quia adhuc supposita capacitate discernendi, & exercendi hunc actum, restat nova difficultas circa necessitatem ipsius: nam quod valde utilis sit, facile capitur, quod verò sit necessarius, seu debitus ex præcepto jam tunc, longum examen, magnæque judicii maturitatem expositulat, quæ in illa ætate non datur; immò ratio dubitandi vix auditur extra Theologorum exedras.

20 Propterea solidum mihi quæstio est de obligatione speciali diligendi statim Deum amore charitatis, postquam fuerit sufficienter propoſita, & intellecta summa illius bonitas, & amabilitas, tanquam finis suimet gratia super omnia diligendi, & à quo nunquam aberrare licet. Loquor autem, ignorantia, vel inadvertentia ipsius præcepti seclusa: nam hæc, cum est invincibilis, legitimè excusatur à peccato per se imputabili ad culpam, & frequentissimè hosce pueros excusabit, quamvis domus, tunc teneri, ut in reliquis præceptis generaliter contingit. Sermo itaque est de eo judicio suæ obligationis, quod formare debent secundum rei veritatem, cum jam possunt Deum diligere amore charitatis, si velint, & sufficienter intelligunt, quid sit illum super omnia amare propter se cum efficaciproposito nunquam offendendi ipsum. Porro, ut jam tunc sese obligatos intelligant absque dilatione ulla, non est satis, quod cognoscant, eum actum absolutè esse præceptum. Quia præcepta affirmativa, cum

non obligent pro semper, sæpe sapienter cognoscuntur prius tempore, quam ipsorum obligatio hic, & nunc determinatè urgeat, ut cum quis in diebus festis recogitat summo mandè se debere audire Missam. Quocirca, etsi puer agnoscat, hoc se præcepto constringi, adhuc ignorare potest, utrum illa anticipatio sit præcepti, vel consilii, supererogationis, an necessitatis: & si consilii, & supererogationis est, quantum demum procrastinationem admittat?

21 Ego in re conjecturali, ubi nemo sobriè sapiens quidquam tanquam certum definire audebit, vel punctum fixum positivè designare absque maxima formidine, verius censeo, circumstantiam illam temporis nullam specialem obligationem adducere anticipandi amorem Dei, sed de illa pariter philosophandum esse, ac de tempore intermedio vitæ. Ita P. Vasquez 1. 2. *disput.* 149. *num.* 6. & 10. Diana *diff. resolut.* 105. *vers.* Notandum, P. Sanchez cum relatis *lib.* 2. *summa.* cap. 35. à *num.* 7. quorum sententiam probabilissimam vocat Narbona *suprà num.* 11. Moveor 1. Quia neque præceptum orandi pro tota vita futura, aut gratias agendi pro innumeris beneficiis ab instanti conceptionis jam receptis statim obligare creditur, aut specialem anticipationem exigere; sed uniformi quadam proportionē prudenti arbitrio taxanda, nec valde diù protrahenda suum tempus illi præferibitur.

22 Secundò, quia multò potior ratio videbatur renovandi amorem Dei, atque reordinandi vitam, postquam per peccatum personale est retractatus, & homo positivè aversus à suo fine, quàm in puero baptizato, & habitualiter amico Dei, vel quàm in eodem ipso in statu puræ naturæ, & adhuc retinere naturalem innocentiam suam; immò & in habente solum peccatum originale, quod non propria, sed aliena voluntate incurritur; & nihilo minus præceptum speciale dilectionis, aut perfectæ contritionis neque statim obligare creditur illum, qui deliquit graviter, neque alio tempore, nisi illo ipso, quo alii tenentur communiter. Loquor autem speciatim de obligatione per se consurgente ex præcepto diligendi Deum amore charitatis, quæ est propria hujus instituti:

nam,

nam, si ex aliis virtutibus fortasse oriatur, ad alium tractatum pertinet, quamquam ex nulla confurgere fert jam communior sententia, quam inter alios propugnat exacte P. Suarez *disput. 15. de Penit. sect. 5.* necnon Mæratius *disput. de Penit. per totam.* Card. de Lugo *disput. 7. de Penit. sect. 11.* Lessius *in possibilibus: q. 4. in addition. S. Thomæ ad 3. p. dub. 2. fol. mibi 378.*

23 Tertiò, quia perfecta Dei dilectio jure naturali, vel Divino non præcipitur ut medium, neque ut præjudicium simpliciter necessarium ex natura rei ad servanda alia præcepta, quæ occurrunt decursu vitæ; sed ut actus valde honestus, & Deo debitus propter se ipsum, atque ut medium necessarium ad æternam vitam tandem consequendam. In ordine autem ad hos fines tanta festinatio non debetur, ut ex præcepto affirmativo colendi Deum, ac similibus, quæ non confessim, sed statis temporibus duntaxat obligant, planè videatur convinci. Ille autem finis, quem initio exclusimus, rectè exclusus ex eo apparet, quia ad vitam ritè, ac rectè peragendam satis est, quod, occurrente occasione, homo illi præcepto obediat, quod tunc urget, idque per auxilium gratiæ fieri potest, quamvis antea non præmiserit universale propositum parendi legi cuicumque. Itaque enim filii parentibus, uxores viris, servi dominis, subditi Regibus optimè satisfaciunt, & suo muneris non desunt, licet antea non præluterit id propositum genericum, ac confusum. Et si aliquod fortasse necessarium esset, non ideo consequens erat, ut ex amore amabili determinatè oriretur. Satis namque efficax foret propositum servandi totam legem, quale in attritione involvitur ex desiderio gloriæ, aut metu gehennæ, vel ex motivo obedientiæ, gratitudinis, aut alio ex inferioribus, quæ generalia sunt, & nisi positivè retractentur, totam vitam continere valent intra justis, & æqui limites.

CAPUT IV.

De obligatione diligendi Deum in periculo, aut extremo vitæ.

24 Aliud tempus, quo hoc præceptum per se obligare putatur, est vitæ extremum, mortisque periculum.

Ita Valencia 2.2. *disput. quæst. 19. p. 1. cas. 7.* Petrus Hurtado *dicta disput. 175. num. 27.* Mendo *suprà numer. 144.* & alii benè multi, quos dabit Leander *loco cit. quæst. 20.* idque sine controversia esse apud Doctores, tradit P. Lufius Turtianus *disput. 97. de charit. dub. 2. vers. Secundus casus.* Sed excessit, quia ab opposita sententia stant graves Doctores, & signatè P. Thomas Sanchez *dicto cap. 35. num. 9. cas. 8.* Azor 1. part. lib. 9. cap. 4. *quæst. 1.* Villalobos *part. 2. summa. tract. 3. difficult. 2. num. 6.* Castro Palao 1. part. *tract. 6. disput. 1. punct. 2. num. 9. fin.* Baldellus *tom. 2. Theolog. moral. lib. 2. disput. 15. numer. 16.* & alii, quorum auctoritate res incerta redditur, ut notat Card. de Lugo *ea disput. 7. num. 276.* & Trullenc *lib. 1. in Decalog. cap. 5. dub. 3. num. 5. in fin.*

25 Nec sine gravi fundamento. Aut enim loquimur de eo, qui ante mortis articulum, vel periculum sibi conscius est peccati gravi nondum expiati, vel de illo, qui non est conscius ejus, quia multum commisit, vel commissa cum debita præparatione expiavit. Si de hoc ultimo, nulla esse videtur specialis ratio, ob quam debeat in eo articulo Divinam dilectionem renovare, sicut nulla est, quæ ipsum obliget ad novam eorumdem peccatorum contritionem, aut confessionem repetendam, cum Deum sibi anticipatè conciliaverit, sequè meritò reputet amicum ejus: nam prætextus majoris securitatis (qui solus potest occurrere) aut non cogit, aut cogere etiam debet tunc temporis ad contritionem eorumdem peccatorum pluries eliciendam, & confessionem sæpius iterandam; immò & cum diversis Sacerdotibus, ne fortè unicus caruerit attentione, aut intentione debita, vel non fuerit validè ordinatus. Si de primo, aut ille habet copiam confessarii, & tunc absque dilectione, vel contritione formali per solam attritionem cum Sacramento amicitiam Dei recuperabit: aut non habet copiam confessarii, & tunc quidem ad contritionem determinatè tenebitur, & ratione illius ad dilectionem, quia contritio est dolor de peccatis propter Deum summè dilectum; cæterum ista obligatio non oritur per se, atque ratione sui ex præcepto speciali charitatis; sed ex debito virtutis poenitentiae, sive justitiæ erga Deum, aut alterius, ad quam spectat Deo exhibe-

re satisfactionem pro injuria, & honorem ejuslæsum instaurare.

26 Affero nihilominus, cum, qui conficius est peccati gravis in periculo, aut extremo vitæ, ex præcepto charitatis erga Deum ad perfectam ejus dilectionem obligari, nec satisfacere, quamvis confessionem cum sola attritione instituat. Ita, præter Valentiam, & alios antea appellatos, qui generalius loquuntur. P. Suarez *disput. 15. de Penit. sect. 4. num. 19.* Layman *lib. 5. tract. 9. cap. 2. numer. 6. in fin.* Coninc *disput. 24. de charit. numer. 51.* Et profectò, si ille homo nunquam Deum antea dilexit, nemo dubitare potest, quin teneatur in eo articulo: debet enim huic præcepto aliquando satisfacere, nec jam aliud tempus superest. Quod si aliquando dilexit, sed longo tempore distulit repetitionem amoris, v. g. ultra quinquennium, cum ea mora sit grave peccatum, quod emendare deberet, etiam extra illum articulum, à fortiori etiam in illo eadem obligatione constringetur, nec verum emendationis propositum, aut veram attritionem habebit, nec validam confessionem instituet, ni tempus mortis præveniat, atque ad diligendum Deum ex toto corde se accingat. Jam verò, etsi Deum dilexerit, nec sit in mora graviter culpabili repetendi amorem ejus, nihilominus cum illum per sequentia peccata retractaverit, & in eo statu inveniatur urgente mortis articulo, adhuc ad ejus repetitionem tenebitur. Quia perinde est cum retractasse, ac nunquam re vera habuisse, & pro tunc ita se habet quoad effectum diligendi ultimum finem super omnia, ac si omnis vita antea prorsus abolita fuisset; nec tunc licet immorari, cum tempus mortis instantis nullas concedat inducias, & desit vestis nuptialis, sine qua nullus intrabit dignè ad cœleste convivium; nec juxta doctrinam Pauli cum Deo erit unus spiritus, nam hæc unio consistit in affectuum, animorumque unitate.

27 Adiciunt præterea alii in ejusdem rei confirmationem, tunc urgere perfectæ contritionis præceptum, quod neque sublatum est, neque imminutum per institutionem Sacramenti Pœnitentiæ. Præcepto autem contritionis, in qua Dei dilectio involvitur, neque semel satisfactum est quoad ea peccata, quibus ho-

mo in illo extremo obnoxius invenitur: nam, si satisfactum esset, ac vera contritio habita propter Deum summè dilectum, jam antea remissa fuissent. At verò duabus de causis hæc ratio videtur minus convincens. Altera est, quam resè expendit P. Suarez *disput. 5. de charit. sect. 3. num. 3.* Quia esto admittamus, tunc hominem teneri ad actum dilectionis, non ideo sequitur, ejusmodi obligationem oriri ex præcepto speciali charitatis erga Deum, & ratione suæ propriæ honestatis, aut necessitatis; sed ex solo debito virtutis pœnitentiæ, & ob necessitatem extrinsecam eliciendi contritionem, ad quam Dei amor exigitur. Cujus signum est, quòd homo contritionem, & dilectionem omittens non perpetrat duplex peccatum, nec duplex præceptum violat specie diversum; sed id tantum, unde necessitas habendi contritionem oriebatur: ad modum, quo solidum peccat contra religionem, qui confessione, & contritione omissa, indignè administrat Sacramentum aliquod, vel alias functiones suscipit requirentes statum gratiæ.

28 Alia causa est, & magis practica, quia præceptum contritionis non videtur obligare illos, qui per Sacramenta sunt de attritis contriti quoad effectum comparandi gratiam; cessante verò obligatione contritionis, cessat quoque obligatio dilectionis, quatenus ratione illius, non autem propter se desideratur. Quod autem in coeventu cesset obligatio habendi contritionem ex virtute pœnitentiæ, justitiæ erga Deum, aut cuiusque alterius (etsi oppositum docuerit P. Valentia *tom. 4. disputat. 7. quest. 8. punct. 4. vers. Nunc autem*) inde perspicuum apparet, quia attritio cum Sacramento in lege gratiæ loco illius subrogatur, & ea sufficit, ut peccatorem verè pœnituisse putemus, satisfecisseque præcepto detestandi sua peccata, quantum satis est ad pacem cum Deo habendam, & amicitiam ipsius per peccati destructionem herum recuperandam. Obligabat quidem pœnitentia antiquos determinatè ad contritionem perfectam, quia conscius peccati absque illius destructione justificari nequibat, & non erat alia detestatio, qua justificari posset, & dignos fructus pœnitentiæ facere. At verò, postquam per Sacramenta ex Christi benedi-

benignitate suppleta est attritionis imperfectio, & detestatio peccati v. g. orta ex amore concupiscentiae erga Deum pariter cum confessione, ac ceteris requisitis ad valorem Sacramenti acceptata esse tanquam dispositio, aut satisfactio sufficiens ad charitatem, & gratiam, jam perfecta contritio esse desinit dolorumque, ac determinata necessarius ad reconciliationem cum Deo, & per mutationem materiae optionis nostrae relicto alterutro ex his modis veniam peccatorum impetrare.

29 Ita discuntur cum Cano *relect. de poenit. part. 4. quest. 2. paulo post 4. assert.* Suarez *dicta sect. 4. a numer. 12.* Molina *rom. 6. de iust. jur. tract. 5. disp. 59. num. 6. vers. Item.* Vasquez *ea quest. 86. art. 2. dub. 6. num. 6.* Gaspar Hurtado *disp. 3. de poenit. difficult. 4. fin.* Fagundez *lib. 2. in 2. Eccles. praecept. cap. 6. numer. 5.* Moya *par. 1. select. tract. 1. quest. 6. num. 21.* Diana *p. 5. tract. 13. resol. 33. vers. Sed omnes*, & alii plurimi, qui recte notant, & maxime Suarius, quamvis in contritione involvatur propositum confitendi tempore praecepto eadem peccata, vice versa in attritione disponente ad Sacramentum valide, ac fructuose recipiendum propositum futurae contritionis non claudii. Nam, confessione praemissa, neque necessaria est necessitate medii, neque necessitate praeccepti; sed loco illius absque alio poenitendi onere attritio cum Sacramento subrogatur, & per modum ultimae sententiae absolutio confertur, & satisfactio sacramentalis impletur.

30 Quamvis autem in eo eventu non sit necessaria contritio necessitate praeccepti, seu formalis detestatio peccati supra omnia detestabilia propter Deum summè dilectum; semper tamen manet obligatio instaurandi Divinam dilectionem retractatam per peccatum, quamvis homo sit certissimus de sua attritione, & justificatione per Sacramentum obtentam; immò quamvis id sciret, non solum morali modo absque speciali ratione formidandi, ut saepe usuvenit; sed per revelationem Divinam sibi factam. Nam ex dictis *numer. 26.* id non pendet ex periculo condemnationis proximè imminenti; sed ex praecepto speciali diligendi Deum super omnia, quae sibi placent, aut placebunt unquam, & placuerunt antea. Huic enim

praecepto, postquam amor Dei est retractatus, omnino satisfacere oportet, ut peccator, qui per adoptionis gratiam virtute Sacramenti denuo factus est Dei filius, amore filiali cum diligit, nec se inveniat imparatum, Deo interrogante post mortem, quod in vita interrogavit, Malachiae 1. 6. *Si ego pater, ubi est amor meus?* Obligabit autem multo certius in eo articulo, si re vera sit probabile, Sacramentum, quod suscepimus, ex defectu suscipientis, aut ministri instructuosum esse, vel invalidum. Nam tunc ratione periculi moriendi extra statum gratiae, & nunquam diligendi ultimum finem, immo gerendum ipso aeternam inimicitiam, charitas Dei obligabit ad querendum aliud medium, quo probabilis formido tanti mali depellatur. Id autem verus Dei amor se solo potest praestare absque formali detestatione peccati, quam in istis circumstantiis non esse necessariam, praesertim necessitate praeccepti, optime ostendit *Valentia ea disp. 7. q. 3. punct. 2.*

31 Et quidem, si peccator in eo extremo se committit voluntarie huic discrimini penitus irreparabili, ex. g. quia probabiliter iudicat, se non fecisse debitum examen, aut non habuisse veram illam attritionem, quae simul cum Sacramento est sufficiens ad expiationem peccati, quamvis multo probabilius censeat, se eam habuisse, ex isto capite novum peccatum committere contra charitatem Dei, ac (iudicio plurium) contra propriam, & ratione illius certo damnabitur, nisi nova alia securiori confessione, vel dilectione, aut contritione perfecta sibi consulere fatagat. Sin autem non voluntarie id faciat, quia periculi, aut obligationis advertentia invincibiliter deficit, & inculpate putavit, se fuisse rectè dispositum, Sacramenti fructum suscepisse, & nihil aliud jam sibi agendum restare, tunc novum peccatum non committit; sed sua ignorantia excusabitur. Verumtamen, si in ea dispositione deccat, & valor Sacramenti est probabilior, probabilius quoque nobis erit, eum salutem adipisci; sed probabile, damnari: quia opinio, etiam probabilior, si forte falsa sit, minime supplet defectum medii re ipsa necessarii.

32 Computari autem non debet inter pericula ad majorem securitatem obligan-

gantia, si quis ad confessionem accedat cum vera attritione sibi nota ut tali. Quia eam sufficere ad valorem, & ad fructum Sacramenti tam in vita, quam in morte, adeo certum est ex Tridentino *sess. 14. cap. 4.* adeoque receptum ab Auctoribus post D. Thomam, & Scotum, ut contraria opinio contritionem poscualans, saltem falsò existimatam, haudquaquam censeri soleat hoc jam tempore probabilis. Quare eam *falsam, temerariam, & erroneam* vocat Angelus Maria Verricelli *1. p. quest. moral. tr. 2. q. 38. num. 8. erroneam* Fagundez *lib. 2. cap. 4. num. 14. valde improbabilem* Layman *lib. 1. tract. 1. cap. 5. num. 14. improbabilem* Card. de Lugo *disp. 7. de Penit. num. 273. Dicastillo disp. 6. de Penit. num. 142. & 145. fin. Martinus Perez disput. 14. de Penit. sess. 7. num. 4. Arriaga tom. 1. in 1. 2. disput. 24. à num. 20. & latè, ac splendide Alphonsus Antonius de Sarata 2. par. de conf. tract. 14. §. 3. & 4. Difficile quidem est homini certò cognoscere, se esse verè, ac re ipsa attritum, & maximè postquam disputari cœpit de motivo attritionis requisitæ ad Sacramentum, & notis, unde distinguitur à contritione perfectâ, quibusdam consentibus in illa debere includi aliquam Dei dilectionem, tamen minùs perfectam; cœteris verò communiter existimantibus, eam non requiri; sed sufficere dolorem conceptum ex metu gehennæ excludentem voluntatem peccandi, cum spe veniæ. Nec ego quidquam decerno circa improbabilitatem ullius ex his opinionibus parens decreto Alexandri VII. edito die 5. Maii anno 1667. quo districtè omnibus vetuit, aliquam ex eis taxare sub pena excommunicationis majoris reservatæ S. Sedi. Sed solùm contendò, posita vera attritione, non requiri, quòd illa existimetur vera contritio ad valorem, aut fructum Sacramenti. Et hoc est, quod ex Concilio efficaciter colligitur, & quod prædicti Auctores intendeant. Nam quis non videat, ad curacionem infirmi lethali ter vulnerati absurdissimè requiri, quòd ipse infirmus, & Medicus falsò existiment, eum esse sanum, ut curatio habeat effectum?*

33 Utique si alii sententiæ verosimilitudo aliqua inest, adeò tenuis est, & adeò exigua, ut leve admodum periculum inducere videatur; gravis autem obligatio, cu-

jus comingens transgressio est longè periculosior, nemini debet imponi, ut caveat leve periculum. Ac profectò multò plus timeri potest mors æterna ex morte subita peccatoris, quàm ex nullitate Sacramenti, ita suscepti: illa enim frequenter aspicitur, hæc verò nunquam contingere ex eo capite, aut omnino certum est, aut fere certum ex Concilio Tridentino. Ergo si illa incertitudo, & periculum in ea fundatum non obligat peccatorem ad illud præcavendum eliciendo contritionem, quomodo altera obligabit, quæ vix est incertitudo, nisi scrupulosa, & merè apparens, ac nulli gravi fundamentò innixa? Nec dicascum Cajetano in summa, verb. *Contritio. verè. Tempus autem*, ob periculum mortis repentinæ peccatorem obligari statim ad habendam contritionem de peccato à se commissio. Nam, si hoc ita est, cum in iis circumstantiis sit contritio adeò difficilis, & valde incerta ejus veritas, si sola securitatem non præstaret; sed statim necessitatem esset confessio, quod nemo prudens admiserit.

34 Quibus tandem ad rationem dubitandi propositam *num. 25.* quatenus doctrinæ nostræ ob stare potest, facillè respondetur, dilectionem Dei perfectam non requiri in mortuis ratione contritionis formalis tunc procurandæ ex præcepto ab illis, qui per attritionem conjunctam cum Baptismo, aut Pœnitentiâ sunt de attritis contriti; sed per se, ac ratione sui desiderari immediatè, secluso quovis periculo æternæ damnationis imminente aliunde. Probabile autem mihi est, illam sufficere moraliter permanentem, ac minimè retractatam per novam inimicitiam, & aversionem à Deo, licet de novo in eo articulo non eliciatur; sed ante mortis periculum fuerit habita. Cum verò retractata est per peccatum, & urget talis articulus, charitas Dei obligabit ad illam denuo instaurandam, quia perinde est, ac si nunquam fuisset habita, aut satisfactum præcepto diligendi ultimum finem, quo tenentur non solum peccatores, verùm etiam sancti, ac justi; immò B. Virgo, aut quivis alius, qui non peccavit lethali ter toto tempore suæ vitæ. Sufficiet tamen, si dilectio post absolutionem quovis tempore eliciatur, ut rectè notat Layman *lib. 9. tr. 6. cap. 2. num. 6. in fin.* quia illa haudquaquam

quam postulat ut tanquam necessaria dispositio ad Sacramentum, neque ut pars ejus; sed ut præparatio ad bonam mortem, & debitam unionem cum suo fine.

35 Quando autem illa exigatur, non tantum ratione sui, sed ob speciale periculum moriendi in statu aversionis, & aberrandi semper à suo fine, constat planè ex antè dictis, ubi non quamvis formidinem in dispositionis nostræ sufficere declaravimus; sed solam verè prudentem, ex. g. probabili nullitati Sacramenti subnixam, aut in eo fundatam, quòd post ipsum probabile sit, commissum esse aliquod grave piaculum, quo redeat idem periculum. Et sub hac distinctione forsan conciliari poterunt sententiæ inter se contrariæ, quarum altera in articulo mortis dilectionem, aut contritionem desiderat intuitu securitatis; alia verò ipsam excludit. Prior enim locum habebit, cum vera probabilitas nos reddat incertos salutis adipiscendæ; posterior autem, cum ea deest: & cum certò sit probabile, nos esse rectè dispositos, in contrarium solùm adest levis ratio dubitandi absque speciali motivo.

CAPUT V.

An præceptum charitatis erga Deum tunc solùm obliget, quando tenemur justificari, & non habemus aliam viam, qua justificari possimus?

36 **T**unc solùm obligare affirmabat condemnata propositio ordine septima, quam merito inusitam fuisse notis perniciosi, ac scandalii, constat primò ex dictis antè. Nam juxta hanc doctrinam B. Virgo, & qui gratiam Baptismalem conservarunt toto tempore suæ vitæ, nec non hi, qui verè attriper per Sacramenta mortuorum justitiam recuperarunt, nullius criminis rei forent, quamvis nunquam, nedum semel, exercuissent erga Deum dilectionem charitatis. Aut enim justificari non debent, si nullum habeant peccatum criminale; aut, si id haberent, cum per aliam viam justitiam adepti fuerint, non est cur speciali lege dilectio ostendatur, sive intra annum, sive intra quinquennium, sive alio longiori spatio. At hæc damnata jam erant duabus aliis assertionibus immediatè præcedenti-

bus, & novo nunc absurditatis genere eò res devolvitur, ut quamplurimi nullo unquam tempore hoc præcepto constringantur.

37 Arguo rursus: quia inde fieret, justos nunquam obligari ad diligendum Deum; sed solos peccatores, quibus Sacramenta desunt, unde ad statum gratiæ transferantur. Quare neque B. Virgo, quæ est Dei mater, personam filii sui diligere debuisset; nec Dei filii adoptivi, dum sunt tales, redamare Patrem optimum, à quo incessanter amantur; nec anima sancta, quam Deus sibi in charitatè desponsavit, vicem retaliare sponso suo; nec eximiis beneficiis affectus, & maxime beneficio innocentiz, aut remissionis peccati, utcumque rependete benevolentia saltem amabili benevolentiam sui benefactoris, cujus dona compensare nequit beneficiis aliis. Profectò omnes isti tituli, etiam inter homines, specialissimè postulant amorem, non stipendiarium; sed liberalem, ac purum, quo ad reliqua sui muneris officia sollicitentur, & tam animi, quam corda, strictissimo amicitiz vinculo invicem uniantur. A fortiori igitur comparatione Dei urgere debent, qui ex parte sua nunquam deficit; sed diligentè se diligit, & quovis titulo incomparabiliter excedit quidquid ad amorem, ac benevolentiam inter creaturas potest obligare.

38 Siquis diceret, non dari præceptum speciale diligendi Deum, aut proximum; sed observatione aliorum præceptorum istis quoque satisfieri, tunc utcumque sustineri posset, quoad dilectionem non teneri propter se, ac ratione sui; sed quia interdum est medium necessarium ad justitiam obtinendam. Ceterum de facto admittere specialia ista præcepta, & coardare illorum vires ad casum inimicitiz duntaxat, & ad illas circumstantias, ubi præclusæ sunt viæ impetrandi veniam alio modo, quam per contritionem perfectam, ac dilectionem Dei in ipsa inclusam, satis absurdum videtur, & magna occasio desidiæ in illis, qui quàm maxime deberent exercitio dilectionis tanquam maximo, ac præcipuo alios gressus suos rectè dirigere, & filialem amicitiam conservare. Scandalosum certè, ac perniciosum esset docere, nec matrem filios, neque filios patrem diligere debere affectu benevolentiz.

tia, nisi eos graviter offenderint, & alio modo non possint inire cum ipsis pacem. Nec tolerabilius esse permittere sponſis, ac uxoris, ne viros suos unquam ament, nisi adulterium commiserint, cuius veniam impetrare nequeant absque veri amoris signis. Parque est ratio de magnis benefactoribus non diligendis, nisi fuerint antea gravi injuria laesiti, & aliter, quam ostensione amoris, reconciliari non valeant. Quomodo ergo circa Deum ista tolerari poterunt, nempe circa summum bonum, Patrem optimum, fidelem sponſum, benefactorem eximium, & effusè liberalem?

39 Arguo insuper. Nam ex opposita sententia sequitur, speciale praeceptum Divinae dilectionis non dari; sed potius esse superfluum: quod, licet nonnulli admiserint ante decreta Innocentii, & Alexandri, jam nunc sustineri nequit, cum Innocentius contrarium his locis clarè supponat, & Alexander *proposit.* 1. id nominatim rejecerit. Sequela patet. Quia id praeceptum tunc solum dari supponitur, cum justificari tenemur, & per solam attritionem cum Sacramento id obtinere non possumus. Atqui in eo casu praeceptum, quo obligamur ad justificationem procurandam, per se ipsum, ac praecisivo quovis alio, obligat ad contritionem, & dilectionem habendam, cum alia media deficient, & in illis circumstantiis hoc fit unice, ac determinatè necessarium ad praeceptum justificationis observandum. Supervacue igitur alia obligatio specialior, ac nobilior de ipso medio adiceretur. Aliud namque est, hominem teneri ad actum dilectionis, cum extra Sacramentum teneretur justificari; aliud verò, quòd hoc debitum ex speciali praecepto Divinae dilectionis tunc oriatur. Et primum quidem verè, ac faciliè concedi potest; secundum verò non sequitur, cum actus dilectionis debeat, non sui gratia, & ob excellentiam propriam; sed solum per modum dispositionis, aut medii necessario requisi ad observationem alterius praecepti diversi tunc absolute obligantis.

40 Explicatur 1. ex praemissis *numer.* 27. Nam qui administrare hic, & nunc debet Sacramentum Pœnitentiae, aut Eucharistiae, si in statu sit peccati, & Confessario carcat, eodem praecepto religionis,

quo obligatur ad gratiam justificationis comparandam, priusquam Sacramentum conferat, tenetur ad contritionem, ac ratione illius ad dilectionem Dei perfectam: & si forè hos actus voluntariè omittat, contra hanc virtutem delinquit; non verò contra praecepta specialia pœnitentiae, aut charitatis. Nam tota ratio obligandi ad hos actus est extrinseca necessitas administrandi Sacramenta, & comparandi ad hoc munus sufficientem dignitatem, qua necessitate ablata, neque justificatio esset tunc debita, nec dilectio, nec contritio; sed hæc omnia prætermitti possent absque ullo novo piaculo. Ita ergo in aliis eventibus, quibus justificari debemus, & aliud medium non superest, quo per solam attritionem statim gratia conquiramus, ante omnia inspicendum est, ex qua virtute per se primò oriatur hæc obligatio. Oriri enim potest, juxta diversa, satisque communia Theologorum placita, ex charitate erga se ipsum, ex virtute speciali pœnitentiae, vel justitiae erga Deum, aut religionis honorem ejus læsum reparantis, & quæcumque illa sit, se sola urgebit ad media necessaria adhibenda, quin aliud novum praeceptum virtutis specie distinctæ ea de causa requiratur.

41 Explicatur iterùm. Nam esto demus, charitatem Dei, vel se sola, vel simul cum alia virtute ad justificationem obligare, non ideo sequitur, juxta adversariorum principia, obligare ad dilectionem per modum finis propter se expetendi; sed solum per modum medii per accidens necessarii. Ideo enim duntaxat obligare dicitur determinatè ad eam habendam, quia alia via deficit, qua praeceptum justificationis adimplere valeamus. At quòd alia via deficiat, merè accidentarium est, & casualiter contingit, quia Confessarius non adest. Dicere autem, primum, & maximum omnium praeceptorum, quale est praeceptum diligendi ultimum finem, nunquam per se obligare ad dilectionem; sed solum per accidens, ac merè casualiter, vel ex ipsis terminis absurdissimum videtur, & contrarium summæ dignitatis hujus virtutis, quam per se, ac ratione sui nunquam necessariam reddit; sed solum fortuitò debitam, & ratione alterius boni ex praecepto procurandi. Peccaret quidem contra charitatem Dei solum, si di-

si dilectionem omitteret in dicto eventu, qui ex sola Dei charitate justificari debebat, & contra propriam, si ex hac quoque tenebatur, torque peccata specie diversa incurreret, quot sunt virtutes, quae illum obligabant. Ceterum contra praeceptum diligendi Deum per se, & ex propriis meritis ipsius virtutis nullo unquam casu peccaret, & cum charitas sit finis praecepti, plenitudo legis, aliarumque virtutum imperatrix, non ut finis propter se expetendus, sed praecise ut medium deberetur, idque ex accidenti, & casu plane fortuito.

42 Propterea P. Azor p. 1. *instit. mora. lib. 8. cap. 7. q. 6.* agens de praecepto fidei, notansque, idem juris esse de praecepto Spei, & Charitatis, subtiliter observat, has virtutes duobus titulis ad exercitium suorum actuum obligare. Aliter est, si illi inspiciantur tanquam remedium peccati, seu, quod idem est, ut medium ad recuperandum statum gratiae, & justificationem obtinendam. Alius verò, si considerentur, ut sunt actus virtutis Theologiae Deo gratissimi, atque independentes à peccato consentanei ultimo fini, ac suaver gratia expetendi. Et sub priori quidem inspectione putat, illorum obligationem cessare, justificatione obrenta; neque alios teneri, nisi illos, qui ab statu peccati in statum gratiae per illam transferri debent; sub posteriori autem etiam iustos ad ipsorum exercitium obligari tradit, peccareque contra praecepta specialia harum virtutum, nisi id faciant, quamvis facile non sit assignare certum tempus obligationis ipsorum. Additque, satis probabiliter dici, tempus speciale, quo exerceri debent, esse, quando graves tentationes contra eiusmodi virtutes animum propellunt ad violanda earum praecepta.

43 Patia scribit de spe tractans *lib. 6. cap. 2. q. 6.* & de charitate in Deum *cap. 4. quaest. 1.* nisi quod ibi non repetit, quod iam antea expressim dixerat, speciale praeceptum charitatis obligare ad dilectionem Dei, non tantum, quando illa est medium necessarium ad expiationem peccati; verum etiam, quando non est medium necessarium ad eum finem; sed solum consideratur ut actus tantae virtutis. Neque incuriae fuit id omisisse in *dicta q. 1.* cum jam antea dictum esset, & sese Azorius

remittat ad ea loca, ubi id expresserat, in hac scribens de praecepto charitatis erga Deum: *Profectò videtur ejusmodi praeceptum esse constitutum eo modo, quo diximus esse impositum Divinitus Fidei praeceptum, & Spei.* Quocirca ex ejusdem mente utrovis modo est impositum, & quamvis cesset obligatio imposita titulo remedii necessarii, in illis, qui nunquam peccarunt, ut B. Virgo, & Sancti Angeli; immò & in ceteris iustis, ac in illis peccatoribus, qui alia via, quam contritionis perfectae, in lege gratiae suam justificationem possunt adipisci, & quoad hoc sit eadem ratio de praecepto dilectionis, ac contritionis formalis; longè tamen alia est de speciali obligatione diligendi Deum imposita independentèr à peccato, & solo virtutis titulo. Hæc namque non cessat, quamvis homo neque contritione, neque justificatione indigeat; sed iustos pariter, ac peccatores constringit.

44 Ac licet tempus illius difficulter assignetur; adhuc tamen huic Auctori non est verisimile, tantum praeceptum semel tantum nos obligare, dum vivimus. Et quia tempus tentationis specialiter assignat, proculdubio ex ejus mente iustus, qui se graviter tentatum deprehenderet ad propositum non diligendi Deum in tota vita, vel non nisi raro, aut semel, teneretur ex praecepto affirmativo charitatis ad actum dilectionis, ut se se inflectendo in extremum suae tentationi contrarium, in rectitudinis statu firmiter posset consistere. Est namque id medium altissimum ad tentationem vincendam, & aliquando poterit videri necessarium, saltem cum oratio, aut alia media intentata non proficiunt. Qua ratione alii communiter dicunt, similem obligationem urgere, cum quis vehementer tentatur ad odium Dei. Sed minus bene. Quia esto demus, tunc teneri ad Deum amandum, obligatio non confurgit ex praecepto affirmativo charitatis; sed ex negativo odium prohibente, quod eandem obligationem imponeret, quamvis speciale affirmativum deficeret. Negari autem nequit, utrumvis casum esse valde rarum, & fortè nunquam contingere, neurrumque expectandum, ut incumbat obligatio diligendi.

Vindicantur Azorius, & Tamburinus.

45 **E**X dictis conspicue apparere, immo-
rissimè imputatam esse Azorio
propositionem damnatam, quasi præcep-
tum amoris cum præcepto contritionis
confunderet, & re vera non agnoverit spe-
ciale præceptum charitatis à præcepto con-
tritionis, & justificationis distinctum. Ipse
namque longe aliter sentit, ut supra vi-
sum est. Ex quatenus obligationem creden-
di, sperandi, vel amandi per modum reme-
dii attribuit specialibus præceptis Fidei,
Spes, & Charitatis, cum homo justificari
necetur, nec aliud remedium fubeat, plus
his virtutibus defert, quam deferre solent
alii. Quippe ceteri communiter, & me-
rito, non aliunde oriri credunt obligatio-
nem exercendi hos actus, quam ex illa ip-
sa virtute, unde debitum justificationis orie-
batur: ex. g. ex virtute religionis, si justi-
ficatio necessaria erat Sacerdoti, ut Sacra-
mentum conficeret; hic autem in super ad-
dit obligationem specialem, ac propriam
ipsius remedii ortam ex illa virtute, cujus
actus est. Unde, cum in dicto eventu spes
venire, ac prævia fides omittuntur, &
propterea præceptum justificationis viola-
tur, agnoscere debet peccatum speciale
contra præcepta affirmativa præ, ac Fi-
dei, & contra Charitatem in Deum, si ci-
tra opportunitatem Sacramenti contritio
prætermittatur, & multiplicare tot mali-
tias specie distinctas, quot sunt virtutes jure
suo istiusmodi remedia præcipientes. Quod
utique speciale sphaeram obligationis ip-
sarum potius auget, quam imminuit. Ne-
que necessario admitti debet, nisi forte in
casu, quo præceptis specialibus ipsarum
secundum se, ac scorsim urgentibus ante-
ea non sit satisfactum, & omnia con-
currant pariter cum obligatione justifica-
tionis, seu conversionis in Deum. De quo
appositè Baldellus tom. 2. lib. 2. disp. 3. à
num. 12.

46 Azorius itaque excusatione non indi-
get; sed difficile videtur excusandus Tam-
burinus lib. 2. in *Disal.* cap. 1. §. 1. à numer.
9. & cap. 3. §. 2. num. 2. nam fere eisdem
verbis utitur, quibus Auctores propo-
sitionis damnatæ, atque ea propter illum
acriter perstringunt Vincencius Baro, &

Gonet in *Clipes Theolog. Thomist.* tom. 3.
dissert. de opinion. probab. à num. 106. Sed
non desuere oculatiores alii, qui, venie-
te, ac verbis ejus accuratè discussis, ip-
sum sano modo exponerent, & ab ista
nota vindicaverint. Ita latè, & ex pro-
fesso Lucius à S. Marco in *germana doct.*
Tambur. cap. 3. Guilielmus le Mayre in
statera Saulis exegres sect. 1. cap. 5. §. 1.
Uvilhelmus Sandzæus in *confutat. trium*
viror. fol. mibi 117. & innominati Aucto-
res; sed apprimè docti, ac eruditi, *Spe-*
ciminis doctrina Theologica per Belgium
manantis. p. 4. cap. 3. §. 1. prop. 3. Ex qui-
dem, ni Tamburinus Azorium nomina-
tim appellasset eisdem locis, quæ ab eo ex-
scriptus, aliquo colore reputari posset
assertor thesibus damnatæ. Sed tamen, cum
eum appelleret, & doctrinam ejus appro-
bet, dicatque, sibi placere præ, alii,
absque dubio ipsamet charitas, pro qua
tanto ardore pugnat Gonet, suo jure exi-
gebat, saltem ut conviciis parceret, & ex
Azorio suppleret, si quid fortè Tamburi-
nus proposuisset minus planè. Nam ille
Azorium sequutus non negavit speciale præ-
ceptum dilectionis, ut ea est medium ne-
cessarium ad salutem æternam, neque ut
est actus virtutis Theologicæ omnium maxi-
mæ; sed solum vult, etiam ritulo remedii
esse præceptam, & sub hac ratione dixit il-
lam nunquam obligare, nisi cum homo ad
justificationem tectetur, & opportunitate
Sacramenti destituatur.

47 Et sanè id speciale est in hoc casu,
quod certum sit, tunc hominem teneri ad
eliciendum actum dilectionis, aut contri-
tionis perfectæ, atque id tempus ex ipsa
rei natura esse determinatum; non verò
ex præcepto Ecclesiæ, aut ex prudenti ho-
minum arbitrio. Alia autem tempora,
ubi similis obligatio ex natura rei incum-
bere putatur, v. g. tempus accipiendi Eu-
charistiam, aut Baptismum, tempus mar-
tyrii, vel alterius operis difficilis in obse-
quium Dei præstandi, tempus, quo aliquod
grande beneficium est acceptum, vel quo
cernitur ingruere magna aliqua calamitas,
præsertim publica, aut quo vehemen-
tes tentationes urgent, vel initium vi-
tæ, aut finis ejus, controversa sunt, ac
valde dubia. Et quamvis à Valentia, Les-
sio, aliiq; nonnullis assignentur; à Tam-
burino, & multis aliis negantur magna ve-
rosimi-

prosimilitudine, & adhuc verosimilius negabitur, ejusmodi obligationem tunc oriri ex speciali præcepto charitatis; non verò alterius virtutis. Unde Le Mayre ubi suprà putat, Tamburinum nequaquam detrectasse speciale præceptum Charitatis ex se indeterminatum quoad tempus: de illo namque solum dixit in dicto num. 9. cum Card. de Lugo aliqua ratione esse determinandum, ut in praxi completè obligare incipiat; sed solum voluisse, illud minimè obligare pro tempore ex natura rei determinato extra causam suprà dictam.

48 Quæ doctrina longè est alia ab illa, quæ continetur in propositione damnata,

eique non parum favere videtur D. Angelicus q. 23. de verit. art. 7. ad 7. dum scribit, eum, qui non facit quantum in se est ad charitatem habendam, non semper peccare peccato omissionis; sed tunc tantum, quando facere tenebatur, utpote cum ei necessitas imminere facienda aliquid, quod sine charitate fieri non potest. Quippe ejusmodi necessitas ex natura rei tunc solum imminet certò, & indubitanter, cum homo justificari tenetur, v. g. ad suscipiendam, conficiendamve Eucharistiam, vel ad Confessiones excipiendas, & deest copia Confessarii, qua defectum contritionis suppleat.

DISSERTATIO VI. DE USU CIBI, ATQUE CONJUGII ob solam delectationem.

Huc revoco octavam, nonamque propositiones ob earum affinitatem.

CAPUT PRIMUM.

Iusta confixio propositionis octavæ.

1 **I**Enor illius hic est. Comedere, & bibere usque ad satietatem ob solam voluptatem non est peccatum (modò non obste valetudini) quia licitè potest appetitus naturalis suis actibus frui. Docuit eam præcipuè Joannes Sanchez in selectis disp. 2. num. 14. & ex illo Antonius de Escobar in summa tr. 2. exam. 2. num. 102. Ipse tamen contrariam apertissimè sequitur in Theologia morali postea excusa tom. 1. lib. 4. num. 231. & ibi opinionem Sanctii magis Auctoris sui ingenio, quàm practica veritate, inniti putat. Illam proponit Diana p. 3. tr. 5. resol. 6. ut studiosi legant, & judicent. Bassæus autem verb. Gula. num. 2. in fin. probabilem esse judicat, dum cum Pasqualigo oppositam ut probabiliorem tenet.

2 Attamen doctrina ista, ut patet, nisi ego fallor, graviori potuit notari censura. Nam illa causalis: Quia licitè potest appetitus naturalis suis actibus frui; longè

plus, quàm scandalosa, & perniciosa videbitur, si, ut par est, introspicatur. Constat enim passim, & apertè ex Sacra Scriptura, & PP. plures esse actus sensuum exteriorum, & maxime gustus, & tactus, quibus uti, ac frui non licet secundùm rectam rationem, aut permittere appetitui naturali, ut eorum delectationem perquirat. Immoderati enim sunt, ut ingluvies, ingurgitatio, aut præpostera libido, nec possumus ad instar belluarum eò ferri, quòcumque inclinat appetitus naturalis, pences quem nulla est discretio actus, & delectationis honestæ ab irrationali, ac turpi. Atque hinc nascitur continua lucta carnis adversùs spiritum concupiscentis, & spiritus adversùs carnem: nam de actibus licitis pugna non est, nisi fortè ad mortificationem voluntariam; sed solum de illicitis, ac repugnantibus legi in mente nostra scriptæ.

3 Hinc ex suo speciali munere Fortitudo, Temperantia, Continentia, alique virtutes similes occupantur in coercendis, edomandisque passionibus, ne in illicita prorumpant: forentque prorsus inutiles, ut Angelo Castitas, vel abstinentia

nentia cibi, ac potus, nisi irascibilis, & concupiscibilis per fas, & nefas nos ad actus sensuales, delectationesque illicitos. Et hinc denique indubitatum est, nostris passionibus, instar brutorum, non esse habendas laxandas, quasi omnia sensui placentia indiscriminatum liceant; sed potius fröandas esse juxta præceptum rationis, & gubernandas cum omnimoda subordinatione ad legem Dei, in qua pleraque inveniuntur districte prohibita, tamen maxime delectabilia quoad sensum.

4 Quocirca, dum universum assumitur, nostro appetitui licere frui suis actibus, atque in illis delectari, & exinde specialiter inferitur, satietatem cibi, ac potus immunitatem esse à peccato, cum non obest valetudini, falsissimum principium supponitur, & penitus abiiciendum, quamvis permittatur esse verum consequens ex eo deductum. Nam ex falso interdum falsum, interdum verum colligitur. Et, si ejusmodi satietas solius voluptatis gratia procurata foret licet, utique propter hanc causam nunquam licita esse potest; sed ex aliis argumentis concludendum foret; non verò ex principio illo, unde pariter convinceretur, omnem actum sensui delectabilem esse licite appetibilem; immò absque peccato expecti posse ipsius sensibilis delectationis intuitu. Applica enim idem argumentum peccatis contra naturam, ejus carni humanarum, ebrietati, vel saturitati nimie, appetitui vindictæ, ac multis aliis motibus irrationalibus, & vi illius omnia munda erunt, aut nihil in favorem satietatis, ac delectationis ejus poterit verè concludi. Aut enim sumitur tanquam præmissa, appetitum licite frui posse omnibus suis actibus, vel non omnibus; sed solum aliquibus. Si omnibus, nulla erit actio, aut delectatio sensuum exteriorum, quantumlibet sorda, & turpis, quæ à peccato non purgetur. Si verò solum aliquibus, nec de satietate cibi, nec de alia particulari quidquam demonstrari valet, quia ex puris particularibus nil legitime concluditur.

5 Tenendum propterea est, propter causalem adhibitam meritò proscriptam esse propositionem, quam modò discutimus, & vel hanc solum potuisse esse unicam causam notandi illam severiori censura. Restat tamen inquirendum, an ipsa ulterius

contineat perniciosas alias, aut scandalosas doctrinas, quæ meritò præcaveri debeant, saltem propter se, ac ratione sui. Nam ratione damnationis, ac præcepti Pontificii in rigore non videtur necessarium eas præcavere ut damnatas, & in sua praxi prohibitas, cum illi sufficienter satisfaciatur, qui thesim, ut jacet, reiecit, & partem ejus assignat, quæ tolerari non potuit, idque ostendit ratione efficacissima, quam mirum est non attingisse Gonetum, Filguerra, Lumbler, & alios, qui hujus damnationis causas assignare satagunt.

6 Duo autem sunt, præter causalem, ibi satis clarè asserta, & à Joanne Sanchez ubi supra plenius tradita, quæ in examen meritò vocari debent. Aliud est, *nunquam ex gula peccari nimis comedendo sine fame, atque necessitate, nisi tanta sit cibi nimietas, ut valetudini nocet*. Alterum verò; *id fieri posse absque peccato propter solam voluptatem, quam sumit sensus ex cibo*. Idem de potu esto dictum, ne multoties cum fastidio repetatur.

7 Circa primam ea doctrina mihi non videtur permittenda, aut tutò in praxim vocanda. Assumit enim mensuram quantitatatis alimenti paradoxam, & extraneam, dum eam sumit, non ex eo, quod requiritur, ac sufficit ad fovendas vires corporis, & serviendum exercitiis animi; sed ex imminente extrinseco nocumento valetudinis, quo sublato, neque intemperans, neque peccaminosa erit satietas usque ad fastidium, saturitas usque ad vomitum, vel repletio usque ad ingluviem, aut ingurgitatio ad nauseam. Et, quia obligatio evitandi nocumenta proprii corporis ad charitatem propriam potius spectat, quam ad temperantiam, consequens fiet, ut intra limites hujus virtutis nulla designari possit quantitas cibi superflua, nulla nimia, nulla immoderata, quæ hominem gulosum reddat; sed tota malitia excessus præjudicantis saluti ad aliud vitium spectabit, ut Cajetanus rectè animadvertit 2. 2. q. 148. art. 4. ad 3. & notant frequenter alii cum D. Thoma *quæst. 14. de malo, art. 2. ad 4.* ibi: *Nocumentum proprii corporis non est proprium objectum gule; sed consequitur quandoque objectum præter intentionem, & tale nocumentum est præter rationem gule.*

8 Explodenda igitur est mensura illa

illa fallax, & ad rem non pertinens, quam assignat Joannes Sanchez, & cum Augustino tom. 1. libr. de morib. Ecclesie, cap. 21. ea utendum vitæ regula, quam habet vir temperans in hujusmodi rebus mortalibus, ac fluentibus utroque testamento firmatam, ut eorum nihil diligit, nihil per se appetendum putet; sed vitæ bujus, officiorumque necessitatem, quantum satis est, usurpet utentis modestia, non amantis affectu. Et licet fortasse hæc regula sit perfectionis quoad aliqua; tamen quoad alimentum quantitatem necessitati admetiendam, præcepti esse, & non meri consilii, aperte habetur apud eundem Augustinum tom. 10. serm. 41. de Sanctis, ubi in eo excessu clarissimè peccatum veniale agnoscit his verbis: Quoties aliquis in cibo, aut potu plus accipit, quam necesse sit, ad minuta peccata noverit pertinere. Ac sibi consonat lib. 10. confession. cap. 31. fin. his præter cætera: Itaque fratri gutturi temperata relaxatione, & confusione tenendi sunt. Et quis est, Domine, qui non rapiatur aliquantulum extra metas necessitatis? Quisquis est, magnus est, magnificet nomen tuum. Ego autem non sum, quia homo peccator sum.

9 Paria sumi possunt ex Hieronymo in cap. 44. Ezechielis, quæ obvia sunt apud scriptores; sed valde selecta illa, quæ extant libr. 2. contra Jovinian. quæst. 3. Sine quatuor, inquit, sensibus vivere possumus, id est, sine aspectu, auditu, odoratu, atque complexu; absque gustu autem, & cibis impossibile est humanum corpus subsistere. Adesse ergo debet ratio, ut tales, ac tantas sumamus escas, quibus nec oneretur corpus, nec libertas animæ prægravetur. Consonatque S. Chrysostomus hom. 71. in Matth. sic edisserens: Considera, miserrime hominum, quam venter mensuram flagitat, & pudebit te immoderatissima, atque ineptissima bujus edendi diligentia. Quia scilicet adverte te mensuram debitam, & finem civationis prætergressum, qui in eo situs est, ut corpus convenienti alimento foveatur, ac servetur, non obnuatur.

10 Ecclesie PP. sequutus est S. Thomas necessitatem pro mensura assignans, quam absque peccato transgredi non licet, 2. 2. quæst. 141. art. 6. & antiquiores Scholastici, dempto Majore, cujus antiquatam opinionem suscitavit Joannes Sanchez mæ Theolog. Reform.

gno impendio, ac nullo fructu. Cæteri namque scribentes de regulis temperantiæ eidem doctrinæ insisterunt, ut Valentia, Lessius, Layman, Theophilus Raynaudus, Baldellus, Dicastillo, Tannerus. Et qui, suscitata denuo quæstione, rem propius attingunt, ex eodem principio colligunt, veniale saltem peccatum independens à nocumento salutis admitti, cum sine necessitate, ac fame stomachus cibis oppleretur, & venter ultra modum oneratur. Ita Escobar loco citat. Gonet tom. 3. dissert. de opinion. probab. à num. 123. Lumbier in præstati numer. 1800. Filguera in Lucerna propof. 8. vers. Nihilominus, & Moya in select. 1. p. tract. 6. disp. 2. q. 3. num. 19. quem si Filguera exactè prælegisset, damnatam propositionem nullo modo ei imputasset.

11 Jam vetò ratio à priori defumenda est cum Chrysomo ex fine, ob quem nobis indulgetur usus cibi, nempe ad reficiendas vites corporis, & in convenienti illa dispositione servandas, qua mentis functionibus non impedimento, sed auxilio, ac juvamini esse valeant. Porro hic finis eam mensuram postulat, quam necessitas præscribit, eamque excludit, quam voluptas sola dicitur esse procurandam. Cibus enim ultra necessitatem ingestus, quamvis corporali valetudini non noceat, mentem hebetat, intelligentiam obundit, cerebrum replet vaporibus, & ad animalem vitam advocat virtutem animi, & bona habitudo corporis, quæ propter functiones mentis præcipue desideratur, eis obstat potius, quam servit. Sanè idonea dispositio ad exercitia mentalia in corpore faginato, ac cibis variis repleto nullo modo retineri valet; sed onere, acque gravitate illorum etiam anima aggravatur, & finita virtus ejus tantum detrahât studiis seriis, ac cogitationibus supremæ partis, quantum impendit somnolentiæ, digestionis, aliisque operibus, quæ sibi communes sunt cum mente captis, ac belluis: idèquæ ad ineptam potius lætitiæ disponitur, & ad multiloquium, aut scurrilitatem, quàm ad actiones hominis cordati, prudentia consilia, orationem, studium, aut alios actus, qui intentam applicationem, ac durabilem considerationem exigunt.

12 Verumtamen, quia necessitas suos

L ha-

habet gradus, & circumstantias diversas, juvabit maxime exponere, quoniam pacto hic accipitur, idque melius quam meis verbis, exponitur totidem aliis Angelici Præceptoris *quæst. 14. de malo art. 1. ad 1.* sic docentis: *Regula rationis hæc est, ut homo sumat cibum secundum quod convenit sustentationi naturæ, & bonæ habitudinis hominis, & conversationi eorum, cum quibus vivit, ut dicitur in 3. Ethicorum. Quando ergo secundum hanc regulam rationis appetit aliquis, & sumit cibum, secundum necessitatem sumit; quando vero ultra hoc excedit, transcendit regulam rationis à medio virtutis discedens, ut satisfaciat voluptati. Sed sicut Philosophus dicit in 2. Ethic. à medio virtutis quandoque quidem multum receditur, & istud de facili percipi potest; quandoque autem parum receditur, & istud est imperceptibile: unde parum habet de ratione peccati. Vide etiam Lessium lib. 4. de just. & jur. cap. 1. num. 9. & opusc. de vera ratione conservandæ valetudinis præsertim cap. 2. & 3.*

13 Quod si comedere, ac bibere, quam necessitas exigit, peccatum est, à fortiori itidem peccatumerit id facere propter solam voluptatem cibi, potusve sumendi, cujus oppositum thesīs proscripta affirmabat, & numer. 6. separatim annotatum fuit à nobis. Ratio in promptu est juxta Augustinum lib. 14. de Civitat. Dei. capit. 7. & S. Thomam. 1. 2. quæst. 34. art. 1. corp. Quia delectatio consequens operationem illicitam etiam illicita est, & per modum unius cum ea prohibetur, eò fortius, qui ratione sui fortius pertrahit ad peccatum, quam sola operatio prava, seclusa voluptatis illecebra, & conspiciencia inclinante ad bonum delectationis. Explicatur. Actus ille honestus esse non potest, cum careat motivo honesto, & solam sensualem voluptatem aucupari intendat ex superflua comestione. Sed nec potest esse indifferens (esto ejusmodi actus admittantur) quia ad hoc saltem necessarium erat, ut actio ipsa comedendi, quamvis saluti non noceat, etiam ultra indigentiam ætatis, ac virium, & occasionum peccaminosa non esset, neque immoderata, sed indifferens, quod falsissimum esse supra constitit. Restat igitur, ut in quacumque sententia actus ille sit illicitus, ac verè peccaminosus. Et

quis non videat, esse opus otiosum, atque adeò illicitum, eam comestionem, quæ præcisè utilis est ad capiendam voluptatem? Otiosum enim id dicitur juxta PP. quod ratione justæ necessitatis, aut piæ utilitatis caret: omnisque otiositas deerit, si ad illam tollendam sufficit esse utile ad voluptatem.

C A P U T II.

Utrum opus conjugii ob solam voluptatem exercitum omni penitus culpa careat?

14 **O**Mni penitus carere culpa, ac defectu etiam veniali, propositione nona continetur, idque à Summo Pontifice damnatur. Sumitur ex Joannes Sanchez in selectis. disp. 23. numer. 25. qui disput. 6. numer. 4. plus addit, nempe actum esse virtutis. Præverat Joannes Major in 4. disp. 31. quæst. unic. conc. 7. & uterque de isto opere pariformiter discurrit, ut de cibo, ac potu ultra necessitatem usurpatis philosophatos esse antè monuimus. Quare, nisi noceat propriæ, aut alienæ saluti, semper moderatum censent usum actus conjugalis, nec ullam ejus frequentiam nimiam, aut superfluum autumant: indeque concludunt, neque ipsam, neque intentionem explendi ea mediante suam libidinem sub peccato præcavendas esse, quia omni prorsus culpa vacat moderatas sensum externorum delectationes intendere. Contenditque ulterius Sanchez eo numer. 25. vers. Nec urget, contra Gasparum Hurtado, & Basilium Legionensem id ipsum dicendum, quantumvis conjux ad usum frequentiore coitus non aliter exercendi, quam voluptatis intuitu, cibis calidis utatur, vel aliis medicamentis.

15 In hoc sensu proculdubio apparet justissimè inustum esse censuram Pontificiam ei doctrinæ. Tum ex dictis præcedenti capite circa voluptatem cibi, quæ fortius urgent in venerè, & servata proportionè, applicari debent casui isti. Tum rursus, quia etiam in istis mensura temperantiæ non est incolumitas, aut nocumentum salutis; sed necessitas commensurata fini ejusdem matrimonii, ut declarat S. Augustinus lib. 5. contra Julianum. capit. 9. ante fin. sic ipsum alloquens: *Tantum-*

tummodò excessum libidinis culpas, ipsam laudare non cessas. Nec attendis, sentis, intelligis malum esse, cui, ne limites necessitatis excedat, cogitur temperantia repugnare. Tum ex re ipsa, quia licentia illa exercendi opus conjugii propter solam voluptatem non restringitur, uti opus erat, ad solos actus conjugales alias debitos, vel necessarios, qui in illis circumstantiis ex motivo honesto possent exerceri; sed extenditur ad omnes alios, qui non nocent valetudini, quamvis sint nimis frequentes, & absque ulla necessitate, vel utilitate speciei, aut individui exerceantur. Hoc autem nihil est aliud, quam conjugatis concedere usum libidinis usque ad satietatem, & veram mensuram tollere huius actus exercendi, ac sub palliato nomine moderationis infrunitam immoderantiam complecti.

16 Tum præterea, quia hæc nimietas alteri usui non deserviens, quam saturandæ libidini, expressissimè sub eisdem terminis peccati ab Augustino damnatur lib. 2. contra Pelagium capit. 38. & lib. de bono conjugii capit. 6. ibi: *Conjugalis concubitus generandi causa non habet culpam; concupiscentiæ verò satiendo tamen cum conjuge, venialem.* Idipsumque tanquam Christianam doctrinam, & Apostolicam tradit in dicto capit. 9. fin. contra Julianum hæreticum ex Paulo 1. ad Corinth. 7. 5. his præter reliqua: *Apostolus, inquit, secundam veniam concedit, quamvis cum conjuge, non utique illum prolis, sed qui sit voluptatis intentione concubitus. Hunc audiant Christiana conjugia, non te (Julianum) qui vis in eis, quam defendis, nunquam frænari concupiscentiam; sed quotiescumque se commoverit satiari avidam, regnare securam. Hunc audiant, inquam, fideles Christiani, qui sunt connubio colligati, ut ex consensu temperent, quo vacent orationi; & cum ad idipsum redeunt propter intemperantiam suam, noverint etiam inde dicere Deo: Dimitte nobis debita nostra. Quod enim secundum veniam, non secundum imperium à tanto Doctore dicitur, ignoscitur, non jubetur. Hucusque Augustinus, pariter contestantibus S. Anselmo in comment. ad ea verba Pauli, S. Chrysostomo tom. 5. lib. de virgin. cap. 34. S. Gregorio in Passoral. p. 3. admonit. 28. S. Fulgentii episc. 1. cap. 3. Clemente*

Alexandrino lib. 2. Stromatum, & nullo repugnante, alii communiter apud Raynandum in Heteroclit. terrestr. sect. 1. à num. 40. tom. 16.

17 Jam verò, si præfata propositio in sensu intento, & tradito à Joanne Sanchez adeò absurda est SS. PP. & adeò justè censuram commerita, eandem utique jure optimo subibit, sicut jacet in Pontificio decreto: nam, ut ibi jacet, nil est aliud, quàm breve alterius compendium, idem exprimens strictiori stylo. Purgat enim absolutè, & indiscriminatim à quacumque culpa, & defectu, etiam; veniali, accessum conjugalem propter solam voluptatem exercitum, nec discernit inter moderatam, aut immoderatam, necessariam, vel superfluum, utilem, aut inutilem ad bona matrimonii consequenda; sed omnes præcipuè absolvit, & excusat à peccato. Nequit autem ea doctrina tolerari, vel permitti sub tanta universalitate: quia, ut jacet, eò tandem recidit, ut liber usus matrimonii concedatur nullis regulis temperantiz coercitus. Et, cum finis sit ratio mediorum, sublata rectè rationis mensura, quæ modum ponit excessibus, sola relinquitur pro ratione voluptas libere, ac licitè explenda usque ad plenam satietatem contra doctrinam Apostoli, & omnium Ecclesiæ Patrum.

18 Expendendæ sunt præterea voces illæ propter solam voluptatem, nullo alio adjecto, in thesi damnata exhibitæ. Nam, exclusivæ cum sint, tantumdem valent, ac sine ulla alia necessitate, vel utilitate, vel saltem nulla ipsius ratione habita; sed sola, ac nuda boni delectabilis ratione inspecta. Porro, cum sola voluptas sensualis, ac libidinosa est finis operis, & operantis, opus, quod intuitu ipsius exercetur, ut minimùm liberari nequit à peccato otiositatis. Nam quod utile illud sit ad capiendam voluptatem, sicut satis non est, quacumque alia necessitate, vel utilitate exclusa, ut per modum medii ad illam ordinetur, sic satis esse non potest ad culpam otiositatis vitandam: alias enim nunquam inveniri possent facta, aut verba merè otiosa, quia omnia inveniuntur utilia saltem ad oblectamenta sensuum, & commoditates communes cum belluis, & aliis irrationalibus.

19 Explicatur. Nam sicut usus conju-

gii, esto interdum malus sit, & in abusu degeneret, non est propterea ex iis malis, quæ semper fugienda sunt, ut fornicatio; sed sæpius honestè exercetur: ita quoque non est ex his bonis, quæ per se, ac semper dicuntur appetenda; sed ex illis, quæ appetibilia redduntur ratione necessitatis, sicut cibus, potus, somnus, sectio venæ, & alia ejusmodi, inter quæ etiam juramentum numeratur. Nam & *juramentum*, teste D. Thoma in 3. dist. 39. art. 2. *quest. 1. corp. non est computandum inter ea, quæ sunt per se appetenda; sed inter ea, quæ propter necessitatem fiunt, sicut sunt bona utilia, ut sectio vulneris, vel aliquid hujusmodi.* Jam verò si proponatur quæstio, utrûmnam jurare liceat ob solam cupiditatem, aut delectationem jurandi? Respondet S. Augustinus lib. de Mendacio. cap. 15. & cum illo Magister Sentent. ac S. Thomas loco citat. in argum. *Sed contra*, & reliqui omnes communiter, id aperte esse peccatum: quia perinde est jurare eo modo, ac jurare absque necessitate, neque in eo eventu alius comes juramento deficere intelligitur.

20 Ita igitur in præsentî contingit, quia in circumstantiis propositis æquipollentia censentur, coire cum uxore propria propter voluptatem solam, & id exequi absque ulla necessitate. Et quemadmodum siquis assereret opus conjugii absque ulla penitus necessitate exercitum omni defectu, culpaque vacare, eo ipso scandalosam, ac perniciosam doctrinam tradidisse censeretur, sic pariter de illo judicari debet, qui absolute docet, illud licitè exerceri propter solam voluptatem. Quod spectat egregius locus S. Augustini lib. 5. contra Julianum. cap. 12. sic scribentis: *Dico bonum esse conjugium, ubi proles nisi per concubitum non potest procreari. Si enim aliter possent, & tamen concuberent conjuges, apertissime libidini cederent, & illo malo uterentur malè: scilicet, quia tunc deesset necessitas, quæ illius actionis, ut liceat, debet comes esse inseparabilis. Pergit ulterius: Cum verò, propter quod sexus ambo sunt instituti, nisi eorum commixtione non nascitur homo, propter hoc mixti conjuges illo malo utuntur bene. Si autem de libidine quærunt etiam voluptatem, venialiter malè. Nihil clarius potuit dici.*

21 Arguo insuper. Nam qui in opere conjugii solam ejus voluptatem intendit, ex vi præsentis motivi non debet attendere alias ejus circumstantias, unde facile vitari potest independentè à fine; sed ab illis abstrahit, neque examinat, utrûm liceat, aut non liceat hic, & nunc; sed præcisè, utrûm delectet, quia id satis est ad suum finem; delectat autem, non minùs, cum vitiosus est, quàm si sit licitus, & turpitudine, aut honestas merè materialiter se habent in comparatione illius boni, quod principaliter quærit. Porro iste modus agendi cœco impetu propter solam voluptatem absque reflexione ad alias circumstantias, unde ejus honestas objectiva pendet, etiam cum uxore nota ut propria, evidenter est illicitus, saltem leviter, sicut illicitus esset, & quidem graviter, si operanti non constaret, an esset propria, an aliena. Neque in hac materia solum, sed in cibo, somno, atque aliis quibuscumque, unde delectatio capitur, peccaminosum censetur operari, quin prius inspicatur, num delectatio, quam quærimus, sit licita, vel illicita, & ex opere, aut ex alia quapiam circumstantia depravetur. Saltem namque debet inspicere, & omnino præcaveri, ne id, quod quærimus, aut agimus, rectè rationi opponatur dissuadenti turpia objecta. Ex hoc ratum est, ac fixum, etiam apud eos Auctores, qui admittunt actus in individuo indifferentes. Neque enim obligationem detrahant discernendi licita ab illicitis, ut à malo declinare valeant; sed solam obligationem agendi semper ex motivo honesto.

22 Ad hæc. Exercere opus conjugii propter solam voluptatem sensualem, eo ipso excludit fines reliquos: neque enim sola erit finis, si alius æquè, aut magis principalis pariter cum ipsa intenditur. Videndum ergo est, quifnam finis excludatur, & cum id non constet ex reliquo contextu, qui nullus est; sed ex verbis solius propositionis, ut jacet, debeat judicari, tanta exinde confusio suborietur, tantumque errandi periculum in via morum, ut propter hanc solam causam perniciofa, & scandalosa meritò possit censeri. An sola, & una voluptas ita finis esse creditur, ut finis ultimus etiam excludatur? Sed hac ratione certissime peccatum mortale erit exercere opus conjugii propter solam

voluptatem : quia id est universum verum, quoties finis ultimus in creatura collocatur, ut fit, quoties amicitia Dei desideratur propter finem aliquem creatum, aut quando homo est ex vi amoris creaturæ in tali animi præparatione, ut mandata gratia ipsius violare mallet potius, quam creaturam perdere.

23 An sermo est de solo fine proximo, ac principali in sua serie, & una voluptas ideo talis esse dicitur, ut ceteri ejusdem ordinis exclusi intelligantur? Ita quidem apparentius diceretur. Verumtamen neque is modus agendi indiscriminatim affirmari potest ab omni peccato immunis. Saltem enim opus conjugale peccaminosè exercetur, cum una, & sola voluptas ex ipso capienda est finis proximus, ac principalis operis, & operantis, ut supra visum est: quia tunc re ipsa deest necessitas illius actionis ad fines matrimonii consentaneos, & loco illius adest otiositas, ut in cibo, juramento, & aliis, quæ extra casum necessitatis non licent. Quod si saltem in hoc casu tolerari nequit doctrina thesis damnatæ, profectò absolutè, ut jacet, intolerabilis est: nam de isto præcipuè, ac maximè loquitur, debetque intelligi; non autem de illo, in quo discrepant finis operis, & operantis. Etenim si finis intrinsecus, & quasi connaturalis operis, prout hic, & nunc exercetur, non est voluptas sensibilis; sed debiti redditio, aut generatio, licet operans pro arbitrio suo non alium finem, quam solam voluptatem intendat, opus, cujus proprius finis longè alius est, in rigore, & omnibus inspectis, propter solam voluptatem non fiet.

24 Sed demus, sermonem esse de solo fine operantis, & adhuc recurret eadem difficultas. Quia propositio, ut jacet, non distinguit inter opera conjugii merè utilia ad voluptatem, vel utilia ad alios fines rectæ rationi congruentes; sed de omnibus indiscriminatim loquitur, & intentionem capiendi ex singulis quibusque voluptatem semper à peccato excusat. Est autem inexcusabilis, cum finis operis est sola voluptas. Nec potest restringi assertio ad opera conjugii aliqui honesta, iis rejectis, quæ superflua, vel otiosa sunt. Nam ejusmodi restrictio non invenitur in propositione, ut jacet, &

Theolog. Reform.

adjecta aliam diversam, & sensu, & verbis constituit; immò oppositam, quia propositio damnata utitur hac voce *penitus*, quæ absolutissima est, & nullam prorsus modificationem admittit; sed omnes casus indistinctè comprehendit, ut latè tractat Augustinus Barboza de *ditionib. ususfreq. dist. 249.*

25 Ulterius conjugii actus bifariam amari potest propter solam voluptatem. Primo, excludendo positivè alios fines, ad quos id opus honestè posset referri, ut ad prolem generandam, vel ad debitum reddendum. Secundò, non excludendo fines istos affectu positivo; sed de facto nullum alium intendendo, nisi solam voluptatem. Uterque autem modus congruit propositioni damnatæ, & uterque juxta illam ab omni culpa excusatur. At primus nulla ratione ab illa purgari valet, ut fert omnium Theologorum vera, & communis sententia, de qua Sanchez *lib. 9. de matrim. disput. 8. numer. 10.* Neque ullus, opinor, erit, qui hunc actum à culpa excuset: *Volo accedere ad uxorem propter solam voluptatem, id ipsum facturus, quamvis accessus neque proli generanda, neque ulli alteri fini utilis esset.* Secundus verò in idem recidit. Nam qui aliud bonum non querit in opere conjugali, nisi solam delectationem libidinis cum propria uxore, ita est affectus ex vi præsentis motivi, ac dispositionis, ut id ipsum vellet, essetque facturus, quamvis tale opus inutile appareret ad consequenda alia bona, quæ tunc non querit, nec diligit. Satis namque sibi est ad eligenda media utilitas illorum ad suum finem: atque ad illum solum obtinendum merè concomitanter se habet notitia, vel ignorantia aliarum utilitatum, quæ in ipsis fortè inveniuntur.

26 His magnum præterea robur, & auctoritatem conciliant Scriptura Sacra, & Patres, qui non solum intentionem improbant exercendi cum uxore propria immoderatam libidinem; verùm etiam absolutè modum ipsum operandi propter voluptatem, abstrahendo à nimietate, vel moderatione illius. Unde Sara uxor Tobiae junioris cum sibi imputaretur ad culpam immatura mors septem virorum, quibus fuerat successivè desponsata, ut ab eo improprio se excusaret,

ita Deum est alloquuta *Tobie* 3. 18. *Virum cum timore tuo, non cum libidine mea consensu suscipere*. Accedit unus pro mille S. Augustinus *lib. de nupt. & concup. capit. 8.* ubi dixit, quod iterum confirmat, ac replicat contra *Julianum lib. 5. capit. 9. initio*: *Non conjugalem, hoc est, licitum, honestumque concubitum fuisse prohibitum; sed ut operis hujus causa sit voluntas propaginis, non carnis voluptas: & quod sine libidine fieri non potest, sic tamen fiat, ut non propter libidinem fiat*. Quò postea refert subtiliter illud *Lucani lib. 2. Pharsalia*:

Nulloque Catonis in actus Surrepsit, partemque tulit sibi nata voluptas.

Quæ verba ita commentatur: *Qualis vir Cato fuerit, & utrum in eo vera virtus, honestasque ludata sit, alia quæstio est. Ad quemlibet tamen finem sua referret officia, non utique sine voluptate filios procreavit; & tamen nullo Catonis in actus surrepsit, partemque tulit sibi nata voluptas. Quoniam, & quod non faciebat sine voluptate, non faciebat propter voluptatem: nec in morbo hujus desiderii suum vas possidebat.*

27 Idipsum fert communissima aliorum scribentium sententia, quam *Augustini, & omnium Theologorum* esse dixit P. Suarez postea appellandus: atque idèõ temeritate non vacat adversus Ecclesiæ Patres ita exponentes Scripturam, torrentemque omnium Doctorum castitati conjugali tantam licentiam tribuere querendi libidinosam sui congressus voluptatem, eaque sola persfruendi, quantum in damnato lemmate contineri notabamus. Neque ullus (ut opinor) alicujus nominis Theologus, præter Joannem Sanchez, & Majorem, exhiberi poterit, qui assensum plenè tribuerit istilaxitati, ut jacet. Nam quod Filguera in *presenti prope fin.* id imputat Averfæ suo, Basilio Legionensi, Almayno, Kellifono, Dianz, Gaspari Hurtado, aliisque multis, quos Pontificia censura contendit esse notatos (ut inferius demonstrabitur) ex minùs accurata eorum lectione processisse videtur, vel eertè ex minùs exacta consideratione maximæ amplitudinis, qua luxuriandi facultas in eo lemmate indulgetur conjugatis. Unde nullus ex eis fuit mensuram moderationis, ac debitz temperantiæ ex eo, quòd coitus saluti propriæ, vel alienæ

non noceat (ut volebat cum Majore Joannes Sanchez) nam id ad castitatem non spectat, ut capite præcedenti in simili tradebatur; sed ex commensuratione illius cum bonis matrimonii, quorum causa voluptas ista permittitur, quamvis rationem absorbeat, & sit alioqui brutalis, pudenda, & prorsus indigna, ut fuimet gratia appetatur, necessitate seclusa.

C A P U T I I I.

Qua temperantiæ mensura discernendus fit usus conjugii honestus à vicioso, seu moderatus ab immoderato?

28 **T**emperantiæ conjugalis est, modum imponere veneris delectationibus, etiam cum uxore propria, ne limites rationis egrediantur, & assignare mensuram frænandi concupiscentiam libidinis, quæ, irrationalis cum sit, ex se nullam habet taxam; sed voluptati capiendæ, saturandoque appetitui inhiat fortiter, & valde instanter. Visum est autem hucusque, & exemplo juramenti, aliisque ejusmodi cum Augustino, & Sanctis confirmatum, eam non esse bonum per se expectendum, seu ratione sui duntaxat; sed ex causa, qua seclusa, neque est liberum, nec licitum accessui conjugali operam dare. Causa autem sufficiens non est, uti etiam diximus circa concupiscentiam cibi, aut potus, quòd expletio illius non noceat saluti propriæ, aut alienæ; sed ex fine matrimonii, & bonis, quæ ex illo hauriuntur, sumi debet: nam exinde habet, quòd liberè, ac licitè exerceri possit, quamvis alloqui non differat ab opere fornicario secundum speciem naturæ, ut pulchrè explicat Angelicus Doctor in 4. *dist. 31. quæst. 1. art. 1.*

29 Est autem præcipuus finis matrimonii conservatio speciei humanæ per generationem prolis, sicut finis comestitionis est conservatio individui: atque adeò non pauci affirmant, concupiscentiam accessus, ac delectationis ejus in conjugibus sic esse moderandam, ut non transcendat hos limites, & siquid ampliùs ei fortè indulgetur, absque peccato, saltem levi, exerceri non existimant. Quare neque propter solum bonum Sacramenti, neque ad rebelles motus incontinentiæ sedandos, nec

nec sanitatis conservandæ desiderio, neque ob alios fines matrimonio extrinsecos, quorum intuitu plures actus visus, vel auditis honestè exerceri possent, putant licere istum actum. Cui doctrinæ nimis favere videtur S. Augustinus citat. sermon 41. de Sanctis, inter minuta peccata recensens: *Quoties aliquis, exprode- fiderio filiorum, uxorem suam cognoverit: & plenius lib. de bono conjugali. cap. 6. & 7. ibi: Reddere debitum conjugale nullius est criminis; exigere autem ultra generandine- cessitatem, culpa venialis.* Acceditque S. Thomas dist. 31. q. 2. art. 2. corp. ibi: *Dubius solis modis conjuges absque peccato conveniunt, scilicet causa prolis procreanda, & debiti reddendi; alias autem semper est ibi peccatum, ad minus veniale.*

30 Annumerat quoque S. Thomas ibidem solut. ad 2. inter causas usum matri- monii cohonestantes studium vitandi for- nicationem in conjuge, quia hoc, inquit, est quadam reddito debiti; sed aliter sentit de intentione evitandi illam in se ipso, nam sic, ait, est ibi aliqua superfluitas, & secundum hoc est peccatum veniale; nec ad hoc est matrimonium institutum, nisi secundum indulgentiam, quæ est de peccatis venialibus. Cæterum etiam in coitu ordina- to ad evitandam incontinentiam in alio, admisceri potest superfluitas, & frequen- tia nimia usque ad saturitatem, nec prop- terea damnatur illius usus, cum juxta in- digentiam cognitam, prudenterve præsum- ptam exercetur. Unde, servata proportio- ne, idem affirmari debet de accessu con- jugali ad evitandam incontinentiam in se ipso, & eo certius, quod propriæ tenta- tiones, ac pericula notiora sunt, quam aliena, & quod major obligatio incumbit unicuique, cæteris alioqui paribus, præcavendi occasiones sui peccati, quam alterius. Nec est, cur accessus factus ani- mo evitandi in alio peccatum incontinen- tiæ reputetur quadam debiti reddito de- cens, ac munda à peccato, & non pa- riter putetur cujusdam debiti exactio lici- ta, ac decens accessus factus animo servan- di exactè castitatem conjugalem, & ca- vendi in semetipso commixtionem cum alienis.

31 Propterea absque ullo discrimine in- continentie propriæ, vel alterius, nul- lum in ea intentione peccatum agnoscunt

Cajetanus, Navarrus, Richardus, Du- randus, Angles, Ugolinus, Azor. Les- sius, Coninch. Sa, Gaspar Hurtado, Layman, Fagundez, Aversa, Diana, Basilii Legionensis, Leander, alique non pauci, quibus etiam suffragatur S. Thomas in 4. dist. 30. quæst. 1. art. 3. corp. Atque ex ipsa conditione nuptiarum videtur colligi satis aperte. Nuptiæ namque licitæ, ac honestæ incurrunt juxta doctrinam Apostoli 1. Corinth. 7. ad fornicationem vitandam, & præcavenda in se ipso pericula incontinentiæ; & hic finis fufficit ad illas cohonestandas, quamvis conjuges sint senes, aut steriles. Ergo pariter sufficit ad cohonestandum accessum conjugalem, quo mediante, ardor libidinis quiescit, & fervor concupiscentiæ fedatur. Quare non est opus, ut volebat Thomas Sanchez cum relatis lib. 9. de matrim. disput. 9. num. 4. quod tententur alia media, & insuffici- entia inveniantur. Nam hoc promptius est, & efficacius, necessariumque proinde non solum disjunctivè; sed ad melius esse. Et, si prius tentari debent alia media, quam ad ipsum deveniatur, vix unquam eo uti licebit in statu conjugii, quia semper suppetent jejunia, castigatio corporis, & alia, quibus etiam coelibes concupi- scentiam cohibent. Ac, deficiente spe gi- gnendi liberos, ut evenit, cum uxor est gravis, conjuges pro tunc, aut domo, aut lecto separandi essent, ne mutuo con- victu concupiscentia accendatur, & co- eundo venialiter delinquant, quia occasio- nem adeo proximam voluntariè remediis contrariis.

32 Neque verum est, connubia non fuisse instituta ob hunc finem; sed solum se- cundum indulgentiam permessa ad evitan- das graviiores incontinentias. Nam licet permessa sint quoad superfluitatem, in- temperantemque excessum, quæ prætex- tu incontinentiæ vitandæ facile possunt irrepere; quoad usum tamen actus con- jugalis moderatum, ac commensum huic fini non sunt permessa, sed directè, ac positivè concessa. Immo quia ad eum finem sunt à Deo instituta, consequens est, ut gratia illius actus ipse conjugal- is possit licitè exerceri: inordinata namque foret institutio ad eum finem, qui non nisi per peccatum esset de facto obtinen-

aus. Quod re S. Chrysostomus cum Apostolo egregie philosophatur *lib. de Virginitate cap. 19.* hisce verbis: *Est verò institutum liberos procreandi causa connubium; sed multò magis, ut in natura institum restinguas ardorem.* Quod sanè Paulus ita testatur: Propter fornicationem unusquisque suam uxorem habeat; non propter liberorum procreationem. *Et iterum eosdem jubet convenire, non ut multos liberos suscipiant; sed cur?* Ne tentet, inquit, vos Satanas. Atque eo ipse progrediens, non cupiditate prolis; sed quamobrem? Si se, inquit, non continent, nubant. Duæ autem hæc fuerunt, quemadmodum initio dixi, conjugii instituendi causa. Sed deinde, & terra, & mari, & universo terrarum orbe animantium inferto una relicta est conjugendi causa nuptiarum, ut libido, & continentia sedaretur.

33 Pariter discriminantur Auctores circa finem sanitatis instaurandæ, vel tuendæ. Nam S. Thomas *ar. 2. ad 4.* & cum ipso Antoninus, Paludanus, Angelus, Sylvester, Tabiena, Petrus de Ledesma, Pedrara, Sylvius, uterque Sotus, & alii, venialis peccati damnant petere, non autem reddere debitum solius sanitatis causa. Quod temperat, mediam viam sequutus P. Thomas Sanchez *lib. 9. de matrimonio. disp. 10. num. 3.* contestantibus Martino, ac Bartholomæo de Ledesma, Victorio, Filliucio, Ochagavia, Trullenc, Escobar, & aliis junioribus, ne locum habeat casu, quo conjugii usus sit petenti unicum medium propriæ salutis retinendæ, vel recuperandæ: tunc enim licere existimant, quamvis proles desperata sit, & nullum urgeat incontinentiæ periculum; sed solum procuraretur bonum sanitaris. Ac deum alii ob eum finem semper id licere putant, debita aliqui moderatione servata: nam & actus ipse de se non est illicitus, & ex fine petendi, utpote honesto, & necessario, tam ad debitum reddendum, quam multiplicandam speciem, nulla ratione vitiatur. Quinimmo cum matrimonio primario sit institutum ad speciei propagationem, ex consequenti, & secundario etiam ad conservationem individui præordinari debuit, quia nisi sanitas utriusque conjugis indeminis servetur, nunquam species propagabitur. Sic Cajetanus, Rebellus, Basilus, Gaspar Hurtado, Co-

ninc, Palao, Machado, Diana, Bauni, & qui omnes dabit, Leander *tom. 2. de Sacram. tr. 9. disput. 25. q. 16.* assentiente insuper Averfa *quæst. 21. de matrim. sect. 4. vers. Tertio*, & sentiente non esse improbabile Layman *lib. 6. tr. 10. p. 2. cap. 4. n. 3.*

34 Existis jam denuo inferes, etiam hic locum habere, quod circa voluptatem cibæ supra prænotavimus, delectationem annexam exercitio actus conjugalis bono fine amari posse, sicut actus ipse, quem sectatur. Neque enim semper bona est, aut semper mala in genere moris; sed ut minimùm eandem varietatem subit, quam ipsum opus materiale conjugii secundum se, & ex suis propriis circumstantiis spectatum. Unde delectatio annexa coitui secundum se illicito illicita etiam est, intemperanti intemperata, otioso otiosa, immoderato immoderata, atque superfluo superflua, & ideo neque propter se, neque propter aliud potest citrà culpam expeti in prædictis circumstantiis; ea verò, quæ ex coitu de se licito resultat, debito scilicet, aut necessario ad fines sibi præfixos, licita quoque est, & sine peccato amari, & exerceri potest, sicut opus ipsum sine peccato exercetur. Et universum verum est quoad turpitudinem, & honestatem idem esse judicium de delectatione, & operatione, quia operationis bona est delectatio bona, & mala mala, ut in proposito repetit iterum Angelicus Doctor *in 4. diff. 31. q. 2. ar. 3. corp. & plenius diff. 49. q. 3. ar. 4. quæstiunc. 1. corp.* estque doctrina Aristotelis 10. *Ethic. cap. 5.* quam valde communem, ac certam vocat Villalobos 1. p. 11. 12. *diffic. 40. num. 2.* & oppositam insipientiæ tribuit Cajetanus in *summa verb. Gula. num. 1.*

35 Quocirca, quoties inquiritur, an opus conjugii exercitum propter solam voluptatem vacer penitus defectu, ac culpa? affirmativa responsio indistincta, & generalis, qualem exhibet propositio damnata, nec potest esse tuta, nec vera. Evidens namque est, opus conjugii non posse licitè amari ob voluptatem illicitam; & aliunde etiam est evidens, illicitam esse voluptatem coitus rationesui immoderati, aut superflui, vel inutilis ad matrimonii fines, & solum utilis ad voluptatem. Unde assertio restringenda erat ut minimùm, vel ad voluptatem aliàs licitam, vel ad coitum aliqui nec-

cessarium, aut utilem ad finem conjugii, licitumque ex ipsius operis fine, ac reliquis circumstantiis. Neque jam est disputandum, utrum actus conjugalis propter solam voluptatem exercitus penitus, ac semper liceat, quia constat, non semper licere; sed an liceat in eo casu, quo omnis alia ejus malitia secluditur, aut ex se honestus supponitur, utpote debitus, vel necessarius; & nihilominus pro arbitrio operantis ad hos fines non refertur, sed sola delectatio sensibilis ex ejus usu captatur.

CAPUT IV.

Utrum opus conjugii, aliqui honestum, aut licitum, vitietur, si ab operante propter solam voluptatem de facto exercentur?

36 **S**ententia affirmans vitari, & esse culpam venialem, adeo communis est, ut P. Suarez 1. 2. tr. 3. de bonis, & malis, actuum bum. disp. 9. sed. 3. num. 8. in fin. dixerit, esse Augustini, & Theologorum omnium, idipsum asserente Montescinos tom. 1. in 1. 2. disp. 9. q. 3. num. 65. Eam sequitur, & ultra quinquaginta Auctores pro illa profert P. Thomas Sanchez lib. 9. de matrim. disp. 11. num. 4. eisdemque adjungit Leander ubi supra q. 17. Bonacinam, Fagundes, Moure, Ochagavia. Villalobos, Coninc. Bauni. Quibus insuper accedunt Gonet tom. 3. disp. 5. §. 5. num. 39. & dissert. de opin. probab. n. 125. P. Antonius de Escobar tom. 3. Theolog. moralis. p. 2. lib. 25. num. 24. Tamburinus lib. 7. in Decal. cap. 3. §. 5. num. 10. Filguera in present. & alii scribentes passim, ut Layman supra nu. 4. Tannerus q. 6. de matrim. dub. 3. nu. 42. Franciscus Amicus disp. 26. num. 36. Præpositus q. 6. nu. 172. Dicastillo ut probabilis disp. 9. num. 14. & 15. præverantque cum Magistro Sententiarum Sanctus Bonaventura, & S. Thomas lib. 4. contra gentes. cap. 83. num. 7. & B. Albertus Magnus in 4. dist. 31. art. 21. q. 4. tom. 16. novæ edit. his præter cætera: Cum sola libido movet coeuntem, aut movet fervens extra honestatem matrimonii, & concessionem, & tunc quodammodo adulter est, ut paulo ante patuit: aut fervet intra metas honestatis, & concessionis matrimonii, & tunc veniale dicendum est.

37 Fundamenta hujus sententiæ sumuntur ex Augustino, & aliis Ecclesiæ Patribus, quorum plura verba satis indigestè agglomerat Gonet locis præcitatis. Accedit & ratio. Quia coitus non est institutus à natura propter voluptatem: sed voluptas propter ipsum, ne scilicet animantia percreta laboris desisterent ab officio multiplicandi suam speciem, & homines propter onera conjugii ejus usum detrectarent. Unde culpabilis inordinatio est, sic ista invertere, ut per modum finis proximi, atque principalis expectatur, quod natura sua non est, nisi medium, & quasi stipendium actus: & vice versa, quod ad ipsum per modum medii ordinetur, quod deberet esse finis. Confirmatur. Quia voluptas sensibilis, & irrationalis, utpote communis brutis, ac de se indifferens ad medioeritatem, & excessum, non est motivum honestum, nec concedens naturam rationalem; debet autem unusquisque in suis operibus agere juxta præscriptum rationis, & honestatem, quæ est bonum speciale ipsius, pro viribus consecrari. Quò spectant præcepta illa, quibus nos instruxit Paulus 1. Corinth. 16. 14. Omnia vestra in charitate fiant. Ecce ap. 10. 31. Sive manducatis, sive bibitis, sive aliud aliquid faciatis, omnia in gloriam Dei facite.

38 Secunda sententia affirmat, opus conjugii, aliàs licitum, non reddi peccaminosum ex eo præcisè, quod voluptas ejus tanquam finis intendatur; sed licitè amari posse actum reddendi, aut exigendi debitum intra fines matrimonii consentaneos, quamvis ab operante ordinetur ad voluptatem annexam tanquam ad finem proximum, & principalem. Ita Averfa q. 21. de matrim. sess. 4. vers. Admitti tamen potest, qui dubia fide alios refert, & Gaspar Hurtado disp. 10. de matrim. num. 6. & 7. & probabile esse putat Diana p. 3. tr. 4. resol. 216. & iterum p. 11. tr. 2. resol. 41. cum Ioanne Pontio in curs. Theolog. disp. 49. de matrim. q. 2. concl. 3. num. 10. Vocat utique Diana ibidem vers. Hæc sententia inspicit calumniosiores eos, qui carpebant probabilitatem hujus opinionis, illamque denuò confirmat tr. 8. resol. 35. q. 2. licet tandem contrariam probabiliorum, & communiorem existimet. Suaderi autem potest primò. Quia PP. noq

dam

damnant peccati intentionem coitus, aut voluptatis licite amabilis; sed solam nimietatem, & excessum, quæ nequeunt sine peccato amari, nedum intendi, ut ex ple-riusque eorum locis *cap. 2.* consignatis manifestè deprehenditur. Secundo, quia in aliis operationibus licitis ex se, ac honestis culpabile non est propter se amare delectationem à natura institutam, ut homines ad ipsas provocentur: unde musicam audire, spectare præra virentia, aut flores olfacere solius recreationis gratia, nemini vituperatur, cum eæ actiones, nec immoderato excessu, nec aliis pravis circumstantiis viciantur; sed, seclusa quavis alia malitia, aut prohibicione, exercentur.

39 Tertiò, quia longè aliud est, exercere opus coniugii propter solam voluptatem; aliud autem, exercere idipsum propter solam voluptatem licitam, & regulatam rectæ rationis iudicio. Illud enim ex se abstrahit à voluptate licita, aut illicita, necessaria, vel superflua, & à coitu dumtaxat utili ad libidinem explendam, vel utili ad alios fines castitati coniugali consentaneos: neque attendit ex vi præsentis motivi ad regulas temperantiæ suasivas boni, & dissuasivas mali; immò eas positive excludit, aut certe negligit: nam hoc importat vox *solum* iis generalibus terminis adjuncta, ut perinde sit copulam quæri propter solam voluptatem, ac quæri, seclusa alia necessitate, vel fructu. Istud verò omnem illicitam voluptatem excludit, & solam honestam capiat, rectamque rationem consulit, ut eas inter se discernat, & ad illam præcisè, quæ est ipsi conformis, dirigat suam intentionem, rejecta otiosa, vel nimia, & maxime procurata cibis, medisque exquisitis. Quare non mirum, si ille modus agendi semper ut illicitus reiciatur, & damnetur tanquam perniciosus, & contrarius castis moribus; hic verò illæsus persistat; nec reputetur peccatum, si quis debitum reddere velit, aut filios procreare, non quia est opus debitum, aut necessarium; sed quia est opus delectabile delectatione honesta, & nullo ex capite illicita.

40 Quartò, quia non est illicitum operari propter stipendium, vel ordinare illud, quod est majus, ad consequentiam alterius boni minoris, quando id fit absque jactura ejusdem majoris boni.

In præsentem autem sic contingit. Nam delectatio instituta est à natura veluti quoddam stipendium operis conjugalis, & quamvis pro arbitrio operantis hoc ad illam ordinetur, non idèò tollitur, quòd opus ipsum, v. g. officium reddendi debitum obligationi iustitiæ satisfaciatur, & sit actus ad eam spectans; neque obstat, quominus profrat ad procreationem filiorum, vel ad sedandum ardorem concupiscentiæ inclinantis ad actus conjugii illicitos. Sic quamvis actio pugnandi pro salute patriæ sit finis militaris stipendii, & hoc ratione illius promittatur secundum rerum naturas, non idèò delinquent milites, licet huic institutioni non se accommodent; sed gratia stipendii militent. Sic quamvis actus docendi suapte natura ordinetur ad instructionem audientium, & ea de causa merces conferatur, non idèò peccat Magister ex eo præcisè, quòd docendo intendat, non instructionem, sed lucrum. Et, quod plus est, sic Canonicus assilens choro, aut Beneficiarius recitans, ut lucretur fructus Beneficii, nisi altera malitia misceatur, ex ea intentione non peccat, gravium Auctorum iudicio, quibus ad stipulatur Chrysostomus *homilia 15. in Matth.* dum tradit, propter eam Deum bona temporalia promittere, ut moveantur imperfecti ad exercitium virtutis.

41 Atque, ut exempla scholastica id ipsum evincant, Oratio, quamvis sit actus virtutis nobilissimæ, sæpe assumitur ut medium ad pluviam, vel alia bona temporalia impetranda, quin proinde vitiosa fiat. Ipsum quoque iuramentum suis comitibus stipatum, opus religiosum est, ac magni cultus; & nihilominus frequenter eo utimur, non ad Deum colendum; sed ut medio ad aliquam utilitatem humanam, ex. g. ad recuperandam nobis debitam, vel ad confirmandas veritates alias ordinis inferioris. Neque absurdum, aut illicitum putatur adducere tantæ Majestatis testem, & testimonium ipsius ad eum finem ordinare. Quæ est sententia D. Thomæ 2. 2. q. 89. ar. 5. ad 2. his verbis expressa satis: *Ille, qui jurat, utitur quidem veneratione, aut dilectione ejus, per quem jurat; non autem ordinat iuramentum ad venerandum, aut diligendum eum, per quem jurat; sed ad aliquid aliud, quod est necessarium præsentia vitæ.*

vita. Notandum est verbum *utitur*, quod proprie significat ordinationem medii ad finem, & maxime juxta phrasim S. Thomae sapius repetitam 1. 2. *quest.* 16. ubi sic scribitur *art. 3. corp.* *Uti semper est ejus, quod est ad finem*: atque hoc modo dicit, venerationem, aut dilectionem Dei in juramento inclusam ad hujus vite necessaria ordinari.

42 Tertia, & media sententia inter re-
latas fert, actum conjugalem, & aliàs li-
citurum, per se, ac secundum se non viciari
ex eo, quod solius voluptatis gratia exer-
ceatur; viciari tamen per accidens, esse-
que peccatum leve moraliter, & ut plu-
rimum. Ita in primis Almaynus in 4. *diff.*
26. *qu. 1. in fin.* & latè, ac eruditè Basiliius
Legionensis *libr. 1. de matrimon. cap. 21. à*
num. 7. Guilielmus Hentrix. in *summa Theo-*
logiæ part. 4. disp. 7. de matrim. quest. 5. num.
29. Leander à Sanctissimo Sacramento *tom.*
2. de Sacram. tract. 9. disput. 25. quest. 17.
Martinus à S. Joseph in *Manual. Confessar.*
tom. 1. lib. 1. tract. 49. num. 9. P. Martinus Pe-
rez *disp. 49. de matrim. sect. 2. numer. 5.* Moya
in *select. 1. p. tr. 6. disp. 2. q. 3. num. 11.* Tam-
burlinus *ubi supra num. 10.* nec longè abest
Thomas Sanchez *ea disp. 11. nu. 6.* ubi men-
tem suam plenius declarat. Et ratio est quo-
ad primam partem, ultra expensas pro sen-
tentia proximè relata. Quia intentio finis ex
se liciti, ac honesti nequit ex fine viciari;
delectatio autem naturaliter annexa operi,
& honesto, & licito, qualis est actus con-
jugalis debitus, aut necessarius, etiam est
honesti, & liciti, ut *num. 25.* & alibi mon-
strabatur.

43 Quoad secundam verò exinde patet.
Quia intendere solam voluptatem adeò for-
titer trahentem ad illicita, mentemque
exercitio suo inebriantem, & eam affe-
ctu præponere aliis bonis matrimonii,
proximè disponit conjugatos ad excessum,
& amorem nimitatis, raròque in praxi
contingat, quin saltem in continuatione
crescat ultra modum amor ejus, & me-
tas temperantiæ transgredatur, aut certè
absque illius periculo, attenta vehemen-
tia ipsius, & innata hominum fragilita-
te. Quamobrem D. Angelicus in 4. *diff.*
38. *quest. 1. art. 5. ad 4.* sapienter animad-
vertit, sceminis, quamvis violentè vir-
ginitatem amiserint, & extra culpam esse
videantur, adhuc velum virginittatis ab

Ecclesia non concedi, quia valde difficile
est, quòd in tali delectatione aliquis pla-
centiæ motus non insurgat. Si ergo id re-
luctantibus contingere creditur: quid, ro-
go, eveniet, non jam reluctantibus; sed
intendentibus delectationem ipsam princi-
paliter? Quò etiam à fortiori spectant, quæ
expendebat S. Augustinus *num. 8.* appella-
tus, & latius ponderat *lib. 4. contra Julia-*
num cap. 14. circa difficultatem sese conti-
nendi intra debitam cibi mensuram. Ne-
scit siquidem cupiditas, ubi finiatur ne-
cessitas, & concupita voluptas sæpe abscon-
dit illum limitem, quem transilire non li-
cet, facitque, ut non discernamus, quan-
do nam perventum sit ad illum terminum,
quem præfigit temperantia. Immo sæpe fal-
lit, ac superflua tanquam necessaria propo-
nit, incautissime persuadet vincibiliter, se
necessitatis causam prosequi, cum non
agant, nisi ea usum voluptatis.

44 In hac opinionum varietate, ni ego
fallor, nulla omnino dissensio reperitur
connivens propositioni damnatæ. Omnes
namque eorum Auctores tanquam indubi-
tatum supponunt, actum conjugalem non
posse exerceri licitè propter solam volup-
tatem indiscriminatim sumptam, aut se-
cundum se præcisè procuratam. Nam cum
licita, aut illicita esse possit, omnium
consensu, neque sit per se expetenda; sed
ex causa cohonestante usum illius, &
compensante jacturam usus rationis, &
alia incommoda ipsam confectantia, id
saltem discerni debet rectè rationis judicio,
revocarique ad suam trutinam, ne in mor-
ibus error contingat, prius quàm volun-
tates illam amplectatur. Neque est ullus,
qui hunc modum agendi adeò præcipitem,
& inconsideratum reputet à culpa immu-
nem, præsertim in re adeò lubrica, ut jam
antea animadverti, & è re nostra optimè
declarat S. Augustinus *libr. 6. contra Julia-*
num circa fin. hisce verbis: *Satis est no-*
bis, quòd confitearis, aliam esse illicitam,
aliam licitam voluptatem. Ac per hoc mala
est concupiscentia, quæ indifferenter utrum-
que appetit, nisi ab illicita voluptate lici-
ta voluntate frænatur. Frænari autem ne-
quit aliter, quàm rectè rationis ductu,
& applicando nostris electionibus regulas
pudiciæ conjugalis, quæ, ut ait Augu-
stinus *ibi libr. 4. cap. 8. in medio, est mali*
limis, frænumque appetitus concupiscen-
tis

tis voluptates suas, nulla habita ratione turpitudinis, aut honestatis.

45 Quocirca inter hos Auctores controversia non versatur circa voluptatem solam ab honestate præcisam; sed determinatè circa voluptatem in se honestam, licitam, ac moderatam, notamque ut talem, & de hac queritur, an possit licitè amari per modum finis præcipui, sicut proculdubio amari licitè per modum mediæ inservientis fini honesto generandi, vel reddendi debitum, aut etiam per modum finis impulsivi, ac secundarii. Ita scilicet, ut opus conjugale aliqui honestum ad voluptatem icidem honestam ex illo resultantem referatur per modum mediæ, & ametur, non quia est opus utrumque delectabile; sed quia delectabile est delectatione honesta, & castitati conjugali consentanea. Atque in hoc casu, sensuque tantummodò licere putat voluntatem generandi ex fine delectationis secunda sententia ex propositis, quæ nec tertiæ positivè contradicit, quatenus hæc affirmat, eum esse infrequenter, ac difficilem in praxi, nec tertia ipsi, quatenus contendit, esse licitum, si ita exerceatur: ideoque Auctores utriusque se mutuo appellant, quasi in nullo discrepantes, & alii multi eas sententias non discernunt tanquam duas; sed referunt tanquam unam, & eandem.

46 Prima opinio est, quæ videtur eis opponi, maxime si ratio ipsius *num. 37.* proposita, utipare est, expendatur: probat enim, nullam voluptatem, etiam honestam, & regulis temperantiz conformem, amari licitè ut finem exercitii conjugalis, quia *ordo naturæ* pervertitur, dum per modum mediæ amatur, quod deberet esse finis proximus, ac principalis, & propter modum amandi dissonum objectis ipsi illicita sunt, quæ alioqui non sordent labe peccati. Cœterum rationem istam esse parum efficacem, planè vincitur ex fundamentis allatis pro secunda sententia, & offensivè dissolvitur ex his, quæ *num. 40. & 41.* enucleantur. Ad confirmationem admitto, quemlibet debere agere ex motivo honesto opera sua, quod satis incertum est, & à multis probabiliter negatur; addo tamen, voluptatem aliàs licitam, & conjugio, necessitate, aliisque congruis comitibus associatam esse mo-

tivum honestum, & per modum finis licitè expetendum, sicut coitus ipse honestus est, dum eisdem circumstantiis adornatur. Nec sub ea ratione dici potest communis brutis, aut indifferens ad excessum, & mediocritatem, quia brutis conjugia defunt, & præcognitio honestatis, aut discretio liciti ab illicito, neque propriè propter finem operantur, nec rectam rationem consulunt, cum hæc omnia reperiantur in his, qui coitum referunt ad honestam voluptatem. An autem sit in præcepto actualis relatio actionis in Dei gloriam, aut in finem charitatis, alterius subsellii est, neque modò debet refutari ea controversia, quia communis est omnibus actibus virtutum moralium, & perque urget, quamvis dicamus, finem generationis intendi, & non finem honestæ voluptatis.

47 In fine disceptari posset de aliorum sensuum voluptatibus. Sed ex hucusque dictis duo confectaria eliciuntur, quæ ad rem præsentem sunt satis. Alterum est, actum videndi, audiendi, vel olfaciendi, sine culpa amari posse ob recreationem honestam, & licitam voluptatem sibi annexam, quin, seclusa alia malitia, vitiosi fiant ex eo solum, quòd ordinantur ut media ad eum finem cœteroqui honestum, & rationi rectè consentaneum. Aliud verò, quod ex S. Augustino plenè sumitur *lib. 4. contra Julianum toto cap. 14.* eisdemmet actus amari non posse licitè propter solam voluptatem sibi annexam. Nam exclusiva illa *solum* tot absurdos sensus habet jam antea in simili expositos, & pariter applicabiles his actionibus, ut tolerari non debeat indistinctè, & sicut jacet. Et cum illæ voluptates, quamvis multoties non sint communes brutis; sed propriæ creaturæ rationalium, ut delectatio, quæ ex picturis sumitur, vel ex musica harmonicè ordinata; adhuc licitæ, aut illicitæ esse possint, otiosæ, vel necessariæ, sicut ipsi actus, unde oriuntur, id saltem discerni debet rectæ rationis mensura, prius quàm voluntas illas amplectatur. Quando autem sint ex se honestæ, aut indifferentes, & quæ sit differentia illarum à voluptatibus tactus, & gustus, tractat accuratè Card. Sfortia Pallavicinus *1. 2. disp. 9. q. 1. art. 4.*

DISSERTATIO VII.

DE DILECTIONE PROXIMI.

Ad obligationem diligendi proximum generaliter spectant decima, & undecima propositio ex propositis à SS. D. N. Innocentio XI. quatuor verò sequentes peculiariter officia ejusdem dilectionis concernunt. Propositum autem in presenti est omnes singillatim persequi, & iustissima censura fuisse inultas, pro tenuitate nostra declarare.

CAPUT PRIMUM.

An detur præceptum diligendi proximum actu interno, & formali, vel satis sint soli externi?

Negat absolute istud præceptum decima propositio hisce verbis: *Non tenemur proximum diligere actu interno, & formali: quæ universalia sunt, & tantumdem valent, ac si diceretur, nunquam nos teneri ad eum actum, sive ex virtute charitatis, sive alterius cujuscunque. Indistinctè etiam procedunt removens obligationem diligendi proximum actu interiori, sive in speciali, sive in communi; neque inter proximos alios ab aliis discernunt, v. g. parentes, aut uxorem à reliquis; sed de omnibus indiscriminatim agunt, & per negativam malignantem debitum interni amoris per quæ erga ipsos excludunt. Atque ideo propositione undecima, quæ est appendix consuetudinaria, & declarativa illius, sic habetur: *Præceptum proximum diligendi satisfacere possumus per solos actus externos: quasi verus, & internus amor beneplaciti, ut sic loquar, nullatenus requiratur; sed satis sint signa, & opera apparentia exterius, & fallentia pluries.**

2 Quo loci statim occurrit, non solum quantum extenuent, verius dixerim, extinguant præceptum amandi proximum hæ doctrinæ, sicut laeent, & equam perniciosam negligentiam invehant sese exercendi in eo actu, qui nominatim præcipitur tanquam valde necessarius ad vitam sanctè instituendam; verum etiam quædam implicentia id ipsum, quod adducit, destruens. Quia actio externa, v. g. corrigendi proximum,

ex se, atque ratione sui non est amor, aut dilectio, neque benevola dicitur per modum actus elicit; sed ab actibus internis imperantibus, ut fiat, hæc denominationes recipit: nam sicut ab illis habet esse liberam, & esse voluntariam, non verò ex suis prædictis intrinsicis, ac formalibus, sic habet esse benevolam. Vel ergo re ipsa imperatur ab actu interno benevolentiz erga proximum, vel non, sed ab alio affectu imperitante, aut contrario, v. g. animo exprobrandi, aut infamandi, vel non ob bonum ejus, qui corripitur; sed purè, ac unice propter privatam utilitatem corripientis? Si primum accadat, satisfiet quidem præcepto diligendi proximum; sed non per solum externum actum, sed per illum simul cum interno veri amoris, à quo imperatur, & ex quo procedit. Si secundum, actio illa non erit actus amoris elicit, aut imperati, neque opus benevolentiz; sed odii, vel proprii commodi. Quo ergo pacto per eam solum expresso præcepto amandi legitime satisfiet? Aut quomodo ad eam tenebimur, quatenus est opus dilectionis, & amoris, si ad amorem ipsum, unde id habet, nulla lege cogi credimur?

3 Jam verò quòd re ipsa detur præceptum amandi proximum distinctum à præcepto amandi Deum, sed ei simile, secundumque post illud, indubitatum est ex Sacris litteris, & maxime Matthæi 22. 37. ubi tandem concluditur: *In his duobus mandatis universa lex pendet, & Propheta.* Proponitur autem bisariam. Primò, adhibendo ut exemplar, normamque hujus dilectionis eam, quam unusquisque habere debet erga semetipsum; & sic dicitur ibidem 39. *Dilige proximum tuum, sicut te ipsum.* Altero autem, exhiben-

da ut mensuram, & exemplar summam illam charitatem, qua Christus dilexit nos. Ioannis 13. 34 & 15. 22. ibi: *Hoc est praeceptum meum, ut diligatis invicem, sicut dilexi vos.* Quae cum litteralia sint, & fide certa, adhuc reperti sunt, qui intrepidè affirmarent, non esse intelligenda de actu dilectionis interno, atque formali; sed eis satisfieri posse per solos actus externos. Et hoc est, quod in praesenti damnatur tanquam glossa omnino aliena à proprietate verborum, à mente Patrum, ac communi sensu Ecclesiae.

4 Suadetur autem primum. Quia dilectio, quae erga proximum praecipitur, non est solius operis; sed cordis, scribente B. Petro epist. 1. 1. 22. *Cosificantes animas vestras in obedientia charitatis, in fraternitatis amore, simplici ex corde invicem diligite attentius.* Atqui diligere ex corde, internum voluntatis nostrae affectum denotat, & hunc omnes postulari intelligunt, cum Dei dilectio ex toto corde praecipitur. Confirmatur. 1. *Quia finis praecepti est charitas de corde puro, & conscientia bona, & fide non ficta*, juxta Apostolum 1. ad Timoth. 1. 5. At finis praecepti non est sola erga Deum charitas; sed etiam charitas proximi, ut merito concludit Augustinus hb. 1. de Doctr. Christ. cap. 26. ex eo, quòd dicitur, in his duobus mandatis universam legem pendere, atque Prophetas: unde sic scribit: *Finis utraque praecepti est dilectio, eaque gemina, id est, Dei, & proximi.* Utraque ergo debet esse, non externa, & merè apparens; sed interior, & de corde puro, bonaque conscientia. Confirmatur 2. Quia instauratio charitatis, & injuriarum remissio non debet esse confita per signa apparentia exterius; sed ex animo, & affectu intrinseco, ac formali, & nisi hoc fiat, minimè erit satisfactum praecepto diligendi inimicos tanquam proximos, ut ex professio ostendit Christus Matthaei 18. proposita conservi parabola, qui traditus est tortoribus, eo quòd ignoscendo misereri noluit alterius conservi sui, atque adeò ait ibi 35. *Sic & Pater meus caelestis faciet vobis, si non remiseritis unusquisque fratri suo de cordibus vestris.*

5 Suadetur 2. Quia praeceptum charitatis erga proximum, ut Christus ipse attestatur, simile est praecepto charitatis

erga Deum, atque in hoc maxime, quòd utrumque est praeceptum diligendi (dilectio enim similis est dilectioni) & cum illa sint alioqui dissimillima, id est praecipue, in quo ipsorum uniformitas, & similitudo cernitur, ut acutè praeonebat Cajetanus ad cap. 22. Matth. 39. Non est autem verosimile, similitudinem istam esse merè nominalem, & sub uno eodemque contextu, praesertim doctrinali, esse mutatam significationem verbi *diligere*, ut in alio, atque alio sensu quasi vox æquivoca accipiat, aut modò in sua proprietate, modò valde improprie sumi debeat. Necessè igitur est, ut eodem sensu, & de eodem amoris genere utrobique intelligatur: nam alioqui praeceptum erit, vocem *mandatum* aliter, & aliter ibi usurpare, & contendere respectu Dei significare praeceptum propriè, ac rigorosè tale; non verò respectu proximi, quod à recta fide esset alienum. Tum sic. Sed respectu Dei verbum *diligere* in sua proprietate accipitur, & internum, ac formalem actum amoris iniungit. Ergo etiam respectu proximi de interno, atque formali dilectionis actu sumi debet.

6 Suadetur 3. Ex verbis, quibus Christus apud Joannem innovavit hoc praeceptum. Jussit enim, ut nos invicè diligamus, sicut ipse nos dilexit, atque dilectionem suam voluit esse exemplar, ad cujus imitationem nos mutuò amare debemus, veluti fratres in Christo, coheredes ejusdem regni, & membra mystica corporis, cujus ipse est caput summum. Fortè autem manifesta hæresis negare Christo veram dilectionem nostræ internam, atque formalem, & absurdissimum dicere, suam internam dilectionem exclusisse, & praecipisse dumtaxat imitationem externæ, quæ ab interna suum praeceptum pondus, & assimilationem sumit. Ab interna namque habemus *unum cor, & unam animam*: ab interna sumus inter nos, & cum Deo *unus spiritus*: & ab interna desumitur unitas, & concordia voluntatum, quàm sola externa non tribuit. Porro finis praecipendi, ultra dilectionem Dei fraternali, atque reciprocam dilectionem, qualem Christus ipse erga nos habuit, is est, ut unitas illa animorum, & spirituum mediante amore impleatur, & omnes in Deo sint unum, sicut unum sunt Christus, & Pa-

& Pater, prout ex Joannis 17. 20. satis aperte colligitur, & ex ejus prima epistola, ubi mutua ista dilectio variis modis actuum internorum propriis saepe saepius commendatur. Unde S. Augustinus *tr. 65. in Joannem*: Ad hoc, inquit, nos dilexit, ut nos diligamus invicem, hoc nobis conferens diligendo nos, ut mutua dilectione confringamur inter nos, & tam dulci vinculo connexis membris corpus tanti capitis simus.

7 Suadetur 4. Quia illa verba: *Sicut dilexi vos*: ideo sunt addita, juxta S. Augustinum *eo tr. 65. & tr. 86. in Joannem*, ut dilectio, quæ hic præcipitur, discernatur ab omni alia dilectione, sive turpi, sive honesta, quæ se homines sicut homines diligunt. Nequit autem ea discretio constare, si vis præcepti ad dilectionem internam formaliter non constringit, quia officia externa erga proximum bene, & malè fieri possunt, & quamvis honestè fiant, non sunt propria charitatis, sed communia aliis virtutibus. Præceptum itaque Christus non quancumque dilectionem mutuam, sed specialem, & suæ internæ dilectioni similem, quæ voluit, ut simus omnes filii Dei, ac fratres sui. Et propterea rectè notat Augustinus, præcipisse dilectionem ab omni humana dilectione discretam, nempe sanctam, spirituales, donatam ex gratia ipsius, innovantem, ac dealbantem animas, ordinatam ad finem vitæ æternæ, atque in ea conjunctione fundatam, quæ omnes eò destinatur, ut simus filii Dei, ac fratres Christi, novi Testamenti hæredes, & homines novi in ipso. His namque notis sparsim, sed perspicuè traditis, & ex Sacro Textu acceptis illam discernit magnus iste Doctor, non solum ab ea damnabili, quæ adulteros, & adulteras noxia turpitudine conjungit; sed etiam ab illa honesta, quæ se se diligunt invicem mariti, & uxores, parentes, & filii, & quæcumque alia inter se homines necessitudo humana devinxerit. Certum autem est, prædictas affectiones soli dilectioni internæ per se primò convenire posse, uti & illam, quæ subjungit, hanc ipsam dilectionem esse mortem nostram sæculo, & vitam Deo, nemo namque mundo moritur, atque Deo vivit per solos actus externos.

8 Suadetur 5. ex re ipsa. Quia præ-

ceptum diligendi proximum pertinere ad interiorem actum, ex terminis notum videtur, & totidem verbis tanquam indubitatum supponitur ab Angelico Doctore quod *libr. 4. art. 24. ad 1. id ipsumque de præcepto diligendi inimicos velut proximos tradit 2. 2. quæst. 25. art. 9. corp.* Et sanè, nisi diligendi verbum absque ulla necessitate valde improprie, & abusive accipitur (quod in legibus per quàm absurdum esset) satis foret dilectionem proximi absolute esse præceptam, ut interior, ac formalis adjuncta esse crederetur. Quippe externa opera proficua aliis, ex grat. elemosyna, sicut proprie non sunt amor, nec proprie benevolentia; sed signa, aut effectus ejus, quæ sæpe fallere possunt, & oriri ex alio affectu, sic nec sunt proprie dilectio beneplaciti, atque verè talis; sed signi sapientius fallentis. Dilectio namque, & amorem simplicem, & benevolentiam claudit in suo formali conceptu, & insuper addit unitatem quandam, seu conjunctionem affectus, quæ diligens dilectum æstimat quodammodo ut unum sibi, aut aliquid ad se pertinens, & ita in ipsum movetur, ut ex professo declarat S. Thomas 2. 2. q. 27. *totò art. 2.* Unde ad secundum sic illam definit: *Dilectio est actus voluntatis in bonum tendens, sed cum quadam unione ad amatum, quæ quidem in benevolentia non importatur*: nam simplex benevolentia sæpe habetur erga illos, quos ad nos nihil attingere cogitamus, ut evenit, cum inter colludentes, aut pugnantes uni potius, quàm alteri afficiamur, quamvis omnes sint ignoti, & ei præ aliis exoptamus feliciorem exitum.

9 Suadetur 6. Quia non solum est præcepta voluntas boni erga proximum, sed etiam finis, & motivum ejus; ut scilicet Deo, & propter Deum proximos diligamus, sicut nosmetipsos diligere debemus. Atqui motivum, & finis amandi nequaquam spectat seorsim ad externos actus, qui pro libito operantis modò ad istum, modò ad alium finem ordinantur; sed per se primò ad internos. Assumptio ex Sacris litteris plenissimè constat 1. Joannis 4. 12. *Si diligamus invicem, Deus in nobis manet, & charitas ejus in nobis perfecta est*, scilicet, quia dilectio solius Dei imperfecta est, & insufficiens, si in eo sistat, nec se extendat ad proximum amandum propter Deum, ut S. Thomas de-

clar

clarat 2. 2. q. 27. art. 8. corp. inde concludens, dilectionem proximi præminere dilectioni solius Dei. Consonat 1. Petri 4. 8. ibi: *Ante omnia autem mutuam in vobismetipsis charitatem continuam habentes: quia charitas operit multitudinem peccatorum.* Parco aliis, quæ adeo frequentia sunt, ut S. Augustinus lib. 2. de Doctrina Christiana, cap. 7. scripserit, omnem Divinarum Scripturarum studiosum nihil aliud in eis inventurum, quàm diligendum esse Deum propter Deum, & proximum propter Deum. Et lib. 1. cap. 36. adhuc contendit, Scripturas Divinas nondum intellexisse eum, qui geminam istam charitatem Dei, & proximi in eis nondum intellexit.

10 Confirmatur ex eodem lib. 8. de Trinitate. cap. 8. ibi: *Ex una igitur, eademque charitate Deum, proximumque diligimus: sed Deum propter Deum, nos autem, & proximum propter Deum.* Impossibile autem esset dilectionem Dei, ac proximi ex una, eademque virtute charitatis proficisci, nisi motivum utriusque & unum, & idem esset. Confirmatur iterum ex iis, quæ ex professo expendit inibi cap. 7. scilicet duo ista præcepta sæpe sæpius in scriptura Sacra proponi veluti unicum. Interdum namque de dilectione Dei loquitur, quasi se sola sufficeret, & ea sola esset præcepta; interdum verò de sola dilectione proximi, tacendo de dilectione Dei, ut Matth. 7. 12. Ad Galatas 6. 2. & cap. 5. 14. ibi: *Omnis enim lex in uno sermone impletur, in eo, quod scriptum est: Diliges proximum tuum tanquam te ipsum.* Cujus ratio est mutua connexio, qua sine se invicem esse non possunt, aut integrè servari ista præcepta, ut exponit tam ibidem, quàm cap. subsequenti. Confirmatur 3. ex lib. 1. de Doctrina Christiana, cap. 22. ubi hanc quæstionem proponit: *Præceptum est nobis, ut diligamus invicem. Sed queritur, utrum propter se homo ab homine diligendus sit, an propter aliud?* Et cum respondisset, quemlibet debere propter Deum diligere semetipsum, & hoc esse specialiter præceptum, sic concludit: *Si ergo te ipsum, non propter illum, ubi dilectionis tuæ resistimus finis est, non succenseat alius homo, si etiam ipsum propter Deum diligis.* Hæc enim regulæ dilectionis Divinitus constituta est: *Diliges (inquit) proximum tuum, sicut te*

ipsum: Deum vero ex toto corde, & ex tota anima, &c.

11 Hinc colliges, quod accuratè pertractat, & ex D. Thoma, & aliis diligenter confirmat P. Luisius Turrianus 2. 2. disp. 98. toto dubio 3. & brevius P. Molina de just. & jur. tr. 5. disp. 59. num. 1. unicuique etiam incumbere obligationem diligendi semetipsum propter Deum, & quod hinc sequitur, actu interno veræ charitatis, ac benevolentie erga ipsum. Eadem namque charitate Theologica, qua amor Dei, & amor proximi nobis propter Deum injungitur, præscribitur etiam amor nostri propter eundem finem. Immo quia unusquisque debet sese propter Deum amare, & hoc certissimum est, & naturali lumine compertum, idè virtus charitatis erga Deum præcipit, ut alios diligamus, sicut nos ipsos diligimus. Neque enim tanquam exemplar proponitur dilectio sui inhonesta, vel indifferens, quæ potius est odium, quàm amor; sed honesta, atque perfecta, qualem charitas requirit. Quod subtiliter præ reliquis observavit S. Augustinus dist. lib. 1. de Doctr. Chr. cap. 26. his præter cætera: *Nullum rerum diligendarum genus in his duobus præceptis prætermisum est. Cum enim præcurrat dilectio Dei, ejusque dilectionis modus præscriptus appareat, ita ut cætera in illum consuam, de dilectione tua nihil dictum videtur. Sed cum dictum est: Diliges proximum tuum tanquam te ipsum: simul & tui abs te dilectio non prætermisum est.* Atque ex hoc principio postea totum ordinem, ac modum huius præcepti deducit. Et sanè, ut se homo diligeret actu interno, atque formali, nullo præcepto opus erat: nam id connaturale est unicuique; sed specialis iste modus diligendi nos, & alios omnino debuit præscribi, ut idem Sanctus prosequitur cap. 25. & pulchrè S. Thomas in disput. q. 2. de Charit. art. 7. ad 10.

12 Videndum præterea est lib. 8. de Trinitate. cap. 7. (ne nomine dilectionis confundamur) quid ipse importari censet ista voce, & quonam pacto illam à cupiditate distinguat. Præcipuè, inquit, videndum nobis est in hac quæstione, quid sit vera dilectio, immò verè quid sit dilectio? Ea quippe dilectio dicenda est, quæ vera est, alioquin cupiditas est: atque ita cupi-

cupidi abusu dicuntur diligere, quemadmodum cupere abusu dicuntur, qui diligunt. Est autem vera dilectio, ut inherentes veritati iuste vivamus: & ideo contemnimus omnia mortalia pro amore hominum, quo eos volumus iuste vivere. Quamvis autem satis esset, iustum, & honestam dilectionem nobis præcipi, ut internus, ac formalis actus per voluntatem elicitus sub præcepto esse crederetur, quia honestas, atque rectitudo actionis semper dependet ex fine; adhuc tamen clari us explicatur, non quemcumque finem esse satis, sed ultimum, ac præceptum, propriumque eximie illius charitatis, quod obrem propter se, & nos, ac proximum Deum diligimus.

CAPUT II.

Varie quæstiones ad uberiores claritates prædictorum.

13 **Q**uæres 1. An satisfaciatur præcepto affirmativo diligendi proximum ex charitate, qui diligit Deum super omnia? Affirmant satisfacere Bafiez 2.2. quæst. 44. art. 2. dub. 2. Petrus de Ledefma in summa 2. part. tract. 3. de Charit. cap. 5. difficult. 2. conclus. 1. in fin. & conclus. 2. Villalobos 2. part. tract. 3. difficult. 5. num. 4. Palao tom. 1. tract. 6. diff. 1. punct. 5. num. 4. Arriaga disput. 39. de Charit. tota sect. 1. Leander tom. 1. in Decalog. tract. 4. diff. 3. quæst. 7. & probabiliter dicit Trullenc. lib. 1. in Decalog. cap. 5. dub. 4. num. 11. & 12. Ratio ipsorum est, quia dilectio Dei perfecta virtualiter est amor proximi. Ergo amando Deum ex corde jam proximus actu interno sufficienter amatur, quandoquidem amor ejus specialis non est medium necessarium ad salutem, sicut est necessaria Dei dilectio. Confirmatur ex Leandro. Nam præcepto habendi contritionem satisfacimus amando Deum super omnia, quatenus contritio in hoc amore continetur virtualiter, quin sit opus alio actu, quo peccata formaliter detestemur. Ergo pariter sat erit, ut præcepto diligendi proximum satisfaciamus, virtualis amor internus in Dei dilectione inclusus absque alio distincto actu, qui formaliter circa proximum vertetur.

Theolog. Reform.

14 Obstat autem vehementer huic doctrinæ censura Pontificia 10. propositionis detestantis obligationem diligendi proximum actu interno, atque formali: nam qui internum virtuale solum sufficere putat, eo ipso internum, ac formalem indebitum esse existimat. Obstat rursum textus sacer expensus num. 5. & deinceps, quatenus eodem sensu, atque contextu proponit mandata dilectionis Dei, ac proximi tanquam duo, quorum alterum est primum, ac maximum; alterum verò secundum, atque ei simile, non idem, neque æquale. Forent autem quoad internum actum lege præceptum formaliter sub nomine dilectionis non duo mandata, sed unicum, si sola dilectio Dei formalis præciperetur; non verò dilectio proximi: neque jam gemina charitas (ut Augustinus aiebat) proponeretur ut finis totius legis, atque Prophetarum; sed una, unoque præcepto non habenti simile, neque secundum circa dilectionem proximi, quod observandum superius post observationem primi.

15 Obstat præterea expressim S. Augustinus lib. 1. de Doctrin. Christ. cap. 30. prop. fin. ibi: *Præceptum, quo diligamus Deum, à proximi dilectione distinctum est.* Et lib. 8. de Trinitat. cap. 7. ubi ex professo contendit, duo esse præcepta, & dilectionis duplicis, quamvis pro utroque unum ex ipsis, non facta mentione alterius, in Scriptura sapius apponatur. Non quia unum sint; sed quia invicem connexa, & simillima quoad actum directè, atque immediatè præceptum à virtute Theologicæ charitatis, ut ipse exponit ibidem: *Et quia bene intelligentibus utrumque invenitur in singulis, ut scribit dido tract. 65. in Joannem: Nam, ait, qui diligit Deum, non eum potest contemnere præcipientem, ut diligit proximum: & qui sanctè, ac spiritaliter diligit proximum, quid in eo diligit, nisi Deum? Ipsa est dilectio ab omni mundana dilectione discreta, quam distinguendo addidit Dominus: Ut diligatis invicem, sicut dilexi vos.* Confirmatur. Nam diligenti Deum adhuc præcipitur vera dilectio charitatis erga proximum. Sed non præcipitur dilectio virtualis, quæ in formali amore Dei jam habita, & inclusa supponitur. Ergo præcipitur dilectio formalis.

M

Ma-

Major, quæ sola est difficilis, ex ipsa mandatorum distinctione colligitur: & ex Augustino habetur, tum verbis nuper propo-
positis, tum dicto cap. 7. ubi sic scribit: Qui diligit Deum, consequens est, ut faciat quod præcipit Deus, & in tantum diligit, in quantum facit. Consequens ergo est, ut proximum diligit, quia hoc præcipit Deus.

16 Ex his, quæ valdè communiter sunt recepta apud Doctores, ad argumenta contraria in num. 13. respondeo, sola dilectione virtuali non satisfieri præcepto diligendi proximum, quod internam, ac formalem præscribit, vel nullum præceptum est conditum ad præcepto diligendi Deum; sed idem ipsum circumscriptum aliis verbis. Quippe, cum dilectio Dei formalis sit eo ipso, juxta arguentes, dilectio virtualis proximi, consequens sit, ut uno, atque eodem præcepto, quo formalis Dei dilectio injungitur, jungatur etiam virtualis intimè in illa contenta. Ergo si non alia erga proximum interior, atque formaliter debetur, sed præcisè externi actus, quorum nullus est vera dilectio, frustra secundum, aliudque præceptum de proximorum dilectione adicitur, neque illud datur re vera. Quinimodò neque Dei amor necessarius, & sufficiens ad salutem in rigore dici poterit virtualis dilectio proximi, nisi formalis intelligatur præcepta. Nam Dei amor ex conceptu suo non debet esse amor virtualis exequendi omnia consilia; sed solum præcepta gravia, & hoc est satis, ut Deus super omnia ametur, & præcepto isti satisfiat. Si ergo non est sub præcepto vera proximi dilectio interior, atque formalis; sed duntaxat sub consilio, neque virtualiter illam includit Dei dilectio, ad quam tenemur: atque ea propter S. Augustinus proximè appellatus recurrebat ad speciale, novumque præceptum diligendi proximum, ut ex dilectione Dei induci demonstraret etiam dilectionem ejus. Quæ autem de hoc præcepto adstruimus, servata proportionè dicidubent de præcepto contritionis à dilectione super omnia distinctæ, consulendusque P. Valentia tom. 4. disp. 7. quæst. 3. punct. 2.

17 Quæres 2. An hoc præceptum sit speciale, ac conditum non tantum à præcepto diligendi Deum, sed etiam ab aliis,

quibus bene erga proximum afficimur, & secundæ tabulæ dici consueverunt? Sunt, qui existiment, non esse speciale; sed recapitulationem quamdam, vel aggregationem omnium spectantium ad proximos, idque insinuasse videtur Apostolus ad Romanos 13. 8. Sed dicendum est omnino, esse speciale, ac distinctum, & per se obligans ad peculiarem dilectionis actum, qui ex vi aliorum non debetur. Moveor 1. ex his, quæ tradidi ad propositionem 5. quia idem prorsus dici debet de præcepto diligendi Deum, quod in sacris litteris eodem contextu, sensuque proponitur, nec jam licet affirmare esse compendium aliorum, & non speciale, & à tota ipsorum collectione diversum. Secundò, quia dilectio proximi est actus, & valdè honestus, & apprimè necessarius ad vitam rectè instituendam erga Deum, & erga alios. Erga Deum: quia, ut argumatur Joannes epist. 1. cap. 4. 20. *Qui non diligit fratrem suum, quem videt, Deum quem non videt, quomodo potest diligere?* Erga alios: quia ad rectè agendum cum ipsis amor animum vehementer sollicitat, excitat, & aliis virtutibus, pura misericordie, aut justitiæ, imperat officia debita. Porro de actibus internis ita necessariis semper dantur propria, & specialia præcepta naturalia, aut supernaturalia juxta statum, & conditionem objecti: atque in præsentem etiam dari præceptum supernaturale diligendi proximum, ut confortem beatitudinis, ac vitæ supernaturalis, & præstandi ei pro loco, ac tempore subsidia necessaria ad illam, communis sententia est contra Cajetanum, cujus veritas constat ex dictis præsertim num. 7. & traditis à P. Suarez disput. 5. de charis. sect. 4. num. 2. & 3.

18 Quæres 3. Cujus virtutis actus sit specialis dilectio, quæ hic præcipitur? Respondeo, esse actum elicitem ad charitatem, quæ & specialis est virtus, & specialem actum sibi proprium præcipit, non solum erga Deum; sed etiam erga proximum, & erga semetipsum, omnesque propter Deum amat, & sub una, eademque formali ratione objecti amabilis ex amicitia illius, & tanquam aliquid ad ipsum spectans. Plura huc attinentia exhibui cap. 8. maxime num. 9. & 10. & alia satis appo-
sita legi possunt apud S. Thomam in dis-
putatis

putatis qu. 2. de charit. art. 4. corp. neque omittenda sunt verba Augustini lib. 3. de Doctr. Chr. cap. 10. in hæc scribentis: *Charitatem voco motum animi ad fruendum Deo propter ipsum, & se, atque proximo propter Deum.* Quocirca sicut religio, quamvis una virtus sit cultui, atque honori Divino specialiter intendens, adhuc plures actus habet inter se valde diversos, eosque præcipit, ut orationem, sacrificii oblationem, actionemve gratiarum, sic pariter Theologica charitas intra sui objecti sphaeram varios, ac diversos actus præcipit, atque præceptos elicit circa Deum, & circa proximum, & circa se propter Deum. Quæstio autem erit de voce, utrum illi sint dicendi unius speciei ob unitatem objecti motivi, atque rationis formalis, sub qua attinguntur ab ipsa, vel potius speciei diversæ propter alias dissimilitudines, quas proclive est in illis cernere?

19 Quæres 4. An satisfaciatur præcepto diligendi proximum, qui illum non diligit ratione Dei, & propter ipsum; sed ratione bonitatis propriæ ipsius, puta, quia est vir probus, aut uxor, aut parens? Respondeo, non satisfacere. Quia dilectio, quæ hic præcipitur, non est dilectio fundata in humana aliqua conjunctione, ex g. consanguinitatis, conjugii, professionis, aut patriæ; sed est potius ab omni mundana dilectione discreta, qua se homines, tanquam homines diligunt, etiam amicitia honesta, ut cum S. Augustino supra prænotabam. Extenditur etiam ad omnes quantumvis inimicos, aut ignotos, & cæteros, qui nulla nobis speciali conjunctione conjunguntur, ut puta illos, qui sunt in India, vel in Æthiopia, ut S. Thomas observat dist. qu. 2. de charit. art. 8. corp. Inseparabilis est à dilectione erga Deum, & ex veræ charitatis affectu procedit, qua Deus diligitur ut principalis amicus non solum in se ipso, sed in aliis, quatenus ad ipsum spectant, & cum illo conjunctionem habent. Quæ omnia ex dictis pervia sunt, & ex Sanctis Scripturis dilectionem istam commendantibus omnino manifesta. Porro dilectiones illæ, quæ in humana conjunctione fundantur, atque in proximum non tendunt, quia Deum habet, vel ut habeat, excellentias istas non participant, nec sunt virtutes Theologicæ; sed purè morales, quæ itidem haberi possunt ab

illis, qui in Deo non manent. Quocirca illas non spectare ad charitatem Theologicam, nisi fortè ut actus imperati, five circa semetipsum, five circa proximum versentur, perspicuè habetur apud D. Thomam 2. 2. quæst. 19. art. 6. corp. & quæst. 26. art. 7. corp. præp. fin. ubi specialiter loquitur de imperio charitatis erga proximum circa alias inferiores amicitias, & hoc sensu docuit in prædicta quæst. de charitat. art. 8. corp. necnon art. 7. sub charitate comprehendendi omnes alias dilectiones licitas.

20 Quæres 5. Utrum hoc præceptum obliget ad dilectionem internam, quando non est necessaria ad exercenda erga proximum opera exteriora charitatis, v. g. ad evitandam justam ejus offensionem, inimicitiam, aut scandalum, vel ad subveniendum ipsi per actus misericordie corporalis, aut spiritualis? Sunt qui affirmant, solum obligare in hoc casu; nunquam verò ad dilectionem merè internam sistendo in ipsa, quia in eo statu occulta est ipsis, & deservire non potest ad reciprocum amorem conciliandum. Ego verò aliter censeo. Quia ex vi istiusmodi mandati non solum tenemur diligere paucos illos, qui benevolentiam nostram, aut beneficentiam specialem experiri debent; sed saltem in communi omnes alios, qui in Deo sunt nobis conjuncti, ut unius corporis membra ordinata ad eundem finem, & tanquam invicem confervi, & fratres ad familiam Dei spectantes, & ejusdem beatitudinis confortes. Unde coarctari non debet obligatio illius ad notos, vel ad amicos duntaxat, sed universim extendi, nullo excepto, ad omnes alios, etiam inimicos, aut ignotos, vel loco distantes, ut de Æthiopicis, & Indis S. Thomas affirmabat, & iterum confirmat 2. 2. qu. 24. art. 8. corp. præeunte Augustino lib. 1. de Doctrin. Christi. 1010 cap. 28. & 29. Et sic pro omnibus istis quandoque orare debemus, sicuti pro nobis ipsis Jacobi 5. 16. *Orate pro invicem, ut salvemini*, & hoc præceptum ad internam, purèque mentalem orationem obligat, quamvis nulla adsit necessitas orandi pro illis vocaliter, ita similiter de præcepto dilectionis mutuz loqui, atque sentire oportet.

21 Urget autem ejus obligatio per se, & per accidens. Per se quidem, quia dilectio proximi in charitatis conjunctione

fundata, seu in unione cum Deo, aut Christo est nobilissimus actus secundus post Dei amorem, ab eadem virtute elicitus, & ad eum proximè accedens. Est insuper valdè necessarius, tum ad puritatem cordis, tum ad præcavenda peccata interiora adversus proximos, tum ad subveniendum singulis, cum id tulerit necessitas, tum demum ad totam vitam nostram erga Deum, & erga alios, quinimmò & ciucanos ipsos, legitime componendam. Quare ob suam excellentiam intra rationem virtutis, tanquam plenitudo, ac finis legis, Theologica charitate præcipitur, sicut ipsa Dei dilectio, & seclusa qualibet necessitate extrinseca propter se exerceri debet, multò potiori ratione, quàm oratio, vel quàm amor erga uxores, aut parentes, & quàm alius quivis, quo se diligunt homines, ut homines sunt, etiam amicitia honesta. Nec de his dicitur, quod de dilectione proximi, quatenus proximus est, Sacre litteræ toties inculcant, & orthodoxi Patres passim clamitant, & soli dilectioni impropriz, ac merè activæ, & exteriori convenire nequeunt. Nam, ut alia omittam jam antea indicata: *Qui diligit proximum, legem implevit*, ait Paulus ad Rom. 13. 8. adjungens *vers. 9.* omnia mandata in hoc verbo instaurant: *Diliges proximum, sicut te ipsum*, & concludens *vers. 10.* *Dilectio proximi malum non operatur. Plenitudo ergo legis est dilectio.*

22 Obligat etiam per accidens ratione necessitatis pro loco, ac tempore supervenientis. Quia exercitium hujus actus esse poterit interdum moraliter necessarium ad graves tentationes vincendas ipsi præcepto affirmativo contrarias, v. g. tentationem vehementer, & importunè inclinantem ad propositum nunquam diligendi proximos actu formali, & interno, vel excipiendi inimicos, vel non exhibendi ipsis signa vera dilectionis: sed apparentia duntaxat, & composita ad fallendum, vel non subveniendi ipsis, nisi specialiori alia amicitiz ratione sibi conjungantur, quamvis id facere possit absque suo detrimento. Nec dubium, quin hæc dilectio tanquam robustior, ac fortior aliis dilectionibus humanis, ut potè fundata in Deo, & summam ejus bonitatem immediate respiciens ut formalem rationem diligendi, vi, atque imperio suo præva-

lere possit contra plures difficultates, & pericula, quibus alioqui succumberebant, qui præsidio ipsius uti nollent, postquam vident non proficere alia media. Consulenda sunt, quæ in simili propositum, cum de dilectione Dei speciatim ageremus.

23 *Quæres 6.* Quandonam per se, ac formaliter obliget istud præceptum? Nam, cum sit affirmativum, non obligat semper, ac pro semper; sed solum statim temporibus. Quæstio difficilis est; sed communis, tum præcepto affirmativo diligendi Deum, aut Christum, quem etiam quatenus hominem inter proximos nostros numerari, tradunt S. Augustinus *lib. 1. de Doctr. Christian. cap. 30.* S. Thomas *di. 8. qu. 2. de Charit. art. 7. ad 18.* & communiter Patres, ac Theologi: tum etiam præcepto naturali, atque Divino diligendi parentes, & uxores, aliisque ejusmodi, quæ ex natura rei non habent tempus executioni suæ determinatum; sed prudenti arbitrio sunt determinanda, ut completè, ac integrè obligare possint. Quamobrem, quæ lato calamo circa præceptum Divinæ dilectionis discussimus in superioribus *dissert. 6.* huc referenda sunt, servata proportionè, ne scilicet dilectio hic præcepta differri possit usque ad finem vite, vel exerceri unica vice duntaxat, vel protelari ultra quinquennium; sed singulis quibusque annis renovandam esse, seclusa invincibili ignorantia, & aliis, quæ excusationem legitimam sæpius solent exhibere. Atque hunc terminum præscribunt Bañez, Petrus de Ledesma, & alii, quorum arbitrio, ac prudentiæ meritò deferre possumus, quamvis alii laxius sentiant, & eò tandem rem deducant, ut aliquoties actus iste exerceatur absque magna dilatione, prout recta, & prudens æstimatio tulerit.

24 *Quæres 7.* An, & quando teneamur vi hujus præcepti diligere proximum speciali amore interno? Hanc quæstioni sic respondet S. Thomas *di. 8. qu. 2. de Charitat. art. 8. corp.* *Non tenemur ex charitatis præcepto, ut vel dilectionis affectu, vel operis effectu moveamur in speciali ad eum, qui nulla alia constitutione nobis conjungitur, nisi fortè pro loco, & tempore, ut potè si videremus eum in aliqua necessitate, per quam ei sine nobis succurri non posset.* Quo loci notandum est primò, S. Thomam nominatim loqui de obligatione præcepti

cepti charitatis, quia ex vi aliorum (ut ibidem explicat) non est dubium , quin nonnullis speciali aliqua ratione amicitiae honesta nobis conjunctis specialem itidem effectum impendere debeamus , & specialiter prodesse , ut parentibus , eximii benefactoribus , & etiam uxoribus , momente Apostolo , ad Colossens. 3. 19. & ad Ephesios. 5. 25. eo titulo à suis viris esse diligendas , sicut Christus dilexit Ecclesiam , & sicut ipsi diligunt se ipsos . Notandum secundò , non loqui de communi amore , quo omnes proximos diligere debemus , qui nobiscum Deo frui possunt , & nobis in ipso uniuntur (ut sic loquar) quasi in uno tertio ; sed agere de amore speciali erga aliquos , quamvis nulla alia necessitudine , præter istam , quæ dignior , ac potentior est omnibus aliis , nobis afficiuntur . Notandum tertio , ejusmodi obligationem specialis dilectionis , tam internæ , quam externæ , juxta S. Thomam non urgere per se , sed solum in casu necessitatis pro loco , aut tempore fortè incidentis . Quod jam antea S. Augustinus tradiderat dicto cap. 28 & est valde communis sententia inter Doctores cujuscumque ætatis , quorum plures exhibebit Leander à SS. Sacramento tom. 1. in Decalog. tract. 4. disp. 4. qu. 7.

CAPUT III.

Perficitur totus discursus.

25 **E**X dictis jam denuò colliges , quàm sit absurda , & aliena ab his , quæ in Sacris litteris possunt , & apud Sanctos Patres , aliosque Doctores passim inveniuntur , decima illa propositio , quatenus universim proferebat , nos non teneri diligere proximum actu formali , & interno . Tenuerim enim per se ex præcepto affirmativo charitatis quandoque ad amorem omnium , qui nobiscum Deo frui possunt , & velle , ut nobiscum diligant ipsum , & æterna illius societate perfruantur . Neque ab hoc albo excluduntur Angeli , vel defunctorum animæ , B. Virgo , aut ipse Christus , ut homo . Nam ad omnes (dempto diabolo , & damnatis) unio charitatis extenditur , licet multò strictior sit inter Christianos , & adhuc inter eos strictior , qui Catholicam Fidem profitentur ; atque

omnes ea propter numerari inter proximos vera Theologia defendit , passimque Auctores Scholastici , edocti à B. Augustino , apud quem locis citatis perlustrari potest tota ista doctrina . Eamque breviter proposuit eo cap. 29. sic scribens : *Omnium autem , qui nobiscum frui possunt Deo , partim eos diligamus , quos ipsi adjuvamus : partim eos , à quibus adjuvamus : partim eos , quorum & indigemus adjutorio , & indigentia subvenimus : partim quibus nec ipsi conferimus aliquid commodi , nec ab eis , ut nobis conferatur attendimus . Velle tamen debemus , ut omnes diligant nobiscum Deum , & totum , quod vel eos adjuvamus , vel adjuvamus ab eis , ad unum illum finem referendum est .*

26 Præterea , quamvis daremus , hoc præceptum minime obligare ad actus merè internos , & occultos , adhuc negari non posset , obligare ad eos internos , qui prodire debent in opera exteriora charitatis , cum necessarii sunt ad ea exercenda , ex. g. ad odium , aut offensionem proximi per signa , aut opera dilectionis evitandam , vel ad amovendum scandalum , aut beneficium aliquod purè exhibendum . Quod optimè advertit Suarius disp. 5. de Charit. sect. 4. num. 4. Valencia tom. 3. disp. 3. qu. 19. pund. 2. Theophilus Raynaudus tom. 16. sect. 1. pund. 8. num. 8. & alii factis frequenter . Ratio autem est , quia opera externa parvi solent æstimari , si superficialiter exercentur , & ad oculum duntaxat ; non verò ex amore interno . Et proculdubio justè offenderetur parens , aut frater , aut conjux , qui sciret , se non amari vero amore interno ab illis , qui sua exteriora officia erga ipsos sine illo expleant . Unde Malachia 1. 6. ita Deus loquitur : *Si ergo pater ego sum , ubi est amor meus ?* Et sicut in beneficiis præcipue benevolentia æstimatur , unde creduntur procedere , & accipere formalem beneficii rationem , ita in reliquis officiis , quæ ad reciprocam amorem disponunt , & eum fovere , ac conciliare debent . Quinimmo ipsa exterior actio , nisi interna dilectione formetur , neque ad proximi utilitatem gratia ipsius referatur , sed ad solam utilitatem agentis , re vera non est opus dilectionis , aut amoris erga ipsum , quamvis ei profic de facto , & in bonum ejus cedat . Un-

Theolog. Reform.

M 3

de Sc-

de Seneca *lib. 6. de benefic. cap. 12.* sic censet: *Ille, qui totus ad se spectat, & nobis prodest, quia aliter sibi prodesse non potest, eo loco mihi est, quo qui pecori suo hybernus, & æstivum pabulum prospicit: eo loco, quo qui captivos suos, ut commodius vaneant, pascit, & optimos boves saginat, ac defricat.*

27 Insuper etsi abstrahamus à peculiari affirmativa obligatione hujus præcepti, nihilominus non esset absolute, & indistincte neganda obligatio diligendi proximum actu formali, & interno. Nam, ut rectè observat Gaspar Hurtado *disp. 4. de Charit. difficult. 2. post init.* ejusmodi dilectio interdum poterit esse necessaria moraliter ad observantiam aliorum præceptorum, ex. g. ad deponendum atrox, & inveteratarum odium contra inimicum, aut æmulum, quod aliis mediis eradicari non valuit. Tunc enim ex præcepto negativo abstinendi ab odio proximi inducetur obligatio convertendi se in partem contrariam, ut restitudo tandem obtineri possit. Amor enim omnia vincit, præsertim in Deo fundatus, & cum longe fortior sit aliis affectibus, & validioribus motivis nitatur, quæ charitas ipsa suggerit, plures difficultates superabit, aliqui non superandas, vel certe non nisi ægermine.

28 Idipsum de obligatione diligendi Deum orta per accidens ex præcepto negativo non prosequendi ipsum odium, omnes Auctores observant, & nos aliquid perstrinximus *dissert. 6. num. 44.* Erit autem casus iste circa dilectionem proximi multò frequentior, ut multò frequentius est ipsum odisse, vel in ejusdem odii gravissimo periculo versari, quam odisse ipsum Deum. Atque, ut hoc obiter notem, cum odium nostrum, aut illius periculum est aliis occultum, ad actum merè internum specialis dilectionis obligabimur absque obligatione externi. Idemque, servata proportionem, dici debet, cum dilectio est necessaria ad evitandum propositum nunquam diligendi proximum, aut inimicum, si id latet in corde, ac Deo soli est manifestum. Actus enim exteriores necessarii non sunt ad corrigendum vitia purè interna animi nostri, nec re late ad hunc effectum præcipiuntur; sed ut proximis inserviant. Quamobrem sicut præcepta Decalogi, quibus concu-

piscere prohibemur bona, aut uxores alienas, non obligant nisi ad merè internum actum cohibendi concupiscentiam, totaque eorum observantia sibi consummatur, sic similiter in aliis modò propositis in interna dilectione finitur tota obligatio, sicut finitur necessitas.

29 Addit insuper Acacius de Valesco. *tom. 1. resol. moral. verb. Amare proximum resol. 55. num. 4.* communem esse sententiam S. Thomæ, aliorumque Doctorum, quod non teneamur diligere proximum actibus internis specialibus, nisi eo casu, quo id esset necessarium ad vitandum odium. Sed professò S. Thomas *num. 24.* relatus hunc duntaxat casum non exceptit; sed obligationem affectus, & effectus specialis ad omnes alios extendit, ubi ille, qui nulla alia necessitudine, nisi charitatis, ad nos attinet, constitutus est pro loco, & tempore in necessitate, per quam ei sine nobis succurri non potest, Suarez etiam, & relati nuper, quibus accedit Palao *tom. 1. tr. 6. disp. 1. punct. 5. num. 4.* rectè considerant, specialem hunc affectum esse posse necessarium, non tantum ad extirpandum odium nostrum; sed etiam odium alienum, scandalum, aut offensionem per signa benevolentie, necnon & ad quadam opera misericordie exequenda. Nam re vera aliqua sunt difficillima ex se, vel ex circumstantiis occurrentibus, ex. g. pro fratribus animas ponere, Sacramenta administrare, vel curare peste infectos: & qui hæc debet ex officio, sæpè ad illa non movebitur ex solo affectu justitiæ, nisi charitas cum urgeat; charitate autem urgente, haud difficilè periculum mortis obibit, & magna opera aggrediatur, quia amanti nulla via est in via, fortisque est, ut mors, dilectio. Probabile etiam est, eundem affectum specialem, & internum quandoque desiderari ad satisfaciendum debito gratitudinis orto ex magnis beneficiis, & magna nobis charitate collatis: nam plurimi id ipsum asserunt de affectu charitatis erga Deum. Ac tandem dilectio proximi haud rarò medium necessarium erit ad satisfaciendum præcepto affirmativo diligendi Deum ex toto corde, atque ex vi illius debita erit: quia, ut arguebat S. Joannes suprà: *Qui non diligit fratrem suum, quem videt; Deum, quem non videt, quomodo potest diligere?*

30 Inde jam perspicue apparet, quando, & ex quibus præceptis teneamur per se, aut per accidens ad dilectionem internam proximi, qua proximus est, in communi, aut in speciali. Apparet insuper evidentissime, præcepto diligendi proximum non posse satisfieri per solos externos actus. Neque enim ii soli sufficiunt, cum secundum se spectati bene, ac male fieri possint; spontaneè, vel coactè; ex amore duntaxat sui ipsius, vel ex amore alterius; propter Deum, vel propter aliud motivum honestæ amicitiz, quod proximum, quâ proximus est, ac Deo conjunctus, non tangit. Quare Franciscus Amicus, qui *tom. 4. curs. Theolog. disp. 28. à num. 14.* contendit sequutus S. Bernardum *serm. 30. in Cantic.* hoc præceptum per se solum obligare ad externa opera beneficentiz præstanda proximis auxilio nostro indigentibus, non ideo putat, ea sola sufficere; sed sæpius inculcat, requiri internum aliquem virtutis actum, ex quo procedant, & à quo formaliter accipiant honestatem referibilem in Deum, & consonam charitati. Ut siquis proximo indigenti, benefaciat amore concupiscentiz propter præmium æternæ beatitudinis promissum bene operantibus, aut propter aliud motivum proprium virtutum moralium, ut misericordiz, liberalitatis, pietatis, ut amicitiz in bonis ejus fundatæ.

31 Nec dubium, quin actus externi, quibus alios adjuvamus, omnibus his modis exerceri possint, si secundum se, ac soli spectentur, nam illorum omnium sunt capaces. Sed controversia est, an ii sufficiant, quoties urget præceptum diligendi proximum naturale, atque Divinum à Deo, & Christo in Sacris litteris toties nobis commendatum? Et nostra sententia est, nullatenus sufficere; sed in eo eventu diligendum esse proximum tanquam aliquid Dei, & propter ipsum non præcisè ut finem ultimum, ac remotum nostri affectus; sed ut rationem formalem diligendi propriam Theologicæ charitatis. Tantum adest, ut sufficiant solummodo externi actus beneficentiz erga proximum, ut neque ipsi satis esse possint, cum inferiorum virtutum interno affectu informantur, nisi forsitan iidem ipsi à charitate imperentur, atque ex ejus dilectione

ne referantur in Deum tanquam principalem, & potissimum amicum; in proximum verò, ut in amicum secundarium ex Dei amicitia amabilem.

32 Contingere autem poterit non semel, ut qui ex prædictis motivis, non autem ex motivo charitatis succurrit proximo, jam non amplius obligetur ex præcepto charitatis. Non quia illi propriè satisfecit, & modum ab eo præscriptum observavit; sed quia cessavit necessitas per subventionem externam, & illa cessante, etiam cessat charitatis obligatio. Exempli obvia sunt. Nam siquis conferat elemosynam egenti casu, quo præceptum charitatis obligabat ad illam conferendam, quamvis invitus id faciat, aut ex turpi aliquo fine, & quamvis suam obligationem ignoraverit, adhuc tamen postea non tenetur vi præcepti affirmativi, sive misericordiz, sive charitatis. Quia hæc in speciali non obligant, nisi tempore necessitatis; necessitas autem deficit, cum illi erogatum fuit, quod satis erat ad illam sublevandam. Idem contingit, cum facta est restitutio ex g. per compensationem occultam, debitore nolente, seu invito: nam quomodocumque id fiat, debitum justitiæ extinguitur, & re ipsa creditori est satisfactum. Alia dabit P. Suarez *lib. 2. de legib. cap. 10. num. 9.* idque à reliquis Doctoribus communiter observatur.

CAPUT IV.

De ebaritate exercenda circa proximum per elemosynas collatas ex superfluitatibus.

33 IN proposito frequenter notant Augustores, ex temporalibus bonis sub dominio, & administratione nostra plenè constitutis quædam esse necessaria ad conservationem propriæ vitæ, vel familiariz, ut uxoris, aut filiorum, vel similibus, quibus de victu, vestitu, aliisque id genus subsidiis providere debemus; alia verò ad statum, & decentiam quamdam usu communi receptam apud viros probos ejusdem conditionis, ac gradus; & demum alia superflua, hoc est, nulli istorum finium necessaria. Notant etiam, ex superfluis vitæ, ac statui, quæ propriè constituunt divites, & abundantes

in sæculo, maximè deberi eleemosynam: quia minori nostro detrimento, ac difficultate expenduntur, cum illis non egeamus, & ideo sunt præ aliis aptiora ad donationes, non solum sublevativas necessitates alienæ; verum etiam merè liberales, immò prodigas, nam & prodigalitas longè minus vitium æstimatur, cum non sit, nisi ex divitiis, & opibus redundantibus, & in scrinio recludendis.

34 Cui doctrinæ ex se satis conspicuæ è diametro videtur refragari 12. propositio à SS. Innocentio profligata: reddit enim de subiecto non supponente obligationem istam respectu omnium secularium divitum, cum affirmat, vix unquam reperiri in ipsis bona superabundantia, seu superflua statui suo. Nam si hoc ita est, vix unquam tenebuntur eleemosynam conferre ex bonis superfluis statui, cum tantum ex superfluo tenentur, ut ex terminis indubitatim apparet, & ipsamet propositio deducit. Verba illius sic se habent: *Vix in secularibus invenies, etiam in Regibus, superfluum statui. Et ita vix aliquis tenetur ad eleemosynam, quando tenetur tantum ex superfluo statui.* Ideo autem de secularibus loquitur, Ecclesiasticis exclusis, quia superflua non sunt statui ipsorum, quæ statui Ecclesiasticorum verè superflua creduntur. Illi enim, ut notat Vasquez *opusc. de eleemosyn. cap. 4. num. 14.* sequutus plerosque alios, de bonis patrimonialibus possunt sibi reservare necessaria ad statum suum, vel consanguineorum mutandum in alium altorem sibi proportionatum, & quæ ad hunc effectum necessaria sunt, haudquaquam annumerantur inter bona superflua statui illi. Unde, inquit, *vix in secularibus invenies, etiam in Regibus, superfluum statui.* At verò Episcopi, alique Ecclesiastici de patrimonio Christi non possunt statum mutare, & nobiliorem alium sibi quarere, vel consanguineis: datur enim ad decentem, congruamque sustentationem, & quidquid exinde superest, pauperibus ex misericordia debetur, quos ipsi debent inquirere. Et ita, inquit, *ferè nullum invenies, qui pingue habeat beneficium, qui non habeat, aut habere possit, si parce viveret, ut docet, superfluum statui, & decenti sustentationi.*

35 Hactenus Vasquez, apud quem,

ut jam legisti, obiter, & per transennam litteraliter habetur prior pars thesibus condemnata. Sed & secunda pariter in eo invenitur ibidem *cap. 1. dub. 3. num. 27.* Quo factum est, ut nonnulli, sternente viam Montalio *epist. 12.* ex prohibitis à Pontifice Alexandro VII. hunc Auctorem acriter profcindant tanquam unicum Magistrum laxitatis profligatæ. Cæterum neque ipse totam propositionem, uti jacer, tradidit uno contextu, sed singulas partes ejus in locis valdè distantibus; nec secundam deduxit ex prima; immò primam, quæ loco antecedentis præmittitur, in fine opusculi expressit; secundam verò in principio; nec putavit, se absque Auctore loqui; sed potius cum Cajetano, cujus allegationem suppressere, qui assuerunt singulas partes à suo contextu revulsas, & ex altera non nihil detraxerunt, ut graviolem invidiam Vasquio conciliarent. Ille porrò sic scripserat *eo num. 27. Licet Cajetanus sentiat, de superfluo quolibet teneri ad eleemosynam: sed non existimat superfluum, quando quis habet superfluum statui præsentem; illud tamen in futurum reservat, ut mutet statum digniorem: & ita vix aliquis tenetur, ut secundum opinionem Cajetani, aut secundum nostram ad eleemosynam, quando tantum tenetur ex superfluo statui.*

36 Hinc apparet, ferè totam hujus rei perplexitatem ortam esse ex modo computandi necessaria ad statum. Nam quò necessitas ad plura bona extenditur, eò superfluitas ad pauciora contrahitur. Præceptum autem de eleemosyna superflui (ait Cajetanus 2. 2. qu. 32. art. 5. ad 2.) supponit superfluum, non velat mutationem status; sed in hoc falli contingit judicium aliquorum, quod superfluum judicant, non consideratis omnibus. Cum autem de re ipsa constet, quædam bona esse nobis necessaria ad statum præsentem, ac decentiam ejus tuendam, atque conservandam; alia verò, & longè plura non tantum ad illum retinendum, verum etiam ad augendum, & ascendendum ad meliorem altorem, longè aliter circa hæc bona Auctores philosophantur. Quia plerique inter superflua computant, quæ secundum statum præsentem necessaria non sunt, & necessaria ea solum judicant, quæ statui præsentem inserviunt secundum ea, quæ proba-

Probabiliter, & ut in pluribus occurrunt absque specialiori alia sollicitudine castitini. Ita sumitur ex D. Thoma *eo art. 5. ad 3.* & juxta mensuram istam superflui, atque necessarii haud dubium, quin plures divites in populis reperiantur, quibus bona sua superfluum, & qui ex illis eleemosynam largiri debeant, cum tenentur ex superfluo status. Alii vero, qui inter necessaria status etiam ea computant, quibus est opus ad presentem deferendum, & in meliorem alium commutandum, vix, aut raro inveniunt homines, quibus divitiarum superflui, unde titulo superflui indigentibus subvenire solent. Plures namque opes necessarias tenent esse ad presentem statum retinendum, & si addantur istis necessariarum ad illum amplificandum, aut mutandum in alium commodiorem, aut digniorem, cumulus necessariorum adeo crescit, ut in paucis superflua status reperiri valeant: semper enim gradatim ascendere cupient, & ad majora aspirantes causabuntur se licite reservare in futuro, quae de presenti subtrahunt indigentibus pauperum.

37 In hoc sensu ampliori expressè accipit P. Vasquez necessaria, atque superflua ad statum cum dixit, *vix inveniri in secularibus, etiam in Regibus, superflua statuti*: id ipsumque Diana probat *p. 2. tract. 16. vers. Quarto. & p. 4. tract. 4. resol. 215. ante fin. & p. 5. tr. 8. resol. 20.* ac fere pariter discurret Navarrus non immerito Regum, ac Principum in *Manual. cap. 24. num. 6. & cap. 23. num. 24.* Praevit autem Cajetanum in *summa*, verb. *Eleemosyna*, his praeter cetera: *Ita ut raro videatur contingere, ut homo secundum statum gloriosè vivens superfluum habeat. Palacios in 4. dist. 15. disp. 6. fol. mibi 95. colum. 1. ibi: Si tot est habenda ratio, quot diximus, paucos reperias superfluis abundantes: & propterea fol. 101. colum. 1. subjungit, non esse cur de praecepto eleemosynae sollicitentur divitum pauperumque, quia superflua ex multis causis necessaria redduntur, & raro accidunt, hominem habere superflua simpliciter, id est, superflua omnino, habita omnium consideratiome circumstantiarum: & de raro contingentibus non est cur sollicitentur. Accedit & Corduba in quaestione. lib. 1. qu. 18. fol. mibi 172.*

colum. 1. in fin. ibi: Raro dicuntur in eis (nempe in secularibus) esse superflua decentia simpliciter, & consequenter raro contingit tempus, quo sub mortali teneantur pauperibus erogare superflua decentia sua.

38 Concinit expressè affirmans, *raros esse divites, qui superflua habeant*, Ledesma *2. 4. ti. q. 13. art. 3. fol. 116. pag. 2.* Nec non Malderus Lovanicensis Professor, & Antuerpiensis Episcopus *2. 2. qu. 32. art. 6. dubitation. 4. proposit. 1. circa fin. ibi: Quod verò dicatur, rariùs contingere, ut quis habeat ejusmodi superfluum: esse, simpliciter loquendo verum sit, nobis tamen sufficit aliquando ita contingere, praesertim in Ecclesiasticis. Petrus Navarra lib. 3. de relictis. cap. 1. num. 320. ibi: Unde quia rari sunt, qui nolunt, vel statum majorem habere, vel in infimo opulentiùs vivere, idè, ut Cajetanus notat, rari sunt, qui de superfluis status teneantur. Paria omnino Cajetanum appellantes tradunt Rodriguez in *summa tom. 1. cap. 287. numer. 2.* Vega in *summa part. 2. cap. 27. casu 12. colum. 2. post medium.* Id ipsumque imputat Filguera in praesenti Aegidio Conine, ac Palao. Sed Conine longè alia tractat in loco, ubi ab eo refertur, & uterque, ut paulò infra constabit, sic priorem partem lemmatis proscripti tradit, ut à secunda longissimè abscedat, potiusque judicet in proposito, ea duntaxat bona cum necessariis esse computanda, quae necessaria sunt ad statum conservandum, reiiciendo inter superflua omnia ea, quibus est opus ad meliorem alium acquirendum. Legatur Palao *tom. 1. tract. 6. disp. 2. punct. 2. num. 14.**

39 Indidem inferes, propositionem istam: *Vix in secularibus superflua invenies ad suum presentem statum decenter conservandum: à veritate, ac mente omnium Doctorum esse alienam, nocivam, ac plenam scandalum.* A veritate quidem: quia non raro, non vix, non in paucis tantum, sed in multis invenimus divitias accumulatas, & longè plures redditus, quam necessarij sunt ad retinendum splendorem, ac decentiam sui status: & quod aliquando eis desit, ex eo oritur, quòd ludo, luxu, ac aliis multis vanis pompis, & ostentationibus prodigunt, quod rectè expresum eos reddet.

redderet divitiis superaffluentes, & opibus abundantes. A mente omnium Auctorum: nam omnes proximè allati non idè dicunt, vix in secularibus reperiri superflua, quia in pluribus superflua non sint ad conservationem status; sed quia superflua ad hunc finem non tam superfluis, quàm necessariis adjudicant, eo quod necessaria sint ad digniorem alium comparandum: & quia Ecclesiasticis ad hunc effectum thesaurizare non licet, ex. g. ad consanguineos ditandos, aut exaltandos in saculo, idè frequenter in ipsis agnoscunt superflua statui.

40 Nocivam: Quia inde colligitur, vix, aut raro *seculares obligari ad eleemosynam, cum ad eam solùm tenentur ex superfluis ad conservationem status*. Quod si hoc verum est, consequens fiet, ut absolute vix, aut raro eleemosynam conferre debeant, nam de necessariis longè rarior obligatio solet esse, quàm de non necessariis, sed superfluis ad tuitionem, & decentiam status. Est denique plena scandalum in re maximi momenti: nutrit enim avaritiam divitum contra miseriam, & gemitum pauperum; miserendi obligationes citrà casum extremæ necessitatis ferè extinguit; & dum necessaria reddit ad præsentem statum conservandum omnium fermè bona secularium, atque idè putat vix ad eos spectare præceptum erogandi ex superfluis, perniciosam sternit viam ad sentiendum idipsum de Ecclesiasticis. Nam & isti pariter possent prætexere, vix in paucis inveniri ultra necessaria ad conservandum splendorem, ac decentiam proprii status: & ex istis nil tenentur erogare, cum tenentur tantùm ex superfluis.

41 Quæ cum ita sint, jam inde nullo negotio ostendetur, optimam fuisse censuram thesibus, cui præcipuè intendimus. Esto namque illa expressè non loquatur de superfluis ad solam conservationem præsentis status; sed absolute doceat: *Vix in secularibus, etiam in Regibus, inveniri superfluum statui*; & proinde vix aliquem ex ipsis teneri ad eleemosynam, quando tantùm tenetur ex superfluo: adhuc tamen, ne ampliùs dicam, aperte constare potest, illam sub his ipsis terminis esse valde scandalosam, & bonis

moribus in praxi nocentem. Ratio autem est. Quia partitio ista bonorum in necessaria ad statum, & superflua, ita demum debet fieri, ut non vix, non raro, aut in paucis secularibus, sed in multis inveniantur bona superabundantia, ex quibus tanquam superfluis eleemosynam largiri teneantur, idque ex Sacris litteris, & SS. PP. adeo clarè deprehenditur, ut absque vi manifesta aliter exponi non valeant. At prædicta propositio sic dilatat necessaria ad statum, ut vix ulli ex hujus sæcli divitibus superflua relinquuntur, unde hoc nomine pauperibus subvenire teneatur. Ergo & bonis moribus Ecclesiæ nocet, & sanè illius doctrinæ contradicit.

42 Assumptio, quæ sola posset in controversiam vocari, patet primò ex verbis Pauli 2. ad Corinth. 8. 24. ibi: *In præsentem tempore vestra abundantia illorum*, hoc est pauperum, *inopiam suppleat*. 1. ad Timoth. 6. 17. *Droitibus hujus sæculi præcipe non sublime sapere, neque sperare in incerto divitiarum; sed in Deo vivo, qui præstat nobis omnia abundè ad fruendum, bene agere, facile tribuere*. Secundò ex Jacobi 5. 1. *Agite nunc divites, plorate ululantes in miseriis vestris, quæ advenient vobis*. *Divitiae vestrae putrescentes sunt: & vestimenta vestra à sineis comesta sunt. Aurum, & argentum vestrum eruginavit: & arugo eorum in testimonium vobis erit, & manducabit carnes vestras, sicut ignis, thesaurizastis vobis iram in novissimis diebus*. Multus essem, si omnia vellem coacervare, ubi secularium divitum opulentia supponitur, & itam sibi thesaurizare dicuntur, dum opes suas congregant, & pauperes deserunt. Plura eleganter ponderat P. Valencia tom. 3. disp. 3. qu. 9. punct. 4. §. 2. ut illud Christi, Lucæ 3. 11. ubi interrogantibus, quid essent faciendi, ne exciderentur, & mitterentur in ignem; respondit Christus: *Qui habet escas, similiter faciat: & cap. 11. 41. Veruntamen quod superest, date eleemosynam*, quod à D. Thoma, & aliis communiter intelligitur, sive sit præceptum, seu consilium, de eo, quod superest ad vitam convenienter transigendam proratione statum.

43 Pleraque alia istis affinia, & non mino-

minoris energię, sumi possunt ex Deuter. 15. 11. Ecclesiastici 4. 1. Joannis 1. 3. 17. Dicere autem omnia ista ex falsa quadam abundantię suppositione procedere, & extrarem, & praxim fuisse tradita, cum fortasse nullus esset in illis civitatibus, & in toto mundo rarus, aut vix ullus dives secularis reperiatur, cui sint divitię superflue, atque eo titulo eleemosynis obnoxie, & omnibus incredibile, & piis auribus horrore esset. Maximę quia SS. PP. unanimi consensu longę aliter prædictas comminationes, cohortationes, ac præcepta intellexerunt, eisdemque usi sunt ad praxim pro concione, ac sæpe aliās, tanquam certum supponentes non vix, sed satis frequenter locum habere in divitibus, eosque speciatim urgere hoc ipso nomine quod superflua habeant, ne eleemosynis subtraherent, quę eroganda ex illis essent. Loca ipsorum passim obvia sunt, & valde exaggerata, adeo ut interdum affirmant, furtum, ac rapinam esse, non succurrere indigentis pauperum ex bonis istis superfluis. Pleraque instituto nostro satis opportuna legi possunt apud Valentia ubi supra ex Augustino, Basilio, Nysseno, Nazianzeno, Ambrosio, Hieronymo, Beda, & aliis Sanctis excerpta.

44 Quocirca si ē duobus unum in proposito opus esset, vel numerare inter superflua statui, quę solum necessaria sunt ad ejus mutationem, vel sic contrahere præceptum miserendi ex superfluis vitę, ac statui, ut vix unquam urgeat ejus obligatio, potius prius eligendum esset, quam posterius affirmandum. Illud enim nulli incommode est subiectum, sed valde consonum rationi, ac veritati, cum re vera talia bona superflua sint ad præsentis status decentem conservationem, & alterius melioris acquisitio sæpe non sit necessaria, immo nec possibilis, aut per licita media comparabilis; istud vero sacris litteris, ac Patribus longę aliter de hujus præcepti amplitudine, ac frequenti praxi sententibus, ac loquentibus haud obscurę refragatur. Quare probare non possum, quod aiebant Auctores præcati, præceptum dandi ex superfluis rarō obligare sæculares, etiam Reges, quia vix unquam in illis inveniuntur superflua ad conservationem, atque mutationem status. Nam

si hoc ita erat, potius dici debuit præceptum illud superfluis, & obnoxiiis eleemosynę adjungere etiam ea, quibus est opus ad statum præsentem commutandum in alium meliorem; necessaria verō ad statum, & non subiecta eleemosynis titulo superfluitatis ea reputari solummodo, sine quibus conservari nequit absque notabili imminutione, aut detrimento decentia debita præsentis statui.

45 Atque in hoc strictiori sensu accipienda esse necessaria ad statum, reliquis inter superflua absolutę computatis, cum specialiter discribitur de obligatione subveniendi pauperibus ex superfluis statui, ac vitę, non item ex necessariis, mihi verissimum est, & planę consonum Scripturę, ac PP. necnon & Doctōri Angelico in proposito ea vocanti *super*, quę secundum statum præsentem non sunt sibi necessaria, prout probabiliter æstimari potest. Quod si in laxiori alio sensu necessaria velimus usurpare, & nihil dijudicare superfluum, quod ad melius esse in posterum apparet necessarium, vix superfluum quidquam invenietur, quod sibi divites debeant subtrahere, ut pauperibus subveniant, & vix unquam locus erit præcepto dandi eleemosynam titulo superfluitatis. Quod utique Cajetanus, & alii præcati Auctores ultrō concesserunt; sed re vera est absurdissimum, & tale à plurimis reputabatur, etiam ante decretum Innocentii; immo aliqui, ne in istiusmodi absurditatem incidere, expressę sibi cavebant ab hoc modo computandi superflua, & necessaria vitę, ac statui. Ita inter alios Conine *disp. 27. de Charit. num. 130. Palao tom. 1. tract. 6. disp. 19. punct. 2. num. 14. Luisius Turrianus 2. 2. disp. 82. dub. 4. vers. In hac controversia. Lorca 2. 2. disp. 39. sect. 3. numer. 7. vers. Addit præterea Cajetanus. Moyano *seleß. 1. p. tr. 6. disp. 6. q. 4. num. 13.* sibi rectę persuadens, hanc fuisse antiquorum mentem, idque mihi longę certius est de mente Scripturę, ac PP.*

46 Et quidem si sermo sit de paupere constituto in necessitate gravi patiendi infamiam, exilium, nuditatem, vel quid simile indecens personę, ac statui ipsius, inhumanum prorsus videretur divitem nolle subvenire ipsi ex divitiis in futurum

COACCT-

coacervatis, eo solo prætextu, quod eis egeat ad amplificandum statum suum, vel ad alium digniorem comparandum. Nam sicubi, hic maximè locum haberet, quod legitur 1. Joannis 3. 17. *Qui habuerit substantiam hujus mundi, & viderit fratrem suum necessitatem habere, & clauserit viscera sua ab eo, quomodo charitas Dei manet in eo?* Non dixit Joannes extremam, sed solum necessitatem, ut utraque simul comprehenderet, quia gravis necessitas propriè, & in rigore est talis. Et quidem quamvis juxta S. Thomam *ea q. 32. art. 6. corp. Inordinatum esset, si aliquis tantum sibi de bonis propriis subtraheret, ut aliis largiretur, quod de residuo non posset vitam transigere secundum proprium statum, & negotio occurrentia: nullus enim inconvenienter vivere debet.* At verò longe alia est ratio de illo, qui istiusmodi bona sibi non subtrahit, neque detrimentum patitur subveniendò graviter egentibus in iis, quibus absolute indiget ad conservandum decorem, ac decentiam proprii status. Aliud namque est non ascendere, nec se sublimare ulterius; aliud verò non decrescere, sed sese in eodem statu conservare. Nam qui hoc duntaxat intendit, agit de damno vitando; qui autem ultra proprium statum ascendere, & sublimari procurat, agit de lucro captando. Recta autem ratio requirit, ut aliquando indebitum, ac minimè necessarium tibi lucrum differas, aut prætermittas, ne proximus, quem ut te ipsum diligere debes, grave incommodum, & afflictionem patiatur.

47 Propterea P. Suarez *disp. 7. de Charitat. sect. 3. num. 9.* jure optimo dixit quædam judicari superflua in ordine ad gravem necessitatem, quæ moraliter non censentur talia in ordine ad communem: *Quia, inquit, sicut diversa est necessitas, ita & obligatio, & facultas: indeque deinceps concludit, iis detractis, quæ ad statum divitis, & integram ejus decentiam censentur absolute necessaria, habita ratione eorum, quæ moraliter accidere solent hominibus in tali statu constitutis, tam respectu sui, quam respectu aliorum, quibus ex officio providere debet, aut ex debito pietatis, ut filiis, aliisque hujusmodi, cætera superflua esse censenda in*

ordine ad necessitatem gravem proximi. Et specialiter agens de progressu interdum licito ad nobiliorem, aut meliorem gradum, advertit, quæ ad hunc finem referantur, adhuc computari inter superflua quoad effectum eleemosynæ tribuendæ, dum actû graves necessitates occurrunt, quibus aliunde providendum non speratur. Atque ex istis ex præcepto subveniendum esse, non tantummodò in extrema, verum etiam in necessitate gravi, communis sententia est, cujus oppositam manifestè adversari, non tantum torrenti Doctorum, sed etiam Scripturæ, PP. & rationi evidenti, dixit Lorca *suprà disp. 39. num. 13.* & Granado *contro. 3. de Charit. tr. 11. disp. 2. sect. 3.* & post accuratam disputationem concludit num. 18. *Non posse quempiam sua conscientia contrarium aut consulere, aut efficere, subscríbente aliis relatis Moya in dicta q. 4. §. 4. num. 19.*

48 In ordinariis pauperum necessitatibus facilius solet permitti reservatio superfluatorum ad præsentem statum pro assequutione futuri: & maximè si desit propositum formale, vel virtuale nunquam succurrendi his indigentibus, quamvis graviores deficiant. Verumtamen hic etiam inspicere oportet, quis, & cujus status, & ad quem alium aspiat. Neque enim fovenda est insatiabilis ambitio moralium nunquam plenè satisfacta, sed ad altiora, & altiora semper irrequietè inhians: neque promovendæ sunt spes aeræ commutandi statum suum in alium commodiorem, aut digniorem; nec ministranda media illicita subornationum, ac similium impensarum, quibus divites suis opibus freti ultra meritum, ac modum se, ac suos sublimare cupiunt; sed in his omnibus magna moderatio est servanda, ut sollicitudo coacervandi opes pro futuro statu præsentibus, ac communibus, nedum gravibus indigentibus pauperum, anteponi possit licitè. Hoc sensu prohibuisse Dominum *Matthæi 6.* cogitare de crastino annotavit S. Thomas *eo art. 5. ad 3.* & P. Vasquez *in dict. cap. 1. num. 26.* ea solum voluit non esse superflua, quæ necessaria sunt ad mutationem status, quem possumus licitè acquirere, & dignè consequi, nam contendere ad eum statum, ad quem idonei non sumus, nec aspirare

aspirare prudenter, ne chonestis mediis pervenire ad illum, recte rationi non congruit, & nocivum est Reipublicæ.

49 Paria dabit Cajetanus 2. 2. qu. 118. art. 1. & art. 4. ante fin. Navarrus locis citatis, & in cap. Ita quorundam de Judæis notabil. 2. à num. 8. Suarez eo num. 9. Et si quis pensulatè consideret, quæ ipsis requirunt, ut liceat congregare opes, alioqui superfluas, ad altiore statum comparandum sibi, vel familiæ suæ, proculdubio inveniet, non esse adeo raros, quibus pecuniæ superflui, etiam habita ratione status, ad quem possunt adspirare licitè, & sperare prudenter adeptionem ejus; nam illius, quem ambitiosè, immerenter, aut temerè, vel malis artibus comparare intendunt, nulla prorsus ratio haberi debet, sive in sæcularibus, sive in Ecclesiasticis. Quocirca licet in istis etiam inveniantur sui proportionati ascensus à Clerico simplici in Parochum, aut Canonicum, aut Dignitatem, & hinc etiam ad Episcopatum, aut Archiepiscopatum dignè promoveri soleant, & magnas expensas facere in expeditione Bullarum, ac transportatione domesticæ suppellectilis, aut informa-

tionibus præviis de puritate sanguinis, aliisque id genus, non propterea dicimus paucos reperiri ex ipsis, qui careant bonis superfluis, unde debeant subvenire indigentis, tam communibus, quàm gravibus.

50 Quousque autem possint suam familiam ex Ecclesiæ bonis ad altiore statum evehere, aut ex sordido, & mechanico ad alium decentiorem extrahere, & quando eis liceat summam aliquam pecuniæ pro futuris occurrentiis asservare, vel ad foundationem Capellarum, Hospitalium, aut aliorum piorum operum cum similibus questionibus annexis, plenè tractant Thomas Hurtado de congrua sustent. Ecclesiastic. p. 1. lib. 2. à num. 165. Theophilus Raynaudus tom. 1. 2. tractatu, cujus est inscriptio: Mala è bonis Ecclesiæ lib. 2. sect. 3. cap. 2. à num. 12. ac deinceps, & maxime cap. 5. ubi specialiter de consanguineis agit. Thomas Sanchez tom. 1. consil. lib. 2. cap. 2. dub. 38. & 39. ubi Ecclesiasticos cum sæcularibus comparat, ac de obligatione istorum jam antea fusè tractaverat lib. 1. cap. 5. dub. 5. per totum.



190
DISSERTATIO VIII.
DE ODIS VITÆ PROXIMI.

Ad hanc classem revocantur tres propositiones immediatè subsequentes, quæ invertendo verum charitatis ordinem, proximi vitam affectu, & appreciatione nostra postponi posse putabant aliquibus temporalibus commodis, quæ inde solent viviis resultare, ut hæreditatis adeptio, aut exoneration ab aliqua pensione, vel censu vitalitio.

CAPUT PRIMUM.

Amlicent alterius mortem optare, vel de ea gaudere ob temporale aliquod emolumentum inde à nobis reportandum?



Respondit jam olim Navar-
ro in *Manual. cap. 15. n. 10.*
*Secundùm omnes peccare, qui deliberatè alicujus mor-
tem optat, ut in ejus mun-
nus, aut officium succedat,
vel ne reprehendatur, aut castigetur ab illo.*
Idipsum tradunt agentes de assequutione
hæreditatis, aliisque id genus lucris merè
temporalibus Petrus Navarra *lib. 2. de res-
stitut. cap. 3. à num. 194.* Montefinos *tom. 2.
in 1. 2. disp. 7. num. 77.* Salon *tom. 1. de just.
& jur. q. 76. observat. 3. colum. 1773.* Trul-
lenc *lib. 1. in Decalog. cap. 6. dub. 2. num. 13.*
ac, ni fallor, valde pauci Auctores inven-
iuntur, quibus meritò imputari valeat
excusatio horum affectuum ab omni cul-
pa, etiam levi, sicut opus est, ut liceant.
Nonnullis Thomistis id imputat P. Moya
in *select. 1. p. 11. 6. disp. 6. q. 5. num. 2.* nempe
Conrado, ac Zanardo, Galletti, & Pau-
lo de Blanchis: Zanardo, quatenus *2. p.
Director. cap. 6. de maledictione.* ait: *Nul-
lum quidem est peccatum, quando alteri
malum optatur ratione publici boni, vel
ratione boni privati.* Conrado verò, quia
tradit *p. 1. q. 392.* *Universaliter quotiescum-
que propter bonum malum precamur, non
est peccatum.* Duobus autem aliis, quia in
proposito dicunt, nos desiderare aliqua
posse, quæ procurare non licet. At reli-
quis non est controversia de peccato, sed
de gravitate, aut levitate illius. Nam quod
peccatum ibi sit, actusque illicitus, nec

Palas, neque alii inficiabantur, qui decimæ tertie propositioni ex nunc proscri-
ptis assensisse videntur. Solum enim irra-
dunt ex ejusmodi motivis temporalibus
mortem naturalem proximi desiderari, ac
peti posse desiderio inefficaci absque pecca-
to mortali, si displicentia personæ secluda-
tur, & debita moderatio servetur; de pec-
cato autem veniali, aut silent, aut potius
exprimunt, illud re vera committi.

2. Decima quarta propositio est, quæ
cessit omnem mensuram, quia nec parenti-
bus parcit, nec peccatum ullum ibi agno-
scit, nec excludit absoluta desideria; sed
omnia licere putat: ita enim ait: *Licetum est
absoluto desiderio cupere mortem Patris, non
quidem ut malum Patris; sed ut bonum cupi-
entis, quia nimirum ei obventura est pin-
guis hæreditas.* Quisnam fuerit exploratus
ejus Actor, me adhuc latet. Jam dixi, im-
putari Zanardo, Conrado, & aliis Thomi-
stis, quatenus sub universalis, quam tra-
dunt, directè continetur particularis ista;
sed mihi illorum contextum, unde forsân
excusatio sumeretur, nondum perlustrare
licuit. Ad ipsam conatur trahere, seu vo-
lentem, seu nolentem, P. Thomam Tambu-
rinum *lib. 5. in Decalog. cap. 3. nu. 31.* ex Bel-
gis Joannes Sinnichius *lib. 1. Saulis Exregis
cap. 109.* Sed eum exactè defendit Guiliel-
mus le Mayre in *flatera Saulis Exreg. sed. 1.
cap. 14.* & contextus suos illum defendit: ex
eo enim apertè patet loqui de culpa mortali
cum Palao, cujus sententiam satis probabi-
lem ducit *num. 33.* sed non excludit venia-
lem; immò eam agnoscit, cùm postea tra-
ctat de invidia. Gasparem Hurtado qui-
dam alii appellant, quem exscribit, probat-
que Diana *p. 5. tr. 1. 2. resol. 99.* Sed Hurtado
non affirmat, hos affectus esse licitos; sed solum

Idem vacare culpa saltem mortali in certis casibus, ubi motivum illorum non importat oppositionem gravem cum virtute.

3 Statuendum ergo est cum sententia receptissima, cui Pontifex suo decreto novum robur, & auctoritatem tribuit, illicitum prorsus esse absolute desiderio cupere mortem naturalem ullius proximi, necdum Parentis, quamvis illud non feratur in necem, ut malum proximi; sed ut est bonum concupienti utile ad hæreditatem, vel ad aliud lucrum simile. Ratio autem est, quia ea doctrina pervertit manifestè rectum charitatis ordinem scriptum in cordibus hominum, & ab eis agnitum ipso naturali lumine. Unusquisque enim clarè agnoscit, se teneri plus diligere proximum quoad bonum vitæ, quod est superioris ordinis, quam sua temporalia lucra, atque in hoc principio quasi per se noto, inconcussèque recepto omnes scribentes fundant obligationem subveniendi proximo extremè periclitanti, cum id possumus præstare absque proprio præjudicio. At qui alterius mortem optat absolute, ut illius hæreditatem maturius asssequatur, vel aliud commodum simile, plus diligit suas divitias, suæque emolumenta merè temporalia, quam vitam proximi, aut Patris. Ergo ordinem charitatis pervertit, & legibus illius contradicit.

4 Explicatur 1. Nam quamvis interdum liceat optare mortem alterius, vel odisse vitam sub ratione boni iusti, aut necessarij advertendum gravius malum, vel obtinendum aliud majus bonum, non ideo id potest extendi ad alia inferiora bona temporalia, quibus longè potior est proximi vita, & unicuique æstimanti res secundum dignitatem suam debet esse longè charior. Quocirca ad servandam illam ex bonis, quæ jam habemus, tenemur illi succurrere: atque, ut rectè observat S. Thomas 2. 2. q. 25. art. 8. corp. in animi præparatione ita esse dispositi erga alios, ut si necessitas ingruat, eis subveniamus de nostro. Si ergo plurius facere debemus juxta legem charitatis opere, & affectu vitam proximi extremè periclitantem, quam pecuniam nostram, à fortiori plurius facere tenebimur vitam ejus, quam habere ejus pecuniam, & lucrum reportare ex illius morte.

Porro qui mortem alterius evenire exoptat, ut illius hæreditate potiarur, & ex eo sine prorumpit in hunc actum absolutum: *Utinam is moreretur*, contrario modo se gerit: nam, optione data, potius mavult illum carere sua vita, quam se carere illius hæreditate. Quod si hæc circa alios contingunt, quid erit dicendum de filio respectu Patris, cujus vitam speciali jure tueri debet, ac de suo necessaria alimenta ministrare.

5 Explicatur 2. Nam si ob capiendum lucrum ex aliorum bonis licet eorum mortem exoptare, à fortiori id erit licitum, ne ipsi ex bonis nostris lucrum capiant, & capiendi incommodent. Hoc autem absurdum est, & satis perniciosum: nam exinde valde frequens, & malefua facultas concederetur parentibus, maritis, & plerisque aliis odio habendi illorum vitam, quibus alimenta, redditus, pensiones, & alia onera vitalicia præstantur, ac desiderandi eorum mortem, non quidem ut ipsis malam; sed ut sibi utilem ad ejusmodi gravamina exeutienda. Et, quod absurdius est, licitum esset tristari de vita proximi, vel de aliis ejus bonis, quatenus nostram præcellentiam, aut honorem minuunt: nam depressio hæc, seu imminutio, si vera, sive apprehensa, malum quoddam est, quod vitare homines cuperent relictæ suæ inclinationi, plus quam habere alia comoda, & plus quam exonerari ab antea dictis molestiis. Atqui hoc licere non potest, quia est actus proprius invidiæ, quam semper esse peccatum profitetur S. Thomas 2. 2. q. 36. art. 2. corp. & ad 2. ad differentiam æmulationis, aut timoris præconcepi ex bono alieno, quod putat juxta differentiam rerum, atque personarum interdum sine peccato, & cum peccato interdum exerceri.

6 Sed obiicies eundem D. Thomam ibi q. 71. art. 1. corp. cujus expressa est sententia, *licitum esse imperare, vel optare malum alterius sub ratione boni*, quia, inquit, *principalis intentio dicentis non fertur ad malum; sed ad bonum*. Tum sic. Sed in nostro casu principalis intentio optantis paternam mortem non fertur ad malum patris, nec mortem ejus desiderat, quatenus ipsi malam; sed quia sibi bonam, & utilem ad hæreditatem capi-

pian-

piendam, qui est ejus finis præcipuus. Ergo hoc modo licitum erit illam exoptare. Confirmatur 1. Quia ex eodem non solum licitum est optare alicui malum *sub ratione boni iusti* (quod faciunt Iudices, dum aliquem sceleratum condemnant ad mortem, & Ecclesia anathematizans peccatores, & Prophetæ, cum illis mala imprecantur, quasi conformantes voluntatem suam Divine justitiæ) verum etiam *sub ratione boni utilis*. Puta, cum aliquis optat, aliquem peccatorem pati aliquam ægritudinem, aut aliquod impedimentum, vel ut ipse melior efficiatur, vel ut saltem ab aliorum nocimento cesset. Atqui sub ista ratione, non verò intentione mali, mors patris exoptatur in præsentia. Licet igitur eam desiderare. Confirmatur 2. ex solut. ad 3. Quia optare alicui malum *sub ratione boni non contrariatur affectui, quo quis simpliciter alicui optat bonum: sed magis habet conformitatem ad ipsum*. Ergo non erit actus peccaminosus; sed honestus, utpote conformis charitati.

7 Respondeo, doctrinam S. Thomæ esse verissimam, & toto, ut ajunt, cælo distantem ab illa, quæ illi imputatur. Ipse enim nunquam asseruit, licitum esse exoptare grande malum proximo, nedum parentibus, sub ratione boni exigui; nec absolute bonum judicavit, quod omnibus inter se libratius plus nocet, quam prodest eidem ipsi, aut etiam aliis; nec licere credidit optare malum temporale alicui, nisi propter ejus bonum, quem plustenuerit diligere juxta ordinem charitatis. His autem contraria sunt, quæ in profligatis dogmatibus absolute continentur: adeoque tanti Doctoris patrocinio non juvantur. Immo ex eodem ipso aperte resciluntur. Quia maximum quoad bonum vitæ plus diligere tenemur, quam nos ipsos quoad emolumenta, & lucra temporalia. Ergo si solum est licitum desiderare alterius malum, quatenus ei bono opponitur, quod anteferre debemus juxta ordinem charitatis, consequens fit, ut nunquam liceat exoptare mortem proximi, quatenus vita ipsius impedimento est hæreditati assequendæ, aut aliis lucris privatis.

8 Ad primam confirmationem exemplis à D. Thoma prolatis constat, malum proximi desiderari posse sub ratione boni utilis ad consequendum aliud majus

bonum eidem ipsi, cui malum desideratur, v.g. emendationem peccatoris, aut alia lucra spiritualia; vel ad impediendum nocimento aliorum, quos plus debemus diligere, & is non desinit injustè vexare; cæterum quod etiam liceat innocenti mortem exoptare ut utilem ad lucra privata hæreditatis, aut successionis in munere, neque in S. Thoma legitur, nec principiis ejus adaptatur. Ad secundam. Illa potius probat, quod intendimus: quia, ut liceat optare malum sub ratione boni, opus est, ut ille affectus conformetur legicharitatis; non semper autem conformatur, neque conformari potest in casu thesibus damnatis; sed tunc solum, cum intenditur bonum honestum præponderans juxta charitatis ordinem malo illius, cui id desideratur. Quocirca idem S. Doctor *in disputat. q. de Charit. art. 8. ad 10.* tres solas causas proponit, propter quas possumus illis, quos ex charitate diligimus, velle, aut inferre aliquod malum. Primo quidem, propter eorum correctionem. Secundo, in quantum aliquorum temporalis prosperitas est detrimentum alicujus multitudinis, vel etiam totius Ecclesiæ. Tertiò, ad servandum ordinem Divine justitiæ, secundum illud Psalmi: *Letabitur justus, cum viderit vindictam*. Hæc ibi.

9 Clarius tamen, & exactius suam mentem proposuit, generalemque regulam exhibuit, qua nos uti sumus, in 3. dist. 30. q. 1. art. 1. ad 4. his præter cætera: *Quia charitas ordinem habet, & plus debet diligere quisque se, quam alium, & propinquo, quam extraneos, & amicos, quam inimicos, & bonum commune multorum, quam bonum privatum unius: potest aliquis, salvo ebaritate, optare malum temporale alicui, & gaudere, si contingit, non in quantum est malum illius; sed in quantum est impedimentum malorum alterius, quem plus tenemur diligere, vel communitatis, aut Ecclesiæ. Similiter de malo etiam ejus, qui in malum temporale incidit, secundum quod per malum patris impeditur frequenter malum culpæ ejus*. Hucusque Angelicus Doctor, apud quem planè invenitur, gaudia, & desideria ista, ut liceant, semper regulanda esse juxta ordinem charitatis præfigentis gradus personarum, ac bonorum, quæ antepone debemus, cum sese mutuò præpediunt, & alia adverstentur

fantur aliis. Invenietur etiam, hunc ordinem nequaquam inverti, cum aliena mala hoc boni habent, quod impediunt mala alterius opposita bonis illis, quæ plus optare debemus juxta legem charitatis. At verò quod istum ordinem non pervertat desiderium absolutum mortis proximi præcisè ad lucrum capiendum ex successione, vel hæreditate ipsius, neque leviter insinuat S. Doctor, nec potest dici absque scandalo, cum omnibus pateat, proximum plus esse diligendum quoad vitam, quam nos ipsos quoad privata, & nondum debita commoda, quæ ex ejus morte speramus.

CAPUT II.

Quando liceat mortem alterius optare?

10 **R**ogas 1. An sit peccatum velle proximis temporale aliquod malum, ex. g. ægritudinem, propter bonum spirituale ipsorum, scilicet ut fiant meliores, vel saltem ne fiant peiores sua peccata continuando? Respondet negativè S. Thomas, & cum ipso Soto lib. 5. de just. & jur. quæst. 12. ar. 1. vers. *Contra tertiam*, Navarra supradictum. 193. Navarra loco citato, Aragon. 2.2. quæst. 76. fin. 1. ante fin. Azor p. 3. instit. lib. 2. cap. 30. quæst. 2. & cæteri communiter desiderium etiam mortis exprimentes nominatim. Ego autem puto distinctione utendum, quam prædicti Auctores non negarent. Malum enim temporale interdum prudentiali judicio necessarium putatur ad bonum spirituale vitæ æternæ adipiscendæ. gravius condemnationis vitandæ, acquirendi virtutes, aut desistendi à peccatis; interdum verò non adeo necessarium creditur, sed per alia media nullum, aut certè minus nocuum temporale afferentia, juxta ordinarium providentiæ cursum, idem finis obtinendus judicatur.

11 Priori casu desiderium absolutum mortis, aut alterius mali licitum erit, & charitati conforme, quia malum istud expectatur intuitu majoris boni, quod commodiori alia via obtinendum non putatur. Unde principalis intentio sic gaudentis, aut desiderantis, ut aiebat Sanctus Thomas, non fertur ad malum proximi; sed potius ad ejus bonum; boni enim rationem habet minus malum comparatione

Theolog. Reform.

majoris, ut ex remediis medicinæ patet doloriferis, ac fastidiosis; sed ex charitate applicandis, ne vita periclitetur, sed recuperetur salus. Atque, ut Christus ipse docuit *Matthæi* 18. 8. *Bonum est ad vitam ingredi debilem, vel claudum, quam duas manus, vel duos pedes habentem mitti in ignem æternum.* Jam verò in altero casu mihi illicita videntur ejusmodi desideria omnino absoluta, quia non sunt optanda mala, ut veniant bona, quæ possunt haberi sine illis malis. Quocirca neque ex intentione boni finis valet desumi excusatio, quia ubi plura media suppetunt sufficientia ad eundem finem assequendum, recta ipsa ratio præscribit, ut illud, quod minus nocet, præ cæteris eligatur: nemoque excusaret medicum, qui infirmo manum, aut pedem abscederet, si leviori alio remedio posset illum præservare. Quapropter in istis casibus addicenda est desiderio conditio in ista, vel potius exceptio: *Nisi alia commodiori via bono spirituali proximi Deo providere placeat*: eaque juxta optantis affectum plerumque tacite subintelligitur; tametsi non exprimitur. Quæ autem hic diximus, servata proportionem, dici debent juxta Sotum, Aragon, & alios de desiderio minoris mali proximo eventuri ad evitandum aliud ejus malum temporale gravius.

12 Rogas 2. Utrum liceat exoptare alteri mortem, aut aliud malum temporale propter bonum spirituale ipsius optantis? Casus evenit, cum aliquis puellæ honestæ pudicitiam vehementer sollicitat, vel alios ad mala culpæ pravo exemplo, suggestionibus, aliisque id genus perniciosius mediis trahere conatur. Sub eadem distinctione respondendum videtur, & omnes concedent faciliè, id esse prorsus illicitum, cum mors alterius non videtur necessaria ad impediendum damna nostra spiritualia. Cæterum, quia sunt nonnulli, qui vitæ, & prosperitate temporali obstinatè abutuntur, & ab aliorum perversione cessaturi non sperantur, nisi morte præoccupentur, vel corporali ægritudine, aliisque flagellis impediantur, in hoc casu etiam licet mala illorum exoptare, quatenus opus eis fuerit ad spiritualia bona nostra satiatestaque servanda. Ratio autem efficax sumitur ex doctrina nuper tradita cum D. Tho-

N ma.

ma. Quia, salva charitate, potest aliquis optare malum temporale alicui, & gaudere, si contingit, non in quantum est malum illius; sed in quantum est impedimentum malorum alterius, quem plus tenemur diligere. Jam autem S. Doctor præmiserat, unumquemque semetipsum plus debere diligere, quàm alios, & quod se ipsum quis plus amare debeat quoad bona spiritalia, quàm alios quoad temporalia incompossibilia eisdem, indubitatum apparet.

13 Rogas 3. An licitum sit optare malis, Turcis nimirum, hæreticis, & aliis hostibus Ecclesiæ, Reipublicæ, vel iustorum hominum, mortem temporalem, ne Ecclesiæ, vel iusti opprimantur, vel ne iustitiz æquitas, aut Divini cultus ratio concutatur? Respondent licere Socus, Aragon, Petrus Navarra, Azor ubi supra, & alii permulti, idque ostendunt Ecclesiæ preces rogantis Deum ut gentes Pagano-rum, & hæreticorum dextera ipsius potentia conterantur, necnon & pia desideria optantium Christianis victoriam in bello contra infideles; immò & contra alios injuste persequentes rempublicam, nam ab ea edocti imploramus in Missa tempore belli Dei auxilium ad inicorum nostrorum deprimentam feritatem. Ostendunt rursus id ipsum, quæ S. Thomas docebat locis superius citatis, nimirum licitum esse optare alicui ægritudinem, vel impedimentum aliud, ut ab aliorum nocumento cesset, & maxime etiam prosperitas illius est in detrimentum alicujus multitudinis, vel etiam totius Ecclesiæ, & universim quoties alicujus malum eligitur sub ratione boni necessarij ad impediendum malum alterius, cujus bona antepo-nere debemus juxta ordinem charitatis. Nam qui in ordine ad nos prior est gradu, data optione, etiam debet esse potior quoad affectum, & ubi bona ipsius incom-patibilia sunt cum bono alterius, jure pre-lationis gaudet, ne occasione temporalis prosperitatis alienæ redundent graviora mala temporalia, aut spiritalia in illos, quos ordinata charitas ducit esse antepo-nendos.

14 Quocirca, etsi nunquam liceat exoptare aliis majus eorum malum ad impediendum aliud, quod est minus juxta gradum charitatis; adhuc tamen licite poterimus Turcis, hæreticis, aliisve injustis

persecutoribus nostris mortem absolute optare, dedecus, adversitatem in bello, & alia similia mala redundantia in majus bonum Ecclesiæ, communis, aut aliorum innocentium, quando ab iniqua vexatione ipsorum aliter destitutos esse non speratur. Si autem speretur, duntaxat sub conditione, quod necessaria sint ad eum effectum. Neque enim in his affectibus unquam transilire licet terminos necessitatis, vel plus mali optare, aut petere, quàm necessarium sit ad evitandum præjudicia aliorum, quos plus amare debemus, ut rectè exponit Suarez *disput. 5. de Charitat. sect. 5. num. 2.* Estque locus valde egregius totam doctrinam complectens, qui habetur apud S. Gregorium *lib. 22. moral. 100 cap. 6.* quem ex parte refert, probatque Angelicus Doctor in *disput. 9. de Charit. art. 8. ad 10.* ubi inter alia, hæc Gregorii verba habentur: *Evenire plerumquo solet, ut non amissa charitate, & inimici nos ruina latificet, & rursus ejus gloria sine invidia culpa contrisset: cum & viente eo, quosdam bene erigimus, & proficiente illo, plerisque injustè opprimi formidamus. Qua in re mentem nostram, neque ejus jam defectus erigit, nec ejus profectus addicit, si vestra nostra cogitatio, non quid in ipso, sed quid de ipso circa alios agatur, attendit.*

15 Rogas 4. Utrum aliquando liceat, & ex quo motivo mortem exoptare alicui persecutori, quem putamus pariter cum temporali æternam quoque mortem subiturum? Respondent Socus, & Aragon ubi supra, & Trullenc *num. 9.* licere, ut nostræ Reipublicæ mala caveantur, paxque, & tranquillitas ipsi contingat: & Azor *quest. 4.* tradit, id optari posse, ne Ecclesiæ, aut homines iusti iniquè ab illo vexantur. Accedit cum Dionysio Cisterciensi, & aliis, quos refert, Granado *controver. de Charit. tract. 6. disput. 4. num. 8.* Et S. Thomas universim dixit, malum unius licite desiderari, ut ab aliorum nocumento cesset. Nec invenio, qui huic doctrinæ contradixerit, dummodo toties adhibita, & semper retinenda cautio præmittatur, scilicet quòd vitæ illius, si ve Turcæ, si ve Tyranni, valde noceat immerentibus, & perseverante illa non speretur aliis mediis occurrendum esse malis illis. Tunc enim mors illius desideratur sub

subratione boni utilis, ac necessarij ad præcavendum ea mala, quæ plus debemus odisse, quam amare vitam ejus, & unusquisque jus habet petendi, ac exoptandi remedium unicè necessarium ad indemnitate Ecclesiæ, Reipublicæ, aliorum, quos plus tenetur diligere. Sibi autem debet imputare persequutor iste, quod in statu damnationis hæreat; nec congruum est, ut quia ipse in sua pervertit obstinatur, innocentes non desideret ab iniqua illius vexatione redimi, & in pacem, ac tranquillitatem asseri, Deo id disponente, ac causante per media haudquam illicita. Eo vel maxime, quia nequam ille, cum spes emendationis non subest, tandem tandem creditur esse damnandus, & anticipata morte, pauciora facinora perpetrabit, leviorisque proinde condemnationem subibit. Neque in hoc casu damnatio ei desideratur, aut gaudium de illa suscipitur; sed præcisè de minori malo, quod permissioni illius adjunctum cernitur.

16 Rogas 5. An liceat matri optare mortem filiabus, quia præ inopia nequit illas nuptui tradere juxta proprii status exigentiam, vel quia experitur se occasione illarum durè à marito tractari, castigari, vel contemni? Affirmat Bonacina tom. 2. disp. 3. circa 1. Decal. præcept. q. 4. punct. ultim. §. 1. num. 7. idque tribuit Azotio part. 1. instit. lib. 3. cap. 12. quæst. 2. Sed illum merito reiecit Trullenc in dist. dub. 2. num. 11. idipsumque antè præstiterat Petrus Navarra ubi supra à num. 198. Ratio autem est manifesta ex dist. cap. 1. quia majus proximi malum optat ad vitandum aliud malum suum longè inferius, quod aperit charitati bene ordinatæ adversatur, & cum propositione damnata proculdubio coincidere videtur. Regula autem generalis in hoc puncto ea esse debet, quod proximis nunquam liceat malum desiderare, vel petere, nisi propter aliud bonum, seu publicum, seu privatum, quod attento charitatis ordine justè illi malo præferatur. Et propterea tunc non agitur contra charitatem; sed potius secundum ipsam, ut aiebat S. Thomas: quia malum sub ratione mali non desideratur; sed duntaxat sub ratione boni, non qualicumque, sed præponderantis, & juxta rectam rationem præferendi tali malo,

cùm aliter obtineri nequit.

17 Immerito autem Bonacina suam doctrinam adscribebat Azotio, quia ille non tractat eo loci, utrum liceant, aut non liceant istiusmodi desideria; sed accurate describit varios modos, & motiva, quibus possumus aliorum necem optare, scilicet ex odio, invidia, ita, indignatione, metu, aut ex affectu justitiæ. Et quamvis statim adiciat, aliquando optari necem, non quidem ex odio personæ, sed ex odio rei alterius, & prædicta exempla proferat ad id explicandum, non idèdè judicat illa licere. Nam statim tradit, quosdam se ipsos interimere, non ex odio suæ personæ, sed suarum adversitatum, & nemo propterea ei imputabit, quod licitum esse crediderit, sibi ipsi mortem inferre. Sed de mente hujus Doctoris iterum redibit sermo.

CAPUT III.

An sit peccatum mortale trisari de vita alterius, aut de illius morte naturali gaudere, vel eam petere, & desiderare, non ex odio, sed ob aliquod temporale emolumentum?

18 **N**Egabatur esse peccatum mortale sub certis limitationibus 13. propositio ex proscriptis à SS. Innocentio, cujus hæc sunt formalia verba: Si cum debita moderatione facias, potes absque peccato mortali de vita alicujus trisari, & de illius morte naturali gaudere, illam ineficaci affectu petere, & desiderare; non quidem ex displicentia personæ, sed ob aliquod temporale emolumentum. Sumpta est ex Castro Palao tom. 1. tract. 6. disput. 4. punct. 1. num. 11. transcribente, subscriptæque Diana 3. p. tr. 6. resol. 84. & ulterius affirmante p. 5. tr. 13. resol. 99. vers. Non desinam, malè nonnullos ea propter contra ipsum obmurmurasse. Eandem doctrinam dixere (Palao ipsum appellantes) satis probabiliter Basszus in floribus Theolog. 1. p. verb. Charitas, num. 23. vers. An autem liceat, & Tamburinus lib. 5. in Decalog. cap. 3. num. 33 & probabiliores Moya p. 1. select. tr. 6. disp. 6. q. 5. num. 8. illam tamen, antequam condemnaretur, expressim rejecerat Trullenc supra num. 13.

19 Et quidem in ipsa mihi semper

apparuit difficile, & prorsus impracticabile, quod sub conditione respondeat, & affectus, quos describit, non iudicet oneratos esse semper gravis peccati malitia, vel semper exoneratos. Solum enim eos excusat à lethali, cum debita moderatio servatur. Neque satis esse putat, quod in iis ipsis exprimitur, prout in ipsamet propositione jacent, quod inefficaces sint, & non ex odio personæ, sed ex amore proprii emolumenti in mortem naturalem serantur, nisi nova alia moderatio accedat, quam debitam esse ducit; sed qualis sit, non declarat. Rogo igitur, quæ sit ista specialis moderatio, qua non servata, isti affectus mortalem malitiam contrahunt; servata verò, venialem? Nam quod aliquam contrahere debeant, sufficienter indicatur, dum à lethali solum eximuntur: & si omnino liciti putentur, jam reciditur in aliam propositionem *cap. 1* expugnata.

20 An tanta moderatio esse debet, ut gaudium immediatè non sumatur de ipsa morte nobis utili ad emolumentum aliquod merè temporale; sed de utilitate sola, quam ex illa reportavimus? Rectè quidem, & hoc tantum Palao intendisse videtur, si contextus ejus attendatur: ait enim, *ejusmodi desiderium, aut gaudium de malo proximi non tam esse desiderium, aut gaudium de malo illius, quàm de bono inde sequuturo*. Cæterum propositionis verba, sicuti in decreto damnationis jacent, aliud præferre videntur, cum expressè de gaudio mortis loquantur, & tristitia vitæ alienæ (quamvis propter illud bonum) non verò alterius objecti distincti, ac resultantis. Gaudere autem ex suppositione alienæ mortis, neque intentæ, neque amatæ, de temporalibus commodis, quæ inde nobis contigerunt, nec est peccatum mortale, nec veniale contra charitatem proximi, ut rectè distinguit Navarro in *disso cap. 3. num. 199.* & Navarro *eo num. 10.* & *capit. 20. numer. 23.* Tapia in *Caten. moral. tom. 1. lib. 3. quæst. 7. art. 3. num. 2.* Layman *lib. 2. Theolog. moral. tract. 3. capit. 10. num. 3. vers. Deinde*. Fillucius *tom. 2. tr. 21. nu. 293.* Tamburinus in *Decalog. lib. 5. capit. 1. §. 3. num. 29.* ultra alios, quos infra dabimus à nu. 49. ubi plenius exponemus hanc doctrinam.

21 An prædicta moderatio in eo con-

sistat, quod affectus noster non tendat ad Divinam voluntatem inclinandam, nec desideret, aut petat absolutè mortem proximi; sed solum, si Deo placuerit motu proprio, vel sub conditione, quod ipsi ad majorem gloriam, & proximo ad salutem expedire videatur? Sed propositio id non explicat, & objecta illius mutantur, modisque tendendi eorum affectuum, quos excusat à mortali. Neque affectus iste, venialiter peccaminosus est, sed potius licitus, & charitati benè ordinatæ conformis, cum Divino beneplacito per omnia subordinetur per modum conformitatis, & exigua emolumenta sua alienæ vitæ non præferat; sed mortem duntaxat malit iis boni circumstantiis vestitam, qualem proximus sibi metipso quoad specificationem velle debet; & potest quoad exercitium satis prudenter optare. Velle enim mori, quando Deo placuerit, & sibi expedire duxerit ad æternam vitam comparandam, actus valdè honestus est; contrarium verò rectè rationi, huic sanctissimæ dispositioni positivè resistere, & præ amore hujus miscellæ vitæ positivè ei adversari.

22 Mutat ergo moderatio debita, si aliqua ex istis est, vel alia affinis, tam objecta, quam affectus in thesi nominata descriptos, nec sunt hi ipsi; sed alii objecto, fine, vel modo tendendi planè diversi, nec jam veniales, sed honesti, ac liciti, qui dicuntur excusari à mortali. Quod si moderatio nil istorum mutat, sed re vera retinetur gaudium immediatum, ac directum de ipsa morte, aut verum desiderium illius, quamvis motivum, ac finis non sit ipsa, sed hæreditas, aut aliud emolumentum parvi ponderis comparatione vitæ, tunc utique nulla moderatio gravem malitiam auferre poterit, quam aliqui haberent isti actus: nam ea tota, quanta est, iis retentis, retinetur, cum ex objecto, fine, ac modo ipsorum sumatur. Unde falsa omnino suppositione laborat, & nimis pernicioiosa quoad praxim thesis damnata, dum tradit petere mortem alienam, vel de ea gaudere propter illum finem esse peccatum mortale, si debita moderatio non servetur; sin autem, veniale tantum. Supponit enim dari, atque fervari posse moderationem ab illis, qui admodum immoderatè appetunt sibi pecunias, vel alia commoda aliena,

aliena, ut præ amore ipsorum impatienter expectent terminos vitæ assignatos, & potius eos malint subire gravissimum malum mortis anticipatæ, & præproperæ, quam carere parvis commodis sibi exindere resultantibus.

23 Propterea Scriptores alii, rejecta illa conditione, si cum debita moderatione facias, absolute pronunciant, desiderare mortem proximi, non ex odio, neque quia ipse malum est, sed ob hæreditatem, non esse peccatum mortale. Ita expressè Angelus Maria Verricelli *tom. 1. question. moral. tract. 5. num. 64.* qui refert Palaum, & Azorium ubi supra, Sa, verb. *Charitas*, num. 8. Joannem Sanchez in *select. disput. 2. num. 9.* Pasqualigum *decis. 474.* Sed quid Palaus senserit, nuper fuit dictum. Azorius valde immerito adducitur, ut præmissum est num. 17. Sa non loquitur de bono hæreditatis; sed de bono illo, quod sequitur ex morte hostis valde aliqui nocituri. Joannes Sanchez loquitur de tetio vitæ ad cærum nosse, ut mors quedam prolongata dici valeat. Pasqualigus parum cautè in ea decisione loquitur; sed tandem recurrit ad complacentiam conditionatam de morte illius, unde reportamus commodum, ex suppositione, quod sit disposita à Deo, & ideo dicit non videtur malam.

24 Plus favent in speciem Cruz in *Directorio*, 1. p. *test. de homicid. dub. 3.* Salas *tom. 2. in 1. 2. tr. 13. disput. 6. num. 191.* Gaspar Hurtado *disput. 4. de peccat. diffic. 9.* & cum eo Diana *p. 5. tr. 13. resol. 99.* Mendo in *statuta differt. 4. q. 4.* & Moya loco citat. Sed Cruz ibi non excusat à mortali desiderium mortis utilis præcisè ad expiscandam temporalia lucra; sed ad labores vitandos. Salas non agit de desiderio absoluto; sed de conditionato duntaxat, & quidem sub conditione præscindente, aut excludente malitiam. Gaspar Hurtado, & Diana motivum delectationis postulant, sub quo elicit non opponitur bono virtutis; Unde, inquirunt, *delectatio de occisione, quamvis injusta, non est mortalis, quando est de illa, quatenus est honestè utilis, sive occiso, sive ipsi, qui de ea delectatur.* Mendo mentem suam ita exponit: *Desidero, hoc est, gauderem, si Petrus moreretur, non quia ejus mortem amo, nec ei malum desidero; sed quia, eo moriente, divitiæ illius ad meam potestatem devenirent.* Moya varia ex variis miscet inibi à num. 8. sed semper contendit, in eo eventu mortem per se non amari; sed tantum ut est causa boni, & non affectu absoluto, qui sit voluntas simpliciter, sed conditionata solum, & per modum velleitatis. Legendus num. 10. ac deinceps, ubi contendit hos affectus nihilominus esse peccata venialia.

25 Quidquid autem sit de mente, ac contextu horum scriptorum, & utrum ratione illius possint commodè explicari, omnino tenendum est, neminem posse absque peccato mortali tristari de vita alterius, aut de illius morte naturali gaudere, vel illam inefficaci affectu petere, ac desiderare ob hæreditatem, vel futuram successione, aut aliquid his affine emolumentum merè temporale. Ita sentiebant communiter (ut ipse Moya testatur) plures, & gravissimi Scriptores; immo omnes cum S. Bonaventura, Alexandro, & Cajetano, si credendum est Navarro in *dispo. cap. 15. num. 10.* nam de peccato lethali loquitur, ut constat ex epigraphe, quæ est ante num. 4. quibus accessere denuo Trulenc in *dispo. num. 13. & lib. 5. cap. 1. dub. 4. num. 14.* Martinez de Prado *tom. 1. Theolog. moral. cap. 15. q. 1. 5. 3. num. 21. & 22.* nunc autem ab eis discedere nefas est. Quia Summus Pontifex affectus istos, ut jacent, damnavit peccati gravis, etiam conditione adjecta, quod cum debita moderatione fierent. Ergo à fortiori ejusdem criminis damnati censi debent, moderatione sublata. Peccat itaque lethaliter successor Regni immediatus, si mortem Regis desideret, neque cum excusare valet inordinata cupiditas, & intempestivus amor proprii, atque indebiti commodi ab amore tantæ præjudicii, quantum opat evenire alteri. Peccat itidem mediatius successor, & quidem gravis, si exoptet, vel à Deo postulet mortem integre familie, aut eorum omnium, qui ad majoratum, aut hæreditatem pinguem sunt vocati prius, quam ipse, ut ea confessum potitur. Peccat similiter quisquis parvis commodis adeo intemperanter inhiat, ut capropter velit alios nulli nocentes, & invitos justè, ac graviter, & vita privari, & bonis tam possessis, quam speratis. Et hæc potius ab Auditoribus supponebantur ut certa, quam ab ipsis vocarentur in examen.

26 Rationes præterea, quibus à num. 3. contendimus, hos affectus esse illicitos, pariter ostendunt esse illicitos mortaliter eo vel maxime, quia excusationes, quæ obtendi solent ab aliis, & indicatæ sunt antea numer. 21. & 22. aut nihil profunt, aut obtinent nullam ibi culpam admisceri, sive levem, sive gravem. Utique affectus invidiæ peccatum est ex suo genere mortale; & tamen de bono alterius non tristatur ex odio erga personam, nec quia bonum illius est; sed ex inordinato amore suæ propriæ excellentiæ, aut ex odio mali illius, quo quis affici se existimat ex eo, quod præcellat alius. Asserere autem invidiam non esse peccatum grave ex genere suo, quamvis id Lorca tentaverit, absurdissimum videtur, & contra Apostolum Paulum ad Rom. 1. 29. & ad Galatas 5. 20. ubi inter opera carnis excludentia à regno Dei pariter cum homicidiis, ebrietatibus, & aliis similibus invidiæ connumerantur, atque inter PP. Ecclesiæ res est omnino explorata. Legendi, si lubeat, plures apud Valentia tom. 3. disp. 3. q. 13. punct. 2.

27 Ipse etiam ordo appetitativus rerum, atque personarum, quem lex charitatis indicit, & unde arguebamus inibi, hoc ipsum perspicue ostendit. Nam licet ille absque peccato gravi inverti possit etiam quoad effectum, quando parvus est excessus, & exigua extremorum inæqualitas, quæ in comparationem veniunt, contrarium prorsus dici debet, quando est disparitas magna, & notabilis excessus, qui inter illa reperitur. At in casu, de quo loquimur, ita evenit, quia materia non est levis, nec parvus excessus mali, quod optamus immerenti, si comparatur cum bono, cuius gratia illud expectimus. Neque excessus ille compensari valet, aut reduci ad inæqualitatem exiguam ex eo, quod quisque se ipsum plus aliis amare debeat. Nam quoad emolumenta merè temporalia non plus, sed incomparabiliter minus debet se amare, quam innocuos alios quoad ipsorum vitam. Et cum teneretur sub peccato gravi illis subvenire, etiam de suo, ne moriantur, à fortiori etiam tenebitur sub pari reatu non velle cum tanta jactura aliorum locupletari ex alienis. Minus namque est nolle impedire alterius mortem cum dispendio

eorum, quæ habemus, quam directe illam expectere, ut alia plura habeamus, quæ nondum nobis debentur. Ergo aut illæ circumstantiæ ita compensant excessum, ut solum sub veniali teneamur impedire mortem proximi extremè indigentis bonis nostris, aut istæ illum non compensant. At prius admitti non potest. Ergo hoc admitti non debet.

28 Dices 1. Charitatis ordinem obligare quidem graviter quoad affectus effiaces, qui ad executionem tendunt, & inedia ad illam disponunt; non verò quoad merè simplices, & inefficaces, qui speculativi sunt (ut ita loquar) & nihil nocent, aut nocere tentant. Sed non satisfacit. Tum quia isti affectus non utcumque veram amicitiam lædunt; sed valde graviter, magnumque motivum præbent dissolvendi illam, si exterius manifestentur: nemo enim sciret, suam mortem ab alio desiderari, præcisè ut locupletetur, aut parvis incommodis careat, qui illum sibi amicum crederet, aut qui valde ægrè id non ferret, aut qui putaret, se amari ab illo, sicut ipse se ipsum diligit, & diligi ab aliis veller. Tum quia sæpe sunt occasio captandæ mortis alienæ. Tum quia invidia in dicto sensu non est actus effiaces; sed merè simplex; & tamen sublethali est devitanda, cum non excuset parvitas materiæ. Tum quia pari ratione dici posset, hos affectus propter suam omnimodam inefficiam nullum esse peccatum: nihil enim nocent, aut nocere intentant; sed in se ipsis consummantur, quia alium habeant effectum.

29 Tum denique, quia velle alterius mortem sistendo ibi, proculdubio grave peccatum est, quamvis sit per modum gaudii: spectat enim ad peccatum odii, & malum, de quo lætatur, grave est, nec diminui potest usque ad veniale ex eo, quod aliquod bonum nostrum pariter ibi expectatur implicite, cum nemo intendens ad malum operetur. Quocirca B. Job 31. 29. inter alias maximas iniquitates, à quibus sese expurgare contendit, hanc etiam enumerat dicens: Si gavisus sum ad ruinam ejus, qui me oderat, & exultavi, quod invenisset eum malum. Non enim dedi ad peccandum guttur meum, ut expecterem maledicens animam ejus. Quem locum S. Gregorius lib. 22. moral. cap. 6. ante fin.

Ita commentatur luculenter: Peccaret quippe, si hoc optaret à Deo fieri, quod ipse facere vel omnino non posset: vel si posset, minime deceret. Nam qui maledictionibus inimicum impetunt, quid aliud in illo facere Deum volunt, nisi quod ipsi facere, aut nequeunt, aut erubescunt? Mortem namque adversario exoptant, quametsi possunt, inferre metuunt: ne aut perpetrati homicidii reiteneantur, aut iniqui appareant, etiam cum sint. Quid est ergo Deo dicere: Occide quem odi, nisi apertis ei vocibus clamare: Hoc fac meo adversario, quod me in illum facere nec peccatorem decet.

30 Dices 2. Obiectum horum actuum non esse mortem proximi violentam, aut illicitè inferendam ab eo ipso, qui eos exercet, vel ab aliis: sed naturalem sanitatē, ac iustē à Deo disponendam per congruentes causas. Ergo ex isto capite præcisè gravem malitiam non habent. Sed neque ex motivo eam haurire possunt, cum motivum sit hæreditas, aut aliud commodum simile, quod absque lethali culpa nobis evenire optamus, & evenisse gaudemus. Igitur neque ex objecto, neque ex fine accipiunt pravitatem criminalem. Respondeo primò, inquirendo, unde sumatur qualisqualis malicia horum affectuum, ab objectis, an aliunde? Nam ex eodem capite ostendetur, juxta dicta, non esse levem, sed gravem. Secundò Vasquez, & alii permulti affectus ipsis respondunt, malitiam delectationis, tristitiæ, aliorumque affectuum similium non semper derivari ab objecto; sed immediatè estimari ex oppositione ipsorum cum bono alicujus virtutis, quæ oppositio in præsentia gravis est, & in re magni momenti contradicens ordinatæ charitati. Tertio, si fortasse plus ardeat, malitiam cujusque actus semper desumi ab objectis, dici debet, mortem naturalem, nisi ex causa valdè gravi cohonestetur, semper esse objectum pravum, sicut hominis occisio, aut diffamatio, quæ interdum male, interdum bene sunt; sed nunquam bene, nisi aliunde acceda. Causa valdè rationalis, ex cuius præponderantia sumi possit legitima excusatio. Atqui hæreditatis affectio, & similia emolumenta merè temporalia nobis obventura ex morte proximi nec legitima excusationem præbent, nec sunt causa rationalibus optandi illam,

sed potius valdè contraria, ac difformis recto charitatis ordini. Ergo ex morte naturali, ut est sub adco degeneri, & inæquali motivo, absque dubio poterit criminalis malitia derivari.

CAPUT IV.

Utrum sit licitum filio gaudere de parricidio parentis à se in ebrietate perpetrato propter ingentes divitias inde ex hereditate consecutas?

31 **L**icitum esse enunciabat totidem in verbis decima quinta propositio à SS. Innocentio condemnata. Et suaderi exinde posset, quia particidium tempore ebrietatis patrum non imputatur perpetranti ad culpam; sed coram Deo legitime excusatur, perinde ac si esset commissum ab amente, vel somniantē, aut ab ignorante factum penitus invincibiliter, & iustis de causis credente se feram occidere, & non patrem. Ergo de eo gaudere ut sic ob alia commoda licita, quæ consequuta sunt ipsum, non potest esse peccatum ex objecto materiali, aut ex motivo, neque est unde aliunde contrahat malitiam levem, aut gravem. Confirmatur 1. Quia pollutio est gravissimum peccatum fornicatione deterius, & juri naturali contrarium, non minus, quàm homicidium; & nihilominus Doctor Angelicus in 4. dist. 9. quæst. 1. art. 4. quæst. 1. ad 5. ab omni peccato excusat gaudium de pollutione habita in somnis (parque est de ebrietate ratio) si non sit propter delectationem venerem; sed ob alia bona inde sequuta, & ideo inquit: Si autem placeat ut natura exoneratio, vel alleviatio, peccatum non creditur. Cui doctrinæ jam prius ab Alensi traditæ, ipso laudato, subscripsit S. Antoninus 2. part. tit. 6. cap. 5. & ex professione eam defendit sub debita correctione Navarro in Manual. cap. 16. nu. 7. & uterque pariter de desiderio discurret, cum merè inefficax est, & nihil insuit in actum. Confirmatur 2. Nam gaudere de esu carniū ut determinatè factū in die Veneris ob morbum, vel ob aliam causam legitime excusantem puta amentiam, oblivionem, aut inadvertentiam prorsus inculpabilem, nullum peccatum est; ebrietas autem peræquæ à peccato excusat actum, ea

durante exercitium, quamvis alioqui esset prævus.

32 Confirmatur 3. Quia gaudere de parricidio à se commissio in somnis, aut ebrietate, propter ingentes divitias ex paterna hæreditate consequutas non est per se de malo alterius gaudere; sed de proprio bono, quod adjunctum est ei malo. Hunc autem modum gaudendi immunem esse à peccato, à fortiori colligi videtur ex doctrina S. Thomæ in 3. diff. 30. quæst. 1. art. 1. ad 4. ubi eadem ratione excusat tam desiderium, quam gaudium alienæ condemnationis, vel alterius mali spiritualis, in quantum in eis relucet bonum Divinæ iustitiæ, inquit: *Sed hoc non est per se de malo gaudere; sed de bono, quod est adjunctum malo*. Confirmatur tandem.

Quia illicitum non est delectari de commodis, & utilitate reportata ex aliquo delicto in ebrietate commissio, ut omnes facientur, & nos jam antea adnotavimus. Tantumdem autem valet de his objectis delectari, ac gaudere de delicto ipso tantum ut fuit eorum causa, ut notat peculiariter Vasquez tom. 1. in 1. 2. disput. 111. num. 8. ac 10. & cum ipso P. Salas tom. 2. in 1. 2. tract. 13. disput. 6. num. 52. Ratio autem ea esse videtur, quia homicidium tunc non placet, quatenus fuit opus injustum, aut malum proximi (nam ab his omnibus gaudium præscindit, eaque respicit merè materialiter) sed præcisè sub ratione causæ, quæ fuit utilis ad nostram commoditatem; sub hac verò ratione nullam habet objectivam malitiam potius, quam effectus ejus, quia utrobique utilitas sola placet. Et cum gaudium non sit causa cædis, aut effectus consequentis ipsam, & in hoc maxime differat à voluntate efficaci, mirum non est, si nec noceat, neque aliunde incurrat ullam dissonantiam.

33 Speciosa sunt hæc, fateor; sed, præter speciem, nihil solidi habent, adeoque censuræ Pontificiæ insistere debemus tanquam rectæ, & optimo jure iustæ, cuius doctrinam jam antea Azor ut certam præmiserat 3. part. lib. 3. cap. 24. quæst. 3. & 4. & à fortiori colligitur ex hucusquediffertatis. Nam, si scandalosum est, & periculosum in praxi approbare tanquam licitum gaudium de morte naturali alterius ob hæreditatem, vel ob alia temporalia

emolumenta, quæ inde nobis contigerunt, longè deterius id erit, cum non jam de morte naturali, sed violenta gaudium sumimus ex motivo adeò degeneri, & non de morte violenta cuiuscumque, sed patris, & illata non jam ab extraneo quopiam; sed à filio, qui præ cæteris eum servare tenebatur. Unde etiam licitum esset (quod exhorrent pie aures) filiis tristiari de eo, quod in ebrietate, aut somno non occiderint suum patrem, quò citius bonis ejus potirentur; aut de eo quod non occiderint (si quem forte occiderunt in eo statu) illum, à quo sunt progeniti; sed potius alium extraneum. Et cum desiderio merè inefficax, & nullam dans causam actui, in sententiam horum Auctorum, merè speculativum videatur, & gaudium, atque tristitiæ æquiparetur, pari licentia indulgebatur filiis eo modo desiderare, quod parricidium sibi in somno, aut ebrietate contingat, ut fructus ejus sequatur, & operis excusatio non desit.

34 Arguo rursus. Quia negari nequit, longè difficilius excusari hos affectus, cum versantur circa actiones ex se malas, licet citrà peccatum commissas ob ebrietatem, aut somnum, quam cum versantur circa actiones de se licitas, qualis est mors naturalis parentis, aut malefactoris occisio à potestate legitima ob bonum publicum facta. Hæ namque nullam malitiam objectivam, aut formalem in se involvunt, & propterea ex bono fine compensante damnum proximi, quod ex suo conceptu important, solet excusari earum affectus. Illæ verò, ex. g. parricidium per se, ac de se pravum objectum est, rectæ rationi contrarium, & ratione sui prohibitum ipsa naturali lege. Quamobrem nunquam licere videtur ex quocumque bono sine ipsum velle, aut approbare cum sufficienti advertentia, ac morali libertate, qualem habere supponimus, qui de eo gaudet ut præterito, vel evenire desiderat, quamvis merè inefficaci affectu. Nam quòd ratione ebrietatis non imputetur perpetranti ad culpam, nec odio, aur damnatione dignum coram Deo censetur, nil potest prodesse illi, qui malitiam ejus materialem agnoscit, & liberè, ac advertenter ipsi adhæret per affectum, & suo consensu illud approbat. Immo quia alium excusabat à for-
mali

mali peccato sola ebrietas, defectusque usus rationis, ex hoc ipso constat, istum nullatenus excusari, eum idem obiectum velit, ac positivè amplectatur, & neque ebrius sit, neque ratione careat; sed sui compos in eo quiescat.

35 Ita generaliter discurrunt de his obiectis, & illorum gaudio, ac simplici desiderio, ultra Adrianum, Paludanum, Sorum, & quamplures alios, quos appellat Salas tom. 2. in 1. 2. tract. 13. disp. 6. num. 216. P. Azor ubi suprà, & part. 1. lib. 4. cap. 6. quest. 9. Tapia in Caten. moral. 1. part. lib. 3. q. 7. art. 2. num. 5. & art. 3. num. 2. P. Suarez 1. 2. disp. 5. de peccat. sect. 7. numer. 14. Valentia tom. 2. disp. 6. quest. 6. punct. 1. vers. Quare ad argumentum Montefinos tom. 2. in 1. 2. quest. 84. art. 8. disp. 7. à num. 108. Malderus 1. 2. quest. 74. art. 10. vers. Queritur decimo tertio. P. Sanchez in summa. lib. 1. cap. 2. numer. 16. & 18. Baldellus part. 1. theolog. moral. lib. 4. disp. 6. numer. 8. & late Raynaudus in discip. moral. disp. 4. quest. 3. art. 4. legendus præsertim numer. 307. & 315. ubi sic scribit: *Quis non corroborat, si audiit filium de patris cæde gaudere, tamen addat, se de ea cæde delectari, quia pater in gratia obiit? Quæcumque enim adhibeantur condimenta, cædes iniqua parentis nulli probo filio unquam dulcescet.* Priori verò loco dixerat: *Quis excusatur eum, qui vigilans cuperet, aut procuraret patriari abs se eadem inter dormiendum? Quamvis enim cædes non foret ei mala, nisi materialiter; tamen volitio, qua in huiusmodi cædem materialiter tantum malam deliberatè ferretur, esset mala formaliter: deincepsque ex professo ostendit, quoad hoc non esse discrimen inter actus efficaces, & inefficaces.*

36 Demum tamen, actus istos, cum inefficaces sunt, ob bonum finem maximi momenti posse interdum excusari à peccato, quod solum intendisse videntur Vasquez, Lessius, Salas, ac nonnulli alii, quamvis professò sit valde difficile, quia boni finis intentio non purgat à labe affectum immediatum, ac directum circa obiectum suapte conditione pravam. Demus, inquam, hòc, & adhuc iustissimè injusta videbitur censura thesi damnatæ. Nam, ut antea monui, & ex Angelico Doctore confirmavi, salva charitate, nunquam licet anteferre bonum proprium bono alterius, quod plus debemus amare: nec

tanti facienda sunt singula quæque temporalia emolumenta nostra, ut eorum adeptationem præferamus æstimationi, & affectu malis valde gravibus aliorum, quos tenemur, sicut nos ipsos, amare. Debemus autem proculdubio plus amare bonum vitæ nostris genitoribus, quam nobis ipsis divitias, etiam proprias, pliusque eisdem odiffe malum mortis, quam amare nobis commodum hereditatis. Et quò strictius est hoc vinculum, ac fundamentum amoris, eò gravior est obligatio cohibendi quemvis affectum appetitivè majorem erga talia emolumenta, quam erga vitam parentum, qui sunt nostræ vitæ auctores. Quocirca, etsi ob bonum publicum aliquando permittatur privatis bannitos occidere, idque ipsi licitè exequantur; nihilominus hoc ipsum non licere filiis respectu parentum bannitorum, tenent Julius Clarus, Bonacina, atque Diana part. 5. tract. 4. resol. 25. fin. estque sententia valde recepta apud alios boni nominis Auctores.

37 Quæ autem diximus de parricidio, servata proportionem, dici debent de adultério, aut homicidio, & aliis per se pravis operibus ebriorum, atque somniantium, ubi malitia non deest; sed sola ejus imputatio ob defectum inculpationis advertentiæ. Quocirca de illis sic factis gaudere, vel illa sic fieri optare cum sufficienti advertentia, aut semper erit peccatum (ut fert sententia communis) aut saltem quoties motivum gaudendi non compensat bonitate sua illud malum, de quo immediatè gaudemus; neque est illi præferendum juxta charitatis ordinem; sed potius parvi faciendum, si cum ipso conferratur. Plus autem laxare habenas his affectibus, ac velle, quamlibet utilitatem sufficere, ut ratione illius exerceantur licitè circa prædictas actiones de se illicitas, quamvis aliunde excusentur, & solidum sint peccata materialia, intolerabile est, ac bonis moribus apertè contrarium. Quia aliqui licitum esset delectari de perjuriis, aut blasphemis contra Deum à se dormiente prolatis, si ex illis quodcumque commodum temporale reportaret, aut se minùs propensum in vitia experiretur ad similia perpetranda. Liceret etiam gaudere de copula adulterina, incestuosa, vel sacrilega ob
filiū

filium inde susceptum, si in somno, aut ebrietate contingit; de duello, aut bello iniquo ob victoriam inde partam, si ignoranter fuit illatum; de sententia materialiter injusta, quia mihi profuit, esto aliis nocuerit, & ita pariter in aliis plerisque tam desiderijs, quam gaudijs. Quæ ex terminis absurda videntur, & ideo non esse asserenda monebat P. Azor ubi *suprà*, et si aliqua ex eis admittat Salas, & alii apud ipsum *dicta disp. 6. sect. 32. num. 222.*

38 Cautius igitur Leonardus Lessius, qui hoc affectus interdum excusavit, tunc tantum licere voluit, cum subest aliquod magni momenti bonum sufficiens ad compensandum materiale illud incommodum, quod inseparabile est ab his operibus, tamen in furore, aut ebrietate patris. Ita se ipsum explicat, ac pluries repetit *lib. 4. de just. & jur. cap. 3. num. 106.* sed longe melius suam mentem adhibitis exemplis declarat his verbis: *Si aliquid per se sit illicitum, si cum iudicio rationis fiat, ac proinde non possit desiderari ob bonum finem, ut ita fiat; tamen si fiat absque iudicio, seu culpa, poterit aliquando desiderari causa alicujus magni boni, quod inde proveniat: v. g. ut tyrannus pereat manu furiosi; ut matrimonium inter duos Principes inculpate contrahatur, quamvis invalidè, & proles suscipiatur, si inde pax regni sequutura putetur.* Hæc Lessius, cui subscribit Salas *suprà* à num. 217. & consonat Vasquez *tom. 1. in 1. 2. disp. 115. prope fin.* licet aliis exemplis utatur. Alii generalius loquuntur, ut Curiel *1. 2. q. 74. art. 8. ante fin.* & Salas, qui plures refert *ea sect. 32.* quia existimant, delectari de his operibus ob bonum eorum effectum in re ipsa esse tantum delectari de bono effectu sequuto: quod utrum verum sit, postea videbitur.

C A P U T V.

Dissolvuntur argumenta contra doctrinam propositam.

39 **E**A præmissimus à num. 31. & satis utilem doctrinam continent. Ad principale respondeo, ejusmodi gaudium illicitum esse ex suo objecto materiali, nempe ex parricidio, cujus voluntaria approbatio, ac ratificatio nulla ex causa

cohonefari potest, aut certe non nisi ex causa tanti momenti, ut malo ipsius merito sit præferenda juxta rectum charitatis, & pietatis ordinem. Et licet quilibet ex istis titulis sufficiens sit ad illud condemnandum, & uterque concurrat, cum in parricidio ob hæreditatem delectamur, mihi placet absolute nulla ex causa posse cohonefari talem delectionem, ut fert communis sententia tutor, & omnino consulenda à num. 34. comprobata. Est namque objectum illius intrinsecè prævum, & materiale peccatum, nec malitiam ejus objectivam tollit, quod de facto non imputetur operanti ad culpam dignam vituperio, aut odio: quia id non accidit ex indifferentia, aut bonitate propria illius; sed ex eo, quod aliunde desinit propter ebrietatem conditiones necessariæ ex parte agentis ad imputationem. Neque item refert, ne ab ipso malitiam hauriat, quod gaudium sit actus inefficax. Id enim solum probaret, non sumere ab eo malitiam tanquam ab effectu, aut circumstantia; malitia autem ex objecto, ut præcisè objectum est, inde non pendet; sed in actus ipsos derivatur, quamvis efficaces, seu executivi non sint, neque ullam operationem respiciant tanquam objectum, circa quod versantur.

40 Tristitia utique de bonis Dei internis ex objecto habet malitiam, uti gaudium bonitatem, suntque affectus efficaces affectivè, ac sese mutuo excludentes, sicut prosequutio, & odium, quamvis nulla applicant media, neque ullam executionem moliantur. Et cum actus efficaces efficaciacia procurativa sui objecti, v. g. hi, quibus filius intenderet necem paternam in somno, aut ebrietate patrare, ab eo objecto suam habeant malitiam penitus inextinguibilem, idem prorsus dici debet de actibus inefficacibus. Nam istorum idem etiam est objectum circa quod, atque ex se prævum, & solum differunt ratione modi tendendi intrinsecè eisdem actibus. De eo enim ipso gaudeamus, quod assequi intendebamus, sicut tristamur de his ipsis, quæ contingunt, illa nobis averfiantibus. Atque utrique actus respiciunt, quamvis aliter, & aliter, parricidii executionem in ebrietate patratam, & ad ipsam tanquam ad objectum directè, & immediatè terminantur; et sic, alii executivi,

vi, aut intentivi non sint, sed adhæsi, & approbati duntaxat; alii autem, quantum est ex parte sua, maiorem energiam habeant, quæ necem respicit tanquam effectum, & ad genus causæ efficientis revocatur.

41 Immo affectiva efficacia non rectè ab inefficacia secernitur à toto genere ex virtute intrinseca efficiendi suum objectum, aut applicandi media ad illius assequutionem; sed ex adhæsiōne ad ipsum adeo firma, ut sit incompossibilis cum noliōne contraria. Unde quamvis circa impossibilia cognita ut talia dari nequeant actus intentivi, aut applicativi mediorum; adhuc tamen solent dari affectus valde efficaces, atque ardentia desideria exclusiva actus contrarii, & determinantis voluntatis indifferentiam tantummodo ad unam partem: ut cū iusti non peccasse desiderant, aut diū vivere, qui ob vulnus, vel infirmitatem lethalem de suæ vitæ duratione sunt omnino desperati. Quippe desideria ista, quantumvis à mediis abstrahant, efficacia sunt, & non se habent, sicut complacentiæ, aut displicentiæ merè simplices voluntatem inclinantes, quæ apprehensionibus positivis, atque negativis intellectus comparantur, nec sibi invicem repugnant; sed ad instar assensus, & dissentus, qui per modum ultimæ sententiæ intellectum determinant ad unam partem. Videatur Card. de Lugo *disp. 7. de Penit. scđ. 9.* & P. Ripalda *tom. 2. de Ente supernatur. disp. ult. à numer. 322.* qui etiam in Deo affectus similes circa impossibilia agnoscunt, & ex ipsis extrinsecæ condonationis objectum explicare conantur.

42 Ad primam confirmationem plerique de gaudio, & desiderio non procurativo pollutionis ita pariter discutunt, ac de gaudio, & simili desiderio homicidii, vel fornicationis inter dormiendum commissæ, aut in tempore ebrietatis; atque ita proculdubio dici debet, si per se, ac ex se mala censetur, & solummodo excusetur à peccato ex defectu usus rationis, sicut excusantur fornicatio, & homicidium, nam omnino est eadem ratio. Quocirca Azor, Montescinos, & alii suprà appellati, qui existimant, desiderium, aut gaudium deliberatum de eiusmodi operibus in ebrietate commissis nunquam

excusari à peccato formaliter imputabili propter bonum finem, aut effectum inde resultantem, de pollutione idem censent. Qui verò ex adverso judicant, ob finem præponderantem nocumento incluso in illis operibus licitum esse gaudere de eis jam factis, vel desiderare, ut fiant prædicto modo inculpabili, consequenter possent dicere, & ex D. Thoma confirmare, damnum prolis, quod ex pollutione sequitur, non esse tanti momenti, ut ob naturæ levamen, sanitatem, vel mitigationem molestiarum teneationum nequeat sufficienter compensari, quamvis damnum parricidii, aut homicidii graviores causas requirat, & minime compensetur ob bonum hereditatis.

43 Questio autem est inter Doctores, num pollutio, seu effusio seminis humani sit semper ex natura sua peccaminosa, & dissona naturæ rationali, vel tunc solum, cū contingit, alio movente naturam, & ad ipsam provocante? P. Sanchez *eo lib. 1. cap. 2. num. 18. & 19.* plures referens, quibus subscribit, & alios adiungit Diana *p. 3. tr. 5. resol. 87.* putat, illam non esse peccatum, neque habere ex se malitiam objectivam, cū contingit opere solius naturæ, nullo impellente, evacuatis semen noxium, aut superfluum, sicut evacuat fudor, urina, aut, mediante vomitu, cibus non bene digestus. Nam tunc est quidpiam indifferens, atque, ut notant Medici, sæpe contingit, etiam vigilantibus, ac renitentibus ob nimium calorem, & renum debilitatem: unde non mirum, si, excluso veneris delectationis affectu, & consensu periculo, licitum sit de ea gaudere ob bonum finem, aut ipsam desiderare. Homicidium utique, vel fornicatio nunquam hoc modo contingunt, nec sunt opera solius naturæ; sed per se subiecta libertati nostræ, sicut alii actus humani, atque adeo quoad hunc effectum inter ipsa, & pollutionem tali modo contingentem satis aperta est disparitas. Poterit autem planè æqualis comparatio, si pollutio etiam in somnis, amentia, aut ebrietate contingeret, non solius naturæ opere; sed alio eam provocante, aut excitante, & ea propter de ea sic habita illicitum esse gaudium, ac desiderium etiam merè inefficax, tradunt Sanchez, ac Diana cum cæteris, quos appellant, idemque

que omnino est sentiendum, quod de reliquis operibus per se, ac intrinsece pravis.

44 Ad 2. confirmationem sic habeto. Quoties causa excusans tollit malitiam materialem actionis, de qua deliberatè gaudeamus, hoc gaudii non est illicitum; secus verò, si eam non tollat, sed solum auferat imputationem illius, retenta materiali pravitare. Rem exempla declarabunt, tam in his, quæ jure naturali prohibentur, quam quæ jure positivo, sive humano, seu Divino. Auferre alienum, cum extrema necessitas id excusat, malum non est, nec prohibitum; sed sub illa circumstantia honestum, ac planè licitum, ideoque licitè intenditur, ac procuratur, nedum gaudio, aut desiderio excludente executionem diligitur. Gaudere igitur de ablatione rei alienæ ita facta nullum erit peccatum, quia de objecto bono sumitur, & per se loquendo, delectatio est talis quoad turpitudinem, aut honestatem, quale est objectum illius, ut latè e re nata ostendimus *dissert. 7. & præferti num. 34*. Quæ servata proportionem, militante in nece alterius facta ob defensionem propriam cum omnibus circumstantiis, quas requirit inculpatae tutelæ moderamen. Item in propalatione defectuum alienorum, quæ ex causa præponderante à vicio detractionis excluditur; in comestione carnis necessaria ob morbum; in omissione Missæ ob assistentiam infirmi graviter periclitantis, & plerisque aliis similibus.

45 Est autem diversa ratio, cum causa excusans non tollit malitiam materialem actionis, de qua gaudeamus; sed solum imputationem illius, nec tenet se ex parte objecti; sed ex parte agentis, cui deficiunt libertas, & advertentia necessariò requisitæ ad vituperium, aut laudem: tunc enim quicumque affectus liberè, & advertenter elicitur circa ipsam imputabilis est, quantumvis illa ex defectu usus rationis, aut ignorantia invincibili non fuerit verè imputabilis. Quod si prædictus affectus circa parricidium, aut perjurium v.g. in ebrietate commissus imputabilis est, utique non nisi ad culpam imputari poterit, cum objecto pravo adhæreat, illudque immediatè diligit. *Facti sunt abominabiles, sicut ea, quæ dilexerunt, aiebat Propheta Oseas*; is autem, qui sibi com-

placet in opere parricidii, rem diligit Deo abominabilem, & quia talis est, ab eo prohibitam. Quare licet bono fine id faciat, nunquam à peccato per se displicente excusabitur, sicut non excusaretur casu, quo de illo gauderet, quando fuit peccatum ex malitia. Aut certè, si quando potest excusari ex mente aliorum, quos à num. 36. adducebamus, id non erit propter finem, aut bonum hæreditatis, ut damnata propositio contendebat; sed propter alterum tanti momenti, ut ejus bonitas plenè compenset pravitatem materialem in eo opere receptam, & juxta rectam rationem præferenda videatur ei malo, cui est conjuncta.

46 Porro ratio jam adducta pariformiter procedit in delectatione scienter terminata ad quodvis opus prohibitum lege naturali, aut positiva, ut rectè animadvertit Thomas Sanchez *dicto cap. 2. numer. 16*. Quis enim impune exerceri credat, aut non imputabitur culpæ desiderium, gaudiumve deliberatum de erroribus inculpatis contra fidem, aut de operibus juri Divino, positivo contrariis circa usum Sacramentorum, aut circa officia virtutum? Nec ego exculpare audem gaudium de transgressione jejunii Quadragesimalis, aut manducatione carniū, ut determinatè facta in die prohibito, quamvis formale peccatum non fuerit ratione inadvertentiæ, aut ignorantie. Licebit utique in die Veneris gaudere de comestione facta die præcedenti, aut faciendâ die Dominica, quia pro tunc non est prohibita, nec materiale peccatum. Sed vice versa non licet die Dominica gaudere de illa, ut ignoranter facta in die prohibito, quia ut sic est violatio legis, & detecto errore, obiicitur voluntati tanquam prava. Ita conjugatis non licet gaudium de copula habita ante conjugium; quousque autem viduis liceat, aut non liceat delectari de congressu honesto tempore conjugii habito? rectè exponit P. Suarez *dicta sect. 7. num. 13*. & legi potest Diana p. 3. tr. 5. resol. 2. qui in utramvis partem plures refert, & p. 9. tr. 8. resol. 44. ubi agit de id genus delectationibus, dum conjuges sunt absentes.

47 Ad tertiam in num. 32. Esto admittatur, gaudere de parricidio inculpato ob bonum hæreditatis non esse per se gaudere de

de malo alterius ; sed de bono proprio , quia malum secundum se non diligitur , nec ratione sui , nec ad ipsum ordinatur principaliter intentioni gaudentis ; adhuc tamen id non sufficit , ut à peccato excusetur . Verè namque , ac propriè sumitur delectatio ex malo alterius , & de actione per se prava , tanquam de objecto directo , & immediato , quamvis non formali ; sed materiali duntaxat ; sicut verè amatur furtum , cum id expetimus ob finem elemosynæ , & proximus verè amatur , cum gaudemus de ejus bono propter Deum . Quocirca excusatio ista neque unica esse potest , neque se sola sufficiens , quemadmodum insufficiens foret casu , quo ob idem motivum filius iniquus gauderet de parricidio culpabili . Unde S. Thomas nunquam dixit , gaudium de opere peccaminoso præsertim suapte natura esse licitum ; immò oppositum generaliter asseruit 1. 2. q. 74. art. 8. corp. & ad 5. specialiter applicavit eam doctrinam delectationi de opere externo homicidii , eamque lethalem putavit , sicut lethale est objectum ejus .

48 Insuper neque unquam docuit , desiderium , aut gaudium mali alieni , etiam causandi per actionem de se licitam , ut mors disposita à Deo , excusari à peccato , nisi ob finem præferendum juxta ordinem charitatis illi malo : atque tunc dixit gaudium per se non haberi de malo ; sed de bono adjuncto , ut constabit recolenti eum ipsum locum , qui obiicitur , cujus laciniam ad mala temporalia spectantem adduximus num. 9. nunc autem illa asseremus , quæ spectant ad mala opposita bonis gratiæ , de quibus ita disseruit : *Bona gratiæ mutuo se non impediunt , quia spiritualia bona à pluribus integrè possideri possunt . Et ideo quantum ad hoc nullus , salva charitate , potest malum alteri optare , vel de malo gaudere , nisi in quantum in malo culpæ , vel damnationis alius relucet bonum Divinæ justitiæ , quod plus debemus diligere , quam aliquem hominem . Sed hoc non est per se de malo gaudere : sed de bono , quod adjunctum est ei malo .* Hæc S. Thomas , quæ , ut patet , nil favent doctrinæ oppositæ , sed ei potius adversantur .

49 Ad ultimam . Mihi omnino displicet ea doctrina Patris Vasquez , illamque ex professo impugnat Ariaza tom. 1. in 1. 2.

disp. 47. sect. 3. sub sect. 4. licet apud plures invaluerit , ipsamque expressè sequantur , præter Salas eo num. 52. & numer. 218. Basilius Legionensis lib. 10. de matrim. cap. 16. num. 2. & 12. Palao tom. 1. trad. 2. disp. 2. punct. 10. num. 10. & 11. Falsum namque est , gaudium de effectu semper esse gaudium causæ illius , saltem ut fuit ejus causa , quia opus non est de eo gaudere sub eo respectu , cum habeat bonitatem absolutam sibi propriam , & intrinsecam , penes quam est dignum gaudio , & apta delectationis materia , præcindendo à causis ejus , aut penitus ignorando illas . Immo sæpe sæpius contingit , ut placeat bonus effectus , & displiceat ejus causa . Quo pacto David gaudebat de filio per adulterium suscepto , illumque vivere optabat , quamvis de adulterio à se commissio seriam poenitentiam ageret , potiusque vellet filium non habuisse , quam habuisse ex tali causa . Pariterque , etsi Joseph gauderet de principatu Ægypti , non ideo gaudebat de sua iniqua venditione , vel perditione suorum fratrum . Utique de Christicidio , & offensis Dei in eo commissis nemo placet , si Deum amat , quantumvis de hæreditate gloriæ , & aliis fructibus , quæ ex illa suppositione nobis contigerunt , possit , debeatque exultare . Et quis dicat , omne gaudium de bonis mundalibus esse amorem Dei , & gaudium de essentia , atque potentia ipsius , quæ est præcipua illorum causa ? Aut quis non videat , ingratos sic frui bonis ex aliorum dono acceptis , ut sæpe benefactores ignorent , & neque beneficia esse meminerint ? Cujus rei palmare exemplum suggerit Rex ille novus Ægypti , qui ignorabat Joseph Exodi 1. 8. etsi tributis gauderet partis beneficio illius .

50 Propterea Auctores communiter duo hæc inter se distinguunt , & gaudium de bono effectu separabile esse judicant à gaudlo terminato ad causam ejus , & propterea censent , non esse peccatum gaudere de bono effectu secundum se , ac solitariè , ex. g. de filiis ex adulterio susceptis , quamvis judicent illicitum gaudere de ipso adulterio , quatenus fuit medium utile ad illos de facto habendos . Ita ferè omnes relati numer. 35. & ex professo Navarrus in cap. Inter verba. 11. q. 3. concl. 2. num. 9. & maxime à num. 12. Petrus Na-

varra lib. 2. de reſtitut. cap. 3. num. 199. Trulenc lib. 1. in Decalog. cap. 6. dub. 2. num. 13. Arriaga diſſa ſubſect. 4. num. 20. ubi putat, id à nemine negandum eſſe. Quapropter ita gaudenti non placet eſſe, vel fuiſſe peccatum à ſe commiſſum. Immo comparatione facta, potiùs vellet non commiſſiſſe adulterium, quàm habere optimos filios, & de non occiſione patris plus gauderet, quàm de hæreditate illius: atque, data optione, plus eligeret carere iis bonis, quàm dediffe cauſam iſſis, mediante parricidio, aut adulterio. Non ergo propter effectum delectabitur in cauſa, præſertim involvente Dei offenſam materialem, aut formalem; ſed, ſi rectè ſapiat, potiùs de exiſtentia talis cauſæ triſtabitur, & propter cauſam diſplicebit iſſi effectus, quem ex tali cauſa habuiſſe nollit, quamvis ſecundum ſe non diſpliceat; ſed delectationem aſſirat, præſcindendo ab eo reſpectu.

51 De eo tamen lætari poterit, quòd ex ſuppoſitione adulterii, aut parricidii ſibi poſſivè diſpicientis, aut nullo modo placentiſſima bona reſultaverint. Neque hoc eſt de illo gaudere: nollit enim fuiſſe, aut eſſe ſecundum ſe, & abſolutè; ſed de eo, quòd non contigerit abſque ullo bono: nam ita proculdubio pejus eſſet, tantum opus omni commodo, & utilitate deſtitutum. Unde ſuppoſitio ipſa adulterii, aut parricidii non placet abſolutè, nec comparative ad ſuum contradiſtorium; ſed duntaxat ſub ratione minoris mali, & gaudio comparative ad aliud deterius malum. Sic placet adventus Chriſti deſcendantibus Adæ peccatum, quòd fuit cauſa illius; ſed materia gaudii eſt, peccatum fuiſſe cauſam tanti boni potiùs, quàm fuiſſe non cauſam: & hoc ſenſu Eccleſia exultans prædicat, felicem eſſe illam culpam, quæ habere meruit Redemptorem talem. Sic filius, quamvis abſolutè doleat de morte patris, atque vitam ejus æſtimatione, & affectu præferat hæreditati, ex ſuppoſitione mortis gaudet, illam fuiſſe ſibi utilem potiùs, quàm inutilem. Sic ex amore erga patrem ſibi compiacet in eo, quòd mors ejus non fuerit improvifa, nec violenta; ſed præmeditata, & naturalis. Quòd ſi ipſe fortè eam commiſiſſet, actum veræ charitatis exercere poterit, ſi de eo gaudeat, ut minori malo, quòd ſi ei impoſit id non fecerit; ſed potiùs in ebrietate.

52 Quæ, ſervata proportionem, applicanda ſunt illis operibus, quæ excuſantur à peccato meritorio pœnæ, ac reprehentionis ob ignorantiam proſus inculpabilem. Gaudere enim licet de eo, quòd potiùs cum excuſatione contigerit, quàm ſine ipſa, & potiùs cum laude, ac merito, quàm abſque illis. Et quamvis contigiffet non placeat, ex ſuppoſitione quòd contigerint, melius eſt excuſationem aduiſſe, quàm deuiſſe, & Deum non fuiſſe offenſum, quàm fuiſſe offenſum formaliter, ſatiùſque id egiſſe laudabiliter, ac fructuoſè, quàm egiſſe illa laudabiliter, & abſque merito.

C A P U T VI.

Quando liceat propriam mortem petere, aut deſiderare?

53 **E**Gregiè demonſtrat S. Thomas 2. 2. q. 64. art. 5. nullo unquam caſu licere occiſionem directam ſui ipſius, quia charitati ſibi debetæ adverſatur, ac naturali inclinationi, qua omnia ſuam conſervationem amant, & deſtructioni repugnant. Opponitur etiam charitati, immò juſtitiz erga Deum, qui nos creavit, & conſervat, ut ei in hac vita ſerviamus toto tempore ab ipſo præſtituto: unde, qui ſe ipſum interfecit, privat Deum ſervitio ſibi debito, ac ſi occideret alienum ſervum, vel ſicut ſervus auſugians, & ſe ſubtrahens ab obſequiis, quæ debet domino ſuo. Propterea abſque peccato mortali intendere, aut procurare non licet opus iſtud, nec deſiderare, aut petere, ut in tempore ebrietatis, vel amentiz à nobis fiat. Neque de hoc eſt modò quæſtio; ſed de deſiderio mortis anticipatè diſponendæ à Deo, & de oratione, qua conamur impetrare ab ipſo, ut id diſponat tanquam verus dominus tam mortis noſtræ, quàm vitæ.

54 Eſt autem difficultas præcipua circa deſiderium mortis ex fine præcavendi mala temporalia, & hujus vitæ miseriaſ. Nam, ſi ea expetatur, ut medium neceſſarium, vel utile ad beatitudinem adipiſcendam, vel ad alia lucra ſpiritualia, non dubium, quin expetatur licitè: immò valde honeſtè. Hinc Apoſtolus ad Philippienſes 1. 21. mori lucrum reputavit, &

verſ.

vers. 23. *Desiderabat dissolvi, & esse cum Christo* : atque hoc ejus desiderium mirifice commendat Chrysostomus *ibidem homilia 4. egregiisque Sanctorum testimoniiis, & exemplis ex professo comprobatur à P. Francisco Arias de imitatione Christi, tract. 7. cap. 7.* Sic plures sanctè desiderant pro Christo sanguinem fundere, & martyrio vitam perdere, quia melius est ita mori, & tanti operis aureolam reportare, quam vivere absque isto merito. Sic denique plures optant nunquam fuisse potius, quam peccasse graviter, & potius mori, quam iterum Deum offendere. Neque immerito id à Deo postulant, quia magnum est beneficium rapere ex hac vita justum, ne malitia mutet intellectum ejus, & ne fictio decipiat animam ipsius : & sicut quilibet prudenter optat, cum Reipublice non est necessarius, declinare pericula moriendi, ac esse in tuto, etiam cum jactura aliarum commoditatum, sic pariter optare potest, etiam cum vitæ jactura, declinare pericula peccandi, moriendi morte æterna, nisi populo Dei sit necessarius.

55. Quinimò & ex solo affectu non displicendi Deo, vel venialiter, id licere, expressè affirmant P. Ildephonus Rodriguez *tom. 1. de perfecta spirituali, tract. 8. cap. 20. & P. Granado contrav. 3. de Charit. tr. 6. disp. 2. num. 19.* Est enim maximum signum perfecti erga Deum amoris, amicitie, vel concupiscentie, si super omnia prorsus amabilia, aut concupiscebilia diligatur. Et, cum peccata venialia frequenter ad mortalia dissonant, habent ex hoc etiam capite, unde valde exosa fiant viris perfectis, atque ut potius placeat eis carere, quam hujus lucis usuram illa committendo prorogare. Notat autem optimè Suarez *tom. 2. de Relig. lib. 1. de Orat. cap. 19. num. 2.* in his affectibus virtute saltem involvi conditionem illam : *Si ita mihi expediat, quamvis ab ipso petente non cogitetur, neque adhibeatur.* Ideo enim rerum negotium Divinæ dispositioni committitur, quia ipse rectè novit, quid expediat bono nostro, ac gloriæ suæ; nos verò sæpe decipimur, & erramus circa hæc ipsa, & quamvis illa exoptemus, cum id fiat sub ratione boni conducentis Deo ad gloriam, nobisque ad æternam vitam, non essemus illa exoptaturi ex vi

presentis affectus, si cognosceremus, hisce finibus juxta suavem Dei dispositionem non conducere; immò obstat.

56. Accedo jam ad desiderium mortis ex motivo evitandi mala temporalia. Ubi Abulensis lib. 3. Regum, cap. 19. q. 6. vers. *Sed considerandum*, contendit, esse peccatum mortale hoc genus desiderii, aut orationis, sive fiat ex motivo recusandi laborem, qui reperitur in pugna contra passiones internas animum assidue vexantes, sive ex fine evitandi alias misérias hujus vitæ, puta ægritudines, aut paupertatem: addique, gravius peccare, qui ex hoc motivo, quam qui ex illo mortem optant, & plus qui petunt, quam qui desiderant tantum. Ratio autem est illa ipsa, qua S. Thomas ostendit in *disso art. 5. ad 3.* grave peccatum committere illos, qui ob prædictas causas semetipsos interficiunt. Quia petere, aut optare sibi mortem ad quascumque alias hujus vitæ misérias evadendas est majus malum eligere ad minoris mali vitacionem: mors enim juxta Aristotelem lib. 3. *Ethicor. cap. 6.* est inter illa omnium maximum, & præ ceteris terribilissimum. Confirmatur 1. Nam sicut ad virtutem fortitudinis spectat se morti exponere, vel aliis terribilibus propter honestum, ita spectat ad vitium timiditatis mortem optare, ne terribilia patiamur. Ergo sicut peccat graviter, qui mortem sibi consciscit, ne ab alio duriores patiat, ita graviter delinquit, qui eam petit, aut optat, ne toleret vitæ ærumnas. *Fugere enim sequentem inopiam, vel aliquid triste, non fortis, sed magis timidi est: molles enim est fugere laboriosa, ut Aristoteles scripsit eo lib. Ethicorum. 3.* Confirmatur 2. Quia ut pro concione disserbat Nabarzanes apud Curtium lib. 5. de rebus Alexand. *longè post med: Fortium virorum est, magis mortem contemnere, quam vitam odisse. Sæpe tædio laboris ad vilitatem sui compelluntur ignavi. At virtus nihil inexpertum omittit. Itaque ultimum omnium mors est, ad quam non pigrè ire satis est.*

57. Hisce tamen non obstantibus, sunt alii plures, qui existimant, mortem peti, aut desiderari posse absque peccato, ut ab aliquo magno malo temporalis liberemur: puta à severiori morte infligenda per carnificem, à gravi infamia, tetro car-

carcere, nimia paupertate, à morbis, aut doloribus continuis, vel aliis id genus diuturnis malis, quibus vita præfens redditur nimis laboriosa, & perdifficilis. Ita Aragon de just. & jure. q. 83. art. 8. in fin. Graciano supra num. 21. Martinez de Prado tom. 1. resol. mor. cap. 15. q. 1. §. 3. num. 24. Joannes Sanchez in select. disp. 2. num. 9. Trullenc lib. 1. in Decalog. cap. 6. dub. 2. num. 12. Vericelli p. 1. tract. 5. num. 66. Diana p. 5. tr. 14. resol. 92. Moya in select. 1. part. tr. 6. quest. 5. num. 11. & 12. Azor p. 1. lib. 9. cap. 35. q. 3. qui id licere existimat, si magnæ aliquæ, & iustæ causæ hujus desiderii, & petitionis existant, annuente rursum Trullenc sub his terminis eo lib. 1. cap. 7. dub. 5. num. 3. Arias etiam ubi supra cap. 8. certum putat, id non esse peccatum mortale; immò nullum, si condicio adhibeatur, & debita subordinatio nostræ voluntatis ad Divinam servetur: & hanc etiam conditionem exegit, ut ea liceant, Soto in 4. dist. 50. art. 5. vers. Est tamen, ut omittam Tamburinum, qui fidentissime affirmat, non esse peccatum mortale, nil de veniali determinans.

58. Suadetur autem. Quia judicio Sapientis Ecclesiastici 30. 17. Melior est mors, quam vita amara; è duobus autem bonis melius prudenter eligitur, atque è duobus malis contrariis alicui fini, aut subiecto id, quod minus est, rectè eligitur, dum ejus bonum attenditur. Unde iterum cap. 41. 3. sic Sapiens exclamat, & rem adornat exemplis: O mors, bonum est judicium tuum homini indigenti, & qui minoratur viribus, defecto ætate, & cui de omnibus cura est, & incredibili, qui perdit patientiam! Non ergo terribilior, nec deterior mors, quam vita amara; sed potius eligibilior secundum rectam rationem, quatenus est privatio vitæ calamitosæ, ac molestæ, quam homines non tam vivunt, quam tolerant laboribus, ac doloribus pleni. Quare huic judicio Sapientis merito acquieverunt alii viri sancti à Deo illustrati, & repleti salutari scientia, atque prudentia. Hæc namque est vox illa Tobie 3. 5. cum videret contribuere suos captivos, & nationibus traditos in directionem, fabulam, & improprium: Domine, secundum voluntatem tuam fac mecum, & præcipe in pace recipi spiritum meum: expedit enim mihi mori magis, quam vivere. Hæc illa Judæ Machab. 1. 3.

59. Melius est nos mori in bello, quam videre mala gentis nostræ. Nec dubium, quin sit nonnullis mors præmium, & vita supplicium, de quibus S. Ambrosius luculenter dixit non esse permisos diu vivere; sed compulso tardè mori. Caino sanè ob fratricidium in poemam data est vita diuturnior, signumque appositum, ne ab ullo interficeretur. Lege eundem Ambrosium lib. 2. de Cain, & Abel, cap. ultimo, ubi hæc appositè expendit.

59. Accedunt Sanctorum exempla. Nam Moyses Numeror. 11. 15. pondere gubernationis oppressus, & populi perviciacia contristatus ita est alloquutus Deum: Obsecro, ut interficias me, & inveniam gratiam in oculis tuis, ne tantis afficiar malis. Elias quoque 3. Regum 19. 4. dum à facie Jezabelis fugeret, petivit animæ suæ, ut moreretur, & ait: Sufficit mihi, Domine, tolle animam meam. Nec hujus petitionis alla causa proxima assignari valet, nisi ea ipsa, quæ erat ei causa fugiendi, scilicet Jezabelis dira persecutio, & nova comminatio, qua mortem ei denunciaverat quanto citius inferendam. Beatus etiam Job, qui labiis suis non peccavit, neque stultum aliquid contra Deum locutus est, hoc eodem desiderio flagrabat, tædio vitæ adeo ærummosæ. Ita enim ait cap. 6. 8. 9. Quis det, ut veniat petitio mea: & quod expecto, tribuat mihi Deus? Et qui cepit, ipse me conserat: solvat manum suam, & succidat me? Jonas insuper præ afflictione magna, & metu infamæ, quia parente Deo Ninivitis, & populi perturbator, & Propheta mendax videre, sic clamavit cap. 4. 3. Et nunc, Domine, tolle quæso animam meam à me: quia melior est mihi mors, quam vita. Actandem Paulus Apostolus 2. Corin. 1. 8. de se ipso in hunc modum attestatur: Nolumus vos ignorare de tribulatione nostra, quæ facta est in Asia, quoniam supra modum gravatissimus supra virtutem, ita ut tæderet nos etiam vivere. Porro tot præclaros viros accusare peccati, præsertim criminalis, aut excusare duntaxat propter vehementem passionem, & defectum plenæ deliberationis, ac judicii, sicut tentat Abulensis, neque Sacro textui congruit, nec pietati. Quare neque is sibi constat. Nam ad dictum cap. 11. q. 36. Moysen culpæ non audet; loco verò antea citato putat peccasse venialiter.

60 Ratum igitur manere debet, mortem in his circumstantiis, & aliis æquipollentibus licet postulari à Deo vitæ nostræ Domino, ut speciale beneficium, atque ideo & optari posse. Nam ex Augustino *epist. 121. ad Probam*: *Illud tantum licet petere orando, quod licet optare*. Nec jam obstant argumenta ponderata in favorem Abulenſis *num. 56*. Quia inter mala temporalia sunt aliqua, quæ majora morte possunt rectè judicari, & quæ viventi sub illis duriore apparere valent, ac moraliter loquendo censeretur mors quædam prolixior, & gravior. Hinc illud *Apocalypsis 6. 9*. *In diebus illis quærent homines mortem, & non invenient eam, & desiderabunt mori, & mors fugiet ab eis*. Atque, ut Philosopho alium etiam magni nominis Philosophum opponamus: *O ignaros malorum suorum* (ait Seneca *de consolat. ad Marciam, cap. 20.*) quibus non mors, ut optimum naturæ inventum laudatur. Omnibus enim finis est, multis remedium, quibusdam votum, de nullis melius merita, quam de his, ad quos venit antiquam invocaretur. Et post pauca: *Hæc est, quæ efficit, ut nasci non sit supplicium*: quod perbellè congruit cum sententia illa Sapientis *Ecclesiastes 7. 2*. *Melior est dies mortis die navitatis*.

61 Ad primam confirmationem. Sicut non semper est vitium timiditatis, aut cordis pusillitas timere mortem, & vitam desiderare, sic non semper eisdem vitiis subjacet odisse vitam, & optare mortem. Neque enim semper est digna tanto labore salus, & tunc maxime cum vita nostra non est aliis necessaria; nobis verò perdifficilis, & gravium malorum causa. Consciscere sibi mortem nunquam licet, etiam ad vitandam aliam atrociorē certò imminētem ab aliis, ut præmissum jam antea. Ratio est, quam antea proposuimus: & si attenderetur tantum conceptus majoris, aut minoris mali temporalis nostri, proculdubio id esset licitum, quia majus malum naturæ est mors atrox, quam mors mitis: & gravius, amaram vitam diu sustinere, quam tradere ad aliam, ubi cessant hi dolores. Ad secundam similis est ratio. Nam sicut non semper est virtus fortitudinis, sed potius vitium audaciæ, ac temeritatis, vitam contemnere, & aggredi gravia pericula.

Theolog. Reform.

mortis, ita non semper est pusillanimitas, aut vitium timiditatis optare mortem ad fugienda mala hujus vitæ; sed tunc solum, cum mala sunt parvi ponderis, sicut malo mortis conferantur.

CAPUT VII.

De desiderio, aut petitione mortis ob leves afflictiones, aut calamitates.

62 EX dictis insurgit quæstio minimè dissimulanda. An scilicet sit grave peccatum petere, aut optare sibi mortem ad vitanda mala temporalia minoris momenti, quam sit vita? Puta ad evitandas communes hujus sæculi miseras, vel aliquas afflictiones peculiare citò transcentes, aut, si durabiles sint, non valde amaras. Negat fidenter esse peccatum lethale Thomas Tamburinus *lib. 5. in Decalog. cap. 1. §. 3. num. 34*. Joannes de la Cruz in *Director. 1. p. tr. de homicid. dub. 3.* & qui rem exactè discutit, P. Arias ubi *suprà cap. 8*. ubi certum esse ait, istiusmodi desideria, quantumvis absoluta, solum esse peccatum veniale; nullum verò, si fiant sub conditione, ac resignatione propriæ voluntatis ad Divinam. Fundamentum ex eo sumitur, quia etsi mors sit quoddam malum naturæ, sicut alia male per se; in genere tamen boni honesti, aut mali turpis, neque est bona, neque mala; sed indifferens, atque adeo bene, ac male potest expecti, & esse bona simpliciter, si propter bonum finem expectatur. Quocirca, ut à lethali excusantur absoluta desideria, quibus dona temporalia à Deo obtinere cupimus, vel evitare mala eisdem opposita per media ex se non illicita; sic excusare debemus desiderium evitandi alias miseras mediante morte à Deo infligenda. Nam neque finis, nec medium parvum est; sed tota coordinatio utrobique in eo consistit, quod bonum aliquod temporale expectamus absolute, & absque debita resignatione: & ad summum, genus quoddam pusillanimitatis in nostro casu admiscetur, ut notat Cruz, quorum neutrum transcendit limites noxæ venialis.

63 Nihilominus Granado ubi *suprà num. 22.* & cum sequatur Diana *ca. res. sol. 92.* non audent excusare à mortali istiusmodi

O

modi desiderium extra casum magnæ amaritudinis, aut gravis calamitatis. Et hæc sententia, sicut tutor, etiam mihi probabilius videtur circa mortem, mutilationem membrorum, ægritudines, & alia mala privantia bonis, quorum domini non sumus: nam de divitiis, honoribus, ac commodis temporalibus, quibus nos ipsi licet privare possumus ob bonum virtutis; immò ea respicere, & abicere tanquam occasiones mali, diversa ratio est, ut de se patet. Moveor primò, quia majus malum assumere ad minoris mali vitiationem peccatum mortale est, & ea ratione specialiter probat Angelicus Doctor in *dicto art. 5. ad 3.* esse peccatum mortale conficere sibi mortem ad miseras hujus vitæ declinandas. Porro hæc ratio, aut nihil probat, aut idipsum pariter evincit de desiderio, & oratione, qua mediante mortem procuramus ex motivo evitandi exiguas afflictiones, aut leves calamitates. Secundò, quia ejusmodi desiderium est contra inclinationem naturalem, & charitatem, qua unusquisque debet seipsum conservare, & diligere quoad bonum vitæ multò fortius, quàm quoad alia bona, aut privationes malorum, quæ tanti non æstimantur. Nam re vera se ipsum odit, qui abique ullo alio emolumento, ne uni incommodo subiaceat, vult longè plus mali habere.

64 Tertiò, inquirendum est ab adversariis, num minitante aliquo mortem, ni levem aliquam molestiam patiamur, peccatum mortale sit nolle ei obistere; sed sinere se potius occidi, quàm talem molestiam perpeti? Si dicant, esse mortale nolle impedire suam mortem in eoventu, utique & mortale erit illam desiderare directè causa evitandi idem malum. Nam illa causa, quæ inidonea apparet ad non impediendam mortem, ad illam desiderandam non est idonea, aut sufficiens. Licetum namque est per se loquendo nolle impedire, quod licet desiderare: nec concursus indirectus ulli ad culpam imputatur, nisi aliunde supponatur obligatio impediendi eventum ipsum. Obligatio autem impediendi tollitur per causam proportionatam, quæ non impediendi præbeat excusationem legitimam; & ideo quàm sæpius licet non impedire suam mortem, tamen nunquam liceat sese

occidere, ut passim obvium est apud Auctores, & inter alios legi potest apud Lessium *lib. 2. de just. & jur. cap. 9. à num. 27.* Si verò propterea dicant, id non esse culpam gravem, rem dicent à nullo admittam, & quæ ex sola terminorum apprehensione videtur satis absurda. Atque exinde sequeretur (ut alia quamplura omittam) non esse lethale infirmis sinere se potius mori, quàm remedia ordinaria sustinere, v. g. nolle sumere pilulas, aut potionem aliquantulum amaram, quam Medici ad imminuentem mortem evadendam prorsus necessariam judicant.

65 Quartò idipsum ostensivè evincitur innitendo generalibus principiis à D. Thoma præjactis *quodlibet. 9. art. 15. corp.* Quia ex objectis, quæ non habent turpitudinem intrinsicè inseparabilem, qualem habet adulterium, aut mendacium, sed interdum bene, interdum malè absque errore amari possunt, & in hoc sensu indifferentia ex se dicuntur, quædam sunt, quæ in suo conceptu nullam conformitatem, aut disformitatem important cum recta ratione, sicut levare festucam, aut fricare barbam; alia verò, quæ in conceptu suo disformitatem quamdam præferunt, aut inconvenientiam magna; sed non talia, ut amoveri, aut compensari nequeant accedente idonea causa, ut simultanea possessio plurium præbendarum, vel occisio, aut diffamatio alterius, quæ iusta causa compensante eorum defectus honestè possunt amari; ea autem seclusa, aut præscissa per intellectum omnimodis, peccaminosè appetuntur, & cum peccato non levi, sed ex genere mortali. Porro hujus generis est mors, tam propria, quàm aliena, atque ea propter est lethale absque causa valde idonea optare, ut illa contingat, nobis nihil cooperantibus, ictu tauri, incendio, aut ruina. Quæ verò sint causæ idoneæ, suprà visum est, ac modò ostensum, hujus generis non esse afflictiones illas, aut ærumnas, quarum permissio nihili æstimari debet, si cum malo mortis conferatur. Quocirca ratione illarum mors honestè optari nequit, nec mediante oratione procurari; sed pro mali magnitudine, & contrarierate ad regulam ordinatæ charitatis peccata mortalia erunt desiderium, & oratio, nisi fortè causæ parum desit ad veram idoneitatem:

ratem: nam tunc parvitas materiæ proderit, ut sint venialia.

66 Indidem ad argumentum oppositum *num. 62.* responderi valet multipliciter. Et primò per instantiam, quia simili forma differendi possent Auctores propositionis 13, & 14. contendere, licitum esse, aut certè non illicitum mortaliter, desiderium absolutum mortis alienæ ex motivo devitandi quodvis temporale incommodum, aut acquirendi divitias. Secundò pro omnibus dicere possumus, mortem secundùm se consideratam, & à causa magni momenti præscissam, non esse objectum indifferens; sed valde turpe, ac contrarium naturali inclinationi, & propriæ charitati uniuscujusque. Tertiò, semper, & in omni eventu illam esse objectum turpe, si sumatur, ut est bonum appetibile contra charitatis ordinem, & præscriptum fortitudinis, cujus est passiones, metus, & audaciam moderari, ne exorbitent affectu, aut opere circa ipsam mortem, & alias afflictiones hujus vitæ. Nam cum appetibile, ac bonum reciproce convertantur, quodvis bonum tale debet judicari, qualis est ipsius appetibilitas; jam autem vidimus, mortem, ut est bonum utile ad molestias leves evitandas, non habere appetibilitatem honestam, aut indifferentem; sed turpem, & fortitudini adversam; sed charitati præcipuè. Quantò, si enixè contendas, malitiam tunc non desumi ex objecto, aut sine nudè sumptis; sed ex modo tendendi ipsorum actuum, inde non multum gravabimur. Nam ille modus tendendi, prælativus cùm sit, ita versatur circa objecta maxime disparia, ut amiserat, quæ contemnenda forent, & contemnat, quæ essent præferenda: odio habeat eximium bonum præ amore alterius boni levitantis; & præ nimia ignavia pluscimum, quam mortem, parvum incommodum. Hæc autem rationi dissonant, & cum vera fortitudine, & ordine charitatis (unde cumque illa proveniat) apertam oppositionem important.

67 Pro praxi tamen Confessariorum addiderim, quod Abulensis notavit 9.36. istiusmodi desideria, etsi ex se lethalia sint, sæpe excusari à mortali propter vehementem passionem tempore afflictionis insurgentem, qua plena deliberatio præveniri solet, & causa apparere ma-

jor, quam re vera est in se ipsa. Potior tamen mihi est alia excusatio, quia isti non desiderant mortem nudè sumptam; sed bonam, & ratione sui optabilem: neque eam respiciunt præcisè ut terminum calamitatum suarum, ac si ad instar jumentorum morituri essent, oblitii immortalitatis; sed ut transitum ad vitam beatam, quam à Deo petere, ac sperare sunt assueti. Rari enim sunt, præsertim inter Christianos, qui optent mortem, nisi bonam, & qua mediante perveniant ad gloriam cœlestis patriæ, quam se adepturos supponunt ex Divina clementia, & bonitate. Neque enim se reprobos judicant; sed in partem fortis Sandorum computandos; nec, si id scirent, ullus esset adeò stultus, qui optaret præveniri mortem suam, & temporalem vitam, quantumvis afflictam, cum æterna morte commutare. Solent quidem isti affectus oriri ex ira, impatientia, desperatione remedii, defectu resignationis, nimio sui amore, aut alia venialia causa; sed ex morte sic concepta gravem malitiam non trahunt.

68 Addiderim præterea longè cautius mala temporalia peti, vel desiderari posse aliis, quam nobis metipsis, etiamsi id fiat intuitu boni spiritualis ipsorum. Nam cùm quilibet naturali propriæ inclinationis pondere sit ad se meliùs affectus, quam ad alios, minus periculi subest invidiæ, vindictæ, odii, alteriusve affectus pravi occultè moventis ipsum, cùm hæc mala sibi optat, quam cùm aliis, esto id agere videatur prætextu majoris boni. Scio, Azor, Cruz, Verricelli, & Trullenc locis antea consignatis indiscriminatim loqui de utrisque. Et hoc verum mihi est, quod quies obstatione, nimiave fragilitate subiecti, aut ex aliis circumstantiis personarum, vel locorum moraliter certum, aut quascertum supponitur, contraria bona ipsis fore, juxta ordinariam rerum cursum, occasionem periculosis rei incidendiæ, deterioris vitæ, aut damnationis saltem gravioris, ut sæpe semper contingit infantibus, qui apud Turcas adolescunt, & illis, qui apud hæreticos perveniunt usque ad annos discretionis. At verò cùm incertum nobis est, quidnam potius sit aliis profuturum ad istiusmodi damna devitanda, vivere, an mori, sanum esse, vel infirmum, divitem, aut pauperem, & ipsi licet possint esse in-

viti, noluntquē re ipsa subjacere dictis malis, sed habere potius bona opposita, longē alia videtur ratio. Et ideo tunc non licebit talia mala ipsis optare, nisi adjecta conditione, quōd ita oporteat ad illorum incolumitatem. Et sic sentiunt P. Suarez in *disso cap. 19. num. 5.* ac eum sequutus Layman *lib. 4. tr. 1. cap. 1. q. 4. concl. 3.*

69 Unde quamvis nobis liceat propter majus bonum nostrum, & profectum in virtutibus nolle habere dignitates, aut divitias, vel honores, seu magni nominis famam, immō optare mala eisdem opposita, non ideo licebit absolute velle ex eodem motivo, ut alii non contentientes, sed inviti, ac justē recusantes careant supradictis bonis, vel contraria mala perpetiantur. Juri enim nostro liberius cedere possumus, & longē melius agnoscere tam dispositionem, ac præparationem propriam, quā vocationem internam, quo ab iis bonis tanquam nocituris spiritali salutē removemur, & ad mala temporalia eisdem opposita tanquam magis profutura incitamur. Ceterum alieno juri cedere haudquaquam valeamus, ut salutē ipsius prospiciamus; neque adeo exactē cognoscere, quidnam ipsi plus expediat. Et propterea contra voluntatem proximi rationabilem, ac licitam malē ipsi desideramus calumnias, falsa testimonia, opprobria, paupertatem, aut statum vitæ ignobiliorem, vel privationes bonorum, quæ istis malis opponuntur, & quibus fortasse melius uteretur, cū alia valde impatienter, & iniquē toleraret. Quare satis non est, quod ipse possit ista mala sibi optare licitē, vel etiam mortem, intuitu majoris boni, ut ea nos illi absolute desiderare possimus; sed opus est, ut re ipsa hoc eodem desiderio teneatur, & propterea conformemur voluntati illius. Cū verō etiam potest licitē illa recusare, ac esse rationabili-

ter invitus, & est invitus de facto, disparitates adductæ ostendunt, ejusmodi desideria non esse opus charitatis erga ipsum, quidquid dicat in contrarium Granado *disso tr. 6. disp. 3. num. 3.*

70 In fine concludēs tandem (ne sophismate vulgari in hac materia impliceris) non licere nobis ea omnia facere, quæ desiderare licet. Desiderare namque possumus, non tantū agere; sed etiam pati: & se habentibus merē passivē quamplura accidere possunt absque peccato proprio, & alieno, quæ eisdem positivē cooperantibus sunt planē illicita. Quocirca licitē optamus, quod desiderabat Paulus, dissolvi, & esse cum Christo, vel pro ipso martyrium pati, quin propterea nobis liceat, ut talia bona assequamur, interficere nos ipsos. Quod à nullo fieri potest licitē, ut mentiri, aut dejerare, nunquam licitē desiderari valet, sive ab ipso, sive ab alio; sed sæpe evenit, ut quæ à nobis fiunt illicitē, fiant ab aliis justē, ac sanctē: & tunc, nisi quidpiam aliud obstet, ea desiderare possumus ex fine præponderante. Neque enim desideramus, ut fiant à quocumque, aut quomodolibet; sed ut fiant modo inculpato: nimirū ab eo, cui licet ea facere, aut jubere, ut fiant. Sic Clericis, aut privatis peccatum est malefactores occidere; non verō desiderare, ut id fiat, observatio juris ordine à iudice seculari. Sic is, qui votum emisit non ambiendi dignitates, illicitē illas procurat; sed non exoptat illicitē, ut ab alio sibi conferantur. Et sic demum cū Tyrannus, vel Rex alioqui legitimus tyrannicē gubernat Rempublicam, nefas est cum morti tradere; fas verō desiderare ejus mortem, vel de illo mortuo gaudere, quatenus necessarium est ad bonum publicum, ut inter permultos alios tradit Layman *lib. 3. sect. 4. nu. 17. notab. 2.* & Diana *p. 3 tr. 5. resol. 87. in fin.*

DISSERTATIO IX.

DE PRÆCEPTIS FIDEI.

Hujus subfelli sunt, inter damnatas, propositiones sequentes usque ad decimam octavam, & eas omnes complectemur unica dissertatione, quia non multum operosa est doctrina ipsarum, & ex principiis jam præactis facili, ni fallor, decidatur.

CAPUT PRIMUM.

Utrum fides cadat sub præceptum speciale, & secundum se?

Pars negans his verbis traditur proposit. 16. *Fides non censetur cadere sub præceptum speciale, & secundum se. Quis autem ita censuerit, non ita facile dignosci valet.* Acceptam esse quoad verba ex quibusdam thesibus Scholasticis Antuerpiæ defensis die 16. Aprilis anno 1674. haud immerito contendunt V Vilhelmus Sandæus in *confut. trium viror. fol. mibi 154.* & Specimen Theolog. manant. per Belgium p. 4. cap. 5. §. 1. Utrobique tamen additur, comprobaturque ex contextu, à delatoribus Belgis minds sincera fide fuisse detruncatam, ut eo pacto odiosior fieret. Expressè quoque haberi apud Thomam Tamburinum lib. 2. in Decalog. cap. 1. §. 1. num. 9. tradit Filguera in præfenti. Sed certe neque eisdem verbis habetur eo loci, uti ad expressionem erat necessarium, nec aliis manifestè æquipollentibus. Idque jam antea notarunt ab hac impostura Tamburinum vindicantes Sandæus *suprà fol. mibi 153.* & Lucius à S. Marco in *germana doctrin. Tambur. cap. 3.* nosque in simili adnotavimus *differt. 6. cap. 6.* quænam fuerit mens illius, & quod præceptum negaverit, completum solum, & determinatum jure Divino quoad tempus, & quoad alias circumstantias, an incompletum etiam, & indeterminatum?

2 Quod si res ad amissum expendatur, nemo potiori titulo debebat suscipere patrocinium doctrinæ Tamburini, quam Filguera, quia ipse tandem in eandem ipsam relabitur. Probat siquidem hac unica ratione, dari præceptum

Theolog. Reform.

speciale Fidei Divinæ, quia necessaria est necessitate mediæ ad salutem. At de fide hoc modo necessaria non negat Tamburinus præceptum per se, ac speciale determinatè exequendum, cum primum fuerint sufficienter propositi articuli ad ipsam attinentes; immò illud agnoscit eo num. 9. & 8. De ea parte fidei duntaxat, quæ necessaria non est necessitate mediæ, diserte loquitur, cum diffinitur præceptum per se, ac speciale ad virtutem fidei spectans. Porro de hac parte nil omnino probat ratio illius Auctoris, cum ad solam fidem restringatur, quæ necessaria est necessitate mediæ. Immo hoc ipsi Tamburinus attestat, quia expressè animadvertit, nos sæpissime obligari per accidens ad actus fidei exercendos ex vi præceptorum, quibus debemus elicere actus aliarum virtutum necessariò supponentes ejusdem fidei exercitium. Filguera autem de hac obligatione, quæ solius præcepti est, non verò mediæ, aut non meminit, aut admonere noluit, sed silere, quamvis maxime conducatur ad intelligentiam rei, de qua decernitur.

3 Cujus cujuscumque fuerit illa assertio, scandalosa est, & perniciosa vi minimum, sicut in decreto Pontificio jacet, & contra ipsam absolutè tueri debent omnes Catholici fidem Theologicam cadere sub præceptum speciale, & secundum se. Nam de hoc præcepto testatur satis apertè Joannes Apostolus *epist. 1. 3. 23.* hisce verbis: *Hoc est mandatum ejus: ut credamus in nomine Filii ejus Jesu Christi, & diligamus alterutrum, sicut dedit mandatum nobis.* Quo loci observandum est, eodem contextu, ac modo abinvicem independenter proponi nobis tanquam Dei mandata, ut credamus, & ut diligamus alterutrum, & utrumque ab Apostolo parificari. Atqui mandatum diligendi proximos

O 3 spe-

speciale, ac proprium est illius virtutis, ad quam ea dilectio spectat, scilicet virtutis charitatis. Ergo & mandatum credendi proprium erit, ac speciale virtutis Fidei: nam ipsius est credere, sicut charitatis est amare, atque poenitentiae poenitere. Porro praecepta credendi, & poenitendi eodem modo sunt à Christo imposita in ipso suae praedicationis initio Marci 1. 15. ibi: *Poenitemini, & credite Evangelio*. Quamvis enim in hoc loco nullum verbum esse videatur, quod expressè contineat vim praecepti; tamen pro ratione materiae, ac modo loquendi Christi sufficienter propositum intelligitur, ut notavit S. Thomas 2. 2. q. 22. art. 1.

4. Suaderetur secundò ex verbis Christi Joannis 14. 1. *Creditis in Deum, & in me credite*. Quae imperativa sunt, in illisque praeceptum contineri credendi in Christum, tradit Angelicus Doctor *ibidem* lect. 1. litt. B. Atqui hoc praeceptum non est alterius virtutis, quàm fidei: nam de solo actu credendi secundum se, & absque respectu ad alia opera ex praecepto debita, nobis injungitur. Ergo ex praecepto proprio, ac speciali virtutis fidei tenemur ad actum credendi in Christum propter se, ac ratione sui, & independenter ab eo, quòd per modum medii ad exercitium diversarum virtutum requiratur. Idemque dicendum erit de opere credendi in Deum, si loco illius verbis *credetis* supponatur hoc imperativum *credite* cum S. Augustino, Hilario, Chrysostomo, & omnibus Graecis Patribus, qui hoc modo legendum censent, & utramque fidem inibi imperari. Firmius tamen id deducitur ex Paulo ad Hebraeos 11. 6. ubi scribit: *Sine fide impossibile est placere Deo*. Rationem autem impossibilitatis non sumit ex necessitate fidei ad exequendum praecepta aliarum virtutum, v. g. spei, & charitatis, quibus homo fiat Deo placens quoad personam; neque ex eo, quòd sine fide nihil possumus mereri, aut impetrare a p̄de Deum, eisdemve placere quoad actiones complacentia positivè conducenae ad salutem, quamvis id foret verissimum; sed ex eo, quòd ipsa fides, praescindendo quovis alio, propter excellentiam suam necessaria sit, ac debita, ita enim immediatè subjungit: *Credere enim oportet accedentem ad Deum, quia est, & inquirentibus se remunerator sit*.

5. Arguo insuper. Quia nisi detur speciale praeceptum proprium fidei secundum se spectatæ, distinctumque à praeceptis aliarum virtutum per se, ac proximè ad fidem non pertinentium, consequens erit non dari ullum speciale peccatum fidei contrarium, ut distinctè à reliquis. Nam speciale peccatum contra quancumque virtutem necessariò praesupponit speciale illius praeceptum, & cum actus aliquis studiosus non est debitus ratione sui, sed solum ratione alterius speciei distincti, peccatum, quod illius praetermissione committitur, non refertur, nisi ad speciem vitii oppositam illi actui, ratione cujus debetur. Dubitari igitur non potest, ex doctrina adversariorum hoc consequens rectè inferri. Quòd verò sit absurdissimum, & nullo pacto ferendum, ex eo constat, quia infidelitas, haeresis v. g. aut Judaeismus speciale peccatum est fidei contrarium, & propterea id habet peculiare ex Tridentino *sess. 6. cap. 15.* ut habitum fidei destruat. Nec dubium, quin haeresis, aut apostasia à fide eidemmet fidei directè, & immediatè repugnent, quin spectandum sit aliud praeceptum, vi cujus abstinere ab illis debeamus, quasi liberum esset positivè dissentire rebus fidei, cum non est alia prohibitio vetans infidelitatem.

6. Ad hæc, non sola infidelitas, qua fidei rectè propositæ voluntariè contradicuntur, verum etiam incredulitas in Sacris litteris proponitur ut peccatum privans vitam æternam, & sub his terminis de fide est, eos damnari, qui non credunt. Damnari autem non contingit absque peccato mortali, nec peccatum mortale absque praecepto. Quòd verò hoc praeceptum sit speciale, ac proprium fidei, non verò alterius virtutis ab ea diversæ, satis perspicuè monstratur ex eisdem Scripturae textibus, ubi non credere secundum se, & absolute pro causa sufficiente damnationis assignatur independenter ab eo, quòd non credendo transgrediamur alia Divinae legis praecepta. Joannis 3. 36. aiebat Christus: *Qui incredulus est Filio, non videbit vitam, sed ira Dei manet super eum*. Et ver. 18. praemisera: *Qui non credit, jam judicatus est, quia non credit in nomine Filii Dei*. Marci 16. 15. *Predicate Evangelium omni creaturae. Qui non crediderit,*

condemnabitur. Explicatur. Nam ex similibus verbis Sacra pagina colligi solent præcepta specialia, & propria orationis, iustitiæ, virtutumque aliarum: & nisi hoc fiat, proclive erit ea inficiari, & omnia tandem reducere ad unicum præceptum charitatis: omnia namque charitati famulantur, & ipsa est finis aliorum, atque plenitudo legis.

7 Sed obiiciunt. Præceptum speciale, ac proprium virtutis fidei non datur de his ejus actibus, qui sunt necessarii ad salutem necessitate mediæ, nec de his, qui isto modo non sunt necessarii. Ergo de nullo actu fidei datur præceptum speciale. Antecedens quoad primam partem inde patet, quia præceptum obligans ad finem consequenter obligat ad media, quibus opus est ad illum consequendum; neque alio præcepto est opus ad ea eligenda, præterquam eo ipso, quo ad eundem finem tenemur. Præceptum autem procurandi vitam, salutemque æternam non est proprium, aut speciale fidei; sed charitatis erga nosmetipsos, vel, si mavis, erga Deum. Non igitur ex fide, sed ex charitate obligabimur ad actum fidei, quatenus per modum mediæ est nobis ad salutem necessarius. Quoad secundam verò partem idem ferè reddit argumentum. Quia actus fidei non est necessarius necessitate præcepti, nisi quatenus eo est opus ad præcepta aliarum virtutum, prout oportet, observanda. Quocirca ut species malitiæ, quam contrahit omisio fidei, Theologicè discernatur, non est inspiciendus actus ipse secundum se, ac seorsim (nam ut sic pro tunc nec est necessarius, nec præceptus) sed attendi debet, unde oriatur necessitas eliciendi ipsum ad evitandum peccatum.

8 Nam, si necessarius sit ad cultum Numinis ex præcepto religionis per se debitum, malitia omittendi illum soli religioni erit contraria. Si ad spem, aut contritionem, contraria erit ei præcepto, unde incumbit horum actuum obligatio. Si ad resistendum gravi alicui tentationi, v.g. contra castitatem, fidei obligatio ex castitate sumetur, & ita in reliquis malitia omissionis ad illam speciem vicii pertinebit, pro quo pugnabat tentatio. Cujus signum est, quod ibi non datur duplex peccatum specie distinctum, aliud con-

tra fidem, aliud contra castitatem; sed unicum soli castitati oppositum, & præcepto illius contrarium. Sumere enim debebamus in eo conflictu *scutum fidei*, in quo possemus omnia tela nequissimi ignea extinguere, ut ad Ephesios 6. 16. scribebat B. Paulus, ac resistere fortis in fide ex 1. Petri 5. 9. Et quia id non fecimus, cum videretur medium moraliter necessarium, contra castitatem deliquimus; sed præcepta propria fidei non violavimus.

9 Difficile primo aspectu est hoc argumentum; sed retinenda nihilominus assertio tradita, quam certam, & communem Theologorum etiam ante Innocentii decretum appellaverat Suarez *disp. 13. de Fide sect. 2. num. 3. Certissimam* verò apud omnes Theologos, & Canonistas Josephus Rocaful in *praxi Theolog. moral. 3. p. lib. 3. num. 27. fol. mibi 177.* Et professio, cum ex Biblia, seu volumine legum sacerdotum adeo convincenter cognoscitur, ibi extare istud mandatum, esseque speciale, ac proprium fidei, non parvè temeritatis foret detrectare id ipsum ob conjecturas extrinsecas, quæ prævalere non possunt contra claritatem facti. Ut autem illæ extricentur, recolenda sunt, quæ cum Azorio proponebamus jam pridem *dissert. 6. num. 42.* scilicet actum credendi bisariam considerari. Primò ut peccati remedium, sive ut medium necessarium cuius adulto ad salutem, vel ad veniam impetrandam, vel ad alia opera exequenda, quæ absque fide, prout oportet, nunquam exerceri valent. Secundò, ut est actus specialis nobilissimæ virtutis, qua intellectum nostrum captivamus in obsequium Dei, aut Christi, & primæ veritatis, quamvis obscure loquenti, plus deferimus, quàm cuius alii, credentes absque formidine oppositi, vel metu cuiuscumque falsitatis. Porro argumentum propositum ad summum posset probare, fidem sub prima inspectione, & quatenus est medium præcisè, non cadere sub præceptum sibi proprium, ac speciale; sed ex fine suo æstimandam esse. Quod verò sub posteriori, atque ut est actus excellens, pars iustitiæ, & fundamentum totius vitæ Christianæ, aut præcipi non potuerit, aut non fuerit nobis præcepta de facto quoad speciem, & exercitum, neque inde suaderi potest, neque censeri probabile.

10 Propterea negandum est antecedens argumenti quoad utramlibet sui partem. Quoad primam, quia potius probat contrarium, & inductione constat, dari præcepta specialia affirmativa, & negativa de his omnibus virtutum actibus, qui necessarii sunt necessitate mediæ ad salutem, ut de actu spei, orationis, dilectionis Dei, ac cæteris. Quippe non sunt purè media, quemadmodum potio amara, cujus nulla est æstimatio, nulla bonitas, nisi relativa ad finem sanitatis; sed secundum se, ac ratione sui propriam excellentiam habent, ex vi cujus possunt expeti, & imperari, sicut potio dulcis, independenter ab eo, quod hic, & nunc sit medium necessarium ad corporalem salutem obtinendam, aut recuperandam. Quoad secundam verò, quia falsum est omnino, actum fidei nunquam esse necessarium necessitate præcepti, nisi præceptum ipsum sit extraneum à virtute fidei, & non ex ipsa proximè, ac directè oriatur obligatio illius; sed ex debito exercendi aliam virtutem, aut consequendi alium finem, qui absque fide minime obtineri valeat. Non inficior, hoc sæpè saepius contingere, ut exemplis ibi adductis, & aliis passim obviis demonstratur; sed ea non probant, fidem semper esse necessariam necessitate præcepti alieni, cum necessaria esse possit etiam necessitate præcepti sibi proprii, ac specialis, & hoc modo interdum necessariam esse ex Sacris literis, & vniiformi consensu, tam Patrum, quam Theologorum, liquidò ex præmissis patet.

11 Unde, cum speciale præceptum credendi simul concurret cum speciali alio præcepto, quod sine actuali fide nequit observari, actus fidei necessarius erit necessitate duplicis præcepti, nimirum proprii, ac alieni. Et illius omisio duas malitias contrahet specificè diversas, alteram contra præceptum affirmativum credendi, quod per se, ac ratione sui tunc obligare supponitur; alteram contra illum finem, quem tunc temporis mediante fide procurare tenebamur, & à quo sponte deficiamus præmittendo medium necessarium ad consequutionem ejus. Cum verò credendi actus necessarius non est ratione sui, quia fortè paulò antea credidimus, & speciali præcepto affirmativo fidei satisfecimus, tunc valde probabile est, & communiter

receptum ab Auctoribus, quibus nos sæpius subscripsimus, fidei omisionem non esse duplex peccatum, nec speciale contra fidem; sed id ipsum, quod committitur deficiendo ab illo fine, propter quem actus credendi reddebatur necessarius, cum alioqui esset indebitus. Videantur, quæ dixi in simili *dissert. 6. num. 27. & num. 40.*

12 Verumtamen hæc doctrina non est usque adeò certa, ut opposita sua probabilitate destituatur. Dici enim posset, præceptum speciale fidei etiam in eo casu obligare ad actum credendi, quamvis non per se, & independenter à quovis alio præcepto; sed per accidens, & occasione accepta ab alia extrinseca necessitate, per quam necessitas fidei nobis proximè innotebit. Nam sicut virtutes ipsæ, quantumvis specie distinctæ, sunt mutuo inter se connectæ, ita etiam præcepta illarum, seque invicem confortare possunt, atque in suis officiis adjuvare: sicut fortitudo martirum suis præceptis adjuvat illorum fidem ad sustinenda tormenta. Et quamvis fidei necessitas hic, & nunc non suboritur ex sola virtute fidei, sed ex accidenti aliquo extrinseco; illo tamen præsupposito, fides est, quæ cum actum imperat, & occasione inde accepta propriam ejus bonitatem tanquam sibi propriam exerceri curat. Unde tunc fidei exercitum non tantum videtur debitum ratione necessitatis extrinsecæ, & ut medium purum omni destitutum bonitate, præterquam relativa ad illum finem; sed ut actus per se excellens, ac Deo placens immediatè, quem propterea Deus instituit in remedium, ac subsidium prædictæ necessitatis. Vide, quæ supra scripsimus ex mente P. Azor. *ea dissert. 6. num. 45.*

C A P U T I I

An sit satis actum fidei semel in vita eligere?

13 **I**D satis esse pronunciat absolutè; & indistinctè 17. proposito inter damnatas, non discernens, cui sufficiat, nec quando, neque ad quem effectum; sed omnia inter se confundens. Quare meritò damnari debuit ut regula perniciose impunitatem promittens multis, & in multis casibus, ubi nulla est excusatio, & nulla propterea

impunitas. Et quidem, si non tantum illis, qui fidem semel acceptatam retinent, id sufficere putetur, verum etiam omnibus absque discrimine (nullum enim ibi traditur) assertio longè plus quam scandalosa, & in praxi perniciofa reputari valuit. Constat enim, eos, qui crediderunt, si postea fidem retractent, ut Lutherus, aut Calvinus, novo actu fidei indigere, ut Ecclesiae iterum reconcilientur, quin eis prosit semel, aut multoties ante lapsum credidisse. Abolita namque fuit anterior fides per sequentem apostasiam perinde, ac si nunquam fuisset, & ideo novis actibus instaurari debet, ac denuò reedificari fundamentum antea dirutum, ut vitæ spiritualis edificium ipsi superponi valeat, & ex suo intrinseco initio, atque radice inchoari melioris vitæ institutio.

14 Quare, ut thesi illa fieret vel in speciem tolerabilis, hoc saltem addendum erat, satis esse semel credidisse, & fidem non retractasse. Verumtamen neque id sufficit. Nam, si satis esset actum fidei semel elicere in vita, & nil aliud à nobis postulatur, licet differri posset usque ad mortem talis præcepti exequutio, quia ad credendum semel id est satis, & cætera arbitrio nostro in eo casu relinquuntur. Consequens autem esse *valde absurdum* merito dixit Suarez *disputat. 13. de Fide. sect. 5. num. 4.* & oppositum certissimum vocat ex omnium mente Leander à SS. Sacramento *part. 1. in Decal. tract. 2. de Fide. disputat. 2. quæst. 38.* quia esset contra institutionem rectam vitæ Christianæ ejus initium, ac basim differre usque ad illud tempus, in quo jam deficit locus ad exercitia virtutum. Rogo præterea, ad quid sit satis semel credidisse in vita? An ad non peccandum omissione novi actus credendi? Id utique sonat propositio. Sed certissimum est, omittendo opera fidei frequenter delinqui graviter, saltem contra alia præcepta, quæ non possunt observari absque ejusdem fidei ductu. An ad non peccandum adversus præceptum proprium, ac speciali fidei? Sed id discerni debebat, & thesi proscripæ adjungi. Nam illa, ut jacet, non loquitur de præceptis obligantibus ad fidem; sed de actibus, neque distinguit inter obligationem credendi per se, aut per accidens; sed absolute pronunciat, unicum dum-

taxat fidei actum satis esse in tota vita.

15 Quocirca ut hujusce obligationis modus, tempus, ac subjectum assignetur, & ab incertis certa secerantur, præ oculis haberi debet illa duplex obligatio Fidei Divinæ exercendæ, cujus paulò antea meminimus: alia scilicet, quam vocant per se, & ratione ipsiusmet fidei; alia, quam vocant per accidens, seu ratione alterius finis postulantis usum ejus. Nam alterutro ex his modis nos ad exercitium fidei non semel, sed sæpè sæpius decursu vitæ obligari, indubitatum videtur. Neque enim adultis sufficit in vita semel orasse, semel sperasse, semel dilexisse, aut semel coluisse Deum; sed pro variis occurrentiis oportet frequentare hos ipsos actus, & Christianos mores exercere. Porro istiusmodi virtutum exercitium absque usu fidei non datur, atque adeò illa ipsa præcepta affirmativa, quibus ad ipsum contrahitur, etiam obligant ad fidem exercendam. Utrum autem pro tunc obliget simul speciale præceptum credendi quasi in subsidium, ita ut omissione fidei duplex gravis malitia contrahatur, altera contra præceptum fidei, altera contra eam virtutem, quæ actum fidei præexigebat, in utramvis partem disputari valet, ut proximè antea indicavimus. Sed quidquid circa hoc dicatur, ad præsens institutum parum refert. Quia, undecumque oriatur obligatio, semper ratum, firmumque manebit, actum fidei sæpè sæpius esse à nobis renovandum, quin sufficiat credidisse semel.

16 Jam verò si sermo sit de obligatione credendi per se primò, ac ratione ipsiusmet fidei, adhuc affirmari debet, illam non finiri unico actu; sed cum in diuturna vita sæpius frequentandum esse propter excellentiam suam, quamvis demus, aliam extrinsecam necessitatem occurrere, quæ ipsius exercitium exigit. Nam, si satis non est semel orasse, semel sperasse, aut semel amasse Deum; sed præcepta specialia harum virtutum perniciosam istam negligentiam remouent, & obligant ad suos actus frequentandos, quin pariantur eorum usum multo tempore differri, cur, quæso, aliter sentire audebimus de eximia virtute fidei, cujus actus omnes alias præire debet? Utique si hoc ita erat, proclive fiet, aut negare fidei speciale præceptum, quod Pontifex Innocentius se-

Paratim condemnavit *proposit.* 16. aut asserere, illud non obligare in tota vita, quod iam antea reprobatum fuit *proposit.* 1. ab Alexandro VII. Quippe semel credidisse necessarium est necessitate mediæ ad salutem, atque eo titulo præceptum: unde istiusmodi obligatio, si tergiversari licet, facile posset resciri, non ad fidem, sed ad solam charitatem erga Deum, aut erga nosmetipsos, ex vi cuius salvationem nostram per media congrua procurare tenemur. Non ergo ad eum unum actum opus esse videretur præcepto speciali fidei; sed satis esset præceptum charitatis. Atque neque ad alios fidei actus eo opus erat, cum primus ille satis esse censeatur, & reliqui sint indebiti ex præcepto proprio fidei. Igitur illud velominò removendum foret, ut superfluum, vel si datur, adeò ignavum esset, ac imbelles, ut in tota vita, etiam longissima, nunquam obligaret ad suos actus eliciendos.

17 Egitur supra ex professo *dissert.* 6. *cap.* 1. & deinceps de speciali obligatione diligendi Deum plusquam semel, & ostendimus, ei non satisfieri, quamvis singulis quinquenniis dilectio repetatur, idque certum esse duximus variis rationibus, favente iussu Pontificio decreto, ubi oppositum merita censura inuritur. Addidimus præterea, licet jure naturali, vel Divino non sic designata in individuo certa temporis mensura, v.g. menstrua, aut annua, neque certa multiplicitas actuum, puta decem, aut viginti, quibus huic obligationi satisfacere adstringamur; nihilominus ad id constingere, ut non multum differatur horum actuum repetitio, ex.g. ultra annum. Sed iudicio Ecclesiæ relinquendum esse (aut, cum illud deficit, prudenti arbitrio) vel quæ sit longa dilatio, ut capropter prohibita censeatur, vel quæ nimia repetitio, ut sub præcepto mandetur.

18 Quæ autem de hoc præcepto diximus, communia sunt omnibus aliis sub eadem forma præscriptis, & servata proportionem accommodari debent præceptis spei, ac fidei. Neque enim Deus de sola nobis dilectione mandavit, ut alia non requiramus, ait sapienter S. Augustinus *tract.* 83. in *Joannem*, in hæc immediatè scribens: *Tria certè commendat Apostolus dicens: Manent autem fides, spes, caritas, tria*

*hæc: major autem eorum caritas. Et si in caritate, hoc est, in dilectione concluduntur duo illa præcepta; major tamen dilectio est esse, non sola. De fide igitur nobis quàm multa mandata sunt, quàm multa de spe, quis potest cuncta colligere, qui enumerando sufficere? Quocirca, cum innominati quidam dixissent, esse probabile, postquam aliquis habuit primum speciem actû, non teneri ad reiterandum illum; sed satis esse, si eum non retractet, id aperte falsum dixit plus quàm centum ab hinc annis M. Aragon *tom.* 1. in 2. *quest.* 22. *art.* 1. fol. mibi 476. *column.* 1. & post ipsum Thomas Sanchez *lib.* 2. in *Decalog.* *cap.* 33. *num.* 2. Fagundez, & alii, quos laudat Leander *suprà tract.* 3. *disp.* 2. q. 4. existimans esse certum.*

19 Unde neque verè, neque consequenter processisse videtur idem Aragon; cùm docuit ibi *quest.* 2. *art.* 6. *verf.* *Cæterum.* fol. 142. *column.* 1. *postquam aliquis semel actu credidit, non teneri amplius actu credere, nisi cùm adest necessitas constendi, & protestandi fidem; in aliis autem casibus satis esse habitum, & animi præparatione credere.* Etenim cùm longè ampliore obligandi vim attribuat præcepto speciali spei, & aperte falsum iudicet, illud non obligare nisi semel, idem consequenter debuit dicere de præcepto fidei, quæ est *servandam substantiam rerum.* Quare præfatam doctrinam ut absurdam, singularemque reject P. Sanchez *eo lib.* 2. *cap.* 1. *num.* 2. & meritò, quia inde fieret, seclusa necessitate per accidens contingente, præceptum speciale fidei internæ per se primò solum obligare semel. Per accidens enim est, quod fortè occurrat necessitas protestandi exterius fidem, & innumeri sunt, quibus nunquam contingit talis necessitas, adeoque omnes illi satisfacerent præcepto interiori fidei semel dumtaxat credendo. Immo & reliqui, quamvis in ea occasione constituti supponantur. Nam obligatio eliciendi actum interioriorem fidei (si qua datur in eo eventus) neque per se, neque per accidens oritur ex præcepto speciali fidei internæ; sed ex præcepto constendi exterius fidem, quod tunc urgere supponitur, & absque actu interno fidei sincerè observari nequit. Quare id dumtaxat violatur talis actum omittendo, & sola transgressio illius

illius exprimenda est in confessione, ut fert communis sententia, quam suprà in simili pluries attigimus, maxime à num. 7. & specialiter pro hoc casu traditur cum Gregorio de Valentia à P. Sanchez in dicto cap. 1. nu. 3. vers. *Quintum tempus*.

20 Propter ea placere nequeunt Vincentius Candidus *disquis.* 24. art. 24. dub. 25. & alii affirmantes, hoc præceptum vi sua solum obligare ad repetitionem suorum actuum, cum fideles graviter vexantur tentationibus contrariis fidei. Ratio autem, cur id non placet, præcedenti est plane similis. Tum quia exinde sequeretur, per se solum obligare semel, nam quod graves illæ tentationes incidant, per accidens est, & multi eas non patiuntur, nec B. Virgo illas habuit, dum fuit in mortali vita. Tum quia licet scutum fidei sit medium valde conducens ex dictis num. 8. ad tentationes vincendas contra quamcumque virtutem, & propter ea optimè faciant, qui exercitio fidei ad resistendum se diligenter fortificant, plerumque non est medium adeo necessarium, ut sub præcepto determinatè debeat: resisti namque potest aliis mediis, v. g. sese divertendo ad alias occupationes externas, aut avertendo mentem ab iis cogitationibus, unde tentatio confurgit. Tum deum, quia esto usus fidei sit aliquando medium determinatè necessarium ad vincendas tentationes contra fidem, obligatio ista non spectabit ad præceptum affirmativum fidei internæ, de quo in præsentem tractamus; sed ad negativum semper, ac pro semper obligans ad non dissentiendum fidei.

21 Sed neque approbari potest, quod scribet Leander *suprà trad.* 2. *disputat.* 2. q. 41. *probabilis esse, quod præceptum positivum, & affirmativum fidei per se, & ex vi sua, ac natura solum obligat ad eliciendum ejus actum eo tempore, quo fides alicui primùm sufficienter proponitur.* Quia, etsi verissimum sit, ac communiter receptum, pro illo tempore obligare adultos antea infideles, immò & pueros etiam baptizatos, cum ad eam ætatem pervenerunt, in qua moraliter possint capere, quæ proponuntur, nullo pacto admitti debet, solum obligare eo tempore per se, atque ex natura sua. Moveor. Quia probabilis non est, præceptum diligendi Deum

per se semel tantum obligare invita, vel differri posse ultra quinquennium executionem illius, ut constat ex damnatione propositionis 5. & 6. quas suo loco declaravimus. Ergo neque erit probabile aliter philosophari de præcepto proprio fidei, virtutis adeo excellentis, & adeo placentis Deo propter suam honestatem, ac bonitatem intrinsecam, ut sit pars valde præcipua totius vitæ salutaris, ac fundamentum illius.

22 Quoto autem tempore licitè differri possit, seclusa necessitate accidentali, & extrinseca, repetitio actuum ipsius, minus exploratum est, ut antè prænotabam, quia præceptum ejus determinatam moram non præscribit. Constat tamen, primum ejus actum, aut nullo, aut valde exiguo tempore differri posse, cum illa sufficienter proponitur, quia id tempus esse opportunissimum omnium ad inchoandam novam vitam, jaciendumque fundamentum, sine quo non est possibile Deo placere, satis patet ex ipsis rerum naturis: Idque prudenti, ac cordato omnium Theologorum judicio adeo receptum est, ut solum controvertant, utrum urgeat ea obligatio in eo instanti metaphysico, quo fides primùm sufficienter proponitur, vel potius in morali permittente scilicet aliquam morulam; sed adeo brevem, ut moraliter loquendo dici possit, illum statim credidisse, de quo videndus Leander *ubi proxime quæst.* 34. Constat insuper ex illis, quæ de præcepto charitatis per se obligante dicuntur, quinquennalem dilationem vacantem ab usu fidei esse nimis longam, ac valde imprudens arbitrium permissivum ejus; sed intra hosce terminos quidam plus spatii permittunt, puta duorum, triumve annorum; alii verò longè minus.

23 Mihi autem in re arbitraria maxime placent, qui dicunt, præceptum speciale fidei saltem semel obligare per se, atque natura sua quovis anno ad exercitium illius. Ita Petrus de Ledesma in *summa tom.* 2. c. 8. *conc.* 4. affirmans, sibi esse certum, cum peccatur mortaliter adversus istud præceptum, qui ab opere fidei interno tam longo tempore otiares. Accedit Petrus Hurtado *disputat.* 93. *de Fide.* num. 5. & qui utrumque refert, & non improbat, Diana *part.* 5. *trad.* 13. *resolut.* 29. Ecclesia utique tantundem spatii præscri-

scripsit ad adimplenda præcepta Divina Confessionis, atque Communionis : & in ordine ad præceptum diligendi Deum communior Theologorum opinio idemmet anuale spatium per se assignare consuevit : neque respectu Orationis moram ulterio-rem patitur, & quibusdam nimis desidio-sa apparet ejus procrastinatio ultra duos menses, ut jam alibi annotabam . Non videtur autem permittenda per se protra-ctor dilatio credendi, quam deprecandi, siue dignitas ipsorum actuum attendatur, siue specialis utilitas, siue communis ne-cessitas exercendi ipsos ad componendos mores nostros juxta exigentiam Catholicæ religionis, quam per modum status pro-figitemur . Nam justus ex fide vivit, & abs-que illa multò minus potest à morte susci-piari injustus .

24 Pro praxi tamen observa ex P. Suarez *dicta disp. 13. de Fide. sect. 5. num. 6. ante fin.* & M. Joanne à S. Thoma q. 1. *de Fide. dis-put. 4. art. 2. vers. Circa tempus*, non esse, cur sint fideles admodum scrupulosi, aut solliciti circa determinatum, ac præcisum tempus, ultra quod differri nequit exerci-tium actuum fidei semel habitæ . Quia regulariter omnes illud præveniunt, & non jam semel in anno, sed multoties intra ipsum illos repetere solent, siue orando Deum in suis tribulationibus, siue recitando symbolum Apostolorum, siue actus spei exercendo, siue resistendo tentationibus, siue eliciendo attritionem, aut actum contritionis de peccatis, siue frequentando Sacramenta, siue sese dis-ponendo in periculo mortis, aut articulo ad ea ritè suscipienda, & ad moriendum in gratia . Hæc namque omnia, atque alia id genus, quæ passim in vita occurrunt, absque usu fidei actualis regulariter non fiunt ; sed actum ejus supponunt, & que-dam aliter non possunt fieri . Fiunt autem sæpè sæpius omnia, vel aliqua illorum intra annum à quocumque adulto, qui se Christianum agnoscit, & non est penitus immemor alterius vitæ, & status, re-ligionisque, quam profitetur . Ubi autem opera fidei absque magna interruptione exercentur, jam cessat determinata, ac præcisa hujus præcepti obligatio, eique fa-tista actum creditur anticipata exhibitione actus adjuncti, & ex tunc incipit computari novus annus ad non differendum illum .

25 Monēocandem, actum fidei, ut ne-cessarius est necessitate mediæ ad justifica-tionem, & salutem, per se non deberi tot vicibus, quot debetur, quatenus est ne-cessarius sola necessitate præcepti . Nam necessitate sola præcepti proprii, aut al-terius virtutis, ut constat ex antea dictis, frequentissimè debetur . At verò neces-sitate mediæ, atque præcepti simul solum debetur, cùm urget obligatio procurandi finem ipsum justificationis, ac salutis, cu-jus obtinendi intuitu requiritur, & man-datur sub præcepto . Unde justus, qui per multos annos non est sibi conscius ullius peccati mortalis, non tenetur repetere actū fidei, ex. g. erga Deum ut remuneratorem, considerando eum actum remedium recu-perandæ salutis : nam remedia non sunt ne-cessaria, ubi deficit infirmitas : & necessitas mediorum, prout præcisè media sunt, ex necessitate finis mensurari debet . Nec pro-pterea possum approbare, quod absolu-tè, & indistinctè legitur apud Tamburi-num *lib. 2. in Decalog. cap. 1. num. 3. & 8.* scilicet ut necessitati mediæ satisfiat, & præcepto propter ipsam superaddito, satis esse credidisse semel ea mysteria, quo-rum fides tali titulo debetur . Quippe ne-cessitas finis mediante ea fide obtinendi, non semel in vita occurrit fidelibus adul-tis ; sed sæpè, & toties, quoties gratia semel habita, per peccatum denuò amittitur, & iterum recuperari debet . Urgente autem de novo necessitate comparandi finem gratiæ, ac gloriæ tunc deperditæ, nova itidem re-currit necessitas, & obligatio instaurandi il-la media, sine quibus recuperari non potest, sicut nequit primum obtineri . Videatur Azor *p. 1. institut. moral. lib. 8. cap. 7. q. 6. & cap. 27. q. 8.* Quo autem pacto tam peccato-res, quam justi debeant in mortis periculo fidem suam renovare, servata proportionē, accipi debet ex iis, quæ circa obligationem diligendi Deum eo tempore *dissert. 6. cap. 4.* præmisimus .

C A P U T I I I.

De præcepto non tacendi, sed confitendi suam fidem, si à potestate publica quis interrogetur .

26 **C**ontendebat decima octava propo-sitio inter damnatas, taciturnita-tem

rem in hoc casu per se non esse peccatum, & externam fidei confessionem in illis circumstantiis non tam esse opus præcepti, quam consilii: ita enim habet: *Si à potestate publica quis interrogetur, fidem ingenuè confiteri, ut Deo, & fidei gloriosum consilio; tacere, ut peccaminosum per se non damno.* Desumpta est autem ad litteram ex thesibus Antuerpiæ defensæ die 16. Aprilis anno 1674. præside P. Arnolfo Marchanti Minorita docto, prout refert VVilhelmus Sandæus in *confus. trium viror. fol. mibi 161.*

27 Fundamentum ejus esse potuit, quia silentium per se nihil significat; sed ex circumstantiis occurrentibus interpretationem sumit. Non videtur autem in eo eventu taciturnitas fumenda pro denegatione fidei: nam si illam negare vellet, expressis verbis id facere posset, & ita tormenta effugere, quæ à Tyranno interrogante non respondentibus imminet. Sed neque tunc silentium denotare potest vitiosam erubescientiam propalandi fidem suam, aut aliquem contemptum ejus, quia id potest merito attribui metui acerbe mortis, ac fragilitatis suæ, qui in vitum constantem cadit, & forsasse erit occasio deserendi eandemmet fidem, si illam palam fateatur. Ergo per se loquendo nulla est ratio accipiendi in malam partem taciturnitatem ejus, nisi ex novis circumstantiis per accidens occurrentibus sumatur aliud indicium. Quod etiam in fuga accidit, quia non semper est peccatum, aut argumentum malæ fidei fugere à persequutoribus Ecclesiæ; sed sepè licet se occultare, ne ab ipsis interrogari, & excruciaci possimus.

28 Auget difficultatem, quia non cui-libet interroganti debemus manifestare directè veram fidem, quam in corde gerimus, & *quisquis fortè se ingesserit, & provocaverit nos dicere, quæ cum minùs rectè agentem non oportet audire, prudenter cum debemus eludere, ut expressis verbis traditur à S. Clemente Papa, & Martyre epist. 3. ante fin. & refertur in cap. In mandatis. 2. distinct. 43.* Atqui Tyrannus ille sic se habet, nam judicialiter interrogando malè agit, & ea interrogat, quæ ei non expedit audire, cum idèò inquirat, ut in odium fidei noceat, tam respondentem, quam sibi. Non ergo oportet respondere ipsi directè, & prolicere margaritas ante

porcos adversus præceptum Christi, quod etiam Pontifex inibi expendit; sed cum potiùs prudenter eludere, sive silentio, seu verbis: nam, cum illud non est satis, etiam verba elusoria ibi permittit. Prudentiæ utique est, nolle manifestare fidem nostram privatis investigantibus, utrum Catholici simus? Eosque licetè contemnere possumus, respondendo: *Quid tua interest?* Atqui de persona publica eadem videtur ratio, cum interrogando potestatem sibi indebitam usurpet, & maxime si Rex proprius non sit; sed Tyrannus, aut extraneus, vel si privatim interroget, sicuti Pilatus Christum, qui sepiùs nihil respondit; sed ad instar agni siluit.

29 Statuendum nihilominus est per modum regulæ contradictorium propositionis exhibitz, & damnandi, qui non damnant ut per se peccaminosum tacere, & non profiteri fidem, dum à potestate publica fidelis de sua fide interrogatur, sive ille sit Rex, seu Tyrannus, sive Hæreticus, sive Gentilis, seu quicumque alius Catholicæ religionis persecutor. Ita Pontifex declarat in præfenti, & ante declarationem ipsius extra controversiæ aleam videbatur, ut eximie prænotavit P. Franciscus Suarez, & ipse Doctor Eximius lib. 6. contra Regem Angliæ. cap. 9. num. 25. ubi de istiusmodi assertionem sic scribit. *Communis est Theologorum cum D. Thoma 2. 2. q. 3. art. 2. ubi Cajetanus, & omnes moderni expostores non solum consentiunt; sed etiam tanquam certum dogma illud tradunt. Nam licet aliqua controversia sit, an qualibet interrogatio sufficiat (quæ ad præsens non refert) tamen cum interrogatio est à publica potestate, nullum est dubium de obligatione consistendi fidem, quia tunc maxime imminet necessitas honorandi Deum, & Christianam religionem, & ideo qui tunc tergiversatur, subtrahit Deo debitum bonorem, & verè Christum erubescit.*

30 Accepere autem Scholastici hanc doctrinam, tum ex praxi, ac usu primitivæ Ecclesiæ martyrum historiis comprobato, tum ex SS. PP. qui silentiarios istos vehementer exagitant, & speciatim S. Augustinus relatus in cap. Quisquis. 80. 11. quæst. 3. ibi: *Quisquis metu cujuslibet potestatis veritatem occultat, iram Dei super se provocat, quia magis timet hominem, quam Deum.* Et post pauca: *Uterque reus est,*

est, & qui veritatem occultat, & qui mendacium dicit: quia & ille prodesse non vult, & iste nocere desiderat. S. Cyprianus in lib. de lapsis. his præter cetera: Christus in præceptis suis dicit: Qui confessus me fuerit coram hominibus, confitebitur eum filius hominis. Et Christianum se putat, qui Christianus esse confunditur, aut veretur? Quomodo potest esse cum Christo, qui ad Christum pertinere, aut erubescit, aut metuit? Latè, & optimè S. Chrysostomus homil. 25. imperf. in Matth. unde excerpto pauca ista: Sicut Sacerdos debitor est, ut veritatem, quam audiuit à Deo, liberè prædicet: sic laicus debitor est, ut veritatem, quam audiuit quidem à Sacerdotibus probatam in Scripturis, defendat fiducialiter. Quod si non fecerit, proditor est veritatis. Corde enim creditur ad iustitiam, ore autem confessio fit ad salutem. Ac demum S. Ildorus lib. 2. sentent. cap. 2. ibi: Sicut nihil proficit fides, quæ ore tenetur, & corde non creditur, ita nihil est profutura fides, quæ corde tenetur, si ore non proferatur.

31 Suffragatur etiam ratio. Quia in illis circumstantiis perinde esset occultare fidem silentio, ac negare iudici se esse Christianum, vel erubescere Christum, & præ timore humano exterius dedignari discipulatum ejus, atque servitutem. Est autem grave piaculum quodvis istorum admittere, atque in Divini honoris detrimentum cedit, ut etiam in humanis contingit. Negare siquidem se esse Christianum, servum Christi, vel discipulum, tantumdem valet, ac negare Christum, ut circa externam B. Petri negationem ex professo demonstrat Augustinus tract. 118. in Joannem. Indubitatum est autem, eos gravissimè peccare, qui, etsi in corde rectè sentiant, exterius abnegant Christum, Matthæi 10. 33. Qui negaverit me coram hominibus, negabo & ego eum coram Patre meo. Neque quidquam refert in proposito, quòd negatio sit tacita, aut expressa, interpretativa, vel formalis, quia taciti, & expressi eadem est ratio, quoties effectus est idem.

32 Et quamvis erubescere Christum minus esse videatur, quam negare, non enim tantùm, qui negat, sed etiam, qui non audet profiteri alterius servitutem, aut discipulatum per signa proportionata, eum erubescere dicitur; adhuc tamen sub

verbo erubescendi exegit Christus confessionem sui, Lucæ 9. 26. ostendens, non esse prætermittendam, cum periclitatur honor suus, etsi oporteat vitam perdere, aut non superlucrari totum mundum. Nam, inquit, qui me erubuerit, & meos sermones, hunc filius hominis erubescet, cum venerit in maiestate sua. Neque erubescencia nomine, cum illam sibi ipsi tribuat, aliud denotare voluit, quam nolle agnoscere palam, quod in hominibus præ timore accidit; in Christo autem præ iustitia, qua non vult in iis gloriari, qui gloriati non sunt in fide ipsius. Ac profectò nisi Martyris ista regula usi fuissent, cum de fide illorum quæstio movebatur, sed pertinaci silentio occultassent gloriam Christi, in maximum vilipendium Divini honoris cessisset, & medium apprimè aptum ad propagandam Ecclesiam ipsi Ecclesiæ esset subtrahendum.

33 Utique negari nequit, Apostolis incubuisse præcisam obligationem profitendi fidem Christi, cum ad Præsides, ac Reges traherentur: ad id enim ex officio tenebantur, idque Christus eis præcepit, & adversus metum mortis, quam propterea erant passuri, spe præmii, ac metu pænæ æternæ, aliisque argumentis illos confortavit Matthæi 10. vers. 17. & deinceps. Atqui in ea occasione eadem est ratio de reliquis, nam omnes perzquè tangit affirmativum præceptum credendi corde ad iustitiam, & ore confitendi ad salutem. Quòd verò nullum sit tempus, in quo certius hæc confessio debeatur, quam tempore persecutionis, & factæ interrogationis à potestatibus publicis, inde constat, quia ipse Christus eandem regulam, quam Apostolis præscripserat, extendit ad universum cæterum fidelium; immò id intulit per particulam ergo ex eo ipso, quod discipulis mandaverat: ita enim concludit vers. 32. Omnis ergo, qui confitebitur me coram hominibus, confitebor & ego eum coram Patre meo. Cujus illationis ratio apta nulla reddi potest, nisi apud Reges, & Præsides eadem obligatio incumbat omnibus fidem suam declarandi.

34 Addit præterea Abulenſis ad eum locum quæst. 129. non tantùm intra, sed extra persecutionem temerè quemvis Catholicum, à quocumque seriò interrogetur, palam profiteri fidem suam, ne Christum

cu-

erubescere credatur, & parvi facere se esse Christianum, cum sit valde magna dignitas. Cæterum hoc aliis non placet, variisque distinctionibus utuntur secermentales interrogationem judicalem ab extrajudiciali, publicam à secreta, factam à privato magnæ auctoritatis, vel non nisi ab ignoto, aut contemptibili. Verumtamen hæc omnia materialia sunt, solumque ostendunt tempus præcisum hujusce obligationis multum dependere à circumstantiis rerum, loci, temporis, ac personarum, & pro illarum varietate urgere posse, vel cessare omnino.

35 Regula autem generalis, ac formalis ea esse debet, quam S. Thomas præscribit in dicta quæst. 3. art. 2. affirmans, præceptum istud tunc obligare, quando ex dimissione bujus confessionis subtraheretur honor debitus Deo, & etiam utilitas proximis impendenda, ut si aliquis interrogatus de fide, taceret, & ex hoc crederetur, vel quod non haberet fidem, vel quod fides non esset vera, vel alii per ejus taciturnitatem averterentur à fide. In his casibus confessio fidei est de necessitate salutis. Quocirca occultare fidem apud alios nunquam licet cum notabili detrimento Divini honoris, aut existimationis, quam merentur dicta illius, & Sacrosanctæ nostræ religionis dignitas, nec item cum spiritali dispendio alienæ, aut propriæ salutis. Et quia aliquid istorum semper accidit, quoties silentium interrogati de sua fide denotat abnegationem, indecisionem, inconstantiam, aut erubescitiam tacentis, ideo in hoc casu absque maximo piaculo confessio omitti non potest. Secus verò, si habita ratione omnium circumstantiarum, solum indicaret illum contemni, qui interrogat, quin tacendo contrariè subtrahatur aut Deo debitus honor, aut proximis necessarium subsidium, ut firmi in fide permaneant, aut ad illam revertantur, vel ne exemplo erubescitiz nostræ scandalum sibi accipiant.

36 Sed obijciens. Ergo etiam interrogante potestate publica, accidere poterit, ut ex silentio nostro nullum ex his incommodis contingat, & tunc fidei confessio non erit necessaria; sed satis erit non negare illam. Respondeo, per se loquendo id contingere non posse, ut constat ex antea dictis, atque adeo me-

rito damnatam esse doctrinam, quæ per se peccaminosum non putabat in illis circumstantiis occultare silentio fidem suam. Neque aliter licebit arbitrari absque magno scandalo, & temeritate, maxime stanti in contrarium communi SS. P. ac Theologorum judicio, qui taciturnitatem in eo eventu pro signo titubationis, aut erubescitiz acceperunt, & præ aliis omnibus hunc casum designarunt, in quo est moraliter necessaria fidei confessio, ne fides vilipendatur, aut salus proximi periclitetur. Nam pro proximi salute etiam debeti hanc confessionem, & non tantum ad vitandum Dei contemptum, aut injuriam fidei, indubitatum apparet, & aperte habetur apud Augustinum sermon. 181. de temp. & lib. de Fide, & Symbol. init. his verbis: *Salvi esse non possumus, nisi & nos ad salutem proximorum etiam ore profiteamur fidem.*

37 An autem saltem per accidens evenire valeat, quod in argumento assumitur ob extraordinarias aliquas, & raro contingentes circumstantias, quæ aliquando possunt intercurre, exploratum non est apud Doctores. Plures enim absque ulla exceptione tradunt, illicitum esse silentium, interrogante potestate publica; alii verò, neque pauci, neque ignobiles, non semper necessariam esse credunt fidei confessionem in eo eventu; sed solum regulariter, atque communiter. Ita M. à S. Thoma quæst. 1. de Fide. art. 2. disp. 4. in fin. Card. de Lugo disp. 14. de Fide. à num. 37. Lorca in dicto art. 2. disputat. 24. num. 21. Diana p. 3. tr. 5. resolut. 49. prope fin. ubi appellat Banez, Tannerum, & alios. Quibus addendi sunt Gonet tom. 4. disp. 7. de virtutib. Theolog. art. 2. num. 112. Maldertus 2.2. q. 3. art. 2. memb. 2. conclus. 2. Baldellus tom. 2. Theolog. moral. lib. 1. disputat. 12. à num. 5. Palao 1. p. tr. 4. disp. 1. punct. 14. prope fin. Georgius de Rhodes tom. 1. Theolog. Scholast. disput. 2. de Fide. quæst. 4. sect. 2. §. 2. ad 1.

CAPUT IV.

Argumenta contraria dispelluntur.

38 EX his ad fundamenta contraria parvo impendio satisfieri valet. Nam ad primum in numer. 27. dici debet,

bet, in eventu ibi proposito nihil profuturum silentium ad occultationem fidei, quia Iudex tormentis extorquebit claram, & expressam confessionem ejus, neque illi erit satisfactum, quousque fidelis, ut reus in judicium vocatus, affirmativè, aut negativè respondeat: atque cò fortius eum urgebit, quo certius ex taciturnitate præsumperit, aut ex aliis indiciis conjectaverit veram fidem, quam ipse delictum reputat, in corde ejus latitare. Interim autem ac interrogatus cunctatur, & testimonio suo convinci renuit, suamque mentem intendit occultare, nequaquam vult tacendo consentire, aut haberi pro Christiano, sed negativè se gerere, & ita effugere damna confessionis manifestæ. Quare is status non est animi æstimationis, aut tuentis pro dignitate suam fidem, & consulentis summo honori, qui debetur Deo, ut magistro illius; sed fluctuantis, ac erubescens ipsum, & nescientis, quò se veritat, ac denegationem exteriori fidei, sive veram, seu mendacem, vel ad confessionem ejus, unde mortem timet, & tormenta gravia. Ac de illo, si parva licet componere magnis, haud incongruè dici potest, quod in simili dicebat Tacitus: *Qui deliberant, deservierunt*: nam re vera illa cunctatio in judicio, aut negatio fidei est, aut ei accedit quam maximè, & nunquam, aut vix unquam continget absque ipsius fidei dispendio.

39 Ad secundum in num. 28. consequenter est dicendum, quamvis interrogatio non fiat à publica potestate, silentium sæpè esse illicitum, & semper, cum attentis circumstantiis involvit interpretativè, aut virtualiter denegationem, aut erubescensiam fidei, vel cum expressior confessio moraliter necessaria apparet ad scandalum evitandum, vel tuendum Christianæ religionis honorem, dignamque existimationem, & auctoritatem Dei, ut est Magister ejus. Quare semper est servanda regula ex Doctore Angelico proposita num. 35. à quocumque fiat interrogatio, neque enim ipse distinguit ab extrajudiciali iuridicum, aut publicam à privata; sed ad id, quod est formale, ac necessarium, attendit, ut præceptum confitendæ fidei obligare censetur. Et sanè, cum Iudex interrogat, præsertim infidelis, aut Tyrannus, nostra obligatio non oritur ex

iurisdictione illius, aut potestate legitima inquirendi in odium fidei, quæ nulla est; sed ex eo solum, quòd in illis circumstantiis tacere Divino honori, cœlestique doctrinæ præjudicet, aliisque occasionem præbeat errandi circa veram fidem, & parum dignè sentiendi de Auctore, ac Magistro illius.

40 Eadem autem ratio erit, cum simile præjudicium ex silentio nostro infertur, quamvis qui nos interrogat, non sit Iudex; sed privatus: quia esto non semper sub peccato teneamur promovere honorem fidei, vel directè augere dignitatem ejus; semper tamen debemus procurare, ne nostra dicta, vel facta aliis occasionem præbeant aut vilipendendi ipsam, aut minuendi auctoritatem ejus. Quocirca, etsi S. Petrus non fuerit interrogatus de Christo ab aliquo Iudice, seu putativo, seu vero; sed à privato milite, aut ancillula, adhuc contendit Ambrosius lib. 10. cap. 22. *Lucæ*, debuisset respondere apertè, ac profiteri se esse ejus discipulum, & ex eo capite fuisse inexcusabilem, licet alioqui prætendat (piè potius, quam probabiliter) illum non negasse Christum corde, aut ore; sed ambignis verbis usum esse: *Sed nos*, inquit, *excusamus Petrum; Dominus autem non excusavit. Non enim satis est involuta responsio confitentis Jesum; sed aperta confessio.*

41 Atque hoc ipsum toto progressu passionis nobis demonstravit Christus, seu loquendo, seu tacendo coram Præside, ac Summis Pontificibus. Constanter enim respondit, ubi Dei honor, aut publica utilitas id postulabant, & oportere videbatur ad refellendas calumnias objectas ab adversariis contra suam personam, innocentiam, aut doctrinam. Licet alioqui siluerit, & interrogaciones sibi factas contempserit quasi inutiles. Quando autem silere licet, & fidem nostram interroganti occultare, si silentium non sufficiat, etiam licet cludere illum, à quo interrogamur, verbis citra mendacium ambignis, ut animadvertit Thomas Sanchez in *summa*. lib. 2. cap. 4. num. 6. ante fin. Filliucius tom. 2. tract. 22. num. 64. Diana ea resolut. 49. Azor, & alii communiter. Et hoc est, quod Clemens docuit loco, qui nobis obicitur, prudenter scilicet esse eludendos interrogantes de fect-

secretis fidei, quae eos audire non oportet: *Nam nibil, ait, omnino respondere, auditorum causa utile non videtur: ne si forte existiment nos responsionis penuria declinare. certamen, & fides eorum ledatur non intelligentium propositum nostrum.*

42 Mitto, quae spectant ad fugam tempore persecutionis, quia passum obvia sunt apud Auctores, & attentis circumstantiis, solent esse longè remotiora à vilipendio Divini honoris, aut fidei, quàm silentium, dum Interrogamur à potestate publica. Nam miles, qui fugit, iterùm pugnabit, ut proverbio Græco dicitur. Et sæpe expedit sese in meliorem occasionem reservare, ut Christus suo exemplo docuit fugiendo tempore infantiz in Ægyptum, & sæpe alias cautè declinando adversariorum insidias, quia nondum venerat hora ejus. Atque, ut scitè praeconebar Chrysostomus homilia 35. in Matth. Christum fugiendo non negat, qui idèd fugit, ut neget, veritus scilicet infirmitatem suam. Videatur Maldonado in Matth. capit. 10. vers. 23. Baldellus ubi suprà to-

ta disput. 13. Et, qui satis minutè rem examinat, Leander à SS. Sacramento in Decalog. 1. p. 11. 2. de Fide q. 13. & deinceps, necnon Suarez disp. 14. de Fide sect. 3. nu. 8. & sequent.

43 Deprehendes autem peculiariter ex ipso ibidem sect. 2. num. 7. præceptum consistendi exterius fidem, seclusa interrogatio, ne, aut alio quovis accidente extrinseco, per se, atque ratione sui obligare adultos Baptismi tempore, & illos, qui in infantia baptizati sunt, cum ad annos discretionis perveniunt; immò in decursu vitæ aliis temporibus, ita ut quis sese Christianum, atque fidelem non semel, sed pluries ostendat fidelibus, inter quos vivit: nam, si solitarius esset longo tempore, uti Paulus Eremita, illa obligatio cessaret. Quoto autem tempore differrì possit ejus exequutio ab iis, qui degunt socialiter, & quomodo illi satisfieri valeat exercendo alias virtutes proprias fidelium, v. g. frequentando templa, aut Sacramenta, sumi potest ex iis, quæ jam antea scripsimus circa obligationem repetendi actus interiores fidei.



DISSERTATIO X. DE CERTITUDINE FIDEI.

Hanc fidei prerogativam in Divinis litteris multoties commendatam labefactant tres propositiones, quae sequuntur, & idè meritiò rejectae sunt ab Innocentio, omnesque ab illis abstinere debent tanquam ab scandalosis, & perniciosis ut minimum.

CAPUT PRIMUM.

Utrum voluntas possit efficere, ut assensus fidei in se ipso sit magis firmus, quàm mereatur pondus rationum ad assensum impellens?

1 **V**oluntatem id efficere non posse, totidem verbis trahebatur decima nona propositio inter damnatas, desumpta ex thesibus sapientis citatis, defensisque Antuerpiz die 16. Aprilis anno 1674. à R.P. Arnoldo Marchant Minorita. Integer contextus ejus habetur in *specimine Theologiae manantis per Belgium. p.4. cap.3. §.2. prop. 5.* quem prae oculis exponere juvat, ut damnationis sensus melius deprehendatur, & lapsus assertionis notior fiat. Ita igitur thes. 11. ibi scriptum invenitur: *Judicium credibilitatis, quo judicamus de honestate fidei, ejusque necessitate, voluntati servit, ut firme, invictèque assensum imperet; non intellectui, ut certius, firmiusque assentiatur. Voluntas non potest efficere, ut assensus fidei in se ipso sit magis firmus, quàm mereatur pondus rationum ad assensum impellentium.*

2 Quo loci notare oportet, duas diversas firmitates condistingui in fidei assensu; alteram, qua firmus est ex se ipso, & in se ipso; alteram, qua firmus est ratione alterius. Illa prior convenire debet assensui ratione sui, & ex proprio modo suae tendentiae, motivo, ac practicae intrinsecis intellectum afficientibus; posterior verò illi competit formaliter ratione voluntatis constanter imperantis ipsum, & obfirmato animo volentis credere: nam ab illius

firmitate firmus dicitur, sicut à voluntarietate voluntarius, & meritorius à merito. Utraque autem appellari solet firmitas adhaesionis; sed oportet in presenti illas suis notis distinguere, & firmitatem affectivam ab intellectuali fecernere, ne equivocatio terminorum confusionem pariat: quia propositio non loquitur de firmitate affectiva, quam habet assensus fidei per denominationem quasi extrinsecam à proposito credentis firmo, ac constanti; sed de illa, qua firmus est in se ipso ex proprio motivo, ac meritis.

3 Firmitatem adhaesionis affectivae nuper à nobis descriptam S. Bonaventura luculenter explicat in 3. *distinct. 23. art. 1. qu. 4.* dicens, eam esse, qua viri fideles amplectuntur id, quod credunt, voluntate adè obfirmata, ut neque per argumenta, neque per tormenta, aut blandimenta recessuri sint ab illa; sed invicti, atque constantes in ea permansuri semper. Firmitas verò adhaesionis intellectualis, ac intrinsecae, seu essentialis ipsimet actui credendi nihil aliud est, quàm ejus certitudo, si S. Augustino credimus, & Angelico Doctore ex communi hominum placito energiam harum vocum exponentibus. Quocirca Angelicus Doctor certitudinem, firmitatemque adhaesionis intellectualis convertibiliter dici, & tanquam definitionem, ac definitum comparari, expressit in 3. *dist. 25. art. 4. corp.* sic definiens certitudinem: *Certitudo proprie dicitur firmitas adhaesionis virtutis cognitiva ad suum cognoscibile.* S. autem Augustinus *serm. 27. de verbis Apostoli. 100 cap. 4.* promiscuè his vocibus utitur accipiens sermonem firmum pro certo, & firmiorem pro certiori. Nam, cum Apostolus Petrus *epist. 2. 1. 19.* dixisset, se audisse vocem de coelo, qua Pater Divinitatem Filii testabatur, atque addidisset: *Habemus firmiorem Prophe-*
ticum

ticum sermonem, ipse refert, eum dixisse: *Habemus certiorum Prophetiarum sermonem: & majorem istam certitudinem ad majorem firmitatem, & confirmationem veritatis revocat. Certiorem, ait, esse dixit. Certiorem, non meliorem, non veriorum. Tam enim verus ille sermo de cælo, quam sermo Prophetiarum, tam bonus, tam utilis. Quid est ergo Certiorem, nisi in quo magis confirmetur auditor?*

4 Perinde ergo fuit asserere, voluntatem efficere non posse, ut assensus fidei sit in se ipso magis firmus, quam mereatur pondus rationum ad assensum impellentium, ac dicere, eam non posse efficere, ut sit in semetipso magis certus. Hoc autem absurdum est, & inter alios Manichæorum errores ab Augustino refellitur *toto libr. de utilit. credendi*, tanquam dogma valde perniciosum, & infallibilitati fidei nostræ multum derogans. Quippe certitudo, ac firmitas, quæ assensus fidei per se ipsum Divinæ revelationi, & rebus revelatis adhæret, non commentatur rationibus merè humanis, ac plerumque fallibilibus, quæ eorum veritatem persuadent; sed ex suo proprio motivo, atque tendentiâ illam obtinet: nam alioqui non esset firmior, nec certior assensus Fidei Divinæ à piâ affectione imperatus, quam assensus, quod homo rusticus, aut puer parvulus existimaret Divinam revelationem existere, & res in ea contentas veras esse propter rationes, aut conjecturas humanas sibi à Parocho propositas; non verò propter auctoritatem Dei obscurè revelantis, & de sua revelatione, ac materia ipsius fidem facientis.

5 Cujus rei gratia diligenter est notandum, in eo pondere rationum, de quo loquitur assertio, non includi auctoritatem Dei testificantis, quia ista non est ratio impellens; sed motivum principale credendi, specificativum fidei nostræ, ac formale objectum ejus; assertio autem firmitatem fidei ad rationes impulsivas revocat, ut constat ex verbis illis: *Quam mereatur pondus rationum ad assensum impellentium*. Sicut autem respectu voluntatis distinguimus finem, seu motivum principale ab impulsivo, & rationes boni propter se moventes ad amandum à coadjuvantibus, & inducentibus, ita etiam in intellectu, servata proportionem, di-

stinguuntur rationes veri principaliter, ac ratione sui moventes tanquam objectum formale à rationibus veri, quæ non movent principaliter, ut vi ipsarum assentiamur; sed solummodo impellunt, ac faciunt, ut formali motivo adhareamus, & ratione illius præcipuè, ac unicè accommodemus assensum. Quod in discorsibus nostris sæpe sæpius experimur; sed in rebus fidei omnium clarissimè deprehenditur. Nam rationes merè humanæ veritatem ejus persuadentes, & Divinæ revelationis existentiam comprobantes quamplurimæ sunt, & ex vi illarum plures diffuciles removeri solent, quæ assensum ejus retardarent, aut prohiberent; & nihilominus nulla ex eis spectat ad formale objectum ejus, neque ultima fidei resolutio ad eas devolvitur; sed unicè consistit in Divini testimonii auctoritate, quam sine dubio, aut formidine amplectitur mens credentis, non obstante obscuritate, propter se, ac ratione sui.

6 Ex quo jam viribus novis argumentum præmunitur. Quia voluntas impetrando, mediante piâ affectione, assensum fidei Theologicæ, re ipsa facit, ut intellectus certissimè, ac indubitanter credat actu supernaturali tam mysterium revelatum, quam revelationem ipsam. Res autem ergo facere potest, ut credat firmiori assensu, quam rationes impellentes mereantur propter se, ac ratione sui. Hæc namque ex se non meretur assensum in se certissimum, neque supernaturalem, neque dignæ sunt, ut propter solas ipsas revelationi, aut mysterio assentiatur intellectus absque formidine errandi, ut veris infallibiliter. Quocirca aut assensus fidei non est in se ipso certissimus ex objecto formali, & modo suo, aut voluntas, quæ illum causat, certiorum assensum facit, quam ex se, & ratione sui meretur pondus rationum impellentium ad credendum, quod menti ut verum obicitur. Dicit autem nequit absque gravi errore, assensum fidei Theologicæ non esse in se ipso certissimum, cum sit supernaturalis, & formale objectum ejus sit auctoritas Divina. Necesse igitur est, ut voluntas possit eum certiorum facere, quam suo pondere meretur rationes merè impulsivæ.

7 Illustratur. Quia rationes impellentes ad assensum fidei suo merito, ac pondere

dere nunquam ostendunt evidenter, Deum esse, qui loquitur per Prophetas, aut Pontificem, neque intellectum convincunt, aut demonstrant, esse omnino certum, & Divinæ attestatōnis suprema auctoritate firmatum, quod fide credendum dicitur: nam alioqui ejusdem fidei obscuritatem auferrent, & meritum ejus perimerent. Quinimodō frequenter accidit propter difficultatem mysterii, vel aliis de causis, quas increduli sæpius obtrudunt, ut contrariis rationibus ad dissentium impellentibus valide præpediantur, ut in Eucharistia, Trinitate, & aliis videre licet. Et ad summum rationes ita impellentes, Divinamque revelationem applicantes, moralem quamdam evidentiam generare valent, majorem, aut minorem juxta suam efficaciam, & capacitatem audientis. Porro certitudo intrinseca ipsimet assensui fidei, atque adeo firmitas ejus longè major est quacumque certitudine morali; immodè & major quavis naturali evidentia metaphysica, ut Theologi communiter tradunt, & probat optima ratione S. Thomas *quest. 14. de verit. art. 1. ad 7.* in hæc scribens: *Certitudo duo potest importare. Scilicet firmitatem adhesionis. Et quantum ad hoc fides est certior omni intellectu, & scientia, quia prima veritas, quæ causat fidei assensum, est fortior causa, quàm lumen rationis, quod causat assensum intellectus, vel scientiæ. Importat etiam evidentiam ejus, cui assentitur, & sic fides non habet certitudinem; sed scientia, & intellectus.*

8 Illustratur iterum. Nam voluntas potest facere, ut intellectus credat Deo loquenti ea firmitate, quam meretur summum pondus Divinæ auctoritatis: facit enim, ut credamus propter ipsam tantam ob formale objectum, & non propter argumenta, aut rationes merè humanas. Atqui dignitas, & pondus auctoritatis Divinæ longè majus est auctoritate, ac pondere cujusque alterius rationis impellentis ad credendum. Ergo facere potest voluntas, ut intellectus assentiat longè majori firmitate, & adhæsiōne, quàm rationes impulsivæ mererentur. Neque enim solum movet intellectum per modum causæ imperantis assensum ex eo motivo, & cum illa firmitate; sed etiam alias concausas necessarias ad executionem

ejus, verb. grat. habitum fidei, aut aliud auxilium transiens. Nam habitibus utimur, cum volumus: & sicut credere, aut non credere, ut oportet ad salutem, constitutum est in nostra potestate, sic in nostra potestate constituitur, ut cæteræ causæ coefficientes pariter cum intellectu eundemmet actum credendi, prout oportet, exequantur. Nihil igitur jam deest, sive ex parte principii, sive ex parte objecti (præsupposito judicio sufficiente talis credibilitatis) quominus voluntas honestè, ac prudentissimè imperet ipsum credere actualiter propter auctoritatem Divinam nescientem fallere, aut falli, neque ut imperando faciat, ut intellectus adhæreat rebus creditis ea summa firmitate, quam dignitas sui motivi specialiter requirit, & cujus expertes sunt aliæ rationes humanæ.

9 Illustratur tertio. Quia ad credendum fide salutari necessarium est putare absque dubitatione, ac formidine partis oppositæ, rem, quam credimus, esse certissimam, & eidem toto corde, & super omnia credibilia appetitativè adhærere, ut manifestis testimoniis Sacre paginæ, & Conciliorum evicimus *dissert. 5. cap. 4.* Vel ergo hic modus credendi ad voluntate imperatur intellectui ultra meritum, & capacitatem motivi intellectualis sibi ad assensum propofiti, vel non, sed juxta ejus meritum? Si ultra meritum, neque assensus erit fidei Theologicæ, ac salutaris, cum careat motivo digno tantæ adhæsiōnis, & Divinæ auctoritati non nitatur; sed rationi infirmæ, ac debili: neque affectus, illum imperans, erit plus, aut honestus; sed pertinax, obstinatus, & imprudens, qualem habent erga sectas suas Turcæ, aut Hæretici, & erga mores aliorum, qui de illis judicant temerè. Si juxta meritum, necesse erit, ut motivum formale assensus imperati sit quidpiam in se certissimum, rationabilis formidinis, ac dubitationis expertus, & super omnia credibile: neque enim alia ratione promereri poterit, ut simili firmitate eidem innitatur intellectus. At rationes merè humanæ impellentes ad assensum habet proprietates non habent; sed sola Divini testis suprema, & maxima auctoritas. Ergo huic inniti debet intellectus credens fide salutari, & hoc est, quod pia voluntas ei debet imperare,

re, dum jubet tantæ firmitatis assensum : imperat enim motivum essentialiter conexum cum mysterio obscurè revelato, neque fieri potest, ut mens nostra tali motivo innitatur, seposito voluntatis imperio.

10 Illustratur quartò. Quia rationes impellentes ad iudicium fidei ratione sui non merentur, iuxta thesım profligatam, plusquam opinativum assensum : nam, si firmiorem alium mererentur, omnino male intulisset ejus Auctor propositione sequenti, illum posse prudenter repudiari. Dicere autem fidei assensum non esse in se ipso firmiorem, quam opiniones humanæ prudenter repudiabiles, atque fallibiles, Sacre Scripturæ repugnat, Tridentino, ac toti Ecclesiæ. Pervertitur etiam iudicium credibilitatis honestæ, dum mysteria revelata non proponantur credere volenti, ut certiori iudicio credibilia, quam opiniones humanæ : nam ita non crederentur prudenter absque formidine, neque ab oppositis sectis dignum foret vel dissentire toto corde, ac tota mente. Ipsa quoque pia affectio voluntatis, quæ ex hoc iudicio dirigitur ad impetandum assensum, nullo pacto esse deberet constans, aut invicta usque ad perpersionem mortis pro secura veritate eorum, que creduntur. Nam pro veritate assensus merè opinativi, aut prudenter refutabilis imprudens est tanta adhæsiō, & obstinationis potius, quam veræ honestatis. Eadem autem ratio est de adhæsiōne ad quodvis aliud iudicium, cujus intrinseca firmitas hos limites non transcendit.

11 Illustratur quintò. Nam, si vox illa rationes, uti propriè sonat, accipiat, quia, uti jacet, sumi debet, adhuc erit longè absurdior thesıs condemnatæ sensus. Nam argumenta suadentia nostræ fidei veritatem, partim à ratione fumuntur, partim ab auctoritate, & inter locos arguendi omnes, tam Theologi, quam Philosophi, ac Rhetorici distinguunt locum ex ratione sumptum, & locum ab auctoritate acceptum. Si ergo propositio velit ita inhærere rationibus impellentibus ad fidem, ut omnem auctoritatem excludat, multò improbabilior erit : quia tollit unum è maximis, ac præcipuis argumentis, unde Theolog. Reform.

de quoad nos comprobatur inconcussa fidei veritas. Quantam enim fidem promeretur auctoritas merè humana Ecclesiæ consideratæ duntaxat, ut est cœtus innumerabilium hominum fide dignorum propter suam virtutem, & sapientiam ? Quantam Martyrum historię, qui pro ejusdem fidei veritate mortem, & acerbissima tormenta sustinuerunt ? Quantam miracula, & gesta sanctorum hominum eadem veritatem contestantia ? Quòd si hæc omnia separentur, & rationes solæ relinquantur impellentes ad credendum, profectò nostræ fidei credibilitas summè extenuabitur, & valde infirma reddetur : nec dubium, quin vox illa possit facere exclusivum istum sensum, & scandaloscum multis, qui ita intelligendam crederent.

12 Fatendum nihilominus est, non posse voluntatem efficere, ut intellectus firmius assentiatur rebus fidei, quam promeretur auctoritas Dei testificantis, quia hæc meretur firmissimam adhæsiōnem, & appetitivè summam. Cœterum, quàm certum est, voluntatem à Deo adjutam posse facere, ut intellectus ex hoc formali motivo mysteriis revelatis, prout oportet, assentiatur, tam certum est, posse efficere piè, ac honestè, ut firmiori assensu credat, quàm mereantur rationes impellentes ad assensum.

CAPUT II.

An possit aliquis prudenter repudiare assensum supernaturalem, quem habebat ?

13 **E**X propositione nuper confutata interferebat ejus Auctor eadem thesıs 11. id fieri posse prudenter, his verbis, quæ immediatè subsequuntur, & proposit. 20. exhibentur : *Hinc potest quis prudenter repudiare assensum, quem habebat supernaturalem. Quæ illatio, ut possit fitma subsistere, ad hanc formam debet redigi : Voluntas nequit efficere, ut assensus fidei supernaturalis sit in se ipso magis firmus, quàm mereatur gravitas, seu pondus rationum impellentium ad assensum. Sed pondus harum rationum non meretur assensum adeò firmum, ut pru-*

stabiliter. Ergo ex se, ac ratione sul debet esse fortis, & invicta, sicut petra, nullis scilicet cessura contrariis, quantumvis validè oppugnent consistentiam ejus; sed omnibus restituta immobiliter. Quippe ædificium, quod nixitur fundamento parum stabili, ruinosum est, & infirmum; fundamentum autem fidei idèò petræ assimilatur, quia vim prævalendi habet adversus quæcumque obstantia, & semper firma consistit. Unde Christus ita exposuit Matthæi 7. 24. utriusque similitudinem in hæc loquens: *Omnis ergo, qui audit verba mea hæc, & facit ea, assimilabitur viro sapienti, qui ædificavit domum suam supra petram, & descendit pluvia, & venerunt flumina, & flaverunt venti, & irruerunt in domum illam, & non cecidit: fundata enim erat super petram.*

17 Urgeo præterea. Nam supernaturalis assensus, qui jam habitus prudenter repudiabilis dicitur, aut evidens est, aut obscurus? Quod si evidens sit, non nisi temerè evidens repudiabitur. Si verò obscurus, ad fidem per se insusum spectabit. Atqui assensum fidei insusæ necessariò præire debet judicium credibilitatis evidenter proponens, mysterium, & revelationem ejus esse prudenter credibilem, non utcumque, sed absque ulla rationabili dubitatione, aut formidine. Huic ergo evidentiæ repugnabit, qui repudiare voluerit assensum fidei jam habitum, nisi omnino sit oblitus ejus. Sed nemo potest prudenter recedere, aut repudiare cum assensum, quem evidenter agnoscit, non nisi temerè posse retractari, aut elici cum formidine partis oppositæ. Nemo ego potest reiicere illum assensum supernaturalem fidei, quem antea semel habuerat. Enim, ut possit prudenter cum assensum velle repudiare, necessarium est prævium judicium prudentis repudiabilitatis, & consequenter iustum, graveque motivum ad repudiandum inducens. Porro hoc motivum in eo inveniri non potest, qui meminit se evidenter judicasse assensum talis objecti prudenter potuisse haberi absque ulla errandi formidine. Nam motivum, ex vi cuius possumus prudenter aliquem assensum repudiare, etiam sufficit ad dissentiendum prudenter objecto illius, & à fortiori ad dubitandum de ejus veritate, aut

certitudine. Nec fieri potest, ut quispiam prudenter exuat intellectualem formidinem, & toto corde, ac super omnia assentiatur illi objecto, quod prænoscit posse optimo jure ut falsum, aut incertum improbari, & ratione gravi, atque prudenti obnoxium esse formidini.

18 Obiicies tamen 1. ex Auctore thesium damnatarum, cujus verba *numer. 1.* retulimus. Judicium credibilitatis, quo judicamus de honestate fidei, ejusque necessitate, voluntati servit, ut firmè, invictèque assensum imperet; non verò intellectui, ut certius, firmiusque assentiatur. Ergo quoddam præcesserit, nil ob stare potest, quominus assensus fidei licitè, ac prudenter repudiari valeat. Respondet ex dictis, judicium credibilitatis non tantum deservire voluntati, ut imperet fidei assensum imperio invicto, ac constanti; sed etiam ad imperandum prudenter intellectui, ut exequatur assensum in se certum, ac firmissimum; deserviendo autem voluntati immediate ad hunc effectum, consequenter deservit intellectui, ut mediante tali imperio certius, firmiterque assentiatur, quam aliquo assentiatur, deficiente illo judicio, vel considerando solum rationes humanas veri ad assensum inclinantes. Et sanè, nisi hoc judicium deserviret voluntati ad imperandum assensum tantæ certitudinis, ac firmitatis, neque ei deservire posset ad prudenter imperandum illum imperio semper invicto, & prorsus firmo, & constanti: quia ultra meritum illius foret tanta adhælio voluntatis, atque adeo temeraria porius, & imprudens, quam honesta, & regulis prudentiæ consentanea. Quinimò, si saltem debet voluntas credendi esse adeo invicta, & perdurabilis, ut nullis contrariis cedat, id sufficeret, ut fidei assensus nunquam posset prudenter repudiari, quia prudenter repudiari nequit, nisi simul repudietur, retracteturque propositum semper retinendi invictè assensum fidei jam habitæ.

19 Obiicies 2. Siquis in Hispania edocuit à suo Parocho, aut Episcopo de veritate Baptismi ab hæreticis collati, & grasset in Africam, dum vigeat contractus ista, ibique videret, S. Cypria-

& alios plures Episcopos vitæ sanctitate, acque doctrina percelebres contrarium prædicare, ac præficare, absque dubio, magna illorum auctoritate permotus, posset prudenter suspendere, immò retrahere eum assensum, quem antea fidei præstiterat. Atqui assensus ille supernaturalis erat, ac veræ fidei Theologicæ. Ergo nil obstat, quominus assensus supernaturalis fidei jam habitus possit prudenter repudiari, ac novo examini subici.

20 Hunc casum specialiter proposuit Petrus Hurtado *disput. 14. de Fide. §. 57.* agens tamen de illis veritatibus, quæ nondum erant ab Ecclesia universali decisæ, & ex eo arripere quidam ansam sibi persuadendi repudiationem, de qua loquimur, non esse usque adeo impossibile. Sed immeritò. Nam qui verè credidit, prout oportet ad salutem, adeò firmiter adhæsit auctoritati Dei testificantis, ut neque Apostolo ipsi, à quo prius instructus fuerat, neque Angelis de cælo (si fieri posset) contrarium asseverantibus, fidem licetè adhibere possit, aut retrocedere à fide semel habita, ut docebat Paulus ad Galatas 1. *versic. 6. atque deinceps.* Quare, aut peregrinus ille prius in Hispania crediderat fide supernaturali, ac Theologica, validum esse Baptismum ab hæreticis collatum iuxta morem Ecclesiæ, aut ea fide non crediderat; sed propter auctoritatem humanam Parochi catechizantis ipsum? Si propter auctoritatem Parochi, prudenter poterit hunc assensum repudiare quantum est ex parte illius, & deferre plus auctoritati Cypriani, aliorumque Episcoporum, qui consentiebant cum illo: neque enim tunc repudiabitur supernaturalis assensus; sed naturalis innixus motivo valde fallibili. At verò, si jam crediderat fide supernaturali, ac Theologica propter testimonium, & auctoritatem Divinam sibi à Parocho sufficienter applicatam, nulla jam auctoritate dimoveri poterit, ut prudenter transferatur in oppositam doctrinam.

21 Obstat enim evidentia credibilitatis in memoria conservata, quæ suggestit in Hispania ei veritati prudenter deserti, immò deberi assensum absque ulla protus formidine partis oppositæ, non pro tunc solum, aut interim, ac aliud non appa-

ret; sed pro semper, omninoque absolute. Obstaret assensus ipse jam præbitus, idque duplici de causa. Prima est, quia virtute illius, sicut non tantum putamus esse verum, quod proponitur; sed etiam esse à Deo revelatum, capiundo intellectum in obsequium Christi, ita etiam non duntaxat credimus esse à Deo revelatum; sed etiam esse credibile propter testimonium ejus, nam in ipso actu credendi hoc involvitur: & ideò ratione illius multò certius, atque firmitus putamus credibilia esse, quæ credimus, quam per quæcumque motiva credibilitatis merè humana præcedentia assensum ipsum, ut subtiliter animadvertit Suarez *disput. 6. de Fide sect. 8. num. 7.* Secunda, quia assensus salutaris in se ipso est infallibilis, & ut talis prudentissime ab intellectu acceptatur ad hærendo objecto illius toto corde, & super omnia; nemo autem licet, aut prudenter repudiare valet assensum, cujus objecto tanquam omnino infallibili adeò firmiter adhæsit, nisi voluntariè decipiarur circa naturam illius, & putet se ita assentiendo temerè, ac imprudenter egisse.

22 Ulteriusque sequeretur, cum non tantum posse, sed debere, & teneri sub peccato retrahere assensum fidei tanquam temerè conceptum toto corde, ac super omnia: neque enim ita credibile esse potuit secundum rectam rationem id, cujus contradictorium ob auctoritatem Cypriani, & Afrorum erat ipso credibilius. Atque in praxi isti doctrinæ se accommodare deberet sequendo partem tutiorem circa valorem Baptismi, & rebaptizando baptizatos ab hæreticis, quos prudenter judicabat nondum esse baptizatos validè, quamvis contrarium antea certò credidisset.

C A P U T III.

Utrum assensus fidei supernaturalis, & utilis ad salutem sit cum notitia solum probabili revelationis; immò cum formidine, qua quis formidet, ne non sit loquutus Deus?

23 **S**Tare affirmabat 21. propositio inter proscriptas, cujus prima pars assensum

sum fidei Theologicæ merè probabilem reddidit; postrema verò formidinem prudentem, atque probabilem de illius veritate admittit, ac cum eo componi iudicat. Porro ex utrolibet capite, quorum unum aliud explicat, longè plus quàm scandalosa, & perniciofa videtur, atque his censuris ut minimum subjecta est indubitanter. Nam quod eiusmodi assensus circa mysterium Eucharistiæ verb. g. intrinsecè certus sit, immò certissimus, & non duntaxat probabilis, ex ipsa illius supernaturalitate, & utilitate ad salutem manifestè deprehenditur, æstque Theologis valde exploratum. Quod verò haudquaquam patiatur probabilem secum formidinem, aut rationabile dubium de sua, vel sui objecti veritate, ex Concilio Tridentino *sess. 6. cap. 9. fin.* satis conspicuè monstratur. Nam ex eo, quod quisvis possit, sua fragilitate insepulta, meritò timere, ac formidare, ne non sit in statu gratiæ, definit adversùs hæreticos, neminem posse de eo statu esse certum fidei certitudine, cui nequit subesse falsum. Verba expendimus *differt. 5. numer. 36.* & deinceps plura alia adduximus, unde damnatæ propositionis absurditas manifestè demonstrabitur.

24 Illa quidem, sicut jacet, expressè duntaxat loquitur de probabilitate, ac formidine circa existentiam Divinæ revelationis, & hoc est illius objectum directum, ac immediatum; non verò credibilitas moralis, ac honesta ipsius revelationis, aut objecti per ipsam revelati; etsi utrumque minùs rectè confundant Filguera, & alii. Cæterum dum planè affirmat, fidem supernaturalem, & utilem ad salutem (de hac semper loquemur) stare cum noticia solum probabilis Divinæ revelationis; immò & eum formali formidine de non existentia illius, sensum reddidit nimis absbnum. Quia perinde est, ac si dixeret, actum fidei dari posse absque ulla noticia certa Divinæ revelationis; sed solum merè probabilem, & actu formidolosam sufficere ad credendum fide salutari. Id autem nullo pacto sustineri potest. Nam saltem in ipso assensu fidei necessàriò involvitur noticia revelationis obscura, sed prorsus certa, & exclusiva formidinis prudentis, atque probabilis de non existentia illius: nam certus de aliquo objecto nequit putare prudenter contradictorium ipsius esse re vera probabile. Un-

de sicut planè est evidens, assensum fidei stare non posse absque se ipso, sic pariter evidens est, non posse stare absque noticia certissima Divinæ revelationis, aut dari in rerum natura cum sola merè probabili. Ille namque per se ipsum attingit revelationem tanquam rationem formalem, & motivum assentiendi veritati revelatæ, ut revelata est: nec fieri potest, ut circa veritatem revelatam certus sit, ac infallibilis, & circa revelationem incertus, & non ampliùs, quàm probabilis.

25 Nam, ut modò prætermittam, supernaturalitati ipsius repugnare incertitudinem, & nullam Theologiam ferre opiniones falsitatis expositas intrinsecè supernaturales, in præsentii ulterius premit, quod revelatio sufficienter propozita sit iusta ratio assentiendi tanquam certæ, ac infallibili veritati revelatæ; implicat autem, assensum infallibilem, & certum fundari super rationem merè incertam, & fallacem. Quare, vel dicendum est, actum fidei dari posse in intellectu, quin detur ulla noticia certa, & prorsus infallibilis veritatis revelatæ, aut idipsum esse negandum de revelatione illius. Sed primum concedi nequit, nisi tota fidei æconomia ad meras opiniones recuatur. Ergo nec secundum potest verosimiliter adstrui. Et quidem, si fides esset formaliter discursiva, necessariò præsupponeret assensum omninò certum Divinæ revelationis, ut necessariam præmissam ad credendum, prout oportet, veritatem revelatam: nam conclusio debiliorem partem sequitur, & ex altera præmissa opinativa, & incerta, omnino certa conclusio nequaquam inferri valet. Idem autem est quoad hunc effectum, quòd discursu non utatur. Nam uno simplici assensu totum discursum cum suis præmissis completitur: & tota ratio credendi certò, & absque ulla formidine mysterium revelatum ea est, quia reputat certum, illud esse à Deo dictum, qui nec fallere potest, nec falli. Recolantur, quæ præmissimus à n. 38. loco superius citato.

26 Rursus arguo principaliter. Quia non solum credi debet mysterium Eucharistiæ verb. gr. verum etiam illud esse à Deo revelatum: utrumque enim est de fide, & utrumque necessarium ad credendum, prout oportet, & absque dubio esse hæreticus, qui quodlibet ex istis
pcc-

pertinaciter negaret, aut in dubium revocare auderet; immò hæretici communiter non ideo detrahant fidem, quia de Dei veracitate in loquendo, & cognoscendo formident; sed quia timent, ne forte non sit loquutus, neque attestatus, quod ab Ecclesia proponitur, ut ab ipso revelatum. Ergo sicut fieri nequit, ut probabiliter iudicet, fortasse non esse verum mysterium, qui illud credit fide salutari, ita etiam fieri non potest, ut de ipsius revelationis existentia, ac veritate probabiliter formidet, qui ejusmodi assensum habet. Nam credendo fide salutari, atque ad eam certa, & prudenti, revelationem existere, circa ipsam actu exerceret fidem supernaturalem; formidando verò, ac judicando, illam forte non existere, circa eandem revelationis fidem sibi sufficienter propositam, & acceptatam pertinaciter erraret; & quod hinc sequitur, & contradictionem implicat, circa unum, & idem sub eadem ratione sumptum simul foret hæreticus, & fidelis.

27 Neque proderit, si dicas, revelationem non credi, dum creditur mysterium revelatum. Credi enim debet, ut firmitas fidei subsistat, & esse pariter res credita, & ratio formalis, atque motiva credendi: nam ea propter non tantum mysteria, sed Divina etiam testimonia credibilia facta sunt nimis, Regio Pfalte id attestante. Ita cum Angelico Doctore, Capreolo, Cajetano, Valentia, Vasquez, & aliis communiter, ex professo P. Suarez *disp. 3. de Fide. sect. 12.* maxime à *num. 7.* Ratio autem videtur evidens. Quia fides ultimò resolvi debet in revelationem Dei ut actu cognitam, & affirmatam ab illo, qui ob ipsam credit. Sed non resolvitur in ipsam ut cognitam cognitione aliqua infallibili, evidente physice, vel metaphysice, cum obscure cognoscatur; nec cognitione fallibili, sive probabili, sive evidenti moraliter; neque ut creditam sola fide merè humana, aut alio inferiori lumine, quam fidei infusæ: nam ita non esset æquæ, sed longè minùs certa existentia ipsius, quam fides eidem innixa tanquam fundamento, ac basi. Ergo in eam debet resolvi ut creditam eadem fide, qua creditur mysterium revelatum. Nam Deus non tantum revelat, v. g. incarnationem; sed etiam dicit, se id dicere, & se esse,

qui nobis loquitur, & hoc necessarium est, ut fide certa ei credamus: parum enim referret ad credendum Deo, audire loquutionem in abstracto, nisi agnosceremus, cujus esset, & quisnam nobis loquatur. Loquitur autem per Ecclesiam, & per Sacram Scripturam, atque in actu signato revelavit, se dicere, ac loqui per ipsas: & saltem in actu exercito per ipsam revelationem, seu privatam, sive publicam, quam manifestat mysterium, ut credendum fide salutari, manifestat, se illud dicere, reddique urrumque credibile, & acceptabile à nobis, *ut est verè verbum Dei*, & non hominis docentis ipsum.

28 Neque item prodest, si dicas, revelationem etiam credi fide certa, & infallibili ab eo, qui credit mysterium, eoquod fuerit à Deo dictum; sed cum hac notitia simul stare alium assensum distinctum ejusdem revelationis ex se dumtaxat probabilem, atque merè opinativum. Non, inquam, prodest. Nam, si hoc tantum intendisset condemnata propositio, non debuisset, nec potuisset addere particulam exclusivam *solum*, & longè minùs asserere, tunc dari posse *formidinem, qua quis formidet, ne non sit loquutus Deus*. Quia particula illa *solum* quancumque notitiam certam revelationis excludit, & planè æquipollentia esse videntur, assensum fidei supernaturalis, & utilis ad salutem stare cum notitia solum probabili revelationis, ac stare solum, vel cum sola probabili notitia illius. Et, siquid dubii forsan superesset, id omnino tolleretur addendo stare etiam posse cum probabili formidine partis oppositæ. Nam actualis, intellectualisque formido, nisi temeraria sit, prorsusque imprudens, non sequitur assensum objecti quantum est de se probabilem, si simul cum alio certo, sive obscuro, sive claro in eodem intellectu reperitur. Stultitia quippe est formidare, ne sint falsa, quæ prudenter judicamus esse omnino infallibilia; aut vice versa putare esse infallibilia omnino ea, de quorum veritate formidamus ex prudenti, ac probabili motivo.

29 Et propterea Tridentinum laudatum antea ex formidine, qua meritò homines timere possunt, ne non sint in statu gratiæ, colligebat, eundem statum non cognosci ab ipsis certa fide: atque
ab

ab opposito consequentis ad oppositum antecedentis eadem evidentia inferri potest id, quod certa fide creditur, sive sit revelatio, sive aliud, non credi cum actuali contrarietatis partis formidine. Nequedistinguit Concilium inter actus salutare perfectos, aut imperfectos certos ex sua causa, vel aliunde; sed id assumpsit, quod commune est omnibus, nempe certos esse ex certitudine, cui nequit subesse falsum, & de iis universim dixit non componi cum formidine rationabili partis oppositæ. Et alioquin, non obstante illius definitione, etiam nunc possent hæretici affirmare, se cognoscere fidei certam, & infallibilem se esse in statu gratiæ, quamvis non adeo perfectam, sicut illa, qua creduntur alia objecta toto corde, & super omnia credibilia.

CAPUT IV.

Uterior prædictorum confirmatio.

30 **D**isputant hinc inde Theologi, utrum fides, & opinio circa unum, idemque objectum simul reperiri valeant? Sunt autem plures, qui existimant, id esse omnino impossibile, qui consequenter negabant, possibile esse, ut vera Fides Divinæ revelationis simul componatur cum assensu opinativo ejusdem. Sunt præterea alii non pauci, qui id non repugnare judicant; sed iidem ipsi pariter affirmant, formidinem actualem partis oppositæ separari posse ab opinione, ac necessario separandam esse, si cum actu certæ fidei simul conjungatur. Quocirca tam affirmantes, quam negantes, in eo principio conveniunt, quod nobis in præfati est necessarium, nempe intellectualem formidinem prudentem, ac rationabilem, qua quis timet, ne forte sit falsum id, quod certa fide credit, cum actu ejusdem fieri repugnare.

31 Disputant præterea, an sit hæreticus, qui actu opinativo assentitur rebus credendis per fidem sibi sufficienter propositis? Et affirmant esse hæreticum Castro, Aragon, Lorca, Azor, & alii bene multi, quibus strenuè suffragantur Coninch. *disp.* 18. *de Fide.* à num. 105. Palao *p.1. tr.4. disp.8. punct.2. à num.11.* Juxta quam sententiam proculdubio erit

hæreticus, qui simul cum actu fidei credente revelationem habet adhuc circa ipsam alium assensum probabilem; immo omnis ille, qui videns credibilem esse honestè per fidem indubitatam, non hac fide, sed opinativè solum eidem assentiri mavult. Verumtamen, quia contraria sententia probabilior visa est aliis, ut P. Sanchez *lib.2. in Decalog. cap.7. num.12.* & vera Card. de Lugo *disp.20. de Fide. num.20.* & *disp.17. num.96.* P. Suarez *disp.19. sect.4. num.16.* P. Granado *2.2. contr.1. tr.15. disp.3. num.6.* animadvertendum est, hos omnes expressè asserere, hæreticam esse formidinem, aut dubitationem, qua quis judicat res fide credendas esse incertas, aut solummodò probabiles, & ideo tantum putare assensum opinativum solius fidei humanæ eidem licitè adhiberi posse, quia de ratione opinionis directæ non est formido subjectiva, & actualis, quam thesis proscripta admittit cum assensu fidei stare.

32 Quare in utraque sententia condemnatio illius locum habet: sive enim dicas, forte Deum non revelasse Incarnationem, sive dicas, forte revelasse, sive dicas, hoc, aut illud esse duntaxat probabile, utrumque esse incertum judicas, aut sub opinione positum, & ideo veræ fidei contrarietatis, de cujus ratione est, prout ab opinione distinguitur, assentiri objecto suo cum certitudine, & absque formidine partis alterius, ut S. Thomas declarat *2.2. q.1. art.4. corp.* Ex ipso etiam habemus *1. p. q.32. art.4.* hæresim esse opinari falsum de materia fidei agnitæ, & definitæ ab Ecclesia, negando scilicet mysterium aliquod jam sufficienter propositum, aut revelationem ejus. Nec solum negando; verum etiam affirmando id ipsum affirmatione permixta cum formidine actuali deferente parti oppositæ veram probabilitatem, aut falsitatem incertam. Quod spectat egregius Augustini locus, alibi à nobis expensus, *lib.8. de Trinitate. cap.5.* dicentis: *Salva fide licet dicere, forte talem habebat faciem, forte non talem. Forte autem de Virgine natus est Christus, nemo salva fide Christiana dixerit.*

33 Unde patet, cum formido in intellectu nil aliud sit, quam quædam dubitatio timorem falsitatis inducens, duas ejus species discernendas esse. Alia enim formido

mido est probabilis, & bene fundata, seu iustis de causis concepta: alia improbabilis, & malè fundata orta ex scrupulo, vel aliis motivis levibus. Prior re vera nequit dari contra res ex fide certas, quia certitudo infallibilis, seu fidei, seu evidentiae, omnem contrariam rationem quantumvis apparentem enervat; idèdque de ratione cuiuscuq;que probabilitatis esse dicitur, si verè talis sit, & non falsò existimata, ut nequaquam opponatur alicui principio certo, & hoc prius debet inspicere, ac examinare pro capto, & tempore quibusvis aliquam doctrinam censet verè, & absolute esse probabilem.

34 Posterior, si indeliberata sit, cum vera fide non pugnat, quia certitudo non aufert improbabilitatem partis oppositae; immò sua virtute, & efficacia eam improbabilem reddit: & propterea, licet saepe occurrant rationes, quae separatim valde efficaces videntur contra Trinitatem, Eucharistiam, aut revelationem ejus, nullam adhuc probabilitatem fidel contrariam conciliant, nec rationabile motivum dubitandi de illius veritate praebent, quia opposita credibilitas totum earum pondus elevat, easque deprimit, ut plumbum deprimit exigua paleam. Quòd si ejusmodi formido deliberata sit, ac voluntaria, nisi desit pertinacia, aut sufficiens propositio rei credendae, proculdubio erit haeretica, & eò magis imprudens, ac temeraria, quò minore fundamento timet, ubi non est timor, & formidat, ne sint falsa, quae cognoscit, aut tenetur noscere esse infallibilia, & certa; immò toto corde, ac super omnia honestissimè amplexanda.

35 Nam quod *toto corde* debeat credere, qui credit, sicut oportet ad salutem, constat ex verbis Philippi ad Eunuchum baptizandum *Actor. 8. 37. Si credis ex toto corde, licet.* Perinde autem est Deo credere ex toto corde, ac credere super omnia credibilia opposita dictis ejus: sicut perinde est diligere Deum ex toto corde, ac diligere Deum super omnia amicitiae ipsius contraria: & cum ex toto corde sibi concupiscere, sicut fit per spem Theologicam, ac concupiscere ipsum super omnia concupiscibilia, & pluris ipsum, quam cetera alia appreciare. Nec vox illa *ex toto corde* ad solam voluntatem imme-

diatè refertur; sed etiam ad intellectum, dum tractatur de ejus actibus. Ista namque 6. 10. *corde intelligere* dicimur, & excusatio, quae ad voluntatem non spectat, cum sit potentia caeca ex semetipsa, *excusatio cordis* inibi appellatur, contestante idipsum B. Ioanne in Evangelio *cap. 12. 40.* Unde, cum scripsit Apostolus, *corde creditur ad iustitiam*, de intellectu, ac mente loquitur, supposita credendi voluntate: sicut planè differit de lingua, & externa ipsa potentia loquendi, statim subjungens, *Ore autem confessio fit ad salutem.*

36 Denique ex dictis concludes (quod aliquibus negotium faceffit) hujus propositionis damnationem non poni; sed mirificè coherere cum condemnatione quartae, ac vice versa. Hic enim agitur de illo qui credit fide supernaturali, & conducente ad salutem; ibi de eo, qui non credit; sed sponte infidelis manet. Hic de illo est sermo, qui credendo habet assensum affirmativum Divinae revelationis, quamvis duntaxat probabilem: nam, si haberet negativum ei contradicentem, nullo modo posset credere, aut moveri ex testimonio, quod existimat non dari; ibi autem de eo, qui discredit ductus minus probabili opinione negativa ipsius revelationis, aut mysterii revelati, ac proinde haeretica ex vi objecti sui directi, contradicentemque formaliter Christianae fidei. Hic damnatur quisquis dixerit, notitiam omnino certam revelationis Divinae non requiri in eo, qui credit; sed probabilem duntaxat, & actu formidolosam affirmationem sufficere; ibi reprobantur illi, qui opiniones negativas rerum fide credendarum, haereticæ cum sint, & improbabiles, probabiles esse posse supponebant, & eo praetextu sufficientes ad infidelitatem excusandam. Quae autem hic sit oppositio, aut antinomia dictorum, imperivum mihi est, neque, ut reor, ullus erit, reintellesta, qui illam invenire valeat.

37 Nam & illi, quos *dissert. 5. cap. 3.* appellabam, etsi probabiliorem notitiam credibilitatis fidei putent obligare statim ad eam suscipiendam, vel certè in mortis articulo, non idèd negant, casu quo actu suscipiatur, in eodemmet actu fidei involvi asserctionem certam Divinae revelationis, nec censent affirmationem illius ita esse posse

posse probabilem, ut ejus contradictoria probabilis etiam sit, & justum motivum præbens timendi, ne forte credens revelationem existere, sic credendo decipiatur. Nos autem, qui ex adverso reputamus dubiam hanc propositionem non sufficere ad credendum, prout oportet; sed judicium evidens saltem moraliter credibilitatis præquiri, idèd præcipue id asserimus, quia credibilitas formidolosa, & incerta non sufficit voluntati ad imperandum pru-

denter intellectui, ut actu adhæreat revelationi, aut mysterio, ut certis infallibiliter, & nulli expositis rationabili formidini de oppositæ partis veritate. Atque utrisque ratum est, assensum fidei esse omnino inseparabilem ab affirmatione certa Divinæ revelationis, & non tantum esse hæreticam enunciationem negativam ejus; verum etiam formidinem actualem, qua quis timet, ne forte talis enuntiatio sit probabilis.

DISSERTATIO XI DE NECESSITATE FIDEI.

Præcipuus scopus Apostoli tota epistola ad Romanos est ostendere necessitatem fidei supernaturalis ad salutem gratia in hac vita, & salutem gloria in futura comparandam. Sed quia duplex est necessitas, alia mediæ, alia præcepti, & fides ipsa alia explicita, alia implicita, alia stricta, & alia lata, circa hoc etiam impegnerunt theses hoc loco damnata, præsertim 22. & 23. quarum examini accingimur.

CAPUT PRIMUM.

An fides explicita Dei ut remuneratoris necessaria sit necessitate mediæ ad gratiam justificationis propriis actibus in hac vita comparandam?

Negat esse necessariam 22. propositio hisce verbis: *Non nisi fides unius Dei necessaria videtur necessitate mediæ; non autem explicita remuneratoris.*

Unde manifestè apparet, sermonem esse de justificatione adulatorum, qui propriis actibus se ad gratiam disponunt. Nam parvulis, qui ante usum rationis Baptismum suscipiunt, neque fides unius Dei ipsorum propria potest esse necessaria ad fidem habitualement simul cum gratia obtinendam; hic autem actualis fides, & explicita Dei, ut remuneratoris necessaria esse negatur necessitate mediæ eisdem ipsis, quibus fides unius Dei eodem modo necessaria esse prætur.

2 Quare & de præsentī institutione, ac providentia intelligenda est assertio: nam

de potentia absoluta haud dubium, quin possit Deus creaturæ utenti ratione gratiam, aut gloriam conferre, quin ex parte illius præcedat ullus fidei, aut charitatis actus. Immo non desunt, qui asserunt, tam Angelos, quàm Adamum in statu innocentie de factō absque ulla prævia dispositione immediatè à Deo sanctificatos fuisse, ut Sotus lib. 1. de natur. & grat. cap. 5. & Molina 1. p. 4. 62. art. 3. ad 1. neque id possibile negant, qui oppositum opinantur. Nomine autem fidei explicitæ ea intelligitur, qua res in se creditur, & sub ratione propria correspondente his vocibus, vel aliis æquipollentibus, *Deus est remunerator*; implicitæ verò, illa confusa, qua res creditur non in se ipsa; sed ut est in alio objecto universali, aut materia-liter contenta, ut iis contingit, qui generaliter credunt, quæcumque credit Ecclesia, aut Deus ipse revelavit.

3 Jam verò, cum hi Auctores negant, ejusmodi fidem esse necessariam necessitate mediæ, non proinde diffidentur, necessariam esse saltem necessitate præcepti. Sed maximum est discrimen inter unam, & alteram necessitatem. Nam quæ necessa-

necessaria sunt sola necessitate præcepti, debent executioni mandari, cum facultas, & occasio suppetit; sed non impediunt salutis assequutionem, si absque culpa ob ignorantiam, vel defectum occasionis de facto prætermittantur. Quæ verò necessaria sunt necessitate mediæ, sunt mediæ saltem ex Divina institutione necessaria ad salutem consequendam: positivè namque ad eam conducunt, & ita ut eorum defectus, quantumlibet inculpatus, ejus assequutionem impedire possit, ut contingit, quoties desunt mediæ non præcisè utilia ad quemvis alium finem; sed requisita omnino, ut ad ipsum perveniant. Quo fit, ut necessaria etiam sint necessitate præcepti, nam volenti ad vitam ingredi sat est servare mandata, ut ipsemet Christus docuit Matthæi 19. 17. fat autem non esset, si mediæ, sine quibus ingredi ad vitam non possumus, mandata nobis non forent; sed nostræ optioni relicta.

4 His explicatis, jam proclive erit ostendere thesaurum damnatam ut minimum esse obnoxium censuris à Pontifice iniustis, & fortasse mereri alias graviores. Neque enim solum excludit necessitatem fidei explicite, quæ Deus remuneraturus credatur; præmio æternæ gloriæ bona opera nostra; sed sola Dei, ut est unus, actuali fide contenta, nullius futuri præmii, sive naturalis, sive supernaturalis, fidem necessariam esse judicat: Non, inquit, nisi fides unius Dei necessaria videtur necessitate mediæ. Unde quæ ratione tollit necessitatem credendi operum bonorum præmia, eadem pariter excludit pravorum iusta supplicia, & una opera negat, esse necessariam spem, ac timorem Numinis, quarum altera fundatur in fide illius ut remuneratoris, alia in fide ipsius ut Vindictis. Nec juxta hanc doctrinam opus erit credere, veniam peccatorum à Deo obtineri posse, animam esse immortalem, superesse alteram vitam, Deum curare res humanas, aut exaudire orationes, vel placari sacrificiis.

5 Quia ad erudendum dari Deum, & non esse nisi unum, necesse non est explicite, & sub sua propria ratione credere quidquam istorum. Porro nil illorum necessario esse credendum necessitate mediæ, sive ad gratiam, sive ad gloriam obtinendam, sive ad perseverandum lon-

gotempore in iustitia, sed sat esse solam fidem existentiam Divinæ, aut unitatis, valde temerariè asseverabitur, & contra omnes SS. PP. ac Theologos longè aliter differentes, cum de fide ipsorum singulariter agitur. Immo multi omnia, vel pleraque ex istis in fide remuneratoris necessario includi judicant. Ratio autem est: quia, sublata illorum fide, vix, aut ne vix quidem usus invenietur, qui ad Deum inquirendum sese ex toto corde applicet, & componat vitam suam, prout oportet ad consequendam salutem. Neque naturalis ratio ejus defectum supplebit, sive circa supernaturalia, quæ sola Dei revelatione nobis innotescunt, sive circa eas veritates, quas perspicaciores aliqui longo tempore assequuntur lumine naturali. Quia Dei existentia, & unitas est una ex his veritatibus, & id non præstat, quominus explicite fides ejus, etiam juxta istos Auctores, sit medium necessarium ad salutem.

6 Jam verò, ut cum eis agamus, quantum expressim differunt, fidem explicitam Dei, prout est remunerator, esse necessariam necessitate mediæ, illic occurrat celebris locus Apostoli sic scribentis ad Hebræos 11. 6. *Sine fide autem impossibile est placere Deo. Credere enim oportet accedentem ad Deum, quia est, & inquirentibus se remunerator sit.* Quo loci observandum est, verbum oportet non denotare metam congruitatem; sed mediæ necessitatem. Tum quia ita sæpius sumitur in Sacris litteris, dicente Chrysostomo in simili serm. de Moysè, tom. 1. *Dum oportet dicit, necessitatem inducit.* *Necessitas autem tanta vi adstringit, ut quod necesse est, etsi nolis, præterire non possis.* Tum quia in præsentem idem verbum applicatur pariformiter Fidei Divinæ existentia, ac fidei remunerationis; respectu autem illius non congruitatem, sed mediæ necessitatem significat. Tum demum, quia exinde probat Apostolus, impossibile esse Deo placere sine fide; impossibile autem id non foret, si non esset necessarium placituris Deo habere fidem, sed absque illa possent obtinere iustitiam aliis modis.

7 Notandum præterea, Apostolum mihi de Henoch disserere, qui ante legem scriptam floruit, & ejus fidei attribueretur, quod fuerit in paradysum translatus,

& an-

& ante mortem ereptus ex hujus vitæ periculis : ita enim ait *vers. 5. Fide Henoch translatus est, ne videret mortem*. Porro quia ad difficile apparebat, quia in Sacris literis nusquam fides ejus nominatim commendatur ; sed solum dicitur *Genel. 5. 22. & 24. ambulasse cum Deo*, & *Ecclesiastici 44. 16. placuisse Deo*, ex hoc ipso argumentum sumit Paulus ad illius fidem adstruendam, subdens : *Ante translationem enim testimonium habuit placuisse Deo*. Inde autem planè concludit, eum prædicitum fuisse fide, *quia sine fide impossibile est placere Deo*. Probat autem, sine impossibile esse Deo placere, quia accedentem ad Deum necesse est credere, eum existere, ac remunerari opera inquirentium ipsum. Quo fit, ut de primo ad ultimum quasi offensivè demonstret, Henoch credidisse utrumque.

8 Hic est discursus Apostoli clarus ex illius contextu, planèque intenum concludens ; sed qui valde infirmus redditur, immò impertinens juxta doctrinam contentam in dicta thesi. Infirmus quidem : nam, si fides remunerationis non est medium necessarium ad placendum Deo accedentibus ad ipsum, non rectè colligeretur, Henoch eam fidem habuisse, ex eo, quòd illi placuerit. Immo si interdum contingeret, ut adulti aliqui absque tali fide gratiam Dei assequerentur, facile posset occurrì Apostolo, asserendo non constare, an Henoch fuerit ex illis, quicum sola unius Dei Fide Divinam amicitiam sunt adepti, aut certè, malè deduci ex eo præcisè, quòd placuerit Deo, habuisse pariter eum fide illius, ut est unus, fidem, qua remuneratori creditur. Impertinens verò : quia ad probandum, eum habuisse fidem illam, sine qua impossibile est placere Deo, impertinenter se habet fides illa, quæ minimè est necessaria ad eum finem obtinendum. Atqui fides Dei, ut remuneratoris, ex doctrina adversariorum, necessaria non est ad eum finem, sed absque illa potest comparari, tam justitia, quam æterna salus, sicut absque fide aliorum, quæ solum est necessaria necessitate præcepti. Frustra igitur assumpsisset Apostolus oportere, ut qui Deo placet, non solum credant, Deum esse ; sed etiam, remunerari opera inquirentium ipsum.

9 Ideò autem pertinuit maximè ad in-

stitutum Apostoli hujus actus necessitatem adstruere, quia de ea fide loquebatur, quam initio ejusdem capituli hinc verbis definierat : *Est autem fides sperandarum substantiarum rerum, argumentum non apparentium*. Porro substantia, seu radix, ac fundamentum sperandi bona nobis salutaria non est sola fides, qua putamus, Deum non esse nisi unum ; sed etiam illa, qua credimus, esse finem à nobis assequibilem, & assequendum de facto merito bonorum operum, dum eum, ut oportet, quaerimus. Unde uterque actus juxta Apostolum pari expressione, atque necessitate requiritur ad justitiam comparandam in illo, qui ad Deum accedit. Nec ad bona merè naturalia coartatur ; sed ad supernaturalia ab ipso promissa extenditur. Hæc namque sunt illa bona, quæ præcipuè ab eo speramus, & maxime ipsummet Deum : quæ jure optimo non apparentia, quasi per antonomasiam dicuntur, & eo planè sensu, quo idemmet Apostolus 1. ad Corinthios 2. 9. scribebat : *Oculus non vidit, nec auris audivit, nec in cor hominis ascendit, quæ præparavit Deus iis, qui diligunt illum ; nobis autem revelavit per Spiritum suum*.

10 Satis verò declaratur, utrumque actum esse necessarium necessitate mediæ, dum æquiparantur substantiæ, seu radici, basi, ac fundamento vitæ spiritualis. nam hoc modo necessaria est substantia ad accidentia, radix ad arboris fructum, basis ad erigendam columnam, & fundamentum ad molem ædificii sustentandam. Id ipsum satis planè colligitur ex Concilio Tridentino *sess. 6. capit. 6.* ubi idem locus Apostoli ad propositum expenditur, & speciatim notatur loqui de dispositione ad comparandam justitiam. Prævertatque S. Cyrillus Hierosolymitanus *Catechesi 5.* his præter cætera : *Ad fidem veram nos vocat & hodierna lectio, viamque nobis præparat, quomodo oporteat & nos placere Deo*. Quando enim accesserit homo ad serviendum Deo, non credens illum futurum remuneratorem ? Quomodo concinebit puella, & juvenis sibi temperabit, si non crediderit, immarcescibilem esse castitatis coronam ? Hæc ibi. Quibus S. Thomas concinit *lect. 2. litt. B.* dicens ad salutem necessariò esse credendum, non solum, quòd Deus est ; sed quòd habeat pro-

*videntiam de rebus. Aliter enim nullus
iret ad ipsum, si non speraret aliquam re-
munerationem ab ipso.*

CAPUT II.

Auctores, & argumenta.

II PRæmissimus antea, in propositione
condemnata duas enunciationes
includi; alteram, qua universim affirma-
tur, non esse necessariam ad salutem ne-
cessitate medii fidem explicitam ullius
objecti, præterquam Dei, ut est unus; al-
teram, qua specialiter negatur, fidem ex-
plicitam Dei ut remuneratoris per modum
medii requiri. Notavimus præterea, pri-
mam longè esse absurdiorē. Quia, præ-
ter fidem explicitam Dei, ut est ultimus
finis assequibilis à nobis per media super-
naturalia, fonsque omnis gratiæ, & Au-
ctor gloriæ, in qua essentialis justorum re-
muneratio consistit, excludit etiam fidem
totius providentiæ naturalis, atque super-
naturalis, quam Deus habet erga mundum;
fidem insuper Divinarum promissionum,
ac minarum, & consequenter cum ipsis
speciei Theologicæ, orationisque necessita-
tem, tam in statu legis Evangelicæ, quam
Mosaicæ, vel naturæ.

12 Universim namque, & absque ex-
ceptione loquitur, & neque in re, neque
in voto quid istorum necessarium esse judi-
cat per modum medii ad salutem, sive adul-
tis infidelibus, sive fidelibus, sive bapti-
zatis antea, sive lapsis post Baptismum.
Quinimodò, si forte quispiam traret incul-
pabiliter circa hæc ipsa, eaque negaret,
posset nihilominus habere fidem necessa-
riam ad salutem. Quia adhuc posset instrui
Fide Dei, ut est unus, credendo plures
Deos esse impossibiles, & non dari nisi
unum ens à se ipso existens, independens,
atque necessarium, summèque perfectum.
Istis namque essentialis, formalisque con-
ceptus unius Dei sufficienter explicatur. &
cum eis componi valet error v.g. circa Tri-
nitatem personarum, aut circa aliud attri-
butum. De quo post Cajetanum 2. 2. q. 2.
art. 2. in fin. P. Suarez disp. 12. de Fide sect. 3.
num. 3.

13 Idèò sub hac amplitudine nullum
ego Auctorem comperi, qui thesi con-
demnatæ subscriberet. Nā Guilielmus Pari-

siensis, Altiflodorensis, & nonnulli alii;
qui significarunt, sufficere rudi populo fide-
lium credere in generali quod credit Sancta
mater Ecclesia, eo ipso postulabant ultra
fidem unius Dei, fidem Ecclesiæ, atque
potestatis ei tributæ loquendi, ac proponen-
di credenda nomine, & auctoritate ipsius.
Neque inficiabatur, esse necessariam ex-
pressam Dei remuneratoris fidem, ut ex
eorum verbis constat, & jam olim Syl-
vester prænotaverat verb. *Fides* q. 3. circa
fin. & P. Suarez disp. 12. de Fide. sect. 4.
num. 1. Qui verò fidem explicitam Dei, ut est
remunerator, non judicant necessariam
semper, & in omni eventu, adhuc adiiciunt
necessariam esse ut plurimum, ac regula-
riter, & maximè ad justificationem adul-
torum infidelium, aut fidelium, qui des-
peratione habitum spei amiserunt. Et quam-
vis fidem, aut spem gloriæ ut coronæ non
postulent; nihilominus non sunt contenti
sola Dei fide, ut est unus, sed ulterius exi-
gunt fidem poenarum, unde timor excitetur,
necnon fidem necessariam ad spem veniæ
concipiendam, quam ab explicita fide, &
ab spe obtinendi præmium gratiæ, aut
gloriæ condistinctam esse censent. Viden-
dum P. Arriaga disp. 12. de Fide. sect. 5. P.
Ripalda disp. 17. sect. 9. præsertim num. 229.
& qui ipsis præluxerant, de spe remunera-
tionis, illiusque necessitate differentes,
Vega in Trident. lib. 6. cap. 27. Dominicus
Soro in 4. dist. 14. q. 2. art. 5. §. Hinc ergo.
Petrus Soto lib. 10. de Pœnit. Valencia
tom. 2. disp. 8. punct. 4. §. 1. vers. Quibus
ita.

14 Carpit insuper hac occasione Lau-
rentius Maria Pisani in Gladio Gedeonis
proposit. 22. numer. 2. Emmanuelem
Sa verb. *Fides*. num. 1. eidemque im-
putat non fuisse ausum improbare eam
sententiam, quæ docebat, hoc tempo-
re legis gratiæ non esse necessarium ne-
cessitate præcepti credere aliquid explici-
tè de articulis fidei; sed sufficere, si
implicitè, & in confuso credatur totum,
quod credit Ecclesia. Sed certè
Sa verb. *Parochus*. num. 5. ad salutem
necessarium reputat credere symbolum
Fidei, & Decalogum, ac *Pater noster*,
vehementerque inculcat eos, qui *Fidei*
mysteria, præsertim Trinitatis, & *Incar-*
nationis, tantopere ad salutem necessa-
ria, suos subditos docere negligunt. *V. e.*
inquit,

inquit, *Parechis! Va Episcopis! Va Prælati!* Eo autem loco, qui in contrarium allegatur, istiusmodi necessitatem non negat; sed potius adstruit. Nam proposita sententia S. Thomæ, aliorumque affirmantium, explicite esse credenda mysteria fidei, quæ publicè in Ecclesia celebrantur, adiungit, alios putare, multos excusari ignorantia, præsertim cum deest, qui doceat. Et hæc est illa sententia, quam non audeo improbare. Porro obligationem non detrahunt; sed agnoscit, qui legitimam excusationem præterit: nam ubi obligatio deest, excusatio frustra adicitur, ut ex se patet, notatque in proposito cum Valentia Thomas Sanchez in *summa lib. 2. cap. 3. num. 18.* apud quem *num. 20.* insuper videre poteris, an ejusmodi ignorantia, saltem defectu magistris, vel capacitatis, possit esse adeo inculcata, ut verè à peccato excusetur?

15 Quidquid autem sit de mente horum Auctorum, & an menti, ac censuræ Pontificiæ in rigore satisfiat, improbando solam primam thesibus propositam partem, mihi etiam omnino displicet secunda, quatenus absolute inficiatur, fidem Dei, ut est remunerator, esse medium necessarium ad salutem. Censeo enim cum D. Thomæ 2. 2. quæst. 2. art. 8. ad 1. *Omni tempore, & quoad omnes necessarium fuisse, duo illa explicite credere de Deo, quæ S. Paulus proposuit, nempe quidd sit, & inquirentibus se remunerator sit.* Ita sumitur ex antea dictis, & ulterius confirmatur. Quia saltem fides implicita Dei, ut est remunerator, dicenda esset necessaria per modum medii ad salutem, atque ut minimum id affecti debet, ut Apostoli verbis satisfiat. Atqui fides Dei unius non est implicita fides Dei ut est remunerator, neque connectitur cum promissione, aut revelatione gloriæ, vel alterius præmii supernaturalis. Ergo aut nulla omnino fides Dei, ut est remunerator, requiritur ut medium juxta Apostolum, vel ea non est nisi explicite.

16 Obiicies tamen. Ad justificationem ejusque adulti satis est, Deum super omnia diligere, & propter ipsum detestari peccata. Sed ad exercitium horum actuum sufficit fides, qua Deus ut summum bonum cognoscitur, atque summo amore di-

gnum, nec requiritur noticia regni celestis, aut alterius præmii actibus studiosius comparandi. Frustra igitur ad eum finem fides remunerationis explicite, vel noticia illius desideratur. Quia amor charitatis non est mercenarius, ut retributionis intuitu debeat exerceri; sed ab illo etiam, qui de præmio gloriæ nihil cogitat, aut nil audit, sed præcisè de infinita primi entis bonitate instructus est, optimo jure concipitur, & quod magis ab affectu proprii commodi elongatur, eò purior est, ac Deo dignior. Unde maxime laudatur eorum charitas, qui servire Deo proponunt, aut de peccatis dolent propter ipsum, expressè protestantes, idem se facturos, quamvis nullum præmium expectare possent propter sua bona facta, nullamque timere poenam ob peccata à se commissa.

17 Respondeo 1. argumentum, aut nil concludere, aut pari efficacia evincere, nec timorem poenæ æternæ, nec spem veniæ à Deo obtinendæ, aut amicitiam ipsius conciliandæ, nec amorem concupiscentiæ erga Deum, & regnum ejus esse medium necessarium ad salutem primam, aut secundam, etiam regulari, aut ordinario modo comparandam, quod est contra Tridentinum *sess. 6. cap. 6. & sess. 14. cap. 4.* Satis namque esse dicitur fides Dei, ut summum bonum unicum, & increatum, ut propter se ipsum ametur perfectissimo amore charitatis formaliter justificante, aut per modum ultimæ dispositionis secum afferente gratiam justificationis penitus inseparabilem. Et, deficiente noticia promissionum, & comminationum Divinarum (quæ omnino necessaria est ad firmam spem retributionis, aut veniæ, ad timorem honestum poenæ æternæ, ad concupiscentiam, & fiduciam inveniendi suum ultimum finem inquirendo illum per media proportionata) omnes hi affectus deficient. Neque ex eis ullus reputari potest necessarius per modum medii ad salutem, nisi necessaria sit cognitio fidei omnino prætequisita, ut à voluntate exercentur: ad modum, quo Dei dilectio, aut perfecta contritio ad justificationem extra Sacramentum necessaria esse non posset, nisi fides Dei, ut summi boni averfantis suas offensas, quæ illis actibus præluceat, necessaria quoque esse dicatur.

18 Respondeo 2. Eſto aliquando con-tingeret juxta providentiam ordinariam caſus ille, qui in argumento proponitur, ut evenire poſſe contendit Granado *con-1100. 2. de Spe. traſt. 5. diſput. 6. num. 3. in ſu.* non ideo negandum eſſet, fidem remunerationis eſſe medium ad ſalutem neceſſarium. Nam in eo eventu non ſolum fides remunerationis deſiceret ante juſtificationem obtentam media contritione, aut charitate; ſed etiam ſpes Theologica, & amor ille, quo Deum ut ultimum finem noſtrum ſuper omnia concupiſcibilia nobis iſtis exoptamus. Et tamen negari nequit, ſpem Theologicam, & præcipuum ejus actum, qui eſt amor concupiſcentiæ erga Deum, eſſe medium ad rectam vitæ inſtitutionem aptiſſimum, & nobis ad ſalutem neceſſarium, ut Granado ipſe proficitur ibidem *traſt. 3. diſp. 1. num. 1.* ac velut res *certiſſima* egregiis Sacri inſtrimenti teſtimoniis confirmatur à P. Valentia *tom. 3. diſp. 2. qu. 4. punſt. 1.* Quare juxta illam ſententiam ſaltem debet affirmari, tam fidem, quàm ſpem remunerationis in re, aut in voto requiri per modum mediæ ad juſtitiam comparandam; & actus ille perfectæ charitatis, qui interdum abſque ejusmodi ſpe, ac fide haberi poſſe putatur, ſaltem ut votum utriuſque juſtificare cenſebitur.

19 Cujus rei aptum exemplum ſumi poſteſt ex doctrina illorum, qui cenſent, in lege gratiæ explicitam fidem Chriſti pro nobis demortui, ac paſſi eſſe medium neceſſarium ad ſalutem, & juſtitiam comparandam. Nam abſque iſtiusmodi fide etiam nunc poſſe exerceri actus ſpei, & charitatis ad juſtificationem ſufficientes, uti in lege naturæ exercebantur, ſimili argumento valet perſuaderi ei, quod habemus præ manibus; illi autem non pauci occurrunt adſtruendo neceſſitatem ejus fidei in re, aut in voto: in re per ſe, atque communiter; in voto autem, aliquando. Legatur P. Suarez *diſput. 12. de Fide. ſeſt. 4. à num. 11. & maxime à num. 18. necnon & ſeſſione 3. num. 19* ubi ſimili diſtinctione componit neceſſitatem credendi, etiam ante adventum Chriſti, immortalitatem animæ, & indigentiam auxilii, gratiæ Divinæ ad juſtitiam, & ad peccatorum veniam. Quæ ſolutio eſt P. Raynaudo diſplicuerit *tom. 2. de attribut. Chriſti.*

ſi. ſeſt. 4. cap. 11. num. 792. multò expeditior videtur ei, quam ipſe ibidem tradit, ne perfectæ Dei dilectio, & juſtificatione unquam contingant abſque fide Chriſti prævia. Sicuti autem illa plus arriferit, eadem quoque uti poterit ad præſentem difficultatem expediendam.

CAPUT III.

Solutio mihi verior, & exactior.

20 Illam expono per partes, & primum adverto, quamvis, cognito per fidem Deo, & ſumma ejus bonitate, ad eſſe videatur, quidquid ex parte objecti neceſſarium eſt ad illum ſuper omnia diligendum amore benevolentiz, ad amorem amicitiz plus requiri. Quia amicitia debet eſſe mutua benevolentia non latens; ne autem peccatore lateat hæc benevolentia mutua, ſeu concordia voluntatum, qua fit, ut idem ſit velle, idem nolle utriuſque amici, non eſt ſatis peccatori credere Dei unitatem, aut bonitatem intrinſecam; ſed adhuc deſideratur notitia, qua præcognoſcat, illum condonare ſuas offenſas, & ſe diligenter diligere. Atque idcirco inter diſpoſitiones neceſſarias ad amorem charitatis ſemper recenſetur ſpes veniæ, ac reconciliationis, ut aperte habetur in Concilio Tridentino *ſeſſ. 6. cap. 6. & ſeſſ. 14. cap. 14.* Neque fieri valet, ut qui ſola fide inſtructus Dei, ut eſt unus, aut bonus, adhuc inculpatè judicat, Deum neque remittere offenſas, nec redamare dilectores ſuos, amicitiam ejus præmereri intendat, aut eſſe cum eo *unus ſpiritus*, ſicut eſt, qui eidem adhæret per amorem amicitiz, juxta doctrinam Apoſtoli 1. *Corint. 6. 17.*

21 Rurſus. Amor ille noſter benevolentiz erga Deum, qui ad juſtificationem requiritur, non eſt mera complacentia ſpeculativa in bonis ejus, neque qualecumque gaudium de exiſtentia, aut unitate ipſius; ſed voluntas ſeria, & efficaciæ includens retractationem vitæ antea cum propoſito ei ſervandi ſemper, & ubique gratia ipſius, ambulandique in viis ejus, abnegando, immò odio habendo ſemetipſum in hac vita, gerendo perpetuum luſtam cum diabolo, mundo, ac carne, & crucifigendo ipſam cum ſuis vitiis, ac

con-

concupiscentiis, sequē, & omnia alia posthabendo, ne eum offendat. Porro hic actus adeo difficilis est, attenta indispotione, & arque debilitate subiecti sese ultra modum amantis, & prout in malum ab adolescentia sua, ut moraliter impossibilis appareat, nisi metu poenae, aut spe magna pramiorum voluntas pramoveatur, & ex proprii boni amore ad ipsum sollicitetur. Quocirca & Dei providentia huic nostrae fragilitati se accommodat, paulatimque animum promovet, deducendo illum per hos actus ab imperfecto ad perfectum. Nemo enim repente fit summus. Et sicut illa dilectio perfectissima, qua propter Deum velle aliquis vitare omnia peccata gravia, & levia, & omnes imperfectiones elicita cum plena advertentia, non habetur absque magno usu, & exercitio virtutum, & specialissima Dei gratia, etsi Deus praeceps cognovit, ut summum bonum, eo ipso appareat dignissimum omnibus istis obsequiis, ita pariter perfecta illa dilectio, quae ad justificationem requiritur, & est plenitudo legis, sola ejusmodi notitia nullatenus comparatur, nisi Deo aliquando placeat per privilegium speciale subito cohonestare pauperimum, ut bono latroni, ac Paulo plures consent contigisse.

22 Sanctus utique Augustinus lib. de *Catechizandis rudibus*, cap. 5. scribebat, de timore Dei charitatem esse edificandam, quia rarissime accidit, immo verò nunquam, ut quisquam veniat volens fieri Christianus, qui non sit aliquo Dei timore percussus. Eadem est mens SS. PP. non jam de Cathecumenis solum; sed peccatoribus generalius loquentium, ut videre licet apud Belarminum lib. 1. de *justific. cap. 13.* sumiturque ex Ecclesiastico cap. 1. 27. ibi: *Timor Dei expellit peccatum, nam qui sine timore est, non poterit justificari.* Quod si de timore ista dicuntur, qui solum est via, & preparatio quaedam ad iustitiam, quid, rogo, de spe dicemus, ita spectante ad justificationis complementum, ut Concilium Tridentinum dixerit *ea sess. 6. cap. 7. Fidem, nisi ad eam spes accedat, & charitas, neque unire perfecte cum Christo, neque corporis ejus virum membrum efficere.* Fit namque justificatio adulti peccatoris, ut traditur etiam inibi, per voluntariam susceptionem gratiae, & donorum, unde hoc

mo ex injusto fit justus, & ex inimico amicus, ut sit heres secundum spem vitae aeternae. Hoc autem nequit voluntarie contingere, nisi spei actus tunc praecedat re ipsa, aut moraliter maneat non retractatus, neque omnino oblitus. Nam & illa est immediata, & proxima dispositio ad recipiendum suum habitum, etiam ante receptionem gratiae, & tanquam intentio optimi finis sibi concupiti, & amati super omnia concupiscibilia optimè disponit ad amandum Deum propter ipsum. Quippe amabilia ad alterum, ut Philosophus agebat, ex amicabilibus ad se proficiuntur.

23 Replicabis tamen. Attritio, quae ex gehennae metu, atque poenarum concipitur, si excludat voluntatem peccandi, est dispositio sufficiens ad gratiam cum Sacramento impetrandam. Ergo, quamvis spes, aut fides remunerationis in adultis non praecedat, poterit justificatio contingere. Neque enim est minus efficax metus poenae, quam spes pramii distantis, & invisibilis; immo experientia ipsa constat fortius movere ad vitae emendationem timorem incurrendi gravis mali, quam spem acquirendi bona per modum pramii promissa. Respondeo, cum ejusmodi attritione etiam requiri à Concilio locis citatis *spem veniae*, atque *fiduciam Divinae misericordiae* impetrandae nostris adibus, quin sola Dei, ut est unicus, fides absque fide promissionum, & comminationum ejus ibi putetur sufficere. Et, cum venia sit inseparabilis ab statu gratiae, filiationisque adoptivae conferentis jus ad gloriae hereditatem, in spe illius impetrandae virtute saltem continetur spes impetrandi omnia haec munera. Metus etiam gehennae includit metum amittendi jus ad gloriam, & incurrendi poenam damni, quae consistit in privatione summi boni nostri, atque possessionis ejus, ut praeinde etiam praesupponat scientiam, amoremque illius.

24 Et, quod plus est, omnem difficultatem evacuat, esto fides remunerationis nullatenus requiratur ad attritionem ex foeditate peccati, aut metu inferni conceptam, saltem erit necessaria ad propositum suscipiendi Sacramentum tanquam medium, in quo salus nostra continetur, & impetratur translatio ab ista pecca-

peccati ad statum gratiæ, iurisque ad gloriam æternam obtinendam. Porro propositum istud necessariò præsupponit fidem, tam veniæ, quàm salutis, iurisque ad gloriam à Deo remuneratore impetrandæ per ejusmodi remedium. Ideoque Concilium Tridentinum docuit in *disso. cap. 7.* ex Apostolorum traditione Cathemenos antè Baptismum non petere ab Ecclesia qualemcumque fidem; *sed fidem vitam æternam præstantem, quam, inquit, sine spe, & charitate fides præstare non potest.* Idemque, servata proportionem, debet dici de peccatore fideli accedente ad Sacramentum Pœnitentiæ: nam in illo etiam contineri restitutionem status gratiæ, & adoptionis filiorum, eoque mediante impetrari, in eodem Concilio habetur *sess. 14. cap. 4.* & hæc est fiducia illa Divinæ misericordiæ, cum qua peccator accedit ad Deum tanquam ad finem. Videtur P. Suarez *lib. 8. de grat. cap. 19.* ubi hæc omnia latè, & optime perpendit, & ex quo capite oriatur, ut ad justificationem impii minus necessarius sit actus timoris, quàm spei, idque nos antè indicavimus *num. 22.*

25 Addiderim tandem, fidem remunerationis de congruo, aut de condigno obtinendæ fore necessariam moraliter, quamvis per possibile, vel impossibile dixerimus, prævium actum spei Theologicæ non semper requiri ad Deum ex amore charitatis super omnia diligendum. Ratio triplex est. Tum quia ejusmodi fides non solum juvare potest ad amorem charitatis inducendum ad spem, quæ est amor concupiscentiæ; sed etiam facilitando immediatè ad amorem charitatis, & tollendo displicentias, quæ necessariò exoriuntur, cum prænoscentur, laborem nostrum non fore remunerandum, aut penitus ignoratur, redditurum esse fructum. Tum quia experientia ipsa constat, retributionem prævisam, quamvis non sit in se, neque amata, valde inclinare ad obsequia merè liberalia, atque gratuita, ex. g. ad beneficia præstanda amore benevolentia iis, quos agnoscimus non esse ingratos; sed scimus esse munificos: sicut vice versa, ipsa notitia beneficiorum, quæ accepimus, non solum inclinat ad actionem gratiarum propter commodum ipsius beneficii; sed etiam ad amicitiam cum be-

nefactore, & ad rependendam ei benevolentiam amando ipsum propter ipsum.

26 Tum demum, quia actus sperandi retributionem non tantum haberi potest ex motivo concupiscentiæ, quod propriè ad spem Theologicam spectat, ut distinctam à virtute charitatis; verum etiam ex motivo amicitia, ut si à Deo expectemus, aut petamus, & impetrare velimus bona nobis, aut aliis salutaria, non quia talia, neque intuitu nostri, sed ut media ad serviendum ipsi propter ipsum. Porro ex quocumque motivo is actus oriatur, quamvis propriè, atque formaliter ad virtutem spei non spectet, semper supponere debet remunerationis fidem.

C A P U T IV.

De necessitate fidei strictæ ad justificationem.

27 **P**AUCIS ab hinc annis audiri, legique apud Theologos incepit divisio fidei Christianæ in latam, & strictam. Antè enim de fide semper absque ejusmodi additamentis loquebantur, cum de utilitate fidei, vel necessitate tractabant, atque eo nomine eam exprimebant, quæ Divinæ auctoritati, ac revelationi innititur, & veracitatem, ac sapientiam Dei fallere, aut falli nescientis respicit tantquam objectum specificativum, ac formale. Modò autem aliqui hanc fidem strictam, rigorosamque appellant, & ultra ipsam invexerunt, seu potius applicuerunt nomen *fidei* aliis notiis nostris per se infusis, atque supernaturalibus ad pietatem conducuntibus, quarum objectum formale non sunt auctoritas, & revelatio Divina; sed testimonium creaturarum, aut simile aliud motivum sibi commune cum cogitationibus honestis, quæ naturali discursu possunt comparari. Et hanc vocant fidem latam. Fidem quidem, quia per analogiam, seu attributionem quamdam ad fidem strictam reducitur latam verò, quia non nititur motivo ipsius, sed inferioribus aliis, quæ ex creaturis accipiuntur ostendentibus Divinam bonitatem, peccati turpitudinem, aut honestatem virtutis, & testimonia, aut loquutiones solent appellari. Quo sensu Psalmista dixit, *Calos enarrare gloriam Dei, & diem diei verba eructare.*

28 Copiosus est in promovenda hac partitione fidei supernaturalis Ripalda *disp. 12. de Fide per totam*, atque stabilienda ex Scripturis, Ecclesiæ Patribus, rationibusque Theologicis; sed non ideo ausus est dicere, ejusmodi fidem latam ad justificationem sufficere, vel ad illam non requiri fidem strictam; immò hanc esse necessariam absolutè, ac decretoriè pronunciat *num. 104.* ne à communi Theologorum sententia discedat, & minustutam cogitationem sequatur. Idipsum aliis consulit *num. 211.* semperque tum ibi, tum aliis in locis protestatur, se presententia negante nil assertivè asserre; sed omnia disputativè proponere, ac relinquere Doctorem examini, solumque contendere, fidem strictam non esse necessariam ex natura eorum affectum, qui ad justificationem concurrunt; sed ex lege Dei extrinseca, providentiæque ordinaria.

29 Quam utique moderationem, & consilium, si voluisset sequi, ac imitari Auctor propositionis 23. inter damnatas à SS. Innocentio, non adeò intrepidè, ac sidenter proponeret doctrinam in ea contentam, atque, ut ibi jacet, optimo jure proscriptam. Latet me, quis ille fuerit, & video nonnullis tribui, qui nil tale pronuntiarent. Cujus cujus autem sit, thesis ipsa sic se habet: *Fides latè dicta ex testimonio creaturarum, similive motivo ad justificationem sufficit.* Ubi illicò occurrit lapsus maximè momenti. Quia ibi non tantum negatur implicite necessitas fidei strictæ ad justificationem; sed explicite affirmatur, sufficere fidem latam. Hoc autem longè est absurdum, & ex doctrina Lutheri, aliorumque ejusdem furoris hæreticorum mutatum. Ipsi enim sunt, qui affirmabant, *impium justificari sola fide*, subintelligendo iis vocibus *nihil aliud requiri*, quod ad justificationis gratiam consequendam cooperetur, & propterea fuere in Tridentino *sess. 6. canone 9* tanquam manifestè hæretici anathemate perculsi.

30 Perinde autem dictum est, fidem sufficere ad justificationem, ac nihil aliud requiri; sed eam solam esse satis: nam habenti illud, quod sufficit ad aliquam gratiam obtinendam, nil aliud est necessarium. Quòd si absurdum foret dicere, etiam loquendo de stricta: *Fides*
Theolog. Reform.

sufficit ad justificationem, quia adhuc desiderantur spes, & charitas, quoniam pacto dici poterit, ad eum effectum sufficere non jam strictam, & propriam; sed etiam analogicam, & latam? Utique is modus loquendi multis posset esse in laqueum, pluresque incautos decipere, nam Lutheranismum redolet, phrasismque ejus imitatur; immò illius doctrinam ampliatur. Quare vel hoc solo titulo debuit proposita thesis ut minimum scandalosa censeretur, & judicari perniciofa in praxi. Possent enim, qui ad præscriptum ejus vellent suos mores dirigere, nec de alia fide curare, neque alios motus elicere spei, aut charitatis, quibus se ad gratiam disponent, contenti sua fide lata.

31 Rursus, dum non explicatur, debere illam latam fidem esse supernaturalem, magna alia labe incurritur. Quia vox illa *latæ fidei* nova est, & non habet fixam significationem, aut terminum latitudinis certa lege designatum. Ideò sapienter Ripalda multoties eo loci inculcat, cognitiones de Deo, & aliis, quas appellat fidem latam, non esse illas naturales, quæ circa ejusmodi objecta comparantur ex creaturis; sed alias objecto similes intrinsecè supernaturales, quæ ex Dei gratia eas comitantur, & per se sunt necessariæ, ut ad merendum proficiant. Nihil horum declarat in propositione damnata, neque in ea, ut jacet, imbitur aliquid, unde præsumi possit, vel suppleri: quia generalibus terminis, & omnino abstractis utitur, & vox ipsa *fidei latæ* naturales cognitiones non excludit. Analogica enim est, satisque impropria, & in verbis analogicis magna potest esse latitudo, ut est maxima inter loquutionem cœli, & loquutionem Divinam, quæ est proprium objectum fidei; & quamvis illa prior sit merè naturalis, ac valde impropria, adhuc lata quadam, & analogica ratione appellatur enarratio, atque loquutio. Profectò notitia illa, quæ naturali discursu ex creaturis comparatur, naturalis esse potest absque dubio; utrum autem supernaturalis esse valeat, nimis controversum est, quia nullum habet supernaturale motivum. Igitur, dum nil aliud explicatur, aut de sola naturali est fermo, aut ea certè non excluditur, & cum de fide requisita ad justificationem agitur, fidem

merè naturalem non sufficere ex Augustino, ac SS. PP. est indubitanter manifestum, & satis expressè in Concilio Tridentino traditum *sess. 6. can. 3. & cap. 6. & 7.*

32 Inquirendum est præterea, an sufficiat lata fides ad justificationem ei infideli, qui potest, si velit, habere strictam, vel ei solum, qui non potest, quia nihil de fide audivit, nec de testimoniis Dei perducentibus ad ipsam? Lemma censuris inusum indiscriminatim loquitur. Sed aberrare videtur, præsertim quoad primam partem. Quia esto demus, fidem strictam non esse necessariam ad salutem necessitate mediæ, quod verissimè Theologiæ refragatur, atque receptissimæ apud omnes, saltem negari non potest, illam esse necessariam necessitate præcepti, cum primum est infideli iam sufficienter proposita. Peccabit ergo lethaliter non credendo fide stricta in prædictis circumstantiis, & fides lata nil proderit, ut assequatur iustitiam, resistenti contumaciter. Neque posterior eventus magno incommodo vacabit. Quia fides lata non datur de rebus, quas naturalis discursus testimonio creaturarum solum probabiliter assequitur, & cum formidine, aut dubitatione quadam. Ita autem valde communiter Deum, ac ejus bonitatem super omnia diligendam singuli quique cognoscunt, etiam docti, atque sapientes, si suo ingenio relinquuntur. *Ratio enim humana in rebus Divinis est multum deficiens, ut egregie S. Thomas annotavit 2.2. qu. 2. art. 4. corp.* atque ideo rectè concludit, *ut esset indubitata, & certa cognitio apud homines de Deo, oportuisse, quod Divina eis per modum fidei traderentur, qui mentiri non potest.* Porro fides, quæ Dei dictis, ac veritati innititur, stricta fides est; non verò lata.

33 Ulterius, cum fides lata dicitur ad justificationem sufficiens, co ipso asseritur non esse necessariam cognitionem earum rerum, quas naturalis discursus non assequitur; sed sola fides stricta sciri valent. Quare necessaria non erit certa fides rerum supernaturalium, ut mysterii Trinitatis, aut Incarnationis, aut Dei, ut est finis noster nunc per media supernaturalia querendus, posteaque inveniendus in gloria cœlestis patriæ. Omnia quippe objecta ista rationem merè naturalem sibi relictam transcendunt, & neque certò sciri, neque addisci

possunt testimoniis, aut argumentis acceptis ex constitutione rerum naturalium. Nihil ergo ipsum sciri potest fide illa lata, cujus materiale objectum, atque motivum restringitur ad ea, quæ ex creaturis possunt naturali ductu investigari, & quidquid supernaturalitatis ei tribuitur, non ratione objecti competit; sed ex principio duntaxat. Atqui ad justificationem necessariò requiritur certò agnoscere supernaturale aliquod objectum, & aliquid de Deo credere, quod ratione naturali certò sciri, aut disci nequit. Ad illam ergo non sufficit, nisi accedat fides stricta, illa, quæ impropria cum sit, cœpit appellari lata.

34 Cœtera, præter hanc ultimam minorem, planè videntur constare; eam autem *omniò veram, & satis certam* vocavit, non tantum post Evangelicam lucem; sed pro omni tempore, ac statu, P. Suarez *disp. 12. de Fide sess. 3. num. 8.* præcunte Angelico Magistro *dist. 4. quest. 2. art. 3. & 5.* aliisque Theologis valde communiter in *3. disp. 23. & 25.* Atque, ut modò omittam plurimos ægerrimè luros, excludi fidem certam mysterii Trinitatis, & Incarnationis, atque redemptionis per Christum pro nobis passum, cujus veritas per fidem latam neque explicitè, neque implicitè deprehenditur, & validis argumentis necessaria existimatur necessitate mediæ ad iustitiam in hoc statu legis gratiæ. Ut, inquam, hæc modò omittam, saltem non debet negari (quidquid dicat Lumbier in præfati num. 1778.) fidem remunerationis supernaturalis quovis tempore ad justificationem fuisse, ac esse necessariam. Nam locum Pauli in superioribus ubertim propositum de remuneratione *supernaturali intelligendum esse omnes exponunt, & ex contextu ipso aperte colligitur, ut Suarez scribit post Canum, & perspicuis argumentis confirmat in dicto num. 8.*

35 Ad hæc. Fides lata non est illa fides, quam ibi descripsit Paulus dicens, *eam esse substantiam sperandarum rerum, argumentumque non apparentium.* Nam fides ista cœlestem patriam cognoscit, docetque eam inquirere, ac expectare, Divinisque revelationibus, ac promissionibus nititur rerum supernaturalium, ut manifestè liquebit percurrenti totum caput. Fides autem lata nequit esse fundamentum inquirendi, vel sperandi bona supernaturalia, cum

cum sint indebita ; immò impossibilia naturæ , cujus solis testimoniis , atque motivis innititur qualisqualis ea notitia , cui latè , & maxime improprie nomen *fidei* accommodatur . Nequit præterea nos facere filios , ac hæredes Dei *secundum spem vitæ æternæ , quam promissit* (teste Paulo ad Titum 1.2.) *qui non mentitur Deus* : quia gloria æterna , summaque felicitas , & ejus promissiones ex vi illius non cognoscuntur , neque nobis possibiles putantur ; sperari autem non potest , quod impossibile creditur , aut penitus ignoratur . Nequit insuper esse probatio , aut argumentum illorum non apparentium , de quibus agebat Paulus , siquidem nec patent sensibus , nec rationi naturali , nec in cor hominis ascendunt , ut ipse exponebat alibi .

36 Igitur re vera lata fides non est illa , de qua Apostolus disseruit ; sed fides stricta subnitens revelationibus , ac promissionibus supernæ beatitudinis , ac earum rerum , quas naturalis discursus investigare non valet . At de hac ipsa fide dicit impossibile esse Deo placere sine illa , necessariumque , ut eam habeat , quisquis Deum inquirat , & ad eum accedit . Ergo

sine fide stricta secundum mentem Apostoli nihil horum obtineri valet . Et quis dubitet , de fide stricta remunerationis supernaturalis loquutum eo *cap. 11. 27.* dicendo , Moysen , *quia in remunerationem aspiciebat* , magis elegisse affigi cum populo Dei , quam temporalis peccati habere jucunditatem , & majores divitias æstimasse thesauro Ægyptiorum improprium Christi ?

37 Omnia tandem ista confirmari possunt ex Concilio Tridentino locis antea ponderatis circa fidem remunerationis . Et ex eo insuper , quod fides , quæ ad justificationem requiritur , debet esse obscura , & libera , cum sit imperatoria apud Deum , ut obsequium valde voluntarium . At verò notitiæ illæ , quas appellant fidem latam , aut supernaturales non sunt , aut debent esse evidentes , ac proinde necessariæ : nam actibus naturalibus inevidentibus , atque merè probabilibus nullus diceret concomitanter adjungi actus supernaturales ejusdem inevidentiæ , atque motivi probabilis . Sed de his plura Scholasticis relinquimus , ultra ea , quæ accuratè in hanc rem disputat Card. de Lugo *disp. 12. de Fide* .



DISSERTATIO XII. DE MENDACI, ET FICTO JURAMENTO.

CAPUT PRIMUM.

*An sit peccatum mortale Deum invocare in
testem mendacii levis?*

Negavit olim Goffredus, quem refert, nec plene improbat Angelus verb. *Perjurium*, & hanc ejus opinionem antiquatam, & extinctam refuscitasse videtur Auctor *propositionis* 24. cujus ista sunt formalia verba: *Vocare Deum in testem mendacii levis non est tanta irreverentia, propter quam velis, aut possis damnare hominem*. Tribuit eam Stephano Bauni in *summa* pag. 96. infamis ille, infamatoriusque libellus Gallico idiomate scriptus, & jure optimo proscriptus anno 1644. qui inscribitur *Theologia moralis Jesuitarum*. Sed immerito. Quia Bauni *ibidem* pag. 80. omne perjurium assertorium mendax reputat peccatum grave, & appellat *grande scelus*, in lege, & Prophetis, & Evangelis prohibitum, puniendum post hanc ultimam morte eterna. Quare dum ex dicta pag. 96. proferuntur ejus verba in speciem similia verbis propositionis damnatae, mala fide cum eo agitur, avellunturque ejus dicta à suo contextu, ne ex illius inspectione deprehendatur legitimus eorum sensus.

2 Quippe eo loci ipse non loquitur de juramento assertorio vocante Deum in testem mendacii juramento ipso de praesenti exerciti (quod jam dixerat non excusari à lethali ob parvitatem materiae) sed de juramento vero, quatenus est assertorium de praesenti; promissorio autem mendacii in posterum committendi. Non est autem eadem ratio unius mendacii, & alterius: quia illud est juramenti circumstantia illud duntaxat obiectum: illud reddit ipsum falsum tollendo veritatem de praesenti; istud veritatem retinet: illud est menti difforme, aliud conforme, nec potiori à lra ratione juranti il-

licitum, quàm alia quævis juratio promissoria verbi otiosi, aut alius peccati levis. Et in summa, sicut valde differunt advocare Deum in testem mendacii merè praeteriti, jurando cum veritate nos antea fuisse mentitos, aut jurare teniendo de praesenti, sic valde differre possunt jurare praesens mendacium, aut non praesens; sed futurum, committendumque alio tempore. Quantum autem, qualeve piaculum is modus jurandi res venialiter illicitas involvat in suo conceptu, non constat inter Auctores, definitur autem paulò inferius.

3 Nunc verò satis sit dicere, juramentum assertivum cujuscumque mendacii, etiam levissimi, esse peccatum mortale, & aeterna poena dignum. Sic sumitur ex 2. *praecepto Decalogi*, Levitici 19. 12. ibi: *Non perjurabis in nomine meo: juxta unanimum expositionem Patrum, atque Theologorum, cui valde temerarium esset refragari in re tanti momenti, & ab eis tradita ut omnino certa. Et quia oppositum aperte sonat praallegata propositio sumpta, ut jacet, jure optimo suae temeritatis poenas luat, esseque condemnata ut minimum tanquam scandalosa dirigenti suas actiones juxta illam, & multum derogans Divinae reverentiae, totique humano convictui, dum religionis praeceptum homines firmitus decipiuntur, & mendacia nostra credi volumus, non jam nobis; sed Deo ut testi. Quocirca, licet in aliis peccatis ex genere suo mortalibus, v.g. in furto, dari soleat parvitas materiae, qua sint venialia duntaxat; in hoc genere peccati nullo pacto admitti debet: sicut neque admittitur in infidelitate, odio Dei, desperatione, blasphemia, Simonia, pollutione, & aliis plerisque id generis.*

4 Ratio autem satis evidens apparet. Tum quia licet in homine mendacium officiosum, vel jocosum, aut nocivum in re levi, veniale peccatum sit; in Deo autem sic mentiri magna deordinatio foret,

ret, quia eo ipso amitteret primæ veritatis excellentiam, & non forent ejus dicta digna summa fide, ac reverentia. Igitur, qui illum adducit in testem mendacii, etiam levissimi, & vult credi tanquam ab eodictum, quantum est de se illum privat primæ, ac summæ veritatis eminentia, magnamque propterea offensam adversus ipsum committit, dum tacite protestatur, eum posse fallere alios, si testificando mentitur; aut posse falli, si quod ipse arbitratur esse falsum, Deus id attestans existimat non esse falsum, sed verum. Tum quia medio juramento veritas adeo firmatur, ut omnis controversia terminetur, & hic est finis illius, ut sumitur ex Apostolo ad *Hebræos* 6. 16. quodlibet autem perjurium isto fine illud evacuat, quod non est utilitatis levis.

5 Tum demum, quia mendacium esse grave, aut leve ex eo accipitur, quod materia illius sit magni, aut parvi momenti, perniciofa, aut officiosa, multum, parumve nocens audienti; juramentum verò non respicit suam materiam, seu assertionem juratam sub hac ratione; sed quatenus est vera, aut falsa, digna, vel potius indigna, ut à prima veritate testimonio suo confirmetur. Atqui quodlibet mendacium, etiam minimum, omnino deficit à veritate, & indignissimum est, ut Deus sit testis illius. Ergo nullum potest putari materia levis, aut parva in ordine ad juramentum. Quare, si ve bono, si ve malo fine fiat, si ve ad liberandum, si ve ad condemnandum innocentem, si ve pro bono publico, si ve privato, si ve sponte, si ve ad tuendam propriam vitam, aut quicumque alia urgentissima necessitate ingruente, semper erit peccatum criminale. Immo S. Thomas rectè animadvertit 2. 2. q. 98. art. 3. ad 2. cum, qui jocosè perjurat, non evitare Divinam irreverentiam, neque peccatum mortale; sed quantum ad aliquid magis augere.

6 Obiicies tamen 1. Mendacium sub propria mendacii ratione parvum potest esse, ac magnum: neque enim malitia illius indivisibili consistit, quia una falsitas est major, quam alia: & proculdubio plus mentitur, qui affirmat, se habere in manu centum digitos, quam is, qui dicit non habere nisi quatuor. Sed perjurium ut sic suam totam malitiam sumit ex

falsitate, quam jurat. Non ergo sumere potest gravem, aut magnam malitiam, cum veratur erga levem, & exiguum falsitatem. Respondeo, argumentum omnibus esse solvendum, quia falsitas mendacii, quantumvis magna sit, præcisè intra suum genus non est peccatum mortale; sed veniale, ac leve: debet enim transire in perniciosam, ut gravem malitiam habeat. Ergo leve solum, ac veniale foret quodvis juramentum assertorium, etiam maximi mendacii non perniciosi, si ejus gravitas pensanda foret, non ex veritatis defectu; sed ex granditate, aut parvitate falsitatis.

7 Quare pro omnibus respondeo, deordinationem periurii non diminui ex diminutione assertæ falsitatis, sicut diminuit deordinatio furti ad diminutionem damni. Quippe diminuta falsitas re vera falsitas est, non minuens, sed tollens omnino assertionis veritatem, quæ in indivisibili consistit, & omnimodam adæquationem postulat ex suo conceptu formali. Porro primæ veritati, & infallibili auctoritati, qua pollet, non jam leviter, sed valde graviter repugnat non testificari verum, aut dicere quidpiam falsum. Neque in rebus istis protervire licet, aut inanibus argutiis ea dogmata vellicare, quæ Ecclesiæ communis sensus suo suffragio comprobavit. Illud autem, de quo loquimur, comprobantur in speciali, tradideruntque ut certissimum innumeri, quos dabit Leander à Sanctissimo Sacramento tom. 2. in *Decalog.* tr. 1. disp. 7. §. 1. qu. 3. & 4. Et in genere recepta sententia est in his, quæ circa Deum, & honorem ejus directæ, ac immediate versantur, nullam dari materiæ parvitatem, ut videre licet apud Sanchez in *summa* lib. 1. cap. 4. nu. 1. Castro Palao tom. 1. tr. 2. disp. 2. punct. 7. num. 1. & 2. Baldellum tom. 1. Theolog. moral. lib. 3. disp. 14. præsertim num. 13. ubi rem trahat exactè.

8 Obiicies 2. Juramentum dicendi in futurum leve aliquid mendacium non est peccatum mortale, nec gravis irreverentia, quamvis auctoritate Divina ita jurans sese obfirmat in proposito mendicandi, & de mendacio futuro reddat securiores illos, in quorum gratiam mentiri promittit; vel longè timidiore, si mendacium leve ipsis nocivum juramentum interpositione committitur. Ergo pariter,

ter, non nisi leve peccatum erit, assertionem mendacem de presenti in re parvi momenti juramento confirmare. Explicatur. Quia juramentum promissorium, aut comminatorium mendacii graviter peccaminosum, scilicet nocens graviter in judicio, aut extra illud, lethale peccatum est; veniale verò, si mendacium leve promissioni, vel comminationi subjaceat. Ergo in juramentis assertoriis par norma servari debet, ut peccata levia sint, quoties mendacium est leve; gravia verò, cum est grave.

9 Ceterum hoc argumentum; licet circa mendacium sub juramento promissum, aut assertum de futuro proponatur, re vera nullam specialem difficultatem importat; sed eam communem, qua inquiritur, an juramentum de veniali aliquo peccato in posterum committendo sit peccatum leve, aut grave per se, & vi talis materię? Nam quod de reliquis peccatis levibus hoc modo juratis dicitur, dicendum est de mendacio, adeoque nullus Auctorum illud peculiariter excepit; sed indifferenter de omnibus communem doctrinam tradunt. Supponunt autem, & merito, ut questioni suus locus relinquatur, tale juramentum fieri animo adimplendi ipsum suo tempore, mentiendi scilicet, si mendacium de futuro promittatur, aut leviter laedendi, si hoc juretur. Quia, si ejusmodi voluntas desit, aut contraria potius adsit, certum est, ibi committi perjurium assertorium valde grave, & præsens mendacium juramento stabiliri. Nam qui jurat, se aliquid facturum, etiam in materia licita, eo ipso affirmat, se actu habere voluntatem id faciendi, cum faciendum sit sua voluntate. Mentitur ergo de presenti, si illa desit, & potius adest contraria. Atqui præsens hoc mendacium jurisjurandi religione confirmat. Ergo, quidquid sit de eventu assertionis de futuro, perjurus est de presenti.

10 Posito autem, quod non desit animus implendi, quod juratur, tunc specialiter procedit difficultas circa juramenta dicendi leve aliquod mendacium, aut perpetrandi aliud quodlibet peccatum veniale. Assumit autem obiectio ex opinione communi id genus juramenti non esse peccatum lethale; sed solum veniale duplex; alterum contra veracitatem ob pro-

positum mentiendi; aliud contra religionem, eo quod jurans Divini testimonii invocatione abutatur, ut se immobiliter obfirmet in eo pravo proposito exequendo. Ceterum si exinde recte posset colligi, juramentum assertorium levis mendacii non esse, nisi peccatum veniale, satius fore discedere ab ea opinione quam consequens adeo absurdum vi paritatis defendere. Eatenus enim affirmant sui Auctores eam doctrinam, quatenus putant legitimam disparitatem ab uno casu ad alium adhiberi. Sicui autem ea non satisfaceret, infirmari deberet antecedens, & agnoscere etiam malitiam mortalem in juramento de veniali committendo. Nam & eam expressè agnoscit Lulsius Turrianus in *summa* p. 1. cap. 168. dub. 6. num. 3. & ante ipsum Ambrosius Catharinus monebat apud Covarruvias in cap. *Quamvis pactum*, 1. p. §. 6. num. 6. in fin. à contraria opinione esse cavendum.

11 Necdubium, quin ea sententia contra se habeat argumenta difficilia, quæ proponit, diluitque Palao tom. 3. disp. 1. de juram. pund. 6. num. 9. sapienter animadvertens, non idcirco esse ab illa recedendum, cum valde communis sit, & recepta in praxi ut tuta. Valentia etiam non est ausus ab ea discedere tom. 3. disp. 6. q. 7. pund. 3. vers. *Et badenus*, quamvis non neget, creditu videri posse difficilem. Quare absolute est tenendum, juramentum de committendo veniali, cum adest animus illud implendi, per se, & ex vi suæ materię non esse, nisi veniale. Ita Soto lib. 8. de just. & jur. q. 2. art. 3. conclus. 5. Sylvester, aliis re-latis, verb. *Juramentum* q. 7. Malderus 2. 2. tr. 10. cap. 6. dub. 3. vers. *Tertius juramenti comes*. Azor 1. p. insit. moral. lib. 11. cap. 5. q. 1. Joan. VVigers de jure, & just. tr. 8. cap. 5. num. 142. Diana p. 5. tr. 5. resolut. 4. Leander cum plerisque aliis de disp. 7. q. 37. Lyman in *summa*. lib. 4. tr. 3. cap. 14. num. 9. assert. 6. Cajetanus 2. 2. q. 39. art. 7. Fumus verb. *Jurare*. num. 9. Thomas Sanchez in *summa*. lib. 3. cap. 4. a num. 25. Suarez tom. 2. de Relig. lib. 3. de juram. cap. 19. Stephanus Bauni, & Covarruvias locis jam antea appellatis.

12 Unde jam ad objectionem propositam num. 8. admissio antecedenti, neganda est consequentia, nam est ratio valde dispar. Tum quia Deo non repugnat atte-

stari

flari mendacium fuisse, vel fore, sicut repugnat mentiri, attestando id esse verum, quod nos scimus esse falsum. Tum quia jurans v.g. se mentitum die crastina, si tunc mentiatur, assertionem suam juratam ipso mendacio verificat, verum namque fuit eum mentitum, & hoc Deus summè verax confirmare potest testimonio suo infallibili. Tum quia mentiendo juramentum suum adimplet, & novum perjurii peccatum ea de causa non committit, licet aliunde graviter peccare possit peccato blasphemiz, aut superstitionis cultus, si id faciat quasi Deo placens, & religione juramenti confictus. Tum quia, ut antea prænotavimus, eadem omnino est ratio de juramento mentiendi, ac faciendi aliud quodcumque opus venialiter pravam, in aliis autem non læditur per se, ac directè Divina veritas; sed solum deficit comes justitiæ.

12 Tum demum, quia ea ratione dici possit, veritatem his juramentis deficere, quatenus ex sententia S. Thomæ 2. 2. q. 98. art. 1. ad 2. *Quocumque modo quis juret illicitum, ex hoc ipso falsitatem incurrit, quia obligatus est ad hoc, quod contrarium faciat.* Deus tamen non adducitur tanquam testis hujus falsitatis; sed ut testis transgressionis futuræ, qua existente, juramentum adimpletur, & facta respondent dictis. Ulterius, quòd attenta obligatione desistendi ab eo proposito, utpote operis illiciti, assertio de futuro verificari non debeat; sed contrarium ejus fieri, solum probat, tantam esse obligationem evitandi hoc juramentum, quanta est obligatio non verificandi ipsum; hæc autem obligatio levis est, cum non sit, nisi obligatio abstinendi ab opere venialiter illicito. Facere insuper contrarium ejus, quod jurando promissisti in re licita, sed parva, non est peccatum mortale, ut plerique valde docti affirmant, sive leve id, quod prætermittitur, sit partialis materia juramenti, sive totalis. A fortiori igitur mortale non erit, teneri solum in re levi facere contrarium ejus, quod jurejurando promittitur. Minus enim læditur veracitas sola obligatione non faciendi, quod juratur, quam non faciendi id de facto, cum licitè posset, ac deberet fieri. Nam qui tenetur non facere rem promissam, quia erat prava, illam nihilominus ex-

qui potest, & opere adimplere, quod dixerat, atque ita verificare assertionem rei faciendæ in præcedenti promissione inclusam; qui verò contrarium facit, ipso facto illam falsificat, tollitque conformitatem inter dicta, & facta sua.

CAPUT II.

Quare in juramentis promissorii rei illicitæ detur parvitas materia; non autem in assertorii mendaciis?

14 **H**anc difficultatem postulat confirmatio num. 8. proposita, eidemque libenter fateor, juramentum promissorium de omissione, aut opere, quod est peccatum mortale, esse peccatum mortale contra religionem; veniale autem, si opus, aut omissio sit venialis; nego tamen, eandem regulam in juramentis assertorii posse, aut debere servari. Quia assertoria, ut antea adverti, non respiciunt suam materiam, quatenus est licita, aut illicita, magni momenti, vel parvi; sed solum, quatenus veram, consentaneamque menti jurantis, & ideo quamvis quis juret, se magnum aliquod scelus patrassè, ut contingit delinquentibus, dum sua crimina in judicio manifestant, ideo peccant, aut contra juramenti religionem faciunt, peccaturi utique adversus illam gravissimè, si juratum scelus sibi falsò imponent, cum illud non perpetrassent. Ergo non ex qualitate, aut quantitate materiæ æstimari debet hujus juramenti obligatio; sed ex veritate, aut mendacio. Atqui in ordine ad Divinum testimonium omnia mendacia, sive magna, sive levia, ejusdem rationis sunt, nullumque testificari potest absque magno præjudicio suæ supremæ auctoritatis in dicendo. Ergo semper grave erit, seu res sit gravis, seu levis, eum facere testem mendacem.

15 In juramentis autem promissorii, aut comminatoriis alicujus rei illicitæ non militat eadem ratio, si facta sunt, ut supponimus, animo exequendi illud, quod futurum enunciat. Neque enim, cum juramentum emittitur, invocatur Deus in testem alicujus assertionis, quam nos reputemus falsam; sed omnino verum credimus, futurum esse illud opus, quod ex vi nostri propositi futurum esse jura-

juramus. Neque postea, cum, mutata iniqua voluntate, resipiscimus, & illam non exequimur, facimus, ut contra mentem tempore facti juramenti quidquam dixerimus, aut quod Deum adduxerimus in testem alicujus assertionis, quam tunc falsam putabamus; sed tota falsitas, quæ inibi incurritur, in eo consistit, quod facta non respondeant nostris dictis, servata semper dictorum, ac mentis conformitate. Unde numquam Deus adducitur tanquam testis alicujus falsi secundum existimationem loquentis, ut opus est ad mendacium; sed falsi in ordine ad ipsam sese habentis merè materialiter, ac ferè ad eum modum, quo dicitur Deum in testem falsi adduci in juramento assertorio de præsentī, aut de præterito, cum in re ipsa falsum est illud, quod dicimus; sed nos id invincibiliter omnino verum putamus. Semper igitur in istis juramentis jura veracitatis Divinæ penitus illæsa manent, & ideo locus relinquitur, ut peccata levia fiant ob materiæ levitatem.

16 Sed tunc urget difficultas ex alio diverso capite. Quia inde concludi videtur, non esse gravia delicta ejusmodi juramenta, quamvis materia sit gravis, ut si quis juret, se occisurum inimicum suum. Aut enim Deus solum adducitur, ut testis nostri propositi, ac operis futuri ex vi illius, aut ulterius introducit ut fidejussor, aut sponsor exequutionis futuræ, atque verbum ejus traditur ut pignus securitatis alienæ, & majoris firmitatis, quam voluntas nostra alioqui haberet? Si hoc dicitur, utrobique esse videbitur peccatum mortale. Quia ea ratione Deus inducitur ut approbator, & specialis promotor talis propositi, aut operis, ut ejus exequutionem procuret, & non sinat eam frustrari; id autem gravis blasphemia est ut minimum, quantumvis res, quæ promittitur, sit solum leve peccatum. Sin verò dicatur primum, & Deus tantum ut testis adducatur, tunc nil referre videtur, quod opus sit veniale, vel mortale. Nam, si postea fiat, si ve non fiat, nunquam producet Deus in testem ullius mendacii. Neque enim nos ipsi mentimur, si ve occidendo, si ve omitiendo occisionem prius juratam: neque antea mentiti fuimus, cum ex vero animo occidendi homicidium fore jurabamus. Impossibile autem est, ut

cum jurans non mentitur, Deum faciat testem mendacii.

17 Præsentis difficultatem P. Lessius lib. 2. de just. & jure cap. 42. num. 18. & merito fatetur, ibi non adduci Deum ut fidejussorem, sponsores, promotorem, aut approbatorem, neque verbum ejus dari in pignus alienæ securitatis. Pignus namque, sponsio, aut fidejussio, si propriè loquendum sit, eo fine adducuntur, ut creditor exinde sibi satisfaciat, si debitor id non præstet; certum est autem, eos, qui juramentum rei iniquæ postulant, aut exhibent, nihil istorum intendere, neque ex Divino nomine sibi satisfacere, nec velle, ut approbatione sua tribuat immobilitatem proposito; sed præcisè, ut talem veritatem suo tempore manifestet, & id ipsum dicat, quod nos dicimus, ut eo pacto fiat securior promissionis adimpletio, ut inter homines securior fieri solet pignore, aut fidejussore dato. Quare, his vocibus seclusis, quæ in proposito non nisi metaphoricè usurpantur, solum superest Divini testimonii invocatio adducta ad comprobendam veritatem assertionis de futuro, quam involvunt comminatio, vel promissio animo adimplendi facta. Et quia ex vi illius Deus nunquam adducitur in testem nostri mendacii, ut obiectio facta persuadebat, ideo Lessius ubi supra nonnihil in eam partem inclinabat, quæ diceret, talia juramenta intra suam propriam rationem non esse nisi peccata levia, licet materia sit gravis.

18 Absolutè autem communi sententiæ acquiescit assentiendo, esse mortalia: & ab illa non esse recedendum, ut de ejus veritate dubitandum, quamvis oporteret dicere juramentum de veniali committendo esse peccatum lethale, sapienter Suarez admonuit in dicto lib. 3. de juram. cap. 19. numer. 12. in fin. Ratio autem, cur mortalia sint, exinde sumitur, quia magnus est Dei contemptus retorquere illius auctoritatem in re gravi contra ipsum, & sese confirmare in proposito lædendi graviter honorem ejus eo ipso instrumento, quod de se institutum est ad illum promovendum, & ampliandum. Porro hoc modo se gerit erga Deum, qui cum adducit in testem suæ constantiæ, & firmitatis, qua intendit non desistere à pravo illo proposito gerendi inimicitiam cum ipso,

ipſo, donec ad exequutionem perducatur. Utique ille, qui in humanis erga Reges, aut parentes ſic fe gereret, abſque dubio illos offenderet graviter. Et univerſum non poteſt non cenſeri irreverentia, velle abuti auctoritate alterius ad reſiſtendum ejus voluntati in illis, quæ ſibi diſplicere declaravit. Igitur, cum diſplicitia non eſt levis, ſed diſſolutiva amicitia, & inimicitiam afferens, irreverentia intra ſuam propriam rationem non erit levis, ſed gravis. Denique ſi verificare nequit, quod Deum atteſtari voluit, niſi peccando mortaliter; ſeſe autem ſponte in eam neceſſitatem conicere, non videtur levis deordinatio.

19 Ex dictis tamen concludes, juramentum de futuro peccato committendo à nobis, ſi fiat abſque animo illud exequendi, ſemper eſſe ſcelus grave contra religionem, tunc Deus in teſtem mendacii adducitur, & contra mentem loquentis nomen ejus invocatur. Non eſt tamen niſi unum peccatum, & quoad hoc diſſert à juramento peccati, quod re vera perpetrare intendimus, quia in eo eventu duplex peccatum ſpecie diverſum committimus; aliud contra religionem, quatenus juramus rem illicitam, & aliud contra eam virtutem, cujus violandæ propoſitum habemus: ea enim malicia ſemper inſeſt propoſito, ex. g. occidendi, licet non eſſet juratum. Differunt præterea, quia omne juramentum factum abſque animo implendi, quod implendum affirmatur, juramentum mendax eſt propriè, ac formaliter, atque adeo peccatum grave, quæcumque tandem ſit ejus materia, ſive modica, ſeu magna. At verò ſi animo adimplendi fiat, quamvis illicitum ſit, quod de futuro juratur, contingere poteſt, ut deſit omne peccatum mortale, ſcilicet ſi juramentum non cadat ſupra rem mortaliter illicitam; ſed illicitam ſolum venialiter. Jam enim vidimus, juramentum de veniali in futurum committendo, ſi de præſenti ſit verax, non eſſe niſi veniale. Quo ſit, ut longè plus peccet jurans, ſe perpetraturum quodvis peccatum veniale abſque intentione perpetrandi illud, quàm cum ipſa. Quippe ille peccatum mortale incurrit propter admixtum mendacium; hic verò duo ſolum venialia, alterum contra religionem juramen-

ti, & alterum contra eam virtutem, cujus levis offenſio intendebatur.

20 Concludes præterea, juramenta illa, quæ urbanitatis dicuntur v. g. cum honoris cauſa aliquis jurat, ſe non prius altero ingreſſurum per januam, aut non ſeſurum in loco digniori, necnon illa, quibus parentes, aut domini leviter ſolent jurare, ſe caſtigaturos filios, vel ſervos, aut aliquid eis daturus, non poſſe excuſari à mortali, ſi fiant animo jurandi, & abſoluta intentione non implendi illud, quod dicitur. Jurant enim contra mentem, & perjurium aſſertorium de præſenti incurunt, quod in quacumque materia graviter offendiſt inſalibilem ſupremi Numinis auctoritatem. Ideo autem hæc juramenta communiter excuſantur à mortali, quia ſupponitur adeſſe animus implendi, quod dicitur; ſed id, quod dicitur, ex uſu communi, vel ex aliis circumſtantiis aliquas ſubintellectas conditiones involvit, quæ tempore exequutionis deſiciunt, & propterea cum eis deſicit ipſa quoque jurisjurandi obligatio. Ejusmodi ſolent eſſe in juramentis urbanis: *Si per te ſicuerit. Si non nimium repugnaveris. Si tibi ingratum non fuerit*, atque alia id genus.

21 Juramenta etiam de punitione filiorum plerumque conditionalia eſſe videntur, illudque tacitè important: *Niſi aliud poſtea magis expedire appareat*. Contingit etiam, ut fiant animo indeliberato, ſeu impetu iracundiæ præveniente plenam advertentiam requiſitam ad mortale, vel quòd ſint de punitione leviter inordinata, aut de largitione aliqua indiſſerenti, & tunc ratione materiæ neque ad ſui exequutionem obligabunt, nec cum ſiunt, erunt peccata mortalia, ſi aſſertio de futuro veraciter juretur, cum levis ſit materia, circa quam verſatur. Acedemus, licet talia juramenta interdum obligent, quia ſunt de actu undique honeſto, & neque ad propriam vindictam, neque ad alium pravam finem ordinato, adhuc peccatum leve reputabitur tranſgreſſio illorum, ſi poſtea mutetur animus, & materia levis ſit, juxta ſententiam, quæ affirmat, veniale duntaxat eſſe rem levem juramento promiſſam cum effectu non præſtare. Quæ ſententia valde communis eſt, ejusque Auctores longo cenſu Leander reſert in diſſa diſp. 7. qu. 33. etſi plectique ipſorum minis

minis placeant, dum affirmant, ibi Deum non invocari ut testem exequutionis futuræ, quatenus fuerit in potestate jurantis. Id enim (ut alia omittam) esset tollere re ipsa juramentum de futuro: quia juramentum non datur, cum Divinum testimonium in confirmationem veritatis non adducitur, ut ex illius definitione patet tradita post Augustinum ab Angelico Doctore 2. 2. q. 89. art. 1. & communiter recepta ab aliis.

22 Concludes insuper, tamen si nunquam detur in juramento assertorio peccatum leve ex parvitate materiæ, seu falsitatis juratæ, dari tamen posse ex parvitate periculi jurandi falsum, cui sese exponit, qui jurat, si minus diligenter, quam par erat, veritatem rei examinaverit. Nam defectus diligentiae debet ad veritatem rei dictæ indagandam magnus potest esse, ac parvus, & sæpe potest contingere, ut qui existimat rem aliquam sic se habere, sicut dicit, in ea existimatione culpabiliter erraverit, quia negligenter se gessit in examine, atque discussione illius. Ergo si negligentia fuerit gravis, juramentumque interponat, grave peccatum committit, licet juxta mentem suam loqui, atque jurare videatur, quia sese exponit periculo gravi adducendi Deum in testem rei falsæ, ac persuadendi ipsam aliis auctoritate Divina. Sin verò negligentia fuerit levis solum, & exigua, leve quoque erit peccatum: nam illud commensuratur periculo, & hoc non est nisi leve. Ita Sanchez, Suarez, Lessius, Valentia, Silvester, Sotus, Navarrus, Sayrus, Salas, Tamburinus, Fagundez, Castro Palao, & alii relati, & subscripti à Leandro *suprà* q. 20.

23 Simile quidpiam invenies in veritatis examine, quod confessioni præmittitur: nam quò negotium est majoris ponderis, eò adhibenda est discussio major. Unde utrobique est curandum, ut dicta nostra menti conformentur, non præcisè quoad substantiam; sed etiam quoad certitudinem, & modum confirmandi, quod asseritur, ne scilicet nobis dubia, aut merè probabilia dicantur tanquam absolute vera; incerta, ac si certa forent, & inexplorata pro compertis. Quare mihi non aridet P. Sanchez in *Decal. lib. 3. cap. 4. num. 13.* quatenus ait, ad jurandum sufficere, ut quis prudenter judicet, rem

ita esse non levi argumento ductus; sed certo, verisimili, aut probabili. Aliud namque est jurare verisimilitudinem, aut probabilitatem (quæ nobis certa esse potest, quamvis incertum sit illius objectum) aliud verò juramento confirmare rem ita se habere in seipsa, sicuti nos opinamur. Et illud quidem sine præjudicio veritatis absque dubio jurari potest; hoc verò minime, quia incertum cum sit, & formidolosè tantum reputetur verum, testimonium Dei apertè exponeret periculo falsitatis, & eò majori, quod est major probabilitas contrariæ partis.

C A P U T III.

Utrum cum causa licitum sit jurare sine animo jurandi, sive res sit levis, sive gravis?

24 **S**UB his ipsis terminis legitur assertiva sententia in *proposit. 25.* ab Innocentio damnata, eamque imputant Tamburino Sinnichius, Gonet, & Pisani. Alii eum excusant, ut Le Maire, Lucius à S. Marco, & Sandæus. Verba illius sic se habent desumpta ex *lib. 3. in Decalog. cap. 3. §. 2. num. 1. Certum est (inquit) secundo, jurare sine animo jurandi, sive res sit levis, sive gravis, vel jurare verbis equivocis non esse licitum sine causa, licitum esse cum causa, juxta ea, quæ diximus cap. 2. §. 2. & 3. quæ sunt recolenda, quia quantum ad hoc eadem est ratio assertorii, & promissorii.* Hæc Tamburinus breviter, ac remissivè, quæ, ut ipse monet, exponenda forent juxta doctrinam contentam in loco, ad quem se remittit, si ille in ejus libro extaret.

25 Non exrat autem, neque in toto libro ipsius inveniuntur duo illi paragraphi secundus, & tertius, quos recolendos esse declaravit, atque ideo dijudicari non potest, quoniam sensu, ac fundamento, aut quibus limitationibus sit tradita à suo Authore illa doctrina, & longè minus, an sit eadem ipsa, quam Pontifex in præsentem condemnavit. Quid enim, si non loquatur de jurante falsum absque intentione jurandi; sed præcisè de jurante verum? Id utique non esse damnatum, cum aliis Pisani affirmat. Quid, si fortè verba illa: *Vel jurare verbis equivocis, dissimulatum*

etiam casum à præcedenti non continent ; sed potius illum declarant , quasi vterque in diem recidat , & integer sensus sit : *Jurare verbis æquivoecis ex sua significatione absque intentione jurandi licitum est , quoties subest idonea causa* ? Sane particula *vel* in hoc sensu sæpe accipitur , & declarativè , aut etiam correctivè vsurpatur , ut videre est apud Barbosam de *dist. vsufreq. dist. 415. num. 5. & 10.* Ut ut sit , satis apparet , huic Auctori valde displicuisse doctrinam ibi contentam , dum à libro suo expungi voluit , & neque typis mandari , nec publica luce donari permisit . Porro , cum sit eadem ratio utrobique , ut ipse admonuit , consequens est , ut etiam retractaverit paucula illa verba , que obijciuntur , fuisseque ab ipso expungenda , si remanere advertisset .

26 Hoc ergo omisso , quidquid sit de thesibus , quæ veluti folia volentia citò pereunt , neque in orbem sparguntur , nullus , ut reor , liber invenietur , qui è re nata propositioni damnatæ , sicuti in decreto jacet apertè non contradixerit . Illa porro sic se habet : *Cum causa licitum est jurare sine animo jurandi , si veres sit gravis , sive levis* . Ubi tacite supponitur ex communi omnium consensu , quem optimis rationibus firmat P. Suarez tom. 2. de Relig. lib. 1. de juram. cap. 1. à num. 6. ad essentiam juramenti , ultra voluntatem proferendi externa signa expressiva illius , ulterius desiderari animum internum jurandi , seu adducendi Deum in testem dicti , quod verbis exprimitur . Nam si desit hæc intentio , quæ est velut verborum anima , non erit juramentum verè tale ; sed apparens , & simulatum , ac fictum , ut contingit in contractibus , Sacramentis , donationibus , ac aliis , quorum tota vis ex animi intentione dependet , & quoties contraria intervenit , nihil profunt , ut sint valida coram Deo , & in conscientia , quæcumque exteriora verba significativa juramenti , & apud homines recepta ut talia manifestè , & absque dubio .

27 De his igitur juramentis ore tenus , & specie externa talibus , sed ex defectu intentionis , seu voluntatis jurandi essentia juramenti desituitis , loquitur thesibus proposita , illaque putat licere , cum idonea causa subest , & non licere , cum abest . Quod præ oculis haberi debet , ne jura-

menta ista subdola ex defectu animi interni confundamus cum aliis dolosis quoad solum usum , & significationem verborum , ubi intentio jurandi non deficit ; sed applicatur ad verba non juxta significatum , in quo ab aliis accipiuntur ; sed in alio , quem jurans sibi proponit , & tantum jurare intendit . De istis quippe juramentis , quibus usitata vocum significatio pervertitur , aut per restrictionem mentalem immutatur earum sensus , propositione sequenti specialiter tractatur ; hic verò de his solum differitur , quibus animus jurandi desit omnino , quamvis verba illum significant , & in sua jrativa significatione proferantur , ac si sincera animi intentione fierent . Unde pariter excludi debent juramenta facta quidem cum intentione jurandi ; sed absque animo promittendi ; immò etiam illa , quæ sunt interdum à rusticis , & ignorantibus cum vero animo jurandi ; sed cum positiva voluntate non obligandi se ipsos religione juramenti . Nam de his omnibus suo in loco speciales quæstiones instituantur ex principiis propriis decidendæ : & , cum animus jurandi supponatur non deficere , sed animus agendi quidpiam aliud , directè ad hoc subsellium non attinent .

28 Porro ex ista explicatione patet , quàm longè ab scopo aberraverit doctrina proscripti lemmatis , dum putat licere ex causa jurare sine intentione jurandi . Nam est per se manifestum , ait Suarez ubi supra lib. 3. cap. 17. num. 1. in hoc genere fictionis aliquam culpam committi , quia non fit sine aliquo mendacio , vel fallacia , quia aliud verbis proferitur , aliud mente retinetur . Quare , sicut nulla ex causa mentiri licet ; ita nec jurare absque intentione jurandi : nam qui sic jurat , mentitur , & affirmat se jurare , cum re vera haudquaquam juret ; sed potius nolit jurare . Unde & manifestè contra mentem loquitur , quia ipsius verba ex se significant animum internum jurandi , & absque ulla restrictione in suo proprio , & usitato sensu ab illo proferuntur , ac si ex animo juraret . Ergo aliud habet in mente ab eo , quod se habere dicit , & verbis ad fallendum compositis , ut res credibilior fiat , loco veri juramenti apud audientes substituit ejus larvam , & imaginem . Explicatur . Quia promittere absque animo promittendi , baptiza-

fus occulta. Quia nec re ipsa juras falsum, cum non intendas Deum in testem vocare; neque secundum prudentem aestimationem potes censeri jurare falsum, cum falsitas sit ignota penitus, & coactio iustum motivum præberet altera mente jurandi. Ex qua doctrina anam arripuisse videntur Minutulus, & Pisani imputandi pio huic scriptori propositionem damnatam. Sed valde immerenter. Quia ipse neque leviter insinuat, id esse ullo in casu licitum, nedum ea magna amplitudine, qua in proposito thesi continetur. De sententia negante esse mortale in casu ibidem expresso solum loquitur, cum ait non improbabilem videri posse. Cæterum neque huic dicto acquiescit; sed id reprobatur, nam in fine sic concludit: *Verum satius est tenere cum communi observationem allatam.*

33. Quæ verba, nescio, quo fine superscripsit Leander *suprà disput. 44. quæst. 3.* cum alia multa ad verbum exscripsisset immediate præcedentia. Profectò, si illa advertisset, non auderet imputare Lessio sententiam negantem, esse peccatum mortale jurare falsum sine intentione jurandi, siquis jurare cogatur. Et insuper non advertit, Lessium præterea exegisse, ut falsitas sit prorsus occulta, & adhuc non affirmasse absolute id esse verum, aut saltem probabile; sed verbo dubitativo usum fuisse dicendo, non improbabile posse videri. Sugillat autem hic Auctor P. Sanchez in hoc puncto, quasi non ita bene Lessium allegaverit. Sed non fuit ipse felidior, cum Lessio tot imposuerit adeo aliena à mente illius. Nec lego apud Thomam Sanchez quidquam, quod ab ipsa dissonet, etsi eum exactè perlegerim.

34. Ex alio etiam capite assertioni nostræ ex professo contradicere videtur Verricelli variis argumentis comprobato intendens in *dicta quæst. 12.* non esse peccatum grave absque intentione jurandi jurare falsum in materia levi. Verumtamen ratio proposita, si periculatè expendatur, ea omnia solvit, ac refellit, & solum probant, non esse ibi peccatum perjurii, quod libenter damus, quia perjurium propriè tale sine juramento non datur, nec juramentum absque

intentione jurandi, quæ in prædicto casu deficit. Cæterum quòd non reperitur altera malitiæ species consistens in eo, quòd jurans exterius mentiatur, se jurare, cum re vera non juret, nulla ratione probatur, & longè minùs, quòd mendacium istud in ordine ad Dei honorem non sit valdè perniciosum, nec contrarium è diametro fini principali juramenti. Quapropter cautè iste Auctor à communi sententia non discessit; sed rem doctis examinandam proponit: nam inquit, non audeo asserere probabilem, neque tutam in conscientia eam sententiam, quæ affirmaret, non esse peccatum mortale, in materia levi, ut mendacio jocofo, aut officioso, jurare exterius sine interno animo iurandi. Hæc ibi numer. 2. ubi additur, sententiam contrariam apud Auctores non legi. Adeo temerè negavit thesis prohibita id esse peccatum mortale, aut veniale, & ex causa cohonestari posse credidit etiam in materia gravi.

CAPUT V.

Quale peccatum sit jurare verum absque intentione jurandi?

35. **C**Ajetanus 2.2. *quæst. 89. artic. 7. dub. penult.* putat esse peccatum mortale contra religionem, etiam in materia levi, quamvis juramentum per injuriam exigatur, eidemque sententiæ accedit novissimè, aliis relatis, Laurentius Maria Pisani in *gladio Gedeoni* *proposit. 25. numer. 3.* ac putat, esse probabilem, quamvis nimis rigorosam, Suarez in *dicto cap. 17. numer. 6.* quia est quædam illusio Divini nominis primario fini juramenti contraria: & cum absque mendacio non fiat, illud erit valdè perniciosum, & proinde grave peccatum. Quamvis enim tale juramentum cadat supra dictum, seu enunciationem veram, ac propterea verum in dicendo possit appellari; in ratione tamen juramenti falsum est, fictum, ac mendax, quia jurare nolumus, & se non jurare sciens, nihilominus affirmat, se jurare. Et hoc est, quod istiusmodi mendacii malitiam nimis intendit, ac irreligiosam facit: quia nomen Dei non as-

R

fumi-

fumitur utrumque in vanum, sicut ab illis, qui jurant absque ulla necessitate; sed mentiendo in ipsa invocatione, atque ea utendo ad decipiendos alios firmiter credituros rem dictam propter reverentiam Divini testimonii mendaciter interpositi, cum re vera non interponatur.

36 Et hæc quidem satis probant, ex intrinseca ratione juramenti oriri obligationem specialem non jurandi, sive falsum, sive verum, absque intentione jurandi. Nullusque, ut opinor, erit, qui audeat dicere, esse licitum, quoties factum fuerit absque idonea causa. Pro nihilo namque habebunt homines interpositionem juramenti externam, eamque penitus inutilem ad suas controversias decidendas reputabunt, si per religionem licet fingere, atque non jurare, & solum sibi relinquatur communis malicia quibuscumque aliis mendaciis. Sed neque illa potest esse levis, cum materia juramenti est gravis, ut in contractibus, aut promissionibus frequenter usu venit: postulat enim juramentum ad plenam securitatem. Et sicut, conventionem præsupposita, lethale crimen injustitiæ est non jurare; sed juramentum confingere: ita etiam nova malicia lethalis contra religionem ponitur, dum ejusmodi fictione utimur, & debitam securitatem non præstamus. Idem evenit, cum Judex, aut Prælatus legitime juramentum postulat: neque enim ipsum decipere licet, atque eludere mandatum sola externa specie illius, cum jus habeat verum in essendo juramentum postulandi, quod sua religione dictis præbeat specialem certitudinem, atque securitatem. Et absque dubio juramenti vires maximè enervaret, ac ipsius interpositio valde exiguum credibilitatem conferret rebus exterius juratis, si homines sibi persuaderent, nullam, aut duntaxat levem obligationem incumbere intrinseca ratione juramenti jurandi citrà fictionem, etiam in negotiis gravibus.

37 Propterea fictionem istam ex genere suo esse lethalem, quamvis cadat supra veram aliquam assertionem de præfenti, aut de futuro, recepta sententia est, atque in individuo ita contingere in judiciis, ac contractibus gravioris momenti, ex ipsis terminis satis perspicuum ap-

paret: quia est valde gravis, ac pernicio-
sa deceptio subvertens jurisjurandi usum,
ac finem humanis rebus adeo necessarium.
Extra contractus autem, fœdera, ac judi-
cia, & quotiescunque fit fictio absque
speciali obligatione jurandi, & sine gravi
scandalo, damno, vel injuria terti, quam-
vis à malicia mendacii irreligiosi nequeat
excusari, Sotus, Suarez, Bonacina, Lessius,
Sanchez, Palao, Escobar, Leander, & alii
permulti valde probabiliter existimant
contra Cajetanum, & Filliuctum, non esse
peccatum grave; sed veniale ob levitatem
materiæ. Quamvis enim nomen Dei externo
actu in vanum adducatur, non idè adducitur
in testem mendacii; sed enunciationis veræ;
nec tessera exploratæ veritatis, qualis debet
esse jusjurandum, applicatur materiæ repug-
nanti, sicut est assertio mendax.

38 Quare nec ratione modi, neque
ratione materiæ is modus jurandi verum,
sive assertorie, sive promissorie (nam utrius-
que eadem est ratio) graviter opponitur
fini principali juramenti, cui satis est,
quod ex animo, & absque fictione semper
exhiberi debeat ob Divini nominis hono-
rem, licet talis obligatio non semper sit
in individuo gravis; sed accomodata
negotiis, ac gravitati materiæ. Vulgare,
& satis aptum exemplum sumitur ex ora-
tione vocali, quia esto peccatum sit vir-
tuti religionis contrarium orare sine at-
tentione, atque simulare exterius orationem,
quæ non datur, deficiente animo interno,
mortale non est, si fiat absque gravi
obligatione orandi, & absque alio
nocumento. Unde nec vovere exterius
absque intentione vovendi, semper est
peccatum grave; sed, secluso scandalo,
contemptu, injustitia, & aliis accidentariis
incommodis, quæ sæpe deficient, veniale
peccatum erit talis fictio, seu hypocrisis,
ut rectè probant Suarez tom. 2. de Religion. lib. 5. de voto. cap. 1. à num. 4.
& Sanchez in Decalog. cap. 1. numer. 38.
Videlicet, quia ex vi illius nullum attributum
Dei graviter inhonoratur, nec ejus deceptio
intenditur; sed levis quedam irreverentia
committitur, dum subdola religionis specie
homines circumveniuntur, & supponitur pro
verbo Dei cultus falsus, ac si vitrum traderetur
pro adam-

man-

Dubia quædam circa sensum damnationis Pontificiæ.

mante. Nec facile ratio assignabitur, cur veniale tantum sit, servata veritate de presenti, jurare cum intentione jurandi executionem rei venialiter illicitæ, & non sit etiam veniale jurare idipsum absque intentione jurandi, cum utrobique pariter deficiat obligatio juramenti. Priori casu ob incapacitatem materiæ, quia juramentum nequit esse vinculum iniquitatis; posteriori verò ob defectum intentionis, sine qua non datur juramentum, nec propria ejus obligatio, quamvis materia sit capax, & possit licite impleri.

39 Veniale quoque pronunciant, non verò licitum opus, quantumvis ex causa fiat, jurare verum absque intentione jurandi, Auctores, qui de hanc materia minis scriperunt contra severiores, qui id semper censent mortale. Quare licet juramentum per injuriam, aut coactionem exigatur, apud omnes ratum est, inde non desumi causam idoneam ad excusandum delictum, etiam in materia levi, necum in gravi, ut volebat propositio condemnata; sed questio inter ipsos est, non de licito, aut illicito; sed de mortali, aut veniali. Semper enim ibi intervenit mendacium irreligiosum, quod est intrinsecè malum; quæ autem sunt mala ab intrinseco, nulla ex causa cohonestari valent. Fieri autem interdum potest, ut ratione illius minuatur malicia actionis, ut sæpe sæpius minuitur ex aliis circumstantiis occurrentibus, quæ appellari solent alleviantes. Una autem ex illis creditur, quod juramentum dicti, aut promissionis veræ violenter, aut iniuste deposcatur, atque ideo multi probabiliter judicant, secluso gravi scandalo, aut alio tertii præjudicio, fictionem juramenti tunc non esse, nisi veniale peccatum.

40 Ita Sorus, Suarez, Lessius, & alii nuper relati *num. 37.* & ex ibi dictis à fortiori deprehenditur; nam, si mortale non est ita jurare, cum nulla vrget peculiaris necessitas, longè minus tale erit, urgente metu, vel necessitate gravi. Unde Filliucius, qui in priori eventu juramentum fictum lethale esse censebat, in eo, de quo nunc loquimur, reputat esse veniale *tom. 2. tract. 24. cap. 12. num. 361.*

41 **D**Ubitabitur. An ageret contra decretum Pontificis, & pœnas ejus incurreret, qui assereret, esse licitum ex causa jurare verum absque intentione jurandi? Negativè respondendum videtur ex doctrina Laurentii Maria Pisani nobilis Thomistæ in gladio Gedeonis *prop. 25. num. 1.* ubi sic scribit, de hac propositione loquens: *Puto, intelligendam esse de iuramento cadente supra mendacium, ut loquebatur præcedens propositio: tum quia, qui iurat verum, nullam causam habere potest iurandi, sine animo iurandi in iuramento assertorio: & in hoc sensu absolutè esse damnatam.* Hæc tamen nihil suadent. Nam quòd antecessens propositio de iuramento mendacii determinatè loquatur, parum est, ut ista etiam ad illud restringatur, cum inter se nullam prorsus connexionem habeant, nullumque verbum sit indicans, neque ex eodem fonte sint desumptæ. Quod verò adiciatur, cum, qui verum iurat, nullam posse habere causam jurandi sine intentione, in iuramento promissorio manifestè fallit, ut etiam hic Auctor indicat; eadem autem ratio militat in assertorio, quia etiam illud potest extorqueri per vim, aut metum injustum. Maxime quia, si res ipsa suis momentis expendatur, modus iste fictionis locum non habet in iuramento promissorio, nisi ut assertorium est, quandoquidem tunc committitur, cum verba juramentum importantia proferuntur, & intentio debita ex vi ipsorum actu deficit, quidquid circa executionem in sequenti tempore contingat.

42 Propterea verum exillimo, propositionem nullatenus esse restringendam ad iuramentum assertorium dicti mendacis; sed sumendam, sicut in decreto jacet, abstrahendo à dicto vero, vel mendaci, atque in sensu comprehendente utrumque, & sub hac universalitate illam impugnât ejusdem almi instituti alumnus Joannes Baptista Goriet *tom. 3. in dissert. Theolog. de opinionibus præhab. à num. 110.* Quare sensus damnationis erit, nullo unquam casu esse licitum jurare sine intentione juran-

mat, leve peccatum ibi intercedere ratione dicti mendacis, aut actionis infidelis postea subsequetur, certissima est: quia idem contingeret, tamen verba illa assertoria, aut promissoria solitariè, & absque ulla peculiari attestatione simpliciter prolata essent. Sed difficultas ad peccatum contra religionem devolvitur ob defectum intentionis jurandi, & aliqualem juramenti speciem. Mihi autem satis difficile apparet, id genus peccati ibi admisceri. Nam qui sic se gerit, non mentitur in jurando, quamvis forte mentiat in dicendo, neque exterius affirmat, se jurare, cum verba ex se id non importent, neque ex circumstantiis, aut consuetudine audientium. Nullo ergo ex capite debet, licet iis verbis utatur, habere intentionem jurandi, nec jurat, etiam exterius, neque contra juramenti religionem plus delinquit, quam si parili forma confirmaret absque intentione jurandi dictum sibi omnino verum.

47 Dubitabis 4. Quo pacto secerni valeant verba externa importantia juramentum ab his, quæ illud non important? Respondeo, id nulla certa regula definiri posse, cum formulæ sint innumeræ, & earum sensus dependat ex usu, & ex circumstantiis, quæ pro varietate temporum, locorum, ac personarum variantur in immensum. Quocirca P. Valentia tom. 3. disp. 6. q. 7. punct. 2. vers. *Quare*. scitè dixit, præter utum patris, vel aliorum, de quo jam loquutus erat, præcipuè considerandam esse in hoc negotio intentionem. Nam alioqui, ait, ex vi verborum vix ullum esset juramentum, nisi cum quis dicit: *Tessor Deum, vel Juro, aut Invoco Divinum testimonium, &c. cætera*. Propterea inibi cum Cajetano, & aliis non paucis judicat, eum, qui dicit: *Coram Deo conscientiarum in pectore, quia non mentior*, non idcirco jurare, nisi intendat invocare Divinum testimonium: potest enim velle absque fictione, vel alia speciali culpa solum explicare iis verbis, quanta cum circumspeditione loquatur memor Divinæ præsentie. Idemque censent quamplures de modis aliis loquendi, quibus expressè nominatur Deus; sed non adeo clarè exprimitur illum invocari, ut attestetur veritatem in nostris dictis repetam. Cujusmodi esse censentur illi: *Deus scit. Vivit Dominus. Testis mihi est Deus*, ac alii, qui, sua sola significatione attenta, in sensu merè assertivo usurpari *Theolog. Reform.*

possent, & non invocativo Divini testimonii; sed præcisè ad denotandum perfectam animadversionem loquentis, & cum non fuisset ausurum mentiri, Deo id sciente, atque vidente, quod agit.

48 Sed de istis non est locus disputandi exactè. Adeat, qui velit, Suarium lib. 1. de juram. cap. 13. Lessium lib. 2. de just. & jur. cap. 42. à num. 4. Thomam Sanchez in Decal. lib. 2. cap. 2. nu. 13. & ex modernis Leandrum dila. tr. 1. disp. 3. cum seqq. Prætermitti autem non debent pro Confessoriorum praxi aliæ formulæ valdè frequentes, quibus Deus non nominatur; sed (quod ad juramentum sufficit) virtualiter saltem, & implicite videtur adduci in testem. De illis porrò Emmanuel Sa. verb. *Juramentum*, num. 1. ita pronuntiat: *Juramenta non sunt: In mea fide: In mea conscientia: In fide Christiani: In fide Religiosi: In veritate. Tantum enim significatur: Ita est; seu, verum est; nisi quis intendat jurare.*

49 Qua de re ultra præcitatos, satis accuratè disserit Raynaudus tom. 15. in *Heteroclitis Cælest. &c. infern. sed. 2. punct. 1. à nu. 8.* contendens, ejusmodi verbis solum contestari expressè humanam fidem iis personis debitam, revocarique in memoriæ peculiarem obligationem non mentiendi, etiam absque juramento, quæ incumbit Christianis, Religiosis, Nobilibus, aut aliis, qui verbis suis certam fidem adhiberi volunt, & si forte fuerint in mendacio deprehensi, id valdè indecorum judicant. Quod si professens eas voces, Divinam Fidem invocare intendat, verum juramentum erit, verumque perjurium, si ad confirmationem falsi adhibeatur; sin autem non intendat hoc, sed illas in propria sua significatione velit usurpare, falsò existimans in illa juramentum contineri, tunc etiam propter conscientiam erroneam peccatum perjurii incurreret, ut ex Cajetano, Azorio, & Sanctio confirmat Raynaudus ibi num. 10. *Quamquam*, inquit, *collidentibus sese iudiciis, qui ita se habet. &c. re ipsa quoad voluntatem jurat, &c. non nisi leviter ferè delinquit, quia vix est, qui juramentum illud censet grave. Unde, etiam si falsò fiat cum eo iudicio de levitate actus, levis culpa hominem non commaculat, licet per se loquendo perjurium sit mortale peccatum.* Hæc ille.

DISSERTATIO XIII.

DE LOQUUTIONIBUS ADJECTA

mentis restrictione veris.

Perax est hæc disputatio subtilium cogitationum, & magna contentioni subiecta. Motivum ei præbet propositio 26. inter damnatas, cuius sensum, salvo semper Apostolica Sedis, ac Superiorum iudicio, varii dissertationibus exponere tentabimus, ne unius longitudo confusionem ac fastidium generet.

CAPUT PRIMUM.

Adducitur propositio cum aliquibus præambulis ad ejus intelligentiam.

1



Erba illius sic se habent :

Si quis, vel solus, vel coram aliis, sive interrogatus, sive propria sponte, sive recreationis causa, sive quocumque alio sine juret, se non fecisse

aliquid, quod re vera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, re vera non mentitur, nec est perjurus. Hæc ibi, quæ ferè habentur totidem verbis apud P. Sanchez lib. 3. in Decalog. cap. 6. num. 15. nisi quòd loco illius vocis *aliam viam* ipse habet *aliam diem*, quod ad rem præsentem nihil spectat, quia utrumque est additum mente retentum, & quocumque ex eis sufficeret ad veritatem assertionis prolata, si exterius exprimeretur. Qua autem ratione id limitavit Sanchez, ne absurdum eum sensum redderet, quem præfert propositio, ut jacet, separata, immò avulsa à suo contextu, cap. 3. explicabitur, & mens hujus Auctoris exponetur.

2. Non loquitur autem propositio, ut ex contextu ipsius patet, de eo, qui utitur verbis æquivocis duas diversas significationes habentibus, quarum una vera est, altera falsa; nec de eo, qui profert generalia verba, si à jure, ac consuetudine, vel ex aliis externis circumstantiis tacitam aliquam limitationem habeant communiter subintelligitam. Sed sermo est de restrictione insensibili, ac mentali limitante verba, quæ alioqui nullum verum

sensum habent, qualia sunt ista: *Non feci*: prolata, & jurata ab illo, qui re vera perpetravit id, quod se fecisse negat, addita tamen interius limitatione aliqua mente retenta, vi cuius vera redduntur, ut si loquens ille subintelligat, se non fecisse die hesternam, quod re vera non fecit illa die; sed hodierna.

3. Ergo restrictiones istas mentales, ac purè internas asserbat thesis condemnata sufficere ad expungendam labem perjurii, ac mendacii in omnibus, ac singulis casibus, qui in illa nominatim recensentur. Copulativè enim loquitur, & in tot propositionibus resolvitur, quot sunt casus in illa comprehensi. Quare nequam attendit, an restrictio fiat ex causa, vel absque illa, merè voluntariè, vel coactè, seridè, an ex joco, nullo interrogante, vel ad iniquam interrogationem alterius, ex hoc fine, vel ex alio; sed quomodo cumque fiant, à peccato mendacii, atque perjurii semper esse immunes censet. Perinde ergo fuit sic loqui, & tot casus recensere, ac si brevius affirmaret: *Quisquis sola restrictione mentali sua dicta verificat, quamvis juramento utatur, nunquam mentitur, nec pejerat.*

4. Porro exinde apertè patet, non fuisse de mente Pontificis damnare mendacii, aut perjurii ejusmodi restrictiones in singulis casibus ibi enumeratis; (neque enim omnium est eadem ratio) sed totam propositionem, ut jacet, rectèque componi posse, ut in aliquo casu ibidem recensito non inveniat perjurium, aut mendacium, dummodo in aliquo ex illis certò inveniri putetur. Ratio evidens est. Quia unus ex his casibus, immò omnium primus, is est, cum aliquis *solus*, & nul-

lo audiente, præter ipsum, secum loquitur. In hoc autem eventu certo certius constat, eum nec deferare, nec mentiri, nec se exponere periculo decipiendi se ipsum, aut alios, nec officere convictui humano; sed quo voluerit sensu sua verba usurpare, posse abique præjudicio veritatis, quæ est pars potentialis iustitiæ, & non ad se ipsum; sed ad alterum refertur. Unde Cajetanus 2. 2. q. 89. art. 3. vers. *Ad evidentiam primi dabit*, sic valde appositè affatur: *Cum homo sibi ipse loquitur, non habet locum mendacium, nec in materia, nec in forma; sed sola ibi intervenit vana, & fatua prolatio illorum verborum tanquam nihil significantium, ita quod omnia verba, etiam ipsa juratio, materialiter profertur, & supponunt.* Idemque evenire potest, si coram aliis loquatur; sed non cum illis; nam & coram aliis secum ipso loqui potest perinde, ac si solus foret, nec ex eo, quod ipsi adsint, suum sermonem ad eos dirigere debet. Confirmatur. Nam reus, qui respondet judici contra juris ordinem interroganti, se non fecisse homicidium, quod re vera perpetravit, intelligendo intra se aliquid additum verum, v. g. non fecisse illud in carcere, ex sententia omnium, quam trademus latius differt. 17. num. 21. & differt. 18. numer. 24. non mentitur, neque pejerat, estque prorsus incredibile, sententiam adeo receptam, tam in praxi, quam scholis, damnatam fuisse in presenti. Damnaretur autem proculdubio, si omnes, ac singuli casus, quos thesis damnata excusat à mendacio, & à perjurio, potius reputandi forent esse perjurium, & mendacia. Alter namque ex ipsis est, cum quispiam interrogatus jurat, se non fecisse, quod fecit, intelligendo intra se aliquid additum verum; nec discernitur interrogatio iusta ab injusta, judicialis ab extrajudiciali; sed generaliter reservationes omnes excusantur ab his vitiis ob restrictionem internam.

§ Susdetur præterea à priori. Nam quodammodo damnatur aliqua universalis propositio, non ideo damnantur omnes particulares contentæ in ipsa, neque universalis propositio eidem contraria ex vi condemnationis adstruitur. Sæpe enim accidit, ut ambæ universales sint falsæ; immò hærent, ut iudicas: Nullum juramentum est verum. Omne juramentum est perjurium.

Vel si doceas: *Semper licet alienus culpas detegere*, aut potius: *Nunquam id licet.* Nam utrumque falsum est; verum autem, quod aliquando liceat, & aliquando non liceat, juxta varietatem causarum, negotiorumque occurrence. Porro propositio damnata universalis est, tam quoad usum restrictionum, quam quoad fines illas exercendi: omnes enim comprehendit, ex quocumque fine fiant, omnesque, ac singulas liberat à peccato perjurii, atque mendacii, ac de omnibus copulative damnatis id ipsum persequè censet.

§ Unde ad vim condemnationis factam, rectamque servandam, & parendum illi in praxi non est opus, ut in omni, aut quovis casu ex ibidem recensitis mendaciis, atque perjurium inveniri putetur, ut immeritò supponunt potius, quam probant. Lumbier in presenti numer. 1840. & Filguera in lucerna hujus decretal. proposit. 26. vers. *Nihilominus*; sed satis est, ejus contradictoriam defendere, assignando aliquam particularem in illa comprehensam, in qua vitium perjurii, atque mendacii reperiatur, non obstante restrictione purè interna. Nam hoc ipso proposito, sicut jacet in decreto Pontificio, nullatenus defensabitur, aut docebitur; sed potius contradictoria illius, quia copulativam falsitatis cujusque enuntiationis in ea inclusæ falsam reddit. Neque omnium est par mensura, ut in decursu ostendetur. Quare Filguera ubi supra, vers. *Ad loca autem volens nolens hæc restrictiones Abrahamo licuisse putat ad secretum naturale de sui filii immolatione servandum, & eo asserto quidquid antea edificaverat, destruit.*

C A P U T II.

An solum damnata sint restrictiones, quæ adduntur verbo Non feci; preservata verò à damnatione, quæ adduntur verbis Nescio, vel Non memini.

§ Si propositio damnata, ut jacet, inspicatur, solum loquitur de illo, qui jurat, se non fecisse aliquid, quod re vera fecit, intelligendo intra se aliquid aliud, quod non fecit, vel aliam diem ab ea, in qua fecit; de eo autem, qui jurat,

rat, se nescire, vel se non meminisse eius, quod re veta novit, aut cetera memoria retinet, nullam penitus mentionem facit: unde nisi ratione materiz, & ob omnimodam identitatem rationis ab uno ad alium casum condemnationis extenditur, nec censura Pontificia, nec prohibitio deducendi ad praxim propositionem damnatam loquutiones istas comprehendit.

8 Putat autem Sotus lib. 5. de iustit. *Injur. quæst. 6. art. 2. conclus. 7.* veti. *Attamen*, inter prædictas loquutiones maximum esse discrimen. Quia scientia, & memoria ordinantur ad dicendum: quare qui non scit, ut dicat, verissime jurat absolute se nescire, & non meminisse. At vetò *facere*, aut *videre* non ordinantur ad dicendum, atque adeò nullam congruam restrictionem patiuntur; sed necessariò mentitur, quide re visa, vel facta dicit: *Non vidi*, aut *Non feci*, neque oppositum iudicat esse sustentabile, quia *aperissima sibi demonstratione* convincitur. De verbo *Non audiui* plus dubitat, additque, *tolerabilius* in illo posse permitti restrictiones, quæ ad mendaciò, excusant verba ex se ordinata ad dicendum.

9 Porro, si hæc Soti doctrina probabilis est, consequens fiet, damnationem Pontificiam non spectare ad restrictiones adiectas verbis *Nescio*, vel *Non memini*, aut quibusque aliis ordinatis ad loquendum; sed eas solas, quæ adiciuntur verbo *Non feci*, & ad summum aliis ei æquipollentibus quoad effectum carendi ordinatione ad loquendum, cuiusmodi Sotus putat verbum *Non vidi*: *Non comedi*: *Non tetigi*. Nam plures propositiones non sunt damnatæ, nec prohibitæ in praxi formaliter, quanquodquidem proscripta enunciatio solum loquitur de verbo *Non feci*. Sed neque sunt damnatæ argutive, quasi à pari, quia probabilis disparitas adhiberi potest; neque evidens illa demonstratio, quæ uni casui adaptabatur, alteri juxta Sotum inservire valer. Ergo si probabilis est ista doctrina, probabile quoque erit, decretum Pontificium ad prædictas propositiones non extendi. At verò eam esse probabilem, ultra auctoritatem Soti, alia non levis accedit ex M. Petro de Aragon, qui id ipsum tradit 2. 2. q. 69. art. 2. ante fin. Fuit autem uterque Magister, ac publicus apud Salmanti-

enses professor, alter Primarius, alter Vespertinus.

10 Nihilominus, re bene inspecta, valde difficile apparet sustinere istud discrimen. Nam, licet verum sit, decretum istud, atque alias leges id genus non extendi cum sua peculiari obligatione, aut pœnis ad casus probabiliter duntaxat similes expressis; sed necessarium saltem esse, ut ceterò similes, & nulla omninò rationis disparitate excusabiles appareant; in præsentem tamen non est facile intelligere, quantum seu ponderis, seu probabilitatis habeat disparitas à Soto assignata, ut M. Bañez bene vidit in comment. ad eum artic. veti. *Intertia parte*. Id ipsum strenuè præstant Palacio in 4. dist. 21. disp. 2. post med. Suarez tom. 2. de Relig. lib. 3. de juram. cap. 3. num. 3. Sayrus in Clavi Regia, lib. 12. cap. 17. Raynaudus sup. cap. 14. num. 14. Navarrus in cap. Humana aures, q. 1. num. 9. P. Moya in scilicet. 1. p. tr. 2. q. 6. num. 20. & plerique alii. Quorum firma ratio est, quia esto admitamus, verbo illi *Non vidi*, aut *Non feci* malè accommodari restrictionem illam: Ad dicendum; adhuc supersunt plures aliz, quæ eidem rectè accommodantur, & efficiunt sensum verum, ut *Non feci* subintelligendo *publicè* *Non feci* illicite. *Non feci* ad manifestandam ejusdem facti notitiam. *Non vidi* veri. *Non ita*, ut id debeat dicere: cum iudex iniquè interrogat.

11 Quæ autem dicunt de verbo: *Non feci*, & aliis duntaxat verificatis per restrictionem internam, & de juramento assertorio eisdem adjuncto, pariter sunt asserenda de verbo: *Non faciam*: *Non revelabo secretum*, & aliis de futuro, live affirmativis, live negativis. Nam & ea capacia sunt restrictionibus mentalis, & juramento promissorio sub eadem restrictione confirmati valent. Ut quisque verbis absolutis iuret alteri: *Non faciam tibi injuriam*, subintelligendo intra se vocem in foro, & reservando sibi facultatem irrogandi illam in platea. Vel si dicat: *Dabo tibi centum aureos*, limitando interiùs promissionem ad depictos, & non veros. Quo præmissio tanquam certo, jam accingimur ad vetam causam Pontificiæ declarationis eruendam.

Predictam propositionem merito damnatam esse propter illud verbum siue quocumque alio fine.

12 **I**ntentio utentis loquutione mentaliter restricta, & juramento confirmata multiplex esse potest, juxta varios fines, quos is prætereunda valet, & inter illos frequentissimi esse solent finis occultandi veritatem, quam revelare non expedit, & finis decipiendi audientem eo artificio, ac persuadendi ipsi aliquid veritati contrarium. Porro thesis condemnata, ut in decreto Pontificio jacet, nullum inter illos discrimen agnoscebat quoad effectum excusandi externam loquutionem sic restrictam à perjurio, & à mendacio, quia predictas loquutiones, *ex quocumque fine fierent*, ab his vitiis universim, & absque ulla prorsus limitatione excusabat. Hoc autem merito damnari potuit, & ratione illius tota propositio, sicut jacet, quamvis alioqui daremus, cætera, quæ in ipsa continentur, posse utcumque defensari. Nam quidquid sit de iis, quæ sunt ex fine occultandæ veritatis, quam a lius injustè interrogat; illæ saltem, quæ vel sponte, vel ex causa proferuntur intentione decipiendi, non possunt excusari à mendacio, neque à perjurio, si juramento firmentur, & oppositum valde scandalosum, atque perniciosum foret, alienumque ab omnium sensu, qui de hac materia tractarunt. Quinimmo neque opus est, ut deceptio alterius intendatur propriè tanquam finis; sed sufficit, quod voluntate directa ametur, & eligatur ut medium ad alium finem.

13 Neque id latuit P. Sanctium, qui propositionem illam sub sua tota universalitate docuisse videbatur; sed id cavit, & hanc ipsam limitationem adjecit ut omnino necessariam, neque ego legi, vel audivi ullum Doctorem, qui in hoc puncto ab eo dissentiat. Notanda sunt verba ipsius *eo cap. 6. num. 18. Quoties, inquit, adest iusta causa bis utendi equivocationibus, animus utentis non debet esse ad fallendum proximum; sed ad occultandam veritatem, quam non expedit revelare, ut bene docet Sylvest. verb. Juramentum. 3. q. 2. versic. Licet autem. At est animus esset fallen-*

di, cum juramentum non sit falsum, hic enim nihil falsum significare illis verbis vult, sed ut alter decipiatur non intelligens sensum ab eo intentum, sola culpa venialis videtur. Quia non est gravis inordinatio, nec injuria proximo gravis inferitur, utpote qui jus ad id juramentum non habet. At, re bene inspecta, EST MORTALE PERJURUM. Quia cum intendat persuadere, ac fingat aliud, quàm in mente tenet, est mendacium simile mendacio consenti in facto, ut constat ex ratione 6. quam num. 15. adduxi ex mente D. Thomæ. Hucusque Sanchez, quibus discessit quàm maxime, & in re magni momenti, à propositione condemnata, quæ universim de quocumque fine loquitur, & hujus limitationis non meminit, ut par erat, si aliquomodo fuisset toleranda.

14 Suadetur præterea, in hoc eventu certissime inveniri perjurium, atque mendacium. Nam qui directa voluntate decipiendi, seu circumveniendi proximum, jurat, se non fecisse aliquid, quod re vera fecit, intelligendo intra se aliquid aliud, quod non fecit, eo ipso intendit persuadere audientibus, tam auctoritate sua, quàm invocatione Divini testimonii, se non uti restrictione ulla mentali; sed accipere verba in sua propria significatione, quam ex hominum impositione habent: nam alioqui nihil illis persuadere posset, & medium sic loquendi, quod in illum finem dirigit, tam eademmet fini, quàm intentioni suæ positivè repugnaret. At ille, qui sic se gerit, proculdubio mendax est, atque perjurus, quia tam auctoritate sua, quàm Divina, intendit falsum apud alios confirmare. Ergo à perjurio, & mendacio nequit excusari loquutio interius restricta cum intentione fallendi: sicut neque excusaretur, qui eadem verba non jam interius restricta, sed merè materialiter usurparet ex fine suadendi aliis, se non aliud sentire, nisi quod significant, prout sonant, jacentque exterius.

15 Explicatur 1. Verba illa, si in sua absoluta, & usitata significatione proferantur, mendacia sunt, & contra mentem loquentis, qui rectè novit, se fecisse, quod fecisse negat. Sed ratione restrictionis mente retentæ à mendacio excusari nequeunt, cum animo fallendi proferuntur. Igitur mendacia sunt, si animo fal-

lendi proferantur. Probatur minor: quia ita loquens non intendit verba sua usurpare in sensu mente restricto; sed in sensu absoluto, & usitato, nempe in illo, in quo intendit sibi fidem adhiberi, & auctoritate sua illorum veritatem persuadere aliis. Atqui is non est sensus restrictus; sed absolutus, & pro omni eventu negativus facti: nam alioqui non intenderet decipere audientes, & persuadere ipsis falsitatem, quæ in tali sensu consistit. Ergo restrictio mente retenta nil prodest ad mendacium expungendum, cum verba dissone vero animo fallendi pronunciantur.

16 Explicatur 2. Quia esto demus, verba illa *Non feci* beneficio restrictionis purè internæ limitari, inde ad summum sequitur, ea esse ambigua, & capacia duorum sensuum, quorum unus verus est, nempe restrictus ad diem hesternam; alter verò falsus, quo scilicet particula negativa in sensu absoluto sumitur, & juxta naturam suam malignantem usurpatur. Sed qui animo suadendi falsum, ac reddendi illud sua auctoritate credibile ea verba enunciat, eo ipso sensum falsum eligit, quem sua auctoritate confirmet, & confirmando decipiat; non verò sensum restrictum, cujus confirmatio inepta est ad fallendum. Ergo verè loquitur in sensu falso. Unde, quamvis verba illa ex se, seu ex circumstantiis externis capacia essent utriusque significatus, alterius restricti, & veri; alterius autem absoluti, & falsi, proculdubio ille mentiretur, qui ea in sensu absoluto proferret, & ad restrictum exponendum intentionem suam non dirigeret, ut rectè docavit Sanchez 2.2 q. 69. art. 2. in 3. p. dub. 1. ad 4.

17 Explicatur 3. Aut ita loquens vult significare sensum verum, ac restrictum, vel sensum falsum, quem auctoritate sua, & interpositione Divini testimonii persuadere intendit? Si hoc ultimum ducatur, satis constat, eum mentiri: vult enim proferre falsum cum intentione fallendi, quæ est ipsissima mendacii definitio: constat itidem, esse perjurum, quia perjurium strictè, ac propriè tale nil aliud est, quam mendacium juramento affirmatum. Si verò primum dicatur, saltem facto ipso mentietur, licet demus, verbis secundum se sumptis, & ab intentione fallendi separatis ipsum non mentiri. Perinde autem est ad

perjurium, & mendacium, quoddam in factis, aut in verbis consistat juxta receptam, certamque doctrinam S. Thomæ 2. 2. q. 111. art. 1. atque ea propter fraus, & simulatio mendacia quædam sunt propriè talia juxta omnes, quam non verbis, sed factis perficiantur. Et quamvis mendacium dicatur falsa vocis significatio cum intentione faciendi, non idèò simulatio, quæ est falsa facti significatio cum intentione fallendi, definit esse mendacium, nec verba, si ad instar cujusdam facti inspiciantur, & dolo malo ad decipiendum alium enuncientur. Nam, ut appositè observavit S. Thomas 2. 2. q. 110. art. 1. ad 2. *Quia voces præcipuum locum tenent inter alia signa, idèò cum dicitur, quoddam mendacium est falsa vocis significatio, nomine vocis intelligitur omne signum. Unde qui aliquod falsum nutibus significare intenderet, non esset à mendacio immunis.*

18 Quod verò in iis circumstantiis mentiat factio ipso occurrandi veritatem, qui verba restringit mente, inde patet: quia esto demus, non mentiri beneficio restrictionis, negando egisse quod egit, saltem simulat, se non habere intentionem decipiendi alios, & significat, se habere contrariam intentionem, nimirum manifestandi candidè, ac sincerè veritatem, ita ut dicto ipsis, ut jacet, fidere possint, & assensum illi tanquam verò. Hoc autem manifestum est mendacium, duplici-
tas, ac fallacia, quæ per restrictionem non purgatur; sed potius per ipsam, ut per medium ad finem decipiendi utilissimum, stabilitur, perduciturque ad effectum. Mendacium utique non solum committi potest vocibus, aut factis realibus; sed etiam taciturnitate, ac silentio, quæ sæpe sunt signa consensuum juxta regulam vulgaram: *Qui tacet, consentire videtur*. Si ergo aliquis interrogatus taceat animo circumven-
niendi calliditate sua illum, qui interro-
gat, & persuadendi ipsi assensum, quem non habet, quamvis in istis circumstantiis silentio significetur, nemo dubitabit, eum esse mendacem. Ergo à fortiori menda-
erit, qui non solum tacet, sed verbis denotat, se habere assensum, quem non habet, & simulat, se nihil restringere, ut occultet intentionem fallendi; immò qui restrictio-
nem suam silentio involvit, & occultat, ut ipso silentio fallat.

19 Augetur difficultas, quia licet intentio directa, & positiva fallendi non sit necessaria ad mendacium, sed sufficiat animus significandi ut sibi verum, ac fide dignum id, quod loquens falsum reputat, ut illis præsertim accidit, qui crimina manifesta à se perpetrata diffidentur, non quia putent sibi fidem adhibendam; sed ne propria confessione convincantur; negari tamen non potest, cum adest talis intentio, illam plurimum conferre ad committendum mendacium. Neque enim frustra additum est in illius definitione à SS. Augustino, & Thoma verbum illud: *Cum intentione fallendi*, quod omnino superflueret, nisi aliquando ab ea intentione mendacia redderentur verba, quæ ob sensum multiplicem, vel ob aliam causam similem aliqui possent sine mendacia enunciari. Exemplo ulterius sine enunciationes falsæ, quæ joci, ac recreationis causa proferuntur: nam illas aliquando esse mendaces, S. Augustinus profertur lib. 1. de mendacio, cap. 11. & ex recepta mendacii divisione in perniciosum, officiosum, ac jocosum manifestè comprobatur; aliquando autem sine mendacio proferri, immò nunquam putatas esse mendacia ipse Augustinus præmisit inibi. 2. cap.

20 Discrimen verò non aliunde sumitur, quam ab intentione fallendi, ut diserte observavit inter alios Paulus Layman lib. 4. trail. 3. cap. 13. num. 4. Nam culpa mentientis est, ait Augustinus ibidem cap. 3. in enunciando animo suo fallendi cupiditas: unde qui falsæ, etsi jocosa, enunciat fallendi cupiditate, culpam mendacii necessario incurrit. At verò cum joci prodeunt ex diversa alia intentione, quæ sæpe honesta esse poterit, nunquam inter mendacia computantur: habent enim, ut præclare subicit ipse Augustinus dicto cap. 2. evidentissimam ex pronunciatione, atque ex ipso jocantis affectu significationem animi nequam fallentis, etsi non vera enunciantis. Unde in Psalm. 6. scribit mendacium jocosum ideo non esse perniciosissimum, quia non fallit. Nō vit enim, ait, ille, cui dicitur, joci causa esse dictum.

21 Patet igitur ex dictis, mentales restrictiones nil prodesse ad labem mendacii expungendam, cum verba aliqui contra mentem, aut intentioni proferentis ex directa, atque formali intentione fallendi

proferuntur. Vel enim in sensu falso usurpantur, scilicet ad significandum, ac persuadendum absolute audientibus, loquentem nunquam fecisse, quod se aliquando fecisse certò agnoscat, vel saltem simulatur in eo sensu proferri, ut possint esse media decipiendi audientes, & faciendi, ut ipsi credant, ea prolata esse tanquam vera, seu conformia menti in sensu dicto. Utrovis autem modo intermiscetur falsa vocis, factive significatio cum intentione fallendi, quæ est essentialis, ac propria cujuscumque mendacii definitio. Neque dubitari potest, quin inibi interveniat dolus malus, qui est mendacium quoddam, ad circumveniendum proximum ex proposito institutus. Nam *dolus lingua tunc agitur, cum aliud ore proferatur, & aliud pectore tegitur*, sic definitur Augustino in Psalm. 14. & insuper dicente in lib. 30. bomiliar. bom. 1. Quid enim aliud loqui dolum, nisi aliud verbis promere, cum aliud claudatur in pectore? Hic autem tegitur intentio fallendi, & restrictio ipsa mentalis in corde latens, & exercitæ, aut signatè proferitur intentio non fallendi, voluntasque loquendi in sensu non restricto.

22 Patet insuper, si juramentum huic mendacio addatur, ibi inveniri perjurium. Tum quia *perjurium nihil aliud est, quam mendacium juramento firmatum*, ex Angelico Doctore in 3. dist. 49. art. 4. corp. cui omnes alii subscribunt. Tum specialiter, quia *perjurium est nequiter decipere credentem*, juxta S. Augustinum relatum cap. 1. 22. q. 2. & ideo laudatur ille, qui jurat proximo suo, & non decipit. Porro ille nequiter decipit, qui ex proposito, & astutè id facit, aliud sentiens, aliud fingens. Tum præterea, nam si pejerat, qui duplici corde jurat, quemadmodum is mentitur, qui duplici corde loquitur, id millefies repetentem Augustino secundum illud Psalm. 11. 3. Labia dolosa in corde, & corde loquuti sunt. Sed qui juramentum aliàs falsum sola mentis imperceptibili cogitatione restringit, ut eo artificio audientes fallat, id duplici corde jurat, unum intendens, ac ostendens aliud, & contra virtutem simplicitatis delinquit, cujus est præceptum negativum non decipiendi proximum, sicut veracitatis est præceptum non mentiendi. Ergo non simplici corde, sed duplici corde

de jurat, & proinde pejerat, ac re ipsa mentitur, quia huic juramento non iustitia, non iudicium; sed sola veritas deficit. Et, sicut veritas, atque simplicitas non sunt duæ virtutes; sed una, atque eadem realiter indistincta: sic mendacium, ac duplicitas contra præceptum non fallendi proximum, idem re ipsa vitium sunt, quamvis nomine, ac ratione distinguantur. De quo latius infra cum Divo Thoma sic de his virtutibus expressè philosophante, & omnibus ferè post ipsum.

CAPUT IV.

Num thesis proposita idè damnari merebitur, quia supponit, restrictiones mentales nunquam esse illicitas, nisi ex fine, aut circumstantiis pravis?

23 **S**Upponendum est tanquam omnino certum, loquutiones sola mentis restrictione veras, falsas verò, illa seclusa, sæpe sæpius esse illicitas ex fine, aut ex circumstantiis alio genere malitiæ, quàm mendacii propriè sumpti. Illicitæ enim sunt, quoties incumbit specialis obligatio propagandi candidè, ac sincerè veritatem nullo artificio palliatam; sed patientem, atque nudam. Neque enim veritas patet, aut palàm, & nudè dicitur, dum truncatur, ut sic loquar, supprimendo additum illud, quod omnino necessarium est ad verificandum dicta nostra, & exprimendo duntaxat, quod alioqui falsò dicitur: nam tunc vel sola occultatio merè silentiaria nequit non esse peccatum.

24 Solet autem oriri hæc obligatio ex multiplici virtute, ut ex fide, ejus confessio externa est in præcepto, cùm honor Dei periclitatur, & Tyrannus urget: ex iustitia, si occultatio noceat proximo, ut in contradicibus, & in testibus sæpe contingit: ex obedientia, aut ex iustitia legali, ut in reo, qui à suo Superiore, aut iudice legitime interrogatur: ex charitate, si propter externam speciem, seu mendacii, seu perjurii audientes scandalizentur, & occasionem mentiendi, vel pejerandi sibi datam inde assumant. Ac demum ex religione, quia, ut ait Lessius de just. & iur. lib. 2. cap. 42. num. 43. cum restrictione mentali adolere sbus idolo, laudare Mabumetem, vel

solemnia illa Turcarum verba pronunciare: Unus Deus, & Propheta illius Mahumet: est peccatum mortale satis enim est in honore exhibendo aßum externum ita fieri, & cum illis circumstantiis, ut merito videatur possit vel sacrificare, laudare, & cetera ejusmodi. Et de externo contemptu, vel irreverentia Numinis par est ratio. Unde non licet per religionem jurare exterius mendacium absque intentione jurandi ut differt. præced. est demonstratum. Nec prodest, si per Deum jures exterius, quod intra te subintelligas Deum Mercurium, aut Neptunum. Et idè, licet nonnulli subdubitet Lessius eo loci, nihilominus id non est ausus liberare à mortali contra sententiam communem, quamvis per injuriam ad jurandum adigaris, & falsitas sit occulta.

25 Quæ cùm certa sint, modò succedit altera quæstio propria subfelli, nimirum: Utrum in terminis propositionis damnatæ, præscindendo ab his malitiis, quæ non semper interveniunt, restrictiones ipsæ internæ semper licitæ sint ex se, & ex propriis, quamvis propria sponte fiant, vel duntaxat recreationis gratia, nullaque necessitate urgente? Videtur enim condemnata thesis illas semper excusare à peccato, sicut eas semper excusare à mendacio, & à perjurio juramentum eis accedens. Neque enim facile est, si mendacium, & falsitas sufficiens ad perjurium secludatur, aliam pravitatem sibi propriam reperire in ipsis, ex qua illicitæ reddantur. Quocirca in hoc sensu illam exponunt, & ejus prohibitionem intelligunt moderni ejusdem interpretes Lumbier, & Filguera, atque ex PP. Dominicani Pisanii in gladio Gedeonis propositi. 26. num. 1. in hæc scribens, præter cetera: *Tota propositio ex hoc dependet, an licitum sit uti restrictione mentali? Nam, si licita esset ex se, quocumque fine adhibito, qui ex se non vergeret in detrimentum proximi, semper esset licita: vel si ex se non esset illicita, nunquam, nisi ex aliquo illicito fine adjuncto, esset illicita.*

26 Ipsa quoque ejus damnatio satis indicat hunc sensum. Damnatur enim tanquam perniciofa in praxi. At perniciofa non esset in praxi, si eas restrictiones, quas excusat à mendacio propriè, ac rigorosè tali, aliunde illicitas diceret, & abs-

absque alio æquipollente peccato impracticabiles crederet. Perniciosæ namque exinde dicitur, sicut aliæ ejusdem generis, quod praxim aperte illicitam, & humanæ societati nocentem, faciliorem, atque frequentiore reddidit, sublato freno peccati. Scandalosa etiam vel ideò videri potuit, quia prædictam cautionem non expressit, nec distinxit (ut scribentes faciunt in suis libris) restrictiones certò illicitas, v. g. merè voluntarias, à necessariis, ac fortasse licitis; sed ita mendacium sustulit generaliter ab omnibus, ut legentibus magnam occasionem dederit credendi, ablatò mendacio, nullam aliam malitiam superesse, quam incurrant saltem illi, qui prædictas loquutiones mente restrictas exercent propria sponte, & absque idonea causa.

27 Ut ut sit, si in hoc sensu fuit loquuta, justissimè condemnationem promeruit, quia certissimum est, mentales istas amphibologias esse omnino illicitas, cum merè voluntariè, seu in vanum exercentur, quamvis desit pravus finis decipiendi, aut occulkandi veritatem, cujus integra manifestatio aliqua lege præcipitur. Nec de hoc est controversia inter Auditores, licet aliàs differant quoad speciem, & quantitatem delicti, quod incurritur in usu illarum. Ita ex mente omnium testatur Prosper Fagnanus 1. part. ad 5. lib. Decret. in cap. Falsidicus, de crimin. falsi. num. 20. Ac sanè de illis dubitari nequit, quibuscum Prosper tuerur, illas in quocumque eventu sordere labe mendacii. Alii verò, qui mendacium rigorosè, ac propriè tale in eis reperiri denegant; adhuc, justa causa deficiente, aliam malitiam agnoscunt ab ipsis inseparabilem. Sic in primis P. Sanchez eo cap. 6. numer. 16. Bonacina in 2. præcept. Decalog. disp. 4. q. 1. pun. 12. num. 2. Trullenc lib. 2. in Decalog. cap. 1. dub. 15. num. 2. qui, præcunte Valencia in simili tom. 3. disp. 5. q. 13. pun. 2. ad 2. docent, id esse peccatum oppositum virtuti veracitatis, non quidem tanquam commissio violans præceptum negativum, quo illa jubet, ac mentiamur; sed per modum omissionis contrariæ præcepto affirmativo, quo ipsa præcipit, ut dum aliis sponte loquimur, vel rationabili interrogationi respondemus, candidè, ac sincerrè agamus, integrè manifestando mentem nostram, & accipien-

do verba in eo ipso sensu, quo scimus ab aliis accipi.

28 Consonat apertè Lessius lib. 2. cap. 42. num. 48. dicens, id esse *abusionem orationis contra veritatem*, & *civilem consuetudinem*, ac *proinde peccatum, est non si propriè mendacium*. Suarez lib. 3. de juram. cap. 10. numer. 10. scribens, id non esse licitum, nisi ex iusta causa, & necessitate, &, si aliter fiat, culpam committi, & si addatur juramentum, regulariter esse grave peccatum. P. Bresserus lib. 5. de conscient. num. 184. notans, esse doctrinam communem, ac certam. Fillucius tom. 2. tr. 25. à num. 329. Giballinus tom. 1. de usuris. lib. 3. cap. 1. art. 2. num. 6. Sayrus in clavi Regia. lib. 12. cap. 17. num. 18. Navarrus in cap. Humanæ aures. 22. q. 5. q. 3. præsertim numer. 9. ac latissimè Raynaudus specialis opusculo hujus argumenti tom. 14. tota cap. 5. etiam numer. 10. judicet, hac subdola agendi ratione non tam veracitatis virtutem, quam simplicitatem ei affinem violari. Subscribitque eidem apertè Thomas Hurtado p. 2. variar. resolut. tr. 7. à num. 33. ubi eam doctrinam sequitur, egregiamque appellat numer. 35. Quæ autem consequentia, hi viderint, ad quos attinet.

29 Esse itaque peccaminosæ ejusmodi restrictiones, cum voluntariè exercentur, vel ex inidonea causa, non solum receptum est apud omnes; sed ferè per se notum apparet. Nam, si licitè esse crederentur in his casibus, quasi à fundamentis suis everteretur civilis conversatio, ac commercium reciprocum unius hominis cum aliis, sive in contractibus, sive in judiciis, sive in quibuscumque aliis conversationibus politicis, aut negotiis familiaribus. Ad hoc enim priorius necessarium est, ne mutua diffidentia se impediatur; sed alii aliis possint credere, ac verbis ipsorum fidere, quod nequaquam obtinebitur, si unicuique integrum foret absque valde rationabili necessitate, aut motivo mentem suam occultare, & conceptum veritati contrarium in mente aliorum imprimere. Semper enim dubitare possent, num ejusmodi artificio sibi licito loquens uteretur. Et, quantumvis ille diceret, se nulla omnino restrictione verba sua proferre; sed simpliciter, ut jacent, ea uti uteretur; adhuc nullam fidem mereretur. Nam hoc ipsum per mentalem aliam restrictionem limi-

limitari valet : & , dum vinculis conscientie , metuque peccati homines non illigantur , difficile audientes credent , illos eandem , ac sincere agere , & signis institutis ad suam mentem ceteris communicandam non abuti interitus occultando , quod ad notitiam plenam veritatis maxime conferret .

30 Suadetur 2. Quia ultra præceptum non mendiendi , etiam datur præceptum non decipiendi proximum , ut planè habetur Levitici 19. 11. ibi : *Non mentiemi- ni : nec decipies unumquodque proximum suum* . Hoc est , ut Abulensis rectè explicat ibidem q. 6. *Nullus decipiat proximum suum* , quia huic aequipollent negatio præposita signo universali affirmativo *Unusquisque* . Tum sic . Sed contra hoc præceptum juris naturalis , ac Divini expressè agit , siue mentiatur , siue non mentiatur propriè , quisquis sponte , aut recreationis causa , nullaque necessitate urgente , utitur loquutionibus mente restrictis , & mentis suæ conceptum diminutè profert . Ergo , siue mentiatur , siue non mentiatur , illicite agit , ac perperam . Probatur minor . Nam quoad effectum decipiendi audientes non minus efficax est loquutio mente restricta , quàm non restricta , sed apertè mendax . Utrobique enim eadem verba externa proferuntur , nempe : *Non feci absolute* . Utrobique idipsum dicitur vocaliter ei , cui loquimur . Utrobique verbis nostris eadem species sensibus ingeritur . Et utrobique ex vi verborum una , atque eadem notitia absque addito verificante , & proinde falsa , in audiente generatur , cum illud purè mentale sit , ac sensu imperceptibile , & neque ex circumstantiis , neque ex causa sic loquendi , nec ex ullis aliis administrandis talis deceptio permitti censeri possit , & non data , sed accepta .

31 Est autem utrumque hoc præceptum juris naturalis tanquam valde necessarium ex natura rei ad conservandam mutuam charitatem . Quia ut S. Joannes Chrysostomus scribit in cap. 4. ad *Ephefos orationem* . 8. initio : *Nihil est , quod æquè pariat inimicitias , atque decipi , & falli* . Quod exemplo sensuum , ac membrorum corporis latè prosequitur , nullum enim aliud fallit , & propterea ita concludit : *Ita nec quoque , ne mentiamur , nec fallamus , si sumus alteri alterius membra* . Hoc est in-

dictum amicitie ; contrarium autem , inimicitiarum . Brevis ; sed satis acutè , idipsum S. Augustinus declaravit rom. 3. lib. 1. de *Doctrina Christiana* . cap. 36. ibi : *Insuper quippe in mentiente voluntas falsa dicendi , & idèd multos invenimus , qui mentiri velint ; qui autem falli , neminem* . Si autem nemo vult decipi ab alio , utique neque decipiens vult decipi ; sed notissima illa obligatione constingitur promotiva iusticie , ac charitatis , qua lex naturalis dicitur : *Quod tibi non vis , alteri ne feceris* .

32 Neque dubitari potest , quin ista sint duo præcepta , quorum alterum violari potest , quamvis alterum servetur . Quia ad mentiendum propriè , & in rigore necessario exigitur , ut aliquis loquatur contra mentem , scilicet , ac sciens , ac volens tanquam sibi verum , atque fide dignum proferat , quod ipsemet falsum reputat . At verò præcisè ad fallendum ex animo , ac voluntariè non requiritur , ut aliquis loquatur contra mentem , neque ut emunciationem sibi falsam tanquam fide dignam exprimat ; sed satis , superque est , ut ex fine occultandæ veritatis , aut ex alio ex se non pravo , alteri occasione deceptionis præbeat absque ulla necessitate , & causa præponderante incommodis deceptionis , atque civilis commercii . Veritate namque ipsa alios decipere possumus , quos scimus discreditos verbis nostris , ut contingit de monti patri mendacii , & aliis , qui mentiri consueverunt . Unde S. Augustinus rom. 4. in lib. de mendacio . cap. 4. sua solita subtilitate animadvertit , fieri posse , ut qui sciens , ac volens verum loquitur , id dicat causa fallendi , & veritate ipsa utatur ad decipiendum : *Qui enim* , inquit , *verum idèd loquitur , quia sentit sibi non credi , idèd utique verum dicit , ut fallat : scit enim , vel existimat propterea falsum putari posse , quod dicitur , quoniam ab ipso dicitur* . Quamobrem cum idèd verum dicit , ut falsum putetur , idèd verum dicit , ut falsus . Hæc ibi , quibus post pauca adjungit valde appositum exemplum ejus , qui homini non sibi credenti dicit , latrones in illa via esse , ubi re vera eos esse cognovit , ut ille , cui dicit , per illam viam magis pergat , atque ita in latrones incidat , dum putat falsum esse , quod ille dixit .

33 Suadetur 3. Quia saltem negari nequit , hunc modum agendi habere speciem

ciem magnam mendacii, cum ab ipso nulla exteriori nota discernatur. Igitur non licet eo uti ad libitum, neque sponte, & absque gravi causa; sed potius abstinendum est ab ejus usu, dum necessitas non urget in contrarium: id enim est, quod præcipit Apostolus 1. ad Thessalon. 5. dicens: *Abstinete vos ab omni specie mali*. Unde sicut nunquam licet intendere directè, ac positivè deceptionem proximi, & uti verbis, aut factis aliis licitis ad imbuendum errorem mentem ejus, ita etiam non licet gratis, & absque causa præponderante illud facere, ex quo moraliter sequitur ejus deceptio, & illi præbere proximam occasionem errandi. Est quippe error ruina quædam intellectus, ut peccatum est ruinæ voluntatis, & utrumque malum est naturæ rationalis, quæ rationalis. Atque ideo sicut ex præcepto non scandalizandi proximum non solum debemus abstinere ab intentione directæ ruinæ ipsius; sed etiam ab indirecta, qua ipsi per actiones malas, aut habentes speciem mali præbemus occasionem scandali: sic ex præcepto nunquam decipiendi proximum pariter debemus abstinere ab omni actione mala, vel habente speciem mali, quæ est occasio data deceptionis, & eo magis, quod illa fuerit magis efficax, sive deceptio intendatur directè, sive indirectè duntaxat. Solumque in hoc genere debet permitti, ut in scandalo etiam evenit, occasio accepta, & non data; sed permissa.

34 Sæpe enim utimur verbis, ac factis ambiguis, unde proximi deceptio sequitur, nec ideo ab illis abstinere debemus, aut privari jure eas exercendi in defensionem nostram, vel ob aliam causam notabilem; sed tunc deceptio non dicitur volita; sed solum permissa, neque occasio illius est data; sed ab alio accepta, qui id sibi imputare debet, cum loquens suo jure utatur. Quamobrem neque in eo eventu sic loquens verè intelligitur decipere proximum, aut ipsum scandalizare, nempe activè, & positivè, prout opus est ad violandum negativa istiusmodi præcepta; sed permittere duntaxat ruinam, aut deceptionem alterius. Sic Christus, cum ad vigilias noctis apparuit discipulis in mari, rectè prævidebat discipulos erraturos, & occasione exinde accepta putaturos, cum

esse phantasma, nec ideo fuit eorum deceptor, aut transgressor præcepti naturalis, quo nunquam licet decipere. Sic honestissime dixit, & ex causa: *Solve templum hoc, & in tribus diebus suscitabo illud*, id utique intelligendo, ut Evangelistæ testantur, de templo corporis sui, quamvis non ignoraret, haud exiguam occasionem Judæis dari existimandi eum loqui de templo Hierosolymitano, à quo ejecerat ementes, ac vendentes. Omnes enim externæ circumstantiæ id indicabant, & alter sensus adeo erat metaphoricus, & alienus à communi intelligentia, ut tunc neque ipsi discipuli ipsum penetraverint; sed in eadem, in quem alii, errorem lapsi fuerint.

35 Ex his inferes, non solum esse peccatum, sponte omnino, & absque idonea causa uti vocibus mente restrictis; sed etiam æquivocis, & amphibologicis, quamvis in aliquo sensu veris, ex quibus prævidemus alios in errorem inducendos. Ita Cajetanus 2. 2. p. 89. art. 7. vers. *Ad hoc dicitur in fin. Bresserus supranumer. 183. Coninc disp. 10. de Fide. num. 41. dicens, id à nemine negari. Lugo disp. 4. de Fide. num. 68. addens, in eo omnes convenire*. Nam esto materia erroris præjudicialis non sit, nec fidei, aut honestati contraria, cessentque reliqua incommoda, quæ inde solent dimanare, ipsa erroris implantatio in mente alterius malum quoddam est naturæ rationalis, quod quisque curare debet, ne occasione ipsi proximo eveniat, etiam per actiones aliàs licitas, atque de se indifferentes, nedum pravas, aut habentes speciem mali, dum rationabilis causa aliud agendi non suppetit. Atque id postulat, ut suprà vidimus, ipse convictus humanus, & oppositum est lata quædam injuria charitatem erga proximum offendens, ac pervertens simplicem veritatem. Quo in genere servandæ sunt regulæ scandali, cui hæc materia est simillima, ut deceptio activa, & data semper peccatum sit grave, aut leve juxta qualitatem erroris; passiva verò, & accepta, qualis est, dum causa subest, immunis sit à peccato.

36 Et confirmatur: quia ambiguitas ista, & obscuratio veritatis directè repugnat fini, ad quem loquutio est instituta,

ta, & signa vocalia data, ut S. Augustinus observat in *Enchirid.* ad Laurent. cap. 22. his præter cætera. *Propterea verba sunt instituta, non per quæ se invicem homines fallant; sed per quæ in alterius quisque notitiam cogitationes suas proferat.* Confirmatur iterum: quia sæpe ex charitate tenemur quædam agere, quæ alioqui omitti possent, v. g. docere alios, & corrigere proximum errantem, & procurare, dum absque incommodo possumus, ne in errorem incidant, aut perseverent. Ergo à fortiori tenebimur quosdam actus nostros aliis licitos omittere, ne in errorem occasione illorum inducantur. Quale autem tenetur peccatum sit, circumventionibus istis, seu jocosis, seu spontaneis, juramentum adiacere, infra ex professo tractabitur. Nam peccatum esse constat ex *Psalm.* 14. 5. *Qui jurat proximo suo, & non decipit: & perjurium haud incongruè nominari, sumitur ex cap. 1. 22. q. 2. ubi nequiter decipere credentem perjurium esse affirmatur.* Saltemque mendacium erit, sumpto nomine mendacii pro quacumque falsitate, & eo analogico sensu, quo juxta mentem Angelici Præceptoris, omniumque discipulorum ejus tradendam *disserunt.* sequent. cap. 1. 2. sumitur in perulgata definitione perjurii, dum dicitur illud esse *mendacium juramento firmatum.* Atque id sine dubio foret satis ad condemnationem lemmatis, quo pariter cum mendacio in quacumque restrictione interna negatur esse perjurium.

CAPUT V.

Utrum restrictiones merè voluntariæ sint peccata opposita virtuti veracitatis?

37 **V**isum jam est, loquutiones, quæ falsæ sunt absque addito retento in mente dicentis, non esse ex illis actionibus, quæ ad libitum exerceri valent; sed ex consensu omnium esse illicitas, saltem cum merè voluntariæ sunt, & non ex idonea causa, ut dum quis sponte propria sese ad sic loquendum ingerit, vel justæ interrogationi respondet, aut hisce ambagibus utitur joci, aut recreationis causa. Quæstionis autem esse potest, quonam genere peccati delinquat,

& quamnam virtutem violet, dum ita cum aliis agit?

38 Ego existimo cum P. Sanchez, Valentia, Bonacina, Trullenc, & aliis relatis num. 27. virtutem veracitatis violari. Et suadetur. Nam peccatum, quod tali loquutione tunc committitur, est peccatum fallaciæ, ac duplicitaris, quo proximus supplantatur, ac decipitur, & violenter synceritas, ac simplicitas debita convictui humano. Ergo violatur veracitas, à qua aliena esse non possunt discooperata nuditas, & purus candor nullo artificio cooptus. Antecedens planè constat, etiam ipsis adversariis, qui profitentur, in eo casu saltem contra simplicitatem delinqui, ambigüe manifestando mentem suam sine causa, & proferendo exterius absque addito, quod non est absque illo verum. Constat insuper ex dictis superiori capite, ubi ostendimus, ejusmodi calliditate violari præceptum non decipiendi proximum: nam hoc præceptum simplicitatis est, ad quam *directè pertinet se præservare à deceptione*, qua scilicet, dolo, aut fraude nostris aliis decipiuntur, ut tradit S. Thomas 2. 2. q. 111. art. 3. ad 2. Etenim à deceptione sua per virtutem studiositatis, & alias similes se homines præservant, & cognitionem veritatis acquirunt; simplicitas autem, seu agendi, seu loquendi, est virtus ad alterum, quæ nos præservat ab actibus, quibus decipimus alios, ut sunt simulationes, doli, calliditates, ac fraudes, & reliqua instrumenta astutiæ suggerentis ad obtinendum propositum, ut ait ibi S. Thomas, vias apparentes, & non existentes; sed fallaces. Videndus S. Gregorius lib. 10. *moralium*, cap. 16. ubi in hoc sensu officia duplicitaris, ac veracitatis ex professo declarat.

39 Sic igitur statuto antecedenti, consequentia ex eo deducta inde patet, quia simplicitas, atque veracitas, quamvis nomine, ac ratione distinguantur, re ipsa non sunt duæ virtutes speciei, aut officio diversæ; sed una, & eadem, quæ simplicitas vocatur, quatenus in diversa non rendit ostendendo unum exterius, & aliud quidpiam intra se occultando; veracitas vero, quatenus præstat, ut signa ita concordent signatis, sicut concordare debent, ut sibi invicem homines fidem adhibere possint.

possint, & civilem conversationem servare. Oppositum contendit Raynaudus loco superius citato, & latius tom. 4. de virtut. cap. 15. num. 173. etsi ingenue fateatur, simplicitatem apud antiquiores sapientius exprimi nomine veracitatis. Ceterum aperte contradicit D. Thomæ 2. 2. q. 109. art. 2. ad 4. & q. 111. art. 3. ad 2. ubi sic scribit: *Ad simplicitatem pertinet directè se præservare à deceptione. Et secundùm hoc, ut suprà dictum est, virtus simplicitatis est eadem virtuti veritatis; sed differt sola ratione. Quia veritas dicitur, secundùm quod signa concordant signatis; simplicitas autem dicitur, secundùm quod non tendit in diversa, ut scilicet aliud intendat interius, & aliud prætendat exterius.*

40 Quoties itaque exteriora signa non concordant cum signatis, sicut concordare debent ex sua propria institutione, toties veracitas læditur, & ideo idem Sanctus dixit eo art. 2. corp. officium veracitatis esse exteriora nostra signa, vel facta debet ordinare ad aliqua, sicut signum ad signatum. Sed qui proximum suum decipit, & decipiendo contra simplicitatem delinquit, ideo peccat, quia non ordinat signa sua ad res signatas, sicut ordinari debent ex sua propria institutione. Lædit igitur veracitatem. Signa quippe (ut ostendebam num. 36. ex Augustino, & communi omnium hominum assensu comprobatur) instituta sunt, non ut per illa sese mutuò homines fallant; sed ut in alterius quisque notitiam cogitationes suas proferat. Ergo inobedite, & contra primum eorum finem illis utitur, quia nimia occultatione rei gestæ alios decipit suis verbis, & quæ præbet deceptionis causam. Unde, cum veracitatis officium proprium sit inordinationem istam removere, consequens est, ut ipsi refragetur, qui cum incurrit decipiendi alios.

41 Perinde ergo est quoad rem ipsam restrictionem internam merè voluntariam opponi simplicitati, atque opponi veritati, atque ideo, licet mendacium, haud aliter, quàm fraus, & dolus, quædam duplicitas sit, & maxime contrarietur candori, ac sinceritati civilis conversationis, non ideo malitias duas specie distinctas involvit, alteram veracitati oppositam, & aliam simplicitati; sed uni-

cam, quæ mendacium dicitur, quatenus externa signa sunt contraria menti utentis ipsis; duplicitas verò, quatenus hoc ipso tendit in diversa, & aliquis aliud habet interius, & aliud ostendit exterius. Unde S. Augustinus malitiam mendacii semper explicat per duplicitatem cordis, & præfertim ad ea verba Psalm. 5. *Prædes omnes, qui loquuntur mendacium: in hæc scribit: Quod non habet duplex cor, ne mendacium quidem dicendum est.* Et confirmatur. Nam inter juramenti comites ideo simplicitas non numeratur, sed sola veritas, quia eadem sunt præcepta utriusque; nam & simplicitas non mentiri præcepti, & veritas non decipere, necre differunt; sed sola voce, & modo concipiendi.

42 Et alioqui, cum mendacium juramento confirmatur, duæ diversæ malitiæ contra religionem essent agnoscendæ; altera, quia duplicitas mentis, ac cordis Divini nominis invocatione roboratur in ordine ad deceptionem alterius; alia verò, quia veracitatis læsio eodem testimonio stabilitur. Quòd si restrictio mentalis circa idoneam causam usitata simplicitatem violaret, non autem veracitatem, juramentum illi adjunctum peccatum contra religionem foret, & nullus ex tribus comitibus sufficientibus, ac necessariis ad juramenti honestatem illi re vera deficeret. Neque enim veracitas deest, ut adversarii supponunt; iustitia verò, ac iudicium, quatenus sunt diversi comites inter se, & à veritate distincti, longè aliam sphaeram habent, ad quam non spectat duplicitas, nec peculiaris illa injuria, quæ Divino Numini irrogatur, assumendum nomen ejus ad confirmandum proximum in ea deceptione, cujus sumus illi occasio.

43 Propterea longè melius sentiebant Sanchez, Lessius, & alii appellati num. 27. & 28. quatenus censent, peccatum, quod ibi admittitur, prohiberi à veracitate. Displicent tamen, quatenus adiciunt, non esse peccatum commissionis adversus præcepta negativa hujus virtutis; sed peccatum omissionis contra affirmativum præceptum, quo eadem ipsa per nimiam rei gestæ occultationem violatur. Etenim quòd ibi sit peccatum commissionis, inde patet, quia perfringitur præceptum non decipiendi proximum, quod

negativum est, sicut præceptum non mentiendi, vel non scandalizandi, aut non occidendi alios, atque hoc ipsum ad veritatem spectat, cujus est, ut aiebat Sanctus Thomas *supra*, exteriora nostra verba, vel facta debite ordinare ad aliquid, sicut signum ad signatum.

44 Qua ratione nuper diximus, illam à simplicitate non distingui realitate, vel officio; sed sola voce, & modo ipsius concipiendi, atque explicandi; constat autem, præceptum negativum abstinendi à deceptione proximi ad virtutem simplicitatis pertinere, atque ideo necesse est, ut etiam spectet ad veritatem. Neque enim veritatis est duntaxat præceptum non mentiendi; sed omnia alia quibus debite ordinatur respectu aliorum verba, aut facta nostra, sicut signum ad signatum. Atque ea propter isti Auctores ad veritatem referunt præceptum affirmativum respondendi ad mentem, seu propositum interrogantis, loquendique intelligibiliter, ut alii de veritate informetur, & nobis credere possint, dum iusta causa non subest occultandi veritatem.

45 Et in summa, affirmativum præceptum, quod prædicti Auctores adstruunt, quatenus merè naturale est, & nullam aliam loquendi obligationem supponit, facile in negativum revocatur. Neque enim absolute præcipit exercitium loquendi; sed modum ejus declarat, quasi conditionatè, ut si fiat, candidè, ac sincerè exerceatur. Paria autem sunt, conditionatè id præcipere, ac absolute prohibere, ne loquamur absque simplicitate, & candore requisita ad non decipiendum alios. Sic præceptum naturale dicendi, quod verum credimus, conditionatum est, & in rigorem ad præceptum non mentiendi revocatur quod semper, ac pro semper obligat, si ve loqui teneamur, si ve non; sed propria sponte aliquid dicamus. Sic præceptum quasi affirmativum orandi cum attentione ad negativum reducitur non orandi sine illa. Et sic præceptum Divinum, ac naturale jurandi per Deum verum, quod habetur Deuter. 6. 13. & 10. 20. etsi externa specie absolutum videatur, revera conditionatum est, & potius respicit modum, formamque jurandi, quando id fit, vel si fortasse fiat, quàm exercitium (seclusa alia obligatione, quam homo solet

imponere) sæpe consiliis contrarium, & ideo in rigore tandem in præceptum negativum resolvitur non jurandi per Deos falsos, quod propositum est *Exodi* 23. 13. ibi *Per nomen externorum Deorum non jurabis*. Atque hinc inferes, quoties absolute incumbit obligatio affirmativa confitendi veritatem clarè, ac integrè, respondendive ad mentem alterius, ex obedientia v. g. vel justitia, duplex peccatum incurri, si veritas occultetur per restrictionem mentalem, aut aliam imperceptibilem. Alterum contra eam virtutem, ex vi cujus debeatur clara, & aperta confessio veritatis, & alterum contra veritatem ratione mediè, quod ad ejus occultationem assumitur: violatur enim præceptum non decipiendi proximum, & falsitas quædam committitur, qua caret occultatio, si solo siletio fieret. Quòd si juramentum confirmans deceptionem adiciatur, ulterius erit perjurium, ut postea patebit latius.

C A P U T VI.

An mentiatur quisquis utitur restrictionibus internis merè voluntariis?

46 **N**on mentiri, neque pejorare, si juramentum adiciat, expressè habetur in thesi proscripta à Sede Apostolica, quæ intolerabilis est, ut jam vidimus, quatenus id verum reputat, ex quocumque siue fiat, necnon quatenus implicitè affirmat, vel maximam occasionem præbet opinandi, atque sentiendi, nullum ibi esse peccatum. Id enim *nemo sanus approbavit in Ecclesia*, ut scribit celeberrimus Doctor D. Iosephus de Retes *lib. 7. opuscul. cap. 3. num. 27.* & ultra appellatos *suprà num. 27. & 28.* tanquam rem nemini dubiam supponit Castro Palao *to. 3. disp. 1. de juram. punct. 7. num. 1.* Modò autem specialis quæstio instituitur circa mendacium, quod in nulla restrictione ex se, atque ratione sui propriè, & in rigore reperiri censent Scriptores permulti, & valde graves. Non quia putent, merè voluntarias ullo unquam casu esse licitas (quod perniciosum esset, atque summi scandali) sed quia pauci quidam cum Raynaudo, quem sequutus est Retes *ubi suprà num. 28.* existimant, eas esse peccatum specie à mendacio

cio distinctum, & simplicitati oppositum; non autem veracitati, nisi forsan indirecte.

47 Cæteri verò communiter cum Valentia, Suarez, Lessio, Sanchez, Palao eo num. 1. & aliis loco citato laudatis, veracitati opponi iudicant, non ut peccatum mendacii; sed tanquam peccatum occultationis fallacis, quæ præcepto affirmativo huius virtutis prohibetur, & per modum omissionis illi refragatur. Nos autem iam antea ostendimus, & illud veritati repugnare, à qua non differt simplicitas, nisi solo modo concipiendi: & insuper præceptum illud, quod affirmativum appellatur, in rigore non esse nisi negativum, quo iubetur, ne proximum decipiamus, sive id mentiendo contingat, sive alia quacunque arte. Neque enim semper mentitur, qui utitur verbis fallacibus: nam & veritate ipsa interdum contingit fallere, ut ostensum fuit num. 32. & dæmon, qui recte novit sibi discredendum esse tanquam parenti mendacii, hac arte sæpe uti solet, ut audientes incaute supplantentur. Unde qui verbis æquivocis mentem suam sine causa manifestat, cum posset eam manifestare claris, eo ipso peccat, si inde prævidet alios in errorem inducendos, quamvis occulte intendat ea proferre in sensu vero, & propterea non mentitur, nam falsum non dicit, quod vox alioqui significat; sed id solum, quod dicere intendit, quamvis eius intentio sit prorsus occulta.

48 Quæ cum ita sint, addendum superest, id genus delicti, quod committitur per restrictionem deceptivam proximi, magis propriè appellari *fallaciam*, quam mendacium, si lisdoro credimus id apertè pronuncianti lib. de confictu virtut. 9. vitior. cap. 19. vel potius B. Leoni, aut Augustino, nam & ipsis hunc librum adscribunt alii. *Fallacia*, ait, atque mendacium unum dicunt; fallacia autem fit ingenio; mendacium autem simplici verbo. Explicat verò gratia exempli ingenium fallaciæ ut distinctæ à simplici, rotundoque mendacio per restrictionem mentalem, non quamcumque; sed per deceptivam, seu delusivam alterius, nam expressim de illa loquitur, qua aliquis in non dando alterum illud ludere querit, negando cum restrictione retenta in corde se habere illud, quod revera habet, ibi: *Fallacia enim dicitur: Quid in*

petendo moras innectis? Non habeo quod tibi tribuere possim. Celans utique in corde, quid habet, vel quid sibi conservet, vel quid aliis, si voluntas inest, tribuat. (En restrictionem mentalem.) *Mendacium autem dicit: Omnino, quod postulas, non habeo. Scilicet, non artificioso ingenio, sicut fallacia; sed simplici negationis verbo frustratur poscentem.*

49 Cæterum scrupulosa ista vocum diversitas à paucis observatur. Nam simplex mendacium sæpe fallacia appellatur, cum de ipsius conceptu sit dici intentione fallendi. Et vice versa fallacia, seu restrictio deceptiva alterius, ab eodem lisdoro inter mendacia computatur, quamvis non sit mendacium merè simplex; sed palliatum, & artificioso cooperum. Unde sic statim loquitur nomine veracitatis, cui duo ista vitia repugnare credit: *Sed veritas ad utraque respondet: Nec artificioso ingenio, nec simplici verbo oportet decipere quemquam. Quia quodlibet artis modo mentitur, os, quod mentitur, occidit animam.* Hactenus ille. Unde habemus, ut minimum omnes restrictiones deceptivas alterius, & quod inde sequitur, omnes merè voluntarias (nam ab his modò præcindimus, quæ necessaria videntur, v. g. ad occultandum secretum confessionis) saltem reductivè esse mendacia. Nam eisdem verbis utuntur, & eisdem signis decipiunt, civilemque conversationem pervertunt, & quoad effectum fallendi, activè, & non permissivè tantum, mendacio perfectè æquivalent, parique omnino malitia veracitatis honestatem destruunt. Et cum scandalum, etiam indirectum, plurimorum iudicio revocetur ad illam speciem vitii, cuius occasionem præbet, haud incongruè istæ fallaciæ ad speciem mendacii revocantur: nam habent mendacii speciem, & ab illis etiam propter scandalum abstinere cogimur, cum iure nostro non utimur, nec idonea causa suppetit ita cum aliis loquendi.

50 Quocirca addendum est insuper, eas saltem esse mendacia moraliter, & in ultimatione prudentum: quod minime negabunt Sanchez, & reliqui, qui, cum alioqui censcant, illas esse certò illicitas, addunt, non esse mendacia propriè, & rigorosè, quia his adverbis in lemmate damnato prætermisiss de rigore, ac pro-

prietate physica loqui videntur. Ratio autem assertionis nostræ ea est: quia mentalis restrictio, cum absque necessitate adiicitur, habetur pro non adjecta, ita exigente civili conversatione, & natura ipsa signorum simul cum veracitate, quibus maxime repugnant fallacia, & mutua illa diffidentia, quam important debiti candoris, ac nuditatis defectus. Et, cum eadem omnino incommoda sequantur ex fraudulentio isto modo agendi, quæ sequuntur ex mendaciis, eisque similissimus sit, ratio ipsa postulat, ut pro mendacio habeatur, & perinde reputetur in morali æstimatione adjectio interna additi verificantis, ac si non fuisset adjecta. Explicatur. Nam apud prudentes ejusdem rationis sunt, restrictionem verbi externi nullo modo fuisse additam, aut non fuisse additam, ut addita esse debebat ad vitandam aliorum deceptionem, & fidem dictis faciendam. Sed in istis circumstantiis ita evenit, quia restrictio solum est addita interiùs, cum deberet exterius manifestari ex præcepto non decipiendi proximum, & loquendi digna creditu. Ergo perinde debet æstimari, ac si non adiceretur.

51 Addit præterea Suarez lib. 3. de juram. cap. 11. num. 3. & maxime num. 5. satis probabile esse, non excusari proprium mendacium, & perjurium, cum solum suppletur sensus verborum per additionem internam merè voluntariam, licet, inquit, res sit dubia. Eiusdemque fuit sententia Filliucius tr. 25. num. 330. quæ mihi non tam dubia, vel probabilis, quam absolute vera esse videtur, & conformis Isidoro in loco nuper expenso. Moveor, quia tota malitia mendacii ex eo sumitur, quod significare aliis exterius, ut merito credibile, atque fide dignum id, quod loquens falsum reputat, est actus suapte natura ordinatus ad proximum decipiendum, subvertendamque fidem humanam necessariam ad socialem vitam, & communicationem cum reliquis, ut supponit S. Thomas 2. 2. q. 110. art. 3. ad 6. & sumitur aperte ex Augustino in lib. de mendaciorum cap. 3. ibi: *Culpa mentientis est in enunciando animo suo fallendi cupiditas: tum cap. 21. bis ultra cætera: Quisquis esse aliud quod genus mendacii, quod peccatum non sit, putaverit, decipies se ipsum, cum honestum se putet deceptorum aliorum.* Atqui eandem

malitiam habet usus restrictionis pure internæ absque sufficienti causa: nam alioqui quæ illa utuntur, neque fraudulentæ essent, nec dolosi, nec contra præceptum non decipiendi proximum, seu dictis, seu factis suis, reputarentur peccare.

52 Moveor iterum. Quia sponte negans cum restrictione mentali, se fecisse illud, quod fecit, aut dicit, quod non habet in mente, aut simulat, se habere in mente, quod non habet. Utrovis autem modo mendacium committitur, alterum verbo, alterum facto. Ergo in eo eventu mendacium vitari nequit. Etenim, aut ille inrendit dicere audientibus, eisdemque significare, se habere in mente iudicium absolute negativum talis facti, quale haberet, si re vera id non egisset: & tunc evidens est, illud mentiri, cum velit dicere, quod putat esse falsum, ac si existimaret, esse verum. Aut non vult id dicere absolute, nec loqui, uti verba sonant; sed potius cum restrictione tacite subintellecta: & tunc, cum sua verba proferat tanquam fide digna, & non fallacia, peccatum simulationis committet, quæ propriè mendacium est, & mentietur, ut sic loquar, in actu exercito, & tacite. Ipso enim facto significat, se habere animum loquendi veraciter, & non decipiendi proximum, ut sua verba fidem faciant. Atqui hunc animum non habet, sed oppositum: idcirco enim peccat contra regulas veracitatis. Ergo facto ipso mentitur, & propriè simulat. Nam facto ostendere contrarium ejus, quod in mente habetur, id est propriè simulatio ex Angelico Doctore, ac reliquis 2. 2. q. 111. art. 1. corp.

53 Moveor præterea. Quia istæ voces: *Non feci homicidium*: prolata ab illo, qui id fecit, cum restrictione mentali ad diem hesternam, in qua illud non fecit, non sunt adequatè conformes conceptui, quem intus habet: deest enim ipsis ad plenam conformitatem vocale hoc adverbium *heri*, quod interiori enunciationi habetur, & externis verbis non significatur. Igitur re vera carent debita conformitate cum mente, illa scilicet, quam suo jure postulat ex communi omnium consensu, seclusa necessitate, tam rationalis respublica, quam veracitas, & institutio signorum ad mentem nostram aliis enunciandam. Ergo re vera mendacia sunt.

Nam

Nam privatio debita conformitatis, & adæquationis cum mente est re vera quædam falsitas, ac difformitas externi signi cum conceptu designato. Falsum enim illud dicitur, quod veraciter non congruit suæ mensuræ, ut falsa pondera, falsi nummi, falsum aurum. Et sicut veracitati difformis est, ac contraria fallax illa mutilatio verborum, ita etiam menti loquentis est difformis, ac contraria. Deest namque ipsi illa conformitas verborum cum mente, quæ opuserat ad evitandam fallaciam, cum restrictio externa desit, & ejus defectus tollat integram conformitatem utriusque. Sed interna exterioris occultata non supplet defectum istum, neque eas integrè conformes reddit. Ergo mendacium committitur, ac si nulla fuisset addita.

54 Moveor insuper. Nam qui exterioris negat fidem cum restrictione mentali, ex. g. si dicat: *Non datur Deus*, addendo intra se *corporeus*, non tantum delinquit adversus præceptum prohibens negationem fidei externam; sed etiam mendacium committit contra ejusdem fidei veritatem, & quidem perniciosissimum, ut præter alios innumeros, non iam dubie, sed diserte, & ex professo contendit ipse Suarez *disput. 14. Fidei sect. 1. num. 6.* neque longè abest Raynaudus, qui ubi *suprà cap. 4. num. 20.* fatetur, in eo eventu duas malitias contrahi, quarum altera repugnat fidei, altera simplicitati, ac veritati, saltem indirectè. Ratio autem est, quia nunquam dari potest legitima necessitas, vel iusta causa infamandi Deum apud alios, & lædendi honorem eius, a ut contumeliosè agendi cum Ecclesia, fideique Christiana, ut is facit, qui negat fidem exterioris. Ergo eiusmodi restrictiones non sunt sine mendacio, quoties iusta causa deficit. Sed quoties merè voluntariè sunt ioci, aut volupratis causa, vel seriò ad interrogationem alterius non cogentem, sed solummodò invitantem, nulla idonea causa sic loquendi subest. Ergo (quidquid sit de alijs) saltem cum hoc modo loquimur, per restrictionem

internam nequit vitari mendacium. Quæ autem diximus de exteriori abnegatione fidei, & mendacio ibi conferto, non obstante mentali restrictione, pariter statuenda sunt, quoties virtutes aliæ, ut iustitia, religio, aut obedientia suo speciali iure obligant ad mentem nostram integrè manifestandam per loquutionem claram, & apertam. Id autem sæpius contingere nemo dubitat, visumque est *suprà num. 24.* & fusè exponitur *infra dissert. 18. à num. 22.*

55 Quo tandem patet, thesism, de qua loquitur, à vero deviasse, quatenus expresse agendo de restrictionibus merè voluntariis, negat ibi esse mendacium, ac periculum. Constat enim ex hucusque dictis, utrumque hoc vitium eiusmodi loquutionibus propriè, & in rigore inesse, non tantum cum illæ sunt fine decipiendi proximum, aut inducendi ipsum ad mentendum ea specie externa mendacii; sed etiam cum ex loquendi libidine, vel alio quocumque fine exercentur non coactè. Et cum thesism prætermiserit verba illa *in rigore, ac propriè*, quæ prudenter addiderunt in contextu Auctores illi, quos voluisse videtur imitari, quàm maxime in imitando defecit.

56 Hi namque dicere possunt, quamvis illi pravi fines secludantur, ibi esse mendacium, ac periculum, saltem latè, aut minus propriè, vel moraliter, aut æquipollenter, & reductivè: nam hæc omnia insinuant satis frequenter, dum agunt de istis fallacijs, & optimè componuntur cum exclusionem rigorosæ proprietatis contentæ in eorum asserto. Illa verò, cum data opera sustulerit modificationem istam, neque ea appareat ex contextu, planè sensisse videtur, nullo ex supradictis modis periculum, aut mendacium incurri in prædictis loquutionibus; immò absolutè licere. Id autem quàm sit absurdum, quàm contrarium mentium Doctorem, & quàm inordinatè prolatum in regula directiva morum, ex hucusque dissertatis apparet satis, superque.

DISSERTATIO XIV.

AN SIT PERJURIUM JURARE

cum restrictione mentali?

Obiter in superioribus notavimus, perjurium propriè tale sapi sapius ibi permisceri. Sed res accuratiorem investigationem postulat, & omnino necessariam ad Pontificii decreti vim, ac justitiam plenè deprehendendam.

CAPUT PRIMUM.

De perjurio, & falsitate necessaria ad ipsum.

1



Hæc nota non solum negabat reperiri mendacium, sed etiam perjurium in omnibus, & singulis casibus ibi recensitis, quorum expressiores pertinent ad

restrictiones merè voluntarias, sive motu proprio fiant, sive ad interrogationem alterius. Quod profectò satis consequenter dictum videbatur. Nam perjurium juxta communem suam definitionem ex Magistro sententiarum acceptam, & à S. Thoma, ac cæteris Scholasticis probatam, nil est aliud, quàm *mendacium juramento firmatum*. Quare, sublata ratione mendacii, ratio etiam perjurii aufertur: neque enim fieri potest, ut qui non mentitur, mendacium juramento confirmet, aut Deum invocet in testem sui mendacii.

2 Aliunde verò, etsi acceptio ista perjurii ut famosior invaluerit, & valde propriam, ac strictam ejus vocis significationem exprimat, illa non videtur data pro perjurio accepto in sua tota latitudine; sed de perjurio duntaxat *primò, & principaliter* accepto, ut loquitur S. Thomas 2. 2. q. 98. art. 2. ad 1. Nam, re ipsa fuisset momentis librata, innegabile videtur sæpius reperiri juramenta illicita ex defectu justitiæ, vel necessitatis, quæ non confirmant mendacium propriè tale, sed aliunde suam malitiam contra religionem habent, & hæc propriè, quamvis minùs strictè, perjuria posse appellari. Neque enim unica est definitio illa perjurii, quæ non omnia juramenta illicita, imò neque omnia fallacia in rigore comprehendit; sed aliæ insuper apud Auctores

classicos circumferuntur majoris latitudinis capaces.

3 Nam mediante juramento nequiter decipere credentem, perjurium est, juxta Augustinum relatum in *cap. 1. 22. quest. 2.* atque in hoc sensu perjurium absque mendacio propriè tali committit, qui veritate ipsa decipit, aut verba æquivoca juxta suam mentem, & intencionem usurpat, cum ea accipere deberet juxta mentem, & intencionem ejus, cui juratur. *Questio- nis utique esse potest, an ille propriè mentiatur, quam Augustinus definire nolu- it lib. de mendacio cap. 2. nosque illum attigimus differt. præced. num. 48.* sed quod nequiter decipiat proximum quantum ex se, & hoc sensu sit perjurus, nemo potest dubitare. Sed multò latius Hieronymus appellatus in *eadem q. 2. cap. 2.* admisitque ab Angelico Doctore ubi proximè, eam vocem accipiendam esse monuit, in hæc scribens: *Animadvertendum est, quod juszurandum hoc habeat comites, veritatem, judicium, atque justitiam. Si ista defuerint, nequaquam erit juramentum; sed perjurium.* Non ergo ad perjurium mendacium propriè tale requiritur; sed sufficit defectus justitiæ, aut judicii, qui rectè inveniri potest, quamvis jurans contra mentem suam non loquatur.

4 At dices ex D. Thoma ubi *suprà*, etiam in his juramentis falsitatem Inveniri quamvis secundariò, & minùs principaliter. Nam qui jurat aliquid illicitum, v. g. se commissurum homicidium, ex eo ipso falsitatem incurrit, quia obligatus est, ut contrarium faciat; qui verò indifferetè jurat, ex hoc ipso periculo se committit incurrendi falsitatem. Sed profectò, quamvis hæc sufficiant ad explicationem nominis in ordine ad falsitatem, & quamdam analogiam illius vocis haud con-

contemnendam contineant, de re ipsa nunquam obtinere poterunt, omne juramentum illicitum, ac positivè contrarium virtuti religionis involvere in suo conceptu loquutionem contra mentem, aut supponere verum, propriumque mendacium. Quocirca, si verum est, quod Hieronymus asseruit, ut S. Thomas putavit, dum eum allegat, & approbat, nimirum juramentum omne irreligiosum, & illicitum defectu cujuscumque ex suis comitibus esse perjurium, consequens profectò sit, perjurium inveniri absque mendacio, & ad summum de conceptu ipsius erit falsitas quædam analogica, & impropria, quæ neque mendacium est, neque ejus malitiam habet, cum potius spectet ad falsitatem rei in se ipsa, quàm ad falsitatem ejus secundum mentem jurantis.

5 Cæterum neque istud obtinet discursus antè insinuat; sed potius dici debet, inveniri sæpius juramenta irreligiosa, ac illicita, & in sensu Hieronymi perjuria, non tantum absque loquutione contra mentem, sed etiam abstrahendo omnino à quacumque falsitate, quæ propriè non sit mendacium. Quod in juramento assertorio merè otioso, aut etiam merè injusto, satis perspicuum videtur. Nam qui absque ulla profusa necessitate, vel utilitate juramento confirmat, quod certissimè novit esse verum, nomen Dei sumit in vanum, & contra juramenti religionem delinquit; & tamen nulli periculo mentiendi, aut incurrendi falsitatem sese exponit, nec Divinam veracitatem offendit: id enim proprium est ejus, qui sua asserta indiligenter examinat, nec omnem cautionem adhibet, ut suæ menti conformetur. Ille etiam, qui occultum crimen proximi, de cujus veritate non dubitat, contra justitiam revelat, & quod credibilis fiat, addito juramento confirmat, propter defectum justitiæ contra religionem peccat, & sanctitatem juramenti abutitur ad injustitiam suam amplius fovendam, majoremque firmitatem detractioni conciliandam. Et nihilominus neque ulli periculo decipiendi audientem, aut proferendi falsum se committit, cum attestetur id, quod certò novit, & fortè sub oculis vidit; neque obligationem habet faciendi contrarium ejus, quod dixit, cum de re præterita loquatur,

cujus veritas in futurum non pendet.

6 Jam verò si de juramento promissorio sermo sit, haud difficilè idem scopus obtinebitur. Tum quia id genus juramenti otiosum esse potest, ac superfluum, & proinde illicitum ex defectu judicii, sicut juramentum assertorium; & nihilominus, si promissio adimpleatur, omni ex parte verum erit: neque enim mentitur, aut fallit, qui promissionem de se licitam obligatoriamque adimplet, cum facta sua dictis conformet, quemadmodum in promittendo dicta menti conformavit. Tum quia, licet promittens facere aliquid iniquum, ex. g. homicidium, eo ipso teneatur facere contrarium ejus, quod promittit, non idèò mentiri debet, neque omisso homicidii in illis circumstantiis culpa mendacii est; sed actus valde honestus. Quare nec lege veracitatis obligatur ad omittendum homicidium; sed sola lege justitiæ: nam aliqui perpetrando homicidium formaliter mentiretur, & conformando facta verbis suis mendax foret; verax autem, dum illa difformia redderet.

7 Tum præterea, quia, ut inter alios notavit P. Lessius *lib. 2. de just. & jur. cap. 42. num. 73.* communi sensu, ac usu jam invaluit, ut violatio juramenti promissorii censeatur verè, ac propriè esse perjurium, atque eo nomine comprehendì quoad pœnas juridicas, eisdemque subiaci, qui juratas promissiones non servant. Et nihilominus valde controversum est, num ibi reperitur verè, proprièque mendacium, quamvis nemo perjurium reperiri neget. Quare propriè non mentiri, qui eiusmodi iuramenta transgreditur, & idèò locum relinqui peccatis levibus ob parvitatem materiæ, tueretur ex professo Suarez *lib. 3. de juram. cap. 16. à num. 9.* Idemque tradit de fractione voti, seu promissionis Deo nuncupatæ *lib. 5. de voto. cap. 3. præsertim num. 3.* Ratio autem facis apparetur sumitur ex S. Thoma 2. 2. q. 110. art. 3. ad 3. ubi ait, *eum, qui aliquid promittit, si habeat animum faciendi, quod promittit, non mentiri; si verò non faciat, quod promittit, tunc, inquit, videtur infideliter agere per hoc, quod animum mutat.*

8 Quocirca inconstantia illa, seu mutatio animi, cum neque loquutio sit, neque affirmatio, fidelitatem potius, quàm alii virtuti opponitur, neque habet aliam

malitiam, quam perfidiam, seu infidelitatis. Porro virtutem fidelitatis à veracitate specie morali distingui, satis probabilis opinio est P. Molinæ *tr. 2. de iust. & iur. disp. 262. Lessii lib. 2. cap. 18. dub. 8. præsertim num. 57. Matæii disp. 19. sect. 8. Lugo disp. 14. num. 36. Dicastillo lib. 2. tr. 4. disp. 1. à num. 80. Becani tr. de Fide hæreticis servanda. cap. 5. Quod si à veracitate distinguitur, peccatum ei soli oppositum non potest esse mendaciam propriam, & in rigore; sed cum addito alienante significationem ejus: ut, sicut fidelitas propria, & absolute veracitas non est, sed cum addito, nimirum veracitas in faciendo, quatenus ad ipsam spectat conformare facta dictis, sic mendacium, quod in ejus violatione admittitur, absolute, & propriè mendacium non sit; sed mendacium solius facti in non verificando dicta per facta consistens, alteriusque omnino rationis ab illo, quod perpetratur verbo, aut signo contra mentem.*

CAPUT II.

Quidnam consequenter affirmare debeant hi, qui consent, nomine perjuri non significari nisi juramentum falsum?

9 **V**ltimum est, perjuri nomine apud quosdam non significari juramentum, nisi sub respectu, & habitudine ad aliquam falsitatem, qua sublata, vel præcissa per intellectum, non remanet specialis ea malitia, quæ per prædictam vocem importatur. Quæ si vera sunt, consequenter debet affirmari, ultra perjuriam inveniri pleraque alia juramenta irreligiosa, & illicita, à quibus necessariò est abstinendum, quovis nomine insigniantur. Constat enim ex superius dictis, juramenta assertoria veritatis merè otiosa, aut merè injusta nullam prorsus habitudinem ad falsitatem involvere; sed in sua propria malitia integrè completa intelligi eo præcisè, quòd otiosa, vel injusta intelligantur. Neque, ut sint irreligiosa, opus est ipsis oppositione aliqua speciali cum veracitate Divina: sufficit enim, quòd supremi Numinis excellentiæ, ac majestati repugnet, quòd ad aliorum injuriam, vel abque ullo prorsus fructu nomen ejus invocetur ad vana, jocosà, aut levia ejus testimonio comprobanda.

10 Affirmari ulterius debet ex mente S. Thomæ ubi *suprà*, ad perjurium non requiri falsitatem virtuti veracitatis oppositam, nedum falsitatem mendacii. Nam qui veraci intentione jurat, se facturum aliquid illicitum, ut si ex animo id faciendi mortem comminetur alteri, re vera perjurus est, atque hoc ut minimum deferri debet auctoritate Hieronymi, quam S. Thomas ibi pro se adducit, ac interpretatur. Et tamen falsitas, ad quam dicitur habitudinem, non est falsitas prohibita legibus veracitatis, aut fidelitatis. Illa quippe in eo consistit, ut S. Thomas declarat, quòd sic jurans eo ipso debet non adimplere, quod juravit; sed potius falsificare suum dictum abstinendo ab homicidio, quòd à se faciendum enunciaverat. Atqui hæc falsitas non est illicita, cum potius honestum sit, ac debitum lege justitiæ non verificare per facta ejusmodi iniqua dicta, aut facere juramentum vinculum iniquitatis: nec virtus veracitatis, aut fidelitatis ejusmodi verificationem præcipiunt, aut falsitatem ei contrariam prohibent, ut iam antè prænotabam. Ergo, re bene intellecta, nihil tunc agitur contra ejusmodi virtutes. Et hoc maximè differt iuramentum rei illicitæ factum abque animo exequendi ipsam à iuramento ejusdem rei factum cum animo illam exequendi. Nam primo veritas deficit, & strictissime perjuri rationem habet; postremo verò sola deest iustitia, & neque fidelitas, neque veracitas læditur, quamvis postea non adimpleatur.

11 Affirmandum præterea iuxta dicta *num. 7.* valde incertum esse, utrùm violationi iuramenti promissorii de re licita, & animo implendi facta, quamvis propriè sit perjurium, & subiaceat pœnis eius, involvat propriè mendacium? De re enim constat, non esse mendacium verbi, aut signi denotantis contrarium eius, quod in mente habetur; sed facti non congruentis assertioni de futuro, quam promissio obligatoria importaverat, & promittens verificare tenetur. Constat insuper, ibidem inveniri illicitum quandam falsitatem virtuti fidelitatis oppositam, quia fidelitas est virtus inclinans ad observandum promissâ verificando dicta per facta. Videtur autem unius, ejusdemque virtutis esse conformare dicta menti, & facta dictis.

dis, sicut & ejusdem vitii, nempe mendacii, loqui falsum, & sua dicta falsa reddere. Esto namque hi modo agendi physice sint valde dissimiles, & differant plusquam specie; in genere tamen moris, & oppositionis cum civili societate non apparet, quo pacto possint differre: sicut furtum olei, & furtum tritici specie morali non differunt, quamvis triticum, & oleum sint physice adeo differentia.

12 Quapropter in Sacris litteris violatio promissionis sepe mendacium vocatur, & ex impossibilitate mentiendi impossibilitas ejus offensivè demonstratur Numer. 23.

15. *Non est Deus, quasi homo, ut mentiar, nec ut filius hominis, ut mutetur. Dixit ergo, & non faciet? Loquutus est, & non implebit?* Ad Hebræos 6. 18. ubi Apostolus tradit, Divinas promissiones fuisse etiam juratas, ut per duas res immobiles, quibus impossibile est mentiri Deum, fortissimum solatium habeamus. Violatio quoque promissionis, seu voti Deo nuncupati mendacium à Divo Petro appellatur Act. 5. ibi: *Non es mentitus hominibus, sed Deo*: quem locum è re nostra optimè expendit S. Athanasius tom. 3. *serm. in Evangel. de Passione Domini. prope fin.* Atque, ut alia omittam, Machab. 11. 53. cum Rex Demetrius fidem Jonathæ datam, & promissiones suas non observasset, sic habetur: *Et mentitus est quæcumque dixit*, id est, contrariis factis ea falsificavit, & falsificando, se mendacem reddidit.

13 Fidelitas etiam ipsa quædam veracitas est, & per illam tanquam per suum genus definitur ex Tullio lib. 1. *Officiorum* hisce verbis: *Fides est paſtorum, discipulorumque constantia, & veritas.* Unde ex S. Thoma 2. 2. q. 80. art. 1. ad 3. *tanquam pars in veritate includitur, licet veritas in plus se habeat.* Veritas enim generatim sumpta extenditur etiam ad illa, quæ non pendunt in futurum, significanda, ut oportet ad fidem aliis faciendam; fidelitas verò solum curat, ut suo tempore promissa compleantur, & factis verificentur. Cœterum officium istud non est à veracitate alienum; sed valde proprium, & ideò dum in sua tota latitudine explicatur, ita definitur: *Veritas est, per quam immutata ea, quæ sunt, aut ante fuerunt, vel futura sunt, dicuntur* ex Tullio lib. 2. *de invent.* quem recipit, approbatque S. Thomas eo art. 1.

corp. Nec dubium, quin ad hanc virtutem spectet, ut justæ condemnationes impleantur, & factis verificentur: nam fidelitas ad solas promissiones restringitur, & perjurium, quod citrà dubium incurritur falsificando condemnationes juratas, non cadere supra peccatum infidelitatis, aut perfidie; sed simplex esse mendacium.

14 Propterea Auctores communiter, quibus ego alibi assensu, & rem à contrariis objectionibus ex professo vindicavi, judicant, fidelitatem, seu veracitatem in faciendo non distingui specie atoma à veracitate in significando, quamvis hæc sub hac ratione non appelletur fidelitas; sed ejusdem honestatis esse conformare facta dictis, atque conformare dicta menti: ac vice versa mendacium, sive facti, sive verbi, quod illarum transgressionem committitur, non differre specie infima; sed ad idem vitium pertinere. Ita Cajetanus 2. 2. q. 113. art. 1. ad 2. P. Suarez. *opuscul. de libert. Divina. disp. 2. num. 30.* P. Vasquez. 1. part. disp. 85. num. 42. & disp. 6. de matrim. num. 20. P. Henriquez in *summa. lib. 13. c. 17. num. 6.* P. Rebellen lib. 18. de obligat. justit. q. 4. P. Falsolus 1. p. q. 21. art. 1. num. 13. P. Raynaudus in *Theolog. natural. dist. 8. vers. Cum Divina, & lib. 4. de virtut. & vitiis, num. 189.* Theodorus Smising. 1. 3. de Deo disp. 4. num. 112. Petrus Simonis lib. 4. de verit. cap. 3.

15 Affirmandum insuper, falsitatem, quæ requiritur, & sufficit juxta modum loquendi S. Thomæ ad perjurium propriè tale, etiam assertorium, non esse illam falsitatem, quæ in loquendo contra mentem consistit, & mendacii propriè sumpti nomine significatur; sed aliam longè diversam. Ipse enim ea quæst. 98. art. 1. ad 1. & aliooem, quotquot agunt de juramenti indiscretis, judicant illa esse verè perjuria; non quia sic jurans loquatur contra mentem: nam id, quod judicat, loquitur, & quod fortè est re ipsa verum; sed quia se exponit periculo jurandi, quod in re est falsum, jurando juxta suam mentem, vel non rectè examinatam, vel temerariè conceptam. Unde qui inconsideratè, aut temerè quiddam judicat, quod re ipsa est verum, & hoc suum judicium profert, ac jurejurando confirmat, perjurium assertorium committit: non quia falsum sit ejus judicium, nec quia dicit,

dicat, quod non sentit; sed quia se exponit discrimini confirmandi iuramento aliquid falsum, dum non jurat illa debita circumspectione, ac veritatis indagine, quam virtus veritatis prescribit, & postulat religio iuramenti.

16 Sat igitur est ad perjurium vel sola prudens formido jurandi falsum, satisfactio falsitas imminens in suo morali periculo, etiam ex sententia illorum, qui putant, aliquam falsitatem importari in conceptu proprio illius. Et, quod maxime annotari debet, nulla falsitas requiritur sumpta pro loquutione contra mentem, nullumque periculum loquendi adversus illam. Quia iuramento confirmans suum iudicium temerarium, aut incautum, evidenter experitur, se judicare, quod loquitur, & illud, quod sentit, dicere. Quare de mendacio certe, ac proprie talis, sumpto scilicet pro loquutione contra mentem, nullum est ibi periculum, nulla formido; sed tota falsitas imminens in eo consistit, quod tam dictum, quam iudicium iuramento asseveratum possit esse re ipsa falsum, ac difforme objecto ratione temeritatis, aut negligentie permixtum.

17 Unde non solum extenditur hæc doctrina ad iudicia temeraria jurata circa pravos mores, defectusve aliorum; sed ad alia quævis indifferet, aut ex debilibus conjecturis concepta. Perjuria enim sunt propter morale periculum falsitatis, sive circa præsentia, aut præterita versentur, ut si incircumspecte iures, Petrum esse, aut fuisse in foro; vel etiam circa futura, ut si temerè censeas, ac iures, cras pluviam futuram. Immo & circa speculativas opiniones id ipsum potest contingere, v. g. siquis juret, *materiam primam habere propriam existentiam*: esto namque id ita esse sentiat, & sortasse verum sit à parte rei; nihilominus, cum res sit dubia, & qui eam opinionem sequitur, non reputet esse veram absque formidine partis oppositæ, grave peccatum committit, sive sit in re ipsa vera, sive falsa opinio sua: quia id non dependet ex rebus, prout sunt in se; sed ex periculo adducendi Deum in testem iudicii, æque loquutionis falsæ, quod ipsa formido offendit. Quare tunc solum licet jurare, se ita sentire, aut jurare, rem esse probabilem, si probabili-

tas ipsa sit certa. Utrum autem hoc peccatum aliquando possit esse leve ex levitate periculi, cui se exponit ita jurans, dictum est in superioribus *dissert. 13. num. 22.*

18 Affirmandum denique, illa iuramenta, quæ cadunt supra loquutiones merè voluntarias, & sola mentis restrictione veras, sufficientem habere falsitatem, ut perjuria dici, atque censeri debeant. Et quidem juxta meam opinionem, quæ reputo tales loquutiones esse verè, propriæque mendacia, res est extra controversiam. In opinione autem aliorum, qui id negant, cum certo constat, & ab ipsis incunctanter asseratur cum S. Isidoro eas esse peccatum fallaciæ, indubitatum etiam esse debet, ibi reperiri falsitatem quamdam in significando mentem nostram, quæ eò certius ad perjurium propriè tale sufficit, quò certius est, eas opponi virtuti veracitatis, & præcipuo fini iuramenti, quod est firmare veritatem apud alios; non autem ipsos decipere, & iuramento ipso abuti ad eos callidè circumveniendo.

19 Nec dubium, quin iuramentis istis deceptoris multò potiori titulo veritas desit, quam incautis, aut comminatoriis, vel promissoriis alicujus facti illiciti, aut aliis, de quibuscumque in hoc capite. Fallacia enim sunt, ac perversiva civilis conversationis, & impeditiva illius reciproce fidei, qua omnes indigent ad finiendas controversias suas, & absque alia probatione terminandas: nam ideò ex Aristotele iuramentum appellatur *dictum probationis expert*. Et esto admittamus, non esse eas loquutiones in rigore mendacia, saltem negari non potest, quod *dissert. præced.* demonstravimus, moraliter saltem esse talia, vel etiam æquipollenter, cum mendaciis rigorosis æquivalent quoad voluntatem fallendi, in qua consistit principaliter eorum malitia, ut ex S. Thoma habetur *quodlibet. 6. art. 17.* quæ ex S. Augustino id didicit locis inibi citatis *num. 32.* Quamobrem, sive hoc peccatum putetur esse solius omissionis contra affirmativum præceptum loquendi nudè, & aperte, cum aliud non postulat urgens necessitas, sive potius dicatur commissionis contra præceptum negativum non decipiendi proximum, prout distinctum à præcepto non mentiendi, semper eo tandem

re-

recurritur, ut ejusmodi occultationibus virtus veracitatis offendantur, & illa falsitas detur, quæ satis est ad perjurium propriè, quamvis latè acceptum.

20 Equidem certum videtur, majorem mendacii speciem, & affinitatem inveniri in his fallaciis, quàm in promissione rei illicitæ facta ex animo illam adimplendi. Atqui juramentum cadens supra promissionem istam, non jam irreligiosum utcumque, sed perjurium reputatur ex eo præcisè, quòd licitè verificari nequeat, & ita nominanda esse præscribit ejusmodi juramenta Innocentius III. in cap. Si eum nostris. 27. de jurejurando: Quia, inquit, non juramenta, sed perjuria potius sunt dicenda, quæ contra utilitatem Ecclesiasticam attentantur: idemque habetur planissimè in cap. Vnusquisque. 8. cap. Inter cetera. 22. caus. 22. q. 4. Vota quoque Deo jurata, & validæ promissiones veraciter jurata hominibus absque perjurio propriè tali non violantur, eorumque transgressio ab omnibus, etiam in odiosis, ac pœnalis, sub perjurii nomine censetur, quamvis valde controversum sit, & utrumque probabiliter, utrum ibi mendacium invenitur, ut sumi potest ex dictis numer. 11. Saltem autem certum esse debet, mendacium, si datur ibi, non esse loquutionem contra mentem.

21 Peto enim, quando promissionem violans contra suam mentem loquatur? Non cum promittit, quia tunc veraciter loquitur, & cum animo adimplendi id, ad quod per promissionem se obligavit. Non postea, cum mutat animum, & rem promissam, v. g. elemosynæ dationem, haud quaquam exequitur: quia tunc nil omnino loquitur, neque affirmat aliquid, aut negat; qui autem non loquitur, nequit loqui contra mentem. Denique nec factò utitur ut signo mentis suæ, ut saltem factis mentem, quam non habet, significare, & si quidquam significat, solum significat mentem præsentem non implendi, quod promissit, quæ verè est, & factò ipso confirmatur. Neque infideliter agendo facit, ut, cum promittebat, fuerit contra suam mentem loquutus: quia non facit, ut defuerit tunc animus sese obligandi, & implendi, quod promissit: nam alioqui præteritam illam voluntatem non retractaret; sed omnino tolleretur, &

faceret, ut tunc fuerit facta promissio sine animo implendi illam, quod est processus impossibile. Ergo, cum re vera sit perjurum, non loquitur contra mentem aliud sentiendo, & aliud significando. Neque facit, ut adduxerit Deum in testem falsi existimando, esse, aut fore falsum: nam potius existimabat fore verum, cum juravit, neque ea existimatio tollitur, eo quòd, mutato proposito, ejus veritas tollatur. Adduxisse autem, vel adducere Deum in testem falsi existimando, fore, aut esse verum, nullius incommodi est per se loquendo: nam qui animo implendi jurat, se occisurum inimicum, cum, mutato in melius animo, non occidit illum, etiam facit, ut adduxerit Deum in testem falsi, atque id faciendo non peccat; sed peccaret, nisi id faceret.

C A P U T III.

Colligitur ex dictis, et besim, de qua loquimur, meritis fuisse proscriptam propter ea, quæ de perjurio tradit.

22 **H**ic erat præcipuus scopus eorum, quæ præmissimus, & sequenti argumento demonstratur. Etenim, cum ibi traditur, non inveniri perjurium ullo in casu ex illis, quos recenset, aut vox perjurii latè sumitur pro quocumque juramento irreligioso, & illicito juxta definitionem Hieronymi à Divo Thoma approbatam, insertamque juri Canonico, aut pro juramento fallaci, ac nequiter decipiente proximum, juxta definitionem ibi traditam ex Augustino, aut pro juramento confirmante rigorosum, propriumque mendacium. At, quolibet ex his modis sumatur ibi perjurium, propositio scandalosa est per modum regulæ directivæ actuum moralium, & perniciofa in sua praxi. Ergo optimo jure ab Innocentio his censuris fuit supposita. Consequencia evidens est, & antecedens patet à sufficiente partium enumeratione; minor verò singillarim confirmanda discurrando per prædictas perjurii acceptiones.

23 Et incipiendo à prima, juxta ipsam perinde erit negare perjurium, ac negare juramentum illicitum, ac irreligiosum, & propositio damnata hunc sensum reddit: *Si quis, vel solus, vel coram aliis,*

aliis, &c. juret, se non fecisse, quod fecit, intelligendo intra se aliquod additum verum, re vera non mentitur, nec jurando peccat contra juramenti religionem. Porro doctrina hæc, ut jacet, valde scandalosa est, ac perniciofa: quia abstrahendo nunc à mendacio, & falsitate, aut deceptione proximi, multoties ibi interveniet certissime juramentum illicitum, ac religioni contrarium ex defectu aliorum comitum. Etenim veritas comparata beneficio restrictionis mentalis, aut externæ, sed occultæ omnino, non majus privilegium habet ad expungendam jurisjurandi malitiam, quam veritas, quæ propositioni externæ inest, ex eo, quod palam, & aperte proferatur exprimendo restrictionem. Atqui sæpè propositio hoc modo vera illicitè per juramentum confirmatur, vel quia necessarium non est, sed planè otiosum, vel quia iniquum est, aut proximo nocivum, & contraria praxis, ac doctrina ut minimum scandalosa foret, ac perniciofa animabus. Ergo à fortiori idem dicendum est de loquutione, cujus veritas non sumitur nisi ex restrictione occulta, seu mentali, seu externa. Nam externa etiam occultari potest, ut si cætera voce intelligibili, additum autem verum non nisi submissa, & omnino imperceptibili intra dentes proferatur.

24 Itaque sicut ad honestatem juramenti certissimum est copulativè requiri tres illius comites, nempe judicium, veritatem, ac justitiam, & ex defectu uniuscujusque ex ipsis, esto alii non desint, illud reddi illicitum, & irreligiosum, ita certissimum est, eisdem desiderari ad honestatem juramenti confirmantis assertiones mentaliter restrictas. Et quamvis demus, illas esse omnino veras ob mentalem restrictionem, vel semper, vel saltem cum exercentur ex causa sufficiente, ac idonea, & penitus ab illarum falsitate, aut veritate præcindamus, adhuc supererit locus malè jurandi, ac illicitè, & violandi religionem. Potest enim juramentum esse merè otiosum, & idèò oppositum Divinæ majestati, cujus auctoritas postulat, ne in vanum, & absque ullo fructu in testem adducatur, quamvis verum sit, quod dicitur, & ex eo capite veracitas ipsius non offendantur. Nec causa, quæ idonea est ad restrictionem occultandam, eo

ipso est sufficiens ad jurandum licèt sub eadem restrictione, quia multò potior, graviorque requiritur, ut ejus vanitas, otiositasque tollatur; neque omnis causa, quæ est satis ad loquendum, est sufficiens ad jurandum, seu ad adducendum in comprobationem ejus testem summæ auctoritatis.

25 Quæ autem circa otiositatem juramenti diximus, circa defectum justitiæ, servata proportionem, locum habent. Nam licèt occulta restrictio forsitan mendacium auferat, non idèò injustitiam tollit, aut nocumentum alterius, vel aliam iniquitatem, quæ ipsa ejusdem restrictionis illicita occultatione sæpèpius perpetratur. Latiùs namque patet injustitia, quam mendacium, & eo sublatò re ipsa, aut prorsus non intellectò, adhuc iniquitas in verbis remanet, ut cum quis secretum prodit, quod ex fidelitate, aut justitia, vel ex religione juramenti celare tenebatur, aut cum samæ alienæ detrahit, nam semper injustus est, si verè detrahat, si verò falsò. Et quemadmodum silentium, aut totalis occultatio veritatis, quamvis mendacium non sit, certissimè peccatum est in teste, reo, concionatore, aut subdito, qui veritatem prodere tenebatur, ita silentium, aut occultatio partialis veritatis, qualis fit per restrictionem internam, eisdem vitiis subjacere potest, præscindendo ab ejus falsitate.

26 Quamobrem, si juramento firmetur, illud absque dubio irreligiosum erit, & Divinæ sanctitati oppositum, cui positivè repugnat adduci in testem loquutionis iniquæ, quamvis veracitati Divinæ sub hac consideratione nullatenus opponatur. Propterea ostendebam *suprà cap. 1. §. 2.* de ratione juramenti illiciti, atque adeò perjurii generatim sumpti, non esse habitudinem ad falsitatem, præsertim mendacii stricti formaliter importantis loquutionem contra mentem. Nec, re bene inspecta, video, cur phrasis S. Hieronymi, quam Angelicus Præceptor improbare non est ausus, à nobis reiici debeat tanquam abusiva, & impropria, vel cur potius perjurium censeretur mendax loquutio juramento firmata, quam injustitia, aut iniquitas confirmata juramento. Et quis non videat, sicut magna est injustitia uti restrictione occulta animo nocendi proximo, ita magnam esse irre-

verentiam invocare Divinum testimonium ad hanc ipsam injustitiam augendam, & roborandam? Porro neque hunc casum excluderat propositio condemnata, cum neget esse perjurium, qui verificat sua dicta per restrictionem internam quacumque intentione id faciat. Juret aliquis sua sponte, *Petrus non audisse sacrum toto anno*, intelligendo *intra Ecclesiam*; sciens tamen illi domi suæ interfuisse in Oratorio privato, & tunc, quidquid de mendacio hic inde disputent inter se diversi Auctores, evidentiissimum erit, eum, qui sic loquitur ex fine nocendi Petro, contra justitiam delinquere, & insuper contra juramenti religionem, dum id credibilius facit. Ergo si perjurium est juramentum omne illicitum, hic absque dubio perjurii crimen incurrit, licet permittamus ipsum à crimine mendacii propriè talis sic loquendo immunem esse.

27 Quare non solum Auctores, qui universaliter asserunt, istiusmodi restrictiones mendacii labe fordere, verum etiam omnes alii, qui ipsas aliquando excusant, & licitas esse censent in casu necessitatis, sicut eas damnant peccati, cum absque illa exercentur propria sponte, aut voluntatis causa, ita irreligiosum censent juramentum, quo affirmantur; nec de hoc genere peccati inter eos est controversia; sed de nomine perjurii strictè, ac rigorosè accepti. Temere igitur adstruetur, & contra omnes, esse licita ejusmodi juramenta, aut negabitur esse perjuria, si sub illa voce comprehendantur, saltem latè, ac minùs principaliter, omnes illæ Divini testimonii invocationes, quibus virtus religionis offenditur. Jam verò thesîs damnata, ut monstrat ejus contextus, de restrictionibus merè spontaneis juramento confirmatis etiam loquebatur, & eas omnes à mendacio, & à perjurio eximebat per æquè, ac cœteras alias. Et sicut ita loquendo verbis absolutis magnam occasionem præbuit judicandi ex mente ipsius omnino licitas esse, sic negando esse perjuria juramenta, quæ adiiciuntur, vehementer præsumi fecit, illa nulla esse peccata, atque ita fuisse intellectam ab Auctoribus ostendebatur *dissert. præced. à num. 25.*

28 Constat autem, in hoc sensu esse planè intolerabilem, & ab his etiam rejectam, qui mendacium, rigorosumque per-

jurium inibi non agnoscebant. Ita in primis P. Suarcz *lib. 3. de juram. cap. 11. nu. 6.* ibi: *Quando solum suppletur sensus per internam additionem merè voluntariam, probabile est non excusari proprium mendacium, & perjurium, licet res sit dubia; nihilominus tamen in rigore non est perjurium, licet sit grave peccatum.* Lessius *lib. 2. de justit. & jur. cap. 42. nu. 46.* & *num. 48. in fin.* Navarrus *in cap. Humanæ aures. 22. q. 5. in quest. 3. num. 9.* Filliucius *tom. 2. tract. 25. à num. 329.* Bresserus *lib. 5. de conscient. num. 200.* Giballinus *lib. 3. de usur. cap. 1. art. 2. num. 6.* Bonacina *in 2. præcept. Decal. disp. 4. q. 1. punct. 12. num. 3.* Raynaudus *tom. 14. Speciali de hac re opusculo. cap. 5. num. 8. ante fin.* Et qui nullo modo negant id genus juramenti esse illicitum, sed solum asserunt esse veniale, quando neque adhibetur in judicio, neque in materia præjudiciali exercetur, P. Sanchez *in summa. lib. 3. cap. 6. num. 22.* Castro Palao *tom. 3. disp. 1. de juram. punct. 7. num. 2.* etsi ingenuè fateantur, id esse contra sententiam communem, quod etiam Diana attestatur *1. p. tr. 15. resol. 25.* eamque non tantum communior, sed probabilior reputat *p. 3. tract. 6. resol. 30. in fin.* annuente insuper Trullenc *lib. 2. in Decal. cap. 1. dub. 15. num. 15.* Qui nihilominus affirmat, opinionem Sancti esse admodum probabilem, eidemque ut probabiliori adhæret simulcum Vincentio Candi- do Leander *in Decal. p. 2. tr. 1. disp. 45. q. 12.* & Lessius *eo num. 48.* præmiserat, peccatum ibi repertum fortè non esse mortiferum casu, quo scandalum absit.

C A P U T I V.

Justam quoque damnationem fuisse, si vox perjurii sumatur pro juramento deceptivo aliorum.

29 **H**Æc erat altera acceptio perjurii ex S. Augustino apud Gratianum relata *in cap. 1. 22. quest. 2.* juxta quam, si vox perjurium in thesî damnata accipiatur, sensus erit, nunquam eum mentiri, qui sua dicta, & juramenta verificat per restrictionem mentalem, nunquamque peccare contra juramenti veritatem in eo eventu, illicitè decipiendo proximum, aut jurando ipsi fallaciter. Porro ista

ista doctrina, ut jacet, scandalosa est, ac perniciofa in praxi, tam in opinione illorum, qui putant, ibi semper reperiri mendacium propriè, ac rigorosè tale, quàm in contraria opinione, quæ mendacium propriè excludit, ac perjurium confirmativum mendacii. Neque enim propterèa ii negant, per restrictiones mentales frequentissimè contra veritatem delinqui, vel nequiter decipiendo proximum, vel occultando fallaciter restrictionem, quæ ex præcepto affirmativo huius virtutis manifestari debebat integrè, syncerè, ac candidè. Immo id expressè fatentur peritiores, quique illius doctrinæ assertores, ac nominatim Navarrus, Sanchez, Trulenc, Bonacina, Lessius, Valentia, Suarez, Breslerus, Raynaudus, Sayrus, & alii, quos *dissert. præced. num. 27. & 28.* appellabamus.

30 Et quidem cum omnes sanè, sobrièque sentientes, ut ibi expendimus *num. 35.* ex Caietano, Lugo, Coninch, & Breslerio id etiam extendant ad loquutiones ambiguas ex sua significatione, putentque illicitas esse, etiam si in sensu vero, & proinde absque mendacio à nobis proferantur, cum absque idonea causa exercentur, & occasio deceptionis proximo exinde tribuitur, id ipsum à fortiori dici debet, cum loquutio ex se esset mendax, nisi beneficio internæ restrictionis. Tunc enim evidentior est occasio, & longè majus periculum fallendi proximum, atque imprimendi in ipso tam nostri, quàm Divini testimonii auctoritate, cognitionem falsam, & idèò magna necessitas, gravisque causa requiritur ad eiusmodi ambiguitates cohonestandas. Qua sublata, contra veracitatem delinquitur, etiam abstrahendo à mendacio, eo præcisè, quod violetur præceptum negativum non decipiendi proximum, aut, si mavis, præceptum affirmativum manifestandi candidè, ac syncerè mentem nostram, dum loquimur, & iusta causa non subest permittendi alienam deceptionem. Nam duo ista præcepta ad unum nullo negotio revocantur, ut visum fuit *dissert. præced. num. 46.* & candor ille, ac sinceritas, ad quam obligat affirmativum sub conditione, quòd loquamur, ea solum est, quæ requiritur, ne reliqui verbis nostris decipiantur, & occasione à nobis data fallaciter implanentur.

31 Propterèa, si propositio damnata in dicto sensu accipitur, certissimum esse debet, jure optimo esse proscriptam, sive res ipsa attendatur, sive vox ipsa perjurii. Nam de re constat, eum, qui sponte omnino, ac nulla necessitate coactus, sed sola loquendi libidine, utitur prædictis restrictionibus, easque juramento confirmat, fallaciter agere, & peccare adversus præceptum non decipiendi proximum activè, & insuper delinquere contra religionem juramenti augendo ratione illius occasionem deceptionis, quam loquutione sua etiam non jurata præbebat, & abutendo attestatione Divina ad decipiendum proximum, eumque imbuendum falsis cognitionibus, cum potius deberet uti illa ad firmandam, & communicandam aliis veritatem. De voce verò perjurii etiam constat illam satis propriè accommodari fallacibus istis juramentis, quibus alii decipiuntur occasione à nobis data. Nam mediante juramento nequiter decipere credentem, periurium est juxta definitionem, quam veluti Augustinianam Gratianus Decreto inseruit, & siue Augustini sit, siue cujusque alterius, nemo eam improbat, & ea utuntur plerique circa hanc materiam.

32 Explicatur: quia perjurium propriè acceptum latius patet, quàm perjurium assertorium mendacii certò, ac propriè talis, etiam iuxta S. Thomam, & alios, qui falsitatem importari putant in formali illius conceptu. Esto namque primò, ac principaliter, seu, quod idem est, in rigorosa, & stricta usurpatione eius vocis, perjurium sumatur pro juramento assertorio loquutionis contra mentem, adhuc negari non potest, etiam in illa sententia, ad perjurium propriè tale sufficere mendacium solius facti, quale invenitur in transgressione iuramenti comminatorii, aut promissorii: & universim omne juramentum involvens aliqualem falsitatem, sive signi, sive facti, aut periculum illius, quamvis mendacium propriè non contineat, inter perjuria censi. Quòd si hoc ita est, ut verè esse *totò cap. 2.* ostendimus, à fortiori dici debet, juramenta ista fallacia, & aequipollentia mendaciis re vera perjuria esse ex eo præcisè, quòd fallacia, seu deceptoria apprehendantur, & præscindendo ab eo, quòd sint propriè men-

mendacia, aut etiam concedendo his, qui ita opinantur, ob restrictionem mentalem propriè mendacia non esse, ut *eo cap. 2. à num. 18.* monstratum fuit ex professo.

33 Minus ergo absurdè diceretur in lemmate censuris inuito, eum, qui restrictionibus merè voluntariis utitur, esse periurum, quamvis non sit propriè mendax: nam negare utrumque simul, stante ista receptissima, atque notissima acceptione periurii, valde perniciosum esset. Perinde namque est in dicto sensu negare ibidem periurium, ac dicere, nullam ibi reperiri falsitatem repugnantem honestati iuramenti, nihilque, quod legibus veracitatis contradicat, & in summa, id non esse illicitum ex defectu veritatis, prout est comes iuramenti. Porro quàm hæc sint absurda, quàm contraria, tam communi sensui Ecclesiæ, quàm sensui illorum, qui censent, loquutiones mentaliter ad verum restrictas, quandoque licitas esse, constat ex superius dictis, præsertimque ex his, quæ habentur *differt. præced. cap. 5.*

34 Unde, sicut planè improbabiliter loqueretur, qui putaret, non esse periurum illum, qui iuramento promissorium, & obligatorium veraciter factum transgreditur, quamvis aliàs certum sit, eum non loqui contra mentem transgressionem ipsa, satisque probabile, non mentiri propriè, sed dumtaxat agere infideliter, ita pariter in nostro casu dici debet. Simileque argumentum duci potest ex iuramento promissorio rei illicitæ, quod periurium esse nos docebat Innocentius III. quamvis ita iurans non mentiatur, si habeat animum implendi, quod dicit; sed cate-nus falsitatem incurrat, quatenus assertionem suam de futuro licitè verificare non potest; sed falsificando illam facto ipso, rectè agit; verificando autem, peccat. Neque hæc pendent ex speculativa distinctione fidelitatis, aut simplicitatis à veracitate præse accepta. Quia esto daremus, has virtutes metaphysicè loquendo specie morali distingui certum est, eas omnes esse veracitates quasdam, & sub nomine veracitatis includi, prout ea est comes iuramenti. Unde Raynaudus, qui simplicitatem à veracitate distinguebat, adhuc faceret, eam apud veteres cum veracitate confundi, & in dicto cap. 5. nu-

mer. 10. expresse affirmat, eam esse veracitatem latè acceptam. Atque hoc ipsum ut minimum evincunt de fidelitate, quæ præmissa sunt num. 13.

35 De assertoriis quoque iuramentis in circumspèctè prolatis, utique sine mendacio, sed non absque periurio, his omnino affinia persuadent, quæ in superioribus à num. 15. traduntur: nec dubium, quin Divinæ veracitati valde dissonet iurare deceptores testimonio suo ad fallendum, sicut iurare mendaces, & invocari ad hunc effectum. Nam Deo, quia est summè verax, & mentiri repugnat, & decipere, quamvis ad deceptionem à mendacio separatam interdum tanquam causa merè permissiva comparetur, ut nobis etiam contingit. Atque in hoc sensu tam à Sanctis PP. quàm ab aliis explicantur verba illa Ezechielis 14. 9. *Ego Dominus decepti illum*, concordanturque cum illis Psalmi 14 5. *Qui jurat proximo suo, & non decipit.*

C A P U T V.

Quid sentiendum sit, si perjurium in sua stricta, & rigorosa significatione sumatur?

36 **I**sta rigorosa acceptio periurium tantum appellat *mendacium iuramento firmatum*, aut potius iuramentum ipsum confirmans loquutionem contra mentem. Unde, si in proscripta thesi periurium sub hoc rigore accipiat, sensus eius iste erit: *Qui restrictione mentali confirmata iuramento sua dicta verificat, nunquam mentitur propriè, nunquamque committit perjurium in rigore, ac propriè tale.* Atque isto modo intellectæ propositio exinde posset tolerabilior videri, quia locum affirmandi relinquit, quamvis mendacium, & periurium in rigore tale desit, nihilominus contra veracitatem peccari saltem omit-tendo manifestationem restrictionis absque valde idonea causa, & addito iuramento adversus religionem delinqui, committique periurium in sensu aliquo latiori ex duobus antè recensitis. Unde talis propositio neque posset scandalosa, nec perniciofa censi, ut rectè evinci videtur ex ratione, quam adduximus in simili *differt. præced. num. 26.*

37 Explicatur. Vel ea doctrina scandalosa censetur, quia in nullo casu ex ibi

numeratis putat reperiri mendacium, ac perjurium confirmatum ipsius; vel quia non reputat in omnibus, ac singulis inveniri propriè, & in rigore mendacium, atque perjurium? Non ex primo capite, quia ad praxim, atque directionem morum parum refert, quòd mendacium, ac perjurium propriè, & in rigore tale inibi non inveniantur, si contra veracitatem peccatur, ac violatur juramenti religio, & hoc admissio, fortè revocat tota controverfia ad quæstionem de nomine mendacii, aut perjurii. Non ex secundo, quia saltem certum videtur, cum quis solus illis restrictionibus juratus utitur, non committere perjurium, aut mendacium, ut cum Cajetano demonstrabam *dissertat. præced. num. 4.* & tamen is est primus casus in propositione recensitus. Recolantur dicta ibidem contra Lambier, & Filguera *num. 5. & 6.*

38 Censeo nihilominus, quamvis dicta propositio sic explicata sustineri possit, adhuc meritò fuisse damnatam, ut jacet in decreto Pontificio. Ibi enim deficit tota ista explicatio, ac determinatio sensus, in quo accipienda putatur: neque ex illa, ut prostat, potest colligi, quòd ille sit præferendus duobus aliis absurdioribus, quorum esse capacem antea ostendimus. Unde ex illa, ut jacet, facile implari possent rudes, vulgusque fidelium, ac vocem perjurii accipere in alio latiori sensu universaliter reddente licitas ejusmodi restrictiones, & excludente ab earum praxi aliud quodcumque piaculum, quo religio juramenti laderetur. Porro, ut doctrina aliqua per modum regulæ præctiæ scandalosa censeatur, atque ut talis condemnetur, sufficit, quòd in materia fidei, aut morum præbeat occasionem errandi, ac deducendi ad praxim tanquam licitum, quod verè illicitum est, atque rationi dissonum. Et augetur difficultas, quia propositio, ut jacet, non distinguit inter eos, qui soli, aut coram aliis, restrictionibus juratis utuntur; sed de omnibus peræque philosophatur. At qui soli, ac nullo audiente, utuntur iis restrictionibus, neque contra veritatem, neque contrareligionem peccant, neque perjuri sunt, etiam in sensu, & acceptione latissima prædictæ vocis: idemque apparet de illo, qui coram aliis loquitur, sed

secum ipso; non verò cum illis. Inspecta igitur propositione, ut jacet, idem posset cogitari de reliquis.

39 Censeo rursus, neque in dicto sensu propositionem damnatam sustineri posse. Quia saltem sentiendum est, loquutiones absque restrictione falsas, sed sub mentali restrictione veras, esse propriè, atque in rigore mendaces, & addito juramento perjuris, si proferantur ex directa, formalique intentione fallendi, utendique Divino testimonio, ut auctoritate illius in sensu falso credibiliores fiant, & proximus facilius decipiatur. Unde, cum generaliter dicitur, ejusmodi loquutiones, quacumque intentione exerceantur, vacare mendacio, atque perjurio assertorio illius, falsissima prorsus doctrina, ac perniciofa profertur, & regula obliqua morum loco rectæ consignatur. Negari enim nequit, mendacium facti, aut verbi ibi committi, cum occultatio restrictionis verificantis loquutionem nostram assumatur ut medium ad significandum, illam sine restrictione esse in mente nostra veram, seu ad eam reddendam fide dignam, & sine restrictione credibilem, eo quòd etiam sine restrictione menti nostræ conformetur. Propterea quæ P. Sanchez in *summa. lib. 3. cap. 6. num. 18.* hanc limitationem præcitatæ regulæ ut omnino necessariam adjunxit, nosque illam ex professo confirmavimus *dissertat. præced. cap. 3.*

40 Quòd si ibi mendacium est, aut simulatio mendax, profectò juramentum ejus adjunctum perjurium erit assertorium mendacii, lethaleque proinde peccatum, quæcumque tandem sit ejus materia, ut Sanchez loco citato rectè observat. Nec solum in loquutionibus, seclusa quavis restrictione, falsis id contingit; verum etiam in ambiguis, quæ in una significatione veræ sunt, & falsæ in alia; sed à loquente proferuntur, ac jurantur in sensu, quo sunt veræ. Nam, si ex directa intentione decipiendi audientes id fiat, mendacium simulationis intervenit, & factio ipso loquens contradicit illi primæ voluntati, significans, & juramento confirmans, se in illo sensu jurare, in quo intendit sibi fidem adhiberi, fingensque, se velle alteri communicare cognitionem veram, ac suæ menti conformem, cum ex pro-

professo intendat non communicare nisi falsam, & difformem illi, quam habet in mente. Neque audiendus hic est Cajetanus 2. 2. q. 89. art. 7. vers. *Ad hoc dicitur, quod hic est opus*, quatenus ait, *si non sit in iudicio, aut in materia præjudiciali, quamvis intentio sit, ut audiens fallatur, absque peccato mortali fieri tale juramentum.*

41. Ex nostris etiam principiis sumi potest alia limitatio, quam Suarez, ac Filliucius reputant satis probabilem; nos verò absolute veram, nimirum illum mentiri, ac dejerare propriè, & in rigore, qui absque satis gravi causa his restrictionibus juratis utitur, quamvis id non faciat ex intentione directa decipiendi proximum auctoritate sui, ac Divini testimonii; sed ex indirecta duntaxat, sufficiente tamen, ut deceptio proximi sibi ut causæ, aut occasionis imputetur, & vere ejus deceptor habeatur. Nam & hic occultat, se esse deceptorem, & ex adverso se simulat fide dignum, ac veracem, dum apertissime opponitur legibus veracitatis, & præcepta ipsius infringit decurtando loquutionem, quam integrare debebat, ne proximum deceptione exponeret, sicuti mentientes faciunt. Quare hoc esse propriè, strictèque mendacium, & consequenter perjurium, in superioribus diffusè ostendimus, maxime *differt. præced. à n. 52.*

42. Indidem ad rationem dubitandi propositam n. 36. & 37. facile occurritur. Primo asserendo, quamvis prædicta explicatio

cum suis additionibus sustineri posset; his tamen consultò ablati, & præcisè ut thesis jacet in decreto Pontificio, intolerabilem esse, ac scandalosam, quia magnam præbet occasionem errandi circa mores, perniciosèque aberrandi à via salutis, ut patuit. Secundò addendo, illam neque eo pacto sustineri posse, quia saltem negari nequit, quod admonuit P. Sanchez, aliquando dari propriè, strictèque mendacium, & perjurium assertorium ejus, cum assertio fallax cum intentione formali, atque directa fallendi sub juramento enunciat; immò & cum merè voluntariè profertur absque ejusmodi intentione, ut jam antea ostendebamus. Ad confirmationem concedo, propositionem prædictam non fore scandalosam, nec damnabilem, si solum vellet, non reperiri mendacium, aut perjurium rigorosè tale in omnibus, ac singulis casibus, quos ipsa recenser. Sat namque fuit ad condemnationem ejus, quod in aliquibus certò reperitur. Et alioqui indubitatum videtur, mendacium, ac perjurium propriè tale non reperiri in omnibus, ac singulis ibidem enumeratis. Neque enim talia peccata in rigore committuntur ab illo, qui solus loquitur secum ipso, aut coram aliis, sed non cum eis, neque ad ipsos; sed secum duntaxat, quantumvis mentis restrictione utatur. Et tamen isti duo casus sunt, qui priori loco in thesi condemnata enumerantur.

DISSERTATIO XV.

UTRUM MENTALIS RESTRICTIO POSSIT honestari ex causa?

Inter actiones humanas quaedam sunt adeo perverse, ut nulla ex causa valeant honestari, ut perjurium, aut mendacium; alia verò, quae aliquando sine peccato possunt exerceri; sed non nisi sub certis circumstantiis, & ex causa. Verb. grat. iuramenta eo praesè malè sunt, quod veritate, iudicio, aut iustitia destituantur; his autem sibi accedentibus tanquam comitibus omnino necessariis, religioni, & honestati consentiunt. Occisio etiam alterius, à qua separari nequit materialis malitia nocens proximo quoad bonum vitae, semper illicitè amatur, nisi legitima excusatio accedat, qualis est vindicta publica, aut propria vitae defensio. Pari ergo modo nunc queritur, utrum restrictio mentalis semper, & in omni eventu sit illicita, aut an potius ex causa, & circumstantiis honestari possit? Nam, quod illicita sit, cum in vanum exercetur, ad libitum, vel ad decipiendum alios, vel occultandum secretum, quod debet manifestari, ex hucusque dictis planè constat, & in dubium revocari nequit, ut visum est. Caret enim certò sibi debitis comitibus, aut altero ipsorum, scilicet simplicitate, iustitia, & iudicio, sine quibus simul sumptis nunquam honestari valet.

CAPUT PRIMUM.

Proponitur sententia affirmans.

Ert ejusmodi sententia, usum loquutionum, quas verificat restrictio tacita in mente retenta, non semper esse illicitum; sed ex causa sic loquendi honestari posse, addito etiam juramento, ex grat. si fiat sine intentione fallendi in casu necessitatis, sive coactionis injustæ, cui absque gravi aliquo incommodo proprio, aut alieno aliter occurri nequit. Solent autem expendi varii casus, ubi id comingere creditur. Primus est de confessario, qui in eas angustias redigitur, ut tacere non sufficiat; sed directis verbis respondere debeat determinatè inquirenti, an aliquid in confessione Sacramentali cognoverit? Secundus de Legatis Principum, qui similiter interrogantur de his secretis suæ Reipublicæ, quæ reservare tenentur. Tertius de reo contra juris ordinem compulso addicendum, utrum capitale aliquod delictum, & g. homi-

cidium proditorium, perpetraverit? Quartus de muliere adultera, cui maritus zelotypus mortem intendant, nisi affirmativè, aut negativè respondeat sibi percontanti de adulterio.

2 Ergo, saltem in his casibus, aut aliis æquipollentibus, licitum esse negare verbis absolutis, ac directis, quod re vera est cognitum, aut factum, dicendo *Nescio*, aut *Non feci*, & subintelligendo tacitè restrictionem, qua sit verum, omnium sententia erat tempore Adriani, qui postè fuit Pontifex Maximus ejus nominis VI. ut legitur apud ipsum in 4. *quest. de figl'o confession. in solution. ad 2.* Idque haud immerito assertum fuisse ab ipso specialiter contendit adversus Soto Salon 2. 2. q. 69. *art. 2. contr. ov. 11. vers. Oppositum docet Adrianus*, ubi tandem concludit, omnes ferè recentiores ejusdem esse sententiæ. Unde & eam vocat communem inter Doctores Catholicos, pleròsque referens cum Angelico Magistro, eidemque subscribens M. Joannes Marquez in nunquam satis laudato opere *Gubernatoris Christiani*, lib. 2. cap. 7. §. 2. *post medium*. Et eos esse innumerabiles, atque doctissimos, tam

ex

ex antiquis, quam ex aliis, nuper scripsit M. Raymundus Lumbier ad prædictum decretum Innocentii num. 1824. & qui plurimos verbatim refert, P. Theophilus Raynaudus tom. 12. in speciali opusculo bujus argumenti cap. 14. necnon Maximilianus Sandzus in simili opusculo. quod inscribitur: *Mundus fallax comment.* 8.

3. Eximius quoque Doctor P. Franciscus Suarez eam sequitur, & prædictæ securissimam, & in rigore veram vocat tom. 2. de Relig. lib. 3. de juram. cap. 10. numer. 4. Peñantius verò communem omnium Theologorum, ac Canonistarum, 2. 2. qu. 70. disput. 1. Omnino autem communem, & moraliter certam Martinus Bresserus lib. 5. de consc. cap. 1. num. 183. Et, ne Jurisperitos omittam, obvis est omnibus Iocuples Navarri commentarius in cap. Humane aures 22. q. 5 ubi per varias quæstiones eandem doctrinam defendit valde firmiter, nec minis accuratè, ipsamque ut Catholicam, & certam, eo appellato, inter recentiores sequitur D. Josephus de Retes Salmanticensis primarius, atque in supremo Castellæ Senatu Consiliarius Regius libr. 7. opusculor. cap. 3. à numer. 19. Præles Covarruvias libr. 1. variar. cap. 2. num. 4. ibi: *Possum versutiam interrogantis inique eludere responsione quadam, quæ interpretationem, intellegendumve, quem ex animo illi dederim, congruè patitur.*

4. Ex florentissima insuper PP. Dominicanorum schola in eam plures conspirarunt, tam antiqui, quam moderni, & nominatim Princeps ipse Thomistarum Capreolus in 4. dist. 21. *prope fin.* præsertim: *Nec obstat, si additiones, & restrictiones, quæ fiunt in mente, non exprimentur in voce, quia voces sunt ad placitum, & proferens vocem potest significare aliquid sibi ipsi, quod non significat, nec significare intendit alteri.* Paludanus ibidem q. 3. art. 3. Sylvester verb. *Juramentum.* 4. q. 7. vers. *Secundum* & verb. *Mendacium.* quæst. 6. vers. *Quarto.* Soto lib. 5. de just. & jur. quæst. 6. art. 2. conclus. 7. etiam immerito distinguat (ut jam alibi adnotavi) inter verbum *Nescio*, & *Non feci*, Ludovicus Lopez in *instruitor. consc.* 1. p. cap. 37. in fin. Dominicus Baltanas in *margarita Confessor.* fol. 97. Joannes Baptista Conradus in *respons. cauum consc.* 1. p. qu. 137. per totam. Bartholomæus Medina in *instruitor. Confessor.* lib. 2. cap.

4. Joannes de la Cruz in *direct. consc.* q. 3. circa 8. Decalogi præceptum. art. 3. Vincentius Candidus *disquisit.* 26. art. 3. dub. 1. Illustissimi duo Præsules Acatius March. de Velasco tom. 2. summa. verb. *Juramentum.* resol. 159. n. 4. & 5. & Petrus de Tapia in *Catena moral.* 1. p. lib. 5. q. 12. art. 3. necnon Baez 2. 2. q. 69. art. 2. in 3. p. articuli, his præter cetera: *probabilissima sententia est, quod reus interrogatus contra ordinem juris potest respondere sine mendacio, & sine perjurio: Non feci: Non occidi.* Hanc sententiam tenet expressè Adrianus in 4. in quæsti. de sigillo confessionis, & putat, esse communem sententiam, & fortassis illo tempore ita erat. Videtur etiam, esse sententiam Cajetani, &c.

5. His accedunt ex Ordine Seraphico Angelus de Clavasio allegans Scotum, Bonaventuram, & alios, & dicens, esse communem, in summa verb. *Confessio.* ultimo. num. 4. & verb. *Juramentum* 4. in it. Emmanuel Rodríguez in summa Hispana edition. Salmanticæ. anni 1615. tom. 2. cap. 40. num. 3. & 4. & tr. de ordine judiciali cap. 10. num. 4. ubi addit, esse opinionem receptam. Ludovicus de S. Joan. q. 7. de Sacram. Pœnit. art. 3. dub. 3. *difficilis.* 2. Laurentius de Portel. in dubiis Regul. verb. *Juramentum.* in additione à numer. 12. Eligius Basszus in florib. Theolog. 1. p. verb. *Mendacium.* numer. 6. Castro adversus hæreses lib. 5. hæres. 8. in fin. Villalobos in summa p. 2. tr. 36. *difficilis.* 6. à numer. 7.

6. Ejusdem quoque sententiæ sunt ex Societate, ultra Suarium, Bresserum, atque Raynaudum antea appellatos, Card. Toletus in summa. lib. 4. cap. 21. à numer. 6. & lib. 5. cap. 58. numer. 3. Sanchez libr. 3. in Decalog. cap. 6. à numer. 15. Palao tom. 3. disp. 1. de juram. punct. 7. à numer. 4. Fagundez libr. 2. in 2. præcept. Decalog. disput. 11. Diacastillo de juram. disput. 2. numer. 300. Reginaldus in praxi lib. 24. cap. 1. num. 10. Serarius in judic. cap. 13. q. 10. Moya in select. 1. p. tr. 2. disp. 1. q. 6. à numer. 17. Maximilianus Sandzus in dicta comment. 8. pronuntiatio. 10. Richardus Arldekin tom. 2. p. 3. tract. 1. in controver. particul. tota quæst. 1. fol. mibi 95. Lessius lib. 2. de just. & jur. cap. 42. nu. 47. Filliucius tom. 2. tract. 25. à numer. 326. qui duo solum dicunt, id esse probabilissimum, Valencia tom. 3. disput. 6. q. 7. punct. 4. §. 3. vers. *Mibi verò*, & plenius disp. 5. q. 13. punct. 2. vers. *Nunc circa secundam.* Addi

etiam solet, & acriter perstringi Tamburinus lib. 3. in Decalog. cap. 2. §. 2. & 3. Sed jam alibi præmonui, utrumque hunc paragraphum deesse in editione Lugdunensi anni 1679. apud Anissonios, quæ est postrema ab ipso Auctore correctæ, ut constat ex ipsa epigraphæ. Quare, siquid ille excessit, quod me latet non habentem præ manibus editiones alias, ab ipso fuit emendatum tempestivè, atque prudenter.

7. Consonant denique Basilii Legionensis lib. 8. de matrim. cap. 17. num. 33. Joannes Henricus in compend. casuum. cap. 13. numer. 3. Sayrus in Calvi Regia. lib. 12. cap. 17. numer. 21. & lib. 11. cap. 5. numer. 6. Bonacina in secundum præcepti. Decalog. disp. 4. qu. 1. punct. 12. numer. 1. Trullenc ibidem lib. 2. cap. 1. dub. 15. Leander à SS. Sacramento p. 2. in Decalog. tr. 1. de juram. disp. 45. §. 2. q. 10. cum multis sequentibus. Antonius Fernandez Moure, in examine Theolog. moral. p. 1. cap. 5. §. 8. dicens, esse doctrinam communem, & ferme absque controversia. Theophilus Alarius Barnabita lib. 3. canon. confc. verb. Mendacium. num. 5. Ac demum Thomas Hurtado tom. 2. variar. tract. 7. capit. 1. numer. 8. expressè affirmans, absque errore in fide non posse negari absolute loquendo esse licitas amphibologias, ac restrictiones mentales. Et quamvis postea reiicit, quas purè mentales vocat; concedit tamen diserte numer. 71. & 72. verbales omnino occultas, sive secretò prolatas licere, necnon & mentales imperceptibiles ab audientibus, & aliis omnibus, præterquam à prudentioribus, vivacioribusque ingeniis. Nec advertit, utrobique eandem difficultatem urgere, & suis rationibus omnes, aut nullam excludi. Nam purè mentales non idèò putari possunt illicitæ, quia mentales; sed quia sensu imperceptibiles, & à consilio occultatæ his, ad quos sermonem nostrum convertimus.

CAPUT II.

Variis argumentis ab auctoritate ostenditur, adhuc esse probabile, restrictiones mentales ex idonea, ac gravi causa licitè posse exerceri in casu necessitatis sine intentione fallendi.

8 **I**N vestibulo supponendum est tanquam omnino certum, licitum

omnino esse ex justa causa interrogantem responsione nostra eludere, ne percipiar, verb. gr. quod ipsi nescire expedit. Hoc enim expressis verbis traditum est à S. Clemente Papa, & martyre epist. 3. circa fin. & relatum in capit. in mandatis. 2. distint. 43. Ubi S. Pontifex ex Evangelio supponit nobis esse præceptum non proicere margaritas ante porcos, hoc est (ut ibidem explicat) non communicare secretiora fidei, ac Divinæ scientiæ mysteria his, qui manifestis peccatis involuti permanent, sed magis protestari, ut peccare desinant, & actus suos à vitiis emendent. Unde rectè animadvertit Layman cum Bellarmino, & aliis libr. 5. summe, tract. 3. cap. 3. numer. 3. Patres formas Sacramentorum fere semper subicivisse, quia nostræ religionis mysteria infidelibus prodere nolebant. Sed quia fieri potest, ut aliquis ex istis coram aliis à nobis quidpiam de prædictis interroget, quæque insuper optimus Pontifex, antecere omnino oporteat, vel palàm, & apertè id respondere, vel potius responsione nostra eludere, ne illa intelligat, aut audiat, quæ cum audire haudquaquam expedit?

9 Eligat autem hoc ultimum, licet absque gravi causa profus illicitum esset, atque hisce verbis faciendam præscribit: *Quod si ingesseris se* (nempe ille peccator notitia secretorum fidei indignus) *& provocaveris nos dicere, quæ cum minus rectè agentem non oportet audire, PRUDENTER EUM DEBEMUS ELUDERE.* Nam nihil omnino respondere, auditorum causa utile non videtur. Ne sic fortè existimant, nos responsionis penuria declinare certamen, & fides eorum cadatur non intelligentiam propositum nostrum. Hæcibi. Ubi planè vides, ex causa utilitatis spiritalis aliorum non solum esse prudentem, atque adeo licitam; sed etiam debitam responsionem delusivam interrogantis illam veritatem, quam cum celare tenemur, quia ipsi nocet eam audire, & aliis non respondere. Evenit autem sæpè sapius casus huic omnino similis Confessariis, aut legatis Principum, & aliis, qui interrogantur de his, quæ prodere non debent.

10 Quare S. Pontifex Gregorius lib. 6. in primum Regum. capit. 3. modum istum eludendi perniciosas, aut iniquas interrogationes aliorum his verbis valde prægnantibus declaravit, ac expressit: *Deum*
noce-

nocere tyranni cupiunt, obiiicienda sunt eis quedam, quæ credant, ut nocendi aditum non inveniunt. Sic tyranni deludendi sunt, ut caveatur culpa mendacii. Quod tunc (ait) bene perficitur, cum illud sit, quod asseritur; sed, quod sit, sic dicitur, ut celeretur, quia ex parte dicitur, & ex parte reticetur. Ex causa itaque evitandi grave nocumentum proprium licitum est, ac honestum interrogantem deludere, dummodo mendacium caveatur. Caveatur autem ex mente S. Gregorii, & rectè sit, cum ea, quæ geruntur, non integrè propalantur; sed partim dicuntur, & partim reticentur. Porro id fit in restrictione mentali, si de illis interrogamur, quæ absque magno nocumento, aut forsàn peccato manifestare non possumus: occurritur namque his malis, & mendacium declinatur non manifestando integrè conceptum nostrum; sed celando partem ejus.

11 Docuit nos præterea Christus hunc modum eludendi interrogantes ea, quæ sub secreto novimus, aut nocitura sunt ipsis, dum interrogatus ab Apostolis, respondit Marci 13. 32. se nescire diem judicii. Ubi *mentiri videtur* negans, se scire, quod novit, quia ab ignorantia, & peccato alienissimus est. Sed ex causa ita loquendi, quod alioqui esset mendacium, fuit veritas pura, & simplex. Quocirca ex prædictis verbis hæc intulit S. Augustinus tom. 4. lib. question. veteris, ac Novi Testament. quest. 62. ex Novo testam. p. 2. Causa ergo est, ut dicat, se nescire, quod scit: nam talia verba absque idonea causa sic protulata mendacii labem incurrerent. Porro causam ita assignat: Dominus ait: *Vigilate, quia nescitis, qua hora Dominus vester venturus sit. Ut ergo nos sollicitos, & vigilantes faceret, interrogatus nescire se dixit diem, & horam futuri judicii; sed ut nobis prodesset, negavit, se scire, quod scit. Ignorantibus ergo nobis quid prosit nobis, scire omnino volumus, quod si scierimus, oberit nobis. Christus autem provisor salutis nostræ, ne audiremus, quæ contra nos essent, dixit, se nescire. Eadem fere non minori energia tradit concion. 1. in Psalm. 36. imò, ne forte causeris, quæstiones præcitas non esse S. Augustini, ut Labbe cum Bellarmino puravit.*

12 Itaque non vult ex causa evitandi grave damnum spirituale aliorum licitum

esse mendacium; sed ratione illius verba restringi, quamvis restrictio non exprimitur exterius, & ea propter mendacium esse desineret. Quod apto exemplo petito ex humanis sic statim declarat: Numquid si alicui in dolore posito gladium poscenti, ut se perimat, qui habet, respondeat, se non habere, mendacii arguendus erit negans? Quasi dicat: Minimè. Scirenim, esse maxime nocivum, atque contrarium poscenti id, sateri, aut gladium illi tradere, & perinde est, cum subest talis causa, hoc absolutè negare, quam restrictionem adicere. Nam licet ex vi verborum ea supprimatur, discursus intellectuali optime subintelligitur ipsa mente retineri, & orationem externam absolutè negativam gladii non esse orationem integram; sed partem alterius, qua dicitur, gladium non haberi ad nocendum, cujus sensus est verissimus. Videatur Augustinus in Psalm. 5. ad ea verba: *Perdes omnes, qui loquuntur mendacium*: ubi idem exponit subdus.

13 Aliam causam hujus dicti, quæ plebique aliis exemplis applicari potest, assignat S. Gregorius libr. 3. in 1. Regum. cap. 1. colum. 6. sic scribens: *Quid est, quod sciens omnia Filius, judicii diem nescit, nisi quia inter cuncta, quæ noveras, diem sciens, nesciebat eum, UT DICERET?* Ubi observandum est, potuisse Christum respondere Apostolis, sicut respondit in simili Actuum 1. 7. *Non est vestrum nosse tempora, vel momenta, quæ Pater posuit in sua potestate*: vel sicut respondit Petro interroganti de Joanne Joann. 21. 22. *Quid ad te?* Et nihilominus his non contentus, absolutè dicit, se nescire, quia non sciebat diem judicii ad illud publicandum, & gravitas negotii postulabat eum modum agendi, qui Apostolis tunc erat magis proficiuus, eosque pariter instruebat, quomodo possent se gerere in circumstantiis similibus.

14 Mitto pleraque alia loca, quorum veritas, seclusis istiusmodi restrictionibus difficillimè intelligitur, ejusmodi sunt illa Psalm. 1. 5. *Non resurgent impii in judicio*: nempe ad gloriam, & æternam vitam. Et illa Matthæi 9. 24. *Non est mortua puella, sed dormit*. Et solum expendo verba illa Jacob. Genes. 27. 19. *Ego sum primogenitus tuus Esau: feci, sicut præ-*

cepisti mihi. Quæ profectò neque ex hominum impositione, neque ex aliis circumstantiis externis quidquam aliud poterant significare, nisi rem apertè falsam, nempe Jacob esse Esau, & mandatum accepisse à patre, qui nil præceperat ipsi. Et nihilominus permulti Patres, & cum ipsis S. Thomas in 3. dist. 38. art. 3. ad 1. ipsum à mendacio excusant ob restrictionem internam, & sensum mysticum omnino occultum ab Spiritu Sancto intentum, & à Jacobo agnitionem saltem implicitè. Verba S. Thomæ hæc sunt: *Verba ista secundum aliquem intellectum veritatem habuerunt, sibi enim primogenitura Dei electione debebatur, & ad illum intellectum Spiritus Sanctus verba ordinabat, cujus intellectu, & intellectu loquebatur. Sive ipse illum intellectum ex verbis acciperet explicitè, sive implicitè hoc significare intendens, ad quod Spiritus Sanctus ordinabat, unde à mendacio excusatur. Et eadem, inquit, ratio est de omnibus verbis, quæ mendacium sapere videntur, ab illis viris prolata, in quibus mendacium concedere, nefarium videtur. Paria scribit lib. 3. ad Hannibaldum. dist. 38. quæst. unic. art. 2. ad 1.*

15 Quo loci in primis notandum, verba illa Jacob: *Ego sum primogenitus tuus Esau*: vera putari propter restrictionem purè internam, quia scilicet Dei electione primogenitus erat, & primogenito suo Isaac præceperat, quod affirmavit Jacob sibi met præceptum fuisse. Secundò, electionem illam tunc temporis fuisse ignotam omnibus, & fortasse ipsi Jacob, quia in actu Dei interno consistebat, neque manifesta erat ullo effectui, aut exteriori signo. Tertiò, eandem restrictionem neque explicitè, neque implicitè significari per verba à Jacob prolata, cum apertè sentit suo relicta omnino oppositum denotent, nimirum, cum, qui loquebatur, esse Esau primogenitum Isaac, cui ipse mandata dederat; non verò Jacob, cui nihil tale conigerat. Nec, seclusa restrictione occulta, qua dicat, *Dei electione sum Esau tuus primogenitus*, & cui mandatum dedisti, ex ullis circumstantiis determinari valent ad hunc sensum. Quartò, hanc regulam tanquam universalem tradi ad excusandum mendacium; non tamen deficienti idonea causa, qualis erat in hoc

casu Spiritus Sancti instinctus, cujus intentioni, ac sensui, qui falsus esse non poterat, Jacob omnia verba sua accomodare intendebat, licet eum non intelligeret.

16 Rebus sumptis adjungenda venit elegans consideratio Augustini ponderantis interrogationes illas, quibus Christus Dominus interdum significabat, se nescire, quæ optimè callebat, ut cum dixit Lucæ 8. 45. *Quis me tetigit?* & paulò infra: *Tetigit me aliquis?* Et Joannis 11. 34. *Ubi posuisti eum?* Quæ inter alia sic expendit in libr. contra mendac. cap. 13. Interrogavit quasi nesciens, quod utique sciebat, ac per hoc nescire se finxit, ut aliquid aliud illa velut ignorantia sua significaret. Quæ significatio, quoniam verax erat, mendacium profectò non erat. Præmiserat autem inibi, non idèò falsam esse significationem, quia aliud ex alio significatur, cum verum esse, quod significatur, si rectè intelligatur. Tunc autem rectè intelligitur, cum ad id, quod loquens VOLUIT significare, refertur, ut ipse Augustinus explicat ibi ad illa verba Lucæ 24. *Finxit se longius ire*, ita scribens: *Sinibilibus aliud significasset Jesus in eo, quod longius ire se finxit, merito judicaretur esse mendacium. Porro autem si bene intelligatur, & ad id, quod VOLUIT SIGNIFICARE, refertur, invenitur esse mysterium. Et propterea S. Thomas eo artic. 2. ad 2. hanc fictionem à mendacio excusat, quia non intendebat Christus falsum significare; sed verum occultare, quod bene aliquando licet.*

17 Ubi nota, significationes istas à Christo intentas, sive interrogando, quod sciebat, seu fingendo longius ire, occultissimas fuisse, & prorsus imperceptibiles ab audientibus, etiam attentis omnibus circumstantiis sibi notis, sicut restrictioni purè mentali contingit. Nam, ut Augustinus explicat, cum finxit se longius ire, Ascensionem suam in Cælos discipulis non desertis significare intendebat, & propter hoc significandum futurum Divinitus factum, ad præsens illud est humanitus factum. Quisnam autem hanc Christi voluntatem, & significationem talium verborum tunc posset deprehendere, & non potius intelligeret, eum velle progredi ulterius, cum neque Christum agnoscerent, nec ejus verba talem significationem ferrent,

rent, præcindendo à voluntate merè interna, & occultissima?

18 Similiter interrogationes illæ de sul tactu, aut de Lazari sepulchro non idè veraces fuerunt, quia ipse interrogata nesciret, quamvis id significarent, & acceptæ in isto sensu apertè mendaces fuissent; sed quia scœmina, quæ Christum tetigerat, & Lazarus jam sepultus, ait Augustinus, *eos significabant, quos etiam, qui cuncta sciebat, quodammodo nesciebat*. Nimirum scœmina illa fluxum sanguinis patientes plebem gentium, seu eum populum, quem Deus *Psal. 17. 45.* se non cognovisse affirmat, & Lazarus quatrduanus alium consimilem typum. Porro tota hæc mystica significatio, qua verificantur verba Christi, neque ex hominum impositione eis conveniebat, neque ex circumstantiis externis ad eam determinabantur; sed ex voluntate merè interna ipsius ordinantis illa ad hæc significanda, quamvis nemo eum sensum posset tunc deprehendere, aut alium, quàm litteralem, qui ignorantiam Christi denotabat, & non erat conveniens veritati, atque dignitati ipsius.

C A P U T III.

Quæ rationes persuadeant, ex causa idonea esse licitum uti verbis, quæ verificantur propter restrictionem tacitam?

19 **P**rima est. Quia internum id erit respondentem necessarium ad evitandam perplexitatem conscientie, cùm scilicet veritas absque peccato manifestari non potest, & tacens eo ipso, quod taceat, assentiri, aut consentire videtur interrogationi factæ. Pone enim, hæreticum iudicem, maritum Zelotypum, aut alium hominem conscientie depravatæ postulare à Confessario, an extra confessionem, aut in ipsa noverit aliquod crimen, ejusque Auctorem, & metu mortis, vel alterius gravis mali eum cogere ad respondendum directè affirmando, vel negando, & tunc miser Confessarius, qui id in confessione novit, juxta contrariam sententiam, quomodolibet se gerat, liberari nequibit à peccato.

20 Aut enim affirmativè respondebis

aut negativè, aut pertinaci silentio linguam suam obfirmabit. Si affirmativè respondeat, reus erit violati sigilli, quod jure naturali, ac Divino semper, & in omni eventu esse debet inviolabile. Si negativè mentietur: quia falsum est, eum nescire in confessione, quod queritur, & nulla interna restrictione defenditur ad mendacium effugiendum, quod suis verbis, ut jacent, importatur. Si taceat, silentio suo affirmare videbitur, & ita sigillum violabit. Nam in illis circumstantiis silentium idem significat, quod voces articulatæ, & taciti, ac expressi eadem est virtus. Frustra enim se morti exponeret, & suam illicitè vitam prodigeret, si posset absque mendacio absolute dicere, se nihil scire, etiam intra confessionem, ex illis, quæ interrogantur. Profectò quisquis re vera nihil eorum sciret, quia poenitens forsitan innocens ea non manifestavit, nec aliunde in suam notitiam devenerunt, responsum negativum nullo pacto detrectaret cum tanto incommodo. Unde cùm eam detrectat, metu mendacii id facere videtur, & violentissimam præsumptionem ingenerat confessionis sibi factæ, ac notitiæ habitæ per ipsam.

21 Propterea Angelicus Doctor in 4. distinct. 21. quæst. 3. art. 1. quæstioncula ad 2. & 3. hanc perplexitatem subtilit asserendo, interrogatum de his, quæ ex sola confessione agnovit, addita insuper excommunicationis pœna, *absque læsione conscientie posse jurare se nescire*. Proponit autem duos casus, alterum, quo solum inquiritur ex Confessario, utrum sciat, Petrum v. g. perpetrasse homicidium; alterum verò, utrum sciat in confessione? Et utriusque pariter occurrit affirmans absque mendacio, & periurio, aut læsione ulla conscientie responderi posse negativè; sed ex diverso motivo. Nam primæ interrogationi, qui absolute respondet se nescire, idè facile excusatur, quia ad mentem interrogantis prudenter exiitmatam, & in sensu ab ipso intento ei respondet quàm verissimè: debet enim æstimare, quoddammodo præcipiens sit, si sciat ut homo, hoc est, extra confessionem; de scientia autem confessionis nil inquirere. At verò cùm de confessione ipsa sit determinatè interrogatio, sive quis respondeat, se nil scire, sive ulterius addat, se nescire in cor-

fessione, proculdubio contra mentem suam loquetur, si ad mentem interrogantis ea verba velit accipere, & à mendacio nequibit excusari, si ipsa proferat in sensu, quem ille intendit.

22 Excusatur autem juxta S. Thomam, cui alii communissimè accedunt, propter restrictionem tacitam, quam adicit eisdem verbis, subintelligendo scilicet, se id non scire *ut hominem, sed tanquam Dei vicarium*, vel ne scire *scientia licitè communicabili*, vel *ad dicendum*, vel ita *ut teneatur dicere*, aut aliquid hujusmodi. Qua autem ratione subintellectiones istæ tacitæ, & omnino occultæ interroganti excusant respondentem à peccato, licet verbis negativis absolute utatur, & eisdem, quibus uti posset, qui nihil tale in confessione audisset, excusari possunt plures alii in simili perplexitate constituti, cum ad illa propalanda coguntur, quæ licitè manifestare non valent, & taciturnitas pro affirmatione habetur. Nam licet majus sit sigillum confessionis alio quocumque secreto, & strictius debeat observari, id non præstat, ut ad observandum ipsum unquam liceat mentiri, vel dezerare; sed solum efficit, ne sint mendacia, aut perjuria ob restrictionem occultam loquutiones illæ alioqui falsæ. Si autem id semel contingit, & à peccato excusantur in dicto eventu, non est cur id ipsum extendi nequeat ad alios casus, ubi similis perplexitas conscientiam implicat, constringente ex una parte obligatione secreti, & urgente ex altera necessitate respondendi directè, ne ipsum silentium affirmationi æquivalet. Videatur Navarro in dicto caput. *Humana aures. q. 1. num. 5.*

23 Secunda ratio sit. Quia iste modus eludendi interrogantes potest esse necessarius ad evitanda alia incommoda magni momenti, propria, aut aliena, quæ certò imminet, si interrogatus taceat, aut veritatem palam fateatur. Casum proponebam suprà ex S. Clemente Papa, ubi interroganti nocebat, quoad bona spiritualia respondere ad ejus mentem; tacere autem, circumstantibus: necnon ex S. Gregorio docente, tunc rectè fieri, & sine culpa mendacii ejusmodi defensiones, cum partim dicitur, partim reticetur veritas in mente latens. Satisque vulgaris est casus ad-

ulteræ contra juris ordinem interrogatæ de adulterio à se occultè commissio, quam S. Thomas excusat ab obligatione confitendi veritatem *quod lib. 5. quest. 8. artic. 16.* & cum eo innumeri alii: idemque à fortiori eveniet, si à marito privatim urgeatur. In Legatis autem Principum necessitas ita agendi cò erit gravior, quò manifestatio secretorum suæ Reipublicæ non sibi nocet solummodò; sed bono communi illius, quòd semper præferri debet cuicumque bono privato. Neque in his eventibus tacere sufficit, aut ambiguis verbis veritatem occultare: nam hoc ipsum vehementem delicti, aut facti suspicionem generat, & cum aliquis interrogatus de duobus, de uno affirmat, de alio tacet, utrumque fateri creditur juxta regulam in jure satis vulgatam.

24 Tertia ratio ita se habet. Nam restrictio omnino occulta sæpe est medium necessarium ad evitandam perturbationem civilis conversationis, ac convictus rationalis. Quippe sicut nemo alteri fidem adhiberet, si illa semper esset licita, vel ad libitum, & sine gravi causa, ita nemo alteri crederet secreta sua in Sacramento Poenitentiae, aut extra illud, etiam consilii, vel auxilii causa, nemo suam, aut alterius perniciem vitare posset, dum iniqua alterius interrogatione ad respondendum compellitur per verba affirmativa, aut negativa, nisi aliquando liceret occultare restrictionem, sub qua verba proferuntur, atque ea tacita, & subintellecta, eludere interrogantem, ita ut sibi satisfactum credat, quin pergat urgere amplius. Sæpe enim homo tenetur non manifestare veritatem sibi notam, & quidem sub peccato, eoque gravissimo; & sæpe maxima damna spiritualia, aut temporalia sibi, aut aliis impendenda declinare nequibit, nisi negativè respondeat. Unde aut mentiri cogetur, aut subire gravia incommoda, quorum metus etiam viros constantes deterret solet, & inducere in peccatum, præsertim veniale, ac leve. Neque enim tacere omnino sufficit ad illa declinandam, aut dicere, se non teneri ad respondendum, cum alter ad respondendum directè sua importunitate, auctoritate, vel iniquitate cogit, & sola affirmativa, aut negativa responsione sibi credit satisfactum.

25 Quarta ex dictis fuit. Quia ejusmodi loquutiones aut illicitæ sunt in his eventibus, quia mentitur is, qui eas adhibet, aut quia decipit audientes, nam utrumque Divina lege vetatur? Non quia mentiarur. Nam mentiri non est loqui contra spem, mentemque alienam, sed contra propriam loquentis, atque indigentis falsa verba sua tanquam fidedigna ad alterum. Id autem non fit in proposito. Vel quia sermo, non dirigitur, nec debet dirigi ad alium, qui malignitate sua non potuit tollere obligationem secreti, nec quis ullum ad apertam responsionem comparavit. Unde homo fit constitutus nolle potest cum eo loqui de his, quæ celare tenetur, sed sibi, aut cum Deo duntaxat, ac si nullus esset præsens, nullaque interrogatio præcessisset; quia autem non loquitur alii, sed secum, ac soli sibi, licet, & absque mendacio potest eas voces exprimere, & quo voluerit sensu eas usurpare. Vel iterum quia intelligentia dictorum ex causis est sumenda dicendi, cum sit una de præcipuis circumstantiis; adest autem sæpius causa non manifestandi aliis adæquatè mentem suam, sed solum in adæquatè, & dum talis causa subest, nullo negotio conlucitur, quidpiam aliud posse subintelligi, tamen non exprimitur verbis publicis, sed solum signis secretis, & à consilio occultatis, sive illa mentalia sint, sive vocalia, seu realia.

26 Veldemum, quia verba ista *Nescio*, aut *Non feci* tunc solum mendacia sunt, cum ab sciente, vel ab eo, qui fecit, proferuntur absque alio addito verificante, & per modum orationis integræ, ac completæ. Possunt autem non proferri hoc modo, sed cum addito, & per modum partis alterius orationis integræ, ex cujus veritate, aut falsitate mensurari debet earum veritas, aut falsitas: nam ex se indifferentia sunt, ut utrovis modo proferantur. Porro hoc modo proferuntur, & ita ex intimis procedunt, etsi additum occultetur, & ab aliis non audiat. Nam quemadmodum ex verbis clam, & publicè prolatis una oratio adintegrari potest mixta ex utriusque, sic pariter ex verbis partim internis, partim externis altera componi valet, ut plenius infra dicetur, & disertissimè tradit S. Gregor. ut *Homil. 2. in Ezechiel.* & cum ipso omnes interpretes. Lo-

cus omnibus est notus, & quotannis recitatur Dominica 1. Novembris *Noctur. 2. lect. 2. & 3.*

27 Non præcisè quia decipiuntur audientes. Quia ex causa frequenter licet permittere deceptionem alterius, & ita in præsentia accidit. Nam occasio deceptionis non est data, sed accepta; immò quæsitā ab eo ipso, qui decipitur, cum loquens suo iure iuratur se tuendo ab interrogacione iniqua, & ab aliis malis sibi tam ex aperta confessione imminentibus, quam ex omnimoda taciturnitate. Sibi verò interrogans imputare debet, quòd in eas angustias interrogatum redegerit, ut evadere non possit, nisi permittendo, ut ex suis verbis sumat motivum errandi. Quinimò, nisi valde fit imprudens, sciens se dedisse, aut adesse talem causam eludendi ipsum, ac celandi veritatem, potius iudicium suspendit, & cogitabit aliquid latere posse, quo ipse decipiatur, quam credat, & verbis fidat, prout sonant, & enunciantur. De cætero autem, qui ex idonea causa orationem suam artificiosè componit ex terminis partim publicis, partim occultis, ut ita effugiat mendacium, à peccato immunis erit, quantumlibet ab audiente capi nequeant, nisi in sensu falso.

28 Quò spectat elegans doctrina Cajetani 2. 2. q. 89. art. 7. ad 4. vers. *Ad hoc dicitur, quod hic*, in hunc modum pronunciantis: *Si artificiosè composita verba dicuntur cum iuramento, vera quidem, SED NON PENETRABILIÀ AB AUDIENTE NISI FALSO, cessante præiudicio juris, & hominis, ABSQUE PECCATO ID FIERI POTEST: quoniam contingit huic iuramento omnes tres adesse comites, cum scilicet ex rationabili causa sit.* Hæc ille, cujus doctrina satis aptè confirmatur ex dictis Jacob, quæ expendimus cum Angelico Doctore numer. 14. Neque enim potuit Isaac, cum ignoraret mysterium, verba Jacob intelligere, tamen si veraciter essent, nisi in sensu omnino falso. Atque ita evenit in aliis casibus, ubi verba proferuntur in sensu literaliter prorsus falsa; vera autem in sensu aliquo mystico, qui in solius loquentis mente latet. Et in loquutionibus figurativis regula generalis est à D. Thoma tradita in 3. *distin. 38. quæst. 1. artic. 3. ad 5. Veritatem habere non à sen-*

sensu, quem verba habens primo aspectu : sed ab eo, quem loquens facere intendit.

CAPUT IV.

Propositur sententia negans, & expenditur, quo differat ab affirmante.

29 **I**sciusmodi restrictiones studiosè occultatas nulla ex causa cohonestari posse, sed semper esse illicitas, immò mendaces, non pauci Auctores timentur. Et in primis Cajetanus 2. 2. q. 89. art. 7. vers. *Ad hoc dicitur, quòd hic est opus*, Prosper Fagnanus in cap. *Falsidicus*, de crimine falsi. à num. 56. sed præcisè ut verius, Martinez de Prado tom. 2. *Theolog. moral.* cap. 32. q. 4. à num. 30. Gonet in *Manual.* tom. 5. tr. 8. cap. 2. §. 3. Pisani in *gladio Gedeonis.* proposi. 26. Malderus *speciali opusc. de restricti. mental.* cap. 4. & 10. Thomas Hurtado tom. 2. *variari.* tr. 7. à num. 54. licet minus consequenter ad ea, quæ antea tradiderat à num. 33. contendens, in his restrictionibus mendacium propriè tale non committi; sed solam virtutem simplicitatis violari, P. Azor 1. p. lib. 11. cap. 4. in fin. Layman lib. 4. *summæ.* tr. 3. cap. 13. à num. 5. & in tractatibus de *fide*, Coninc disp. 10. à num. 49. Puente Hurtado disp. 18. §. 47. Arriaga disp. 1. num. 74. & 75. Ripalda disp. 4. à num. 67. Cardinalis de Lugo disp. 4. nu. 62. dicens, oppositum sibi semper visum fuisse *durissimum, ac difficillimum.*

30 Verumtamen, si res ipsa introspectiatur, & quidnam hi Auctores sentiant, cum ad casus particulares devenitur, vix, aut ne vix quidem invenientur differre in praxi ab opinione contraria, & parum speculative: unde vel utraque opinio erit perniciofa in praxi, vel potiùs neutra. Ita opportune adnotarunt, & monstrarunt ex professo Martinus Bresserus lib. 5. de *conf.* à num. 172. Oviedo 2. 2. *controver.* 3. p. 3. num. 44. Raynaudus *suprà* cap. 9. & tom. 18. in *tract. de Missis Evangelicis.* p. 2. cap. 1. fol. 290 Richardus Arfdekin in *Theolog. tripartita.* tom. 2. p. 3. tr. 1. *controver.* 5. *particularib.* q. 1. fol. 95. editionis 5. *fallæ Antwerpæ*, & perspicuum fiet legenti Cajetanum, Azorium, Malderum, Thomam Hurtado, Layman, Pisani, Coninc, ac ferè omnes alios, qui de

hoc puncto moraliter scripserunt. Etenim cum planè videant, occurrere sæpè sæpius necessitatè loquendi occultando mentem propriam, atque id genus restrictionum frequenter legi in Scripturis, & à viris sanctis usitatas esse, adiungunt, tunc esse licitas, cum ex circumstantiis loci, aut temporis, personarum, officiorum, aliisque similibus, vel ex materia subjecta, saltem à sapientibus deprehendi potest quidpiam aliud subintelligi, quod inspecto cortice verborum nullatenus declaratur, & quo non subintellecto vocalis propositio falsa foret juxta permanentem, & explicitam significationem suam notam omnibus, ac perviam.

31 Quo fit, ut accedente idonea causa, quam circumstantiæ ipsæ præbent, eisdem omninò vocibus, eodemque remedio utendum sit in praxi juxta utramlibet sententiam. Ex g. utraque dicit cum Angelico Doctore, Confessarium determinatè interrogarum de his, quæ in confessione novit, posse licitè respondere *Nescio*. Utraque cum ipsa affirmat, reum contra juris ordinem respondere coactum, non mentiri, si absolute dicat, *Non feci*. Utraque ait, sciscitanti de his, quæ sub secreto sunt nobis commissa, licitè occurrì negando, nos habere illorum scientiam: quia (inquit Bafex 2. 2. q. 69. art. 2. vers. *In tertia parte.*) jam apud omnes receptum est, ut illud dicamus nos nescire, quod secretò novimus. Utraque insuper, cum gravia alia incommoda spiritualia, aut temporalia, quæ aliter vitari nequeunt, imminet tacenti omninò, vel palam declaranti totam mentem suam, putat ei integrum esse partem dicere, & partem occultare, atque ita interrogantem eludere, ut duo illi magni Pontifices S. Clemens, Sanctusque Gregorius atreà laudati monebant: neque id est minùs receptum, minùsve usitatum in istis circumstantiis, quàm in casu, ubi urget causa secreti. Utraque præterea approbat praxim occultandi ex causa restrictiones verificativas eorum, quæ publicè proferuntur verbis irrestrictis, sive occultatio fiat aliis vocibus secreto prolatis, sive nutibus imperceptibilibus, sive alio artificio externo. Latius enim patet: restrictiones occultare, quàm mentales: nec, quia occultæ sunt, ideo improbandæ; sed

sed potius improbarentur in illis circumstantiis, nisi occultæ essent, quia tunc forent inutiles ad eum finem, qui potissimè inservire debent. Utraque demum concedit restrictiones mentales esse licitas, atque id non posse absolute denegari absque errore in fide, ex sacris litteris, ac SS. PP. stabilire contendit Thomas Hurtado relatus *num. 7.* Cum verò purè mentales reiciuntur universim, inquirendum est ab adversariis, quidnam illo adverbio *purè* significare contendant, & quo differant à purè occultis. Nam si *purè* eas mentales restrictiones denotet, quæ debitis circumstantiis destituuntur, & sine illis exercentur, omnes earum praxim damnant. Si verò duntaxat illas, quæ hic, & nunc occultè adduntur, etsi aliqui idonea causa, & circumstantiis veſtiantur, nemo illarum praxim respuit.

32 Nec obstat, si in particulari aliquo eventu Auctores inter se discrepent, & quidam censeant, non licere in ipso usum amphibologiz mentalis; alii verò id credant licitum. Quippe discrepantia ista non sumitur ex principiis communibus semper, & in omni eventu talem praxim improbantibus; sed ex circumstantiis peculiaribus casus, de quo controversitur, quas aliqui sufficientes reputant; alii verò insufficientes ad suam mentem licitè occultandam. Quod ipsum in causa contingit, nam nonnulli circa sufficientiam ejus opinionantur nimis laxè, ut exponendo propositionem sequentem ostenderetur; alii verò strictius; neque id tollit, ut posita idoneitate causæ, vel circumstantiarum, id ipsum licere dicant, qui illud negant, ea sublata. Disputant exem. gr. Auctores, an qui occultè mutuò accipit centum, & occultè solvit quinquaginta, coram iudice jurare possit, à suo creditore interpellatus, se centum non accepisse? Et cum alii affirmant, alii negent, apud ipsos ratum est communiter posse totam summam negare, cum illam perſolvit integrè. Neque enim ita accipit, ut nunc debeat, & hoc potest tacitè subintelligere, non fraudando creditorem ulla parte suæ pecuniæ, quod in specie prius proposita secus accidit. De quo latè Covarruvias *lib. 1. variar. cap. 2. num. 4. & 5.*

33 Jam verò si de speculatione sit sermo, etsi Auctores diversimodè stabiliant

hanc praxim. & aliis subinde, ac aliis explicandi modis eam excusant à mendacio; in his tamen, quæ maximè ad rem spectant, parum quidem discrepare valent. Nam affirmantes licere ex causa idonea restrictionem tacitam, prolatamve imperceptibiliter, non negant idoneitatem, atque sufficientiam causæ ex circumstantiis desumendam esse; immò semper istam causam ex circumstantiis desumunt, secreti, negotii, officii, personæ, aut aliis id genus, unde reliqui limitari existimant verba, quæ generaliter prolata, sumptaque præcisè, ut sonant, non denotant, nisi falsum. Qui verò negant, non idco diffidentur limitationem, quæ sumitur ex ratione, causaque loquendi, eo ipso sumi ex circumstantiis, cum circumstantia *Cur* sit una è præcipuis, unde colligi debet mens loquentis restricta, aut illimitata. Quippe intelligentia dictorum ex causis est sumenda dicendi, quia non sermoni res, sed rei sermo est subjectus, ut S. Hilarius docuit *lib. 4. de Trinit.* & ex ipso adinstat regulæ in iure proponitur *cap. Intelligentia. 6. de verbor. significat.* Atque ea propter verba præceptiva legum, aliarumque dispositionum, quantumvis generalia videantur, ad terminos suæ rationis restringuntur, & mens limitata prævalet vocibus illimitatis. Quinimò ex posterioribus sacris Sanctorum sæpe colligitur, leges valde universales, & inspecta vi verborum, positivè illimitatas, qualis est illa: *Non jurare omnino*: Matthæi 5. 34. fuisse in Scripturis propositas cum occulta restrictione non interdicente prorsus usum juramenti; sed solum in certis casibus, ut ex hoc, aliisque exemplis monstrat S. Augustinus *lib. de mendac. cap. 15. post initium.*

34 Ac sanè, cum gravis causa loquendi, & non declarandi mentem suam integrè, ac plenè exterius nota est, cuilibet constat prudenter posse animadverti exinde, sicut ex alia quavis circumstantia, quidpiam aliud fortè subintelligi ab eo, qui dicit *Non feci*, quo sensus integer orationis compleatur, etsi illud non explicetur, & tunc restrictio non erit occulta quoad causam suæ occultationis, neque purè mentalis in eo sensu; sed solum quoad exercitium. Quia audiens nescit, utrum loquens opus habeat restrictione ad verificationem dicti, quo negavit, se fecisse

tisse homicidium : forsitan namque illud non fecit, & quamvis fecerit, & restrictione occulta licite uti possit, adhuc latet, utrum illa utatur, quia causa, & circumstantiæ non cogunt ad usum ejus, nec significant exercitium actuale adiiuendi ipsam; sed præcisè præbent facultatem adiiuendi illam, si lubeat. Quod si causa occulta sit aud enibz, eadem omnino est ratio, ac si supponas, eisdem esse occultas circumstantias, unde in sententia contraria universalitas verborum limitatur, ut implicitè significant eam restrictionem, cui voces contradicere videntur generalitate sua. Ceterum si ex propria culpa, aut negligentia eam ignorent, sibi debent imputare; non verò loquenti, qui eam agnoscit, & utitur jure suo, quod occasione accepta ex verbis ejus, decipiantur, & quoad hunc effectum idem erit vincibiliter causam ignorare, ac illam de facto scire.

35 Si verò eis invincibiliter occurrat contingat causam, aut circumstantias restrictivas, ut eveniebat Isaac, cum Jacob ei dixit, se esse Esau suum primogenitum, cui antea fuerat loquutus, & Tobie, cum Raphael Angelus in forma juvenis ipsi respondit, se esse Azariam Ananiz magni filium, tunc quidem humano judicio ejusmodi loquutiones mendacia videri possent, & fallaciæ (testis scilicet personis loquentium, & mysterio nondum propalato) sed re vera, & coram Deo, qui occultam eorum intentionem noverat, mentemque, ac causam loquendi in sensu adeò inopinabili, ac improprio, alienissimæ erant à mendacio, & à culpabili deceptione alterius. Atque ea propter eos excusat S. Thomas loco appellato *suprà num. 14.* & iterum *quodlib. 8. art. 14. ad 2.* ubi agens de viris sanctis, quorum facta omnibus proponuntur in exemplum, ita disserit: *De talibus non legitur, quod mentiti sint, vel si aliqua dixerunt, quæ mendacia videantur, SECUNDUM INTENTIONEM, quam ex Spiritu Sancto conceperunt, mendacia non sunt.* Neque id refert S. Doctor, aut jure referri valet ad circumstantias consignificantes exterius improprietatem verborum, aut intentionem loquentium, quæ nullæ erant in eo eventu, sed potius contrariæ aderant.

36 Quocirca nec solida esse potest nec vera ea differentia, quam nonnulli

assignant inter utramque opinionem; ducta ex eo, quod circumstantiæ restringentes tunc solum possint eludere labem mendacii, cum sunt sensu perceptibiles, & idè aptæ ad componendum unicum signum sensibile cum vocibus, quo restrictio ipsa indicetur saltem implicitè. Non, inquam, potest esse solida, vel vera. Tum quia etiam dicere posset sententia opposita, justam causam restringendi mentriter loquutionem suam debere esse sensibilem, ut ea ratione exterius significetur, saltem implicitè, verba generalia non proferri absolute, ac sine addito, sicut sonare videntur; sed cum restrictione tacta. Idè autem non dicitur, quia significatio implicita additi verificantis annexa causa, aut circumstantiis realibus, nisi occultetur audienti, potius nocebit, quàm proderit ad redimendum nos ab extorsione exigentis responsionem undique absolutam, & illimitatam: intelliget enim, illam detrectari, & hac nova suspitione confirmatus non desistet, sed incognitam vexationem aggravabit. Si verò occultetur ipsi, & sub ea fiducia proferatur, non erit utilior, quàm mentalis ad evitandum mendacium, aut ne loquenti imputetur deceptio alterius: nam hæc vitia non obiciuntur restrictioni internæ, quia interna est; sed quia occultatur. Tum præsertim quia id non sufficit ad exponenda loca periclitata Sacræ paginæ, aliæque id genus, ubi tota causa sic loquendi, & omnes circumstantiæ restringentes voces ipsas, easdemque verificantes omnibus erant occultæ, & nulli hominum manifestatæ aliquo signo sensibili; sed ex sola Sancti Spiritus interna inspiratione, atque intentione pendentes, ad quam se in confuso referebant iidem ipsi, qui ita loquebantur, cum sensum ab ipso intentum fortasse non intelligerent. Vide quæ *suprà* adduximus ex Angelico Doctore *numer. 14. & 15.* necnon alia, quæ cum Cajetano expendimus *num. 28.*

37 Tum præterea. Quia circumstantiæ sensibiles excusantes à mendacio non consignificant, etiam implicitè, exercitium actuale loquendi cum restrictione, nec determinant in actu secundo verba explicata ad eum sensum: sed duntaxat præbent justam causam utendi illa, si sit opus, & ita loquenti placeat. Ita nuper adnotabam,

ham, & suadetur insuper. Nam si verbum *Nescio* ver. grat. à Confessario prolatum, vel ab alio, cui onus secreti incumbit, determinatè importaret significatione sensibili, illum non scire ad dicendum ea, quæ affirmant, se nescire, atque in istis circumstantiis idem esset dictu *Nescio*, atque *Nescio*, ut tibi dicam, ita ut ea verba differrent solummodò penes explicitum, & implicitum, is profectò, qui tunc diceret *Scio*, proculdubio mentiretur, & non tantum esset reus sigilli violati illicitè. Quia affirmando, se illud scire, implicitè denotaret ob circumstantias adjunctas se scire ad dicendum aliis, quod est falsum, & contra mentem ipsius, qui rectè novit se illo modo rem, de qua est sermo, non scire. Et quidem si id explicitè proferret, & affirmaret, se scire ad dicendum aliis, nemo dubitaret, eum mentiri. Perinde autem est quoad hunc effectum id ipsum proferre implicitè, quia in veritate, aut falsitate semper sibi consonant, quæ solum differunt in significando penes explicitum, & implicitum.

38 Tum ulterius. Quia significatio illa implicita audientibus, atque interrogantibus accommodanda esset, ne illam ignorantibus decipiantur, & verba mendacium significant ipsi, qui solam explicitam significationem norunt, & implicitam, neque intelligunt, neque percipiunt. Quod si illis omnino ignota esse potest, & adhuc mendacium vitatur, omnisque iniquitas, non apparet, quid conferre possit, vel quare desideretur, quod re ipsa adsit, & dignosci possit ab aliis, seu prudentibus, seu imprudentibus, quibus non loquimur, nec de tali loquutione quidquam sciunt. Sat enim erit, quod restrictio à Deo cognoscatur pensanti verba nostra, non prout foris sonant; sed secundum intentionem, qua profertur ex intimis, & cui non est minus patens insensibilis limitatio, quam sensibilis. Quod verò insensibilis, ac purè mentalis à nullo possit percipi, non obest; sed potius juvat, eum mentem nostram omnibus occultare tenemur, vel jus habemus illam occultandi. Obesset autem quam maximè, si absque mendacio, vel fallacia non possemus illam occultare omnino, etiam prudentibus inique interrogantibus, ut in contraria sententia restrictio contingit.

39 Unde arguo tandem. Quia prudentes, ac expendere valentes vim circumstantiarum in sententia ista, audito verb. gr. verbo *Nescio* ex ore Confessarii, statim deprehendent, significationem sensibilem ejus vocis in illis circumstantiis non esse explicitam illam negativam omnis scientiæ, quam alioqui præferre solet; sed aliam magis implicitam, qua restrictio denotatur ex hominum impositione, aut usu, & perinde apud eos esset respondere tantum *Nescio*, ac dicere exprimentè restrictionem, *Nescio scientia licitè communicabili*. Quia ex voces idem significant sensibilibus in illis circumstantiis, juxta hos Auctores, & sola differentia impliciti, vel expliciti non variat significatum, neque aliud facit intelligi vox *animal rationale*, quam *homo*, licet inter se comparentur tanquam explicitum, & implicitum. Ergo agendo cum prudentibus, ac scientibus significationes vocum explicitas, & implicitas, ad respondendum penitus erit occulta occultanda secreta, & evitanda alia præjudicia; & tamen cum istis agimus sæpe læpius, & eis maximè debemus, vel jure possumus occultare mentem nostram, cum contingunt isti casus.

40 Nec multò plus idem proderit, quamvis cum simplicioribus agamus. Quia eadem notitia ex sapientibus ad istos facillimè derivabitur, & nota erit apud populum significatio illa implicita, ut notè esse solent aliæ captu difficiliore, & non adeò necessariæ. Quippe rudibus etiam, ac idiotis occurrit passim necessitas occultandi absque mendacio sua secreta, vel audienti alios sua occultantes, & proinde recurrendi ad sapientes, ut ab eis docti dicant, quando verbis apparenter falsis uti liceat, & quando uti non liceat: & quod proprio ingenio assequi non possunt, adiuti instructione aliena sufficienter penetrabunt, ne loquendo mendaciter decipiant, aut ne audiendo incautè decipiantur.

C A P U T V.

Qua ratione restrictio purè mentalis adhibita ex causa idonea excusari possit à mendacio?

41 **R**ationem, excusationemque attigimus nu. 26. inde petitam, quod

ex terminis vocalibus, ac mentalibus una oratio construi potest in se vera, quamvis voces componentes ipsam falsæ sint, si absque ullo adito, tam interno, quam externo, & per modum orationis integræ à loquente proferantur. Porro hanc ipsam rationem, excusationemque exhibuit S. Gregorius libr. 26. moral. cap. 7. defendendo B. Job à mendacii calumnia sibi impacta. *Quid, inquit, obest, si à reſtitutione veritatis humano iudicio verba nostra superficie tenus discrepant, quando in cordis cardine ei compaginata concordant? Humanæ aures verba nostra talia iudicant, qualia foris sonant; Divina verò iudicia talia foris audiunt, qualia ex intimis proferuntur. Apud homines cor ex verbis; apud Deum verò verba pensantur ex corde. Locus valde expressus est; sed diminutè relatus à Gratiano in capit. Humanæ aures. 22. quest. 3. omisit enim priorem ejus partem, quæ maximè ad rem conducit. Ex eo autem ad propositum S. Thomas peracutè intulit 2. 2. q. 89. art. 7. ad 4. quoties diversa est intentio jurantis, & illius, cui juratur, quamvis eadem verba usurpent, secluso dolo, juramentum obligare, non prout ab alio intelligitur; sed secundum intentionem jurantis.*

42 Unde sic à priori disputo. Sola falsa significatio verborum non sufficit ad mendacium absque intentione fallendi, ut ex recepta illius definitione patet. Sed in nostro casu loquens, falsam verbi significationem non profert cum intentione fallendi; nam, si hoc faceret, proculdubio mentiretur; sed solum cum intentione proferendi quamdam sui conceptus partem, & occultandam aliam, quam absque magno præiudicio manifestare non potest. Ergo re vera non mentitur coram Deo, qui ejus intentionem novit, etsi hominibus, qui illum ignorant, aliud videatur. Neque enim ideò mentitur, quia alii ipsum mentiri censent; sed, si rectè sapiant, solum mentiri censebunt, cum independentè à iudicio proprio ipsorum apud Deum inspectorem cordis, & verba ex illo pensantem sit veritatis defensor.

43 Explicatur. Qui iusta necessitate coactus dicit cum restrictione mentali, se non fecisse, quod fecit, non profert ea verba cum intentione negandi factum se-

cundum se, & absolute, nec cum intentione affirmandi, se habere intra mentem iudicium absolute negativum talis facti, aut persuadendi alteri se illud habere; sed solum cum intentione occultandi veritatem facti, negando ipsum, non utcumque; sed cum addito restringente, ac verificante negationem ejus. Ergo re vera non loquitur, prout opus est ad mendacium, cum intentione fallendi. Quippe vox illa *Non feci*, quantum est ex se præcisè, indifferens est ad negandum cum addito, & absque illo, nec mendax censeri potest, nisi constet absque ullo addito prolata esse. Atqui id non constat præcisè ex prolacione illius: nam alioqui ille, qui fecit alia dicid, de quo loquitur, & proinde dicit veraciter *Non feci beri*, mentiretur statim, ac dixit *Non feci*, neque ulterius esset spectandum, an quidquam aliud adiciat, quo sua verba restringantur, & ita verificentur. Deinde nec constat ex eo, quòd additum sit occultum, nam quòd est occultum aliis, non est occultum loquenti, & id sufficit, ut ipse intendere possit loqui in isto sensu, & non in alio. Ergo, si verè restrictio verificans sit publica, seu prorsus occulta, semper aberit intentio fallendi.

44 Obiciens tamen. Cùm quis manifestè negat, se fecisse illud, quod fecit, negatio verbalis non cadit supra id, quod in mente retinet; sed præcisè supra illud, quod voce, ac verbis expresserat. Sed hoc modo non expresserat, nisi factum absolute; non autem factum hesternum. Ergo factum absolute negat, quòd est proculdubio falsum. Nam licet in mente addat vocabulum istud *beri*, illud non restringit orationem ore prolata, cùm non sit pars, modificatio, aut complementum ejus. Neque negatio vocalis supra factum ex vi illius modificatum valet cadere, quantumlibet id loquens intendat; sed præcisè afficit verba exterius dicta, quæ per se integra, ac totalia sunt in genere signi sensibilis, & apti ad loquendum cum aliis, & per verba insensibilia, utpote inepta ad hunc finem, nequaquam possunt compleri. Qua ratione neque ex verbis partim scriptis, & partim voce prolati una oratio potest perfici: nam scripta ex conceptu suo ordinantur ad agendum permanentè cum hominibus; voces

verò raptim transeunt, & id tantùm per scriptum legenti manifestatur, quod post ipsam calamo exaratum remanet.

45 Suadent ista; sed non plene persuadent. Tum quia independentes ab hac questione omnes admittere debent, posse ex terminis vocalibus, ac mentalibus tanquam ex partibus se mutuo afficientibus, ac iuvantibus unam orationem integrari, si ita loquentibus placeat diversa signa componere, & illa inter se miscere: idque S. Gregorius appellatus num. 26. annotavit, nullo refragante ex interpretibus, usitatum esse aliis Prophetis, & Ezechieli contigisse, dum suum librum inchoavit à conjunctione &, quæ est continuativa præcedentium. *Verbum*, ait, *quod foris protulit, illi verbo, quod intus audierat, conjunxit. Continuavit ergo verba, quæ protulit, visioni intus, & indecirco incipit dicens: ET FACTUM EST.* Tum rursus, quia Sacramenta etiam collocantur in genere signi sensibilis; nihilominus ex rebus sensibilibus, & insensibilibus adæquate componuntur, ut Eucharistia ex speciebus visibilibus, & Christi corpore, quod nullo sensu ibidem potest percipi. Et, quod plus est, invisibilia ipsa, ut corpus Christi in Sacramento, & in Baptismo, aut Ordine character, dicuntur res, ac Sacramentum simul, hoc est, signum, & res significata, etsi Christus sibi invisibilis, & character spirituale quid, ac merè internum.

46 Tum ulterius, quia Missa non est una per meram aggregationem, ut lapides in acervo; sed totum quoddam artificiosè compositum, seu *compaginaturn*, sicut paginae coordinantur in libro, ut utar Gregorii verbo; & tamen non solum constet ex vocibus intelligibiliter prolatis; sed ex orationibus partim vocalibus, partim mentalibus, partim alta voce prolatis, & partim dictis secretè. Tum præterea, quia in contractibus, aliisque dispositionibus sepe una oratio completur ex verbis dictis, ac quibusdam tacitis, quæ ex dispositione juris, aut loquentium consuetudine supplentur, unde illæ vulgares paræmiz dimanarunt: *Taciti, ac expressi eadem est virtus*; &, *conditiones, quæ insunt tacitis, alium conditionalem non reddunt*; id autem nullo jure, aut consuetudine introduci posset, si naturis extremorum repugnaret, & ex dictis, ac non dictis ne-

quiret ad integrari una oratio, cujus expressum, ac tacitum forent partes componentres. Tum denique, quia similis constructio fieri valet (cùm sint signa ejusdem ordinis) ex verbis partim voce ab aliis perceptibili, partim imperceptibili intra os prolatis, ut si quis dicat intelligibiliter, se non fecisse homicidium, submisit interpolando adverbium *beri*; & tamen quæ sic profertur, cùm ab alio audiri nequeant, ut sic nihil ei significant; sed perinde se habent, ac si intra mentem consisterent, quoad effectum informandi illum de tota mente loquentis.

47 Negari itaque non potest, ex genere, ac natura sua nullatenus repugnare, quòd ex terminis partim vocalibus, partim mentalibus tanquam ex partibus se mutuo adjuvantibus, ac suo modo perfectientibus, una oratio ex ipsis mixta à loquente componatur, eamque esse signum sensibile, quamvis altera pars ejus insensibilis sit: ita enim homo à deteriore sui parte sensibilis, ac corporeus dicitur, & ita etiam Sacramenta verè sunt, & merito appellantur signa sensibilia, licet altera eorum pars sensu percipi non valeat. Nec restrictio merè interna, ex eo quòd sit per se occulta, & proinde inepta ad colloquendum cum aliis hominibus, inepta redditur ad componendum cum vocibus unum signum, quo aliquis loquatur hominibus de ea parte objecti, quam voces significant, & secum ipso, aut cum Deo de toto objecto quod in mente habet. Nam sicut orando sæpius nobiscum, aut cum Deo loquimur purè mentaliter, aut purè vocaliter, sic ex utrolibet loquendi modo unam loquutionem mixtam possumus compaginare. Fit autem loquutio interior, seu totalis, seu partialis, formando intra se conceptus vocabulorum significantium ad placitum in eo idiomate, quod quisque novit, sicut efformatur prius quam exterius propaleatur, quod intra cor agitamus, ut quilibet apud se experietur, & rectè explicat P. Suarez tom. 2. de Relig. lib. 1. de orat. cap. 3. num. 13.

48 Quæ cùm ita sint, nequaquam admitti debent, quæ ex opposito principio num. 44. assumebantur. Veritati namque dissonat, ut jam vidimus, voces externas non posse restringi ab addito retento in mente, quia cum eo non possunt unum

unum signum integrare. Nec verius assumitur, cum aliquis negat, se id fecisse, quod licite manifestare non valet, negationem cadere non posse supra factum ut modificatum restrictione merè interna: cadit enim supra totum prædicatum propositionis internæ juxta intentionem loquentis, qui de ea sola loqui intendit, quamvis partem ejus supprimat. Nam hic est unus ex casibus, ubi taciti, & expressi est eadem virtus, juxta paræmiam vulgarem, & quo verba generalia ad evitandum absurdum justa interpretatione restringuntur, & reputantur prolata cum limitatione quadam, etsi earum universalitas apparenter eam excludat. Sic promissiones, si leges vocibus expressæ generalibus, ex. g. *lex non jurandi omnino*, sine mendacio dictæ, aut scriptæ intelliguntur, & cum exceptione tacita, dum per epicheiam postea corriguntur, & menti, ac intentioni proferentium potius statuitur, quam verbis illimitatis. Sicque in sententia contraria negatio explicita sæpius afficit restrictionem merè implicitam, ac voce prolata tacitam, & publica aded submisit dictam, ut quemadmodum Annæ contingebat *1. Regum 1. 13.* loquentis *vox penitus non audiat*. Quocirca etiam quæ scribuntur, possunt restringi, aut ampliari viva voce, quamvis scriptura sit permanens, & vox transiens; immò hoc est longe facilius, cum utraque sit signum sensibile, & vox possit in hominum memoria conservari, ut ita ad posterostranseat.

49 Quod si scripta vocibus restringi valent, mente etiam restringi poterunt, atque ita fit, cum scribuntur voces restrictæ mentaliter, v. g. *ex*, quibus asseruit Christus, se nescire diem judicii, & aliæ similes, quarum mentionem *cap. 2.* facimus. Nam quod restrictio in eo casu sit legentibus occulta, ex dictis nequit obstat: sicut non obstat, quod aliquis scripserit verbis æquivocis falsis in significatione communiter usitata; veris autem in alia extraordinaria intentione ab ipso, quamvis illorum veracitas unice pendeat ex interna, ac per se occulta, & transiente voluntate ipsius, qui iis vocibus uti voluit in eo sensu, & non in alio. Sat est enim ad præcavendum mendacium, quò voces scriptæ, aut prolata à veritate non discrepent in sensu intento ab Audiente, & propterea *SS. PP.*

ibidem laudati semper ad intentionem ipsius, tametsi occultam, confugiunt, ut veracia esse putentur verba in sensu noto falsa.

CAPUT VI.

An semper mentiatur quisquis dicta sua verificare contendit per restrictionem mentalem?

50 **V**idetur semper mentiri, & quod hinc sequitur, nulla ex causa honestari posse hoc genus artificii. quantumvis illo utantur Confessarii, Consilarii, vel Legati Principum, aut quicumque alius, qui directè respondere cogitur ad ea, quæ sibi non licet alteri manifestare. Nam qui contra mentem loquitur, eo ipso mentitur; ita autem se gerit ille, qui dicta sua verificare contendit per restrictionem mentalem. Esto namque in mente habeat, non solum judicium affirmativum, quo dicit, se scire eam rem, de qua est quæstio; sed aliud negativum, quo enunciat, se illam non scire scientia licite manifestabili, id non tollit, quominus dicendo *Nescio* contra judicium affirmativum loquatur. Scire quippe, atque nescire contradictoriè opponuntur, & qui absolutè dicit, se nescire, si verè loquitur, audienti affirmat, se habere in mente judicium universale negativum omnis scientiæ, de qua est sermo, nam aliqui non esset nesciens; sed sciens. Atqui hoc judicium non habet; sed contrarium ejus. Ergo menti suæ contradicit, atque aded incurrit mendacium.

51 Cæterum hoc argumentum omnibus solvendum esse, & contra nos specialiter non militare, sed contra Sacram Scripturam, ubi similia dicta Christi, aliorumque Sanctorum nobis in exemplum proposita passim reperiuntur, patet ex hucusque dictis, præsertim *cap. 4.* Illi autem occurrit optimè Magist. Bafiez ubi suprâ, maxime ad *1. et 4. fol. mibi 291. col. 2.* admonens cum D. Thoma, ut reus in his augustis constitutus utatur *ambibologica loquutione, quæ possit verificari secundum suam mentem*. Nam mentiatur, si intentionem habeat loquendi absque restrictione, quamvis causa subit adiciendi illam. Non mentiatur autem, neque menti suæ repu-

repugnabit, si cum restrictione adjecta loqui intendat, quia scire absolute, & non scire peculiari aliquo modo, contradictoria non sunt; sed simul verificantur. Unde is solus contra mentem loquitur, qui absque ullo addito verificante vult dicere, se nescire, quod novit, aut non fecisse, quod fecit. Nam tunc ea verba significant contradictorium ejus, quod in mente habet, & carentia additi facit, ut sumatur absolute tanquam oratio totalis verificanda in eo sensu, quem verba sic sumpta faciunt. Qui autem talia verba intendit usurpare, non nisi cum addito, & prout illi subsunt, eis non utitur in hoc sensu totali; sed in alio, cujus etiam sunt capacia, scilicet per modum partis cum addito componentis aliam orationem integram ex cujus veritate, aut falsitate aestimetur earum veritas, aut falsitas, non verò ex ipsi acceptis secundum se, ac solitariè.

52 Sed instabis primò. Esto hæc sint vera, cum additum voce profertur, nullatenus sustineri posse, cum in mente retinetur. Quia virtus veracitatis non præcipit conformare mentem menti; sed verba exteriora menti. Atqui conformitas ista inter verba ex una parte, & mentem loquentis ex alia, in hoc casu aperte deficit, cum verba negativa scientiæ, aut facti proferrantur absolute, & absque addito verbali; mens autem non absque addito illud neget; sed cum addito. Ergo deest illa conformitas, quam loquenti præcipit veracitas. Neque enim talia verba conformantur, negativa cum facti, conceptui affirmativo scientiæ, aut facti: nec conceptui negativo, quia ille restrictus est, ac limitatus, v. g. ad factum diei hesternæ; hæc verò, prout ab illo distincta, penitus illimitata. Igitur, inspectis omnibus, nulli conceptui interno conformantur.

53 Respondeo primò. Veracitas, ut prohibita mendacii, conformitatem positivam vocis, ac mentis non præcipit; sed vetat disformitatem, oppositionemque utriusque in significando; in objectione autem confunditur præceptum negativum non loquendi contra mentem, quod propriè ad mendacium spectat, & semper, ac pro semper obligat, cum præcepto affirmativo conformandi verba menti, integre, ac plenè, quod solo silencio infringi potest, & non obligat, cum jus ha-

Theolog. Reform.

bemus occultandi, quod in mente latet. Respondeo secundò, inde non tolli restrictiones vocales merè occultas, imperceptibili scilicet voce prolatas; quia tunc non sola mens menti; sed verba exteriora menti adæquatè conformantur; his autem admissis ut quandoque licitis, ad eas, quæ sunt merè internæ, nullo negotio fit gradus. Nam ex utrisque componi potest una oratio, ut antè vidimus, cujus pars sint verba publica; & quod purè mentales sint audienti occulta, vocalibus etiam officeret, cum ad eò submissè dicuntur, ut vox prorsus non audiat. Quocirca dum ex præcepto affirmativo tenemur palàm, & aperte confiteri veritatem, v. g. quia juridice fit nobis interrogatio, tam non profunt ad evitandum peccatum commissionis, occultationisve illicitæ restrictiones vocales merè occultæ, quàm purè internæ, ac mentales.

54 Respondeo denique, veracitatem non semper præcipere, ut verba exteriora menti adæquatè conformentur: possunt enim conformari inadæquatè, & sicut quandoque per eam licet silere omnino, & nulla verba menti conformia proferre, si etiam quandoque est licitum, immò interdum necessarium ad evitandam perplexitatem conscientie, interrogantem eludere, dicendo quadam, & tacendo alia, ut S. Gregorius cum Clemente præmonerat num. 10. appellatus. Ita autem in præsentī contingit, quia verbum *Non feci* inadæquatè conformatur conceptui interno, immò & vocibus, quibus dicitur *Non feci heri*. Quod verò ad adverbium *heri* supprimitur, partiali huic conformitati non obstat, si intentio loquentis sit uti his vocibus per modum partis expressivæ illius conceptus, & jus habet occultandi alteram. Nam ejusmodi suppressio solum removel totalem conformitatem, cujus defectus non præstat, ut verba opponantur menti neganti cum restrictione, aut quod ejusdem restrictionis negativa sint; sed duntaxat ut interroganti per silentium occultetur, quod absque contrarietate verbi, ac mentis fieri vallet. Aliud enim est tacere, & occultare mentem nostram, vel ex toto, vel ex parte, & aliud ei contradicere. Nam qui tacet, per se loquendo, & ex terminis nihil dicit, ac propterea neque contradicit: impossibile enim est, ut qui non loquitur, de eo

V

quod

quod non loquitur ; contra mentem suam loquamur .

55 Instabis iterum , quamvis ejusmodi verba absque vocali restrictione accepta non contradicant conceptui de negantiale factum cum restrictione , ex hoc ipso necessario resultare oppositionem ipsorum cum conceptu affirmativo facti , quia iste affirmat , quod hæc negat , & utrobique absque addito . Respondeo negando antecedens , quia , ut ex sæpius dictis patet , ejusmodi verba sumpta in sensu inadæquato non opponuntur conceptui illi affirmativo , nec de eo loquuntur , nec significant latere in mente conceptum negativum ei contrarium ; sed tunc solum cum sumuntur in sensu integro , ac totali . Qui autem utitur verbis uno sensu veris , & in alio falsis , non dicit utrumque , nam alioqui simul verum diceret , & mentiretur ; sed id duntaxat , quod vult vi illorum significare , quod si verum sit in sensu ab ipso intento , mendacium præcebebitur , deeritque intentio fallendi , quamvis in sensu ab ipso non intento falsa sit significatio . Atque ita evenit illis , qui utuntur verbis æquivocis , etiam in sensu parum usitato , & his , qui in sensu literali loqui nolunt , sed in sensu mystico , allegorico , parabolico , vel figurato , qui non mentiuntur , quamvis sensus historialis sit falsus , & ea , quæ gesta non sunt , tanquam gesta narrentur , ut eisdem vocibus utar , quibus S. Augustinus rem istam ex professo declarat lib. contramendac. cap. 10. putans , non fuisse mendacia etiam fabulas Æsopi , sicut mendacia non sunt apologi , quibus interdum & Sacra Scriptura utitur , judicium 9. 8. ubi ligna sibi murum loquentia introducuntur , & de Rege deligendo inter se deliberantia .

56 Pendet igitur ex voluntate , ac intentione loquentis , quo sensu verba sua proferat , cum utriusque sensus sunt capacia , & exinde mensurari debet , an juxta , vel contra mentem loquatur ; non verò ex ipsis acceptis præcisè , prout foris sonant , seu secundum se , & abstractè . Unde optimè Jurisconsultus in L. In ambiguo . 3. ff. de rebus dubiis , sic scribebat . In ambiguo sermone non utrumque dicimus ; sed id duntaxat , quod volumus . Itaque quia aliud dicit , quàm vult , neque id dicit , quod vult significat , quia non vult ; neque id , quod

vult , quid id non loquitur . Sed & in jure Canonico eadem regula præscribitur à Cœlestino III. in cap. In his . 15. de verb. signific. ibi : Non debet aliquis considerare verba , (utique nudè , & abstractè) sed voluntatem , cum non intentio verbis , sed verba intentioni debeant deferri . Atque ideò legislatores non mentiuntur , quamvis generaliora verba proferant , quam sit sua intentio obligandi ; sed ex mente ipsorum undecumque deprehensa intelligimus , ea fuisse cum tacita restrictione absque mendacio prolata , ut circa præceptum illud Christi Matthæi 5. 34. Ego autem dico vobis non jurare omnino , ponderabat Augustinus relatus num. 33 .

57 Quare & Sancti Ecclesiæ Patres jam antè adducti , & expensi , & maxime S. Gregorius , Sanctusque Thomas huic uti principio insistent , ut excusent à mendacio plurima verba , quæ alioqui deberent censeri falsa . Unus nunc pro mille fidejubeat S. Augustinus serm. 11. de verbis Domini . cap. 8. ubi notat , in Divinis litteris plura diversimodè , & clausè , ut ait , esse prolata : Ut discamus res verbis , non rebus verba præponere , nihilque aliud in loquente querere , nisi voluntatem , propter quam insinuandam verba promuntur . Quocirca si quis Sacerdos verba consecrationis proferret cum intentione dicendi : Hoc est corpus meum pîctum : re vera non consecraret : nam licet totam formam consecrationis protulerit statim , ac pervenit ad pronomen illud Meum , voluntas ejus non fuit uti eis verbis tanquam oratione integra , & in se completa ; sed ut partibus alterius orationis falsæ : idemque contingeret , quamvis subito obmutescens , vel mutata voluntate , ex qua alia verba processerant , non exprimeret adjectivum pîctum ; sed sisteret in solis aliis . Quod si vice versa totam formam absque addito dicere voluisset , quamvis verbis jam prolatis , mutata voluntate in continenti adderet , pîctum , ea mutatio veritati consecrationis non obstaret .

58 Instabis 3. Cum quis absque idonea causa loquitur cum restrictione merè interna , re vera mentitur , nam alioqui nunquam mentiretur , nec adjecto juramento esset perjurus , qui loquitur cum restrictione mentali . Et tamen ille etiam potest uti hoc ipso artificio componendi verba in-

ba interna cum externis, & utendi his per modum partis. Ergo illud per se non sufficit ad evitandum mendacium. Sed instatur argumentum, non solum quia sæpe ex causa licitum reddi solet, quod alioqui esset illicitum, ut jurare, aut occultare mentem nostram utendo verbis æquivocis, verum etiam, quia in hac ipsa materia, qui sine causa dicit, se nescire, quod novit, mentitur juxta adversarios; & nihilominus etiam juxta ipsos non mentitur, si compulsus ad loquendum idem dicat ad secretum naturale servandum.

59 Respondeo deinde concedendo ex dictis *differt. 14. maxime cap. 6.* cum, qui hujusmodi artificio utitur, nulla idonea causa id exigente, certissime peccare, atque mentiri, saltem moraliter, & reductivè; immò omnino propriè, atque in rigore physico, ut à *num. 52.* ibidem ostendebatur: fallaciter enim loquitur, & dum indebitè restrictionem occultat, illam pro non adjecta haberi facit. Nego tamen, idem esse, cum idonea causa subest permittendi deceptionem alterius, & non manifestandi mentem suam, nisi ex parte. Ratio autem disparitatis est, ut alias prætermittam, quæ ex ibidem dictis sumi valent: quia sic loquens, deficientem gravi causa, ideò mentitur, quia simulat se loqui veraciter, cum legibus veracitatis contradicat, sive affirmativè præcipientibus integram conformitatem verbi, ac mentis in illis circumstantiis, seu negativè prohibentibus occultationes merè voluntarias restrictionum verificantium dicta nostra, ne proximi deceptio contingat occasione à nobis data. Is verò, cui causa favet occultandi ex parte mentem suam, haud immerito significare potest, se loqui veraciter, & in actu exercitò id affirmat. Quia neque ex præcepto affirmativo loquendi sincère, accedidit tunc tenetur totam mentem suam cum præjudicio secreti integrè manifestare; neque ex præcepto negativo non decipiendi proximum, nam deceptio illius, si fortè eveniat, non est data, sed accepta, atque permessa duntaxat; neque demum ex præcepto non mentiendi, quia contra mentem non loquitur, sed juxta illam, tametsi inadæquatè, & verba ipsius sunt veracia in oratione totali, quam simul cum restrictione componunt, licet

judicio humano falsa appareant, quia considerantur superficie tenus, & prout foris sonant; non verò secundum intentionem loquentis, & sicut prodeunt ex intimis cordis nostri penetralibus.

C A P U T VII.

Cur mendacium nulla ex causa liceat; secus autem loquutio verificata per restrictionem tacitam, occultève prolata?

60 **H**Uic difficultati insitit præ cæteris Card. de Lugo *disp. 4. de Fide. num. 62.* esto enim puer, subtilique ratione confirmet *num. 65.* in prædictis loquutionibus non inveniri mendacium formaliter, ac propriè tale; sed solum materiale, ac improprium, nihilominus contendit frustra jure naturali veritum fuisse mendacium quacumque ex causa prolata, si ejusmodi loquutiones liceant. Usus namque illarum eodem modo, quo mendacium, impedit fidem audientium, & tollit auctoritatem loquentium, & cum nullo externo signo ab illo discernantur, per quæ decipiunt proximum, ac si mendaciter prolatae essent. Ergo sicut naturale præceptum non mentiendi semper, ac pro semper obligat, & tam comprehendit mendacia dicta sine causa, quam prolata ex illa quantumcumque honesta, aut necessaria fingatur, ita pariter præceptum non utendi loquutionibus mente restrictis. Nam in casu, quo illæ licent, prohibitio mendacii omnino inutilis esset, satiusque propterea foret illud non prohibere in istis circumstantiis, quam eo vetito, permittere alterum loquendi modum ipsi penitus assimilem, & prorsus æquipollentem.

61 Cæterum hoc argumentum multipliciter retorquetur, & inflatur. Tum ex his, quæ proposuimus *cap. 4.* quia id ipsum opponi posset praxi contrariæ sententiæ, cum ab hac nostra non differat; sed idem sit in utraque modus eludendi audientes, eademque verba, dum occurrit necessitas occultandi secretum, & indirectè respondendi his, qui de illo sciscitantur. Tum quia non sequuntur alia, nec majora incommoda contra fidem adhibendam ab audientibus, aut contra auctoritatem loquentium ex restrictione mentali, quam ex eo, quod quis loqua-

tur verbis falsis in sensu litterali, ac noto audientibus; sed veris in sensu mystico, vel figurato dependente ex sola voluntate illius, ac prorsus ignoto cæteris. Et nihilominus is modus loquendi, etsi primo aspectu mendax videatur, ex causa non est prohibitus; sed verax juxta intentionem loquentis, & in Divinis etiam litteris frequenter usitatus ab illis, qui commendantur de perfectione virtutis, & nobis proponuntur in exemplum; immò & ab ipso Christo, cum finxit, se longius ire, & dum interrogabat quasi nesciens, an eum aliquis tetigerit, vel ubi Lazarus sepultus fuerit. De quo plenè *cap. 2.* maxime ex *num. 14.* cum Augustino, S. Thoma, & aliis Patribus, quin exinde deducatur, quoties licet occultare mentem propriam eo modo significandi, etiam mendacium licet.

62 Tum præterea, quia generalis prohibitio mendacii in quocumque eventu nequit reputari inutilis ex eo, quòd interdum liceat uti verbis adeò ambiguis, ut loquutio verax à mendaci nequeat exterius discerni. Ita enim evenit, dum quis utitur verbis æquivocis in una significatione falsis, & in alia veris: neque enim dicit utrumque; sed quod vult. Quid autem velit, occultum est, cum nullo externo signo discernatur, sed ex merè interna voluntate ipsius unice pendeat. Tum demum, quia suffragante idonea causa, etiam licet, quin proinde liceat mendacium, usurpare verba ambigua, & contra mentem audientis, & in significatione valde extraordinaria, quam ipse forsitan nescit: ut si quis innocens in domo absconditus queratur à satellitibus puniendus ut malefactor, & interrogantibus, utrum sit domi, respondeat alius, non esse, accipiendo verbum *esse* pro *comedere*, ut quandoque à Latinis usurpatur. Porro quidquid est incommodi in restrictione mentali, in istis etiam occultationibus cernitur. Nam re vera usus illius ad intentionem loquentis, & ambiguitatem vocis revocatur, quæ duas habet significationes, modòve significandi, quorum unus verus est, & alter falsus. Verus, cum voces sumuntur tanquam oratio partialis; falsus autem, cum sumuntur tanquam oratio completa, & juxta diversum modum menti suæ adequatum, vel inadæquatum, quo loquens eis uti intendit, nunc licet

te, nunc illicitæ censerì possunt, ut aliis ambiguis evenit.

63 Respondeo insuper, non frustra prohibitum esse mendacium, etiam prolarum ex quacumque gravi causa, quamvis mentalis restrictio ex eadem causa honestetur. Quia mendacium intrinsecè malum est, & à se omninò inseparabilem oppositionem continet cum societate humana, sicut furtum, homicidium, detractio, scandalizatio, aut supplantatio alterius. Quæ omnia præceptis negativis prohibentur, & semper, ac pro semper vetantur, licet causa idonea interdum faciat, ut actiones eis aliquòd oppositæ, non jam oppositæ, sed licitæ censcantur, & malitiam omnem evuant. Sic nunquam furari licet ex quacumque causa, aut in quacumque necessitate; & nihilominus in necessitate extrema licet rem alienam sibi assumere, non quia tunc furari liceat; sed quia talis acceptio non est furtum in illis circumstantiis. Similiter nunquam licet detrudere famæ alienæ, etiam ex causa; sed tamen facit, ut detectio alieni criminis, & notitia illius alteri communicata, quæ aliqui foret detractio, nec sit detractio, nec actio ulli malitiæ subjecta. Pariterque in homicidio, scandalo, vel deceptione activa proximi contingit, quin frustra adhibeantur ea præcepta. Ita ergo evenire dicimus, cum verba aliqui mendacia, aut fallacia proferuntur ad evitandam perplexitatem conscientiæ, aut ex alia causa gravi, & restrictio verificativa ipsorum occultatur: id enim licet, non quia causa faciat, ut mendacium, vel deceptio activa proximi liceant; sed quia præstat, ut mendacium, aut fallacia non sit, quòd aliàs mendacium, vel fallacia esset.

64 Jam verò quòd actus mentiendi intrinsecè malus sit, & ex nulla causa coherens, exinde planè suadet, quia in conceptu suo essentiali, ultra vocis significationem falsam in existimationem loquentis, importat intentionem fallendi, ut ex recepta ipsius definitione patet. Nam culpa mentientis est in enunciando animo suo fallendi cupiditas, & quia nullus esse potest bonus deceptor aliorum, idèò nullum genus mendacii dari potest excusabile à peccato, ut disertis verbis

S. Au-

S. Augustinus proponebat *differt. 14. num. 20. & num. 52.* appellatus. Atqui fallendi cupiditas, seu voluntas decipiendi proximum semper, & in omni eventu torpis est, sicut decipere, ac fallere, quod est opus, seu objectum ejus. Ergo mendacium includens in suo conceptu formali ejusmodi voluntatem semper erit turpe intrinsecè, quin ulla de causa valeat illam malitiam exuere, qua societati creaturarum rationalium nocet, tollitque confidentiam illam mutuam, qui inter se debent tractare, & dictis aliorum fidere. Quod si aliquando illam exuit, & fallendi voluntate destruitur, eo ipso desinet esse mendacium, deficiente scilicet constitutivo illo, quod in conceptu ipsius est principalis, nam ut S. Thomas scribit *quodlibet. 6. art. 17. corpore*: Peccatum mendacii principaliter consistit in intentione fallendi.

65 Et hinc est, ut ejus usus semper sit pravius abusus repugnans primario fini, atque institutioni signorum. Quia verba sunt instituta, non per quæ se invicem homines fallant; sed per quæ in alterius quisque notitiam cogitationes suas proferat, ut tradit, & fufius prosequitur S. Augustinus in *Enchirid. ad Laurent. cap. 22.* Atque ex eo ipso insistente eisdem principiis *lib. 1. de Doctrin. Christ. cap. 36.* aliam rationem generalem fumere possumus, quam hisce verbis syllogisticè describit. *Nemo mentiens, in eo quod mentitur, servat fidem: nam hoc utique vult, ut cui mentitur, fidem sibi habeat, quam tamen ei mentiendo non servat. Omnis autem fidei violator iniquus est. Aut igitur iniquitas utilis est aliquando, quod fieri non potest, aut mendacium semper inutile est.*

66 Quo tandem patet, rationem prohibendi semper mendacium loquutionibus mente restrictis accommodari non posse pari generalitate. Accommodabitur quidem, quoties illæ proferuntur cum intentione fallendi, & tunc eadem erit ratio, eademque incommoda civilis conversationis, ac par signorum abusus repugnans fini primario, propter quem sunt instituta, semperque ibidem violabitur præceptum non decipiendi proximum ex conceptu suo latius patens, quam præceptum non mentiendi; sed obligationis valde assimilis, ut *differt. 14. à num. 30.* declarabam. Cæterum hoc est discrimen,

quod mendacium à voluntate fallendi nunquam separari valet, quia culpa mentientis est fallendi cupiditas, & nemo mentitur, nisi velit falsum dicere tanquam sibi verum, atque fide dignum apud alios. Loquutio autem mentaliter restricta neque ex conceptu suo importat fallendi cupiditatem, nec cum ipsa inseparabiliter connectitur. Nam qui sic loquitur, non vult dicere falsum sibi notum, aut contradicere ulli judicio verò ex illis, quæ in mente habet; sed potius vult dicere verum, quamvis inadæquatè duntaxat, supprimendo alteram partem suæ orationis non intentione fallendi; sed solummodo occultandi factum, cujus reticendi obligationem, aut idoneam causam habet, & occultari non potest, nisi restrictio occultetur.

67 Sed obiicies 1. Intentio occultandi veritatem, quam licetè manifestare non possumus, etiam compulsi, non tollit voluntatem fallendi: nam aliqui nullatenus mentiretur, qui ad aliquod secretum occultandum, vel ne sua propria confessione vincatur, proferret verba significativa falsi, quin ullum additum verum mentale, vel vocale eisdem adjungeret. Sed, retenta voluntate fallendi, semper peccatum committitur, vel mendacii, vel fallaciæ contradicentis præcepto non decipiendi proximum. Ergo hæc species peccati nunquam decrit, quamvis loquutio mentaliter restricta contingat ex fine adimplendi debitum occultandæ veritatis.

68 Respondeo concedendo, ejusmodi intentionem non tollere voluntatem fallendi; sed cum ea componi posse: nam sæpè homines mendacii utuntur ad sua secreta occultanda, & ad honestam intentionem implendam eligunt media ex se prava. Fateor etiam, quoties retinetur voluntas fallendi, retineri etiam peccatum mendacii, aut, quod ei æquivallet, eandemque malitiam continet, peccatum fallaciæ contrarium præcepto non decipiendi proximum. Nego tamen, illam retineri, cum ad occultandam veritatem, quam licetè, & absque magno præjudicio manifestare non possumus, & indebitè ad respondendum adigimur, eligimus tanquam medium partem aliquam nostri conceptus exprimere, & restrictionem

ejus occultare. Tunc enim neque menti-
mur, neque deceptio alterius est nobis im-
putabilis, qui cum tanto incommodo illam
evitare non teneamur; sed jure defensionis,
ut sic loquar, ei permittimus, ut se ipsum
fallat, eligendo ex duobus modis signifi-
candi, quos habere potest vox illa *Non feci*,
quorum unus adæquatus est menti lo-
quentis, & alter inadæquatus, cum, qui
inadæquatus est, alio relicto; ut accidit in
æquivocis habentibus plures sensus, alium
publicum, alium occultum, aut plura si-
gnificantibus, quorum unum vult dicere
loquens, & aliud intelligit audiens.

69 Obiicies 2. Ad peccatum fallaciæ ar-
tificiose non requiritur intentio formalis,
aut voluntas directa decipiendi; sed sufficit
interpretativa, & indirecta, sicut satis est
ad scandalum, detractionem, aut menda-
cium, licet positivè, atque directè non ame-
tur ruina moralis, infamia, aut deceptio
alterius. Sed voluntas indirecta, aut inter-
pretativa fallendi semper, & ubique invol-
vitur in voluntate loquendi cum restrictio-
ne mentali: neque enim separabilis est,
aut distincta à voluntate proferendi voces
ex sua propria impositione significativas fal-
si. Ergo sola voluntas sic loquendi insepa-
rabiliter importat eam voluntatem, quæ re-
quiritur, & sufficit ad violandam prohibi-
tionem non fallendi. Confirmatur. Quia
negari nequit, cum, qui dicta sua verificat
ex restrictione mentali, & scienter loqui
contra mentem audientis, & ei præbere ma-
gnam occasionem errandi, & uti verbis ha-
bentibus maximam speciem mendacii, cum
nihil ab illis differant, quibus uteretur
mentiens. Ergo, siue mentiatur propriè,
& in rigore, siue non mentiatur, semper il-
licite agit, & violabit naturale præceptum
non fallendi.

70 Respondeo, solutionem constare ex
dictis *suprà* num. 27. & 28. ac plenius tradi-
tis *dissert.* 14. à num. 33. Unde, concessa ma-
jori, nego minorem cum sua probatione,
quia voluntas proferendi voces, uno modo
significativas falsi, & alio modo significati-
vas veri, non semper secum importat vo-
luntatem decipiendi, etiam interpretati-
vam; sed ab ea distinguui, ac separari valet,
quoties iusta causa subest deludendi nostra
responsione proximum, & permittendi de-
ceptionem ejus. Nam quod in genere id li-
ceat, ostendunt stratagemata bellica, &

facta, ac dicta Christi, atque Sanctorum;
unde clarè prævidebant futurum, ut alii er-
rarent, quia latentem eorum sensum, my-
sticum, aut figuratum, in quo solo verifi-
cabantur, neque ex vi verborum, neque ex
aliis circumstantiis sibi notis tunc poterant
conjectare; sed duntaxat sensum litteralem
subsequi.

71 Ad confirmationem fateor, ea omnia
contingere, dum quis utitur restrictione
mentali absque valde idonea causa, & ideo,
cùm illa deficit, semper abstinendum esse
ab ejusmodi artificio, siue ejusmodi obliga-
tio oriatur ex præcepto non mentiendo, siue
ex præcepto non decipiendi proximum, siue
ex præcepto affirmativo utendi signis exter-
nis ea simplicitate, ac candore, quem pos-
tulat civilis societas, & commercii humani
fides. Cæterum neque his præceptis ad ve-
racitatem peculiariter spectantibus, neque
ullo alio tenemur semper loqui juxta men-
tem alterius, neque abstinere ab his lo-
quendi modis, unde alii sumunt occasio-
nem errandi ex malitia, aut ignorantia, ne-
que præcavere ea signa, quæ superficialiter
considerata important mendacii speciem;
sed ex causa hæc omnia licent, & mali ra-
tionem exiunt: sicut contingit in scandalo,
ubi eadem omnino actio, quæ operanti im-
putaretur ad peccatum, si absque iusta cau-
sa fieret, ob causam præponderantem scan-
dali esse desinit, ac nulli malitiæ subest.
Neque amplius opus est in istis immorari,
cùm eadem in praxi contingant, etiam con-
trariæ sententiæ, & sæpè aliàs inveniuntur
sine piaculo exercita, ut planè habetur ex
hucusque dictis, atque confirmatis tot in-
stantiis, & exemplis.

72 Atque ex eis tandem concludes contra
P. Arriaga *disp. 4. de Fide* num. 76 quæ dixi-
mus de restrictione mentali, non solum ha-
bere locum in propositionibus negativis,
quales sunt *Nescio*, aut *Non feci*; verum
etiam in affirmativis. Affirmativa enim erat
illa, qua dixit Jacob, se esse Esau primoge-
nitum Isaac, & qua Raphael Archangelus
asseruit Tobiz, se esse filium Ananiz. Qui
certè mentiti essent, si absque ullo addito,
tam externo, quàm interno, talia verba di-
cere voluissent. Ideo autem mentiti non
sunt, quia Jacob in mente retinebat, se Di-
vinæ electionis, ac privilegio esse primoge-
nitum Isaac; Raphael verò, se esse filium
Ananiz repræsentativè, ac improprie. Uter-
que

que autem alteram huius sui conceptus partem, etsi apparenter falsam, verbis expressit, & alteram ex causa idonea interius occultavit. Et similiter, quamvis certò præviderent, Tobiam, & Isaac esse erraturos, quia penitus ignorabant restrictionem, aut causam restringendi prædictas affirmationes; adhuc illi deceptores non fuerunt, nec simulatores dolosi, aut violatores candoris humano commercio debiti. Quippe neque totam mentem suam aperire tenebantur, neque abstinere ab expressione partiali sui conceptus, ut aliorum errorem impedirent; sed cum permittere poterant, cum causa adeò iusta suberat non propalandi mysticismum, quod tacite gerebatur.

C A P U T VIII.

Utrum supradictis obstat condemnatio Pontificia?

73 **S**I vel leviter obstat suspicarer, ego met ipsa comburerem, nullius iustione expectata. Sed non obstat persuaderi primò. Quia scopus Pontificis non fuit damnare opiniones communi Doctorum calculo post diligens examen ab antiquo receptas tanquam probabiles, securasque in praxi; sed quasdam alias noviter adinventas, aut noviter suscitatas, cum jam essent antiquæ: ita enim expressis verbis habetur in decreto Alexandri VII. edito die 24. Septembris anno 1665. cuius salubre opus voluit continuare Innocentius XI. ut ipse testatur in decreto, de quo loquimur, ubi prædictam propositionem confixit simul cum aliis. At quòd in aliquo casu urgentis necessitatis, aut vexationis iniquæ, cui absque incommodo gravi, proptio, vel alieno, aliter occurri nequit, liceant restrictiones tacitæ, occultæ, aut mente retentæ, etiam iuratæ, non est opinio noviter inventa, nec noviter suscitata; sed valde antiqua, & nunquam antiquata; immò jugi continuatione defensa ab auctoribus maximi nominis post diligens, & accuratum examen, ut ex his, quos appellavimus *cap. 1. per totum* affatim constare potest. Non ergo censura subjacet prædicta opinio cum illis moderationibus, quibus fuit à nobis tradita.

74 Secundò, quia eadem opinio grave fundamentum habet acceptum ex Sacris litteris, & auctoritate Patrum, præsertim

Augustini, Gregorii, atque D. Thomæ; quibus eam tribuunt plerique ex auctoribus antea laudatis. Non est autem verisimile, opinionem totè testimonio omni exceptione majorum auctoritate vallatam Pontificia censura inusum esse. Neque credibile est, tot graves Auctores, qui illos in hoc sensu intellexerunt, eisdem attribuisse doctrinam scandalosam, & perniciosam in praxi, vel legisse eos adeò oscitanter, ut ne probabiliter quidem eorum mentem assequuti fuerint. Tentarunt aliqui eorum verba exponere; sed plerisque aliis, qui rem postea examinarunt, minimè satisfecerunt. Nos etiam de novo addidimus alia non pauca, quæ fortasse videbuntur non esse parvi momenti, si questio restringatur ad eos terminos, intra quos est disputata, & ponatur tanquam certum, restrictiones merè voluntarias, aut præponderante causa destitutas semper esse illicitas, atque præceptis veritatis oppositas; immò in rigore mendaces.

75 Tertiò, quia, ut constat ex dictis, præsertim *cap. 4.* & jam alii Scriptores prænotaverant, opinio affirmans, & negans non differunt quoad praxim externam; sed eisdem omnino verbis uti indulgent Confessariis, Confiliariis, aut Legatis Principum, reus inique interrogatis, & aliis, qui constringuntur iusta necessitate respondendi, & occultandi secretum, quod in mente ipsorum latet. Fieri autem non potest, ut ex duabus opinionibus, quæ non differunt in praxi, una sit in praxi perniciosas; altera verò non item. Quare vel utraque opinio sub hac nota erit prohibita, vel neutra notari debuit. Atqui utramque esse notatam, & sub præcepto prohibitam, ne ullo in casu ad praxim deducatur, ex his, in quibus conveniant, nequaquam admitti valet. Ergo potius dici debet, neutram tali nota fuisse inusum; sed apud omnes ratum esse debet, in quibusdam eventibus talem praxim esse licitam, & solum erit notandus abusus, & magna laxitas, quæ apud nonnullos subrepsit circa sufficientiam causæ.

76 Quartò suadetur ex dictis *differt. 14. cap. 1.* ubi ostendimus, Pontificem non damnasse mendacii, atque perjurii casus singulos sub confixa thesi comprehensos; sed universalem, quæ asserebat, loquutiones addita mentis restrictione veras, ac iuramento firmatas, ex quocumque fine, aut causa fient, neque mendacii malitiam, neque

neque perjurii contrahere. Porro nos propositionem istam, sicut jacet, non tuemur; sed ejus contradictoriam ut certissimam pro viribus defensamus, ostendimusque ex professo *ibidem cap. 3.* in primis illos mentiri, & propriè, atque in rigore dejerare, qui ex intentione fallendi, aut directè voluntate decipiendi proximum, vel inducendi ad mendacium abutuntur eo artificio, quamvis id faciant ex causa. Ostendimus præterea *ibi cap. 4. ac deinceps*, idem omnino contingere, cum mediante restrictione veritas occultatur, quæ ex præcepto affirmativo fidei, obedientiæ, justitiæ, aut alterius virtutis candidè, ac integrè debebat manifestari. Et insuper adjecimus, nunquam absque falsitate, etque sufficiente ad perjurium (si juramentum addatur) contingere ejusmodi restrictiones, cum in vanum exercentur, spontè, recreationis ergo, vel ex turpi, aut levi causa. Et propterea sicut ad juramenti honestatem, ac ne in perjurium degeneret, tres comites exiguntur, nempe veritas, justitia, & judicium, ita pariter ad honestatem cujusvis restrictionis occultatæ his, quibus loquimur verbis sine restrictione falsis, tres alios comites valdè similes exigimus, quorum nullum postulabat thesis damnata. Immo neque restrictiones purè mentales nominatim exprimit, nec ad verbio purè utitur; sed de mentalibus generaliter loquitur, omnesque excusat à mendacio, & à perjurio, abstrahendo ab eo, quòd sint, aut non sint purè mentales, cum alioqui, juxta dicta, etiam quamplurimæ, ex illis, quæ purè mentales non sunt, sint prorsus inexcusabiles.

77 Unde fit, ut earum usus passim obvius esse nequeat in convictu familiari. Neque enim passim concurrunt tres comites necessarii; sed adeò infrequenter, ut meritò dici debeat, non licere regulariter. Vel enim simplicitas deficit, qua voluntas decipiendi secludatur. Vel justitia, ne occultetur, quod debet manifestari ex præcepto affirmativo alicujus virtutis. Vel judicium discretionis, quo sine necessitate non fiat; neque ex causa levi, sed ex gravi. Ac lon-

gè rarius licebit ejusmodi loquutiones juramento confirmare. Nam, si mendaces sunt, perjurium erit strictè, ac rigorosè tale. Si autem veraciter sunt, quia subest idonea causa; adhuc frequenter continget, ut juramenti adjectione speciale peccatum committatur. Neque enim causa, quæ sufficit ad verum dicendum, sufficiens est ad jurandum, sed nova alia, majorque necessitas ad juramentum exigitur, qua deficiente, jurare peccatum contra religionem erit, si ve perjurium dicatur, si ve alio quovis nomine explicetur. Et, si sola necessitas ipsius deficiat, non erit grave peccatum.

78 Absolutè autem, quoties justa causa deficit loquendi cum restrictione mentali, perjurium erit adicere juramentum ad talem loquutionem apud alios comprobendam. Vel quia mendacium propriè, ac rigorosè tale ibi invenitur, cum ille simulet, se loqui veraciter, dum leges veracitatis infringit, ut jam antea fuit ostensum. Vel quia ad perjurium propriè tale non requiritur rigorosum, strictumque mendacium consistens in loquutione contra mentem; sed sat est ad deceptionem aliorum juramenti religione abuti, aut falsum jurare falsitate quadam analogica, qualis invenitur juxta S. Thomam in juramentis injustis, temerariis, aut incautis. Vel denique quia perjurium propria, quamvis minus stricta, significatione appellatur omne juramentum illicitum, tam defectu veritatis, quam necessitatis, aut justitiæ, ut voluit S. Hieronymus, cui S. Thomas subscripsit, tum alibi, tum *lib. 3. ad Hannibaldum, dist. 39. qu. 1. art. 1. corp.* his verbis: *Perjurium dicitur juramentum inordinatum.* Eodemque modo loquuntur Sylvester, & Angelus, quos Sanchez refert *ubi suprà num. 13.*

79 Quocirca minis errasset thesis damnata, si diceret, eos, qui juramento affirmant loquutiones sola mentis restrictione veras, tamen nunquam mentiantur, multoties esse perjuros. Sed de his, & plerisque concernentibus integra *dissert. 15.* fuit copiosè disputatum.

DISSERTATIO XVI.

DE CAUSA REDDENTE LICITUM USUM restrictionum mentalium.

Circa hanc causam sapius errare contingit : nam quod minor à nonnullis exigitur , eò major licentia conceditur utendi istis restrictionibus in præjudicium conversationis humana , ac societatis civilis , & propterea sequenti propositione ordine 27. excessus , qui in assignatione illius apud quosdam invaluerat , in decreto Pontificio nominatim profigitur .

CAPUT PRIMUM.

Offenditur , non causam pro causa in hoc puncto sapius assignatam esse .

Impigit in istum scopulum thesif , cujus expositionem auspicamur , eamque propterea nimis laxam dixerat , antequam condemnaretur , strenuus aliqui mentalium restrictionem defensor P. Martinus Bresserus lib. 5. de conscient. cap. 19. num. 186. Porro verba thesifos sic se habent : *Causa iusta utendi his amphibologiis est , quoties id necessarium , aut utile est ad salutem corporis , bonorem , res familiares tuendas , vel ad quemlibet alium virtutis actum : ita ut veritatis occultatio censeatur tunc expediens , & studiosa .*

2 Idipsum litteraliter habetur apud Sanchez lib. 3. in Decalog. cap. 6. num. 19. Laurentium Portel in dubiis regular. verb. Juramentum in addit. num. 11. Diana p. 2. tr. 15. resol. 25. & ferè litteraliter apud Conradum in respons. casuum consc. 1. p. q. 137. ubi ait , neminem , qui gratia salutis anime , vel corporis , pietatis , utilitatis , vel alterius necessitatis , utitur ejusmodi amphibologia , mentiri , neque peccare peccato mendacii , etiam quod juramentum addatur : semperque ibidem supponit , ex his causis id licere . Leguntur etiam apud quosdam alios verba æquipollentia istis , omnesque nominatim profitentur , se profecisse ex Navarro tanquam antiquiore , ac præcipuo assignano ejus doctrinæ , in cap. Humana aures. qu. 2. num. 10. ubi hæc scribit : *Causa salutis animi , corporis , bonoris , immo & rei familiaris , &*

cujuscumque alterius actus virtutis , potest quis uti verbis amphibologicis , ac duplicibus .

3 Notandum tamen est , ne in materia amphibologiz amphibologia ipsa hallucinemur , thesifm damnatam specialiter , ac determinatè loqui de amphibologia mentali juramento confirmata . Quia pronomen illud *his* , quo initio utitur , non potest referri ad alias , nisi ad eas amphibologias , quarum mentio immediatè antea præcesserat ; non præcesserat autem nisi illarum , quas juramentum confirmat , & verificat additum in mente retentum . Nam earum , quæ consistunt in usu vocis habentis plures significationes integras ex impositione hominum , ut vox *canis* , nulla mentio erat in decreto facta . De eisdem etiam clarè loquitur Navarro suprà q. 1. num. 9. ante fin. ubi propter easdem causas illas excusari censet , necnon Portel , Diana , & Conradus . De P. Sanctio autem res est dubia : quia ad utrumque amphibologiz modum justam causam prærequirit , ut constet ex nu. 16. & inspecto toto illius contextu , ac corollariis haudquaquam liquet , an iustas censuerit omnes ad internarum restrictionum usum , quæ sufficiunt ad usum externarum , & maximè cum n. 17. ad internas prærequirat , ut non pateat alia via se tuendi .

4 Cujus cujus tamen sit ista doctrina , inde patet , meritò proscriptam esse , quia non postulat majorem causam ad usum licitum restrictionum mentalium , quam requiritur ad veritatem utiliter , & studiosè occultandam , ut finalia illa verba manifestant , quæ sunt declarativa ceterorum : *Ita ut veritatis occultatio censeatur tunc expediens , ac studiosa .* Hoc autem à recto tramite mortum evidentiùs deviat . Nam occultatio veritatis ,

tatis, esto expediens sit, atque studiosa, sapere obtineri potest per silentium, & tunc maxime cum nullus interrogat; sed quis sua se sponte ingerit ad loquendum; immo & cum interrogatur, si divertendo conversationem, vel respondendo: *Quid ad te?* vel alio modo simili, possit absque gravi incommodo non proderet suum secretum.

5 Porro, quoties alia media suppetunt occultandi veritatem, quam revelare non expedit, illicitum est hoc peculiare medium loquutionum mente restrictarum usurpare ad eum finem obtinendum. Habet enim speciem mali, à qua abstinere debemus juxta præceptum Apostoli, dum causa præponderans deficit: tollit etiam utilitatem credendi verbis aliorum, ut exterius jacent, & ad instar perjurii, atque mendacii periculo deceptionis, ac erroris exponit mentem audientium, quos lege simplicitatis ab his malis debemus præservare, si absque notabili incommodo id possumus exhibere. Unde & illorum deceptio nobis merito imputabitur, qui illius occasionem damus, cum proclive esset alia via nostrum jus illarum præservare, & non præbere offensivum, unde ruat mens ipsorum: nam sicut peccatum est ruina voluntatis, sic error est ruina intellectus.

6 Patet 2. ex illis Theos. verbis: *Quoties id est necessarium vel utile.* Disjunctiva enim sunt, & quod hinc sequitur, solam utilitatem restrictionum occultarum ad licitum ipsarum usum sufficere statuunt, quamvis necessitas desit. Hoc autem aperte est absonum, & noxium vitæ sociali, quia frequentissimam facit harum restrictionum praxim, cum utilitas ipsarum ad honorem, aliosque fines ibi designatos absque necessitate passim detur. Porro eas non esse passim usurpandas in rationali convictu, sed ad instar difficilis, ac dolorosi remedium nocentis, cum absque necessitate applicatur, communis est omnium proborum sensus, & propterea ex mente ipsorum, *dissert. 14. cap. 4. §. 5.* ex professio ostendebatur, restrictiones merè voluntarias semper illicitas esse. Merè autem voluntariæ sunt illæ, quæ ob solam utilitatem amantur absque necessitate congruenti. Unde, quamvis utiles appareant ad salutem, vel honorem, aut rem familiarem tuendam, vel ad aliquem virtutis actum, non ideo licet eis, & longè minus juramento confirmare,

cum synceriori alia via idem finis potest obtineri.

7 Et quidem si finis ipse studiosus non sit, sed otiosus, aut superfluous, ut jocis, ac recreationibus sæpius contingit, nihil proderit, quòd ad illum obtinendum restrictio necessaria videatur, quia homo sua se culpa coniciit in talem necessitatem, & satius est ab ea intentione desistere, quam illam obtinere per hoc medium. Si verò sit studiosus, & suppetant alia media, hujus electio præ aliis merè voluntaria erit, atque adeò illicita, & turpis, eisdemque incommotis subjacens, quibus alia hujusce generis. Quare ut minimum desiderari debet, ut restrictio penitus occulta liceat, quòd necessaria sit, aut certè longè utilior ad tuitionem honoris, similiumque bonorum, non quamcumque; sed aliquam justam, & commensuratum regulis tutelæ inculpatæ. Ac in hoc itidem peccat propositio damnata, quia de tuitione honoris, aliorumque bonorum absolute loquitur, & justam ab injusta non separat, nec debitam ab indebita; sed omnes commiscet pariter, cum alia longè sit ratio, v.g. de tuitione honoris ab iniqua vexatione alterius, quam de aliis.

8 Patet 3. Quia thesis non distinguit inter fines parvi, & majoris momenti; ubi autem ea non distinguit, neque nos distinguere debemus; sed ipsam sumere, ut jacet, & in illa generalitate intelligere, quam sua verba præferunt. Ut sic verò juxta ipsam licitum cuilibet erit uti restrictionibus, etiam juratis, merè internis, aut omnino occultis ad quamvis levem reprehensionem, poenam, aut erubescentiam declinandam, atque ad tenuissimam famæ jacturam, vel honoris, reive familiaris excludendam; immò & ad augenda hæc bona, & lucrum aliqui justum, licet valde exiguum sit, aut consequibile per alia media, ex restrictione captandum. Quippe illa ad hos omnes fines conducens videri potest, sicut conducit mendacium, & aliunde sola ejus utilitas non sufficit, cum nec satis sit necessitas (si necessitas propriè dici valet) ad leviusculam ista incommoda evitanda, vel commoda perquirenda, ut opportunè adnotarunt Bresserus, atque Raymaudus appellandi paulò inferius.

9 Etenim causa justificans capiosum hunc modum loquendi, saltem debet esse talis, ut præponderet bono reventæ simplicitatis.

eitatis, ac candoris institutioni signorum, & convictui humano debiti ex præcepto affirmativo præservandi alios ab errore, aut ex negativo eos non decipiendi. Porro levidentia ista tali bono non præponderant, & sæpius neque sufficiunt ad utendum licitè verbis ambiguis ex permanenti hominum impositione, esto minor causa requiratur ad illorum usum, quàm ad usum vocum, quas verificat restrictio interna: majus enim periculum seducendi alios in his latet, necnon major species mali, & propterea plus cavendi debent, vel cum solæ sunt, & longè ampliùs, cum credibiliores fiunt adjectione juramenti.

CAPUT II.

Quanam causa idonea, atque sufficiens reputari debeat ad praxim licitam restrictionum occultarum?

10 **H**onestam, ac præponderantem bono loquendi candidè, ad mentemque aliorum, sufficientem, ac idoneam reputat P. Raynaudus tom. 14. tr. de restrict. ment. cap. 5. nu. 1. & tom. 18. de Missis Evangel. ad Sinas. p. 2. cap. 1. post med. Bresserus autem ubi suprà num. 189. tunc solum licere tradit restrictiones, quæ omnino latent audientes, cum eas postulat moralis necessitas, seu causa, & incommodum, non quodvis; sed grave, quale excusat ab observatione præceptorum positivorum, v. g. jejunandi, vel audiendi Sacrum. Ac demum P. Suarez tom. 2. de Relig. lib. 3. de juram. cap. 10. num. 10. cum præmisisset, hunc modum loquendi per sermonem quasi mutilatum in verbis, & quasi integratum ex conceptibus, non esse licitum, nisi ex iusta causa, & necessitate, & si aliter fiat, culpam committi, & si addatur juramentum, regulariter esse grave peccatum, sic tamen concludit: Solum ergo licet, cum aliquis injustè, vel importunè cogitur ad aperiendum aliquid, & jurandum, quod sibi non expedit revelare. Quando autem quis vel iustè interrogationi respondet, vel ipse voluntariè se offert ad loquendum, simpliciter loqui debet, prout scit, alium accipere. Hactenus isti Doctores.

11 Mihi autem clariùs, expeditiusque componi ista videntur, si dicamus, hic requiri, & esse satis necessitatem assimilem ei, quæ sufficit, & desideratur ad juran-

dum honestè, & absque peccato veritatè exploratam loquenti. Utrobique enim desideratur necessitas, cum neutrum sit per se bonum, ut oratio, aut elemosyna; sed solum de illorum genere, quæ necessitate compellente licent. Utrobique frequentia, & assiduitas præjudicialis censetur, & sufficienti causa destituta. Utrobique traditur pro re parvi momenti non esse interponenda media ista. Utrobique consulitur veritati, occultandæ nimirum, cum oportet, aut comprobandæ, cum expedit. Utrobique attenditur civilis societati, procuraturque ejus bonum, ne scilicet, necessitate urgente, ei desint licita media occultandi, quæ manifestare non licet, aut terminandi suas lites, roborandique credulitatem eorum, quæ dicuntur adjectione juramenti. Utrobique tandem leve peccatum committitur, cum idonea causa deficit, & aliz virtutes non obstant usui occultæ restrictionis, aut interpositioni juramenti. Ergo rectè æquiparantur quoad necessitatem causæ, & magnitudinem ejus. Nam ægrè discerni potest, quodnam sit majus peccatum, & si fortè datur aliquis excessus, potius est ex parte juramenti veraciter, sed absque necessitate interpositi, quàm ex parte restrictionis, cum illud sit contra virtutem altiorum veracitatis, ac directè oppositum præcepto primæ tabulæ, & Divino cultui, ac reverentiæ.

12 Dici etiam potest, tunc dari legitimam causam utendi hisce amphibologiis, quarum verba vera sunt sub restrictione occulta; falsa verò, quamvis restrictione ablata, cum id necessarium est ad utendum jure nostro, occultando veritatem aliquam, quæ absque notabili incommodo proprio, aut alieno, nec manifestari potest, nec aliter occultari iis, cum quibus loquimur. Ita planè sumitur, & comprobatur ex his, quæ superioribus dissertationibus stabilita fuerunt, & hic cursim sunt attackta. Nam in primis excluduntur à numero licitarum restrictiones quas speciali jure vetant justitia; obedientia Judicium, aut Prælatorum, præceptum profitendi exterius fidem, religio; aut aliz virtutes distinctæ à veracitate. Ideo enim dicimus hic opus esse, ut aliquis jure suo utatur; nemo autem in his eventibus jus habet occultandi veritatem sibi noxam; sed potius obligationem ipsam integrè, & apertè declarandi. Excluduntur etiam restrictiones

etiones merè voluntariæ, jocularæ, vel otiosæ, quia justa necessitas deficit, aut alia synceriori vi provideri potest malis ex manifestatione imminentibus. Excluduntur præterea necessariæ ad evitandum incommoda parvi momenti, nam ideo exigitur *notabile incommodum*, tam ex manifestatione proveniens, quam ex omnimoda taciturnitate. Notabile autem incommodum majus parvo debet esse, & non jam leve, sed mediocriter, aut grave, habito respectu ad personas, materiam, & circumstantias negotii, quod inter manus versatur.

13 Quantum autem esse debeat, cum ex tanta rerum varietate pendeat, nulla certa regula determinari valet, sed arbitrio prudentum committitur, sicut quantitas necessitatis requisitæ ad licitè jurandum, & gravitas causæ necessariæ ad respondendum verbis æquivocis æquivocatione reali. Usui tamen esse poterit regula præponderantiz, quam Raynaudus exhibebat, si constiterit, gravius esse præjudicium hic, & nunc loquenti imminens ex non usu restrictionis necessariæ ad illud præcavendum, quam malum alteri impendens ex eo, quod alius non ad mentem ejus, sed ad suam tunc loquatur. Et in summa, hæc difficultas etiam sententiæ contrariæ communis est, quia ipsa etiam debet assignare idoneam causam, ex qua liceat interrogantem eludere utendo verbis impropriis, figuratis, aut æquivocis, immò iis ipsis, quibus utitur nostra sententia. Neque enim semper id licet, quamvis liceat aliquando, & in plerisque eventibus neutra sententia differat ab alia in praxi, ut *dissert. 16. cap. 4.* discutitur.

14 Hinc casus magis conspicuus, in quo occultæ restrictiones licent, is communiter censetur, in quo aliquis obligationem habens occultandi aliquid secretum gravi metu, seu vi cogitur ad directè respondendum iniquæ interrogationi sibi factæ circa scientiam, aut exequutionem ejus. Tunc enim inevitabilem necessitatem patitur occultandi illud, cum absque peccato ipsum prodere non valeat, & aliunde gravis metus, aut vis, qua iniquè compellitur ad respondendum directè affirmando, vel negando, eum reducit ad extremum, ut vel mentiri cogatur negando scientiam, aut factum nullam omnino restrictionem adhibita, sive externa, sive interna, vel minùs syncere age-

re adiciendo verbis suis interiore restrictionem, penes quam verificantur, & eam occultando exterius. Porro mendacium non licet; hæc autem minor synceritas, quam mens nostram partim proditor, partim occultatur absque intentione fallendi, ut fumpsit ex S. Gregorio, neque mendacium involvit, nec deceptionem iniquam; sed defensionem honestam juris proprii, quæ non semel potest esse omnino necessaria ad evitandam perplexitatem conscientiz. Neque id nocet civili conversationi; sed illi prorsus noceret, quod in iis angustiis nullo injuriarum patienti suppetere medium licitum, quo se defendere posset ab iniqua vexatione alterius.

15 Cujus rei exempla fumpsimus communiter recepta ab Auctoribus *dissert. citat.* præsertim *cap. 1. & 3.* ex his, quæ accidere possunt Confessariis, Confiliariis, aut Legatis Principum, vel aliis personis, quæ secreto naturali tenentur. Ceterum causa adeo gravis, & urgens adeo necessitas, sicut ad licitè jurandum veritatem non requiritur, neque ad licitè exercendas plurimas actiones, unde ruina aliorum merito time-ri potest, ita neque ad occultandam veritatem per restrictionem mentalem desiderari videtur, quamvis inde prænotetur eventura proximi deceptio. Sufficit enim, quod ille jure interrogandi careat, & sua iniqua compulsione adigat ad respondendum, quod alius licite celare potest, & absque gravi dispendio manifestare non valet, etsi manifestatio liceret. Neque enim cum tanto damno, sive proprio, sive alieno, sive spirituali, aut temporali debet illum præservare à deceptione, cujus ipse sibi est prima causa maliciosè compellendo alterum ad responsum directam, & ita præcludendo viam silentii, aut alias minùs incommodas, quibus sibi posset satisfacere.

16 Quocirca malefactores interrogati à non iudice, ut adultera à marito, vel à iudice, sed contra juris ordinem, & compulsi ad respondendum, hoc etiam medio uti possunt, & juramentum adicere, si compulsi ad juramentum etiam extendatur. Raròque tentare proderit candidiora alia remedia, ut nihil respondere, vel non clare, sed æquivocis, aut obscuris verbis: nam id magnam suspitionem generabit delicti commissi, quod est per se grave incommodum, & curiositatem interrogantis augebit,

bit, ne à vi, aut metu injustè illatis desistat, donec sublati ambagibus responsionem absoluit negativam, aut affirmativam facti sibi interrogatus reddat. Ac præsertim in iudicio ejusmodi tergiversationes non solum instructuosa, sed valde periculosa erunt reis, aut testibus iniquè interrogatis, ut cum Soto observat P. Sanchez *disso. cap. 6. num. 17.* quia ibi semper postulatur responsio clara, & directa.

CAPUT III.

Miscellanea questionum.

17 **Q**UÆRES 1. Utrum sola importunitas interrogantis absque alia vi, aut metu sufficiat ad utendum licitè his amphibologiis, præsertim cum juramento? Respondeo, importunitatem, etiam gravem, numquam esse satis, cum absque notabili incommodo veritas syncerè, ac candidè alteri manifestari potest: quia importunitas alterius nullum jus confert occultandi veritatem abutendo externis signis, pervertendoque synceritatem conversationis humanæ, cum nulla, aut exigua causa manifestationem impedit, & occultationem exigit. Cæterum cum grave incommodum imminet detegenti veritatem, & aliud medium non suppetit sese præservandi illasum, sufficiens motivum dabunt preces importunæ ad respondendum cum restrictione mentali. Quia assidua, & urgens petitio, etiam inferiorum, aut æqualium, magnam molestiam ingenerat, vexatque, & cogit quodammodo eos, qui eam patiuntur, usque adeo ut quamplures censeant æquiparari violentiæ, & asserre metum cadentem in constantem virum, sufficientemque ad contractus dissolvendos, & invalidandas licentias accipiendi, aut erogandi quas subditi à Prælati extorqueant, ut latè discutit Sanchez *lib. 4. de matrim. disp. 7.*

18 Non est autem necessaria tanta causa ad usum restrictionis mentalis, quanta exigitur ad hos effectus; sed mediocris molestia satis fuerit, ut se ab illa justè liberare satagat per restrictionem occultantis, cui immeritò inferitur, & intentioni inferentis absque notabili incommodo aliter satisfacere non valet. Atque in hoc duntaxat sensu fuisse loquutos existimo, qui importuni-

tatem assignant inter sufficientes causas utendi loquutionibus mente restrictis, ut Suarez, Emmanuel Rrodriguez, Navarro, Moure, Valentia, & alii, quos dabit Sanchez in *disso. cap. 6. num. 20.* semper enim postulant, ut aliqui intercedat justa causa non revelandi veritatem illam, de qua importunè rogamur, & sub hac moderatione eis etiam subscribit *eo num. 20.* cum Sylvestro ipsemet Sanchez. Quæ autem de importunitate, dici debent de metu reverentiali, ac blanditiis, siquidem importunè fiunt, & in molestiam degenerant non aliter evitabilem.

19 **Q**UÆRES 2. An mutuo petenti aliquid, quod tu habes, possis respondere licitè; te illud non habere subintelligendo ad mutuandum, & si opus sit, hanc tuam responsionem juramento confirmare? Respondeo, seclusa necessitate, id nunquam licere; sed semper esse observandas regulas hucusque præscriptas, ut veritas facti denegetur, & restrictio tacita licitè adiciatur. Quocirca si mutuare nolis & absque notabili incommodo possis aliter mutuum denegare, & rationabilem aliam excusationem asserre, usus restrictionis tacitæ merè voluntarius erit, & oppositus sincerè veritati: Sin autem ex eo, quòd dicas, penes te esse rem petitam, & adhuc nolis illam mutuo dare, v. g. quia illa indiges, aut quia difficile recuperabitur, & inde prudenter timeas notabile incommodum, ut inimicitiam petentis, offensionem non vulgarem, rixas, simulatas, dissolutionem amicitia, subtractionem aliorum commodorum, quæ ad te ex ipso solent redundare, vel quidpiam simile, tunc proclive erit negare cum restrictione, te habere rem, de qua est sermo. Nam, attentis circumstantiis, peculiare jus competit tibi occultandæ veritatis, ut tuæ indemnitati consulas, & medium, quo uteris, non est illicitum in casu necessitatis. Unde hujus sententiæ fuit Vincentius Candidus *disquisit. 26. art. 3. dub. 12.* Antonius Fernandez, Moure in *exam. Theolog. moral. 1. p. c. 5. §. 8.* Bonacina *tom. 2. disp. 4. in 2. Decal. præcept. q. 1. punct. 12. num. 3.* Sanchez, Rrodriguez, Navarro, Philiaricus, Sayrus, Salon, Trulenc, Palao, Diana, & Leander à SS. Sacramento *tom. 2. in Decalog. tr. 1. disp. 45. q. 22.* qui eos sequitur, & loca designat.

20 **Q**UÆRES 3. Utrum, cum interrogan-

do nulla nobis sit injuria, fas sit uti restrictionibus mentalibus, aut verbis in alio sensu, quam audientes ea percipiunt? Respondet, si non solum absque injuria, verum etiam jure interrogamur, certum est, id esse nefas: quia tunc jure destituimur occultandi veritatem, & potius subiecti sumus juri alterius, quo nos potest obligare ad respondendum juxta sensum, atque mentem suam. Sin verò ille jure careat exigendi responsum claram, ac dilucidam, & nihilominus ad illam compellat, ex eo capite injurius est nobis: quia etsi non interrogando, cogendo tamen, juri nostro derogat, sicut alii, qui sibi indebita possunt vi, aut metu, & propterea inspecto saltem interrogationis modo, in hoc casu dici nequit interrogare absque injuria.

Quòd si interrogans merito existimet, se interrogare juridicè, alius autem jure possit veritatis manifestationem detestare, tunc major est difficultas, quia videtur esse bellum justum ab utraque parte, & unus justè compellere; alius verò detestare justè.

21 Casus evenire potest, cum judex precedentibus legitimis indicis interrogat Petrum, an homicidium paraverit, quod ille verè commisit; sed justè, quia ob defensionem propriam, & cum moderamine inculpatae tutelæ; quam tamen probare nequit, semel confesso homicidio. Porro in hoc eventu communis sententia fert, ex qua id tradit Joannes de la Cruz in *Directorio*, qu. 3. circa 8. *Decal. præcept. art. 3.* & cum Suarez, Lessio, atque Diana, Trullenc *lib. 2. in Decal. cap. 1. dub. 15. num. 8.* licitè negari posse veritatem facti, dicendo *Non feci homicidium*, & subintelligendo *criminofum*, aut *punitibile in judicio*. Nam de hoc solo jure interrogari potest secundum rei veritatem, & quòd Petrus de homicidio absolute interrogetur, & ad directè respondendum compellatur, ex judicis ignorantia, quamvis inculcata, contingit. Unde, licet interrogando non peccet, injuriam saltem materiale irrogat illi, qui innocentiam, ac moderationem suam, detecto homicidio, comprobare nequit, aut non nisi cum magnis impensis, diuturno carcere, vel aliis ætumnis. Non tenetur autem Petrus tot incommoda subire, ut alterum à deceptione præservet, existimaturum fortasse, eum non potuisse homicidium; sed

jure defensionis uti poterit, & alio sensu intelligere sua verba, quam ille accipiet.

22 Idemque licebit illi, qui sub juramento adigitur dicere, utrum centum mutuo acceperit, & cum ea verè persolverit, cogendus iterum est ad solvendum, si accepisse fateatur, quia probare nequit, se solvisse. Necnon ei, qui interrogatur, utrum veniat ex eo loco, qui falsò creditur infestus peste, & propterea est impediendus, ne ad suam domum tempestivè regrediatur, aut notabile aliud damnum per injuriam materiale accepturus. Atque hac ratione alii casus evenire, aut cogitari possunt, ubi simile artificium licet, & in praxi eisdem verbis est utendum, ut passim tradunt Auctores, sive in hac sententia, sive in alia, ut videre est apud Azor *p. 1. lib. 11. cap. 4. regul. 1. & 2.* Sanchez *suprà*, & *lib. 1. de matrim. disp. 10. num. 27. & 28.* necnon *disp. 11. num. 2.* Filliucium, Suarez, Diana, Trullenc, & alios, quos congerit *sup.* Leander q. 8. Semper tamen præcavendum est scandalum, ne reputetur mendax, aut perjurus cum speciali damno pusillorum, qui sic se gerit: tunc enim major causa postulat, ut illud non sit datum, sed acceptum, & juxta proprias regulas ejus materiæ exhibenda erit decisio.

23 Quæres 4. an uti liceat restrictione mentali, cum interrogans ignorat, hic, & nunc subesse causam, unde reddi possit licita? Casus iste peculiarem difficultatem involvit. Nam, cum justa causa restringendi manifesta est interroganti, vel quia ipse eam dedit sua interrogatione iniqua, vel ex aliis circumstantiis, facile conici potest, respondentem uti jure suo, & adiciere de facto restrictionem, quam non exprimit, ut ambiguitate sensus mens alterius confundantur. At verò, dum causa latet, & verba negativa respondentis ab audiente accipi nequeunt, nisi in sensu omnino falso, quia licitam ipsorum restrictionem non timet, cum nulla argumenta ei suppetant id timendi, aut suspicandi, tunc gravior difficultas est, quia periculum alienæ deceptionis longè gravius est, & ægrè apprehenditur, non esse occasionem datam ab eo ipso, qui sic loquitur, ut ei impunitetur error, à quo debemus alios præservare.

24 Cæterum, quanta quanta sit hæc difficultas, ex dictis *differt. præced. à num. 34.* constat, eandem militare omnino in contraria

traria sententia, si ponamus circumstantias officii, personæ, aut loci, unde implicitè verba restringuntur, & ea propter sine mendacio possunt usurpari, esse penitus audiendi occultas, & prorsus credere nullam subesse, ex qua liceat respondere in alio sensu, quam explicito, & omnino claro. Porro ex his, quæ inibi habentur, & ex proximè assertis denuo confirmantur, satis liquet, alienam ignorantiam causæ justificantis restrictionis usum non ob stare habenti ipsam, quominus jure suo utatur, idque contigisse vidimus Isaac, ac Tobiam, dum Jacob, & Raphael se ipsis occultabant, seque alios esse asseriebant, usurpando verba, alias mendacia, in sensu improprio, ac restricto, quem illi neque intelligere poterant, nec suspicari ejus causam. Erit tamen opus in eo eventu cò graviore necessitate, seu causa, quò gravius urget periculum efficiendi, ut decipiatur audiens deferendo auctoritati illius, cujus verba prudenter credi possunt absque ulla suspensione judicii orta ex metu restrictionis licitæ, & credi nequeant, nisi assensu falso. Videantur, quæ ex Cajetano produximus num. 28. dissertationis antea præcitatæ.

25 Quæres 5. An respondendo ad mentem interrogantis usus restrictionum liceat? Omnes licetè supponunt, quia interrogatio, & responsio non solum casu, sed sensu concordare intelliguntur, & restrictio, quæ tacitè, aut expressè in interrogatione importatur, responsioni quoque adjecta creditur, quamvis verba illius generaliora videantur. Mentietur quidem coram Deo respondens, si interrogationi sese accommodare nolit; sed voces in sua tota generalitate contra propriam, & alterius mentem usurpare velit; atamen dum aliud non exprimit, cum eadem limitatione, tamen tacita, respondere præsumitur, atque ideo loqui veraciter. Et quidem dum limitatio interrogationis expressè adicitur, optimo jure interpretari possumus, in mente respondentis etiam fuisse adjectam, quamvis illam verbis supprimat, & mens legitime præsumpta prævaleat amplitudini verborum, qua explicatur. Casus apertè proponitur in *L. Si sine interrogatione 9. §. Qui interrogatus. ff. de interrogat. in jure faciend.* ubi qui interrogatus, an sit hæres, se hæredem esse respondet, nec adicit, ex qua parte, ex esse respondisse dicitur. At

verò si interrogatur, an ex dimidia parte hæres sit, & responderit: Hæres sum, ad interrogatum respondisse putatur: ut non ex asse, seu ex toto, sed ex dimidia tantum parte, se hæredem dicere intenderit. Et quamvis utrobique sit eadem responsio quoad verba, pro modo interrogationis restringitur, aut ampliatur, & tam in judicio, quam extra id locum habere dicitur, *ibidem* §. 1. hoc est, siue à Prætorè, siue ab adversario respondens interrogetur.

26 Neque absimiliter philosophari debemus, cum limitatio non adicitur expressè ab interrogante, si illa suppletur jure, aut consuetudine, vel ex modo agendi, aut aliis circumstantiis meritò suppleri debeat: tunc enim etiam responsioni nostræ tacitè adjecta intelligitur, & in ea quoque suppletur. Sic interrogante confessario, an pejeraverit poenitens, ipse verissimè negat, se pejerasse absolutè, si post confessionem ultimam nullum perjurium admisit, esto quam plura patravir in spatio vitæ antea, quæ jam olim fuit confessus. Nam Confessarius de his solum examinare intelligitur, quæ poenitens in præsentī confessione tenetur manifestare; non verò de aliis, quæ legitime fuerint expiata in confessionibus aliis, & tunc repeti non debent. Sic in forensi judicio licet judex generaliter interroget, verba illius non extenduntur ad ea, quæ interrogare non valet; juris ordine servato, nec cogere ad respondendum: juridicè enim interrogare præsumitur; non verò iniquè, aut malignè, dum aliud clarè non explicat, atque ideo ad mentem ipsius veraciter is respondet, siue reus, siue testis, qui his satisfacit, quæ jure interrogari possunt, nec juramento judicatur dicendi, quæ scit, aut fecit, licet de aliis nihil dicat. Sic denique interrogatio non creditur de illis facta, quæ sub secreto cognovimus, & passim ad evitandum absurdum, quod sequitur, si fortè voces in tota sua amplitudine accipiantur, præsumimus intra mentem tacitè fuisse restrictas.

27 Quæres 6. Utrum, nullo interrogante, liceant restrictiones istæ? Respondeo, nunquam licetè, neque fieri absque mendacio, saltem moraliter, ac reductivè tali, cum quæ se ad loquendum ingerit, offertur ad testificandum motu proprio, ac sponte sua. Sin verò justa necessitas, qualem hucusque explicavimus, ejusmodi cau-

cautelam postulet, usus ejus erit licitus, etiam nullo interrogante. Rarissime autem id continget, quia valde rari sunt illi casus, ubi ejusmodi necessitas intervenire posse cogitatur. Duos consignat peculiariter Castro Palao *tom.3. disp.1. de juram. punct.7. num.4. & 5.* Primus est, cum obligaris restituere famam proximo, & alia via commodior non datur. Secundus, cum socios criminis, quos manifestare non debebas, malitiosè, aut incautè detexisti, & mediante occulta restrictione speras te posse illorum damnum reparare. Ita etiam Sanchez *disco. cap.6. num.21. & 28.* ubi refert Canum, Mancium, Bañez, Petrum de Ledesma, Salon, Sayrum, Rodericum, Henriquez, & quosdam alios, quibus addi possunt Bonacina *ubi supra num.5. vers. Quarto.* Leander *ea disp.45. §.2. qu.31. & §.1. qu.8.* Candidus *citato art.3. dubi.1. disco 3.*

28 Verumtamen in his Auctoribus minime possum probare, quod nonnulli ex ipsis exprimunt, solam utilitatem sufficere ad hoc medium usurpandum: jamenim vidimus, necessitatem requiri, & sæpius alius modus non deerit, quo restitutio ista fieri valeat, et si istum reliquis præferat Bañez, ut notavit Tapia, qui & illud non improbat in *Catena tom.2. lib.6. q.27. art.2.*

num.3. Justa autem necessitate supposita, quam inducit in his casibus obligatio restituendi, defectusque alterius medii, non displicet, quod hi Auctores tradunt, nempe juramentum etiam interponi posse, & infamatorem obligari ad usum ejus ex justitia quidem, si malitiosè fuit facta alieni criminis, aut sociorum detectio; ex charitate verò, si absque culpa, & ob meram ignorantiam. Proximi enim damnum perseverat per injuriam formalem, aut materiale à nobis irrogatum, idque reparare cogimur, dum aliunde non occurrit excusatio.

29 Quæri denique possent alia plurima, quæ singillatim prosequuntur Sanchez, Leander, Bonacina, Palao, Azor, Layman, Coninc, & alii ex antea appellatis. Sed ex dictis facile decidi possunt, & juxta præfata principia corrigenda sunt, aut moderanda, ne in re lubrica laxentur eis habena, qui odiosis hisce cautionibus intemperanter indulgent. Pro majorique securitate proderit habere præ manibus Azorium, Layman, & alios, qui restrictiones universim improbare videntur, dum ex aliqua exteriori circumstantia nequit deprehendi, quoniam sensu quis loquatur. Nam, ut alibi præmonui, sæpius quoad praxim concordant, licet ex aliis principiis.




DISSERTATIO XVII.

DE ILLICITO RESTRICTIONIS USU
in juramentis judicialibus.

Ansam huic quaestioni praebeuit Lessius lib.2. de justit. capit. 42. num. 48. ubi cum primum statuisset, tam restrictiones occultas, quam orationes ambiguas nunquam licite addiberi, nisi quando justè possumus veritatem occultare, & malum aliquod imminet, quod aliter nequit averti, consequenterque adiecisset, illas posse juramento confirmari, si necessitas, vel notabilis causa id etiam postulet, postea quarit, quid dicendum sit, quando quis electus ad Magistratum cogitur (ut quibusdam locis fit) sub gravi poena acceptare, & nihilominus cogitur jurare, se nihil egisse, ut commendaretur electoribus. Cuiusmodi variis ipse distinctionibus respondet, atque ex illius verbis hinc inde discerptis propositio statim subiicienda videtur confarsinata.

CAPUT PRIMUM.

Utrum Magistratus munere, aut commendatione promoti id fateri teneantur judicii exigenti ab ipsis juramentum?

I  Hefis 28. sic respondet: Qui mediante commendatione, vel munere ad Magistratum, vel Officium publicum promotus est, potest restrictio mentali

præstare juramentum, quod de mandato Regis à similibus soles exigi, non habito respectu ad intensionem exigentis, quia non tenetur fateri crimen occultum. Haec tenus thesis, cujus nullum proferunt Auctorem Lumbier, Filguera, Sinnichius, Brezmes, & alii, qui huic studio operam suam diligenter manciparunt. Neque, ut reor, uspiam invenietur; sed hostis fictus est, quem tutò ferire liceat Lessii suggillandi causa. Quisquis autem, uti jacet, praefato lemmati insisterit, illico absolutos crederet, maxime à culpa perjurii, eos, qui mediante subornatione, aut favore promoven- tur ad officia in iis locis, ubi ejusmodi statuta vigent.

2 Sed longe aliud fert conspicua veritas, & hæc est haud levis ratio dignam reddens eam doctrinam censuris, quibus notatur. Nam qui iis mediis sese promovet ambiunt, triplici peccato, eoque

gravi, obnoxii sunt, ut rectè notavit Lessius eo num. 48. in fin. Primum fit contra statum, quod non est purè poenale; sed morale, & defectum commendationis, ac subornationis exigit tanquam conditionem valde necessariam, ut non præmittantur in electione digniores, & ne electi eisdem malis artibus utantur, dum officia publica administrant. Secundum est consensus in perjurium: nam, cum de facto promoveri velint, & sciant electionem suam non aliter esse approbandam, quàm eo juramento adhibito, eo ipso jurare intendunt negando subornationem contra mentem statuti, & ex tunc consensum præbent in perjurium postea committendum, quod jam est perjurii crimen: neque enim illos excusare possunt æquivocatio, aut restrictio, cum necessitas jurandi subdole ex nequitia ipsorum suboritur, qui se sponte ingesserunt ad prætensionem officii, & desistere nolint à proposito per fas, aut nefas obcinendi illud: unde in casu planè simili idem censet P. Vasquez in 1. 2. tom 2. disputat. 168. num. 50. Tertium denique committitur in ipso jurandi actu, si absque notabili incommodo detrectare valeant juramentum, etiam recusando officium, quia officii recusatio non debet computari inter præjudicia illius, qui ut illud obtineret, sponte sua se privavit qualitatibus jure requisitis ad consequendum idipsum.

3 Rursus eadem confixio iustissima fuisse ostenditur, distinguendo, quod asseritur, à ratione, quæ subjungitur. Indefinitè enim traditur, eos, qui munere, aut commendatione promoti sunt ad officia, ubi talia iuramenta postulantur, non teneri ad respondendum habito respectu ad mentem exigentis; sed restrictione mentali posse tegere defectus suos. Hoc autem ita indistinctè, atque generatim traditum plusquam scandalosum est, & valde perniciosum: quia exinde quivis intellegit, idem juris esse, quamvis præcedat favoris, aut subornationis infamia, vel semiplena probatio, vel indicia æquipollentia ipsi. Nemo autem bene Catholicus hoc explicitè affirmaverit. At satis expressè dicitur, cum assertio non restringitur ad favorem, vel subornationem occultam; sed indefinitè traditur in materia doctrinali, nam indefinita in his materiis æquivalere creditur universali. Utique ratio subiuncta expressum loquitur de crimine occulto, dum assumit, neminem teneri ad illud manifestandum; exinde autem solùm potuit inferre, ejusmodi vitia, si occulta sint, non esse manifestanda iudici exigenti juramentum: nam alioqui consequentia inepta redditur, & improbabiler colligitur ex particulari universalis, ac si quis ita diceretur: *Reus fateri non tenetur legitimo iudici crimen occultum. Ergo reus absolute non tenetur crimen suum eidem iudici manifestare, sive occultum, sive publicum.*

4 Tertiò. Demus, non esse sermonem nisi de subornatione, vel commendatione occulta, ac de his solis negari obligationem respondendi ad mentem iudicis, & adhuc meritò damnata erit doctrina, quæ in thesi traditur. Esto namque verum sit, nullam dari obligationem farendi crimen occultum Superiori criminaliter agenti, & ad punitionem ejus interroganti suum subditum; & oppositum tamen est dicendum sine dubio, cum interrogatio primariò ad punitionem non tendit; sed ad impediendum peccatum, aut frequentes occasiones ejus, vel perniciofa alia damna Reipublicæ impendentia exinde. Ut cum inquiruntur merita personæ, & queritur de habilitate ipsius ad matrimonium, ordines, Episcopatum, vel aliquid hujusmodi. Interest enim Reipublicæ,

ne inidonei, vel inhabiles his muneribus se immisceant, & propter commune bonum jus habet interrogandi de impeditis ipsorum, quæ non minus sibi nocent ex eo, quod sint occulta. Ita autem in præsentì accedit, quia primariò non inquiritur ex affectu vindicandi crimen, subornandi, aut sese commendandi; sed ex affectu justitiæ distributiæ, aut legalis detegendo impedienda illa, quæ per statutum reddunt homines inidoneos, aut inhabiles ad Magistratus, & officia publica. Unde in hoc casu, & quoad effectum istum negari nequit competere Regi, aut Reipublicæ jus inquirendi etiam cum interpositione juramenti de criminibus occultis; ubi autem iudex legitimus secundum juris ordinem interrogat, subditis nullo prætextu responsionem claram, ac synecram detestare licet.

5 Quartò, cum in thesi assumitur ad istiusmodi obligationem excludendam ratio illa: *Quia non tenetur fateri crimen occultum*, nova series absurdorum nascitur, qua inolerabilior fiat. Nam ut aliquid concludat, & non sit mera negatio, sive petitio principii, sumi debet in sensu universali, quasi nunquam teneamur ad præceptum Superioris fateri candidè crimina occulta, neque ille inquirere possit juridicè de occultis impeditis in favorem animæ, vel boni publici. Porro id non uni, vel alteri, sed omnibus plane Auctoribus valde temerè repugnat. Omnium namque est doctrina illa, sicredimus Card. de Lugo *disp. 37. de justit. & jur. num. 63. in fin.* qua asseritur, ad impediendum damnum, quamvis non ad punitionem, judicialiter inquiri posse de occultis, & imponi criminoso ipsi nolenti desistere à ceptis obligationem respondendi ad mentem interrogantis veritatem illius facti, cujus nulla semiplena probatio, neque infamia antea præcessit, vel æquipollentia indicia. Quare idipsum tradunt Angelus, Soto, Sylvester, Tabiena, Armilla relati, & subscripti à Sanchez *lib. 6. consil. moral. cap. 3. dub. 19. num. 2.* quia it, casum esse certum: necnon Navarro *in rubric. de judiciis, num. 92.* Salas *disp. 15. de legib. num. 44.* Lessius *lib. 2. de just. cap. 31. num. 9.* verè. *Adverte tamen.* Vasquez *d. 8a disp. 168. num. 47. & 48.* Suarez *lib. 5. de legib. cap. 9. num. 15.* Layman *lib. 3.*

Theo-

Theolog. moral. sed. 5. tract. 6. cap. 2. num. 3. vers. Altera. Basilius Legionensis *lib. 5. de matrim. cap. 33. per totum.* Montelinus *tom. 2. in 1. 2. disp. 24. q. 2. num. 40. et 41.* Gibalinus *de censur. fol. 97. vers. In hoc toto*, & qui rem egregie tractat differens de impedimentis ad matrimonium, & Ordines, licet nonnulla sint impedimenta criminis, Sanchez *lib. 3. de matrim. disp. 14. per totam.*

6 Quinto, plus crescit absurditas, cum dicitur, hoc juramentum de mandato Regis exigi. Nam Regis mandatum motu proprio ab ipso emanans ad legitimam inquisitionem de occultis certæ personæ criminibus sufficere creditur, quamvis ad pœnam illius juridicus processus instituitur. Ita Villalobos in *summa, p. 2. rr. 14. diff. 8. num. 8. vers. Et quarto*, cum Innocentio, Baldo, Julio Claro, & Glossa, quam dicit receptam Mascardus. Immo Clarus putat, idem juris esse, quamvis inquisitio non fiat motu proprio, aut certâ scientia Regis; sed solummodo ad instantiam partis. Et quidem si ur censent plurimi, infamiae præviæ necessitas ad interrogationem specialem non oritur ex jure naturali, vel Divino, sed ex positivo duntaxat, facile intelligitur, supremos Principes liberius posse contra istam formam statuere. Cæterum, tamen si demus, esse juris naturalis vetantis omnibus infamationem proximi, ut multis contendit Navarro in *dicta rubric. de judiciis à num. 77. adhuc cum ipso est dicendum ibidem num. 89. et 90.* licere juxta de causa summis Principibus inducere commissionem, aut lege sua novum casum, in quo inquiratur specialiter adversus aliquem, nulla præcedente infamia, vel alio æquivalenti, sicut à Federico Imperatore fuit statutum, ac receptum communi approbatione omnium Nationum, circa læsæ majestatis, & alia nonnulla crimina.

7 Porro in presenti non deest causa maxime sufficiens, quia mandatum ordinatur ad cavendam injustitiam Reipublicæ summæ noxiam, quæ in Magistratum, & aliorum publicorum Officialium promotionibus frequenter irrepere, si fierent favore, aut munere: & juramentum exigitur sub ratione boni præponderantis infamiae, quæ privato illi resultat ex detectione sui criminis. Quocirca man-

dante Rege, etiam ad vindictam posset inquiri in hoc casu, & obligari subditus ad respondendum: quia speciale bonum publicum, quod ultra bonum punitionis intenditur, longè pluris æstimatur, quàm malum infamiae, aut pœnæ irrogandæ criminoso. Neque enim est pura pœna; sed pœna præservativa, atque, ut sic loquar, medicinalis Reipublicæ, cujus incolumitas ex eo maxime dependet, quod per Magistratus optimos administraretur, & expurgeretur ab illis, qui pravis mediis officia compararunt, & ab eis nolunt desistere.

8 Cessat autem omnis difficultas, cum ex instituto non agitur de castigandis criminibus; sed de tollenda ignorantia, qua datur officia communis indigne, aut de corrigendo errore, quo data sunt inhabilibus, cum ob occultationem suorum criminum existimarentur habiles. Unde ita inquiritur, nulla præcedente infamia, de moribus, ac vita electi in ordine ad confirmandam, vel cassandam electionem ejus, juxta formam traditam in *cap. Nihil. 44. de elect.* & in plerisque aliis casibus, quos *suprà num. 85.* congerit idem Navarro.

C A P U T II.

Quousque liceat occulta commendatione, vel munere ad Magistratum promotis, & juramento compulsi crimen suum non manifestare?

9 **T**Hesis damnata de promotis loquitur, & de promovendis tacet, quamvis officianter deliquerit, non restringendo doctrinam ad commendationem, subornationemve occultam, sicut ejus ratio postulabat. Nos verò de occultis loquimur, atque ut radicitus res tota exponatur, noto, similia statuta, quibus nonnulli privantur activa voce, aut passiva, propter ejusmodi crimina, sæpe superius inveniri in plerisque aliis electionibus. Ut in Universitatibus inhabiles sunt ad Cathedras, qui muneribus corrumpunt scholasticos aliàs gaudentes jure suffragandi, ipsique scholastici donis corrupti privantur etiam jure suffragandi: & de his, qui in Universitate Complutensi per litteras commendatitias ad aliquem ex ele-

floribus datas ad rogam insignis Collegii S. Ildephonsi eliguntur, statutum est à Fundatore, ut pro illa vice efficiantur inhabiles, ut latè Vasquez prosequitur *disa. disp. 186. à num. 51.* & Montefinos *suprà à nu. 29.* etsi dicat, id non esse in usu.

10. Quæstionis ergo est huic nostræ prorsus conterminæ, utrùm illi, qui sub juramento interrogantur, an aliquid egerint contra ejusmodi statuta, teneantur id apertè confiteri quamvis sit occultum, & interrogatio fiat, nullo præcedente indicio, semiplena probatione, vel infamia? Notare tamen oportet, antequàm de juramenti obligatione statuatur, inhabilitatem aliquando induci ex vi legis prohibentis factò ipso absque ulla condemnatione, vel juridica declaratione criminis; aliquando verò sententiam condemnatoriam, vel saltem criminis declaratoriam postulare, & ante ipsam non incurri. Pendet autem ex verbis ipsius legis, ac mente legislatoris, utro ex istis modis proponatur, faciliùsque in nostro casu, quàm in aliis intelligitur, induci ex vi solius legis. Quia exequutio ipsius non postulat ullam actionem patientis, nec eum privat bonis suis; sed alienis, nimirum communis Ecclesiasticæ, aut Civilis, quæ non vult illa conferre, nisi habentibus certas qualitates, scientiæ v.g. seu ætatis, aut defectum certi criminis. De quo accurate Molina *tom. 1. de just. & jur. tract. 2. disp. 96.* & plures alii ex scribentibus. Nobis autem in præsentì sufficit utriusvis generis leges inhabilitantes dari, & hoc certum esse in genere.

11. Igitur si ex vi statuti inhabilitas solo ipso factò commendationis, aut subornationis occultæ absque ulla iudicis sententia contrahatur, evidens est, subditum à Superiore suo juramento interrogatum ex fine evitandi errorem, ac damnum ipsius Reipublicæ obligari ad respondendum ad mentem interrogantis, & non posse crimen suum diffiteri, ut in officio permaneat, absque peccato perjurii. Ita Suarez *ubi suprà num. 11.* Salom. *tom. 1. in 2. 2. q. 63. in fin.* Vasquez, Montefinos, Basilius, Salas, alique appellati *num. 5.* quorum doctrina in hoc maxime casu locum habet: neque facillè invenietur ullus Auctor, qui sub his terminis oppositum dixerit. Nam Sotus, & alii infra ad-

ducendi, qui aliter sentire videntur, non loquuntur, nisi in casu, quo lex, aut statutum postulet sententiam iudicis. Et hæc est scandalosa alia, atque perniciose absurditas theos damnatæ. Quia ex una parte supponit, subornationem, commendationemve occultam fuisse verè criminosas, & proinde contra legem aliquam obligantem in conscientia Candidatos ad abstinendum ab ipsis (quamvis sola commendatio ex natura rei non foret crimen, & forsan nec subornatio, nam & illa solet quandoque esse licita) & aliunde non distinguit inter prædictos eventus, dum sub juramento fit interrogatio ad detegendam (si qua interfuit) nullitatem promotionis oram ex crimine occulto; sed indiscriminatim loquitur, & generaliter tollit obligationem jurandi ad mentem interrogantis, cum sine dubio foret excipiendus is casus, quem proposuimus, qui non est extraordinarius circa istud genus bonorum; sed obviis, & satis frequens in Collegiis, Religionibus, Ecclesiis, ac Civitatibus, & Communitatibus reliquis, quas percurrit singillatim Azor *1. p. lib. 5. cap. 7. q. 4.*

12. Porro quod in illo urgeat obligatio jurandi sincere, accandidè, demonstrativè suadetur. Tum à priori, quia juramentum istud non defertur ad vindictam criminis commissi in transgressione statuti, nec de pœna illius hic agitur; sed de exclusione inhabilitum ab officiis, quorum se incapaces reddiderunt factò suo, licet occulto. Tum à pari ex his, quæ diximus cum P. Sanchez, & communi omnium Doctorum de criminibus occultis inhabilitantibus ad matrimonium, ordines, aut beneficium: statenda enim sunt absque ulla ambiguitate, non secùs, quàm impedimenta alia, quæ absque peccato inhabilitant, & manifesti perjurii reus forer, qui illa negaret, quavis restrictione adhibita, ne manifestatio sibi esset obstaculo perveniendi ad destinatum finem. Tum ulterius, quia in præsentì inhabilitas contracta reddit promotionem nullam, & illicitum promotò quodvis ejus exercitium, ut in matrimoniis accidit, quamvis contracta sint in facie Ecclesiæ cum impedimento dirimente occulto; nemini autem sua malitia, qua se immiscet istis actibus, nec vult ab illis desistere, debet suffragari,

gari, ut juret contra mentem judicis interrogantis, cum jure suo non utatur; sed potius jure non suo ad judicem decipiendum, & persistendum in vicio.

13 Tunc præterea, nam quod quidam dicunt ex Bartolo in *L. 2. C. S. servus, aut liberus. lib. 10.* cum, qui promovendus est in judicem, si interrogetur, utrum aliquod impedimentum habeat, non teneat illud manifestandum, si occultum sit, locum habet in infamia, aut impedimentis aliis, quæ dum occulta sunt, non inhabilitant, nec impediunt administrationem officii, ut cum Abbate notat Sanchez *dicta disput. 14. num. 5.* & Lessius *eo numer. 48. vers. Ex dictis. præp. fin.* In nostro autem casu aliter evenit, quia subornatio, aut commendatio, tam publica, quam occulta, ipso jure inhabilitare ponitur, & ideo non est metienda ad enormem aliorum criminum, quæ non impediunt, nisi fuerint publica; sed ad mensuram illorum, quæ, tametsi occulta, nocent, redduntque invalidum actum, usum illius illicitum, ut impedimenta matrimonii. Quamquam, etiam posito valore actus, satis esset, quod non posset exerceri absque peccato, ut obligatio jurandi palam, & aperte incumberet, sicut irregularibus accidit, qui, tametsi valide ordinentur sua inhabilitate non obstante, & plures actus ordinis valide exercent; nihilominus quia ab usu illorum suspensi sunt, adhuc debent pandere crimen occultum, dum interrogatio fit ad perseverantiam mali auctoritate publica impediendam.

14 Tum demum, quia sic promotus nullam habet justam causam non parendi præcepto Superioris exigentis responsum clarum, atque suæ menti conformem. Ergo neque utendi restrictione occulta, seu verbali, seu mentali; sed sua sponte ita respondet, atque ideo evitare nequit simul cum transgressione præcepti crimen mendacii, ac perjurii. Consequentia evidens est ex his, quæ iam antea diximus præsertim *differt. 14. capit. 4.* de restrictionibus merè voluntariis, & de speciali obligatione abstinentiæ ab usu illarum, quæ interdum oritur ex obedientia, justitia, aut aliis virtutibus distinctis à veracitate. Antecedens verò exinde patet, quia talis causa, aut sumeretur ex eo, quod parendo Superiori promotus excludendus

est ab officio, & electio ipsius cassanda, aut ex eo, quod famæ suæ, alioqui illasæ, præjudicare non debet, & esse unicus, aut primus testis criminis à se patrati. Porro isti meri prætextus sunt aperte destituti colore omni rationabili.

15 Nam officium ipsemet promotus tenetur non acceptare, aut dimittere, quamvis non interpelletur, neque ad jurandum cogatur, cum agnoscat, se esse intrusum, & incapacem obtinendi, retinendi, aut licite exercendi illud. Privatam verò famam suam tueri non potest adversus præceptum Regis intendentis aliud bonum longè majus bono famæ, aut punitionis ejus. Nam à peccato intrusionis, ac retentionis iniquæ cum in futurum præservat, & bono communi providet, ne cum præjudicio habilius inhabiles præficiantur, & posthabitis dignioribus, qui suis meritis nituntur, non verò favore, ac munere, officia propria Reipublicæ iis per errorem donentur, qui ad ea obtinenda, aut retinenda omni prorsus jure carent. Sibi autem imputare debent in eas angustias redacti, non autem Regi, aut Reipublicæ, quod se se ambitiosè ingesserint, & persistent contumaciter in proposito acquirendi contra voluntatem veri domini bona illa, quæ ipse jure optimo dare non vult, nisi illis, qui ea morum honestate sunt præditi, quæ prædicta crimina excludantur.

16 Quare non solum tenetur sic promotus se ipsum prodere, nisi detrectet officium, cum personaliter interrogatur de inhabilitate sua quoad hunc effectum; sed etiam cum inquisitio instituitur virtute monitorii generalis præcipientis revelare criminosos istos sub excommunicatione latæ sententiæ. Nam cum inquisitio non tendat ad vindictam purè præteriti criminis, unde promotus contraxit inhabilitatem suam; sed ad præcavenda peccata, extirpandaque morales eorum occasiones, vel alia similia damna alioqui permanfura, aut impendenda, Ecclesia juridicè interrogat, & ipsemet criminosus, cujus emendatio procuratur, mandato parere debet, nisi recuset officium. Et alioqui excommunicationis vinculo innodabitur, ut innodaretur ille, qui simili monitorio non pareret promulgato ad detegenda impedimenta occulta Ordinum, aut matrimonii.

17 Omnium quippe est eadem ratio, ut Raynaudus bene vidit *tom. 14. de monitor. Ecclesiast. 1. part. questio 10. ante fin.* cum idem statuisset de testibus, *quest. 2. vers. Respondeo secundum*, & ante ipsum Thomas Sanchez *lib. 3. de matrim. disp. 13. qui num. 5.* id extendit etiam ad coestetes, qui noverunt sub secerero, sed extra confessionis sigillum, illa impedimenta, quæ matrimonium non dirimunt. Quæ est doctrina communissima apud Diana *part. 3. tr. 4. resol. 221.* licet eam ex parte vellicet Basilii Legionensis *dicto lib. 5. cap. 34 à num. 4.* Videbitur præterea idem Sanchez *lib. 6. consil. cap. 3. dub. 36. num. 4.* ubi generaliter loquitur de omni criminum inquisitione instituta ad præcavendum grave damnum tertii, vel communitatis, quod aliter nequit impediri, dicens esse *conclusionem certam apud omnes.*

C A P U T I I I

An in nostro casu ad mentem iudicis respondere teneantur, qui ex vi sui criminis non sunt inhabiles ante sententiam iudicis?

18 **N**egativè respondendum videtur ex his, quæ tradunt in simili Soto *lib. 1. de iust. quest. 6. art. 6. ad 4. vers. De legibus autem*, & clarius *lib. 4. quest. 6 art. 3. sub finem.* Martinus de Ledesma *2. 4. quest. 18. art. 2. fin.* & cum aliis valde doctis, tamen si innominatis, P. Sanchez *lib. 2. consil. cap. 1. dub. 52. num. 5.* ajunt enim, quorū eligentis inhabilitas (eadem autem est ratio de inhabilitate electi) non est contracta ipso facto, donec per sententiam iudicis crimen subornationis declaratur, reum non interrogari juridicè, nisi præcedat infamia, vel probatio sempiterna, & quod hinc sequitur, non esse obligatum respondere ad mentem ejus, nec peccare occultando veritatem facti per verba sensus ambigui, quamvis interponatur juramentum. Quam sententiam P. Suarez probabilem esse censet *eo cap. 9. num. 12.* & supposito eo, principio de inhabilitate non contracta ante sententiam, satis apparenter persuaderi valet.

19 Jam enim vidimus, reum non interrogari juridicè de crimine occulto, si interrogetur ad poenam, & proinde nec teneri ad respondendum Superiori interro-

ganti ad mentem ejus; sed ad suam. In presenti autem sic accidit, quia ejusmodi inhabilitas non est nisi poenalis, & interrogatio criminis ad hoc dirigitur, ut fateante ipso veritatem, poenam inhabilitatis subeat, cujus antea immunis erat, & privetur jure eligibilitatis, & capacitate ad Magistratum, quam possidebat legitime, antequam condemnaretur. Confirmatur. Nam prædicta interrogatio non ordinatur ad impediendum subornationis peccatum, cum illum sic jam commissum; neque ad evitandum crimen, quod aliqui committeret subornatus eligendo, aut occultus subornator acceptando promotionem suam: neuter enim peccabit iis actionibus, cum uterque utatur jure suo, & nondum sit inhabilis, dum eas exercet; sed mediante sententia iudicis inhabilitandus, si suum crimen fateatur. Igitur re vera tota ejusmodi inquisitio eo tendit, ut purè præteritum peccatum subornationis puniatur non vero ad vitandam culpam, vel injuriam tertii imminentem in futurum. At, cum inquisitio ad poenam per se primò destinatur, ordo juridicus servari debet, qui prævia infamiam postulat, & neminem cogit, ut contra se ipsum sit accusator, testisque potissimus in judicio criminali.

20 Ex profectò ista doctrina non videtur improbanda, si inquisitio de occultis instituitur, non circa promovendum; sed circa promocium, & jam fortè constitutum in sui possessione officii. Quia is, ut vidimus, neque acceptando peccavit, neque peccat exercendo illud, cum adhuc non sit inhabilis; sed desit sententia declaratoria criminis, quæ ad hunc effectum supponitur necessaria. Quocirca neque inquirendo intenditur præservatio ipsius à continuatione, seu persistencia in peccato, nec Republicæ consulitur impediendo nullitatem actorum, quæ ab eo geruntur. Valida enim sunt, cum ab inhabili non proficiantur, & valida remanent, quamvis postea declararetur inhabilis, & sententia quoad effectum istum non esset retrahenda ad diem commissi criminis, cum inhabilitas eo toto tempore fuerit occulta, & communi errore populi, atque colorato titulo is reputaretur habilis securus, quam servus ille intrusus ad Magistratum, cujus actus sustinentur ob favorem boni publici in *L. Bar-*

barius . ff. de officio Prætorum.

21 Unde in hoc casu nullum bonum speciale præponderans famæ intenditur , aut emolliens magnam illam duritiem , quæ in eo cernitur , quod aliquis cogatur præcepto judicis esse contra se testis unicus , & suæ punitionis Auctor . At verò de nondum promotis est longè diversa ratio : quia inquisitio per se primò non dirigitur ad poenam ; sed ad impediendam injustitiam electionis , & mala publica imminencia ex eo , quod Magistratus , & alia similia officia muneribus , ac favore inter eives distribuuntur . Porro in ordine ad hunc finem rectè inquisitio instituitur , etiam de occultis , & criminosis ipse jure interrogatur , cum se statuto voluntariè subiaciat conditionem istam inter alias postulanti , ut justitia distributiva fervetur , & personarum acceptio non gliscat . Quare sicut rectè non promotus sub juramento interrogatur de inhabilitate occulta jam antea ob crimen contracta , ut constet ex suprâ dictis , ita etiam interrogari potest de crimine , propter quod inhabilitari debet , priusquam mittatur in possessionem officii . Nec quidquam obstat potest , quomodo Rex , aut Respublica hanc ab ipso conditionem exigat , ut interrogationibus sibi factis verè respondeat , & non aliter ei conferre velit jus ad Magistratum , vel alia bona communia .

22 Diligenter itaque considerati debet , an juridicè fiat interrogatio de impedimentis occultis , tam inhabilitantibus , quam impedientibus licitam administrationem officii . Nam , si juridicè fiat , ut sæpe accidere ostendimus , proculdubio interrogatus fateri debet suum crimen , & perjurus erit , si ve taceat , si ve quibuscumque vocibus veritatem occultet : agit enim contra obligatotiã , & juratam promissionem respondendi candidè ad interrogata , quam violat etiam tacendo , cum respondere promiserit , ac juraverit . Quod si non præcisè taceat , sed crimen positivè inficietur , perjurium assertorium committit , qualicumque restrictione utatur . Neque enim restrictio liberat à perjurio , aut à mendacio , dum adhibetur absque idonea causa ; in præsentem autem tantum abest , ut idonea causa subsit , quod potius adsit contraria . Juxta quippe jussu interrogat , & jussu præci-

pit , ut juxta mentem suam sibi respondeatur ; seclusa autem ignorantia , quæ in hoc casu non intervenit , fieri nequit , ut occurrat bellum justum ex utraque parte .

23 Quinimmo si in ipso actu promittendi , & jurandi se dicturum veritatem , habebat animum reus negandi eam sub restrictione occulta , seu mentali , seu verbali , jam tunc perjurium assertorium perpetravit , à quo liberari nequit , quamvis postea palam crimen suum fateatur . Nam , cum propositum illud sit propositum jurandi cum restrictione sine sufficienti causa , immò cum causa obligante ad non utendum restrictione ulla , ex tunc perjurii crimine involvitur , quia efficax voluntas perjurandi malitiam perjurii continet , & in illis circumstantiis restrictio minime juvat , cum pro non adjecta habeatur juxta ea , quæ fuse statuimus , cum de licito , aut illicito usu illius tractabamus . Et , quod plus est , jam tunc agit contra veritatem de præsentem , quæ promissioni debetur , & ex eo capite incurritur perjurium assertorium consummatum . Nam promittens se dicturum veritatem interroganti juridicè , promittit se responsurum , sicut respondere debet , & proinde juxta mentem ejus , & de hoc ipso juramentum postulat . Atqui eo proposito imbutus non habet de præsentem voluntatem respondendi ad ejus mentem ; sed potius contra illam . Ergo perjurium committit , non secus , ac quisvis alius , qui promissionem juramento confirmat cum proposito illam non implendi ; sed potius agendi contrarium .

24 Jam verò si interrogatio de occultis juridica non sit , sed contra juris ordinem , exploratum apud omnes est , seum non debere confiteri crimen suum , nec promittere , jurare , aut respondere ad mentem interrogantis ; sed mediis aliis qui licitis posse suam famam tueri contra iniquam vexationem judicis , & jute defensionis scilicet præservare ab injusta compulsionem , quam patitur ab eo , qui tunc non agit tanquam judex , neque ut talis præcipit ; sed tanquam homo privatus usurpans sibi judicium . At quia plerumque appellatio in hoc casu non admittitur , nec permittitur detrectare juramentum , aut promittere , vel respondere verbis æquivocis ; sed reus & jurare cogitur , & respon-

dere directè affirmando, vel negando, quod inquiritur, dubium est, utrum negare possit, & dicere absolute *Non feci*, quod certo scit se fecisse, subintelligendo intra se, non feci ut dicere teneat, aut non feci subiectus huic iudicio, vel quid simile, quo adjecto, verificentur verba, quæ exterius promuntur?

25 Affirmant in propriis terminis harum inhabilitatum P. Suarez ubi proximè, ac Sanchez nu. 6. & generalitè agentes de quocumque plerique ex laudatis *suprà dissert. 16. cap. 1.* inter quos valde accuratè rem tractat M. Bañez appellatus inibi num. 14. necnon Petrus de Ledesma *in summa p. 2. tr. 8. de iust. commut. cap. 24. dub. 2. concl. 4. l. 5.* dicens, esse communem Thomistarum. Tapia in *Catena moral. p. 1. lib. 5. q. 12. art. 3. num. 2.* subjungens, esse communiorum, & in *praxi moraliter certam*, Azor *l. p. lib. 11. c. 4. q. 5. regula 2.* ac novissimè Pisani in *præfenti*, num. 1. vers. *Sed contra*. Neque hoc pendet ex diversitate opinionum circa licitum usum, aut non usum restrictionum, quas Auctores vocant insensibiles, aut purè mentales, eo quod adeò sint occultæ, ut nullo exteriori signo deprehendantur. Nam, ut alibi præmonet, ex opiniones sæpius quoad praxim non differunt, sed eisdem omnino verbis, ac modo respondendi dimidiatio uti permittunt. Unde in casu, de quo loquimur, etiam hi, qui negativam apertissimè sectantur, ut Azor, atque Pisani, licitum esse pronunciant absolute respondere *Non feci*, & nihil aliud orationi externæ adiacere.

26 Esto namque interroganti non constet, an respondens restrictionem intra mentem suam adiciat, sicut opus est ad non mentendum, sed illa occulta sit quoad exercitium; ei tamen exterius constat ex circumstantiis adjunctis licitè adhiberi posse, cum sciat, se inique compellere ad respondendum juxta mentem suam, & sibi imputare debeat, quod præcepto omnino invalido ad responsum constringat. Quare neque reum sic respondentem teneri ad restitutionem accusatori, vel iudici, si propterea infamiam contrahant, merito notavit Tapia *ibidem num. 5.* neque enim iniuste agit, cum prosequatur jus suum.

Illationes ad pleniorum prædictorum lucem.

27 EX dictis primùm inferitur, non rectè Lumbier in *præfenti*. à n. 1586. & Martinum Brezmez Diez de Prado in *Theatro moral. proposit. 28.* totam causam proscribendi thesism, quam exponimus, hoc unum revocasse, quod mentales restrictiones admiserit, cum sint in universum damnatæ. Nam, si hoc ita esset, tam forent illicitæ, cum reus interrogatur contra juris ordinem, ac cum servato juris ordine à iudice interrogatur, & neutro in casu licerent, sicut non licet mendacium. Atqui illas non esse illicitas, cum juris ordo pervertitur, & necessarius est usus ipsarum ad redimendam gravem vexationem prætextu iudicii illatam, nuper ostensum fuit, neque hujus casus exclusionem postulat, quod in præfenti decreto de restrictionibus traditur. Quapropter vera, ac genuina ratio unde scandalosa redditur, atque perniciofa in praxi thesis proposita, summi non debet ex principiis adeò generalibus, sed peculiaribus, quæ ad ipsam spectant, & declarata sunt. *cap. 1.*

28 Inferitur 2. In casu, de quo thesis differit, valde temerè fuisse permissam facultatem respondendi negativè cum restrictione mentali Principi exigenti à subdito, interposito etiam juramento, claram, & omnino apertam manifestationem criminis. Falsissimum namque est, reum non teneri fateri crimen occultum, cum juridicè de illo interrogatur: & omnino evidens, interrogari juridicè, cum interrogatio non tendit per se primò ad punitionem, sed ad præcavenda peccata, & impedienda alia damna perniciofa bono publico. Unde in dicto eventu triplex peccatum mortale proculdubio committitur, ex mente omnium Theologorum, respondendo negativè. Primum est contra obedientiam Principis jure suo præcipientis planam, & minimè ambiguum criminis declarationem, si fortè fuerit commissum. Secundum perjurii promissorii, quia subditus sub juramento promittit externam confessionem veritatis, qualem exigebat Princeps, & hanc non exhibet, sed aliam subdolan, qua ille decipitur, putetque, non fuisse commissum crimen, quod

quod re vera est perpetratum. Tertium perjurii assertorii, quia restrictio occulte adhibita non liberat à peccato, nec tollit crimen perjurii, cum est merè voluntaria, ut in præfenti contingit: nulla siquidem necessitas, aut idonea causa subest occultandi veritatem, cum subditus jus suum non persequatur; sed juri alieno repugnet.

29 Inferitur 3. Eandem thesim meritò fuisse damnandam, quamvis de restrictione mentali nihil omnino dixisset. Nam, ut præmittam modò alias causas assignatas cap. 1. quod notabiliter dissonat simplicitati Christianæ, est asserere, in eventu ibi proposito subditum absque perjurio posse respondere, *non habito respectu ad mentem exigentis juramentum*, quasi de crimine occulto nemo juridicè interrogaretur, aut quasi interrogatus juridicè, silentio, vel aliis artibus licitè posset veritatem abscondere, cujus nudam confessionem sub juramento promiserat. Quocirca licet damnata non sit in genere restrictio verbalis occulta, qua quis submisit, & imperceptibiliter profert additum, unde completur veritas eorum, quæ audiuntur, & hoc *tenendum esse absque ullo scrupulo*, tradat Díez de Prado *suprà* propos. 26. num. 21. adhuc tamen in hoc casu damnata censi debet, & ejus usus prohibitus. Nam qui sic se gerit, re vera non parit præcepto Principis ab ipso exigentis confessionem claram, & intelligibilem, nec respondet habito respectu ad mentem ejus; sed juratam promissionem violat occultando veritatem, quam propterea promisit. Nec quoad hoc ulla est differentia inter crimen publicum, & crimen occultum, si utroque supponatur interrogatio juridica.

30 Inferitur 4. Quæ diximus, intelligenda esse de subornatore occulto, qui persistit in proposito obtinendi officium: nam, si ab eo desisteret, & juri, quod ad ipsum habere existimatur, renunciaret ante, vel post electionem, non deberet judici fateri crimen occultum. Ita docent agentes de electoribus subornatis, & propterea ad eligendum inhabilibus, *Vasquez ea disp. 168. num. 47. Salas dicto num. 44. in fin. & differens tam de electoribus, quam de eligendis*, Basilii *lib. supra* numer. 3. *4. necnon Sanchez lib. 3. de matrim. disp. 14. num. 2. de illis tractans, qui*

ad ordines, aut matrimonium adspirant; ubi *Dicendum est*, inquit, *teneri fateri, vel desistere à matrimonio, quamvis impedimentum occultum, & infamatorius sit*. Ratio autem, quare sufficiat desistere in his eventibus, ea est, quia desistendo obtinetur finis, quem intendit Princeps exigendo juramentum, & fit satis menti illius. Non enim intendit poenam, aut infamiam inquiri, neque ratione illius postulat notitiam criminis; sed ne indigni eligant, aut eligantur, aut ne ipsorum electio confirmetur ob ignorantiam indignitatis ipsorum, & mitantur in possessionem officii, aut in ejus administrationem, ac usu illicitè maneant ob inhabilitatem occultam. Cum ergo isti desistentes præveniant omnia hæc incommoda, & ipsimet sponte sua abstineant ab illis juriis, officiis, aut Sacramentis, à quibus repellerentur facta confessione criminis, non est cur ad illam adstringantur cum præjudicio suæ famæ, neque id est de mente Principis juramentum postulantis.

31 Inferitur 5. eum Lessio *dicto* cap. 42. num. 48. eum, qui commendatione, aut muneribus gratiam electorum sibi conciliavit, ubi ejusmodi statuta, & juramenta sunt in usu, saltem teneri factum suum revocare, re adhuc integra, hoc est, ante electionem, & procurare viriliter quantum est ex se apud alios, ut nullam rationem habeant commendationis, aut muneris, neque in eligendo quidquam aliud spectent, quàm bonum commune, & merita personarum. Ratio autem in aperto est. Quia, nisi id faciat, & adhuc persistat in proposito obtinendi officium, ex tunc perjurium amabit in sua causa, & tacite consentiet in ipsum. Jurare enim cogetur, si eligatur, & negando se hisce mediis de facto promotum fuisse, manifestè pejerabit, loqueturque contra mentem statuti, ac Superioris interrogantis legitimè. Porro unusquisque tenetur non adhibere illam causam, & non conservare adhibitam, quam videt cum perjurio connexam, & non reddere se ineptum ad jurandum, si eligatur, contra intentionem juridicam obligantis ad jurandum titulo boni communis potioris famæ privatæ.

32 Addit Lessius, si electores ita fecerint, ut ab ipsis postulatur, & nulla habita ratione commendationis, aut muneris, sua

sua suffragia illi detulerint, jurare licetè posse, se iis mediis usum non fuisse, quia non fuerunt efficacia, nec habuere ullum influxum in electionem de facto; sed perinde est, ac si non fuerint adhibita, postquam fuerunt tempestivè revocata. Ceterùm si munera non sint restituta, sed adhuc apud electorem maneant, neque commendatio retractata positivè ab eo ipso, qui eam interposuit, mihi difficillimum apparet, quòd per solam poenitentiam, aut exhortationem ambientis eorum influxus tollatur, & longè difficilior, quòd sublatum esse constet ea morali certitudine, quæ exigitur ad jurandum. Ubi autem certò constitit, nullum influxum habuisse, & retractationem fuisse prorsus efficacem, etiam constat, promotionem iis mediis non esse factam, sed intentatam solummodò; atque idèò rectè promotus jurare poterit, se non esse electum commendatione, vel munere, neque his mediis usum fuisse, subintelligendo scilicet *cum effectu, & efficaciter*: id enim est, de quo inquitur.

33. Neque propterea jurabit contra mentem iudicis, aut statuti, quia ejus verba, quoties aliud non exprimitur, cum effectu intelligenda sunt, & non de solo conatu irritò, ac inefficaci, ut constat *ex L. 1. §. Hac verba, ff. Quod quisque juris*, qui translatus est ad jus Canonicum in *cap. Hac autem verba, 17. de poenit. distict. 1.* Restrictione igitur utitur, habito respectu ad mentem exigentis juramentum, quod Pontifex non damnavit; sed de sola mentali restrictione fuit loquutus, qua juramentum præstatur in eo eventu, non habito respectu ad intentionem rogantis. Quo fit, ut illa efficaciter retractatione supposita, subditus non teneatur confiteri crimen suum. Nemo enim fateri debet crimen occultum imperperans ad propositum, de quo tractatur; impertinens autem est, quod nullum effectum habuit, ac si quis misisset munera, quæ elector non acceptavit, vel impetrasset litteras commendatitias, quas postea non voluit dare. De quo postremo casu, & latè, & optimè disserit, plurima è re nostra congerens Navarro *lib. 5. consilio 20. de sent. excommunic. juxta edition Lugdun. Joannis Baptistæ Bussion. anno 1594.*

Aliæ illationes spectantes ad illos, qui interrogati juridicè negant crimina inabilitantia.

34. Infertur 6. Illum, quicum verè effectus inabilis inabilitate occulta contracta solo ipso facto ob crimen subornationis, negat sub juramento suum delictum cum restrictione mentali, etiam postquam est promotus, esse re vera perjurum, nisi desistere malit. Ratio sumitur ex dictis, præsertim *cap. 2.* Nam ille juridicè interrogatur de inabilitate occulta, ac ratione illius de crimine, unde causam habuit; & inquisitio ad vindictam per se primò non dirigitur; sed ad detegendam nullitatem electionis, & impediendum peccatum, quod electus acceptando committit, aut utendo ministeriis officii sibi delati. Irrita namque fuit ejus electio, quia re verè erat inabilis, & quamvis per ignorantiam missus sit in possessionem, non est possessor bonæ fidei, nec legitimus; sed iniquus detentator, in præjudicium habitum, & contra mentem Reipublicæ nolentis officia sua incapacibus præstare. Et, cum alia via sibi consulere possit, scilicet officium detrectando, aut continuationem ejus, nulla necessitate ad sic jurandum constringitur; sed id sponte sua facit. Jam autem visum est in superioribus, voluntarias, & occultas restrictiones, quamvis causa utilitatis fiant, nil prodesse ad excusandum.

35. Oppositum sentire videtur Lessius *disso. num. 48.* quoties electio est jam facta, & nullus locus relictus retractationi efficacis subornationis, quia, inquit, *non tenetur fateri crimen occultum, cum non est infamia, aut probatio semiplena, aut indicia æquipollentia, ut communiter Doctores tradunt, de quo suprà cap. 31. dub. 3.* Sed professio ex eo ipso loco, ad quem se remittit, patet loqui in casu, quo inquisitio fiat ad poenam, & idèò non sit juridica, quia dum fit ad impedienda peccata potius, air, non requiri præviam criminis infamiam. Immo in eodem *num. 48.* expressè agnovit obligationem pandendi crimina occulta, quæ licitam officii, aut status assumpti executionem impediunt, ut in Ordinibus, ac matrimonio contin-

gh; & etiam in nostro casu. Neque enim licite potest promotus exercere illud officium, cuius scit se esse incapacem. Tantum vero abest, ut Lessius annuerit propositioni damnatæ, ut etiam casu, quo subditus non debet fateri crimen propter defectum infamiae, solum ei permittat fano modo jurare, se illius expertem, si necesse fuerit, ut si nec officium, nec iuramentum possit desistere.

36 Infertur 7. ex Vasquez dicto num 47. quoties inhabilitas ipso iure non contrahitur, sed expectanda est sententia saltem criminis declaratoria ad illam incurrendam, subditum, qui pejerando negavit crimen, negandoque impedivit, ne sententia profertetur, adhuc remanere habilem. Quia neque per legem, neque per sententiam inhabilis factus est, aut voce activa, seu passiva privatus. Peccat quidem ille valde graviter negando crimen, de quo iuste interrogatur, siue quia infamia praecessit, siue quia in praedicto eventu ad inquirendum iuridice non est necessaria infamia; sed inhabilitatem non contrahit, si absolvetur per sententiam iuxta allegata, & probata. Unde nec postea peccabit suffragando, si elector, neque acceptando, aut exercendo officium, si ad illud promoveatur: iure namque suo id exercet, cum adhuc capacitatem retineat, quam crimen, aut sententia ipsi non abstulit. Quinimo nec tunc tenebitur suum perjurium retrahere, quia finito jam iudicio finitur officium iudicis, & cum eo reobligatio, & propterea id esse extra controversiam docuit Layman lib. 3. sect. 5. tr. 6. cap. 5. num. 3. ac plenius diversos casus, & status causae distinguens Thomas Sanchez lib. 8. in Decal. cap. 7. à num. 6. & Card. de Lugo disp. 40. de iust. à num. 17.

37 Ex adverso sentiunt Sotus citata q. 6. art. 3. in fin. & Montefinos num. 42. perjurium istum re vera manere inhabilem, ac si crimen falsus esset, & talis per sententiam declaratus, quia perjurus esse nequit melioris conditionis, quam professor veritatis. Et, cum ille per iniuriam iustam sententiam abstulerit, consequens est, ut reparare debeat omnia damna ex suo suffragio, vel electione sequuta illis, qui eligendi essent, sicut illa reparare debent illi, qui iam sunt inhabiles, & iidem ipsi,

si antea praecessisset declaratio criminis inhabilitans illos.

38 Attamen ista doctrina non modicam difficultatem patitur, & in primis secum ipsa pugnare videtur. Nam si, posito periurio, contrahitur inhabilitas absque ulla prorsus sententia, evidens fit, illam contrahi ipso facto pejerandi, quin opus sit declaratione periurii, aut alio ministerio judiciali. At hic non discribitur de inhabilitate contracta solo ipso facto periurii, aut subornationis; sed de illa, quæ ante iudicis sententiam non contrahitur. Rursus, quamvis omnibus inspectis melior sit conditio illius, qui veritatem fatetur, & ne pejeret, vult esse inhabilis, quam eius, qui pejerando suam habilitatem retinet; inconveniens tamen non videtur, quod in ordine ad officia, & temporalia alia commoda melior sit conditio peccatoris, quam illius, qui non peccat: ita enim passim usuvenit latronibus, libidinosis, ac aliis, qui peccatis tanquam mediis utuntur, ut, posthabitis æternis, divitiis, delectationes, & alia huius vitæ bona, quibus iusti destituuntur, cum effectu consequantur.

39 Cujus rei morale exemplum sumitur ex his, quæ accidunt illis, qui periurio, aut aliis dolosis artibus impediunt, penam lege taxatam applicari per sententiam condemnatoriam, aut declaratoriam criminis fisco, denunciatori, vel aliis: neque enim eam debent solvere, aut se gerere perinde, ac si de facto condemnati essent; sed illam sibi retinere possunt, iuxta sententiam, quam probabiliorem vocat, & huic nostro casui accommodat P. Suarez eo cap. 9. numer. 13. annuente Bafiez, Salton, Aragon, Vasquez, Azor, Sanchez, Tannero, Villalobos, Lessio, & aliis, quibus subscribit Diana p. 3. tr. 6. Missellam. resolut. 35. Quare licet peierando iniuste egerint, & contra religionem peccaverint, ac contra obedientiam debitam iudici legitime postulanti claram confessionem criminis, aut etiam contra iustitiam legalem comparatione Reipublicæ, adhuc comparatione eligendi, vel illius, cui faciendi erat applicatio, iustitiam commutativam non laedunt, & propterea minime obligantur ad restitutionem, ei faciendam; neque enim in ipsius gratiam instituta est hæc inquisitio; sed bonæ gubern-

bernationis intuitu, ut prædicti Auctores explicant, & optimè cum ipsi Palao *tom. 1. tr. 3. disp. 2. punct. 1. 2. à num. 5* Baldellus *tom. 1. Theolog. moral. lib. 5. disp. 42. num. 2.* ex quibus supplenda sunt plurima, quæ brevitas ergo hic omittuntur.

40 Inferitur 8. Eum, qui justè interrogatus negavit judici injustè inhabilitatem suam, & propterea declaratus est habilis, electusque ad Magistratum, vel aliud officium publicum, puta Præbendam, aut Cathedram, debere illi renunciare, si possit absque magno præjudicio. Neque enim propter perjurium restitutus est habilitati deperditæ; neque factus habilis ex vi electionis, cum involuntaria fuerit ob substantialem errorem, qui fuit causa, & ratio illius; nec stante inhabilitate sibi cognita, per se loquendo ipsi licet, aut officio se immiscere, aut munera propria illius executioni mandare veluti minister publicus. Alia fortasse esset ratio, si supposito perjurio cogeretur sub pœna valde gravi acceptare, & exercere officium, aut si ex non acceptance, vel renunciatione illius sequeretur magnum scandalum, aut ignominia. Neque enim cum tanto damno superaddito, & extrinseco videtur obligandus eo durante ad deserendum officium. Cæterum similis casus etiam poterit contingere irregulari, qui cogitur suscipere ordinem sacrum, & servata proportionè, idem dici debet utrobique.

41 Concludo igitur ex dictis, juridicè interrogatum; & nulla iusta excusatione munitum teneri suum crimen pandere, quamvis illud sit occultum, & minimè satisfacere utendo amphibologiis. Nam hoc regulare est, & receptum apud omnes cujusvis subscelli Auctores, ut supra visum est, & generatim observarunt cum Cajetano, Soto, ac multis aliis Thomas Sanchez in *disso cap. 7. num. 1.* & Lessius *eo cap. 42. num. 46.* Idemque evenit, cum juramentum declarandæ veritatis exigitur ad instantiam alicujus privati, cujus interest ratione contractus illam nudè, ac candidè aperiri. Dixi autem consultò esse sermonem de eo, qui nulla iusta excusatione munitur. Nam per accidens interdum contingit, ut quamvis legitima sit interrogatio per se loquendo, & quantum est ex vi illorum, quæ necessaria

sunt ex parte judicis, reus nihilominus peculiarem aliquam excusationem habeat, quæ ipsi ad tacendum sufficiat. Ita enim interrogatus de crimine dirimente matrimonium poterit illud negare, si pro sue conscientie foro jam antea impetravit dispensationem occultam. Et ita passim usvenit in ipsis Ecclesiæ præceptis, jejunandi ex. g. vel audiendi sacrum, valde legitime impositis, quæ excusationem admittunt in firmitatis, vel occupationis justæ, ob quam cessat eorum obligatio in illis circumstantiis. Non est autem efficacius, aut urgentius præcepto communi Ecclesiæ præceptum speciale judicis.

42 Notat autem optimè Suarez in *disso lib. 5. de legib. cap. 9. num. 14.* in nostro casu sufficientem excusationem censeri, si quis nequeat respondere verum sine magno scandalo, vel infamia propria, vel inimicitia, vel alia simili gravi jactura. Prudenter tamen adjecit, rarissimè in praxi contingere, ut ejusmodi excusationes locum habeant, etsi in rigore sufficient ad negandum, tollendumque tunc peccatum inobedientie, ac perjurii. Nimirum quia omnia ista incommoda possunt aliter vitari, non comparando ad jurandum, aut desistendo ab officio, vel ita moderando responsionem suam, ut de inhabilitate ipsa constet, non verò de ipsomet crimine, ex cujus propalatione infamia gravis, scandalum, aut similia damna imminant.

C A P U T VI.

Expenditur investiva quedam adversus Cardin. de Lugo valde immerenter prolata.

43 O Ccasione eorum, quæ diximus de obligatione respondendi ad inentem judicis legitime interrogantis, acriter invehitur contra Card. de Lugo Laurentius Maria Pisani in *presenti numer. 4.* eo quod dixerit *disso. 40. de just. & jur. à num. 14.* reum illum, qui præcedente semiplena probatione, vel infamia interrogatur de crimine præsertim capitali, non obligari ad confessionem illius, si spes evadendi sententiam mortis affulgeat; & adhuc detornat acriter adversus Tamburinum *lib. 3. cap. 4. §. 3. à n. 5.* quia non solum id extendit cum eodem de Lugo ad pœnam triricium, verberum,

berum, confiscationis, magnive dedecoris; sed etiam intolerabiliter ampliatur ad malum leve effugiendum, nisi bonum commune Reipublicæ, vel damnum tertii aliud exigat.

44. *Contrarium* Pisani sequitur, ac tribuit Doctori Angelico, Sylvestro, Soto, Navarro, & aliis, tradidique, fuisse communem opinionem per sæcula præcedentia hoc ævum, in quo capit obtinere laxitas. Ac tandem his verbis exclamat: *O sæcula! O mores! Trepidantur Sancti Patres ad mendacii aspectum; integris linteis deglutire non erubescunt perjuria moderni! O Divina lex, ubi observantiam invenies, si in his, quæ sunt primæ tabulæ, & negativa præcepta, tot reperiuntur effugia!*

45. Cæterum, siquid culpatur in de Lugo, & Tamburino, multo potiori ratione detorqueti posset adversus duos graves Thomistas, nempe Sylvestrum, & Fumum, qui longè antiquiores fuerunt, & Pisani non patietur recenseri inter modernos illos hujus ævi, qui relaxant antiquam morum doctrinam. Uterque siquidem verb. *Confessio judicialis*. primus in *summa* num. 2. alter autem in *Armilla* numer. 8. cum Panormitano affirmat, reum tunc debere solummodo ad inquisitionem judicis confiteri veritatem criminis, etiam notorii, aut semiplenè probati, vel de quo flagrat infamia, quando agitur ad spirituales penas, non ad aliam: & hoc tantum sensu verum esse putant, quod de hac obligatione generalius videbatur tradidisse Sanctus Thomas 2.2. q. 69. art. 1. Quocirca juxta hanc sententiam in legitimo judicio nulla erit obligatio fatendi crimen admisum, cum agitur ad penam corporalem, etsi demus eam esse levissimam: nulla, cum ad pecuniariam: nulla, licet deficiat spes fugiendi penam temporalem amphibologica denegatione veritatis: nam in crimine notorio idem procedere dicitur. Quis autem non videat, hæc omnia à de Lugo, aliisque modernis non ampliata, sed valde restricta fuisse?

46. Propterea Petrus Navarra lib. 2. de *restitut. cap. 4. p. 2. num. 29. in 2. edit. fol. mibi 617.* hanc Sylvestri, Fumique doctrinam, pro qua appellat Angelum, & Alcocer, ita universaliter acceptam, sicut apud ipsos jacet, falsam omnino esse dixit, & contra omnium ferè Theologorum sensum. Nec qui postea sunt sequuti, aliter exi-

stimarunt, quasi gravis obligatio respondendi verum nunquam apud eos urgeret, nisi in causis, ubi in ordine ad spirituales penas interrogatio dirigitur. Ita enim solæ censuræ Ecclesiasticæ, degradatio, depositio, increpato, vel infamia sub hac regula comprehenderentur. Nam hæc duntaxat enumerant inter penas spirituales Sylvester, ac Fumus verb. *Pæna*. §. 2. ad quem ipsi se remittunt, ut hæc pœnæ fecernantur ab aliis, quæ spirituales non sunt, & respectu quarum semper deficit, judicio ipsorum, obligatio confitendi veritatem criminis. Cujusmodi sunt pœna sanguinis, aut mortis, & aliæ afflictivæ corporis, ut carcer, jejunium, exilium, confiscatio omnium bonorum, & pecuniariæ aliæ multæ, quæ ab ipsis eodem loco recensentur, & ab spiritualium numero excluduntur.

47. De hac sententia loquebatur, appellatis nominatim suis Auctoribus, Lufius Turrianus *disp. 50. de just. & jur. dub. 2. num. 7.* cum dixit, eam esse omnino improbabilem, & non habere pro se, nisi auctoritatem trium, aut quatuor Summistarum. An autem exceßerit, considerandum relinquo ipsi Laurentio Pisani. Excessisset autem proculdubio, si eadem censura taxasset cum Texeda *tom. 1. Theolog. moral. lib. 2. contrav. 7. num. 80.* opinionem, quam sequutus est de Lugo. Nam licet contraria sententia reos sine exceptione obligans ad confessionem sui criminis, de quo præcessit infamia, aut semiplena probatio, vel indicia æquipollentia, probabilissima sit, & communissima, eamque pluribus relatis defendit cum Angelico Doctore Thomas Sanchez *lib. 6. consil. cap. 3. dub. 29. num. 4.* nihilominus illa, quæ excipit casum, ubi incurrenda est pœna mortis, facta confessione criminis, & evitanda merito speratur, reo non consentiente illud, & quæ id extendit ad alias ex gravioribus, qualis est pœna tritemum, mutilationis, confiscationis omnimodæ, vel alia magni dedecoris, tot Auctores pro se habet, & ad cō solidis rationibus nititur, ut fidenter Diana scripserit (quamvis oppositæ adhæreat) *p. 10. rr. 13. resol. 13. improbabilius vocari improbabilem, seu imprudenter, ut Gibalinus statim referendus dixit.*

48. Ibidem etiam eam dicit receptam in

in Cathedris, & confessionalibus, refertque plures Doctores, ut Basszum, Bardi, Pellizzarium, Trullenc, Escobar, Gesualdum, ultra quamplures alios, quos exscripserat p. 2. tr. 15. resol. 27. ubi ait, esse *probabilissimam*, & *tutam in praxi*. Idipsum asseruit Lugo loco *suprà citato* adducens Petrum Navarra, Lessium, Suarium, Malderum, Henriquez, Salas, Vega, Emmanuel Rodriguez, Filiucium, Villalobos, Fagundez, Reginaldum, Peyrinis, Portel, atque Joannem Sanchez. Et, qui rem exacte discutit, & istis adiecit, præter Tannerum, & Sa, jurisperitos non paucos, Dicastillo lib. 2. de restitut. tr. 1. disp. 6. à num. 20. concludens num. 22. hanc opinionem plus sibi placere, quam contrariam. Quibus addendi sunt de eadem probabilitate constantes Machado tom. 2. de Perfectione Confessario. lib. 6. p. 4. tr. 1. docum. 8. num. 6. advertens, esse communem, Bonacina in Decal. disp. 10. q. 3. punct. 2. numer. 7. Vorticelli 1. p. singular. opinion. tr. 2. q. 31. num. 5. & 6. Fragofo tom. 2. de regim. Reipub. Christi. lib. 12. disp. 25. §. 3. nu. 10. Raynaudus tom. 14. par. 1. de monit. cap. 3. quæst. 10. fol. mibi 378. Busenbaum in medulla Theolog. moral. lib. 4. cap. 3. dub. 7. numer. 4. Angelus Bossius in moralib. part. 1. de conscient. num. 307. & ex novioribus Thomistis Serra 2. 2. q. 69. art. 1. dub. 1. annuente insuper Jacobo Raggio de regim. regul. centur. 1. p. 3. dub. 68. num. 5. Ludovico Scildere tr. 2. de conse. num. 55. Gibalinus de censur. fol. mibi 97. Januarius de casib. refer. resol. 54. num. 2. & aliis relatis Didacus de Avendaño in auctor. Indico. p. 1. à num. 572.

49 Accedit maximi momenti ratio. Quia judici non est concessa facultas obligandi in conscientia reos in hoc casu ad apertam confessionem criminis: foret enim in destructionem potius, quam in adificationem, & re vera solum deferviret ad implicandas conscientias laqueis inextricabilibus, & imperviis conditioni humanæ. Vix namque è millibus malefactoribus inveniretur unus, ut experientia ipsa constat, qui cum aliis non esset occidendus, contra se testificari vellet, ac se certæ morti oblicere ex solo metu peccati. Potrò lex humana debet esse moralis modo exequibilis; non verò adeò dura, & aspera, ut desperetur exequutio ipsius

propter summam rei difficultatem. Quare Angelicus Præceptor quodlib. 10. art. 9. corp. quamdam opinionem teiicit ex eo præcisè, quòd *nimis videtur aspera*. Et quodlib. 2. art. 8. versus fin. alios à peccato excusat, qui decimas non solvere consueverant; quia, inquit, *durum esset dicere, quòd à omnes homines Italiae, & Orientalium partium damnarentur, qui decimas non solvunt*. Nulla autem opinio durior, aut asperior illa, de qua nunc disquiritur, excogitari valet.

50 Confirmatur 1. Quia evitandæ mortis causa quamplurima permittuntur, quæ alioqui illicita forent, & juri alterius contraria, ut sustentari ex alienis, aut occidere aggressorem vitæ injustum cum debito moderamine. Unde juxta S. Thomam, quem sequuntur omnes alii, 2. 2. q. 69. art. 4. ad 2. Si aliquis sit condemnatus, ut fame moriatur, non peccat, si cibum sibi occultè ministratum sumat. Immo (quamvis aliqui dissentiant) nisi sumeret, peccaret: Quia, inquit, non sumere, esset seipsum occidere. Quòd si leges, & præcepta humana regulariter non obligant, ubi adest vitæ periculum, quomodo obligare poterunt, cum mors ipsa prævidetur certissimè sequutura, si præceptum obedientia compleatur? Utrique actus adeò heroicos, ac difficiles, quales modò recensuimus, nullus iudex poterit præcipere, nullusque superior, nisi necessarii sint ad subveniendum Reipublicæ graviter periclitanti.

51 Confirmatur 2. Quia in hoc casu reus suo testimonio positivè concurreret ad mortem, quæ est passurus, sicuti concurrunt testes, qui adversus ipsum testantur. Onus autem est vix supportabile, ipsum sub peccato gravi obligare ad hunc concursum, cum obstat in contrarium summa, & honestissima inclinatio conservandi proprium esse, cuius indita à natura. Quamobrem neque reus absens in causa sanguinis, aliisque affinis tenetur comparere coram iudice, quamvis ab eo vocetur per edicta. Neque damnatus ad mortem, verbera, aut tirenes debet remanere in carcere, si citra injuriam aliorum fugam arripere valeat. Nec testes valde conjuncti, ut Uxor, Filius, aut Pater, obligantur in his tauris ad testificandum contra suos, ut ex jure positivo con-

constat, quod naturale potius declaravit fundatum in hac magna conjunctione, & morali quasi identitate personarum, quam id induisit de suo. Si ergo naturalis charitas, & moralis quasi identitas hoc præstat respectu aliorum, quid uniuersique præstabit juris erga semetipsum, cui nemo alius esse potest magis coniunctus, aut charior?

52 Et hæc quidem, licet efficacius urgeant, cum de pœna mortis agitur, servata proportione, locum obtinent in aliis pœnis minoribus; sed ex se non parum gravibus, ut mutilatione, carcere perpetuo, infamia, aut aliis, quæ mors civilis dicuntur, vel mors quædam prolongata, & moralis æstimatione morti ipsi interdum æquiparantur. *Melior est enim mors, quam vita amara*, ut animadvertit Sapiens *Ecclesiast.* 30. 17. Unde Auctores præcitati de hisce pœnis sentiunt pariformiter, nec dissentiunt adversarii: quia, admitta semel exceptione veræ mortis, omnes eorum rationes enervantur, locufque apertus relinquitur cœteris, quarum magnitudo solet detertere viros alioqui valde constantes, & propter quæ vitanda quandoque licere creditur mortem ipsam exoptare, juxta ea, quæ ex professio habentur *suprà dissert. 9. cap. 6. §. 7.*

53 Cum verò duntaxat agitur de effugienda pœna alia leviori, aut absolutè levi, Tamburinus non docuit assertivè (ut ipsi imponit Pisani) etiam tunc licitum esse diffiteri crimen aliàs semiplenè comprobatum, nec quoad hoc Sylvestro assensit, aut Fumo; sed solum sub dubio dixit, *à mortali fortasse esse excusandum*, nisi bonum commune, aut amor proximi postulet rem fieri aliter. Ratio ipsius fuit inter alia, quia in hoc eventu ipsum præceptum leviter tantum obligare videtur, & leve est damnum Reipublice, quamvis leves istæ pœnæ ex defectu plenæ probationis, quam completeret rei confessio, de facto non imponantur. Sed lenientis istis non obstantibus, contrarium tenendum reor cum Card. de Lugo loco citato *num. 16. versus fin.* cui cœteri ad stipulantur, adducti *num. 48.* nullus enim hujusce extensionis meminit, & eam excludere satis, cum solum excipiunt mortem, aliasque ex pœnis gravioribus à regula generali.

54 Et professio neque ejusmodi præceptum

est de re summè difficult; nec potestas imponendi illud sub obligatione gravi excedit facultatem Reipublicæ, quæ ad alia similia incommoda cives solet obligare; neque expediens est, ut illa nunquam utantur judices, cum gravitas criminis non est tanta, ut per tormenta justè possit extorqueri candida confessio veritatis. Quia, deficiente utroque metu, tam torturæ, quam perjurii, & inobedientiæ gravis, cum maxima illius perniciæ ex defectu probationum impunita remaneret non solum delicta promerentia levem pœnam, sed etiam pleraque alia, utique graviore digna, sed non tanta, qualem poscunt, quæ tacente, vel negante reo interventu tormentorum legitime examinantur. An autem ob parvitatem materiæ præceptum judicis obliget aliquando tantum sub veniali, sive immediatè ad veritatem candidè aperiendam, sive ad præstandum juramentum respondendi juxta mentem ejus, ex communibus principiis legum, atque præceptorum admittentium materiæ parvitatem decidendum est. Dummodò rectè applicentur, quia in ordine ad finem proprium justitiæ vindicativæ, & damnum publicum ex impunitate resultans sæpe sæpius grave erit, quod intra genus pœnæ leve apparet.

55 Leve quoque Tamburinus judicat *inibi num. 7.* si reus neget cum æquivocatione veritatem, quando nulla spes affulget evitandi pœnam capitalem: quia tunc ad summum offunditur judicis potestas in re levi, nec pœna justa evitatur, cum reus sit certò plectendus, qui jam aliunde supponitur aut convincendus per testes, aut convictus ob notorietatem facti. Cœterum duntaxat loquitur, ut ex ratione ipsius patet, de peccato pervertendi justitiæ vindicativam, & inobedientiæ erga judicem legitime interrogantem reos de capitali crimine saltem casu, quo non deficit ejusdem plena probatio. Et restringendo quæstionem ad hos terminos, non videtur adeò facile ostendere, in hoc eventu dari istud genus peccati, quamvis reus negando mentiretur, quia mendacium officiosum potius reo appareret, quam perniciosum judici, aut communitati pariter exequuturæ mortem, satisfactumque vindictæ publicæ, eo consistente, aut negantem. Absolutè autem longè melius dixit-

dixerunt, absque peccato mortali non posse negati crimen, nisi ipse affulgeat mortem declinandi.

56 Tum quia sicut Inutilis est ad tuendam vitam negatio criminis reo planè convicto, & æqualiter puniendo, licet non confiteatur, ita Reipublicæ parum utilis interrogatio videtur ex abundanti præcisè, & ad pleniorē probationem duntaxat, & ideo interrogari non solet, nec torqueri, nisi ob complices, vel alios fines, ex quorum levitate, aut gravitate mensurari debet hujusce peccati gravitas. Tum quia prædicta interrogatio non fit in judicio absque interpositione juramenti, & propterea peccatum grave perjurii nunquam potest evitari, quamvis reus in promittendo utatur restrictione aliqua occultata: nullam enim justam causam habet; sed merè voluntariè adhibet illam, cum neque ad fugiendam mortem, neque ad aliud jus tuendum restrictio sibi fit utilis, nedum valde necessaria. Tum quia ibi fere semper admiscebitur lethale peccatum scandalum, nam in foro externo ille perjurus censetur, & in suo peccato obstinere perseverans, non obstante spirituali aliorum damno. Quia ratione Tamburinus ipse excepit cum P. Sanchez lib. 3. in Decal. cap. 7. num. 11. in fin. crimen hæreseos, obligavitque hæreticum negativum ad confitendum suum crimen, etiam finito judicio, ne decedere credatur pertinaciter in hæresi, de qua est convictus, & vivicomburio mancipatus per sententiam.

C A P U T VII.

Enodantur argumenta: & ibi utrū possit dari bellum ab utraque parte justum inter judicem, & reum ob opiniones contrarias?

57 **C**ontra certam probabilitatem, & securitatem opinionis, quam tractamus, præcipuum argumentum inde sumitur, quod juxta illam admittatur quoddam quasi bellum justum inter judicem, & reum, seclusa utriusque ignorantia. Neque enim judex ignorat, se interrogare de crimine promerente poenam mortis, neque cum latet difficultas sui præcepti, & nihilominus licitè interrogat, & justè obligat ad promittendum sub juramento

claram, ac synceram confessionem veritatis, præcedente semiplena probatione, vel infamia æquipollente. Ergo si ex adverso reus in eisdem circumstantiis sibi notis potest licitè veritatem occultare cavendæ mortis prætextu, & media equivocatione interrogantem eludere, uterque justè procedit, scienterque inter se belligerantur servatis justitiæ regulis in judicio criminali.

58 Propterea Petrus Navarra ubi supra num. 34. cul Pesantius, & nonnulli accedunt, non veretur admittere in hoc casu bellum justum ab utraque parte, quamvis nullus invincibili ignorantia præoccupetur: uterque enim jure suo utitur, judex percontando intuitu boni communis; reus verò veritatem abscondendo, ut propriam vitam tueatur. Cæterum, si sermo sit de bello hinc, & inde justo secundum rei veritatem à nostris opinionibus independentem, vel, ut alii loquuntur, justo materialiter, implicatoria videtur hæc doctrina, & nusquam admittenda. Aut enim judex re vera excedit suam potestatem obligando ad confessionem veritatis, non obstante supplicio mortis inferenda, aut re vera eam non excedit? Si non excedit, bellum erit re ipsa justum ex parte obligantis, & injustum ex parte resistentis, cum jus, ac potestas judicis defensionis ipsius prævaleant. Si verò excedit, è contrario bellum hoc injustum erit ex parte obligantis ultra suam potestatem, justum verò ex parte resistentis. Ergo tam implicat bellum re ipsa, & materialiter justum ex parte utriusque bellantis, quam implicat, aliquem secundum rei veritatem excedere, ac non excedere limites suæ potestatis. Et hoc pariter procedit in quocumque pugna, aut lite civili, seu criminali, aut etiam castrensi. Nam in rei veritate nunquam geret bellum secundum se justum illa pars, quæ juri alterius derogat potentiori, ac prævalenti ei juri, quod sibi adest.

59 Ideo expeditior solutio fert, in nostro eventu dari bellum ab utraque parte justum formaliter, & juxta conscientiam; sed non absque ignorantia invincibili alicujus veritatis. Ob contrarias enim opiniones practicæ, ac certò probabiles, quas judex, ac reus sequuntur. neque ille coram Deo peccat præcipiendo, neque

que iste Imperium detrectando; sed uterque iuste agit, dum non temere, sed valde prudenter iudicant, unus, esse sibi licitum præcipere, velleque obligare; alius verò, sibi etiam licere non obedire. Et, quamvis alter ex ipsis necessario decipiat, nam ex duabus opinionibus invicem contradicentibus una debet esse vera, altera falsa; nihilominus dum inculpate ignoratur, quæ falsa sit, aut quæ vera, & accuratum examen tot Doctorum id discernere non potuit ob rationes iusti ponderis persuadentes, ac obstantes, quales sunt, quæ hic interveniunt, utraque pro vera haberi potest quoad effectum operandi licite. Nemoque in hoc sensu diffiteri poterit, inveniri sæpè sæpius bellum ab utraque parte fustum.

60 Verumtamen inde emergit haud dissimulanda difficultas. Quia esto prædicta sint vera, dum pugna est inter æquales, longè aliter dici debet, cum contentio ista versatur inter Superiorem, ac Subditum, quales sunt iudex, ac reus. Superiori enim certò tali, ac præcipienti: juxta opinionem probabilem suæ potestati faventem parendum est proculdubio, quamvis subditus speculative contrariam opinionem sequatur, & concedere in hoc casu licitam non obediendi facultatem, ait Suarez lib. 5. de legib. cap. 18. num. 20. nimia esset licentia, & multam confusionem, & scandala pareret. Equidem etiam cum subditus opinatur probabiliter, Superiorem non esse re ipsa talem, aut respectu, aut absolutè, quia credit electionem ejus fuisse invalidam, sentiant pluri cum Sanchez lib. 6. in Decal. cap. 3. num. 29. necessariò esse obediendum, saltem si sit in possessione officii. Igitur à fortiori idem debet dici, cum certa est Superioritas, ac certum præceptum, & probabilitas subditi solum versatur circa qualitatem rei præceptæ, quam opinatur illicitam, vel adeò difficilem, ut excedat potestatem ejus.

61 Respondeo 1. ab hac regula excipendum esse cum eodem Sanchez *ibidem*, & plenius num. 7. casum, quo opinio probabilis, omnibus inspectis, dicat hic, & nunc licitum esse subdito non obedire, quamvis etiam sit probabile ad obediendum teneri. Quam exceptionem non esse controversam, sed indubitatam, etiam Theolog. Reform.

subditus contra se habeat probabiliorē opinionem, tradit Raggius *disso. dub. 63. num. 3.* sequutus utrumque Sanchez, & utrumque Lugo, Sayrum, Petrum Navarra, Luisum de Torres, Palao, & alios valde communiter, licet ab illis discedant Salas, atque Bossius *suprà* à num. 290. Porro casus, quem tractamus, est hic ipse. Nam opinio, quæ reis favet, id ipsis licere dicat, & sub eisdem circumstantiis, quod alia putat illicitum: & pro eis faciant illa omnia, quæ Doctores cumulant pro usu licito cujuscunque opinionis certò, ac practice probabilis. De quo alibi statuimus.

62 Quod si fortè plus desideres, & exigas, ut opinio, quam subditus in praxi sequitur, non sit aliena, sed sua, aut communis, aut iudicio ipsis probabilior, neque hæc circumstantia deerit in præfenti. Quippe rei non occidendi, nisi ex sua confessione, facile sibi appropriabunt opinionem, quæ ipsis favet in re tanti præjudicii. Illam verò esse communem, non tantum reorum, sed etiam iudicum, & jurisperitorum, fere centum ab hinc annis tradebat Emmanuel Sà, verb. *Judiciales actus sub titulo. De reo. vers. Reus non est cogendus*, & postea ex Theologis tot alii accessere valde probati iudicii, ut vel ipsi soli possent reddere istam opinionem communem, ac certò probabilem ab auctoritate extrinseca. Esse autem probabiliorē stando rationi, Lugo tradidit cum aliis, & multi ex antea appellatis illam, omnibus inspectis, absolutè veram putant haud temere, si rationes ipsæ jam adductæ perpendantur. Et, cum hæc diversis intellectibus comparentur, nil obstat, quominus & reus, & iudex inter se mutuò discordent, & quilibet absolutè veram, aut probabiliorē reputet doctrinam sibi faventem; contrariam autem reiiciat tanquam veritate destitutam, aut certè minus probabilem.

63 Respondeo rursus, plures etiam ex Auctoribus, qui prædictam regulam sequuntur, excepisse inter alios nostrum casum. Ajunt enim, cum ex obedientia certò sequitur subdito, vel alii tertio grande aliquod malum in bonis corporis, fortunæ, aut famæ, imponi non posse obligationem obediendi certam ob opinionem probabilem, qua Superior credit, quam-

quamvis cum formidine, se procedere juridicè, & non obligare ultra limites legitimè potestatis. Ita cum aliis viginti docet latissimè Bosius à num. 301. cui adde Thomam Hurtado 1. p. *resol. mor. tr. 3. cap. 1. resol. 5.* qui plus addunt, nempe in hoc eventu vel rationabile dubium sufficere subditis, ne præceptum exequantur. Potius namque est reo savendum, & illi, qui futurus est in damno gravi, certòque spoliandus vita, honore, aut libertate, quàm illi, qui nullum damnum certò passurus videtur; sed forsan agit injustè. Et quamvis reus non sit in possessione suæ omnimodæ libertatis; sed potius subjectus judici, vel Superiori; adhuc tamen talia bona justè possidet, & jus quo licitè potest suæ securitati consulere, & in casu incerto à morte, vel aliis malis affinis sese indemnem conservare. Istud namque jus præponderat juri, quod tunc judex habet, sicut præponderat juri, quod privati habent ad sua bona, dum alter indiget ipsis ad suam vitam conservandam, & in aliis occasionibus, quas num. 50. & 51. judicavimus.

64 Sed dices. Esto hæc sint vera, cum ex defectu obedientie non sequitur aliud damnum, contrarium esse dicendum, cum exinde bonum publicum periclitatur: ita autem in nostro casu contingit, quia nisi certa obligatio reis semiplenè convictis imponi possit à judice, atrociora delicta non puniuntur juxta meritum, & alii audientiores fient ad similia perpetranda ob spem effugiendi mortem, nisi aliunde convincantur. Respondeo, idem inconveniens cogitari posse, tam in istis, quàm in aliis gravibus, etsi minoribus, delictis ex eo, quòd reus obligari nequeat ad apertam confessionem veritatis abque semiplena probatione, vel infamia: illa enim multitoties deficit; & tamen non reputatur absurdum, aut perniciosum Reipublicæ, quòd ob defectum ipsius illa impunita remaneant. Non inficior, grave damnum publicum, immò privatum alicujus innocentis, quod aliter impediri nequit, sufficere ad obligandum certissimè in hoc eventu, ut rectè perpendit Lessius lib. 2. cap. 41. num. 46. vers. *Adverte tamen*; sed ajo, longè efficacius impediri subiticiendo reum torturæ, quàm obligando ad peccatum. Metu enim peccati vix ul-

lus è malefactoribus fatetur; sed vitæ amore obtecantur, ut experientia demonstrat, idque medium non occurrit malis publicis; sed conscientias reorum maculat. At verò metus torturæ sæpius ab illis extorquet veritatem, quam negaverant, & in tormentis fatentur, quod alioqui diffiteri mallet. Unde afflictivum hoc medium meritò introductum est jure ipsorum gentium ad probationem criminum, quamvis non detur in pœnam veritatis denegatæ: nam tunc judici adhuc est incertum, utrum reus negativus loquatur verè, vel falsò.

65 Respondeo tertio (ne quid desit in te, quæ plerique aliis controversiis inter Superiores, ac subditos, servata proportionem, valet deservire) regulam generalem num. 60. propositam non esse usque ad certam, quin plures, gravesque Auctores oppositam aut absolutè sequantur aut valde probabilem esse dijudicent, consentaneque ex adverso, subditos non obediens à culpa excusari, cum probabiliter reputant, rem præceptam esse illicitam, aut excedere præcipientis facultatem. Ita in primis Gibalinus tom. 1. de scient. Canon. lib. 3. cap. 7. q. 5. *consect. 1. num. 1.* addens, esse sibi fere certum, Petrus de Ledesma in summa. p. 2. tr. de statibus. sub tit. de Religiosis. cap. 4. Raggius eo dub. 68. concl. 4. Scildere dictum num. 65. assert. 3. & 4. Lessius ubi proxime, vers. *Dico quarto.* Joannes Sanchez in selectis. disp. 33. à num. 32. Mcrolla disp. 3. cap. 4. num. 65. Januarius, Rocassul, Spinola, quorum verba per extensum assert. Diana p. 9. tr. 9. *resol. 45.* & dicens, esse probabilissimam. Palao tom. 1. tr. 1. disp. 2. punct. 6. num. 5. Suarez quoque id ipsum reputat valde probabile disp. 4. de censur. sect. 6. num. 6. in fine, cum manifestè probabilius est, id, quod præcipitur excedere Superioris potestatem: eademque accessit Franciscus de Lugo de consr. p. 1. cap. 3. num. 97. fol. mihi 164.

66 Duodecim pro hæc opinione rationes congesti Thomas Hurtado in dicto tr. 3. cap. 2. atque in eisdem dissolvendis multum laborat deinceps. Ea autem satis verosimilis apparet, quæ ex contrariis probabilitatibus circa substantiam totius jurisdictionis desumitur. Eadem namque ratio esse videtur partis ad partem, quæ est totius ad totum, neque ulla lex potius

tius cogit in foro interiori subditum obedire Superiori in his, quæ spectant ad suæ jurisdictionis extensionem, quam in spectantibus ad totam jurisdictionem suam. Sed cum tota jurisdictio Superioris est solum probabilis, & subditus opinatur, eum non esse verè Superiorem, ex. g. ob aliquem defectum, qui in ejus confirmatione, aut electione intercessit, non tenetur ei parere, neque ullus dubitat, hoc esse certò, ac practicè probabile; immò esse absolutè verum sentiunt multi ex eis, qui aliter censent, cum probabilitas opinionum contrariarum ex hoc capite non sumitur, sed ex parte rei præceptæ, quæ prudenter existimatur illicita, vel alio titulo excedens præcipientis potestatem, ut Vasquez 1. 2. *disp. 62. cap. 6. in fin. Salas tom. 1. tr. 8. num. 78. Thomas Hurtado ubi supra cap. 3. num. 149.* Ergo idem erit dicendum respectivè ad illum casum, ubi similis opinio contrarietas circa partem jurisdictionis versatur: maxime, quia circa legem privatam, seu votum, & extensionem ipsius communissimè Doctores hoc modo philosophantur.

67 Explicatur. Cum ex eo, quòd opinans, præceptum Superioris alioqui legitimi esse de re illicita, aut excedente ejus potestatem, eo ipso opinatur, non esse verum præceptum; sed apparens, atque re ipsa nullum: verum enim præceptum in conceptu suo involvit esse de re licita, & inclusa intra limites officii, ac potestatis. Porro, cum verum præceptum deficere prudenter creditur, obedientia non constringit: & idèò subditus nec legi Divinæ, neque alii obedire debet, quamvis possit, cum opinio practicè probabilis sibi dicat, illam non extendi ad casum aliquem ex solius voluntatis defectu, nedum ex defectu potestatis. Idemque evenit, cum lex communis varias interpretationes certò probabiles habet, & Superior nil de suo præcipiens, sed soli ipsius executioni intendens rigidiorē sequitur; subditus verò benigniorem sectatur. Tum quia, seclusa speciali conventionē, aut voto parendi in omnibus, ubi peccatum manifestè non apparet, nulla lex certa exhibetur, quæ hunc modum obedientiæ præscribat, præsertim cum jubet Superior juxta opinionem minùs probabilem, & subditi opinio, inspectis omnibus, apertè probabilior reputatur: de quo plura hinc inde Auctores, dum emergit contro-

versia circa justitiam tributi, aut excommunicationis in casu utrimque probabili.

68 Tum demum, quia quòd Superior sit, aut non sit in possessione officii, nihil eum potest juvare. Officii enim possessio solum confert, ut auctoritate illius liberè uti possit quoad eam partem, quæ sub ipsa certò comprehenditur; præcipienti autem illicita, aut excedentia potestatem suam vera possessio non datur; sed quoad partem hoc modo controversam tam est incerta possessio Superioritatis, quam proprietas, subdito nimirum prudenter opinante, & forsan verè respectu illius se esse potius in possessione suæ libertatis. Quòd si controversia detur, v. g. inter Episcopum, & Regulares exemptos, erit difficultas gravior. Nam Episcopum ex vi sui muneris est in possessione præcipienti in certis casibus, quibus Regulares ipsi subiiciuntur; isti verò sunt in possessione suæ exemptionis, & ratione illius non patendi in multis aliis. Cujus igitur possessio prævalebit, cum est utrimque probabile, casum esse, & non esse comprehensum sub jurisdictione Episcopali? Adest enim utrobique possessio certa quoad nonnullos casus, & utrobique probabiliter concluditur de extensione illius quoad alios. Utraque sanè prævalere nequit, quasi certum sit, Episcopum injustè præcipere, & simul etiam sit certum, exemptos ejus imperium illicitè detrectare. Ergo potius dici debet, licitè omnes operari sequendo opinionem suam, & possessionem quoad aliquam certam, quoad incerta non juvare.

69 Vides igitur, quot modis reddatur certò probabilis, & in praxi tuta opinio, quam adeò acerbè exagitat Pisani, quasi peculiaris esset Card. de Lugo, aut Tamburino, cum re vera sit adeò communis, ut Octavianus Spatharius apud Bassæum verb. *Reus. num. 4.* attestetur, se vidisse eam per totum orbem praticari ab omnibus reis, & in omnibus judiciis, tam Ecclesiasticis, quam Regularibus, aut Sæcularibus. Neque labe factat illam, quòd ad ejus usum exigitur aliqua æquivocatio, vel restrictio occultè adhibita promissioni juratæ respondendi verum, atque responsioni ipsi. Nulla namque est in hoc casu specialis difficultas; sed ea communis his omnibus, quibus probabilis est, se non interrogari juridicè, undecumque tandem id proveniat.

70 Nam, tametsi reus iste cognoscat, se à iudice interrogari, præcedente semiplena probatione, vel infamia; nihilominus merito opinatur, pro crimine capitali id non esse satis; sed contra juris naturalis ordinem apertam confessionem inungi, & juramentum deferri. Neque enim temerè putat, adhuc sibi superesse justuendi propriam vitam quovis modo probabiliter honesto, & non ministrandi arma, quibus afficiatur morte, quam effugere aliàs sperat. Quocirca, sicut communi sententia posset promittere, atque respondere æquivocè, vel cum restrictione occulta in re tanti præjudicii, si probabiliter existimaret, se interrogari contra juris ordinem ex defectu semiplenæ probationis, infamiz, aut indiciorum ipsi æquipollentium, sic pariter eisdem mediis licitè uti potest, cum aliunde non est convincendus, neque damnandus ad mortem, quam ex testimonio suo. Sano ergo modo poterit promittere, se palàm dicturum veritatem, subintelligendo, *Si ad id certò te meor, vel Si crimen possit plenè comprobari aliunde, vel Nisi probabilis excusatio mihi assistat*: necnon & absolutè negare, se commisisse idem crimen, nempe *publicè, vel ita ut plenè probari possit absque testimonio suo*. Neque istiusmodi additiones erunt merè voluntariæ, aut solùm utiles; sed necessariæ ad defensionem maximi illius juris, quo vitam servare possumus, eamque tueri ab interrogatione, quam putamus sàkè materialitèr iniquam, & contrariam illi ordini, quem in causis capitalibus jus naturale præ-

scribit. Unde si ve restrictiones istæ, id non percipiente iudice, lingua proferantur, si ve intra mentem consistant, non possunt censeri ex illis, quas mendaces declaravit condemnatio Pontificia. Nam ex externis circumstantiis negotii sufficienter deprehenditur necessitas adiciendi ipsas, & consuetudo reorum, ac publica probabilitas opinionis, quæ ipsis favet, justam præsumptionem generat usus illarum in tanto vitæ discrimine.

71 Neque juramentum superadditum earum naturam immutat, aut aliter intelligi facit, quàm per se deberent accipi tam assertio, quàm promissio; sed sub eisdem conditionibus explicitis, aut implicitis, expressis, aut potius tacitis, ejus obligatio adjungitur, ut luculentis exemplis, atque ad præxim valde utilibus demonstrat circa juramenta promissoria Lessius *eo lib. 2. cap. 42. num. 22*. Quod si reus promittendo apertam confessionem veritatis, omnem prorsus restrictionem positivè excluderet, perjurium proculdubio contraheret occultando positè crimen, & promittendo etiam perjurus esset, si tunc haberet intentionem occultandi illud. De quo accuratius, quàm alii, nec sine fructu pertrahat Dicastrillo *lib. 2. de just. tr. 1. disp. 6. à num. 42*. Eritque satis proficuum in facti contingentia Confessariis relegere Busenbaum *in medulla. lib. 4. cap. 3. dub. 8.* ubi diligenter examinat modum, quem cum reis servare debent, ut conscientiz ipsorum consulant, & indemonstratis curam non omittant.

DISSERTATIO XVIII.

DE SIMULATA ADMINISTRATIONE Sacramentorum.

Simulatio non tantum administrando, sed etiam conficiendo, & recipiendo Sacramenta contingit; ut in decursu explicabitur; sed de administratione specialiter quaestio instituitur, quia de illa speciatim loquitur propositio, cuius impugnationem adornamus.

CAPUT PRIMUM.

An urgens metus gravis sit causa iusta Sacramentorum administrationem simulandi?

Causam justam esse affirmat *thefts* 29. inter damnatas ab Innocentio XI. Neque ego comperi Auctorem, qui id asserere ausus fuerit tanta generalitate, ut Sacramenta omnia indistincte comprehendat, & quoscumque modos simulandi, atque patiendi metum. Tribuunt illam Joanni Sanchez Palao *tom. 1. rr. 2. disp. 1. punct. 13. num. 8.* Lumbier *in praesenti num. 1865.* & Diana *p. 3. rr. 6. resol. 83.* in hac scribens: *Joannes Sanchez in select. disp. 35. num. 6. asserit, ob timorem mortis, & gravem causam in administrandis Sacramentis licitam esse simulationem.* Sed ille eo loci, ac deinceps non loquitur generaliter; sed quosdam casus adducit, ubi licere pronunciat absolvere absque intentione absolvendi, & consecrare absque intentione consecrandi, qui in rigore ad simulationem non spectant, cum illa proprie sumpta non consistat in verbis; sed in factis. Alius vero casus, quem proponit *num. 9.* de femina suspecta adulterii metu mortis simulante se communicare, aut confiteri, non est proprius ministrantis; sed potius suscipientis Sacramenta ista.

2 Immerito autem huic Auctori imputat ibi Palao, ut etiam animadvertit Diana, quod in hoc eventu Sacerdoti liceat porrigere praedictae feminae hostiam non consecratam pro consecrata: id namque nunquam licere, constanter inibi affirmat; neque suscipienti ipsi hoc permissum esse, quamvis infans Sacerdote id faceret, satis manifeste sequitur in consequentiam doctrinae Reform.

Strinxit ab eo traditæ. Unde neutri istud permittit; sed duntaxat simulare susceptionem hostiae consecratae, cum re vera illa non detur; sed subrahatur occulte, ut Sanchez ipse praefatur in initio ejusdem numeri. Qui casus longe diversus est, illumque expediemus infra.

3 Interim tamen adverto, Palao in eo loco dixisse, sententiam Joannis Sanchez *redolere audaciam, & temeritatem.* Quae censura nimium rigida visa fuit Antonio de Escobar *tom. 1. Theol. moral. lib. 1. num. 138.* Sed certe rigida non debuit videri, si illius Auctoris doctrina sub ea tota generalitate sumatur, qua in thesi condemnata proponitur, & qua diximus fuisse intellectam, ac relatam à Palao, Diana, & aliis. Constat enim, metum gravem iuste illatum injuste detestanti administrationem alicujus Sacramenti non esse justam causam simulandi administrationem ejus; sed deponendi injustitiam, qua nolebat illud ministrare. Certum est insuper, solum metum nunquam esse justam causam hujusce simulationis, nisi simul in Ministro detur causa valde gravis, & idonea ad non ministrandum illud, ex.g. quia timeret, se peccaturum, si id faciat, quia à suo Superiore est prohibitus, aut quia est in statu peccati, aut quia videt poenitentem indispositum, vel alia ratione inhabilem, ut si ad Ordines accedat, quem novit irregularem. Nam, cum talis causa deest, simulatio merè voluntarie eligitur praevia lida administratione Sacramenti, & metus mortis, ex quo solo posset excusari, nullo pacto ad eam determinat.

4 Certum est ulterius, metum gravem, sive justum, sive injustum, qui directè non incutitur ad extorquendum administrationem alicujus Sacramenti, nunquam

quam esse justam causam exercendi illud simulat, quamvis plerumque contingat, & maxime in matrimonio, ut illud tanquam medium eligatur ad evitandam mortem imminuentem, v. g. à iudice, vel parentibus propter stuprum puellæ, aut raptum. Certum est tandem, metum non præbere licitam facultatem simulandi, quoties simulatio externa, vel se sola injuriam irrogat Auctori Sacramentorum, aut aliis, qui decipiuntur injuste, aut est occasio idololatriæ, aut opponitur præcepto confitendi exteriori fidem, aut cedit alia ratione in ejusdem fidei odium, aut religionis contemptum, aut non fit absque mendacio. Nec de his casibus potest esse controversia; sed, cum illos excipere debuisset thesis proscripta, ut aliquo colore sustineri posset, eos omnes indiscriminatim comprehendit, & regulam generalem indistinctè tradidit simulationis permissivam occasione metus gravis ad administrationem urgentis.

5 Porro ea regula multoties evidentissimè fallit ob varios modos, ac causas simulandi, atque patiendi metum, quæ in hoc negotio permisceri valent. Immo vel sola vox ipsa simulationis ostendit, semper, & ubique fallere: quia semper sumitur in malam partem, sicut dolus, & hypocrisis absolute, aut propriè accepta. Longissimè enim à veritate diffidet omnis simulatio, ut Chrysostomus scribebat *tom. 5. orat. 2. contra Arianos, col. 7.* & propterea illi ab intrinseco repugnat habere causam, qua justificetur, non minus, quam detractioni, dolo, aut invidia, quibus eam associat S. Petrus *epist. 1. cap. 2. 1.* hisce verbis: *Deponentes igitur omnem malitiam, & omnem dolum, & SIMULATIONES, & invidias, & omnes detractiones, sicut modò geniti infantes rationabile sine dolo lac concupiscite.*

6 Afferendum ergo est, metum gravem, etiam injustè, atque directè incussum, nunquam esse justam causam simulandi administrationem, cuiuscumque Sacramenti, & oppositum, ut minimum esse scandalosum, ac perniciosum in praxi. Ita sumitur ex Sacris litteris, ac decreto Pontificio, persuadeturque ratione convincenti, nisi voces alienentur, & à suo significatu vero, ac proprio distrahantur. Nam, si nunquam datur justa causa si-

mulandi, longè minus dari poterit in rebus tanti momenti; nuper autem visum est ex D. Petro, tam repugnare justam causam simulandi, quàm invidendi, detrahendi, aut dolosè decipiendi alterum. Explicatur. Quia nullus in dubium vertet, obnoxium fore his censuris eum, qui diceret, metum mortis, peccati, vel alterius gravis mali esse justam causam mentienti; idem autem dictum est esse justam causam simulandi, sive administrationem, sive consecutionem alicujus Sacramenti, sive quodvis aliud. Nam simulatio propriè est mendacium quoddam in exteriorum signis factorum consistens, ut tradit Doctor Angelicus 2. 2. q. 111. art. 1. corp. qui rectè exinde concludit inhærendo Canonice doctrinæ S. Petri, omnem simulationem esse peccatum.

7 Omne enim mendacium peccatum est, & simulatio, aut propriè talis non erit; sed aliud quidpiam ea voce abusive, & valde impropriè significatum, aut propriè mendacium erit. Nam ait ibi S. Thomas: *Sicut ad mendacium pertinet, quod aliquis per verba exteriora aliud significet, quàm habet apud se, ita etiam veritati opponitur, quod per aliqua signa factorum, vel rerum aliquis significet contrarium ejus, quod in eo est, quod propriè simulatio dicitur.* Quod si vox ista improprietur, ut eo pacto ejus malitia abstergeretur, pari licentia impropriari posset vox mendacii, & expurgari ab intrinseca malitia, quàm significat ex proprio suo conceptu, ac dicere cum Cassiano, & quibusdam aliis PP. mendacium licere in casu metus, aut gravis necessitatis.

8 Nec obstat, si sortè obijcias, mendacium verbis, ac vocibus, non verò rebus, aut factis, committi. Nam etiam nutibus potest committi mendacium, & lachrymis, ac fuscipitiis, & quibuscumque aliis rebus, quæ signi rationem habent. Malitia enim mendacii in hoc consistit, quod aliquis signis externis ad fallendum abutatur, & culpa mentientis est in enun-
ciando animo suo fallendi cupiditas, ut tradebat Augustinus *lib. 1. de mendacio cap. 3.* Quod verò signis vocalibus, aut aliis quibusque fiat, merè materialiter se habet, & eodem modo præjudicat sociali conversationi, ac conviviui rationali. Unde veracitatis officium ad omnia signa se extendit, seu verbalia, sive realia, & ejus est,

est, ut S. Thomas scribit 2. 2. q. 109. art. 2. corp. exteriora nostra verba, vel facta debent ordinare ad aliquid, sicut signum ad signatum. Cum autem mendacium definitur esse falsa vocis significatio, non ideo à conceptu illius excluduntur signa realia; sed potius nomine vocis omne signum denotatur, sicut nomine visionis actiones aliorum sensuum sæpe sæpius exprimuntur. Nam quia voces, inquit S. Thomas ibidem. qu. 110. art. 1. ad 2. precipuum locum obtinent inter alia signa, ideo cum dicitur, quodd mendacium est falsa vocis significatio, nomine vocis intelligitur omne signum. Unde qui aliquid falsum nutibus significare intenderet, non esset immunis à mendacio.

9 Erit ergo simulatio formaliter, ac propriè accepta, ut cum D. Thoma loquar, & communiter cum aliis, mendacium consistens in signis non verbis, sed rei, aut facti. Et quemadmodum ad mendacium verbale necessariò exigitur falsa vocis significatio cum intentione fallendi, ita ad simulationem formaliter, ac propriè talem necessaria erit omnino falsa facti, aut rei significatio cum intentione fallendi. Unde opus est ante omnia, ut res, aut factum, vi cuius simulatio exercetur, verè habeat rationem signi, prout eam habet sæpe sæpius, non tantum naturaliter, sed etiam ad placitum. Fumus enim naturaliter ignem significat, & alii effectus suas causas; ad placitum verò, & ex publica hominum impositione, vel communi sensu, ac usu ramus ante tabernam declarat, ibi esse vinum vendibile, & sonitus campanæ convocat ad Missam audiendam. Opus præterea est, ut significatio sit falsa, saltem juxta existimationem exhibentis signum, & contra mentem ipsius: nam alioqui non præberet occasionem deceptionis à consilio, nec posset dici deceptor, qui mentitur verbo, aut facto. Et præterea, qui re ipsa verum profert, quod ipse falsum existimat coram Deo mendax est, & mendacium verè incurrit, quamvis non sit falsa ejus expressio, comparando signum ad rem significatam. Nisi fortè mavis dicere cum S. Thoma in vitroque scripto super 3. sentent. dist. 38. art. 1. ad 1. illum mentiri in eo eventu; sed non dicere mendacium, quod simulationi potest parè jure accommodari.

10 Opus est insuper intentione fallendi formali, vel virtuali. Non enim semper requiritur directà, aut formalis; sed sufficit indirecta, aut virtualis inclusa in voluntate proferendi falsum tanquam ipsi proferenti verum, ac creditu dignum, vel, quod eodem recidet, in voluntate exhibendi falsa signa, quibus alter decipiat, si exhibendi fidem adhibere velit. Cum autem falsum proferitur non tanquam ipsi proferenti verum, aut credibile in eo sensu, sed animo significandi ex ipso veritatem aliquam, intentio fallendi deficit, & consequenter mendacium. Et hac ratione apologi, aut parabolæ, hyperboles, ironiæ, ac loquutiones tropicæ, vel figuratæ absque mendacio dicuntur, & tanquam gesta narratur, etiam in Divinis litteris, cum verè gesta non sint: quia non animo significandi, ea esse verè gesta, proferuntur; sed manuducendi ex narratione ipsorum ad noticiam alterius veritatis. Optimè autem tradit, & profequitur sensè S. Augustinus lib. contra mendacium cap. 13. non esse falsam significationem, ubi etiam aliud ex alio significatur, verum est tamen, quod significatur, si rectè intelligitur; postea autem ait, tunc rectè intelligi, cum ad id, quod loquens voluit significare, refertur. Unde & fictiones, quæ nihil aliud significant, nisi rem fictam, mendacia sunt; quoties autem ad aliquam veritatem denotandam componuntur, ut cum Christus finxit se longius ire, neque simulationes sunt, neque mendacia, juxta S. Thomam in dicta q. 111. art. 1. ad 1. Sed de his plura in superioribus, maxime differt. 17. cap. 6. §. 7.

11 Constat igitur ex dictis, ad simulationem propriè talem hæc omnia necessariò requiri, & præterea intrinsecè turpem esse, & nullo metu, aut causa posse cohonestari; sed semper esse fugiendam, ut fugiendum est mendacium: neque enim mentiri licet, etsi millies mori oporteat, ut ex Augustino sumitur in enarrat. ad Psalmum 5. & ex Alexandro III. in cap. Super eo. 4. de usuris. Porro vox simulationis non potest in alio sensu usurpari, vel intelligi in ea thesi, cuius damnationis insistimus. Est namque exponenda, ut jacet, id præmonente Pontifice, & præterea in sensu proprio, quem sua verba præferunt; non autem in sensu

alieno, qui nullum prorsus fundamentum habet in contextu, aut modo ipsius. Et quamvis latiore alium sensum aliquando admitteret, cum propositus sit omnino proprius, absolutus, ac communiter receptus apud Scriptores classicos, id sufficeret, ut nota scandali inusta esset propositio. Quandoquidem, sicut ex verbis inordinatè prolatis hæresis solet incurri, ita incurri potest scandalum, & perniciofa praxis suboriri exinde. Proclive enim esset cuilibet sumenti thesım, ut jacet, intelligere, simulationem absolutè, ac propriè sumptam, & consequenter mendacium, ibi esse permissam, & licitè deducibilem in Sacramentis ad praxim, quod in quacumque materia valde dissonum apparet, & illorum sanctitati specialiter repugnat, ut inferius declarabitur.

12 Utique vox ista *dolus* quandoque etiam impropriatur, & non solum dolus malus, qui est prava astutia exequutio, & non sit absque mendacio, sed etiam bonus admittitur, accipiendo dolum pro solertia se tuendi, vel res suas: nec propterea erit, qui dicat, hanc propositionem absolutè tolerari posse: *Urgens metus gravis est causa iuxta Sacramenta dolose administrandi*. Usus enim jam obtinuit, ut hoc vocabulo absolutè sumpto non utamur, nisi in malis, ut Festus animadvertit, & è re Theologica disertè tradit S. Thomas 2. 2. q. 55. art. 4. ad 1. notans, acceptiones alias abusivas, & improprias esse. Et propterea S. Petrus loco superius citato omnem dolum reiciebat, semperque in Divinis litteris tanquam vitium improbatum. Consulti quoque in hoc sensu illum accipiunt, ut constet ex L. 1. ff. de dolo malo, & inter regulas juris L. 55. generaliter proponitur, cum, qui iure suo utitur, non videri dolo facere. Quod si simulatio posset absque mendacio contingere, dolo idem posset accidere juxta S. Augustinum loco proximè citato. *Dolus enim*, inquit, *est, cum aliud agitur, aliud simulatur*, & ex ea definitione inferit, in illis verbis Psalmi, *Virum sanguinum, & dolosum abominabitur Dominus, vocem dolosus esse referendam ad mendacium*, quod ipso dolo committitur.

13 Non me latet, acrem controversiam fuisse exagitatam inter Hieronymum, & Augustinum circa nonnulla

facta Apostolorum, quæ simulationem redolere videbantur. Sed apud Doctorem Angelicum, & omnes alios Scholasticos invaluit sententia Augustini improbantis facta illa, si re vera ibi interfuit simulatio, seu falsa signi exhibitio. Sunt etiam in Sacris litteris alia simulationis exempla exhibita à Josue, David, ac aliis nonnullis viris sanctis, quos proinde durum videretur eos peccati facere. Sed eorum facta, aut non fuisse simulationes, sed occultationes licitas alicujus veritatis, vel fuisse verè peccata, communis sententia est, quam eleganter pertractat, nihil intactum relinquens, Marquez in *Gubernatore Christiano. lib. 1. cap. 14. §. 1. per totum*, nec prætermittendus Valquez tom. 2. in 1. 2. disp. 182. cap. 4. & alia, quæ subiiciemus ad disputationis calcem.

C A P U T II.

Utrum aliquando liceat simulare in Sacramentis proferendo verba Formæ absque intentione ad illorum valorem necessaria?

14 J Oannes Sanchez ubi suprà modum istum fingendi numerabat inter eas simulationes, quæ Ministris licent, accedente gravi metu, aut causa. Et quamvis in verbis potius, quàm in signis facti consistant, & deficient ex eo capite ab stricto simulationis conceptu, opus ei fuit uti hoc nomine, ut odiosam mendacii vocem vitaret. Asserit itaque, ob metum, vel ob aliam causam gravem, licitum esse Ministro absolvere absque intentione absolvendi, & exterius consecrare, si opus esset, totum panem vendibilem in foro existentem, absque intentione tamen consecrandi. Supponit tamen cum omnibus, absque idonea causa id esse illicitum, & ex genere suo grave peccatum contra virtutem religionis, & neque licere judicat, quamvis mors sit subeunda, si in contemptum fidei, aut Sacramenti exigatur.

15 Quo sensu cum sequi videntur quoad utrumque casum Diana p. 3. tr. 6. resol. 83. & resol. 30. vers. *Nono*, & Trullenc lib. 2. in Decal. cap. 1. dub. 15. num. 4. Et quoad absolutionem in eo eventum licitè sine intentione impetriendam, late tanquam probabile id tueretur Verri-

celli

telli 1. p. tr. 1. q. 10. à num. 3. Cui solet ad-
 jungi Ludovicus de S. Juan 1. p. summæ. tr.
 de Eucharistia. q. 7. art. 8. diffc. 4. fol. mibi
 167. sed ille dumtaxat dixit, licitum esse
 dare absolutionem cautelosam in aliquo ra-
 ro casu. Generalius est loquutus P. Moya
 p. 1. selectar. tr. 4. q. 3. §. 3. ubi re ex professo
 ventilata, num. 20. concludit, in omnibus
 Sacramentis licitum esse ex justa causa si-
 mulatione uti, proferendo verba formæ ab-
 solutionis intentione requisita. Verbis autem lu-
 dere videtur, nam initio prænotaverat, se
 non loqui de simulatione strictè sumpta,
 sed largè, & illam nimis improprie cum
 æquivocatione, aut mentali restrictione
 confundit, cum istorum nominum sit lon-
 gè diversa ratio.

16 Statuendum tamen absolute est, nul-
 la de causa licitum esse Ministris Sacramen-
 torum fingere, seu simulare, se verè ab-
 solvere absque intentione absolvendi, aut
 consecrare absque intentione consecran-
 di, & ita inreliguis. Merito enim S. Tho-
 mas dixit quodlib. 5. art. 12. corp. In Sacra-
 mentis Ecclesiæ nihil esse per simulationem agendum,
 ut ex eo principio generali inferret,
 illicitum esse peccatori occulto mi-
 nistrare hostiam non consecratam pro con-
 secrata, ne alioqui indignè communicet.
 Valdeque eleganter scribebat S. Augusti-
 nus lib. 50. bomiliar. bomil. 50. cap. 3. Ex
 hoc ipso certè, & graviter, nullo dubi-
 tante peccamus, cum inter ipsa Sacramen-
 ta mentimur. Plurimi quoque ex anti-
 quis, quos sequitur P. Vasquez tom. 3. in
 3. part. disput. 209. art. 41. & Gaspar Hur-
 rado disp. 9. de Eucharistia. in fin. monue-
 runt, in Sacramentis fictionem pernicio-
 sam esse, & execrandam. Censura insuper
 audaciz, ac temeritatis, qua Palao supra
 inurebat opinionem Joannis Sanchez, &
 eum sequutus Aversa q. 64. de Sacram. sect.
 3. vers. Quinto, hæc exempla nominatim
 comprehendit, & ideo in fine concludit,
 certum esse, illa, quæ pertinent ad com-
 munem, & generalem ritum Sacramento-
 rum, ob nullum timorem posse omitti,
 immutari, aut simulari. Denique circa
 absolutionem ita factam idipsum expres-
 se habet Conine disp. 28. de matrim. num.
 38. & valde commune est aliis Auctori-
 bus circa omnia alia Sacramenta, præ-
 ter matrimonium, de cuius exceptione
 postea agemus, quia illa non rectè in-

tellecta fuit plerisque occasio errandi.

17 Ratione præterea assertio efficaciter
 probatur. Primò à pari. Nam ex nulla
 causa licet jurare absque intentione ju-
 randi, semperque ejusmodi fictio illicita
 est in juramentis, ut constat ex condem-
 natione propositionis 25. quamvis, ser-
 vatis servandis, sæpè liceat jurare cum
 æquivocatione, vel restrictione aliqua oc-
 culta ei, cui juratur. Ergo pariter in
 Sacramentis continget. Nam quòd defe-
 ctus intentionis, quam se habere simulat
 Minister, faciat, ne ibi detur verum Sa-
 cramentum, cui fiat illusio, aut inju-
 ria, nil potest obstat; immò hoc ipsum
 est, quod reddit prædictam simulationem,
 non tantum mendacem; sed sacrilegam. Sic
 enim ille, qui simulat, se jurare, cum non
 habeat eam intentionem jurandi, quam
 vox externa significat, verum juramentum
 non præstat; sed solum apparet, ac fi-
 ctum; & nihilominus ex hac ipsa fictio-
 ne contra virtutem religionis delinquit,
 & turpitudinem contrahit, quam nulla
 causa justificat. Nec minus absurdum est
 fictè agere contra Sacramenti veritatem
 in essendo, quam contra juramenti veritatem
 in jurando; sed utrobique Deo illuditur a-
 butendo signis sacris contra eorum insti-
 tutionem, alibi fingendo, se interpone-
 re nomen, & auctoritatem Dei ad sua di-
 cta confirmanda; alibi verò fingendo, se
 conferre, & ministrare nomine, & aucto-
 ritate Dei rem valde sanctam, summique
 momenti, cum nil faciat, nisi propria au-
 thoritate, & nil præstet, nisi verba inania,
 & vacua valore, ac fructu.

18 Probatur 2. Quia metus, aut alia
 causa, quantumvis gravis, non tollit de-
 formitatem prædictæ simulationis. Ergo
 neque potest esse iusta causa illam exer-
 cendi; sed eam ipsam malitiam ex obje-
 cto retinebit facta ex metu, quam, si fi-
 eret sine causa ulla. Consequens est in
 aperto. Quia dum perseverat deformitas,
 actio nequit exerceri absque peccato, &
 cum hoc tollitur ratione metus, vel alte-
 rius causæ, eo ipso aufertur tota pravitas
 actionis, & à morali malitia, quam alio-
 qui haberet, expurgatur. Antecedens au-
 tem sic suadet. Nam metus in primis
 non tollit malitiam propriam mendacii,
 cum fictio adhuc perseveret, & con-
 trarium ejus, quod in mente habetur,
 tan-

tanquam verum, atque fide dignum, voce externa proferatur. Minister enim significat, ut incutienti metum satisfaciatur, se velle validè absolvere, ac nomine Christi agere, & sententiam absolutionis proferre accipiendo verba illius, ut Sacramentalia sunt, & in eo sensu, quem habent ex Divina institutione, & cum hoc significare intendat, planè novit, esse falsum, utpotè intra se cognoscens absolutionem externam, sublata voluntate absolvendi, esse figmentum inutile, & nullius auctoritatis. Confirmatur ex dictis *dissertat. 14. cap. 3.* Nam culpa mendacii non tollitur proferendo talia verba merè materialiter, aut æquivocè, vel cum restrictione aliqua occulta, dum istiusmodi artificia vim simulationis habent. Ergo longè minus tolli poterit, cum absque ulla restrictione, aut artificio dicuntur, & eo sensu, qui sufficeret ad Sacramenti valorem, si intentio verè absolvendi in mente Ministri extaret.

19 Rursus, neque metus tollit malitiam illam specialem virtuti religionis oppositam, quæ huic simulationi accrescit ex eo, quòd versetur circa Sacramenta administranda. Illa namque in eo consistit, dum absque metu exercetur, quòd Minister suo mendacio, & rebus sacris illudat, & ex defectu intentionis falsificet verba ministerii sacri, fingatque, se Christi nomine tanquam causæ principalis exercere actionem valde sacram, inlicitamque ad Dei cultum, & fidelium sanctitatem, cum se vera non exerceat illam, neque eam, quam Christus instituit; sed aliam merè profanam, indignamque, ut ei tribuatur tanquam principali agenti, cum repugnet ipsi, v. g. falsò absolvere, aut offerre sacrificium falsum. Porro totam hanc irreverentiam metus non tollit, nec ulla quantumvis magna necessitas; sed eadem perseverat, siue ille desit, seu adsit. Explicatur. Quia aut eam rolleret reddendo Sacramentum irritum independentè à fctione ministrantis, aut efficiendo, ut cesset specialis obligatio abstinendi ab ea fctione, sicut cessat, mortis metu urgente, religiosa obligatio suscipiendi Baptismum, aut non celebrandi sine vestibus sacris. Non ex postremo capite. Quia positiva irreverentia erga Christum, & res sacras nullam excusationem admittit, cum sit

intrinsecè turpis, ac deterior, quàm ipsa simulatio, & non mala, quia prohibita ex motivo religionis; sed prohibita, quia mala. Non ex primo. Tum quia ob metum non irritantur alia Sacramenta, præter matrimonium, & hoc metus non invalidat, juxta receptiorem sententiam, per se, atque ratione sui; sed solum ratione legis adjunctæ sibi per accidens. Tum quia ejusmodi irritatio facit, ne Minister possit efficere Sacramentum validum, quamvis id intendat; sed non tollit falsificationem sacri ministerii, ac signi ipsi Ministro impunitabilem. Porro id ex natura sua valde irreligiosum est, sicut absolvere sine potestate absolvendi, ut publicè excommunicatis evenit, aut illis, quibus per reservationem fuit jurisdicctio sublata. Parum enim ad tollendam hanc irreverentiam refert, quòd falsitas ex defectu potestatis contingat, vel non nisi ex defectu voluntatis.

20 Probatur 3. Specialiter ex consecratione Eucharistiæ, cujus verba proferuntur in persona Christi à Sacerdote; non verò in persona sua: dicendo enim: *Hoc est corpus meum*; non significat, id esse suum corpus; sed corpus Christi. Quo fit, ut prædicta simulatio in Christum ipsum redundet, qui per Sacerdotem loquitur, illumque simulatorem, atque deceptorem faciat, sicut contingeret, casu quo Angelus, qui Moyse, aut aliis Patriarchis veteris testamenti loquebatur in persona Dei, quidquam fallaciter, aut simulatoriè diceret; & sicut contingit, cum dæmon, simulando se esse Christum, & sua verba esse illius verba, audientes decipit, ac Deo ipsi illudit. Neque ab his actibus unquam valet separari superstitio falsi cultus. Tum ex parte rei significatur, quia verba consecrationis significant, Deo sacrificium offerri, & ibidem esse corpus, ac sanguinem Christi, quorum utrumvis est falsum, cum intentio deficit Ministro. Tum etiam ex parte colentis, qui falsarius invenitur, quatenus exterius significat, virtute saltem, & in actu exercito, se uti potestate consecrandi, ac sacrificandi validè, idque simulat, cum re vera ob defectum intentionis tali potestate non utatur, nec modum observet, sub quo, & non aliter, est sibi commissus.

21 Confirmatur. Nam, si istud genus fctio-

fictionis esset aliquando licitum, à fortiori etiam liceret, cum verba Consecrationis non proferuntur; sed solum simulatur ea proferri, & consecrationem re ipsa fieri, cujus oppositum definitum est ab Innocentio III. in cap. De homine. 7. de celebrat. Missar. tradente, id esse peccatum gravius, quam indignè celebrare. Questum namque est ab ipso, quid censendum esset de illo Sacerdote, qui cum sciat, se esse constitutum in peccato mortali, & necessitate constrictus Missarum solemniam omittere non potest, *Missam celebrare se fingit, & suppressis verbis, quibus conficitur Corpus Christi, panem, & vinum tantummodo purè sumit.* Respondet autem, qualibet necessitate, & indignitate non obstante, id minimè esse faciendum; sed falsa potius obvianda remedia, quæ sunt veris periculis graviora. Nam licet ille, qui pro sui criminis conscientia reputat se indignum ad tale, tantumque ministerium peccet graviter, si se ingerat irreverenter ad illud; gravius tamen, inquit, videtur offendere, qui ita fraudulenter illud præsumpserit simulare. Cum ille in solius misericordis Dei manus incidat; iste verò non solum Deo, quem illudere non veretur, sed etiam populo, quem decipit, se obstringat.

22 Probatur denique. Quia leges omnes prohibentes aliquid intrinsecè turpe, obligant cum vitæ periculo: neque enim sunt facienda mala, ut veniant bona: nec, si oporteat millies mori, quidquam scienter amplectendum, à quo nequit malitia separari. Porro ex supradictis constat, simulationem, de qua est sermo, intrinsecè turpem esse, & à mendacio, aut fallacia irreverenti erga Deum positivè inseparabilem. Et confirmatur. Nam uti signis sacris ad fallendum, cum potius sint instituta ad Deum colendum veraciter, & communicandam sanctitatem hominibus, non minus repugnat religioni, ac cultui, quam repugnet veritati, uti quibuscumque signis ad fallendum, cum potius sint instituta ad suos conceptus cæteris communicandos, & utrobique respectivè par signorum abusus invenitur illorum institutionum, atque naturæ contrariis. Atqui ob hanc rationem, juxta S. Thomam, & alios Doctores, neque ex metu, neque ex alia causa ullum mendacium separari potest à malitiâ opposita veracita-

ti. Ergo neque à malitiâ repugnante religioni unquam potest separari abusus similis in signis sacris.

23 Scio, dari leges plurimas, quæ non obligant cum certo vitæ periculo, vel alterius grandis mali, ut lex naturalis restituendi alienum, vel non occidendi alium, lex Divina confitendi omnia peccata, aut præmitendi Sacramentalem confessionem peccati lethalis aliàs non confessi, antequàm suscipiatur Eucharistia, necnon leges purè humanæ, quæ non intendunt bonum adeo necessarium communitati ad suam indemnitate, & conservationem, ut secundum charitatis ordinem meritò præferri debeat peculiari bono propriæ vitæ. Sed in his omnibus semper attenditur, ne quid intrinsecè turpe propter metum admittatur, & quod necessitas cessare faciat simul cum obligatione legis actionis exequendæ turpitudini, ut cessat, cum alter ob justam defensionem occiditur, cum alienum in extrema necessitate subtrahitur, cum materialis integritas confessionis non servatur, quia revelatio sigilli, occisio, aut grave aliquod malum poenitenti à Confessario imminet, si peccatum ipsi fateatur.

24 Quotandem concludens, ex hoc capite valde defecisse thesim à Pontifice damnatam. Nam, cum certo foret excipienda omnis simulatio mendax (si fortè daretur aliqua absolutè, ac propriè talis, quæ mendax non sit) & universim omnis illa, quæ intrinsecam turpitudinem continet, quia religioni, aut justitiæ specialiter opponitur, ut passim in Sacramentis administrandis, aut conficiendis contingit, thesis nil horum distinxit, nec curavit, utrum metus incutiat in odium fidei, vel contemptum Sacramenti, justè, an injustè, ab extrinsecò, vel ab intrinsecò, ad extorquendum directè consensum Ministris, vel ob aliam causam; sed omnia confundit paucis, sed valde nocivis, ac scandalosis verbis, meritò propterea à Pontifice nota inultis, merito jacent.

C A P U T III.

An aliquando metus gravis faciat licitam simulationem in Sacramento matrimonii administrando?

25 EX hoc præcipuè capite argumentum sumit Verricelli, & Moya supra.

præ. Nam qui gravi metu ad id iniuste incusso adigitur contrahere matrimonium, non peccat, quamvis se contrahere simulet, & externa verba formæ proferat absque intentione ad illius valorem necessaria. Ergo in reliquis Sacramentis idem dici debet: neque enim Sacramentum matrimonii illa sanctitate caret, qua cætera perfruuntur; sed auctoritate Christi, sicut cætera, excusetur, & in illo omnes rationes instantur, quibus hucusque contendimus, quamlibet simulationem esse illicitam, & eam maxime, qua Sacramenta exercentur fidei, & absque illa intentione, quam important verba externa, & ex vi illorum loquens verba significare.

26 Supponit quidem obiectio, ipsos contrahentes esse hujus Sacramenti ministros. Nam, si vera esset, aut probabilis sententia Melchioris Cani, quam postea sequuti sunt mordicus Sylvius, & Estius apud Diana *p. 3. tract. 4. resolut. 254.* afferentes, soli Parocho id ministerium competere, non foret exacta paritas. Eo autem posito, argumentum valide instauratur. Nam in matrimonio ideo licet ejusmodi simulatio, quia ratione metus, ac defectus intentionis tunc deficiunt forma, atque materia ipsius, & matrimonium secundum se totum deficit; ubi autem nihil Sacramenti datur, nil fictum est, quod irreverenter tractetur: nil, quod per actionem ministri reddatur irritum. Atqui hæc ratio, quæ potissima, immo unica est in præfenti, pariter in aliis Sacramentis administrandis per simulationem currit. Ergo id nullibi, aut utrobique licebit.

27 Ceterum obiectio ista principium sumit manifestè falsum, & potius probat oppositum, quam propositum. Nullibi enim reperitur, contrahentibus matrimonium esse omnino licitum simulare intentionem, quam non habent, aut proferre absolute verba illa: *Accipio te in meam uxorem*: co sensu, quo proferuntur ab illis, qui verè contrahunt, & Sacramentum conficiunt, absque intentione faciendi, quod significant, se facere. Quocirca vel ita loquens habet re vera intentionem, ac consensum, quem talia verba significant absque ulla æquivocatione, aut occulta restrictione prolata, vel illum non habet? Si illum habet, eo ipso sumus extracum questionis: quia nil simulat, nec

fingit, nec quid dicit, quod non sentiat; quamvis aliàs propter metum matrimonium sit invalidum. Si non habet, cum fide loquatur, & illam se habere simulet, saltem nequibit excusari à mendacio: nam id generale est omnibus, qui unum sentiunt, & contrarium fingunt, ac significare intendunt, sive verbis, sive factis, seu silentio solo: nam silentium quoque interdum vim habet significandi ex circumstantiis adjunctis.

28 Ita expressè S. Thomas in 4. diff. 29. q. 1. art. 3. *questiunc. 1. corpor. loquens de hoc ipso*, qui per metum cogitur matrimonium celebrare: *Peccavit, inquit, sed dixit, se consentire, & non consensit. Et quia Ecclesia non debet præsumere peccatum de aliquo, quousque probetur*, inde concludit, eam potius præsumere, adhibitum fuisse consensum, quamvis simul judicet, eum, quia metu extortum, ad valorem matrimonii non sufficere. Id præterea certum vocant Thomas Sanchez lib. 4. de matrim. disp. 16. num. 1. & Cornejo in 3. p. tr. 6. disp. 7. dub. 25. num. 3. extra controversiam verò, communemque sententiam Doctorum Basilii Legionensis lib. 4. de matrim. cap. 16. num. 1. Consentiuntque inter modernos de matrimonio scribentes, ut plures alios omittam, Aversa q. 4. sess. 3. ante fin. Gaspar Hurtado disp. 6. num. 19. Conine disp. 28. dub. 3. Dicastillo tom. 3. de Sacram. q. 4. num. 123. Palao p. 5. disput. 2. punct. 12. num. 3. Filiucius tom. 1. tract. 10. cap. 4. num. 112. Petrus de Ledesma in addition. ad 1. p. summæ. cap. 7. difficul. 4. fol. 106. editionis Salmanticæ. anni 1602.

29 Dices tamen, istud solum esse veniale quoddam, officiosumque mendacium; non verò sacrilegum, aut perniciosum in praxi. Ergo idem in reliquis Sacramentis fidei administrandis, aut conficiendis continget, quoties premit metus gravis. Negat antecedens Scotus in 4. diffin. 20. q. unica. vers. *Hic dicitur*. Supplementum Gabriëlis ibi art. 2. & quidam alii nullam prorsus disparitatem agnoscetes inter matrimonium fictum, & reliqua Sacramenta; sed utrobique putantes id genus mendacii esse perniciosum, graveque peccatum injustitiæ, ac sacrilegii: quia proximus in re gravi decipitur quoad contractum, & minister Sacramentum facit irritum speciali titulo, nempe fictio-

fictionis, qui vel se solo sufficeret ad nullitatem illius, quamvis ratione sui metus nullum aliud impedimentum importaret. Neque enim absurdum est, si matrimonium dicatur duplici de causa irritum; immò ita contingit, quoties aliquis compellitur ad contrahendum, v.g. cum sua consobrina, vel affine intra secundum gradum.

30 Ita Scotus satis probabiliter, & eo posito, corrumpit obiectio, nullumque ex conficto matrimonio ad reliqua Sacramenta pro adversariis argumentum ducitur; sed contra ipsos potius retorquetur. Nam, si talis fictio, aut simulatio in matrimonio est mendacium perniciosum, & religioni contrarium, à fortiori idem continget in ceteris Sacramentis, quibus major reverentia debetur, eo quod sint actiones merè sacræ, & institutæ solum ad Dei cultum, ac fidelium sanctitatem. Sed nihilominus, quia ab Scoto recessit communis sententia Auctorum, & speciatim P. Thomas Sanchez, Ledesma, Cornejo, & alii, quos nuper appellabam, videndum est, utrum possit congrua assignari disparitas. Nam extendere eam doctrinam ad omnia alia Sacramenta, & in prædicta fictione nullum peccatum agnoscere, nisi officium mendacium, parum congruit decreto Pontificio, ubi propositio, de qua loquimur, damnatur ut scandalosa, atque perniciofa in praxi, & repugnat tum rationibus, tum etiam auctoritatibus cap. 2. productis, unde habetur, fictionem in Sacramentis perniciosam esse, & execrandam.

31 Ex eo autem capite Henriquez in summa. lib. 11. cap. 9. num. 6. Card. de Lugo disput. 14. de panit. num. 116. & Dicastillo disput. 6. de panit. num. 263. idoncam disparitatem sumi putant, quod circa Sacramentum matrimonii ob contractum civilem, quem includit, alius modus reverentiæ, & minor, quam in aliis, exigatur. Non enim consistit, sicut cætera, in actibus, qui non erant necessarij, seu proficui ad alios fines, & solummodo instituti fuerunt ad Deum honorandum, & communicandam gratiam; sed ex peculiari conditione sua fundatur in contractu quodam familiari ipsis hominibus civilem vitam agentibus, & necessario ad illorum promotionem, & alios honestos fines intra

ordinem naturalem, quamvis satis oneroso, ac difficili. Ne autem ipsis onerosior fieret occasione elevationis ad rationem Sacramenti, Christus suæ propriæ naturæ illum relinquere voluit, & permittere, ut intuitu elevationis non alia, nec majori obligationi teneantur procurare ejus valorem in ratione contractus, quam si nulla elevatio præcessisset. Satis enim est, quod ratio Sacramenti accedat huic contractui, quoties fuerit validus, & non accedat, quoties fuerit irritus; obligatio autem illum conficiendi valide ad religionem non spectat; sed ad veracitatem, justitiam, & virtutes reliquas, quæ sunt contractuum mensura.

32 Confirmatur. Quia ob hanc causam plura in matrimonio licent, quæ in reliquis Sacramentis nullatenus permittuntur, ut posse celebrari per natus, aut per procuratorem in absentia, valide contrahi, & aliquando licet sub conditione de futuro, posse irritari ab Ecclesia irritando ipsum contractum, sicuti factus est irritus, qui celebratur per metum injuste, ac directe incussum, aut sine Parocho, & testibus, necnon & alia perplura, quæ cum his ipsis recensent Lugo, & Dicastillo *ibidem*, Thomas Sanchez lib. 7. de matrim. disput. 5. num. 1. in fin. Ergo pariter per religionem licebit, eritque absolute licitum, nisi aliæ virtutes obstant, contrahentibus immediatè irritare suum contractum ob defectum intentionis se obligandi, vel aliter essentialis requisiti, & ita efficere quasi per resultantiam, ne Sacramentum confurgat. Neque enim tunc Sacramentum irritatur, aut falsificatur in se ipso; sed in alio, cujus valor præsupponi debet ad hoc, ut ipsum confurgat. Immo nec tunc in re ponitur forma, vel materia proxima ipsius, quia hæc consistunt in contractu de se valido, & hic solus elevatus est in lege gratiæ ad rationem Sacramenti juxta institutionem Christi. At contractus, qui ibi intervenit, non est validus sed irritus.

33 Confirmatur 2. Applicando specialiter ad metum, quæ digestimus in generali. Metus quippe hoc peculiare habet ex vi legis Ecclesiasticæ, ut ratione illius contractus matrimonij sit irritus, quin sit in contrahentis potestate, licet velit, & conetur quantum potest, eo durante, Sacramentum validum efficere. In reliquis

quis autem Sacramentis hoc non evenit ; sed potius oppositum : valide enim consecrat, absolvit, aut ordinat omnis Minister legitimus, qui istiusmodi Sacramenta ex quovis metu ministrat subiecto aliunde capaci, si congruentem habeat intentionem, quæ ad valorem ultra signa externa in omnibus Sacramentis necessario postulatur. Unde fit, ut is, qui fingit, se contrahere occasione metus (jam constat, de quo loquamur) nullam irreverentiam committat, & nihil contra religionem peccet ex eo præcisè, quòd in illis circumstantiis non velit, aut etiam nolit Sacramentum ministrare. Tum quia videt, illud fore invalidum, se volente, vel nolente, ex vi legis irritantis, & non potest obligare religio ad validum Sacramentum matrimonii conficiendum, mediante contractu invalido. Tum quia nolendo non irritat Sacramentum, aut contractum ; sed solum cedit impotentia physica administrandi illud valide. Neque ea notiose opponit institutioni Sacramenti, aut auctoritati instituentis ; sed se potius quoad eam partem conformat institutioni, atque voluntati ipsius, qui ordinarias regulas contractuum in isto servari voluit, non obstante, quòd exinde existentia Sacramenti præpadiatur.

34 Quare, si quid tunc delinquitur, solum est contra veritatem, quatenus Minister dicit absolute, & absque addito, se habere voluntatem, quam non habet, & ideo loquitur contra mentem suam. Atqui mendacium istud nulli nocet, & mentienti ipsi est proficuum, ut se liberet ab incutiente metu. Ergo transilire nequit mendacii officiosi limites. Nam quod Scotus considerat, nempe alium contrahentem decipi in re gravi ob fictionem istam, locum habere non potest, cum ipse est, qui metum inserit, vel alii, eo sciente. Et, quamvis id ignoret, re vera solum decipitur circa consensum mentientis ; non verò circa valorem Sacramenti, vel contractus, quorum nullitas ex metu oritur, & non pendet à consensu, vel dissensu illius, qui metum invitatus patitur.

35 Ex his igitur ad principale argumentum verius respondetur, ac conformius ad receptiorem sententiam, antecedenti consensui & consequentia negata, ob affectionem, quæ in matrimonio

procedit, & reliquis Sacramentis nullatenus adaptatur. Ceterum, si forte eveniat, aliquem, qui utrumque posset, vellet efficere contractum validum, & adhuc nolle Sacramentum conficere, sed sistere in solo contractu, is proculdubio contra religionem peccaret. Nam ex defectu intentionis formalis, aut virtualis specialiter requisitæ ad Sacramentum, posito contractu valido, quæ est forma, ac materia illius, immediate, atque directe Sacramentum ipsum irritaret. Quòd si nihilominus fingeret, se habere intentionem celebrandi non solum contractum, sed etiam Sacramentum, duplex ibi esset peccatum, aliud mendacii, & aliud sacrilegii, & de huiusmodi fictione eadem prorsus esset ratio, quæ de cæteris, ubi alia Sacramenta ob defectum intentionis invalidè ministrantur.

36 Ita notat Dicastillo *suprà* num. 121. & *disp. 2. num. 191. & num. 228.* ubi duas istas intentiones ex suis objectis distinguit nimis exactè, & contendit, illas esse separabiles, ac necessarias ad valorem Sacramenti, atque ex defectu illius, quæ propriè ad ipsum spectat, de facto posse contingere etiam inter baptizatos, ut matrimonium subsistat in ratione contractus, & in ratione Sacramenti non subsistat ; sed fit penitus invalidum. Sed de hoc decernemus alibi.

C A P U T I V.

Uter plus peccet, qui ex metu irritante simulat, se habere intentionem celebrandi matrimonium ; an is, qui verè illam habet ?

37 Simulantem plus peccare, exinde sequitur (si inter hæc extrema rectè potest comparatio institui) quia consentiens nihil peccat, iuxta sententiam communem, quam sequuntur Thomas Sanchez, Ledesma, Cornejo, Averfa, Bassilius, Filliucius, Gaspar Hurtado, Cornine, Palao, Dicastillo locis num. 28. consignatis, necnon Valentia *tom. 4. disp. 10. quæst. 3. punct. 1. ad 1.* Salas *disp. 11. de legib. num. 10. in fin.* Laymann *tom. 1. lib. 1. tract. 4. cap. 14. num. 10.* Martinus Perez *disp. 17. de matrim. ad. 12. num. 12. & disp. 22. sect. 5. num. 2.* P. Georgius Gobat in *Theolog. experimental. de Sacrament. tr. 9. num. 256.* Ad-

Addipulaturque Angelicus Doctor eo loci disertè scribens, ibi consensum præsumi, ne præsumatur peccatum. Accedit & ratio. Quia in eiusmodi fictione, juxta dicta, non intervenit peccatum sacrilegii; sed solum mendacii, quatenus simulans, se habere dicit voluntatem, quam non habet. Atqui mendacium istud non incurrit ille, qui verè consentit, & interius habet seriam intentionem contrahendi. Caret igitur omni peccato.

38 Cæterum doctrina ista non parvo indiget examine, illique diametrum opponi videtur P. Suarez. lib. 5. de legib. cap. 20. num. 5. generaliter statuens, grave peccatum sacrilegii esse, contrahere matrimonium cum quolibet impedimento irritante, sicut & facere professionem religiosam, quæ spirituale quoddam matrimonium est, & alias actiones sacras, sineriquisitis ex præcepto Ecclesiæ ad valorem ipsarum necessariis. Cajetanus quoque docet 1. 2. q. 96. art. 4. hominem teneri potius mori, quam matrimonium contrahere cum sanguinea intra gradus ab Ecclesia prohibitos. Idipsumque tenent Sotus, Medina, & alii quamplures, quos sequutus est Navarro in Manuali. cap. 27. num. 141. fin. notans, talem transgressionem nullo metu posse excusari à mortali.

39 Et quidem, dum sic consentiens, certò agnoscit legem irritantem, vel illam sua culpa ignorat, & ea non obstante, intentat celebrare matrimonium, res videtur satis clara. Nam quamvis sæpè contingat scienter operari absque peccato contra leges non prohibentes, sed dumtaxat irritantes actionem, si forte fiat contra formam ab eis datam (ut his evenire creditur, qui ex metu, vel alia causa testamentum faciunt absque debita solemnitate) oppositum tamen proculdubio dici debet, quando actus adversum legem purè irritantem exercitur, ex vi sui objecti, ac naturæ talis est, ut illum attentare, cum valide fieri nequit, rectè rationi adversetur, & repugnet honestati. Ita autem in matrimonio contingit, ut in Sacramentis aliis. Quia velle efficere Sacramentum validum ex materia, aut forma invalidis, & contra Dei institutionem attentare symbola sacra conficere ex signis merè profanis, intrinsicè turpe est, ac religioni contrarium. Id autem intentat, qui in-

tendit Sacramentum matrimonii conficere, & se actu obligare, ac tradere ineundo contractum irritum: quia ratio Sacramenti ex institutione Christi solum convenit contractui valido, & hic solus est, qui ab ipso facer factus fuit ex profano. Invalidus verò non habet hanc prærogativam; sed perinde est habere intentionem conficiendi Sacramentum ex vi illius, ac velle novum aliud genus Sacramenti instituire non institutum à Christo; sed positivè ab ipso reprobatur.

40 Explicatur. Quia non facilè intelligitur, quanam sit ille consensus, qui in prædictis circumstantiis existimatur sufficiens ad excludendum peccatum. Vel enim est absolutus, vel modalis, aut conditionatus? Si absolutus est, metuensque intendit, seclusa omni conditione implicita, vel explicita, verum Sacramentum conficere causativum gratiæ supernaturalis, ac se ipsum cum effectu tradere alii coniungi, atque traditionem ejus recipere, & acceptare, valde irreligiosus erit. Quia eo ipso intendit contra Christi institutionem facere, ac recipere verum Sacramentum ex materia, & forma invalidis, & propria auctoritate à se institutis. Quare non minus peccaret, quam si vellet baptizare, aut baptizari cum aceto, & non cum aqua, vel ordinare, aut ordinari, quando certò novit, irritam fore traditionem potestatis absolvendi, aut consecrandi. Atque in ipso matrimonio alia exempla occurrunt passim, ut si quis ferriò contenderet illud inire cum filia, vel sub impotentia generandi certò cognita, vel sine Parocho, & testibus, vel superflite alio conjugè.

41 Si verò talis consensus non est omnino absolutus, sed modalis, aut conditionatus, quia impedimentum agnoscens vult dumtaxat ministrare, atque recipere Sacramentum matrimonii *Si possit*, vel *In quantum potest*, tunc mendacium non vitabitur: quia verba exterius prolata omnino absoluta sunt, atque in eo sensu dicuntur, seclusa (ut modò supponimus) quacumque æquivocatione, vel occulta restrictione eisdem verbis superaddita. Porro verba in se absoluta, & per modum orationis integrè prolata, verificari non possunt per actum non absolutum, sed merè conditionatum: nam illa ut
sic

fic verum consensum de se efficacem, & absolutum affirmant, qui in illo casu non datur; sed solum velleitas quædam contrahendi, si fieri posset, vel nisi alia impedimenta obstarent. Quinimò voluntas illa, quæ esse dicitur consensus, re vera non est consensus serius, qualem verba denotant; sed nugatorius, atque (ut ita loquar) de objecto non supponente. Verè namque nugatorium est, illum se velle obligare, quantum potest, qui novit, se nihil posse, licet quantum potest faciat, & in illis circumstantiis suum consensum nullam obligationem inducere civilem, aut naturalem. Consentire igitur illum obligationi suæ, & velle alienam acceptare, atque ad effectum mutux traditionis perducere, si potest, aut in quantum potest, re vera est pro tunc non consentire, quia consensus ad eventum possibilitatis refertur, quam prænoſcit tunc non dari.

42 Quæ cum ita sint, cenſeo nihilominus, optimè dixisse S. Thomam, & alios relatos suprà, casu quo metuens consentiat, nullum ibi esse peccatum. Neque enim ipsi loquuntur, ut Suarez, & Cajetanus, de consensu prorsus absoluto conficiendi Sacramentum, aut contractum, quem vidimus esse illicitum, & qui fortasse tunc est impossibilis, ut Coninc rectè annotavit *disp. 24. de matrim. dub. 6.* & putat satis probabile Sanchez *lib. 2. de matrim. disp. 33. num. 1.* sed sermo eis est de modalis, quo metum patiens decernit contrahere in quantum potest, & ex parte sua nullum interponere impedimentum speciale. Hæc autem modificatio omnia inconvenientia removet, quæ ex virtute religionis absoluto consensui opponerentur, & veracitati satisfaciunt, quamvis verba absoluta videantur. Tacite namque inest in eo eventus, ut in cæteris contractibus, & pro expressa haberi potest, tamen non exprimitur. Neque enim metum incutiens ad impossibilia compellit, nec patiens tenetur velle ultra illud, quod potest facere. Quare, si in hoc sensu intendat sua verba proferre, & non in sensu absoluto, sicut posset, si mentiri vellet, contra mentem suam nil loquatur; immò nec contra mentem cogentis, qui ab eo non postulat, quod nequit facere. Unde licet ille affectus sit merè nugatorius, stante metu, quoad effectum conficiendi ma-

trimonium validum; valde utilis est quoad effectum declinandi mortem, & evitandi mendacium. Cessabit enim compulsio, eo faciente quantum potest, & mendacium nullum erit, cum verba implicitè denotent, quod loquens in mente habet.

43 Dixi, tunc fortè non posse dari absolutum consensum, etiam physice, quia nullatenus apparet, quonam pacto dari possit vera intentio, seriusque conatus validè efficiendi eum actum, qui nullius roboris futurus prænoſcitur, quolibet conatu non obstante. Nam id velle, nil est aliud, quàm impossibilia intentare, & contendere ad suum finem pervenire per media inutilia omnino, & inepta ad illum comparandum. Quocirca solum videtur talis intentio possibilis, cum intervenit ignorantia, seu inadvertentia metus, aut alterius impedimenti ut irritantis. Tunc enim, cum contrahens nesciat matrimonium esse invalidum, & potius iudicat (quamvis per errorem) esse in sua potestate contractum validum, ac Sacramentum conficere, nil obstat, quominus id facere intendat absolutè, & media adhibeat ad eum finem necessaria. Neque ejusmodi ignorantia est insolens, sed frequenter inveniri valet in his, qui metum pariuntur, sicut in eis invenitur, qui eum incutiunt, ineptè illum incussuri ad verum matrimonium extorquendum, si scirent, vel solo suo facto cassari.

44 Tunc autem distingui debet ignorantia vincibilis, aut invincibilis, ut de culpa contrahentis rectum iudicium feratur. Nam, si invincibilis sit, ab irreverentia, & sacrilegio formaliter imputabili ad vituperium, ac poenam ejusmodi intentionem excusabit. Si verò fuerit vincibilis, aut etiam affectata, vel crassa, ad excusandum non proderit, sed ejusdem speciei peccatum erit, ac si scienter fuisset habita, & Minister sic se gerens contra reverentiam Sacramento debitam imputabiliter agat. Utrum autem solum peccet contra legem naturalem prohibentem, ne ullum Sacramentum attentetur, quando nequit fieri validè, vel etiam contra legem positivam, qua irritatur propter metum, anceps questio est. Quia licet nulla ignorantia effectum irritationis impediat, nec metus cessare faciat efficaciam legum irritantium, & earum maxime, quæ im-

impedimenta matrimonii constituunt, cum ipse metus sit unum ex illis; hoc tamen speciale habet, quod ratione illius sæpe cessat obligatio legum humanarum, qua prohibentium nequid fiat absolute, vel absque tali forma, aut circumstantiis: raro namque solent obligare ad culpam cum mortis periculo, vel alterius grandis mali.

45 Unde probabile est, ut rectè advertit Suarez *lib. 5. de legib. cap. 22. num. 10.* & tenent plurimi, illum non peccare contra legem Ecclesiasticam, qui ex metu mortis contrahit cum affine, aut consanguinea, sicut nec ille, qui ob similem timorem proficetur antè legitimam aetatem, quamvis uterque actus sit irritus, & prior duplici ex capite, scilicet ratione metus, & ratione affinitatis. Semper tamen remanebit peccatum irreverentiae contra legem naturalem, tam in hoc Sacramento, quàm in reliquis, nisi verba externa limitentur, & per aliquam amphibologiam in alio sensu, quàm absolute, accipiantur. Quatenus autem hoc liceat Ministris Sacramentorum ratione metus, vel alterius causæ, exponendum deinceps erit.

C A P U T V.

An in Sacramentis liceat ratione metus, vel alterius causæ gravis uti verbis formæ in sensu æquivoco, aut occultare restrictione limitatis?

46 UT certa separentur ab incertis, pono primò, id non licere per veracitatem, si æquivocatio, vel restrictio fiat voluntate fallendi, & propterea vim simulationis habeat, aut etiam fallaciæ, vel deceptionis activæ: ista namque nunquam culpa vacant mendacii, vel mendacio æquipollentis, & opposita præcepto non decipiendi proximum, ut constat ex nuper dictis, & latius demonstratum fuit *differt. 14. præsertim cap. 3. & 4.* Pono 2. id non esse illicitum, attenta præcisè virtute veracitatis, cum deest intentio fallendi, & urget gravis necessitas utendi prædictis mediis ad occultandum veritatem aliquam, quam sine peccato, aut alio notabili præjudicio manifestare non possumus, & servatis aliis, quæ servanda diximus circa propositionem 26. & 27.

Theolog. Reform.

ex damnatis. Pono 3. ex ibi dictis, sæpe evenire per accidens ex debito Religionis, Fidei, Obedientiæ, aut Justitiæ, aliorumve virtutum, ut ejusmodi occultationes non liceant: prohibet namque illas lex urgentior suo speciali jure postulans nudam confessionem veritatis: atque ita evenit, cum in odium fidei, vel contemptum Sacramenti, aut scandalum pusillorum occultatio redunderet.

47 Quocirca cum gravis metus, cadensque in virum constantem soleat esse iusta causa utendi verbis æquivocis, aut altera amphibologia, mente, aut lingua occultè adjecta, ad occultandam nullitatem alicujus actus, vel aliam veritatem, cujus abscondendæ jus nobis assistit; quæstionis est, utrùm etiam in Sacramentis ministrandis hæc licita fiant per metum, sicut fiunt licita in materiis aliis? Neque enim in præsentiarum discutimus modum agendi, quid licet, nec quo pacto is à mendacio excusetur; sed supponimus (quod nemo negat) ejusmodi occultationes per verba æquivoca, aut restrictionem mentalem, servatis servandis, licere: adeò ut Thomas Hurtado contendat ex professo *tom. 2. variarum resol. tract. 7. à num. 8.* errorem esse in fide id inficiari, & hoc supposito, inquirimus, an interdum ea doctrina extendatur quoque ad Sacramenta? Ratio autem negandi est, quia ob reverentiam ipsorum virtus religionis generaliter videtur postulare, ne ejusmodi occultationes ibi exerceantur; sed nudè, ac apertè pateat veritas ejus, quod geritur, ne sacra profanis misceantur, & auferatur vero Sacramento honor suus, aut non suus falso deferatur.

48 Et sanè, quoties Minister potest, ac tenetur verum Sacramentum conficere, ac ministrare poenitenti ex. gr. sibi jam confesso, riteque disposito, evidens est, nulla de causâ ei esse licitum uti verbis Formæ in alio sensu, quàm Sacramentali. Quia in alio sensu prolata, puta non in sensu judiciali, sed merè deprecativo, non conficiunt verum Sacramentum; immò neque illud conficerent, quamvis ipse alioqui haberet internam voluntatem absolvendi. Sacramenta siquidem ex verbis constant præcise significantibus veritatem rei, quæ geritur cum intentione Ministri; non verò aliud quid-

piam, quamvis aliàs sint capacia alterius extranei sensus. Quare certissimum est, non confecturum Sacramentum Eucharistiæ Sacerdotem, qui proferret verba illa: *Hoc est Corpus meum*: designando per pronomen *Hoc* suum proprium corpus; non verò materiam præsentem, & per vocem *Meum* non corpus Christi; sed illud, quo ipse completur.

49 Quòd si usurpando verba in dicto sensu, nihilominus intenderet ex vi ipsorum verum Sacramentum facere Eucharistiæ, aut poenitentiae, gravissimum sacrilegium committeret: quia ut Minister Christi vellet conficere Sacramentum ab ipso non institutum, & mediante forma invalida Sacramentum validum construere. Si verò non haberet intentionem conficiendi Sacramentum, sed potius non conficiendi, idque vellet occultare, proferendo verba, quæ eam significare solent, atque ut Sacramentalia sint, significare debent, tunc etiam contra religionem peccaret: quia ob intentionis defectum, & prolationem verborum in sensu, qui ad Sacramentum non sufficit, ministrat illud invalide, cum valide ministrare debeat. Atque in utroque casu solum proderit artificium æquivocationis, aut restrictionis mentalis ad occultandum peccatum externa superficie verborum Sacramentalium, sed peccatum ipsum semper remanebit. Tantaque erit ejus gravitas, quanta erat obligatio conficiendi Sacramentum validum, & eò major, quòd aliis data occasione confundendi verum Sacramentum cum invalido, decipitur proximus in re magni momenti.

50 Verumtamen si ex adverso supponamus, Ministrum, tamenque velit, non posse validum Sacramentum ministrare, ex. g. Baptismum ei, qui jam est baptizatus, aut abolutionem indispósito, erit difficultas gravior, si nihilominus compellatur metu mortis ad ipsum absolvendum, aut rebaptizandum. Quid enim tunc miser faciet? Absolvere cum intentione absolvendi omnino absoluta, qualem verba denotant? Atqui hoc non potest absque gravi sacrilegio: quia religio Sacramenti postulat, ut verba perfectiva ipsius non proferantur serio, & ex animo in vanum, seu in casu, quo futura sunt nullius effectus, ut dictis exemplis patet. Absolve-

re sine intentione absolvendi? Sed hæc est simulatio condemnata, quæ ad mendaciam saltem excusari nequit, sicut nec jurare absque intentione jurandi. Silere omnino, vel submisè obmurmurare, alia distincta verba, vel aliquam conditionem, aut modificationem perceptibilem adiacere verbis formæ? At qui compellitur, nihil istorum patietur, semperque urgebit, donec forma serio, ac palam proferatur absolute, & eisdem vocibus, quibus utuntur absolventes valide. Igitur vel certæ morti se obiciet, vel confugere debet, ut sit in aliis materiis, ad amphibologiam aliquam occultam cogenti; sibi verò notam, & proficuum, ut cum quiete, & juxta mentem loquatur.

51 Quæ doctrina satis probabilis esse videtur, & ejus praxis aliena in prædictis circumstantiis, tum à culpa mendacii, vel simulationis, tum etiam à peccato sacrilegii, aut cultus falsi. Mendacium namque, aut simulatio idèò aufertur, quia metuens contra suam mentem non loquitur; sed solum contra spem, mentemque alterius absque intentione fallendi; neque illum decipit, sed solum permittit passivam deceptionem illius, quod licitum est iniquam vexationem patienti, & non aliter potenti sese ab illa liberare, nisi alia potentior lex ipsi resistat. Nulla est autem, quæ resistat generaliter in eo eventu. Nam religio, & sanctitas Sacramenti, quæ solum posset obviare, non obligat ad impossibile faciendum, aut intendendum. Immo nec coactio externa ad hoc compellit; sed vis ejus præcisè ad illud extenditur, quod physicè facere possumus; ad ea verò, quæ non possumus, vel quæ coactioni non subsunt, quales sunt actus interni, sine quibus externi fieri possunt, nunquam compellere valet.

52 Non ergo tunc debet Minister ex debito religionis verum Sacramentum facere, nec proferre formam ejus sub eo sensu, & intentione, quæ necessariò requiritur, ut valide conficiatur. Quinimò potius teneret abstinere ab istis, quia intrinsecè malum est, & repugnans rationi, ac honestati, attentare sacrum ministerium, cum non potest fieri valide, v. g. baptizando illum, qui jam antè est baptizatus, contrahendo cum conjugata, ordi-

ordinando feminam, consecrando hordeaceam hostiam, ungendo hominem omnino sanum. Quod si nihil horum potest, etiam gravi metu urgente, facere licet, aut valide, rectè faciet, si nec verba proferat in eo sensu, quo sunt forma Sacramenti, neque intentionem ei correspondentem habeat. Sed nec peccat contra religionem, aut contra veritatem occultando mentem suam sano modo, & sicut licet in negotiis aliis, ut ita vitam suam redimat, & ab injusta vexatione se defendat, quamvis inde decepto alterius sequatur. Ergo, omnibus inspectis, ac per se loquendo, nullo ex capite peccabit.

53 Confirmatur. Quia etsi semper sit peccatum jurare exterius absque intentione jurandi, sæpe licet ex idonea causa, qualis proculdubio est gravis metus, jurare cum æquivocatione, vel restrictione aliqua occulta, ut ostendit latè *suprà differt. 13. à cap. 3. & differt. 14.* Ergo pariliratione in Sacramentis debemus philosophari, nisi specialior alia circumstantia prævalens metui aliud postulet, ut etiam in juramentis contingit, cum ad eorum contemptum evitandum, vel ex charitate, aut justitia ad mentem aliorum ea præstare, ac mentem nostram palam manifestare teneatur. Quippe duo isti modi agendi valde dissimiles sunt, licet materiali sono, ac superficie verborum maxime inter se conveniant, & propterea nunquam prior excusari potest à peccato, cum posterior interdum excusetur. Exterius enim absolvens (eadem ratio est de juramento) non immutat significationem vocum, neque eis utitur in alio sensu, quam Sacramentali; sed eo ipso, quem habent, ut sunt forma Sacramenti, & quo ab illis proferuntur, qui verè absolvere intendunt, & propterea si non habeat intentionem absolvendi, & utendi potestate supernaturali sibi data ad gratiam remissionis conferendam, mentitur, & perniciose fictione simulat se agere ut Ministrum Christi, falsamque sententiam profert in significando, & in essendo.

54 At verò qui æquivocè loquitur, ad occultè sua restringit verba, vel ea profert merè materialiter, quatenus sunt quidam soni, nil significare intendens, re vera illa non pronunciat, ut sunt externa forma Sacramenti, neque in sensu, qui ad absolvendum sufficeret, quamvis

absolutè vellet, & ideo prædictis vitiis non subiacet, licet possit aliis subiacere utando artificii istis absque necessitate valde urgenti. Nam quoties sine necessitate exercentur, semper sunt illicita, etiam in aliis materiis, & pro qualitate istius, quæ est adeò sancta, & in Auctorem ipsum Sacramentorum refunditur, vice cuius Minister operatur, ut ea liceant, valde gravis necessitas occultandi mentem suam, & extraneum sensum, in quo verba proferuntur, intervenire debet. Non est autem impossibile, ut ea quandoque interveniat, & tunc maxime cum verba absolutionis neque valide, nec licitè proferri possunt, ut sunt forma Sacramenti, v.g. quia Minister debita jurisdictione caret, aut dispositione poenitens, atque ea propter, si tunc urgeat metus mortis compellens ad proferendas voces illas, integrum erit Ministri eas proferre in alio sensu, idque occultare, ut compulsio iniqua cesset, & Sacramento nulla injuria fiat, deficiente absolutione, tam interna, quam externa.

55 Confirmatur iterum ex dictis *suprà*. Quia etsi numquam liceat simulare, aut fingere, præsertim in Sacramentis; adhuc licitum est in matrimonio, metu gravi compellente ad illud celebrandum, proferre absolutè ea verba, aut eos nutus, qui esse solent vera forma ipsius, non in ea practica significatione, qua sunt forma; sed in alia amphibologica, & insufficienti ad eum effectum; immò & in sensu merè materiali, ac si nil ad placitum significarent, ut speciatim expresserunt inter illos, quos adduximus *numm. 28. & 37.* Ledesma, Thomas Sanchez, Dicastillo, & alii, annuente Suariorum *lib. 3. de Legib. cap. 30. num. 14.* Ergo generica ratio Sacramenti huic artificio non obstat, licito in aliis materiis; sed ad alta quoque extendi poterit, nisi peculiariter resistat propria alicujus differentia. Etenim quamvis in matrimonio aliqua liceant, quæ in aliis licere nequeunt, in præsentii nulla est ratio, quæ id à reliquis seceret.

56 Neque enim in Sacramento, & contractu matrimonii ulla de causa fictitium simulare, vel decipere exterius contrahere absque vera intentione contrahendi, aut attentare id conficere, cum validè fieri nequit. Hæc namque omnia

intrinsecè turpia sunt, & omnino præaveri debent, ut usus amphibologiæ, aut restrictionis occultæ, possit licitè exerceri. Præventur autem, cum in matrimonio intervenit metus gravis injustè, ac directè incussus ad extorquendum consensum. Quia ille in primis reddit Ministro impossibilem, eo quòd sit impedimentum dirimens, validam administrationem Sacramenti. Præbet etiam justam causam redimendi vexationem suam, non loquendo ad mentem compellentis; sed usurpando verba formæ in alio sensu ab eo, qui prærequiritur ad valorem Sacramenti: frustra namque in illo sensu, quo sunt forma, illa usurparet, cum prævideat, etiam eo modo prolata nullum habitura effectum. Atque id totum fieri potest non animo simulandi, aut decipendi, vel significandi aliud, quàm sentit; sed duntaxat occultandi mentem suam, & sensum, quo verba prosert ad declinandum periculum mortis aliqui imminentis. Porro hæc omnia Sacramento poenitentiae, & aliis rectè possunt adaptari in circumstantiis similibus, & licere, sicut licet in matrimonio, & extra illud in plerisque aliis eventibus.

57 Quòd verò nonnulli obiciunt, hæc ratione Sacramentum irritari, & hoc cedere in injuriam ejus, nullius ponderis apparet. Neque enim dicendum est, id fieri irritum; sed potius non fieri absolute, & in eo casu, quo nequit fieri licitè, vel validè. Nihil enim fit, aut dicitur mediante æquivocatione, aut occulta restrictione, quod ad Sacramentum propriè spectet, aut unquam spectare valeat; sed aliud quidpiam superficialiter simile quoad sonum externum vocum; sed significatione diversum, ac prorsus dissimile in ratione signi sacri. Unde neque Sacramento fit injuria (secluso alio inconvenienti) si occasione hujus convenientiæ materialis alii decipiantur, & id habeant pro verò Sacramento: quia deceptio in illis circumstantiis passiva est, & non activa comparatione Ministri, ut dici solet de scandalo, & tanquam decipienti, ei debet imputari, qui metum incussit, & ad eas angustias negotium istud redegit. Nullusque, ut opinor, dicit, Sacerdotem jurisdictione carentem ratione reservationis, aut vicensuræ Ecclesiasticæ, & ab-

solvere compulsus peccare, si occultè supprimat tres primas litteras verbi *absolvo*, & solum dicat, *Ego te absolvo*, aut si tres alias imperceptibiliter addat dicens, *Ego non te absolvo*, quamvis inde similis deceptio sequatur, quæ ex verbis formæ prolatis integrè, sed alio sensu nequaquam Sacramentali.

58 Parum etiam refert, si dicamus, ex metu non irritaria Sacramenta, præter matrimonium. Quia in proposito idem erit, quòd Sacramentum nequeat ministrari validè, ex quocumque capite id proveniat, v. g. ex materiæ ineptitudine, aut incapacitate subiecti. Atque in matrimonio id ipsum licere posset, si ignorans invincibiliter, metum esse impedimentum irritans, cum consanguinea, aut affine contrahere cogeretur. Pariterque ab omni culpa ille immunis appareret, qui consecrare compulsus panem consecratum ex glandibus, vel alia materia inepta, per eas voces *Hoc & Meum corpus suum* significare vellet; non verò id, quod debent denotare, ut sint forma Sacramenti: sicut Christus non peccavit dicens Joannis 2. 19. *Solvite templum hoc*, id occultè intelligendo de templo corporis sui, & non de templo Hierosolymitano, intra quod erat, & de quo ab omnibus aliis, etiam discipulis, loqui credebatur, ut Evangelistæ ipsi profitentur.

59 Jam verò, si supponamus, Sacramentum posse ministrari validè, non tamen licitè, & nihilominus Sacerdotem compelli ad ministrandum, tunc distinguere oportebit, ut de illius culpa, aut innocentia rectum judicium feratur, utrum id esset illicitum ex vi legis obligantis, etiam cum vitæ periculo, aut alterius grandis mali, vel non; sed solummodo ex vi legis, cujus obligatio cessat ob prædictam circumstantiam? Nam, si urgente metu gravi, cessat obligatio legis, ut multoties evenire offendimus num. 23. jam tunc cessat tota causa, quæ Ministri impediens ab exercitio sui muneris, & nullitas Sacramenti culpæ ipsius imputabitur, qui præcisè pro suo libito falsum Sacramentum exhibet, cum posset præstare validum. At verò, si urgente metu, non dum cessat legis obligatio, sed adhuc Minister debet abstinere ab exercitio conficiendi, ac ministrandi, tunc erit diversa ratio, &

rio, & eodem jure is censetur in tali eventu, quo illi, qui neque physice possunt verum Sacramentum ministrare. Id enim possumus, quod jure possumus, & sicut virtus religionis non potest ad impossibilia obligare, ita neque ad faciendum aliquid illicitum, sive leve, sive grave.

60 Res exemplo declarabitur. Sacerdos approbationem, ac jurisdictionem habens, cui simplici præcepto, & non ex vi censuræ, suus Superior interdixit exercitium audiendi confessiones, valide absolvit (quamvis aliàs peccet) quia omnibus requisitis est instructus ad valorem Sacramenti necessariis. Ponamus igitur, eum gravi metu compelli ad istud Sacramentum ministrandum, & dico, tunc nil peccare, si id faciat verè, & ex animo, quia præceptum Superioris non obligat cum tanto discrimine, sive vitæ, sive famæ. Peccatum autem valde graviter, si verba absolutionis non proferret in suo proprio sensu, & cum debita intentione, nihilque illi profuturam ullam æquivocationem, aut restrictionem mentalem, sicut his nihil prodesset, qui nullum præceptum habent. Nam perinde est, ac illud non habere, versari in illo conflictu, ubi cessat ejus obligatio. Cæterum, si idem præceptum injunctum esset ob causam publicam tanti momenti, ut cum periculo vitæ adhuc etiam obligaret, tunc sanè non posset licitè verum Sacramentum ministrare; sed neque ei liceret fingere, se velle absolvere exterius absque intentione absolvendi, seu dimittendi peccata, quia id est intrinsecè turpe, & illicitum ex alio capite.

61 Integrum tamen ei esset, metu urgente, mentem suam occultare eisdem mediis aliàs licitis, quibus illi se tuerentur, qui absolvere nequeunt validè. Et quoad hunc effectum par esset omnino ratio de illo, qui hoc modo esse prohibitus, ac de Sacerdote publicè excommunicato, qui citrà mortis articulum nequit absolvere validè, aut licitè, quamvis alioquin non sit indispotus, & ad absolvendum metu mortis compellatur. Quia metus ei non restituit jurisdictionem ablatam ex vi censuræ, vel reservationis, ac propterea attentando absolutionem usurpatione Sacramentalis iudicii, & aliis modis peccabit, ut opportunè adnotarunt P. Sanchez lib.

Theolog. Reform.

1. in Decal. cap. 18. num. 8. Coninc. disp. 13. de censur. à num. 103. Suarez disp. 6. de censur. sess. 3. num. 3. Baldellus in Theolog. moral. tom. 1. lib. 5. disp. 26. num. 3. Bonacina disp. 2. de peccat. qu. 8. punct. 2. num. 7. in fin. & disp. 2. de excommunic. qu. 2. punct. 6. num. 62. & passim legi potest apud alios. Quæ ergo huic licent, ut eludat absque fallacia, & mendacio vim sibi imminentem, nisi absolvat, faciatque, quod nequit re ipsa facere, quantumvis velit, & audeat, eadem licebunt alii, ut si verba merè materialiter usurpet, aut occultè adiciat conditionem illam: *Si licitè possum, vel utatur aliis mediis, quæ num. 57. exponebantur.*

C A P U T VI.

Utrum aliquando liceat simulare in Eucharistia, porrigendo hostiam non consecratam pro consecrata?

62 **F**Requens hic solet occurrere necessitas, quæ istum simulandi, seu dissimulandi modum videtur reddere licitum. Prima autem sumitur ex parte Ministri negligentis, qui non habet Eucharistiam repositam in sacrario, & quæritur, an ei liceat ad vitandum scandalum, fugiendam poenam, & palliandam suam incuriam, dare hostiam non consecratam ei, qui consecratam postulat, & communionem desiderat? Licere affirmat Altisiodorensis in summa lib. 4. tr. 5. cap. 5. qu. 4. saltem cum senex decrepitu, aut ægrotus solius devotionis gratia vult frequentare Eucharistiam; secus verò, si illam petat in extremis, illaque ut Viatico indigeat. Cæterum inter utrumque casum nullam solidam disparitatem inveniri, meritò contendit Vasquez tom. 3. in 3 p. disp. 209. num. 42. & 43. atque ad postremum extensam Altisiodorensis sententiam improbabilem, & intollerabilem dixit P. Suarez disp. 67. de Sacrament. sess. 4. vers. Circa tertiam. Vanus namque est ille prætextus, ut in re tanti momenti liceat fideles decipere, & facere, ut infirmus deferat pani communici cum honorem, & eam fidem, qui soli Christo debetur, & in eo, quod ibi latet, suam spem collocent, illudque diligant super omnia tanquam Deum, à quo gratiam, ac redemptionem requirunt.

63 Secunda est . An saltem liceat dare hostiam non consecratam excommunicato , aut peccatori occulto ad vitandum sacrilegium ejus , & infamiam , aliudve periculum ipsi imminens , nisi communicetur ? Ubi antè omnia poni debet tanquam res omninò certa , & vix ab ullo his temporibus in controversiam adducta , tunc committi crimen valdè perniciosum , si id fiat , ignorante illo , qui ad communionem accedit , & potius existimante , hostiam consecratam sibi tribui . Neque enim hoc pacto evitatur sacrilegium ejus , qui se videt indispositum , & nihilominus audet accedere ad mensam Christi , putans esse mensam ejus , & ipsius corpus se manducaturum . Atque in hoc maxime differt , & deterior est hæc fictio , quàm illa Altitiodorensis , ubi ex parte suscipientis devoti , aut preparati ad Viaticum nulla præter indignitas . Aliundè verò hic concurrit pariter grave aliud flagitium Ministri simulantis esse Deum , quod non est , nisi profanus cibus , proponentisque creaturam adorandam exteriori cultu Divino . Quia esto suscipiens non peccet coram Deo imputabiliter , excusante ipsum invincibili ignorantia , Minister , qui id non ignorat , grave peccatum committit , sicut dæmon dum occultus apparet , ac se adorandum , & credendum proponit sub specie Crucifixi simplicibus , qui præstigiis ejus assensuri sunt absque ulla culpa .

64 Quare tota difficultas ad illum casum devolvitur , in quo id fit ex conventionem suscipientis , ac ministri : tunc enim & vitatur sacrilegium indignè communicandi , & exterior idololatria adstantium , ac ignorantium fictionem declinari potest , ostendendo adoratori alteram hostiam verè consecratam , vel solam , si fieri potest , vel simul cum non consecrata abscondita à tergo ipsius . Et demum tota illa fictio officiosa potius , quàm perniciosa censetur , quia ut scribit Albertus infra , non est falsitas , sed cautela mali , quod posset ex scandalo multorum esse , nec est simulatio in Sacramenti consecratione , sed potius in similitudine usus Sacramenti . Sic sentiunt idem Albertus in 4. dist. 13. art. 20. qu. 1. S. Bonaventura in 4. dist. 9. art. 2. qu. 4. ad ultim. Javellus tom. 1. Philosoph. Christi. part. 5. tract. 4. cap. 6. Adrianus quodlib. 3. art. 3. Angles in floribus

super 4. sentent. 1. part. qu. de suscipient. Euchar. art. 4. difficult. 4. fol. mibi 103. Ludovicus de S. Juan. 1. part. summa tract. de Eucharist. qu. 7. art. 8. difficult. 4. Villalobos in summa tom. 1. tract. 7. difficult. 88. in fin.

65 Mihi autem omninò placet , id nullo in casu esse licitum ; sed semper grave peccatum sacrilegii . Ita S. Thomas 3. part. qu. 80. art. 6. ad 2. & ex professo quodlib. 5. art. 12. & est communis sententia , quam , plurimis relatis , sequuntur Joannes Sanchez in selectis. disp. 35. num. 3. & Leander tom. 2. de Sacramenti. tract. 7. qu. 60. dicens , sibi esse certissimam . Ex schola autem Societatis nullum relegere potui , qui oppositum affirmaverit . Quia esto Franciscus de Lugo lib. 6. de Sacram. cap. 6. num. 65. & Escobar 1. part. tom. 3. Theolog. moral. lib. 20. num. 327. dixerint , non esse improbabile , Lugo opinionem communem tanquam securiorem , ac probabiliorē sequitur ; Escobar verò , ut longè probabiliorē . Ceteri autem absolute ei tanquam veræ subscribunt , & nominatim Suarez , Vasquez , Henriquez , Valentia , Reginaldus , Card. de Lugo , Dicastillo , Palao , Granado , & Gaspar Hurtado in locis à Leandro consignatis . Quibus addendi sunt P. Tannerus tom. 4. disp. 5. qu. 8. num. 213. P. Anellus Persicus de officio Sacerd. lib. 3. cap. 6. num. 112. fol. mibi 785. P. Moya in selectis. 1. part. tr. 4. qu. 2. §. 1. & 2. P. Tamburinus in opusc. de commun. cap. 6. num. 22. P. Georgius Gobat in Theolog. experim. de Sacram. tom. 1. tract. 4. num. 397. Luisius Turrianus in summa morali part. 2. cap. 55. dub. 1. num. 5. & latè , & eruditè , ut assolet , P. Theophilus Raynaudus tom. 16. in Heteroclitis spiritualib. fest. 1. pnncl. 4. à num. 61. fol. mibi 68. atque ex externis Aversa de Eucharist. qu. 10. sect. 5. vers. Sexto .

66 Præcipuum hujus sententiæ fundamentum sumi solet ex cap. De homine. 7. de celebratione Missarum , cujus speciem , & decisionem exhibuimus num. 21. Sed non placet , quia casus est longè dissimili . Hic enim duntaxat agitur de Ministro , qui alii scienti præbet hostiam non consecratam pro consecrata , cujus est indignus , & quoad hoc tantum decipit adstantes , quatenus simulatione sua facit , ut existiment , alterum re vera communicasse , & hostiam

hostiam consecratam suscepisse. In textu autem sermo erat de Sacerdote, qui fingit, se consecrare, & non consecrat, se Deo offerre sacrificium Corporis Christi, & non offert, se illud consummare, & non consummat, se denique Missam celebrare, & non celebrat. Porro tota ista fraudulenta simulatio longè est deterior, quam illa, & gravissima peccata intra se involvit, à quibus alia est aliena. Unde, etsi Pontifex dixerit, gravius delinquere istum Sacerdotem, quam si indignè celebrasset, & non tantum Deo se obstringere, quem non veretur illudere, sed populo etiam, quem decipit, cum nullam causam in particulari distinxerit, sed de tota illa fictione, prout gesta ferebatur, iudicaverit, immerito ex vi textus pronuntiabitur, id etiam in eo casu militare, ubi tot fœdæ circumstantiæ desunt. Nec facile erit ostendere, etiam Theologica ratione inspecta, gravius peccare Sacerdotem, qui solummodo ministrat hostiam non consecratam peccatori consentienti ad vitandum sacrilegium ejus, quam illum, qui indignè suscipit, cum hoc sit unum è gravissimis peccatis, quod osculo, atque proditori Judæ, & crucifixioni Christi juxta SS. PP. æquiparari censetur.

67 Decipitur quidem tunc populus circa usum Sacramenti, ejusque similitudinem, ut B. Albertus Magnus suprà laudatus agebat; sed in casu, de quo Pontifex, ultra deceptionem istam non divisam inter duos, sed in uno, eodemque conjunctam ministrante, ac suscipiente, dantur aliæ separabiles valdè peioris exempli. Falluntur enim adstantes circa confessionem Sacramenti antè ejus usum, & circa oblationem sacrificii, & cum ipso suo modo sint offerrentes, eo toto fructu privantur, quem ratione rei oblatae, & ex opere operato, ex verò sacrificio, & vera Missa possent sperare, ac referre. Quinimodò nec comparatio est æqualis, quamvis duntaxat spectetur sumptio Sacramenti post alias actiones prævias. Nam quæ sit à Sacerdote celebrante, est pars intrinseca Missæ, & ad essentialiam, aut integritatem hujus sacrificii spectat, ut quamplurimi Doctores censent, vel saltem ad perfectionem sibi connaturaliter debitam; atque ea propter in Concilio Toletano 12. cap. 5. certum esse dicitur, quod *ibi, qui sacrificantes non edunt, rei sunt*

dominici Sacramenti: & post pauca: Nam quale erit illud sacrificium, cui nec ipse sacrificans particeps esse cognoscitur?

68 In ratione ergo hujus sacrificii, quod institutum est per modum cibi, & in supremo munere sacrificandi nomine Christi, & Ecclesiæ, fundatur, quod Sacerdos ipsam victimam, nempe corpus Christi, ac sanguinem, consumere debeat, & hoc speciali titulo peccaret, quamvis aliàs consecrasset Sacramentum, qui nullam hostiam assumeret, neque fictam, neque veram. Atqui hic ritulus in eo etiam deficit, qui alios communicat, & in istis sæpè sæpius obligatio suscipiendi Sacramentum. Ergo hi casus quoad malitiam nullam proportionem servant. Qualis qualis autem servaretur, licet in multis deficiens, si ponamus, laicum aliquem, aut Sacerdotem, qui laicorum more accedit, obligari ad communionem, saltem ex præcepto Ecclesiæ, & postulare hostiam fictam, quia veram, & consecratam dignè recipere nequit. Sed tunc longè difficilior posset communionem veram, ac se, ut oportet, disponere ad vitandum sacrilegium indignè communicandi, non apparet, quo prætextu liceat Ministro fideli cooperari illi peccato, quod non communicando committitur, cum utrumque vitari possit, ac debeat, ac fortasse vitaretur, urgente ex una parte metu infamiae, & ex alia metu indignæ suspensionis, nisi Sacerdos viam peccandi sterneret, & porrigendo hostiam falsam immediatè, ac positiè adjuvaret ad exequutionem unius ex peccatis illis.

CAPUT VII.

Argumentis S. Thome monstratur vera conclusio.

69 **N**on est ergo satis efficax fundamentum, quod desumitur ex textu præcitato, quia negativè procedit arguendo à majori ad minus, & vix potest adaptari aliis casibus, qui in hac materia frequentius possunt occurrere. Sed non ideo desunt alia magni momenti, unde possit prædicta fictio improbari generalius, ac solidius. Duo suggerit

Angelicus Doctor *dislo quodlib. 5. art. 12. corp.* quæ rem videntur conficere, & unde ipse sic concludit: *Hoc in nullo casu est faciendum, ut hostia non consecrata exhibeatur uni, vel pluribus tanquam consecrata.* Alterum sumitur ex natura fictionis execrandæ in Sacramentis, & specialiter in Eucharistia, quod verbis ejus gravissimis longè melius, quàm meis, proponetur: ita enim scribit: *Dicendum, quod veritati non est aliqua fìsio adjungenda, quia nulla est conventio lucis ad tenebras, ut Apostolus dicit 2. ad Corinth. 6. & propter hoc Augustinus probat in lib. 83. questionum, quod corpus Christi non fuit phantasticum, quia veritas, quæ est Christus, non potuit fallere, & idè in Sacramentis Ecclesiæ nihil est per fìsionem agendum, & præcipuè in Sacramento altaris, in quo totus Christus continetur. Eset autem quedam fìsio, si hostia non consecrata loco consecratæ daretur.* Explicatur. Nam hic fingitur ipsa consecratio, atque in eum errorem circumstantes inducuntur ipso facto porrigendi hostiam non consecratam, ac si consecrata fuisset, ut credant, non esse panem, sed Deum sub specie panis latentem, quod non est Deus, sed panis vulgaris. Quis autem non videat, hunc errorem, vel se solo, esse valdè perniciosum, & injurium Divinæ Majestati, longè plus, quàm si quis fingeret verbo, aut facto corpus cujusdam latronis esse corpus Sancti Pauli?

70 Aliud Sancti Doctoris argumentum sic ab ipso declaratur: *Sacerdos, quantum in se est, populo fieret idololatranti occasio, qui quamvis peccatum idololatriæ non incurreret æstimans probabiliter, hostiam esse consecratam, tamen Sacerdos in hoc, quod hostiam non consecratam populo exhiberet adorandam idololatriæ crimen incurreret.* Hæc ibi, vnde concludit ad 3. multò magis peccare Sacerdotem, qui istiusmodi fictionem facit, quàm peccaret alius indignè sumendo, & in peccato mortali. Scio, P. Vasquez, Bresserum, aliosque eximere ab hac culpa Sacerdotem. Quorum ratio potest esse, quia neque ipse adorât illam hostiam, neque præbet aliis occasionem adorandi illam ut Deum. Ad Christum namque immediatè, quem putant ibi latere, ut in alijs hostiis latet, eorum in-

tentio dirigitur; non verò ad panem, quem citrà omnem culpam judicant ibi non esse: & hoc duntaxat significat tota eorum externa adoratio, ac genuflexio minimè exhibenda ab illis, si scirent non esse Christum, sed panem, quod sub illis speciebus continetur. Porro cum exterior adoratio ex suo intrinseco conceptu spectet ad genus signi denotantis submissionem, venerationemque internam, fieri nequit, ut ea habeat rationem idololatriæ, etiam purè materialis, dum ea significatione caret, quam istud vitium importare debet. Atqui idololatria in suo formali conceptu necessàriò importat intentionem adorandi non Deum, seu creaturam tanquam Deum. Igitur cum signa externa hanc intentionem non denotant, sed potiùs contrariam, fieri nequit, ut ea habeant rationem idololatriæ, etiam materialis, & externæ.

71 Cæterùm evasio ista non placuit Angelico Præceptori in 3. *distin. 9. qu. 1. artic. 2. quæstiunc. 6. ad 2.* nec plerisque scholasticis, nobisque displicuit *suprà dissert. 2. numer. 28. & 29.* Quia in primis Sacerdos ipse, & laicus fictionis conscius, quamvis non adoret panem affectu interiori, ut Deum, nec judicet esse in illo aliquam Divinitatem; exteriori tamen ritu, ac cœremoniis eum tractat, & veneratur ut Deum, confingitque eodem affectu, atque judicio ipsum sumere, quo sumuntur hostiæ consecratæ: nam si aliqua fiat discretio, nil proderit simulatio. Adorat ergo illam hostiam, & coadorat accidentia ipsius adoratione latræ hujus Sacramenti propriæ, quamvis absque intentione adorandi. Unde quamvis non sit verè idololatria, quia ad hoc erat necessària Divinitatis opinio, & voluntas adorandi cultu Divino creaturam, excusari tamen nequit ab idololatria simulata, atque conficta, per eos actus, qui ex Ecclesiæ usu, & consensu omnium fidelium, appropriati sunt huic Sacramento, & solum exercentur circa Deum, quatenus in ipso personaliter assistit, ac se præbet manducandum. Porro iste modus fictionis, quamvis in essendo non sit idololatria, sicut non est verum juramentum, quod fit absque intentione jurandi, ad eam tamen revocatur, sicut perjurium fictum ad perjurium

rium verum, estque vere idololatria exterior, & gravissimum peccatum contrarium confessioni externæ veræ fidei, ac honori Christo debito, quatenus in isto Sacramentolaret.

72 Quocirca nullo prætextu, siue Divino, siue humano, nullaque necessitate, aut metu etiam mortis ita se gerere licet Sacerdoti ministranti, aut laico suscipienti. Quia tribuere Divinitatem verbo, aut factio creature certò cognitæ, ut creaturæ, eamque illo ritu tractare, qui non nisi Deo tribuitur, intrinsicè malum est, ut offerre illi sacrificium, aut adolere idolo incensum, quamvis nihil horum fiat ex animo. Nec quidquam juvare potest ulla mentis restrictio, aut occulta protestatio sup intentionis, quia intentio gerendi exteriores actus proprios hujus Sacramenti circa panem in isto casu non deficit, & ea sola, quamvis cœtera fingantur, positivam Christi dehonorationem exequitur, & externam fidei negationem assert: negat enim ipso facto suscipiendi, aut ministrandi esse panem, & affirmat esse Christum, quod latet sub accidentibus hostiæ, quam certò cognoscit non esse hostiam consecratam.

73 Jam verò, si sermo sit de reliquis circumstantibus, qui ignari fictionis, putant per errorem invincibilem Christum esse, quod præbetur alteri ad communicandum, & sub hac persuasione illud adorant tanquam terminum, & objectum quod adorationis, hi quidem in intentione non adorant nisi verum Sacramentum; sed in executione aliter accidunt, quia res de facto adorata, & species simul coadorata per externum actum non est verum Sacramentum, sed fictum, ac simulacrum. Unde hoc ipsis contingit, quod his, qui invincibiliter putant se dicere, ac jurare verum, cum non jurent nisi re ipsa falsum, & propterea sicut istimerè materialiter mentiuntur, ac pejerant, sed sua bona fide, atque intentione excusantur, immò actum veracitatis, ac religionis exercent, ita illi coram Deo non sunt idololatræ formaliter, ac imputabiliter; sed potius exercent actum veræ latræ, & idololatriam solum materialiter. Nam idololatria materialis rectè dicitur, ut reliquis peccatis evenit, actio, quæ ex sola ignorantia inculcata suæ malitiæ, ac voluntarii

defectus definit esse formalis. Vide Lessium, nec pigebit, lib. 2. de just. & jur. lib. 2. c. 43. num. 21.

74 Quamvis autem hi excusentur, nullatenus excusantur à peccato coram Deo hi, qui scienter ministrantes, atque suscipientes hostiam non consecratam pro consecrata illis præbent occasionem proximam, & efficacem errandi circa adorationem hic, & nunc tali hostiæ debitam, & exercendi erga ipsam idololatriam materiale. Neque enim ignorantia ipsos excusat, sicut excusabat alios; immò, quia sola ignorantia sibi inculcata alios circumstantes excusare poterat, rectè sequitur, eos, qui scienter eos decipiunt in re tanti præjudicii, qualis est deferre honorem veri Dei puræ creaturæ, nullatenus excusari. Neque metus, etiam mortis certò alioqui subeundæ, quidquam eos juvare valet; sed hic maxime habet locum, quod pari metu constrictus edocebat Elcazarus 2. Machab. 6. præmitti se potius velle in sepulchrum, quàm suæ senectuti hanc maculam, & execrationem conquirere, ut simulatè exercendo ritus religionis falsæ, adstantes deciperentur, & suo exemplo similia perpetrarent. Nec demum juvare potest, quod hostia non consecrata proponatur à tergo consecratæ. Tum quia illa separatur, dum peccatori exhibetur, & ut sic etiam obicitur adorationi circumstantium. Tum præterea, quia fideles per modum unius adorant, quod est in Ministri manibus, aut vasculo Sacramenti parato ad communionem exhibendam, quamvis id non videant immediatè: ita enim adorant calicem, & in ipsa hostia, quæ ostenditur, non tantum reverenter superspicem extimam; sed partes etiam internas, & illam, quæ retro jacet.

75 Dubitari tamen potest, quale sit istud peccatum, quatenus idololatria ficta præbet aliis occasionem idololatrando merè materialiter? Sed hoc generale est omnibus, qui præbent aliis proximam, & efficacem occasionem exercendi res materialiter pravas: peccant enim peccato scandalii, & malitia ipsius ex modo cooperationis debet æstimari. Nam si directè intendatur talis actio, & suasionem, vel consilio alii ad ipsam moveantur, pro-

proculdubio cooperatio ad illud vitium pertinebit, ad quod ea spectat, quod in nostro casu erit idololatria. Sin autem non sit directa, sed indirecta duntaxat, v.g. quia in presenti non intenditur deceptio, aut inductio aliorum ad idololatriam materialem, tunc juxta diversas, ac probabiles sententias Theologorum diversimodè philosophabimur. Nam qui dicunt, scandalum indirectum esse tantum contra charitatem, non verò contra eam virtutem, cui opponitur opus alterius, idem consequenter affirmabunt in presenti. Illi verò, qui scandalum indirectum satis esse putant ad incurrendam eam peculiarem malitiam, qua opus proximi inquinatur, Sacerdoti hoc novotitulum idololatriam imputabunt ultra fictam illam, quæ non pendet ex aliorum scandalo, nec mensuratur regulis illius.

CAPUT VIII.

De Sacerdote, qui simulat, se præbere hostiam consecratam peccatori occulto, & nullam præbet, ut infamiam ejus, & sacrilegam communionem devitet.

76 **M**odus iste vitandi indignam suspensionem Sacramenti absque infamia peccatoris facilius est, quam præcedens, qui majori opera indiget, ut hostia non consecrata inveniatur, ponaturque à tergo aliarum, & separetur à reliquis, ut in tempore possit deservire. Hic autem quævis hostia ex verè consecratæ ori peccatoris admovetur, & clam in pyxidem mittitur, ne possit notari ab aliis, quod Sacerdos in istu oculi potest efficere. Sed & Theologicam rationem inspiciendo, hic desunt inconvenientiæ præcipuæ, quæ alibi repetiebantur. Nam in primis deficit idololatria, sive ficta, sive vera, cum nihil adorandum proponatur peccatori, aut aliis, nisi verum Sacramentum corporis, ac sanguinis Christi. Deficit etiam perniciofa fictio, quia non fingitur perfectio sacrificii, aut consecratio Sacramenti; sed duntaxat usus, & receptio illius, neque adstantes decipiuntur circa quidquam aliud; sed totus eorum error in eo consistit, quod supponant, aut præsumant, eum verè communicasse, eo quod non viderit hostiam ori ejus admotam, continuo fuisse subtractam.

77 Mendacium denique facti, quod solum superest, facile admisceri poterit, ut in aliis stratagematis, si occulta subtractio fiat intentione decipiendi alios, & ex isto capite interveniet vera simulatio, ac planè illicita, sed non sacrilega, sed officiosa, tum ipsi Sacerdoti, qui suo muneri satisfacit negando communionem peccatori occulto, cum id facere potest absque illius infamia, tum peccatori id poscenti, quia eo artificio vitat sacrilegium ejus, & non detegit indignitatem: nec religioni plus officit, aut aliis, qui decipiuntur, quam si verbis mentiretur affirmando, se dedisse communionem ei, cui illam non administravit. Ceterum mendacium istud, ut facile committi potest, ita etiam facile evitari valet, si animus fallendi desit, & solum insit voluntas occultandi pro suo munere denegationem Sacramenti, quod occulto peccatori nequit publice negari: ita enim occultatur sine crimine, quibusdam factis, denegatio absolutionis illi peccatori facta, qui indispositus ad confessionem publice accessit.

78 Et profectò sicut ex verbis publice prolatis, & aliis occultè dictis, toties justa causa subest non manifestandi quoriam mentem nostram, componitur una vocalis oratio non mendax, neque activè deceptiva aliorum, sed permixta duntaxat deceptionis, quam fortasse patientur, ita similiter ex portione publica Eucharistiæ, & occulta subtractione illius licet componi potest unum factum adæquatè conforme menti nostræ, nullaque sordens malitia, si idonea causa non desit, ut supponitur ex circumstantiis ejus non deesse in nostro casu, & eò facilius, quod facta sunt signa magis æquivoca eorum, quæ à nobis geruntur, quam verba, & signa vocalia. Potestque plenius urgeri, si ponamus, peccatorem ipsum comminari mortem, aut grave aliud malum Sacerdoti, nisi hoc faciat, vel maritum zelotypum, ac severum observare, utrum communicet uxor sibi de adulterio suspecta, aut eam compellere ad communicandum, ut susceptione Eucharistiæ sese purget à crimine imputato.

79 Nihilominus Laurentius Maria Pisani in gladio Gedeonis proposuit, 29. num. 8. in fin. scribit, hoc numquam licere; sed non videtur agnoscere aliud crimen, quam men-

mendacii . Unicus tamen mihi est inter eos omnes , quos inveni hanc quæstionem pertractasse in propriis terminis , & ex adverso id licere sub prædictis circumstantiis expressè tradunt P. Henriquez in *summa* lib.8. cap.33. num.3. Diana *part.4. tract.4. resol.47. fine.* Leander *tom.2. de Sacram. tract.7. disp.7. qu.61.* Moya in *seleçt. 1.p. 19æd.4. q.2. num.10.* Escobar *disso lib.20. Theol.moral. nu.237.* & in *summa 17.7. examine 6. num.41.* Franciscus de Lugo *lib.1. de Sacram. cap.6. nu.66.* Joannes Sanchez in *seleçt. disp.35. num.9.* Theophilus Raynaudus *tom.16. in Heteroc. spiritualib. sect.1. punct.4. fol. mihi 71. colum.1.* cujus sententiam refert , putatque probabilem Emmanuel Gonzalez in *cap. de homine 7. de celebrat. Missarum* , nec displicet Anello Perfico *lib.3. de officio Sacerd. cap.6. num.113. fol. mihi 785.* ubi addit , doctum quemdam , & prudentem Sacerdotem hoc medio in praxi usum fuisse , & idem de se testatur Escobar *disso num.41.*

80 Mihi quoque ista sententia non videtur improbanda , etsi majori explanatione indigeat . Considerari enim debet , quænam causa sit sufficiens Sacerdoti , ut hoc ei liceat , & quæ peccatori occulto , aut excommunicato publicè accedenti ad mensam Eucharisticam . Nam ex parte Sacerdotis illa videtur sufficere , quæ sumitur ex indignitate accedentis perseverante , ac sibi certò cognita extra confessionem , v.g. ex testimonio ipsius , qui indignè accedit , & mavult Sacramentum sibi occultè denegari , quam immane sacrilegium committere . Quia esto peccator jus habeat ex vi Baptismi simul cum possessione bonæ famæ ad hoc , ut hoc Sacramentum non negetur sibi publicè , & in illis circumstantiis , ubi denegatio redundaret in gravem infamiam suam ; nullum tamen jus proximum habet exigendi , ne sibi denegetur occultè , & absque ulla infamia : nam illud , quodcumque erat , per excommunicationem , aut indignitatem perseverantem amisit , & propterea omnes supponunt , illi denegandam esse communionem occultè petenti illam . Atqui par omnino est ratio , quamvis se publicè immisceat aliis communicaturis , si subtrahatur ipsa Eucharistia occultè fiat , & absque

ulla infamia , aut scandalo . Ergo , subsistente hac causa , nulla dabitur , ob quam occulta subtrahitio Sacramenti fiat illicitè . Ita enim Sacerdos consulit tam famæ , quam conscientiæ peccatoris , & tuctur honorem Christi propulsando ab illo injuriam irreverentis sumptionis attentandæ à peccatore , nisi hoc medio succurratur pervicaci obstinationi ipsius .

81 Coeterum ex parte peccatoris accedentis longè plura necessaria apparent , ut sibi liceat hoc petere , ac procurare . Aut enim id petit merè voluntariè , ac sponte sua ? Aut non ; sed gravi necessitate communicandi compulsus ? ex.g. quia urget præceptum Communionis annuæ , metulque excommunicationis sollicitatè his imponi , quos non constat ei satisfecisse ; vel quia vi extrinseca adigitur , quando non urget præceptum , ut accidit in casibus recensitis *num.78.* quibus plures alii similes possunt associari . Si sponte id faciat , nimirum nulla , aut levi necessitate compulsus , sed præcisè ut larva illa virtutis occultio rem reddat suæ conscientiæ pravitatem , utique mendacium facti declinare nequit , quamvis restrictione aliqua occulta , vel amphibologia utatur : jam enim sæpius ostendimus , quæ hujusmodi sunt , si sponte fiant , vel citrà necessitatem non parvi momenti juxta conditionem materię , esse re vera mendacia . Eritque in prædicto eventu vitium hypocrisis , quo simulatis virtutibus non solum occultantur , sed foveantur peccata gravia , tollunturque impedimenta continuationis ipsorum , & arripitur occasio liberius manendi in ipsis , ac diutius perseverandi , & propterea erit peccatum mortale . Nam hi sunt , de quibus dicitur Jobi 13. 16. *Non veniet in conspectu ejus omnis hypocrisis* , quia voluit non esse justus , sed videri , ut rectè explicat S. Thomas 2. 2. q.111. art.4.

82 Jam verò si urgeat necessitas communicandi ex præcepto , adhuc ejusmodi fictio erit peccatum lethale . Violatur enim lex magni momenti , & obligans valde graviter , cum isti haudquam communicent ; sed solum fingant , se communicare . Communio autem ficta non juvat , ubi vera postulatur . Neque

excusat indispositio peccati adhuc permansens, quia permanentia illius valde culpabilis est, cum sit merè voluntaria, & qui hæc fingunt, debeant se disponere, ac recedere à peccato, possintque illius poenitere gratia Dei opitulante, nam mandata ipsius non sunt impossibilia volentibus, ac conantibus. Quare neque isti vitabunt excommunicationem iustè fulminatam adversus eos, qui suo tempore huic legi non satisfaciunt; sed illam occultè contrahent, et si nominatim denunciari nequeant, quia à Prælatis per errorem satisfecisse putantur.

83 Quòd si alter casus eveniat, & isti metu, vel minis compellantur ad Communionem indebitam, ex cuius publica omissione prudenter sibi timent grave aliquod malum mortis, infamiz, paternæ inimicitiz, exheredationis, alteriusve credulitatis iniquæ, tunc id erit iusta causa manifestandi Ministro indispositionem suam, & postulandi ab illo occultam Eucharistiz subractionem, nisi alio prætextu licito se possint coram incutiente metum à Communione excusare, ac declinare periculum. Nam ex parte Sacerdotis sufficiens causa negandi occultè Eucharistiam est accedentis indignitas sibi certò cognita extra confessionem, & scientia, ac patientia illius exequutionem faciliat, & omnem umbram injuriæ removet, si qua daretur, cum illo invito idem faceret. Ex parte autem accedentis, qui communionem detractat, quia non vult, tametsi possit, desistere à suo peccato, major posset esse difficultas, erat namque in potestate ipsius poenitendo omnia componere, & non egere toto isto artificio. Sed nihilominus, quia injustè opprimitur libertas ejus, & jus habet sese defendendi mediis licitis ab oppressione iniqua, rectè potest etiam uti hoc medio, cum ad eas angustias est redactus, ut alia sibi non suppetant. Porro licitum est, urgente hac causa, uti restrictione occulta facti, aut verbi absque intentione fallendi, neque id erit simulatio, vel mendacium; sed stratagemata justum, ut paulò ante monstrabatur, & plerisque aliis exemplis receptis in praxi ab omnibus monstratur *cap. 5.*

84 Quæres tamen pro majori luce, utrum hæc liceant, si prævia conversio fiat

inter occultum peccatorem & Ministrum? Licere negat Joannes Sanchez in *disso. n. 9.* Alii verò præcitati generaliter loquuntur absque ista limitatione, & Raynaudus, qui illam attigit, reiicienda putat absque dubio. Ego reor, eam conventionem non licere, quoties peccator occultus peccat omittendo, aut simulando Communionem, vel quoties propterea fiet animosior ad perseverandum in oblatione sua, à qua desisteret forsitan, ac sese rectè disponeret metu communicandi in eo statu, nisi Sacerdos indulgentia sua ei promitteret negationem Eucharistiz occultam. Quia in his casibus id esset, Sacerdotem sponte sua positivè cooperari novo illi peccato, & adjuvare directè ad ipsius exequutionem, quod nulla de causa licet. Et prætextus majori mali evitandi, Communionem scilicet sacrilegam, ad quam alter videtur obfirmatus, Sacerdotem non excusat, ut non excusat juvantem ad occisionem extranei, quod sin aliter committendum esset parricidium.

85 At verò quoties non peccat communicando apparenter ille, cui hostia subtrahitur, nullius labe peccati hoc pactum videtur infici. Neque enim Sacerdos peccat actione, vel cooperatione sua. Non actione. Quia ipse rectè faciet occultando se negare Communionem, sicut & absolutionem, quam nequit negare publicè. Non cooperatione. Quia peccator ille occultus non peccat communicando apparenter, cum nulla lege constringitur ad communionem; sed solo metu, vel minis injustis ad eam arceatur, ut etiam in confessione contingit. Facileque accidere poterit, ut de consilio prudentis Sacerdotis confessionem, atque Communionem differat, & cum justam causam dilationis habeat, minæ, aut metus dilationem non permittant. Quo casu evidentiùs cernitur nullo ex capite esse illicitum tam pactum, quàm factum ipsum communicandi apparenter; siquidem vera confessio, & Communio non differitur præ voluntaria obstinatione peccatoris; sed ut se, ut debet, examinet, securius præparet, & rectius consulat conscientiz suæ.

86 Quæres 2. An Sacerdos aliquando teneatur uti hoc medio, cum id licet? Non teneri affirmat P. Henriquez in *summa lib. 6. cap. 22. num. 4.* Ceterum Franciscus

scus de Lugo dicto num. 66. in fin. Ego; inquit, non liberarem Sacerdotem ab hac obligatione. Et suaderi potest. Tum quia ex natura rei debet non proicere margaritas ante porcos, nec præbere sanctum canibus, si licite potest: id enim postulat recta administratio Sacramenti, & munus, quod actu exercet, quamvis illud voluntarie susceperit, & non ex officio Parochi. Tum quia peccator occultus, cessante infamia, & scandalo, aut revelatione sigilli, nullum jus habet petendi ab illo Eucharistiam; ipsi verò incumbit obligatio tuendi, ut potest, Christi honorem, & impediendi executionem injuriæ, quam ille attentat volendo indignè communicare. Tum quia huic occulte petenti non solum potest, sed debet Eucharistia denegari, quia prædicta incommoda tunc cessant. Si ergo pariter cessare possint, dum publice fit petitio, eadem obligatio remanebit. Publicitas enim eatenus illam removeare valet, quatenus ratione ipsius ægrè præcaveri possunt, maxime peccatore non præmonito, & invito, ac renitenti.

87 Tum demum, quia, publica petitione non obstante, debet Sacerdos sacrilegam alterius Communionem impedire, si alii prætextus occurrant exequibiles absque ipsius infamia, ut si obtendat, deesse formas consecratas, vel sibi deficere vires, aut tempus: sicut proculdubio teneatur, si sciret, hostiam postulari non ad manducandum, sed ad illam conculcandam, vel ad aliquam incantationem ope diaboli efficiendam. Unde P. Vasquez tom. 3. in 3. p. disp. 209. num. 29. extra controversiam esse dixit, Sacerdoti hanc obligationem incumbere, si in publico officere posset, ut peccatorem occultum subtili aliquo modo prætermitteret, vel consumendo omnes hostias, quas haberet, antequam ad ipsum perveniret, & ne ille notaretur, alios etiam cum eo sine communione relinqueret, aut alio modo sine nota ei negare posset Eucharistiam. Hæc Vasquez. Ubi maxime est notandus ille casus, in quo alii justè petentes privantur Communione, ne cum ipsis indigno etiam ministranda esset: peculiarem enim difficultatem involvit pertinentem ad materiam scandali, & ex eo pendet, an debeat prætermitti opus præcepti, aut consilii, cujusmodi esse solet in hoc casu ministrare Communionem

alii jam paratis, ac petentibus, ad evitandam executionem peccati ab altero ex malicia committendi. Videantur interrim Sanchez in selessis. disp. 37. & Franciscus de Lugo eo cap. 6. q. 10. qui rem tractant ex professo.

88 Quæres tandem, utrum liceat in hoc casu simulare administrationem Sacramenti? Ex præmissis *suprà cap. 1.* jam constat, hoc inquirere, perinde esse, ac postulare utrum mentiri liceat ministrando, aut recipiendo Sacramenta? Quare indubitanter respondendum est, id esse illicitum, tam in isto casu, quam in aliis, quos paulò antea recensebam, diligenterque cavendum ab ea inordinata loquutione, maxime post decretum Innocentii. Auctores autem, qui ea utuntur in præsentī, satis explicant in suo contextu, se non loqui, neque ut licitam admittere simulationem formaliter, ac propriam; sed metaphoricam, & purè materialem, qualis est restrictio occulta, aut dissimulatio veri, quæ sola ad hoc factum sufficit, seclusa qualibet voluntate fallendi. Neque enim debet Minister, aut potest licite intendere deprecationem aliorum, sed præcisè occultationem Eucharistiæ denegatæ necessariam, ut absque infamatione peccatoris evitetur sacrilegium ejus. Non ergo erit simulatio falsi tale factum; sed dissimulatio veri, & restrictio facti publici, quo Eucharistia admota ori videtur actu dari ad manducandum, per subtractionem occultam. Porro quamvis simulatio propriè talis nunquam liceat, quia est significatio falsi ut falsi, sæpe tamen licita est dissimulatio, seu occultatio alicujus veritatis, quam revelare non expedit: necnon restrictio realis, & externa unius facti publici per aliud continuatum, quo occultè ejus significatio limitatur, & tota actio vera redditur.

CAPUT IX.

Execranda due simulationes spectantes ad Officium Sanctæ Inquisitionis.

89 **P**rima est eorum, qui, cum ad sacrum presbyteratus Ordinem non sint promoti, Sacerdotii auctoritatem sibi temere assumptis, Missarum celebrationem usurpare, & Sacramen-

tum

tum Pœnitentię ministrare p̄sumunt . Quam simulationem Summus Pontifex Clemens VIII. *nefariam*, & *sacrilegam* vocat, ejusque p̄nitentiam, & examen Sanctę Inquisitioni committit Bulla incipiente : *Etsi alias*. edita die 3. Februarii anno 1602. estque 81. hujus Pontificis in Cherubini Bullario . Et sanę, quatenus ea fictio spectat ad Sacramentum Pœnitentię, perspicuę apparet, hoc ausu *ejus dignitatem contemni*, & *Christi fideles decipi* (quemadmodum scribit Pontifex) *magno cum periculo, ac scandalo* . Ibi siquidem apertę cernitur peccatum usurpationis iudicii, non qualificamque, sed sacramentalis, & p̄cellentissimi inter omnia, quę in hoc seculo exerceri valent. Perniciosę quoque decipiuntur in re maximi momenti aperientes suę conscientię maculas absque ullo fructu ei, qui nequit eos absolvere, vel ligare. Invalida namque sunt omnia alia ipsius, prorsusque inepta, ut in celo habeantur rata. Neque error communis, aut Ecclesia ea convalidare potest, aut supplere eorum defectus, cum oriantur à Ministro jure Divino incapaci .

90 Quatenus verò eadem fictio ad celebrationem Missę, oblationem sacrificii, & exhibitionem hostię non consecratę pro consecrata refertur, ultra superstitionem falsi cultus tam ex parte personę, quàm ex parte rei oblatę, eisdem incommodis subiacet, quę *suprà cap. 7.* cum Angelico Doctore expendebantur. Eaque p̄sertim, quę ex conceptu idololatrię proponuntur à *num. 70.* gravissima hujus Pontificis auctoritate firmantur. Ita enim dicitur in Bulla p̄citata §. 2. *Nos igitur animadvertentes, hujusmodi perditos, & nefarios homines ad sacrum presbyteratus ordinem non promotos, Missarum celebrationem usurpare p̄sumentes, non solum abusu idololatrię saltem extrinsecę, seu per externa, & visibilia Religionis, & pietatis signa exercere, sed etiam quantum in ipsis est efficere, ut Christi fideles, qui credunt eos ordinatos esse, & ritę consecrare Sacramentum Eucharistię, idololatrię crimine ignorantur incurrant, purum videlicet panem, & vinum tanquam verum Christi Domini nostri corpus, & sanguinem eisdem adorandum proponentes.* Hactenus Clemens.

91 Atque indidem colliges, omnino improbandum esse factum ejus Sacerdotis, qui, cum die Parasceves invenisset hostiam pridie reservatam esse in calice ita medefactam, ut coram populo elevari non posset, aliam non consecratam elevavit ad dissimulandum suam incuriam . Ita Petrus de Ledesma *1. p. summe. cap. 25. de Euchar. fm. pag. mibi 334. colum. 1.* qui in facti contingentia consultus respondit, fore peccatum gravissimum tunc consecrare aliam hostiam, & gravius elevare aliam non consecratam. Ita etiam Franciscus de Lugo *lib. 5. de Sacram. cap. 10. num. 35.* & Henao *tom. 3. de Sacrif. Missę disput. 29. num. 204.* Ratio autem est, quia etsi in hoc casu hostia non consecrata nulli administraretur, populo tamen adoranda proponitur, coliturque ab ipso Sacerdote per signa externa religionis, & pietatis, ac si verę consecrata fuisset. Quare ex hoc facto eadem ipsa incommoda sequuntur, quę Pontifex opponebat, ut sacrilega, & nefaria illi Sacerdoti fictio: satiusque erit, cum id accidat, p̄termittere elevationem solius hostię, & illam simul cum calice una elevatione erigere.

92 Improbare quoque debet ob eandem rationem alterius Sacerdotis artificium, qui, cum Sacramentum esset publicę exponendum, & grandis hostia consecrata deficeret, non consecratam exposuit, sed habentem aliam parvam consecratam sibi unitam. Sic sentiunt expressę Gobat ubi *suprà tract. 3. num. 837.* Tamburinus in *metodo celebr. Missarum. lib. 2. cap. 8. §. 5. num. 25.* & referens Quartum Henao in *dicta disput. 29. num. 205.* Neque prodest illa affixio parvę hostię consecratę, quia fideles absolute adorant per modum unius totam hostiam sibi expositam, cum totam consecratam esse existiment absque ratione ulla dubitandi, aut adiacendi conditionem aliquam adorationi suę : & sæpe evenire poterit, ut à longę constituti, vel à latere duntaxat, videant partes hostię grandioris, quę non sunt consecratę, & circa illas specialiter dirigant suam intentionem, & earum intuitu ad alias, quas suis oculis non vident. Quòd si non juvabat ponere à tergo hostię consecratę alteram non consecratam porrigendam peccatori occulto ut *num. 74.* attingebam, & omnes tradunt communi-

ter,

er, minus adjuvare poterit modus iste, quo pars maxima eorum, quæ videntur, non sunt nisi panis purus. Neque ego quidquam istorum consulere audeam, aut in praxim revocare, omnia namque sunt unius farina: rectèque monuit Suarez. 10. 3. in 3. p. disp. 67. sect. 4. verè. *Circiteriam, moraliter, ac in praxialiter fieri non posse.*

93 Secunda simulatio ad Confessionem peculiariter spectat, sumiturque ex *Constit. 34. Gregorii XV. edita die 30. Augusti anno 1622.* incipiente *Universi Domini gregis*, ubi §. 4. denunciari præcipit Inquisitoribus, aut locorum Ordinariis non solum eos Confessarios, qui in solum Sacramentalis Confessionis, sive antè, vel post immediatè, seu occasione, vel prætextu illius, quascumque personas, sive fœminas, seu masculos, ad inhonestam, sive inter se, sive cum aliis quomodolibet perpetranda sollicitant, etiam ipsa confessione non sequuta; verum etiam omnes illos, cujuscumque præminentie sint, ac dignitatis, qui eadem personas *extra occasionem confessionis in confessionario, aut in loco quocumque, ubi confessiones Sacramentales audiuntur, seu ad confessionem audiendam electo, SIMULANTES IBIDEM CONFSSIONES AUDIRE, sollicitare, vel provocare tentaverint, aut cum eis illicitos, & inhonestos sermones, sive tractatus habuerint.*

94 Ex quibus cum certum sit, vel solum simulationem confessionis obligare ad denunciandum; immò, id mandante Pontifice inibi §. 7. & Confessarios ad monendum de hac obligatione suos poenitentes, quos noverint fuisse ab aliis ut suprà sollicitatos; & gravis tamen difficultas est discernendi, quinam actus ad hanc simulationem sufficiant. Nam cum ista Constitutio simulantes, & non alios, severissimis poenis subiciat, quamvis aliqui sit lata in favorem animarum, & propterea latè intelligenda, saltem quoad eam partem, quæ dispositiva est, ac prohibitiva; nunquam tamen latitudo debet esse tanta, ut ultra omnem proprietatem verborum extendatur. Quocirca, cum lex loquatur de his, qui confessionem simulant, vox *simulationis* non est extrahenda ad sensus metaphoricos, & improprios, ut ea ratione etiam poenæ, quæ de sc sunt val-

deodiosæ, ac restringendæ, in simulatione quoque impropria, & abusiva locum habeant; sed de sola simulatione propriè tali debet exponi, ac intelligi, ut omnes supponunt, & notat peculiariter Thomas Hurtado p. 1. *resolut. moral. tr. 4. cap. 3.* quico loci omnia pertinentia ad hoc decretum à cap. 1. usque ad 6. diffusissimè pertractat.

95 Porro simulatio propriè talis mendacium quoddam est in exteriorum signis factorum consistens, nec alio sensu absolute, aut propriè solet usurpari, ut ex Divo Thoma, & aliis ex professo ostensum fuit cap. 1. num. 6. ac deinceps, & exornat cum Ludovico Turriano, Sylvio, Thoma Sanchez, Tannero, Vasquez, Suarez, Azor, Castro Palao, & aliis Thomas Hurtado in *disso cap. 3.* Unde, nisi facta Confessarii mendacia sint, & ipse contra mentem suam significet, se audire confessionem, quam non audit, nulla simulatio ibi interveniet, nec subjectus erit eorum poenis, qui extra occasionem veræ confessionis sollicitant in confessionario, aut aliis locis destinatis ad confessiones audiendas. Pontifex enim utrumque copulative requirit, sollicitationem, ac simulationem: & quemadmodum, vera sollicitatione deficiente, locus non est dispositioni ipsius, ita verè, ac propriè deficiente confessione simulata, eadem dispositioni locus deerit.

96 Ita sentiunt inter alios Castro Palao 1. p. tr. 4. *disput. 9. punct. 8. num. 4. in fin.* Lezana in *summa question. regular. p. 1. cap. 19. num. 34. volum. 1.* Leander à SS. Sacramento tom. 1. *de Sacram. tr. 5. disput. 13. q. 29. & 30.* & cum Angelo Bosio, & Trimalcho, Thomas Hurtado plena manu in *disso tract. 4. cap. 5. resolut. 8.* dicens, frustra plurimos in hoc puncto torqueri scrupulis, & absque ulla ratione dubitandi, cum verba Bullæ sint clara, & in ea expressè dicantur: *Simulantes ibidem confessiones audire.* Nec quemquam movere debet, quòd ea verba fuerint prætermissa in brevi synopsis Bullarum ad Officium S. Inquisitionis spectantium, quæ de mandato ipsius quotannis legitur pro communitate Regularibus *feria 6. post Obavam Assumptionis*, & semper in publico habetur. Nam cum ea synopsis Bullam ipsam Gregorianam referat, & relatum sit in referente cum omnibus suis qualitatibus

juxta communem parœmiam, perinde fuit se ad illam remittere, ac omnes ejus qualitates inferere. Nec synopsis, quæ præcisè habetur loco indicis ad memoriam adjuvandam, & tollendum ignorantie prætextus, debuit omnia per extensum proponere; sed satis ei fuit indicare fontes, unde hauriri potest instructio, & integra, & plena.

97 Majus negotium facessit aliud decretum antèrius Congregationis S. Inquisitionis Romæ habitæ coram Paulo V. die 10. Julii anno 1614. ubi *facta relatione, quod multi Confessarii trañant cum mulieribus in Confessionali extra occasionem confessionis de rebus inbonestis, sanctissimè decrevit, ut contra hujusmodi Confessarios procedatur in sancto Officio*. Ita ex Coriolano refert Joannes Sanchez in *seleñis. disp. 11. num. 66.* & ex ejus serie patet, confessionem simulatam in isto casu non exigi. Sed certè Inquisitio Hispana hujus decreti non meminit in Indice præcato, neque illud publicavit, aut recensuit inter alia, quæ ad Officium suum spectant. Videtur etiam sano modo declaratum, & propositum universali Ecclesiæ per posteriorem Bullam Gregorianam, & ad terminos illius revocandum esse. Ad hæc. Decretum non præcipit denunciare Inquisitoribus crimen illud, neque mandat Confessariis admonere poenitentes ad aliis sollicitatis de hac obligatione, nec loquitur de aliis locis destinatis, aut electis ad audiendas confessiones Sacramentales; sed de confessionali duntaxat. Unde ex vi illius, sicut jacet, ad nil istorum tenentur, qui ejus criminis noticiam habent; sed solum ex vi Bullæ Gregorianæ, quæ sine simulatione confessionis, neque sollicitationem factam in confessionario denunciare præcipit. Immerito autem Diana *p. 4. tr. 5. resol. 38.* & iterum *p. 9. tr. 9. resol. 33.* non perperno ejus tenore, plusquam diximus, huic decreto attribuit. Quod adhuc mihi non constat, an habeat auctoritatem authenticam, & præsertim requisitam, ut ubique possit obligare.

98 Maneat igitur, simulationem confessionis in hoc casu necessariam esse, ut necessitas incumbat denunciandi. Sed quandonomam interveniat necessariò requisita simulatio, hoc opus, hic labor est. Vidimus enim, non sufficere impropriam,

seu materialem; sed necessariò requiri mendacium facti, & quod hinc sequitur, significationem falsi cum intentione fallendi formali, vel virtuali. Hoc autem non semper datur, quamvis in confessionario contingat sollicitatio. Ibi namque alia negotia multoties trañari solent, ut trañantur in Ecclesia, aut in aliis locis sacris, sedente foemina, vel etiam genuflexa, ut secretius, & ad aurem loqui valeat. Neque est consequens, ut confessio simuletur, cum actus, qui ibi gerantur, sufficientem usum de se habeant, ut possint absque ulla omnino simulatione exerceri, & facilius absque simulatione confessionis, quam determinatè non significant, siquidem attento etiam usu, ac consuetudine, indifferentes sunt ad plura alia, & veluti signa æquivoca ex intentione ea exhibentis æstimanda sunt vera, aut mendacia.

99 Propter eam non pauci censent, nullam esse obligationem denunciandi Confessarios illos, qui extra occasionem confessionis in confessionario sollicitant foeminas ibi sedentes, aut stantes. Nam is modus, omiffa genuflexione, & aliis, quæ de more exteriori geri solent, dum veræ confessiones audiuntur, ad negotia alia solet ordinari, & confessionis tunc auditæ justam suspicionem removere valet. Ita Fagundez *lib. 6. in Decalog. cap. 19. num. 19.* Freitas, Sousa, aliique citati, & subscripti à Leandro in *disq. 30.* ubi occurrit decreto illi Pauli V. cui plus justo detulisse Dianam paulò antea monui, nec poenitet, etsi adhuc ampliùs ei deferat, longèque fidentius Escobar à Corro *tom. 2. trañ. de Confessariis sollicitantibus. p. 1. q. 4. §. 1. num. 35.* qui tamen in limitationibus subjunctis postea à *num. 66.* & præsertim *num. 70.* videtur destruere omnia, quæcumque inædificaverat. Addit insuper Thomas Hurtado in *disq. 4. à num. 76.* ex his, quæ latius præmiserat *cap. 5. per totum*, adhuc non sufficere, quòd sollicitatio fiat, genuflexo eo, qui sollicitatur, nisi adiciantur alia signa externa veris confessionibus præmitti solita, ut signum crucis, atque cunctis peccatoris, & in fine absolutio simulata, aut nisi Confessarius sollicitans mentiatu dicens, se audire confessionem ejus, quem intentat provocare.

100 Refert pro hac sententia ibidem Hieronymus Rodriguez, Thymarichium, Acufia,

Acuña, Joannem à Trinitate, Portel in dubiis regul. verb. *Solicitare numer. 12. & Aegidium Trullenc lib. 1. in Decal. cap. 3. dub. 18. num. 47. & omnium verba consignat. Sed, ut prætermittam alios, quos consulere non licuit, quia libri non sunt præ manibus, Trullenc non solum obscurè, sed etiam inconsequenter eo loci loqui videtur, ac sibi ipsi contradicere, ut Leander etiam notavit. Portel verò minimè requirit omnia signa enumerata, ut obligatio denunciandi incumbat; sed contendit, illam non incumbere, quamvis ea omnia simul cum sollicitatione, ac simulatione confessionis adsint. Cæterum doctrina ista improbabilis omnino est post extensionem Bullæ Gregorianæ, neque, ut reor, illam admitteret ipse Hurtado, qui Portelii verba adduxit, ac decuravit.*

101 Portelius verò idèd excusatur, quia loquitur juxta terminos alterius Bullæ transmissæ ad Inquisitores Lusitanæ, editæ à Paulo V. die 16. Septembris anno 1608. cujus totam seriem refert, & expresso declarat simul cum publicatione illius anno subsequenti facta. Ibi autem Pontifex de simulata confessione non differt, nec de aliis extensionibus additis à Gregorio XV. sed agit duntaxat de illis, qui Sacramento Penitentiae in actu audiendi confessiones abutuntur, mulieres penitentes ad actus inhonestos, dum earum confessiones audiunt, alliciendo, & provocando, & hoc est fundamentum, cui nixitur hic Auctor, ut fusè expendit ibidem præsertim numer. 6. Porro constitutionem Gregorianam neque vidit, nec videre potuit, quia scribebat undecim annis à publicatione Paulinæ, ut ibidem num. 8. attestatur, nimirum anno 1620. duobus prius quàm Gregorius condidisset legem suam.

C A P U T X.

Regule practicæ circa obligationem denunciandi Confessarios sollicitantes, qui simulant confessionem extra occasionem ipsius.

102 **H**Æc de mente Auctorum dixerim; ego autem video, rempendere ex circumstantiis, quæ infinites diversificari, & combinari possunt, & idèd comprehendi nequeunt regulis univ.

Theolog. Reform.

versalibus adèd exactis, ut villarum omnes casus deciderant absque sapientum, timoratorumque arbitrio; aliquas tamen certiores pro foro interno exhibebimus, quibus ad difficiliora manuduci possint consulentes, ac consulti. Prima, & capitalis sit sapius jam data, ad obligationem denunciandi eos, qui sollicitant extra occasionem confessionis, requiri simulationem omnino propriam; immò juxta plures rigorosam, & strictam. Nam constitutionem istam strictissimè exponendam esse, ut valde odiosam, correctoriamque juris communis, tenet cum Riccio, Sanctarello, & aliis Carena de Officio Inquisitionis. p. 2. tit. 6. §. 2. per totum.

103 Secunda sit, quam vocat extra dubium Escobar del Corro *suprà num. 40.* hic non sufficere, immò nec requiri simulationem ejus, qui sollicitatur; sed necessariam esse omnino simulationem Sacerdotis sollicitando fingentis, se confessionem excipere. Quippe Pontifex de hac sola loquitur, ut patet ex illis verbis: *Simulantes ibidem confessiones audire*, quod proprium est Confessarii, & alienum ab eo, qui non audit; sed auditur. Quocirca, sicut ibi non est sermo, nisi de sollicitatione facta à Confessario, ita neque de simulatione, nisi facta ab ipso: nam sua simulatio sollicitationi adjuncta est, quod ipsum suspectum reddit, & arguit, malè sentire de Sacramentis Ecclesiæ; non verò aliena. Potest autem ipse nolle simulare, sed positivè resistere verbis, aut factis externis scemine simulationi, quamvis sollicitationi consentiat, & ex parte sua sollicitet. Etenim à disparatis, ac mutuò separabilibus nullatenus fit illatio; talia autem sunt sollicitare ad venerea, & simulare confessionem. Erpropterea nisi occasione inde arrepta ipse quoque Confessarius simulet, ceptamque simulationem ab alio ex parte sua prosequatur, quamvis gravissimè peccet, non idèd erit denunciandus, nec tractandus tanquam de fide suspectus ex vi Constitutionis Pontificiæ.

104 Tertia sit, ab obligatione denunciandi excusare in his casibus, quæcumque excusant legitimè Confessarium à mendacio, & falsa significatione confessionis. Ratio sumitur ex dictis: quia, his subtilis, etiam tollitur simulatio itricte, aut

A 2 pro-

proprie talis; ubi autem stricta, aut propria simulatio audiendi confessionem deficit, sola sollicitatio non est satis extra occasionem illius. Quare, quotiescumque actus externi, qui in confessionario exercentur, non significant confessionem ibi audiri, indubitatum apparet, nullam esse obligationem denunciandi. Nam ubi nulla omnino significatio confessionis datur, longè minis dari potest vera, aut falsa significatio illius. Evidens autem videtur ex eorum definitionibus, deficiente falsa significatione verbi, aut facti, eo ipso mendacium, ac simulationem deficere, & cum ipsis denunciandi quoque obligationem cessare, simul cum poenis, quæ duntaxat imponuntur confessionem mentientibus, ac simulantibus.

105 Quarta sit, ex eo præcisè, quòd sollicitatio fiat in confessionario, aut alio in loco ad audiendas confessiones electo, vel deputato, non est consequens, ut simuletur confessio, aut incumbat obligatio denunciandi. Ita Castro Palao, Leander, Thomas Hurtado, Trimalchius, & alii appellati suprà, quibus etiam annuit, qui de his rebus strictissime solet opinari, Joannes Escobar à Corro. *disco num. 66. & 70.* & suadet, tum ex verbis Bullæ, ubi frustra addita fuisset ea modificatio: *Simulantes ibidem confessiones audire*, si omnis secreta alloquutio extra occasionem confessionis ibidem per Confessarium exercita esset confessionis simulatio. Tum etiam, quia sæpe occurrunt alia signa istis contraria, quibus positivè excluditur omnis suspicio confessionis simulationis, ut expendebam *num. 99.* & hæc invicem conferti debent in casibus concurrentibus: nam indicia indicii, & conjecturæ conjecturis enervantur. Tum demum ex dictis *suprà num. 98.* quia is modus se habendi aliis signis consuetis destitutus non significat determinatè exercitium audiendi confessionem, eùm ibidem sæpe sæpius absque animo confitendi alia negotia indifferentia propria, vel aliena soleant pertractari, & consilii, vel auxilii petendi causa ad Confessarios deserti, ac cum eis communicari, etiam flexis genibus, & interdum præmisso signo Crucis ad postulandum secretum adintra ejus, quod sub sigillo confessionis clauditur.

106 Verumtamen, si sollicitatio fiat in

loco ita destinato ad confessiones, ut nulli ali negotio deservire soleat, neque aperiri, nisi ad eum effectum, ut alicubi contingit in confessionariis Monialium, tunc proculdubio interveniet simulatio confessionis, & urgebit obligatio denunciandi, ut rectè præmonebat Joannes Sanchez *in selectis, disp. 11. in fin.* Ratio autem est, quia ex vi illius deputationis, vel sola postulatio clavium, & apertio loci, ingressusque ad eum determinatè significat id fieri ad confessionem audiendam; non verò ad negotium aliud. Et quamvis Confessarius ingrediatur animo sollicitandi, non autem audiendi confessionem, & cum Moniali ita convenerit, non idèò tollitur, sed perficitur potius simulatio. Nam ex inde falsa redditur significatio hujus facti, & Confessarius mentitur confessionem, quam non facit, dum aliud in mente gerit, & aliud demonstrat factis. Porro vera, ac propria simulatio hoc ex conceptu suo postulat, & absque mendaci, ac falsa significatione non datur. At verò eùm locus inservit aliis negotiis promiscuè, valde fallax est indicium, quod ex ejus qualitate nascitur, licet primariè ut sic loquar, sit ad confessiones destinatus: atque hujus generis esse confessionalia in nostro Regno, his verbis tradit Hurtado *suprà num. 79. Etenim in fere tota Hispania Confessionarii, tam Regularium, quam Sæcularium, indifferentes sunt ad loquendum urbanè, & ad confitendum peccata, quamvis sint dies, in quibus maxima multitudo sit poenitentium.*

107 Quinta sit. Quoties ea, quæ geruntur extra occasionem confessionis in confessionario, aut in loco quocumque, ubi confessiones Sacramentales audiuntur, seu ad confessionem audiendam electo, determinatè significant, ibi audiri à Confessario confessionem aliterius, sive fæminæ, seu masculi, toties obligatio premit denunciandi Confessarium sollicitantem, aut allicientem ad venerem, aut lasciva colloquia ibi miscentem, vel de inhonestis tractantem. Hoc apertè sumitur ex verbis Bullæ, & manifestè probatur. Nam, si qua ratione posset iste Confessarius excusari, ea foret, quia extra occasionem confessionis id geritur, & neque ipse, neque alius ibi accessit animo efficiendi Sacramentum, sed explendi suam libidinem,

nem, aut tractandi de aliis rebus minime ad ipsum spectantibus. Atqui rota ista exculatio frivola est, quia constitutio Gregorii comprehendit sollicitantes extra occasionem confessionis in iis locis, aut in illis exercitum quemcumque ex prædictis actibus, & ultra ipsos solum potest simulacionem confessionis Sacramentalis. Porro simulatio istius evidentissime cernitur, cum facta, quæ ibi geruntur, determinatè significant animum, ac exercitum excipiendi confessiones, ac præterea nihil aliud: & perinde est quoad hunc effectum, quod sacrilegum mendacium Confessarii, falsaque significatio confessionis fiat verbis, aut factis, vel notibus.

108 Diximus cap. 2. à numer. 8. non solum voces, sed facta, ac res ipsas posse habere rationem signi naturalis, vel ad placitum, & inde discerni potest, quando facta Confessarii unice, ac determinatè significant exercitum excipiendi confessionem, & quando illud non significant; sed indifferenter se habeant, & veluti signa æquivoca. Exemum, cum hæc significatio pendeat ex hominum usu, & communi sensu, ac placito, perspicuum est, inveniri determinatam significationem confessionis, ubi, attentis circumstantiis, omnia illa concurrunt, quibus pro more regionis verè, ac solæ Sacramentales confessiones denotantur: nam, si aliud quidpiam idem significant, signa æquivoca confessionis esse poterunt; non verò determinata.

109 Ideo, cum sedente Confessario pro tribunali, ut sic loquar, mulier genuflexa accedit, ac se signat signo Crucis, & dicit, *Confiteor Deo*, pectus suum percutit, ac sese ad aurem applicat, & loquitur, libenter auscultante Confessario, & apparement exhortante, aut oburgante postea, nemo cordatus dubitare poterit, ibi audiri confessionem, si velit deserre signis, & maxime si tandem accedat absolutionis species, ac figura. Cæterum neque omnia ista simul sumpta requiruntur (quidquid suprà Hurtado dixerit) quia Pontifex non requirit absolutionem simulatam, sed auditionem confessionis: & satis est, quod concurrant signa ita appropriata veræ confessioni, ut extra ejus occasionem non dentur, nisi agendo contra

morem, neque intervenire soleant, dum negotia alia ibi tractantur sine dolo, & bona fide.

110 Sexta sit. Cum, omnibus inspectis, facta non sunt signa, nisi æquivoca veræ confessionis, quia non tantum dum ex auditu, sed cum alia pertractantur extra occasionem ejus, exhiberi solent, id potest sine simulatione contingere, & ex animo exhibentis pendet eisdem uti in hac significatione, & non in alia ex duabus, quibus applicari possunt talia signa. Suadet, tum quia in ambiguo sermone idem contingit: nam qui eo utitur, non dicit utrumque, sed quod vult, ut habetur in *L. 3. ff. de rebus dubiis* suprà expensa, & exornata à nobis *dissert. 16. numer. 56*. Tum quia in factis, ut sunt signa aliarum rerum, idem evenit mulrociis: fuga v.g. militum signum metus esse solet, & communiter arripitur ex desiderio evadendi inimicum potentiorum; sed quia interdum fieri potest ex desiderio aggrediendi ipsum in loco tutiori, & cum majori commoditate, & auxilio, ideo non mentitur, qui ita fugit, nec propriè stimulat, aut falsum significat, licet hostes aliud fortè credant, & per discursum fallibilem supplicant, quod indicis deest, ac semetipsos decipiant putantes, fugam tunc oriri ex metu, quia ex illo solet oriri. Tum præterea, quia in gravissimo negotio, quale est professio veræ fidei, non censetur simulatio illicita falsæ religionis; sed dissimulatio licita veræ, quam in corde habemus, & licet occultare possumus uti in terris infidelium, absque intentione fallendi, vestibus, aut aliis signis communiter apud illos usuratis, ubi non sunt distinctiva unius religionis ab alia; sed ambigua, & differentia ad utramlibet, ut fert communis sententia, quam rectè exponit Suarez *disp. 14. de Fide sect. 5. maxime ex n. 7.*

111 Tumdemum, quia in hoc modo agendi non intervenit simulatio formalis, & propria, cum illa importet voluntatem significandi falsum per facta, & animum decipiendi directum, aut virtualem; sed solum datur simulatio impropria, & merè materialis consistens in factis hic, & nunc separabilibus à significatione objecti falsi, & usurpatis ad significandum aliud quidpiam conforme menti, juriq. facientis,

vel ad nil significandum. Porro materialis ista simulatio neque propriè talis est, nec de se illicita; sed quemadmodum in verbis, ita in factis sæpe sæpius absque mendacio, aut alia culpa potest exerceri. Immo facilius in factis, quæ cum sæpius habeant alium usum sibi proprium, ac primarium, ut vestes, & alia ejusmodi, & non sint instituta, sicut voces ad communicandum aliis nostram mentem, sunt signa magis capacia ambiguitatis, & juris exercendi illa in sensu vero, quidquid sit de falsa intelligentia aliorum, qui semetipsos decipiunt, & accipiunt illa in sensu falso, quem non intendit, qui eis utitur; sed nullum, aut certè alium.

112 Ideò Christus non fuit propriè simulator, nec deceptor, cum finxit se longius ire, aut eum interrogavit quasi nesciens, quis eum tetigerit, vel ubi Lazarus sepultus esset? Ideò etiam in Sacra pagina multi sanctissimi viri dati nobis in exemplum similia egisse leguntur, quorum facta ideò excusantur, quia illa agendi jura habebant, & re vera falsum non significabant; sed significando quoddam verum signis ambiguis occultabant veritatem aliam, cujus manifestatio sibi, aut aliis noxia foret; occultatio autem proficua. Ita quæplurimi excusant fugam Josue, ac populi à vitio simulationis Josue 8. essetque aptior excusatio, nisi sacer textus diceret ibi vers. 25. eos *cessisse loco simulantes metum*, nam id propriè sumptum denotat, eos metum mentitos fuisse. Ita quoque purgat à peccato Cæcilianus 2. 2. q. 111. art. 1. David, dum se mente captum finxit coram Rege Achis, quia, inquit, *facta, nisi ex intentione significandi fiant, significandi vim non per se habent ex parte facientis*. Ita etiam S. Thomas ibidem in sanum sensum trahit S. Hieronymum, qui interdum simulationem absolute approbasse videbatur, putans de simulatione largè, & impropiè accepta esse loquutum.

113 Ultima sit, metum gravem mortis, aut infamiz non excusare à pœnis Sacerdotem illum, qui ratione illius consentit scemine simulationi, ac sollicitationi absque animo consentiendi; sed illius prætextu factæ Ita Carena in *disposit.* 6. §. 19. per totum, & Joannes Sanchez in *selectis. disp.* 11. num. 30. mirati, Bonacinam, Ca-

breros, & alios post constitutionem Gregorii contrarium fuisse opinatos. Casum proponunt, quo scemina decumbens in lecto, quasi sua peccata confiteri vellet. Confessarium advocaverit, & illi accedenti animum suum depravatissimum retegat, sollicitando eum ad venerem: & comminando, se proclamaturam, quasi vim ab illo pateretur, nisi Confessarius annuat. Ajunt itaque, in eo eventu, sicut metus non excusat à peccato, sed illud diminuit, ita neque excusare à pœnis Bullæ Sacerdotem consentientem, sed eas minuire, nec reliquos ab obligatione denunciandi. Ratio est. Quia negari nequit, tunc haberi à Confessario in loco ad confessionem electo inhonestos sermones, seu tractatus; hoc autem sufficit in terminis Gregorianæ Bullæ, ut ex ejus verbis disjunctivis patet, nec determinatè exigitur, ut Confessarius ad illos sollicitare, vel procurare tentaverit. Auctores autem, qualiter sentire visi sunt, aut scripserunt ante Gregorium Bullam, aut loquuntur juxta terminos aliarum præcedentium, quæ hoc non exprimebant, aut professò verba illius non satis considerarunt.

114 Melius forsitan hi dixissent, Sacerdotem excusari, si simulationi non consentiat; sed sollicitationi duntaxat. Nam Pontifex simulationem Confessarii determinatè requirit, & locum ad audiendam confessionem electum. In hoc autem casu ille non simulavit, se venire ad confessionem; sed optima fide accessit existimans, se ad illam vocari; neque ipse locum elegit ad confessionem audiendam: sed sola scemina finxit, se eum eligere ad faciendam illam, ut prætextu commodius sollicitaret. Postea verò cum suum animum detegit, ac metum incutit, poterit si velit, Confessarius nolle simulare ex parte sua, nec simulationem alterius approbare; sed permittere duntaxat, quia cum adeò gravi incommodo vitæ, aut famæ non tenetur illam impedire, aut aliorum deceptionem ortam ex alterius culpa positivè devitare. Cæterum ista excusatio tot condiciones requirit, ut metaphysica, & speculativa potius, quam practica, videatur: & si quando dubium esset, utrum deservire posset, Dominus Inquisitoribus deservire oporteret totius facti judicium, &

examen. Quomodo autem ab obligatione denunciandi excuset iustus metus patiendi grave aliquod malum in se, vel in consanguineis, aut affinis, apud Dianam legi

potest, qui Fagundez, Joannem Sanchez, Peyrinis, Lexana, & alios appellat p. 4. tr. 5. res. 10. quibus adde Joſem Pintre de Confessor. sollicit. sed. 24. & sed. 54.

DISSERTATIO XIX. DE HOMICIDIIS PALLIATIS.

Sicut iniustitia usura interdum offuscari, ac tegi solet excusationibus frivolis, & idem dicitur usura palliata, ita iniustitia homicidii vanis quibusdam pretextibus aliquando palliatur; & propterea occisiones, quae ita sunt, voco homicidia palliata, de quibus inter damnatas aliqua propositiones inveniuntur.

CAPUT PRIMUM.

An liceat alios occidere ad praecoccupandam calumniam, vel recuperandum honorem amissum alapa, vel idu arundinis?

Vtrumque licere tradit propositio 30. sed alterum saltem esse certo illicitum, scandalosum, ac perniciosum in praxi, est necessarium dicendum, ne illa, ut jacet, defendatur, & fiat irrita damnatio illius. Tenor ejus sic se habet: *Fas est viro honorato occidere invasorem, qui nititur calumniam inferre, si aliter hac ignominia vitari nequit: idem quoque dicendum, si quis impingat alapam, vel fuisse percutiat, & post impaſſam alapam, vel idum fulsis fugiat.* Hæc ibi. Sed quia duas diversas partes continet, eas separatim tractabimus, nam diversa quoque est ratio utriusque.

2. Aſſero itaque, scandalosam esse, & valde perniciosam Reipublicæ partem illam primam, quæ aſſeratur: *Fas est viro honorato occidere invasorem, qui nititur calumniam inferre, si aliter hac ignominia vitari nequit.* Ita sentienti Pifani, Torrecilla, Lumbier, Filguera, & ceteri quotquot decretum Innocentii suis scriptis elucidarunt; ante illud verò Paſqualigus dixerat differt. 451. eam opinionem nullam habere probabilitatem; Lessius verò lib. 2. de juſt. & jur. numer. 47. Eſt fortasse speculative probabiliſ videtur quæ, non tam

men in praxi eſſe admittendam. Layman autem lib. 3. Theolog. moral. ſect. 5. tract. 3. par. 3. cap. 5. num. 2. verſ. Dicendum tercio, illam præſedẽ vix probari poſſe, additque inſuper, quod valde congruit prohibitionibus ab Innocentio latis: *Si ſententia illa vel ſcripto, vel ipſo factõ ad viros doctos defendatur, multos facili negotio perſuaſos ſibi ab Aſſore injuriam, vel calumniam inferri, ad eundem à medio tollendum clanculum aggreſſuros, cum maximo Reipublicæ detrimento, ut Leſſius etiam notavit, Suarez, Raynaudus, & alii, quos appellabimus infra.*

3. Ratio autem exinde ſumitur, quia ea theſis, ſicuti jacet in decreto, eſt valde fallax, incerta menſuræ, laxa, lubrica, periculosa, & abusiſ magnis expoſita in re tanti momenti, quanti eſt vita, & occiſio calumniantis. Nam in primis, cum ejuſmodi licentia non omnibus concedatur, ſed ſolummodò honoratis viſ, maxima ſtatim occurreret perplexitas diſcernendi viros honoratos ab inhonoratis: quia unusquiſque ſatis honoratum reputabit quoad effectum non patiendi calumniam, contumeliam, aut infamiam in eò genere peccati, quod nullatenus commiſit, licet alioqui quoad alia ſe juſtè diſſimatum inveniat, verumque honorem amiſerit. Ex propterea parum refert, quod vir ſit contemptibilis, aut honorabilis, ubi calumnia non tendit præciſe ad auferendum honorem, ſed ex ea ſequitur condemnatio illius ad mortem, mutilationem,

triremes, vel quidpiam simile: quia festuendi ab his malis cum debito moderamine, si ea sint immerita, omnibus adest facultas. Unde si debitum moderamen non excedit vir honoratus preoccupando calumniatorem per mortem in his casibus, nullus alius id excedit, quantumlibet propudiosus, ac vilis, sed promiscue omnibus habent laxantur interficiendi suos adversarios prætenu accepto ex calumniis.

4 Viri quoque religiosi, Sacerdotes, aut Episcopi, minime essent computandi inter viles, aut inhonoratos, cum sint maxima veneratione digni ob regale Sacerdotium, & alias prerogativas sui status, & propterea plus juris eis tribueretur preoccupandi falsas suas calumnias per occisionem illorum, qui illas inferre nituntur, quam secularibus, etiam nobilissimis: neque enim thesis eos excipit, sed cum ceteris confundit. Porro hoc ipsum jamet specialiter damnatum, æterno silentio additum, & à fidelium praxi justum exulare, decreto Alexandri VII. edito die 24. Septembris anno 1665. *proposit. 17. & à Hyacintho Donato referente plures alios latè refellit in praxi Regularium tom. 4. tract. 1. quæst. 22. & Letana tom. 4. consult. 29. per totum.* Quorum uterque rectè animadvertit, contrariam opinionem non tenuisse Amicum in *Cursu Theologico. tom. 5. disput. 36. de just. & injur. numer. 118.* cum expresse protestetur, se loqui tantum disputandi gratia, & nil ibi velle dicere, quod communi sententiæ contradicat. Unde & eum plenius defendit Bernardus Stubrochius in *notis ad notas epistolæ 13. Montaltii. fol. mibi 186.* Honoratus Faber in *Apologetico Dialog. 10. fol. mibi 208. colum. 1.* nec longa defensione indigebat, cum numerum præcitatum absolvat hisce formalibus verbis: *Verum quoniam hæc apud alios scripta non legimus, nolumus ita à nobis sint dicta, ut communi sententiæ adversentur; sed solum disputandi gratia proposita, maturo judicio relicto penes prudentem lectorem.* Vide infra num. 51.

5 Errat secundo, prout jacet, thesis proposita, quia promiscue, ac generatim de omnibus calumniis loquitur, cum discernere debuisset falsam illam, quarum prudens metus cadit in virum constantem,

ab aliis minoris ponderis. Nullus enim, qui Theologiam Christianam à limine salutaverit, audebit dicere, paratum inferre calumniam non adeo gravem apud judicem, aut populum morte præveniri posse, cum aliud medium non superest impediendi ejus propositum; sed siquidem locus esset huc licentiæ, ut minimum necessaria foret tanta, tamque gravis impostura falsi criminis, ut ejus pavor virum, ac cordatum merito posset delirare. Quando aggressor calumniosus imponit exemp. grat. crimen aliquod, ratione cujus alter est morte plectendus, tunc aliquo colore dici posset, licitum esse eum antecoccupare occidendo, quia ea videtur moderata defensio vitæ propriæ. Cum item ex falsi criminis impositione inevitabiliter imminet aliud malum adeo grave, ut æquiparetur morti, & tale, ut licite posset quis optare mortem suam potius, quam illud subire, ut servitus, perpetuus carcer, & alia, de quibus egimus *dissert. 9. cap. 6.* tunc etiam minori inverisimilitudine adstrueretur ea doctrina: nam ibi quoque videtur inveniri prætextus qualisvis defendendi propriam vitam. At verò, cum nil istorum timendum est ex calumnia, omnino contra justitiam, & ordinem charitatis eligeretur occisio nentis illam inferre tanquam minus malum, quam patienter sustinere mala adeo inæqualia morti illius, quæ ad vindictam immoderata posset reputari, necdum ad honestum defensionem.

6 Errat tertio, quia ultra modum, & metam extendit istam occisivam præventionem ad plures casus, quam ullus alius Theologus. Tum ex parte personarum, cum neque Clericos, aut Religiosos excipiat à præventionem calumnie per calumniatorem mortem: neque ab occisione eximat Principes, aut alios viros, quibus indiget Respublica ad meliorem sui conservationem. Tum ex parte offensæ illatæ. Quia ignominia, sive læsio boni nominis, non tantum oritur ex calumniis, sed etiam ex contumeliis, convitiis, irrisuionibus, aut detractionibus, quibus defectus in se veri, sed occultus, propagantur: unde, si ad evitandam eam solam fas est viris honoratis sese ab illa præservare interficiendo adversarium, idem quoque eisdem licebit respectu omnium aliorum, quo-

quorum imminencia dicta, aut facta essent sibi ignominiosa. Tum demum ex parte damni, cujus præoccupandi causa dicitur defensio moderata occisio iniusti aggressoris. Neque enim thesifis proposita aliud damnum præsequitur, præter ignominiam ipsam, nec majorem causam postulat. Porro ignominia non semper est adeo atrox, ut morte alterius præoccupari valeat; sed quemadmodum calumnia, detractio, aut contumelia, unde nascitur, levis, gravis, aut gravissima esse potest, & eadem inæqualitas in illa cernitur, quæ in vilipendiis, aut infamationibus. Nam ex conceptu solo solum importat notam, seu lesionem boni nominis, ut S. Isidorus tradebat lib. 5. *etymolog. cap. 27.* Brissonius in *Lexico juris*, & alii Nomenclatores. Unde in *L. Pedius 7 ff. de receptis arbitr. arbitri*, qui est *integra fama*, contraponitur *ignominiosa*.

7 Errat quarto. Quia nullo prætextu dici valet, morte præveniri posse eum, qui non nititur inferre calumniam mediis violentis, sed ordinariis spargendo falsa crimina apud populum. Cujus signum est à posteriori, quia in omni bene ordinata republica ille ut homicida plecteretur. A priori verò inde patet, quia tametsi cuivis liceat vim vi repellere, servata debita moderatione; nulli tamen indulgetur ea licentia, cum nulla vis intercedat; sed sola iniustitia actionis. Porro in calumniis sic evenit: nam quamvis iniustæ sint, & eas quilibet invitatus patiatur, sicut & quamcumque injuriam (quia injuria scienti, ac volenti nullo modo potest irrogari) non ideo sequitur, eas omnes per vim inferri: sicut non omne furtum est rapina, seu violenta contestatio rei alienæ, quamvis omne furtum postulet, ut res invito domino capiatur. Vis enim ulterius exigit, actionem fieri, sciente, ac renitente altero, & promissæ invito, non tantum privativè, sed contrariè, ut constat ex *L. 1. Et toto tit. ff. Quod vi, aut clam*. Calumniæ vero sæpe occultæ, & clandestinè sparguntur, nec de conceptu ipsarum est vis aliqua, sicut neque de conceptu detractio: nam calumnia nihil est aliud, quam *impossura falsi criminis*, & calumniati *falsum crimen intendere*, seu obicere, ut habetur *L. 1 ff. ad Turpilianum*, & doctè inter alios explicant Raynaudus tom. 12. in *hypothesi con-*

tractum calumnie cap. 1. & Giballinus de negotiatione. fo. 2. lib. 6. cap. 8. art. 2. n. 7.

8 Quoties igitur calumnia imminens à violentia separatur, perspicuum apertè est, illam violentiam occisiva nullo modo posse anteoccupari; immò nec minorialia, quia calumnia non vi, aut coëdibus, sed veritatis manifestatione propulsatur. Nec, siquando media desint ad illam manifestandam, ideo transire licebit ad homicidia, aut alia media violenta, & inordinata, quia dum nulla vis infertur, nulla est vis, quæ repellatur. Nec prætextus defensionis juvat: nam se à vi per vim defendere, servatis servandis, licet; sed à non vi sese per vim tueri, nulla honesti regula juvatur. Quocirca dum quis nititur calumniam absque vi inferre, & falsum probum obicere derogans honori vero, aut bono nomini, cujus cura nobis commendatur, nullo pacto licebit eum occidere, quamvis fingamus, occisionem esse medium efficacem, & nullum aliud suppetere ad calumniam evitandam; sed patienter id ferre tenemur, ac si etiam vires ad occisionem deficerent: quia perinde est omnem prorsus defensionem esse nobis physice impossibilem, & non esse re vera possibilem nisi illicitam, & sanguinariam.

9 Quod si hoc verum est, cum falsus calumniator jam nititur, & conatur gravem calumniam sine vi inferre, à fortiori verum erit, cum nondum nititur, nec cœpit adhuc, sed solum minatur, se illam illaturum, vel eam inferre proposuit minis, quas exequi solet, vel animo persequitur, & obfirmato ad calumniam. Minus namque est solum proponere, aut comminari, quam niti: nam qui nititur aliquid facere, jam vires exerit, laborat, & conatum adhibet ad perficiendam executionem illius, alii verò non nituntur propriè, & cum effectu, donec media aliqua præparent, & opus aggredi incipiant. Unde, quamvis exploratum sit, atque receptum communiter, eum, qui conatur occidere aliquem ex secularibus, si aliud medium non superfixit, ab illo licitè occidi; contrarium tamen asseritur de eo, qui duntaxat mortem alteri minatur absque ullo nisu, aut conatu, licet alioqui sit solitus ad effectum perducere suas minas. Ita Malderus 2. 2. *tr. 3. cap. 1. dubio 7.* Lezana *suprà n. 18.* Diana *p. 5. tr. 4. resol. 10.* notans sententiam op-

positam forsan in foro exteriori procedere; sed in foro fori minimè, quamquam neque in foro fori illam admittendam iudicet, pluribus Jurisconsultis relatis, *Ca- breros libr. 2. de metu. capit. 45. numero 37.*

10 Errat quintò verbis illis: *Si aliter hæc ignominia vitari nequit.* Tum quia, quamvis aliter vitari nequeat, sunt plures casus, quos comprehendi vidimus in prædicta thesi sumpta, ut jacet, ubi certissimum est, non posse calumniatum formaliter occisione præveniri. Tum quia identitas rationis postularet, ut eadem licentia tribueretur occidendi quemvis alium iussit agentem nobiscum, damnique inferre parantem, quod aliter evitari nequit, licet non sit verè calumniari, neque violentus aggressor; sed præcisè damnicator iniustus, sive famæ, sive honoris, sive bonorum fortunæ. Nam invasoribus istis etiam resistere possumus haud secus, quam calumniantibus, servatâ moderate; sed non mediis adeò perniciosi, & exorbitantibus, qualis est occisio, cuius nimia frequentia hæc licentia Republicam totam funestaret, & clanculariis cadibus omnia pollueret.

11 Tum quia eo prætextu pariter liceret impedire ignominiam imminentem absque formali calumnia, & occidere eum, qui per detractionem simplicem vera proba, sed occulta, niteretur publicare; complicitatem exemp. gr. qui se iactare attenteret de secretissimis lapsibus cum viro, aut fœminâ optimæ reputationis commissis; immò & eum, qui falsa crimina obicere niteretur in iudicio, aut extra illud, sed bona fide, quia illa vera putat per errorem invincibilem, & alii argumenta desunt, quibus ea possit excutere. Nam in istis etiam casibus par ignominia resultat, cuius impediendæ per alterius mortem jus innocenti tribuitur. Neque enim in occisione attenditur punitio alieni criminis, quæ ad solos iudices spectat: sed privata defensio juris nostri, & propulsatio ignominia: aliter inevitabilis. Qua ratione etsi furiosus, aut amens stricto gladio alium invadens ad mortem, non peccet coram Deo; nihilominus licet occiditur, ubi alia subsidia desunt, & vis ejus vi repelli potest, ac si sana mente id faceret, ut peculiariter notat Tannerus *tom. 1. disput.*

4. q. 3. num. 69. Palaop. 1. tr. 6. disp. 1. num. 7. id quoque extendens ad ebrios, & cum eo Gobat 10. 2. tr. 5. cap. 19. d. n. 4. Lessius lib. 2. de just. cap. 9. num. 42.

12 Tum præsertim, quis non sufficit calumniæ proximè imminentem esse valde gravem, & inevitabilem, nisi sit irreparabilis. Nam si ex post facto reparari valeat, clevando fidem adversarii, vel ostendendo innocentiam suam alii mediis, nemo audebit dicere, occisione præveniri posse, ne illam inferat, aut hoc esse moderamen necessariæ, justæque tutelæ; rarissimè autem continget, ut ante, & post calumniæ illatam mitiora media desint, quia, ut fert præcœmia vulgaris, veritas tandem non frangitur, etsi interdum extenuetur. Et præterea neque est satis, quod omnia alia media desint, nisi mors calumniaturum prænoscat fore medium planè efficax ad illam evitandam. Quia unus solus absque aliis complicitibus, & contestibus non merebitur adeò plenam fidem, ut famam honesti viri, & alieni ab eis eriminibus irreparabiliter perimat. Si verò, alio occiso, adhuc alii conspiratores supersunt, aut occidendi erunt omnes cum magna perniciæ, ac scandalo, aut anticipata, & occulta mors unius parum proderit ad perditæ famæ tutelam.

13 Errat sextò, quia prædicta regula, prædicta cum sit, ac directiva morum, in praxi solidè adserviet ad homicidia pascenda; non verò ad famam tuendam. Nam, si res ut est in se inspicitur, tot condiciones requirit, & adeò difficulter exequibiles sine peccato, ut vix, aut ne vix quidem, unquam convenire valeant, & casus tanquam moraliter impossibilis speculativæ potius considerationi subseruiat, quam praxi licetæ, aut usus. Si verò consideretur, ut esse solet plerumque in apprehensione, & phantasia hominum mundialium, passim evenire poterit, ut ira, aut odio, aut vindicta, nimioque amore præventi suæ famæ, & honoris sibi falso persuadent nil prorsus ex his deesse, quæ ad hanc præventionem necessaria reputantur, & ita tota hæc doctrina ipsis fieret in scandalum, & Republicæ in perniciem.

14 Explicatur ex jam dictis. Quia, ut talis præventio liceat, opus est gravissima calumnia, eaque violenta, irreparabili, & formaliter iniusta, inferendaque viro conspi-

spicuo, quem ex honorato reddat infamem, ac vilem. Secundò, quòd ignominia non sit imaginaria, aut opposita vano honori, quem duellistæ sibi proponunt tuendum; sed vero illi, qui nascitur ex virtute conscientia professioni, ac statui ejus, qui intentat defensionem occisivam. Tertiò, quòd calumniaturus sit jam actualis aggressor, & aliqua media adhibeat, quibus nitatur executioni mandare suum propositum, aut minas. Quartò, quòd protervia illius sit satis perspecta, ita ut prudenter credatur nullatenus destitutus ab inceptis, nec mutaturus propositum, re melius considerata, aut metu mortis, aut aliorum precibus, vel monitis, ac consiliis. Quintò, quòd inter media violenta omnia alia mitiora desine, ita ut præventio occisiva sit unicum, efficax, & necessarium, non solum ad evitandum, ne calumnia nobis inferatur; sed ne, cum illata fuerit, perseveret ignominia. Sextò, quòd occisio fiat absque aliorum scandalo, quod raro eveniet ob summam speciem mali, quod illa secum adducit. Et tandem, quòd occisurus sit animo adeò pæato, ut nec odio, nec vindicta moveatur; sed præcisè ob defensionem suam, adeò ut quamplurimi existiment, occisionem in eo eventum directè amari non posse, etiam sub ratione medii necessarij ad talem finem.

15 Quæ cum ita sint, liquidò apparet, quàm sit difficile, simul inveniri hæc omnia, prout inveniri oportebat, ut occisio foret licita: & ex adverso, quàm facillè homines calumnia conturbati hallucinari possint, & arripere occasionem interficiendi adversarios confundendo causas veras cum falsis, aut non satis expendendo circumstantias, quæ deficiunt, aut existimando, eadem innocentia, & puritate affectuum rem posse executioni mandari, quæ describitur in libris. Unde, licet prædictæ sententiæ cum suis moderationibus probabilitatem detulerint Banez, & Navarra, Thomas Sanchez, Tapia, & alii, speculativam ad summum illi concedendam esse, practica sublata omnino, tenent præter Lessium, & Layman numer. 2. appellatos P. Suarez disput. 13. de Christi. sect. ultima num. 6. P. Raynaudus ubi supra sect. 3. cap. 1. q. 5. in fin. Balthus in Floribus. 1. p. verb. Homicidium 1. numer. 17. Card. de Lugo disp. 10. de just. & jur. nu-

mer. 165. in fin. & agentes de accusatore, vel testibus intentantibus calumniam in judicio Villalobos in summa. par. 2. trad. 16. diff. 9. n. 6. & 7. ac plena manu P. Moya in select. 1. p. tr. 6. disp. 3. q. 1. n. 11.

16 Unde tandem satis aperta ratiocinatione concluditur, justissimè explosam esse ut scandalosam, & perniciosam in praxi thesim, quam modò discutimus. Etenim, ut usus ejus esset aliquando tutus, ac licitus, opus erat, ut ea foret certò probabilis practice, neque est satis, ut sit solum probabilis probabiliter, ad tradita in superioribus dissert. 4. cap. 5. At verò prædicta opinio ante decretum Pontificis non erat certò probabilis; sed adeò incertò, ut quam plures magnæ auctoritatis, ac judicii viri eam censent practice improbabilem. Quinimodò nec probabilitas speculativa certò ipsi constabat: ideò enim, cum de ea loquuntur Suarez, Lessius, Layman, & Raynaudus, addiunt adverbium *forfan*, quod est nota incertitudinis. Pasqualigus etiam ubi supra dixit, eam esse improbabilem, & P. Moya eo num. 11. Georgiusque Gobat tom. 2. tr. 5. cap. 30. num. 3. Nec desuerunt alii, qui affirmarent, qualem qualem probabilitatem, quæ doctrinæ istæ competeret attentis naturis rerum, ablatam esse positivè legis prohibentibus homicidium, quas ad hunc casum extendi praxis judicium demonstrat non admittentium ejusmodi excusationem, idque meritò exegisse censent magnum, certumque periculum frequentissimarum caedum, insidiarum, & abusu, quod adduceret perniciofa ista licentia. Ita Coninc. de altib. supernat. disp. 32. num. 12. Trullenc lib. 5. in Decal. cap. 4. dub. 6. num. 11. Diana p. 3. tr. 5. res. 97.

17 Denique, cum thesim loquatur de occisione illius, qui nititur calumniam inferre, quin distinguat, an nitatur in judicio, aut extra illud, nova exinde detegitur labe ejus. Nam quæ parte comprehendit calumniantem in judicio, jam antea proscripserat ab Alexandro VII. in decreto 24. Septembris anno 1665. prop. 18. cujus hæc sunt verba: *Licet interficere falsum accusatorem, falsos testes, ac etiam Judicem, à quo iniqua certò imminet sententia, si alia via non potest innocens damnum evitare.* Quæ autem parte etiam comploctitur conantes calumniari extra judicium,

vel

vel ex eo apparet deterior, quod præcipui Auctores, qui admittebant, licet occidi parantem calumniis alium impetere, non sunt ausi id affirmare, nisi duntaxat de illo, qui id in iudicio prætendit. Sanè de eo solum loquuntur Bañez. 2. 2. q. 64. art. 7. conc. 3. Thomas Sanchez lib. 2. in Decal. cap. 39. num. 7. ante fin. Petrus Navarra lib. 2. de restit. cap. 3. in 2. p. num. 290. Tapia in Catena morali. tom. 2. lib. 5. q. 5. art. 9. Et meritò. Quia imposturæ judiciales majorem infamiam irrogant, & plus nocent, quia poenæ mortis, aut aliis valde gravibus subiciunt, ac paucioribus mediis dilui valent, conjuratis, & juratis testibus cum accusatore ad calumniam. At verò extrajudiciales, aut de viris vitæ honestæ non creduntur; sed à malevolis diffeminatæ putantur, aut elevando eorum fidem evanescent, aut anteaquæ vitæ testimonio, aliisque mediis consuetis inverisimiles sunt, aut perquerelam legitimam in iudicio eventilari possunt, estque casus purè metaphysicus, quod ab eis imminet talis, tam certa, tantaque ignominia, & adeò irreparabilis, ut sola anticipata morte calumiantis repelli possit, ac dilui.

CAPUT II

Utrum liceat interfecitio illius, qui fugit, postquam impiegit alapam, aut fuisse percutit?

18 **H**Æc est altera pars propositionis 30. quæ sicut viro honorato fas esse credebatur occidere innoxentem, qui nitiur calumniam inferre, si aliter hæc ignominia vitari nequit, ita pariter existimabat idem quæ esse dicendum, si quis impingit alapam, vel fuisse percutit, & post impatiam alapam, vel idem fuisse fugiat. Quæ doctrina non paucos patronos habuit ante Innocentii decretum: ita enim Navarrus fenserat in Manual. cap. 15. num. 3. in fin. Petrus Navarra fusè in loco nuper citato ex numer. 373. licet duntaxat affirmet, id non videri omnino à ratione alienum. Moure in examine moral. 1. p. cap. 9. § 1. nu. 16. Philippus Faber in 4. disp. 52. cap. 1. num. 29. & problematicè Serra 2. 2. q. 64. art. 7. §. Postquam, cujus verba refert, & probat Diana p. 9. tr. 4. resol. 25. quamvis nimis variè hac de se scripserit:

nam p. 2. tr. 15. resol. 15. sententiam Navarri judicat esse probabilem, & tutam in praxi, eisdemque absolute videtur adhærere p. 5. tr. 4. resol. 11. illi verò, quæ speculativam tantum probabilitatem concedit, p. 8. tr. 7. resol. 51. fin.

19 Refert etiam pro hac sententiâ, quam neque ipse approbat, neque improbat, alios quamplures Auctores P. Henriquez in summa. lib. 14. cap. 10. num. 3. lit. T. & inter alios S. Antoninum 3. p. tit. 4. cap. 3. §. 1. Armilla verb. Defensio. num. 3. Antonium Gomez tom. 3. variar. resolut. cap. 3. nu. 32. Abulensem in cap. 11. Deuteronomii fin. Ceterum, si experimentum ex istis sumere licet ad alios, quos consulere non potui, parum fidendum est allegationi ipsius. Nam in S. Antonino nil reperio, quod favere possit huic doctrinæ. Armilla oppositum docet ibi num. 2. necnon & Antonius Gomez ibi num. 24. & Abulensis in cap. 5. Matth. q. 109. vers. Dicendum tamen. Longè plus favent, qui affirmant, occisionem fugientis tunc licere, si in continentem fiat, & absit periculum odii, vindictæ, & excessus, quas duas condiciones prætermisit thesîs, quam modò oppugnamus, & ex hoc capite nimis exorbitasse videtur. Hi autem sunt Gaspar Hurtado disp. 11. de justit. & jur. difficul. 11. & qui id probabile dicit, & tutum in praxi. Leander à SS. Sacramento tr. 2. de irregularit. disp. 14. q. 3. Gibalinus de irregular. cap. 4. q. 3. difficul. 14. Atque illi insuper, qui sub his moderationibus id probabile esse affirmant, Villalobostom. 2. tr. 12. difficul. 12. num. 3. & Acacius de Velsco tom. 2. resol. moral. verb. Homicidio. resol. 42. n. 3. passimque Dominicanos PP. istam sententiam amplecti attestatur Caramuel in Dialectic. fol. mibi 84. numer. 172. prope finem.

20 Mihi autem indubitatum apparet, hanc doctrinam nec esse, nec unquam fuisse tutam, aut certò probabilem practicè, aut speculativè. Nam, visis ejus rationibus, ac momentis, P. Vasquez dixit in Opusculo de restitut. cap. 2. §. 1. dub. 9. num. 37. illam sapere gentilitatem, & non esse Christianam, sed legem Evangelicam, immò & Decalogi destruere. Cui censuræ etiam subscripsit Card. de Lugo rom. 1. de just. & jur. disp. 10. numer. 190. Oranino improbabilem eam reputat P. Moya in select.

p.2. tr.6. disp.3. q.1. nu.9. & contrariam proculdubio affirmandam, amplectendamque esse monuit P. Molina *tom.4. de just. & jure. tr.3. disp.17. num.8.* Certissimam, & Catholicam doctrinam esse censet Bañez *ubi supra dubitat.3.* addens insuper, esse communem Theologorum bene sententiam. *Et si quis, inquit, aliter sentit, judicio nostro contradicit Sacrae Scripturae.* Auctores etiam præcipui, qui aliqualem probabilitatem speculativam detulere huic opinioni, practicam vocant in dubium, ut Lessius, Layman, Filliucius, Reginaldus, Bonacina, Dicastillo, Aegidiusque Trullene, ac Ludovicus Lopez, qui post factum nonnihil in eam inclinat, *in instructorio conscientiae. t. p. cap.62. vers. Et quidem, ingenuè fateatur, illam esse licentiosam.*

21 Et meritò, quia licentiam tribuit in re magni præjudicii, & valde periculosa sequendi in praxi opinionem, quæ omni certa probabilitate destituitur, cum alioqui omnis opinio, quæ practicè non est certò probabilis, eo ipso careat illa probabilitate, quam postulat recta ratio, ut sit sine peccato exequibilis. Et, re maturè perfecta, vix appareat humano modo possibile, ut absque scandalo, excessu, aut appetitu vindictæ istiusmodi speculatio exequutioni mandetur adversus illum, qui destitit, & ne offensam prosequatur, sug. t. Quia esto id facile considerari valeat separatim ab istis circumstantiis, unde apertè redditur illicitum; difficillimè tamen ad praxim revocabitur ab hominibus vehementer iratis, & gravi offensa percussis. Quoties autem magnum est periculum exequendi aliquam speculationem aliter, quàm ipsa dicat, opus esse, ut liceat ejus praxis, non rura, sed valde periculosa in praxi censeri debet, & probabilitas ejus speculativa solum, non verò practica dicitur.

22 Afferendum ergo est, thesim propositam satis certò esse improbabilem, & exitialem hominibus in tali eventu occidentibus, aut occisuris. Ratio autem, ultra illam practicam, quam proximè dicta suggerunt, ex eo sumitur, quòd percussorem occidere, mutilare, aut repecutere in illis circumstantiis, nil est aliud, quàm vindictam sumere, ac reddere malum pro malo, idque putare honorificum per-

versa imaginatione, qua adversùs claram Dei legem viri mundiales imbuuntur. Neque enim id est vim vi repellere, cum fugiens nullam vim inferat; sed antea intulerit, & jam cessaverit, prorsusque ab illa destiterit. Neque item est se defendere, quia fugiendo non offendit; sed potius ostendit metum, & injuriam antea illatam pusillanimitate diminuit. Neque est insuper honorem suum in specie recuperare, quia fugiens non portat illum in bursa, sicut latro pecuniam furto ablatam, ut ex potestate illius auferri possit illud ipsum, quòd abstulerat. Nec demùm est facere, ut alius sibi restituat honorem, nam honoris restitutione fit retractatione injuriæ, veniæ petitione, & aliis actibus honorificis offenso, quos occisus nequit facere.

23 Relinquitur ergo, ut sit tantùm velle honorari ob vindictam sumptam propria auctoritate, & eo facinore offendere, se non fuisse dehonorandum, quasi verè esset honorificum reddere malum pro malo, ac majus pro minore, & quasi Deus sibi, atque ministris suis ultionem non reservasset. Deuteron. 32. 35. *Mea est ultio, & ego retribuam.* Ad Roman. 12. 19. *ad Hebræos 10. 30.* Unde 1. Petri. 2. 9. omnibus dicitur: *Non reddentes malum pro malo, neque maledictum pro maledicto:* quod non esse meri consilii, sed præcepti, apertè sumitur ex Ecclesiastico cap. 28. his præter cætera: *Qui vindicari vult, à Domino inveniet vindictam.* Confir-matur. Nam siquidem foret licitus ille modus resarciendi honorem occisione dehonoris, tunc maximè, cum maritus invenit adulterum, & adulteram in adulterio flagranti: ea namque injuria est gravissima, & maxima dehonoris, quæ penam mortis meretur, & si calore iracundiae illam inferat maritus, non punitur in judicio humano. Atqui id illicitum esse coram Deo, & tunc maximè, cum hi fugiunt, & sese abscondere satagunt, omnes Theologi pronunciant, profecturque iidem ipsi, quibuscum nunc disputamus, & planè constat ex præcitato decreto Alexandri VII. *proposit. 19.* ubi inter alias perniciosas, & scandalosas theses ista profigitur: *Non peccat maritus occidens propria auctoritate uxorem in adulterio deprehensam. Quæ profectò esse vide-*

videtur sensibilis demonstratio, & illa habita præ oculis, quidquid adversarii obiciunt, retorquetur, & inflatur.

C A P U T III.

Objectiones ex honore mundiali.

24 **O**biicies 1. Latronem fugientem licet persequi, & sagitta confodere, si non possim aliter rem meam ab ipso recuperare. Ergo etiam illum, qui fugit, postquam mihi honorem abstulit. Nam licet honorem meum in specie secum non deferat, sed ille peremptus maneat alapa, vel adulterio; adhuc tamen refarciri potest, ac si non fuisset ablatum, dum læsio veluti pendet, & suspensa sunt judicia aliorum magnum aliquid expectantium de tua generositate, ac fortitudine ad illum recuperandum. Igitur, dum alia via recuperari non potest, licebit interfectione fugientis idipsum recuperare, ne alioqui semper sit tibi ignominiosè vivendum, & in populo, quasi vilipendio tuo consentiens, vilis, & abjectus habearis.

25 Respondeo, quidquid sit de antecedenti, quod reputat esse falsum Covarrubias in *Clem. Si furiosus. p.3. §. unico. n.6. vers. Nōno*, & alii non pauci apud Diana *p.8. tr.7. resol. 47.* comparationem hanc non rectè instituit cum fure, qui rem meam secum portat, quia percussor meum honorem secum non deferat; sed cum illo v.g. qui segetes meas combussit, & postea recedit vacuus; hunc autem occidi posse in continenti, aut deinceps, quamvis damnum mihi illatum aliter recuperari nequeat, nec lex Divina permittit, neque ratio naturalis. Unde potius argumentum retorquetur. *Quia* non licet comburere illius segetes, qui tuas antè combussit, nec abscindere illius aures, qui tuas absciderat prius, neque damnum tibi illatum absque alio lucro inferentis ab illo repeti potest, inferendo ipsi propria auctoritate absque alio lucro tuo aliud damnum simile. Ergo longè minus potest repeti inferendo gravius malum in bonis altioris ordinis, qualia sunt honor, aut fama, & adhuc minus in vita, quæ pretiosior est omnibus aliis. Nam quod hic obtendi posset, nimirum malum alterius reputari bonum tuum propter injustam læsionem,

quam passus es ab illo, ita patet in aliis casibus dici valeret: quia bonum vindictæ pluri fieri solet ab hominibus, quam commoda pecuniaria, & sicut invidus, aut æmulus alterius bona esse reputat sua mala, ita vice versa, qui se vindicat, inter bona sua computat malum alteri intulisse.

26 Respondeo iterum, honorem alapa, vel fuste ablatum non esse recuperabilem honore vindictæ privatæ; sed congrua restitutione, vel condigna satisfactione percussoris, aut etiam vindictæ publica per justitiæ Ministros obtinenda. Et quidem in tanta perturbatione impossibile videtur accuratè examinare, & concludere prudenter omnia ista media defutura esse, nam id plus temporis postulat, quam patitur festinatio fugientis; ubi autem percussus non judicat, præmissis maturo examine, omnia illa esse defutura, id fatentibus vel ipsis adversariis, ad occisionem deveniri nequit. Cæterum esto admittamus (quod difficillimum est) non supereffe aliam viam, nec prudenter sperari posse satisfactionem condignam, idque certò præcognosci; adhuc medium occisionis subitæ, sicut & præmeditatæ post finitam rixam, aut superfluum erit, aut contrarium recuperationi intentæ, aut certè prorsus inutile.

27 Nam, cum honor sit in honorante, non verò in eo, qui honoratur, vel recuperari debet apud eum ipsum, qui alapa percussit, & eo signo demonstravit, se nihili facere, atque vilipendere colaphizatum, vel apud alios? Non apud eum ipsum. Nam ex eo, quod occidatur, non retractat vilipendium; immò occisione ipsa fit ipsi impossibilis retractatio, veniæque petitio, & reliqua signa honoris, quibus eam maculam posset ablucere: nec occidens sibi assumit, aut appropriat ex honore proprio occisi, quantum necessarium est ad suum damnum compensandum, ut in debitis pecuniariis contingit. Non apud alios. Nam alii nequaquam mutant conceptum, quem antè habebant de excellentia, ac dignitate offensis, eo quod ab uno tractetur malè, & indignè; sed id potius attribuire solent temeritati, & audaciæ percussoris, judicantes ex conceptu antè præhabito immerenter vilipensum fuisse. Manent ergo, sicut antè in suo conceptu honorifico, & ea occasione illum

renovant : tantum abest , ut ratione illius quidpiam apud ipsos deperdatur , vel quod maneant quoad hanc causam suspensa illorum judicia . Ubi autem nihil deperditur honoris debiti , & habiti apud alios , superfluum est apud illos recuperationem querere , quia nihil recuperatur , nisi prius fuerit amissum .

28 Quod si iudicium mutaverint , aut suspenderint , expectantes , utrum offensus parlatur abire inultum injuriam sibi ab altero irrogatam , & , occisione sequuta , jam melius sentire incipiant de dignitate occidentis , tunc quidem alius honor novus comparabitur fundatus in ipsa actione occidendi ; sed non propterea instaurabitur honos percussione amissus . Nam neque ille est vetus honor sed apparens , ac fictitious , ut statim dicam ; nec magnus cenferi potest , pavidum , & fugientem occidisse à tergo , vel fortè à longè explosa bombardà ; nec ille , qualisvis sit , ab aliis datur nomine occisi , ut ipsi ad satisfactionem , abolitionemque offensæ deservire valeat ; sed solum in præmium vindictæ promptæ , vel præmeditatæ : par est enim ratio utriusque , quamvis de præmeditata , postquam fugiens sese abscondit , ac in tutum se recepit , nullus cenferi esse licitam . Unde perinde se habet occisor iste , ac si quispiam depauperatus à fure ob aliam causam diceretur : semper enim læsum manet jus ipsius , & minus habet in bonis , quam debebat habere , omniaque ablata ex fure recuperare valet , ac si nihil ab aliis accepisset .

29 Obiicies 2. ex Navarra *suprà numer. 374.* Prius quam sit illata injuria , potest quis propulsando , ac præveniendi impedire , ne inferatur , & honorem suum tueri per mutilationem , occisionemve aggressoris , si aliter vitari nequeat læsio illius . Ergo à fortiiori id licebit , postquam est jam actus illata : nam plus juris unicuique esse videtur ad recuperandum honorem , quo fuit injustè spoliatus , quam ad illum nunquam amittendum : Confirmatur . Nam si ille confestim non repercutiat , quantum opus est ad reponendum suum honorem in eo statu , quo erat antea , percussio , quamvis physice transacta , dehonorationeque exinde sequuta habitualiter manebit , continuataque in futurum efficiet , ut dehonorus parvi fiat apud populum

tanquam pusillanimis , ignominiosus , infamisque infamia facti , non minus , quam si à principio eam non propulsasset . Unde non solum patietur hanc maculam apud vulgus , dum eam continuari sinit ; sed veluti honore indignus , atque sua vilitate , & abjectione contentus repellitur à nuptiis sibi aliqui æqualibus , & à muneribus , tam civilibus , quam militaribus , & à reliquis officiis , quæ non consueverunt dari , nisi honoratis , ac strenuis viris .

30 Respondeo , exaggerationes istas apparentes esse potius , quam solidas . Tum quia etsi maritus posset absque ullo peccato occidere adulterum , aut adulteram , qui per vim eidem illatam aggrediuntur , aut continuant opus adulteri : sialia via illud impedire nequeat , non ideo sequitur , id esse licitum ipsi , cum jam destiterunt , & iram ejus effugiunt , ut rectè monuit Raynaudus *libr. 3. de virtutibus numer. 256.* Tum quia non est eadem ratio aggredientis , & fugientis , postquam aliam incussit . Aggrediens etiam injustam , gravemque dehonorationem intencat , factum suum exequiturus , etiam alio reluctante ; immò (ut communiter accidit , & in eo statu præsumitur) etiam postea defensus , si fortè ab alio invadatur ; fugiens verò sua ipsa fuga sibi ignominiosa , & alteri , à quo fugit , honorifica , adeo diminuit offensam , ut jam opus non sit , etiam iudicio mundialium , propria auctoritate aliam , & maxime adeo cruentam , satisfactionem exigere . Tum quia est aperta disparitas . Nam impediens in hoc casu aggressorem violentum , & injustum , vim vi occidendo repellit , atque jure defensionis utitur sibi necessariz ob vim alterius , ut retineat illibatam honorem justè acquisitum , & ne aliqui ab statu honesto decidat in statum plenum abjectione , & ignominia . At verò occidens fugientem , sicut & occidens illum , qui jam se in tutum recepit , nec vim vi repellit , cum illa jam transierit ; nec se à fugiente defendit , cum si nihil aggrediatur contra ipsum , sed potius illum aggreditur , persequiturque , ut occidat ; nec demum impedit continuationem injuriæ , quia injuria per fugam discontinuatur , & illa interveniente , aut honos non amittitur , quia ad id necessarium creditur , ut percussus sustinet factum suum , aut , si quidquam amitt-

amittatur, id recuperari nequit reddendo malum pro malo, & solo honore vindictæ.

31 Ad confirmationem jam constet, honorem popularem, aut sufficienter recuperari in hoc casu ipsa fuga percurrentis, quin sit opus occisione, aut occisionem non esse medium utile ad illum instaurandum: nam occidere à tergo, vel à longè eum, qui neque resistit, neque se defendit, non est actus honorificus, nec generosus, nec fortis, etiam juxta leges duellii. Quocirca, sicut non licet occidere attentantem percutere alapa, aut arundine, cum sibi per fugam consulit, antequàm perveniat ad effectum, ita quoque non licebit, cum jam de facto percussus, si pari remedio utatur, timore alterius deterritus. Neque jam rationabiliter possunt manere suspensa judicia eorum, qui viderunt istum alapæ, aut arundinis quasi occisionem expectantia, cum fuga sit satis, & occiso nullus meriti. Unde nec juvat, quod additur de habituali permanentia ignominie, aut vilipendii: nam, si per fugam aggressoris non tollitur apud populum, non tollitur occisione adeò degeneri; sed semper perseverabit cum jure occidendi illum, ut progressus futurus impediatur, sicut semper perseverat quoad effectum obligandi percussorem ad condignam satisfactionem reddendam.

32 Jam verò cum ampliùs additur, vilem, ac infamem censei eum, qui alapa accepta non repercutit adversarium, etiam usque ad occisionem, si via alia recuperationis desit, in primis falsum est, si de adversario fugiente sermo sit, & insuper interrogari debet, quinam id censeant? Illi, qui terrena sapiunt, & prudentes hujus sæculi; an autem verè prudentes, qui regula virtutis diriguntur, & considerant æterna? Nam, si de primis loquamur, judicia ipsorum non sunt tanti facienda, ut proximus debeat occidi, ne honori nostro adversentur: judicant enim secundum prudentiam carnis, quæ mors est, ut ait Apostolus ad Romanos 8. 6. 7. *Et sapientia carnis inimica Deo*, atque adeò ignominie per errorem deputant, non interfecit adulterum, aut adulteram in flagranti deprehensos, non acceptasse, aut etiam non provocasse contumeliosum ad duellum, non vindicasse privatim, &

in continenti offensas sibi irrogatas; sed potius implorasse officium judicis: & plebasque alias leges sibi statuunt honoris retinendi, vel recuperandi, quas vel ipsi non ignorant esse irrationabiles, atque contrarias tam legi naturali, quàm Divinæ.

33 At verò, si consulatur illorum sana judicia, qui censent de rebus secundum sapientiam, & prudentiam spiritus, cum illa sit *vita, et pax* juxta Apostolum *ibidem*, hi profectò non censebunt ignominiosum, aut vilem eum, qui non resistit malo, sed juxta consilium Christi Matth. 5. 39. *Siquis ipsum percusserit in dexteram maxillam, præbet illi et alteram*; nec vitio vertent, sed virtuti, ac laudi, quamvis alteram maxillam non præbeat, id libenter condonasse, aut patienter sustinuisse. Quinimò tametsi liceat se defendere per occisionem ab illo, qui nos invadit ad mortem, cum altera via non superest; adhuc est valde laudabile, & magni facienti consilii, sinere potius se occidi, quàm occidere injustum invasorem, & vitam temporalem, ac æternam eodem ictu ab illo eripere, nisi invasus etiam videat, se esse in peccato mortali, & amissurus sit utramque vitam, aut nisi fortè temporalem suam servare teneatur, ut subveniat indigentie Reipublicæ, vel familie. De quo cum S. Antonino, Sylvestro, & aliis prudentes, ac pie differit Lessius lib. 2. de justit. et jur. cap. 9. num. 55.

34 Non ergo judicio prudentum verè prudentia, & Christiana permanenter perdidit honorem suum, qui accepta alapa adversarium fugientem non repercutit, nec occidit: sæpeque erit temerarium judicare, id non egisse amore virtutis, sed præ nimia pusillanimitate, aut ignavia, atque in dubio factum istud non in deteriore partem interpretari deberet; sed potius in meliorem, ut recta ratio præscribit. Quod si id aliter interpretentur prudentes prudentia carnis, & nobiles hujus mundi, cum culpa ipsorum id accidar, non verò culpa fugientis, quamvis occasione accepta ex alapa, quam incussit, non est cur ipse luat poenam, & interfecione illius procuretur mutatio talis judicii, & emendetur prava illorum obstinatio, qui non aliter deponent ipsum, quàm si videant vindictam in continenti executioni mandatam, aut si tunc fieri non potuit.

ruit, postquam omnino cessavit, & aliis actibus contigit interrumpi. Et re vera ratio proxima, ob quam percussus censetur apud viros hujus sæculi esse vilis, ac infamis, ea est, quia omisit vindictam, & repercussionem, non quia reputetur pavidus, cum fugiens eum potius ostendat esse timendum, quam timidum, & censeri timidum ex se præcisè non sit adeò gravis macula, ut tanta propulsatione indigeat: nec item quia accepit alapam, cum supponente adversarii ipsi, rem adhuc esse in suspensio, & ab statu honoris in statum ignominie non transeat, donec videant non repercussisse.

35 Porro vilitas, quæ ex omissione vindictæ, ac repercussionis resultat, non est vera vilitas, aut contemptibilitas; sed apparens, & falsò existimata ab his, qui dati sunt in reprobum sensum, & exprobantur Isaiâ 5. 20. *dicunt malum bonum, & bonum malum, ponentes tenebras lucem, & lucem tenebras, & amarum in dulce, & dulce in amarum.* Neque falsa ista existimatio fundata in omissione vindictæ vera infamia est apud prudentes, aut veri honoris amissio, ut propterea licitum censeri debeat, uti occisione alterius tanquam medio ad illam evitandam, vel ad recuperandum honorem in eo consistentem; quod percussus crederetur non passurus villpendia sua abire inulta; sed redditurus malum pro alio malo. Nam neque ille est verus honos, qui ex perversa ista existimatione procedit, neque licite potest procurari, maxime cum tanto nocumento illius, cujus actio non est causa proxima iudicii oppositi; sed malicia iudicantium, & sola vindictæ omissio, quæ laudabilis est, & ad percussum non ad percutientem atinet. Unde nec juvare potest, quod cætera media desint, quia esto finis esset bonus, in defectum eorum, quæ sunt licita, non potest mediis illicitis, ac ineptis intentari. Nec ibi præcindi potest ratio vindictæ ab occisione recuperativa honoris, nam occisio casu facta, vel ob alium finem disparaturum, neque honorifica creditur secundum prudentiam carnis, nec sufficiens ad recuperandum honorem, sed intuitu injuriæ debet fieri, & ad resarciendam ejus ignominiam, ut istum effectum habeat.

36 Ex quibus primò colligitur, illum,

qui ita occidit, fieri irregularem, quia homicidium istud neque sit ad defensionem, neque ad recuperationem veri honoris cum debito moderamine, neque ob aliam causam, quæ ipsum justè possit à peccato mortali liberare. Cæterum, quia factum creditur calore iracundie, ac injuria ad huc sumante, & non præmeditato, aut per insidias, sed ex apparenti causa, sicut in foro seculari ejus pœnæ non sunt adeò irremissibiles, sicut pœnæ homicidii voluntarii, ita etiam in Ecclesiastico facilius remitti potest irregularitas, quæ exinde incurritur, & ejus dispensatio comprehenditur sub facultate concessa Episcopis in Tridentino *session. 23. cap. 6.* & sub quacunque alia, ubi solum excipiuntur homicidia voluntaria, ut P. Suarez observat *disp. 46. de censur. sess. 1. prope fin.* advertens etiam *ibidem num. 9.* excessum solum venialem, qui tardò evitari poterit in tanta conseruatione, non inducere irregularitatem.

37 Colligitur ultimò, non esse damnatam vi istius decreti opinionem eorum, qui affirmant, licitum esse occisionem ejus, qui continuat ictus cum arundine, vel repetit alapas, vel in eodem loco adhuc persistit defensurus, quod patrauerat. Quippè decretum de solo fugiente loquitur, & cum in cæteris casibus vis injusta continuetur, & nondum sit consummata injuria, donec percutiens recedat, percussio non transit in aggressionem; sed vim defensionis habet, & vis alterius perseverans adhuc, alia vi justè repellitur, dummodo ea major non sit, quàm necessitas efflagitat: nam, si percussus compellendo ad fugam continuationem injuriæ postea evitare, non esset licita occisio; immò neque mutilatio. Videantur Armilla verb. *Defensio. nu. 2.* & Tapia tom. 2. *Catenæ moral. lib. 5. q. 7. art. 12. nu. 2.* ubi occidentem ad impediendam geminationem percussioni excusant, necnon Leander *in dicta disp. 14. q. 2.* ubi cum Gibalino similiter sentit de eo, qui per barbam injuriosè trahitur, & *quæst. 9.* de eo, in quem non est prolatum integrè, sed ceptum dumtaxat verbum *mentiris*, & Moya aliis relatis *dicta disp. 3. q. 3. numer. 14.* de eo, qui non fugit, sed persistit defensurus, quod malè perpetraverat.

Utrum regulariter sit licitum occidere furem pro conservatione unius aurei?

38 **D**E hac quaestione ita sentiebat thesis 31. ex damnatis: *Regulariter occidere possum furem pro conservatione unius aurei: cui reponit P. Lessius lib. 2. de just. & iur. dubit. 11. num. 68. jus defensionis non videri concessum cum tanto alterius malo pro re minima: est enim, ait, valde iniquum, ut pro panno, vel etiam uno aureo servando, alicui vita auferatur. Notationes quoque ad Aretinum de maleficiis, ut refert, nec improbat Malderus de just. & iur. tr. 3. cap. 1. dub. 13. concl. 4. quamvis nimis laxè in hac materia opinentur, adhuc monent, rem, pro qua licet occidere simplicem furem, non debere esse minoris, quàm duorum aureorum. Alii verò aut nullam summam designant, contenti cum Lessio exigere rem magni momenti, aut certè non parvi, quod, inspectis mente, atque contextu ipsum, ad idem reducit. Notantque omnes cum Molina tom. 4. de just. & iur. tr. 3. disp. 16. num. 1. vers. Contrariam sententiam, id intelligendum esse, quando res aliter liberari nequeunt, aut est grave eas amittendi periculum, seu, ut Lessius *suprà* num. 69. exactius loquitur, cum non est spes probabilis aliter recuperandi illas. Quam cautionem omnino prætermisit thesis proposita, & meritò prosligari potuit ob hanc causam, quia nec vitam defendere licet occidendo, cum aliter servari valet; nec regulare est, ut res nostræ non aliter, quàm occisione furis retineri possint, nec ut ablata amittantur irrecuperabiliter.*

39 Sed & præcisè inspicendo parvam illam quantitatem, pro cujus conservatione defensionem occisivam permittit thesis, satis clarè apparet, meritò fuisse proscriptam. Quia unus aureus regulariter non est necessarius ad conservationem vitæ suæ, vel suorum, ut solet esse pauperi fartori sua acus unica; neque item ad conservationem status iustè acquisiti, quasi deficiente sibi unico aureo sit homo melioris status in statu paupertatis, ac penuriz recasurus; nec demum tauti momenti, ut metus carendi illo cadat in virum constantem, aut morti appareat

æquivalens. Ubi autem omnia ista desunt, aliave similia eisdem, absurdissimum apparet, necem alterius permittere pro conservatione unius aurei parum necessarii, vel superflui omnino: nihili enim æstimari debet comparatione alienæ vitæ, neque suffere recta ratio intersectionem hominum pro nihilo. Utique defensio nostri, retinere nostratrum nunquam esse potest usque ad occisionem licita, nisi fiat cum moderamine inculpatæ tutelæ, ut omnes sentiant, & omnia jura loquantur. Porro moderamine istud, ut inculpatum sit, & in immoderationem non transeat, non tantum postulat, ut damnum nobis imminens sola occisione propulsari valeat; sed etiam ut magni æstimari possit eo carere: nam, si hæc mensura excedatur, injuria non erit tanta propulsatione condigna, & homicidium non quasi coactè ob iniquam aggressionem alterius, sed propria auctoritate, ac voluntate patrabitur.

40 Arguo præterea, quia regulariter non licet in praxi occidere furem pro sola conservatione bonorum temporalium. Ergo longè minus id licebit pro sola conservatione unius aurei. Consequencia est in aperto; antecedens autem pater. Quia tot conditiones simul sumptæ requiruntur ad licitam executionem mortis ob eam causam, ut valde difficulter concurrant, & non nisi rarò, ac in paucis. Sparsim eas tradunt Auctores; sed perdoctè, & accuratè eas P. Suarez collegit *dicta* disp. 46. de censur. sect. 2. nu. 1. his verbis: *Prima circumstantia est, ut temporale nocumentum actu, & injustè inferatur, sitque grave, & dignum tali propulsatione. Deinde, ut sit irreparabile, vel non sine tanta difficultate, & periculo, ut vel ob eam causam possit grave dispendium reputari. Tertia, ut defensio sit moderata, & pura. Quarta, ut sit inevitabile nocumentum proximi, ut defenso habeat effectum. Quis aurem non videat, experientiaque compertum habeat, quidpiam istorum sæpè sæpius deficere, sive ex parte ipsarum rerum, quæ homicidio defenduntur, sive etiam ex parte animi illius, qui sua bona defendit, sed non illa puritate intentionis, & affectus, quæ necessaria est, ut defensio non transeat in vindictam, sicut transit, cum occisio intenditur, & amatur in alterius malum? Et propterea*

propterea idemmet Auctor *señ. i. num. 9.* generaliter præmiserat, in istis defensionibus moraliter inevitabilem esse culpam aliquam venialem.

41 Quamvis autem regulariter ita contingat, quia regulare est, ut plurimum defecere aliquam ex prædictis circumstantiis, cum bona temporalia subiciuntur; ista tamen est differentia, dum questio ad aureum reducitur, quod aureus per se, atque ratione sui non est tantæ utilitatis, nec adeo præjudicialis amissioni illius, ut, seclusis aliis extrinsecis damnis, eidem amissioni adjunctis, sit ipsius conservatio digna tanta defensione, quanta est alterius occisio. Leve namque furtum reputatur, leveque damnum Reipublicæ, cum damnum occisionis sit gravissimum: atque ideo ob defectum primæ conditionis defensio occisiva pro illo retinendo immoderata censetur, quamvis tres alie conditiones non deficiant. Neque enim licitum est, sed potius nimis iniquum, occidere latrunculos pro re parva, ac minimi præjudicii: nam aliqui etiam liceret per se loquendo eos occidere privata auctoritate pro conservatione trium, quatuorve regalium, seu illius summæ, quæ sufficit ad peccatum lethale, & furtum grave coram Deo constituit. Immo, si sola injustitia, & vis furis eam facultatem præberet, non habita ratione magni damni, ac præjudicii imminuentis vero domino ex amissione rei suæ, etiam pro unius oboli conservatione foret ea defensio licita, quod absurdissimum esse nullus dubitat, & vel ex eo solum evidenter constaret, quod plus incomparabiliter Reipublicæ interfit vitam suorum civium conservari, quam conservari unum obolum, quatuor regales, aut etiam unum aureum apud dominum illius.

42 At verò, cum res est magni valoris, & maximi præjudicii amissioni illius, diversa est ratio: quia neque charitas, neque iustitia postulant, ut cum tanto nostro damno servemus vitam illius. Unde, si concurrant alie conditiones, quibus opus esse diximus ad inculpam tutelam, ex hoc præcisè capite, nec moderamen deficiet, nec tutela ipsa inculpada; sed mors furis ipsi potius ad culpam imputabitur, quam defendenti res suas. Ipse enim est, qui vim faciens, & aggreffiens inferre tan-

tum damnum, ut forsitan morti exæquari; vel saltem æquiparari valeat, se temere morti obicit, & subjecit naturali juri, quod omnibus competit vim repellendi, & eo majori, quò majus nocumentum sibi impendat, & alia minor non sufficit. Nam licet lex charitatis obliget ad proponendum vitam proximi bonis nostris temporalibus, etiam non parvi momenti, id intelligitur, cum ipsis indiget, & nos pariter iis non indigemus; secus autem, quoties ille non ex indigentia, sed ex vitio illa arripere conatur, & nos maxime indigemus illis: Sed neque iustitia tunc cogit ad servandum ejus vitam: nam sicut dolus, & fraus nemini prodesse debet, ita nec vis latrocinii eripit jus defensionis, neque tollit naturalem facultatem vim vi repellendi, servatis aliis, quæ servanda diximus, & semper ponimus esse servanda.

43 Propterea valde prudenter Summus Pontifex solum proscripti thesauri affirmantem *regulariter* licere furem occidere pro conservatione unius aurei, nihilque decrevit circa alias quæstiones, quibus hinc inde ventilari posset, utrum aliquando id liceat? Quid enim, si forte is aureus sit alicui extremè necessarius ad comparanda alimenta, unde conservet suam vitam? Quid, si alimenta ipsa subtrahantur, nec sit spes habendi alia, quibus se, & uxorem aliat cum aliis, quibus debet subvenire? Quid, si satori acus unica, cujus lucris sustentatur, quin aliunde illa suppleri valeat? Utrique in istis eventibus, & cæteris extremæ necessitatis, non jam pro uno aureo, unove regali; sed pro acu, & quavis re minima licitum erit pugnare usque ad interfectionem furis, quia simul vita defenditur, amittenda, nisi latro interficiatur. Et quamvis is non intendat vitam eripere, sed solam acum, quæ secundum se considerata exigui valoris est; in eis tamen circumstantiis tantum valet, quantum vita, & summi momenti redditur ex occasione, & per accidens.

44 Neque absimili ratione idem dicendum videbitur, quoties fur, attentis omnibus, æquiparatur intentanti mortem: sunt enim non pauca mala, quorum peripello morti naturali exæquatur, & interdum gravior creditur prudenti hominum judicio. Sic metus stupri patienti honestis puellis, aut viris major, quam mortis,

Bb esse

esse debet, ut notant omnes ad textum in L. Ili quidem. 8. ff. Quod metus causa, ubi id habetur, extenditurque ad parentes eorum, quibustalia imminet, cum pro affectu, inquit Consultus, parentes magis in liberis terreantur. Sic melior est mors, quam vita amara, juxta Sapientis arbitrium Ecclesiastici 30. 17. & propterea amaritudo ex servitute perpetua, captivitate, tetro carcere, aut exilio, continuis persecutionibus, aliisque id genus valde incommodis ærumnis, quamvis vitam corporalem non auferat, adhuc gravior morte existimatur, & ejus desiderandæ præbet facultatem licitam, ut ex judicio, exemplisque Sanctorum vitum fuit *dissert. 9. num. 57. & deinceps*. Et sic etiam juxta eundem Sapientem Ecclesiastic. 40. 29. *Melior est mori, quam indigere. Et cap. 41. 3. bonum est judicium mortis homini indigenti* : & idè metus amittendi omnia bona, vel majorem eorum partem, cum fundatus est, ac prudens, non solum cadit in virum constantem ; sed metui mortis comparatur, ut ostendunt P. Sanchez *lib. 4. de matrim. disp. 5. num. 21. & 22.* & Basilien. Legionesis *lib. 4. cap. 4. a num. 8.* cum Tiraquello, & multis aliis, quibus innumerum accessere postea, tam ex Theologis, quam ex Juristis.

45 Cum igitur res, quam latro per vim conatur arripere, tanti est, ut ejus amissio morti merito exæquetur, quia vitam amaram reddit, laboriosam, ac difficilem, ægrè assignabitur ratio, cur in ejus defensionem non liceat furem occidere, sicut licitum est in defensionem pudicitie, libertatis, & aliorum, quorum irrecuperabilis amissio aut est gravior, aut æqualis amissioni vite : defenditur enim quidpiam aliud tantum valens, quantum ipsa, & fur in æquipollenti invasor vite censetur, & tanta vi repellendus, quanta invadens, ut occidat. Ceterum amissio unius aurei, vel alterius rei superflua, tam ad statum, quam ad vitam, ex se, & ætate ratione sui hac æquivalentia caret, & propterea esse non potest vis illata ad illum auferendum tali propulsatione condigna. Tutori utique non sufficit, ut se à tutela defendat, quolibet lis pecuniaria cum pupillo : *Nisi forte de omnibus bonis, aut plurima eorum parte controversa sit*, ut constet ex *L. Propter litem. 21. ff. de excu-*

sat. eisdemque verbis rescriptis agens de illis, qui per vim spoliuntur, Pontifex cap. 1. de restitu. spoliator. lib. 6. Quo ergo pacto ad occisionem sufficit unius aurei conservatio, quæ nec pauperiores, nec ditiores homines solet efficere ; sed relinquere in eodem statu moraliter loquendo ?

46 Ceterum, etsi aureus unus secundum se, & absolute spectatus modici valoris sit comparatione defensionis adeo atocius, adhuc accidere potest, ut habito respectu ad indigentiam subjecti gravem, aut extremam, & ad alias circumstantias tunc temporis occurrentes, maximi momenti censetur, ut jam præmonui, & si tunc liceat occisio furis, non pro parva, vel minime æstimationis, sed maximæ, mors patribitur. Qua ratione P. Sanchez ubi *suprà num. 23.* optimè dixit, metum amittendi majorem partem bonorum, quamvis illa non sint multa, neque magna, cadere in virum constantem, dum à paupere auferuntur, quia graviorem incommoditatem patitur ex amissione illorum, & difficilius sibi, ac suis subvenire potest ex altera exigua parte sibi relicta, quam ditiſſimus, etiam si plura bona ab eo auferantur. Atque ad hanc normam expellenda sunt, & revocanda alia exempla consignata ab Azor *p. 3. lib. 2. cap. 1. q. 19.* dicens, in iis convenire omnes Auctores : ut, inquit, si detraherentur arma militi, vel homini transeunti per latrones, vel hostes : aut, si vestes detraherentur tempore sævientis frigoris, vel nivis : aut tollerentur alicui bona tempore extremæ necessitatis : aut si quis mendicare deberet, vel aliter ignominiose vivere : aut, si fur vel bona diripiat, vel rapta asportet : & se armis defendat contra me. Hæc ille, etsi paulò strictius loquutus fuisset *p. 1. lib. 2. cap. 12. vers. Quæritur*.

47 Ita quoque intelligenda sunt, & explicanda, quæ tradebat P. Molina in *dis. 16. num. 7.* his verbis : *Quando autem quis injustè aggrediretur usurpare rem, etiam valoris unius aurei, vel minoris adhuc valoris, resistente domino, aut custode illius, certè neque ad culpam, neque ad poenam auferem condemnare, qui illam defendendo interficeret cum moderamine inculpate tutelæ injustum aggressorem*. Hactenus ibi, quibus similia tradit

Bonacina tom. 2. disp. 2. de contradi. q. ultim. *señ. 1. pun. 10. num. 1.* Quia, inquit, *invasor non solum rem auferit, sed magnam infert contumeliam*: acceditque Cardinalis de Lugo disp. 10 de iust. & jur. num. 178. Et quamvis doctrinam istam tanquam nimis laxam approbare renuat Diana p. 5. *trac. 4. resol. 18.* in eam tamen recidere videtur concludens cum Lessio eo numer. 68. id esse licitum, cum probro tibi verteteretur, nisi rem minimam à fure extorquas: tunc enim, ait, *posses conari, & si opus esset, occidere, quia non tam rei, quam honoris, esset defensio.* Ajo autem, in eam recidere, nam etiam in casu Molinæ contumeliosa est illa substractio, & honor simul eum pecunia defenditur, ut Bonacina, & Card. de Lugo eum sequentes recte intellexerunt.

48 Sed non propterea putaverim, ei opinioni acquiescendum absque majori alia explicatione. Nam sicut pro exigua pecunia non licet occidere quemquam, ita nec pro exiguo honore; sed ut minimum debet esse talis, ut metus eum amirandi cadat in virum constantem, & reliquas condiciones habeat, quas num. 40. proposuimus necessarias esse, ut tutela rerum familiarium possit iusta, moderataque censi. Quando omnes illæ concurrerent, & magni honoris amissio inseparabiliter conjuncta esset cum amissione rei parvæ, tunc licita esset occisio juxta sententiam communem, & ratio, qua id comprobatur, sine offensione procederet. Ratio tamen id constringit. Quem enim honorem perdet custos vineæ, si paucorum racemorum furtum usque ad furis occisionem non defendat? Aut quem dominus, si potius malit rem parvi momenti amittere, & audaciæ furis cedere, quam pro ea usque ad mortem pugnare, insistere, ac sese exponere periculo moriendi, aut occidendi? Certe contumelia ista non est tanta, neque honor ea consummata amittendus, ut merito comparari valeat vitæ propriæ, vel alienæ: nisi forte honor mundialis, & communi errore populi reputatus honor verus, hic suam partem habeat, quod juxta superius dicta nullo pacto est admittendum, neque enim pro defensione falsi honoris, a phantastici illa licent, quæ pro defensione honoris veri, nec mors, quæ nocumen-

tum verissimum, ac maximum de se importat, pro imaginariis rebus vindicandis ullo casu est inferenda.

49 Ut ut sit, valde immerenter Molinam reum esse volunt propositionis damnatæ Lumbier in *presenti num. 1875.* & Filguere in *Lucerna propof. in fin.* Neque enim ipse illam tradidit, ut jacet, neque aliis verbis æquipollentibus; sed sub aliis circumstantiis dissimillimis. Tum quia inse non loquitur de fure indifferenter; sed de raptore, qui personæ ipsi vim facit de eo nimirum, qui, resistente domino, aut custode, nihilominus aggreditur bona illius occupare; fur autem, & raptor, sicut furtum, & rapina, vel specie distinguuntur, ut communiter Auctores censent cum Angelico Doctore. 2. 2. q. 66. art. 4. vel saltem rapina propter vim domino illatam, ac personalem injuriam novam malitiæ speciem addit furto, novumque, & valde specialem titulum se defendendi, & alia vi vim istam propulsandi. Tum quia Molina non dixit absque alio addito licere occisionem furis pro defensione unius aurei, nec doctrinam suam ampliavit dicens, id licere *regulariter*; sed semoto adverbio isto, adjunxit, mediante verbo *non audem*, quod solet esse nota suspensionis, atque dubitatis, se non condemnaturum ad culpam, neque ad pœnam eum, qui id faceret *cum moderamine inculpatae tutelæ*: ubi plures condiciones involuntur, quæ difficulter concurrunt, & necessitas illarum valde restringit licentiam, quæ alioqui concedebatur.

50 Tum demum, quia non attendit ad valorem rei defensæ, nec curat, utrum sit minor, quam unius aurei; sed potius ad contemptum, & violentiam iuste resistenti illatam; hæc autem magna esse possunt, etiam pro re nimis parva. Et ideo cum, iis transactis, & re violentè extorta, fur fugam arripit, *ibidem num. 6.* ex Soto refert, ad illam recuperandam in continenti per illius interfecionem non sufficere valorem, etiam quatuor, aut quinque ducatorum; sed necessario requiri, quod res sit magni valoris, & spes exigua eam postea recuperandi. Neque, inquit, *id audem condemnare, modo prius voce admoneretur, nisi rem relinquat, esse interficiendum.* Semper tamen est consulendum, ne proximus in eo eventu interficiatur. Hæc ille

tot peculiare moderationes adiciens illi doctrinæ, ne ipsam condemnare audeat. Adicerem ego cum Azor p.3. lib.2. cap.1. q.20. id tunc solum esse licitum, cum laico defert bona mihi necessaria, vel simpliciter ad vitam, vel saltem ad conservandum statum meum, juxta superius dicta, nec quoad hunc effectum alia magni momenti existimarem, etsi alii benignius censeant, si benignitas censeri potest, pro rebus, quæ vitæ propriæ comparari nequeunt, alienæ vitæ non parcere.

CAPUT V.

De defensione occisiva eorum, qui nobis impediunt assequutionem bonorum, ad quæ jus, aut spem habemus.

51 AD hanc classem revocantur thes. 32. & 33. quarum prior sic se habet: *Non solum licitum est defendere defensione occisiva, quæ actu possidemus; sed etiam ad quæ jus inchoatum habemus; & quæ nos possessuros speramus.* Sequentis vero hic est tenor: *est, tam hæredi, quam legatario, contra injuste impediendem, ne vel hæreditas adeatur, vel legata solvantur, se taliter defendere, sicut & jus habenti in Cathedrali, vel Præbendam contra eorum possessionem injuste impediendem.*

52 Utramque leges apud Franciscum Amicum in editione Duacensi anni 1642. tom.5. *Cursus Theolog. disp. 36. de just. & jur. numer. 131. & 132.* dempto ex prima adjectivo illo *Occisiva*, & ex alia adverbio *Taliter*, quod ad defensionem occisivam refertur. Unde hic Auctor defensionem tunc permittit; sed proportionatam negotiis, de qua intelligi par erat, ubi nihil amplius declaraverat; non vero adeo atrocem, qualis est occisio, de qua theses loquuntur nominatim. Neque aliud quidquam ex antecedentibus, aut consequentibus firmiter colligi potest, si rectis oculis verba inspiciantur: nam in aliis corollariis, ubi occasionem aggressoris licite credidit, id clarè expressit verbis istis *usque ad occisionem*, vel aliis paribus energiz; hic vero penitus siluit, & sola defensionis permissione contentus, modum, ac stylum mutavit. Et, quod plus est, jam præmoverat num.126. defensionem occisivam, totam-

que assertionem, unde hæc corollaria intulit, non nisi tribus limitationibus additis esse admittendam, quarum nullam postulant theses damnatæ; ipse autem omnes necessarias esse duxit.

53 Attamen, quia interdum evenit, ut aiebat Tertullianus in *Apologet. cap. 10. ut qui non vident ea, quæ sunt, vident ea, quæ non sunt*, necui esset offendiculo, sapienti, seu insipienti (nam utriusque debitor sumus) in editione Antuerpiensi anni 1650. unde prodit idem Cursus, & singuli tomi illius ab ipso Auctore accuratè recogniti, multum aucti, ac meliori modo digesti, & in omnibus summe elaborati, ut in inscriptione tomi primi habetur, in ea, inquam, editione expunxit utrumque illum numerum, ut nova hac nativitate libri calumniantium ora obstrueret, seque ab imposturis liberaret. Id ipsum ibidem præstitit circa aliam doctrinam, cuius memini num.4. licet ipse eam non defenderet: nam dimidiam fere partem sustulit illius numeri 118. ubi ea proponebatur. *Quæ verò de incuria typographi, & aliis in præfenti cavillatur, Filguera, ut Amicum faciat Auctorem istarum thesium, persistentemque in assensu ipsarum, imputanda sunt benevolentia, qua Societatis Auctores, velint, nolint, trahere solet ad doctrinas condemnatas.* Altius autem ipso deconuerat contra Amicum Ludovicus Montaltius *epist. 13. inter prohibitas, & Sinnichius in Saule Ex Rege cap. 109. & 110.* Sed Montaltio occurrit acriter Bernardus Stubroekius in *notis ad ejus notas fol. mibi 195. ac deinceps.* Sinnichio verò Guilielmus le Mayre in *statuta. sect. 1. cap. 14. §. 1. & 2. & sect. 3. cap. 9.* Nec mihi animus est tragedias istas iterum repræsentare.

54 Deveniendo autem ad theses, sicut in decreto jacent, ambas pariter conjunximus, quia una est explicatio alterius, & subsequens nihil peculiare addit ei, quæ immediatè præcesserat, nisi varia exempla juris inchoati, de quo alia erat loquuta. Tricesima ergo secunda, omiffa defensione eorum, quæ actu possidemus, & ad nos spectant pleno jure, ad ea transit, quorum possessionem speramus, & ad quæ jus inchoatum jam habemus. Unde in duas diversas partes scinditur. Alia, quæ ad spem solam attinet quovis speciali jure destitutam; quo pacto plerique

que sperant se instituendos esse hæredes ab extraneis , sibi relinquenda esse legata , aut elargienda inter vivos alia bona mere liberaliter . Altera verò , quæ determinatè innititur alicui juri præhabito , licet imperfecto , ac inchoato , quod *jus ad rem* solet vocari communiter , & hujus rei exempla proponuntur *thesi* 33. ut si quis obstat injustè hæredi legitimè instituto , ne adeat hæreditatem sibi à defuncto relictam ; si impediatur , ne legatariis sua legata persolvantur ; si habenti jus in Præbendam , aut Cathedrali , adeptionem possessionis sibi debita intercepta . Utrobique autem permittitur defensio occisiva obicientis impedimentum injustum ; sed valde absurdè omittuntur alie conditiones necessariæ ultra injusitiam , quas vel Amicus exegit , ut habere posset locum ea doctrina . Exegit autem *eo num.* 126. et si alii verbis , eisdem ferè , quas Suarez postulabat cum communi *num.* 40. appellatus .

55 Affero itaque , propositionem , ut jacet , esse evidentissimè absurdam , & jure optimo damnatam : quia nullam aliam conditionem postulat implicitè , vel explicitè ex parte impediens ad licitam eius occisionem , nisi impedimenti injusitiam , neque ex parte eius , qui impeditur , nisi spem absque ullo jure , vel jus quoddam imperfectum , & duntaxat inchoatum . Quo fit , ut aditum pandat frequentibus homicidiis , propter jura , & spes plerumque incertas , quas , & earum frustrationes , causasque frustrandi insana lucri cupiditas certas apparere facit . Et , cum injusitia impediens possit esse clandestina , et non violenta , ac vis tam levis , quàm gravis , facultas , quam solum tribuit in quibusdam raris circumstantiis vis gravis injustè illata , omni injusto impedimento adscribitur , & extenditur ad bona non possessa absolute , & absque addito . Præterea neque distinguitur , utrum res , cujus defensio intenditur , sit magni , aut parvi momenti ; neque an injusitia consistat in calumniis , aut detractioe aliqua propalante verum crimen : neque utrum jus , aut spes sit jam extincta , ita ut per mortem aggressoris resciscitari non valeat ; neque an occisio sit medium efficax , & unice necessarium ad conservationem juris , vel spei restè fundatæ . Porro in omnibus his casibus indiscriminatim admittere licitam

interfectionem invadentis spem , aut jura nostra sub prætextu defensionis inculpata , non tantum rectæ rationi manifestè contradicunt ; sed valde temerè opponitur Theologis omnibus , ac SS. PP.

56 Affero rursus , regulariter loquendo nihil eorum esse licitum , quæ proposito damnata nobis licere pronuntiat . Ratio sumitur ex dictis capite præcedenti . Quia neque in defensionem eorum , quæ jam sunt actu in nostra potestate , regulariter est licita interfectio furis ea invadentis . Longè ergo minùs licebit in defensionem eorum , quæ ad nos non spectant adhuc ; sed solummodò sperantur titulo gratuito , aut ex fortuito aliquo eventu , vel ratione juris diminuti , ac duntaxat inchoati . Eadem quippe conditiones requiri debent , ut minimum ad inculpata tutelam rerum , quæ nondum sunt nostræ , quàm ad tutelam illarum , quæ nostræ sunt plene , ac integrè & aliunde conditiones ipsæ longè difficilioribus adaptantur rebus , quæ solum habentur in spe , aut in jure inchoato , quàm habitis pleno jure . Tum quia sæpius spes , & jura incerta , eis , quorum interest , solent videri certissima , ut passim contingere cernimus litigantibus , ac Candidatis . Tum quia plerumque non constat de injusitia impedimenti imminenti , neque de efficacia illius ad frustrandas spes , & jura nostra : sæpiusque alicui attribuiamus everisionem alienæ voluntatis , quæ non erat attribuenda , nisi mutabilitati ipsius , aut diversis aliis , & occultis causis . Tum ex dictis antè in simili . Nam occisio malignantis , si sermo sit de instauratione spei amissæ , non tam erit medium utile ad eum finem , quàm opus vindictæ privatæ ; si verò de præventionem occisiva , cum illa ex suspitionibus fieri non valeat , neque ex signis incertis , aut remotis , sed proximas saltem , & moraliter connexas cum injuria dispositiones requirat , sæpe intemptiva , aut temeraria erit , & vix unquam ad illius propulsationem efficax , & necessaria .

57 Tum præsertim , quia ut occisiva defensio licita sit in his casibus , non debet attendi valor etiam magnus earum rerum , quæ sperantur , aut inchoative debentur ; sed actualis valor spei , aut juris jam tunc nostri , pro cujus defensio-

ne pugnamus: ita enim discurrunt omnes, cum agitur de obligatione restituendi incumbente illis, qui vi, aut dolo sunt in causa, ne assequamur illa bona, quæ in spe, aut jure ad nos spectabant. Continget autem frequentet, ut legitima æstimatio spei, aut juris inchoati non sit tanta propulsatione condigna, nec defensione adeo acris, qualis est occisio, licet demus ita propulsari posse vim illatam adversus res ipsas, si jam essent in nostra potestate, cum spes, aut jus minus valeant sæpè sæpius, quam res ipsæ, quæ sperantur, aut debentur aliquantulum. Porro inæqualitas ista evidentissimè cernitur in rebus omnino indebitis, & ex sola alterius gratia, munificentia, aut æquitate speratis: neque enim tanti æstimatur spes hereditatis opulentæ, quanti hereditas jam habita. Et similiter in rebus, quarum assequutio pendet ex eventu aliquo fortuito, quamvis prudenter sperato, v. g. in jactu rectis minus valet spes capiendi magnam piscium multitudinem, & longè minoris venditur, quam pisces ipsi jam capti.

58 Atque in illis quoque, ad quæ jam aliquid jam cœpit nobis competere, idem accidit. Quia jus ad rem duntaxat inchoatum multo minus æstimatur, quam integrum, ac perfectum, ut minus est esse institutum heredem, dum vivit testator, & testamentum revocari potest licet, aut validè, quam post mortem ejus, licet ab institutione inchoetur jus heredis, & quamvis ulterius demus, additum esse juramentum, aut promissionem non revocandi illud. Et in Præbendis, aut Cathedralis, etsi à subscriptione oppositionis incipiat jus competitorum, tribuatque aliquos effectus, qui injustè impediri valent, & adhuc plures elapso tempore præfixo in edictis, cum jam alii oppositores nequeant admitti ad concursum, crescatque jus litterariis exercitiis cum satisfactione peractis, certum apparet, inchoationes istas, & spes in illis fundatas non tanti esse, ut propter illas liceat ulli ex candidatis occidere iniquè impediens, ne oppositionem prosequatur, aut facientes, ut tempus edictorum prorogetur, vel ne ad scrutinium electionis admittatur.

59 Quinimodo, electione facta, & jure ad rem plenè acquisito, adhuc ex prop. 33. habetur, per se loquendo, non esse licitum

electo occidere iniquè impediens, ne Cathedralis, aut Præbendæ possessionem capiat, neque hæredi, aut legatario fataliter defendere ab impediens, ne ille, mortuo testatore, hereditatem adeat, vel ne huic legatum solvatur: eademque ratio est de iniquè impediens nuptias cum sponsa prævivere post sponsalia de futuro, aut actuale traditionem doni post liberalem promissionem donandi, & à fortiori de ipso debitore detrectante iniuste solutionem. Quod utique pro his eventis, aliisque similibus sapientissimè decisum fuit à Pontifice damnanter eam thesim, ut jacet. Tum quia interfectiones istæ nunquam licent, nisi fiant cum moderamine inculpate tutelæ, & alia media deficiant; hujus autem moderaminis thesis damnata non meminit, neque aliarum conditionum, quarum defectu illud deficit, & difficilius inveniuntur simul, cum agitur de impediens bona debita; sed nondum habita. Tum etiam, quia illa non postulat in impediens violentiam, sed injustitiam duntaxat absque discrimine inter clandestinas, violentas, aut judiciales; jus autem naturale non concedit injustitiam iniustitia repellere, neque iniquitatem iniquitate; sed vim iniustam vi iusta, ac propterea temperata multis alijs conditionibus prorsus indispensabilibus.

60 Tum quia non omnes Præbendæ, hereditates, aut nuptiæ, sed valde raræ, ac pauciores tanti emolumenti sunt ratione sui, ut metu amittendi illud ob iniustitiam alterius liceat ipsi inferre tantum damni, qualis est privatio vitæ, semperque servari debet ad inculpata tutelam defensionis occisivæ aliqua proportio inter damnum, quod inferimus, & id, quod vitare cupimus. Tum etiam, quia jus ad rem, cujus defensionis incumbimus, minus valere solet in communi æstimatione, quam res ipsa, atque ideo inter juris regulas L. 205. sic habetur: *Minus est actionem habere, quam rem*: & Cajetanus, Armilla, Petrus de Ledesma, Salon, Malderus, ac alii non pauci, quos refert Card. de Lugo disp. 26. de iust. & jur. nu. 95. generaliter affirmant, jura, & debita minoris emi posse, quam valet debiti summa; ipse verò, qui cum aliis multis contrariam sententiam sequitur numer. 96. adiungit controversiam potius esse speculativam, quam

quàm practicam, quia in praxi rarò continget, ut ejusmodi jura tantæ sint securitatis, & exactionis adeò liberæ à molestiis, expensis, aliisve damnis, ac periculis, ut perinde sit ea habere, ac possidere rem ipsam.

CAPUT VI.

De spe necessariorum ad vitandam mortem, aut aliud quidpiam morti æquiparatum.

61 **A** Spero 3. per accidens, ac rarò posse contingere, ut ob bona temporalia, quæ speramus, liceat occisio impediens efficaciter assequutionem illorum per vim, coactionemve iniquam. Ratio est, quia juxta valde communem, receptioremque sententiam, quam in Exodo videri expressam cap. 22. 2. testatur Tapia in *Caten. moral. tom. 2. lib. 5. q. 7. art. 10. num. 1.* & citrà dubium tenendam putat Soto lib. 5. de just. & iur. q. 1. art. 8. vers. *De bonis autem. fol. mihi 375.* vim vi repellere licet ob defensionem bonorum temporalium, & procedere usque ad occisionem furis, quævis alia media defunt, ac reliquæ conditiones adsunt, quas numer. 40. dicebamus esse prorsus necessarias ad proportionatam, moderatamque tutelam earum rerum, quæ eripiuntur. Ergo etiam pro defensione rerum, quas speramus, seu potius spei, quam habemus de facto assequendi illas. Quippe ista spes jam est nostra, & inter bona nostra de præsentī computatur, summæque peculiari pretium, ac valorem habet, quo vendi potest, aut eripi cum obligatione restituendi æstimationem ejus, quamvis nondum nostra sint ea bona, quæ sunt objectum ipsius; immò licet nullo modo debeantur, sed solummodò expectentur titulo aliquo gratuito. Quapropter negari nequit jus nobis competere illam defendendi cum debito moderamine, sicut alia bona, aut jura nostra, & jus nostrum etiam lædi, cum illa per vim, aut fraudem eripitur: nam ea de causa obligatio restitutionis confugit. Accidere autem aliquando poterit, ut sit talis, tantique momenti spes ista, qualis sit, ac quanti alia bona temporalia, pro quorum defensione usque ad aggressoris mortem, servatis alijs

servandis, honestè pugnare licet, & tunc nulla potest esse ratio, quæ similem defensionem tantæ spei reddat illicitam. Nec Pontificio decreto comprehensa censi poterit, cum hic tot accidentariæ circumstantiæ exigantur, quæ in thesi proscripta, ut jacet, ac si superflue forent, omittuntur.

62 Exemplis res declarabitur. Spes acquirendi necessaria ad vitam per elemosynas divitum, magnæ æstimationis est respectu pauperis, & amissio illius magis timenda, quàm timenda sit à divite amissio plurium bonorum, quibus ad vitam non indiget, neque ad dignitatem status. Spes etiam evadendi magnum aliquod periculum plus valet, quàm divitiarum multæ, ut in tempestatibus viderelicet, ubi omnes merces, opesque jactantur, quo navis levata oneribus spem faciat salvandi vitæ, quæ alioqui periclitantur: ac naufragio jam sequuto, navique demersa, spes perveniendi ad litus super tabula securius, quàm natando, quamvis sit valde fallibilis, tabulam ipsam magni facit æstimari. Idemque in infirmitatibus valde periculososis contingit, quia nullis expensis parçitur, ut ea medicamenta applicentur, unde salus speratur, & mors evitanda creditur, mutilatio, vel perpetua aliqua, & amara invalitudo. Si ergo aliquis injustus aggressor per vim impediret diviti, ne liberaliter daret pauperi elemosynas, aut pauperi, ne illas peteret, vel sponte oblatas acciperet, certum apparet, vim istam justè propulsari posse, atque defendi spem illam eadem vi, qua defenduntur alia bona temporalia summi momenti, & ea maxime, quorum amissio morti æquiparatur, & vitam amarum redderet, laboriosam, ac difficilem. Atqui ob bona ista rectè perveniri potest usque ad defensionem occisivam violenti aggressoris, cum occisio est medium efficax ad damnum nostrum vitandum, & alia media deficiunt. Idem igitur licebit ad defendendas spes istas pauperi, naufraganti, ægroto, & aliis similibus.

63 Nam, licet habere spem sit longè minus, quàm habere rem speratam, & illa sæpius frustretur, pluriesque contingat, ut inops non impediat nullas elemosynas inveniat, & quod naufragus inni-

rens tabulæ submergatur, item quod infirmo non profuit medicamentum, unde sperabat salutem; nihilominus etiam contingit, ut spes illa, etsi fallibilis, ac variis contingentiis exposita, de præsentium multum valeat, & tantum, quantum major pars bonorum, aut resaliæ, pro quarum tuitione possumus, servatis aliis servandis, licite propulsare vim iniquam pugnando usque ad occisionem, si illa efficaciter proficit, & mitiora media non subsistant. Alia est ratio, quoties spes versatur circa bona, quæ necessaria non sunt ad vitandum magnum aliquod detrimentum vitæ, salutis, aut status; sed superflua, vel conducencia duntaxat ad commoditatem, ostentationem, aut augmentum status. Nam, licet spes istorum suum quovis valorem habeat, possitque defendi licite, observato moderamine inculpate tutelæ, nihilominus quia in eis non agitur nisi de lucro captando, nulla ratione videtur defensio adeo pernicioiosa, quales est realis occisio, tali spei proportionata.

64 Ut enim liceat occiso violenti aggressoris, saltem debet esse talis res defensiva, ut metus carendi ipsa cadat in virum constantem; ibi autem non incrimur metu mali, diminvente voluntarium; sed concupiscentia boni illud augente: & propterea, quamvis matrimonium, aut professio religiosa facta ex metu sint invalida, adhuc valide subsistunt, cum sint spe magni lucri amittendi, nisi fiant, & illorum occasione captandi ad instar cujusdam præmii eisdem actibus propositi. Quæ est satis certa doctrina legenda apud Thomam Sanchez lib. 4. de matrim. disp. 5. ad num. 27. Basilium Legionensem lib. 4. cap. 4. num. 10. Baldellum p. 1. Theol. moral. lib. 1. disp. 19. num. 10. Addendumque ulterius est, juxta superius dicta, non quemlibet metum gravem amittendi spem, aut alia bona nostra propter violentiam alterius sufficere ad defensionem occisivam, nisi malum, quod ex amissione timeatur, sit mors ipsa, aut quidpiam aliud morti æquiparabile, & justus ejus metus metui mortis. Hujusmodi autem sunt non pauca, quæ vitam reddunt calamitosam, infamem, ignominiosam, vel alio quovis titulo adeo amaram, ut merito inducere valeant radium vitæ, aut desiderium mortis, v.g. servitus, captivitas, durus, &

obscurus carcer, incommodum, atque perpetuum exilium, amissio pudicitie, aut omnium facultatum, vel majoris earum partis, mutilatio, quæ est pars mortis, & membri amputati occisio. Recolantur, quæ præmissimus circa istiusmodi æquiparationes *differt. 9. cap. 6.* semperque observetur, maturum, prudentisque arbitrium in istis desiderari, quia certam mensuram non habent, & ex variis circumstantiis nimium potest variari æstimatio iusta illorum.

65 Quæ autem diximus de spe bonorum, quæ nullo jure debentur, à fortiori locum habent, proportionem servata, circa scripturas, chirographa, aut alia instrumenta, unde comprobantur jura nostra. Nam istiusmodi scripturæ nostræ sunt, & pleno jure à nobis possideri possunt, licet adhuc non sint nostræ ex res, quæ virtute illarum exigunt, aut recuperari valent. Suum quoque valorem habent eò majorem, vel minorem, quod debitum est majus, aut minus, magis liquidum, & certius assertens paratam executionem. Crescitque æstimatio illarum, si sint necessariæ ad securitatem vitæ, libertatis, aut nobilitatis, aut magnæ partis bonorum aliqui amittendæ, vel non recuperandæ absque magno periculo, & incommodo. Ita enim potest esse necessaria malefactori condemnato ad mortem scriptura continens condonationem Principis, & servo charta manumissionis, testimonium nobilitatis viro ignoto, & aliis scripturæ authenticæ, unde constat pertinere ad ipsos illa bona, quæ actu habent, vel sibi debentur cum jure in re, vel ad rem, etsi nondum sint in possessione illorum.

66 Fieri ergo debet prudens æstimatio perpenſis circumstantiis omnibus, & casu, quo nostræ sint, à nobisque possesse, idem modus defensionis pro ipsis licebit, qui licet circa alia bona nostra temporalia, quæ sunt ejusdem valoris. Casu verò, quo illas nondum habeamus, sed præcisè jus ad ipsas incohatur, aut perfectum, hujus quoque juris, jam tunc nostri, fieri debet æstimatio, si aliquis per vim impediatur tabellionem, ne illas scribat, aut nos ne ipsas habeamus, & juxta mensuram ejus, & regulas à Summo Pontifice in præſentiatum præscriptas modus defensionis erit assignandus, semperque ob-

fer-

servandum, occisivam nunquam esse permittendam, nisi pro vita, aut pro rebus amissioni vitæ æquiparatis, secluso prætereâ scandalo, ac appetitu vindictæ, concurrentibusque aliis conditionibus, quas toties requiri diximus, ut fiat occisio cum juris naturalis adminiculo, & non purè privata auctoritate.

CAPUT VII.

Utrum mors alterius directè amari possit in supra dictis eventibus?

67 **H**Inc Cajetanus, Salon, Victoria, Comitulus, Bafiez, Vincentius Baronius, Pisani, & alii non paucimoment, favente satis Angelico Præceptore 2. 2. q. 64. art. 7. corp. extra occasionem belli, vel vindictæ publicæ nunquam esse licitum intendere, aut directè velle alterius occisionem, etiam per modum medii necessarii ad tuitionem propriæ vitæ; sed præcisè defensionem nostram, & actiones ad illam conducentes, quatenus conducentes sunt ad ipsam; non verò ut illicius mali alieni, etsi illud ex eis resultat præter intentionem, ac per accidens. Quam doctrinam Cajetanus ibi explicat exemplo medici, qui in remediis infirmum debilitantibus non amat debilitationem ejus, sed sanitatem duntaxat: & ex his, quæ in nostro casu satis frequenter contingunt, melius potest explicari. Quia ex defensione occisiva non solum sequitur mors temporalis scarii aggredientis vitam nostram; verum etiam mors æterna, cum ille sit in peccato mortali, sæpiusque post vulnus desit tempus veræ poenitentiae, possitque insuper accidere, ut Turca sit, aut hæreticus, qui de contritione, aut confessione non curabit. Et, quamvis, utraque morte illius non obstante, licita sit vim patienti defensio occisiva ipsius, ut tueatur propriam vitam alioqui periclitantem, non idèò licebit ipsi directè velle, aut amare mortem æternam illius; sed conservationem propriæ vitæ, & bonum proprium duntaxat.

68 Scio, præscissionem istam visam fuisse Soto lib. 5. de just. & jur. art. 8. q. 1. vers. *Huius solutio*. metaphysicam, obscuram, & multorum deceptioni expositam, ac propte-

reâ etiam displicuisse Ludovico Lopez in in-
fructuorioris conscientie p. 1. cap. 62. aliisque Thomistis, qui S. Thomam aliter explicare conantur. Sed profectò S. Thomas satis manifestè dixit eo art. 4. corp. & in solutione ad 1. *illicitum esse, quòd homo intendat occidere hominem, ut se ipsum defendat, nisi ei, qui publicam auctoritatem habet, ut milites, Ministrique justitiz*. Ex adverso autem valde difficile apparet, quòd electio, ac verus amor medii unicè necessarii ad finem honestè intentum, qualis est propria defensio, non sit honestus, ac licitus, vel quòd licitum sit amare necem in causa inductiva per se illius, nempe in vulnere lethali, & quòd licitum non sit, sed turpe, ac inhonestum, velle quoque, & positivè amare necem ipsam. Propterea ultra præcitos existimant esse licitam in eo eventu directam voluntatem occidendi violentum aggressorem nostræ vitæ, sicut licita etiam est in bello defensivo, Molina tr. 3. de just. & jur. disp. 11. num. 4. Valencia tom. 3. disp. 5. q. 8. punct. 4. post initium, & relatis aliis pluribus, Raynaudus tom. 14. tr. de ortu infantium per sectionem Cæsaream. cap. 9. à numer. 16.

69 Posset tamen conciliari non incongruè utraque opinio ex Lessio lib. 2. de just. & jur. cap. 9. num. 52. & deinceps, si dicamus, idèò mortem invasoris absque auctoritate publica nunquam posse intendi licitè, neque absolutè amari, nisi solum in sua causa, quia per se, ac ratione sui non est medium necessarium ad tuitionem vitæ nostræ, aliorumve bonorum: huic enim per se sufficeret comprimere vim alterius, & enervare ejus vires, quantum satis est, ne ab eo lædamur, neque aliud quidquam conceditur puræ defensionis jure, ac inculpatæ tutelæ legitimo moderamine. Sed quia per accidens evenit, ut compressio ista, ac enervatio fieri nequeat absque vulnere lethali (nam vulnera certam mensuram non habent) propterea non est tunc illicitum id vulnus inferre, ac velle, non quatenus occisivum, ac offensivum alterius, nec desiderando, ut is moriatur; sed quatenus repulsivum, seu compressivum violentiæ, quam in vita, aut bonis ab eo patimur. Nam sub hac solum ratione ad moderatam defensionem spectat, & ex intentione illius ad ipsam determinatur. Neque necessarium est,

est, quoties medium conducit ad duos fines, ut propter utrumque ametur: sicut neque ut causa, unde sequuntur duo effectus nimis diversi, ex intentione eligentis ad utrumque simul referatur.

70 Quod si ulterius perconsteris, quidnam de hac materia senserint S. Augustinus, & alii Orthodoxi PP. Respondet Vincentius Baronius, ut se ab hac quaestione expediat 2. p. *Theolog. moral. disp. 1. sect. 3. fol. mibi 159.* multa ex illis collegisse Vvendrochium in *notis ad 14. epist. Ludovici Montalcii*, quæ, inquit, *tota fere est de hoc argumento ex SS. PP. collecta, omnino probanda.* Sed certè omnino improbandam, nominatimque prohibendam simul cum aliis epistolis ejusdem Montalcii censuit Alexander VII. & suo decreto firmavit edito die 6. Septembris anno 1657. & in locis consuetis promulgato. Unde nunquam satis possum in hoc Auctore

mirari, quod pro vera intelligentia PP. nos remittat ad epistolam à Sancta Sede damnatam, nec quòd ausus fuerit ipse illam omnino approbare. Nam ignorasse proscriptionem ejus haud facile credi potest, cum suum librum novis curis prælo in Gallia iterùm dederit undecim post prohibitionem annis, utor enim editione Parisiensi anni 1668. Sed & Vvendrochii additiones eidem doctrinæ insistentes, illamque locupletantes, multis de causis insulas, improbandasque esse ostendit Bernardus Stubrochius in *notis ad easdem notas, ex folio 200. longo, & accurato examine.* Neque suffragium illius quidquam juvat. Nam Montalcus, Vvendrochius, Altimontius, Irinzus, Clarimontius non sunt nisi unicus Auctor, qui sub larva diversorum nominum, ne affectis appareat destitutus, se multiplicare exambit.



DISSERTATIO XX.

DE ABORTU FOETUS INANIMATI.

Abortus est ortus, partusve immaturus, qui ex causis naturalibus, aut casualibus impræmeditatis interdum contingit, & proinde omni culpa vacat; interdum verò à consilio, ac de industria procuratur; & tunc illicitus est, non solum post animationem fœtus, sed etiam ante illam, si nulla valde gravis necessitas compellat ad illum procurandum. Dubitari tamen cœpit, utrum ante animationem liceat, saltem cum ex manifestatione conceptus vita, aut fama puella gravide notabiliter periclitatur, aut honor familia nobilis: & huc spectant duæ propositiones in præsentienucleanda.

CAPUT PRIMUM.

Utrum liceat procurare abortum ante animationem fœtus, ne puella deprebensa gravida occidatur, aut infametur?

I *L*icere totidem verbis affirmat thesis 34. ex damnatis à Pontifice, idque obiter docuit Torreblanca lib. 12. juris spirit. cap. 16. num. 44. editionis Cordubensis anni 1635. ac probabile duxit Lezana in summa question. regul. volum. 2. verb. Abortus, num. 5. casu, quo nullo alio modo possit impediri infamia, aut mors talis fœminæ: cui assentitur Trulenc lib. 5. in Decalog. cap. 1. dub. 4. num. 1. in fin. & Joannes Maria de Castilento in Polianthea Seraphica. verb. Abortus. diff. 3. Leander à Murcia in disquis. moral. lib. 2. disp. 5. resol. 31. num. 14. & 24. Barbosa in collect. ad 5. decretal. cap. Si aliquis. 5. de homicidio.

2 Cœterùm contra riam sententia communissima fuit inter Theologos, etiam ante decretum Innocentii, eamque etiam appellavit Illuminatus Moronus resp. 87. numer. 31. notaque improbabilitatis eam inussit, quam defendit propositio condemnata, Vincentius Candidus tom. 2. disquis. 1. art. 1. impietatis verò Gonet tom. 3. in dissert. Theologica de opinionum probabilit. num. 117. immò jam olim damnatam in Congregatione S. Officii ex aliis refert Diana p. 6. tract. 8. resol. 37. estque proculdubio reiicienda, ut rectè annotavit Azor 3. p. in situ. lib. 2. cap. 4. q. 1. & 2.

sive solum procuraretur remedium impediens conceptionem fœtus post concubitum, si ve ut fœtus jam conceptus, sed nondum animatus, eiiciatur. Atque in hoc sensu illam improbant Thomas Sanchez lib. 9. de matrim. disp. 20. num. 10. Layman lib. 3. sect. 5. tr. 3. p. 3. cap. 4. num. 2. q. 2. Moya in select. 1. p. tr. 6. disp. 3. q. 4. Verricelli 1. p. tr. 8. q. 11. num. 6. Theophilus Alarius in canonib. cons. lib. 7. verb. Homicidium. num. 9. Basilus Legionensis lib. 10. de matrim. cap. 13. num. 2. cui Lezana suprà oppositum sine fundamento adscribit, sicut & Bordonio Diana, nam Bordonus clarissime est ab hac sententia in consil. regularib. resol. 45. q. 4. num. 4. Accedunt præterea scribentes de just. & iur. ut Molina tr. 3. disp. 27. à num. 6. Lessius lib. 2. cap. 9. num. 61. Card. de Lugo disp. 10. num. 131. Dicastillo lib. 2. tr. 1. disp. 10. num. 174. & cum Caspensi Diana p. 7. tr. 5. resol. 32. dicens oppositum esse prorsus improbabile, ac demum Theophilus Raynaudus tom. 14. tr. de ortu infantium per sectionem Cæsaream cap. 10. numer. 41. subjungens, contrariam esse virulentam, & exitialem opinionem, prostibulo, quàm scholæ, congruentiorem.

3 Ne tamen ultra suos terminos censura Pontificia cum suis poenis protendatur, notandum 1. est, propositionem, ut jacet, non loqui de his, qui sterilitatem permanenter inducunt, nec de his, qui, suscepto voluntariè semine, fœtus conceptionem impediunt; sed de his, qui abortum procurant; abortus autem conceptionem supponit, & nisi à muliere gravida, ac prægnante fieri nequit. Unde abor-

tus

rus procurator ille solum proprie dicitur, qui studiosè agit, causa aliqua externa, aut præternaturali adhibita, ut foetus jam conceptus ex utero abigatur, eiiciaturque immaturè; qui verò tantum procurat, ut foetus non concipiatur, & ne foemina ex suscepto semine gravida fiat, procurator abortus dici nequit, ut specialiter animadvertit Diana *disso. tract. 5. resol. 2. & 31.* ac plenius sumitur ex his, quæ disputat è re Medica, & Legali circa naturam abortus, atque partus abortivi Paulus Zacchias *lib. 1. questionum Medico-Legalium tit. 2. q. 10.* Non tamen idèò contendimus, absque gravi peccato adhiberi posse ejusmodi impedimenta, quamvis ibi propriè abortus nullatenus inveniat. Nam in *cap. si aliquis. 5. de homicidio. ut homicida tenetur, qui causa explendæ libidinis, vel adii meditatione, ut non ex eo soboles nascatur, homini, aut mulieri aliquid fecerit, vel ad potandum dederit, ut non possit generare, aut concipere.* Atque, ut eleganter Tertullianus scribit in *apolog. cap. 9. Homicidii festinatio est prohibere nasci; nec refert natam quis eripiat animam, an nascentem disturber: homo est, & qui futurus: & fructus omnis jam in femine est.*

4 Notandum 2. thesim damnatam permittere abactionem foetus nondum animati, non solum ad evitandam occisionem maris; sed etiam ad evitandam infamiam: alterutram enim causam sub dysfunctione proponit, & unamquamque absque consortio alterius sufficientem esse putat, ut ex contextu ipsius patet. Quare, si quis affirmaret, ex periculo violentæ mortis inferendæ à marito, vel à patre honestari abortum in eo eventu, non verò ex periculo solius infamiae, hujusce decreti poenas, & censuras non incurreret, sive opinaretur bene, sive malè. Siquid autem minori inverisimilitudine defendi posset, hoc esset, ut jam antè præmoneret Didacus Avendaño in *aust. Indico. p. 1. num. 592.* Nam periculum infamiae provenientis ex publicitate illicitæ commixtionis multis modis declinari potest, aut refarciri ex post facto: & nunquam tanti est, ut pro eo averrendo debeat impediri hominis vita jam contenta intra suas causas, & Deus privari mancipiis,

quæ ad majorem sui gloriam, & generis humani utilitatem parat educere in lucem. Eo vel maxime, quia embrio delictum non publicat, cum possit occultè nasci; sed alii, qui secretum non servant, & famam alioqui illosum suam dicacitate corrumpunt. Et, cum occidi nequeat, ex dictis circa propositionem 30. ille ipse, qui injustè invadit, & nitiur calumniam inferre, fingendo foeminam illosum fuisse læssisse suam pudicitiam, longè minus tolli poterit & vitæ, & lucis usura billo, qui non invadit injustè, neque falsum manifestat; sed verum aliena culpa deditum publicitati.

5 Notandum 3. in thesi condemnata non esse sermonem generaliter de morte puellæ gravidæ imminente ex quibuscunque causis; sed de occisione, quæ violentam mortem denotat, provenientemque à causis extrinsecis. Quocirca locus relinquitur, stando præcisè huic decreto, & propositioni, ut jacet, celebri illi controverfiæ, qua inter Auctores disquiritur: Utrum liceat directè procurare ejectionem foetus nondum animati ad præcavendum periculum matris Medicorum rationabili judicio certò morturæ ex morbo, si graviditas ulteriùs progrediatur? Et si enim licere affirmes, nunquam diceres, eum abortum esse licitum, ne puella deprehensa gravida occidatur propter suam impudicitiam; sed ne moriatur ex morbo superveniente post coitum, seu licitum, seu illicitum, qui est longè diversus casus. Porro id licere in ea summa, aut valde gravi necessitate parentis, cum indubitanter constat, foetum non esse animatum, sententia est S. Antonini, Sylvestri, Fumi, Joannis de Neapoli, Navarri, & aliorum, quos appellant, & sequuntur locis antè consignatis Thomas Sanchez *num. 9. Azor q. 5. & latè Raynaudus à num. 38.* apud quem videri possunt oppositum opinantes Lessius, Joannes Sanchez, Basilii Legionensis, Sayrus, Comitolus, Amicus, Filiucius, & quidam alii, quibus addendus Zacchias ubi *suprà lib. 6. tit. 1. q. 7. num. 16. & Vasquez in opusculis. cap. 3. de restitut. in fine.*

6 Notandum 4. cum Lezana, ac alii ex adductis *suprà num. 1.* doctrinam thesicos damnatæ ad summum potuisse admitti casu, quo foetus ejectio esset medium uni-

unicum, & necessarium ad occultandum delictum graviditatis, & evitandam, mediante occultatione, occisionem, aut infamiam graviter matri imminentem, si notitia illius ad alios extendatur. Nam, si consideretur præcisè sub ratione boni utilis ad declinandam ista incommoda, & aliis mediis mitioribus illa possunt devitari, temerè permitteretur adeò perniciofa atrocitas, qualis est vim facere naturæ ad evitendam propagationem generis humani, & impedire hominis vitam jam jam debitam suis causis. Porro thesis hanc limitationem non adiecit, nec necessitatem ejus indicavit; sed indistinctè permixtè, imminente morte, vel infamia matris, procuracionem abortus ante animationem fœtus, nulla discretione facta inter abortum, qui præcisè est utilis ad occultationem conceptionis, & eum, qui non tantùm est utilis; sed unicè necessarius, necque inter infamiam publicam à secreta.

7 Quare propositio, ut jacet, cùm utrumque casum comprehendat, evidentissimè fallit, & plus quàm scandalosa, ac perniciofa merito censeri potuit, & omnium rectè sententium calculo communi reprobata. Nam licet mors certò immineat ex manifestatione prægnantiæ, & non solum suspitionibus, vanisve timoribus futura existimetur, ut fœminis sæpius accidit, adhuc sedulò inquirendum est, prius quàm ad abortum deveniatur, utrùm alia media suppetant ad occultationem sufficientia, & eis utendum, ne homo proximè futurus, & contentus in suis causis, tanquam parvus ex sua ancilla, Deo supremo Domino, & opifici auferatur, universo novus incola, Regi subditus, patriæ supplementum dedecentium, patri invito sua progenies, Ecclesiæ filius, cœlo civis ad assequutionem ejus ex primaria Dei opificis intentione destitutus. Esto namque in hoc eventu propriè non sit homicidium, quia fœtus nondum est homo, cùm animo rationali destitutus supponatur; ad homicidium tamen meritò reducitur, & instar illius habetur, quia spe proxima, ac fundata in naturali exigentia causarum jam erat homo. Et sicut lethale est cuius privatio nullam vim patienti, vim inferre causis naturalibus ad accelerandam mortem, & tollendam continuationem vitæ alienæ, ita quoque erit lethale eisdem causis vim inferre ad

tollendam inceptionem vitæ, & continuationem ejus ex inceptione speratam.

CAPUT II.

Illicitum esse abigere fœtum inanimatum, quamvis aliter vitari nequeat occiso, aut infamia matris.

8 **S**uadetur 1. ex PP. Ecclesiæ. Nam quoad hunc effectum ipsi non distinguunt inter fœtum inanimatum, & inanimatum; sed proximè animandus apud illos pro animato habetur, sicut proximè accingendus pro accincto, & eadem illimitata generalitate, qua existimant, esse omnino inexcusabile abigere fœtum animatum, illumque occidere in utero, pronunciant quoque esse illicitum, atque ad instar homicidii computari, procurare ejus abortum, cùm nondum est animatus; sed solummodò conceptus. Porro fœtus animati abortionem directè procuratam esse graviter illicitam, & nullo pacto excusabilem, constantissima est doctrina PP. & aliorum Theologorum, cui ausi non sunt contradicere etiam assertores ipsi propositionis damnatæ; sed opinionem suam consultò restrinxerunt ad fœtum inanimatum. Refert quidem Castilento *suprà diff. 4. post med.* nescio quemdam Theologastrum id protervè defendentem, quia jus propriæ defensionis, naturalisque facultas vim vi repellendi etiam contra viuentes extenditur. Sed hoc, & alia fundamenta ipsius idem Castilento diluit, & oppositum plenè demonstrat evidentissimis rationibus, ac PP. auctoritatibus Raynaudus loco citato cap. 10. ex fol. 291.

9 Assumptum autem suadetur primò ex S. Basilio in *epist. 1. ad Amphiblocium canon. 2. ibi: Quæ de industria fœtum corripit, cædis penas luat; formati, vel infirmis subtilitas à nobis non attenditur. Hic enim non solum quod nasciturum fuit, vindicatur; sed etiam ipsa, quæ sibi insidias paravit, quoniam ut plurimum ejusmodi inceptis una quoque mulieres intereunt.* Hæc Basilius hujus criminis gravitatem adaugens ex periculo occidendi semetipsas, quod ex violenta abortionem sæpius incurrunt prægnantes. Quo ex capite

piter S. Hieronymus *epist.* 12. istud etiam crimen aggravat, consentiuntque Mercurialis *lib.* 1. *de morbis mulier.* cap. 2. & alii ex Medicis, adeo ut Zacchias *lib.* 3. *tit.* 2. *q.* 9. *num.* 2. dixerit, vix esse possibile, aut credibile nihil succedere, quod præter naturam sit, in abortu, qui medicamentis, & ex arte procuratur.

10. Accedit gravis auctoritas S. Augustini *lib.* 1. *de nuptiis, & concup.* cap. 15. his præter cætera: *Aliquando eo usque pervenit hæc libidinosæ crudelitas, vel libido crudelis, ut etiam sterilitatis venena procuret: & si nihil valuerit, conceptos fetus aliquando intra viscera extinguat, ac fundat, volendo suam prolem prius interire, quam vivere; aut si in utero jam vivebat, occidit antequam nascatur.* Notanda sunt verba illa Prius interire, quam vivere, quibus magna emphasi distinguitur fetus non viventes à viventibus, & eos etiam, qui non vivunt, ac si jam viverent, interire declarat. Unde *serm.* 244. *de temp. sic* consequenter affatur: *Nulla mulier potationes ad abortum accipiat, nec filios, aut conceptos, aut jam natos occidat, quia quemcumque fecerit hoc, ante Christi tribunal sciat se illic eorum causam, quos occiderit, esse daturam. Sed nec alias diabolicas potationes mulieres debent accipere. Mulier autem quemcumque fecerit hoc, per quod jam non possit concipere, quanto scilicet parere poterat, tantorum homicidiorum se ream esse cognoscat.*

11. Alia pleraque his affinia ex PP. ac Concilii accepta, & Apostolico iudicio confirmata legi possunt apud Sixtum V. in procemio Bullæ *Effrænata*, quæ est 87. hujus Pontificis, cujus laciniam exscribo: *Nimis, inquit, imprudenter contra Dei voluntatem se opponunt, qui, ut S. Hieronymus ait, dum natura recipit semen, receptum confovet, confortum corporat, corporatum in membra distinguit, dum inter ventris angustias Dei manus semper operatur, idemque corporis creator, & animæ est, impie despiciunt bonitatem signuli, id est, Dei.* Hactenus Pontifex, cujus severum iudicium maximi faciendum est in re proposita universæ Ecclesiæ, & ad morum honestatem spectante. Nam, licet præfata constitutio à Gregorio XIV. Bulla 8. moderata fuerit quoad specialem reservationem hujus criminis Sedi Apostolicæ factam, necnon

& quoad alias pœnas, quibus exequavit Sixtus impediens conceptionem, abigentesque sortura inanem cum his, qui à consilio eiciuntur fetus anima informatos, non ideo improbatæ est; sed confirmata potius quoad doctrinale iudicium de hujus gravissimi sceleris (ita illud vocat Gregorius) efferata immanitate; sed solum redacta ad terminos, pœnasque juris antiqui.

12. Suadetur 2. assertio principalis. Quia, ut ibi præfatur Sixtus, & manifestum est cuivis: *Omnes tam Ecclesiasticæ, quam profanæ leges gravibus pœnis afficiunt eos, qui in utero matris puerperium interimi, aut ne mulieres concipiant, sive ut conceptos fetus eiciant, nefarie machinantur.* Nullaque bene ordinata Respublica frivolam illam excusationem admittit, aut limitationem adjecit, qua impune abire permittat eos, aut eas, qui metu infamiz, aut occisionis talia perpetrare student. Quinimmo cum mater gravis pœnam mortis est commerita ob adulterium, vel ob aliam causam, ne fetus innocens pereat, differtur sententiæ executio, & partus ejus expectatur. Quare, etsi permitteretur in prædictis circumstantiis abortum non esse illicitum solo jure naturali, saltem negari non posset, esse graviter illicitum ex vi juris positivi eidem naturali juri valde consentanei. Praxis namque illius sententiæ subjecta est magnis abusus contrariis speciei humanæ, ac propagationi ipsius, quos frequens experientia demonstravit ex abortuum permissione oriri. Nullibi autem leges, legislatoresque exercent vim generalem prohibendi, quam circa actus illos, etsi alioquin licitos, unde deterrimi abusus sapienter emanare solent, & maxime cum sunt præjudiciales bono publico totius Reipublicæ.

13. Suadetur 3. Nam quod aliter vitari nequeat occisio, aut gravis infamia prægnantis, non est practica excusatio, sed prætextus metaphysicus, & imaginariè apprehensus, aut culpabiliter pro vero habitus à puella consilii inope, & naturali verrecundia, ac pusillanimitate præoccupata. Exenim, ut ea excusatio aliquantulum prodesse posset, duobus opus erat, nempe ut abortus putetur iustus de causis esse omnino necessarius ad prægnantiæ occultationem.

tionem, & quod occultatio illius sit perz-
quæ necessaria ad evitandam occisionem
matris, aut infamiam iis malis æquiva-
lentem, quæ contra finem naturæ, ac
bonum prolis sequuntur ex furtiva eje-
ctione proprii fœtus studiosè procurata.
Tanta autem abortus necessitas ante ani-
mationem fœtus firmo, ac constanti ju-
dicio ægrè prævideri valet, cum pericu-
lum sit adeo distans, varius gentis perso-
narum, unde pendet ejus veritas, & tot
artes adinventæ, quibus potest declinari.
Et quidem conceptio ipsa tunc temporis in-
certa est omnibus, & quamvis fortè con-
tingat, facilè confundi solet cum aliis in-
firmatibus, usque adeo ut neque ipsi Me-
dici illam discernere valeant. Partus quo-
que ipse multis mediis occultari potest illis,
à quibus timetur exitum puerperæ, & vix
unquam ulli desunt fideles amicæ, aut
matres, quæ auxilium secretò præbeant in
re jam inevitabili. Judicare autem, om-
nia hæc media esse postea defutura, & alia
pleraque, quæ passim excogitantur felici
successu in dies, & insuper à longè co-
gnoscere mortem sibi esse intendendam à
parente, vel marito, quin sit locus sese de-
fendendi, vim vi repellendo usque ad
occisionem, si opus fuerit, aut saltem
sese abscondendi, vel aliter in tuto collo-
candi, potius divinare est, aut levibus sus-
picionibus, atque timoribus duci, quàm
solidè, ac prudenter judicare.

14 Suadetur 4. Nam sententia opposita
favet nocentibus contra innocentem, so-
vet libidinem, atque viam sternit intole-
randis spurciitiis. Favet quidem nocenti-
bus contra innocentem, quia homo proxi-
mè futurus neque invadit vitam matris,
nec quidquam malè meretur de ipsa, aut
aliis, qui putantur mortem ejus aggressu-
ri, neque enim ipse vim facit, aut faciet
crescendo in utero; sed maritus v. g. qui
occasione exinde accepta patraturus est
mortem injustam; huic autem parcere,
& potius vitæ illius insidiari, qui non no-
cet, aut nocebit, impediendo animatio-
nem ejus cum aliis bonis, tam publicis,
quàm privatis, quæ ex ea merito sperantur,
per se videtur contrarium institutioni natu-
ræ. Explicatur inquirendo ab adversariis,
utrum ante animationem fœtus prævenire
liceat, & occidere patrem, aut maritum,
qui putatur puellæ gravidæ illaturus mor-

tem, si successu temporis ex partu, vel
aliis signis pregnantiz agnoscat lapsum ip-
sius? Nam, si hoc licere credatur, cum
vim justè defensionis habeat, id utique
prius tentandum esset, quàm violenta oc-
cisio fœtus, qui non offendit crescendo
usque ad suam animationem; sed potius
defendi debet à quovis extraneo incurfu.
Quod si putetur illicita præventio adeo
anticipata, utpote occisiva illius, qui
nondum aggreditur, nec actu aggressionem
parat, sed præcisè de futuro, & in tem-
pore distanti injustè aggressurus creditur,
à fortiori non licebit prævenire idem pe-
riculum egerendo proprium fœtum, ne-
que id erit necessarium. Jure namque præ-
ventionis defensivæ caret tunc fœmina gra-
vida, nam alioqui illo uti posset contra
aggressorem futurum, potiusque armari
deberet contra illum, quàm contra fœ-
tum innocuum procurando illi presenta-
neum, certumque exitum pro periculo re-
moto, incerto, & insufficiente, ut eos
ipso præveniat, à quibus mortem injustam
timet forsan irrogandam.

15 Dixi præterea, eam sententiam esse
fomentum libidinis, quia tollit fortè repa-
gulum, quo plures fœminæ arcantur, ne
viris extra conjugium illicitè miscantur.
Constat enim, sæpe sæpius illas abstinere
ab his flagitiis metu mortis, aut infamiæ,
indignationis parentum, vel alteriusdani
gravis sequuturi, si concipiant, &
fragilitas ipsarum detegatur. Amovere au-
tem hoc frœnum, quo sæpe fortis cohi-
bentur, quàm Dei timore, aut amore,
nil est aliud, quàm connivere luxuriæ,
ejusque habenas laxare suggerendo contra
bonum prolis artes, quibus expleatur li-
bido, & tollatur simul metus partus,
aut pregnantiz. Et quales sunt artes istæ?
Pudet illas nominare. Nam propterea di-
xi, viam sterni ex ejusmodi doctrina spur-
citiis intolerandis. Liceret enim in primis
impedire conceptionem fœtus, eò longè
minori causa, quò minus est non concipere,
& ab animatione remotius, quàm
hominis jam concepti, & inchoati, ut
ita loquar, ejectionem procurare. Liceret
insuper fœminæ hoc timore præoccupata
conari totis suis artibus ad expellendum
semen jam receptum; immò & viro ipsi se
retrahere, illudque extra vas effundere, &
non consummare coitum, ne conceptio
subse-

subsequatur, unde infamiam propriam timeret, inimicitias violentas, aut alia similia mala, propalante puella complicem sponte sua, vel coactē.

16 Conjugium præterea ipsum in scortationem verteretur, si extra illud hęc licentia concedatur. Nam & conjugibus non deessent causę, quibus ista cohonestare possent, si aliquando possunt honestari: v.g. si mulier sit experta vitę periculum, aut extraordinarios labores, ac dolores tempore ptegnantię, aut partus; vel si prę nimia paupertate non valeant tot parvulis alimenta prestare, nam & hęc causa visa fuit sufficiens Aristoceli in *Policris lib. 7. cap. 16.* ad abortum ante animationem ptocurandum: & si metus mortis, aut infamię sufficit, non poterit assignari ratio, ob quam satis esse nequeat metus maximi doloris, aut gravis, vel extremę paupertatis. Et in summa, quidquid postulat, ne seminis effusio directē procurata sit ullo in casu permissa, à fortiori videtur postulare, ne hujuscemodi immunditiis proximioribus generationi ullus locus relinquatur, ut optimē urgent, & vindicant à subterfugiis contrariis Lessius in *disso. nu. 61.* & Card. de Lugo *num. 131.*

C A P U T III.

Enodantur argumenta opinionis contrarię: & ibi, an metus infamię equiparari valeat metui mortis?

17 **P**rimum esto. Nam, si patens, aut dominus puellę gravidę, morte directē intentata ad eum effectum, eam cogeret ad abortum sętus inanimati, ut Judi in nostra Hispania olim cogere solebant Murtas sibi subservientes, referretur *L. 8. tit. 8. part. 7.* licitum esset cedere, & vitam suam vindicare, abigendo proprium sętum, qui, matre moriente, nunquam erit animandus, neque est capax injurię pro illo tempore. Ergo etiam licebit eum abigere, cū similis metus urget in futurum, & occiso puellę à longē pręvidetur exequenda cum majori damno prolis nam tunc animatę, & eriturs Baptisino, ac aliis bonis etetnis. Nam, si licet sętus ante animationem sit pars viscerum, & illa projiciatur, nil vetat,

Tytanno urgente, abscindere sibi partem, v.g. crus, aut brachium, ne individuum totum pereat, & cum ipso omnes ejus partes commoriantur.

18 Quod si hoc licet ad vitandam mortem, pariter quoque licebit ad præcavendam infamiam imminentem ex notitia partus, aut graviditatis. Quia gravis infamia rectē morti equiparatur, & ea deterior censetur, ut latē inter modernos ostendit promiscuē de honore disserens Molina. Guzman in *verit. juris. verit. 27.* sūti- que opinio antiquitati placita, ut habetur *L. 26. tit. 13. part. 2. ibi: Porende pusieron los antiguos por mas esotra la ferida de la fama, que la ferida de la muerte, porque esta no es mas que una vez, à aquella es de cada dia.* Et *L. 2. tit. 19. part. 2. ibi: Ganarian elos mala fama para siempre, que serian malo, como muerte, à peor.* Pejus autem esse insinuat Apostolus *1. Corintheor. 9. 13.* dum sic scribit: *Bonum est mihi magis mori, quàm ut gloriam meam quis evacuet, id est, Justiniano Interprete: Sentio præstabilius mihi esse mori, quàm gloria, & existimationis meę jacturam facere.* Atque in jure etiam civili equiparata censetur periculum vitę, & periculum infamię, *leg. Justa causa 9. ff. de manumiss. vindict.* & hanc esse communem sententiam scribentium testatur Cabrerios *lib. 2. de metu, cap. 43. numer. 21. & 22.*

19 Responderi tamen potest primò per instantiam. Quia semen nondum decisum sine dubio est pars corporis humani; & nihilominus neque ad violentam mortem evitandam, ni effundatur, licitum est directē procurare decisionem, seu effusionem illius. Secundò retorquendo argumentum. Quia Lessius, Molina, Ioleus, Layman, & alii affirmantes contra Soto, Sylvium, Bauni, Turtianum, Gasparem Hurtado, & Diana, qui utrosque appellat *p. 11. tr. 6. resol. 50. non longe à fin.* licitum esse privatis abscindere sibi membrum aliquod propter imperium alterius comminantis mortem, nisi id fiat, loquuntur de membro vivo; non verò de membro emortuo, aut nondum animato. Ergo, si ea doctrina quidquam prodest, etiam deberet extendi ad sętum jam animatum: nam prætextus defendendi vitam suam, etiam contra viventes locum habet, & qui dicunt, sętum esse partem matris,

matris, de animato, seu inanimi id indistinctè pronunciant, interim ac est in utero, un constat ex L. 1. §. 1. ff. de ventre in spic. ibi: *Partus, antequam edatur, mulieris portio est, vel viscerum.*

20 Ad hæc. Non rectè applicari eam doctrinam casui nostro exinde patet, quia Lessius, & alii Auctores eam tradunt de abscissione membri, aut partis ex natura sua institutæ primario in bonum suppositi, & ad ejus conservationem, ac obsequium destinatæ; fœtus autem, quamvis demus, illum esse partem matris, non est pars hujusce generis, neque ad hunc finem dirigitur, sed ad nobiliorem alium, qui est propagatio speciei, & alterius individui procreatio. Unde neque matri infervit; sed potius ei servit mater, ipsique alimenta præstat, & pondus, ac alia incommoda sustinet in ejus gratiam; neque, illo nascente, manet manca, vel defectuosa, ut contingit, cum privatur pede, aut brachio; sed suam totam integritatem individualem conservat, sicut cæteræ mulieres, quæ nec concipiunt, nec pariunt.

21 Addiderim, semen decisum jam non esse partem matris, aut patris; sed solum fuisse, & longè minus fœtum, postquam est conceptus, atque coagulatus ex utroque semine commixto; sed contineri intra uterum, unde sua alimenta fugit absque ulla physica unione, vel continuatione sufficiente, ut ipsi tribuat rationem membri, seu partis. Quod utique ratione Theologica sumpta ex natura Baptismi monstrat S. Augustinus lib. 6. contra Julianum cap. 14. hisce aureis verbis, quæ nulla mea ponderatione opus habent: *Nam, inquit, si ad matris corpus id, quod in ea concipitur, pertineret, ita ut ejus pars deputaretur, non baptizaretur infans, cujus mater baptizata est, aliquo mortis urgente periculo, cum eum gestaret in utero. Nunc verò, cum etiam ipse baptizatur, non utique bis baptizatus habebitur. Non itaque ad maternum corpus, cum esset in utero, pertinebat; & tamen creabatur in Templo Dei, non Templum Dei.*

22 Mitto pleraque alia, quæ unusquisque sibi faciliè adaptabit ex rationibus adductis toto præcedenti capite, & ex omnibus elicio absurdam esse extensionem thesisi contrariæ ad infamiam, cum abortus directè

procuratus tanquam intrinsecè malus, sicut voluntaria effusio seminis, adulterium, aut mendacium, neque ad evitandam propriam occisionem liceat. Et alioqui, quia in maritum etiam resultat infamia ex suæ uxoris adulterio, & in Patrem, aut in nobilem familiam ex suæ filii inconcinnitate, pariter liceret istis cogere illam ad occultum abortum; & cum non liceat occidere matrem, cujus scelus est causa totius infamiæ, licere fœtum abigere de se innocuum, & criminofum duntaxat de furtivo matris crimine. Sæpe namque pravi mores, & maxime impudicitia uxorum, atque filiarum, imputantur, cum non parvo suo dedecore, incuriæ, ac fœcioris illorum, quorum potestati subsunt, & ex adulterio infurgere obligationem restituendi marito famam amissam docet Card. de Lugo disp. 14. de justit. & jur. num. 168. idque negari non posse præmiserat num. 163. Atque, ut eleganter Tertullianus scriptis lib. 1. de cultu fœmin. cap. 1. *Cum in alicujus agro latrocinium gestum est, crimen quidem dominum non cōstringit; dum restamen ejus ignominia notatur, ipse quoque infamia aspergitur.*

23 Unde jam obflare nequit prætexta equiparatio infamiæ, ac mortis, cui insisterant Auctores contrarii: nam, illa admitta, adhuc intentum non obtinent, & eam esse veritatem consonam inficiantur alii plurimi, ut Raynaudus specialiter de hoc casu differens loco citato à num. 43. fol. 306. & qui rem sedulò tractat, ac omnia argumenta diluit, contendens honorem, famam, laudem, & alia his similia bona honoraria esse se minima, non tantum corporis vita, verum etiam aliis bonis corporis, ut lumine oculorum, aut commoda valetudine, Navarro in cap. Inter verba. 11. qu. 3. conc. 4. à num. 20. Lessius quoque de justit. & jure. lib. 2. cap. 11. num. 88. ita dixit: *Nemo prudenter pro quantavis magna fama eligeret mori.* Consentiuntque eisdem Layman lib. 3. summe sect. 5. tract. p. cap. & num. 3. P. Georgius Gobat in quinario tractatum Theologo juridico. cap. 18. num. 8. P. Moya in dicta q. 4. num. 15. Thomas Hurtado tom. 2. variar. resol. 11. ult. num. 157. addens, esse D. Thomæ, omniumque Doctorum. Excessit tamen quoad hoc, nam multi contrarium sentiunt,

C c ut

ut supra retuli *num. 18.* Angelico autem Magistro rectius potuit imputari. Quia in 4. *diff. 29. q. 1. art. 2. ad 3.* expressè tradit, metum infamiae non cadere in virum constantem, sicut cadit metus stupri, sive status, verberum, atque necistam propriae, quam uxoris, vel filiorum, aut aliorum huiusmodi, quia infamia, inquit, *quamvis sit magnum damnum tamen ei de facili occurri potest.*

24 Ac professò licet demus, alicujus magni criminis infamiam notoriam ex facto, aut jure, moraliterque indelebilem, & praesertim non merè personalem, sed denigrativam familiarum alioqui conspicuae, ac nobilis, v. g. proditionem patriae, ex se, vel ob damna adjuncta morti æquiparari posse, & metum ejus tantum esse faciendum, aut pluris, quam metum mortis, quia vitam exosam reddit, & intolerabilem, ac perdifficilem illius continuationem; non idè consequens erit, ut talis censeretur generaliter quævis infamia, etiam opposita famæ virtutis, neque specialiter illa, quæ resultat ex incontinentia consentanea scemine fragilitati, cujus sceditas potius dependet ex reputatione mundana, quam ex gravitate culpæ, ut latè circa adulterium expendit P. Molina *tr. 3. de just. & jur. disp. 102. num. 12.* Etenim prægnantia, aut partus non sunt opera ex se publica, aut ita notoria populo, quòd nulla possint tergiversatione celari; sed possunt secretò fieri, sicut lapsus sceminae, & abortus, ac multis mediis præveniri, ne sciantur, & divulgentur in populo, ut frequens experientia testatur, & *num. 17.* prænotabam. Ubi autem publicitas infamiae deest, nemo prudens illam morti æquiparabit, aut metum ejus metui istius, sicut neque illam infamiam, quæ mutatione loci, vel absentia absque magno incommodo occultari valet his, inter quos degitur, aut illam, quæ abstergeri potest insigni emendatione vitæ subsequenteris, vel religionis ingressu, ut scemineis dolor lapsibus sæpe contingit, qui (proh dolor!) frequentius assiduitate viluerunt, neque tanti fieri solent.

25 Accedit, abortum ipsum sæpe esse contrarium occultationi delicti, quia publicitas illius pariter timeri potest, sicut publicitas prægnantiae, aut partus,

si illi non servant secretum, quorum ministerio perficitur. Sæpe etiam parum prodesset eidem occultationi, quia divulgatio delicti, etiam conceptione non sequuta, aliunde timeri potest ex lenonibus, ancillis, aut famulis, quorum interventu utuntur, qui his nequitias sese accommodant: & sæpe, quamvis sit utilis, necessarius non erit, quia aliis mediis facilibus prægnantia, aut partus occultari possunt, ne notabilis infamia ex eis sequatur, ut jam antea *num. 6.* adnotavi. Porro opus erat his omnibus, ut infamia, quæ timetur ex continuatione prægnantiae, morti æquiparari posset, aut præbere facultatem (si quando concedi posset) matri, ut sibi ipsi vim faciat, & naturæ, ac Deo conditori in re adeò gravi, ac propter se ab eis intenta opponatur, impediendo animationem scetus debitam suis causis, & scævendo contra illum, qui nil divulgat, aut nocet, his relictis, unde infamia injusta timeri potest.

26 Unde nec quoad hunc effectum talis metus justus reputari valet, cadensive in virum constantem, ut de infamia generalius prædocebat S. Thomas. Quia instituenda est comparatio, dum aliquis meru diglirit, & inter malum, quod timetur, & malum, quod ad illud evitandum præoptatur, ne majus eligatur pro minori, quod non est constantis viri, frequentisque rectam rationem, qua virtus constantiae ducitur; sed pertinacis, obstinatæque adhærentis minori malo, quamvis aliud majus subeat, ut si in tempestate potius vellet mercator submergi in mare, quam proicere divitias, ut navis levetur onere. Quis autem non videat, longè majus malum esse abortum, quam aliqualem infamiam, quæ cum scetu oriri potest? Non ergo virtus constantiae huic metui favere valet. Nam ille, qui metu cogitur, ex S. Thoma ubi supra *facit aliquid, quod aliis non vellet, ad evitandum aliquid, quod timet*; constantia autem, prævia luce prudentiæ, ac rectæ rationis, modum ponit, ne illa fiant, quæ graviora sunt, & plus timenda, ut illa declinentur, unde minus malum sequi potest.

27 Pertinent præterea ad ipsam (ut hoc obiter declarem, quod aliis permultis casibus servire poterit) iusta estimatio peri-

periculi, non solum quoad qualitatem mali imminenti, & comparationem ejus cum mediis, unde illud fugimus; sed etiam quoad certitudinem, aut probabilitatem eventus. Nam plerique magna mala quasi proxime impendientia trepidare solent levi, aut temeraria suspitione ducti, & præsertim fœminæ, quas omnes norunt suspicaces esse, ac nimis pavidas; constans verò non movetur, nisi ex probabili, ac forti æstimatione periculi. Quocirca, ut metus infamiae cadat in virum, aut fœminam virtute constantiæ præditam, utraque æstimatione prærequiritur, & ex defectu alterius, aut utriusque semper deest in abortu studiosè procurato ad illam evitandam excusatio, quæ respectu alterius mali non præponderant infamiae sufficiens videri possit. Recolantur, quæ præmissimus cap. 1. num. 4. & 6. quibus proximè dicta confirmantur, & illa vicissim roborant, atque ex thesibus jam antea damnatis idem intentum evincunt.

CAPUT IV.

Utrum impedire liceat conceptionem, aut animationem fœtus ad matrem præservandam à morte imminente ex morbo, vel difficultate partus?

28 Secundum argumentum instruitur contra nostram assertionem ex variis paritatibus, ubi impediri conceptionis, aut animationis, fœtu jam concepto, admittitur ad vitandam mortem matris, cum in illis eadem profusus ratio esse videatur, & jus matris conservandi propriam vitam, parque utrobique necessitas, quamvis ex diversis causis, matrem ad abortum, aut sterilitatem procurandam urgeat.

29 Prima fit. Quia plures censent licitè procurari ejectionem fœtus nondum animati, cum vita matris periclitatur ex morbo, & prudenti medicorum judicio non aliter præservanda creditur, quam per abortum illius, quia melius est, ut solus fœtus privetur animatione, matre superstitè, quam ut uterque simul extinguatur, neque enim ille animabitur, si matrem morbus conficiat. Et, quamvis alii per plures sint in contraria sententia, neutra opinio alteram taxat improbabili-

tatis, aut scandalii; sed utraque reputatur discurrere probabiliter. Ac priori illi subscripserunt, ultra S. Antoninum, Sanchez, aliosque appellatos num. 5. Tannet, Layman, Molfesius, & Villalobos apud Dianam, qui eam censet probabilem p. 5. tr. 14. res. 90. Marchantius in speculo homin. Christian. tom. 3. p. tr. ac tit. 3. §. 1. vers. Ad curam, dicens, Medico non solum posse, sed teneri etiam ad eum modum curationis, cum remedia alia deficiunt. Additque Araujo in decis. moral. disput. 11. qu. 4. num. 13. satis esse, quod certò, aut probabiliter putetur fœtus non esse animatus, ut eum abiciere liceat.

30 Secunda fit. Quia, etiam secluso morbo accidentali, licet matri antecurpare animationem fœtus, & conceptionem illius, dum expecta est vitæ discrimen in aliis partibus ex angustia uteri, vel naturali arctitudine laterum, ut, aliis relatis, tradit Torreblanca in diss. lib. 12. cap. 13. num. 36. cui ex Medicis accedunt Moxius, atque Mercurialis. Et ratio est, quia vita matris præponderat spei incertæ habendi prolem, satiusque videtur sibi consulere præcavendo mortem imminentem adeò probabiliter, quam fœtui, qui fiet aggressor procurando exire ab utero, si concipiatur, & crescat, donec sit nativitate maturus. Confirmatur. Nam usus matrimonii, sicut matrimonium ipsum suapte natura ordinatur per se primò ad speciei propagationem, ac per se loquendo debitum illius negari nequit absque peccato mortali petenti illud tanquam debitum. Et nihilominus licitè negari potest, & eo medio impediri generatio, quoties, omnibus inspectis, prudenter timetur, fœminam morituram, si concipiat, & probabile est, illam esse concepturam, ut expressè docet Dicastillo tom. 3. de Sacram. tr. 10. disp. 9. num. 212. Bonacina q. 4. de matrim. punct. 1. num. 7. & apertè sumitur ex Cajetano in summa, verb. Matrimonium. sub tit. De usu matrimonialis conjugii. vers. Primus, ubi asserit, debitum conjugii intelligi, salva consentientia, & sanitate subiecti, & obligationem ejus non urgere, quoties sine periculo vitæ, aut ægritudinis reddi non valet. Quæ est valde communis sententia videnda cum suis Auctoribus apud P. Thomam Sanchez lib. 9. de matrim. disp. 24. num. 2. & 12. & certa, si

de periculo vitæ sermo sit, juxta Basilium Legion. lib. 10. cap. 14. nu. 2. accedente cum Præposito Diana p. 6. tr. 7. resol. 64.

31 Tertia sit. Quia egeret semen virile jam in utero receptum non est intrinsecè malum, ita ut nulla ex causa cohonestari possit: idèd enim licet scēminæ violenter cognitæ procurare in continenti ejus ejctionem, & eiicendo impedire, ne subsēquatur conceptio, & semen, ut ita loquar, pacificam possessionem sedis suæ nanciscatur. Ergo similem poterit excusationem præbere metus mortis, aut infamiz. Porro scēminæ per vim oppressæ id licere putat Thomas Sanchez lib. 2. disp. 22. num. 17. & Raynaudus ubi suprà num. 37. fol. 304. Continuat enim vis, retento semine, & damna multiplicantur, dum scēmina invita cogitur concipere, ac parere, & labores, doloresque subire, qui filiorum procreationem confectantur. Unde sicut se retrahere posset, & licitè procurare, ne semen intra vas effunderetur, quamvis timeret fundendum extra ipsum, & eiicere quemlibet alium liquorem juri suo præjudicalem, ita quoque licitum videri debet semen suscepiendo eiicere. Quia involuntaria omnino susceptione illius nihil juri suo præjudicavit, ut illud invita retinere debeat: & juxta defensionis, quo licet vim vi repellere, multò potiori ratione extenditur ad hunc casum, quàm ad repercutiendum in continenti raptorem, qui adhuc non destitit, sed damna damnis accumulatur.

32 Quarta denique sit. Quia non est peccatum grave exigere, aut reddere debitum cum periculo abigendi fœtum inanimatum, ut pro se adducens Sanchez, & Hurtado tenet Martinus à S. Joseph in *monit. Confessar. tom. 1. lib. 1. tr. 50. num. 2.* quia, inquit, rationabile non est privare jure suo conjugatos ob rem, quæ non est magni momenti; nec doctrinam istam improbat, illam exscribens Diana p. 11. tr. 2. resol. 33. in fin. Ergo, si non est magni momenti abortio fœtus nondum animati, nec tanti, ut conjuges debeant ob periculum illius abstinere sub lethali abusu matrimonii, longè minùs tanti erit, ut ad illud evitandum scēminæ privari debeant jure tuendi vitam suam, aut conservandi suam famam. Nam jus istud præstabilis est, & ob rem parvi momenti non debet interturbari.

33 Perstandum est nihilominùs in assertione proposita, & retinendum pudicitiz firmiter, ac vindicanda secutitas innocuis fœtibus, præcludendumque ingens ostium abusus, ac spurcitiz, quæ ex opposita sententia meritò timeri valent, nihilo secius, quàm ex spontanea effusione proprii feminis extra vas, vel ejctione alieni jam sponte suscepti, quando permitteretur ejus usus. Et sanè qui seorsim sentiunt, non videntur expendisse, quantà sit abortus gravitas, etiam nondum animato fœtu, & quàm proxima homicidio, aut parricidio innocentis, nec quàm facilitè ex abortu licito fœtus inanimati ad præveniendam mortem, aut infamiam fiat transitus ad abortum licitum fœtus animati ob easdem causas, & ad sterilitatem procurandam, conceptionemve impediendam ob alias causas leviores, & sæpe in vano timore, aut verecundia fundatas. Nec satis considerarunt, usum feminis proprii, aut alieni contrarium generationi nunquam concedi à natura ob periculum abusum, qui in casibus individuus inde possent resultare; sed absque exceptione prohiberi tanquam quid directè oppositum ejusdem fini primario. Paritates verò adductæ vel congrua disparitate eventilandæ sunt, vel, si illa adhiberi nequeat, reiiciendæ omnino, & improbandæ, quia ex probabil non sequitur consequens planè improbabile, & eo ipso, quòd hoc sequitur necessariò ex aliquibus præmissis, ab opposito consequentis ad oppositum antecedentis rectè inferitur, aliquam ex eis seorsim, aut certè simultaneam probabilitatem utriusque, pariter esse improbabilem.

34 Sic arguit adversùs primam Navarra, & Basilii ubi suprà cap. 13. num. 2. in fin. contendens, non esse licitum directè procurare abortum fœtus inanimati ad curandam ægritudinem scēminæ periclitantis, quia alioqui sequeretur id licere, cum eodem abortu est opus ad conservationem famæ, aut status, nullam namque convenientem disparitatem inveniri posse affirmat. Et, quamvis foras se aliquid certò probabilis assignari possit cum Raynaudo ex dictis suprà num. 4. & num. 23. inter periculum vitæ ab intrinseco proveniens ex morbo, & periculum solius infamiz; illa tamen longè difficilior erit si p-

si periculum vitæ utrimque imminet, nam quoddam ex morbo proveniat, vel ab extrinsecis causis, merè materiale esse videtur, si utrobique reperitur æqua mortis certitudo, parque huius mediæ necessitas in utroque eventu incumbat. Quia propter illi, qui affirmant, licitum esse ægrotanti se inebriare, cùm iudicio Medicorum necessarium est ad præservandum illum à morte, vel infirmitate aliqua gravi, idem consequenter dicere solent casu, quo ab extrinsecis cogatur ad ebrietatem metu mortis, verberum atrocium, aut alterius mali similis, ut videre est apud Gobat, qui latè rem discutit, defenditque cum Baldello, Lessio, Dicastillo, & aliis in *disso. cap. 18. sect. 1. ac 2.* quibus acquievere plurimi Doctores Lovanienses apud Lessium *lib. 4. cap. 3. num. 31.* idque probabile censet Diana *p. 6. tr. 7. resol. 44.* Layman, ac Villalobos adiungens.

35 Neque plus juvat, quod alii considerant, periculum in casu, de quo loquimur, provenire ex culpa matris, quæ furtivè concepit, & propterea timet, ne occidatur. Tum quia etiam morbus ex intemperantia matris, aut alia culpa provenire potest, nec ideo privatur iure utendi omnibus remediis, quibus alie possunt occurrere morbis contractis inculpabiliter. Tum præterea, quia etiam fœminæ, quæ concipit culpabiliter, supervenire potest morbus ex pravis humoribus, aut alia indispositione, & non ex coitu, ut conjugatis contingit; tunc autem nulla erit ratio prohibendi ei evacuationem fœtus concessam aliis, quæ licetè conceperunt, licetè periclitentur ex morbo, cui causam dederunt ipsæ. Tum demum, quia ad vitam salvandam, & maxime auferendam vi privata, æquè licet abscindere sibi v. g. pedem huic ipsi fœminæ, aut latroni, qui detinetur compedibus, quos effringere non valet, quàm aliis, qui citrà culpam in similes angustias sunt redacti. Ergo quoddam præcedens coitus illicitus fuerit, abortui non obstat, si non obstat coitus licitus.

36 Idco ad primam paritatem respondeo, mihi longè plus placere sententiam Vasquez, Basilii, Lessii, Amici, Comitoli, Sayri, Navarri, Moyæ, Filliucii, aliorumque asserentium, abortum fœtus inanimis directè procuratum nullo

Theolog. Reform.

unquam casu esse licitum, etiam ad vitandam mortem imminentem matri ex morbo proprio, vel ex aliena malitia; sed quoad hunc effectum semper esse æquiparandum pollutioni, vel abortui fœtus animati, quem directè procurare nunquam licet; sed solum adhibere ad curationem remedia ex se ordinata ad sanitatem, quod licitum est, quamvis indirectè, ac per accidens sequatur ex eis abortus. Quod si opposita sententia alicui arrideat, quæ proculdubio est communis, & plurium gravium scriptorum, adhuc contra Basilium videtur, ea rectè intellecta, probabilem disparitatem reddi posse. Etenim illa non loquitur de adhibendo per abortum remedium præservativum, quo fœmina de præfenti bene valens liberetur ab infirmitate, quam superventuram timet à longè; sed de matre, quæ jam actu ægritudinem contraxit, talemve indispositionem, ex qua lethalis ægritudo sequitur, quin remediis aliis impediri valeat, quod de facto contrahatur, & contracta afferat mortem. At verò thesis damnata in diversis circumstantiis procedit, & quæ nullam habent proportionem cum istis.

37 Quia in primis loquitur de fœmina tanæ adhuc sanæ, & graviditatis incognitæ, illique abortum permittit per modum præservationis, ne gravidæ deprehendatur longo post tempore ex partu, aut, intumescencia uteri post tempus animationis. Deinde non curat, utrum occultatio aliis mediis obtineri possit, aut mors impediri, quæ ex manifestatione timeretur, neque hæc cautiones adhibet: & quamvis eas adhiberet, ut ostendi supra, potius essent suspiciosi, aut speculativi prætextus, quàm excusationes practicæ, vel solidæ. Et, cùm illæ jus pro tunc non tribuant occidendi per modum præventionis eos, à quibus mortem timet, si gravis deprehendatur, semperque ea reputaretur culpabilis, & intempestiva defensio, longè minus jus tribuere possent abigendi fœtum suum, qui neque tunc est aggressor, neque futurus est postea. Demum neque excipit illas, quarum flagitium aliunde deprehendi potest, quàm ex partu, vel prægnantia, cùm sine dubio fœrent excipiendæ: Nam si, ut frequenter usu venit, merito timeri potest, ne aliis testibus, aut signis, aut etiam ea ipso abortu suffi-

cienter deprehendatur, ille incassum adhibebitur ad delicti occultationem.

C A P U T V.

Occurritur secunda paritati præcedentica-pite proposita.

38 **A**D secundam in num. 30. debet negari antecedens, cujus probabilitas tenui admodum ratione, vel auctoritate subsistit, sive sermo sit de animatione fœtus impedienda per abortum ob nimiam difficultatem partus peculiari experientia comprobata, sive de impedienda conceptione ob eandem causam per media sterilizantia, reddentiaque ineptam matrem ad opus generationis.

39 Unus caudicus Torreblanca de sterilitate id cursim docuit absque probatione, & examine: &, quamvis pro se alios adduxerit, nullum ex fide allegavit, ut Diana animadvertit p. 5. rr. 14. resol. 90. monens insuper, ab opposita sententia non esse recedendum, quamvis aliâs admittatur ut probabilis opinio illorum, qui affirmant, licitè abigi fœtum nondum animatum, cùm necessarium est ad mortem propulsandam imminentem matri ex morbo. Sanchez sanè, qui hoc tuetur, nihilominus negavit ea disp. 20. num. 10. licitè præteriri abortum, quamvis fœtus sit inanimatus, ad evitandum periculum vitæ, quod ingruerat matri in aliis partibus, eumque imitantur Raynaudus suprà num. 42. & Diana loc. cit. Idem sentiunt à fortiori omnes, quibus nos accessimus, putantes nunquam abortum licitè procurari, etiam ad vitandam mortem certò, ac proximè imminentem ex nequitia alterius, vel ex morbo, idque expressit inter alios Filliucius rr. 29. num. 103. Sed neque sterilitatem, quamvis ab animatione fœtus sit longè remotior, procurari posse ob eundem finem, docuit expressè Diana, & Raynaudus cum Tabiena, ac Toletò, suffragante Luisio Turriano cum plerisque viris doctis Academiæ Complutensis in facti contingencia consultis disp. 26. de iust. & jur. num. ultimo.

40 Ratio quoque inibi adducta levis est. Quia assumit tacitè, quod aliqui erat probandum, abortum scilicet non esse peccatum contra naturam perinde,

ac effusionem seminis; sed ex causa posse cohonestari. Atque, hoc admissò ut probabili, ad summum probaret, illum procurari licitè, cùm est medium moraliter necessarium ad servandam vitam matris, neque in alio casu id licere putant, quid permittunt, morbo urgente, & vergente ad mortem fœminæ prægnantis. Nam, si morbus moram patitur, tempusque indulget utendi aliis mediis, nemo dicit, tunc abortum procurari posse absque peccato. Ita autem evenit, quoties timetur periculum ex difficultate partus: distat enim multis mensibus à tempore, in quo fœtus abigetur antequàm sit animatus, & interim locum præstat præveniendi aliis remediis lethale discrimen matris. Alia verò remedia non deesse curandi hoc vitium naturæ absque abortu, detrimentove scœdeditatis, supponunt ut certum Sanchez, Diana, Filliucius, Raynaudus, & alii Theologi, suffragantibus peritis Medicis, quos adiit Turrianus in casu valde prementis: pluraque adaptata variis causis, unde istud damnum provenire solet, inveniet diligens lector apud Lazarum Riberium lib. 15. praxeos Medicæ. cap. 18. per totum.

41 Nec rursus valet, quòd fœtus, nisi abortu ante animationem præveniatur, aggressurus sit postea vitam matris conando exilire ab utero, sicut illam quodque aggreditur, cùm morbum lethalem causet, & sicut humores noxii in ægritudine dicuntur corpus invadere. Non, inquam, valet. Tum quia semper subsistit disparitas proximè assignata, & legitima præventio foret post hanc experientiam abstinere à coitu illicito, vel etiam à licito, si alia remedia omnino defutura, aut non profutura videantur, ne aliqui post ipsum liceant, sub prætextu devitandi malum distans, omnes illi immundi abusus, quorum memini num. 15. & 16. Tum quia de fœtu abigendo post tempus animationis idem pariter dici deberet, & extendi etiam ad hunc casum jus defensionis, quod matri adversus illum tribuitur: quia etiam tunc præponderaret vita certa matris spei incertæ pariendi prolem vitalem: & experientia antecedens simul ostendere potuit, illam semper mortuam nasci, aut non nasci, nisi monstrum quoddam, aut mortuam abigi per naturalem abortum

etum mense septimo, aut octavo, qui sunt casus, quos proponunt, & evenisse testantur Diana, ac Lulius locis antea præallegatis. Tum demum, quia licet fœtus quodammodo dici valeat in hoc casu aggressor matris, sicut dicitur aggressor in casu morbi improvisi, cuius curationem impedit, aut quem efficienter causat; adhuc tamen certum est, non esse aggressorem injustum, etiam materialiter, quia debitum naturale crescendi, atque nascendi à matre exigit, ac jure naturæ utitur, cui ipsa consensit, dum se per coitum ad generationem aptavit, & alia onera consequenter suscepit, quæ ex Divina institutione sunt ipsi naturaliter annexa ad servos suos, & cœlites propagandos.

42. Ad confirmationem concedo, licitum esse isti fœminæ negare marito usum sui corporis, ut rectè ibidem probatur, & sentitur *ubi sup.* Turrianus, & Dicastillo *num. 237.* neque enim ipsi debetur in prædictis circumstantiis, neque cum tanto discrimine ad reddendum illum voluit se obligare per contractum matrimonii; immò neque obligationem charitatis tunc incumbere, quamvis vir periculo inconscientiæ laboraret, censent Diana, Bassilius, Præpositus, Sanchez, Bonacina, & alii relati *num. 30.* quibus addendi sunt Layman *lib. 6. tr. 10. p. 3. cap. 1. num. 5.* Coynne *disp. 34. de Sacram. num. 21.* Castro Palao *tom. 5. disp. 3. punct. 4. §. 10. num. 4. in fin.* Gobat *in quinario tr. 5. cap. 34. num. 65.* Nego tamen, inde quidquam sequi nostræ assertioni contrarium: nam à redditione debiti plures causæ solent excusare, quæ proculdubio insufficientes sunt ad impediendam generationem post coitum, vel ad abortum, aut sterilitatem inducendam. Neque obligatio utrobique ex eisdem principiis nascitur, quia necessitas reddendi debitum ex contractu confurgit, & servata proportionem, tot dilaciones, excusationesque admittit, quot restitutione, aut solutio aliorum debitorum, quæ eandem originem habent. At verò prohibitio sistendi in sola delectatione concubitus, impediendo conceptionem, aut animationem fœtus, regulis diversis mensuratur. Quia ex natura rei confurgit post coitum, etiam illicitum, & contra ejus exigentiam in re maximi momenti, & à Deo intentæ specialiter, foret commo-

dum concubitus, ac delectationem ejus captare velle, & nihilominus onera connexa detrectare, ac donum fecunditatis pervertere, inferendo vim sibi metipsi, & aliis causis ad speciei propagationem tendentibus. Quare gravissimam causam, & necessitatem id postulare, si aliquando licet, vel nulla de causa licet, ut ego cum aliis sentio. Nam re vera eisdem abusus ex natura sua esset exposita licentia ista, quibus seminis effusio extra concubitum, sive delectationis magnitudo attendatur, sive intrinsecus, ac propriis finis ejus spectetur.

43. Gravior difficultas esset, & nova, si disquiratur, quid censendum sit de hac ipsa muliere, quæ ob prædictam experientiam à debiti redditione legitime excusabatur, si postea convolet ad secundas nuptias. Vtrum scilicet videatur renunciasse juri sese præservandi ab his periculis per denegationem debiti, illudque reddere debeat, etiam cum vitæ discrimine imminenti sibi ex partu, vel an potius illud adhuc retineat, possitque licite novo marito usum matrimonii denegare? Sanè, cum vir id nesciebat, magna videretur inæqualitas semper permanens, ac per se dolose imbibita in materia ipsa contractus, si dicamus, illam non debere marito sui corporis usum, nec posse ab illo obligari, cum maritus vice versa ab illa obligari possit, ac reddere teneatur. Quare in hoc eventu potius credi debet, illam huic remedio renunciasse, & se obligasse ad reddendum, etiam cum vitæ periculo, cui aliis mediis obviare potest in hoc novo matrimonio, ut obviavit in priori, ex quo experientiam desumpsit. At verò, cum alter conjux conficius erat tempore contractus prædictæ excusationis, non adeò facile fœmina obligari poterit: nam sicut maritus non videtur consentire præjudiciali huic excusationi, dum circa ipsam erat, putatque minimè adesse, ita vice versa consentire videtur, dum non erat, sed agnoscit vitia mercis, quam per matrimonium voluit comparare.

44. Casum similem proponunt Auctores circa matrimonium ejus, qui laborat lepra contagiosa, & incurabili: nam factum cogere nequit ad reddendum debitum cum evidenti periculo infectionis, & nihilominus ab eo cogi potest, si illud

exigat, & suo discrimini velit renunciare. Porro in hoc eventu licite posse denegare sanum sui corporis usum, quamvis ab initio fuerit conscius morbi, quo alter laborabat, nec propterea renunciassse juri præcavendi suum periculum, tenent Angles in *Floribus*. p. 1. *quæst. De obligat. solvendi debitor. art. 1. diff. 1. fol. mibi 307. Villalobos 1. p. summa. tr. 13. diff. 48. num. 2. Castro Palao supra num. 4. in fin. & probabile ducit Gobat eo cap. 34. num. 60. etsi oppositum teneat absolute. Et ratio ipsorum est, quia talis foemina jus habet, etiam intra matrimonium, præferendi vitam, & salutem suam propagationi speciei per abstinentiam a coitu, & cum non sit earum domina, sed solum custos, & administratrix, huic juri cedere nequit, & contrarium jus adversum se tribuere.*

45 Verumtamen eos non esse audientes in casu lepræ cognitzæ ab utroque, sed mutuam obligationem incumbere reddendi, jusque exigendi, rectè docuit Thomas Sanchez in *disa disp. 24. num. 22.* estque sententia communis. Inde autem ad nostrum casum efficaciter arguitur, quia facilius est occurrere periculis, quæ in futurum timentur ex graviditate, aut partu, quam evitare infectionem ex lepra contagiosa alterius conjugis, & ipsa experientia, quæ huic mulieri ostendit se periclitari in partu, simul ipsi demonstravit incolumem evasisse. Nec obstat ratio in contrarium. Nam quod mulier possit cedere prædicto juri, constat, quia ei cedere potest, quamvis non sit domina suæ vitæ, vel salutis, si leproso sponte jungi velit, aut marito, postquam fuit experta in aliis partibus talia pericula, idque charitas suadebit, si fiat ad evitandum in alio incontinentiæ periculum. Quod verò etiam se obligare possit, & jus alteri tribuere ad exigendum, ex eo patet, quia hoc jus tribuit vi contractus matrimonii, quoties consortem decepti, & non detexit suum vitium. Ex eo, quia rectè potest se obligare ad non utendum speciali aliquo remedio, maxime præservativo, cum suppetunt alia, ut Carthusianus ex voto, vel consuetudine se adstringit ad non utendum efu carnium, quamvis illis indigere videatur ad prævationem, aut curationem morborum imminentiū vitæ suæ. Passimque

agnoscunt Theologiales, & alias subinde causas, unde ejusmodi cessiones, atque obligationes honestantur, non obstante periculo abbreviandi vitam.

CAPUT VI.

Fit satis duabus aliis paritatibus.

46 AD tertiam in *num. 31.* sic habeo. Vim vi repellendo, & impediendo consummationem delicti licitum erit foemina resistere, & conari quantum potest, ne semen virile recipiat totum, aut ex parte, quamvis reliquum extra vas effundatur, quia id aggressori iniquo debet imputari; non verò ipsi, quæ justissimè tuetur læsionem suæ pudicitie: & quemadmodum in ejus defensionem ei licebat violentum aggressorem occidere, ita quoque ipsi licebit repellere, ac propulsare semen, ne ejus receptione maleficium perficiatur. At verò, postquam ille se retraxit, cessavitque ad vi inferenda, & effuso intra vas semine, consummavit suum delictum, sicut jam non licet cum occidere, quantumlibet criminofum, nec interfectio illius reputaretur justa defensio, sed ultio, atque vindicta privata, ita quoque non licebit studioso conatu procurare hominem futurum planè innoxium quasi occidere, impediendo conceptionem, & animationem ejus, sive id fiat ejectione seminis, sive aliis mediis, nam omnium par quoad hoc videtur ratio. Et sicut alia non licent, quæ inducunt sterilitatem, aut pro tunc generationem impediunt, v.g. potus aquæ frigidæ in continentis susceptus, sic pariter non licebit ejectio virilis seminis pari studio procurata.

47 Unde non est comparandus violentus iste stuprator, qui secum non portat honorem, aut virginitatem puellæ, latroni, qui secum desert pecunias, equumve alienum, & admocis calcatribus cum ipso fugit; sed potius conferri debet cum eo, qui alapa, vel fuste alium percussit, & honore ablato, jam cessavit ab injuria. Porro istum neque in continentem posse interfici, & longè minus privari vita ob eam causam, eo relicto, alium innocentem, qui non fuit complex delicti, ex damnatione *propositi*. 30. planè habetur, & rationes, unde firmam ejus certitudi-

rudinem stabilire curavimus *differt. 20. c. 2. §. 3.* his dabunt robur, ac lucem. Et enim ejectione feminis, stupro jam consummato per effusionem illius, permitti nequit, ut puella in continenti recuperet virginitatem ablatam, aut honorem illibatæ pudicitiz: nam hæc bona nunquam redeunt, neque in individuo restituuntur. Sed neque permitti potest, ut se præservet à damnis graviditatis, aut partus, aut infamiz, quæ timere potest in futurum, quia hoc prætextu etiam liceret nobis artibus elicere idem semen, postquam jam est coagulatum, abortumque facere illius, maxime ante animationem, quod ista sententia improbat, certumque vocat contrarium.

48 Quod autem additur, licentiam istam cessare, postquam semen est adeptum pacificam possessionem in utero, ægrè declarari valet. Nam, si origo possessionis attendatur, semen nunquam dici potest pacificus possessor; sed violentus, & intrusus. Si verò ad possessionem pacificam satis est, quod vir recesserit, & à violentia cessaverit, hæc utique statim cessat, desistente viro, postquam effusione feminis ex parte sua stuprum consummavit. Si demum consensus fœminæ ulterius desideratur, illa sui honoris, ac virginitatis amans, sicut invita recipit semen, ita quoque invita illud retinebit, coagulabit, fœtumque concipiet, parturit, ac pariet. Et, cum sit in libertate ipsius nunquam consentire, semper retinebit jus pugnandi contra semen, & operationem ejus, tanquam contra possessorem non pacificum, illud ad instar veneni sibi noxii reputabit, à quo semper potest se defendere, & coari ad ejectionem illius in quolibet ejus statu.

49 Et confirmatur ad hominem. Quia ipse P. Thomas Sanchez meritò censet ibidem, hoc nequaquam esse licitum scemine, quæ ob merum gravem consensit viro, nec illi, quæ post matrimonium ratum deliberat intra bimestre, utrum sit ingressura religionem, si forè eo tempore à sponso per vim cognoscatur. Atqui, re bene perpenſa, etiam istis hoc liceret in continenti, si puctur non esse illicitum alteri. Nam quod fœmina ex vi metus consenserit deflorationi suæ absque alia promissione, aut juramento, non tollit

illi jus sese servandi indemnem, metu abscedente, sicut nec tollit (ut hujusce Auctoris paritate utamur) ei, qui per metum concessit latroni auferre equum sibi, jus illum recuperandi persequendo eum in continenti, postquam cœpit fugere, & metus cessavit. Quod verò post matrimonium ratum multò levior fiat injuria sponsæ per vim oppressæ, nec ideo infamiam patiatur, aut damnum tanti momenti, non videtur satisfacere. Quia ipsi auferitur jus valde æstimabile eligendi sponsum infinite nobiliorem, nempe Deum, cui suscepta religione desponsabitur, & ei tollitur status longè altior, & securior, cui ob suam excellentiam, non obstante matrimonio jam contracto, meritò potest postponere propagationem speciei, bonum prolis, & alia commoda conjugum sectantia: sæpèque evenire poterit, ut ex consummatione matrimonii specialia, & valde gravia damna sibi timeat, quæ antea non præcogitaverat.

50 Ad quartum in *num. 32.* constans omnium Theologorum sententia est, absque peccato mortali non posse conjuges uti conjugio, quoties grave periculum abortus inde resultat, nec distinguunt inter fœtum animatum, & inanimatum; sed de quovis abortu idem enunciant. Sententia verò Martini à Sancto Joseph, quæ obicitur in contrarium, nec ratione, neque auctoritate subsistit. Non auctoritate. Quippe P. Thomas Sanchez *lib. 9. de matrimon. disputat. 22. num. 1.* & Gaspar Hurtado *disput. 10. num. 11.* quos pro se allegat Martinus, expressè sentiunt contrarium, quoties imminet abortus verosimile periculum, & alter certum, alter manifestum vocat, superstante isto discrimine, coitum nec peti, nec reddi absque peccato mortali. Cum verò id excusant, aut loquuntur de periculo levi, & non bene fundato, cujusmodi esse censent, quod timetur ex superveniente coitu, aut sermo eis non est de abortu propriè tali; sed de dissipatione materiz, ex qua unita, & coagulata fœtus concipiendus esset, nisi novus coitus obflasset. Porrò dissipatio ista, siquando evenit, censeri poterit impedimentum conceptionis, ac prægnantiæ, quæ tunc erant quasi in via; sed ad abortum non pertinet, de quo in præsentì tractatur, nec periculum illius periculum

culum abortus esse vales, ut attigi *num. 3.* Quomodo enim partus immaturus erit, ubi nec mulier est gravida, nec foetus conceptus, nec quidquam foras eicitur, aut non nisi rude semen, & informis massa sanguinis?

51 Non ratione. Quia est falsissimum, abortum foetus inanitis esse rem parvi momenti, aut non magni: nam & matri fatis nocet, ut *num. 9.* prænotabam, & ex isto capite ei excusationem tribuit: & quamvis respectu foetus non sit homicidium propriè, est homicidium ad instar; immò & parricidium, cum illum parentes cauant, quia perinde est impedire vitam filii proximè futuram, ac mortem futuram proximè ulterius accelerare. Quare periculum istud nequit censerì periculum exigui momenti ratione rei, quæ timeretur, si metus aliàs sit iustus; sed potius magni, & absque dubio præponderantis privationi juris exigendi debitum: nam, cum obligatio illius sit per se primò instituta in bonum, & generationem proliis, absurdissimum foret, si usus ejus verteretur in contrarium. Unde neque periculum incontinentiæ jus exigentis roborare potest, quia aliis mediis occurri valet huic malo, sicut ei occurri debet, cum foetus est animatus. Et, quamvis matrimonium sit etiam institutum in remedium concupiscentiæ, cum hic sit solum finis secundarius; alter verò primarius, ac potissimus, nunquam ille potest obtineri cum gravi, ac noto præjudicio istius.

52 Quamvis autem ex suo genere sit etiam grave peccatum, impedire conceptionem foetus jamjam debitam suis causis, aut se exponere periculo impediendi ipsam, & pejus sit, quòd id fiat ex vi seminis, & coitus, quam sumptis potionibus, aut medicamentis aliis; nihilominus existimo, nullum, aut leve peccatum committi exigendo debitum ab uxore in tali statu. Non quia materia sit levis; sed quia periculum istud ex superveniente coitu, aut nullum est, aut levissimum, & si

aliquando sit grave (quod rarissimè continget) id communiter ignotum erit, etiam diligentibus, ac perspicacibus. Nam ex multiplici coitu viri, & uxoris sæpe duo, aut plures gignuntur, & aliquoties evenit superfoetatio, & dum generatio non sequitur, aliis causis tribui valet, quæ conceptionem impediunt, & causant sterilitatem. Quinimodò neque, concepto jam foetu, timeretur probabiliter ex eadem causa occisio, aut abortus ejus, nisi fortè cum jam crevit, & appropriat tempus partus: tunc enim ex nimia, & frequenti concussione ventris id in aliquibus accidit, & oppositum est contra communem experientiam conjugatorum testantium se crebrò, & absque discrimine accedere ad suas uxores tam ad concipiendum proximè dispositas per antecedentem coitum, quam actu prægnantes, quin præterea impediatur proliis matura nativitas, nedum generatio, aut animatio.

53 Quòd si nullum est periculum abortus, aut dissipationis impediens conceptionem foetus, nullum sanè erit peccatum exigere conjugale debitum ab uxore in illo statu; veniale verò solummodo, si sit leve, & non adeò probabile: nam ob aliquales suspiciones, aut timores scrupulosos impediendi generationem per coitum, aut caufandi ex ipso abortum, æquum non est, ut uxorati priventur jure certo exigendi, atque reddendi, quod eis Sacramentum contulit, & matrimonii contractus. An verò exigere liceat, non obstante prævisione istius periculi, cum periclitatur vita patris propter abundantiam seminis, & alia remedia desunt? Sumendum est ex jam dictis circa simile periculum vitæ, aut salutis, quod mater gravida patitur. Et affine aliud exemplum assert Layman *lib. 3. sect. 5. tract. 1. p. 3. cap. 4. num. 4.* sic scribens: *Quis enim neget, invadente fera matrem, ipsi licitum fore, immò etiam in precepto naturali, ut fuga vita suam certo interitui expositam liberet, si possit, quamvis cum probabilissimo abortus periculo?*

DISSERTATIO XXI.

DE ANIMATIONE FOETUS intra uterum.

Non ventilatur hic vulgaris illa questio supponens, foetum intra uterum animo rationali informari, & esse, antequam nascatur ex utero, verè hominem jam tunc constitutum suis partibus essentialibus, inquirensque ulterius, quanto tempore ante partum id contingat; sed de ipsa potius suppositione, tametsi receptissima, contendere cogimur, & examinare, an foetus ante partum informetur anima rationali sibi propria, atque distincta ab anima matris, vel non, sed in ipso ingressu, punctoque natiuitatis: hoc enim posulat 35. proposit. inter damnatas.

CAPUT PRIMUM.

Quinam sentiunt, foetum, quamdiù in utero est, non informari anima rationali sibi propria, & quibus argumentis id suaderi valeat?

I Ioannem Marchum Archiatrum, seu Protomedicum Pragensem huic doctrinæ mordicus adhæsisse, eamque à variis obtretationibus, & accusationibus strenuè vindicasse, subscribentibus quibusdam Theologis, & Universitate Lovaniensi nullatenus repugnante, refert Camræus in Theologia Fundamentalii edita Francofurti anno 1652. num. 1163. eique ipse probabilitatem suam tunc detulisse videtur, consequenterque admisisse; quod ex eâ evidenter sequitur, nempe foetum antequam partum non esse hominem, utpotè carentem præcipua essentiali parte constitutiva illius, & consequenter homicidium non committat, quumvis suffocetur intra uterum, vel præmeditato abortu ex eo abigatur. Et in summa, ita discurret hæc sententia de embryone toto tempore prægnantiae, sicut philosophatur communis de ipso pro illo parvo spatio quadraginta, aut octoginta dierum, quo post conceptionem creditur differri intra uterum infusio animæ humanæ.

2 Quæ doctrina, licet primo aspectu paradoxâ, & singularis videatur, & ab ipso Auctore suo non nisi quibusdam levis ar-

gumentis physicis stabiliatur, foveri potest nihilominus primùm auctoritate iuridica, & existimari placita antiquis Jurisconsultis, quos alii postea sectantur. Nam apud Papinianum habetur, partum, antequam edatur in lucem, non esse hominem: apud Marcellum, eo intempto, non interimi nisi spem animantis: apud Ulpianum, non esse suppositum per se subsistens; sed partem viscerum matris, & secundum se non esse adhuc in rebus humanis. Verba clarissima sunt, si absque voluntariis glossis, velut jacer, accipiantur. Papinianus enim ita loquitur in L. in Falcidia 9. ff. ad legem Falcid. circa ventrem ancilla nulla temporis admissa distinctio est, quia partus nondum editus homo non rectè fuisse dicitur. Marcellus verò ita scribit L. 2. ff. de mortuo infer: Negat lex regia mulierem, quæ prægnans mortuam fuisse, humani, antequam partus ei excidatur. Qui contra fecerit, spem animantis cum gravida interemisse videtur. Ulpianus autem L. 1. §. 1. ff. de inspici. ventr. Partus, inquit, antequam edatur, mulieris portio est, vel viscerum: milliesque supponit, illum interim non esse in rebus humanis, præsertimque in L. Sed si plures. 10. §. 1. ff. de vulgari. L. Ubi cumque. 7. ff. de venire in possess. mitter. Atque ea propter Tiraquellus ad L. Si unquam, verb. Susceperit liberos. C. de revoc. donat. num. 148. cum Baldo, & plerisque aliis jurisperitis contendit, homicidium non committi, quamvis foetus in ventre perimatur.

3 Foveri præterea potest Theologica auctoritate S. Ildorici lib. 1. de summo bono. c. 24. relata.

velata in cap. Qui in matris. 115. de consecrat. dist. 4. ubi hæc habentur: Qui in matris uteris sunt, cum matre baptizari non possunt. Quia qui natus adhuc secundum Adam non est, renasci secundum Christum non potest. Neque enim dici regeneratione in eo potest, quem generatio non præcesserit. Unde sic arguere licet. Qui sunt in matris uteris, adhuc secundum Adam non sunt generati, nec nati, & ideo nec regenerari possunt, nec renasci per gratiam secundum Christum. Ergo nec sunt animati animo rationali sibi proprio. Nam qui hoc modo generati sunt, seu nati in utero, in ipso primo suæ animationis instanti incurrunt peccatum originale tanquam veri homines, ac filii Adæ per naturalem generationem derivatam ex ipsius semine, ac stirpe: & sicut fieri non potest, ut ante generationem, & animationem suam peccatores sint, aut verè homines, ita accidere non valet (secluso privilegio B. V. quam semper exceptam volumus) quòd generatione, & animatione posita vel tantillum differatur incurso originalis peccati sibi proprii tanquam hominis jam geniti, ac re vera filii Adæ.

4. Tertiò ratione Theologica. Nam, cum certissimum sit, peccatum originale non diffundi, sed incurrì ab homine in ipso primo animationis instanti, aliunde constans videtur, illud non incurrì in utero; sed eo tempore, quo parvulus ab illo egreditur, dicente Scriptura Ecclesiastici 40. 1. *Occupatio magna creata est omnibus hominibus, & jugum grave super filios Adam, à die exitus de ventre matris eorum usque ad diem sepulture in matrem omnium.* Quo loci verbum *creata* satis indicat, tunc primum incipere jugum illud, de quo est sermo, nam alioqui non creari, sed conservari, aut permanere diceretur: sicut anima non dicitur creari in die exitus de ventre matris, si verum est eam infundi corpusculo aliquot mensibus antequam proles edatur. Jam verò quòd grave istud jugum sit originale peccatum, ex re ipsa sumi videtur, quia si Adam non peccasset, & suos posteros peccato non iniecisset, neque jugum illud esset, nec mors, nec calamitates reliquæ, quas trahi cum illo recenset eo loci Sapiens. Quamobrem Gelasius Papa epist. 1. contra Pelagiam. ex prædictis ejus verbis probat, parvulos gravari jugo originalis peccati. Et

S. Augustinus lib. 5. *Hypognosticon. cap. 3.* Quid, inquit, est hoc grave jugum, nisi peccatum? Et quare dicitur est jugum, nisi quia ex duobus Adam, & Eva venit? Ac paulò infra: Hoc jugo, id est, originali peccato revindicti majores, atque minores, vitium ex ipso ortu tanquam aratrum trahimus.

5. Arguitur 4. ab absurdo. Quia ex opposita sequeretur, plures homines in peccato decedere, quibus tota vita defuit possibilitas adipiscendi salutem, quin ulla sua, vel aliorum diligentia posset illis applicari Baptismus, aut aliud medium, quo statum peccati exuerent, & renascere gratiæ. Consequens absurdum est. Ergo & id, unde colligitur. Consequentia in dubium revocari nequit. Consequens autem, quod deduci diximus ex ea sententia, absurdum esse inde apparet, quia, eo concessio, tolleretur generalitas auxilii sufficientis ad salutem omnibus, ac singulis filiis Adami, universalitas redemptionis nostræ non comprehenderet totum genus humanum, & sincera, seriæque voluntas, qua Deus vult omnes homines salvos fieri, non extenderetur ad omnes; sed ad multos, exceptis aliis non paucis, quod refellit ex professo S. Augustinus lib. 4. contra Julianum. cap. 8. causam parvulorum agens, & sic inter alia scribens: Numquid homines non sunt, ut non pertineant ad id, quod dicitur est: Omnes homines?

6. Jam verò quòd istud consequens legitime deducatur, si parvuli jam in utero verè homines sunt, & propriam animam habent suo corpusculo ibi infusam, inde persuaderi valet. Quia ex ipsis plures deficient, antequam in lucem prodeant, contra expectationem matris ratione debilitatis, vel alterius causæ merè naturalis, & occultæ, quin ulla diligentia, aut providentia humana impediri poterit mors ipsorum, aut adhiberi remedium, quo sanarentur à vulnere peccati, quod jam contraxerant. Baptismus utique, cum ex sua propria institutione postulet ablutionem baptizati, parvulis clausis in utero validè nequit conferri, ut omnes Theologi statuunt. Circumcisio quoque in lege veteri circa illos exerceri haudquaquam poterat. Remedium legis naturæ in alia simili cerimonia consistebat sensibilibiter exercenda erga puerum, & supponente illius nativitatem. Igitur nullum remedium

medium peccato istorum applicari valet. Nam quod Cajetanus dixit 3.p. q.68. art.2. istis sufficere parentum fidem applicatam solo signo Crucis, aut invocatione Trinitatis, jussu Pii V. Pontificis maximi merito deletum est, & totus ille commentarius deinceps expunctus in editionibus aliis.

7 Restat igitur, ut hisce parvulis nullum remedium sufficiens datum sit, si verè homines sunt, insectique peccato. Nam cum remedia non prosint, nisi quibus applicentur, ubi illorum applicatio est impossibilis, attenta institutione, ac modo ipsorum, nulla verè talis sufficientia dabitur. Frustra enim, & omnino insufficienter remedium exhibetur, cui certum est prodesse non posse; illis autem, qui in utero mori dicuntur, nec Baptismus, nec remedium aliud prodest; sed necessariò requiritur, quòd in lucem egrediantur. Et, quamvis interdum possit mors illorum imputari culpæ, aut incuriæ parentum, quæ impedit, ne pervenirent ad statum, in quo possent à peccato suo per hæc remedia curari; sæpè tamen oppositum contingit ex naturalibus causis, nihilque omittunt parentes sibi possibile, ut proles viva nascatur. Immo in mortibus violentis, & inopinatis idem cernitur. Nam quid, rogo, erant facturæ pro se, aut filiis, quos gestabant in utero Madianitæ sceminæ, cùm Deus præcepit per Moysen Numer. 31. 15. *Jugulari omnes, quæ noverunt viros in coitu?* Aut quo remedio Amalecitz prægnantes suos parvulos protegere possent, jubente Deo, & consequenter volente directè, ac positivè 1. Regum 15. 3. *Interficere à viro usque ad mulierem, ne quidem exceptis gravidis?*

8 Ultimò huic sententiæ favet, quòd juxta ipsam facillimè explicentur plurima, quæ juxta oppositam difficulter expediri valeant: ut quòd ætas hominum non computetur, nisi à die nativitatæ, potiùs enim computanda videretur à tempore animationis, quo cœperunt esse homines, & vivere vita humana. Item quòd non deur tutor posthumò antequam nascatur, nec Angelus tutelaræ existentibus in utero peculiaris, ac distinctus ab eo, quicustodit matrem. Ac tandem, quòd pœna abortus studiosè procurati non sit pœna parricidii in parentibus, nec pœna ho-

miciidii in aliis; sed multò levior, nempe exilii temporalis ex Marciano L. 4. ff. de extraordin. crimin. aut perpetui juxta Ulpianum in L. Si mulierem. 8. ff. ad L. Cornel. de sicariis.

CAPUT II.

Statuitur, sententiam propositam esse scandalosam ut minimum, & perniciosam in praxi.

9 Ita decretoriè censuit Summus Pontifex Innocentius XI. dum hisce centuris perculit thesim 35. ubi illa tradebatur hoc tenore: *Videtur probabile, omnem fœtum, quamdiù in utero est, carere anima rationali, & tunc: primum incipere eandem habere, cùm paritur, ac consequenter dicendum erit, in nullo abortu homicidium committi.* Hæc ibi.

10 Meritò autem ita sensisse Pontificem, inde facillè conspicitur, quia ex naturali Stoicorum Philosophia temerè assumitur tanquam probabile principium quoddam positivè contradicens omnibus Philosophis Christianis. Et cùm illud applicatur postea diversis materiis, & consequentiæ trahuntur ad homicidia tollenda omnium, qui nondum sunt nati, atque ad irregularitates semper excusandas, dum abortus procuratur, ad peccatum originis submovendum ante partum, atque ad alia multa id genus Theologica, vel moralia, Scripturis vis infertur, repugnatur SS. PP. contradicunt Summis Pontificibus, & omnia principia convelluntur, quæ hætenus recepta erant, nemine contradicente apud Theologos, Jurisve Canonici peritos, ut omnino indubitata. Unde VVilhelmus Sandeus in *confut. trium viror. fol. mibi 243. enormissimæ absurditatis* esse dixit thesim istam inter omnes ab Innocentio profligatas. Sed & antequam condemnaretur, Caramel jam retractaverat in posteriori editione Theologiæ Fundamentalis num. 1625. *vacillationem illam, qua in priori visus erat annuere probabilitati hujus doctrinæ. Et sapientia, ac dignitate Eminentiſſimus Cardin. Aguirre illam ex professo examinans, sic de ea censuerat in Ludis Salmanticis. Ludo V. Excurs. 1. num. 25. Doctrinam communem de animatione infantium in utero ante nativitatem per propriam animam rationa-*

tionalem negari non posse censemus absque præjudicio fidei Catholica, absque Theologia injuria, sine Philosophia dedecore, & ocularis experientia præstigiis.

11 Suadetur itaque primò ex textu sacro Exodi 21. 22. ubi secundùm versionem septuaginta Interpretum hoc modo legitur: *Qui percusserit mulierem prægnantem, & illa abortum fecerit, si fœtus erat formatus, dabit animam pro anima, id est, vitam suam pro vita, quam fœtui abstulit; si nondum erat formatus, multabitur pecunia.* Ubi aperte vides, fœtum jam in utero effigiatum, formatumque membris suis, sua quoque anima informatum tradi, & propter percussorem matris occidi, ut infanticidam. Vides insuper, quàm falsò dicatur, homicidium verè tale in nullo abortu committi. Ex, quamvis nostra vulgata aliter veritat hanc clausulam, non idèò alteri versionis contradicit. Illa enim agit de supplicio mortis irrogando ob mortem matris ex percussione abortientis, siue proles vivat, seu moriatur, siue informis exeat, seu formata, nam de hoc puncto nihil dicit. Ista verò vice versa de morte matris non tractat; sed solum de morte filii vindicanda per mortem percussoris, quamvis mater ex abortu non moriatur, si exeat formatus ab utero. Unde ex utraque lectione simul sumpta optimo jure colligitur, quod Cornelius ad eum locum, & alii multi observant, vitam pro vita, & animam pro anima ex præscripto Dei fuisse reddendam, idemque judicium observandum, siue sola mater ex abortu moreretur, siue solus infans jam formatus inanimis abigeretur ex utero.

12 Suadetur iterum. Quia originale peccatum in utero ante partum contrahitur; non contrahitur autem absque animatione fœtus. Ergo fœtus animatur inibi ante partum. Cætera conspicua sunt, & major vel ex eo patet, quia omnes dicimus non tantùm nati; sed in peccato originali concepti; conceptio verò non fit, nisi in utero, & multis mensibus præcedit partum. Etea propter tanquam specialissimum B. V. privilegium ab Ecclesia celebratur, quod fuerit absque originali concepta: quod deridiculum redditur, si cæteri omnes absque eo peccato concipiuntur, & solum cum illo nascimur.

David utique longè aliud sensit Psalm. 50. 7. sic deplorans: *Ecce enim in iniquitatibus conceptus sum, & in peccatis concepit me mater mea.* Unde S. Augustinus ad eum locum notat, David suscepisse personam generis humani, & ex eo probat, originale peccatum, & contendit contrahi in utero. Nam, inquit, agens de infante, qui baptizatur: *Si loqui tibi posset ille infans, diceret, & si jam insellèdum haberet, quem habebat David, responderet tibi: Quid me attendis infantem? Non quidem vides facinora mea. Sed ego in iniquitate conceptus sum, & in peccatis mater mea ME IN UTERO ALUIT.*

13 Sicut autem certum est, ibi non esse sermonem de peccatis actualibus à parvulo in conceptione commissis, ita perspicuum videtur, David non fuisse loquutum de peccatis perpetratis, vel à matre concipiendo, vel à patre generando. Neque enim, ait Augustinus, de adulterio natus erat; sed de Jesse viro justo, & conjugè ipsius, quibus immeritò adscriberet ea de causa iniquitates, ut animadvertit etiam S. Thomas lib. 4. contra Gentes. 50. num. 3. Ex quo insuper addiscimus, 1. 2. q. 82. art. 2. ad 1. huic expositioni receptissimæ apud PP. & Scholasticos non obstare, quòd in uno homine non sit nisi unicum originale peccatum. Utitur enim Propheta, dum iniquitates nominat, plurali pro singulari, ut sæpè in Scriptura cernitur: & cum originale sit causa, & origo multorum peccatorum, & peccatum Adæ, ex quo traducitur, plures deformitates habuerit, non incongruè dici potuit virtute plura peccata. Immo cum in unoquoque reperitur peccatum originale sibi proprium, & illud multiplicetur formaliter ad multiplicationem hominum, verissimè Psalter enuntiavit etiam de hoc peccato agendo: *In iniquitatibus conceptus sum*, quia juxta Augustinum supra personam generis humani ibi suscepit, & sub suo nomine de toto illo loquebatur.

14 Propter eam itaque S. Fulgentius lib. de fide ad Petrum. cap. 27. firmissimè tenendum, & nullatenus dubitandum esse dixit, propter originale peccatum, quod carnali conceptione traxerunt, in altera vita esse puniendos, non tantùm jam natos ex matribus, qui sine Baptismo transeunt de hoc sæculo; sed etiam eos, qui

qui in uteris matrum vivere incipiunt, & ibi moriuntur. Eadem quoque firmitate esse tenendum, parvulos, qui nondum sunt nati, jam tunc esse peccatores, docuit disertè Augustinus lib. 1. de peccato merit. & remiss. cap. 32. ita concludens: Cedamus igitur, & consentiamus auctoritati Sanctæ Scripturæ, quæ nescit falli, nec fallere, & sicut nondum natos ad discernenda merita eorum aliquid boni, vel mali egisse non credimus, ita omnes sub peccato esse, quod per unum hominem intravit in mundum, & per omnes homines pertransiit, minime dubitemus.

15 Suadetur tertio ab absurdis, quæ oppositam sententiam conficiantur. Primum quippe ex ipsa sequitur, neque B. Virginem, neque ullum alium, ante suam nativitatem ex utero, absque ingenti miraculo potuisse incurrere originale peccatum: quandoquidem esse dicitur suprâ, immò contra totius naturæ exigentiam, corpus ejus ante id tempus animari hominis vix. Sequitur rursus, non fuisse purum beneficium, neque magnum, sed valde diminutum, justificationem Baptizati, aut Jeremiam in ventre matrum. Ipsi enim naturæ suæ relicti pro illo statu nec erant futuri homines, nec peccatores, nec sancti; ad anticipandam verò justificationem ipsorum prius necesse fuit miraculose efficere, ut essent in statu peccati, & filii iræ, ac damnationis, ex qua postea transferrentur ad statum adoptionis, ac gratiæ. Sequitur tandem, nullum parvulum interfici in ventre matris, nullumque proinde esse verè martyrem, aut emundari peccato, quamvis simul cum prægnante matre confodiatur data opera in odium Christi; cujus oppositum fert vera Theologia censens, puerulum ita confixum ad cœlum evolare cum matre, baptizari suomet sanguine, & coronari martyrio.

16 Sic sentiunt communiter Scholastici, ut Scotus, Paludanus, Richardus, Gabriel, Carthusianus, Argentina, Vega, quos appellat, imitaturque Ruiz de Montoya disput. 49. de prædest. sect. 4. num. 12. ubi vir eruditissimus sic concludit: Neque scimus ab aliquo Theologorum hoc negari. Accedit insuper Vasquez tom. 2. in 3. p. disput. 153. num. 80. Sâ, verb. Martyrium in fin. Theophilus Raynaudus tom. 18. tr. de martyrio per pestem. p. 2. cap. 2. num. 8.

addens præterea, idem futurum, quamvis mater non occideretur, aut non esset verè martyr defectu dispositionis prærequisitæ in adultis; immò quamvis Tyrannus occisor nesciret eam esse gravidam, idque omnino verum credit cum Henriquez Conine in 3. p. q. 66. num. 123.

17 Suadetur demum à priori. Quia fœtus ante tempus partus jam est formatus in utero, membrisque, ac figura humana effigiatus, ac distinctus, ut in abortibus cernitur, etiam illorum, qui sine vita ciliuntur. Ergo jam est ultimò disposita materia illius ad recipiendam formam hominis: nihil enim probabiliter dici potest ei deesse, quod partus tempore adquisit. Ergo, cum formatur, statim anima humana ipsi infunditur: ita enim in aliis accidit, quoties materia invenitur ultimò disposita ad formam alicujus speciei: neque enim illa differtur; sed absque mora producitur. Propterea infusionem animæ, & formationem in utero esse simul tempore, satis declarat locus Levitici expensis num. 11. eodemque utitur ad idem comprobandum textus in cap. Moyses. 9. 32. q. 2. Et sanè fœtum formatum aliqua anima informari manifestum fit ex motu illius, qui vitalis est, & ab intrinseco, cum fiat quiescente matre, & alius motor deficiat. Quis autem dicat, corpus homini adaptatum tunc exigere animam belluinam, & non potius rationalem? Pari namque audacia dici posset, eandem animam etiam perseverare post partum, donec superveniat tempus exercendi aliquem actum proprium hominis solius, v. g. risum, aut loquellam. Nam ploratus, qui in eis cernitur, etiam brutis est communis. Plorant enim & leones, plorant equi, plorant asini, ut ex probatis Auctoribus ostendit eruditè P. Joannes Stephanus Menochius in Stoeris erudit. p. 3. centuria 5. cap. 14. ex inde probans, descriptionem hominis rectè ex risibilitate sumptam fuisse, & non rectè ex fleibilitate sumendam, quæ aliis ab ipso convenire potest.

18 Quod verò confundunt alii, fœtum informari anima matris eo tempore, quo est in utero, non verò sua propria usque ad partum, error fuit quorundam antiquorum, quem refellit ex professo Tertullianus lib. de Anima, cap. 25. & 26. atque ex rationibus nuper adductis, actotius

tius Ecclesie sensu circa peccatum originis manifeste confutatur. Experientia quoque ipsi resistit. Nam, ut alia plura omittam, quæ sapienter urget Tertullianus, & sceminarum prægnantium apertis documentis confirmat, sæpe sentitur in ventre matris gravidæ præmortuæ motus parvuli grandioris, & iste per scissionem, quam vocant Cæsaream ab illo vivus extrahitur, ne in lymbum abeat; sed frustra gratia Baptismi. Notum ex historiis est, id quàm sæpius contigisse, quarum plurimas ex penu sæculari, & Ecclesiastica, atque ex testimoniis ipsis oculatis Medicorum, addensat P. Raynaudus *tom. 14. in tract. de ortu infantium per scission. Cæsar. toto cap. 2.* adeo plenè, ut absque maxima temeritate nequeat ipsis contradici.

19 Merito ergo dixit S. Thomas 3. p. q. 68. *art. 11. corp.* puerum, antequam nascatur ex utero, habere animam distinctam ab anima matris, & corpus puerperii animati, cum jam sit formatum, esse quoque à corpore matris distinctum. Idipsumque in aliis omnibus animantibus experiri licet, & in eis præsertim, quæ non pariunt, sed incubant ova sua. Neque enim gallinæ anima informare potest simul tot ova inter se distantia, & à quibus ipsa sæpius distat; & tamen si ova rumpantur post formationem pullorum, ipsi reperiuntur vivi. Præterea etiam ea, quæ pariunt, si imperfecta sint, ut vipera, cum illorum anima sit scitilis, & altera portio illius sit ex. g. in capite, altera in cauda, & adhuc divisa in duas partes motum, ac sensum vitalem in utraque pariter retineant, consequenter diversam animæ partem ab illa, quam ipsa habent, & retinent etiam post partum, communicabunt suis fœtibus, dum fiunt in utero, & cum illa jam prius habita, non verò cum alia nova de factocedentur in lucem.

20 Quæ verò perfecta sunt, ut leena, aut equa, juxta veriore sententiam, animas etiam extensas, ac divisibiles habent nutritione comparatas, & diversis partibus matris affixas, atque ideo quoad effectum non mutandi aliud subjectum, nec sese extendendi ad filios, eadem omnino erit ratio de his, quæ erat de imperfectis. Si verò dicamus, illas esse indivisibiles, prorsusque insectiles, ut anima rationalis, adhuc idem obrinebitur.

Quia nulla anima informare potest duas materias adæquatas, nec vivificare duo corpora integra, & jam constituta omnibus membris, ac partibus duplici animanti debitis. Cum ergo mater, & fœtus jam formati sic se habeant, consequens aperte fit, ad vivificationem utriusque unicam animam matris esse omnino insufficientem, & longè minus sufficere ex natura rei ad informandum corpus matris simul cum fœtu multiplici, qualem bruta sæpius habent uno partu plures filios educuntia, & fœtominis haud rarò contingit.

21 Ultimò notandus est error conspiciendus jacens in thesi proscripta. Quia non tantum negat, omnem fœtum, quamdil in utero est, carere anima rationali; sed insuper addit, tunc primum incipere eandem habere cum paritur, restringendo ad eos solos, qui pariuntur ademptionem rationalis animi. Hoc autem evidenter est absurdum. Nam mater mortua non parit fœtus, qui ab illa extrahuntur scindendo ventrem ejus, cum neque illi exeat per communem portam, neque illa quidquam conetur ad educationem ipsorum; sed ad illam merè passivè se habeat; & tamen plures ex illis vivi extrahuntur, ut evidenti experientia demonstratur, atque argumento est S. Raymundus, quia ea de causa dictus est *Nonnatus*, & potiori jure potuisset cognominari *Non paritus*. Parrere enim essentialiter importat activitatem, & conatum matris, & pueri exitum per viam communem à natura destinatam, ut ex apprehensione terminorum apud omnes constat, & aperte comprobatur ex L. Anniculus. 132. ff. de V. S. ibi: *Falsum est, ea peperisse, cui mortua filius exfœtus est.* L. Siego. 11. §. Idem est. ff. de Publiciana in rem action. ubi dicitur *non natus, qui post mortem matris exfœtus ventre ejus extractus est.*

22 Idipsum Theologi tradunt in re maximi momenti, qualis fuit Virgineus partus Christi Domini, & speciatim Aureolus, Rubionius, Toletus, Suarez, quos appellat rem discutiens accuratè Raynaudus, ubi proximè cap. 1. num. 5. Longè autem absurdius foret, ut S. Augustinus præsentit epist. 120. ad Honoratum cap. 12. in fin. credere Virgineo fœtui jam nato animam rationalem accessisse, quæ intra viscerum matris adhuc ei defuisset. Nam ita defuisset

fuisse quoque divinitas, quæ totam humanitatem assumpsit eodem temporis momento, & Virgo dici non posset per se, ac propriè Dei hominis genitrix, aut Deipara, nec Christum portasse in ventre. Unde obiter adnotaverim, juxta contrariam sententiam, fœtus extractos ex fœminis, sive mortuis, sive vivis, media sectione Cæsarea, neque filios ipsarum dici posse, neque illas ipsorum matres. Nam filiatione necessariò postulat, ut filius ex ea nascatur, quæ est mater ejus. Isti autem neque erunt nati intra uterum, neque extra uterum ab illis, quæ ipsos portabant. Non nati ex utero, quia non pepererunt illos. Non in utero, quia ibidem non animantur; sed perinde se habent toto eo tempore, sicut se habent juxta veram philosophiam fœtus, qui non sunt formati, nec ex nihilo ad aliquid egressi.

CAPUT III.

Enodantur rationes dubitandi.

23 **A**D primam negandum non est, Papiinianum, Marcellum, & Ulpianum ab ea sententia stitisse, quam Ænuo suscitavit Joannes Marcus. Fuerunt enim secta Stoici, & Stoicis illam tribuit ubi suprà Tertullianus cum Plutarcho lib. 5. de placitis Philosoph. cap. 5. immò & Platonis, aliosque refert idem tenuisse Lactantius de opificio Dei. cap. 17. Cæterum Consulti alii Peripateticam scholam sequuti longè aliter sensisse videntur, & propriùs accessisse veritati. Ideò enim, qui in utero sunt, in toto penè jure Civili intelliguntur in rerum natura esse, ut attestatur Julianus, & multis exemplis comprobatur in L. Qui in utero. 26. ff. de statu hominum; immò etiam esse in humanis habetur in L. 5. ff. eodem. Et ex Scævola refertur, partum non esse partem rei furtivæ in L. Partum. 26. ff. de V. S. L. Si aliena. 10. in fin. ff. de usufructu. Consonantque aliz quàm plures decisiones juris satis per vulgatæ. Unde subtiliter potiùs, quàm utiliter videntur laborasse permulti juris interpretes, dum nituntur præcitatòs textus mutuò conciliare. Constat namque, eorum Auctores ob contrarietatem sectarum, quibus adhærebant, in hoc puncto sensisse quoque contraria, eaque sectæ

Theolog. Reform.

ptis consignasse adeò perspicuè, ut absque magna violentia illara verbis ipsorum exponi aliter non valeant. De quo plenè Joannes Ramos de pena parricidii. lib. 7. à num. 46 & qui eum sequitur Emmanuel Gonzalez ad 5. Decretal. cap. Si qui. 5. de homicid. num. 9. usque ad fin. comment.

24 Ad secundam fateor, locum Isidori esse difficilem: videbitur enim tradere contra receptam Theologiam, si ejus ratio perpendatur, eos, qui sunt in utero, neque Baptismo sanguinis regenerari posse, etsi in odium Christianæ fidei pariter cum matre proximè paritura transfigantur. Negare quoque videbitur, baptizari posse validè parvulos priùs, quàm extrahantur ab utero matris exsectæ, aut, si illa periclitante simul cum parvulo, quem nondum peperit, appareat caput istius. Hæc autem negari immeritò (quidquid in contrarium dixerit ex professo Comitulus lib. 1. respons. moral. qu. 13.) constat ex Ecclesiæ usu, & ipsa praxi Baptismi tradita in rituali Pauli V. sub titul. de baptizandis parvulis. Quinimodò si fortè obsterit adeò perita sit, ut manu introducta in ventrem, vel alio artificio possit efficere, ut intingat aqua immediatè ipsum infantulum ibi latentem, communis sententia fert contra Majorem, cum non esse destitutum isto genere Baptismi, id expressè contestantibus Gabriele, Victoria, Chapeauville, Vivaldo, Conine, Lessio, Dicastillo, Gobat, & Scildere de princip. consuetud. 6. num. 8. & 9. ubi Chirurgica instrumenta prodit adaptanda ad hunc effectum, Layman lib. 5. tract. 2. cap. 3. num. 2. Valentia tom. 4. disp. 4. qu. 1. punct. 2. illat. 3. qui duo auctoritatem Isidori sibi opponunt, illamque exponere fatagunt. Eandem etiam accuratè examinat Gonzalez ad 3. Decretal. in cap. Majores. 3. de Baptismo. num. 7. ubi contendit, Isidorum duntaxat loquutum fuisse de puerperio, seu fœtu nondum formato, restringendamque assertionem ejus juxta terminos rationis, quam pro ea stabilienda tradit.

25 Ego existimo, Isidorum eo sensu dixisse, illos, qui sunt in utero non posse baptizari cum matre, quo sensu Augustinus dixit lib. 2. de peccat. merit. & remiss. cap. 25. Filios non posse baptizari in lumbis patrum, & cap. 27. Neminem in suo paterne

Dd

tenie

vere renasci posse non natum. Uterque enim S. Doctor eadem ratione utitur ex eo ducta, quòd Baptismus Sacramentum regenerationis est, ac renascentiæ, quæ generationem, ac nativitatem supponit, sicut resurrectio vitam; & si uterque locus conferatur, manifestè deprehendetur, Isidorum profecisse ex Augustino, tradidisseque brevi compendio, quod ille in prædictis locis fuscè contra Pelagianos disputat. Contendebant enim Pelagiani detrectantes originale peccatum, eos, qui nascuntur ex baptizatis parentibus non indigere Baptismo; sed ex sanctis gigni sanctos, & ex baptizatis baptizatos jam in eorum lumbis, sicut tribus Levi, juxta Apostolum ad Hebræos 7. decimata fuit in lumbis Abrahæ.

26 Contra hunc ergo errorem rectè statuunt, eos, qui sunt in lumbis, aut in utero, non posse baptizari in parentibus, neque cum illis, quasi per baptismum præcedentem matris, aut patris jam tunc sancti, ac baptizati gignantur, quin Baptismo sibi proprio post nativitatem indigeant. Et hoc evidenter probat ratio ab his Sanctis adducta, & ex conceptu regenerationis accepta, quia parvuli regenerari, vel renasci nequeunt virtute Baptismi à parentibus suscepti, antequàm illi intelligantur esse jam actu geniti, ac in utero materno nati. Hoc ergo Isidorus voluit, cum dixit, illos non posse baptizari cum matre, nempe unicum Baptismum utrique non esse satis, neque parvulo sufficere (sicut sentiebat Pelagius) ex matre, aut patre sanctis, ac baptizatis esse genitum, ut absque peccato nascatur, & renasci non debeat per Baptismum sibi immediate applicatum.

27 Quòd si fortasse contingat, matrem baptizari jam gravidam, adhuc verissimum erit, parvulum non baptizari, nec sanctificari ejus Baptismo; sed denuo esse baptizandum, siue esset, siue non esset jam animatus in utero, dum baptizaretur mater. Nam, si animatus non erat, neque homo in actu, sed in spectantummodo, eadem ratio militaret, quia nondum est homo genitus, neque natus in utero, aut ex utero, ut tunc renasci, vel regenerari valeat. Si verò animatus erat, natusque in Adam, ac proxime infectus originali peccato, & rege-

nerabilis in Christo, adhuc tamen certum redditur, id minime fieri posse per solum Baptismum matris. *Nihil enim in hoc Sacramento commune est paritura, & illi, qui de ejus utero fuerit editus, ut definit Neocæsariense Concilium cap. 6. in Nicæno confirmatum*. Ratioque apparet conspicua, quia per ablutionem matris proles utero clausa non abluitur, neque ita nata est, ut simul ablui possit, sicut necessario exigitur, ut per Baptismum aque regenerari in Christo, seu renasci valeat.

28 Ablueretur quidem, si tunc esset pars intrinseca, vel membrum matris ejus corpori naturaliter unitum, nec novo Baptismo indigeret, quia per suum Baptismum tota mater baptizatur, ut obicit Pelagianis Augustinus, quem expendi *dissert. præced. num. 21*. Sed cum non sit nisi distinctum corpus corporieus colligatum, ablutione ipsius nec ablui, nec sanctificari potest. Neque enim quidquid in homine est, quando baptizatur, putari debet sanctificatum, aut baptizatum cum ipso: nam aliqui febres ipsæ sanctificarentur, dum ægroti baptizantur; & quæ in vesica sunt, aut intestinis, deberent etiam cum fœmina sanctificari, ac baptizari, ut iterum argumentatur Augustinus relatus in *cap. Si quidquid. 35. de Consecrat. dist. 4*. Videndus Angelicus Doctor 3. *part. qu. 68. art. 11.* qui eisdem vestigiis insistit, & omnia egregie reducit ad amussim scholasticam, discernens etiam in utero corpus, & animam matris à corpore, & anima filii. De quo etiam regulariter verificatur, quod Isidorus asseruit, & sufficiebat illicito ipsius, per aquam renasci non posse nisi jam natos, egressosque ex utero: nam casus, quos antea adduxi *num. 24*. ubi contingit oppositum, valde extraordinarii sunt, & generalem regulam minime infringunt.

29 Ad 3. Jugum, de quo Sapiens loquitur, & quod incipere insinuat à die nativitatis, non est peccatum originis in se ipso; sed in effectibus valde onerosis, ac gravibus, quos patitur quivis homo, postquam ex ventris ergastulo prodit in publicam lucem. Nam, si de peccato originis in se ipso loqueretur, velletque illud non incipere, donec parvulus ex utero

utero egrediatur, consequenter affirmaret, illud tota vita continuari usque ad diem sepulturæ, & cum ipsa vita extingui, ut manifestè constabit pendenti verba, quæ obliuiscuntur, & terminos durationis, qui tali juro assignantur. Porro peccatum originis neque tota vita continuatur, sed sæpe intra illam remittitur, manentibus adhuc molestiis, quas ibi recenset Sapiens, neque cum vita finitur; sed post mortem continuatur casu, quo non sit remissum. Jugum ergo, cui conveniunt proprietates ibi adductæ, non est originale peccatum; sed labores, dolores, ac ærumnæ, quibus subiiciuntur homines in pœnam ejus à die nativitatis usque ad diem sepulturæ. Ad laborem quippe de muliere nascimur, ac brevi tempore vivimus, & multis miseris replemur, ut Job deplorat *cap. 14. 1.* & hoc onere, seu jugo premimur à die nativitatis, quamvis à die conceptionis verè fuerimus immundi, seu maculati à peccato, ut ipsemet Job significat *ibi vers. 4.* dicens: *Quis potest facere mundum de immundo conceptum femine, nonne tu, quis solus es?* Atque de his miseris locum Ecclesiastici intellexit Augustinus *lib. 6. contra Julian. cap. 5. & 10.* Cum verò in libro Hypognosticon (si iste liber est ipsius) dixit, jugum illud esse peccatum originale, pro effectu causam asumpsit, & pœnas hujus peccati, quia ex illo sunt, & in alia peccata sæpe inducunt, peccatum vocare potuit, quod rectè notavit Pisha in comment. litterali ad eum locum *2. part. tom. 4. in Eccles. num. 6. fin.* & hoc modo in Sacris litteris concupiscentia sæpe appellatur peccatum, quia ex peccato est, & ad peccatum inclinat.

30 Ad 4. Eadem omnino est difficultas de parvulis jam natis, qui sine Baptismo moriuntur defectu aquæ, aut vi naturæ, vel casu aliquo improviso, quem nulla humana diligentia prævidere, aut prævenire potuit; & tamen nemo negabit, illos tunc esse animatos, & redemptos fuisse à Christo. Omnes igitur diluere debent argumentum sumptum ex impossibilitate applicandi istis remedium Baptismi, & solutio, quæ his parvulis adaptatur, pari jure accommodari poterit decedentibus in utero. Quocirca Theologi omnes pariformiter de utrisque philosophantur, neque ullus propter hanc causam ausus est negare, parvulos animari, aut mori in utero. Divisi tamen sunt

propter rei difficultatem, quam ex professio expedire alienum est ab hoc loco. Varias tamen solutiones consignabimus apud suos Auctores, ut eam prudens lector eligat, quæ sibi visa fuerit expeditior. Videndusque in primis est P. Suarez *lib. 4. de prædest. cap. 4. præsertim nu. 16.* Valquez *tom. 1. in 1. part. disp. 16.* Arrubal *ibidem disp. 91.* Herizze *disp. 35.* Granado *tom. 5. controvers. 4. disp. 4. num. 10.* Georgius de Rhodes *in 3. part. disp. 1. de Sacram. qu. 1. sect. 3.* Antonius Moraines in *Anti Janenio. disp. 26. sect. 4.* & qui rem accuratissimè versat, nihilque intactum relinquit, P. Ruiz de Montoya *tota disp. 49. de prædest. maxime sect. 2. à num. 9.* ubi separatim tractat de his, qui decedunt in utero, contendens, neque in voluntate aliena omnibus illis conferri auxilium plenè, ac proximè sufficiens ad remedium peccati originalis; sed eis solis, quos humana providentia, atque prudentia potuisset præservare à morte in illo statu, ac servare usque ad Baptismum, & ob culpabilem negligentiam parentum, aut aliorum, quibusvæ cura incumbat, tanto beneficio destituuntur; & nihilominus statuens, eos fuisse redemptos, & Christum mortuum esse pro illis.

31 Ad ultimam in *num. 8.* respondeo; nihil eorum, quæ ibi conglobantur, ad sui declarationem indigere suppositione adeò absurda, qualis est animationis defectus toto tempore, quo parvulus latet intra matris uterum. Nam quòd ætas hominum non computetur, nisi à die nativitatis, ideò factum est, quia dies animationis est valdè incertus, sicut & dies conceptionis, neque uniformiter accidit in feminis, aut in viris; sed citius, aut tardius pro majori, vel minore virtute feminis, aliarumque causarum, quæ ad fetus formationem concurrunt. Quòd verò posthumò datus tutor, nondum sit tutor, donec posthumus edatur in lucem *ex L. Si nemo. 19. §. ultimo. ff. de testam. tutel.* ideò evenit, quia eum alere, & gerere curam personæ interim, ac est in ventre, ex natura rei competit matri. Bona verò, quæ curare possit alius tutor, in eo statu nulla habet, cum nondum sit hæres, neque rumpat testamentum patris, si præmoriatur in utero, & vivus non egrediatur. *L. 1. & toto tit. C. de posth. heredib.*

Immo juxta leges nostri regni integris viginti quatuor horis post partum vivere debet, ut paternam hereditatem nanciscatur.

32 Jam verò quòd ultrà adiiçitur de Angelo tutelari, non constat inter Doctores, & nil adversarios juvat. Nam qui affirmant, non incipere tempus custodiæ usque ad diem nativitatis, eo ipso negant, incipere ab instanti animationis, censentque, pro toto spatio, quo fœtus est animatus in utero, ad Angelum matris potius spectare tutelam, curamque illius. Reputatur enim fructus ventris, dum non est ab eo præcisus, & custodia fructuum adhuc pendentium ex arbore eidem ipsi commendari solet, qui cullos est ipsius arboris. Qui verò e contrario putant, custodiam proprii Angeli inchoari ab instanti animationis, consequenter statuunt, illum etiam in utero matris à proprio Angelo defendi, & ibidem præservari à morte, & ab aliis malis, quæ nativitatem ejus impedire possent, aut præpedire Baptismum. Nullus autem simul docuit, quod adversarii moliantur, scilicet custodiam Angeli incipere ab instanti animationis, & non incipere, dum est in utero; sed usque ad partum differri.

33 Utraque igitur sententia rectè, ut par est, intellecta impune doceri potest, & componi cum animatione fœtus antè partum, seu nativitatem ex utero, parumque adversariis prodest, utrùm hæc, vel illa præferatur. Mihi autem probabilior videtur, quæ à die infusionis animæ, seu nativitatis in utero desert Angelo custodiam pueruli. Tum ob rationem proximè insinuatam, quia tunc incipit esse viator, & homo à matre distinctus peculiaribus subsidiis egens, ne moriatur sub peccato originali, & carcat salutem æternam. Tum quia expressa est S. Thomæ in 2. sent. 2. part. diff. 11. qu. 1. art. 3. ad 3. cui præverere Tertullianus lib. de Anima. cap. 37. & Anselmus in Elucidario. post. med. Tum quia idem sequuntur eo loci Albertus, Bonaventura, Richardus, Ægidius, Gabriel, Major, alique ex antiquis, ut Alensis, atque Carthusianus, quibus annuit eos appellans, & propria loca consignans Card. Aguirre in Ludis Salmantic. Ludo. 5. excursu 2. & P. Suarez lib. 6. de Angelis. cap. 17. num. 18. Narbona in annalib. ann. 1. qu. 5. num. 17. contra Magistrum,

Durandum, Zumel, Molina, Valentia, Vasquez, & alios, quos sequitur Vasconcelos tom. 1. de Angelo Custode. lib. 2. cap. 10. part. 3. num. 7. Cætera autem, quæ in eorum. 8. obiciebantur, postea commodius solvantur.

C A P U T IV.

Scandalosè quoque dictum esse, in nullo abortu homicidium committi.

34 C Onsequenter ad doctrinam negantem animationem fœtus antè partum addebat thesis damnata: In nullo abortu homicidium committi. Quæ illatio rectè videtur procedere. Quia homicidium non committitur, nisi verus homo interficiatur; fœtus autem nondum informatus animo rationali verus homo esse non potest, atque adeo nec verè occidi, ut ostendebatur fusiis, cum de abortu fœtus nondum animati. Cæterum, cum jam sit demonstratum, principium, unde id deducitur, esse prorsus improbabile, contrariumque omnino certum, exinde colligi debet, sæpe homicidium committi in abortibus studiosè procuratis. Impudentia namque nimia videtur juxta Augustinum in Enchirid. ad Laurent. cap. 86. negare puerperia mori sæpè intra uterum matris, & antè in illo vixisse; neque reperire potest S. Doctor, quomodo cum aliis mortuis resurrectura non sint in die judicii extremi, ubicumque mors illis contigerit. Unde resurrectionem illorum Theologicè certam putat P. Suarez tom. 2. in 3. part. disp. 50. sect. 3. conc. 2. Et sicut compertum est homicidium propriè nunquam dari, nisi verus homo interficiatur, ita indubitarum esse debet, semper committi homicidium, quoties homo verè, ac propriè talis privata auctoritate neci addicitur, & vitæ suæ continuatione privatur. Atqui sæpè abortus procuratur, cum homo jam est formatus, atque animatus in utero, suisque essentialibus partibus, scilicet anima, & corpore adæquatè constitutus, atque in ipso ventre matris suffocatur, aut veneno afficitur multis diebus antè partum, ne virus in lucem prodeat. Ergo verè in his abortibus perpetratur homicidium.

35 Illudque esse sæpè proditorium respectu interempti infantis, inde colligunt Molina

Molina tom. 4. de just. & jur. trad. 3. disp. 27. num. 1. & 2. & qui eum sequitur Raynaudus tom. 14. tr. de scilicet Casarea. scilicet 10. num. 13. quia cum non sit inimicus, nec offensus, sed innocuus, indefensus ex industria occiditur. Eritque præterea filicidium, generali parricidii nomine propriè comprehensum secundum phrasim juridicam, si data opera concurrunt ad illum pater, aut mater: jamenim est natus in utero, & ab illis procreatus, etsi nondum editus in lucem publicam. Atque ita hoc genus delicti parricidium sæpe appellant Auctores, veluti Cicero in Oratione pro Cluentio, Minutius Felix in Oratione de Cyprianus episcopus 49. Theodoretus lib. 9. de legibus sub finem, & alii, quos dabit Raynaudus supra à num. 17. Nobis unus Hieronymus sufficit episcopus 22. in hæc scribens de virginibus Deo consecratis: Nonnullæ, cum se senserint concepiisse de scelere, abortii venena meditantur, & frequenter etiam ipsa commortuæ, trium criminum reæ ad inferos perducuntur, homicidæ sui, Christi adulteræ, necdum nati filii parricidæ.

36 Est autem adeo conforme uniformi sensui Ecclesiarum, & omnium rectè sentientium, parvulus necari posse, dum latet in ventre matris, & morte ipsorum homicidium committi, ut sententia Joannis Marci velob solam istam causam omnino esset proscribenda, quia ex ea oppositum colligitur. Utique Stephanus V. in cap. Consulisti. 20. 2. qu. 5. ut manifestum supposuit, illum homicidam esse, qui conceptum in utero per abortum deleverit. Et Sixtus V. in Bulla contra procurantes abortum, cujus memini discessit. præced. num. 11. & 12. ex Synodo Constantinopolitana, Ilerdensi, & aliis pluribus sæpius tradit, fœtus viventes occidi antequam nascantur, necari, ac perimi in utero, atque adeo Auctores istorum criminum irregularitatem contrahere, & alias penas impositas veris homicidis; immo & hoc ipsum extendi voluit ad alios, quorum prava opera abiguntur fœtus nondum animati. Gregorius verò XV. qui istam extensionem abstulit, reduxitque ad terminos juris antiqui, expressè cavet, te loqui duntaxat, ubi nec de homicidio, nec de animato fœtu agitur. Id ipsum aperte sumitur ex Lege Levitici allata num. 11. verbis illis:

Theolog. Reform.

Dabit animam pro anima. Et, cum omnes leges Ecclesiasticæ, ac profanæ (ut inibi aiebat Sixtus) gravibus penis afficiant eos, qui in utero matris puerperum interimi, nefariè machinantur, omnes illæ in vanum laborassent, omnesque legislatores, ac Respublicæ falsa quadam suppositione deceptæ pro eo delicto penas irrogassent, quod nunquam posset contingere, negata animi infusione ante partum.

37 Propterea mihi vehementer displicent Menochius de arbitrariis. casu 337. Tiraquellus in L. Si unquam. verb. Susceperit liberos. C. de revoc. donat. à num. 127. quatenus affirmant, penas homicidio impositas nunquam ad abortum trahi. Vel enim censent, in nullo abortu propriè committi homicidium, vel illud committi existimant, saltem dum fœtus abigitur, qui jam est actu animatus animo rationali? Si nunquam committi censent, & ex proximè dictis revincuntur, & apertissime invidunt in propositionem damnaram, consequenterque dicere debent fœtum, dum in ventre existit, hominem propriè non esse, sed pecus, aut quidpiam aliud. Nam qui aliquem abortum, v.g. ejectionem fœtus nondum animati, noluit pertinere ad homicidium, profecto nec hominem deputavit, quod tale in utero geritur, ut acutè argumentatur Augustinus tom. 4. lib. 2. super Exodum. qu. 80. Sin verò ex adverso asserunt, quandoque incurri homicidium propriè, dum fœtus abigitur, puta, dum est animatus, & jam actu vivit vita hominis, manifestum est, dum illa tollitur, homicidium perpetrari, & hanc non esse extensionem legis ad casus improprios; sed ipsammet causam legis homicidia punientis, ac verantis. Unde & homicidia reservato, abortus isti eo ipso reservati censentur, Januario teste de casib. reserv. resol. 34. num. 37.

38 Dicere autem, parvulum in utero, quamvis jam sit animata animo rationali caro ipsius, hominem non esse, nisi improprie (quod tenent, relatis aliis jurisperitis, Narbona supra qu. 2. à num. 17.) absurdissimum effugium est, & Stoicissimum Papiniani sapit. Nam homo ille est propriissimè, qui totam hominis essentiam habet, nimirum corpus, & animam invicem unitas, & nequit non esse homo, qui propter Christum occisus, esset verè,

Dd 3 ac

ac propriè martyr. Horrent autem aures, dum adicitur *ibidem* num. 20. ex Signorolo, Mandosio, Thesauro, & nonnullis aliis, neque Christum fuisse hominem priusquam ab utero matris prodierit in lucem publicam, & ex ipsa fuerit natus. Nemo namque potest dubitare, illum ab instanti Incarnationis fuisse verè hominem factum, id namque habetur in Symbolo, quo rudimenta fidei declarantur. Et quomodo verum erit novum illud, quod creavit Dominus super terram Jeremiæ 31. 22. *Femina circumdabit virum*: si Christus non erat homo essentialiter perfectus, dum matre circumdabatur, nec pollebat, sicut alii viri, usu rationis, ac sensus?

39 Unde nec placere possunt, qui putant, pœnas legales parricidii non extendi ad patrem, aut matrem, qui abortum foetus procurant, eum jam actum esse animatus. Militat namque eadem ratio, quæ expendebatur nuper pro homicidio, & paulò antè demonstravimus, illud esse propriè parricidium: ac, si res bene expendatur, eò criminiosus, quò filius non solum privatur vita corporis, ut aliis accidit jam natis ex utero, verum etiam vita animæ spirituali, ac cœlesti per subtractionem baptismi, & mortem sub peccato originali causatam parentum industria. Vera igitur, & communis Doctorum sententia est, hanc impietatem quoad suam speciem, & malitiam ad parricidium spectare, atque de rigore juris pœnis parricidii esse puniendam, ut sentit cum Covarrubias, Antonio Gomez, Carrerio, ac Julio Claro, Molina *disto* num. 2. & aliis relatis, Raynaudus *suprà* num. 20. Solorzano *lib. 2. de parricidio cap. 12. num. 17.* Cabreros *lib. 2. de metu.*

40 Unde quod in *L. 4. ff. de extraord. crimin.* mater, quæ vi sibi intulit, ut proprium factum egeret, ex rescripto Imperatorum Severi, & Antonini neque pœna parricidii, neque homicidii muldatur, sed sola pœna temporalis exilii, & quod *L. Simuliterem. 8. ff. ad L. Corn. de sicariis*, absolute pœna exilii puniendam esse decernitur, non verò deportationis in insulam, ac privationis bonorum, & aliis, quas lex Cornelia imponebat homicidis, vel referendum est ad sectam Stoicam, qua infectos fuisse nonnullos Auctores juris Romani notabam *num. 23.* vel potius

exponi debet de matre abigente foetum, cum nondum est animatus, neque formatus in utero. Nam cum ille in isto statu nec sit homo, nec filius natus in utero matris, sed speratus solummodo, neque propriè occidi valet, neque ejectio ipsius esse potest, quamvis sit grave peccatum, parricidium propriè, aut homicidium. Quare sub hac distinctione foetus animati, vel inanimis prædictos textus conciliant cum aliis, qui pœnam mortis, aut alias graviores irrogant procurantibus abortum, plurimi, quos affert Gonzalez in *dicto* num. 9. atque eadem pariter utitur jus nostri Regni *L. 8. tit. 8. partit. 7.* quam, & alias hujus instituti proprias declarat Molina *suprà tota disp. 27.*

41 Addit denique Solorzano, licet de rigore juris ista vera sint, forensi usu interdum receptum esse, ut parentes, qui committunt tale crimen, mitiori pœna, quàm parricidii puniantur: idemque advertit Molina *eo* num. 2. de pœnis hujus delicti, quatenus est homicidium proditorum, de quo consulenda est praxis uniuscujusque Provinciae. Illud tamen annotaverim ex stylo Romanæ curiæ, & praxi Sacræ Pœnitentiariæ longè difficilius concedi dispensationem irregularitatis patri, qui abortum sui filii jam animati causavit, quàm aliis extraneis, atque ea propter subreptitiam esse dispensationem à parente obtentam, nisi exprimitur circumstantia ista, ut notat cum Thesauro, & Alphonso de Leone Diana *p. 7. tr. 5. resol. 21.*

C A P U T V.

Utrum probabiliter dicatur, in omni abortu homicidium perpetrari, & irregularitatem incurri?

42 **P**robabiliter dici, ex eo colligi videbitur, quia probabile est, animam rationalem foetus humano in ipso primo conceptionis momento à Deo creari, & infundi. Ita latissimè Paulus Zachias *tom. 2. quæstion. Medico-legal. lib. 9. tit. 1. tota qu. ultim. in edition. Lugdunen. ann. 1661.* & novissimè nobilis Medicus Gaspar Bravo *tom. 3. operum medicinal. in miscellan. prompt. 4.* à quo parum distat, & quoad praxim ferè nihil Thomas Ficus

Fienus *opust. de vi formatrice fatus, qu. 8. concl. 11.* contendens foetum humanum animo rationali donari prima, aut secunda, vel ad summum tertia die, quo mulier fit gravida, & commiscetur semina prolifica, ac in unum corpus coeunt, ut puellus formari incipiat. Quod si haec sunt probabilia, consequens est, ut in quolibet abortu verè committatur homicidium, contrahaturque irregularitas, & aliae pœnæ juridicæ. Nam abortus fieri nequit, antequam mulier concipiat, & sit gravida; eo autem ipso, quod sit gravida, & conceperit, jam geritur homo in utero, & ille necatur, dum fatus per vim abigitur. Esse autem probabilia ab intrinseco, & extrinseco, adeò certum apparuit Carameli agenti de opinione Fieni (laruit enim eum Zacchias) ut dixerit, se risurum, si quis oppositum diceret. Sic scripsit in *Francofurtensi editione Theologiae Fundamentalis num. 1162. fol. 559.* sed postea meliora sapiens, id improbabile dixit in correctione editione *num. 1627.* & ita sentiendum esse mihi indubitatum apparet, atque persuaderetur.

43 Primum, quia, ut experientia quotidiana apparet, & isti Auctores fatentur, per abortum à consilio, vel à casu contingentem potest eiici tam fatus informis, quam formatus lineamentis, ac figura perculi. Sed in abortu fatus planè informis neque homo abigitur, nec mors infertur, neque homicidium perpetratur. Falsum igitur est, in omni abortu, etiam studiosè procurato, verè committi homicidium, aut fætum antea animatum sua vita privari, & hominem mortuum eiici. Minor, quæ sola est difficilis, probatur ex Sacro textu Exodi 21. 22. quem 70. Interpretes hoc modo vertunt: *Qui percusserit mulierem prægnantem, & illa abortum fecerit, si fatus erat formatus, dabit animam pro anima, si nondum erat formatus, multabitur pecunia.* Ubi, ut vides, duo casus distinguuntur spectantes ad mulierem prægnantem, & ad fætum jam conceptum, cujus illa abortum facit ob percussione alterius. Unus, quo fatus formatus, alius, quo informis abigitur, & ex illis solum primus ad homicidium refertur, & pœna mortis multatur; alius verò sola pœna pecuniaria, ut ab occisione, ac morte veri hominis alie-

nus. Nam, ut S. Augustinus commendatur *libr. 2. in Exodum qu. 80. Quod non formatum puerperum noluit ad homicidium pertinere, profectò nec hominem deputavit, quod tale in utero geritur. Cùm verò dicit: Si autem formatum fuerit, dabit animam pro anima, quid aliud intelligitur, nisi & ipse morietur? Idipsum tradit aperte legum Hebraicarum scientissimus Philo Judæus, ultra Nyssenum, Damascenum, & alios PP. quos eruditè congescit Carranza *infra à num. 14.**

44 Sensit aculeum Zacchias *num. 114.* & versionem istam reiicit, dicens, non esse versionem; sed potius perversionem Sacri textus, commentationemque gratis, & ex proprio Marte factam, cùm longè aliter Vulgata nostra legat. Sed excessit proculdubio. Nam translatio Septuaginta Interpretum non contemnendæ auctoritatis putatur, maxime, ubi est correctæ iussu Sixti V. & expurgata à mendis, quæ fortè irreperant; illam verò, de qua loquimur, probat S. Augustinus loco citato, & eadem ipsa litteraliter habetur in *cap. Moyses. 9. 32. qu. 2.* cui deferunt incunctanter tam Theologi, quam Juris Canonici interpretes. Legitur autem ibidem, Moysen tradidisse ea verba de fætu informi, ac formato, ut probaret, *animam non esse ante formatam*, quàm corpus ejus formetur, & addito exemplo Adami, ut ex eo intelligatur, quia jam formatum corpus accipit animam, tandem concludit: *Cùm ergo corporis lineamenta compacta non fuerint, ubi erit anima?* Favet præterea non parum textus Hebraicus, ut ibi notat Cornelius, nec Vulgata nostra contradicit, quia ejus lectio potius est diversa, quàm opposita, ut *num. 11.* expendebam.

45 Suadet præterea assertio, quia ex opposita colligitur, Ecclesiam, quæ est firmamentum, & columna veritatis, errasse intolerabiliter usque adhuc, & modò errare in re maximi momenti pertinente ad mores hominum, & ad ipsorum salutem. Nam, si fatus informatur anima rationali à primo instanti commixtionis seminum, & in nullo abortu abigitur fatus, qui antea non fuerit in utero eadem ipsa præanimatus, ille utique deberet baptizari confestim, ut ab originali munderetur, & ad regnum cælorum perveniret.

ret. Probabile namque esset, illum non effundi mortuum intra ventrem matris, sed extra ipsum adhuc vivere, aut saltem de hoc ipso dubitari posset valde rationabiliter, & hoc absque dubio est satis, ut incumbat gravis obligatio confendi illi Baptismum, saltem conditionatè, ut in quovis alio casu extremæ necessitatis contingit. Atqui Ecclesia nunquam istam obligationem agnovit, nec fideles de illa admonuit, vel eam ad praxim reduxit; sed perpetua consuetudine observavit relinquere absque Baptismo puerperia nondum formata, & massam seminum rudem, quæ per abortum effunditur, ut testatur inter alios Sylvius in 3. part. ad qu. 80. *supplem. art. 4.* & plenius Scildere de princip. conse. tract. 6. num. 5. Ergo perniciosissimè errasset, tollendo gloriam, gratiamque Baptismi iis misellis animabus, & fideles deciperet submovendo obligationem baptizandi, ubi erat manifestissima.

46 Probatum insuper, quia ista sententia neque est probabilis ab auctoritate extrinseca, nec à principiis intrinsecis. Quæ enim erit auctoritas Fieni, vel Zacchiz, si compareretur cum omnibus retro Theologis, Jurisperitis, Medicis, atque Philosophis; immò Ecclesiæ PP. Conciliis, ac Pontificibus, & aliis legislatoribus, qui contrariam tanquam indubitatam tradiderunt, & re accuratè examinata, quamplurimi? Vel quomodo non erit temerarium torrenti tot Doctorum positivè contradicere, & plus duobus Medicis modernis deferre, qui neque inter se plenè conveniunt, nec expendere potuerunt, quot principia Theologica, & juridica convellantur, posita illa nova Philosophia, quam invehere nituntur? Quæ verò ratio enerabit duas illas Theologicas, quas in contrarium adduximus? Planè enim convincentes apparent, ac præsertim ultima; ut autem aliqua opinio sit verè probabilis, nulli principio certo opponi debet, & nihil contra se habere à ratione, vel auctoritate convincens.

47 Sed nec Philosophia inspecta quidquam afferunt, quod non sit antea discussum, & parvi ponderis habitum ab aliis summæ sapientiæ, & magnæ experientiæ viris. Semperque vehementer urget in contrarium, quod nondum formato fœtu ad effigiem, ac figuram propriam hominis, nondumque productis ejus partibus præcipuis,

corde scilicet, hepate, ac cerebro, nequit vita illius incipere: nam, sicut sublata qualibet ex istis partibus statim moritur, ita deficiente quavis, ac mutuo ipsarum juveni, impossibile est inchoari vitam. Atqui tota ista formatio, & organizatio corporis non fit in instanti, nec una, aut altera die post coitum; sed multis diebus, & non parvo spatio indiget limitata, & sæpe debilis vittus naturalium agentium, ut conceptum semen foveat, sanguinem attrahat, coagulet, & in sua membra distinguat. Falsum igitur est, à primo instanti, aut etiam à primo die, vel ad summum tertio, hæc omnia peragi, & animo rationali dignum, aptumque habitaculum in utero præveniri. Explicatur. Aut isti Auctores volunt, animum infundi fœtui jam formato, saltem quoad partes præcipuas, vel potius informi? Si jam formato, id fieri nequit in instanti, nec spatio illo brevissimo, & nobis imperceptibili unius diei, vel alterius. Si informi, dicere debent, animum induci, ubi conservari nequit; sed statim abscedere: quia ab illis partibus pendet conservatio ipsius in corpore, neque ipse vim habet eas formandi, omnibus organis, ac instrumentis vitalibus destitutus, ideo enim illas recuperare non valet, & siquid in eo statu operaretur, potius se haberet tanquam forma assilens, quam informans, ac ut agens merè extrinsecum.

48 Hinc ex distinctione innegabili fœtus formati, aut informis, qui per abortum eiicitur, meritò omnes collegimus distinctionem abortus, fœtusque animati, vel inanimis: quia animatus esse nequit, qui non formatus abigitur; sed destitutus his præcipuis partibus, per quas homines exercent opera, ac functiones vitæ nutritivæ, sensitivæ, aut rationalis, & organizatione sibi necessaria ad cujuscunque illarum exercitium. Propterea quæ in loco citato Exodi causans abortum fœtus formati homicida reputatur, & animam pro anima reddere jubetur; causans verò abortum fœtus non formati, sed informis, sola pena pecuniaria muldatur, & non censetur hominis occisor. Sese namque invicem duo ista comitantur, formatum esse, & animatum, informem verò, & rationali animo nondum instructum: & sicut evidentissimè cernitur ipsis oculis, interdum eiici per abortum fœtum forma-

formatum, interdum verò informem, ita eadem evidentiâ intelligitur, interdum rationali animo informatum, interdum verò nondum informatum reiici. Quòd si interim opus esset, aut formam corporeitatis admittere propriam corporis organici, aut duas animas prævias, alteram nutritivam, & aliam sensitivam, ordine quodam sibi succedentes priusquam rationalis infundantur, id utique fatius esset, & verosimilius, quàm nimia illa festinatio animæ rationalis ad corpus nondum proximè dispositum ad informationem ejus; sed adhuc indifferens, ut in monstrum degeneret, vel in molam, quam matricem vocant Medici.

49 Quòd si inquirat, quanto tempore opus sit, ut fœtus jam conceptus sufficienter formetur, & ultimò disponatur ad animam humanam illicò suscipiendam, communis sententia fert, id in masculis quadraginta diebus à conceptione evenire; octoginta verò in fœminis; in dubio autem circa sexum masculum potius præsumi, & idèò animatum esse completo die quadagesimo. Ita cum Glossa quamplurimi relati, & subscripti à Diana *part. 7. tract. 5. resol. 6.* & hanc esse praxim Sacre Pœnitentiariæ testatur Navarro *consil. 46. de homicid. numer. 2.* Naldus in *summa. verb. Abortus. num. 2.* Quaranta in *summa Bullarii. verb. Abortus. num. 5.* Quæ cum ita sint, non desunt plurimi, qui in re abstrusa, & valde absconsa aliter philosophentur, & contrahant, aut extendant spatia ista. Nam Rodericus à Castro *lib. 3. de natura mulier. cap. 6.* sequutus Fernellium, & alios contendit, animam rationalem non infundi nisi post tres menses, aut quatuor à die conceptionis, & antea pollere fœtum sola anima sensitiva. Ex adverso verò Ferdinandus de Mena *ad lib. de septimestr. partu. cap. 14.* assentiente Card. Toletò *lib. 2. de Anima. cap. 4.* & alii cum eis existimant, totum hoc opus absolvi intra solos septem dies. Ac demum alii diem sexagesimum tam pro maribus, quàm fœminis, ut terminum peremptorium assignant, ita ut post bimestre abigens fœtum, verè teneatur de homicidio. Videndus Augustinus Barbosa in *notis. lib. 1. voto. 2. d. num. 19.* Zacchias *lib. 1. tit. 2. qu. 9. d. num. 10.* Narbona in *annalib. anno. 1. qu. 2.* Carranca de *partu. cap. 1. sect. 6. §. 2.*

50 Mihi autem maximè placet, quod & placuit Augustino in *lib. 83. quæst. g. 56.* ubi sic scribit: *Dicitur autem conceptio humana sic procedere, & perfici, ut primis sex diebus quasi lactis habeat similitudinem, sequentibus notem diebus convertatur in sanguinem, deinde duodecim diebus solidetur, reliquis decem, & octo diebus formetur usque ad perfectâ lineamenta omnium membrorum, & hinc jam reliquo tempore usque ad tempus partus magnitudine augeatur.* Quibus apertè concluditur, quadraginta quinque diebus corpus humanum formari, atque adèò animari, & hac fuisse communem, ac probatam philosophiam tempore S. Augustini. Nam dies illi, quos recenset, in unam summam coacti faciunt quadraginta quinque, quibus ipse unicum addit ut caput numerationis, eoque computato, quadraginta sex assignat. Idem tradit S. Ildephonsus *serm. de Purificat. B. M. Necon Viguerius in decachordo cap. 25. & 30. cord. 2.* & ex aliis Bonacioli in *Enneade mulier. cap. 3. num. 1.* contendens, idem in masculis, ac fœminis evenire, neque in istis ultra hunc terminum formationem, & animationem rationalem differri. Unde Portel in *respons. moral. p. 3. casu 12. num. 1. falsum, & fabulam reputat id, quod vulgè traditur de ejus dilatione in fœminis usque ad diem octogesimum, vel (ut voluit Aristoteles) nonagesimum.* Non tamen debet negari, ubi cœtera sunt paria, aliquanto plus differri, ut pluribus argumentis, & experiètiis declarant ex Hippocrate, Galeno, & aliis communiter omnes Medici.

51 Paulò aliter, quàm Augustinus, videtur fuisse Hippocrates Medicorum Coryphæus: libro namque de *natura pueri* repetit semel, & iterum masculi formationem idoneam infusioni animæ ut longissimè triginta diebus perfici; fœminæ verò duobus supra quadraginta, idque ex eo probat, quòd purgatio in partu masculi ad summum durat 30. diebus; in partu autem fœminæ 42. Quam sententiam passim approbare solent Medici, & latè exornat Hieronymus Laurentius *lib. 8. de Hist. anat. qu. 19.* Perinatò *lib. de bonimis procreatione. cap. 3.* Moxius *lib. 2. de sectione vene in morb. acut. cap. 14.* & ex Theologis Lessius *lib. 2. de just. & jur. cap. 9. num. 65.*

num. 65. Portel in *disso* num. 1. Ideo autem dixi, paulò aliter sentire, quia, ut ipse Hippocrates scripsit in *lib. de dieta text.* 71. res ista non habet præfixum terminum ex natura rei; sed citius, aut tardius conficiuntur pro majori, vel minori activitate seminis, & diversitate humorum, qui prævalent in parentibus. Et propterea dies, qui assignantur formationi, atque animationi foetus, non sunt mathematicè accipiendi; sed moraliter, ac humano modo, ut quamdam latitudinem habeant, & paulò plus, aut paulò minus, quam fert illorum summa, accipi debeant. Quia omnino exacta cognitio hujus termini, uniformisque pro omnibus planè apparet impossibilis. Unde S. Augustinus in *Enchir. ad Laur. cap.* 86. ingenuè profitetur, se ignorare, utrum ab homine inveniri possit, quando incipiat homo in utero vivere, etsi scrupulosissimè quidem inter doctissimos de hoc ipso quæri, ac disputari contingat.

52 Notandum tamen pro praxi, quod rectè admonuit Raynaudus in *disso* sect. 10. num. 50. quamvis hæc sententia Hippocratis non esset planè certa, quia tamen est certò probabilis, juxta terminum, qui in ea præfigitur, agendum esse maxime in favorabilibus, ac foro interno, quidquid sit de foro externo, ac de pœnalibus. Quocirca foetus, qui ejicitur in abortu naturali die trigesimo, vel prope ipsum, nisi certò appareat mortuus, saltem sub conditione debet baptizari. Qui verò abortum procurat eo tempore, cum probabiliter judicet esse hominem cum, quem abigit, contra quintum Decalogi præceptum proculdubio delinquit, sicut ille, qui sagittam jaculatur contra id, quod à longè videt, quamvis certò non discernat, an sit homo, an potius fera; sed circa utrumvis habet judicium probabile. Ac præterea, licet demus, seminem longè tardius efformari, vel animari, quam virum, cum abortus procurator divinare nequeat, uter sexus intra ventrem lateat, manifesto periculo se temerè exponit occidendi virum, ac foetum jam animatum, & propterea, quidquid sit de effectu, coram Deo, & quoad affectum, à peccato homicidii nequè excusari, & cò graviore, quò occisus gloria, ac vita aeterna etiam privatur, & sub morte peccati originalis relinquitur in perpetuum.

53 Atque eadem tandem ratione non licetbit protuenda vita matris periclitantis ex morbo, cum ad dictum dicrum spatium conceptio progressa fuerit, abactionem foetus procurare, neque id admittitur, nisi dum certò constet, illum non esse animatum, ut notavi *dissert.* 20. num. 5. & *nu.* 29. Reliciendusque est omnino Araujo ibidem relatus, dum affirmat, ad excusationem satis esse, quòd putetur probabiliter, foetus adhuc inanimatus esse.

CAPUT VI.

De irregularitate causantis abortum, cum dubitatur, utrum fetus fuerit animatus?

54 Irregularitatem homicidii contrahi, cum foetus est animatus, & per abortum culpabilem mortuus excutitur, certa sententia est: ac vice versa hoc genus impedimenti non dari, etiam effectu sequuto, dum abortus procuratur, priusquam rationalis animus vivificet puerperii corpusculum. Sumitur ex *cap. Sicut* 20. de homicid. ibi: *Si nondum erat vivificatus conceptus, poterit ministrare, alioquin ab altaris debet officio abstinere.* Constatque insuper ex regulis generalibus, ubi homicidis iniquis, sive Clericis, seu laicis, poena irregularitatis imponitur: jam enim vidimus, verè, ac propriè homicidium perpetrari, cum foetus animatus abigitur; secus verò si abigatur nondum animatus, nam nec ille est propriè homo, neque ejectio ipsius homicidium. Quare tota difficultas ad eum casum revocatur, ubi de ipsa animatione ambigitur.

55 Dubium autem ex multiplici capite exoriri valet, cum sit adeò incertum ex proximè dictis, quo tempore foetus formetur, ac anima rationalis infundatur, & rejectis duabus illis opinionibus extremis Joannis Marci, atque Zacchiae, quas hucusque refutavimus, ut prorsus inverisimiles, aliæ quamplures supersint, quæ prudentem dubitandi rationem possunt intellectui obicere. Augeturque incertitudo, quia frequenter ignoratur, ex quo viro, aut ex quo coitu, vel quo die mulier conceperit, tempus autem formationi, atque animationi destinatum computandum est à die, quo semen prolificum excipitur

tur in utero matris, & hæc gravida esse incipit. Præterea, cum fœtus fœmineus tardius animetur, quàm masculus, & juxta Auctores gravissimos duplo majori tempore indigeat; hinc nova hæsitatio suboritur: nam, cum generans cœco impetu egerit, & non minus frequenter contingat, nasci fœmellas, quàm mares, æquè dubium erit ipsi, ejus sexus fuerit proles abacta, ac est dubium, utrùm stellæ sint pæres, an impares: & cum dubitat de sexu, eadem hæsitatio tenebitur circa animationem ejus, nisi causetur abortus post 80. aut 90. dies. Ac tandem quandoque eveniet, ut fœtus ejectionis tantæ sit monstruositatis, ut meritò ambigi possit, quam animam regantur motus ejus, rationali, vel pecuina? Et, quamvis ob favorem animæ sub conditione baptizari debeat, de irregularitate alia est ratio, quia non est favor, sed odium, aut pœna juris.

56 In hoc ergo dubio certum apud omnes est, præmittendam esse exactam diligentiam inquirendæ veritatis, juxta reicapacitatem, prius quàm dubitans se gerat, ut omnino immunis ab irregularitate homicidii, ministrando in Ordinibus susceptis, vel de novo suscipiendo illos. Nam, si dubium facta diligentia vinci possit, & reduci ad moralem certitudinem commissi infanticidii, v.g. manifesto periculo se temerè exponit agendi contra irregularitatem jam proculdubio contractam, perfringendique leges illius. Et hoc generale est in omni dubio, sive juris, sive facti, dum non est examinatum, sed adhuc manet vincibile: semper enim debet dubitare practicè, antequàm congrua inquisitio præmittatur, qui est dubius speculativè de aliqua lege, vel facto, cui certæ obligationes annectuntur, ac putare, se in eo statu legibus ipsis adstringi. Quocirca neque in hoc casu ad excusationem sufficit sola notitia probabilis negativa facti, aut legis, quoties etiam est probabilis affirmativa illius. Par namque in utrovis dubio temeritas cernitur, interim ac superari potest, æqualis formido, parque periculum violandi legem precipitanter susceptum propter negligentiam cognoscendi ipsam, aut certò sciendi veritatem facti, unde pendet obligatio illius. Nec inadvertentia, aut ignorantia privativa certitudinis potest excusare à peccato, vel reputari invincibi-

lis, cum defectus cognitionis certæ ineest nobis ob incuriam.

57 Quòd si notabile damnum dubitanti sequeretur ex eo, quòd se gerat interim ut irregularis, v.g. quia præteribit occasio acceptandi beneficium sibi necessarium ad sustentationem vitæ, aut status, & maxime, si vocatus erat, aut præsentatus ad ipsum, vel certè suscipiendi Ordines sacros, cum magni interest eorum susceptionem non differre, puta, quia promotus est ad beneficium habens curam animarum, & interim elabatur annus, quo debet presbyter fieri, tunc P. Bresserus lib.4. de conscient. n. 162. existimat cum Salas, & aliis non paucis, licitè posse inquisitione durante promoveri, aut acceptare beneficium, quia res non patitur moram, & lex humana non obligat cum tanto dispendio ad observantiam sui in casu dubio. Neque in hoc sensu contradicit Thomas Sanchez in summa lib.1. cap.10. num.37. licet aliàs rectè putet, solam dilationem ordinum absque alio damno, quia modici præjudicii est, ab ista obligatione non eximere.

58 Tota igitur difficultas devolvitur ad eum casum, quo dubium est invincibile, & facta pro loco, ac tempore opportuna diligentia, adhuc manet in ancipiti, utrùm fœtus culpabiliter abactus fuerit informatus animo rationali, vel eo potius destitutus? Censeo autem, in hoc casu nullam irregularitatem incurri. Ita Gibalinus de irregul. cap.4. g.1. num.26. fol. mibi 132. Bardi de consc. disp.6. cap.7. §.4. nu.2. & 3. Præpositus in 3. p. g.5. de irreg. dub.8. numer.58. Scildere de princip. consc. tra8.5. num.71. vers. Secundo. Machado de perfect. Confessar. tom.1. lib.2. p.3. tr.17. docum.10. num.3. Tamburinus de censur. lib.10. tr.4. cap.5. num.18. Gonzalez in cap. Significasti 18. num.7. in fin. de homicidio. Antonius de Escobar in summa tra8.4. exam.6. num.161. Escobar del Corro tra8. de utroque foro. art. 1. num.89. nec displicet omnino Pellizzario tr.7. cap.3. num.25.

59 Moveor, quia irregularitas haudquaquam contrahitur, nisi sit expressa in jure, ex regula discretè tradita in cap. Is qui. 18. de sent. excom. lib.6. Nullibi autem reperietur expressim tradita in jure istiusmodi irregularitas pro causantibus abortum in mero dubio circa animationem fœtus. Omnes enim textus, qui allegantur,

tur, apertissime loquuntur in dubio circa homicidam; non verò circa homicidium, supponuntque hominem vivum certissime occisum esse, & hoc posito, ac supposito ex ipsis factis, de quibus agunt Pontifices, tradunt, quid factu sit opus, cum aliquis dubitat, an fuerit occisor ejus? Quod non est dubitare circa factum; sed circa facientem: nec ambigere de corpore delicti; sed solum de delinquente. Porro in dubio animationis immediatè versatur ambiguitas circa corpus delicti quoad substantiam, dubitaturque, an re vera homicidium factum fuerit; de faciente verò nulla est dubitatio: quia ipse certissime novit, se causam dedisse abortui foetus animati, vel inanimis, effectumque esse sequutum. Unde casus est valde diversus, & quodammodo contrarius. Effet autem magis similis, si poneretur, quempiam percussisse alterum vulnere de se lethali; sed dubitare prudenter, an effectus vivus, an mortuus, cum ita in illum defecit: vel dedisset abortui causam; sed merito ambigere, an ille sequutus fuerit: vel nescire, utrum sit vivus, aut mortuus homo, quem ipse percussit, cum de percussione dubitat, num fuerit gravis, vel levis? De his autem dubiis neque Auctores disputant, neque est cur ad ea trahatur sub tanta diversitate dispositio illorum textuum.

60 Explicatur. Nam expressio prædictæ irregularitatis fundari potest solummodo, vel in illis juribus, quæ tractant specialiter de dubiis pertinentibus ad homicidium, vel in illis, ubi generaliter imponitur poena irregularitatis homicidis. Non in prioribus. Nam, ut omittam alia subiacenda inferius, in eis omnibus supponitur ex facto ipso homicidium esse certum, & dubium versari tantum circa causam, sed Auctorem ejus. Non in posterius. Quia leges odiosæ absolute agentes de delictis non extenduntur ad dubia, nec sua gravamina imponunt aliis, nisi omnino certis. Quod non solum in reservationibus, censuris, ac quibusvis aliis poenalibus, ac odiosis, & propterea restringendis inoffensè procedere intelligitur; verum etiam in hac ipsa materia irregularitatis, ubi communiter Auctores censent, poenas per sententiam iudicis irregulari infligendas, v. g. privationem beneficii antea possessi, non incurrì ob facta du-

bia, & meritò, quia recta ratio non patitur, ut in dubio criminis damnetur reus. Sed neque in ullo alio dubio facti, cui certò est annexa irregularitas, ex g. rebaptizationi, aut hæresi, cum incurri etiam quoad effectum, vel non recipiendi Ordines, vel non utendi susceptis, receptior sententia est contra Molina, Vasquez, & nonnullos alios, excepto duntaxat dubio homicidii culpabilis propter speciales rationes, ac dispositiones juris, quæ versantur circa illud, & ad alia dubia facti generaliter non pertinent. Ita P. Sanchez ubi supra à num. 47. Suarez disp. 40. de cens. sect. 6. Angelus Bossius de cons. p. 2. à num. 1353. apud quem videri possunt Navarro, Conine, Barbosa, Avila, Fagundez, Layman, Bonacia, Bauni, Filliucius, Fragofo, Portel, Arriaga, quibus addunt Merollam, Palao, Diamam, & alios Tamburinus eo cap. 5. num. 6. & Leander 11. de irregul. q. 18.

61 Contraria nihilominus sententia asfirmans, in casu dubii circa animationem foetus irregularitatem contrahi, maxime in foro interiori, saltem quoad effectum abstinenti ab usu, ac receptione Ordinis sacri, communissima est inter Doctores, quos sequitur, & appellat Bossius supra num. 1319. Sanchez num. 43. Molina de iust. & jur. 11. 3. disp. 27. num. 4. Potissimum autem fundamentum ejus sumitur ex cap. Ad audientiam. 12. cap. Significasti. 18. de homicidio, ubi generaliter expressum putatur, cum dubium facti circa homicidium intervenit. Sed cum nullus ex his textibus loquatur de dubio homicidii quoad substantiam; sed de circumstantiis ejus, & occisio semper supponatur tanquam certa, ut legenti patentissime constabit, frustra trahitur decisio ipsorum ad alios casus, ubi occisio est merè dubia, & de vita, aut morte tota quaestio. Et sanè, si ad alia dubia aliquantulum similia expressis extendenda foret resolutio inibi tradita, omnium aptissime ad mutilationem dubiam extenderetur: nam mutilatio, & occisio quam maxime æquiparantur quoad effectum irregularitatis contrahendæ. Atqui de mutilatione dubitans irregularitatem non contrahit, nec usque ad ipsam ampliatur dispositio illorum textuum, etiam in sententia eorum, qui in casu homicidii dubii aliter sentiunt, ut videre licet apud P. Sanchez supra num. 49. Bossium à num. 1359. qui refert

refert Layman, Fragofum, Bauni, Bonacina, atque Diana, præter quos, Suarium, Palao, Barbofam, & alios exhibet Leander *suprà* q. 17.

62 Ex dictis subinfert Bardi § 6. cum, qui abortum procuravit die à conceptione quinquagesimo, & discernere non potest, an sit fœmina, vel masculus, licet poffe se gerere, ut omnino liberum ab irregularitate. Quia perinde est dubitare de sexu fœtus abacti eo tempore, ac ambigere de illius animatione, cum probabilissimum fit, fœminam non animari usque ad diem octogesimum. Et confirmatur, quia nullum est fundamentum præsumendi, ejectionem esse masculum, & proinde animatum prope diem 40. ubi neque ex lineamentis, neque ex motu, neque ex ullis aliis probabilibus conjecturis, aut indiciiis discerni valet à fœmina. Et ideo in criminali iudicio, ubi melior est conditio negantis, quam affirmantis delictum absque probatione certa, in dubio circa animationem fœtus is, qui abortui causam dedit, non punitur pœna ordinaria homicidii; sed mitiore alia juxta qualitatem dubii, ut est in praxi receptum, & traditum à Molina *ca disp. 27. num. 4.*

63 Sed hæc non modica luce, atque explicatione indigent, quia confundere videntur dubium circa formationem, aut informitatem fœtus cum dubio circa differentiam sexus fœminini, aut masculi. Certum namque reputari debet, puerperium fuisse animatum, si rectè formatum exeat quoad partes magis conspicuas (quocumque tempore id accidat) tamen si aliæ minutiores, atque ipsa sexus distinctio, in corpusculo adeo parvo, quod sæpe est instar apiculæ, adhuc non valeat discerni, vel non nisi à peritioribus, & valde ocularis Medicis, aut obstetricibus, quæ sæpe abortienti defunt. Nec quoad hoc ulla probabilis differentia assignari valet inter masculos, & fœminas, qui etiam fœminis, dum sunt formatæ, rationalis animatio non differtur. Unde, si fœtus abactus die quinquagesimo non informis, sed formatus appareret quoad alia membra, tamen si distinctio sexus non constaret, nec formatio illius discernetur, adhuc certa reputanda esset ejus animatio. Aut enim sententiam sequimur S. Augustini, & Hippocratis à num. 30. declaratam, &

juxta ipsam nil intererit dubitatio circa sexum fœtus ejectionis, cum omnes, sive masculi, seu fœminæ ante diem 50. perfectè formati sint, & rationali animo informati. Vel potius festari libet sententiam contrariam, quæ viris dies 40. assignat, ut animentur; mulieribus verò dies 80. aut 90. & tunc fœtus necessariò præsumendus esset masculus, & ideo animatus die 40. Nam, si foret fœmina, non esset die 50. formatus quoad omnia alia; sed semiformatus, valdeque imperfectus, cum tot dies adhuc desint ad ejus formationem necessarii, & verosimiliter dici non possit, ad solam delineationem, atque formationem partium, quibus fœminæ à viris distinguuntur, fere tantumdem temporis requiri, quantum satis fuit ad formationem omnium aliarum.

64 Rectum igitur iudicium circa animationem fœtus, qui per abortum eiicitur, ex ejus formatione, vel informitate est estimandum, ut certæ irregularitati subjaceat, aliisque homicidii pœnis, in foro etiam criminali, quisquis abortioni ipsius jam formati causam dedit, delinquendo graviter contra quintum Decalogi præceptum; secus verò, si abigatur informis, aut semiformatus. Porro istiusmodi diversitas ipsis oculis sæpe conspicitur, & etiam in parvo corpusculo discernitur ab expertis. Ubi autem, inspectis omnibus, dubium manet, utrum fuerit formatus, sicut rationali animo est opus ad opera vitæ saltem augmentativæ suo modo exercenda, licet aliquos defectus habeat, quos solent etiam habere homines, postquam sunt nati, tunc utique locus erit aliis conjecturis, & maxime computationi temporis, quod intercessit à die conceptionis, vel, si mavis, commixtionis seminum usque ad diem abortus. Erit autem non jam strictè dubium; sed valde probabile, juxta sententiam Hippocratis illum, seu marrem, seu fœminam, ante diem quinquagesimum sufficienter jam formatum, & consequenter animatum esse, idque pro certo debet reputari, nisi aliunde decur probabilitas contraria reddens rem opinativè dubiam, & ambiguum ab utraque parte. Nam ubi duæ opiniones verè probabiles se mutuo enervant, & altera negat, alia affirmat, solum jam esse formatum,

rum, nulla incumbit obligatio sese reputandi irregularem, neque id est in jure expressum potius, quam in casu dubii strictalis, ut patebit percurrenti præcitatos

textus, & tradit ubi suprâ Tamburlinus numer. 32. Lege Bossum ex num. 1321. ubi alia quamplura colliguntur non parum utilia ad proximum.

DISSERTATIO XXII. DE FURTIS PAUPERUM.

Egentes furari solent prætextu necessitatis, servientes prætextu compensationis, judicantes salarium, quod accipiunt, non esse aequale opera, quam exhibent: & utrisque habenas ultra modum laxant duæ propositiones examinanda in sequentibus.

CAPUT PRIMUM.

An permittum sit furari in necessitate gravi, vel extrema?

1 **T**hesis 36. ex damnatis ita de hac questione censet: *Permissum est furari, non solum in extrema necessitate; sed etiam in gravi.*

Ubi, ut legis, præsupponitur in necessitate extrema licitum esse furari, atque ad gravem idipsum promiscuè extenditur. Inde autem apparet statim absurditas hujus thesisi: quia furari nunquam licet, quamvis interdum sit licitum accipere sibi alienum. Nomen namque furti in suo conceptu injustum, ac fraudulentam acceptionem rei alienæ importat, & sub hac ratione generaliter prohibetur, tanquam intrinsece malum, & juri naturali contrarium, quinto præcepto Decalogi: *Non furtum facies*: sicut homicidium, mendacium, aut adulterium. Quocirca, sicut scandalosum esset dicere, permittum esse homicidium ministris justitiæ publicæ, aut privatis in necessitate extrema defendendi inculpatè vitam suam, nam hoc ipso homicidium esse definit, quamvis homo interficiatur, & rationem injustitiæ amittit, sub qua sine exceptione vetatur præcepto non occidendi, sic pariter in furto contingit, quia re vera non est furtum, dum necessitas extrema facit bona omnia communia. Et is, qui accipiendo alienum in eo eventu existimaret, se furari, seu vio-

lare jus alterius, perniciosissimè erraret, & fur esset coram Deo.

2 Ideò Angelicus Præceptor 2.2. q. 66. art. 7. corp. & in solut. ad 2. sapienter animadvertit, hic non esse furtum propriè, & in comment. Cajetanus addit, meritò esse animadversum ob quorundam ignorantiam, & concludit: *Unde abusiva locutio est, quòd liceat furari in extrema necessitate, & alia hujusmodi, sicut non verè diceretur, quòd iudici licet committere homicidium.* Idipsum notat Valentia ibidem disp. 5. q. 10. punct. 5. vers. Postremo, Cardinalis de Lugo disp. 16. de just. & jur. num. 139. Lessius disp. 12. num. 69. & 72. dicens, talem acceptionem non esse furtum, aut rapinam, quia dominus consentire teneret, nec potest cum ratione esse invitus quoad substantiam acceptionis, cum tu utaris jure tuo. Tamburlinus lib. 8. in Decalog. tr. 2. cap. 1. num. 5. Escobar in Theolog. moral. lib. 34. cap. 1. nu. 1. & passim alijs scribentes. Quibus Abulen- sis præluxit in cap. 3. Exodi. q. 10. dicens: *Iste modus loquendi valde inconveniens est, & falsus, scilicet, quod Deus faceret, quod aliquid, quod erat verè furtum, non esset verè peccatum, quia hoc videtur implicare contradictionem.*

3 Propterea audiri non debet Gonet in clypeo Thomist. tom. 2. dissert. de probabilit. num. 157. dum modum istum loquendi, atque sentiendi de furto Lessio attribuit, Tamburino, Escobar, qui nusquam apud eos legitur, nisi expressim improbat, ac positivè rejectus. Melius id posset adscribere suo Sylvestro verb. *Furtum*. q. 5. lecti-

Scribenti : Non tenetur restituere , qui furatur in necessitate non extrema , sed magna , ubi alius tenebatur subvenire , & alferenti , in eodem casu excusari a toto furtivè subripientem . Sed per me Sylvestrum excusare liceat , quasi improprie sit loquutus , idque pateat ex contextu : neque enim animus est , Auctores prægravare ; sed fovere . Liceat etiam excusare Laurentium Maria Pisani in præsentī num.2. ubi præmittit , certum esse apud omnes licitum esse furari in extrema necessitate , nam postea verius existimat ibidem furtum non esse . Unus Diana mihi apparet inter eos , quos potui legere , se gessisse valde incaute , nam ter hanc questionem versat , & semper illam proponit sub verb. *Furandi* , & sub eisdem ipsis terminis , quibus damnata est ut jacet , semperque contendit esse probabilem sententiam affirmativam , quin explicet , furtum tolli ratione necessitatis , & quod aliàs esset furtum , in prædictis circumstantiis nullatenus furtum esse . Sic sentit p.2. tr.16. resol.29. & p.5. tr.8. resol.23. & p.11. tr.1. resol.13.

4 Quocirca omnino est cavenda inordinata hæc loquutio contraria verbis Decalogi , ac decreto Pontificio , reddensque aliquando licita furta , latrocinia , atque rapinas , eaque excusans ob necessitatem , sive gravem , sive extremam , ac si præceptum negativum , quo verentur jure naturali , atque Divino , non obligaret semper , ac pro semper . Quod si , exclusa voce furti , quæ in thesi damnata habetur , ad rem ipsam deveniamus , inquirendo , an sit permissum accipere sibi alienum invito domino ipsius , non tantum in extrema necessitate , sed etiam in gravi , adhuc non deerit , quod merito potuerit carpi , atque prohiberi fidelibus per Pontificiam censuram in thesi , ut jacet , accepta . Indefinitè enim traditur id esse permissum in necessitate gravi , & eadem generalitate , qua dicitur licitum esse in extrema ; hoc autem ita indigestè prolatum , & absque necessariis cautionibus , quas etiam adiciunt illi , qui benignius opinantur in hoc puncto , & aniam præbet frequentibus latrociniiis , & nulla ratione potest existimari tutum , aut probabile .

5 Certissimum namque est furtum committi , & non sumi absque peccato rem alienam , nisi ab illo , qui necessitati alte-

rius hic , & nunc tenetur subvenire : nam si ad hoc non teneatur , nil ager contra rationem , quamvis subvenire nolit ; sed rationabiliter invitus esse poterit , & jus dominii sui illæsum præservare . Evidens autem est , neque aliud dici potest absque pernicioso scandalo , furtum , atque adeo peccatum committi ab illo , qui sibi accipit alienum rationabiliter invito domino , ut ex recepta ipsius definitione patet . Porro dominum sæpe esse posse rationabiliter invitum , quamvis alter sit in gravi aliqua necessitate constitutus , inde patet , quia non semper tenemur subvenire cuicumque , nec qualemcumque necessitatem patienti , neque ex quibuscumque bonis nostris ; sed in his omnibus , aliisque eorum circumstantiis facile potest contingere magnus error in via morum , & obici non leve offendiculum , nisi certæ limitationes adiciantur , quibus sublati , clandestina acceptio rei alienæ furtum erit , & necessitas in latrocinium mutabitur .

6 Ideo cautissimè Lessius loco superius citato ad excusandam prædictam acceptio-nem à peccato furti meritò exegit , ut dominus consentiret teneatur , quin possit esse cum ratione invitus quoad substantiam rei acceptæ , etsi forte ipsi displiceat modus clandestinus accipiendi , non petita prius licentia , nec manifestata sibi alterius necessitate . Ideo etiam animadvertit , id non esse licitum , cum is , cui res intercipitur , parem indigentiam habet , aut cum status illius læderetur notabiliter , quia caret bonis superfluis , vel parum necessariis eidem statui , aut cum malum accipientis aliter averti potest , & spes alterius remedium non est omnino sublata . Ideo insuper admonuit , non quamvis necessitatem gravem , etiam nuditatis , morbi , aut famis , sufficere ad hunc effectum ; sed eam solam , quæ valde gravis est , & ex qua facile deveniatur ad extremam , nisi tempestivè præveniatur . Et non aliter , quàm sub his limitationibus , judicat esse probabilem sententiam Sylvestri , Angeli , Medina , Petri Navarra , & aliorum , qui in necessitate gravi licitum esse dixerunt bona alterius absque ipsius licentia , saltem tacita , prudente & præsumpta , clandestinè præoccupare .

Lessium appellat , & sequitur Tamburinus lib.8. in Decalog. trad.2. cap.6. §.1. à num.2. necnon Escobar tom.6. Theolog. moral. lib.49.

lib. 49. à num. 279. ut propterea sit mirandum, hisce Auctoribus imputari ab aliquo potuisse propositionem in præfenti condemnatam, cui tot modis contradicunt.

C A P U T II.

Quibus circumstantiis opus sit, ut absque furto auferatur res aliena ratione necessitatis?

7 **O**Mnium potissima, ac receptissima est, ut necessitas sit tanta, quod dominus, à quo invito res auferatur, pauperi exponenti illam voluntarie subvenire teneatur, aut saltem auferenti non resistere. Unde quidquid dominum excusat per se, ac seclusa ignorantia indigentiae alienae, ac sufficientiae propriae ab obligatione dandi, & liberam ei relinquit facultatem resistendi, eo ipso culpae auferentem prætextu necessitatis vi, vel clam, quæ sunt illius. Deest namque licentia domini, etiam tacita, aut præsumpta, cum positivè invito supponatur, & nullatenus daturus, etiam conficius, ac rogatus. Deest etiam licentia debita, cum ponatur, nulla lege iustitiæ, vel charitatis dominum obligari ad consentiendum, nec contra rationem agere, quamvis positivè sit invitatus; sed dissentiendo uti jure suo, ac licita resistendi facultate. Quid ergo superest, nisi ut pauper ita accipiens furti reus constituitur? Ita enim fur, ac proprietarius esset religiosus, qui bona monasterii usurparet absque ulla Prælati licentia data, aut debita. Nam quidquid sit, an sola debita sufficiat ad tollendum vitium proprietatis, nemo dubitat, eam saltem requiri, cum Prælatus est invitatus, & deficit omnis alia.

8 Addiderim rursus, hoc debitum debere esse liquidum. Nam si solum sit dubium, aut probabile melior erit conditio possidentis, quam egentis, & domini, quam non domini, etsi pauperis. Quare sicut compensatio occulta debitum iustitiæ postulat liquidum, & (sicut loquuntur plurimi) luce meridiana clarius, ut in latrocinium non degeneret, sic ablatio clandestina rei extremæ, aut valde necessariæ, ut à vitio furti, & aliis expurgetur, adeo clarum, & conspicuum debi-

tum misericordiæ requirit in eo, cui res suæ auferuntur, ut nulla verè probabili ratione se tueri valeat, aut esse licitè invitatus quoad rei creptæ substantiam. Nam si licitè est invitatus ob opinionem probabilem sibi faventem, rationabiliter quoque invitatus erit; occulta autem contrafectatio rei alienæ rationabiliter invito domino nequit à furto excusari. Et sanè contraria opinio prætextu necessitatis frequentibus latrociniiis, ac rapinis ansam præbet, & tranquillitati publicæ adversatur, dum bellum utrimque justum inter divites, & pauperes hac occasione introducit. Nam sicut pauper innixus sua probabilitate illum spoliari, quem abundare opinatur, ita hic poterit vicissim, contraria sua probabilitate fretus, extorquere ab ipso, quod ablatum fuerat sibi. Ideo Angelicus Præceptor in *disso. art. 7. evidentem, ac urgentem* pauperis necessitatem exegit ad usurpandum sibi res alienas propria auctoritate; eadem autem ratio est de obligatione divitis, à quo invito sibi succurrere intentat oppressus necessitate. Quippe si obligatio illius non sit evidens, sed ambigua, ac disputabilis, cum dominium ejus sit omnino certum, jus prælationis ei dabit, & immerito spoliabitur contra voluntatem suam, cogeturque invitatus pati amissionem sui domini sine usu misericordiæ, cujus prætextu vexatur. Nihil enim dat egenti, nec præcepto hujus virtutis isto modo satisfaceret, quamvis urgeret certissime: nam in eo, quod abripitur positivè dissentienti, nec misericors sum, nec liberalis.

9 Subjungo præterea, non omne debitum dandi elemosynam, etiam liquidum, ac clarum, satis esse, ut is, cui conferri debet, possit eam sibi usurpare contra voluntatem domini. Nam qui ex poenitentia à Confessario injuncta, vel ex voto soli Deo nuncupato subvenire tenetur cuidam pauperi, non idèo re sic debita invitatus spoliari potest vi, vel clam ab illo ipso, cujus commodum ex obligationes respiciunt. Illi quippe tanquam proprio creditori, aut habenti verum jus ad ipsam nil debetur in eo casu; sed respectu ipsius elemosynæ exhibitio pura gratia est, ac merus favor; tamen respectu Dei ex virtute poenitentiae, aut religionis urgeat gravis obligatio. Unde neque compensatio occul-

ta, vel violenta in hisce debitis, aut debito gratitudinis locum habere putatur (quidquid in contrarium dixerit Petrus Navarra) nec dominus est contra rationem invictus respectivè ad auferentem, quamvis peccet, atque contra rationem consulentem debito aliarum virtutum, quo tenetur ipse sponte dare, non verò pati, ut res suæ ab alio sibi eripiantur.

10 Confirmatur. Quia non minus, immò plus juris requiritur ad auferendum primò rem à vero domino, atque possessore illius, quam ad non reddendum ipsi, quod jam antea debebatur, & nihilominus domino exigenti quod suum est, reddi debet, quamvis exigendo peccet contra religionem voti, quo ad non petendum illud se obligavit. Unde communis sententia, & hoc tempore recepta, quam tenet multis relatis P. Sanchez lib. 9. de matrim. disp. 6. num. 7. tradit, uxorem peccare, & quidem contra justitiam, non reddendo viro debitum, etsi sciat, illum voto castitatis esse obstrictum, & petendo, illud violare. Quod eo loci dictus Auditor confirmat altero exemplo ad rem nostram satis apto. Nam si quis deposuisset apud pauperem centum aureos, & postea nihil ei donans, aut promittens; sed Deo soli, se voto obligasset ad non repetendos illos, adhuc pauper domino exigenti eos reddere teneretur, sicut antea tenebatur, quia ex vi voti ad retentionem nullum jus denuò acquisivit, quo se defendere valeat. Atque in casu poenitentiae id patet non minus clare, si Confessor injunxisset diviti in satisfactionem suorum peccatorum, ne depositum, aut commodatum, quod statim posset repetere, à suo debitore exigeret; sed per modum elemosynæ reddendi inducias præstaret. Ex similiter, quamvis Prælati ex lege, aut præcepto regulæ, vel alterius Superioris debeat concedere subdito licentiam retinendi, aut assumendi ex bonis monasterii aliquot nummos, & propterea peccet illam denegando, non idèò religioso integrum erit eos retinere, aut assumere absque furto, ac vitio proprietatis.

11 Constat igitur, obligationem dandi esse supponendam in eo, cui res suæ aufertur, ut pauper à furto excusetur; sed non sufficere quamlibet, ut illo nolente dare ejusmodi excusatio subsistat. Ita enim

Theo. log. Reform.

accidit in casibus proximè adductis, aliisque affinis, ubi furtum perpetratur rapiendo, aut contrectando rem alterius, non obstante obligatione dandi, cui supponitur adstrictus. Atque, ut reor, & exinde comprobatur, sic evenit quoties dominus non est contra justitiam inquitus quoad translationem dominii, vel usus rei suæ in alterum; sed eam defendere, atque retinere valet absque injustitiæ peccato, & absque ulla injuria alterius. Nam si nullam ei injuriam facit, vel nolendo sponte dare, vel resistendo rapienti, vel volendo, ne ab altero sumatur occultè, sed in his omnibus jure sui dominii utitur, & non lædit jus alterius, consequens est, ut vice versa iste lædat jus ipsius, & contra justitiam agat vi, vel clam sibi appropriando, quod jure suo ille retinere poterat, quamvis alioqui peccaret contra debitum misericordiæ, religionis, alteriusve virtutis, quæ nullum jus in re, aut ad rem alteri conferit, cui ipse teneatur satisfacere, non obstante suo dominio.

12 Quocirca ut in his eventibus justa mensura accipiatur, & nec domino, nec pauperi tribuatur nimia licentia, vi cujus oriri possit bellum justum ab utraque parte, altera defendente suum dominium, alia suam necessitatem, necessario est inspiciendum, utri ex illis jus prælationis conveniat, & in quibus circumstantiis. Etenim si astantis omnibus id pauperi competit adversus dominum, non obstante ejus dominio, ratione necessitatis, cui aliàs nequit occurrere, illi quantumvis invito se justè præferre poterit, & illam sibi appropriare quoad usum, si eo solo indiget, aut consumere, si ipso usu consumatur. Sin verò ex adverso dominus jus prælationis retineat, non obstante alterius paupertate, v.g. quia ipse fortè incidit in aliam similem, si destituatur res sua, tunc utique sua paupertas nihil indigenti proderit, ut se domino absque injuria illius possit præponere, & assumere rem ejus, ipso repugnante, vel invito. Cujus rei plurima exempla obvia sunt. Nam similis prælatio inter creditores attenditur, dum quamplurimum jura mutuò opposita concurrunt, & in Republica, cum ad sui conservationem bonis privatorum indiget, & concurrit necessitas illorum cum necessitate illius.

Ec CA-

CAPUT III.

Objectiones.

13 **O**biicis tamen. Divites non tenentur ex iustitia, sed ex sola misericordia, aut charitate subvenire pauperi extreme indigenti pecuniis, aut equo ipsorum ad servandam propriam vitam. Ergo non licebit pauperi eas contestare, aut eripere: jure enim iustitiæ caret: nam, si haberet jus iustitiæ, dives contra hanc virtutem peccaret non erogando eleemosynam, & non præcisè contra legem misericordiæ, aut charitatis, quam debebat erga ipsum. Facile tamen instatur, retorqueturque argumentum. Nam, si jus iustitiæ deesset pauperi in eo eventu, nec vi, nec clam sibi posset appropriare rem, aut usum rei ab altero occupatæ contra voluntatem ejus: ad modum, quo nullo ex his modis eam auferre potest, cum ex religione, aut aliis virtutibus præter iustitiam deberet. Nil enim speciale quoad hoc habet debitum solius misericordiæ, ut hanc tribuat facultatem, secluso consensu domini, aut jure proprio auferentis, atque expropter neque eam tribuit, saltem cum urgens necessitas non est adeo gravis, ut accedat proxime ad extremam.

14 Respondeo itaque cum P. Sanchez in *confitiis lib. 1. cap. 5. dub. 5. num. 59.* & P. Layman in *summa Theolog. moral. lib. 4. sect. 5. tract. 3. part. 1. cap. 1. num. 7. in fin.* satis probabilem esse sententiam, quæ in hoc casu putat eleemosynam ex iustitia deberi. Illam namque S. Thomas haud obscurè tradidisse videtur *q. 13. de malo. art. 2. ad 4. sequutus Basilicum, Ambrosium, Hieronymum, Augustinum, Beda, & alios, quorum verba legi possunt apud P. Valentia tom. 3. disput. 3. q. 9. punct. 4. §. 2. probat. 2.* & hoc clarissime sonant, si suo sensui relinquantur. Basilium enim ait, injuriam fieri famelico, aut nudo denegatione eleemosynæ. Ambrosius, perinde esse, atque jam habenti tollere. Hieronymus, aliena rapere. Augustinus, & Beda, invadere aliena. Acceduntque Cajetanus, Aragon, Sarmiento, Spino, & Petrus Navarra, ac alii, quos idem Sanchez ap-

pellat. Nec valde operosum erit dicere, rerum dominia sub hoc onere conferri ex naturali, ac Divina institutione: nam & hoc Patres significant, sive cum tradunt, hominibus tanquam dispensatoribus commissa esse, sive cum docent, esse bona pauperum: hoc namque ut minimum postulat, nisi impropiissime accipiat, quod sint illorum in jure, ac vero iustitiæ debito.

15 Verum tamen quia valde communis, ac probabilis sententia putat, debitum dandi eleemosynam, etiam extreme indigenti, non esse iustitiæ strictæ, sed solius misericordiæ, aut charitatis, hoc admisso, adhuc respondeo, subilliter distinguendum esse, quoniam jure dives dare teneatur eleemosynam in hoc extremo, & quo jure liceat pauperi, divite nolente dare, nec satisfacere huic debito, rem, qua indiget, sibi appropriare, vi adhibita, si opus fuerit. Nam, si de prima obligatione loquamur, libenter potest concedi, illam non esse iustitiæ, sed misericordiæ, aut charitatis, atque adeo pauperi, cui solum debetur ex lege istarum virtutum, nullam irrogari injuriam nolendo ipsi subvenire, nullumque jus ei competere auferendi à vero domino rem, qua extreme indiget, donec ille intelligatur nolle sponte dare, nec satisfacere huic obligationi, quæ actum ejus prærequirit, & absque consensu ipsius, saltem tacito, aut præsumpto, non impletur. At verò ubi jam agnoscitur nolle dare, aut non daturus etiam rogatus, ac conscius necessitatis alienæ, tunc dicimus, competere pauperi extreme indigenti jus iustitiæ ad illam auferendam, non obstante ejus dominio, & tantum abesse à furto, vel rapina ejusmodi acceptionem, ut dominus absque injuria pauperis illi resistere nequeat, & si id faciat, vim illius tanquam injulti aggressoris vi repellere licebit cum debito moderamine. Nam pauper jure suo utitur auferendo, si bique appropriando rem, aut saltem ejus usum, quandiu durat sua necessitas: & sicut injuriam ei faceret dominus, si cibum v. g. jam ab eo occupatum raperet in continenti, impedireque ejus usum vi, vel metu, sic similiter injuriam irrogat, & vim facit impediendo, ne illam auferat propria auctoritate, cum non aliter suæ indigentiae subvenire

potest, & frui jure re illa utendi.

16 Notavit discrimen istud inter obligationem subveniendi pauperi, cujus est nota necessitas, & obligationem patiendi sine recalcantia, ut ipse auferat illam rem, qua extreme indiget, & dominus dare renuit, P. Coninc *disput. 27. de actibus super-natur. num. 169.* & qui ejus vestigia premit, licet ipsum impugnare videtur, Card. de Lugo *tom. 1. de justit. & jur. disput. 16. numer. 144.* Sed omnium optime distinxit gradus, & ordinem, quo hæc jura sibi succedunt, Cajetanus 2.2. q. 118. art. 3. his præter cetera: *Tempore extremæ necessitatis omnia sunt communia. Ac per hoc bona, quæ alter possidet, sunt mea, si patior extremam necessitatem. Et si possidens non sponte vult mihi subvenire, posset judex cogere. Et si hæc via deficit, possum occultè, quasi per motum furti, vel manifestè quasi per viam rapinæ, accipere quantum mihi opus est: quoniam non accipio aliena; sed communia negata, & impossibilia aliter haberi in extrema necessitate.*

17 Obicies 2. In necessitate quasi extrema, seu valde gravi, aut gravissima non perveniente ad extremam, minimè à furto excusatur is, qui invadit res alienas, domino positivo repugnante, & nolente subvenire, quamvis subvenire debeat. Ergo neque in necessitate propriè extrema locum habet ea excusatio; aut, si eam habet, vice versa pariter licebit absque furto in aliis necessitatibus eripere res alienas. Nam quod vulgariter dicitur, in casu extremæ necessitatis omnia esse communia, & propterea quod tunc sumitur, sumi de communi, & non de alieno, similiter dici posset in aliis necessitatibus adeò propinquis extremæ, & solum probat, bona sic communia posse fieri primò occupantis, non verò quod postquam ab alio sunt prius occupata, & constituta sub dominio illius, liceat vim inferre ipsi, aut eum cogere, ut desistat, & patiarur, ut ab altero occupentur.

18 Confirmatur. Nam etsi in statu innocentie nulla esset divisio rerum, nec dominiorum distinctio, quæ introducta est post peccatum moribus, ac jure gentium, id non tolleretur, quo minus bona, & maxime mobilia, sic fierent primò occupantis, ut jam absque ipsius injuria non

possent ab alio auferri: ut si quis fructum ex arbore ad suum usum decerpisset, si quis ligna sibi collegisset ex communi nemore, aut pisces ex fluvio, vel ex mari gemmas; si quis suo proprio labore confecisset sibi vestes, aut alia utensilia; si agrum seminasset, ac fructus metere vellet; immò etsi domum suæ habitationis fabricasset. Hæc namque omnia jure naturali essent ipsius, & respectu illorum jus prælationis haberet, ut rectè explicat P. Suarez *lib. 5. de opere sex dier. cap. 7. num. 18.* & multò plenius Coninc *ea disput. 26. dub. 7.* Ergo quod ex vi necessitatis reducantur bona temporalia ad istum statum, ac si jure positivo gentium nulla facta esset divisio, nil juris conferre potest indigenti, ut vi privata illa eripiat ab eo, cujus sunt jure naturæ, & tanquam propria ab ipso possidentur.

19 Respondeo, in necessitate extrema, cui allus hic, & nunc potest, ac debet succurrere juxta ordinem charitatis, & non vult, licitum esse absque dubio vi, vel clam ab illo auferre, quæ ipse dare tenebatur, neque ejusmodi actionem esse furtum, aut rapinam, cum nec iudicis officio, nec commodiore alia via potest indigens sibi providere. Quare si nulla est disparitas (ut argumentum contendit) inter hanc necessitatem, & minores alias valde graves, quæ intervenire solent citra extremam, potius dicendum esset, in his quoque ablationem esse licitam, & absque omni furto petagi, quàm asserendum, in necessitate extrema furtum committi, aut peccatum auferendo res alienas. Videtur autem aliquibus nullam congruam disparitatem abhiberi; sed jux prælationis pauperi ex natura rei competere adversum dominum misericordiam debito nolentem satisfacere, tam in necessitate valde gravi, quàm extrema, atque in ordine ad utramvis res dici quoad usum communes, & utramlibet exceptam esse (naturali justitia, & æquitate id postulantis) cum Deus indulset hominibus, ut privatis dominis uterentur. Neque enim extendi voluit ad hos casus vim dominii, sive jure naturali comparati per occupationem, aut laborem proprium, vel indultiam, vel solo jure positivo gentium; sed illatum præferre unicuique

CAPUT IV.

Quæ necessitates in particulari auferant rationem furti?

jus, quod ex primaria Dei institutione habebant utendi, acque fruendi rebus inferioribus, ac si in nullius bonis essent, pro mensura suæ indigentiae tanquam instrumentis sibi datis in subsidium, & levamen miseriae, ac necessitatis adeo graviter prementis.

20 Quæ sententia nunquam putat permissum esse furari; sed potius furtum auferri in predictis circumstantiis: nec videtur improbanda, servatis moderationibus, quas *suprà* num. 6. ex Lessio, & aliis adduximus. Eam namque absolute sequitur cum Sylvestro, & Angelo Conine loco citato num. 162. Fabri in *Apologia* fol. mibi 274. cap. 27. Palao part. 1. tr. 6. disp. 2. punct. 9. num. 5. Maldero 2.2. q. 32. art. 6. Bonæ Spec. disp. 5. de charit. dub. 3. num. 39. Barbosa in collect. ad cap. Siquis. 3. de furtis. num. 4. & inter scribentes de iustitia, & jure Dicastillo lib. 2. tract. 2. disp. 9. à num. 256. Joannes Vuigers tract. 3. cap. 6. num. 7. ac maxima ex parte Card. de Lugo disp. 16. num. 154. consentientes præterea esse probabilem Lessio, *ibidem*. P. Vasquez in *opuscul. de elemos.* cap. 1. num. 60. Filliucio tract. 32. num. 143. Bonacina tom. 2. disput. 2. de restit. q. 8. punct. 3. num. 5. Atque, ut legenti constabit, inter plures ex Auctoribus contentio solum videtur de nomine necessitatis extremæ. De re enim inter eos constat, servata proportionem, idem licere illi v. g. qui equo alterius indiget ad evadendum periculum evidens mutilationis alicujus membri principalis, ac illi, qui urgetur simili periculo mortis: & hoc solum differunt, quod alii mutilationis periculum aliter irreparabile computant inter extremas necessitates, quas putant ad plura extendi, quam ad periculum mortis, & eodem jure censi; alii verò nolunt esse extremam, quia ibi dæst mortis periculum; esse tamen valde gravem, & talem, ut quoad effectum subveniendi sibi, etiam eo invito, qui ex misericordia subveniretenebatur, & non vult, æquiparetur extremæ, ac reductivè extrema censetur, & ejusdem ordinis cum illa.

21 Quocirca ne quæstio de voce rerum veritati officiat, necessitates ipsas ex miseriis, quarum periculum afferunt, & ex modo ipsius periculi inter se distinguere oportebit, ut re intellecta perspicere liceat, quid juris in unaquaque competat egentis, & an alterius dominium ei cedere debeat, vel contra illud prævalere valeat. Nulla quippe definitio classica invenitur, unde distinguui possit extrema necessitas à non extrema; sed gravi: & rem istam potius explicant Auctores exemplis parum concordibus, quam definitione exacta. Lessius quidem ubi *suprà* num. 67. Covarruvias in *regul. Peccatum* p. 2. §. 1. num. 3. & alii non pauci eam solam necessitatem videntur putare extremam, ubi vita hominis aperte, periclitatur, & ad ejus conservationem, aut tuitionem usus alicujus rei alienæ est præcisè necessarius. Et hanc esse necessitatem extremam certum est; sed quod sit sola, nequit constare adeo facile. Nam alii satis communiter, ut notat P. Suarez disp. 7. de charit. sect. 1. num. 4. etiam extremis annuerant evidens, ac urgens periculum mutilationis, quæ est pars mortis, & totalis mors membri amputati, necnon perpetuam amentiam, quæ est privatio totius vitæ rationalis. Addit ipse, his posse adungi periculum totius famæ, aut omnium fortunarum: alique terminos istos modò contrahunt, modò laxant, ut eadem ipsa necessitas, quæ apud quosdam dicitur extrema, apud alios non vocetur nisi gravis, ac vice versa, ut videre apud eos licet, & præcipue apud P. Thomam Sanchez in *dicto* dub. 5. num. 4. qui ex variis quamplura colligit circa istarum vocum usum valde inter se discrepantia.

22 Vocem igitur extremam necessitatem illam, quæ certò est extrema, scilicet urgens, ac evidens mortis periculum, cui non aliter occurrì valet, quam subsidio opis alienæ, & statim apparebit, dari alias, ubi, servatis servandis, idem jus egentis competit, quod extreme indigenti com-

competebat. Nam in primis dantur aliæ æquipollentes extremæ : quia periculum ab illis imminens , quamvis non sit mortis corporalis , est tamen alterius mali , quod moraliter loquendo morte ipsa gravius possit æstimari , ita ut prudenter optetur mori potius , quàm id pati , ut perpetua amentia , stuprumve violentum , vita amarissima , & alia , quorum exempla exhibuimus *differt. 8. à num. 57. & differt. 20. à num. 23.* Quis autem non videat , eandem æquitatem , quæ suavit , jus prælationis competere extremè indigenti quoad vitam rebus constitutis sub dominio alterius debentis , ac nolentis illa sponte dare , pariter exegisse , ut idem juris competere patienti necessitatem aequè urgentem , & æqualem , aut fortè graviores ex parte mali imminentis , sive vocetur extrema saltem moraliter , quia moraliter mori naturali æquipollet , sive solùm valde gravis , quod , ut dixi , ad usum nominum spectat , & rerum veritatem non diminuit .

23 Rursus negari non potest , inter graves necessitates rerum etiam attinentium ad conservationem vitæ esse quasdam ferè , aut quasi extremas , seu adeò urgentis periculi , ut nisi auxilio opportuno præveniantur , meritò timeri valeat , perverturas esse usque ad extremam . Porro in eo statu , v. g. famis nimis , gravis morbi , aut nudicatis sub hyeme , nondum homo est constitutus in necessitate extrema ; sed solùm in valde gravi periculo incidendi in ipsam , nec extrema tunc consideratur ut jam præsens ; sed ut imminens , ac contingenter futura vi periculi præsentis . Et nihilominus id sufficit , ut sine furto pauper sibi providere valeat , aufere res alioquin alienas pro mensura suæ indigentis ab his , qui non multum indigent eisdem rebus , & cum illas dare teneantur , inviti sunt , & nec debito misericordis sponte sua volunt satisfacere , nec consentire auferenti . Quippe non est expectanda , ut S. Thomas advertit in 4. *diff. 15. q. 2. art. 1. prope fin.* ipsa necessitas ultima , seu extrema jam contracta , cui fortasse serum accedet auxilium , aut nullum fortè invenietur ; sed sufficit ex parte accipientis metus ejus adeò gravis , ac probabilis , ut satis prudenter cadat in virum con-

Theolog. Reform.

stantem . Atque de hac necessitate , quam valde gravem constituit periculum veniendi ad extremam , & carendi necessario auxilio , specialiter loquuntur Lugo , Coninc , Lessius , & alii ex his , quos antè produximus .

24 Quo tandem patet , eas solùm necessitates , quæ sunt quodammodo extremæ , & ad illam revocantur , eo privilegio gaudere , quo efficiuntur res communes , aut citrà furtum ab indigente occupabiles contra voluntatem domini , ac si in nullius bonis essent . Nam sicut dominiorum distinctio nec justa foret , nec equa , nec Divinæ institutioni consentanea , nisi sub ista conditione esset facta , & jus utendi , ac fruendi rebus suis citrà injuriam alterius limitatum esset , ne ad hos casus ampliaretur , sic similiter iniqua foret , si ad alias necessitates communes , aut minus graves eadem limitatio posset absque furto extendi , & unicuique in illis constituto integrum foret jure suo res alterius reluctantis , ac inviti sibi appropriare , & auferre publicè , aut occultè citrà ullam injuriam ejus . Etenim , ut rectè notat Lessius in *dicto cap. 12. num. 71. fin.* cum illæ sint frequentissimæ , si ea licentia tribueretur hominibus ; pax inter ipsos minime servari posset ; sed eo prætextu Respublica plena esset rapinis , furtis , & continuis privatorum bellis , unoquoque scilicet in re capaci tantæ latitudinis aggravante suam miseriam absolutè , vel comparative ad alios , & detrectante altero ex adverso obligationem subveniendi ipsi propriis facultatibus attentis , aut certè optimo jure postulante , ut arbitrium sibi relinquatur subveniendi ei , quem selegit , aut præferendi inter tantos , quos novit gravius egere .

25 Cavenda tamem hic quoque quæstio incipitis vocabuli , ne circa gravem necessitatem contingat confusio ei similis , quam circa extremam evenire prænotavimus . Ego enim necessitatem gravem à communi condistinctam omnem illam appello cum Suarez in *dicta sed. 1. numer. 4.* qua homo nequit sibi subvenire ex propriis ; sed indiget alterius auxilio adevitandum grave aliquod detrimentum salutis , honoris , status , famæ , fortunarum , simili-

Ec 3 lium.

lium bonorum : atque in hoc sensu recepto satis communiter evidentissimum est, non omnem necessitatem gravem esse ferre, aut propè extremam, atque adeò nec adeò gravem, ut à furto excuset, & privilegii extremæ meriti gaudere valeat. Immo nunquam eis gaudere jacturam rei familiaris, aut status jussu acquisiti; sed solum magnæ famis periculum, gravis morbi similiumve afflictionum, quibus leditur vitæ conservatio, & aliter averti non possunt, expressè apud Lessium legitur lib. 2. de just. & jur. cap. 16. num. 15. juncto num. 31. Passimque apud Auctores invenitur, ut necessitates, quas aliis inter extremas computant, alii doceant solum esse valde graves, ut liquebit observanti exempla, quibus utuntur, & satis constat ex illis, quæ concessit Thomas Sanchez in dicto dub. 5. ex nu. 4. Et hinc sæpe sæpius evenit, ut cum circa rem non discrepent, aliter sentire videantur.

CAPUT V.

Illationes.

26 **I**nfero 1. ex jam dictis, quàm fuerit scandalosa, & absurda thesis in præfenti profligata. Nam qui putat, non esse prohibitum patienti necessitatem furari rem alienam, eo ipso concedit licitum esse illam contrectare, quamvis dominus sit rationabiliter invitatus, & nullo jure eam dare teneatur. At nulla omnino necessitas, etiam extrema, concedit hanc facultatem. Nam, si ad subveniendum obligat ex justitia, aut charitate, & jus prælationis tribuit patienti necessitatem, eo ipso facti, ut rei dominus absque ratione, ac jure sit invitatus, & præstat, ne sit furari eam sibi assumere, ubi alia remedia defunt, quibus uti possit pauper. Si verò neque ad subveniendum obligat, nec jus prælationis adversus dominum egentem tribuit, ex. g. quia ille in pari necessitate est constitutus, vel alii, quibus prius debet succurrere juxta ordinem charitatis, aut quia ipse pauper aliunde sibi providere potest elemosynis aliorum, quæ roganti publice, aut occulte non defuturæ meriti sperantur, tunc quidem furtum committeret; sed proculdubio pecca-

bit usurpando absque licentia domini rem, quam ille nec vult, nec tenetur dare. Quocirca, aut dicendum est, necessitatem, omnibus inspectis, tollere rationem furti, aut asserendum, non conferre facultatem contrectandi bona aliena absque peccato. Coniungere autem utrumque, retentaque furti ratione, peccatum auferre, est proflus intolerabile.

27 **I**nfero 2. optimo jure esse statutum in cap. Si quis. 3. de furtis, ut si quis pro necessitate furatus fuerit cibaria, vel vestem, vel pecus per famem, aut per nuditatem pauperis hebdomadas tres. Ponitur enim, ut ex verbis textus patet, illum commisisse furtum, non obstante ea necessitate, in qua erat constitutus, quod multipliciter contingere posse, non tantum quoties necessitas est minus gravis, sed etiam cum est extrema, constat ex proximè dictis, & aliis, quæ ex Cajetano produximus num. 16. ac monuimus sæpe alibi. Porro dum furtum committitur, peccatum non evitatur, & salutaris poenitentia pro ipso rectè imponitur. Culpam enim est, tametsi minus gravis, quàm alia furta extra casum necessitatis commissa, & ideo levior quoque poenitentia injungitur, cum nulla esset injungenda, si permissa foret talis actio. Unde & comparando hoc genus furti cum peccato adulterii optimè dicitur Proverb. 6. 30. *Ngis grandis est culpa, cum quis furatus fuerit: furatur enim, ut e furientem impleat animam.* Confirmatur. Nam ibi quoque supponitur, fuisse obligationem restituendi cibaria, aut vestem ablatam; immò ipsamet restitutio in partem satisfactionis accipitur, ne furi jejunia imponantur. Quod profecto non contingeret, nisi furtum verè, ac propriè tale in eo casu intervenisset. Nam res usu consumptibiles propter necessitatem consumptæ absque furto, & injustitia ab illo, qui est re, ac spe pauper, ejusmodi obligationem non relinquunt, ut communiter Doctores statuunt.

28 **I**nfero 3. hoc eodem sensu semper improbane furtum in quavis necessitate capiendum esse, quod dicitur in Poenitentiali Romano tit. 4. cap. 16. hisce verbis: *Si fecisti furtum necessitatis causa, sic dico, ut non haberes unde viveres, & propter famis penuriam, & tantum furatus es vestimenta*

lia extra Ecclesiam, nec propter consuetudinem fecisti, redde quod tulisti, & sex ferias in pane, & aqua paniteas. Si autem reddere non poteris, decem dies in pane, & aqua paniteas. Haec enim ibi. Vbi in primis est notandum, sermonem esse de necessitate extrema subsidii alieni, v.g. cibi, aut vestis ad conservationem vitae, ut ea videntur probare: Si dico, ut non haberes unde viveres; sed non de necessitate excusante à culpa furti publicam, aut occultam acceptionem talium rerum domino positive repugnante. Neque enim sola necessitas ad excusationem sufficit, nisi etiam sit necessarium uti hoo medio, quia alia desunt, & ceteræ conditiones adfint, quas requiri diximus tam ex parte audentis, quam ex parte illius, à quo invito suæ res auferuntur, ut pauper eas possit vi, vel etiam sibi appropriare. Nam, si verè omnes adfuissent, acceptio culpa vacasset; immò fuisset actio honesta, & nec furtum ibi intervenisse diceretur absque magna improprietate, nec restitutio fuisset injungenda, nec restituenti imponenda in foro poenitentiali adeo gravis satisfactio, & adhuc gravior ei, qui non restituit, etiam ratione impotentiae; cum tamen omnia his opposita in hoc textu sint præscripta.

29 Infero 4. S. Thomam his non contradicere, nec damnatæ propositioni favere, dum in 4. dist. 15. q. 2. ar. 1. quaestiu. 4. ad 2. docet, illum non peccaturum, qui in statu extremæ necessitatis ea, quibus indiget, per violentiam, aut furtum acciperet. Nec item cum 2.2. q. 32. ar. 8. ad 1. tradit, monacho in eodem articulo licitum esse furari ad eleemosynam dandam. Etenim cum S. Doctor inibi q. 66. ar. 7. corp. mentem suam expressè declaraverit, & dixerit, id non esse propriè furtum, aut rapinam, id ipsumque repetierit in solut. ad 2. & ar. 5. corp. jam præmississet, manifestum esse, quod omne furtum est peccatum, liquidò apparet, voces illas furti, seu rapinae apud ipsum non esse accipiendas absolute, & sicut sonant; sed solum in sensu improprio, ad quem confugere nequit thesis absolute loquens, & sicut sonat, ac jacet, ab Innocentio rejecta.

30 Infero 5. sapientissimè exegisse S. Thomam in dicto q. 1.7. ut licet possit ali-

quis, seu absque furto, & rapina, subvenire suæ necessitati ex rebus alienis publicè, aut occultè sublati; opus esse, ut sit adeo evidens, acurgens necessitas, ut manifestum sit, instanti necessitati de rebus occurrentibus subveniendum esse, puta, inquit, cum imminet persona periculum, & aliter subveniri non potest. Neque enim debet relinqui iudicio incerto, nimisque fallibili patientis necessitatem æstimatori prælationis suæ contra dominum, qui potest, etiam supposita evidenti, urgente necessitate alterius, nihilominus habere ex parte sua quamplures excusationes probabiles, ac valde occultas pauperi, vi quarum possit licitè subventionem denegare, & audenti resistere. Omnes autem explorare debet pauper, prout tempus permiserit, priusquam statuat, prælationem suam esse liquidam, & hoc medio, alioqui noxio, uti valeat iure suo.

31 Cujus rei rationem dedimus plenius ex num 8. & cum nimis sit difficilè doctrinaliter discernere, quismam, cuiusnam, quantum, & ex quibus bonis elemosynam dare teneatur, & in qua necessitate, aut circumstantiis, multaque alia sit incerta in hac materia, ut cum Corduba, & Medina expendebat P. Sanchez ubi supra num. 14. adhuc longè est difficilium in facti contingentia discernere, utrum re vera concurrant hic, & nunc omnia, quibus opus est, ut dominus pauperi possit poni debeat circa rerum suarum usum. Ex. g. utrum habeat bona alia superflua vitae, vel statui, unde satisfieri debuit urgenti necessitati, eo volente, vel nolente? Nam necessaria à superfluis in domo aliena ab extraneis ægerrimè discernuntur, multique opulenti apparent in platets, qui intra suos lares potius egent, quam abundant. Et quamvis plenè constaret, illos esse verè divites, accis bonis abundare, unde debet subveniri extremè, aut valde graviter periclitantibus, dum non constat, alia media minùs incongrua deficere, parum proderit necessitas, ut communia fiant ea bona, liceatque ipsorum acceptio, illo invito, qui illa dare alioqui teneretur. Quid enim si sint alii in promptu, qui tali necessitati subventuri essent, etiam non rogati; sed doneaxar consilii ipsius? Quid, si pauperi petenti opportuna subsidia non dec-

Ec 4 runt,

runt, & secreta, si ita velit, ut consulat vecundiz?

32 Utrique potius esse mendicandum, etiam viro gravi, ac nobili, quam utendum mediis istis, seu furtivis, seu violentis, communis sententia fert, quam post Navarrum, & alios strenue propugnat Malderus 2. 2. q. 32. dub. 6. circa fin. dicens, pudorem contrarium, neque sanctum esse, nec Christianum, sed vanam superbiam hominum, quibus involuntaria paupertas probrosa apparet, ac villis. Est profecto laboriosa; sed qui laborando, vel serviendo potest comparare necessaria ad vitam, nondum constitutus est in eadem necessitate, qua licet rebus alienis contra voluntatem domini uti, aut frui quasi suis. Quamobrem sententia opposita, quam Bañez refert, nec improbat, & cum eo Diana p. 5. tr. 8. ref. 24. mihi probari non potest.

33 Infero 6. clandestinam acceptionem rei alienæ sæpius excusari à furto ratione licentiæ debitæ ex misericordia, aut religione, vel simili alia virtute. Non quia licentia sub peccato debita, se sola, vel per se ipsam immediate ejusmodi effectum præstat: id enim num. 9. falsum esse demonstravimus: sed quia debitum præstat auferenti justam causam præsumendi, dominum non esse invitum quoad substantiam rei acceptæ, quoties positive non resistit, nec contradicit expresse, nec ex pravis ejus moribus constare potest, cum misericordiæ defuturum, si aliæ necessitate, & obligationis suæ conscius fuerit. Iungitur namque in hoc casu simul cum licentia debita licentia præsumpta satis rationabiliter, quæ furtum tollit, & præstat, ne clam accipiens, id agere censeatur contra voluntatem domini, aut eo invito quoad substantiam, licet clandestinus accipiendi modus ipsi fortasse displiceat. Neque enim præsumi debet in dubio alterius peccatum, aut denegatio licentiæ sibi illicita, sed animus à delicto alienus: & quando nil aliud obstat, satis est obligatio sub peccato, ne dominus, aut superior judicetur ipsi defuturus, ut rectè advertit Suarez tom. 3. de Religione. lib. 2. cap. 11. num. 21.

34 Quocirca et si licentia debita, sed non obsecrata, immò expresse denegata à superiore, religiosum non excuset à pecca-

to proprietatis, ut contra Alphonsum Mendoza multis ostendit Suarez ibidem à num. 18. contendens, illius sententiam esse singularem, & rationi, ac religioni parum consentaneam; nihilominus ipse etiam admittit, peccatum proprietatis excusari, quoties ex licentia debita induci potest præsumpta. Nam quòd præsumpta sit satis religiosus ad peccatum proprietatis excusandum, communis sententia est, quæ etiam extenditur in secularibus ad excusationem furti, nec requiritur præsumptio omnino evidens, nam probabilem sufficere, expresse habetur apud D. Thomam 2. 2. quæst. 32. art. 8. ad 1. Quando autem licentiæ denegatio non esset irrationalis utcumque, sed adeò stulta, ut prohiberet, quod alius nequit omittere absque peccato, ex.g. accipere, vel expendere quidpiam planè necessarium ad subveniendum extremæ necessitati propriæ, aut alienæ, cui aliter nequit subveniri, tunc quidem nullum esset peccatum, seu furti, seu proprietatis, eam consumere, aut accipere contra expressam voluntatem domini, aut prælati, quia, ut jam conficit, in isto casu nulla licentia domini requiritur.

C A P U T V I.

Quousque restituere teneatur, qui debuit, ac noluit indigenti subvenire?

35 **I**Nfero tandem, transacta necessitate, etiam extrema, divitem non obligari ad restituendam pauperi elemosynam, quam dare debuit, ac noluit. Est communis, & probatur. Quia prædictum debitum vel erat ex iustitia stricta, vel ex alia virtute, puta misericordia, aut charitate? Si ex alia virtute, nulla alia præter iustitiam ad restitutionem obligat delinquentes contra ipsam. Si ex iustitia stricta, etiam si subsidia, ac transiens, ejusque obligatio cesset, cessante necessitate subsidii, ac opis alienæ, consequens fit, ut similiter extingui, ac cessare debeat obligatio dandi eam quantitatem, qua prius pauper indigebat. Nam restitutio non obligat, ubi nullum damnum manet; sed injuria est purè præterita.

36 Cæterum exinde emergit alia gravior difficultas: quia ex denegata elemosyna

syna debita ob necessitatem valde gravem, aut extremam sæpè sæpius resultant indigentia damna alia, quæ, illa cessante, adhuc permanent, gravantque ipsum, aut hæredes ejus, & tunc merito disquirunt, utrum dives immisericors talia damna refarcire teneatur, idque affirmare proculdubio debent, qui putant, illum contra justitiam peccasse non subveniendi indigenti. Attamen quia longè communior, & facis tota sententia tradit, illum non peccasse contra hanc virtutem, sed contra misericordiam duntaxat, probabile, ac tutum erit eum ab hac obligatione eximere. Neque enim potest teneti ratione rei acceptæ, cum nihil abstulerit ab illo, cui non subvenit; neque item ratione damnificationis injustæ, cum nihil justitiam læserit; sed solam misericordiam. His autem sublati; quæ sunt solæ radices restitutionis, nulla superest, unde imponatur obligatio restituendi. Et quamvis ex non subventionem simul cum morte indigentis, aut diuturna infirmitate resulent in eo, aut in aliis plura alia damna, aut expensæ, quæ dives potuit, ac debuit ex misericordia evitare, id nihilominus facis non est, ut illorum causa censeatur, prout ad restitutionem opus erat, siquidem nec influit physice, ut constat, nec moraliter, cum non faciat injuriam, neque officiat juri alieno.

37 Quia tamen jam antea diximus, illum contra justitiam peccare, si vim faciat auferenti in extrema necessitate constituto, eumve dolo, aut fraude impediat, ne alienis rebus utatur, quatenus opus est ad suam subventionem, perinde ac si forent

suz, consequens propterea est, ut in eo eventu expensæ, ac damna debeant refarciri. Jus enim, quod quisque habet comparandi sibi extremè necessaria ad conservationem vitæ, antiquius est, ac potentius jure privati domini in divite residentis, & ideo absque injuria pauper coginequit, ne illi utatur, cum alia media non superunt. Et sicut mendicus, quamvis jus non habeat ad eleemosynam divitis, nihilominus jus strictum habet petendi, ac querendi illam, & si vi, aut fraude ei tollatur, injustitia manifesta adversus ipsum committitur, ita pariter extremè indigens licet ad spontaneam eleemosynam nullum habeat jus justitiæ; illa tamen deficiente, aliisque mediis proficuis, jus habet sibi assumendi illa, quibus opus habet, etiam dominis invitis, & si ab eis, aut aliis impediatur, manifestè violatur jus ipsius.

38 Quapropter, si fortè duo ita indigentes concurrerent, & dominus unicuique subvenire possit, quamvis nulli determinatè eleemosynam deberet, sed quemvis posset eligere; si tamen utrique clauderet viscera misericordiæ, neutri valeret resistere absque injuria; sed primò occupanti cedere, nam ille potior est jure. Quod si eodem momento esset res occupata à duobus extremè indigentibus, v. g. tabula in naufragio, aut circa illius occupationem contenderent, tunc vel dividenda esset, si dividi posset, & sic divisa sufficeret, vel sorte lis componenda, nisi fortè alter ex ipsis potiori alia prærogativa gauderet, si esset Rex, vel persona valde necessaria Reipublicæ. Vide Lessium lib. 6. de just. & jur. cap. 16. num. 12. & deinceps.

DISSERTATIO XXIII.

DE OCCULTIS COMPENSATIONIBUS famulorum.

Exploratissimum est, occultam compensationem, seu salarii, seu stipendii, seu alterius boni nobis ex iustitia debiti esse aliquando licitam, & sub certis conditionibus absque furto, aliove peccato ab illis exerceri, qui alio modo se indemnes servare nequeunt. Sed in famulis, ancillisque domesticis nescio quid speciale invenit propositio 37. ut eis indulgeret amplius, quam aliis solet concedi. Et hoc fuit causa consigendi ipsam, atque in presenti examinandum venit.

CAPUT PRIMUM.

Affertur thesis damnata, & demonstratur, sanctissime factum esse.

1 **T**hesis quidem sic se habet: *Famuli, & famulae domesticae possunt occultè veris suis surripere ad compensandum operam suam, quam majorem judicant salarii, quod recipiunt.* Quàm verò fuerit sanctum, ac salubre illam proscribere, ut jacet, & usum ejus prohibere, patet aperte.

2 Tum quia ad surripiendum occultè per modum compensationis illud, quod nobis debetur, plures conditiones requiruntur ex sententia omnium Doctorum, quibus sublati, illicita, & peccaminosa redditur; nulla autem hic expressit, aut supposuit, supponendamve indicavit thesis; sed, spreto omnibus, totam hujusce rei praxim unius domesticæ ancillulæ, aut famuli arbitrio detulit. Tum quia idem permittendum esset (non absque magna perturbatione Reipublicæ, & latrocinii frequentibus) militibus stipendiariis, operariis, factoribus, aliisque officialibus pro mercede annua, vel diurna laborantibus, rameris non sint domestici. Tum præterea, quia si quando privato judicio alterius taxanda esset inæqualitas laboris, ac stipendii, id potius arbitrio aliorum nullum interesse habentium, quàm famuli, vel ancillæ. Nullus namque est bonus iudex in sua causa adversus alios. Et, cum occulta compensatio fiat indecens,

& inaudita altera parte, valde temerè relinquitur absque aliis præcautionibus decisio, & exequutio totius causæ, servitoribus plerumque imperitis, communiterque obcecatis amore lucri, ac passione adaugendi suum stipendium.

3 Quid enim si salariū, quod recipiunt propter operam, quam exhibent, sit lege taxatum, aut communi consuetudine receptum, aut prævia, & ultroque utrimque conventionem designatum? Licebit ne in istis casibus taxam præfixam excedere, eo quod ipsi operas suas magni faciant, & majori pretio dignas æstiment? Quid, si debitum auctioris stipendii non sit ex iustitia; neque planè liquidum, prout sæpius contingit, quantumvis operarius sibi indulgear, & existimet laborem suum plus mercedis promereri? Quid, si famuli iudicium de inæqualitate salarii, & de sui servitii excessu non sit moraliter evidens; sed temerarium, aut saltem formidolosum, seu obscurum, ac incertum? Quid, si famulus, & herus habeant contraria iudicia, & cum ille probabilius censeat operam suam esse stipendio majorem; herus ex adverso probabilius iudicet, non nisi æqualem, aut minorem esse? Anne unius famuli privato iudicio decisivè standum erit, spreto iudicio domini in re ad utrumque attinente; & cum debitum sit planè litigiosum, & fortasse non adjudicandum operario, si adversus dominum in iudicio conderetur, ipse clanculum, & prona auctoritate illud sibi adjudicare poterit, ac si foret extra controversiam?

4 Quid, si servitium secundum se sumptum majus appareat mercede; sed ex circumstantiis æstimatio ipsius vilescat, ut contingit, quoties plurimi quarunt dominum, cui serviant, nec inveniunt, vel cum alii non descendent, qui suam operam libenter elocarent pro salario, quod huic exiguum videretur; vel cum herus nonegeret servitio istius, nec alium famulum recepturus esset, nisi hunc benignè exceperisset misericordia permotus, & allelus commoditate stipendii? Quid demum si quævis alia ex conditionibus desideret, quas communi suffragio Auctores tradunt prorsus necessarias esse, ut occulta compensatio extra materiam salarii ab omni labe expurgetur?

5 Utique hæc omnia demonstrant, quàm confusè, & indigestè illa propositio fuerit tradita tot diversos casus comprehendens pari regula, cum sint valde dispares, & quantis additamentis, limitationibus, fulcrisque indigat, ut ad praxim securè revocetur. Id autem est, quod formaliter illam scandalosam reddit, perniciosumque ejus usum. Quare neque heris permittitur, ut suis famulis occultè detrahant de salario, quod eis tribuunt, eo quod judicent minorem esse eorum operam, nec mereri tantum stipendii, quantum est lege taxatum, aut inter ipsos conventum. Neque in reliquis contractibus id relinquit arbitrio contrahentium, quasi possit venditor occultè surripere, quidquid putat plus valere mercedem venditam, quàm pretium sibi datum, aut vice versa emptor detrahere, quod putat minus valere. Et sicubi isti licentiae non essent laxandæ habendæ, nullibi certius, quàm in stipendiis famulorum, aliorumque officialium, quorum taxa valde incerta est, & maximam varietatem subit ex circumstantiis personarum, ministerii, loci, ac temporis, aliisque similibus, quæ Theologis, ac prudentibus negotium facessere solent, ne dum famulis operas suas magni æstimantibus, & aliqui rudibus planeque imperitis principiorum, unde sumitur justa harum rerum mensura.

6 Erit igitur personis istis consilium non tantum optimum, sed necessarium moraliter (quod rectè admonuit in simili P. Suarez lib. 5. de legib. cap. 18. prope fin.) iudicio proprio non fidere; sed stare ju-

dicio aliorum nullum interesse habentium, sed rei subjectæ peritiam, & maxime prudentis, ac sapientis Confessarii, qui pro debito sui muneris negotium examinabit, aliosque, si fuerit opus, viros bonos, ac prudentes, & peritiam, ac experientiam istarum rerum instructos advocabit in consilium. Ancillæ namque domesticæ iudicium, aut etiam famuli de iniustitia sui stipendii adeò explorata, ut fiat locus compensationi furtivæ, omnes ut valde suspectum recusabunt, præsertimque heri inauditi. Et si famuli ipsi scirent, etiam sibi deberent esse suspecti. Urget enim illos amor lucris sæpe insanus, & faciens ex albo nigrum; urget laboris assidui tedium, & subjectionis fastidium apparete faciens valde magna, quæ sunt mediocritas, aut exigua; & vix unquam eis non obstat defectus illius peritiæ, ac probitatis, quam postulat recta ratio, ut absque magno periculo errandi, & se, ac alios decipiendi in hoc puncto ferri possit prædictum, securumque iudicium.

7 Hæc autem non tollunt famulis, quod rectè explicat, & planum iudicat Petrus Navarra *lib. 3. de restit. cap. 1. a num. 359. & aliis relatis Layman lib. 3. sect. 5. tr. 3. p. 1. cap. 1. num. 9.* ac passim alii scribentes, ut beneficio compensationis occultæ uti valeant, ac gaudere, si generales condiciones serventur, quæ eam aliis licitam faciunt. ut si iniuste ab heris defraudentur stipendiis lege, aut conventionem, vel communi consuetudine taxatis pro servitio, quod fideliter obierunt; aut si, omnibus pensatis, liquidò appareat, stipendium, quod accipiunt, esse minus iusto, ita ut ne quidem ad minimum, quod dari solet, perveniat. Tunc autem, non quia ipsi iudicant suum laborem plus mereri, conceditur compensatio; sed quia debitum est certum, & satis clara iniustitia domini, quam claram non redderet solius famuli iudicium. Aliis ergo regulis minus fallacibus utendum est, eisdemque deberent uti ancillæ, & famuli, si essent capaces arbitrandi per se ipsos de istis rebus, ut licet iudicio suo stare possent, & ea perspicuitate judicare de majori sui laboris merito, quanta necessaria est, ut occulta compensatio possit honestè exerceri.

8 Aliud enim est, quod famulus possit occult-

occultè subtrahere , quod judicat plus mereri ex justitia operam suam judicio evidenti , ac certo : hoc citrà ullum incommodum admitti potest , ac debet , si ceteræ conditiones adsint , quæ in aliis desiderantur , ut compensatio honestetur . Aliud verò , quod id liceat absolute , & indistinctè , cum ipse famulus judicat , se plus mereri , quod thesis proscripta tradidit , & est manifestè falsum , & nulli alii creditori concessum . Fieri namque sapius potest , immò plerumque contingit , ut debitum non sit liquidum , neque inæqualitas certa , prout ad occultam compensationem exigitur , quantumvis creditor judicet , rem aliquam sibi deberi . Nec quodvis ejus judicium sufficit ad hunc effectum . Potest enim judicare , sibi ex justitia deberi , sed non adeò clarè , ut , si in judicio contenderet , victoriam sine dubio reporraret , quin rectus , ac æquus judex altera comparte audita posset aliter sententiam ferre . Et quamvis judicium ejus enunciaret , debitum non esse litigiosum , sed liquidum , ut sæpe evenit litigantibus , quorum unusquisque putat , jus suum esse omnino certum , cum judicium hoc multoties soleat esse temerarium quoad certitudinem debiti , ortumque ex passione propria , ignorantiave juris alieni , possitque contra se habere , quamvis sit opinativum , aliud judicium probabile , vel fortasse probabilius , parum proderit , ut ei soli deferatur , præsertim in hac materia , cujus certò justa , vel injusta taxa ex tot circumstantiis pendet .

9 Quocirca , re bene inspecta , nulla est differentia formalis inter famulos , & reliquos circa licitum compensationis usum ; sed eadem prorsus conditiones , quæ in aliis requiruntur , ac sufficient , in istis requiri pariter , atque sufficere debent . Siqua autem differentia datur , illa purè materialis erit , faciens scilicet , ut adsit , aut desit aliqua ex prædictis conditionibus ob speciales circumstantias , quæ si in aliis casibus invenirentur , eundem effectum præstarent . Sunt autem adeò inæquales circumstantiæ , quæ in hac materia interveniunt , adeoque multiplices , ut difficillimum sit sapientibus etiam , & expertis , nullaque passione præoccupatis formare rectum judicium inter famulos , ac heros , & liquidare , an salarium sit justo minus , ut sæpe

contendunt famuli , vel æquale , aut etiam majus , ut sæpe causantur heri . Et quia hinc potissimum pendet usus licitus , aut pravius occultæ compensationis , merito Auctores desudant , assignando varias regulas juxta varietatem frequentiorum casuum , unde illud valeat discerni .

10 Rem accuratè explicabat cum Corduba Ludovicus Lopez in *structor. conf.* p. 1. cap. 158. edition. Salmant. anni 1592. & adhuc plenius eam explicant , præter alios in decursu consignandos , Molina *tract. 2. de just. & jur. disp. 506.* Dicastillo *tom. 1. de just. & jur. lib. 2. tract. 2. disp. 9. dub. 7.* Gibalinus *tom. 1. de usur. lib. 3. cap. 8. art. 3. num. 26.* Fragofo *tom. 2. de regim. Reipub. Christ. in fin. Moya in select. p. 2. tr. 6. disp. 4. q. 3.* Zamoranus *de compensationib. disp. 5. cap. 12. & 13.* Legi etiam potest Rebells *p. 2. de obligationib. just. lib. 14. quest. 15. num. 10.* cui & Remigio Noydens in *summa. tract. 2. cap. 7. §. 10. num. 1.* adscribit propositionem damnatam Lumbier in *præsentium.* 1897. Sed Rebello valde immeritò . Rebells siquidem expressè loquitur de compensatione exequenda , non sicut famuli judicant ; sed *secundum communem estimationem illius temporis* , requiritque , ut *conferret mercedem esse illi inæqualem* , pluresque alias conditiones valde alienas à propositione , ut jacet . Et , quod plus mirere , Villalobos in *summa. tom. 2. tr. 25. diff. 13. num. 6.* cujus verba refert , & sententiam approbat Lumbier ipse , pro se , & illa allegat etiam Rebellum .

C A P U T II.

Quatenus se occultè compensare possint famuli inservientes certa mercede sibi constituta ?

11 Certe merces constituitur , quia ita convenit inter famulum , & herum , aut quia lege Principis taxata est , vel communi estimatione eorum , qui utuntur servitio pari . Et in his eventibus non licet famulis sese compensare occultè , & plus accipere de bonis domini , nisi *lucè clarius constet* , salarium sic præstitutum , attentis omnibus , esse inæquale suis obsequiis , ac inferius pretio illorum , etiam infimo . Ita dissertè Molina *suprà* num. 1. & qui eum laudat Gibalinus *numer. 27.* Sanchez

chez *lib. 4. confilior. cap. 1. dub. 14. num. 11.* dicens esse omnium , & verbis æquipollentibus Valquez *de restit. cap. 5. §. 1. num. 63.* sequiturque aperte ex receptissima sententia aliorum statuente generaliter ad occultam compensationem requiri debitum iustitiæ omnino clarum , seu adeo liquidum , ut absque aperta iniustitia à debitore retineri nequeat , aut non solvi sese compensanti.

12 Quocirca nil famulis proderit judicare operam suam esse majorem salario , quod ex conventionem accipiunt , aut ex taxa legali , vel usuali , nisi his motivis nitantur , quæ eam demonstrent planè injustam . Neque Confessarius poterit eos absolvere in his casibus , donec proponant desistere , ac restituere notabilem summam eo prætextu contractatam . Standum namque est pactis conventis explicite , vel implicite , sicut & taxæ legali , aut usuali , eùm deficiunt aliz , semperque iusta præsumitur , nisi apertis documentis à iustitia defecisse appareat . Ac profecto in foro externo ei parti tanquam iustiori favere debebunt iudices , quin possit certò constare , augendum esse stipendium , quando contractus legitimus , lex , vel consuetudo æstimatio ejus augmento resistit . Porro ubicertum non est in iudicio externo esse obinendum , attenta lege iustitiæ , id , quod occultè subtrahitur , sed arbitrium , aut dubium , licet omnia ibi constarent , quæ in foro interno agnoscuntur , occulta compensatio neque licet , neque potest à vitio furti excusari . Ea quippe solum conceditur in subsidium , & per modum supplementi , quia probationes , testesve deficiunt , vel quia sine gravi incommodo debitum officio iudicis recuperari non valet ; secus verò ut possint homines iudicis arbitrium , & officium sibi in rebus litigiosis usurpare , ac aliena bona arripere , quæ iudex absque iniustitia posset ipsis denegare .

13 Attamen quia sæpius famuli , alique operarii conqueruntur de iniustitia sui salarii , etiam conventi , & taxam ejus manifestè iniquam reputant , & servitio suo inæqualem , obrendentes non sufficere ad sustentationem propriam , aut familiæ , aliaque plura diverticula rimantes , diligenter inspiciendum est , quanam ex parte dominorum , ac servitii , & modi illius considerari debeant , ut ad hoc iudicium se-

cure deveniatur . Certum namque est , justum stipendium non esse commensurandum cum indigentia servientis , quasi uxorem habens , atque filios , quos tenetur alere , hac sola de causa possit pro eadem opera plus mercedis postulare , quàm cælebs , qui nullam familiam alit . Iusta ergo merces non istis , quæ impertinentia sunt , ac valde extranea , sed operæ personali exhibendæ , vel exhibitæ adæquari debet , & juxta modum ejus appetiari .

14 Sæpius autem non merebitur integrè alimenta personalia ipsiusmet famuli , quia ejus labor est exiguus , nec adeo assidua occupatio , ut aliunde sibi providere nequeat suis operis , & industria , & ita alii ejusdem conditionis id , quod deest , supplere solent , seque libenter locabunt pro eo stipendio diminuto . Quando autem singulis horis dici debet assistere , esseque paratus ad servendum nutu heri , licet aliquando ocietur , integrum stipendium sufficiens ad victum , & vestitum suo muneri congruentem ei deberi , affirmat Castro Palao *tom. 7. disp. 1. de just. commut. punct. 16. §. 3. in fin.* Idque per se loquendo verum est , quia in gratiam heri nullum ei tempus relinquatur , quo aliunde sibi providere valeat . Erit autem alia ratio , si , cùm aliunde victum , & vestitum sibi comparare possit , in partem salarii computet cooptari in familiam ejus , unde majora alia commoda lucri , aut honoris reportat , vel meritò sperat opedomini obtinenda esse .

15 Inspici præterea debet salarium aliqui injustum , & inæquale servitio , sæpe justum , & æquale reddi ex circumstantiis adjunctis , & maxime ex cessione voluntaria ipsius famuli . Nam , sicut ei integrum est inservire omnino gratis , ita etiam servire potest partim gratis , partim pro stipendio , & adiciere ultra eas operas , quas ex iustitia deberet , attenta sola utilitate salarii , ex supererogatione plures alias in eodem , aut alio genere servitii , supplere que officia aliorum , aut duo simul exercere . Contingit autem frequenter hic modus cessionis in domibus Principum , Cardinalium , Episcoporum , Magnatum , Ministrorum Regis , & aliorum præpotentium , vel quia famuli jam antea peculiaribus beneficiis obstricti suam hoc modo gratitudinem ostendunt ; vel potius , quia
ita

ita conciliant eorum gratiam, unde sperant potiora alia officia, aut beneficia, sibi aut suis conferenda ex munificentia domini, vel ejus intercessione, aut contemplatione. Malunt enim vivere sub hoc incerto, & multiplicatis obsequiis non jam mercenariis, sed gratis, promereri domini benevolentiam, bonamque existimationem, quæ esse solent principium benefaciendi, quàm legibus justitiæ omnia metiri, & videri additi soli suo interesse.

16 Quocirca nullam pro his operis recompensationem debent heri ex justitia suis famulis, & longè minus licebit istis occultè surripere excessum proprii servitii ultra valorem stipendii, etsi frustrerentur spe sua, & de facto non obtineant liberalitate, aut ope domini tantum commodi, vel lucri, quantum alias secundum lanceam justitiæ labor suus mereretur. Resistere enim non licet illi, qui donandi operas suas capax erat, à donatione remuneratoria, aut liberali priùs facta, & jam exequuta: & illa, cum est perfecta, per se nullum novum modum, aut conditionem admittit, quæ non sint adjecta antea. Unde sicut dominis non licet occultè subtrahere famulis, quæ eis donarunt spe obtinendi ab ipsis liberaliter, aut ex gratitudine majus servitium, quàm alioqui debent, quantumvis spei effectus non respondeant, ac deinceps nec plus, nec fidelius serviant, ita vice versa famulis id non licet respectu dominorum, nisi fortè donationi addita esset, & implicite, vel explicite acceptata conditio ex futuro eventu dependens, & famulus non cessisset absolute juri accipiendi stipendium æquale labori suo; sed sub conditione, quod ex domino liberaliter, vel alio titulo parem utilitatem capesseret.

17 Regulariter autem hæ cessiones conditionales non sunt, sed absolute, quia spes illa conciliandi domini benevolentiam, seu obligandi eum ex gratitudine, solet esse principalis causa, atque motivum cedendi; non verò eventus illius infelix, aut fortunatus. Eset autem Simoniaca cessio illa conditionalis, necnon acceptatio ipsius, totumque pactum invalidum, si famulus suo juri cederet sub conditione, quod dominus ipsi conferret aliquod beneficium Ecclesiasticum. Fraudulenta verò, & injuriosa in quacunque alia mate-

ria, si domino occultaretur, exterius fingente famulo, se omnino gratis servite, aut pro inæquali salario, & sic decipiente dominum, ut quidpiam salario majus in remunerationem accipiat. Unde sicut, qui fingit, se esse pauperem, restituere debet eleemosynas extraordinarias, & amplas, quas eo titulo acquisivit: sic, servata proportionem, iste sese benefactorem confingens, & remunerationem specialem promereri, eo quod serviat pro parvo salario, aut nullo, se restituere tenebitur, quod accepit hac de causa ex bonis domini, justoque stipendio esse contentus, aut certe fraudem detegere, & arbitrio dantis rem relinquere.

18 Examinanda sunt insuper (etiam seclusa cessione) alia plura, unde decrevit iusta æstimatio laboris, ut si multi alii invenirentur, quicamdem conditionem libenter acceptarent, eodemque stipendio essent contenti, quod hic accipit à domino. Nam, sicut venditorum multitudo, & paucitas emptorum rerum venialium æstimacionem diminuit, ita & rerum locandarum. Locatio enim, & venditio equiparata sunt quoad justitiam, vel injustitiam mercedis, & ex eisdem causis sumunt suum augmentum, aut diminutionem. Quapropter, sicut in venditione non semper diminutio pretii justa efficitur ex eo, quod alii non sint defuturi, qui pro illo pretio minori vendant merces suas, si istæ eo pretio vendere nolit, ita neque in locatione; sed utrobique requiritur, quod id non faciant inviti, nec errore, aut gravi necessitate compulsi (nam ista per se non conferunt ad diminutionem pretii) sed ducti ipsa rerum æquitate, & commensuratione, quam communis populi æstimatio justam facit, & ex bono, & æquo taxat arbitrium timoratorum.

19 Juvat quoque ad diminuendum sine injuria stipendium, quod alioqui iniquum foret, famulum ultro sese offerre, & rogare, ut admittatur, præsertim cum ejus opera dominus non indigebat; sed propter ejus importunitatem, vel ad instantiam amici, vel misericordia motus cum conducit, ac tunc maxime cum significat, se id facere, donec ille inveniat alium dominum. Nam hic etiam observari debet regula communis in contractu emptionis, quod merces ultro neque vilescant, de-

cref-

crescatque interdum æstimatione illarum ea de causa, vel usque ad tertiam partem valoris alioqui æqualis, ut Cajetanus, cui multi accedunt, putavit, vel etiam usque dimidiam, ut centens Palacios, & alii, quos dabit Diana 1. p. 17. 8. *resolut.* 53. 678. Notabat autem Molina *suprà num.* 4. etiam in prædictis casibus esse compensandam servienti operam suam, salario constituto ultra alimenta, si adeo utilis inveniat, ut uberiori mercede arbitrio boni viri digna existimetur, & tunc juxta proportionem utilitatis perceptæ fumendam esse mensuram, qua servitium, & salarium exæquantur. Quæ doctrina Lessio placuit lib. 2. de just. 6. jur. cap. 24. num. 25. & mihi satis æquæ apparet. Nam hic famulus, tametsi dominus servitio ejus non egeret, valde utiliter gessit negotium ipse, qui ea tota utilitate caruisset, nisi famulatu illius usus esset. Operæ autem adeo utilis, & non exhibitæ gratis proportionata recompensatio debetur, cû nonnihil decrescat, eo quod fuerit ultro oblata, & non desiderata, aut quæsitæ, sed acceptæ in solius famuli gratiam.

20 Ipsa præterea qualitas, ac modus servitii frequenter stipendium variat, adcoque considerare oportebit, quantas operas, & quales herus exigat à famulo, & an iste sibi etiam simul proficiat addiscendo aliquam artem liberalem, aut mechanicam, aut saltem vitam politicam, modumve serviendi urbanè, & se getendi civiliter, vel potius ita operentur, ut soli domino profint, & sibi laborem tantum, ac defatigationem assumant. Hujus postremæ classis sunt communiter servientes stabulo, aut culinæ, agricultores, messorum, officialesque quamplurimi tota die occupati in commodum, utilitatemve alterius absque alio compendio suo, & propterea eorum stipendium attentæ hac circumstantia mensuratur operi, ac labori exhibitio. Alterius verò, cui illi, quibus ex conventionem relinquatur tempus proficiendi sibi separatim, studendo v. g. aut assistendo lectionibus, ut sæpe in Universitatibus cernitur; adcoque scholastici intervenientes aliis, quotidiano victu, & uno calceorum pari in singulos menses ad æqualitatem satisfacti putantur, quin jure exigere possint quidquam amplius, & longè minus id subtrahere occultè. Tum etiam

illi, qui ab heris edocentur artem aliquam, v. g. sartoriam, aut futoriam, cujus possint postea esse Magistri (hos nostro idiomate *Aprendizes* vocamus) & tantum abest, ut heri, qui ipsorum opera utuntur, aliquid salarii eisdem rependere teneantur, quod potius ab eis vicissim stipendium pro doctrina accipere soleant, & præsertim primis annis, quibus rudiores sunt, & eorum labor exigui momenti, aut fructus.

21 Tum præterea ephœbi alii, vulgò *Pajes*, quibus parentes se exonerant, & tradunt viris nobilibus, ut eorum protectione fruantur, ac in domibus ipsorum educantur, & ibi bonis moribus instruantur, urbanitatem addiscant, vitamque aulicam, & habiliores fiant ad alia munia, & obsequia crescente ætate obeunda. Nam & istis, ex recepta nostri regni consuetudine nil amplius, quam alimenta, confortus, victus scilicet, vestitus, lectum, habitatio, & alia hujus generis, quæ dignitati dominorum congruunt, & præscribit ipse usus, ut notat Flores de Mena lib. 1. *variari.* q. 8. §. 2. num. 9. & alii Auctores communiter. Quinimodò pueros usque ad annum quatuordecimum, & puellas usque ad duodecimum expletum, non esse salario dignos, refert judicatum fuisse in Lusitania Cahe-do 1. p. *decis.* 152. num. 5. & tenet cum eo Fragofo *suprà num.* 108. Tum demum hi, quorum opera voluptatis potius, & exhilarationi deservit, quam utilitati, ut mimi, citharædi, cantores, saltatores, aliique per similes. Istos enim, seclusa conventionem speciali, cibo, potu, atque vestitu, quod familiaribus aliis præstatur, contentos esse debere, resolvit aliis adductis Stephanus Gracianus *disceptat. forens.* cap. 185. à num. 41. & qui cum sequitur Fragofo num. 113. & Silva de *salariis familiar.* q. 13. per totam.

22 Quapropter neque in hoc casu, neque in cæteris adductis locus est compensationi occultæ, quamvis reludetur famulus, & pluris valere judicet suum servitium, quam taxavit approbata consuetudo. At verò, si ex parte sua heri non præstent, quod ab illis præstandum esse diximus, tunc aperta erit inæqualitas, & contraria resolutio, v. g. si scholari non permittatur assistere lectionibus, nec tempus vacandi studio; si Opifex non doceat of-

ficiam,

ficiam, cujus addiscendi causa se ipsi famulus locavit, aut non relinquat spatium addiscendi, & exercendi illud; sed aliis cum occupationibus distrahat: si alimenta debita ex contractu, aut usu adeo miserè tribuantur, ut victus sustentationi nec mediocriter sufficiat, nec vestitus honestari, nec eo pertingat, quod in aliis domibus regulariter subministrari consuevit pro similibus servitiis. Etenim in his eventibus indubitanter incumbit dominis, qui officio suo defuerunt, obligatio restituendi, quod subtraxerant inique. Et, cum debitum sit liquidum, nil obstat famulis potius, quam aliis, ut compensatione occulta suum damnum refarciant, servatis reliquis, quæ generaliter præscribuntur esse observanda, ut hac arte sese indemnem cuilibet reddere liceat.

23 Tandem noto, quæ sunt dicta de his, qui inserviunt certa mercede assignata, pariter dicenda esse de his, qui famulantur nulla conventionem præmissa determinati stipendii, vulgo à contento. Nam & istis tantundem solvere debet herus, quantum alii similes communiter pro eodem genere, ac modo servitii perfolvere consueverunt, & nisi id fiat, sed salarium minus infimo ex consuetis rependatur, usque ad concurrentem quantitatem compensationi occultæ locus erit. Est communis; sed quia interdum usualis taxa etiam deficit, aut valde incerta est, sapienter monuit Azor p. 2. lib. 2. cap. 39. q. 9. in fin. id non esse relinquendum iudicio heri; sed arbitrio boni viri determinandum. Nam iudicium heri in sui favorem easdem exceptiones patitur, quas cap. 1. vidimus pati in favorem sui iudicium famuli. Bonus autem vir, attenta quantitate, qualitateque servitii cum reliquis circumstantiis ex æquo, & bono prudenter arbitrabitur in casibus occurrentibus, quanti debeant æstimari operæ exhibitæ, servatis iustitiæ terminis.

C A P U T III.

An qui vi, aut necessitate adactus pro inæquali mercede famulatur, occulta compensationem possit supplere defectum?

24 CAsus hic planè est diversus ab eo, qui in thesi damnata proponitur,

nec censura illius ad ipsum pertinet. Ibi enim iudicio famuli relinquitur æstimatio sui laboris, & sufficere putatur ad compensationem, quod ipse reputet, operam suam esse maiorem stipendio; hic verò ut certum supponitur, id nullatenus sufficere; sed requiri, ut planè constet esse re vera maiorem, ac plus salarii mereri: & solum queritur, an famulus, qui vi, aut necessitate compulsus servire promissit pro minori illo stipendio, conventioni stare teneatur, quamvis nulla alioqui causa detur, quare minus valeat ministerium suum, quam aliorum, qui parem operam præstant, vel potius possit occultè se indemnem servare, ac reducere contractum ad æqualitatem debitam, & de bonis heri sibi assumere quantum deest salario illi, quod ex lege, aut consuetudine cæteris dari consuevit.

25 Affirmant posse, servatis aliis servandis, Navarro lib. 3. consilior. 1. de locat. & cond. numer. 5. Molina supra numer. 4. & agentes de iustit. & iure Lessius lib. 2. cap. 12. num. 63. Card. de Lugo tom. 1. disput. 16. numer. 80. Dicastillo tom. 1. tract. 2. disp. 9. numer. 144. dicens, esse omnium Auditorum, Zamorano dicto cap. 12. num. 7. Suarez disp. 86. de Sacram. sect. 4. vers. Unde. Perlicus de officio Sacerdot. lib. 2. fol. 626. numer. 39. Trullenc in Decal. lib. 7. cap. 4. dub. 5. numer. 11. Favetque aperte Abulensis in 3. Exodi. q. 10. alique interpretes proinde excusantes Hebræos, qui in exitu ad terram promissionis multis divitiis commo dato acceptis spoliarunt Ægyptios, quibus pro iniusta mercede coacti fuerant famulari. Idipsumque olim tradiderat eleganter Tertullianus lib. 4. contra Marcionem. cap. 24. hisce verbis: Quod si & Christus dignos pronunciat mercede operarios, excusavit præceptum illud Creatoris de vasis aureis, & argenteis Ægyptiorum auferendis. Qui enim villas, & urbes operatæ fuerint Ægyptiis, digni utique operarii mercede, non ad fraudem sunt instigati, sed ad MERCEDIS COMPENSATIONEM, quam aliis à dominatoribus exigere non poterant.

26 Quæ sententia mihi vera apparet, quamvis ipsi inter noviores refragari videatur Pasqualigus tom. 2. de Sacrific. Missæ. q. 942. num. 11. & intelligenda cum prædictis non tantum de domesticis ancillis, aut

aut famulis, sed de militibus, operariis, officialibus, & aliis quibuscumque, qui sub eisdem circumstantiis pro stipendio evidenter inæquali elocant operas suas, aut equos, aut quidpiam aliud. Ratio autem in aperto est. Quia conductor in his casibus proculdubio restituere debet locatori illud, quod defuit justo stipendio, & supplere illud ad æqualitatem; ubi autem debitum liquidum intervenit, quod aliàs recuperari non potest, ex hoc capite nil deficit occultæ compensationi, ut licitè exerceatur, sicut licitè exercetur ab eo, qui vendere cogitur triticum, aut alias merces infra infimum iusti pretii, aut ab eo, qui compellitur illas emere ultra summum. Summum etenim, & infimum sunt limites iusti pretii; summum scilicet respectu illius, qui supra iustum accepit; infimum verò respectu ejus, qui infra iustum dedit.

27 Explicatur. Quia conductor nihil habet, unde excusari possit probabiliter à supplemento salarii, cum ipse vi, aut metu injustis eum compellat ad illud acceptandum. Sed nec cum ipse locatur peculiari sua necessitate adductus minori stipendio consentit, quam sit iustum, & æquale; siquidem consensus ille non habet vim donationis spontaneæ, ac liberalis, nec talis esse præsumitur in eo, qui potius vellent pinguius stipendium accipere, quo miseriam suam sublevaret. Et aliunde sola ejus necessitas non est legitima causa diminutiva valoris, quem aliqui haberet reslocata, ut prætextu ipsius conductoris liceat partem iusti pretii defalcare. Idem enim neque locatori licet exigere pro re locata stipendium majus summum, eo quod conductor illa sit maxime necessaria. Atque in emptionibus, & venditionibus idem clarissime apparet. Neque enim licitè venditur famelico sua ipsa fames, quasi ratione illius possit panis, quo actu indiget, ei cætiùs vendi, quam aliis. Neque vice versa emptor potest pretium minus infimo conferre pro pane, aut mercibus, eo solo titulo, quod vendens pecuniis egeat, ac vendendi necessitate prematur. Et alioqui quò major esset necessitas, seu vendentis, seu locantis, eò plus subtraheretur justè de pretio, quod solvunt alii, & cum maxima esset indigentia, maxima etiam esse posset ju-

Theolog. Reform.

sta mercedis detractio. Hoc autem nullus admittit, & ex terminis præsertim conspicuam absurditatem.

28 Addunt præterea Mollna, Dica-stillo, & Zamorano ubi supra, cum, qui injustè fuit compulsus pro inæquali mercede famulari, sese licitè recompenfare posse saltem usque ad medium gradum iusti stipendii. Id autem ego locum habere putarem, cum pro infimo pretio justo injustè cogeretur operari. Nam sicut jus ipse habebat non locandi operam suam pro ullo pretio, ita pariter jus habet nolendū locare illam, nisi pro medio, vel summo; aut si illam locare veller, jure suo quærere poterat alios, qui ista offerrent, & nollet consentire pretio infimo, donec esset destitutus spe inveniendi aliud majus. Cum ergo invitus cogatur ad serviendum pro illo pretio, & jus detractandū illud sibi competens injustè perveratur, non mirum, si cogens debeat resciscere illi, quod deest juxta mensuram læsionis, nec quod ipse possit clam illud subripere, nihilo scilicet, quam cætera, quæ pretium infimum non adæquabant,

29 Alia ratio esse censetur de eo, qui non ab extrinseco, sed propria necessitate compulsus contrahit pro injusta mercede, quia justam saltem infimam non invenit, huic enim compensatio non conceditur, nisi usque ad gradum infimum. Etenim nec plus ipsi debetur ex conventionne, cum ea facta fuerit pro minori mercede, quam sit infima inter justas; nec plus requiritur ad tollendam injustitiam contractus, cum ille justè fiat pro pretio infimo, nec compellendus est alter inficius, ac meritò invitus plus solvere, quam justitia postulat, sicut compelli non posset casu, quo cum eodem isto de preterito infimo duntaxat à principio convenisset. Quare & transmutata proportionem, si herus operariis indigens, nec inveniens, qui servire vellet pro justo salario etiam summo, aliud majus ipsis constituit, solum eis posset detrachere occultæ compensationem, quod excedit ultra summum.

30 Forsan autem in his casibus haberi posset ratio laboris exhibiti, ut pro modo, ac quantitate ipsius compensatio exerceatur. Nam sicut salarii, aut pretii intra limites justitiæ suam latitudinem habere solent, & quædam infima, quæ-

F f dam

dum abutitur; aut in eo, qui vice versa merces suas distrahere cogitur infra pretium iustum, etiam infimum, quia emptores, scientes ipsum egere pecuniis ex pretio mercium redactis, nolunt eas emere, nisi pro pretio iusto. Nam quemadmodum donatio debet esse omnino libera, ut vim habeat, ita pariter libera omnino debet cessio, quæ tollit injuriam.

34 Arguitur 2. ex Pasqualigo. Qui pacificetur pro incongrua mercede, rectè novit se licitè posse illa sola esse contentus; qui verò illam tribuit, etiam novit se posse licitè acceptare servitium sibi oblatum pro incongrua illa mercede, sicut posset illud acceptare, si omnino gratis daretur: & aliundè nemo id facit ab altero coactus; sed sponte sua, & motu proprio conveniunt. Igitur nulla hic intervenit vera iniustitia ex parte dantis, aut ex parte recipientis. Patet consequentia: Tum quia idem contingit in aliis contractibus, ubi concurrunt eadem circumstantiæ ex parte utriusque contrahentis: Tum præterea, nam in mutuo ideò improbatum pactum persolvendi usuras, quia usuræ non possunt exigi, neque acceptari à mutante, cum sint intrinsecè turpes, & inæqualitas accepti, & dati ab eis nunquam separatur. Atqui acceptare servitium pro salario, in quo alius convenit, illudque post conventionem exigere non est intrinsecè turpe, neque ullam inæqualitatem involvit legibus iustitiæ contrariam. Igitur vel ipsa mutui paritas demonstrat id posse fieri in hoc genere contractus.

35 Respondeo, nulli esse dubium, quin famulus inservire possit, & quivis alius suam operam locare partim gratis, partim pro mercede, ut *d. num. 5.* ostendebatur, & in venditione mercium, aliisque similibus passim contingit, atque in hac ipsa materia etiam dominus salarium majus summo, quod mereretur operæ, gratis potest constituere, quin propterea ulla obligatio restituendi consurgat, aut facultas exercendi occultam compensationem circa excessum, aut defectum. Sed tunc non pura locatio, nec pura venditio intervenit; sed ultra ipsas admiscetur liberalis donatio ejus, quod superest, & quod vi solius contractus nec dari posset, nec exigi. Locatio enim, & venditio dati, & accepti æqualitatem

postulant ex conceptu suo essentiali, nihilo seciùs, quàm mutuum, & inæqualitas in ipsis reperta citra infimum, aut ultra summum intrinsecè turpis est, ac debitum restituendi parit, nisi alio diverso titulo & extraneo cohonestetur, ut in mutuo etiam cohonestari solet ratione damni emergentis, aut si ex. g. metâ liberalitate mutuatori refundatur simul cum forte aliud quidpiam ex vi contractus indebitum.

36 Ostendere ergo oportebat, ut vis argumenti staret, ultra contractum locationis in nostro casu inveniri aliquam obligationem admixtam, ex vi cujus teneatur famulus non exigere mercedem æqualem suis obsequiis; sed servitæ partim ob mercedem, partim gratis: nam sola locatio pro stipendio planè inæquali, & injusto neque cum obligat, nec hero præbet titulum solvendi minus iusto, & retinendi sibi alteram partem. Atqui nulla ejusmodi obligatio, aut titulus hic intercedit potius, quàm in mutuo puro, vel in sola venditione ultra summum pretium iustum, aut in emptione infra infimum. Nam præterea cessio, seu donatio, quæ hic obtenditur, etiam in aliis casibus obtendi posset pari jure: & re vera nulla datur, quia famulus solum contractum locationis intendit, & non animo donandi, aut cedendi juri suo minus stipendium acceptat; sed quia eo indiget, & herus æquale præstare renuit contra naturam contractus.

37 Quinimodò licet expressè exegisset, ac deduxisset in pactum, ut famulus juri suo cederet, & partem servitii sui, aut correspondentis stipendii gratis sibi donaret, non aliter, quàm sub ista conditione eum admittitur; adhuc cessio, atque donatio famuli nullius momenti foret ob involuntarium admixtum, & quia ejusmodi conditio per modum oneris conductioni adjecta in aliam naturam vertitur, & cum merè liberaliter, ac gratuito deberet adimpleri, non nisi ex iustitiæ debito, & ex vi pacti onerosi executioni mandatur. Quocirca in hoc modo agendi non invenitur restitudo iustitiæ; sed potius vana quedam cavillatio sophisticè adinventæ ad iniustitias palliandas. Eadem quippe arte regi possent emptiones, ac venditiones injusta ratione pretii inæqualis, quasi virtute consensus adhibiti ab indigente induceretur donatio: ipsaque ac-

cessio ultra sortem posset non esse usuraria, si valeret is pretextus. Nam quod dicitur, illam exigi non posse, neque oblatam acceptari ex vi mutui, verum est; sed pariter procedit in aliis contractibus. Quia neque ex vi conductionis licite potest exigere Paterfamilias ab operario plus laboris, quam correspondeat stipendio, neque oblatum acceptare quasi ex vi contractus debitum: donatio autem merè liberalis, aut remuneratoria sponte facta utrobique locum habet, si verè utrobique detur, & neque deducatur in pactum, neque desit plena illa voluntas quam ipsius natura exigit.

38 Arguitur 3. ex Tamburino, qui rem tractat ex professio in *opusculis de Sacrificiis. lib. 3. cap. 1. §. 3. ann. 57.* Famulus se ostendens contentum inæquali illo stipendio, & aliunde intendens sese ad æqualitatem compensare, fraudulenter agit, & sua fraude est causa iniusta damni propterea emergentis Patrifamilias, cui aliunde non deesset in tanta famulantium multitudine alius, qui pro eodem stipendio parem operam præstaret. Ergo iniuste se compensat, quamvis coactus paupertate id faciat, quia pauperas nulli confert jus agendi fraudulenter, neque decipiendi alium, aut decipiendo irrogandi ei præjudicium, quod aliis non patet.

39 Respondeo ex traditis *suprà num. 18.* facile dilui argumentum. Nam si multitudo quærentium, & non invenientium herum, cui locent operas suas, tanta sit, ut ex vi illius salarium iuste decrescat, certum est, non posse famulum, qui eo salario fuit contentus, sese compensare occultè, licet minus sit eo, quod foret iustum tali circumstantia deficiente. Sicut neque potest ille, qui pro iusto infimo fidei convenit, se compensare usque ad summum seu locando, seu vendendo: neque ullus alius simulare omnino liberam condonationem salarii in totum, vel ex parte, ut ea fraude alliciat dominum ad admittendam suam operam, qua alioqui non indigebat, & interim occultè subtrahere quidquid illa mereretur, si non donata, sed locata esset. Quod rectè Scilicet admonuit *tr. 4. de consuet. num. 102. in fin.* & pro aliis quibusque eventibus debet notari, ubi ex ultroque oblatione, vel ex aliis circumstantiis *cap. 2.* recensitis valor operæ decrescit, & stipendio minori sufficienter compensatur. Neque nos de hoc casu lo-

quimur, sed de eo duntaxat ubi inspectis omnibus pro stipendio evidentè inæquali operæ conducuntur, aut locantur, quin plenè voluntaria donatio, aut altera circumstantia interveniat, ratione cuius minus mereantur, quam aliis parem operam præstantibus ex lege, aut consuetudine rependitur.

40 Ubi autem ista concurrunt, dominus iniuste agit, inire volens contractum iustitiæ, & nolens servare in ipso debitam æqualitatem. Famulus verò nullam fraudem adversus illum committit intra limites contractus, quia nec dicit stipendium esse iustum; cum constet esse inæquale, nec pro suo libito potest immutare ejus naturam, aut illud reddere æquale, quamvis æquale esse fingat, aut per errorem existimet illud non esse inæquale. Quare iniusticiam non aufert, quod se contentum ostendat illo modo contrahendi, nec solus consensus ejus in contractum ex se iniquum potest illum æquum facere. Quod verò fortasse dominus alios inveniret, qui pro eodem stipendio exhiberent sibi famulatum, nisi hunc conduceret, parum prodest, ut hic ipse reputetur vera causa iniusti damni. Nam si alii facturi id essent per errorem, aut inviti, vel in vi solius contractus, nec cum isto, nec cum ullo alio conductio ista iuste celebrari posset, aut acceptari promissio perficiens talem contractum, potius quam promissio perfolvendi usuras, aut pactum vendendi merces minoris quam valent, eo preterito quod alii non deessent, quibus par injuria posset irrogari. Si verò id essent facturi non in vim solius contractus, sed liberali donatione admixta, simili omnino preterito posset quivis usurarius, in tanta copia indigentium mutuis pecuniis, palliare usuram, ac dicere non defuturos alios exigentes mutuum, qui sibi aliquid ultra sortem conferrent ex gratitudine, vel liberalitate. Ac pariter emptor tritici, aut alterius mercis pro pretio infra infimum iustum, præterire posset alios adfuturos, qui id, quod deest, voluntate omnino libera sibi condonarent. Sanè donatio non est nisi plenè voluntaria, nec talis esse censetur cum causa donandi deest, sed adeest necessitas, quæ esse solet causa non donandi.

CAPUT V.

De inequali Missarum stipendio, ejusque compensatione occulta.

41 **Q**Uæ autem de famulis diximus, & ad quosvis alios stipendiarios extendimus, servata proportionē locum habens in Sacerdotibus, qui Missas celebrant: in vinea namque domini operantur, & sicut alii operarii condigni sunt sua mercede. Quapropter si merces justa, & recepta lege, consuetudine, aut conventionē taxata, eis non persolvatur, optimo jure sese compensare poterunt, & quod justo deest sibi occultē accipere ex aliis pecuniis ejus, qui ipsis Missas commendavit, servatis his, quæ in istis compensationibus ab aliis servari debent. Quod si pro stipendio exiguo convenerunt, & minori quam sit lege, vel communi æstimatione taxatum, sicut certum est occulta compensatione uti non posse, cum injustitia contractus dubia est, & illiquida obligatio restituendi, ita conspicuum apparet, illos non esse excludendos ab hoc medio refarciendi damnum suum, cum injustitia contractus indubitate conspicitur, & liquidò constat debitum solvendi ipsis, quod minus justo acceperunt. Eisdem autem regulis judicari debet illiquida, aut illiquida injustitia hujus contractus, quibus antea fuimus usi ad illam discernendam in aliis, quibus cum æquiparari ostendimus.

42 Inspeciendumque est in primis, quod omnibus pensatis stipendium sit justo minus, nam si ex circumstantiis accidentariis decrescat valor operæ Sacerdotalis, quod præ nimia exiguitate iniquum videbatur, ex eo capite justum reddetur. Inspeciendum quoque, ne interveniat omnino liberalis donatio, seu remissio ejus, quod deest, ut pro amicitia, gratitudine, misericordia, aut opulentia Sacerdotis pluries evenit; tunc enim quamvis non ratione exigui stipendii accepti, neque ex vi solius contractus onerosi, ex alio capite tollitur obligatio restituendi in danke, & facultas exigendi id, quod interest in Sacerdote, qui jure suo uti non voluit, sed ei voluntarie cessit. Quoties verò ista deficiunt, & Sacerdos minus justo acceptat

Theolog. Reform.

privata sua necessitate compulsus, quia non invenit, qui justum præbeat stipendium, cum contractus sit aperte iniquus, & promissio non gratiosa, sed conventionalis fuerit, ita licet compensatio, sicut diximus licere quibusque aliis operariis in similibus eventis, & sicuti liceret eidem ipsi, si stipendium justa conventionē designatum sibi non persolveretur. Aut si de injusto stipendio convenisset, quia errore ductus putabat tantumdem, & non plus esse præscriptum consuetudine, vel lege; ita enim erranti, & propterea conscientium cum involuntario admixto, recompensatio debetur ad æqualitatem, ut & illi, qui existimando adamantem esse vitrum pro pretio vitri illum vendit.

43 Gravis tamen inde insurgit difficultas. Num scilicet, is Sacerdos, cui recompensatio ex justitia debebatur, supplementumque exigui stipendii, possit se indemnem servare non offerendo tot Missas, quod promissit iniquo contrahenti, sed pauciores, & eas solùm, quæ diminutis stipendiis simul sumptis respondent justo stipendio? Nunc enim duntaxat diximus illum servatis servandis posse occultē sibi assumere ex pecuniis debitoris stipendium correspondens ad æqualitatem Missis, quas ille exigit, & jam ipse integrè obrulit, quamvis sit injuste læsus, absque ulla diminutione, juxta intentionem illius. Est autem longè diversus hic ultimus casus, ab eo, quem paulò antea in controversiam adduximus. Ibi enim agitur de occulta diminutione Missarum ob injustitiam stipendii; hic verò potius supponitur tot Missas esse offerendas, & integrè applicandas, quot à Sacerdote promissæ, & ab altero præscriptæ fuerant. Ibi opus proprium Sacerdotis subtrahitur, & nil alienum clandestinè accipitur: hic pecunia aliena subtrahitur, & de proprio Sacerdotis opere nil omittitur. Ibi Sacerdos intendit, (ne stipendio justo defraudetur) non implere totum, quod promissit, hic autem, cum ex parte sua promissum implere velit, contendit se indemnem servare efficiendo, ut alter suppleat ex suis bonis defectum stipendii, quem supplere debet attenta lege justitiæ.

44 Utrobique autem videtur esse par ratio. Nam utrovis modo ad æqualitatem revocatur contractus alioqui iniquus, cujus aperta inæqualitas neque volun-

Ff 3 tate

tate alterius contrahentis, neque iudicis officio, neque aliis mediis suavioribus potest absque magno incommodo ad debitam æqualitatem reduci. Et sicut alii operarii injustè læsi in contractu locationis circa stipendii iusticiam, bifariam sibi consulere possunt, cum alia media deficiunt. Nempe vel exhibendo totam operam promissam dignam majori stipendio, & sibi accipiendo occultè quod iusto stipendio deest, saltem usque ad gradum infimum; vel potius minuendo operas, nec præstando nisi illas, quibus ad æqualitatem correspondet stipendium, quod tribuitur, ita pariter huic Sacerdoti, similiter læso injustè circa stipendium Missarum, licebit sibi consulere, quocumque ex prædictis mediis, neutrum enim est injustum. Unde in venditionibus quoque, & emptionibus uterque putatur licitus, cum injusta læsio intervenit circa pretium iustum versùs maximum, aut versùs minimum: & similiter cum creditores inviti remittunt partem sui debiti, ut aliam partem recipient.

45 Negotium tamen facessunt decreta S. Congregationis auctoritate speciali Urbani VIII. edita die 21. Junii anno 1625. & in locis consuetis Romæ promulgata ubi §. 2. sub obtestatione Divini iudicii præcipitur Sacerdotibus, Ecclesiis, aut aliis quibuscumque ad quos id spectat quod ubi pro pluribus Missis etiam ejusdem qualitatis celebrandis plura stipendia, quantumcumque *INCONGRUA*, ET *EXIGUA*, sive ab una, sive à pluribus personis collata fuerint, aut conferantur in futurum, absolute tot Missæ celebrentur, quot ad rationem attribuitæ elemosinæ præscriptæ fuerint: ita ut aliqui hi ad quos pertinet suæ obligationi non satisfaciunt, quinimmo graviter peccent, & ad restitutionem teneantur. Postea autem declaratum fuit authenticè, ne daretur occasio cavillandi, verba illa præscriptæ fuerint esse intelligenda de præscriptione facta ab eo, qui elemosynam tribuit, non autem ab Ordinario. Quocirca licet antiquitus magna fuerit controversia circa occultam istam diminutionem Missarum, pluresque, ac gravissimi relati à Pasqualigo supra num. 2. duxerint eam esse licitam, contrarium modo ut jam certum ferè ab omnibus supponitur, quos appellat idem

Auctor ibidem num. 4. Diana p. 10. tr. 16. res. sol. 71.

46 Responderi tamen potest decretum non loqui in casu, de quo differimus, nec pro eventu illius quidquam præcipere, sed de alio valde diverso, ubi ipsius ordinatio generalis est, atque iustissima. De illo namque eventu tractat, in quo Ecclesia, Capellanus, vel Sacerdos, qui incongruum stipendium accepit, tenetur stare conventioni suæ, atque restituere, si non expleat totum numerum Missarum, quem promisit, & huic præcipit ne prætextu incongruitatis tunc notæ, aut postea emergentis eas reducat ad minorem numerum propria, vel cuiusque alterius auctoritate præterquam Summi Pontificis, aut in vim privilegiorum, omnia enim religionibus concessa quoad hunc effectum cassavit. Nos autem de hoc casu non loquimur, nec pro eventu illius quidquam indulgemus, ultra id quod in decretis mandatur, sed de eo solùm, ubi Sacerdos non debet secundum iustitiæ rigorem observare suum contractum, neque dicere tot Missas, quot promisit nisi stipendium, sibi suppleatur. Nimirum quia injusta læsio ipsius, eaque certa, ibi intervenit, nec omnino sponte cessit juri suo, sed externa vi, aut metu compulsus, vel fraude inductus, aut errore deceptus, vel necessitate coactus, qua alter abutitur, ut pro incongruo stipendio paciscatur, sicut usurariis contingit, & emptoribus, qui non nisi injusto pretio emere volunt ab his, qui vendendi merces necessitate coartantur.

47 Jam vero quod mens decreti ista fuerit, & non alia, ex ipsius contextu persuaderi valet. Tum ponderando illa verba: Alioqui obligationi suæ non satisfaciunt, quinimmo graviter peccent, & restituere teneantur. Obligatio quippe illa, cui Sacerdotes dicuntur nullatenus satisfacere, non est obligatio præcepti à Congregatione impositi, cum illa non sit iustitiæ, nec peccatum contra ipsam, peccatum verè injustitiæ, unde debitum restituendi relinquitur, sed est alia sua ipsorum, quæ antecederet supponitur, & propria voluntate contrahitur, vel cuius ex iustitia tenentur stare conventioni suæ, non obstante quantacumque stipendii exiguitate, & propterea sine peccato injustitiæ non deseritur, & restituendi obligationem relinquit, nisi numerus Missarum

rum expleatur. Tum præterea, nam præcipua causa, quæ S. Congregationem induxit ad hæc decreta formanda, illa est, quæ in præmio ipsorum declaratur. Nempe quia si aliter fiat, consequens fit, ut *deperant pie testantium voluntates, OBSTRUCTA BENEFACTORIBUS FIDES VIOLETUR, defunctorum animæ suffragiis priventur, Ecclesiæ debitus cultus subtrahatur, ac Christi fideles graviscandalo affecti, plerumque à similibus charitatis operibus retrahantur.* Atqui, dum iniusta læsio intervenit, omnes hæ rationes cessant non tantum privative, sed contrarie, quia læsioni in iustis & pietas resistit, & charitas; nec debita suffragia tolluntur, aut fides obstricta violatur, dum in contractu ipso iniustitia committitur, & stipendium incongruum cum debito restituendi Sacerdoti, quod ei defuit, ab exigente sacrificium consignatur.

48 Suadetur præterea, tum ratione, tum exemplis. Ratione. Quia non est credibile, S. Congregationem voluisse onerare eos, qui in hoc contractu injuriam patiuntur, & favere his, qui injuriam faciunt. Exemplis verò. Nam qui vi, vel metu mortis cogeretur acceptare stipendium manifestè diminutum, neque ex vi suæ conventionis, neque ex Sacre Congregationis præcepto deberet adimplere totum numerum Missarum, quem promissit, si non aliter posset se indemnem servare, quàm pauciores offerendo. Ille quoque qui non minis, aut externa vi coactus, sed aliena fraude, vel proprio errore deceptus, nempe quia iustum putabat, quod revera iniustum erat, eadem arte sibi consulere posset, ut de eo, qui charta involutum stipendium acceptavit, si postea illud inæquale reperit, etiam in terminis Decreti affirmant Franciscus de Lugo, Megala, & alii, quos referunt, & sequuntur Diana *dicta resol. 71.* & Zacharias Pasqualigus *in dicto tomo 2. de Sacrificio Missæ quæst. 945.* necnon Hyacinthus Donatus *in praxi Regulari. tom. 3. tr. 7. q. 47.*

49 Ac demum non pauci putant, & in praxi tutum reputant, Capellanum, qui acceptavit sub certo onere Missarum beneficium, cujus redditus illi ad æqualitatem sufficiebant, posse licitè ad pauciores Missas id reducere pro rata iusti stipendii, auctoritate propria, cum

iidem redditus ad eò decreverunt sine culpa ipsius, ut evidenter iniustum, & inæquale Missis sit stipendium, quod de facto percipit. Neque enim se obligasse creditur, aut obligatus fuisse à Fundatore, qui de supplemento non providit, tali, ac tanta mutatione reddituum superveniente, sed solum rebus sic stantibus, quæ est conditio tacite subintellecta in locationibus, ac conductionibus, & alio quovis contractu tractum successivum includente. Neque Pontificia reservatio similium reductionum comprehendisse videtur casus apertæ iniustitiæ, sed eos tantum ubi dispensatio, derogatio, aut commutatio exigitur iustæ voluntatis alienæ, vel interpretatio in casu dubii. Sic censent Raphael Aversa *q. 11. de Eucharistia sect. 18. §. Quod si post assignatum.* Bordonus *tom. 1. variar. resol. 25. qu. 26.* Thomas Hurtado *tom. 2. de congrua. append. 1. num. 211.* & probabile agnoscit. Franciscus de Lugo *lib. 5. de Sacram. cap. 12. q. 9. num. 97.* ac plene Pasqualigus *q. 1076. per tot.* Et valide confirmatur ex his, quæ tradunt Auctores circa deobligationem recitandi Officium divinum, cum redditus Capellaniz, aut Beneficii sunt ad eò tenues, ut tanto oneri videantur impares. Casus namque est valde similis huic nostro, si utrobique supponatur inæqualitas conspiciua emolumentum cum onere, & id eò utrumvis æquiparat nihil relinquens intactum P. Suarez *tom. 2. de Relig. lib. 4. de orat. cap. 21. num. 7. & 8.*

50 Monuerim tamen, diminutionem, seu reductionem secretam Missarum non esse faciendam, nisi cum est medium unicum ad reparandam læsionem apertè iniustam illius, qui majori onere gravatur, quam fert quantitas stipendii. Eadem enim condiciones postulat occulta reductio, quas occulta compensatio, scilicet læsionem liquidam, & quod convenientiori alio modo refarciri nequeat, scilicet admonendo eum, cujus interest, vel implorando officium iudicis. Nam si his mediis absque notabili incommodo læsio reparari valeat, aut recuperari debitum, nemo dicit occultam compensationem, aut reductionem licere; etsi quamplures affirmant, præmissione huius ordinis non committi peccatum iniustitiæ, nec contrahi obligationem restituendi,

tuendi, sed solum peccatum veniale ob modum agendi indebitum. Quocirca sicut occulta compensatio sapius redditur illicita non ratione sui, sed per accidens, seu ex præceptis virtutum à justitia distinctarum v. g. charitatis propriæ, vel alienæ, hic & nunc vetantis usum ejus, ita pariter in reductione contingit. Neutra namque potest exerceri v. g. cum periculo scandali, aut infamiz, nam cum speciem furti habeat, aliis, qui causam ignorant, furandi exemplum præbebit; & is ipse, qui se justè compensat, & justitiam suam coram judice ostendere non valet defectu probationum, aut testium, erit sibi causa magnæ infamiz plus nocentis quàm amissio debiti, si periculum sit ne deprehendatur, & latrocinii damnetur, aut aliis innocentibus, si fortè agnoscat furtum illis imputandum esse.

51 Propterea si è duobus unum foret necessarium ad injustam sui læsionem rescindendam, & utrumlibet possibile, potius intendenda esset occulta compensatio ejus, quod interest, supplementumque capiendum ex aliis illius pecuniis, qui injustum onus imposuit, quàm intendenda reductio ad raram justitiam stipendii. Compensatio namque pecuniaria non plus incommodi habet in hac materia quàm in aliis quibuscumque debitis liquidis, & idè illam pariter licere diximus num. 41. idque tradit cum Rebello Donatus *suprà qu. 44. num. 10.* & cum Corduba P. Azor. 3. p. lib. 12. cap. 6. qu. 3. in fin. At vero reductio Missarum gravissima asferre solet incommoda animabus purgatorii, & aliis, pro quorum necessitatibus essent offerendæ Missæ clanculum subductæ, & sæpe non leve scandalum, ut ex S. Congregatione expendebam num. 47. atque ea propter etiam cessante injustitia saltem ex præcepto charitatis illa evitare tenebimur, cum absque notabili incommodo nostro id fieri valeret. Charitatis quippe debitum majorem ambitum habet, quàm lex justitiæ, & quamvis ipsius obligatio, sicut aliz affirmativæ, ex multis circumstantiis, dependeat prudenti arbitrio librandis, in nostro casu magni ponderis videtur, quòd ex una parte proximus sit in gravi necessitate constitutus, v. g. in purgatorio detentus, aut periculosa infirmitate vexatus, à qua forsitan liberaretur oblati pro eo sacrificiis, quæ omittuntur, & ex alia

huic Sacerdoti peculiariter incumbat obligatio occurrendi istis necessitatibus, quibus idè non succurritur oblatione Sacrificii, quia occulta reductio ignoratur, & creditur promissioni ipsius.

CAPUT VI.

Quæstio incidens circa facultatem sese compensandi occultè ex stipendiis Missarum pro aliis debitis contractis prius.

52 **A** Finis est præcedenti quæstio ista, nec passim tractata, in qua P. Tamburinus *citato §. 3. num. 103.* Donatus *qu. 46.* Diana *eo tract. 16. resol. 66. in fine*, existimant etiam in casu, quo debitum aliter recuperari non valeat (neque enim illum excipiunt) illicitum esse Sacerdoti, cui Petrus ex. g. anticipatè persolvit justum stipendium Missarum, quas de novo postulat ab ipso, sese occultè compensare ex ejusmodi pecuniis, easque subrogare in locum alterius debiti liquidi, quo ipsi Petrus antè tenebatur. V. g. quia alias Missas eidem Sacerdoti commendaverat data fide de stipendio persolvendo, & cum Sacerdos eas dixerit, Petrus nilominus illudolvere detrectat, nec alia via superest recuperandi ipsum; vel cum expensas injustè illum facere cogit, litigando, aut aliis modis, ut solutionem debiti extorqueret. Esto namque in istis casibus Petrus ad restitutionem antiquioris stipendii, aut expensarum sine dubio teneatur, iniquum tamen his Auctoribus videtur, ut cum tanto nocumento aliorum Sacerdos jure compensationis utatur, & Missas denuo commendatas omittat. Quapropter hunc modum compensationis solum in eo eventu admittunt Tamburinus, & Diana, quo constaret totum damnum resultans ex omissione Missarum esse solius Petri debitoris, non verò animarum purgatorii, vel alterius tertii; Donatus verò neque istius limitationis meminit, sed generaliter scribit.

53 Non me latet esse à contraria sententia permittente compensationem in his casibus Pellizzarium, Lezana, & Peyrinis apud Diana ubi proximè, necnon Thomam Hurtado in *dicta append. 1. num. 213.* & Zamorano *disp. 8. de compens. cap. 11. num. 6.* Nimirum quia jure suo Sacer-

dos uti videtur, cum suum creditum prout potest recuperat. Neque ullo pacto est cogendus, aut amittere suum creditum si Missas pro stipendio velit celebrare, aut dicere Missas gratis si facta compensatione debiti antiquioris ex stipendio illarum adhuc maneat obligatus ad illas celebrandas juxta intentionem Petri commendantis ipsas.

54 His tamen, quæ non sunt certa, sed ad summum probabilia, Donatus responderet, in causis animarum purgatorii, quales plerumque sunt causæ Missarum, & pro illarum liberatione, non quamcumque opinionem probabilem esse sequendam, sed tutiorem atque favorabiliorem eisdem; hoc enim postulat gravissima eorum necessitas, cui non potest comparari damnum, quod Sacerdos patitur ex eo quod debiti sui recuperationem periculo amissionis exponat, vel ad meliorem occasionem differat. Ita discurret hic Auditor, *et tr. 7. q. 48. num. 3.* qui præterea appellat Bonacinam *disput. 4. de Sacrament. quæst. ult. punct. 8.* Sed ibi nil reperio conducentis illi doctrinæ. Nimis tamen illam promovet, quod ex professo statuit Pasqualigus *suprà q. 961. per tot.* contra Marchinum *de Sacram. Ordinis. tr. 3. p. 2. cap. 17.* illicitum esse in praxi sequi opinionem probabilem in satisfaciendo oneribus Missarum, sive pro animabus purgatorii commendatæ fuerint, sive pro aliis quibuscumque, sed semper sequendam esse certam, & omnino tutam.

55 Quidquid autem sit de istis, quæ plus pietatis quam soliditatis habent, regula generalis esse debet, nullam opinionem speculative probabilem licite ad praxim deduci, cum usus ejus vetatur lege certa charitatis, obedientiæ, vel justitiæ, aut cujusque alterius virtutis. Quod ex terminis notum apparet, & agendo de usu ipso compensationis occultæ exploratum est inter Doctores, & variis exemplis firmatum *num. 50.* Nunc verò omnibus inspectis lex satis certa justitiæ hanc compensationem vetat. Quia non est in potestate Sacerdotis, prætextu debiti antiqui, violare novum contractum compensationis Missarum, quantum est de se justum ac validum, & omnino independentem à quocumque alio anteriori. Illo siquidem supposito jam debitum Petri non est unicum,

sed duplex respectu hujus Sacerdotis; alterum antiquum, aliud novum, vi cuius tenetur solvere Sacerdoti stipendium ei promissum, & Sacerdos vice versa adimplere onus Missarum, quod ratione illius suscepit. Ubi autem respectu ejusdem creditoris duplex debitum concurret in una, & eadem persona, & unum tantum persolvitur, illi tantum satisfactum creditur, de quo inter se convenerunt, nec jam licet creditori, qui pro talis debiti extinctione illud accepit, inscio, vel invito debitore contractum rescindere, & extinguere aliud debitum, de quo nihil est tractatum.

56 Cum ergo à Petro Sacerdos illas pecunias acceperit titulo stipendii anticipati, & in vim contractus onerosi, quo ad dicendas Missas eis correspondentes se obligavit, non erit liberum ipsi alio titulo illas facere suas, & tollere ab ipsis onus, sub quo illarum dominium comparavit. Esto namque illæ pecuniæ secundum se consideratæ, tanquam propriæ Petri antiqui debitoris, possent esse materia licitæ compensationis, eadem tamen ut subsunt novo contractui, & ex mutua conventionne partium sunt datæ, & acceptæ non nisi cum novo onere, & ad effectum alium diversum ab extinctione debiti antiqui, eo ipso alterius conditionis esse incipiunt, & jam nequeunt privata auctoritate uniuscujusque ab onere suscepto occulte separari. Unde neque in iudicio audiretur Sacerdos; qui hunc modum compensationis obtenderet, quo se in posterum ab onere Missarum liberaret, sed eas cogeretur dicere, compellendo simul antiquum debitorem ut debito priori aliunde satisfaceret. Id autem quod re plenè intellecta in foro externo iniquum reputaretur, secreta compensatione justificari non valet.

57 Ex opposito præterea aperiretur ingens ostium magnis fraudibus, subtili firmitate locationum, emptionum, assimiliumque contractuum, quos antiqui debitores cum suis creditoribus ineunt, nam ibi mutata materia eadem morales circumstantiæ interveniunt, idemque prætextus ad compensationem debiti antiquioris. Unde sicut ibi nihil refert, quod debitor in suum commodum, vel in commodum aliorum proprio nomine contractum celebraverit, ita nihili estig-

mari

mari debet (quidquid in contrarium suprà dixerint Tamburinus, & Diana) quod debitor pro sua salute, aut pro liberatione animæ suæ à poenis purgatorii Missas commendaverit, aut pro salute potius vel liberatione aliorum, semper enim urget iustitia novi contractus, quæ compensationi aditum obstruit, & vim suam retinet donec mutuo consensu dissolvatur. Neque ista sententia gravis Sacerdotibus videri debet, sed utrique parti æqualis. Nam sicut ipsi non possunt ex stipendiis acceptis sub certo Missarum onere compensare secretò alia sua debita, ita Missas commendantes, & titulo stipendii perfolventes pro celebratione illarum elemosynam pinguiorum ea, quæ in rigore iustitiæ foret satis, nequeunt licitè prætextu hujus excessus alia sua debita extinguere, quibus eidem Sacerdoti adstringebantur, sed eis integrè satisfacere tenentur ex aliis bonis, & stare contractui denuò inito.

58 Et hæc quidem inoffensè procedere videntur, cum utrimque contractus fuit celebratus verè, & ex animo sese obligandi, quem verba externa significant. Difficilius autem esset, si verus animus sese obligandi defuisset, & non intervenisset nisi fictus. Ex. gr. quia Sacerdos pecunias sibi datas titulo novi stipendii, quamvis exterius ostenderit se eo titulo illas acceptare, & obligationem suscipere dicendi Missas pro quibus confertur, interius autem contrarium animum habuit, ac potius voluit eas sumere per modum compensationis, extinctionisque debiti antiqui. Habuisse namque videtur causam valde sufficientem ita agendi absque iniustitia, cum suum debitum aliter recuperare non posset; & quamvis demus eum esse mentitum, aut peccasse decipiendo proximum, virtutemque veracitatis læsisse, non apparet, cur gravius deliquerit. Quippe neque ex vi contractus tenebatur ex iustitia Missas dicere, cum ex defectu consensu ille nullus supponatur. Nec ratione deceptionis ulla ei obligatio incumbit perficiendi ex parte sua contractum, seu removendi fictionem ponendo consensum verum, quia adhibere illum non debuit cum tanto dispendio suo, qualis est amissio prioris debiti: & licet debitor deceptus fuerit contra suam voluntatem, non

ideò putari debet deceptio perniciofa, vel iniusta, quia irrationabiliter invitus erat, & nolendo satisfacere alii debito anteriori contra iustitiam peccabat. Nec demum iniuste agit Sacerdos ita decipiens, si fictionem removere nolens, adhuc retinere velit pecuniam aliqui debitam, & titulo stipendii sibi datam; iustam enim habet causam retinendi illam, haud secus quam omnis alius, qui suum creditum secretò compensat retinendo æqualem summam ex pecuniis debitoris, à quo iniustum damnum patitur, quod aliter resarcire nequit.

59 Aliunde verò istis obstat. Primò, quia non debet esse cæteris paribus melioris conditionis creditor decipiens, ac fingens alio novo contractu quam contrahens synccerè, ac candidè: hic autem, ut jam evicimus, secreta compensatione uti non potest, sed contractum observare. Secundo, quia vera æqualitas, & restitutio iustitiæ pervertitur, dum in contractu oneroso alter voluit se obligare, & externa alterius repromissione deceptus ex parte sua jam implevit, quidquid ad ipsum spectabat; alius verò liber maneat, & neque fictionem tollere ponendo novum consensum, nec acceptum debeat exequare, exhibendo ex parte sua id, quod se daturum dixit, & quod non aliter, nec alio titulo accepturus esset. Tertiò quia tamen debitor iniuste agat non solvendo antiquum debitum, non ideò creditori licet aliam iniustitiam facere, ut creditum suum compenset: hic autem aperte iniustus, & inæqualis contractus ex parte decipientis celebratur, & à priori debito independens, cuius nulla mentio est facta, nec fortasse illius memineras is, qui Missas denuò commendabat. Quartò, nam licet in hoc eventu nullum damnum verè tale patiatur in suis pecuniis ille, qui stipendium dedit, ponimus enim Sacerdotem titulo compensationi non plus accepisse quam sibi debebatur, aliunde verò ex omissione Missarum, quarum onus fictè suscepit Sacerdos, nocumentum valde grave ipsi resultat in aliis bonis maximi æstimandis.

60 Privatur enim valore, ac fructu, quem jure optimo sperabat sibi, aut suis ex effectiva oblatione Sacrificiorum, quæ exegit, & titulo oneroso commendavit.

non

non commendaturus illa huic Sacerdoti, sed alteri, cuius debitor non esset, nisi deceptus putaret cum bona fide procedere, ac se obligare visissim. Porro in onerosis contractibus, qui alium decipit, & decipiendi est ei causa vel gravis damni emergentis, vel magni lucri cesseris, sua fictione adversus iustitiam peccat, & utrumlibet tenetur restituere, ut omnes affirmant passim, & testatur Gibalinus id comprobans ex professo lib. 3. de usuris. cap. 2. art. 2. regula 3. Ergo cum iste deceptus merito existimet alium verè contraxisse, ac se obligasse ratione accepti stipendii, & propterea optimo iure credat jus sibi competere ad celebrationem Missarum, & ad totum illum fructum, quem ex ipsis prudenter sperare poterat, non mirum si illis fraudatus callida fictione alterius iustam recompensationem postulet. Tota quippe spes ista præciditur, si sacrificia omitantur, & non applicetur eorum valor pro ea re obtinenda, quam ipse desiderabat v. g. pro liberatione propria à captivitate, aut ægritudine, à molestis tentationibus, vel à morte subitanea, pro victoria in bello, aut lite, aut pro obtinenda dignitate aliqua.

61 Immo & pro bonis aliorum tam spiritualibus, quam temporalibus adipiscendis, malique avertendis pariter pacisci potest, & strictum jus iustitiæ in favorem illorum sibi comparare v. gr. pro felici partu uxoris, pro liberis, aut cognatis, pro benefactoribus, ac aliis, quos naturalis charitas sibi devinxit, pro animabus purgatorii, aut pro afflictis, & captivis, ac quibuscumque aliis proximis, quos fratres in Christo reputat, & unius corporis membra mutuis officiis juvanda. Ipsi quoque quorum commodis, aut indigentis prospiciunt per oblationem Missarum, quamvis vi solius contractus in initio inter Sacerdotem, & Petrum nullum jus iustitiæ acquirant, jus tamen iustitiæ habent, ne mendacis, ac fictionibus impediatur ab assequutione tanti boni, quantus est valor Missarum, & spei capiendi fructum, qui ex ipsis sperabatur, & ideo ex hoc capite læditur jus ipsorum, dum Sacerdos fingit se suscipere obligationem Missarum, quam non suscipit, nec vult applicare in eorum favorem, sed ex stipendio accepto alia debita antiquiora compensare. Porro tamen Sacerdos jus compensa-

tionis habeat, non tamen per media de se illicita, & adeo præjudicialia, quales sunt ejusmodi fictiones, nec cum tanto damno aliorum emergente ex facto ipsius, aut etiam lucro cessante.

62 Hæc sunt, quæ pro utraque parte accipitem reddere videntur quæstionem istam nondum discussam ab aliis, & majori examine indigentem quam seriat præsens occasio. Rem pro dignitate tractandam sapientioribus relinquo, & interim nullum Auctor, ut secretam compensationem exerceat sub prædictis circumstantiis,

CAPUT VII.

Illatio pro Confessariis circa occultas compensationes Sartorum, similiumque officium.

63 **N**ULLIBI frequentior est occulta compensatio prætextu injusti stipendii, nullisque facilius, quam Sartoribus. Conqueruntur enim sæpè sæpius, quod minus justo sibi persolvatur pro facturis vestium, & ne ab illis dimittantur, qui ipsorum opera utuntur, ostendunt se esse contentos ea mercede, quam accipiunt, animo tamen sese occultè compensandi retinendo fragmenta, quæ supersunt ex telis, unde vestes conficiuntur, aut etiam exigendo plus telæ quam verè erat necessarium, ut ejus occultatione resarciant, quod timent defuturum suæ mercedi.

64 Cùm autem ad confessionem accedunt ipsi per modum levioris scrupuli ista exponunt, sed curis multò gravioribus involvitur Confessarius. Videt enim nullum in eis esse emendationis propositum, aut animum restituendi, sed in eadem consuetudine perseverasse, quamvis plures alias similes confessiones instituerint. Agnoscit præterea res ablatas, & ignorante vestium domino retentas, non esse parvi momenti, neque ex illis, quas ob sui vilitatem dominus pro derelicto haberet, & nolle sibi restitui ad vestes reficiendas, vel ad alium usum, quamvis sciret apud Sartorem manere. Quod si in istis circumstantiis Confessarius iudicio Sartoris non deferat proponenti plus valere operam suam, & jure compensationis ista iustè detinere, illum in desperationem

nem adducet imponendo ei restitutionem pro præteritis, & negando absolutionem nisi firmiter proponat emendationem in posterum ipsi difficillimam, ac penè impossibilem, quia necesse officium Sartoris his mediis destitutus retinere valet, nec potest illum dimittere, cum alterum non didicerit, nec aliam artem minoris periculi, unde sustentari valeat. Si verò Confessarius ei deferat, ejusque judicio velit stare, cum illud in causa propria sit valde suspectum, & sæpè apparentis potius quam certæ, ac liquidæ veritatis nitatur, prætextu compensationis Sartorum furta palliabit, eisque licentiam concedet valde perniciosam toti alii populo, cujus panni subtrahuntur, & inauditus damnatur ad solvendum pro facturis suarum vestium plus quam fert conventio publica, & communis æstimatio.

65 In hoc puncto tria mihi certa videntur. Alterum est, non esse denegandum Sartoribus usum compensationis secretæ, dum apertè liquet minus justo esse stipendium, quod accipiunt, & cæteræ conditiones concurrunt, quæ aliis eam licitam reddunt. Aliud verò eundem usum non esse concedendum, cum debitum majoris stipendii illiquidum est, incertaque obligatio restituendi ipsis quod deficit: nam hoc nulli alii Officiali, aut creditori permittitur, nec est cur istis specialiter tribuatur tanta licentia. Postremum autem (quod Auctores communiter observant, & specialius Villalobos, ac Diana locis statim referendis) Sartores quoad hunc effectum æquiparari famulis, ac reliquis mercenariis, seu extraneis, seu domesticis, qui suam operam pro certa mercede locant in aliorum commodum. Quapropter omnia, quæ diximus de justo famulorum stipendio, & causis unde servitii æstimatio diminuitur, aut augetur, servata proportionem Sartoribus, Textoribus, aliisque similibus Officialibus, sunt applicanda, & præ oculis habenda à Confessariis, ut muneri suo satisficiant, & tanquam judices animæ discernant, num occultæ compensationes, quas hi faciunt, sint ut justæ tolerandæ, vel tanquam furta palliata prohibendæ poenitentibus in posterum, restitutione injuncta pro præteritis?

66 P. Sanchez lib. 1. consilior. cap. 7. dub. 3.

num. 4. judicat prædicta fragmenta, aut partes integræ telæ licitè retineri à Sartoribus Magistris artis, ac licitè ab ipsis vendi, & emi posse absque scrupulo tanquam bona propria ipsorum, non verò furti suspecta. Quia illis communiter minus solvitur quàm mererent facturæ, atque ita, ait, *mihi dixerunt multi ex timoratis, & rectæ conscientie, cum quibus hoc contuli*. Oppositum autem sentit de Officialibus ipsorum, quia istis Magister persolvit absque ulla diminutione totam mercedem conventam, atque ideò nullum damnum patiuntur, neque ullam habent compensationis materiam, quamvis minus justo Magistris pro factura tribuatur ab illis, quorum sunt vestes. Idem probabile reputat Trullenc in *Decal. lib. 7. cap. 11. dub. 4. num. 8.* & à se non mandandum Diana p. 4. tract. 4. resol. 176. in fin. absoluteque Sandium sequuntur Card. de Lugo tom. 1. de justit. & jur. disp. 16. à num. 83. & P. Moya in select. 2. part. tr. 6. disp. 4. q. 3. num. 11. Rejcta insuper ex parte limitatione spectante ad officiales, vel quia ipsis etiam contingit, ut minor justa merces persolvatur, & ita sese compensant ex fragmentis, quæ Magister retinuit, vel quia tota justa merces non solvitur sibi in pecuniis, sed (quod pluries vidi) partim pecuniis, partim telarum fragmentis, vel demum quia artis Magistris, quod salario justo deest, exæquant, relicta eisdem facultate se compensandi ad æqualitatem ex minoribus fragmentis, quæ ipsi possent retinere.

67 Attamen tota hæc doctrina, dato quod potuerit esse usui Confessariis, ac Sartoribus ubi, & quando Thomas Sanchez scribebat, non ideò generaliter prædicari poterit, nec tradi tanquam probabilis apud quosvis vel ubique, aut semper. Fundatur enim in communi usu, quem tunc temporis vigere credidit Granatæ, ubi Sanchez scripsit, informationemque accepit, non persolvendi Sartoribus mercedem justam pro facturis vestium. Porro quæ in usu fundantur, & non aliter quam eo supposito possunt licitè exerceri, nullo jure extendi valent de loco ad locum, neque de tempore ad tempus, nec de persona ad personam, ubi talis usus deficit. Quocirca si ibidem essent aliqui, essent autem proculdubio plurimi, qui justum pretium saltem infimum persolverent,

sunt, nemo diceret, Sartorem posse ex telis ab illis datis rem alicujus momenti contra ipsorum voluntatem reservare, aut compensationis titulo plus telæ exigere, aut emere, quam sit necessarium vesti conficiendæ. Neque enim aliorum iniquitas eam patienti præbet justam causam aufertendi occultæ ab aliis, quod ipsi nequaquam debent.

68 Rursus cum decursu temporis passim contingat immutari pretia rerum, tollique injustitias, & abusus, qui olim inoleverant, etiam inspicendum erit, ut facultas ista de præstati concedatur, utrum prava illa consuetudo persolvendi minus justo pro facturis vestium jam cessaverit? vel utrum merces, quæ antea erat injusta, modo possit reputari æqualis ratione circumstantiarum de novo supervenientium. Quippe antiquæ corruptelæ modò extinctæ nihil profunt, ut nunc liceant, quæ ratione illarum prius licebant. Neque mercedis solutio, aut secreta compensatio fieri debet juxta morem hic, & nunc obliteratum, sed juxta æstimationem temporis præstatis, ac dumtaxat licet alicubi ea consuetudo duraret, vel denuò introducta esset, non idèò consequens foret, ut in aliis locis, ubi justius agunt, qui vestiuntur, idem modus compensationis liceret. Quare Machado de Chaves tom. 2. de *perfecto Confessar. lib. 6. p. 8. tr. 8. docum. 8. num. 3.* optimè observat Matrini, Hispani, & in aliis populosis civitatibus justa stipendia refundi Sartoribus tam Magistris, quam Officialibus, atque eapropter opinioni Thomæ Sanchez inibi locum non esse.

69 Sed nec illi unquam locus esse potest, nisi certò constet in casibus specialibus injuriam fieri Sartori ab illo, cujus vestes conficiuntur, obligarique ad restitutionem ejus, quod defuit mercedi pro factura persolutæ, vel mutua conventionis taxatæ, ut accuratius reliquis expendit Villalobos in *summa. tom. 2. tr. 25. diff. 13. num. 6.* & eo appellato Machado *suprà*, & Diana *p. 3. tr. 6. resol. 16.* Neque facile est credendum ipsis, dum obtinens majorem esse suam operam stipendio, quod accipiunt, quia judicio proprio ipsorum in hac re non debet stari, sicut nec judicio famulorum, sed taxæ usuali, aut legali, vel privatæ conventioni, dum non constet esse manifestè iniquam, & ea

non obstante illum, cujus vestes conficiuntur, ad supplementum teneri, atque ad ejus restitutionem obligari. Qui autem diceret eorum judicium circa inæqualitatem mercedis esse satis, ut se compensare possint, ut reor, proculdubio impingeret adversus condemnationem thesibus, de qua nunc tractamus. Nam licet illa de famulis, ancillisque domesticis dumtaxat loquatur, id potius exempli, seu demonstrationis gratia, quam limitationis apparebit additum, expendenti easdem exceptiones pati judicium privatum Sartorum, ac similibus Officialium, quamvis sint bonæ conscientie, & periti intra suam artem. Plenum siquidem, firmumque judicium de inæqualitate operæ, ac mercedis, quale ad occultam compensationem exigitur, non tantum pendet ab arte, aut bona conscientia opificis, sed ex multis aliis circumstantiis, quas ipse requiri ignorat, & accurati Theologi non parvo labore examinant, ut ex illis, quæ præmissimus *cap. 1. §. 2.* satis apertè constabit. Nec ergo sutor ultra crepidam, aut ultra vestis confessionem Sartor hoc genus judicii sibi arrogare præsumat, neque Confessarius ei credat, nisi in his, quæ ad proprium factum, quantitatemque acceptæ mercedis, ac tempus laboris spectant, nam alioqui facillimè decipientur, & injuriis multis aliis irrogabunt, quibus utpotè indefensis, ac ignaris longè justius est favere.

70 Nec quidquam juvat opifices, aut emptores earum rerum, quas occultè suffragantur, sed potius eis obstat, si obtendant usum communem persolvendi minus justo pro facturis vestium. Quia hic pretextus tacitam quandam contradictionem involvit, & eam ipsam inæqualitatem destruit, quam statuere conabatur. Pretia namque justa rerum, & æqua mensura illarum, cum taxa legalis deficit, ex communi usu, atque æstimatione sumuntur, & quod istis conformatur æquale, ac justum censetur in utroque foro, atque ea de causa dum dicitur pretium consuetum persolvi, & nihilominus non solvi æquale, termini inter se implicantur, & ab una parte ponitur, quod destruitur ab altera. Foret præterea incredibile, reliquum populum contra solos Sartores conspirasse, ne eis refunderet justum stipendium, cum tot in illo timorati inveniantur jubentes

bentes vestes conficere, & nolentes quempiam defraudare. Adhucque incredibilis appareret; Sartores publicè non reclamasse, sed communiter pro mercede apertè iniqua convenisse, cum multis occasio desit se ex fragmentis vestium compensandi.

71 Confessarii quoque ipsi iniquum illum morem extirpare curassent, & onus restituendi imposuissent dominis vestium, utpote nescientibus utrum Sartor sese aliunde compensaverit. Iidemque domini sibi fatius fore crederent justam mercedem æquare pecuniis, quàm liberam facultatem relinquere Sartoribus retinendi fragmenta, aut ornamenta vestium, quæ supersunt, quibus ipsi indigent ad vestes reficiendas, vel ad alios usus, & defectu illorum sæpè sæpius coguntur majores expensas facere, ut alia de novo comparant, sæpèque similia non inveniunt, & integras vestes perdunt, ne difformiter variegatæ appareant, & conspectui aliorum dissident.

CAPUT VIII.

An famulis, aliisque operariis sufficiat ad compensationem occultam judicium merè probabile de inæqualitate suæ mercedis?

72 **E**Xistimo non sufficere, quamvis reliquæ conditiones non desint, sed necessariò requiri judicium moraliter certum, quo alterius injustitia clarè appareat, & jus nostrum nulli omnino probabili contradictioni subiectum. Ita supposui ex Molina, Gibalino, Vasquez, & omnibus aliis, qui de famulis, ac aliis operariis specialiter loquuntur *suprà cap. 2.* & ita sentire omnes, dum regulas generales præscribunt secretæ compensationis sine peccato faciendæ, supponebat Thomas Sanchez *lib. 4. consilior. moral. cap. 1. dub. 14. num. 11.* Cæterum quia nunc non desunt, qui generale hoc principium in controversiam adduxerint, ad oppositum tanquam probabile in praxi stabilire contenderint, aut distinctionibus variis universalitatem ejus evacuarè, ad exactam thesicos condemnatæ explicationem, examinare oportebit, utrum hæc securè admitti valeant, & famulis prodesse possint, cum

probabiliter judicant injustè recompensari suam operam, & revera plus mereri, quam ex usu, aut conventionè, vel prudenti arbitrio pro illa accipiunt.

73 Nemini autem id prodesse, sed necessario requiri in omnibus, qui se occultè compensant, certum judicium de injustitia debitoris, atque claritatem proprii juris, ex hac ipsa thesi, in qua versamur, efficaciter colligitur. Nam si ceteris liceret sese compensare occultè ob opinionem probabilem injustitiæ alienæ, ac juris sui, id ipsum pariter liceret famulis, ancillisque domesticis, cum nulla specialis ratio excogitari valeat, quæ in eis postulet majorem certitudinem; unde neque illos excipiunt Spinula, Garfi, & alii, qui doctrinam huic nostræ contrariam recentè invexerunt, sed de omnibus indiscriminatim loquuntur. At famulis, & ancillis nunc satis non esse ad compensationem occultam judicium merè probabile de sui salarii injustitia, ex eo patet, quia si oppositum illis adhuc est permixtum, solum esset condemnata, & praxis ejus prohibita propositio, quæ affirmaret eos posse ab heris surripere, quod judicant judicio improbabili sibi ex justitia deberi, & subtrahi ex salario justo. Hoc autem nemo non videt manifestè absurdum, cum propositio sit damnata, ut jacet, & absolutè loquatur de judicio famulorum nulla restrictione, vel mentione facta improbabilis judicii. Explicatur. Quia, ut uterque Pontifex in suis decretis præfatur, scopuspisorum fuit prohibere theses noviter inventas, aut de novo fuscitatas, cum jam antiquatæ fuissent. At nullus unquam somniavit opinionem improbabilem juris proprii, aut injustitiæ alienæ ad occultam compensationem sufficere, sed nova recentiorum inventa circa sufficientiam opinionum hinc inde probabilium versabantur, relictis debitis omnino certis, aut prorsus improbabilibus, quia insufficientia istorum semper, & ubique omnibus constitit, haud secus quam illorum sufficientia, dum aliæ conditiones non deficiunt.

74 Probatur 2. assertio. Quia bonæ fidei possessor probabilem pro se rationem habens, privilegio certæ possessionis nanciscitur, ut nihil restituereteneatur, donec in judicio proprietatis condemnetur, sed rem totam jure suo retinere valeat.

& si

& si fortè ab altero spoliatur opinante rem ad se spectare, injuria adversus ipsum committitur cum obligatione restituendi ipsi possessionem, à qua deturbatus fuerat. Ergo à fortiori idem ipsum in occulta compensatione est dicendum. Nam qui se occultè compensat ex bonis sui debitoris, non tantum certa possessione eum spoliatur, sed etiam dominio certo, & utrumque ad se transferre satagit. Quippe justa compensatio utrumque effectum producit. Et quod ille, cujus bona surripiuntur, alioqui debitor foret, non obstat quominus talia bona, antequam occultè subtraherentur, legitimè ad eum spectarent jure possessionis, ac domini, sicut certi debitoris sunt bona, unde solvit, priusquam sponte dentur in solutum. Confirmatur. Nam huc spectat manutentio, ac remedia alia possessoria, sed præsertim restitutio spoliatorum. Est enim primum principium juris tam Civilis, quàm Canonici, spoliatum ante omnia esse restituendum integrè. Neque audiretur, qui diceret, se accepisse rem alterius, qui probabiliter sibi debebat æstimationem ipsius, cum ad summum ille audiatur, ne restituat, qui claram aliquam exceptionem opponit, ut si adversus non dominum ex. g. privata auctoritate spoliatum decipiat, sibi notoriè competere rei sublata prædium.

75 Probatur 3. Nam qui intentata lite, & exceptionibus suis ritè propositis, in judicio externo condemnandus esset ad restitutionem rei ablata tanquam spoliator iniquus, nullo jure sibi potest arrogare auctoritatem adjudicandi sibi possessionem, atque proprietatem ejus, aut spoliandi debitorem suum. Ita autem se habet is creditor, qui ob debitum litigiosum, quod alius inficiatur probabiliter, occultè debitorem spoliatur, ut rem ejus faciat suam. Condemnaretur enim proculdubio, si res judici constaret, ad reponendum rem in eo ipso statu, qui præcessit ante spoliū, atque id poscentibus jure Civili, ac Canonico, aperte rationi innixis, non nisi injustè tunc possent ipsi pleno jure adjudicari rei possessio, atque dominium. Porrò quod publica auctoritas re plenè intellecta nequit absque injustitia præstare, nulli privatorum licet. Et alioqui talis creditor privata auctoritate sibi

jus diceret contra jus commune, ac debitorem spoliaret non solum certa possessione, verum etiam jure illo verè probabili, & non parvæ æstimationis, quod habet ad non solvendum, vel ad rem, quam putat esse suam. Et cum debitum in se litigiosum, ac incertum longè minus valeat quam certum, ac prorsus liquidum, debitorem incertum, ac invitum cogeret tantumdem pro incerto solvere, quanti æstimaretur, si esset liquidum, & prorsus indubitabile.

76 Arguo ulterius in favorem debitoris, quibus valde graves essent, ac sæpè prejudiciales istæ compensationes clandestinæ. Nam occulta compensatio creditoribus non licet, cum debitum, quod ita compensant, est æquè, aut minus probabile, & debitori etiam favet æqua, aut major probabilitas. Sed neque eis licet, cum probabilius est rem sibi deberi, & minus probabile non esse debitam. Numquam igitur licebit, nisi debitum sit liquidum. Consequentia evidens est, & antecedens quoad priorem sui partem inde constat, quia ex opposito manifestè sequeretur quidem irrequietus circulus mutuarum compensationum in infinitum procedens, & turbans pacem, ac securitatem, quam legitima possessio, & bona fides civibus debent præstare. Nam si creditor in hoc eventu posset debitori clam surripere, quæ deberi sibi merito opinatur, ita pariter debitor posset illum vicissim spoliare propter opinionem suam æquè, vel magis probabilem, qua nil se debere putat, & hoc factò iterum rediret primo creditori eadem facultas sese denuò compensandi, & debitori eripiendi, quæ sibi fuerunt ablata, & sic in infinitum dum sua probabilitas utrique favet. Quocirca semper maneret bellum istud justum ab utraque parte, & legitima possessio, ac bona fides nullam securitatem præstarent circa suarum rerum retentionem incerto isti debitori, cum alioqui in pari causa reo, atque possessori sit favendum, & bona fides tantum possidentis præstet quantum veritas, quociens lex possessioni non resistit, juxta regulas juris pervulgatas.

77 Jam verò idem antecedens quoad secundam partem sic probatur. Nam si major probabilitas sit incerta, atque, ut plerumque contingit, creditor ac debitor inter se discordent, unoquoque probabi-

habiliorem reputantē opinionem sibi faventem, tunc par erit eorum causa, & idem inconveniens sequetur, quod nuper expendebatur. Possent enim toties quoties se vicissim licite spoliare, si prima compensatio liceret, & quod forte ob ignorantiam facti alieni isto jure uti non possent per accidens est, ac nihil relevat. Nam compensatio non idē occultē fieri permittitur, ut creditori jus suum occultetur, & usus ejus tollatur, sed ut creditor, qui publicis mediis se indemnem servare nequit contra injustitiam alterius, absque nova injuria illius, juri suo satisfaciatur. Fit autem clara injustitia ei, qui in judicio, vel extra poterat se tuto conscientia à creditore defendere, & possessionem suam recuperare, immo sperare prudenter litem sibi adjudicandam, si media compensatione ad solvendum compellatur, & occultatione illius, ipsi occultentur arma, quibus licite uti posset ad præservationem juris sui, eorumque usus prorsus auferatur.

78 Quod si opinio manifestē probabilior creditori aperte faveat, tunc difficilius videtur, occultam ei compensationem negare, cum debitor solutionem detrectat, & recursus ad judicem justum non patet; vel quia probationes deficiunt, vel quia jus actionem non concedit, ut in læsione infra dimidium accidit, vel quia magnæ pro rei qualitate expensæ, inimicitia, aut molestia, aliæque similia incommoda ex intentata lite resultabunt. Ratio autem est, quia istud debitum in foro judiciali liquidum est, & sine dubio creditori adjudicandum, non obstante ea minori probabilitate, qua se debitor defendit, cum judex debeat secundum probabiliorē opinionem judicare, & probabilē non sit, eum posse pro libito juxta minus probabilem proferre sententiam, ea relicta, quam sua major probabilitas certō cognita justiorē facit. Etenim hanc esse judicem obligationem liquidō deprehendi valet ex damnatione *propositi*. 2. quam *disser-*
sert. 2. enucleavimus. Inde autem rectē colligi videtur, idem in foro conscientia esse sciendum, antequam sententia obligans debitorem ad solvendum in judicio proferatur. Neque enim sententia facit debitum, quod alioqui erat indebitum, ut in pœnalibus frequenter accidit, neque ulli falsæ præsumptioni innititur, sed

certæ probabilioritati, & solum declarat jus, quod ab initio creditori competebar, secundum merita causæ, fuisse adē liquidum, ut illi tanquam evidenter digniori non possent absque injustitia judicium suffragia denegari.

79 Utique si quando potest securē deduci ad praxim opinio occultam compensationem permittens ex vi debiri probabilis, ad hunc casum restringenda erit, qui non tamen esset exceptio, quam declaratio sententiæ postulantis debitum omnino certum. Sed adhuc non quiescit animus. Tum quia falsō assumitur, judicis sententiam in eo eventu esse merē declaratoriam juris prævii, cum potius sit attributiva novi, ac certi juris, quod antea non competebar, ut *num. fin.* ostenditur. Tum quia in præsentī non agitur de spoliando bonæ fidei possessore illa re, cujus proprietas in controversiam vocatur, sed de eo spoliando in perpetuum, vi occultæ compensationis, possessione, ac proprietate certō sibi competentibus, eisque in alium transferendis ob debitum personale. Hoc autem in foro externo non permittitur, antequam lis decidatur, ulli creditori, quamvis ei assintat jus ad solutionem certō probabilius eo, quod debitor ad non solutionem habet. Sed certō certius apparet longē meliorem esse conditionem ejus, qui est simul possessor, ac dominus indubitatus, quam illius, qui dumtaxat est possessor. Tum quia licet demus controversiam esse circa rei possessæ proprietatem, & creditori affirmanti eam esse suam faveat opinio certo probabilior, possessori autem id neganti non nisi minus probabilis, adhuc iste ante sententiam non potest auctoritate publica spoliari possessione sua, & longē minus occultē spoliari possessione, ac proprietate, sed restituendus, aut manutenendus esset, si causa proprietatis interim omīsa, intentaret remedia possessionis recuperandæ, aut retinendæ.

80 Tum ulterius quia bonæ fidei possessor, minus probabilī opinione munitus circa proprietatem rei possessæ, licet illam retinere potest, quamvis probabilius putet esse alienam, nec in foro fori, aut poli illam restituere cogitur, aut à se abdicare possessionem, & dominium ejus, donec per sententiam judicis,
aut

aut alia ratione constet eam non esse suam, sed alterius. Ergo jure suo illam retinere valet. Ergo injuria adversus ipsum committitur, dum in istis circumstantiis clam ei tolluntur tam dominium, quam possessio. Quippe possessor legitimus, & a fortiori, qui est simul tam dominus, quam possessor, saltem jure gentium istud commodum sua possessione nanciscitur, ut ab illa nequeat deturbari, contraria veritate non comperta. Atque hoc sensu recte traditur tanquam certi juris regula L. 136. ff. de regul. juris. Bonam fidem tantumdem possidenti praeferre, quantum veritas. Notantque Auctores communiter possessionem prevalere adversus quasvis rationes oppositas in contrarium, modò non sint convincentes, & specialiter Salas 1. 2. tr. 8. disp. unic. num. 231. Diana p. 4. tr. 3. res. sol. 26. in fin. Tamburinus lib. 1. in Decalog. cap. 3. §. 7. verb. Mors conjugis, & verb. Restitutio. num. 2. Palao tom. 1. disp. 3. de conf. puni. 2. num. 11. atque ut plures alios præmittam P. Sanchez lib. 1. in Decalog. cap. 10. num. 9. in fin. Sumiturque aperte ex Leg. unic. C. de prohib. sequestrat. pecun. ibi: Oportet enim debitorem primò CONVINCERE. & sic deinde ad solutionem pulsari. Quam rem non tantum juris ratio, sed & ipsa æquitas persuadet, ut probationes secum afferat, debitoremque CONVINCAT pecuniam petiturus.

81 Huc etiam spectat, quod permulti tradunt aliis vocibus, sed pari energia, nimirum certitudinem moralem juris, seu dominii alieni in bonæ fidei possessore requiri, ut alteri restituere debeat, aut semetipsum spoliare re illa, cujus possessionem optima fide inchoavit. Sic inter alios loquuntur ubi supra Palao, & Salas, necnon Lessius lib. 2. de just. cap. 14. num. 23. Dicastillo lib. 2. tr. 1. disp. 10. numer. 344. Molina tr. 2. disp. 35. numer. 20. Layman lib. 1. Theolog. moral. tr. 1. cap. 5. num. 21. & 24. Sanchez in Decalog. lib. 6. cap. 3. numer. 7. dicens oppositum non esse probabile. Vasquez de restitut. cap. 5. §. 1. num. 40. ac plerisque aliis relatis Caramuel, & Verricelli locis statim consignandis. Quod si moralis certitudo debiti, aut dominii alieni necessariò prærequiritur, ut debitor solvere, & possidens restituere teneatur, consequens aperte fit, ut nec sol-

Theolog. Reform.

vere, nec restituere debeat, interim ac opinionione probabili negativa debiti, aut affirmativa sui dominii defenditur. Nam certitudo moralis unius extremi contrariam alterius partis probabilitatem excludit, & dubium opinativum rem utrumque incertam facit. Moraliter enim certum illud solummodo dicitur, cujus oppositum non est probabile, ut rectè exponit Suarez aliud agens tom. 4. de Relig. tract. 10. cap. 15. num. 21. & ad propositum nostrum ex professo Verricelli 1. p. tr. 2. q. 13. Lessius lib. 2. de just. & jur. cap. 10. num. 39.

82 Quocirca si fortè debitor hac certitudine carens, & sola minus probabili opinione præmunitus, ad confessionem accedat, communis sententia est, & receptissima in praxi, eum esse absolvendum, esseque Rectè dispositum, quamvis nihil restituere velit, sed perseverare in eodem statu. Additque ulterius Suarez disp. 32. de panis. sect. 5. num. 3. & 4. Remesse claram, & nullius difficultatis, tam respectu Sacerdotis excipientis confessiones ex debito proprii officii, quam cujusque alterius merè voluntarii. Et insuper adjungit Baldellus tom. 1. Theolog. moral. lib. 4. disputation. 13. numero 6. oppositum non videri rationabiliter dictum. Inde autem patet, summa cum ratione dicti, vice versa denegandam esse absolutionem creditori illi, qui non vult restituere rem, quam bonæ fidei possessori subripuit, prætextu juris incerti, tametsi probabilioris. Injustè enim agit, dum cum privat propria auctoritate re, quam licite, ac justissime retinere in totum poterat, non obstante prætenso jure ipsius.

83 Neque hic debet, aut potest admitti bellum civile justum ab utraque parte ratione ignorantæ, veritatiseve incomperitæ. Quia id locum habet ad summum, quoties cetera sunt paria: in præsentem autem valde disparia inveniuntur. Nam de possessione legitima, ac pacifica debitoris certò constat: ea vero dum talis est, possessori tantum præstat quantum veritas, nec cedit ullis rationibus, nisi plane convincentibus rem deberi, aut ejus proprietatem non spectare ad possessorem ipsum. Unde quamvis in hoc casu creditori sur-

Gg ripien-

spicienti bona alterius faveat major probabilitas juris proprii, adhuc ab illo injustitiam committi, & contrahi ratione ipsius obligationem restituendi totam rem ablatam possessori bonæ fidei, discretè expriment Brefferus *libr. 4. de cons. nu. 35. Verricelli dicto tr. 2. q. 12. num. 12. vers. Ergo & latè Caramuel in dialexi de non certitudine. fol. mibi 123. numer. 136.* estque sententia communis contra Joannem de Medina, qui censuit, creditorem mortaliter peccasse clandestinè auferendo rem alterius prætextu juris incerti, sed postea nil debere restituere.

84 Concludo igitur, jure optimo Auctores, demptis novioribus paucis, sine controversia supposuisse certitudinem debiti moralem necessariò prærequiri ad praxim licitam occultæ compensationis, id enim aperte sequitur ex hucusque dissertatis. Signanterque tradiderunt, nullum debitum probabile, aut etiam probabilissimum posse sufficere ad illam justificandam P. Suarez *libr. 5. de legibus. cap. 18. num. 20. P. Vafquez de restit. cap. 6. §. 3. num. 83.* dicens id esse certum secundum omnes, & *cap. 5. §. 1. num. 40.* ubi expresse adiicit (quod etiam Verricelli, & Caramuel statim appellandi prænotarunt) ita esse tenendum, quamvis debitum nec judicis officio, nec alia via recuperari valeat. Villalobos in *summa tr. 1. diff. 17. num. 7. in fin. Giuniparus in defens. jur. Pontif. disp. 6. q. 5. cap. 3. n. 51. fol. mibi 378.* affirmans itidem rem esse certam Verricelli in *dicta quæst. 13. num. 3. Caramuel ubi supra num. 315. Diana p. 9. tr. 9. resol. 44. Thomas Sanchez clare affirmans contrarium non esse probabile in dicto cap. 3. num. 7. Lessius qui certum id vocat. eo cap. 10. nu. 40. & cap. 14. dubit. 4. prope fin. dicens: Ita in omnibus tribunalibus apud omnes gentes judicari.*

CAPUT IX.

De tacita compensatione debiti probabilis ex una parte, & ex alia merè dubii.

85 Quæ cum vera sint, omninoque tenenda quoties debitori, ac creditori favent suæ opinioniones inter se contradictoriæ, sed hinc & inde

probabiles, oppositum tamen dici debet, cum pro parte affirmativa debiti adsunt rationes probabiles, pro alia verò nullæ, aut adeò tenues, ut non sufficiant in concursu aliarum ad generandum judicium negativum debiti, nisi forte imprudens, ac improbabile. Ita olim sentiebam, nunc autem Doctores habeo ejusdem doctrinæ Lessium *dicto numer. 40. Card. de Lugo tom. 1. de just. & jur. disput. 17. sect. 4. in fin. Brefferum libr. 4. de cons. numer. 24.* Quocirca debitor in hoc eventus totum debitum solvere tenebitur, & nisi id faciat contra justitiam peccabit, licet rationes oppositæ sola sua vi non convincant, sed dubitare permittant, cum non sint nisi probabiles. E contrario verò creditor contra suam opinionem affirmativam debiti non habens, factio sufficienti examine, nisi solam opinionem improbabilem negativam ejus, rectè poterit sese occultè compensare tanquam pro debito liquido, etsi in contrarium occurrant leves aliquæ rationes formidandi.

86 Ratio sumenda est ex dictis *dissert. 4. capit. 6.* quibus immerito Cardenas refragatur in *Crist Theologica, disput. 4. à numer. 102.* & peculiariter huic nostræ asserctioni *par. 3. disput. 64. numer. 18.* Nam si aliquid obstaret huic doctrinæ, maxime quod debitum in tali statu non est moraliter certum, sed incertum, ac illiquidum. Atqui esse certum moraliter modo humano, & sufficiente ad imponendam obligationem certissimam hominibus, qui circa res contingentes raro, & in paucis plenam evidentiam assequuntur, eo loci monstratum est ex communi sensu omnium, & moralibus exemplis prorsus irrefragabilibus. Baptismi, Ordinis, Consecrationis, Voti, Legis, ac similium confirmatum. Explicatur. Quia tamen moralis certitudo suos valde inæquales gradus habeat, & pro materiæ gravitate, ac qualitate modò requiratur major, & modò sufficiat minor, id accuratè explicantibus Card. de Lugo *disput. 1. de fide. à numer. 316. & P. Suarez tom. 3. de gratia. lib. 9. capit. 11. numer. 2. & maxime à numer. 9.* in præsentia autem non est quare major certitudo postuletur, quam in delictis exigitur ad condemnandum reum poena mor-

mortis, nam & ibi dici solet, probationes meridiana luce clariores desiderari. Porro certitudo, quæ ibi intervenit non est omnino infallibilis, ac semper connexa cum delicti veritate; sufficiunt enim duo oculati testes, quibus nulla probabilis exceptio opponi possit, quamvis multoties contingat eorum testimonium esse falsum, & condemnari innocentem.

87 Arguo insuper. Nam quoddam Petrus verb. gr. sit revera filius eorum, quorum filius reputatur, non est veritas, quæ attentis suis motivis aliter se habere nequeat, sed multis fallentis exposita tam ex parte patris, quam ex parte matris, ut egregie S. Augustinus expendebat, ejus verba protuli eo capit. 6. numer. 60. & nihilominus ea communis reputatio, dum nulla exceptio probabilis in contrarium potest obijci, sufficit, ut filius sine dubio debeat eis reverentiam præstare ipsorum hæreditatem capeffere, exclusis aliis cognatis, & suo jure ab illis alimenta postulare, illaque occultè furripere, si alia via obtineri non valeant. Ergo idem plane licebit in aliis compensationibus tacitis, dum concurrunt pariformes circumstantiæ. Esto namque facta reflexione creditor, aut debitor timere possit, ne forte sit debitum falsum, ex generali motivo, unde cognoscit falsa esse posse, & interdum falsa esse, quæ ita proponuntur; esto etiam quandoque habeat speciales aliquas rationes, unde dubia, aut suspiciones falsitatis excitantur, dum illæ adeo leves sunt, ut probabilitatem non generent, nec sufficiant ad negandum rationaliter debitum, tota illa formido, ac dubitatio levis, ac scrupulosa reputatur, & nullius momenti habetur; nam si gravis foret, ac ponderis iusti, probabile redderet rem esse indebitam, & ita essemus extra nostrum casum.

88 Urgeo præterea, quia moralis certitudo captui nostro accommodata non excludit omne dubium, omnemque formidinem, aut suspensionem contrarii, hæc namque sapientius insurgunt contra veritates claras ob rationes apparentes, ac sophisticas, sed fatisci est, quod ejus veritas hic, & nunc inspicitur omnibus sit juxta prudentiam innegabilis, & falsitas incredibilis. Ita autem evenit, quoties ex una parte datur probabilitas, non verò ex alia.

Unde nec Baptismus, aut Sacerdotium reiterari potest prætextu dubii improbabilis, nec omitti illius voci adimpletio, aut præcepti illius observantia, cujus existentia probabiliter ostenditur, & non potest negari, nisi improbabiler. Atque ca propter etiam in his causis, ubi evidens, aut manifesta probatio desideratur in jure ver. gr. ad alienandum res Ecclesiæ, vel ad ostendendum rem aliquam veram esse in utilitatem ejus, non requiritur concludens demonstratio, sed probatio etiam accepta ex urgentibus conjecturis admittitur, ut est in praxi receptum, & tenet cum Glossa, & aliis Mantica de tacit. & ambig. convention. tom. 1. lib. 8. tit. 14. & maxime numer. 13. dicens, quod ita probatur manifeste comprobatur censeri.

89 Suadetur denique. Nam qui opinatur esse alienam rem, quam bona fide possidet absque opinione partis oppositæ, nequit illam retinere, sed suo domino debet restituere, ut notant inter alios Sanchez libr. 2. de matrim. disput. 44. numer. 1. juncto numer. 5. & Card. de Lugo disput. 17. de justit. numer. 88. in fin. Ergo nisi ipse restituat, nec altera via superstit, rectè poterit spoliari ab alio per compensationem occultam. Nam multo onerosius est, cæteris paribus, cogere aliquem, ut spoliaret semetipsum, quam permittere alteri, ut eum spoliaret, atque idè cum leges privant delinquentem bonis suis, ne ipse contra se sententiam exequatur, & facto proprio se spoliare debeat, valde communiter dicitur, non obligari ad tradendum Fisco sponte sua eadem bona, sed executionem pertinere ad judicem. Quod si in proposito eventu bona possidentis fides omnino cessare creditur, & sua possessio nihil eum juvet, quominus restituere teneatur, à fortiori nil juvabit, ne possit spoliari ab alio casu, quo ipse non restituat, sed debitum retinere velit.

90 Atque exinde obiter intulerim, conjugem, qui pro sui nullitate matrimonii probabilè opinionem habet, pro valore vero nullam factò diligenter examine, nec posse petere, nec reddere debitum; habet enim certitudinem moralem nullitatis matrimonii, qua perstante neutrum licet, quamvis alter sit possessor, & de valore matrimonii non dubitet. Sic sumitur ex textu in cap. Si virgo. 5. 34. q. 1. cap.

Inquisitioni 44. de sentent. excommunic. Neque obstat, quod ibi addicitur, cum conscientia pulsatur animum ex credulitate probabili, & discretus (nullitatis) quamvis non evidenti, & manifesta, debitum quidem reddere potest, sed postulare non debet. Fateor enim, non loqui Pontificem in casu, quo pro valore, & nullitate sit certò probabilis opinio, tunc enim licitum est petere, ac reddere, sed solum casu, quo opinio sit contra valorem matrimonii, in favorem verò merum dubium. Adhuc tamen in eo casu interdum licitum est reddere debitum alteri petenti bona fide, interdum vero illicitum. Illicitum quidem quoties, præmissis congruenti examine, prudenter creditur matrimonii nullitas, & prudenter credi nequit ejus valor, quia tunc nullitas pro certa habetur, & stante hac certitudine debitum veri conjugii nec peti, nec reddi valet, ut Pontifex jam præmiserat. Licitum vero, quoties non est facta sufficiens diligentia ad indagandam matrimonii veritatem, quia tunc dubium est vincibile, & nullitas Sacramenti incerta, quamvis appareat probabilis. Nemo autem privatus potest in casu incerto spoliare alterum certa possessione exigendi, aut utendi aliqua re tanquam sua, sed inserim ac contrarium non ostenditur, isti juri debet satisfacere.

91 Unde cum Pontifex dixit, conjugem in isto eventu reddere posse, sed non petere, solum loquitur in casu, quo nondum erat adhibita sufficiens diligentia perveniendi ad certam cognitionem veritatis, ut tenet Sanchez eo lib. 2. disp. 41. numer. 53. Coninc disp. 34. de matrim. numer. 106. & satis placet Card. de Lugo ea disp. 17. numer. 87. & extendendum est etiam ad casum, ubi pro utraque parte adsit dubium suspensivum, aut opinativum. Semper enim adhiberi debet accurata diligentia inveniendi certam cognitionem veritatis, si spes probabilis subit deveniendi ad illam, neque excusat ignorantia inclusa in prædictis dubiis orta ex negligentia nostra, sed ea solum, quæ post diligens examen incipit esse invincibilis. Licet autem Pontifex in dicto textu nil dixerit de diligentia debita facta, aut non facta, parum obstat huic expositioni, quia, inquit Sanchez, quamvis jus non distinguat, ratio distinguere cogit. Nos autem addere pos-

sumus in speciali casu, de quo loquimur, cogere etiam textum ipsum. Nam cum Pontifex expresse separaverit nullitatem certam ab incerta, diversamque decisionem pro utroque statu adhibuerit, eo ipso implicitè distinxit factæ diligentiam, ac diligentiam non factæ, decisionem, ac eventum.

92 Quippe diligentia facta, nullaque probabilitate adinventæ pro valore matrimonii, cujus nullitas est certò probabilis, moraliter pro certo haberi debet à conjugibus disposito illud esse vere invalidum, & agendum juxta regulas observandas ex decreto Pontificio in casu quo certum est nihil deberi exigenti, quamvis bona fide id faciat. At verò cum non est facta debita diligentia inquirendi, utrum saltem sit probabilis verus valor matrimonii, ejus nullitas pro certa haberi nequit, forsitan enim invenitur mediante investigatione probabilitas valoris, quæ non apparebat antea, atque ideo contrariæ regulæ incertum debent servari, ut tunc petere non liceat id præferente Pontifice, sed reddere non tollatur.

CAPUT X.

Opiniones contrariæ proponuntur, & illarum argumenta profingantur.

93 **P**rima probabilis existimat, ad tacitam compensationem non requiri debitum omnino liquidum, sed sufficere probabile, quamvis pro parte negativa debiti stet opinio aequè probabilis, aut fortè probabilior. Ita Spinula tr. de electi opin. disp. ult. sect. 7. Franciscus de Lugo de consc. p. 1. cap. 3. numer. 100. fol. mibi 166. Didacus de Avendaño tom. 3. auctorii Indici. par. 4. sect. 1. numer. 79. Garfi centur. 2. cap. 65. Secunda sententia distinguit inter opiniones facti, & opiniones juris in re vel ad rem, & prioribus exclusis, putat postremas sufficere, ut scilicet scandalo, & servatis aliis in quavis alia secreta compensatione servandis, ejus usus labe careat. Ita latè Zamorano de compensat. cap. 2. & sequentibus, post Joannem Sanchez in selectis, disput. 33. d. numer. 32. & disp. 43. d. num. 48. Cæterum duæ istæ sententiæ re bene inspecta non differunt.

runt. Quia nec prior imaginatur illius facti certitudinem, nedum probabilitatem, unde nullum ius resultat in favorem creditoris secretæ compensationis sufficere, nec posteror inficiari intendit ius probabile esse satis, quamvis non ex facto certo, sed probabili duntaxat resultet. Postrema denique sententia fert in hoc casu solum esse licitam occultam compensationem usque ad medietatem debiti, altera medietate apud debitorem relicta, ita enim utriusque juri ex bono, & æquo sua portio deferretur, & nec debitor, nec creditor conqueri potest, cum in re incerta fervetur æquitas inter utrumvis. Sic sentiebat Julius Mercator in *basil. Theolog. moral.* 3. p. art. 12. & illusttrat ex professo P. Moya p. 2. *selektar. tr.* 6. disp. 4. q. 1. §. unic.

94 Argumentum omnibus istis communex eo ducitur, quia licet Doctores tradant, seu potius supponant, veluti primum principium desiderari debitum omnino certum, ut secreta compensatio creditori liceat, nihilominus in multis casibus ubi ius tantum probabile ipsi faveret, eam licere existimant non pauci magnæ sapientiæ, ac iudicii. Eadem autem videtur omnino ratio, ut proinde semper admitti debeat vi juris merè probabilis, si in aliquo casu admittitur. Plures autem huius generis profert remegregiè versans Card. de Lugo tom. 1. disp. 16. à numer. 49. aliosque insuper adiungunt Moya in *disa* q. 1. à numer. 4. & Zamorano in *disa* disp. 4. cap. 1. ex numer. 3. Cæterum Card. de Lugo sua solita maturitate nihil definire est ausus, neque contradicere principio adeò generaliter recepto, sed iudicium suum suspendit, & numer. 106. ita concludit: *De hoc tamen nil volo asserere, immò libenter abstineo ab ultimo iudicio circa hoc totum punctum de compensatione licitè faciendâ cum opinione solum probabili, quia licet in casibus particularibus Auctores videantur id admittere, ut vidimus; in communi tamen, & dum questionem in propriis terminis tractant, videntur id communiter negare, à quibus non est in re practica facile discedendum, quia fortasse aliquid illis occurrebat, quo argumenta nostra supraposita possent dissolvere.*

95 Prolixus essem, si extra sedem suam peculiariter examinare vellem omnes casus, quos prædicti Auctores asserunt, ubi *Theolog. Reform.*

aliqui tacitam compensationem admittunt ratione debiti, aut juris probabilis. Prætermitti autem non debet unus, cui omnes insunt, ut illius explicatio sit norma extricandi reliquos. Quæstio est, an testamentum, cui deficiunt testes, aut aliæ solemnitates necessario requiruntur, ut fidem faciat, sit validum jure naturæ, vel potius invalidum? Et multi valde probabiliter censent, jure naturæ esse invalidum, quia leges, ubi præscribitur ejusmodi solemnitates adhibendas esse, iustis de causis irritam reddiderunt voluntatem testatoris, aliter de suis bonis disponentis, atque adeò hæredem ita institutum ex vi illius nil juris acquirere, sed hæreditatem relinquendam esse hæredibus ab intestato, ac si contraria voluntas nullo modo declarata esset. Alii vero non minus probabiliter tradunt ejusmodi testamentum jure naturæ esse validum, & hæreditatem deberi in conscientia ei, qui ita institutus fuerat, non vero hæredibus ab intestato: nam cum de voluntate testatoris certò constet, illa debet prævalere; nec leges illam reddiderunt irritam, sed solum voluerunt, ne tale testamentum in iudicio fidem faceret, aut vim legitime probationis haberet.

96 Inde autem denuo consurgit altera specialis quæstio. Num scilicet, rebus sic stantibus, liceat hæredi ita instituto occultè surripere hæredibus ab intestato in possessione hæreditatis constitutis bona ad illam pertinentia? Et si autem dissentiant plures, alii ex opposito sentiunt, rebus sic stantibus, hæredi instituto secretam compensationem licere. Ita Sylvester verb. *Hæreditas* 3. q. 7. in fin. P. Molina tom. 1. de just. & jur. tract. 2. disput. 81. num. 22. Lessius lib. 2. cap. 19. num. 22. Filliucius tract. 34. p. 1. num. 151. Reginaldus in praxi tom. 2. libr. 25. numer. 105. Granado 1. 2. controv. 7. de legib. tr. 3. p. 2. disp. 15. nu. 17. idque probabile putat Diana p. 1. tr. 8. resol. 75. & p. 5. tr. 3. resol. 109. in fin. Ex quo tandem argumentum sic conficitur. Licita est recuperatio occulta hæreditatis, aut legati relicti in testamento, cui solemnitates defunt legibus positivis requisitæ. Sed tale debitum non est liquidum, aut certum moraliter, sed illiquidum, ac valde incertum, cum tota illius veritas sumatur ex opinione probabili affirmante tale testa-

mentum esse validum jure naturæ, & contra se habente aliam opinionem non minus probabilem, quæ huic valori contradicit. Non ergo requiritur debitum liquidum, certumque moraliter, ut occulta illius recuperatio liceat, sive furripiendo bona hæreditaria, sive non solvendo alia indubitata debita, sive non restituendo possessori hæreditatis alia bona, quæ ad ipsum clarè atquebantur.

97 Respondeo 1. hanc opinionem (eandem ratio est de aliis similibus) non esse certò probabilem, sed ad summum probabilitatis dubiæ, ac valde incertæ: (certò autem probabilis esse debebat, ut conscientia securitatem præstaret, & suam praxim tutam redderet) Improbabilem namque illam censuerunt, quavis opinio- ne admissa circa valorem talis testamenti, Layman *libr. 1. tract. 4. cap. 17. num. 7.* & cum aliis P. Sanchez in *consiliis libr. 4. cap. 1. dub. 15. numer. 12.* Neque excessisse videbitur, ut rectè ponderat Cardenas loco inferius allegando *num. 184.* si ejus ratio perpendatur, quæ proculdubio est magni momenti, ita enim arguit: *Secundum omnes ad recompensationem requiritur, quod luce clarius constat de debito: in dubio enim, an sit debitor, melius jus habet possidens. Et in hoc casu sive possideat hæres ab intestato, sive hæres institutus in tali testamento, non est luce clarius alteri deberi, cum uterque habeat opinionem valde probabilem, quod potest retinere.* Ex eisdem principiis reiicit eandem opinionem Dicastillo *libr. de just. tr. 3. disp. 1. n. 142.* atque iterum Sanchez *lib. 2. in Decal. cap. 22. num. 24.* contendit nullatè nus esse admittendam aliam opinionem, quæ in diverso casu, sed paris circa debitum incertitudinis, tacitam compensationem permittit.

98 Non inficit, occultam compensationem licere, quoties omnibus inspectis aliqua probabilis opinio dicat illam esse licitam, & praxim ejus tutam in conscientia, id enim aperte constat ex regula generali tradita *dissert. 3. cap. 1. præsertim numer. 11.* & in hac ipsa materia compensationis id specialiter advertunt P. Sanchez *libr. 6. in Decalog. cap. 3. num. 7.* Giballinus *tom. 2. de negotiis libr. 5. capit. 2. art. 9. num. 4. circa fin.* Moya in *dicta q. 1. numer. 14.* Card. de Lugo *ea disp. 16. num. 97.* 19 quoad hoc, inquit, omnes debemus con-

venire; sed solùm contendo, quod *predicta dissert. 3. cap. 6.* ex professo comprobatur, & communissimè traditur ab Auctoribus, eam opinionem proximè, seu practicè practicam, quæ attentis omnibus dicat compensationem hic, & nunc licere, debere esse non utcumque, sed certò probabilem, ut praxim suam licitam reddat. Nam si probabile sit eam esse improbabilem, valde temerè, imprudenterque operabitur, qui ei confidere ausus fuerit. Porro opinio, quam tractamus, & omnes alie admittentes usum licitum occultæ compensationis virtute debiti incerti, certò probabiles esse non valent. Semper enim illis obstat ratio, quam Sanchez urgebat, quæ efficacissima est, & principium, quod assumit, irrefragabile apparet, sive rationes spectentur, quibus illud antè conprobavimus, sive uniformis consensus Doctorum ipsum tradentium expressè, & indubitante, dum rem ex professo tractant, inter quos sunt iidem ipsi ex quorum dictis obiter, & absque examine, Spinula, & alii perpauci oppositum colligere intendunt.

99 Respondeo 2. concedendo esse probabilem eam opinionem. Non quia tutum, certòve probabile sit in universum debita pro suis incerta sufficere ad compensationem tacitam, sed quia certissimè constare supponitur, testatorem voluisse relinquere suam hæreditatem hæredi instituto in testamento minus solemnī, & satis certum videtur maximè in hoc nostro regno, jus positivum non reddere irritam hanc voluntatem. Nullibi enim invenitur expressum, aut insinuatum apud nos ei fuisse sublatam vim obligandi jure naturali sibi competentem, sed præcise ablatam esse vim probandi testamenti debita solemnitate desituri. Etenim *L. 2. in fin. titul. 4. libr. 5. Novæ Recop.* ubi hæc materia tractatur, solùm dicitur: *Los quales dichos testamentos, y codicilos, fino tuviere[n] la dicha solemnidad de testigos, mandamos, que no fagan fe, ni prueba en juicio, ni fuera de el.* Hæc ibi. Vice autem versa testamentum, de quo loquimur jure Gallico, esse nullum etiam in foro conscientie, & irritam testatoris voluntatem, certum putat Gibalinus in *dicto libr. 5. capit. 7. art. 2. numer. 19.* Atque adeo ibi hæredibus institutis, & contentio, & compensatio sine dubio erit illicita.

licita. Cæterùm jure Cæsareo, ubi attentis Digestorum legibus res obscurior videretur, apparebit decisa fuisse clarè in favorem voluntatis mortuorum, ac hæredum, quos ipsi designarunt, ex novis Imperatorum Antonini, & Justiniani sanctionibus. *Leg. 2. & Leg. ultim. C. de fideicom.* Nam ibi, etsi testamentum minus solemnè nil probet, admittitur tanquam sufficiens probatio, si hæres ab intestato recognoscat eam fuisse voluntatem defuncti, aut si delato sibi juramento recuset illud præstare. Extunc legatum, hæreditas, aut etiam fideicommissum non jam ipsi adjudicabitur, sed his qui vocati erant in testamento carente debitis solemnitatibus. Frustra autem admitteretur probatio alia voluntatis defuncti, si hæc nullius momenti facta esset ad hæreditatem transferendam etiam jure naturali, & solum valida foret, dum legitime explicatur in testamento solemnè.

100 Vides igitur, quod jam præmonuit Verricelli in *diſſa quæſt. 12 num. 14.* hanc opinionem probabilem posse censerì, tutamque in praxi, quamvis universim defendatur, cum sententia omnium communissima, ratione debiti illiquidì nullum tacite compensationi locum esse. Idemque puto contingere ferè omnibus aliis, quas recentiores coacerbant, ut auctoritate illorum, qui in particularibus eventis compensationem admittunt, utcumque labefactari suadeant doctrinam adeo receptam: cum ea namque probabiliter conciliari possunt, ac reddi sufficiens disparitas, ut alibi singillatim ostendetur, & ostendere conatur Cardenas in *Crisi Theolog. par. 1. tract. 1. disput. 16. capit. 8. artic. 6. per totum.* Cæterùm si è duobus unum eligendum esset, satius foret affirmare eos ab eis sententiis discessuros, si contradictionem animadvertissent, quam imputare eis dissensum ab eo principio, quod nemo ipsorum expressim ausus fuerat denegare, & omnis schola receperat. Recusus enim ille nec temeritati, nec imprudentiæ, aut nimis laxitati attribui poterat, sed potius laudi non contradicendi classicis Doctorum placitis in re practica, & valde præjudiciali eis omnibus, qui cerò possident, cum cerò non debeant: dissensus vero ab eo principio his vijis erat

obnoxius, & saltem cerò probabilis esse non valet, cum tot Auctores affirmant, dum rem in sua sede examinant, & tractant in propriis terminis, eum esse improbabilem, ac oppositum doctrinæ certæ. Videndi, quos appellabimus *num. 84.* quibus alii possent adici, quos lector obvios habebit.

101 Unde quamvis Zamorano insistant valde fidenter auctoritati illorum, qui in nonnullis eventis particularibus debiti merè probabilis secretam compensationem permisisse videntur, adhuc nil proficit. Tum ex dictis, quia plerique ex eis eventibus cum præjacto principio conciliari valent, aut cum mente horum Auctorum, qui fortasse existimabant debitum ibi esse liquidum; vel cerè non concesserunt absolutè creditoribus facultatem scilicet compensandi in statu debiti utrimque probabilis, sed solum sub conditione, quod vera sit ea sententia, quæ rem deberi pronunciat. Hanc etenim conditionem expressè adjecit Molina *tract. 2. disput. 81. numer. 22.* pro casu illo testamenti minus solemnè, & eam alii tacite subintellexisse videntur, sicut cæteras alias subintelligunt, quas occulta compensatio requirit. Tum præterea quia non premit illius scriptoris auctoritas, qui contra communem dicit aliquid obiter, & in transcurso, neque id sufficit ut suam doctrinam practice probabilem. aut tutam reddat: ita autem evenit istis Auctoribus, nullus enim rem examinat in locis ubi allegantur, neque dicti sui rationem exhibet, neque argumenta dissolvit, immò nec difficultatem excitat, sed eam intactam relinquit, cum magni momenti esset, & nullatenus dissimulanda, si fortè in mentem venisset, peculiarem eam doctrinam communissimæ omnium Theologorum sententiæ esse contrariam, immò, ut itatim ostendo, etiam suis ipsorum dictis.

102 Tum præcipuè quia ab auctoritate illorum, quorum peculiaria asserta in contrarium ponderantur, vera, & communis sententia potius comprobatur, quam infringitur. Quippe contra veritatem claram nihil profunt argumenta, aut conjecturæ. Clarissimum autem est, eosdem Auctores postulatè generaliter ad compensationem tacitam debitum omnino liquidum, ac nominatim Molina *in di-*

Ha disput. 691. numer. 1. & Lessius, ac Sanchez relati conum. 84. qui sæpè sapius inculcant, neminem contradicere huic principio. Apertè etiam constat, illos consequenter exegisse in aliis permultis casibus debitum luce ipsa clarius, ut occultam compensationem liceat, prout speciatim adnotabimus numer. 72. circa servientium salaria, quorum occasione hæc scribimus. Frustra igitur ex una, aut altera resolutione ipsorum obiter, & absque examine tradita in casu aliquo speciali, conicere tentant aduersarii, eos contrariæ regulæ adhæsisse. Ad summum enim retorquenda esset per argumentum ad hominem auctoritas ipsorum contra ipsos, & notari inconsequentia doctrinæ, donec causam peculiarem excipiendi eos casus redderent, & congruam disparitatem assignarent, ne ipsi sibi contradicerent. Ut sit, si vera causa exceptionis, ac disparitatis reddi potest, nihil inde in sui favorem eliciunt Spinula, & pauci ejus affectæ. Si vero reddi non valet, solummodo concluditur, optimos alioqui Auctores aliquando dormitasse, ac minus consequenter processisse. Nunquam tamen debet ipsis imputari regula, cujus contrariam, & discretis verbis tradunt, & prorsus certam existimant.

CAPUT XI.

Monstratur occultam compensationem ex vi debiti probabilis etiam pro mediate illius esse illicitam.

103 **E**X dictis concludendam, nullo pacto esse admittendam sententiam Mercori, ac Moyz propositam numer. 93. in fin. quatenus asserbat tacitam compensationem esse licitam, non in totum, sed pro medietate debiti, quoties opinio affirmativa, & negativa illius probabilis est creditori, ac debitori, vel sua cuique probabilior. Ratio illationis accipitur ex dictis cap. 8. quæ nullo negotio huic instituto accommodari valent, & æqua vi persuadent compensationem prohiberi tam ex toto, quam ex parte virtute debiti illiquidi. Unde ita sentiunt Molina in dicta disput. 691. num. 1. Vasquez de reilit. cap. 6. §. 3. numer. 83. Suarez disput. 13. de Charit. sess. 6. num. 3. immò omnes supra laudati. Nullus enim hujus par-

titionis meminit, sed compensationem debiti ex opinione probabili in totum denegant, aut in totum concedunt, sicut illam concessit, nominatim reuellens istam Mercori opinionem, Didacus de Avendaño tom. 3. auctarii Indicii. p. 4. sess. 1. num. 80. Et merito. Nam sicut incertum est in hoc eventu deberi creditori totum, quod præterit, ita incertum est deberi medietatem. Atqui compensatio debiti prorsus incerti, ac illiquidi propria auctoritate facta illicita est, vel si ea licet absque injustitiæ peccato respectu partis illiquidæ, licebit etiam respectu totius debiti, siquidem certius non est unum quam aliud; immò sæpe certum erit, attentis hinc inde rationibus opinionum contrariarum, deberi totum, aut nihil, ut accidit æque dignis in concursu ad Præbendas, vel ad Cathedras.

104 Explicatur 1. Quia medietas in illis circumstantiis non est creditori debita secundum rigorem justitiæ, sed ad summum ex quadam æquitate, ut aliquid deferat juri probabili ipsius opinantis totam rem sibi deberi. At debitum ex sola æquitate ex recepta omnium sententia ad occultam compensationem non sufficit. Immo neque æquitas fert, ut creditor inscius rei gerendæ creditoris privata auctoritate cogatur quasi transigere litem, ac debitum pro medietate componere, & volens nolens spoliatur certa possessione, & spe, ac jure probabili, quod habet nihil solvendi. Esset enim dispositio de jure tertii, quam nemo privatus potest facere sine consensu illius, ut omnes norunt, & re ad ipsum delata competens iudex non ignorabit ex textu in *L. Si cum hermes. 7. C. de locat.* unde Auctores eliciunt. Quod verò medietas tunc non sit debita ex rigore justitiæ, clarum apparet, cum debitor est simul possessor, ac dominus totius rei, quam alius exigit v.g. centum aureos ex vi actionis personalis. Nam quid sit de sola possessione, duo isti tituli simul uniti jus potentissimum conferunt retinendi, ac utendi rebus suis citrà injuriam alterius, & verum dominum valde rationabiliter invitum reddunt extra casum certitudinis. Jam autem multoties diximus, speculativam probabilitatem alicujus facti, aut juris, nihil deservire ad praxim, cum potentius jus ipsi resistit.

105 Sed & possessio bonæ fidei duntaxat, cui non contradicunt leges, aut legalis aliqua præsumptio, idem privilegium habet, quamvis circa rei possessæ proprietatem contrariæ opiniones dentur. Nam aliqui iste possessor, non jam probabiliter, sed prorsus certò teneretur restituere medietatem rei litigiosæ creditori probabiliter habenti, & non esset absolvendus, nisi id sponte vellet facere, quia opinio, qua probabiliter censet se à toto excusari, juxta prædictam sententiam respectu medietatis non sufficit. Porro hæc non esse admittenda, si jura sint omnino paria circa proprietatem, si jura non possidentis probabilis, sed rationes convincentes postulari, ut seipsum possidens spoliare teneatur ex toto, vel ex parte dominio rei, quam bona fide possidere cepit, eo caput. 8. constitit, maxime ex numer. 80. atque ita fert Confessariorum praxis. Et sicut nequaquam debet rem sorte decidere, ut cui ea favorit res in integrum adjudicetur, ita nec debet dividere, aut licite potest arrogare sibi auctoritatem disponendi de jure creditoris per divisionem, aut sortem contra ipsius voluntatem. Utique cum res est indivisibilis, ut equus, aut majoratus potius fors congrueret, quam divisio. Neque ullum jus ei concedit electionem retinendi totam rem, & dandialteri medietatem æstimationi ipsius, aut vice versa, sed hæc omnia; ut juste fiant, mutuo parium consensu debent approbati.

106 Explicatur iterum. Quia nemo potest propria auctoritate subripere possessori bonæ fidei, quod sibi iudex adjudicare non posset, servatis justitiæ legibus, post allegata, & probata omnia fundamenta suæ intentionis. Sed iudex in hoc eventu rei medietatem, aut partem litigiosæ creditori adjudicare non posset. Ergo longè minus creditori ipsi licebit illam sibi occulte adjudicare. Cætera in aperto sunt præter minorem, illa vero ita probatur. Quia ante sententiam circa proprietatem possessor integre manutenendus esset, ut omnia jura proclamant; per sententiam autem res non esset dividenda iudicis auctoritate, stante æquali omnino jure utriusque partis, sed compositio suadenda, aut etiam imperanda, vel potius favendum integrè bonæ fidei possessori,

aut etiam reo, quorum melior est conditio in pari causa. Neque esset æquus iudex, ait Molina tom. 1. tract. 2. de justit. disput. 103. num. 8. qui, in eo eventu jubere rem dividi: neque unquam auditum est, iudicem, qui arbiter non sit, præcepisse, ut is, qui bona fide rem aliquam caput possideret, tam pro quantitate dubii divideret cum adversario, neque jura sonant id ita esse faciendum. Hæc ille, qui apertè loquitur de omni eo dubio, in quo non constat certo, & absque ambiguitate, rem ad alterum, & non ad possiderem pertinere, ut inibi clarè explicat.

107 His addiderim ad compensationem privatam non esse satis, quòd iudex licet posset creditori adjudicare debitum sub opinione positum, sed necessariò requirit, ut facti veritate inspecta id facere teneatur, ita ut aliter decernens committeret apertam injustitiam, hoc enim ratio ipsa postulat, ne in his eventibus incerta semper sint rerum dominia, & infinitus processus occultarum compensationum inter creditorem, ac debitorem credatur posse esse licitus, ut numer. 76. urgebam, & evidenter sequitur ex mente omnium Doctorum ad has compensationes exigentium debitum omnino liquidum, tot eis ipsis asferentibus contrarium non esse probabile, idque denuo confirmante valide decreto Innocentii prout expendimus num. 73. Atqui iudicem, stante æquali probabilitate juris, non teneri rem dividere, immò teneri secundum leges justitiæ totam rem adjudicare possessori bonæ fidei, regula est utriusque juris tradita in caput. Ex litteris. 3. de probationibus. Regul. In par. 65. de regul. juris libr. 6. Regu. In par. 170. ff. de regul. juris, & communiter in praxi recepta, subscriptaque satis frequenti calculo à Theologis, ut cum Valencia, Suarez, Granado, Arriaga, Cominc, Bressero, & plerisque aliis defendit Angelus Bossius p. 1. de consue. tit. 1. num. 516. Gibalinus tom. 2. de negotiation. lib. 6. cap. 3. art. 3. num. 9. Castro Palao tom. 1. disp. 2. de consue. punct. 10. num. 3. Scildere de principiis consue. 11. 2. num. 79. in fin. Honoratus Fabri in apologetico dialog. 2. de opinion. probab. fol. mibi 38. colum. 1.

108 Et quamvis aliter sentiant cum P. Sanchez libr. 2. de matrim. disput. 41. num. 30. multi appellati, strenuèque defensi à Ver-

Verricelli ubi *suprà* quæst. 18. ex nu. 3. non ideo doctrina illorum favet mediz huic opinioni, quam reiicimus, sed contradicit expresse. Nullus namque ex ipsis dixit, iudicem in hoc eventu teneri, aut posse rem litigiosam dividere, sed omnes potius voluerunt, posse adjudicare eam totam illi, qui non possidebat, & in arbitrio ipsius relictum esse, adherere inter æquales opinioni, quam maluerit, & pronunciare contra possessorem, aut contra reum, vel contra quemvis alium, cujus causa favore juris foveret, ut si litiget pro libertate, pro dote, aut aliis id genus. Quocirca frustra indignatur adversus hanc opinionem, eamque reiicere intendit tanquam improbabilem P. Moya in *disla quæst.* 1. à num. 17. Est enim id concedatur, nihil ejus causam promoveat, sed potius evertit. Omnes liquidem tam affirmantes, quam negantes in hoc casu possessori esse favendum, partitioni illi resistunt, quam hic Auctor cum Mercero intentat. Quocirca si est improbabile juxta juris, ac justitiz regulas bonæ fidei possessorem re tota sic controversa posse in judicio spoliari, multo improbabilius erit, tot Doctoribus (quamvis alioqui divisis) unanimiti consensu repugnantibus, saltem medietate illius non solum spoliari posse, sed debere.

109 Accedit specialis ratio. Nam si in casu æqualitatis opinionum res pro medietate dividenda esset, etiam dividenda foret in casu inæqualitatis juxta mutuam proportionem, quam servat probabilitas illarum, nam si qua æquitas in priori eventu æqualem divisionem requirit, eadem in posteriori postulari inæqualitatem, ita scilicet, ut plus adjudicetur ei, cui facti veritate præsupposita, favet major juris probabilitas, minus vero ei, cui minor favet. Porro istud consequens ipsi adversarii non audent admittere, neque ab ullo

admitti valet. Certissimum quippe est possessori bonæ fidei probabilioris juris opinionem pro se habenti absque ulla diminutione totam rem esse applicandam in judicio proprietatis: immo & non possessori contra possessorem, postquam Pontifex damnavit opinionem asserentem licere judici relicta pro libito probabiliori opinione sententiam proferre secundum minus probabilem Sententia autem sic prolata jam incipit esse ex vi illius jus certum, ac prorsus liquidum quod ante ipsam solū erat incertum ac opinabile.

110 Quippe iudex in hoc casu non declarat jus victoris fuisse certum, antequam sententia proferretur, ut evenit quoties victus condemnatur ad expensas litis tanquam litigator temerarius; nec solū dicit jus victoris fuisse probabilis, servata in posterum probabilitate juris contrarii, quia hac ratione lites numquam finirentur, & sententia esset inefficax ad transferendum dominium certum, & indubitabile; sed pro potestate sibi tradita à Republica novum jus victori tribuit, quo anterior victi probabilitas prorsus extinguitur, quin prætextu illius jam possit contradicere, aut ob stare. Quocirca valde est notanda quoad hunc effectum differentia inter iudicem, & alios privatos rectè exposita à Scildere *loca cit.* nu. 80. Iudex quippe per sententiam, quæ non continet errorem intolerabilem, jus certum conferre potest ei, qui non habebat nisi jus probabile, atque ex vi illius ut in re liquida, spoliare bonæ fidei possessorem, quem in lite condemnavit. At verò nullus privatus sua propria auctoritate potest facere de illiquido liquidum, neque certum de opinabili, atque ideo quamvis jus ipsius sit longe probabilius, dum res in eo statu manent, ut manent ante sententiam, neque bonæ fidei possessorem spoliare potest, nec se occultè compensare.

DISSERTATIO XXIV.

DE FURTIS MINUTIS, EORUMQUE restitutione.

Furta minuta vocantur illa, quibus non surripitur summa gravis, ac per se seorsim considerata sufficiens ad peccatum lethale furti, ex.g. acceptio unius assis, que ob parvitatem materiae solum est culpa venialis, & non nisi sub veniali resistendi obligationem inducit. Accidit autem multis, ut paulatim interpolatis his furtis deveniatur ad quantitatem notabilem, qua simul, vel morali quadam continuatione usurpata furto mortali sufficeret, & tunc inspicere oportet, quanta, & qualis obligatio resistendi inde conjungat.

CAPUT PRIMUM.

Proponitur thesis damnata, & multiplex lesio illius.

Illa quidem sic se habet, & est ordine 38. *Nō tenetur quis sub pœna peccati mortalis restituere, quod ablatum est per pauca furta, quantumcumque sit magna summa totalis.* Quo loci statim occurrit mendum fortasse irrepsisse propter incuriam Typographi, & potius legendum esse *parva furta*, quàm *pauca*. Nam de parvis furtis id intelligunt absque ulla hœsitatione expositores omnes: & de parvis non de paucis loquuntur, qui in hoc puncto à recto tramite exorbitasse videntur. Nam quod furta non sint multa, sed pauca, ne apparenter quidem refert ad tollendam restituendi obligationem sub lethali, si unumquodque illorum per se sumptum respicit gravem materiam: unicum enim juxta fidem sufficit ad obligationem gravem, neque ulli Auctori Catholico venire potuit in mentem, illam ex eo capite cessare, quod fiant pauca ejusdem generis. Sin verò singula quæque non nisi parvam materiam respiciunt, eò tandem negotiorum redit, ut parvas inspicatur, non paucitas, aut multitudo furtorum ad obligationem gravem excusandam, aut statuendam. Etenim dum summa gravis ex omnibus simul sumptis conficitur, nil apud Auctores interest, quod paucis vicibus, aut plurimis furtipiatur. Nullusque hucusque somniavit, eandem summam v.g. sex regalium sub lethali

restituendum esse, si octo, aut decem parvis furtis usurpetur, secus vero sit tibus, aut duobus.

2 Quapropter potius videbitur legendum *parva*, quam *pauca* ut alia Inferiùs ostendent. Interest autem quamplurimi ad Pontificii decreti effectus, ac vim capiendam, utro ex his modis legatur. Nam thesis in eo contenta solum sunt proscrip̃tæ, ut jacent. Qui autem diceret, sermonem esse præcisè de paucis furtis absque restrictione ad parva, consequenter subinserir̃et de parvis, eorumque restitutione nihil esse specialiter dispositum, nil præceptum, nil prohibitum sub excommunicatione reservata, sed attentæ vi decreti omnia eò spectantia mansisse in statu quo antea erant. Porro ibi legendum esse *pauca*, & non *parva* inde conicitur, quod ita habetur in edicto Inquisitionis Hispanæ, ubi Pontificium decretum D. Inquisitioni Generali communicatum per manus Illustrissimi Nuncii Apostolici, & ad litteram inseritur, & omnibus intimatur. Habeo autem illud authenticum, & præ oculis, dum hæc scribo. Eidem autem conformatur aliud trasumptum Decreti impressum in Typographia Rev. Cameræ Apostolicæ, eo ipso anno, quo decretum prodit, & ad me Roma transmissum; necnon & altera editio Taurinensis, eodem anno, ac aliæ omnes, quæ vulgò circumferuntur. Auctores quoque ex professo incumbentes huic operi, sicut Lumbier, Torrecilla, Pisani, Sădzus, & Martinus Brezmes *pauca* legunt, & non *parva*, ipsosque Cyrillus Rubeus imitatur *lib. de morientium electos. art. 1. §. 33. fol. mibi 239. colum. 2.*

3 Oblat tamen ex adverso, quod thesis relata, & delata ad S. Sedem *parva* scribit, & non

non

non *pauca*, ut mihi constat ex delatione ipsa manuscripta, & in aliis omnibus transcripta valde fideliter, quam eo tempore sum nactus, & omnibus potest patere ex *specimine Theologicæ manantis per Belgium. p. 4. v. 9. §. 1.* quod tunc temporis in lucem prodiiit, & totâ hujus delationis litteram, & causas detegit. Constat insuper, Academiam Lovaniensem, ex qua delatio promana vit, ad instâciam Archiepiscopi Mechliniensis examinasse inter alias istam thesîm (quæ fuit ordine 16.) sub termino parvitatîs, ac censuisse eam esse prohibendam, nec in praxi tolerandam. Quam celsuram idem Archiepiscopus Romam transmisit ad Eminentissimos Cardinales Inquisitionis præfatos per litteras Bruxellis datas die 17. Julii 1654. quas lector apud Fagnanum inveniet. *1. p. in 1. Decret. in cap. Ne innitatis de constitut. num. 337.* ut eorum auctoritate prohiberetur thesîs in illa notata. Porro incredibile est, S. Congregationem, Summumque Pöfificem mutasse in aliam diversam doctrinam sibi delatam, & cû illa de solis parvis furtis loqueretur, & de his tantum esset consultatio, loco parvorum *pauca* sufficere, ut alteri quæstioni responderet à nemine excitata, ea prætermissa, quæ sola delatores offendebar. Et cum nullam ex thesibus delatis immutaverit, sed de his omnibus censuerit, ut jacebant, quo pacto suaderi poterit, circa hanc unam istylum immutasse, & examen adeo exactum instituisse de re nunquam controversa.

4 Ad hæc Pontifex, ut patet ex proemio utriusque decreti, nō jussit examinare, neque condemnare intendit assertiones inauditas, sed eas solum, quas audiverat, non sine magno mœrore, noviter esse adjuventas, aut de novo suscitatas, cum jam antiquatæ essent. Atqui quod summa quantumcumque magna non sit restituenda sub lethali, eo quod paucis furtis fuerit usurpata, inauditiu profuserat, & juxta dicta adeo absurdum, ut nulli cordato in cogitationem venerit. Quocirca non delatores tantum, à quibus thesîm immediate excepit Sac. Congregatio, & Sedes Apostolica, sed & alii, qui tunc temporis laxas opiniones corroborebant, *parva furtâ legunt, & non pauca*, ut videre est apud Gonet in *dissert. Theolog. de opinion. probab. art. 3. §. 3. prop. 8.* & Sinnichium in *Saule ex reg. cap. 116. pag. 525. col. 2.* Sed & Stephanus Bauni, cui eam laxitatem tribuunt, de parvis furtis disseruit, non de paucis, ac simi-

liter Auctores alii, quibus videri potuit adscribenda.

5 Quare omnibus pensatis, aut dicendum est, errorem Typographicum fortè irrepressibilem in prima Decreti editione, quæ fuit aliarum exemplar, & loco illius vocis *pauca* reponendum esse *parva*: aut si vulgatam lectionem retinere placeat, dictio *pauca*, sic erit exponenda, ut parvitatî æquivaleat, & furta pauca dicantur, quamvis alioqui sint plurima, ob paucitatem materiæ respondentis unicuique ipsorum, sicuti parva dicuntur ob illius parvitatem, licet aliâ in magnam summam coalescant. Et quamvis prædicta acceptio minus propria videatur, prorsus necessaria apparet, ut damnatio delationis corresponderet, & scopo, quem sibi Pontifex in illa præfixit, ac tot aliis circumstantiis, quas in favorem parvitatî expendimus. Juvatque maxime, ut diximus, hoc sensu Decretum accepisse expositores omnes tametsi uniformiter nō parva, sed pauca, & quamvis ex ipsis nullus difficultatem attingit, nemo dubitat de parvis illud esse intelligendum.

6 Erit igitur hujusmodi thesîs damnata in se, aut in æquipollenti: *Non tenetur quis sub pœna peccati mortalis restituere, quod ablatum est per parvum furtum, quantumcumque sit magna summa totalis.* Illam tribuunt P. Bauni in *summa peccat. pag. 220.* Gonet, & Sinnichius *suprà*, sed absque ullo fundamento, ut jam ante me adnotarunt Guilielmus le Maire in *statera Saulis exregis. sect. 1. cap. 13. num. 179.* Uvillhelmus Sandeus in *confutat. trium viror. pag. mibi 249.* & Synopsis ipsa Belgica loco nuper consignato. Auctor, & assertor ejus fuit Berarducius in *summa Corona. p. 1. cap. 1. n. 28.* quem ipsemet Bauni appellat, & impugnar, ubi dicitur assensisse ipsi sententiæ. Eidem tamen nimis favet Navarro *lib. 3. confil. tit. de statu Monach. confil. 3. a num. 27.* dum tradit *veriorum* esse opposita, quam docuerat in *manuali. cap. 17. num. 139.* Favet insuper *lib. 5. confil. 2. de furtis. num. 2.* utrobique *juxta editionem Lugdun. ann. 1594.* Idem probabile dixit, quamvis oppositum teneat Sa verb. *Furtum. nu. 8.* & Didacus de Avendaño in *Thesauro Indico. t. 3. p. 1. n. 611.* neque id improbat Diana *1. p. tr. 6. resol. 34.*

C A P U T II.

Merito thesîm assertam gravi censura esse inusitam ob suam generalitatem.

7 Illa siquidem, ut jacet, est regula universalis negativa obligationis restituti-

di sub lethali, quod ablatum est per parva furtis, quantumcumque sit magna summa totalis ex illis simul sumptis coalescens. Nec distinguit, an parva illa furtis per vices commissa sint ab uno solo ex unius bonis, vel ab uno ex bonis plurium, vel à multis ex unius, aut plurium bonis cum conspiratione aut sine illa; immò neque an fuerint facta intentione perveniendi ad quantitatem notabilem, vel solum ex occasione absque respectu ad futura, sed de omnibus parvis furtis indiscriminatim loquitur, ac decernit in confuso in quantis totali quantitate nullam gravem restituendi obligationem inducere. Negari tamen non potest sæpè sepius in his casibus contrariam regulam currere juxta principia Theologica ex omnium mente certissima, & non neganda absque scandalo pusillorum, ac sapientum. Pusillorum, quia inde accipitur perniciosam facultatem non restituendi suis dominis, quod ab illis constricta sunt: sapientum vero, quia vident exemplo pessimo tradi regulam aperte obliquam, deducentemque ad viam pravam tanquam rectam, & securam, ne à via salutis recedant, qui ei in praxi conformantur. Igitur ob istam causam merito repelli potuit generalis illa propositio tanquam scandalosa, & perniciofa in praxi, ut patebit percurrendo singula hic breviter indicata.

8 Atque in primis quoties parva furtis processerunt ex intentione perveniendi ad quantitatem magnam, nemo dubitare potest, statim ac ea complectur dari obligationem gravem restituendi vero domino, quod ita fuerat ablatum. Et suadetur. Tum ad hominem, quia tota ratio, ob quam Navarrus existimat removeri obligationem gravem, ea est, quia singula furtis sunt solum levia peccata. Atqui in hoc eventu singula à primo usque ad ultimum gravia sunt, ex depravata intentione unde procedunt. Ergo non est, cur ea exequuta, & completa quantitate magna furti, aut damnificationis tollatur gravis obligatio restituendi, à qua solum levis peccatorum excusabat. Tum ex re ipsa. Quia inde oritur aliqua obligatio restituendi alienum sive levis, sive gravis. Levis autem esse nequit, cum quantitas furto ablata magna sit, & ipsæ actiones, quibus tandem fuit completa, sint etiam peccata gravia injustitiæ con-

tra dominum invitam quoad rei substantiam.

9 Rursus quamvis non ex intentione perveniendi ad quantitatem magnam, sed per occasionem, & fragilitate quadam, quispiam ab uno & eodem singillatim pauca suffuretur, quæ multiplicatis vicibus tandem coalescant in summam valde notabilem, certum quoque est inde confurgere obligationem restituendi sub lethali, quamvis dicatur in nullo ex eis furtulis committi grave peccatum. Ita animadvertit P. Salas tom. 2. in 12. tr. 13. disp. 16. nu. 90. vers. *An vero*, atque id negari non posse scribit Card. de Lugo tom. 1. de just. & jur. disp. 16. num. 37. & oppositum esse prorsus improbabile, & à veritate alienum admonerat P. Sanchez lib. 7. in Decalog. cap. 21. num. 3. cui accessit P. Moya 1. p. select. tr. 6. disp. 4. q. 4. num. 3. atque in eo omnes convenire supponit, P. Molina tom. 3. de justit. & jur. tr. 2. disp. 688. num. 2. non diffidente Navarro dicto consil. 2. de furtis. aliam sententiam, cui postremo adhæsit, esse suam particularem, ac repugnantem communi, quam antea sequutus erat.

10 Ex quidem si tota summa per vices ablata extet adhuc apud furem, cum gravis sit, & aliena, cœcus erit, qui non videat restituendam sub lethali vero domino, qui dominium ejus non amisit, eo quod per peccata levia coæservata fuerit simul, sed pro materiæ gravitate recte potest esse graviter invitus circa simultaneam ejus detentionem apud alium, ut invitus esse poterat circa ablationem ipsius. Idem autem juris est, si iste latrunculus summam totalem semel habitam donec, prodigat, aut destruat, quia nemini licet esse liberalem de alieno, & sua fraus nullum excusat. Parique evidentiæ cernitur idem onus furi incumbere, tametsi summam totalem simul, aut sensim expenderit in suum commodum, sic scilicet ut factus sit locupletior, & de suis aliis expendendis tantundem retinet, quantum de alienis consumpsit. Nam certum principium est Theologicè, & juridicè eum, qui bona fide expendit rem alienam, quam putabat esse suam, saltem obligari ad restituendum, quatenus factus est ditior. Si ergo quisquis bona fide, & absque peccato ullo locupletior factus est ex re aliena, ad restitutionem tenetur, & graviter, si
gravis

gravis sit summa apud eum manens, quomodo excusari poterit, qui mala fide eam accepit, & mala fide consumpsit? Quapropter thesis damnata quatenus universalitate sua hos etiam casus amplectitur, & excusat à lethali intolerabilis est, & scandalosa, atque perniciofa ut minimum.

11 Videri autem posset major difficultas, cum res ablata non extat, neque ex ea factus est dicitur, qui illam abstulit minutis furtulis, quorum nullum fuit mortale. Nam in hoc eventu Diana putat, *ea res sol.* 34. cessare debitum grave restituendi, atque illud non esse certum dixit Iacobus Grando 1. 2. *controv.* 6. *tr.* 2. *disp.* 2. n. 49. favetque non parum Lora *tom.* 2. in 1. 2. *disp.* 60. Ratio autem hinc sumi potest, quia obligatio restituendi sub lethali tunc non oritur ex re accepta, quæ ubicunque existit, semper pro domino clamat; periisse namque supponitur absque ullo lucro auferentis, & non extare in se ipsa, neque in lucro æquivalenti subrogato loco illius. Neque item oriri potest ex sola injusta acceptione, cum ponatur, eam non fuisse graviter injustam etiam respectu quantitatis totalis, sed absque ulla culpa gravi subripientis contigisse. Ex levi autem injustitia non resultat obligatio gravis restituendi, quia non restitutum solum est prioris injuriæ prolongata continuatio, & cæteris paribus non peccat minus, qui furatur, quam qui non restituit. Confirmatur. Nam ex gravi damno dato per actionem venialiter injustam absque ullo commodo, aut lucro accipientis debitum restituendi non confurgit, ut videre licet apud Lessium *lib.* 2. *de justis. & jur.* cap. 7. num. 27. & Henriquez *in summa, lib.* 14. cap. 3. num. 1. Non est autem major obligatio reparandi magnum damnum parvis damnificationibus per vices illatum, v. g. conculcando alienas segetes in transitu quotidiano, quam datum a cione unica.

12 Verumtamen huic sententiz nullatenus verificandum puto. Tum ex dictis, quia si tota res ablata semel extitit in potestate furis, tolli nequit gravis obligatio restituendi orta ex ipsamet re accepta, ex eo quod illam destruxerit. Tum præterea, quia esto demus, sermonem esse de actionibus merè damnificativis, qualis est combustio, aut depravatio rei alienæ, non potest negari, ex parvis pluribus contra voluntatem domini iteratis aliquam

obligationem confurgere reparandi damnum ita illatum; jus enim alterius læditur quacumque ex illis, & virtus justitiæ non solum prohibet usurpare sibi bona aliorum, sed etiam nocere ipsis, & facere, ut in bonis minus habeant, quam habere debent attento jure domini. Ergo vel ex parvis illis damnificationibus tot leves obligationes resultant reparandi damnum, quot fuerunt vices, ac peccata levia, quibus id fuit irrogatum, vel non, sed unica gravior successive crescens ex omnibus simul sumptis? Si hoc dicatur, jam habetur intentum. Nam cum damnum simul sumptum magnum sit, atque sufficiens ad obligationem reparandi illud sub lethali, magna quoque, & sub lethali erit obligatio illud respiciens non per partes, sed per modum unius. Si verò eligatur aliud, erit profectò absurdissimum. Damnum enim totum simul manet, quamvis actiones damnificantes transferant, & semper invito domino per intervalla augmentatur, ac cum reliquis moraliter unitur. Quo ergo jure dici potest illud in quantavis magna quantitate non esse reparandum sub lethali, nec tollendam peverentiam ipsius? Aut quomodo excogitabitur, jus domini ad reparationem tanti damni, quantum simul patitur, esse divisum in plura parva jura esse totalia, quin integretur ex omnibus unum jus magni momenti respiciens per modum partis singula damna irrogata, collectionem verò illorum per modum unius totius.

13 Indidem facile solvitur argumentum pro Diana confectum num. 11. responderetur enim gravem obligationem restituendi tunc oriri non ex lucro accipientis, neque ex una, aut alia parva damnificatione injusta, sed ex collectione omnium illarum. Esto namque nulla ex ipsis fuerit peccatum mortale, sed veniale solum ob parvitatem materiz respondentis unicuique ipsarum, adhuc tamen singulæ post se relinquunt obligationem reparandi damnum, quod aliorum reiteratione succrescit, & tandem sit valde grave. Crescente autem damno injusto, etiam crescit pari mensura obligatio reparandi ipsum, & sicut illud de præfenti est magnum, quamvis ex parvis compositum, ita quoque magna est obligatio restituendi proximum suæ indemnitati. Nec levis censeri potest ex eo quod leves sint scorum
sum

sim acceptæ partes, quibus integratur, ita enim ingens acervus pecuniæ leve est pondus ad portandum, leve quoque ad furripendum, si asses singuli inspiciantur; gravissimum verò, si omnes simul succollandi sint, aut suffurandi. Unde quamvis nunquam integretur unum peccatum mortale ex quantacumque multiplicitate venialium, nec tota ipsorum malicia unquam adæquare possit gravis culpæ pravitatem, nihilominus cum materiæ illorum, effectusve ex eis relictæ ita uniuntur, ut ex ipsis refulet aliquid gravi prohibitionē dignum, nemo dubitat ob istam circumstantiam id, quod aliàs leve foret, posse transire in mortale. Non quia ex venialibus mortale fiat, sed quia est ibi novus actus, vel nova restitutionis omīssio cadens in materiam gravem, eique æqualem, seu æquipollentem, quam attingit furtum grave.

14. Ad confirmationem jam constat, quomodo obligatio restituendi sub lethali resultare possit ex parvis injuriis furandi, aut damnificandi, prout etiam animadvertit, ultra alios supra laudatos, ipse Lessius, qui nobis obiciebatur, eo lib. 2. cap. 12. nu. 45. & in casu longè difficiliori idem censent P. Suarez in dicto num. 4. Molina ubi supra, disp. 689. num. 1. Lopez in instruat. cons. p. 1. cap. 93. q. 1. in fin. Raynaudus tom. 14. tr. de monitor. cap. 2. quest. 1. vers. Video. fol. mibi 151. Vasquez, Rebellus, Filliucius, Turrianus, Megala, Bonacina, Azor, Sayrus, uterque Ledesma, & alii Auctores communiter, ut refert, & attestatur Diana p. 2. tr. 17. resol. 41. Tunc scilicet cum non unus, sed plurimi intulerunt grave damnum vineæ alienæ, v. g. unoquoque parum quid comedente, aut suffocante, & singulis inculpabiliter ignorantibus ea ratione tandem damnum grave esse inferendum, vel illud jam esse illatum. Est enim ex ipsis nullus peccavit plusquam venialiter, accipiendo partem suam, singuli tamen postquam jam agnoverunt, aut ignorant culpabiliter ex omnibus collective inspectis graverit damnificari vineæ dominum, juxta hos Auctores tenentur sub mortali ad restitutionem partis suæ, ne alioqui eveniat, ut dominus per injuriam gravissimum damnum patiatur, qualis est devastatio totius vineæ, & nemo illud refarcire debeat sub lethali, etiam postquam consensu sunt ma-

gni damni, aut grandis furti.

15. Et quamvis huic doctrinæ contradicant valde probabiliter Lessius lib. 2. cap. 12. dub. 9. Navarro in man. cap. 17. num. 130. Tannerus, Malderus, & alii relatis Sanchez in Decalog. lib. 7. cap. 21. num. 22. & late, ac optimè Salas ubi supra ex num. 93. addente Diana ubi proxime id esse tutum in praxi, & omnibus affirmantibus singulos quosque in eo eventu ad suæ parvæ partis restitutionem teneri sub veniali, nullum vero sub mortali, idè est, quia nullus ipsorum est causa totalis damni, sed partialis, tam partialitate effectus, quàm partialitate causæ. Quando autem unus, & idem per parva furtiva pervenit ad quantitatem notabilem, ipse est una, & tota causa damni exinde provenientis, & idè non est par ratio, sed gravis obligatio restituendi hic debet agnosci ut certa, quamvis probabiliter in alio casu excludatur, attentis naturis rerum, & dissimilitudine circumstantiarum. Quocirca etsi quisque conservaret apud se eos paucos nummos, aut racemos, quos abstulit ex acervo pecuniæ, vel ex vinea, adhuc nemo teneretur illos restituere sub mortali, seu ratione damni injuste conservati. Non ratione rei retentæ, quæ parva esse præsupponitur. Non ratione damni injustè conservati, quia ex eis nemo grave damnum facit alteri accipiendo, aut retinendo rem parvam ipsius, neque est causa, ut alii id faciant; immò neque ipsis consentit, sive quia inculparè ignorat parva furtiva aliorum, sive quia conficius illorum, nec acceptioni, nec retentioni se immiscet, sed forsan dissentit, & grave damnum alterius non nisi præter, aut contra intentionem suam, ac merè concomitanter concausat. Idipsumque P. Salas supra num. 94. conclus. 4. extendendum etiam censet ad illos, qui solo exemplo abſque cooperatione, fuerunt reliquis occasio furandi, aut non restituendi: adeò ut putet, neque sub veniali eos esse obligatos ad aliorum partes refarciendas, neque enim scandalum obligat, cum soli charitati præjudicat, & justitiam commutativam non lædit.

16. Contingere tamen potest etiam in ista sententia, quam sequitur Card. de Lugo ea disp. 16. num. 55. & mihi verior apparet, ut quamvis nullus graviter peccaverit illa paucâ furripiendo, nihilominus sub peccato gravi ad restitutionem teneatur. Idè etenim

nim accipiendi nullus peccabat lethaliter, quia nemo ipsorum grave damnum fecit per se ipsum, aut per alios, cum ipse parum acceperit, & non fuerit causa aliis faciendi sua parva furta, consilio, auxilio, aut consensu, vel approbatione facti. Ceterum circa omissionem restitutionis debita ab unoquoque sub veniali longe aliter se habere possunt, conspirando scilicet ad invicem ne restitutionem faciant, vel consilio, seu auxilio, aut aliter injuste cooperando ad illam non faciendam. Ex tunc sicut hoc modo accipiendi ab initio lethaliter peccassent, & cum gravi onere restitutionis, sic graviter peccant ejusdem restitutionis omissione, nec jam per accidens, & mere materialiter, sed mutua opera, & consilio injusto per modum unius conservant damnum grave alteri illatum. Unde non mirum si quilibet pro sua virili portione primo loco teneatur ad restitutionem sub lethali, & in aliorum defectu ad totam summam ablatam. Nam aliqui licet sua parva materia apud unumquemque extaret, & mutua conspersione ita tuerint, nihil restituere omnino, à peccato lethali essent immunes, quod nemo audebit somnari.

CAPUT III.

Obliquam esse eorum regulam, qui ex delicto non agnoscunt sine peccato mortali obligationem gravem restituendi.

17 **E**Rgo non est adeo firma, nec adeo sine exceptione tradenda regula illa, qua universim dicitur, *neminem teneri sub mortali restituere illud, quod debet ex mero delicto, injuste acceptione, nisi graviter peccaverit accipiendi, aut damnum dando*. Fallit enim proculdubio in dictis casibus, & aliis multis infra subiiciendis, quos tanquam indubitatos vera Theologia recepit. Unde valde immerito Navarra scripsit lib. 3. de restit. cap. 1. nu. 55. edition. 2. nullum fore, qui vel unicum exemplum prædictæ regulæ contrarium afferat, veriusque reponere possemus, nullum exhiberi posse, unde stabiliri valeat, nisi valde controversum. Omnes enim quotquot scribunt de obligatione restituendi damnum grave ortum ex culpa peccaminosa venialiter, aut nullam obligationem restitutionis

agnoscunt ob imperfectionem actus, qui fuit causa, vel occasio damni, aut gravem esse pronunciant pro materiæ restituendæ gravitate: nullumque invenies, ut reor, nisi forte aliquos innominatos, qui in hoc puncto aliter senserit. Porro in casu, de quo loquimur, ubi singula quæque parva furta, vel actiones damnificantes injuste semiplena deliberatione non fiunt, neque advertentia imperfecta, sed ex sola materiæ parvitate excusantur à mortali, nullo pacto de rectiori valet obligatio restituendi, eaque certa ex eis relicta. At levis esse non potest, cum materia restituenda sub peccato gravis sit, & ex parte sua sufficiens ad obligationem gravem. Restat ergo, ut gravis esse debeat, & sub lethali constringens, quamvis originem duxerit ex peccatis tantum levibus.

18 Vasquez utique, ex quo maximè Navarra profecisse fertur, ab ea regulam longè abest cap. 2. de restit. §. 2. a num. 18. ut ex adverso contendat, damnum grave, quod quis dedit immediate, vel quod noluit præcavere in se, vel in causis suis, cum posset, & ex iustitia deberet illud evitare, integrè esse restituendum, quamvis non nisi veniale peccatum ejus causa, vel occasio fuerit. Neque dubium quin loquatur de obligatione gravi restituendi. Nam semper pariformiter loquitur de obligatione orta ex utrovis peccato, atque ad illam imponendam ex delicto solum postulat voluntarium sufficiens ad imputationem damni, ut damnum est, quod peræque veniali, ac mortali convenit. Atque ideò num. 20. expressè affirmat impertinens esse, quod culpa fuerit mortalis, aut solum venialis. Non esset autem impertinens, si ex damno gravitato cum culpa mortali confurgeret gravis obligatio restituendi; ex dato verò cum sola veniali, non nisi levis duntaxat, ac si damnum foret leve. Eisdem vestigiis insitit cum aliis Luisius Turrianus disp. 1. 1. de just. & jur. dub. 2. num. 11. & clarissimè in utroque evento gravem obligationem agnoscit Gaspar Hurtado tr. de just. & jur. disput. 5. difficult. 1. in fin. Gibalinus lib. 6. de negotiat. cap. 5. art. 3. num. 4.

19 Ab hac igitur sententia, sibi è regione contraria, nil præsidii habere potest regula, quam impugnamus. Sed neque ab alia mitiore, quam Bonacina tueretur disp. 1. de restit. q. 1. punct. 3. §. unico num. 9. affirmans

mansisse communem. *Rebellus lib. 1. de oblig. justit. q. 10. num. 17. Layman lib. 3. sect. 5. tr. 3. p. 1. cap. 6. num. 4.* Existimant namque hi Auctores contra Vasquez, totum damnum datum veniali peccato inad-vertentiz, aut negligentiz ex natura rei non esse restituendum, sed aliquam ejus partem prudenti arbitrio taxandam, habita ratione culpæ, ac damni, & servata proportionem utriusque. Unde, ait Bonacina, aliquando adeo levis esse potest culpa venialis in damno inferendo, ut vix adsit obligatio ad censuram partem restituendam, & ex opposito potest aliquando esse tam gravis intra limites venialis, ut obliget ad decimam; quando vero dubitatur, utrum fuerit mortalis, vel venialis dimidium restitui poterit. Ceterum in hac sententia, satis difficili ad praxim, seponenda est ante omnia pars illa damni, cujus restituendæ nulla datur obligatio si-ve gravis, si-ve levis, & consideranda duntaxat altera pars, quæ relinquitur obnoxia restitutioni, nam ea sola ad præsentem considerationem spectat. Porro si illa parva sit, sua parvitate damnificatorem excusabit ab obligatione restituendi sub lethali: si vero magna, atque de se sufficiens ad obligationem gravem, gravis quoque erit obligatio illam restituendi, quamvis ex peccato veniali duntaxat relicta fuerit. Per se notum namque apparet, illum peccare mortaliter, qui cum restituere debeat sub peccato magnam quantitatem, omittit restitutionem, id ipsumque clariùs patet simili casu proposito in restitutione famæ. Neque id detrectare audent Auctores hujus sententiæ, immò expressè protestantur ibi adesse obligationem restituendi sub lethali, locis antea consignatis *Rebellus, Layman, Gaspar Hurtado, & Bonacina num. 10.*

20 Plus forsitan juvare videbitur opinio, quam in favorem Dianæ proposui *num. 11. in fin.* Sed re accuratius inspecta non juvat, sed potius nocet. Illi siquidem nusquam affirmant sine peccato mortali nunquam dari obligationem restituendi sub lethali ex damno injuste dato, vel ex iniqua acceptione, sed solummodo contendunt ex culpa tantum veniali negligentiz, inadvertentiz, aut semiplenæ deliberationis, secluso speciali pacto, nullam in foro conscientiz relinqui restituendi obligationem. Atque expressius

Theolog. Reform.

aliis *Lessius lib. 2. de justit. l. 9. jur. cap. 7. num. 28.* non contentus verbis generalibus specialiter exclusit in eo eventu obligationem restituendi etiam sub veniali *Trulleno lib. 7. in Decal. cap. 6. dub. 3. num. 12. Filliucius tr. 32. num. 31. Malderus de justit. l. 6. jur. tr. 2. dub. 5. in it. & ex professo Card. de Lugotom. 1. disp. 8. sect. 5.* Atamen inde non sequitur quod intendebat Navarra, sed præcisè, quod ratione solius culpæ venialis admittit in damnificando, nulla omnino relinquantur obligatio restituendi damnum quantumcumque grave, nisi deliberatio intercedat, advertentia, & negligentia ex se ad mortale sufficiens. Quam sententiam in hoc sensu ultra Auctores præcitaros probabilem esse putat, tutamque in praxi *Layman eo num. 4. prope fin. Busembaum in medulla lib. 5. tr. 3. cap. 2. dub. 1. in fin.* eamque sequitur, & vocat communem *P. Sanchez lib. 2. cap. 23. num. 160.* mihi que satis arridet.

21 Quia obligatio restituendi ob vim injuriæ adeo tenuis, ut illam venialem reddat sola parva impuabilitas, non obstante magna gravitate damni, nec gravis esse potest, nec levis. Non gravis. Quia tantum onus poenale, aut quasi poenale, ex bonis propriis luendum, improportionatum est delicto adeo exiguo ex defectu plenæ imputabilitatis, ut non tantum apud homines excusabile reddatur, verum etiam coram Deo excusetur ab inimicitia, & aliis mortalis peccati oneribus. Non levis. Quia materia gravis est, & magna illa inæqualitas, quæ permanere cognoscitur, & per justitiam reducenda esset ad æqualitatem; justitia autem nunquam præcipit restitutionem rei gravis sub peccato tantum levi. Unde neque sub veniali à religione præcipitur adimpletio voti emissi cum deliberatione adeo imperfecta, ut modus ejus non sufficeret ad peccandum lethali-ter, quamvis valde gravis sit voti materia. Et sic justitia ipsa neque sub peccato levi obligat ad donationes, aut contractus semiplene deliberatos implendos, etiam in materia gravi, sed nullam obligationem imponit, cum gravis, quam materia postulabat, immerito imponeretur.

22 Quo concludens in quacumque tandem ex supradictis sententiis concedendam esse obligationem restituendi sub lethali damnum, aut læsionem gravem proxi-

H h mo

mo illatum, quantumvis nullum peccatum mortale in ea inferendum intervenit. Quippe juxta duas priores id est clarum, & receptum ab Auctoribus ipsarum; juxta posteriolem vero id ipsum constat aperte. Quia illa non excusat generaliter omnes contrahentes, aut nocentes graviter solis peccatis venialibus, sed eos tantum, quibus gravis læsio non est planè, plenèque imputabilis ob delicti imperfectionem, sed duntaxat semiplenè; & ideo non curat, utrum damnum fuerit datum unica actione, vel pluribus injustis tantum venialiter, neque ex hoc capite excusationem assumit, sed quamvis unica actione totum damnum irrogatum fuerit, omnem obligationem restituendi summovet sive gravem, sive levem. Inde autem solum colligitur nullam esse obligationem restituendi damnum grave alteri illatum pluribus parvis furtis, aut damnificationibus semiplenè duntaxat deliberatis, aut ex parva quadam negligentia examinandi, vel præcavendi grave periculum damni, quod ex nostris actionibus, aut omissionibus alii imminebat, idque probabiliter admitti potest, ac debet juxta hanc sententiam. Nam si unica actione, aut omissione damnificativa datum, ob imperfectionem ejus, nullam relinquebat restituendi obligationem; à fortiori nullam pariet, cum non unica, sed pluribus ejusdem imperfectionis infertur.

23 Cœterum cum parva furta, seu damna injustè data ex illa advertentia, & negligentia sunt, quæ ex se ad mortale sufficeret, nisi sola materiæ parvitate excusarentur, nulla est ratio, unde excusetur non restitutio à mortali, cum paulatim effe deventum ad quantitatem notabilem. Nam tunc proculdubio manet obligatio restituendi, & singulis furtis augetur, solumque vocari possit in dubium, utrum sit levis vel gravis? At levis esse non potest ob parvitatem materiæ, cum ea gravis supponatur; & ex parte sua sufficiens ad prohibendum sub lethali non restitutionem ejus. Sed nec levis reddi valet ex defectu imputationis, cum non sit semi imputabilis, sed singulæqueque injuriæ, unde coaluit tantum damni, factæ fuerint plena deliberatione, & advertentia sufficiente ad mortale. Restat ergo ut gravis sit, perinde ac si unica actione datum esset totum damnum. Neque enim juvat distinguere, quando cœtera sunt paria,

quod actio sit una, aut multiplex. Et hæc sunt furta illa parva, ex quibus nunquam induci obligationem gravem restituendi putavit thesif damnata, eo quod parva sit materia singulorum, licet tota collectivè inspecta coalescat in grandem summam, talemque, ut si magno aliquo furto tolleretur, proculdubio foret restituenda sub lethali.

24 Nos verò ex adverso asserimus sub lethali restituendam esse tam ratione rei acceptæ, si illa extet in se, aut in æquipollenti, quam ratione actionum injustarum, quæ in ejus ablatione intervenerunt, licet nulla ex eis fuerit mortalis, ut sæpe potest contingere; & propterea idem extendimus, servata eadem proportionem, ad injustitias veniales non lucrosas, sed præcisè damnificativas. Quando autem furtum, aut damnum excusatur à mortali, titulo quodam communi magnis, & parvis, ut evenit, cum ex semiplena solum deliberatione contingunt, tunc dicimus rem esse controversam, posseque defendi utrumlibet absque ulla contraventione ad decretum Pontificium. Quia propositio damnata non coarctabat suam doctrinam ad parva furta semideliberata duntaxat, nec de his agebat, quæ peræque excusarentur, quamvis essent magna; sed de illis, quæ venialia esse intelliguntur ob differentiam parvi à magno, licet ad mortale nil deficeret ex parte advertentiæ, ac modi, quo de factis sunt patrata. Excusatio autem accepta ex imperfecto illo modo agendi, à mortali etiam excusat magna furta, & magna damna, etsi unica actione fiant, ut si quis occidat hominem, vel rem magni pretii rapiat per motum secundo primum.

25 Ac similis imperfectio potest contingere pariter ex inconsideratione, aut errore venialiter solum culpabili contra virtutem justitiæ, ut si quis alienam domum evertat, existimando esse suam, per errorem, in quem incidit, facta quidem diligentia comperendi veritatem, at non tota, quam faceret tenebatur, ut alterius damnum præcaveret, sed solum ferè tota, ac prope integra duntaxat: vel si non nihil debet circumspicionis omiserit, aut ex ferè naturali oblivione majorem non adhibuerit, ne forte ex periculosa sua omissione, seu actione damnum alii resuleret. Et universum quoties damnum grave sive à nobis immediatè datum, sive à nostris servis, ovis, aut aliis anima-

animalibus, non venerit, nisi ex adeo parva negligentia præcavendi ejus periculum, ut solum excludat aliquam exiguam partem diligentie debite ex justitia, & cum se re plena, ac integra diligentia componatur, tunc venialis solum erit, quia in negligentia sua parvitas excusans à mortali admitti debet, ut communiter admittitur serè in reliquis peccatis.

26 Consulto autem sum loquutus de omissione diligentie debite in foro conscientie, non determinando qualem, vel quantum, quia non semper par diligentia debetur; neque par culpa civilis imputatur ad peccatum, sed pro diversitate officii, vel contractus valde Inæqualis diligentia debetur, neque semper ejus obligatio ad forum conscientie spectat, sed in foro externo sistit, ubi sæpe ex conjecturis, aut præsumptionibus agitur, & propterea nomen culpæ latæ, levis, aut levissimæ longe alio sensu apud Juristas accipitur, quam apud Theologos capitur. Illis enim culpa est omnis ea actio, aut omisso diligentie, unde aliquod damnum sequitur, sive ut ipsi communiter loquuntur, & in idem tandem recidit, omnis deviatio ab illo bono, quod per diligentiam hominis potuit prævideri: his vero, quodvis peccatum tam mortale, quam veniale, seu quæcumque deviatio à bono rationis rectæ. Unde omnes Auctores notant, culpam, quam vocant juridicam, inveniri sæpè sæpius absque ulla culpa Theologica. Vel quia diligentia omittitur, ad quam homo non tenetur jure naturali, aut positivo, qualis ordinariè est summa possibilis, sed suo muneri satisfactæ, adhibendo illam mediocrem, quam homines frugi, ac cordati circa bona sua solent adhibere. Vel quia ignorantia invincibilis facti, aut juris obligantis in conscientia ex vi officii, seu contractus ad hunc, aut illum diligentie modum negligentiam ei oppositam excusat à peccato imputabili apud Deum.

27 Certum est autem, nullam culpam sive latam, sive levem inducere obligationem restituendi ex delicto damni injustè dati, si merè civilis sit contra officium, aut contractum, & nullum in ea peccatum Theologicè, ac proprietate verè injustitiæ intervenierit. Quæsitio vero peculiaris, & propria hujus loci est, num peccatum negligentia debeat esse mortale, ut ratione sui

inducat obligationem restituendi, vel an potius, veniale solum sit satis ad eandem obligationem in foro poli inducendam? Non enim desunt, qui affirmant id mortale esse debere, ut Card. Toletus in *instruptione Sacerdotum*, lib. 5. cap. 18. & ante ipsum Soto lib. 4. de just. & jur. q. 7. art. 2. ante solut. argument. fol. mibi 342. loquens expressius de contractu commodati, ubi major difficultas erat: *Crediderim*, inquit, *in foro conscientie levem culpam commodarii non obligare eum ad restitutionem, nisi sit mortalis apud Deum. Nam à venialibus vix homo liberari potest, quare propter illas non est homo tanta pena plendus.* Et pluribus relatis Henriquez in *summa*, lib. 14. cap. 15. in fin. adjungens *sitt. 3.* esse communem recentiorum Theologorum, & addens contrarium sentientes ita limitandos esse, ut pro solo foro externo locum habeat eorum placitum, & non pro foro conscientie.

28 Attamen sententia ista adeo generaliter prolata haudquaquam probari debet. Nam sicut ex multis furtis, aut damnificationibus extra officium, aut contractum plena deliberatione contra justitiam commissis, oritur gravis obligatio restituendi ex radice injustæ actionis, eam ad magnam furti, aut damni quantitatem pervenit, esto nulla ex eis mortalis fuerit, idque omnium serè sententia sancitum erat, ut vidimus, ante Innocentii decretum, ita ex multis negligentis venialiter peccaminosis duntaxat, ratione officii, aut contractus, consimilis obligatio consurgere valet, ac debet. Contingere namque potest, ac contigit sæpè sæpius, ut magna incuria alicujus, qui illam vitare debebat ex officio, seu contractu, sit causa, vel occasio parvi damni, ex. g. quia res deposita exigui valoris perit, aut aliquantulum fuit facta deterior apud depositarium, nulla diligentia adhibita ad illius præservationem, vel adeo parva, ut ne quidè ad eam mediocrem accedat, cujus paulò antea meminimus, & tunc indubitatum apparet, eam culpam esse venialem coram Deo propter parvitatem damni, & restituendi obligationem solum sub veniali relinquere, licet damnum datum fuerit ex gravi culpa juridica, hoc est illa omissione diligentie, seu incuria, quam Juristæ culpam latam communi consensu appellant. Ergo si similia damna,

& similes negligentiz repetantur sine peccato mortali usque ad magnam damni quantitatem, jam consurget obligatio reparandi illud sub lethali ex radice injustiz actionis, veta pariter in parvis furtis, & quibusque aliis damnificationibus venialiter injustis deneganda esset. Idemque censere oportet, quamvis non tanta negligentia in damno dato intervenerit, sed ea solum, quæ sufficeret, juxta leges peculiares culparum officii, vel contractus, ad culpam lethalem, nisi parvitate damni excusaretur.

29 Jam verò cum grave est damnum, inspicendum est quam diligentiam homo ad illud evitandum exhibere teneatur, & an ad illam præstandam obligetur sub peccato, vel non, sed solum sub onere reparandi damnum datum omissione talis diligentiz? Nam si primo modo debeat eam prestare ex jure naturali, aut positivo, obligatio erit Theologica; sin vero secundo tantum, non Theologica, sed mere civilis erit. V. gr. commodatarium teneri non solum ad diligentiam communem, cujus omissio vocatur civiliter culpa lata, sed etiam ad aliam majorem, qua cautissimi, ac vigilantissimi rebus propriis providere solent, recepta doctrina est, atque ideo dicitur, ipsum teneri ad reparationem damni non tantum ex dolo, vel ex culpa lata, verum etiam ex levissima. Nam culpa juridica levissima ea negligentia appellatur, qua prætermittitur exactissima illa diligentia; levis vero ea, qua omittitur, quam cautions, ac circumspectores aliis, solent exhibere. Quæritur ergo, an sub peccato tantam diligentiam adhibere debeat, ne res magni pretii sibi commodata, aut peccet omnino, aut graviter deterioretur? Vel non, sed solum sub poena restituendi dominum suæ indemnitati, nam hoc onus recte potest civiliter dici poena, cum civili culpa correspondeat, quamvis Theologica desit.

30 Etenim si nullo jure naturali, aut positivo ad tantam diligentiam obligatur sub peccato, qui rem commodato accipit, obligatio illam præstandi non Theologica, sed mere civilis erit, sicut & culpa commissa in ejus præmissione. Quo etiam fiet, ut obligatio reparandi grave damnum, quod ex illa resultavit, non sit ex culpa injustiz, seu veniali, seu mortali, neque ex culpa suapte natura inducente ne-

cessario ejusmodi obligationem (nam ea non inducitur, ubi omnis prorsus injustitia defuit) sed ex lege positiva, quæ eam induxit, ex naturali congruentia, in contractu commodati, ac aliis, qui in solius accipientis utilitatem exercentur. Porro leges, quæ non obligant sub peccato ad actum, sed tantummodo sub poena, aut certo aliquo gravamine in casu contraventionis, raro sunt lætæ sententiæ, & nunquam ante illam obligant, nisi id expriment clarissimis verbis. Hæc autem expressio deficit in legibus obligantibus commodatarios ad reparationem damni dati rebus sibi commodatis ob culpam juridicam levem, aut levissimam, & quod hinc sequitur, nunquam ad illius reparationem tenebuntur etiam in foro conscientiz ante sententiam prolatam, si verum est eas non obligare sub peccato ad eas culpas evitandas, sed solum ad restitutionem damni in casu, quo non videntur.

31 Quod si ex opposito velis, commodatarium, ac reliquos, qui ratione officii, seu contractus dicuntur teneri ex culpa juridica non solum lata, sed etiam levi, aut levissima, in foro conscientiz obligari ex justitia ad illam exactissimam diligentiam præstandam, qua ejusmodi culpæ secludantur, tunc utique si illam non præsterint, & ideo res pereat, vel notabiliter deterior fiat, ex radice injustæ damnificationis ad restitutionem sub mortali tenebuntur ipso facto, absque ullo novo præcepto, declaratione, aut sententia; nam id generale est perse loquendo, quoties vi actionis, aut omissionis injuste proximus in rebus suis graviter damnificatur. Neque id absque peccato mortali continget. Nam ea ipsa culpa juridica, quæ comparatione doli, aut culpæ lætæ dicitur levissima, aut levis in ratione negligentiz, in ratione injustitiz, culpæque Theologicæ non est levis, sed lethalis, & lege graviter obligante prohibetur ob magnitudinem damni ab ea imminens, peculiaremque necessitatem evitandi ipsam, ac præstandi oppositam diligentiam in eo officio, vel contractu. Si vero eveniat per accidens, ut ea ipsa culpa juridica, quæ alioquin mortalis esset, excusatur à mortali ob semiplenam liberationem, aut ignorantiam venialem periculi, aut obligationis, diversa erit resolutio circa obligationem gravem resti-

restituendi damnum totum, vel ex parte, vel fortasse nihil, juxta diversitatem sententiarum, quas cum Auctoribus suis à nu. 18. consignavimus.

32. Pendet igitur, ut vidimus, ex modo obligandi sub peccato, vel sub pœna solum ad præstandam diligentiam proportionatam unicuique officio, vel contractui, modus obligationis, quæ contrahitur ex omissione ejusdem diligentiae, ad reparationem damni subsequenti ex illa. Quo autem pacto, & quam lege, positiva, aut naturali, introducta sit in singulis obligatio præstandi diligentiam, & quantam, ex. g. in officio Medici, Confessarii, Judicis, Advocati, Pastoris, aut Custodis vinearum, vel in contractu depositi, pignoris, commodati, vel precarii, non est hujus loci disputare. In genere autem loquendo satis probabile apparet Lessio, & aliis scriptoribus ex sola lege naturali in officiis, aut contractibus nullum teneri ex justitia ad majorem diligentiam præstandam in avertendo alterius damnum, quàm ordinariam, ac mediocrem cujus omissione incurritur culpa juridica lata. Satis namque esse videtur, si in officio, aut re sibi commendata quivis prudenter, ac diligenter se gerat ex more communis aliorum, quamvis neque extraordinariam curam habeat, nec vigilantissimè operetur, nisi id fortè specialiter promissit, sequæ ad illud voluerit obligare, sicut se obligare potest etiam ad casus merè fortuitos, & suscipere periculum tam damnorum casualium, quàm expertum omnis culpæ. Non ergo jure naturæ contra justitiam peccabit, vel ad restitutionem tenebitur ex culpa levi, aut levissima.

33. Utrum autem saltem teneatur vilegum positivorum præscribentium, ut in certis officiis, aut contractibus ex hisce culpis aliqui obligentur ad reparationem damni,

valde incertum est. Nam Socus, & alii appellati num. 27. quorum opinionem Lessius non improbabilem duxit in *disso. cap. 7. num. 43.* & valde probabilem Azor agens de custodia, quam debet præstare conductor 3. *p. lib. 8. cap. 7. de locat. q. 3. fin. fol. mibi 578.* putant ejusmodi leges non obligare ex justitia neque sub pœna peccati ad extraordinariam illam diligentiam, cujus prætermissione contrahitur culpa juridica levis, aut etiam levissima, sed esse purè pœnales, aut quasi pœnales, & ex illis, quæ ante sententiam non obligant in foro conscientie ad subeundam pœnam illam, seu gravamen, quod ex vi ipsarum injungitur. Qui autem hoc modo opinantur, consequenter debent dicere, neque ex jure positivo contra justitiam peccare eos, qui in contractu, aut officio juridica incuria levissima, aut etiam levi sunt causa, vel occasio alieni damni; & quod exinde continenti filo trahitur, neque ex vi actionis, aut omissionis injustæ illos in foro conscientie ad restitutionem obligari. Obligantur autem per sententiam ad reparationem damni in quibusdam officiis, aut contractibus (ut omittam alia exempla) sicut obligatur juvenis ad dotandam puellam, quam volentem defloravit, non quia peccatum injustitiæ adversus illam commiserit, sed quia bono communi id exigente positivis legibus ita disponitur, ut damno integritati amissæ, aliisque incommodis ejus hac ratione consulatur. Unde talis reparatio in rigore non est restitutio damni, cum non supponat injuriam, seu culpam injustitiæ Theologicam, nec ratione illius inferatur: pœna tamen dici potest, & ipsamet lex pœnalis, quia imponitur ratione culpæ juridicæ eamque connotat, & sicut ex culpis aliæ Theologicæ sunt, aliæ juridicæ, ita pœnæ pariter dividi valent.



I N D E X

DISSERTATIONUM, QUÆSTIONUM, ET CAPITUM.

P Rocemiales Quæstiones.	Pag. 6
Quæstio prima dividens decreta in suas partes.	6
Quæst. II. Quid significetur, cum propositiones istæ, ut scandalosæ, damnantur?	7
Quæst. III. Quidnam propriè sit, hæc doctrinas perniciosas esse in praxi?	10
Quæst. IV. Utrum Pontifex declaret, has propositiones esse propriè scandalosas, vel potius illas reprobet, ac si essent tales?	11
Quæst. V. Utrum decretum hoc sit decisivum, vel interlocutorium, & pronunciantur?	12
Quæst. VI. An istæ propositiones condemnatæ sint ut falsæ?	13
Quæst. VII. Conferuntur inter se harum thesium damnatio, atque prohibitio.	16
Quæst. VIII. Qua potestate, seu auctoritate utantur Summi Præfules in his decretis?	20
Quæst. IX. Utrum decreta ista orta fuerint ex sola legislativa potestate?	20
Quæst. X. An istiusmodi decreta ut merè declarativa possint esse leges propriè tales?	23
Quæst. XI. An & quomodo condemnatio istarum thesium ad præterita extendatur?	24
Quæst. XII. Quid tandem sit istiusmodi condemnatio, & quomodo comparetur ad eam, qua Clemens VIII. confessionem in absentia factam reprobavit?	26
Quæst. XIII. Utrum Pontifex errare possit in his censuris ferendis, approbando tanquam licitum aliquid juri Divino, vel naturali contrarium?	28
Quæst. XIV. Quanta certitudine tenendum sit, Pontificem non errare in his censuris, neque in prohibitionibus, præceptisque adjunctis?	31
Quæst. XV. Utrum prædicta decreta ab aliis saltem Pontificibus retractari valeant?	35
Quæst. XVI. Utrum Pontifices circa decreta morum aliquando disenserint, vel aliorum responsa revocaverint?	37

Quæst. XVII. Quibus signis colligatur, quæ decreta sint de fide, quæ autem minus certa, & quousque nonnulla fallitas in eis possit inveniri?	39
Quæst. XVIII. Utrum hæc decreta facta sint ex Cathedra?	41
Quæst. XIX. Quo titulo, quantaque infallibilitate emanaverint ex Cathedra Apostolica hæc decreta?	44
Quæst. XX. Quo genere peccati delinquant, qui tradit, aut docet propositiones ab his Pontificibus damnatas?	50

DISSERTATIO I.

Circa primam propositionem ab Innocentio damnatam.

C Apud primum. Legimus propositionis sensus.	51
Cap. II. Propositionem exhibitam jure optimo esse damnatam propter diminutam exceptionem, quæ in priori parte illius continetur.	54
Cap. III. Proponuntur alii casus certè illiciti ob periculum, & nullatenus excepti in assertionem prohibita.	57
Cap. IV. De Ecclesiæ consuetudine, & aliis exceptionibus in propositione damnata immeritò prætermisiss.	59
Cap. V. De usu opinionis probabilis circa valorem Baptismi, Sacerdotii, vel Episcopatus.	62
Cap. VI. Quando liceat conferenti Sacramenta sequi opinionem probabilem circa valorem ipsorum, & tutiorem relinquere?	65
Cap. VII. Num, stante hoc decreto, liceat uti opinione probabili circa jurisdictionem, & alia, quæ ad valorem Sacramenti ex dispositione Ecclesiæ requiruntur?	68
Cap. VIII. Nostrium judicium.	70
Cap. IX. Concluditur, non omnia, quæ in hoc genere putari possunt illicita, esse prohibita, aut damnata vi Pontifici decreti.	75

Questionum, & Capitulorum.

DISSERTATIO II.

De opinione Judicis.

- C**ap. I. Status questionis ante decretum Innocentii. 76
Cap. II. Status questionis post decretum Innocentii. 79
Cap. III. An contra decretum Pontificium poposita argumenta retorqueri valeant? 82
Cap. IV. Etsi cetera sint paria, & questio solius juris, adhuc probabile non est, iudices posse liberè, ac licitè lites decidere secundum opinionem minus probabilem. 84
Cap. V. Refellendo contraria fundamenta censura Pontificia comprobatur: ubi de opinionibus penitentis, & Confessorii. 87
Cap. VI. Varie questiones ad uberiores lucem decreti Pontificii. 89
Cap. VII. Quousque iudicibus liceat iudicare ex opinione aliena, & quomodo in isto casu propriam deponere debeant? 93
Cap. VIII. Utrum in favore matrimonii liceat iudici, relicta probabiliiori opinione, iudicare secundum minus probabilem? 95
Cap. IX. De iudice circa valorem matrimonii odiosi Ecclesie. 101

DISSERTATIO III.

De tenui probabilitate ad propositionem tertiam Innocentii.

- C**ap. I. Precipuus propositionis sensus, & iusta illius confixio demonstratur. 105
Cap. II. An quisquis tenui aliqua probabilitate, sive extrinseca, sive intrinseca, confusus aliquid agit, semper prudenter agat? 109
Cap. III. Quando, & quomodo inter tennes numerari debeant probabilitas minima, dubia, aut opinabilis? 112
Cap. IV. Continuatio, ubi de tenui assensu. 115
Cap. V. De opinione probabiliter probabili. 117
Cap. VI. Quali, & quanta certitudine opinionum probabilitas constare debeat, ut ei fidere possimus, & quomodo haberi valeat? 119

DISSERTATIO IV.

Circa propositionem quartam Innocentii.

- C**ap. I. Exhibetur propositio damnata, & ejus Auctor, ac sensus, & ex Angelico Doctore profligatur. 124
Cap. II. Propositionem damnatam, quoad suppositum scandalosam esse, & perniciosam in praxi. 126
Cap. III. Utrum infidelis, cui proponitur fides vera tanquam manifestè probabilior omnibus sectis contrariis, ab infidelitate excusetur, si statim non credat, sed in sua secta permaneat? 128
Cap. IV. Noticiam revelationis Divine probabilem, ac formidolosam non sufficere ad credendum fide salutari, ac Theologica. 132
Cap. V. Utrum liceat in materia fidei sequi quancumque ex contrariis opinionibus certò probabilibus? 135
Cap. VI. Obiectio pro obligatione sequendi hac in re tutiorem partem, & uberior prædictorum confirmatio. 139

DISSERTATIO V.

De præcepto affirmativo diligendi Deum.

- C**ap. I. An peccet mortaliter, qui actum dilectionis Dei semel tantum in vita eliceret? 145
Cap. II. An præceptum Divine dilectionis per se obliget, saltem quinto quoque anno? 147
Cap. III. Quo primùm tempore, vel circumstantiis obliget præceptum istud? 149
Cap. IV. De obligatione diligendi Deum in periculo, aut extremo vix. 151
Cap. V. An præceptum charitatis erga Deum tunc solum obliget, quando temeremur justificari, & non habemus aliam viam, qua justificari possimus? 155
Cap. VI. Vindicantur Azorius, & Tamburinus. 158

DISSERTATIO VI.

De usu cibi, atque conjugii ob solam delectationem.

- C**ap. I. Iusta confixio propositionis octavæ. 159
Cap. II.

Index Dissertationum.

Cap.II. Utrum opus conjugii ob solam voluptatem exercitum omni penitus culpa careat? 162

Cap.III. Qua temperantiz mensura discernendus sit usus conjugii honestus à vitioso, seu moderatus ab immoderato? 166

Cap.IV. Utrum opus conjugii, alioqui honestum, aut licitum, vitietur, si ab operante propter solam voluptatem de facto exerceatur? 169

DISSERTATIO VII.

De dilectione proximi.

Cap.I. An detur præceptum diligendi proximum actu interno, & formali, vel satis sint soli externi? 173

Cap.II. Variæ quæstiones ad uberiores claritatem prædictorum. 177

Cap.III. Perficitur totus discursus. 181

Cap.IV. De charitate exercenda circa proximum per elemosynas collatas ex superfluo status. 183

DISSERTATIO VIII.

De odio vitæ proximi.

Cap.I. An liceat alterius mortem optare, vel de ea gaudere ob temporale aliquod emolumentum inde à nobis reportandum? 190

Cap.II. Quando liceat mortem alterius optare? 193

Cap.III. An sit peccatum mortale tristari de vita alterius, aut de illius morte naturali gaudere, vel eam petere, & desiderare non ex odio, sed ob aliquod temporale emolumentum? 195

Cap.IV. Utrum sit licitum filio gaudere de parricidio parentis æt in ebrietate perpetrato propter ingentes divitias inde ex hereditate consequutas? 199

Cap.V. Dissolvuntur argumenta contra doctrinam propositam. 203

Cap.VI. Quando liceat propriam mortem petere, aut desiderare? 206

Cap.VII. De desiderio, aut petitione mortis ob leves afflictiones, aut calamitates. 209

DISSERTATIO IX.

De præceptis Fidei.

Cap.I. Utrum Fides cadat sub præceptum speciale, & secundum se? 213

Cap.II. An sit factus actum Fidei semel in vita elicere? 216

Cap.III. De præcepto non tacendi sed confitendi suam Fidem, si à potestate publica quis interrogetur. 220

Cap.IV. Argumenta contraria dispelluntur. 223

DISSERTATIO X.

De certitudine Fidei.

Cap.I. Utrum voluntas possit efficere, ut assensus Fidei in se ipso sit magis firmus, quàm mereatur pondus rationum ad assensum impellentium? 226

Cap.II. An possit aliquis prudenter repudiare assensum supernaturalem, quem habebat? 229

Cap.III. Utrum assensus Fidei supernaturalis, & utilis ad salutem stet cum notitia solum probabili revelationis; immo cum formidine, qua quis formidet, ne non sit loquutus Deus? 232

Cap.IV. Ueberior prædictorum confirmatio. 235

DISSERTATIO XI.

De necessitate Fidei.

Cap.I. An Fides explicita Dei ut remuneratoris necessaria sit necessitate medii ad gratiam justificationis propriis actibus in hac vita comparandam? 237

Cap.II. Authores, & argumenta. 240

Cap.III. Solutio mihi verior, & exactior. 242

Cap.IV. De necessitate Fidei strictæ ad justificationem. 244

DISSERTATIO XII.

De mendaci, & falso juramento.

Cap.I. An sit peccatum mortale Deum invocare in testem mendacii levis? 246

Cap.II.

Quæstionum, & capitulum.

Cap. II. Quare in iuramentis promissio rei illicitæ detur parvitas maritæ; non autem in assertoris mendaciis? 251

Cap. III. Utrum cum causa licita sit jurare sine animo jurandi, si res sit levis, si ve gravis? 254

Cap. IV. Quæ gravitatis peccatum sit jurare falsum absque intentione jurandi? 256

Cap. V. Quale peccatum sit jurare verum absque intentione jurandi? 257

Cap. VI. Dubia quædam circa sensum damnationis Pontificiæ. 259

DISSERTATIO XIII.

De loquutionibus adjecta menti restrictione veris.

Cap. I. Adducitur propositio cum aliquibus præambulis ad usum intelligentiam. 262

Cap. II. An solum damnata sint restrictiones, quæ adduntur verbo *non feci*; præservata verò à damnatione, quæ adduntur verbis *nescio*, vel *non memini*? 263

Cap. III. Prædictam propositionem merito damnatam esse propter illud verbum, *si ve quocumque alio sine*. 265

Cap. IV. Num thesibus proposita idèò damnari meruerit, quia supponit, restrictiones mentales nunquam esse illicitas, nisi ex fine, aut circumstantiis pravis? 268

Cap. V. Utrum restrictiones merè voluntariæ sint peccata opposita virtuti veracitatis? 274

Cap. VI. An mentiatur quisquis utitur restrictionibus internis merè voluntariis? 274

DISSERTATIO XIV.

An sit perjurium jurare cum restrictione mentali?

Cap. I. De perjurio, & falsitate necessaria ad ipsum. 278

Cap. II. Quidnam consequenter affirmare debeant hi, qui consent, nomine perjurii non significari nisi iuramentum falsum? 280

Cap. III. Colligitur ex dictis, thesim, de qua loquimur, meritò fuisse proscriptam propter ea, quæ de perjurio tradit. 283

Cap. IV. Justam quoque damnationem fuisse,

sc, si vox perjurii sumatur pro iuramento deceptivo aliorum. 283

Cap. V. Quid sentiendum sit, si perjurium in sua stricta, & rigore significatione sumatur? 287

DISSERTATIO XV.

Utrum mentalis restrictio possit boniflari ex causa?

Cap. I. Proponitur sententia affirmans. 290

Cap. II. Variis argumentis ab auctoritate ostenditur, adhuc esse probabile, restrictiones mentales ex idonea, ac gravi causa licite posse exerceri in casu necessitatis sine intentione fallendi. 292

Cap. III. Quæ rationes persuadeant, ex causa idonea esse licitum uti verbis, quæ verificantur propter restrictionem tacitam? 295

Cap. IV. Proponitur sententia negans, & expenditur, quo differat ab affirmante. 298

Cap. V. Qua ratione restrictio purè mentalis adhibita ex causa idonea excusari possit à mendacio? 301

Cap. VI. An semper mentatur quisquis dicta sua verificare contendit per restrictionem mentalem? 304

Cap. VII. Cur mendacium nulla ex causa liceat; secus autem loquutio verificata per restrictionem tacitam, occultè prolata? 307

Cap. VIII. Utrum supradictis obstat condemnatio Pontificia? 311

DISSERTATIO XVI.

De causa reddente licitum usum restrictionum mentalium.

Cap. I. Ostenditur, non causam pro causa in hoc puncto sæpius assignatam esse. 313

Cap. II. Quænam causa idonea, atque sufficiens reputari debeat ad praxim licitam restrictionum occultarum? 315

Cap. III. Miscellanea quæstionum. 317

DISSERTATIO XVII.

*De illicito restrictionis usu in juramentis
judicialibus.*

- Cap. I.** Utrum Magistratus munere, aut commendatione promoti id fieri teneantur judici exigenti ab ipsis juramentum? 312
- Cap. II.** Quomodo liceat occulta commendatione, vel munere ad Magistratum promociis, & juramento compulsis crimen suum non manifestare? 322
- Cap. III.** An in nostro casu ad mercedem iudicis respondere teneantur, qui ex vi sui criminis non sunt inhabiles ante sententiam iudicis? 326
- Cap. IV.** Illationes ad plenioris predictorum lucem. 328
- Cap. V.** Aliæ illationes spectantes ad illos, qui interrogati iudicis negant crimina inhabilitantia. 330
- Cap. VI.** Expenditur investiva quædam adversus Card. de Lugo valde immerenter prolata. 332
- Cap. VII.** Enodantur argumenta: & ibi, utrum possit dari bellum ab utraque parte iustum inter iudicem, & reum ob opinioniones contrarias? 336

DISSERTATIO XVIII.

De simulata administratione Sacramentorum.

- Cap. I.** An virgens metus gravis sit causa iusta Sacramentorum administrationem simulandi? 341
- Cap. II.** Utrum aliquando liceat simulare in Sacramentis proferendo verba formæ abque intentione ad illorum valorem necessaria? 344
- Cap. III.** An aliquando metus gravis faciat licitam simulationem in Sacramento matrimonii administrando? 347
- Cap. IV.** Uter plus peccet, qui ex metu irritante simulat, se habere intentionem celebrandi matrimonium, an is, qui verè illam habet? 350
- Cap. V.** An in Sacramentis liceat ratione metus, vel alterius causæ gravis uti verbis formæ in sensu æquivoco, aut occulta restrictione limitatis? 353
- Cap. VI.** Utrum aliquando liceat simulare in Eucharistia, porrigendo hostiam non

- consecratam pro consecrata? 357
- Cap. VII.** Argumentum Sancti Thomæ monstratur vera conclusio. 359
- Cap. VIII.** De Sacerdote, qui simulat, se præbere hostiam consecratam peccatori occulto, & nullam præbet, ut infamiam ejus, & sacrilegam communionem devileet. 362
- Cap. IX.** Execrandæ duæ simulationes spectantes ad Officium Sanctæ Inquisitionis. 366
- Cap. X.** Regule practice circa obligationem denunciandi Confessarios sollicitantes, qui simulant confessionem extra occasionem ipsius. 369

DISSERTATIO XIX.

De homicidiis palliatis.

- Cap. I.** An liceat alios occidere ad præoccupandam calumniam, vel recuperandum honorem amissum a lapa, vel ictu arundinis? 373
- Cap. II.** Utrum liceat interfecitio illius, qui fugit, postquam impegit a lapa, aut fuisse percutit? 478
- Cap. III.** Objectiones ex honore mundialis. 380
- Cap. IV.** Utrum regulariter sit licitum occidere furem pro conservatione unius auri? 384
- Cap. V.** De defensione occisiva eorum, qui nobis impediunt affectionem bonorum, ad quæ jus, aut spem habemus. 388
- Cap. VI.** De spe necessariorum ad vitandam mortem, aut aliud quidpiam morti equiparatum. 391
- Cap. VII.** Utrum mors alterius directè amari possit in supradictis eventibus? 393

DISSERTATIO XX.

De abortu factus inanimati.

- Cap. I.** Utrum liceat procurare abortum ante animationem foetus, ne puella deprehensa gravida occidatur, aut infamet? 395
- Cap. II.** Illicitum esse abigere foetum inanimatum, quamvis aliter vitari nequeat occisio, aut infamia matris. 397
- Cap. III.** Enodantur argumenta opinionum contrariorum: & ibi, an metus infamiae equiparari valeat metui mortis? 400

Cap.

Questionum, & Capitum.

Cap. IV. Utrum impedire liceat conceptionem, aut animationem foetus ad matrem preservandam à morte imminente ex morbo, vel difficultate partus? 403

Cap. V. Occurritur secundae paritati praecedenti capite propositae. 406

Cap. VI. Fit factis duabus aliis paritatibus. 408

DISSERTATIO XXI.

De animatione fetus intra uterum.

Cap. I. Quinam sentiant, foetum, quamdiù in utero est, non informari animam rationali sibi propria, & quibus argumentis id suaderi valeat? 411

Cap. II. Statuitur, sententiam propositam esse scandalosam ut minimum, & perniciosam in praxi. 413

Cap. III. Enodantur rationes dubitandi. 417

Cap. IV. Scandalosè quoque dictum esse, in nullo abortu homicidium committi. 420

Cap. V. Utrum probabiliter dicatur, in omni abortu homicidium perpetrari, & irregularitatem incurrere? 422

Cap. VI. De irregularitate causantis abortum, cum dubitatur, utrum foetus fuerit animatus? 426

DISSERTATIO XXII.

De furtis pauperum

Cap. I. An permixtum sit furari in necessitate gravi, vel extrema? 430

Cap. II. Quibus circumstantiis opus sit, ut abique furto auferatur res aliena, ratione necessitatis? 432

Cap. III. Objectiones. 434

Cap. IV. Quae necessitates in particulari auferant rationem furti? 436

Cap. V. Illationes. 438

Cap. VI. Quousque restituere teneatur, qui debuit, ac noluit indigenti subvenire? 440

DISSERTATIO XXIII.

De oculis compensationibus famulorum.

Cap. I. Affertur thesis damnata, & demonstratur, sanctissime factum esse. 442

Cap. II. Quatenus se occultè compensare possint famuli inservientes certa mercede sibi constituta? 444

Cap. III. An qui vi, aut necessitate adactus pro inaequali mercede famulatur, occulta compensationem possit supplere defectum? 448

Cap. IV. Enodantur argumenta. 450

Cap. V. De inaequali Missarum stipendio, ejusque compensatione occulta. 453

Cap. VI. Quaestio incidens circa facultatem sese compensandi occultè ex stipendiis Missarum pro aliis debitis contrahendis. 456

Cap. VII. Illatio pro Confessariis circa occultas compensationes. sartorum, similiaque officia. 459

Cap. VIII. An famulis, aliisque operariis sufficiat ad compensationem occultam judicium merè probabile de inaequalitate suae mercedis? 462

Cap. IX. De tacta compensatione debiti probabilis ex una parte, & ex alia merè dubiis. 466

Cap. X. Opiniones contrariae proponuntur, & illarum argumenta profligantur. 468

Cap. XI. Monstratur, occultam compensationem ex vi debiti probabilis, etiam pro mercede illius, esse illicitam. 471

DISSERTATIO XXIV.

De furtis minimis, eorumque restitutione.

Cap. I. Proponitur thesis damnata, & multiplex lectio illius. 475

Cap. II. Merito thesım assertam gravi censura esse inusitam ob suam generalitatem. 477

Cap. III. Obliquam esse eorum regulam, qui ex delicto non agnoscunt sine peccato mortali obligationem gravem restituendi. 480

I N D E X

R E R U M N O T A B I L I U M ,

quæ in hoc opere continentur.

Littera Q significat *Quæstiones Præciales*. *D.* *Dissertationem*.
C *Caput*. & *N.* *Numerum marginalem*.

A

A Bortus foetus inanimati definitur. D. 20. c. 1. n. 2. & 3. Quo sensu prohibetur à Pontifice ibi. à n. 4. Licitus non est ad evitandam occisionem, vel infamiam matris. ibi. c. 2. An liceat ad evitandam mortem ex superveniente morbo? ibi. c. 1. n. 5. & c. 4. à n. 34. Non licet ob expertum in partu periculum, sicut nec sterilizatio. ibi. c. 5. Nec item abortus, aut ejectione feminis violentæ suscepti. ibi. c. 6. In gravi periculo abortus non licet copula conjugatis. ibi. n. 50. Removetur circa hoc serupulus. ibi. n. 52. Quid, si patris vita periclitetur? ibi. n. 53. In abortu frequens homicidium. D. 21. c. 4. An semper? ibi. c. 5. Illum procurantem quæ poena decernatur in lege? ibi. c. 2. n. 31. Patientes dant poenas parricidii. ibi. c. 4. n. 39. Cur jure Digestorum exilio solo mulctentur? ibi. n. 39. Foetus animati reservatus intelligitur, homicidio reservato. ibi. n. 37. An in dubio animationis foetus incuratur irregularitas? ibi. c. 6.

Absolutio cum opinione probabili an liceat? D. 1. c. 7. Ea licet. ibi. c. 8. usque ad n. 75. & n. 81.

Actus efficax quomodo distinguatur ab inefficaci? D. 8. c. 4. à n. 34. Adibus externorum sensum sæpe illicitum frui. D. 6. c. 1. Actus conjugii quando licitus, vel illicitus? ibi. c. 2. 3. & 4. Quando item actus aliorum sensuum? ibi. n. 47. Actum fidei semel in vita elicere non sufficit. D. 9. c. 2.

Affectio pia voluntatis ad fidem quomodo constare, & invisi? D. 10. c. 1. n. 10.

Ambiguitas an aliquando liceat interrogato de nostra fide? D. 9. c. 4. n. 41. Ambiguitas, & æquivocus sensus an liceat aliquando in administratione Sacramentorum? D. 18. c. 5.

Amor Dei an semel tantum in vita præcipiatur? D. 5. c. 1. vide *Præceptum*.

Amor amicitie erga Deum plus ex parte

objecti requiritur, quam summam ejus bonitatem. D. 11. c. 3. n. 20. Quid requirat amor benevolentie? ibi. n. 21. Qualis amor complacencia requiratur ad justificationem? ibi. Ad amorem charitatis erga Deum esset necessaria fides remunerationis, ceteri non requireretur actus Spei Theologicæ. ibi. n. 25. Amoris licitus finis an illicite licitum reddat amorem unici mediæ? D. 19. c. 7. n. 68.

Amphibologia illicita, cum ex ea prævidetur inducendus error. D. 13. c. 4. n. 36. vide *Refrectio*.

Angelorum custodia quando incipiat? D. 21. c. 3. n. 32.

Anima non potest informare duas materias adæquatas. D. 21. c. 2. n. 20. An infundatur in primo conceptionis instanti? ibi. c. 5.

Apostata charitatis habitum sine habita fidei retinere possit, aut saltem esse fidelis, & justus, si possit assensum fidei prudenter repudiare. D. 10. c. 2. n. 15.

Approbationes, & reprobationes doctrinarum. Q. 19. à n. 135.

Assensus fidei. vide *Fides*.

Attritio cum Sacramento in lege gratiæ contritionis loco subrogatur. D. 5. c. 4. n. 28. Azor vindicatus. D. 5. c. 6.

B

Bannitis occidere an aliquando liceat privatis, aut illorum filiis? D. 8. c. 4. n. 36.

Baptismus parvulis nondum natis ministrandus. D. 21. c. 7. n. 24. Non sufficit unus pro matre, & ejus prole. ibi. n. 26. Cur informi amoto foetui non administretur? ibi. c. 5. num. 45.

Baumius ab impostura vindicatus. D. 12. c. 1. n. 1.

Bellum an utrumque possit esse justum & nominatum Judicem inter, ac reū? D. 17. c. 7.

Bona Ecclesiasticorum remissive. D. 7. c. 4. n. 50.

Catho-

C

Cathedra, & loqui ex illa. Q. 18.

Castro Palao vindicatur. D. 7. c. 4. n. 38.

Causa dicendi una est ex circumstantiis licitum reddentibus usum restrictionis. D. 15. c. 4. n. 33.

Censuræ doctrinarum variz. Q. 15. n. 99 & q. 19. n. 137.

Certitudo in assensu fidei cum ejusdem intrinseca firmitate recurrit. D. 10. c. 1. n. 3. Moralem certitudinem inducere potest aliquando probabilis opinio. D. 23. c. 9. à n. 86.

Christum D. in utero Virginis hominem fuisse, quàm certum? D. 21. c. 4. n. 38.

Cibi, & potus mensura. D. 6. c. 1.

Circumstantiæ, quæ licitum reddunt usum restrictionum mentalium. D. 15. c. 4. à n. 33. Sensibiles non significant implicitè exercitium actuale loquendi cum restrictione. ibi. n. 37.

Compensatio occulta quàm temerè relinquitur famulorum arbitrio. D. 23. c. 1. In ejus usu nulla formalis differentia inter famulos, & reliquos. ibi. n. 9. An liceat, quando merces conventionem, lege, vel usu taxata est? ibi. c. 2. Justitia mercedis unde sumenda? ibi. à n. 13. An liceat compensatio illi, qui vi, vel necessitate compulsus mercede certò inæquali servit? ibi. c. 3. Ad quem justì pretii gradum tunc pertingi possit? ibi. à n. 28. Qua cessione stipendii reddatur injusta? ibi. & c. 4. An liceat Sacerdoti vi, aut necessitate compulso ad certum Missarum numerum injusto stipendio? ibi. c. 5. An licet tunc fiat, detrahendo è numero Missarum, etiam post Urbani decretum? ibi. à n. 43. Potest aliquando esse illicita, etsi non sit contra justitiam. ibi. n. 50. Quod frequentius accidit in reductione Missarum. ibi. n. 51. Non licet ex stipendio Missarum pro debitis antea contractis. ibi. c. 6. Quid si Sacerdos fidei contrahat? ibi. à n. 58. Illicita Sartoribus ex panni, aut ferici fragmentis. ibi. c. 7. Ad eam non sufficit judicium probabile. ibi. c. 8. Immo nec probabilis. ibi. à n. 77. Liquidum exigit debitum. ibi. c. 10. Et alioqui ne ad medietatem quidem licita. ibi. c. 11. Quid, si creditoris opinio solum habeat contra se dubium, aut improbabilem opinionem debitoris? ibi. c. 9.

Coninck descenditur. D. 7. c. 4. n. 38.

Confessarii, & pœnitentis opiniones. D. 2. c. 5. Confessarius interrogatus de peccato pœnitentis uti potest restrictione. D. 15. c. 3. n. 19. Ob quam confessionis simulationem

denunciandus ad Sacrum Tribunal? D. 18. c. 9. & 10.

Conjux absens an licetè gaudeat de licita præterita copula, vel de habita ante conjugium? D. 8. c. 5. n. 46. Quando licita, vel illicita copula conjugibus? D. 6. c. 2. 3. & 4. An possit conjux debitum petere, vel reddere, cum solum adest opinio de nullitate probabilis; nulla verò de valore matrimonii? D. 23. c. 9. à n. 90. vide *Debitum*.

Consuetudo, & lex comparantur. D. 1. c. 4. à n. 36.

Contritio suppletur in lege gratiæ per attritionem cum Sacramento. D. 5. c. 4. n. 28. Existimatum requiri ad valorem Sacramenti, ut erroneum ab aliis taxatur. ibid. n. 32. An habenda statim de peccato commissio, propter mortis periculum? n. 33. An ejus præcepto fiat satis per dilectionem Dei? D. 7. c. 2. n. 16.

Credere ex toto corde, quid? D. 10. c. 4. nu. 35. Credibilitas fidei, judicata evidens, & voluntati ad imperandum firmius, & intellectioni deservit ad firmius judicandum. ibi. c. 2. n. 18. vide *Fides*.

Culpa lata, levis, & levissima diversimodè à Jurisconsultis, ac à Theologis usurpatur. D. 24. c. 3. n. 26. Qualis inducat obligationem restituendi? ibi. n. 28.

D

Damnatio, & prohibitio istarum propositionum non sunt actus diversi. Q. 7. Damnatio propositionis universalis non est illico damnatio particularium omnium, quæ sub illa continentur. D. 13. c. 1. n. 5. Damnatio unius casus non extenditur cum sua peculiari obligatione, & pœnis ad alios non certò similes. ibi. c. 2. n. 10.

Debitum licetè negatur, ubi mulier timet prudenter mortem, si concipiat. D. 20. c. 4. n. 30. & c. 5. n. 42. Quid, si vitæ discrimen in aliis partibus experta, transeat ad secundas nuptias? ibi. nu. 43. Sæpe reddendum debitum, etiam illi, qui peccat postulando. D. 22. c. 2. n. 10.

Deceptio audientis potest ex causa permitti. D. 15. c. 3. n. 27.

Decreta Alexandri, & Innocentii comparantur. Q. 1. An sint decisiva? Q. 5. Emanant à Pastoralì potestate. Q. 8. Procedunt à potestate non tantum legislativa, sed etiam declarativa. Q. 9. Et sunt verè leges Judicis controversiarum moralium. Q. 10. Videntur non extendi ad præteritum. Q. 11. Per se non exten-

extenduntur; sed iudicio præcedenti, & persuadenti scandalosæ fuisse, aut fore doctrinas illas. Q. 12. An ab alio Pontifice possint retractari? Q. 15. & 16. Quæ, & qualiter decreta sint de fide? Q. 17. An ex Cathedra? Q. 18. Ex quidem ut innixa Deo non ut revelanti eas doctrinas, sed ut dirigenti Pontificem. Q. 19. Decretis damnantibus satisfiat per doctrinam contradictricem. D. 1. c. 9.

Defensio. vide *Occiso*.

Delectatio quando bona, vel mala? D. 6. c. 3. n. 34. & D. 8. c. 5. n. 44.

Desiderare, quod alter careat dignitate, vel honore, an aliquando licitum? D. 8. c. 7. n. 69. Desiderare dignitates an possit licite, qui vovit eas non ambire? D. 8. c. 7. n. 70. vide *Mors. Gaudere. Pollutio*.

Dilectio Dei an semel tantum in vita obliget? D. 5. c. 1.

Doctrina declarata ut probabilior an possit esse falsa? Q. 6. n. 32. & 33. An declaratur falsa, quæ temeraria, & erronea? n. 34. & 35. Doctrinarum variorum censuræ. Q. 15. n. 99. & q. 19. n. 137. Doctrinas contrarias istis decretis docere, est peccatum scandalii. Q. 19. n. 142. Dolus à propria quandoque significatione extrahitur. D. 18. c. 1. n. 12.

Domicilium pro matrimonio. D. 3. c. 8. à num. 77.

Dubium quomodo deponatur: & an tenui assensu? D. 3. c. 4. Speculativum, seu facti, seu juris, inducit obligationem inquirendi. D. 21. c. 6. n. 36.

E

Ecclesiasticorum bona. D. 7. c. 4. n. 50. Eleemosyna quando, & ex quibus bonis largienda? D. 7. c. 4.

Error, & ignorantia invincibilis etiam circa fidem. D. 4. c. 6. à n. 67.

Escobar ab impostura liberatus. D. 5. c. 2. Eucharistiæ administrationem simulare, portigendo non consecratam hostiam, nunquam licet. D. 18. c. 6. & 7. Quale id peccatum foret? ibi n. 75. Licet aliquando nullam re ipsa dare, occulte subrahendo hostiam. c. 8. at non semper. ibi n. 84. Ea occultatio est debita, cum licet Sacerdoti. ibi n. 86. & 87. Simulata hostiæ offensio. ibi à n. 90. Eucharistiæ simulata confectio maius peccatum, quam simulata administratio. Ea. D. 18. c. 6. à n. 66.

F

Famulorum, & officiorum diversitas pro justa mercede computanda. D. 23. c. 2. à n. 13. vide *Compensatio*.

Fidei non sufficit opinio revelationis. D. 4. c. 4. Nec componitur illa cum noticia solum probabili Divinæ revelationis, aut cum formidine, ne Deus non sit locusus. D. 10. c. 3. In materia fidei, & morum adsunt opiniones utrimque licite defensibiles. D. 4. c. 5. & 6. Immo quod probabiliter est de fide, potest in se tantum esse probabilius, & falsum. ibi. n. 59. Ejus assensus est magis in se firmus, quam mereatur pondus rationum impellentium. D. 10. c. 1. Rationes istæ non includuntur in motivo fidei. ibi. n. 5. vox *rationes* in propositione damnata facere potest sensum exclusivum. ibi. n. 11. Præhabitus ejus assensus non potest repudiari prudenter. D. 10. c. 2. Si esset discursiva formaliter, præsupponeret assensum omnino certum Divinæ revelationis. ibi. c. 3. n. 25. Attingit non tantum veritatem revelatam; sed & ipsam revelationem. ibi. n. 26. Quam formidinem excludit. ibi. c. 4. n. 33. & 34. Explicita Dei ut remuneratoris necessaria necessitate mediæ. D. 11. c. 1. Hæc non continetur implicitè in explicita Dei, ut unus est. c. 2. n. 15. Fides Dei summi boni non sufficit ad amorem amicitia. c. 3. n. 20. An ad amorem benevolentia? ibi. n. 21. Fides remuneratoris est necessaria ad propositum suscipiendi Sacramentum. ibi. n. 24. Eiset ad salutem necessaria, licet non requireretur actus Spei Theologicæ. ibi. à n. 25. Fides lata, & stricta. D. 11. c. 4. n. 27. Neutra se sola sufficit ad justificationem. ibi. n. 29. & 32. Remuneratoris supernaturalis quovis tempore fuit ad salutem necessaria. ibi. n. 34. Fidem exterius negare cum restrictione purè interna, duplex delictum. D. 13. c. 6. n. 54. An eam faceri debeat interrogatus à potestate publica? D. 9. c. 3. Quid, si à privata? ibi. n. 34. An fugere liceat? ibi. n. 42. vide *Insuper. Præceptum*.

Finem ultimum in creatura ponere quis dicitur? D. 6. c. 2. n. 22.

Firmitas in assensu fidei duplex. D. 10. c. 1. n. 2. Intrinseca cum certitudine recurrit. ibid. num. 3.

Fœtus non est pars matris ad hujus commodum, aut conservationem destinata. D. 20. c. 3. n. 20. Non est injustus aggressor, licet ex illo matris mors imminet. ibi. c. 5. n. 41. Ante nativitatem animari, certum. D. 21. c. 2. Non animatur in primo conceptionis momento. ibi. c. 5. Quo tempore? ibi n. 49. vide *Abortus*.

Formido de revelationis existentia non componitur cum fide supernaturali mysterii. D. 10. c. 3.

Formido duplex , & quam earum fides excludat? ibi.c.4.n.33.& 34.

Furtum nulla necessitate licitum ; etſi in aliqua liceat acceptio rei alienæ . D.22.c.1. Quid importet ex conceptu ſuo? ibi.n.5. Ut alienæ rei conſecratio non ſit furtum , ſupponi debet in ejus domino obligatio dandi illam.ibi.c.2. Et non quæcumque; ſed juſtitiz. ibi.à n.9.vide *Necceſſitas*. Furta minuta quando inducant obligationem gravem reſtituendi? Fur.vide *Occiſio*.

G

Gaudere de parricidio à ſe in ebrietate commiſſo, an liceat filio propter inde conſequutas ingentes divitas? D.8.c.4. An liceat gaudere de operibus materialiter malis in ſomno , ebrietate , aut ignoranter factis? ibi.n.37.

Gaudere, aut deſiderare pollutionem abſque periculo venereæ delectationis? ibi.n.43. De transgreſſione jejunii ignoranter facta? ibi.n.46. De congreſſu honeſto, an conjugi abſenti, vel viduiſ? ibid.

Gaudere in eſſectu, & non in cauſa. ibid. à n.49.

H

Hæres. An licitè poſſit occidere impediendam additionem injuſtè? D.19.c.5.& 6. Inſtitutus in teſtamento ſolemnitate carente an poſſit uti occulta compenſatione? D.23.c.10. à n.95. An ex eo teſtamento jure naturali debeat hereditas? ibi.n.99.

Hæretici fidem non deſectant , quia de veracitate Dei, ſed quia de ejus loquutione formidant. D.10.c.3.n.26. Hæreticus eſſet , qui formidinem haberet actualem circa res fidei , aut judicaret eas eſſe duntaxat probabiles. ibi.c.4.n.31.

Homicidium in abortu ſæpe committitur. D.21.c.4. An in omni? ibi.c.5. Quo tempore committitur à die conceptionis? ibid. n.52. vide *Occiſio*.

Honor ablatus ab impingente alapam non recuperatur occiſione ejusdem jam fugientis. D.19.c.3.

I

Idololatriæ culpam an committat , qui ex condicto cum Sacerdote non conſecratam hoſtiam ſumit? D.18.c.7.n.71. Quid de circumſtantibus, qui paſtum ignorant? ibi.n.73. Occaſionem dare materialis idololatriæ quale peccatum? ibid.n.75.

S. Ignatii exercitia. Q.19.n.136.

Indifferentia, quæ? D.8.c.7.n.65.

Infamia reſtè ne cum morte comparetur? D.20.c.3.n.23.

Infidelis quibus ſenſibus dici potuerit excuſari opinione minùs probabilis? D.4.c.1. Ea propoſitio ſupponit falſum. ibi.c.2. Maximè circa apoſtatas. ibi.n.15. & iterùm.c.3. Teneatur inquirere veritatem. ibid.à n.23. Excufari poteſt, non opinione probabilis, ſed impoſſibilitate credendi. ibi.à n.29.

Invidia an , & quando mortale peccatum? D.8.c.3.n.26.& 28.

Irregularitas probabilis. D.2.c.2.n.22. Contraſta ex procurato abortu faciliùs in extraneis, quàm in patre diſpenſabilis. D.21.c.4.n.41. An contrahatur in dubio de animatione foetus? ibi.c.6.

Judex in quaſtione facti ſequatur probabilis. D.2.c.1. Et etiam juris ſolius. ibi.à n.6. Et ſaltem praxi, ac conſuetudini minor probabilitas cedere debuit. ibi.c.2. Quid in cauſis favorabilibus? n.19. & ſequentibus, & iterùm.c.3. Ei jam nunquam licebit judicare ex opinione minùs probabilis. ibi.c.4. An liceat cum exiguo probabilitatis exceſſu? ibi.c.6. nu.52. Quid, ſi opinio communis videatur minùs probabilis? ibi.à n.53. ad 62. An liceat opinio aliena? ibid. c.7. Quid de ſententiis interloquutoriiſ? ibi.n.69.

Juramentum aſſertorium mēdacii, etiam leviffimi , mortale peccatum. D.12.c.1. Promiſſorium , ſeu comminatorium rei venialiter malæ (modò ad ſit a nimis implendi) non eſt peccatum grave. ibi.à n.9. Cur hæc præ aſſertorio materiæ parvitatem admittant? ibi.c.2. Rei malæ , ſi fiat ſine animo implendi , unum eſt peccatum, & grave ſemper ; ſi cum animo, duplex; at non ſemper grave. ibi.n.19. Urbanitatis, punitionis filiorum, &c. quando ſit grave? ibi.à n.20. In aſſertorio falſo levitas peccati ob parvitatem periculi jurandi falſum. ibi.n.22. Non ſufficit prudens , aut probabile judicium de rei exiſtentia. ibi.n.23. Jurare ſine animo jurandi, ſemper illicitum. ibi.c.3. Si falſum, grave. ibi.c.4. (Minùs tamen, quàm ſi cum animo. ibi.n.31.) Si verum, ſæpe grave, ſæpe etiam leve. ibi.c.5. Nec damnatio propoſitionis 25 reſtringenda ad juramentum aſſertorium falſum. ibi.c.6.n.42. Sine animo non licet uti verbis illis, quæ verum conſtituerent juramentum, ſi adefſet animus. ibi.n.44. Quid de verbis, quæ communiter non accipiuntur, ut juramentum? ibi.n.46. Quomodo dignoſcantur hæc verba? ibi.n.47. Jurare cum reſtrictione purè interna num ſemper illi-

illicitum? D. 13. per totam. Si restrictio adhibetur animo decipiendi, perjurium est ib. cap. 3. & D. 14. c. 4. Juramentum esse potest contra Religionem, etsi veritatem confirmet. D. 14. c. 1. à n. 3. Promissorium non adimplens, dat penas perjuri. ib. n. 7. Voluntaria tantum restrictio verum majorem habet speciem mendacii, quam promissorium rei illicitæ. ib. c. 2. à n. 20. Quot nominibus illicitum juramentum sola restrictio voluntaria verum? ib. c. 3. Jurare ob solam voluptatem, illicitum. D. 6. c. 2. n. 19.

Jurisdictionis opinio an certam reddat absolutionem? D. 1. c. 7. & 8.

Jus ad rem an licitam reddat occisionem impedienti assequutionem injustam? D. 19. c. 5.

Justificatio qualem amore complacentiæ possulet? D. 11. c. 3. n. 21.

Lex prohibens aliquid intrinsecè turpe, quatenus obliget? D. 18. c. 2. n. 22.

Licentia debita sæpe præsumptam inducit, ad excusandum, seu Religiosum à proprietate, seu quemlibet à furto. D. 22. c. 5. n. 33.

Matrimonium an, & qua opinione valere defendatur? D. 2. c. 7. Praxis in judicando. ib. c. 8. n. 76. Nihil in hoc vel dubia prodest, vel tenuis probabilitas. ib. à n. 77. Prævalet ejus favor in pari causa, vel imparitatis dubio. ib. n. 83. Odiosum Ecclesiæ cum rigore judicandum. ib. c. 9. Contractum culpabiliter sine monitionibus quo sensu sit clandestinum? ib. à n. 98. An obliget ad debiti redditionem foeminam, quæ noverat, in primis nuptiis sibi periculosum fuisse? D. 20. c. 5. à n. 43. Simulata ejus administratio quatenus excusetur, ob metum gravem? D. 18. cap. 3. Sub eo metu præbens consensum absolutum graviter peccat. ib. c. 4. num. 38. vide *Sacramentum. Simulatio*.

Mendacium in restrictione animo decipiendi. D. 12. c. 3. In factis sæpe reperitur. ib. n. 17. In silentio. n. 18. Non requirit directam intentionem decipiendi. n. 19. Jocosum quando peccatum? n. 21. Non mentiendi, & non decipiendi distincta præcepta. ib. c. 4. n. 30. Mendacium non prohibetur inutiliter, etiam quando licet interna restrictio. D. 15. c. 7. à n. 61. Animum fallendi semper includit. ib. n. 46. Omnia sunt ejusdem rationis in ordine ad Divinum testimonium. D. 12. c. 2. n. 14.

Merces famulorum unde taxanda? D. 24.

c. 1. Ejus cessio sæpe fraudulenta, sæpe & Simoniaca. ib. à n. 13.

Metus gravior an justa causa Sacramentorum administrationem simulandi? D. 18. c. 1. & seqq. An administrandi illa cum æquocatione? ib. c. 5. Potentior, quam spes, ad faciendum involuntarium. D. 19. c. 6. n. 64. Mortis potentior etiam, quam infamiae. D. 20. c. 3. n. 23. Cadens in virum constantem, qualis? ib. n. 27. Metus in Confessario sollicitato. D. 18. c. 10. à n. 113.

Missarum reductio. vide *Compensatio*.

Molina vindicatus ab impostura. D. 19. c. 4. n. 49.

Montes pietatis certò liciti. Q. 13.

Mors alterius an possit licitè desiderari propter emolumentum temporale inde proveniens? D. 8. c. 1. & 3. An propter bonum spirituale? ib. & c. 2. An quandoque possit amari directè? D. 19. c. 7. Propriam an aliquando desiderare liceat? D. 8. c. 6. An ob leves calamitates? ib. c. 7. præsertim. n. 67. Mortis, & infamiae comparatio. D. 20. c. 3.

Necessitas medii, & præcepti. D. 13. c. 1. num. 3.

Nulla necessitas licitum reddit furtum, etsi aliqua licitam faciat alieni contestationem. D. 22. c. 1. Ut hæc liceat, supponi debet ejus dominum esse obligatum ad rei dationem. ib. c. 2. Ex quidem ex justitia. ib. à n. 9. An sic obligetur Dominus in extrema? ib. c. 3. An etiam in valde gravi? ibidem à n. 19. Gravis, an æquiparetur aliquando extremæ ad excusandum à furto? ib. c. 4. Quam perspecta debeat esse ad excusationem istam? ib. c. 5. n. 10. Non succurrens extremè indigenti an restituere teneatur? ib. c. 6. Necessitas emptoris, aut locatoris non minuit justum pretium mercis, aut mercedis. D. 23. c. 3. n. 27.

Occisio an ex se indifferens? D. 8. c. 7. n. 65. & 66. Non licet ob calumniam imminentem. D. 19. c. 1. Nec in aliquo raro casu. ib. à n. 13. Neque dehonorantis, & jam fugientis. ib. c. 2. An fugientis latronis? ib. c. 3. n. 25. Illa non recuperatur honor. ib. n. 27. Qualem inducat irregularitatem? ib. n. 36. Occisio defendentis, aut continuantis injuriam hic non damnatur. ib. n. 37. Non licet impedientis injustè possessionem eorum, ad quam vel jus habemus, vel habituros speramus. ib. c. 5. & 6. Amicus defenditur. ib. n. 53. Furis pro defensione unius auri regulariter illicita. ibi.

Quæ in hoc opere continentur.

ibi. c. 4. Quid si fuerit magna summa, aut exigua summæ necessaria? **ibi. à n. 42.** Quid si fur contumeliam simul inferat? **ibi. à nu. 47.** Occisio, seu mors alterius quo sensu possit amari directè, ut medium defensionis? **D. 19. c. 7.** Vincent. Baron. reprehenditur. **ibid. num. 70.**

Opinio minus probabilis circa sectam. vide Infidelis. Opinio nunquam est probabilis contra fidei credibilitatem. **D. 4. c. 3. & c. 5. n. 42. & 43.** Etiam probabilior insufficiens ad veram fidem. **ibi. c. 3. à n. 21.** Opiniones contrariæ, & utrinque licitæ in materia fidei, & morum. **D. 4. c. 5. & 6.** Opinio probabilis an in mortis articulo sufficiat? **D. 5. c. 4. n. 31.** De inæqualitate mercedis non reddit licitam compensationem occultam. **D. 23. c. 8.** Immo nec probabilior. **ibi. à n. 69.** Nisi quando rem facit moraliter certam. **ibi. c. 9.**

Orandi præceptum quando obliget? D. 5. c. 2. n. 14.

Originale peccatum contra hitur in utero. D. 21. c. 2. n. 22. & c. 3. n. 29.

P

Parere non dicitur illa, cui mortuus filius effectus est. D. 21. c. 2. n. 21.

Parricidium. vide Gaudere.

Particulæ pro nunc, interim. Q. 5. & q. 19. n. 141. & 142.

Parvuli ante partum animantur. D. 21. c. 2. Tunc originale contra hunc. **ibi. num. 12.** Martyrii palmam consequuntur, matre in odium fidei occisa. **ibi. n. 15. 16.** Non animantur anima matris à n. 18. Baptizari possunt nondum nati. **ibi. c. 3. n. 24.** Eorum curam an habere incipiat Angelus tutelar? **ibi. n. 32.**

Perjuri deordinatio non metienda ex deordinatione mendacii. D. 12. c. 1. n. 7. Perjurium an semper committitur, quando verba mentaliter restringuntur. **D. 13. & seq.** Latè sumptum non semper confirmat mendacium. **D. 14. c. 1. à n. 2.** Sæpe tale est juramentum assertorium, & si nec falsitas appareat, nec ejus peticulum. **ibi. c. 2. à n. 16.** Semper tale est juramentum ex animo decipiendi. **ibi. c. 4.** Perjurus quomodo possit esse melioris conditionis, quàm pejorare nolens? **D. 17. c. 5. à n. 38.**

Perniciosa propositio. Q. 3.

Pollutionem desiderare, vel de illa gaudere. D. 8. c. 5. n. 42.

Pontifex errare non potest in his censuris. Q. 13. Dat plenam certitudinem; sed non

fidei. **Q. 14.** Pontifices an, & quomodo aliquando dissenserint? **Q. 16.**

Possessio quoad aliqua certa, non juvat quoad incerta. D. 17. c. 7. n. 68. Possessor bonæ fidei quousque jus habeat ad possessionem tuendam? **D. 23. c. 8. n. 64. & 80.**

Præceptum diligendi proximum actu interno, & formali. D. 7. c. 1. Quo actu implentur? **c. 2.** Quando impleri debeat? **ibi. num. 20.** Quinam sint proximi? **c. 3. n. 25.** Præceptum speciale fidei. **D. 9. c. 1.**

Pœnitendi ibi. n. 3. Diligendi Deum. **D. 5. c. 5. n. 39.** Hoc quando obliget? **D. 5. c. 1. & c. 5. n. 42.** (ubi de præceptis Fidei, & Spei.) An obliget intra quinquennium? **D. 5. c. 2.** Quo primum tempore? **c. 3.** Excusat sæpe invincibilis ignorantia. **ibi. n. 20.** Non obligat statim post peccatum. **n. 22.** Obligat in extremo vitæ periculo: nec sufficit tunc attritio. **ibi. c. 4. n. 26.** Maxime, si de Sacramenti valore dubitatur. **n. 30. & 35.** Non solum obligat, cum tenemur justificari, & alia via deficit. **D. 5. c. 5.** Juber dilectionem Dei, non tantum ut medium ad observanda alia præcepta; sed etiam ut medium necessarium ad salutem. **ibi. c. 3. n. 23.** Non illi sit satis per actus aliorum virtutum. **D. 5. c. 1. num. 8.** Nec per amorem concupiscentiæ, etiam cum affectu servandi omnia mandata. **n. 9.** An per dilectionem moraliter perfecte verantem impleatur in mortis articulo? **ibi. c. 4. n. 34.**

Præceptum suscipiendi Sacramentum Pœnitentiæ quoties obliget? D. 5. c. 1.

Probabilitas alterari potest. Q. 15. à n. 104. Tenuis, cui, & quo sensu ad proxim placuerit? **D. 3. c. 1.** Male pro ea citantur Auctores. **n. 9. & 10. & c. 3. n. 29. & 30.** Prædicta certa semper sufficit. **c. 1. n. 11. & 12.** Prædicta tenuis quid, & qualiter damnetur? **c. 2.** Tenuis improbabilitas. **c. 3. n. 26.** An sit tenuis probabilitas, quæ minima, vel dubia? **c. 4.** Et iterum, an probabilis, & an hæc praxi sufficiat? **c. 5.** Probabilitas quando certa? **c. 6.** Istius certitudinis signa. **ibi. à n. 65.** Etiam in opinionibus novis. **ibi. à n. 67.**

Probabilitas tenuis. D. 3. c. 3. n. 34. Probabilior. **ibi. c. 5. n. 55.**

Propositiones scandalosæ. Q. 2. An hæc damnatæ sint hujusmodi? **Q. 4.** Damnantur etiam ut falsæ. **Q. 6.**

R

Religionum approbatio, & Sanctorum Canonizatio quàm certa? Q. 13. num. 81. & 82. & **Q. 14.** num. 93.

Remu.

Remuneratoris fides necessaria necessitate mediæ. **D. 11. c. 1.** Quenam in ea contineantur? **ibi. n. 5.**

Restitutio magnæ quantitatis, minutis etiam furtis ablata, obligat sub mortali. **D. 24. c. 2.** Sive tota penes furem extet, sive consumpta sit. **ibi. à n. 11.** Quid si à pluribus casu fiat damnum grave per parva furtiva? **à num. 14.** Gravis obligatio restituendi etiam ex culpa levi: & variæ ad id regulæ. **ibi. c. 3.**

Restitutio purè interna. **D. 13.** Addita verbo *nescio* perinde, ac addita verbo *non feci*. **c. 2. n. 10.** Animo decipiendi concepta nec à mendacio potest, nec à perjurio excusare. **c. 3. à num. 13.** Ex variis capitibus illicita. **c. 4. à num. 23.** An ex se licita? **ibi. n. 25.** Voluntaria est contra veritatem. **c. 5.** Et peccatum commissionis contra præceptum negativum hujus virtutis. **ibi. à num. 43.** Fallacia dici debet potius, quàm mendacium. **c. 6.** Causa sufficiens ad eam occultandam non semper sufficit ad jurandum sub illa. **D. 14. c. 3. numer. 24.** Non omnis, quæ aufert à restrictione mendacium, aufert & injustitiam. **ibi. num. 25.** Ex aliqua tamen causa honestatur. **D. 15. c. 1. 2. & 3.** Negativa sententia quo differat ab affirmante? **c. 4.** Restrictio externa sensu exceptibilis, sæpe inutilis: imperceptibilis non magis utilis, quàm interna ad evitandum mendacium. **ibi. n. 36.** Restrictio interna quatenus excuset à mendacio? **c. 5. & 6.** Quod ea liceat, non infert, licere mendacium. **c. 7. n. 61.** An inter affirmativas, & negativas voces discernim? **ibi. n. 72.** Non omnis restrictio subjacet Pontificiæ censuræ. **c. 8.** Causæ ad eam honestandam insufficientes. **D. 16. c. 1.** Sufficientes. **c. 2.** Exempla. **ibi. à n. 14.** An sufficiat sola interrogantis importunitas? **c. 3. n. 17.** An mutui peticio? **ibi. n. 19.** An cum Interrogans non facit injuriæ? **ibi. à n. 20.** An cum hic ignorat, adesse justam restrictionis causam? **ibi. à n. 23.** An respondendo ad mentem interrogantis? **n. 25.** An nullo interrogante? **n. 27.** Non licet promissi contra legem ad officium ex munere, vel commendatione. **D. 17. c. 1.** Etiam fidelicium sit occultum. **ibi. à n. 4. & c. 4.** Si lex inhabilem ipso facto reddat. **c. 2.** Secus, si requirat sententiam judicis, & simul interrogatio fiat non promotio, sed promovendo. **c. 3.** Aut etiam si fiat parato vel non accepta-

re, vel relinquere officium. **c. 4. à n. 30.** Quid, si commendatio, vel munera non influant efficaciter in promotionem? **ibid.** Restrictio an, & quando liceat reo? **ibi. à n. 24. & c. 6. & 7.** An in administratione Sacramentorum, urgente metu gravi? **D. 18. c. 5.**

Resurrectio parvulorum, qui mortui sunt in utero, Theologicè certa. **D. 21. c. 4. n. 34.**

Revelatio probabiliter tantum proposita, & credita non sufficit ad fidem. **D. 10. c. 3.** Sufficenter proposita est justa assentiendi ratio. **n. 25.** Credi debet cum veritate revelata. **n. 26.** In eam ultimiò resolvitur fides. **n. 27.**

Reus quomodo respondeat? **D. 17. c. 3. à n. 24. & c. 6. & 7. vide Restrictio.**

Sacerdos ad certum Missarum numerum vi, aut necessitate compulsus, quatenus uti possit compensatione? **D. 23. c. 4. vide Compensatione.**

Sacramenti administratio non certa est peccatum, ut minimum contra charitatem. **D. 1. c. 2. Immo contra justitiam. ibi. n. 16.** An contra Religionem? **n. 22. & c. 3. n. 30. & c. 6. n. 56.** In hac materia periculum damni levis est peccatum leve. **c. 2.** Confectuò attendenda. **c. 4.** Exceptiones aliz faciendæ. **ibi. n. 40.** Necessitas facit licitum usum cum probabilitate, ac dubietate valoris. **c. 5. & c. 6. n. 54.** An aliquando liceat sine necessitate? **n. 55.** Licet sæpe usus opinionis ex parte suscipientis. **n. 56.** Non licet (etsi damnatus hic non sit) in conficiendo. **n. 62.** Quisnam Sacramenti usus prohibitioni oppositus, & vitandus? **D. 1. c. 9.** Sacramenti simulatio non excusatur ob metum gravem. **D. 18. c. 1.** Ejus verba illicitè proferuntur absque intentione conficiendi. **c. 2. n. 16.** An liceat in Sacramento matrimonii ob metum gravem ad id incusum? **c. 3.** An tunc gravior sit non simulare, quàm simulare consensum? **c. 4.** Liceat ne tunc æquivocatio, vel restrictio? **c. 5.** Quid si Sacramenti administratio futura erat illicita; non tamen invalida? **ibi. n. 59. vide Excharistia. Simulatio.**

Sartores an possint se occultè compensare panni, vel serici fragmentis? **D. 23. c. 7.**

Scandalum non datum, sed acceptum, ut in voluntate, sic & in intellectu. **D. 13. c. 4. à num. 33.**

Semen an licitè possit citi à semina per vim cognita? **D. 20. c. 6. à n. 46.**

Signum sensibile ex parte insensibili consistere potest. **D. 15. c. 5. n. 65.**

Sim-

Qua in hoc opere continentur.

Simplicitas à veracitate non distinguitur.
D.13.c.5.n.39.

Simulatio in administratione Sacramentorum non licet ob metum . D. 18. c. 1. Et si adsit intentio conficiendi Sacramentum. ibi. c. 2. An in matrimonio? c. 3. An in casu metus irritantis pejus sit simulare, quàm habere intentionem? c. 4. Simulatio Sacerdotii. c. 9. Hostiæ consecratæ. ibi. à n. 90. Confessionis, & quæ ad denunciandum obliget? ibi à n. 93.

Solicitatio, & simulatio in Confessario . D. 18. c. 9. à n. 97. Regulæ obligationis tunc denunciandi. ibi. c. 10.

Spes veniæ quatenus ad justificationem necessaria? D. 11. c. 3. n. 23. Spes retributionis haberi potest ex motivo amicitiae, n. 26. Spes ad bona reddat ne licitam defensionem occisivam injustè impediens? D. 19. c. 5. à n. 54. & item c. 6.

Subditus an possit ex opinione probabili se rueri contra præceptum Superioris utentis opposita probabili? D. 17. c. 7. à n. 61. Superflua bona quæ? D. 7. c. 4.

Supernaturalis assensus prudenter irreputabilis. D. 10. c. 2. n. 17. Eidem repugnat incertitudo. c. 3. n. 25.

T

Tamburinus vindicatus. D. 5. c. 6. D. 8. c. 1. & D. 9. c. 1.

Temperantiæ mensura in actu conjugii
D. 6. c. 3. In cibo, & potu. ibi. c. 1.

Testamentum solemnitate carens an tribuat hæredi instituto jus ad occultam compensationem? D. 23. c. 10. à n. 95. An pariat naturalem obligationem? n. 99.

Timor Dei ad justificationem quam necessarius? D. 11. c. 3. n. 22. Gehennæ sine spe veniæ insufficiens dispositio. n. 23

Tyranni mortem an desiderare liceat? D. 8 c. 7. n. 70

V

Vasquez defenditur. D. 7. c. 4. n. 35.

Veracitas restrictione voluntaria violatur. D. 13. c. 5. n. 38. Non semper præcipit, ut verba menti conformentur ad æquatè. D. 15. c. 6. n. 54.

Verba vocalia cum mentalibus unam integram orationem construere possunt. D. 15. c. 5. n. 41.

Viduis an liceat gaudere de actu conjugii? D. 8. c. 5. n. 46.

Virginitalis velum non conceditur violentiam passis. D. 6. c. 4. n. 43.

Voluntas facere potest, ut assensus sit in se certior, quàm mereatur pondus rationum impellentium. D. 10. c. 1. n. 8.

Voluptatis causa quæ sunt, ut minimum otiosa. D. 6. c. 2. n. 18.

F I N I S.





